



2^o Liturg.

450³

<36626018720010

<36626018720010

Bayer. Staatsbibliothek

S. PH. V. PONTIF. S. MAGNI

ANNO EDITI

CLIMENTIS VIII ET URBANI VIII

ALPHABETUM ROMANUM

— 1624 —

TERMIN

ALPHABETUM ROMANUM



ALPHABETUM ROMANUM

ALPHABETUM ROMANUM



C

MISSALE ROMANUM

EX DECRETO

SACROSANCTI CONCILII TRIDENTINI

RESTITUTUM,

S. PII V. PONTIFICIS MAXIMI

JUSSU EDITUM,

CLEMENTIS VIII. ET URBANI VIII.

AUCTORITATE RECOGNITUM.



EDITIO NOVISSIMA AD EXEMPLAR ROMANUM ANNI MDCCCXLII ACCURATE EXPRESSA,

MENDIS DILIGENTER SUBLATIS,


NOVIS INTERIM ET AB S. APOSTOLICA SEDE APPROBATIS FESTIS AUCTA,

NOVIS ITEM INITIALIBUS LITERIS

ET IMAGINIBUS AERI INCISIS EXORNATA.



AUCTORITATE REVERENDISSIMI ET ILLUSTRISSIMI EPISCOPI RATISBONENSIS.



RATISBONÆ,

SUMTIBUS, CHARTIS ET TYPIS FRIDERICI PUSTET.

MDCCCLII.

9/62/1166
500.D

Bayerische
Staatsbibliothek
MÜNCHEN

PIUS EPISCOPUS

SERVUS SERVORUM DEI

AD PERPETUAM REI MEMORIAM.



Uo primum tempore ad Apostolatus apicem assumpti fuimus, ad ea libenter animum, viresque nostras intendimus, et cogitationes omnes direximus, quae ad Ecclesiasticum purum retinendum cultum pertinerent, eaque parare, et Deo ipso adjuvante, omni adhibito studio efficere contendimus. Cumque inter alia sacri Tridentini Concilii decreta nobis statuendum esset de sacris libris, Catechismo, Missali, et Breviario edendis, atque emendandis: edito jam, Deo ipso annuente, ad populi eruditionem Catechismo, et ad debitas Deo persolvendas laudes Breviario castigato, omnino, ut Breviario Missale responderet, uti congruum est, et conveniens (cum unum in Ecclesia Dei psallendi modum, unum Missae celebrandae ritum esse maxime deceat) necesse jam videbatur, ut quod reliquum in hac parte esset, de ipso nempe Missali edendo, quamprimum cogitaremus. Quare eruditis delectis viris onus hoc demandandum duximus: qui quidem diligenter collatis omnibus cum vetustis nostrae Vaticanae Bibliothecae, aliisque undique conquisitis, emendatis, atque incorruptis codicibus, nec non veterum consultis ac probatorum auctorum scriptis, qui de sacro eorumdem rituum instituto monumenta nobis reliquerunt, ad pristinam Missale ipsum sanctorum Patrum normam, ac ritum restituerunt. Quod recognitum jam, et castigatum, mature adhibita consideratione, ut ex hoc instituto, cœptoque labore, fructus omnes percipiant, Romae quamprimum imprimi, atque impressum edi mandavimus; nempe ut Sacerdotes intelligant, quibus precibus uti, quos ritus, quasve caeremonias in Missarum celebratione retinere posthac debeant. Ut autem à sacrosancta Romana Ecclesia, caeterarum Ecclesiarum matre et magistra, tradita ubique amplectantur omnes, et observent, ne imposterum perpetuis futuris temporibus in omnibus Christiani orbis Provinciarum Patriarchalibus, Cathedralibus, Collegiatis, et Parochialibus, Saecularibus, et quorumvis Ordinum, Monasteriorum, tam virorum, quam mulierum, etiam Militiarum regularibus, ac sine cura Ecclesiis vel Capellis, in quibus Missa Conventualis alta voce cum Choro, aut demissa, celebrari juxta Romanae Ecclesiae ritum consuevit, vel debet, alias quam juxta Missalis à nobis editi formulam decantetur, aut recitetur, etiamsi eadem Ecclesiae quovis modo exemptae Apostolicae Sedis indulto, consuetudine, privilegio, etiam juramento, confirmatione Apostolica, vel aliis quibusvis facultatibus munitae sint; nisi ab ipsa prima institutione à Sede Apostolica approbata, vel consuetudine, quae, vel ipsa institutio super ducentos annos Missarum celebrandarum in eisdem Ecclesiis assidue observata sit: à quibus, ut praefatam celebrandi constitutionem, vel consuetudinem nequaquam auferimus; sic si Missale hoc, quod nunc in lucem edi curavimus, iisdem magis placeret, de Episcopi vel Praelati, Capituli universi consensu, ut, quibusvis non obstantibus, juxta illud Missas celebrare possint, permittimus: ex aliis vero omnibus Ecclesiis praefatis eorumdem Missalium usum tollendo, illaque penitus et omnino rejiciendo, ac huic Missali nostro nuper edito, nihil unquam addendum, detrahendum, aut immutandum esse decernendo, sub indignationis nostrae poena, hac nostra perpetuo valitura constitutione statuimus, et ordinamus. Mandantes, ac districte omnibus et singulis Ecclesiarum praedictarum Patriarchis, Administratoribus, aliisque personis quacumque Ecclesiastica dignitate fulgentibus, etiamsi S. R. E. Cardinales, aut cujusvis alterius gradus, et praeeminentiae fuerint, illis in virtute sanctae obedientiae praecipientes, ut caeteris omnibus rationibus, et ritibus ex aliis Missalibus quantumvis vetustis hactenus observari consuetis, in posterum penitus omissis, ac plane rejectis, Missam juxta ritum, modum, ac normam, quae per Missale hoc à nobis nunc traditur, decantent, ac legant; neque in Missae celebratione alias caeremonias, vel preces, quam quae hoc Missali continentur, addere, vel recitare praesumant. Atque ut hoc ipsum Missale in Missa decantanda, aut recitanda in quibusvis Ecclesiis absque ullo conscientiae scrupulo, aut aliquarum poenarum, sententiarum, et censurarum incursu, posthac omnino sequantur, eoque libere, et licite uti possint, et valeant, auctoritate Apostolica, tenore praesentium, etiam perpetuo concedimus, et indulgemus. Neve Praesules, Administratores, Canonici, Capellani, et alii quocumque nomine nuncupati Presbyteri saeculares, aut cujusvis Ordinis regulares, ad Missam aliter, quam à nobis statutum est, celebrandam teneantur: neque ad Missale hoc immutandum à quolibet cogi, et compelli, praesentesve litterae ullo unquam tempore revocari, aut moderari possint, sed firmæ semper et validæ in suo existant robore, similiter statuimus, et declaramus. Non obstantibus praemissis, ac constitutionibus, et ordinationibus Apostolicis, ac in Provincialibus, et Synodalibus Conciliis editis

generalibus, vel specialibus constitutionibus, et ordinationibus, nec non Ecclesiarum praedictarum usu, longissima, et immemorabili praescriptione, non tamen supra ducentos annos, roborato, statutis et consuetudinibus contrariis quibuscumque. Volumus autem, et eadem auctoritate decernimus, ut post hujus nostrae constitutionis, ac Missalis editionem, qui in Romana adsunt Curia Presbyteri, post mensem; qui vero intra montes, post tres: et qui ultra montes incolunt, post sex menses, aut cum primum illis Missale hoc venale propositum fuerit, juxta illud Missam decantare, vel legere teneantur. Quod ut ubique terrarum incorruptum, ac mendis et erroribus purgatum praeservetur, omnibus in nostro et sanctae Romanae Ecclesiae dominio mediate vel immediate subjecto commorantibus impressoribus, sub amissionis librorum, ac centum ducatorum auri, Camerae Apostolicae ipso facto applicandorum, aliis vero in quacumque orbis parte consistentibus sub excommunicationis latae sententiae, et aliis arbitrii nostri poenis, ne sine nostra, vel specialis ad id Apostolici Commissarii in eisdem partibus à nobis constituendi, ac nisi per eundem Commissarium eidem impressori Missalis exemplum, ex quo aliorum imprimendorum ab ipso impressore erit accipienda norma, cum Missali in Urbe secundum magnam impressionem impresso collatum fuisse, et concordare, nec in ullo penitus discrepare prius plena fides facta fuerit, imprimere, vel proponere, vel recipere ullo modo audeant, vel praesumant, auctoritate Apostolica, et tenore praesentium similibus inhibemus. Verum, quia difficile esset praesentes litteras ad quaeque Christiani orbis loca deferri, ac primo quoque tempore in omnium notitiam perferri, illas ad Basilicae Principis Apostolorum, ac Cancellariae Apostolicae, et in acie Campi Florae de more publicari, et affigi, ac earundem litterarum exemplis etiam impressis, ac manu alicujus publici tabellionis subscriptis, nec non sigillo personae in dignitate Ecclesiastica constitutae munitis, eandem prorsus indubitata fidem ubique gentium, et locorum haberi praecipimus, quae praesentibus haberetur, si ostenderentur, vel exhiberentur. Nulli ergo omnino hominum liceat hanc paginam nostrae permissionis, statuti, ordinationis, mandati, praecepti, concessionis, indulti, declarationis, voluntatis, decreti, et inhibitionis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac BB. Petri et Pauli Apostolorum ejus se noverit incursurum.

Datum Romae apud S. Petrum, anno Incarnationis Dominicae millesimo quingentesimo septuagesimo, pridie Idus Julii, Pontificatus Nostri Anno quinto.

Caes. Glorierius.

H. Cumyn.

Anno à Nativitate Domini millesimo quingentesimo septuagesimo, Indictione decima tertia, die vero vigesima nona mensis Julii, Pontificatus sanctissimi in Christo Patris, et Domini nostri, Domini Pii, Divina providentia Papae Quinti, anno ejus quinto, retroscriptae litterae publicatae, et affixae fuerunt ad valvas Basilicae Principis Apostolorum, ac Cancellariae Apostolicae, et in acie Campi Florae, ut moris est, per Nos Joannem Andream Rogerium, et Philibertum Cappuis Cursores.

Scipio de Octavianis Magister Cursorum.

CLEMENS PAPA VIII.

AD PERPETUAM REI MEMORIAM.



Um Sanctissimum Eucharistiae Sacramentum, quo nos Christus Dominus sacri sui Corporis participes effecit, atque apud nos usque ad consummationem saeculi permanere decrevit, maximum sit omnium Sacramentorum, illudque in Missa conficiatur, ac pro peccatis totius populi Deo Patri offeratur: sane omnino conveniens est, ut qui omnes unum sumus in uno corpore, quod est Ecclesia, et de uno Corpore Christi participamus, una et eadem celebrandi ratione, uniusque officii, et ritus observatione in hoc ineffabili, et tremendo sacrificio utamur. Quod cum Romani Pontifices Praedecessores nostri semper optarint, atque in hoc diu, multumque desudarint, tum in primis felic. record. Pius Papa Quintus Missale Romanum ex Decreto Sacri Concilii Tridentini ad veterem, et emendatiorem normam restitui, Romaeque imprimi curavit. Qui etsi multis propositis poenis severissime caverit, ne quid illi vel adderetur, vel ulla ratione demeretur; tamen progressu temporis, sive Typographorum, sive aliorum temeritas, et audacia effecit, ut multi in ea, quae his proximis annis excusa sunt Missalia, errores irrepserint, quibus vetustissima illa sacrorum Bibliorum versio, quae etiam ante sancti Hieronymi tempora celebris habita est in Ecclesia, et ex qua omnes fere Missarum Introitus, et quae dicuntur Gradualia, et Offertoria accepta sunt, omnino sublata est: Epistolarum, et Evangeliorum textus, qui hucusque in Missae solemniis praelectus est, multis in locis perturbatus: ipsis Evangeliiis diversa, ac prorsus insolita praefixa initia: plurima denique passim pro arbitrio immutata sint: cujus rei praetextus fuisse videtur, ut omnia ad praescriptum sacrorum Bibliorum Vulgatae editionis revocarentur, quasi id alicui propria auctoritate, atque Apostolica Sede inconsulta, facere licitum sit. Quod Nos animadvertentes, pro Nostra Pastoralis sollicitudine, qua omnibus in rebus, ac praecipue in sacris Ecclesiae ritibus, optimam, eamque veterem normam studemus tueri, et conservare, primum praedicta Missalia impressa sic depravata prohiberi, et abrogari, eorumque usum in celebratione Missarum interdicti jussimus, nisi ad praescriptum exemplaris sub ipso Pio Quinto editi integre in omnibus emendarentur: deinde mandavimus nonnullis venerabilibus fratribus Nostris sanctae Romanae Ecclesiae Cardinalibus in sacris litteris versatis et Ecclesiasticae antiquitatis peritis, ut curam Missale ad pristinam, et quam maxime emendatam formam restituendi susciperent: qui pro sua erga Nos fide, et in Romanam Ecclesiam pietate, et studio, adhibitis etiam aliis rerum Ecclesiasticarum peritis, et eruditis viris, et veteribus Missalibus, aliisque praeterea libris, qui ad eam rem opportuni videbantur, accurate perquisitis, et diligenter inspectis, Missale Romanum suae integritati restituere, ac ipsius Pii Quinti, et eorum, qui ab eo delecti fuerant, laborem, et diligentiam confirmare, et comprobare curarunt. Verum in eo munere peragendo factum est, ut nonnulla ex diligenti librorum antiquorum collatione in meliorem formam redacta, et in regulis, et rubricis aliqua uberius et clarius expressa sint: quae tamen ex illorum principiis, et fundamentis quasi deducta, illorum sensum imitari potius, et supplere, quam aliquid novi afferre videantur. Missale itaque, quod idem Pius Quintus ediderat, sic recognitum, in Nostra Typographia Vaticana, quam emendatissime imprimi, et ad communem utilitatem publicari jussimus. Ut autem illius usus in omnibus Christiani orbis partibus perpetuis futuris temporibus conservetur, ipsum Missale in alma Urbe Nostra in eadem Typographia tantum, et non alibi

imprimi posse decernimus: extra Urbem vero juxta exemplar in dicta Typographia nunc editum, et non aliter, hac lege imprimi posse permittimus, ut nimirum Typographis quibuscumque illud imprimere volentibus id facere liceat; requisita tamen prius, et in scriptis obtenta dilectorum filiorum Inquisitorum haereticae pravitatis in iis locis, in quibus fuerint, ubi vero non fuerint, Ordinariorum locorum licentia; alioquin si absque hujusmodi licentia dictum Missale sub quacumque forma de cetero ipsi imprimere, aut Bibliopolae vendere praesumpserint, Typographi, et Bibliopolae extra Statum nostrum Ecclesiasticum existentes, excommunicationis latae sententiae, à qua nisi à Romano Pontifice, praeterquam in mortis articulo constituti, absolvi nequeant: in alma vero Urbe, ac reliquo Statu Ecclesiastico commorantes, quingentorum ducatorum auri de Camera, ac amissionis librorum, et typorum omnium Camerae praedictae applicandorum poenas absque alia declaratione irremissibiliter incurrant eo ipso. Et nihilominus eorundem Missalium per eos de caetero absque hujusmodi licentia imprimendorum aut vendendorum usum ubique locorum, et gentium sub eisdem poenis perpetuo interdiciamus, et prohibemus. Ipsi autem Inquisitores, seu Ordinarii locorum, antequam hujusmodi licentiam concedant, Missalia ab ipsis Typographis imprimenda, et postquam impressa fuerint, cum hoc Missali auctoritate nostra recognito, et nunc impresso, diligentissime conferant; nec in illis aliquid addi, vel detrahi permittant, nec in praemissis praetextu incuriae Typographorum, aut non factae per correctores, vel alios ab ipsis forsitan deputandos diligentiae, se aliquo modo excusare, quodque in infra scriptas poenas non incurrerint, allegare valeant, et in ipsa licentia originali de collatione facta, et quod omnino concordent, manu propria attestentur: cujus licentiae copia initio, vel in calce cujusque Missalis semper imprimatur. Quod si secus fecerint, Inquisitores videlicet privationis suorum officiorum ac inhabilitatis ad illa, et alia imposterum obtinenda: Antistites autem, et Ordinarii locorum suspensionis à Divinis, ac interdicti ab ingressu Ecclesiae; eorum vero Vicarii, privationis similiter officiorum, et beneficiorum suorum, et inhabilitatis ad illa, et alia imposterum obtinenda, ac praeterea excommunicationis absque alia declaratione, ut praefertur, poenas incurrant eo ipso. Caeterum pauperum Ecclesiarum, Clericorum, et personarum Ecclesiasticarum, ac Typographorum, et Bibliopolarum quorumcumque indemnitate ex benignitate Apostolica rationem habentes, eisdem Missalia hactenus impressa penes se habentibus (iis dumtaxat exceptis, quae auctoritate Nostra, ut supra dictum est, interdicta, et abrogata fuerunt) ut ea retinere, et illis uti, eaque vendere respective possint, similiter permittimus, et indulgemus. Non obstantibus licentiis, indultis, et privilegiis quibuscumque Typographis hactenus per Nos, seu Romanos Pontifices praedecessores Nostros Missale praedictum Pii Quinti imprimendi concessis, quae per praesentes expresse revocamus, et revocata esse volumus: nec non constitutionibus et ordinationibus Apostolicis generalibus, vel specialibus in contrarium praemissorum quomodocumque concessis, confirmatis, et approbatis. Quibus omnibus etiamsi de illis, eorumque totis tenoribus specialis, specifica, et expressa mentio habenda esset, tenores hujusmodi praesentibus pro expressis habentes, hac vice dumtaxat specialiter, et expresse derogamus, caeterisque contrariis quibuscumque. Volumus autem, ut praesentium transumptis etiam impressis, vel manu alicujus Notarii publici subscriptis, et sigillo alicujus personae in dignitate Ecclesiastica constitutae munitis, eadem prorsus fides habeatur, quae ipsis praesentibus haberetur, si essent exhibitae, vel ostensae. Datum Romae apud S. Marcum sub annulo Piscatoris, die vii. Julii MDCIV. Pontificatus Nostri anno xiii.

M. Vestrius Barbianus.

URBANUS PAPA VIII.

AD PERPETUAM REI MEMORIAM.



SI quid est in rebus humanis plane divinum, quod nobis superni cives (si in eos invidia caderet) invidere possent; id certe est Sacrosanctum Missae Sacrificium, cujus beneficio fit, ut homines quadam anticipatione possideant in terris coelum, dum ante oculos habent, et manibus contrectant ipsum coeli, terraeque Conditorem. Quo magis est mortalibus laborandum, ut hoc tantum privilegium cultu, atque honore debito tueantur, caveantque Angelos negligentiae osiores, qui sunt aemuli venerationis. Hinc factum est, ut hujus sacri Mysterii celebrandi rationem, ac preces, quas Summi Pontifices praedecessores Nostri Pius V. et Clemens VIII. diligentissime recognosci, atque instaurari curaverunt, Nos quoque eorum vestigiis inhaerentes, iterum examinari, et si quid forte in iis assiduus (quod plerumque contingit) temporis cursus corruperit, restitui jusserimus. Quamobrem sicuti nuper ad divini Officii nitorem reformari Breviarium, ita demum hujus exemplo ad divini Sacrificii ornamentum corrigi Missale mandavimus. Et quoniam hasce quasi alas, quas Sacerdos instar Cherubim prisci Mystici Tabernaculi quotidie pandit ad verum mundi propitiatorium, decet esse plane geminas, atque uniformes, hujus rei curam commisimus viris eruditis, ac piis, quorum diligentia ita opus perfectum est, ut nihil desiderari amplius possit. Nam Rubricae, quae sensim ab usu, ritumque veteri degeneraverant, in pristinum restitutae; quae vero non ita captui legentium accommodatae videbantur, clarius explicatae; praeterea collata omnia cum codice sacrae Scripturae Vulgatae editionis, quaeque diversa irreperant, ad ejus unius exemplum, normamque correctae sunt. Verumtamen parum prodesse consuevit solertia Correctorum, nisi ad eam par Typographorum accedat industria; propterea dilecto Filio Andreae Brogiotto Typographiae nostrae Apostolicae Praefecto mandavimus, ut Missale ita expurgatum in lucem emittat. Sed quae imposterum extra Urbem imprimi contigerit, ea non aliter, quam ad exemplar in dicta Typographia nunc editum imprimi posse permittimus, requisita tamen prius, et in scriptis obtenta dilectorum filiorum Inquisitorum haereticae pravitatis in iis locis, in quibus fuerint, ubi vero non fuerint, Ordinariorum locorum facultate: alioquin si absque ea dictum Missale ipsi posthac imprimere, aut Bibliopolae vendere praesumpserint, Typographi, et Bibliopolae extra statum nostrum Ecclesiasticum existentes excommunicationis latae sententiae, à qua, nisi à Romano Pontifice, praeterquam in mortis articulo constituti, absolvi nequeant; in alma vero Urbe, et reliquo Statu Ecclesiastico commorantes, quingentorum ducatorum auri de Camera, ac amissionis librorum, et typorum omnium Camerae praedictae applicandorum poenas absque alia declaratione irremissibiliter incurrant eo ipso: et nihilominus eorundem Missalium per eos de caetero absque hujusmodi licentia imprimendorum, aut vendendorum usum ubique locorum, et gentium sub eisdem poenis interdiciamus et prohibemus. Ipsi autem Inquisitores, seu Ordinarii locorum antequam hujusmodi licentiam, et facul-

tatem concedant, Missalia ab ipsis Typographis imprimenda, et postquam impressa fuerint, cum hoc Missali auctoritate nostra recognito, diligentissime conferant, nec in illis aliquid addi, vel minui permittant. In ipsa vero licentia originali obtinenda, de collatione facta, et quod omnino concordent, manu propria attestentur: cujus licentiae copia initio, vel in fine cujusque Missalis semper imprimatur. Quod si secus fecerint, Inquisitores privationis suorum Officiorum, ac inhabilitatis ad illa, et alia imposterum obtinenda; Ordinarii autem locorum suspensionis à Divinis, ac interdicti ab ingressu Ecclesiae; eorum Vicarii privationis similiter officiorum, et beneficiorum suorum, et inhabilitatis ad illa, et alia imposterum obtinenda, ac insuper excommunicationis absque alia declaratione poenas incurrant eo ipso. Caeterum pauperum Ecclesiarum, Clericorum, et personarum Ecclesiasticarum, ac Typographorum, et Bibliopolarum quorumcumque indemnitate ex benignitate Apostolica rationem habentes, eisdem Missalia hactenus impressa penes se habentibus, ut ea retinere, et illis uti, eaque vendere respective possint, similiter permittimus, et indulgemus. Non obstantibus licentiis, indultis, et privilegiis quibuscumque Typographis, per Nos, seu Romanos Pontifices praedecessores nostros Missale imprimendi concessis, quae per praesentes expresse revocamus, et revocata esse volumus, nec non constitutionibus, et ordinationibus Apostolicis generalibus, vel specialibus, in contrarium praemissorum quomodocumque concessis, approbatis, et confirmatis. Quibus omnibus, etiamsi de illis, eorumque totis tenoribus specialis, specifica, et expressa mentio habenda esset; tenores hujusmodi praesentibus pro expressis habentes, hac vice dumtaxat specialiter, et expresse derogamus. Volumus autem ut praesentium transumptis etiam impressis, manu alicujus Notarii publici subscriptis, et sigillo alicujus personae in dignitate Ecclesiastica constitutae munitis, eadem prorsus fides adhibeatur, quae ipsis praesentibus adhiberetur, si essent exhibitae, vel ostensae.

Datum Romae apud sanctam Mariam Majorem sub Annulo Piscatoris, die secunda Septembris MDCXXXIV Pontificatus nostri Anno duodecimo.

M. A. Maraldus.

I. Savenier.

LICENTIA ET APPROBATIO ORDINARIJ.

VALENTINVS

Miseratione Divinâ et Sedis Apostolicae Gratiâ
EPISCOPVS RATISBONENSIS

Omnibus has visuris Salutem in Domino.



Uum Sapientissimis Romanorum Pontificum fel. recordat. CLEMENTIS VIII. et VRBANI VIII. decretis cautum sit, nequis libros typis vulgandi artifex Missale Romanum S. PII Papae V. jussu editum, atque praedictorum Summorum Pontificum CLEMENTIS VIII. primum, deinde VRBANI VIII. auctoritate recognitum imprimat vel in lucem edat, nisi speciali eâque in Scriptis impetratâ ab Ordinario loci veniâ et facultate, si iste quidem novum opus cum exemplari typis Vaticanis anno MDCXXXV, aut aliquo recentiori iisdem excuso, ad verbum concordare cognoverit, testatusque fuerit; quumque honoratus Fridericus Pustet, Catholicus hujus Civitatis Typographus et Bibliopola, Nobis supplicaverit, ut sibi per Nos praefatum Missale Romanum novis typis curate et nitide exscribere liceat, propterea quod recentia et correcta, quae passim desiderantur, per totam late viciniam exemplaria, modico pretio venalia, admodum raro prostent, sed expensis multo majoribus, atque remotis ex regionibus advehi debeant: Nos idcirco favendum illius precibus rati, facultatem Scripto dedimus, MISSALE antedictum ROMANUM novis typis et, quantum fieri possit, emendatissime imprimendi, servatis tamen quae servanda supra diximus.

Postquam igitur concordi Censorum et Correctorum, quibus hoc negotium mandavimus, testimonio post institutam summâ industriâ collationem, plena Nobis fides facta fuit, novellum opus propitio Numine prospere absolutum, cum Exemplo quod typis Vaticanis anno MDCCCXLII editum in lucem prodiit, per omnia congruere, nisi quod festa quaedam novissima a Sanctissimo Domino Nostro GREGORIO PAPA XVI., nunc feliciter regnante, permissa accesserint: jam Nos tandem recens hoc Missale, in formâ maximâ (in Folio dicunt) excusum approbavimus ejusque evulgandi potestatem fecimus, perinde ac per praesentes manu Nostrâ subscriptas illud approbamus atque vt evulgetur facultatem largimur.

Dabamus in aedibus Nostris episcopalibus Ratisbonae XII. Kal. Jun. MDCCCXLVI.

† **Valentinus** Ep. Ratisbon.

Locus † Sigilli.

Ex Speciali Reverendissimi et Illustrissimi Domini Ordinarii mandato

Jo. Bapt. Weigl Canon. Eccl. Cathedr.
Episcopal. Theologus et Officialis.

Ex Decretorum Registro Sac. Rit. Congregationis.

Sacra Rituum Congregatio inhaerendo Decretis alias factis prohibet omnino Missas à Sacra Rituum Congregatione non approbatas, et signanter Missas, nuncupatas S. Gregorii pro Vivis, et Defunctis, Missas quindecim Auxiliatorum, Missam de Patre Aeterno, et quascumque alias, ut supra, non approbatas; exceptis tamen Missis Rosarii, et de Monte Carmelo, quae sunt permissae Regularibus quibusdam, et eisdem dumtaxat: nec possunt ab aliis celebrari etiam in ipsorum Regularium Ecclesiis.

Nemo audeat uti Pileolo in celebratione Missarum sine expressa licentia Sedis Apostolicae, non obstante quacumque contraria consuetudine.

Item prohibetur usus Rochetti, exceptis tamen quibus de jure competit, et praeter hoc statuitur, et declaratur, nemini licere inservire, aut assistere in celebratione Missarum, aut divinorum Officiorum cum Rochetto, neque cum Cotta habente manicas angustas adinstar Rochetti: et idem servandum est in concionibus.

Paramenta non debent sumi de Altari pro celebratione Missarum, cum id competat tantum Episcopis, sive solemniter, sive privatim celebrent: Inferioribus vero habentibus usum Pontificalium, non nisi quando in Pontificalibus celebrant.

Demum renovando Decreta alias facta, mandat Sacra Congregatio in omnibus, et per omnia servari Rubricas Missalis Romani, non obstante quocumque praetextu, et contraria consuetudine, quam abusum esse declarat.

Et facta relatione horum Decretorum Sanctiss. D. N. Urbano VIII. Sanctitas sua annuit, et ab omnibus ubique servari, et in Missali Romano noviter imprimendo apponi mandavit.

JULIUS ROSPIGLIOSIUS SECRET.

Eminentissimi Sac. Rituum Congregat. Praepositi, ob Summam ac debitam venerationem, qua Augustissimum Eucharistiae Sacramentum prosequuntur, et ad augendum ejus cultum in toto terrarum Orbe, censuerunt prohibendum esse ne in posterum infra Octavam sanctissimi Corporis Christi Missae Votivae quaecumque vel pro defunctis celebrentur, si Sanctissimo placuerit. Hac die 21. Junii 1670. Et facta de praedictis Sanctissimo relatione per me Secretarium, Sanctitas sua sensum ejusdem Sac. Congregationis approbavit, et praedictum Decretum edi mandavit eadem die mensis et anni 1670.

Loco + Sigilli.

M. Episcopus Portuensis Card. Ginettus.

BERNARDINUS CASALIUS SAC. RIT. CONGR. SECRET.

Eadem pro Sanctis in Martyrologio non descriptis.

Officia Sanctorum ratione Corporis, seu insignis Reliquiae recitanda, ex Decret. S. R. Congr. 11. Aug. 1691. intelligi debere de Sanctis dumtaxat in Martyrologio Romano descriptis, et dummodo constet de identitate Corporis, seu Reliquiae insignis illiusmet Sancti qui reperitur in Martyrologio Romano descriptus: de caeteris autem Sanctis in praedicto Martyrologio non descriptis, aut quibus à S. Sede non fuerit specialiter concessum, officia recitari, et Missas celebrari vetuerunt, non obstante quod ipsorum corpora, vel insignes Reliquiae in Ecclesiis asservantur, quibus tamen ab Ordinariis locorum approbatis debitam Fidelium venerationem (prout hactenus servatum est) exhibendum esse censuerunt, sed absque Officio, et Missa, sub poenis de non satisfaciendo praecepto recitandi Officium, aliisque in Constitutione S. Pii contentis. Die 11. Aug. 1691. et Sanctiss. approbavit die 19. Oct. ejusd. anni 1691.

Loco + Sigilli.

J. VALLEMANUS S. R. C. SECRET.

Urbis, et Orbis.

Cum occasione Missalis typis Sacrae Congregationis de propaganda fide summa cura ac diligentia novissime impressi, et prope diem publico usui exponendi Sac. Congregationi enixe fuerit supplicatum, ut nonnulla ejusdem Sac. Congr. Decreta jam alias edita, et approbata, in praedicto novo Missali summam apponi, et imprimi posse, benigne concedere dignaretur, videlicet:

Missae pro Defunctis, sive de Requiem in Festis Duplicibus contra praescriptum Rubricarum Missalis Romani nullatenus celebrari debent. Quod si ex benefactorum institutione Missae hujusmodi celebrandae incidunt in festum Duplex, tunc ne dilatio animabus suffragia expectantibus detrimento sit, in aliam diem non impeditam minime transferantur, sed dicantur de Festo currenti cum applicatione sacrificii juxta mentem eorundem benefactorum. Die 5. Augusti 1662, approbatum à fel. rec. Alexandro VII. eadem die.

Praedictum Decretum ab ejusdem fel. rec. Alex. VII. speciali Brevi, quod incipit: *Credite nobis*, denuo fuit confirmatum; ac insuper statutum, idem servandum esse, quoad Missas in Altaribus privilegiatis ex obligatione celebrandas, et Indulgentias per ejusmodi Privilegia concessas animabus in purgatorio existentibus suffragari, perinde ac si celebratae fuissent Missae Defunctorum. Ac denique declaratum: Anniversaria, et Missas cantatas de Requiem relictas ex dispositione Testatorum quotannis in die ipsorum obitus, etiam in Duplici majori contingentes in praedicto Decreto die 5. Aug. edito, minime comprehendi, prout antea in una Novarien. 22. Novembr. 1664. eadem Sac. Rit. Congreg. declaraverat die 22. Jan. 1667. Pont. XII.

Deinde fel. rec. Clem. IX. eadem S. Cong. Decreta, alio Brevi, cujus initium: *Cum fel. rec.* iterum confirmavit, praedictamque Alex. VII. Dispositionem ad Altaria non in perpetuum, sed ad septennium, seu aliud brevius, vel longius tempus, ac non in omnibus, sed in aliquo, vel aliquibus tantum Hebdomadae diebus nunc, et in futurum quandocumque Privilegiata extendit. Die 23. Sept. 1699. Pontificatus III.

Tandem proposito dubio, an supradictae Alex. VII. et Clem. IX. declarationes sibi locum vindicarent etiam in diebus Dominicis, et infra Octavas Paschatis Resurrectionis, Pentecostes, et Corporis Christi, aliisque anni diebus, quibus, licet à Festo Duplici non impediuntur, adhuc tamen Missae Defunctorum juxta ritum Ecclesiae celebrari nequeunt, quatenus nimirum Missae, quas iisdem diebus celebrare licet, servata caeteroquin Privilegiatorum forma ad Altaria privilegiata celebrarentur: eadem Sac. Rit. Cong. die 3. April 1688. praedictorum Pontificum declarationes pro omnibus diebus, quibus juxta Rubricas Missae Defunctorum celebrari non possunt, intelligendas esse respondit, cujusque Decretum subinde confirmatum fuit à fel. rec. Innoc. Papa XI. speciali Brevi, quod incipit: *Alias postquam*, dato die 4. Maji 1688.

Decretum à S. R. C. Anno 1630. editum, quo permittitur posse in Ecclesiis recitari Officia, et Missas celebrari de illis Sanctis, quorum corpora, vel Reliquiae insignes in eisdem asservantur; intelligendum est de Sanctis dumtaxat in Martyrologio Rom. descriptis, et dummodo constet de identitate corporis eorundem, vel insignis Reliquiae, secus vero de Sanctis in eodem Martyrologio non descriptis. Quorum tamen Corporibus, et Reliquiis ab Ordinariis locorum approbatis debita à Fidelibus veneratio exhibenda est, sed absque Officio, et Missa, sub poenis de non satisfaciendo praecepto recitandi Officium, aliisque in Constitutione S. Pii V. contentis. Die 11. Aug. 1691. approbatum à fel. rec. Innoc. XII. die 19. Octobr.

Ad augendam Fidelium Venerationem erga Augustissimum Eucharistiae Sacramentum, ejusque cultum in toto terrarum Orbe promovendum, prohibitum est, celebrari Missas votivas, vel pro Defunctis infra Oct. Corp. Christi. Die 21. Jun. 1670. eademque die à fel. rec. Clemente IX. approbatum.

Item prohibitum est, easdem Missas celebrari infra Octavam Nativitatis Domini. In Missis vero solemnibus pro re gravi infra eandem Octavam celebrandis, dicenda est Praefatio juxta Rubricam generalem Tit. 12. num. 4. die 25. Sept. 1706. jam à Sanctissimo approbatum.

Re vero in Sac. Rit. Congregatione ad relationem Eminentiss. et Rev. D. Card. Barberini pluries discussa, et mature perpensa, Sac. eadem Rit. Cong. supradicta Decreta, tum ut celebrantium instructioni, et usui sint, tum ut nonnulli abusus, qui in aliquibus locis irrepserunt, penitus evellantur, in Missali post Rubricas generales apponi, et imprimi posse censuit, si Sanctissimo D. nostro visum fuerit. Die 15. Septemb. 1714.

Factaque deinde per me Pro-Secretarium de praedictis Sanctissimo D. N. relatione, Sanctitas sua sensum S. Cong. approbavit, eademque Decreta in Missali apponi, et imprimi mandavit. Die 29. Sept. ejusdem anni 1714.

Loco + Sigilli.

F. Card. de Abduis praefatus.

N. M. Tedeschi
Episc. Liparitanus Sac. Rit. Congr. Pro-Secr.

DE ANNO ET EJUS PARTIBUS.

Annus Menses habet duodecim, Hebdomadas duas et quinquaginta, et diem unum: dies vero trecentos sexaginta quinque, et fere sex horas; tanto enim temporis intervallo Sol Zodiacum perlustrat. Quater autem sex horae singulis quaternis annis diem constituunt: hinc annus ille intercalaris, Bissexus, vel Bissextilis dicitur.

De anni Correctione, ejusque necessitate, ac Calendario Gregoriano.

Quod dictum est, Annum continere trecentos et sexaginta quinque dies et fere sex horas, intelligendum est, sex horas non esse integras, cum ad earum complementum aliqua minuta deficient.

Ex quorum minorum neglectu progressum est, ac si annus ultra dies 365. contineret integras sex horas, et factum est, ut minuta, quae ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem, qui causam dederunt; ut Aequinoctium Vernalis sedem suam mutaverit.

Cui malo occurrens Gregorius XIII. non solum Aequinoctium Vernalis restituit in pristinam sedem, à qua jam à Concilio Nicaeno, decem circiter diebus in anno correctionis 1582. praecedendo recesserat, quod à Concilio ad xii. Kal. April. fuerat constitutum; et xiv. Lunam Paschalem suo in loco reposuit: sed viam quoque tradidit, et rationem, qua cavetur, ut imposterum, et Aequinoctium Vernalis, et xiv. Luna Paschalis à propriis sedibus numquam removerentur.

Ut enim Aequinoct. Vern. ad xii. Kal. Apr. restitueretur, statuit, ut dicti decem dies in mense Oct. ipsius anni 1582. eximerentur, ut post quartum diem Octob. S. Franciscus sacram, sequens dies non esset quinta, sed xv. Oct. Et ita error, qui in praeteritum tot annorum circulis irrepserat, in momento temporis fuit correctus.

Ut autem in posterum idem error vitaretur, ne à xii. Kal. April. Aequinoct. Vern. recederet, statuit idem Gregorius, Bissexum quarto quoque anno (uti mos est) continuari debere, praeterquam in centesimis annis: qui quamvis Bissextilis antea semper fuerint, qualem etiam esse voluit annum 1600. anno correctionis proximum, post eum tamen, qui deinceps consequentur, centesimi non omnes Bissextilis essent, sed in quadringentis quibusque annis primi quique tres centesimi sine Bissexto transigerentur; quartus vero quisque centesimus esset Bissextilis. ita ut annus 1700. 1800. 1900. Bissextilis non sint: Anno vero 2000. more consueto dies Bissexus intercaletur, Februario dies 29. continente; idemque ordo intermittendi, intercalandique Bissexum diem in quadringentis quibusque annis perpetuo conservaretur.

Quatuor Tempora.

Quat. Temp. celebrantur iv. et vi. Feria, ac Sabbato post tertiam Dominicam Adventus, post i. Dominicam Quadragesimae, post Dominicam Pentecostes, post. Festum Exaltat. S. Crucis.

Nuptiae quando celebrari non possint juxta Decret. Concil. Trident.

A Dominica i. Adv. usque in diem Epiph. et a Fer. iv. Cinerum usque in Oct. Paschatis inclus. sancta Synodus solemnitates Nuptiarum prohibet. In aliis vero temporibus Nuptias solemniter celebrari permittit.

De Cyclo Decennovenalis Aurei numeri.

Cyclo Decennovenalis Aurei numeri est revolutio numeri 19 annor. ab 1. usque ad 19. qua revolutione peracta, iterum ad unitatem reditur, v. g. An. 1577. numerus Cycli decennovenalis, qui dicitur aureus, est. 1. Anno seq. 1578. est 2. et ita deinceps in sequentibus annis, uno semper amplius, usque ad 19. qui Aur. num. cadet in annum 1595. post quem iterum ad unitatem redeundum est, ita ut anno 1596. Aur. num. sit. rursus 1. et anno 1597. sit 2. etc.

Igitur, ut Aur. num. quolibet anno proposito inveniatur, composita est sequens tabella Aureorum numerorum cujus usus incipit ab anno correct. 1582. inclusive, duratque in perpetuum. Ex ea enim Aur. num. cujuslibet anni post annum 1582. reperietur hoc modo.

6.	7.	8.	9.	10.	11.	12.	13.	14.	
15.	16.	17.	18.	19.	1.	2.	3.	4.	5.

Anno 1582. tribuatur primus numerus tabellae, qui est 6. secundus autem, qui est 7. sequenti anno 1583. et ita deinceps in infinitum, donec ad annum, cujus aureum num. quaeris, perveniatur, redeundo ad principium tabellae, quotiescumque eam percurreris. Nam numerus, in quem annus propositus cadit, dabit aureum numerum quaesitum.

De Epactis et Noviluniis.

Epacta nihil aliud est, quam numerus dierum, quibus annus Solaris communis dierum 365. annum communem Lunarem dierum 354. superat: ita ut Epacta primi anni sit 11. cum hoc numero annus Solaris communis Lunarem annum communem excedat: atque adeo sequenti anno Novilunia contingant 11. diebus prius, quam anno primo. Ex quo fit, Epactam secundi anni esse 22. cum eo anno rursum annus Solaris Lunarem annum superet 11. diebus, qui additi ad 11. dies primi anni, efficiunt 22. ac proinde finito hoc anno, Novilunia contingere 22. diebus prius quam primo anno. Epactam autem tertii anni esse 3. quia si rursus 11. dies ad 22. adjiciantur, efficietur numerus 33. à quo si rejiciantur 30. dies, qui unam Lunationem Embolismalem constituunt, relinquentur 3. atque ita deinceps. Progrediuntur enim Epactae omnes per continuum augmentum 11. dierum, abjectis tamen 30. quando rejici possunt. Solum quando perventum erit ad ultimam Epactam Aur. num. 19. respondentem, quae est 29. adduntur 12. ut abjectis 30. ex composito n. 41. habeatur rursum Epacta 11. ut in principio. Quod ideo fit, ut ultima Lunatio Embolismica currente Aur. n. 19. sit tantum 29. dierum. Si enim 30. dies contineret, ut aliae sex Lunationes Embolismicae, non redirent Novilunia post 19. annos solares ad eosdem dies, sed versus calcem mensium prolaberentur, contingerentque uno die tardius, quam ante 19. annos. De qua re plura invenies in libro novae rationis restituendi Kalend. Rom. Sunt autem novemdecim Epactae, quot et Aurei numeri, respondebantque ipsis Aureis num. ante Kalendarii correctionem eo modo, quo in hac Tabella dispositae sunt.

Tabella Epactarum respondentium Aureis numeris ante Kalendarii correctionem.

Aurei numeri.	1.	2.	3.	4.	5.	6.	7.
Epactae.	xi.	xxii.	iii.	xiv.	xxv.	vi.	xvii.
8.	9.	10.	11.	12.	13.		
xxviii.	ix.	xx.	i.	xii.	xxiii.		
14.	15.	16.	17.	18.	19.		
iv.	xv.	xxvi.	vii.	xviii.	xxix.		

Quia vero Cyclo decennovenalis Aurei numeri imperfectus est, cum Novilunia post. 19. annos Solares non praecise ad eadem loca redeant, ut dictum est, imperfectus etiam erit hic Cyclo 19. Epactarum. Quamobrem ita emendatus est, ut imposterum loco Aurei numeri, et dictarum 19. Epactarum utamur 30. numeris Epactalibus ab 1. usque ad 30. ordine progredientibus, quamvis ultima Epacta, sive quae ordine est trigesima, notata numero non sit; sed signo hoc*, propterea, quod nulla Epacta esse possit 30. Variis autem temporibus ex his 30. Epactis respondent decem et novem Aureis num. variae decem et novem Epactae, prout Solaris anni ac Lunaris aequatio exposcit: quae quidem decem et novem Epactae progrediuntur, ut olim, per eundem numerum 11. addunturque semper 12. illi Epactae, quae respondet Aureo numero 19. ut habeatur sequens Epacta

respondens Aureo numero 1. ob rationem paulo ante dictam. Id quod sequens Tabella perspicuum faciet, quae continet Aureus num. et Epactas inter se respondentes ab anno correct. 1582. post detractionem decem dierum usque ad annum 1700. exclusive. Quamvis autem vulgares Epactae mutantur in Martio, reipsa tamen in principio anni mutandae sunt, una cum Aureo num. in cuius locum hae nostrae Epactae succedunt.

Tabella Epactarum respondentium Aureis numeris ab Idibus Octobris Anni correctionis 1582, (detractis prius decem diebus) usque ad annum 1700. exclusive.

Aurei numeri.	6.	7.	8.	9.	10.	11.
Epactae.	xxvi.	vii.	xviii.	xxix.	x.	xxi.
	12.	13.	14.	15.	16.	17.
	ii.	xiii.	xxiv.	v.	xvi.	xxvii.
	18.	19.	1.	2.	3.	4.
	viii.	xix.	i.	xii.	xxiii.	iv.

Itaque, si Epacta quocumque anno proposito invenienda sit: quaerendus est Aureus numerus illius anni in superiori ordine illius Tabellae, quae illi tempori, in quo propositus annus continetur, congruit. Mox enim sub Aureo num. in interiori ordine Tabellae reperietur Epacta anni propositi, vel certe hoc signum *. Ubi ergo illa Epacta vel signum * in Calendario inventum fuerit, eo die Novilunium fiet. Invenietur autem Aur. num. vel ex antecedente Canone, vel ex Tabella Epactarum proposito tempori congruente, tribuendo primum Aur. num. illius tabellae illi anno, à quo usus tabellae incipit, et secundum Aureum num. sequenti anno, etc. Eodem modo reperietur Epacta sine Aur. num. si prima Epacta Tabellae tribuatur illi anno, à quo ejus usus incipit, et secunda Epacta sequenti anno, etc.

Exemplum. Anno correctionis 1582. Aureus num. est 6. nempe primus primae Tabellae, cujus usus incipit ab Idibus Octob. dicti anni 1582. detractis prius decem diebus. Erit ergo tunc Epacta xxvi. quae sub. Aureus num. 6. collocatur: fietque Novilunium die 27. Oct., et 26. Nov., et 25. Decemb. Item anno 1583. jam correcto Aur. num. est 7. cui in eadem tabella supposita est Epacta vii. quae toto eo anno in Calendario Novilunia indicabit: ut in Jan. die 24. in Febr. die 22. in Mart. die 24. etc.

Tabella litterarum Dominicalium ab Idibus Octobris anni correctionis 1582. (detractis prius decem diebus) usque ad annum 1700. exclusive.

c b	A	f e d	c	A g f	e	c b A
	g		b		d	
g	e d c	b	g f e	d	b A g	f
f		A		c		e

Usus hujus tabellae hic est. Anno correctionis 1582. post Idus Octobris (detractis prius x. diebus) tribuatur littera c, primae cellulae, et sequenti anno 1583. littera b, secundae, et anno 1584. dentur litterae A. g, tertiae cellulae, et sic deinceps aliis annis ordine aliae cellulae tribuantur, donec ad annum propositum perventum sit, redeundo ad principium tabellae quotiescumque eam percurreris. Nam cellula, in quam annus propositus cadit, dummodo minor sit, quam annus 1700. dabit litteram Dominicalem propositi anni. Quae si una occurrerit, annus erit communis, si vero duplex, Bissextilis; et tunc superior littera Dominicam diem ostendet in Calendario à principio anni usque ad festum S. Matthiae Apostoli: inferior autem ab hoc festo usque ad finem anni. E. g. Sit invenienda littera Dominicalis anno 1587. Numera ab anno 1582. quem tribue primae litterae c, usque ad annum 1587. tribuendo singulis cellulis singulos annos (computando geminas litteras quascumque superiorem et inferiorem, pro una cellula) cadetque annus 1587. in litteram d, quae sextum locum in tabella occupat. Est ergo toto eo anno littera Dominicalis d, annusque communis est, cum littera simplex occurrat. Rursus sit investiganda littera Dominicalis anno 1616. Numera ab anno 1582. ut dictum est, usque ad annum 1616. redeundo ad principium tabellae, postquam eam percurreris, perveniesque ad duas hasce litteras c, b, septimo loco positas. Est ergo annus ille Bissextilis, cum duplex littera occurrat, superiorque littera c. Domi-

nicam diem indicabit à principio anni illius usque ad festum S. Matthiae, inferior autem b, in reliqua parte anni.

Alia tabella Epactarum respondentium Aur. num. ab anno 1700. inclus. usque ad annum 1800 exclusive.

Aurei numeri.	10.	11.	12.	13.	14.	15.
Epactae.	ix.	xx.	i.	xii.	xxiii.	iv.
	16.	17.	18.	19.	1.	2.
	xv.	xxvi.	vii.	xviii.	*	xi.
						xxii.
	4.	5.	6.	7.	8.	9.
	iii.	xiv.	xxv.	vi.	xvii.	xxviii.

Ad tollendam dubitationem de usu hujus novae tabellae Epactarum ostendemus rem exemplis. Anno 1700 tribuatur Epact. ix. quae sub Aureo numero 10. collocatur, fietque Novilunium 21. Januarii, 19. Februarii, et 22. Martii. Item anno 1701. tribuatur Epacta xx. sub Aureo numero 11. collocata, quae toto eo anno in Calendario Novilunia monstrabit: ut in Januario die 10. in Februario die 8. in Martio die 10. Et sic deinceps per ordinem annis progredientibus, redeundo ad principium tabellae, quotiescumque eam percurreris. Rursus anno 1710. Epacta non signatur numero, sed hoc signo * quod collocatur sub Aureo numero 1. et in Calendario toto eo anno Novilunia indicabit, nimirum in Januario die 1. et 31. in Martio (nam in Februario nullum tunc Novilunium, cum in eo signum hoc * non reperitur) die 1. et 31. in Aprili, die 29. etc.

Tabella litterarum Dominicalium ab anno 1700 inclusive usque ad annum 1800 exclusive.

d	b A g	f	d c b	A	f e d	c
c		e		g		b
A g f	e	c b A	g	e d c	b	g f e
	d		f		A	

Usus hujus tabellae talis est. Anno 1700 tribuatur unica littera inferior c, primae cellulae, relictæ littera d, superiori, quia annus ille 1700. non est Bissextilis, sed communis, et littera d, fuit Dnicalis præced. anno 1699. Anno seq. 1701. tribuatur littera b, secundae cellulae, etc. Item anno 1704. tribuantur geminae litterae f, e, quinquae cellulae: et sic deinceps aliis annis per ordinem aliae cellulae tribuantur, donec ad annum propositum pervenias: redeundo ad principium tabellae, quotiescumque eam percurreris: nam cellula, in quam annus propositus cadet, dummodo minor sit, quam annus 1800. dabit litteram Dnicalem propositi anni: quae si unica occurrerit, annus erit communis: si vero duplex, Bissextilis; et tunc superior littera Dnicam diem indicabit in Calendario à principio anni, usque ad festum S. Matthiae Apostoli, inferior autem ab hoc festo usque ad finem anni.

DE INDICTIONE.

Indictio est revolutio 15. annorum ab 1. usque ad 15. quae revolutione peracta, iterum reditur ad unitatem, initiumque sumit quilibet annus hujus Cycli à Januario in Bullis pontificiis. Et quoniam Indictionum frequens usus est in Diplommatibus, et scripturis publicis facile annum Indict. currentem quolibet anno proposito inveniemus ex seq. tabella, cujus usus perpetuus est; initium tamen sumit ab anno correctionis 1582.

Tabella indictionis ab Anno correctionis 1582.

10.	11.	12.	13.	14.	15.	1.
2.	3.	4.	5.	6.	7.	8.

Nam, si anno 1582. tribuas primum numerum, qui est 10. et sequenti anno 1583. secundum numerum, qui est 11. et sic deinceps usque ad annum propositum, redeundo ad principium tabellae, quotiescumque eam percurreris, cadet annus propositus in indictionem, quae quaeritur.

DE FESTIS MOBILIBUS.

Quoniam ex Decreto sacri Concilii Nicaeni Pascha, ex quo reliqua festa mobilia pendent, celebrari debet die Dominico, qui proxime succedit xiv. Lunae primi mensis (is vero apud Hebraeos vocatur primus mensis, cujus xiv.

Luna vel cadit in diem verni Aequinoctii, quod die 21. mensis Martii contingit, vel propius ipsum sequitur) efficitur, ut, si Epacta cujusvis anni invenitur, et ab ea in Calendario notata inter diem octavum Martii inclusive, et quintum Aprilis inclusive (hujus enim Epactae xiv. Luna cadet vel in diem Aequinoctii verni, id est, in diem 21. Martii, vel eum propius sequitur) numerentur inclusive deorsum versus dies quatuordecim, proximus dies Dominicus diem hunc xiv. sequens (ne cum Judaeis conveniamus, si forte dies xiv. Lunae caderet in diem Dominicum) sit dies Paschae.

Exemplum. Anno 1605. Epacta est x. et littera Dominicalis b. Et quoniam invenimus Epactam x. inter diem 8. Martii, et 5. Aprilis inclusive positam esse é regione diei 21. Martii, à quo inclusive, si deorsum versus numerentur 14. dies, invenimus xiv. Lunam die 3. Aprilis: quae est Dominica, cum é regione illius sit littera Dominicalis b. Ne igitur cum Judaeis conveniamus, qui Pascha celebrant die xiv. Lunae, sumenda est littera Dominicalis b, quae sequitur xiv. Lunam, nempe ea, quae é regione diei x. Aprilis collocatur, atque eo anno Pascha celebrandum erit die x. Apr. Item anno 1604. Epacta est xxix. et dupl. litt. Dominicalis d, c, cum annus ille sit Bissextilis. Si igitur ab Epact. xxix. quae é regione diei 1. April. ponitur inter diem 8. Mart., et 5. Aprilis inclus., numerentur dies 14. cadet xiv. Luna in diem 14. Aprilis. Et quia tunc currit posterior littera Dominicalis, nempe c, quae post diem 14. Aprilis, id est, post xiv. Lunam collocata est é regione diei 18. Aprilis, celebratur eo anno Pascha, die 18. Aprilis.

Caeterum, ut facilius omnia Festa mobilia inveniantur, compositae sunt duae sequentes tabulae Paschales, una antiqua, et nova altera. Ex antiqua ita Festa mobilia reperiuntur. In latere sinistro tabulae accipiatur Epacta currens, et in linea litterarum Dominicalium sumatur littera Dominicalis currens, infra tamen Epactam currentem, ita ut, si littera Dominicalis currens reperiatur é regione Epactae currentis, assumenda sit eadem littera Dominicalis proxime inferior. Nam é regione hujus litterae Dominicalis omnia Festa mobilia continentur.

Exemplum. Anno 1606. Epacta est xxi. et littera Dominicalis A. Si igitur in tabula antiqua sumatur littera Dominicalis A, quae primo infra Epact. xxi. occurrit, reperiatur é regione hujus litterae Dominica Septuages. die 22. Jan., dies Cinerum 8. Febr., Pasch. 26. Mart., Ascens. Domini 4. Maji, Pentec. 14. Maji, et Fest. Corp. Christi 25. Maji: Dominicae autem inter Pentec. et Adv. eo anno erunt 28. et Adv. celebrabitur die 3. Dec. Et sic de caeteris. Item anno 1605. Epacta est x. et littera Dominicalis b, quae in tabula reperiatur é regione Epactae x. Quare sumenda est alia littera b, quae proxime infra Epactam invenitur, é regione cujus invenies Septuag. die 6. Febr., diem Cinerum 23. Febr., et Pascha die 10. Aprilis etc.

Notandum autem est, quod quemadmodum in anno communi, cadente littera Dominicali é regione Epactae in tabula antiqua, sumitur eadem littera proxima infra Epactam, ut diximus: ita quoque in anno Bissextili, si alterutra duarum litterarum Dominicalium tunc currentium é regione Epactae reperiatur, assumendae sunt aliae duae similes litterae proximae inferiores, ut Festa mobilia inveniantur.

Ex tabula vero Paschali nova, ita eadem Festa mobilia reperiuntur. In cellula litterae Dominicalis currentis quaeratur Epacta currens. Nam é directo omnia Festa mobilia deprehenduntur. Ut anno 1609. in cellula litterae Dominicalis d, tunc currentis é regione Epactae xxiv. quae eodem anno currit, habetur Septuag. die 15. Febr., dies Ciner. 4. Martii, Pascha 19. Aprilis, etc.

Sed sive antiqua, sive nova tabula Paschali utamur, invenienda sunt omnia Festa mobilia in annis Bissextilibus per litt. Dominicalem posteriorem, quae nimirum currit post Festum S. Matthiae Apostoli, ne scilicet ambigamus, utra duarum litterarum pro hoc, aut illo Festo indagando accipienda sit: ita tamen, ut Septuagesimae, aut diei cinerum inventae in Januario, aut Februario addatur unus dies. Quod ideo fit, quia ante diem S. Matthiae currit prior littera Dominicalis, quae in Calendario posteriorem semper sequitur: post Festum autem S. Matthiae, in Februario, licet posterior littera currat, additur tamen tunc dies intercalaris, ita ut

dies 24. Febr. dicatur 25. et dies 25. dicatur 26. etc. Quodsi dies Cinerum cadat in Martium, nihil addendum est, quia tunc et littera posterior currit, et dies mensis propriis numeris respondent, cum dies intercalaris Februario sit additus. Imo nisi per posteriorem litteram investigarentur, non inveniretur recte Septuagesima in anno Bissextili, currente Epacta xxiv. et xxv. et littera Dominicali d, c, ut in secundo, ac tertio exemplo perspicuum fiet pro annis 4088. et 3784. Exempli gratia. Anno 2096. Bissextili Epacta erit v. et litterae Dominicales A, g. Si igitur per posteriorem litteram, quae est g, Festa mobilia investigentur, reperiatur Septuagesima die 11. Februarii, et dies Cinerum 28. Februarii. Si autem addatur unus dies, cadet Septuages. in diem 12. Februarii, quae est Dominica, et dies Cinerum in 29. Februarii, quae est FERIA IV. Pascha autem, et reliqua festa in eos dies cadent, qui in tabula expressi sunt. Item anno 4088. Bissextili Epacta erit xxiv. et litterae Dominicales d, c. Si igitur per litteram c, quae posterior est, inquirantur Festa mobilia, invenietur Septuagesima die 21. Februarii et si addatur unus dies, cadet in diem 22. Febr. quae est Dominica; Dies autem Cinerum cadet in diem 10. Martii: quare nihil additur, etc. Rursus anno 3784. Bissextili Epacta erit xxv. et litterae Dominicales d, c. Ergo iterum per posteriorem c, reperiatur Septuages. die 21. Februarii hoc est, addita 1. die 22. Quod si per priorem litteram d, in utroque horum duorum annorum agendum esset, nihil efficeretur, cum infra Epactas xxiv. et xxv. littera d, indicet Septuagesimam die 15. Februarii, quod falsum esset, cum eo anno posterior littera c, Pascha offerat die 25. Aprilis, ac proinde septuages. die 22. Februarii celebranda sit, ut liquido constat, si à die Paschae, Dominicae retro numerentur usque ad Septuagesimam.

In priori porro tabula Paschali antiqua reformata Epactis ad sinistram praeposuimus Aureos numeros eodem ordine, quo ante emendationem Calendarii collocari solebant, ut ex iis Festa mobilia invenirentur. Hoc autem idcirco à nobis factum est, ut Pascha, ceteraque Festa mobilia à Concilio Nicaeno usque ad annum 1582. quilibet indagare possit. Eodem autem prorsus artificio ex Aureis numeris ita distributis Festa mobilia eruuntur, quo ex Epactis. Si enim explorandum, exempli causa, quando festa haec celebrata fuerint anno 1450. quoniam eo anno Aureus numerus fuit 7. et littera Dominicalis d: si aureus numerus 7. in sinistro latere accipiatur, et prima littera d, infra eum occurrens, reperiatur é regione hujus litterae d, Septuages. die 1. Febr. dies Cinerum 18. Februarii, Pascha die 5. Apr. etc.

Adventus Domini celebratur semper die Dominico, qui propinquior est festo S. Andreae Apostoli, nempe à die 27. Nov. inclusive, usque ad diem 3. Decbr. inclusive, ita ut littera Dominicalis currens, quae reperitur in Calendario à die 27. Nov. usque ad diem 3. Decembr. indicet Dominicam Adventus. Ut verbi gratia, si littera Dominicalis est g, Dominica Adv. cadet in diem 2. Dec., quia ibi est littera g, in Calendario, etc.

Ad finem tandem tabularum Paschalium apposita est tabula temporaria multorum annorum, é regione quorum omnia Festa mobilia inveniantur; quae quidem tabula ex tabulis Paschalibus excerpta est, ex quibus infinitae aliae erui possunt pro quibuscumque annis.



TABULA PASCHALIS

ANTIQUA REFORMATA.

Aur. numer.	Cyclus Epact.	Litterae Dominicae.	Septuagesima.	Dies Cinerum.	Pascha.	Ascensio.	Pentecost.	Corpus Christi.	Dominicae post Pentec.	Dominica i. Adventus.
16	xxiii	c	Januarii.	Februarii.	Martii.	Aprilis.	Maji.	Maji.		
5	xxii	d	18	4	22	30	10	21	28	29 Nov.
13	xxi	e	19	5	23	1 Maji.	11	22	28	30
2	xx	f	20	6	24	2	12	23	28	1 Dec.
	xix	g	21	7	25	3	13	24	28	2
10	xviii	A	22	8	26	4	14	25	28	3
	xvii	b	23	9	27	5	15	26	27	27 Nov.
18	xvi	c	24	10	28	6	16	27	27	28
7	xv	d	25	11	29	7	17	28	27	29
	xiv	e	26	12	30	8	18	29	27	30
15	xiii	f	27	13	31	9	19	30	27	1 Dec.
4	xii	g	28	14	1 Apr.	10	20	31	27	2
	xi	A	29	15	2	11	21	1 Junii	27	3
12	x	b	30	16	3	12	22	2	26	27 Nov.
	ix	c	31	17	4	13	23	3	26	28
1	viii	d	1 Febr.	18	5	14	24	4	26	29
9	vii	e	2	19	6	15	25	5	26	30
	vi	f	3	20	7	16	26	6	26	1 Dec.
17	v	g	4	21	8	17	27	7	26	2
	iv	A	5	22	9	18	28	8	26	3
6	iii	b	6	23	10	19	29	9	25	27 Nov.
14	ii	c	7	24	11	20	30	10	25	28
3	i	d	8	25	12	21	31	11	25	29
		e	9	26	13	22	1 Junii	12	25	30
	xxix	f	10	27	14	23	2	13	25	1 Dec.
11	xxviii	g	11	28	15	24	3	14	25	2
19	xxvii	A	12	1 Mart.	16	25	4	15	25	3
8	xxvi	b	13	2	17	26	5	16	24	27 Nov.
	xxv	c	14	3	18	27	6	17	24	28
	xxiv	d	15	4	19	28	7	18	24	29
		e	16	5	20	29	8	19	24	30
		f	17	6	21	30	9	20	24	1 Dec.
		g	18	7	22	31	10	21	24	2
		A	19	8	23	1 Junii	11	22	24	3
		b	20	9	24	2	12	23	23	27 Nov.
		c	21	10	25	3	13	24	23	28

TABULA PASCHALIS

NOVA REFORMATA.

Litter. Domin.	Cyclus Epactarum.	Septuagesima.	Dies Cinerum.	Pascha.	Ascensio.	Pentecost.	Corpus Christi.	Dominicae post Pent.	Dominica i. Adventus.
D	23.	18 Jan.	4 Febr.	22 Mar.	30 Apr.	10 Maji	21 Maji	28	29 Nov.
	22. 21. 20. 19. 18. 17. 16.	25 Jan.	11 Febr.	29 Mar.	7 Maji	17 Maji	28 Maji	27	29
	15. 14. 13. 12. 11. 10. 9.	1 Febr.	18 Febr.	5 Apr.	14 Maji	24 Maji	4 Junii	26	29
	8. 7. 6. 5. 4. 3. 2.	8 Febr.	25 Febr.	12 Apr.	21 Maji	31 Maji	11 Junii	25	29
	1. * 29. 28. 27. 26. 25. 24.	15 Febr.	4 Mar.	19 Apr.	28 Maji	7 Junii	18 Junii	24	29
E	23. 22.	19 Jan.	5 Febr.	23 Mar.	1 Maji	11 Maji	22 Maji	28	30 Nov.
	21. 20. 19. 18. 17. 16. 15.	26 Jan.	12 Febr.	30 Mar.	8 Maji	18 Maji	29 Maji	27	30
	14. 13. 12. 11. 10. 9. 8.	2 Febr.	19 Febr.	6 Apr.	15 Maji	25 Maji	5 Junii	26	30
	7. 6. 5. 4. 3. 2. 1.	9 Febr.	26 Febr.	13 Apr.	22 Maji	1 Junii	12 Junii	25	30
	* 29. 28. 27. 26. 25. 24.	16 Febr.	5 Mar.	20 Apr.	29 Maji	8 Junii	19 Junii	24	30
F	23. 22. 21.	20 Jan.	6 Febr.	24 Mar.	2 Maji	12 Maji	23 Maji	28	1 Dec.
	20. 19. 18. 17. 16. 15. 14.	27 Jan.	13 Febr.	31 Mar.	9 Maji	19 Maji	30 Maji	27	1
	13. 12. 11. 10. 9. 8. 7.	3 Febr.	20 Febr.	7 Apr.	16 Maji	26 Maji	6 Junii	26	1
	6. 5. 4. 3. 2. 1. *	10 Febr.	27 Febr.	14 Apr.	23 Maji	2 Junii	13 Junii	25	1
	29. 28. 27. 26. 25. 24.	17 Febr.	6 Mar.	21 Apr.	30 Maji	9 Junii	20 Junii	24	1
G	23. 22. 21. 20.	21 Jan.	7 Febr.	25 Mar.	3 Maji	13 Maji	24 Maji	28	2 Dec.
	19. 18. 17. 16. 15. 14. 13.	28 Jan.	14 Febr.	1 Apr.	10 Maji	20 Maji	31 Maji	27	2
	12. 11. 10. 9. 8. 7. 6.	4 Febr.	21 Febr.	8 Apr.	17 Maji	27 Maji	7 Junii	26	2
	5. 4. 3. 2. 1. * 29.	11 Febr.	28 Febr.	15 Apr.	24 Maji	3 Junii	14 Junii	25	2
	28. 27. 26. 25. 24.	18 Febr.	7 Mar.	22 Apr.	31 Maji	10 Junii	21 Junii	24	2
A	23. 22. 21. 20. 19.	22 Jan.	8 Febr.	26 Mar.	4 Maji	14 Maji	25 Maji	28	3 Dec.
	18. 17. 16. 15. 14. 13. 12.	29 Jan.	15 Febr.	2 Apr.	11 Maji	21 Maji	1 Junii	27	3
	11. 10. 9. 8. 7. 6. 5.	5 Febr.	22 Febr.	9 Apr.	18 Maji	28 Maji	8 Junii	26	3
	4. 3. 2. 1. * 29. 28.	12 Febr.	1 Mar.	16 Apr.	25 Maji	4 Junii	15 Junii	25	3
	27. 26. 25. 24.	19 Febr.	8 Mar.	23 Apr.	1 Junii	11 Junii	22 Junii	24	3
B	23. 22. 21. 20. 19. 18.	23 Jan.	9 Febr.	27 Mar.	5 Maji	15 Maji	26 Maji	27	27 Nov.
	17. 16. 15. 14. 13. 12. 11.	30 Jan.	16 Febr.	3 Apr.	12 Maji	22 Maji	2 Junii	26	27
	10. 9. 8. 7. 6. 5. 4.	6 Febr.	23 Febr.	10 Apr.	19 Maji	29 Maji	9 Junii	25	27
	3. 2. 1. * 29. 28. 27.	13 Febr.	2 Mar.	17 Apr.	26 Maji	5 Junii	16 Junii	24	27
	26. 25. 24.	20 Febr.	9 Mar.	24 Apr.	2 Junii	12 Junii	23 Junii	23	27
C	23. 22. 21. 20. 19. 18. 17.	24 Jan.	10 Febr.	28 Mar.	6 Maji	16 Maji	27 Maji	27	28 Nov.
	16. 15. 14. 13. 12. 11. 10.	31 Jan.	17 Febr.	4 Apr.	13 Maji	23 Maji	3 Junii	26	28
	9. 8. 7. 6. 5. 4. 3.	7 Febr.	24 Febr.	11 Apr.	20 Maji	30 Maji	10 Junii	25	28
	2. 1. * 29. 28. 27. 26. 25.	14 Febr.	3 Mar.	18 Apr.	27 Maji	6 Junii	17 Junii	24	28
	24. 23. 22.	21 Febr.	10 Mar.	25 Apr.	3 Junii	13 Junii	24 Junii	23	28

TABELLA TEMPORARIA FESTORUM MOBILIIUM.

Anni Domini.	Litterae Dominical.	Aureus numerus.	Epactae.	Septuagesima.	Dies Cinerum.	Pascha	Ascensio.	Pentec.	Corpus Christi.	Indictio.	Dominic. post Pent.	Dominic. i. Adventus.
1849	g	7	vi	4 Febr.	21 Febr.	8 Apr.	17 Maji	27 Maji	7 Junii	7	26	2 Dec.
1850	f	8	xvii	27 Jan.	13 Febr.	31 Mar.	9 Maji	19 Maji	30 Maji	8	27	1 Dec.
1851	e	9	xxviii	16 Febr.	5 Mar.	20 Apr.	29 Maji	8 Junii	19 Junii	9	24	30 Nov.
1852	d c	10	ix	8 Febr.	25 Febr.	11 Apr.	20 Maji	30 Maji	10 Junii	10	25	28 Nov.
1853	b	11	xx	23 Jan.	9 Febr.	27 Mar.	5 Maji	15 Maji	26 Maji	11	27	27 Nov.
1854	A	12	i	12 Febr.	1 Mar.	16 Apr.	25 Maji	4 Junii	15 Junii	12	25	3 Dec.
1855	g	13	xii	4 Febr.	21 Febr.	8 Apr.	17 Maji	27 Maji	7 Junii	13	26	2 Dec.
1856	f e	14	xxiii	20 Jan.	6 Febr.	23 Mar.	1 Maji	11 Maji	22 Maji	14	28	30 Nov.
1857	d	15	iv	8 Febr.	25 Febr.	12 Apr.	21 Maji	31 Maji	11 Junii	15	25	29 Nov.
1858	c	16	xv	31 Jan.	17 Febr.	4 Apr.	13 Maji	23 Maji	3 Junii	1	26	28 Nov.
1859	b	17	xxvi	20 Febr.	9 Mar.	24 Apr.	2 Junii	12 Junii	23 Junii	2	23	27 Nov.
1860	A g	18	vii	5 Febr.	22 Febr.	8 Apr.	17 Maji	27 Maji	7 Junii	3	26	2 Dec.
1861	f	19	xviii	27 Jan.	13 Febr.	31 Mar.	9 Maji	19 Maji	30 Maji	4	27	1 Dec.
1862	e	1	*	16 Febr.	5 Mar.	20 Apr.	29 Maji	8 Junii	19 Junii	5	24	30 Nov.
1863	d	2	xi	1 Febr.	18 Febr.	5 Apr.	14 Maji	24 Maji	4 Junii	6	26	29 Nov.
1864	c b	3	xxii	24 Jan.	10 Febr.	27 Mar.	5 Maji	15 Maji	26 Maji	7	27	27 Nov.
1865	A	4	iii	12 Febr.	1 Mar.	16 Apr.	25 Maji	4 Junii	15 Junii	8	25	3 Dec.
1866	g	5	xiv	28 Jan.	14 Febr.	1 Apr.	10 Maji	20 Maji	31 Maji	9	27	2 Dec.
1867	f	6	xxv	17 Febr.	6 Mar.	21 Apr.	30 Maji	9 Junii	20 Junii	10	24	1 Dec.
1868	e d	7	vi	9 Febr.	26 Febr.	12 Apr.	21 Maji	31 Maji	11 Junii	11	25	29 Nov.
1869	c	8	xvii	24 Jan.	10 Febr.	28 Mar.	6 Maji	16 Maji	27 Maji	12	27	28 Nov.
1870	b	9	xxviii	13 Febr.	2 Mar.	17 Apr.	26 Maji	5 Junii	16 Junii	13	24	27 Nov.
1871	A	10	ix	5 Febr.	22 Febr.	9 Apr.	18 Maji	28 Maji	8 Junii	14	26	3 Dec.
1872	g f	11	xx	28 Jan.	14 Febr.	31 Mar.	9 Maji	19 Maji	30 Maji	15	27	1 Dec.
1873	e	12	i	9 Febr.	26 Febr.	13 Apr.	22 Maji	1 Junii	12 Junii	1	25	30 Nov.
1874	d	13	xii	1 Febr.	18 Febr.	5 Apr.	14 Maji	24 Maji	4 Junii	2	26	29 Nov.
1875	c	14	xxiii	24 Jan.	10 Febr.	28 Mar.	6 Maji	16 Maji	27 Maji	3	27	28 Nov.
1876	b A	15	iv	13 Febr.	1 Mar.	16 Apr.	25 Maji	4 Junii	15 Junii	4	25	3 Dec.
1877	g	16	xv	28 Jan.	14 Febr.	1 Apr.	10 Maji	20 Maji	31 Maji	5	27	2 Dec.
1878	f	17	xxvi	17 Febr.	6 Mar.	21 Apr.	30 Maji	9 Junii	20 Junii	6	24	1 Dec.
1879	e	18	vii	9 Febr.	26 Febr.	13 Apr.	22 Maji	1 Junii	12 Junii	7	25	30 Nov.
1880	d c	19	xviii	25 Jan.	11 Febr.	28 Mar.	6 Maji	16 Maji	27 Maji	8	27	28 Nov.
1881	b	1	*	13 Febr.	2 Mar.	17 Apr.	26 Maji	5 Junii	16 Junii	9	24	27 Nov.
1882	A	2	xi	5 Febr.	22 Febr.	9 Apr.	18 Maji	28 Maji	8 Junii	10	26	3 Dec.
1883	g	3	xxii	21 Jan.	7 Febr.	25 Mar.	3 Maji	13 Maji	24 Maji	11	28	2 Dec.
1884	f e	4	iii	10 Febr.	27 Febr.	13 Apr.	22 Maji	1 Junii	12 Junii	12	25	30 Nov.
1885	d	5	xiv	1 Febr.	18 Febr.	5 Apr.	14 Maji	24 Maji	4 Junii	13	26	29 Nov.
1886	c	6	xxv	21 Febr.	10 Mar.	25 Apr.	3 Junii	13 Junii	24 Junii	14	23	28 Nov.
1887	b	7	vi	6 Febr.	23 Febr.	10 Apr.	19 Maji	29 Maji	9 Junii	15	25	27 Nov.
1888	A g	8	xvii	29 Jan.	15 Febr.	1 Apr.	10 Maji	20 Maji	31 Maji	1	27	2 Dec.
1889	f	9	xxviii	17 Febr.	6 Mar.	21 Apr.	30 Maji	9 Junii	20 Junii	2	24	1 Dec.
1890	e	10	ix	2 Febr.	19 Febr.	6 Apr.	15 Maji	25 Maji	5 Junii	3	26	30 Nov.
1891	d	11	xx	25 Jan.	11 Febr.	29 Mar.	7 Maji	17 Maji	28 Maji	4	27	29 Nov.
1892	c b	12	i	14 Febr.	2 Mar.	17 Apr.	26 Maji	5 Junii	16 Junii	5	24	27 Nov.
1893	A	13	xii	29 Jan.	15 Febr.	2 Apr.	11 Maji	21 Maji	1 Junii	6	27	3 Dec.
1894	g	14	xxiii	21 Jan.	7 Febr.	25 Mar.	3 Maji	13 Maji	24 Maji	7	28	2 Dec.
1895	f	15	iv	10 Febr.	27 Febr.	14 Apr.	23 Maji	2 Junii	13 Junii	8	25	1 Dec.
1896	e d	16	xv	2 Febr.	19 Febr.	5 Apr.	14 Maji	24 Maji	4 Junii	9	26	29 Nov.
1897	c	17	xxvi	14 Febr.	3 Mar.	18 Apr.	27 Maji	6 Junii	17 Junii	10	24	28 Nov.
1898	b	18	vii	6 Febr.	23 Febr.	10 Apr.	19 Maji	29 Maji	9 Junii	11	25	27 Nov.
1899	A	19	xviii	29 Jan.	15 Febr.	2 Apr.	11 Maji	11 Maji	1 Junii	12	27	3 Dec.
1900	g	1	xxix	11 Febr.	28 Febr.	15 Apr.	24 Maji	3 Junii	14 Junii	13	25	2 Dec.

Cyclus. Epact.	L. D.	D. M.	JANUARIUS	Cyclus Epact.	L. D.	D. M.	FEBRUARIUS
* xxix	A b	Kal. iv	1 Circumcisio Domini, dupl. ii. class. 2 Octava S. Stephani dupl. cum commem. Oct. S. Joannis Apostoli, et SS. Innocentium.	xxix xxviii	d e	Kal. iv	1 S. Ignatii Episc. et Mart. semid. 2 Purificationis B. Mariae Virg. dupl. ii. class.
xxviii	c	iii	3 Octava S. Joannis Apost. et Evang. dupl. cum commem. SS. Innocentium.	xxvii 25. xxvi xxv. xxiv	f g A	iii Prid. Non.	3 S. Blasii Episc. et Mart. 4 S. Andreae Corsini Episc. et Conf. dupl. 5 S. Agathae Virg. et Mart. dupl.
xxvii 25. xxvi	d e	Prid. Non.	4 Octava SS. Innocentium, dupl. 5 Vigilia Epiphaniae, semid. et commem. S. Telesphori Papæ et Mart.	xxiii. xxii xxi xx	b c d e	viii vii vi v	6 S. Dorotheae Virg. et Mart. 7 S. Romualdi Abbatis. dupl. 8 S. Joannis de Matha Conf. dupl. 9 S. Apolloniae Virg. et Mart.
xxv	f	viii	6 Epiphania Domini, dupl. i. class. Dominica infra Oct. Epiphaniae, semid.	xix xviii xvii xvi xv xiv xiii xii xi x ix viii vii vi	f g A b c d e f g A b c	iv iii Prid. Idib. xvi xv xiv xiii xii xi x ix viii vii vi	10 S. Scholasticae Virg. dupl. 11 12 13 14 S. Valentini Presbyt. et Mart. 15 SS. Faustini et Jovitae Mart. 16 17 18 S. Simeonis Episc. et Mart. 19 20 21 22 Cathedrae S. Petri Antiochiae. dupl. maj. 23 S. Petri Damiani Episc. Conf. et Doct. dupl. commem. Vigiliae.
xxiv xxiii xxii xxi xx	g A b c d	vii vi v iv iii	7 De Octava Epiphaniae, semid. 8 De Octava, semid. 9 De Octava, semid. 10 De Octava, semid. 11 De Octava, et commem. S. Hygini Papæ et Mart.	v iv iii ii i	f g A b c	vi v iv iii Prid.	24 S. Mathiae Apostoli. dupl. ii. class. 25 26 27 28
xix xviii	e f	Prid. Idib.	12 De Octava, semid. 13 Octava Epiphaniae dupl. Dominica II. post Epiph. Festum SS. Nominis Jesu, dupl. ii. class. cum commem. Dominicae.				
xvii	g	xix	14 S. Hilarii Episc. et Confess. semid. cum commem. S. Felicis Presbyt. et Mart.				
xvi	A	xviii	15 S. Pauli primi Eremitae Conf. dupl. cum commem. S. Mauri Abbatis.				
xv xiv xiii	b c d	xvii xvi xv	16 S. Marcelli Papæ et Mart. semid. 17 S. Antonii Abbatis, dupl. 18 Cathedrae S. Petri Romae dupl. maj. cum. comm. S. Priscaë Virg. et Mart.				
xii	e	xiv	19 S. Canuti Regis et Mart. semid. ad libitum cum commem. SS. Mart. Marii, Marthae etc. Item SS. Marii, Marthae, Audifacis et Abacum Mart.				
xi x ix viii	f g A b	xiii xii xi x	20 SS. Fabiani et Sebastiani Mart. dupl. 21 S. Agnetis Virg. et Mart. dupl. 22 SS. Vincentii et Anastasii Mart. semid. 23 S. Raymundi de Pennafort Conf. semid. et commem. S. Emerentianae Virg. et Mart.				
vii vi v iv	c d e f	ix viii vii vi	24 S. Timothei Episc. et Mart. semid. 25 Conversionis S. Pauli Apostoli. dupl. maj. 26 S. Polycarpi Episc. et Mart. dupl. 27 S. Joannis Chrysostomi Episc. et Conf. dupl.				
iii ii i *	g A b c	v iv iii Prid.	28 S. Agnetis Secundo. 29 S. Francisci Salesii Episc. et Conf. dupl. 30 S. Martinae Virg. et Mart. semid. 31 S. Petri Nolasci Conf. dupl.				

In Anno Bissextili Februarius est dierum 29. et Festum S. Mathiae celebratur 25. Februarii, et bis dicitur, Sexto Kalendas, idest, die 24. et die 25. et littera Dominicalis, quæ assumpta fuit in Mense Januario, mutatur in praecedentem, ut, si in Januario littera Dominicalis fuit A, mutetur in praecedentem, quæ est g. &c., et littera f. bis servit, 24. et 25.

Cyclus Epact.	L. M.	D. M.	MARTIUS	Cyclus Epact.	L. D.	D. M.	APRILIS
* xxix xxviii xxvii	d e f g	Kal. vi v iv	1 2 3 4 S. Casimiri Confess. <i>semid.</i> , et <i>commem.</i> S. Lucii Papae et Martyris.	xxix xxviii xxvii 25. xxvi	g A b c	Kal. iv iii Prid.	1 2 S. Francisci de Paula Conf. <i>dupl.</i> 3 4 S. Isidori Episc. Conf. et Ecclesiae Doct. <i>dupl.</i>
xxvi 25. xxv xxiv	A b c	iii Prid. Non.	5 6 7 S. Thomae de Aquino Confess. et Eccl. Doctoris <i>dupl. cum commem.</i> SS. Perpetuae et Felicitatis Martyrum.	xxv. xxiv xxiii xxii xxi xx xix xviii	d e f g A b c	Non. viii vii vi v iv iii	5 S. Vincentii Ferrerii Conf. <i>dupl.</i> 6 7 8 9 10 11 S. Leonis I. Papae Conf. et Ecclesiae Doct. <i>dupl.</i>
xxiii xxii xxi xx xix	d e f g A	viii vii vi v iv	8 S. Joannis de Deo Confess. <i>dupl.</i> 9 S. Franciscæ viduae Romanae <i>dupl.</i> 10 SS. Quadraginta Mart. <i>semid.</i> 12 S. Gregorii Papae, Confess. et Ecclesiae Doctoris. <i>dupl.</i>	xvii xvi xv xiv xiii xii xi x ix viii	d e f g A b c d e f	Prid. Idib. xviii xvii xvi xv xiv xiii xii xi	12 13 S. Hermenegildi Regis Martyris. <i>semid.</i> 14 SS. Tiburtii, Valeriani et Maximi Mart. 15 16 17 S. Aniceti Papae et Mart. 18 19 20 21 S. Anselmi Episc. Confess. et Eccl. Doct. <i>dupl.</i>
xviii xvii xvi xv xiv xiii xii	b c d e f g A	iii Prid. Idib. xvii xvi xv xiv xiii	13 14 15 16 17 S. Patritii Episc. et Conf. <i>semid.</i> 18 19 S. Josephi Sponsi Beatae Mariae Virginis <i>dupl. ii. classis.</i>	vii vi v iv iii	g A b c d	x ix viii vii vi	22 SS. Soteris, et Caji Pontificum et Mart. <i>semid.</i> 23 S. Georgii Martyris, <i>semid.</i> 24 S. Fidelis a Sigmaringa Martyris. <i>dupl.</i> 25 S. Marci Evangelistae. <i>dupl. ii. classis.</i> 26 SS. Cleti et Marcellini Pontif. et Mart. <i>semid.</i>
xi x ix viii vii vi	b c d e f g	xiii xii xi x ix viii	20 21 S. Benedicti Abbatis. <i>dupl.</i> 22 23 24 25 Annuntiationis Beatae Mariae Virg. <i>dupl. ii. classis.</i>	ii i *	e f g A	v iv iii Prid.	27 28 S. Vitalis Mart. 29 S. Petri Martyris. <i>dupl.</i> 30 S. Catharinae Senensis Virg. <i>dupl.</i>
v iv iii ii i *	A b c d e f	vii vi v iv iii Prid.	26 27 28 29 30 31 Feria VI. post Dominicam Passionis celebratur Festum VII. Dolorum B. Mariae Virg. <i>dupl. majus.</i>				

Cyclus Epact.	L. D.	D. M.	MAJUS	Cyclus Epact.	L. D.	D. M.	JUNIUS
xxviii	b	Kal.	1 SS. Philippi et Jacobi Apostolorum. dupl. ii. class.	xxvii	e	Kal.	1
xxvii	c	vi	2 S. Athanasii Episc. et Conf. dupl.	25. xxvi	f	iv	2 SS. Marcellini, Petri atque Erasmi Mart.
xxvi	d	v	3 Inventionis Sanctae Crucis. dupl. ii. class. et commem. SS. Alexandri, Eventii, et Theoduli Mart. ac Ju- venalis Episc. et Conf. in Missis privatis tantum.	xxv. xxiv	g	iii	3
25. xxv	e	iv	4 S. Monicae Viduae. dupl.	xxiii	A	Prid.	4 S. Francisci Caracciolo Confessoris dupl.
xxiv	f	iii	5 S. Pii V. Papae et Conf. dupl.	xxii	b	Non.	5
xxiii	g	Prid.	6 S. Joannis ante Portam Latinam. dupl. maj.	xxi	c	viii	6 S. Norberti Episc. et Conf. dupl.
xxii	A	Non.	7 S. Stanislai Episc. et Mart. dupl.	xx	d	vii	7
xxi	b	viii	8 Apparitionis S. Michaelis Archangeli. dupl. majus.	xix	e	vi	8
xx	c	vii	9 S. Gregorii Nazianzeni Episc. et Conf. dupl.	xviii	f	v	9 SS. Primi et Feliciani Mart.
xix	d	vi	10 S. Antonini Episc. et Conf. semid. cum commem. SS. Gordiani et Epimachi Mart.	xvii	g	iv	10 S. Margaritae Reginae Scotiae. semidupl.
xviii	e	v	11	xvi	A	iii	11 S. Barnabae Apostoli. dupl. maj.
xvii	f	iv	12 SS. Nerei, Achillei, et Domitillae Vir- ginis, atque Pancratii Mart. semid.	xv	b	Prid.	12 S. Joannis a S. Facundo Confess. dupl. cum commem. SS. Basilidis, Cyrini, Naboris et Nazarii Mart.
xvi	g	iii	13	xiv	c	Idib.	13 S. Antonii de Padua Conf. dupl.
xv	A	Prid.	14 S. Bonifacii Mart.	xiii	d	xviii	14 S. Basilii Magni Episc. Confess. dupl.
xiv	b	Idib.	15	xii	e	xvii	15 SS. Viti, Modesti atque Crescentiae Mart.
xiii	c	xvii	16 S. Ubaldi Episc. et Conf. semid.	xi	f	xvi	16
xii	d	xvi	17 S. Paschalis Baylon Conf. dupl.	x	g	xv	17
xi	e	xv	18 S. Venantii Martyris. dupl.	ix	A	xiv	18 SS. Marci et Marcelliani Mart.
x	f	xiv	19 S. Petri Coelestini Papae et Conf. dupl. cum commem. S. Pudentianae Vir- ginis.	viii	b	xiii	19 S. Julianae de Falconeriis Virginis. dupl. cum commem. SS. Gervasii et Protasii Mart.
ix	g	xiii	20 S. Bernardini Senensis Conf. semid.	vii	c	xii	20 S. Silverii Papae et Mart.
viii	A	xii	21	vi	d	xi	21
vii	b	xi	22	v	e	x	22 S. Paulini Episcopi et Confess. Vigilia.
vi	c	x	23	iv	f	ix	23
v	d	ix	24	iii	g	viii	24 Nativitatis S. Joannis Baptistae. dupl. i. classis.
iv	e	viii	25 S. Gregorii VII. Papae et Confess. dupl. cum commem. S. Urbani Papae et Mart.	ii	A	vii	25 S. Guillelmi Abbatis. dupl. cum com- mem. Octavae Nativitatis S. Joannis.
iii	f	vii	26 S. Philippi Nerii Conf. dupl. cum com- mem. S. Eleutherii Papae et Mart.	i	b	vi	26 SS. Joannis et Pauli Mart. dupl. cum commem. Octavae Nativit. S. Joannis.
ii	g	vi	27 S. Mariae Magdalenae de Pazzis Vir- ginis. semid. (sed in tota Italia, et insulis adjacentibus, duplex) cum commem. S. Joannis Papae et Mart.	*	c	v	27 De Oct. Nativitatis S. Joannis.
i	A	v	28	xxix	d	iv	28 S. Leonis II. Papae et Conf. semid. cum commem. Octavae et Vigiliae SS. Apostolorum.
*	b	iv	29	xxviii	e	iii	29 SS. Petri et Pauli Apostolorum. dupl. i. clas.
xxix	c	iii	30 S. Felicis Papae et Mart.	xxvii	f	Prid.	30 Commemorationis S. Pauli Apost. dupl. cum commem. S. Petri Apost. et Octavae Nativit. S. Joannis.
xxviii	d	Prid.	31 S. Petronillae Virg.				

Cyclus. Epact.	L. D.	D. M.	JULIUS	Cyclus Epact.	L. D.	D. M.	AUGUSTUS
xxvi	g	Kal.	1 Octava S. Joannis Baptistae. dupl. cum commem. Octav. Apostolorum.	xxv. xxiv	c	Kal.	1 S. Petri ad Vincula. dupl. maj. commem. SS. Machabaeorum Mart.
25. xxv	A	vi	2 Visitationis B. Mariae Virg. dupl. maj. cum commem. Oct. Ap. ac SS. Pro- cessi et Martiniani Mart.	xxiii	d	iv	2 S. Alphonsi Mariae de Ligorio Episc. et Conf. dupl. cum comm. S. Stephani I. Papae et Mart.
xxiv	b	v	3 De Octava Apostolorum. semid.	xxii	e	iii	3 Inventionis S. Stephani Protomartyris. semid.
xxiii	c	iv	4 De Octava.	xxi	f	Prid.	4 S. Dominici Conf. dupl.
xxii	d	iii	5 De Octava.	xx	g	Non.	5 Dedicationis S. Mariae ad Nives. dupl. maj.
xxi	e	Prid.	6 Octavae SS. Apostolorum Petri et Pauli, dupl.	xix	A	viii	6 Transfigurationis Domini dupl. maj. com- mem. SS. Xysti Papae, Felicissimi et Agapiti Mart.
xx	f	Non.	7	xviii	b	vii	7 S. Cajetani Confess. dupl. cum commem. S. Donati Episc. et Mart.
xix	g	viii	8 S. Elisabeth Reginae Portugalliae Vi- duae. semid.	xvii	c	vi	8 SS. Cyriaci, Largi et Smaragdi Mart. semid.
xviii	A	vii	9	xvi	d	v	9 Vigil. et comm. S. Romani Mart.
xvii	b	vi	10 SS. Septem Fratrum, et SS. Rufinae ac Secundae Mart. semid.	xv	e	iv	10 S. Laurentii Mart. dupl. ii. class.
xvi	c	v	11 S. Pii I. Papae et Mart.	xiv	f	iii	11 De Octava S. Laurentii, semid. cum com- mem. SS. Tiburtii et Susannae Mart.
xv	d	iv	12 S. Joannis Gualberti Ab. dupl. cum commem. SS. Naboris et Felicis Mart.	xiii	g	Prid.	12 S. Clarae Virg. dupl. cum commem. Oct.
xiv	e	iii	13 S. Anacleti Papae et Mart. semid.	xii	A	Idib.	13 De Octav. et commem. SS. Hyppolyti et Cassiani Mart.
xiii	f	Prid.	14 S. Bonaventurae Episc. Confess. et Eccl. Doctoris. dupl.	xi	b	xix	14 De Oct. cum commem. Vigil. et S. Eusebii Confess.
xii	g	Idib.	15 S. Henrici Conf. semid.	x	c	xviii	15 Assumptionis B. Mariae Virg. dupl. i. class. Dominica infra Oct. Assumpt. B. M. V. celebratur Festum S. Joachim Conf. Patris ejusdem B. M. V. dupl. maj. cum commem. Dominicae et Octav.
xi	A	xvii	16 Festum B. Mariae Virg. de Monte Car- melo. dupl. maj.	ix	d	xvii	16 S. Hyacinthi Conf. dupl. cum commem. Oct. Assumpt. et S. Laurentii.
x	b	xvi	17 S. Alexii Confess. semid. Romae vero dupl. in appendice pro aliquibus locis.	viii	e	xvi	17 Oct. S. Laurentii Mart. dupl. cum comm. Octavae Assumpt.
ix	c	xv	18 S. Camilli de Lellis Conf. dupl. cum commem. SS. Simphorosae cum se- ptem filiis Mart.	vii	f	xv	18 De Octava, et commem. S. Agapiti Mart.
viii	d	xiv	19 S. Vincentii a Paulo Conf. dupl.	vi	g	xiv	19 De Octava.
vii	e	xiii	20 S. Hieronymi Aemiliani Confess. dupl. cum commem. S. Margaritae Virg. et Mart.	v	A	xiii	20 S. Bernardi Abbatis et Eccl. Doct. dupl. cum commem. Oct. Assumpt.
vi	f	xii	21 S. Praxedis Virg.	iv	b	xii	21 S. Joannae de Chantal Vid. dupl. cum commem. Oct.
v	g	xi	22 S. Mariae Magdalenae. dupl.	iii	c	xi	22 Octavae Assumptionis B. Mariae Virg. dupl. cum commem. SS. Timothei, Hippolyti et Symphoriani Mart.
iv	A	x	23 S. Apollinaris Episc. et Mart. dupl. cum commem. S. Liborii Episc. et Confess.	ii	d	x	23 S. Philippi Benitii Conf. dupl. cum com- mem. Vigil.
iii	b	ix	24 Vigiliae et commem. S. Christinae Virg. et Mart.	i	e	ix	24 S. Bartholomaei Apostoli. dupl. ii. class. Romae celebr. die 25.
ii	c	viii	25 S. Jacobi Apost. dupl. ii. class. et commem. S. Christophori Mart. in Missis privatis tantum.	*	f	viii	25 S. Ludovici Regis Franciae Confess. se- mid. Romae die 26.
i	d	vii	26 S. Annae Matris B. Virginis Mariae. dupl. maj.	xxix	g	vii	26 S. Zephyrini Papae et Mart.
*	e	vi	27 S. Pantaleonis Mart.	xxviii	A	vi	27 S. Josephi Calasactii Conf. dupl.
xxix	f	v	28 SS. Nazarii, Celsi, et Victoris Papae et Mart. ac Innocentii Papae et Con- fess. semid.	xxvii	b	v	28 S. Augustini Ep. Conf. et Eccl. Doct. dupl. et commem. S. Hermetis Mart.
xxviii	g	iv	29 S. Marthae Virg. semid. cum commem. SS. Felicis Papae, Simplicii, Fau- stini et Beatricis Mart.	xxvi	c	iv	29 Decollationis S. Joannis Bapt. dupl. maj. et commem. S. Sabinae Mart.
xxvii	A	iii	30 SS. Abdon et Sennen Mart.	25. xxv	d	iii	30 S. Rosae Limanae Virg. dupl. cum comm. SS. Felicis et Sociorum Mart.
25. xxvi	b	Prid.	31 S. Ignatii De Lojola Conf. dupl.	xxiv	e	Prid.	31 S. Raymundi Nonnati Conf. dupl.

Cyclus Epact.	L. D.	D. M.	SEPTEMBER	Cyclus Epact.	L. D.	D. M.	OCTOBER
xxiii	f	Kal.	1 S. Ægidii Abb. et commem. SS. XII. Fratrum Mart.				Dominica, quae vel occurrit in Kalen- dis, vel prima est post Kalendas Octobris. Solemnitas SS. Rasarii B. Mariae Virginis. dupl. maj. cum commem. Dominicae.
xxii	g	iv	2 S. Stephani Hungariae Regis Conf. semid.				1 S. Remigii Episc. et Confess. simplex de praecepto, vel semid. ad libit.
xxi	b ^A	iii	3				2 SS. Angelorum Custodum. dupl.
xx	c	Prid.	4	xxii	A	Kal.	3
xix	c	Non.	5 S. Laurentii Justiniani Episc. et Confess. semid.		b	vi	4 S. Francisci Confess. dupl.
xviii	d	viii	6	xxi	c	v	5 SS. Placidi et Socior. Mart.
xvii	e	vii	7	xx	d	iv	6 S. Brunonis Conf. dupl.
xvi	f	vi	8 Nativitatis B. Mariae Virg. dupl. ii. class. et commem. S. Adriani Mart. in Missis privatis tantum. Dominica infra Octav. Nativitatis B. Mariae Virg. celebratur Festum SS. Nominis ejusdem B. Mariae Virginis. dupl. maj. cum commem. Domin.	xix	e	iii	7 S. Marci Papae et Conf. cum commem. SS. Sergii, Bacchi, Marcelli et Apuleji Mart.
			9 De Octava Nativitatis B. Mariae et commem. S. Gorgonii Mart. semid.	xviii	f	Prid.	8 S. Birgittae Viduae. dupl.
xv	g	v	10 S. Nicolai de Tolentino Confess. dupl. et comm. Oct. Nativ. B. Mariae V.	xvi	g	Non.	9 SS. Dionysii, Rustici et Eleutherii Mart. semid.
xiv	A	iv	11 De Oct. Nativitatis B. Mariae, et comm. SS. Proti et Hyacinthi Mart.	xiii	c	vi	10 S. Francisci Borgiae Conf. semid.
xiii	b	iii	12 De Octava.	xii	d	v	11
xii	c	Prid.	13 De Octava.	xi	e	iv	12
xi	d	Idib.	14 Exaltationis S. Crucis dupl. maj. cum commem. Oct. Nativ. B. Mariae.	x	f	iii	13 S. Eduardi Conf. semid.
x	e	xviii	15 Octavae Nativitatis B. Mariae Virg. dupl. et commem. S. Nicomedis Mart.	ix	g	Prid.	14 S. Callisti Papae, et Mart. dupl.
ix	f	xvii	16 SS. Cornelii et Cypriani Pont. et Mart. semid. cum comm. SS. Euphemiae, Luciae et Geminiani Mart.	viii	A	Idib.	15 S. Theresiae Virginis. dupl.
viii	g	xvi	17 Sacrorum Stigmatum S. Francisci. dupl.	vii	b	xvii	16 S. Hedwigis Viduae. semid.
vii	A	xv	18 S. Josephi a Cupertino Conf. dupl.	vi	c	xvi	17 S. Lucae Evang. dupl. ii. class.
vi	b	xiv	19 SS. Januarii Episc. et Socior. Mar- tyrum. dupl.	v	d	xv	18 S. Petri de Alcantara Conf. dupl.
v	c	xiii	20 SS. Eustachii, et Socior. Mart. dupl. eum commem. Vigiliae.	iv	e	xiv	19 S. Joannis Cantii. dupl.
iv	d	xii	21 S. Matthaei Apost. et Evang. dupl. ii. class.	iii	f	xiii	20 S. Hilarionis Abbatis, et comm. SS. Ursulae, et Sociar. Virg. et Mart.
iii	e	xi	22 S. Thomae de Villanova Episc. et Conf. dupl. cum commem. SS. Mauritii, et Socior. Mart.	ii	g	xii	21
ii	f	x	23 S. Lini Papae et Mart. semid. cum com- mem. S. Theclae Virg. et Mart.	i	A	xi	22
i	g	ix	24 Beatissimae Virg. Mariae de Mercede dupl. maj.	*	b	x	23
*	A	viii	25	xxix	c	ix	24
xxix	b	vii	26 SS. Cypriani et Justinae Mart.	xxviii	d	viii	25 SS. Chrysanthi et Dariae Mart.
xxviii	c	vi	27 SS. Cosmae et Damiani Mart. semid.	xxvii	e	vii	26 S. Evaristi Papae et Mart. Vigilia.
xxvii	d	v	28 S. Wenceslai Mart. semid.	xxvi	f	vi	27
25. xxv	e	iv	29 Dedicationis S. Michaelis Archangeli, dupl. ii. class.	xxv	g	v	28 SS. Simonis et Judae Apost. dupl. ii. class.
xxv. xxi	f	iii	30 S. Hieronymi Presbyteri Confess. et Eccl. Doctoris. dupl.	xxiv	A	iv	29
xxiii	g	Prid.		xxiii	b	iii	30
			Dominica III. Septembris celebratur Fe- stum Septem Dolorum B. Mariae Virg. dupl. maj. cum commem. Dom.	xxii	c	Prid.	31 Vigiliae.

Cyclus Epact.	L. D.	D. M.	NOVEMBER	Cyclus Epact.	L. D.	D. M.	DECEMBER
xxi	d	Kal.	1 Festum Omnium Sanctorum dupl. i. class.	xx	f	Kal.	1
xx	e	iv	2 Commemorationis omnium fidelium Defunctorum. dupl. fol. lxx. vel de Octava omnium Sanctorum.	xix	g	iv	2 S. Bibianae Virg. et Mart. semid.
xix	f	iii	3 De Octava.	xviii	A	iii	3 S. Francisci Xaverii Conf. dupl.
xviii	g	Prid.	4 S. Caroli Episc. et Conf. dupl. cum comm. Octav. SS. Vitalis et Agricolae Mart.	xvii	b	Prid.	4 S. Petri Chrysologi. dupl. cum commem. S. Barbarae Virg. et Mart.
xvii	A	Non.	5 De Octava.	xvi	c	Non.	5 S. Sabbae Abbatis commem.
xvi	b	viii	6 De Octava.	xv	d	viii	6 S. Nicolai Episc. et Conf. dupl.
xv	c	vii	7 De Octava.	xiv	e	vii	7 S. Ambrosii Episc. Conf. et Eccl. Doct. dupl.
xiv	d	vi	8 Octavae omnium Sanctorum. dupl. et commem. SS. Quatuor Coronatorum Mart.	xiii	f	vi	8 Conceptionis B. Mariae Virginis. dupl. ii. class.
xiii	e	v	9 Dedicationis Basilicae Salvatoris. dupl. et commem. S. Theodori Mart.	xii	g	v	9 De Octava.
xii	f	iv	10 S. Andreae Avellini Conf. semid. Sed in tota Italia, Sardinia, et Insulis Italiae adjacentibus, dupl. cum commem. SS. Tryphonis, Respicii et Nymphae Mart.	xi	A	iv	10 De Octava, cum commem. S. Melchiadis Papae et Mart.
xi	g	iii	11 S. Martini Episc. et Conf. dupl. et comm. S. Mennae Mart.	x	b	iii	11 S. Damasi Papae et Conf. semid. cum commem. Oct.
x	A	Prid.	12 S. Martini Papae et Mart. semid.	ix	c	Prid.	12 De Octava.
ix	b	Idib.	13 S. Didaci Confess. semid.	viii	d	Idib.	13 S. Luciae Virginis et Mart. dupl. cum commem. Oct.
viii	c	xviii	14	vii	e	xix	14 De Octava.
vii	d	xvii	15 S. Gertrudis Virg. dupl.	vi	f	xviii	15 Octavae Conceptionis dupl.
vi	e	xvi	16	v	g	xvii	16 S. Eusebii Episc. Vercellensis et Mart. semid.
v	f	xv	17 S. Gregorii Thaumaturgi Episc. et Conf. semid.	iv	A	xvi	17
iv	g	xiv	18 Dedicationis Basilicarum Petri et Pauli Apost. dupl.	iii	b	xv	18
iii	A	xiii	19 S. Elisabeth Viduae, dupl. cum commem. S. Pontiani Papae et Mart.	ii	c	xiv	19
ii	b	xii	20 S. Felicis de Valois Conf. dupl.	i	d	xiii	20 Vigiliae.
i	c	xi	21 Praesentationis B. Mariae Virg. dupl. maj.	*	e	xii	21 S. Thomae Apost. dupl. ii. class.
*	d	x	22 S. Caeciliae Virg. et Mart., dupl.	xxix	f	xi	22
xxix	e	ix	23 S. Clementis Papae et Mart. dupl. cum commem. S. Felicitatis Mart.	xxviii	g	x	23
xxviii	f	viii	24 S. Joannis a Cruce Confessoris dupl. cum commem. S. Chrysogoni Mart.	xxvii	A	ix	24 Vigiliae.
xxvii	g	vii	25 S. Catharinae Virg. et Mart. dupl.	xxvi	b	viii	25 Nativitatis Domini Nostri Jesu Christi. dupl. i. classis. commem. S. Anastasiae Mart. in secunda Missa.
25. xxvi	A	vi	26 S. Petri Alexandrini Episcopi et Mart.	25. xxv	c	vii	26 S. Stephani Protomartyris. dupl. ii. class. cum commem. Oct. Nativ.
xxv. xxiv	b	v	27	xxiv	d	vi	27 S. Joannis Apost. et Evang. dupl. ii. class. cum commem. Octav.
xxiii	c	iv	28	xxiii	e	v	28 SS. Innocentium Mart. dupl. ii. class. cum commem. Octav.
xxii	d	iii	29 Vigiliae, et commem. S. Saturnini Mart.	xxii	f	iv	29 S. Thomae Cantuariensis Episc. et Mart. semid cum commem. Octav.
xxi	e	Prid.	30 S. Andreae Apost. dupl. ii. class.	xxi	g	iii	30 De Dominica infra Oct. Nativitatis. semid. cum commem. aliarum Octav.
				19. xx	A	Prid.	31 S. Silvestri I. Papae et Confess. dupl. cum commem. Octav.

Haec Epacta 19. nigra numquam est in usu, nisi quando eodem anno concurrat cum Aureo numero xix.

RUBRICAE GENERALES

MISSALIS.

Missa quotidie dicitur secundum Ordinem Officii: de festo Duplici, vel Semiduplici, vel Simplici: de Dominica, vel Feria, vel Vigilia, vel Octava: et extra ordinem Officii, Votiva, vel pro Defunctis.

I. De Duplici.

Missa dicitur de Duplici illis diebus, quibus in Calendario ponitur haec nota, **Duplex**; et in Festis mobilibus, quandocumque Officium est duplex. In Duplicibus dicitur una tantum Oratio, nisi aliqua commemoratio fieri debeat. Alia omnia dicuntur, ut in propriis Missis assignatum est. Quando dici debeat, **Gloria in excelsis**, et **Credo**, inferius ponitur in propriis Rubricis.

II. De Semiduplici, et Simplici.

Missa de Semiduplici dicitur, quando in Calendario ponitur haec vox, **Semiduplex**. Praeterea in Dominicis, et diebus infra Octavas. In Semiduplicibus tam Festis, quam Dominicis, et infra Octavas, dicuntur plures Orationes, ut infra dicetur in Rubrica de Orationibus. Infra Octavam dicitur Missa sicut in die Festi, nisi propriam Missam habuerit: in Dominicis vero, sicut in propriis locis assignatur. De Simplici dicitur Missa sicut de Semiduplici, ut suis locis ponitur.

III. De Feria, et Vigilia.

1. **M**issa de Feria dicitur, quando non occurrit Festum, vel Octava, vel Sabbatum, in quo fiat Officium beatae Mariae. In Feriis tamen Quadrages. Quatuor Temp. Rogationum, et Vigiliarum, etiamsi Duplex, vel Semidupl. Festum, vel Octava occurrat, in Ecclesiis Cathedralibus, et Collegiatis cantantur duae Missae, una de Festo post Tertiam, alia de Feria post Nonam.

2. In Vigiliis autem, et Feriis Quatuor Temporum, vel Feria secunda Rogationum, quae veniunt infra Octavam, Missa dicitur de Vigilia vel Feriis supradictis, cum commemoratione Octavae: praeterquam infra Octavam Corporis Christi, in qua in Ecclesiis Cathedralibus, et Collegiatis cantantur duae Missae, una de Octava post Tertiam, alia de Vigilia post Nonam; in Missis autem privatis dicitur Missa de Octava, cum commemoratione Vigiliae. Si autem in die Vigiliae, vel praedictis Feriis fiat Officium de aliquo Festo, tunc dicitur Missa de Festo cum commemoratione Octavae, et Vigiliae, vel Feriarum praedictarum. Quod si Vigilia occurrat in die alicujus Festi ex majoribus primae Classis, in Missa non fit commemoratio de ea, sicut nec in Officio.

3. Si festum habens Vigiliam celebretur Feria secunda, Missa Vigiliae dicitur in Sabbato, sicut etiam de ea fit Officium: excepta Vigilia Nativ. Domini, et Epiphaniae.

4. Missa Vigiliae in Adventu currentis, dicitur cum commem. Feriae adventus, licet de ea non sit factum Officium: Vigilia Nativitatis excepta.

5. Si in Quadragesima, et Quatuor Temporibus occurrat Vigilia, dicatur Missa de Feria cum commemoratione Vigiliae.

6. Tempore Paschali non dicitur Missa de Vigilia, nisi in Vigilia Ascensionis, quae tamen non jejunatur, sicut nec Vigilia Epiphaniae.

IV. De Missis Votivis Sanctae Mariae, et aliis.

1. **I**n Sabbatis non impeditis Festo Duplici, vel Semiduplici, Octava, Vigilia, Feriis Quadragesimae vel Quatuor Temporum vel officio alicujus Dominicae, quae supersit, in praecedens Sabbatum translato, dicitur Missa de Sancta Maria secundum varietatem temporum, ut in fine Missalis ponitur.

2. In Adventu autem, licet Officium non fiat de Sancta Maria in Sabbato, dicitur tamen Missa principalis de ea, cum commem. de Adventu, nisi fuerint Quat. Temp. vel Vigilia, ut supra.

3. Aliis diebus infra Hebdomadam, quando Officium fit de Feria, et non est resumenda Missa Dominicae praecedentis, quae fuerit impedita (exceptis Feriis Adventus, Quadragesimae, Quat. Temporum, Rogationum, et Vigiliarum) dici potest aliqua ex Missis Votivis, etiam in principali Missa, quae vocatur Conventualis secundum Ordinem dierum in fine Missalis assignatum, cum commemoratione Feriae, de qua factum est Officium. Quae tamen Missae, et omnes aliae Votivae, in Missis privatis dici possunt pro arbitrio Sacerdotum, quocumque die Officium non est Duplex, aut Dominica, cum commemoratione ejus, de quo factum est Officium, et commemoratione item festi Simplicis, si de aliquo occurrat eo die fieri commemorationem in Officio. Id vero passim non fiat, nisi rationabili de causa. Et quoad fieri potest, Missa cum officio conveniat.

V. De Missis Defunctorum.

1. **P**rima diecujusque mensis (extra Adventum, Quadragesimam, et tempus Paschale) non impedita Officio Duplici, vel Semiduplici, dicitur Missa principalis generaliter pro Defunctis Sacerdotibus, Benefactoribus, et aliis. Si vero in ea fuerit festum Simplex, vel Feria, quae propriam habeat Missam, aut resumenda sit Missa Dominicae praecedentis, quae fuit impedita, et infra Hebdomadam non occurrat alius dies, in quo resumari possit; in Ecclesiis Cathedralibus et Collegiatis dicantur duae Missae, una pro Defunctis, alia de festo Simplici, vel Feria praedicta. Sed in Ecclesiis non Cathedralibus nec Collegiatis dicatur Missa de die cum commemoratione generaliter pro Defunctis.

2. Praeterea Feria secunda cujusque Hebdomadae, in qua Officium fit de Feria, Missa principalis dici potest pro Defunctis. Si autem fuerit propria Missa de Feria, vel de Festo Simplici, vel resumenda sit Missa Dominicae praecedentis, ut supra, in Missa de die fiat commemoratio (ut dictum est) pro Defunctis. Excipitur tamen Quadragesima, et totum tempus Paschale, et quando per annum Officium est Duplex, vel Semiduplex, quibus temporibus non dicitur Missa Conventualis pro Defunctis (nisi in die depositionis Defuncti, et in Anniversario pro Defunctis); neque pro eis fit commemoratio. Missae autem privatae pro Defunctis quocumque die dici possunt, praeterquam in Festis Duplicibus, et Dominicis diebus.

3. In die Commemorationis omnium Defunctorum, et in die Depositionis, et in Anniversario Defuncti, dicitur una tantum Oratio: et similiter in die Tertia, Septima, Trigesima, et quandocumque pro Defunctis solemniter celebratur; in aliis Missis, plures, ut de Feriis, et Simplicibus dicetur infra in Rubrica de Orationibus.

4. Sequentia pro Defunctis dicitur in die Commemorationis omnium Fidelium Defunctorum, et Depositionis Defuncti, et quandocumque in Missa dicitur una tantum Oratio: in aliis autem Missis pro Defunctis, dicatur ad arbitrium Sacerdotis.

VI. De Translatione Festorum.

In dicendis Missis servetur ordo Breviarii de Translatione Festorum Duplicium, et Semiduplicium, quando majori aliquo Festo, seu Dominica impediuntur. In Ecclesiis autem, ubi Titulus est Ecclesiae, vel concursus populi ad celebrandum Festum, quod transferri debet, possunt cantari duae Missae, una de die, alia de Festo: excepta Dominica prima Adventus, feria iv. Cinerum, Dominica prima Quadragesimae, Dominica Palmarum cum tota Hebdomada majori, Dominica Resurrectionis, et Dominica Pentecostes cum duobus sequentibus diebus, die Nativitatis Domini, Epiphaniae, Ascensionis, et Festo Corporis Christi.

VII. De Commemorationibus.

1. **C**ommemorationes in Missis fiunt sicut in Officio. De Festo simplici fit Commemoratio in Missa, quando de eo in Officio facta est Commemoratio in primis Vesperis. Quando

autem de eo fit Commemoratio tantum ad Laudes, in Missa solemni non fit Commemoratio de eo, sed in Missis tantum privatis. Excipitur Dominica Palmarum, et Vigilia Pentecostes, in quibus nulla fit Commemoratio etiam in Missis privatis de Festo Simplici occurrente, licet facta sit in Officio. De Dominica fit Commemoratio, quando in ea agitur de Festo Duplici. De Octava fit Commemoratio, quando infra Octavam celebratur aliquod Festum, nisi illud Festum fuerit de exceptuatis in Rubrica Breviarii de Commemorationibus. Item quando infra Octavam fit de Dominica.

2. De Feria fit Commemoratio in Adventu, Quadragesima, Quatuor Temporibus, Rogationibus, et Vigiliis, quando Missa dicenda est de Festo illis temporibus occurrente. Sed in Ecclesiis Cathedralibus, et Collegiatis, ubi plures Sacerdotes quotidie celebrant, in Feriis, Rogationibus, et Vigiliis praedictis, quae habent Missas proprias, dicuntur duae Missae, una de Festo, alia de Feria, Rogationibus, et Vigilia, absque ulla utrorumque Commem. in Festis tamen majoribus primae Classis nihil fit de Vigilia occurrente, ut dictum est supra.

3. Quando infra Hebdomadam dicuntur Missae Votivae, post primam Orationem semper dicatur Oratio ejus de quo fit Officium, ut supra explicatum est in propria Rubrica.

4. Quando fit Commem. de Feria Quatuor Temporum, pro Feriae Commemoratione dicitur prima Oratio, quae concordat cum Officio.

5. In faciendis Commem. servetur ordo ut in Breviario. De Dominica ante diem infra Octavam; de die infra Octav. ante Ferias praedictas: de Feriis praedictis, ante Festum Simplex: de Festo Simplici, ante Orationes, quae secundo, vel tertio loco dicendae assignantur: et hae dicantur ante Orationes votivas; in quibus votivis servetur deinde Dignitas Orationum, ut de sancta Trinitate, de Spiritu sancto, de SS. Sacramento, de S. Cruce ante votivam de B. Maria, et de Angelis, et S. Joanne Baptista ante Apostolos, et similiter in aliis.

6. Si facienda sit Commemoratio pro Defunctis, semper ponitur penultimo loco. In Missis autem Defunctorum nulla fit commem. pro vivis, etiamsi Oratio esset communis pro vivis et Defunctis.

7. Quando dicuntur plures Orationes, prima tantum, et ultima cum sua conclusione terminantur: et ante primam, et secundam Orationem tantum dicitur *Oremus*, ante primam dicitur etiam *Dominus vobiscum*.

8. Cum vero dicuntur plures Orationes, et una Oratio eadem sit cum alia ibidem dicenda, Oratio ejusmodi, illa scilicet, quae eadem est, non aliae, commutetur cum alia de Communi, vel Proprio, quae sit diversa. Idem servetur in Secretis, et Orationibus post Communionem.

VIII. De Introitu, Kyrie eleison, et Gloria in excelsis.

1. **I**ntroitus semper eodem modo dicitur cum *Gloria Patri*, ut in Ordinario, praeterquam tempore Passionis, et in Missis Defunctorum, ut etiam ibi annotatum est.

2. *Kyrie eleison* dicitur novies post Introitum, alternatim cum Ministro, id est, ter *Kyrie eleison*, ter *Christe eleison*, ter *Kyrie eleison*.

3. *Gloria in excelsis* dicitur, quodcumque in Matutino dictus est Hymnus, *Te Deum*, praeterquam in Missa Feriae quintae in Coena Domini, et Sabbati S. in quibus *Gloria in excelsis*, dicitur, quamvis in Officio non sit dictum *Te Deum*.

4. In Missis Votivis non dicitur, etiam tempore Paschali, vel infra Octavas, nisi in Missa B. Mariae in Sabbato, et Angelorum: et nisi Missa Votiva solemniter dicenda sit pro re gravi, vel pro publica Ecclesiae causa, dummodo non dicatur Missa cum paramentis violaceis. Neque dicitur in Missis Defunctorum.

IX. De Orationibus.

1. **I**n Festis Duplicibus dicitur una tantum Oratio, nisi facienda sit aliqua Commemoratio, ut dictum est supra.

2. In Festis Semiduplicibus occurrentibus ab Octava Pentec. usque ad Adventum, et à Purificatione usque ad Quadrag. dicitur secunda Oratio, *A cunctis*, tertia ad libitum.

3. In Festis Semiduplicibus occurrentibus ab Oct. Epiph. usque ad Purificat., dicitur secunda Oratio, *Deus, qui salutis*, tertia Ecclesiae, vel pro Papa, *Deus omnium fidelium*.

4. In festis Semiduplicibus, à Feria iv. Cinerum usque ad Dominicam Passionis, secunda Oratio de Feria, tertia, *A cunctis*.

5. In Semidupl. à Dominica Passionis usque ad Dominicam Palmarum, secunda Oratio de Feria, tertia *Ecclesiae*, vel pro Papa.

6. In Festis Semiduplicibus ab Octava Paschae usque ad Ascensionem, secunda Oratio de S. Maria, *Concede nos*, tertia *Ecclesiae*, vel pro Papa.

7. In Festis Semiduplicibus infra Octavas occurrentibus, secunda Oratio dicitur de Octava, tertia, quae secundo loco infra Octavam ponitur.

8. Infra Octavas Paschae, et Pentecostes in Missa de Octava dicuntur duae tantum Orationes, una de die, alia *Ecclesiae*, vel pro Papa.

9. Infra alias Octavas, et in Vigiliis, quae jejunantur (except. Vigilia Nativitatis Domini, et Pentecostes) dicuntur tres Orationes, una de die, secunda de S. Maria, tertia *Ecclesiae*, vel pro Papa. Sed infra Octavas S. Mariae et in Vigilia, et infra Octavam Omnium Sanctorum, secunda Oratio dicitur de Spiritu sancto, *Deus, qui corda*, tertia *Ecclesiae*, vel pro Papa.

10. In Dominicis infra Octavas occurrentibus dicuntur duae Orationes, una de Dominica, secunda de Octava: et in die Octava dicitur una tantum Oratio, nisi facienda sit aliqua Commemoratio.

11. In Dominicis Orationes dicuntur tres, ut in Ordinario assignantur, quibusdam exceptis, ut suis etiam locis notatur.

12. In Festis Simplicibus, et Feriis per annum, nisi aliter in propriis locis notetur, dicuntur tres, ut in Semiduplicibus, aut quinque: possunt etiam dici septem ad libitum.

13. In Feriis Quat. Temporum, et ubi plures leguntur Lectiones, hujusmodi plures Orationes dicuntur post ultimam Orationem ante Epistolam, ut suis locis in proprio Missarum de Tempore.

14. In Missis Votivis, quando solemniter dicuntur pro re gravi, vel pro publica Ecclesiae causa, dicitur una tantum Oratio: sed in Missa pro Gratiarum Actione additur alia Oratio, ut in proprio loco notatur. In aliis autem dicuntur plures, ut in Festis Simplicibus.

15. In Votivis B. Mariae, secunda Oratio dicitur de Officio illius diei, et tertia de Spiritu sancto: sed in Sabbato, quando de ea factum est Officium, secunda Oratio erit de Spiritu sancto, tertia, *Ecclesiae tuae*, vel pro Papa. In Votivis de Apostolis, quando ponitur Oratio, *A cunctis*, ejus loco dicitur Oratio de S. Maria, *Concede nos famulos*.

16. Si, cum plures dicuntur Orationes, occurrat fieri Commemorationem alicujus Sancti, ea ponitur secundo loco, et tertia Oratio dicitur, quae alias secundo loco dicenda erat.

17. In Conclusionem Orationum hic modus servatur. Si Oratio dirigatur ad Patrem, concluditur, *Per Dominum nostrum* etc. Si ad Filium, *Qui vivis et regnas, cum Deo Patre*, etc. Si in principio Orationis fiat mentio Filii, concluditur, *Per eundem Dominum nostrum*, etc. Si in fine Orationis ejus fiat mentio, *Qui tecum vivit*, etc. Si facta sit mentio Spiritus sancti, in conclusione dicitur: *In unitate ejusdem Spiritus Sancti* etc. Alia quoque in dicendis Orationibus servantur, quae superius in Rubrica de Commemorationibus dicta sunt.

X. De Epistola, Graduali, Alleluja, et Tractu, ac de Evangelio.

1. **P**ost ultimam Orationem, dicitur *Epistola*: qua finita, à Ministris respondetur, *Deo gratias*. Et similiter quando leguntur plures Lectiones, post singulas dicitur, *Deo gratias*, praeterquam in fine quintae Lectionis Danielis in Sabbatis Quatuor Temporum, et in fine Lectionum Feriae sextae in Parasceve, et Sabbati Sancti.

2. Post Epistolam dicitur *Graduale*, quod semper dicitur; praeterquam Tempore Paschali, cujus loco tunc dicuntur duo Versus, ut habetur in Rubrica in Sabbato in Albis.

3. Post Graduale, dicuntur duo *Alleluja*, deinde Versus, et post Versum unum *Alleluja*. Tempore Paschali, quando non dicitur Graduale, dicitur aliud *Alleluja*, post secundum Versum: et quando dicitur *Sequentia*, non dicitur post ultimum Versum, sed post Sequentiam.

4. A Septuagesima usque ad Sabbatum Sanctum non dicitur **Alleluja**, neque dicitur in Missis de Feria in Adventu, Quat. Temp. in Vigiliis, quae jejuntur, exceptis Vigilia Nativ. Domini, si venerit in Dominica, et Vigilia Paschae, et Pent., ac Quat. Temp. Pentecostes. Nec dicitur in festo SS. Innocentium, nisi venerit in Dominica.

5. A Septuagesima usque ad Pascha, ejus loco dicitur **Tractus**: qui Tractus praedicto tempore in aliquibus Feriis non dicitur, ut suis locis ponitur, nec dicitur in Feriis à Septuagesima usque ad Quadragesimam, quando repetitur Missa Dominicae.

6. Dicto **Graduali**, seu **Alleluja**, seu **Tractu**, dicitur **Evangelium**. Et in principio Evangelii dicitur, **Dominus vobiscum**. R. **Et cum spiritu tuo**: deinde **Sequentia sancti Evangelii secundum N.** R. **Gloria tibi Domine**. In fine Evangelii à Ministro respondetur, **Laus tibi Christe**, quod etiam dicitur in fine illius partis Passionis, quae legitur in tono Evangelii, praeterquam in Parasceve. Postea si dicendum est, dicitur, **Credo**.

XI. De Symbolo.

Symbolum dicitur post Evangelium in omnibus Dominicis per annum, etiamsi in illis fiat de Festo, in quo alias non diceretur, vel Dominica vacet. In tribus Missis de Nativitate Domini, et deinceps usque ad Octav. B. Joannis Apostoli inclusive. In Epiph. et per Octav. Feria v. in Coena Domini. In Paschate Resurrectionis, et per Octav. In Ascensione Domini, et per Octavam. In Pentecoste, et per Octavam. In Festo Corporis Christi, et per Octavam. In omnibus Festis B. Mariae, et per Octavam. In Festis duodecim Apostolorum et Evangelistarum, et per Octavam. In utraque Cathedra S. Petri, et in Festo S. Petri ad Vincula. In Festis Conversionis et Commemorationis S. Pauli Apostoli. In Festo S. Joannis ante Portam Latinam. In Festo S. Barnabae Apostoli. In Festo Inventionis et Exaltationis S. Crucis. In Transfiguratione Domini. In Festis Angelorum. In Festo S. Mariae Magdalenae. In Festis Quatuor Doctorum, videlicet, Gregorii, Ambrosii, Augustini, et Hieronymi: additis Festis S. Thomae de Aquino, et S. Bonaventurae, S. Leonis Papae, et S. Anselmi. Item in Festis Sanctorum Doctorum Athanasii, Basilii, Gregorii Nazianzeni, Joannis Chrysostomi, Petri Chrysologi, Bernardi, et Petri Damiani. In die Oct. S. Joannis Baptistae, et S. Laurentii. In Festo Omnium Sanctorum, et per Octavam. In Dedicationibus SS. Salvatoris; et SS. Apostolorum Petri et Pauli. In Anniversario Dedicationis propriae Ecclesiae, et per Oct. In die Consecrationis Ecclesiae, vel Altaris. In Festis Sanctorum quibus dedicata est Ecclesia, et ubi habetur Corpus, vel insignis Reliquia Sancti, de quo agitur. In die Creationis, et Coronationis Summi Pontificis, et in Anniversario ejusdem diei. In die, et in Anniversario electionis, et consecrationis Episcopi. Item in omnibus Festis, quae in Dominicis, et infra Octavas celebrantur: in quibus ratione Dominicae et Octavae dici debet. Item in Festo Patroni alicujus loci, vel Tituli Ecclesiae (non autem alicujus Cappellae, vel Altaris) et in Festis principalibus Ordinum, et per eorum Octavas, in Ecclesiis tantum illius Ordinis. Item dicitur, **Credo**, in Missis votivis, quae solemniter pro re gravi, vel pro publica Ecclesiae causa celebrantur, etiamsi dicantur in Paramentis violaceis in Dominica.

XII. De Offertorio, Secretis, Praefationibus, et Canone.

1. **P**ost Symbolum, vel, si non sit dicendum, post Evangelium dicitur **Dominus vobiscum**, **Oremus**. Deinde **Offertorium**: postea fit oblatio cum orationibus, ut in Ordine Missae. Qua oblatione facta, dicuntur **Orationes secretae**, secundum numerum Orationum, quae clara voce in principio dictae sunt: sed ante primam Orationem, non dicitur, **Dominus vobiscum**, nec aliquid aliud, sed dicto, **Suscipiat Dominus sacrificium**, absolute dicuntur, neque etiam ante secundam Orationem dicitur, **Oremus**. Terminatur autem prima, et ultima Oratio, ut dictum est supra in Rubrica de Orationibus: et secreto dicuntur usque ad illa verba in conclusione, **Per omnia saecula saeculorum**, quae clara voce proferuntur, et incipitur **Praefatio**.

2. Praefationes autem dicuntur, ut in Ordine Missae annotatum est: et quae in Quadragesima, Tempore Passionis, et Paschali, et infra Octavas propriae assignantur; dicuntur etiam in Dominicis, et Festis, quae illis temporibus celebrantur; nisi illa Festa propriam Praefationem habeant.

3. Si infra Octav. alicujus festi, quod habet Praefationem propriam, occurrat Festum ex majoribus non habens propriam Praefationem, dicitur Praefatio de Octava, quamvis de ea nulla fiat commemoratio in Missa.

4. In Missis votivis dicitur etiam praefatio propria, si propriam habeant; si vero non habuerint, dicitur Praefatio de Tempore, vel Oct., infra quam contigerit hujusmodi Missas celebrari: alioquin, Praefatio communis. Et quando aliqua Missa votiva pro causa publica solemniter celebratur, dicitur in cantu solenni, ut in Duplicibus. In Missis Defunctorum quocumque tempore, semper dicitur Praefatio communis.

5. In Dominicis per annum, quando non habeatur Praefatio propria, dicitur Praefatio de Trinitate, ut annotatum jam est in Ordine Missae.

6. Post Praefationem incipitur **Canon Missae** secreto: in quo servantur omnia, ut in Ordine Missae. Ubi vero infra actionem, **Communicantes**, et **Hanc igitur**, vel alia variari contingit, suo loco in propriis Missis annotatur.

XIII. De Communione, Orationibus post Communionem, Ite Missa est, vel Benedicamus Domino, de Benedictione et Evangelio S. Joannis.

1. **E**xpleto Canone, et aliis omnibus usque ad Communionem, ea peracta, dicitur **Communio**, et **Orationes post Communionem** eodem modo, et ordine ut in principio Missae: et repetito **Dominus vobiscum**, dicitur, **Ite Missa est**, vel **Benedicamus Domino**, pro temporis ratione. **Ite Missa est**, dicitur, quodcumque dictum est, **Gloria in excelsis**. Cum non dicitur, ejus loco dicitur, **Benedicamus Domino**. R. **Deo gratias**. In Missis Defunctorum dicitur, **Requiescant in pace**. R. **Amen**.

2. Dicto **Placeat**, datur **Benedictio**: quae à Celebrante semper datur in Missa, praeterquam in Missis Defunctorum. Deinde legitur Evangelium sancti Joannis, **In principio**, praemisso **Dominus vobiscum**, et **Initium**, ut moris est: quod Evangelium numquam praetermittitur in Missa, nisi quando fit de Festo in aliqua Dominica, vel Feria, quae habet Evangelium proprium, quod legitur ejus loco. Excipitur Dominica iv. Adventus, cujus Evangelium non legitur in fine Missae, quando in ea occurrit Vigilia Nativ. Domini, quia nec in Officio lectum est. In tertia Missa de die Nativ. Domini, legitur in fine Evangelium de Epiphania. **Cum natus esset Jesus**. Et in Dominica Palmarum in Missis privatis legitur Evangelium, quod ponitur in benedictione Palmarum, quod etiam lectum est in Officio. In Vigiliis, quae occurrunt in Quadragesima vel Quatuor Temporibus, non legitur Evangelium Vigiliae in fine Missae. Et similiter in Missis votivis numquam legitur in fine aliud Evangelium, nisi S. Joannis.

XIV. De Ordinanda Missa ex supradictis Rubricis.

Supradictis Rubricis cognitis, si quis velit ordinare Missam diei, recurat ad Ordinarium Missarum de Tempore, vel de Sanctis, secundum qualitatem Officii. Si proprium non habeat, recurat ad Commune Sanctorum. Si de Feria agendum sit, et propria Missa non fuerit de Feria, dicatur Missa praecedentis Dominicae, omissis, **Gloria in excelsis**, et **Symbolo**: praeterquam Temp. Pasch., in quo semper dicitur, **Gloria in excelsis**, ut supra, excepta Missa Rogationum et in Adventu praetermittitur; **Alleluja** post **Graduale**, cum suo versu. Si dicenda sit Missa votiva, requiratur post Commune Sanctorum suo loco. Si plures Orationes dicendae sint, requirantur post Missas Votivas suo loco de singulis rebus singulae. Si pro defunctis dicenda sit Missa, habetur post Missas Votivas, cum Collectis diversis, circa finem Missalis. Ordo totius Missae, cum Praefationibus, Canone, et aliis dicendis, habetur suo loco, cum Proprio Missarum de Tempore.

XV. De hora celebrandi Missam.

1. **M**issa privata saltem post Matutinum, et Laudes quocumque hora ab Aurora usque Meridiem dici potest.

2. Missa autem Conventualis, et solennis sequenti ordine dici debet. In Festis Duplicibus, et Semiduplicibus, in Dominicis, et infra Octavas, dicta in Choro Hora Tertia. In Festis Simplicibus, et in Feriis per annum dicta, Sexta. In Adventu, Quadragesima, Quatuor Temporibus, etiam infra Octa-

vam Pentecostes; et Vigiliis, quae jejunantur, quamvis sint dies solemnes, Missa de Tempore debet cantari post Nonam.

3. Missa autem Defunctor. dici debet post Primam diei: ubi vero dicuntur eorum Vigiliae mane post Matutinum diei, dictis hujusmodi Vigiliis cum Laudibus, immediate dici potest Missa pro Defunctis. Sed in die Commemorationis omnium Fidelium Defunctorum Missa Conventualis dicitur post Nonam, quia eo die est principalis. In die autem Depositionis Defuncti, vel Tertio, Septimo, Trigesimo, aut Anniversario solemni, in quo fit concursus populi, poterit similiter dici ultimo loco post Nonam.

4. Exciipiuntur ab hoc ordine dicendi Missam Conventua-lem, Missa in Nativitate Domini, quarum prima dicitur post mediam noctem, finito, *Te Deum laudamus*, in Matu- tino; secunda in aurora, dictis Laudibus, et Prima; tertia vero in die post Tertiam, vel ubi aliter ex dispensatione Apostolica disponatur.

5. Missae Votivae, quia non correspondent Officio, si so- lemniter celebrentur pro re gravi, vel publica Ecclesiae causa, cum Populi frequentia, dicantur post Nonam.

XVI. De his, quae clara voce, aut secreto dicenda sunt in Missa.

1. **I**N Missa priv. clara voce dicitur *Antiphona*, et *Psalmus*, ad *Introitum*, *Confessio*, et quae sequuntur, excepta Oratione, *Aufer à nobis*, et *Oramus te Domine per merita Sanctorum tuorum*, etc. Item *Introitus*, *Kyrie eleison*, *Gloria in excelsis*, *Dominus vobiscum*; *Oremus*, *Flectamus genua*, *Levate*, *Oratio*, vel *Orationes*, *Prophetiae*, *Epistola*, *Graduale*, *Versus*, *Tractus*, *Sequentia*, *Evangelium*, *Credo*, *Offertorium*, *Orate fratres*, solum haec duo verba, *Praefatio*, *Nobis quoque peccatoribus*, solum haec tria verba. Item, *Per omnia saecula saeculorum*, etc. cum *Pater noster*, *Per omnia saecula saeculorum*, cum *Pax Domini*, *Agnus Dei*, *Domine non sum dignus*, haec quatuor verba tantum, *Communio*, *Oratio*, vel *Orationes post Com- munionem*, *Humiliate capita vestra Deo*, *Ite Missa est*, vel *Benedicamus Domino*, vel *Requiescant in pace*, *Benedictio*, et *Evangelium*, *In principio*, vel aliud *Evangelium*. Alia omnia dicuntur secreto.

2. Sacerdos autem maxime curare debet, ut ea quae clara voce dicenda sunt, distincte et apposite, proferat, non admodum festinanter, ut advertere possit quae legit, nec nimis morose, ne audientes taedio afficiat, neque etiam vo- ce nimis elata, ne perturbet alios, qui fortasse in eadem Ecclesia tunc temporis celebrant; neque tam submissa, ut à circumstantibus audiri non possit, sed mediocri, et gravi: quae et devotionem moveat, et audientibus ita sit accommo- data, ut, quae leguntur, intelligant. Quae vero secreto dicenda sunt, ita pronuntiet, ut et ipse se audiat, et à circumstantibus non audiat.

3. In Missa solemni, quando dici debent, à celebrante *Gloria in excelsis*, et *Credo*, intonantur, et cantantur, *Do- minus vobiscum*, et *Orationes ante Epistolam*, *Dominus vo- biscum*, *Oremus*, ante *Orationes*, et ante *Offertorium*, *Prae- fatio*, *Per omnia saecula saeculorum*, cum *Pater noster*, *Per omnia saecula saeculorum*, cum *Pax Domini*, et *Orationes post Communionem*. Alia quae in Missa privata dicuntur clara voce, in Missa solemni à celebrante dicuntur sub- missa voce.

XVII. De ordine genuflectendi, sedendi, et standi in Missa privata et solemni.

1. **I**N Missa privata Sacerdos genuflectit, quando legit Evan- gelium sancti Joannis, *In principio*, ad illa verba *Et Ver- bum caro factum est*, et in Evangelio Epiphaniae, *Cum na- tus esset Jesus*, ad illa verba, *Et procidentes adoraverunt eum*. Item in Evangelio Feriae iv. post Dominicam quartam Quadragesimae, ad illa verba in fine, *Et procidens adoravit eum*. Item genuflectit in Dominica Palmarum, et in Missis de Cruce ad illa verba in Epistola, *In nomine Jesu omne genu flectatur*, etc. et quando legitur Passio, ad illa verba, *expiravit*, vel *emisit spiritum*, ut suis locis notatur. Item genuflectit, cum dicit, *Flectamus genua*. Item quando in Quadragesima dicit in Tractu, *V. Adjuva nos Deus*, etc. et in omnibus Missis de Spiritu Sancto, cum dicit *V. Veni sancte Spiritus, reple tuorum* etc. Item quando Sacramentum in Altari discoopertum apparet, genuflectit quoties ante illud transit in medio Altaris, et quandocumque in Ordine Missae,

et in ritu servando in celebratione Missae notatur, quod debeat genuflectere.

2. Circumstantes autem in Missis privatis semper genua flectunt, etiam Tempore Paschali, praeterquam dum legitur Evangelium.

3. In Missa solemni Celebrans genuflectit ad omnia supra- dicta, praeterquam ad *Flectamus genua*, et tunc ipse solus stat, Diaconus vero, et Subdiaconus, et omnes alii genufle- ctunt. Ad versum vero, *Adjuva nos Deus*, etc. et ad Versum *Veni sancte Spiritus* etc. genuflectit usque ad finem. Item genuflectit in die Annuntiationis beatae Mariae, et in tribus Missis Nativitatis Domini, quando cantatur in Choro, *Et incarnatus est*, etc. Aliis diebus si sedeat, cum cantan- tur ea verba, non genuflectit, sed caput tantum profunde inclinat apertum: si non sedet, genuflectit.

4. Ministri semper genuflectunt cum Celebrante, praeter- quam Subdiaconus tenens librum ad Evangelium, et *Acoly- thi* tenentes candelabra, qui tunc non genuflectunt. Et cum Diaconus cantat illa verba ad quae est genuflectendum, ipse versus librum, celebrans, et omnes alii versus Altare ge- nuflectunt.

5. In Choro genuflectitur ab iis, qui non sunt Praelati, ad Confessionem cum suo Psalmo. In Missis autem Feriarum Adventus, Quadragesimae, Quat. Temp. et Vigiliarum, quae jejunantur, ac in Missis Defunctorum genuflectunt omnes etiam ad Orationes, et dicto per Celebrantem, *Sanctus*, usque ad *Pax Domini*, et ad *Orationes post Communionem*, et *Super populum*, excepta Vigilia Paschae, et Pentec., ac Nativ. Domini, et Quat. Temp. Pentec. Et similiter ab omnibus genuflectitur, quando elevatur Sacramentum.

6. In Missa item solemni Celebrans medius inter Diaconum, et Subdiacon. sedere potest à cornu Epistolae juxta Altare, cum cantatur, *Kyrie eleison*, *Gloria in excelsis*, et *Credo*: alio tempore stat ad Altare, vel genuflectit, ut supra.

7. In Choro non sedent qui actu cantant, reliqui autem possunt sedere quando Celebrans sedet, et praeterea dum cantatur *Epistola*, et *Prophetiae*, *Graduale*, *Tractus*, vel *Alleluja*, cum *Versu*, ac *Sequentia*: et ab *Offertorio*, usque ad incensationem Chori, et si non incensatur, usque ad *Praefationem*, et ad *Antiphonam*, quae dicitur *Communio*. Ad alia stant, vel genuflectunt, ut supra.

XVIII. De coloribus Paramentorum:

1. **P**aramenta Altaris, Celebrantis, et Ministrorum debent esse coloris convenientis Officio, et Missae diei, secundum usum Romanae Ecclesiae: quae quinque coloribus uti con- suevit, Albo, Rubeo, Viridi, Violaceo, et Nigro.

2. Albo colore utitur à Vesperis Vigiliae Nativitatis Do- mini, usque ad Octavam Epiphaniae inclusive, exceptis Festis Martyrum, quae infra eam veniunt. In Festo SS. Nominis Jesu, Feria v. in Coena Domini, et Sabbato Sancto in Offi- cio Missae, et ab illo die usque ad Sabbatum in Vigilia Pentecost. ad Nonam, in Offic. de Tempore, praeterquam in Missa Litaniarum, et Rogationum. In Festo SS. Trinitatis. In Festo Corporis Christi. In Festo Transfigurationis Domini. In Festis B. M. Virginis, praeterquam in benedictione Can- delarum, et Processione, quae fit in Festo Purificationis ejus- dem. In Festis Angelorum. In Nativitate S. Joannis Baptistae. In principali Festo S. Joannis Evangelistae, quod celebratur infra Oct. Nativit. Domini. In utraque Cathedra S. Petri. In Festo S. Petri ad Vincula. In Conversione S. Pauli. In Festo omnium Sanctorum. In Festis Confessorum Ponti- ficum, et non Pontificum, et Doctorum. In Festis SS. Vir- ginum non Martyrum, et nec Virginum nec Martyrum. In Dedicatione et Consecratione Ecclesiae, vel Altaris, ac in Consecratione summi Pontificis, et in Anniversario Creationis, et Coronationis ejusdem, et Electionis, et Consecrationis Episcopi. Item per Octavas praedictorum Festorum, quae Octavas habent, quando dicitur Missa de Octava, et in Dominicis infra eas occurrentibus, quando in eis fit Offic. de Dominica, praeterquam in illis Dominicis, quibus tributus est color Violaceus. In Missis votivis supradictorum Festorum, quocumque tempore dicantur: et in Missa pro Sponso, et Sponsa.

3. Rubeo colore utitur à Vigilia Pentec. in Missa usque ad Sabbatum sequens finita Nona et Missa. In Festis S. Cru- cis. In Decollatione S. Joannis Baptistae. In natali Apostolo- rum Petri et Pauli, et in Festis aliorum Apostolorum (ex-

ceptis Festo principali S. Joannis Evang. post Nativ. Dom. et Festis Conversionis S. Pauli, et Cathedrae S. Petri, et ejus Vinculorum.) In Festo S. Joannis ante Portam Latinam. In Commemoratione S. Pauli Apostoli. In Festis Martyrum, excepto Festo SS. Innocentium, quando non venerit in Dominica; si autem in Dominica venerit, utitur Rubeo; in ejus vero die Octava semper utitur Rubeo, quocumque die occurrat. In Festis SS. Virginum Martyrum, et Martyrum non Virginum. Item per Octavas praedictorum Festorum, quae Octavas habent, quando fit de Octava, et in Dominicis infra eas Octavas occurrentibus, eodem modo, ut dictum est supra de colore Albo. Item in Missis votivis supradictorum Festorum, et in Missa pro eligendo summo Pontifice.

4. Viridi colore utitur ab Octava Epiphaniae usque ad Septuagesimam, et ab Oct. Pent. usque ad Adventum exclusive, in Officio de Tempore, excepta Dominica Trinitatis, ut supra, ac exceptis Dominicis infra Octavas occurrentibus, in quibus color Octavarum servatur: exceptis etiam Vigiliis, et Quat. Temp., ut infra.

5. Violaceo colore utitur à prima Dominica Adventus in primis Vesperis usque ad Missam Vigiliae Nativitatis Domini inclusive: et à Septuagesima usque ad Sabbatum Sanctum ante Missam inclusive, in Officio de Tempore, excepta Feria v. in Coena Domini, in qua utitur Albo: et Feria vi. in Parasceve, in qua utitur Nigro, ut infra: et benedictione Cerei in Sabbato Sancto, in qua Diaconus, illius Praefationem dicens, solus utitur Albo: ea autem finita, Violaceo ut prius. Item in Vigilia Pentecostes, ante Missam à prima Prophetia usque ad benedictionem Fontis inclusive. In Quatuor Temporibus, et Vigiliis, quae jejunantur, exceptis Vigilia, et Quatuor Temporibus Pentecostes. In Missa Litaniarum, in die S. Marci Evangelistae, et Rogationum, et in Processionibus, quae his diebus fiunt. In festo SS. Innocentium, quando non venerit in Dominica. In benedictione Candelarum in die Purificationis beatae Mariae, et in benedictione Cinerum, ac Palmarum, et in ipsa Dominica in Palmis, et in eorundem, et generaliter in omnibus Processionibus: exceptis Processionibus SS. Sacramenti, et quae fiunt in diebus solemnibus, vel pro gratiarum actione. In Missis de Passione Domini, pro quacumque necessitate, pro peccatis, et ad postulandam gratiam bene moriendi, ad tollendum schisma, contra Paganos, Tempore belli, pro pace, pro vitanda mortalitate, pro iter agentibus, et pro infirmis.

6. Nigro colore utitur vi. Feria in Parasceve, et in omnibus officiis, et Missis Defunctorum.

XIX. De qualitate Paramentorum.

1. **I**N Officio Missae Celebrans semper utitur Planeta super Albam.

2. Si autem sit Episcopus, sive Abbas habens usum Mitrae, et Baculi, ac caeterorum Pontificalium, et solemniter celebret, super Dalmaticam, et Tunicellam.

3. Pluviali utitur in Processionibus, et Benedictionibus, quae fiunt in Altari. Item in Officio Laudum, et Vesperarum,

quando solemniter dicuntur. Eodem utitur Assistens Celebranti in Missa Pontificali. Item quando Celebrans post Missam Defunctorum facit in fine Absolutionem.

4. Cum Celebrans utitur Pluviali, semper deponit Manipulum, et ubi Pluviale haberi non potest, in benedictionibus, quae fiunt in Altari, celebrans stat sine planeta cum Alba, et Stola.

5. Dalmatica, et Tunicella utuntur Diaconus, et Subdiaconus in Missa solemnibus, et Processionibus, et Benedictionibus, quando Sacerdoti ministrant.

6. In diebus vero jejuniorum (praeterquam in Vigiliis Sanctorum) et in Dominicis, et Feriis Adventus, et Quadragesimae, ac in Vigilia Pentecostes ante Missam, (exceptis Dominica, **Gaudete**, etiamsi ejus Missa infra Hebdomadam repetatur, et Dominica, **Laetare**, Vigilia Nativ. Domini, Sabbato Sancto in benedictione Cerei, et in Missa, ac in Quat. Temp. Pent.) item in benedictione Candelarum et Processione in die Purificationis B. M., et in benedictione Cinerum, ac benedictione Palmarum, et Processione: in Cathedralibus, et praecipuis Ecclesiis utuntur planetis plicatis ante pectus: quam planetam Diaconus dimittit cum lecturus est Evangelium, eaque tunc super sinistrum humerum super Stola complicatur: aut ponitur aliud genus Stolae latioris in modum planetae plicatae; et facta Communione resumat planetam, ut prius. Similiter Subdiaconus dimittit eam cum lecturus est Epistolam, quam legit in Alba, et ea finita, osculataque Celebrantis manu, planetam resumat, ut prius.

7. In minoribus autem Ecclesiis, praedictis diebus jejuniorum Alba tantum amicti ministrant: Subdiaconus cum Manipulo, Diaconus etiam cum Stola ab humero sinistro pendente sub dexterum.

XX. De praeparatione Altaris, et ornamentorum ejus.

Altare, in quo sacrosanctum Missae Sacrificium celebrandum est, debet esse lapideum, et ab Episcopo, sive Abbate facultatem à Sede Apostolica habente consecratum: vel saltem ara lapidea, similiter ab Episcopo, vel Abbate, ut supra consecrata, in eo inserta, quae tam ampla sit, ut Hostiam, et majorem partem Calicis capiat. Hoc Altare operiatur tribus mappis, seu tobaleis mundis, ab Episcopo, vel alio habente potestatem benedictis, superiori saltem oblonga, quae usque ad terram pertingat, duabus aliis brevioribus, vel una duplicata. Pallio quoque ornetur, coloris quoad fieri potest, diei festo, vel Officio, convenienti. Super Altare collocetur Crux in medio, et Candelabra saltem duo cum candelis accensis hinc, et inde in utroque ejus latere. Ad Crucis pedem ponatur tabella Secretarum appellata. In cornu Epistolae cussinus supponendus Missali: et ab eadem parte Epistolae paretur cereus, ad elevationem Sacramenti accendendus, parva campanula, ampullae vitreae vini et aquae cum pelvicula, et manutergio mundo in fenestella, seu in parva mensa ad haec praeparata. Super Altare nihil omnino ponatur, quod ad Missae sacrificium, vel ipsius Altaris ornatum, non pertinet.

RITUS SERVANDUS IN CELEBRATIONE MISSAE.

I. De praeparatione Sacerdotis celebraturi.

1. **S**acerdos celebraturus Missam, praevia Confessione Sacramentali, quando opus est, et saltem Matutino cum Laudibus absoluto, Orationi aliquantulum vacet: et Orationes inferius positas pro temporis opportunitate dicat. Deinde accedit ad locum in Sacristia, vel alibi praeparatum, ubi Paramenta, aliaque ad Celebrationem necessaria habentur, accipit Missale, perquirat Missam, perlegit, et signacula ordinat ad ea, quae dicturus est. Postea lavat manus, dicens Orationem inferius positam. Deinde praeparat Calicem (qui debet esse vel aureus, vel argenteus, aut saltem habere cuppam argenteam intus inauratam, et simul cum patena itidem inaurata, ab Episcopo consecratus) super ejus os ponit purificatorium mundum, et super illud Patenam cum Hostia integra, quam leviter extergit, si opus est, à fragmentis, et eam tegit parva palla linea, tum velo serico: super velo ponit bursam coloris Paramentorum, intus habentum Corporale plicatum, quod ex lino tantum esse debet, nec serico, vel auro in medio intextum, sed totum album, et ab Episcopo, vel alio habente facultatem, simul cum palla benedictum.

2. Quibus ita dispositis accedit ad Paramenta, quae non debent esse lacera, aut scissa, sed integra, et decenter munda, ac pulchra, et ab Episcopo itidem, vel alio facultatem habente, benedicta: ubi calceatus pedibus, et indutus vestibus sibi convenientibus, quarum exterior saltem talum pedis attingat; induit se, si sit Praelatus Saecularis, supra rochetum, si sit Praelatus Regularis, vel alius Sacerdos saecularis supra superpelliceum, si commode haberi possit, alioquin sine eo supra vestes communes, dicens ad singulas singulas Orationes inferius positas.

3. Ac primum accipiens amictum circa extremitates, et chordulas, osculatur illud in medio, ubi est crux, et ponit super caput, et mox declinat ad collum, et eo vestium collaria circumtegens, ducit chordulas sub brachiis, et circumducens per dorsum, ante pectus reducit, et ligat. Tum Alba induitur, caput submittens, deinde manicam dextram brachio dextro, et sinistram sinistro imponens. Albam ipsam corpori adaptat, elevat ante, et à lateribus hinc inde, et cingulo per ministrum à tergo sibi porrecto, se cingit. Minister elevat Albam super cingulum circumcirca, ut honeste dependeat, et tegat vestes; ac ejus fimbrias diligenter

aptat, ut ad latitudinem digiti, vel circiter super terram aequaliter fluat. Sacerdos accipit Manipulum, osculatur crucem in medio, et imponit brachio sinistro. Deinde ambabus manibus accipiens Stolum, simili modo deosculatur, et imponit medium ejus collo, ac transversando eam ante pectus in modum Crucis, ducit partem à sinistro humero pendentem, ad dextram, et partem à dextro humero pendentem, ad sinistram. Sicque utramque partem Stolae extremitatibus cinguli hinc inde ipsi cingulo conjungit.

4. Si Celebrans sit Episcopus, vel Abbas, ut supra, non ducit stolam ante pectus in modum Crucis, sed sinit hinc inde utrasque extremitates pendere: et antequam accipiat stolam, accipit parvam Crucem pectoralem, quam osculatur, et collo impositam, sinit ante pectus chordulis pendere. Manipulum quoque non accipit ante stolam, nisi in Missis Defunctorum, sed accipit ad Altare, cum in confessione dicit, **Indulgentiam**, illumque prius osculatur. Postremo Sacerdos accipit planetam.

5. Si sit Episcopus, vel Abbas, ut supra habens usum Pontificalium, et solemniter celebret, accipit paramenta, et alia ut in Pontificali et Caeremoniali.

II. De ingressu Sacerdotis ad Altare.

1. **S**acerdos omnibus Paramentis indutus, accipit manu sinistra Calicem, ut supra praeparatum, quem portat elevatum ante pectus, bursam manu dextra supra Calicem tenens, et facta reverentia Cruci, vel imagini illi, quae in Sacristia erit, capite cooperto accedit ad Altare, ministro cum Missali, et aliis ad celebrandum necessariis (nisi ante fuerint praeparata) praecedente superpelliceum induto. Procedit autem oculis demissis, incessu gravi, erecto corpore. Si vero contingeret eum transire ante Altare Majus, capite cooperto faciat ad illud reverentiam. Si ante locum Sacramenti, genuflectat. Si ante Altare ubi celebretur Missa, in qua elevatur, vel tunc ministratur Sacramentum, similiter genuflectat, et detecto capite illud adoret, nec ante surgat, quam celebrans deposuerit Calicem super Corporale.

2. Cum pervenerit ad Altare, stans ante illius infimum gradum, caput detegit, biretum ministro porrigit, et Altari, seu imagini Crucifixi desuper positae profunde inclinat. Si autem in eo sit tabernaculum SS. Sacramenti, genuflectens debitam facit reverentiam. Tunc ascendit ad medium Altaris, ubi ad cornu Evangelii sistit Calicem, extrahit Corporale de bursa, quod extendit in medio Altaris, et super illud Calicem velo coopertum collocat, bursam autem ad cornu Evangelii. Si in Altari paramenta accipit, hoc idem facit, antequam descendat ab Altari, ut Missam inchoet.

3. Si est consecraturus plures Hostias pro Communione facienda, quae ob quantitatem super patenam manere non possint, locat eas super Corporale ante Calicem, aut in aliquo Calice consecrato vel vase mundo benedicto; ponit eas retro post Calicem, et alia Patena, seu palla cooperit.

4. Collocato Calice in Altari, accedit ad cornu Epistolae, Missale super cussino aperit, reperit Missam, et signacula suis locis accomodat. Deinde rediens ad medium Altaris, facta primum Cruci reverentia, vertens se ad cornu Epistolae, descendit post infimum gradum Altaris, ut ibi faciat Confessionem.

5. In Missa solemniori Missale apertum super Altare, Calix vero, et alia necessaria praeparantur in credentia cooperta linteo, antequam Sacerdos veniat ad Altare. Ipse autem procedit cum Diacono et Subdiacono, qui capite cooperto simul cum eo tenent manus junctas ante pectus; Acolythi vero ante eos deferunt candelabra cum candelis accensis, quae deinde collocantur super credentia: et cum pervenerit ante infimum gradum Altaris, ibi medius inter Diaconum à dextris, et Subdiaconum à sinistris, antequam ascendat ad Altare, facit cum ipsis (ut infra) Confessionem.

6. In Missa Pontificali omnia servantur, ut in Pontificali, et Caeremoniali Romano ordinatur: Cujus Pontificalis ordinem Episcopus, sive Abbas ut supra numquam praetermittat, quandocumque cum Diacono, et Subdiacono paratis celebrat.

III. De principio Missae, et Confessione facienda.

1. **S**acerdos cum primum descenderit sub infimum gradum Altaris, convertit se ad ipsum Altare, ubi stans in medio, junctis manibus ante pectus extensis, et junctis pariter digitis, et pollice dextro super sinistram posito in modum Crucis (quod semper servatur, quando junguntur manus,

praeterquam post consecrationem) detecto capite, facta prius Cruci vel Altari profunda reverentia, vel si in eo sit Tabernaculum Sanctissimi Sacramenti, facta genuflexione, erectus incipit Missam.

2. Si Celebraturus sit coram Summo Pontifice, sistit se ante infimum gradum Altaris à cornu Evangelii ante ipsum Pontificem, ubi genuflexus expectat: accepta benedictione erigit se, et stans aliquantulum versus ad Altare, incipit Missam. Si autem sit coram Cardinali, Legato Sedis Apostolicae, aut Patriarcha, Archiepiscopo, et Episcopo in eorum residentiis, vel loco jurisdictionis, stans ante infimum gradum à cornu Evangelii ut supra expectat: dato signo facit profundam reverentiam Praelato, et versus ad Altare incipit Missam.

3. Si autem solemniter celebrat coram Summo Pontifice, aut alio ex Praelatis praedictis in Ecclesiis eorum jurisdictionis, stans à sinistris Praelati, facit cum eo Confessionem, et alia servat, ut in Pontificali, et Caeremoniali Romano ordinantur.

4. Stans igitur Celebrans ante infimum gradum Altaris, ut supra producens manu dextra à fronte ad pectus signum Crucis, dicit intelligibili voce: **In nomine Patris, et Filii, et Spiritus sancti, Amen.** Et postquam id dixerit, non debet advertere quemcumque in alio Altari celebrantem, etiamsi Sacramentum eleve, sed continueat prosequi Missam suam usque ad finem. Quod item observatur in Missa solemniori, et simul etiam à Ministris.

5. Cum seipsum signat, semper sinistram ponit infra pectus: in aliis benedictionibus cum est ad Altare, et benedicit oblata, vel aliquid aliud, ponit eam super Altare, nisi aliter notetur. Seipsum benedicens, vertit ad se palmam manus dexterae, et omnibus illius digitis junctis, et extensis, à fronte ad pectus, et ab humero sinistro ad dextrum, signum Crucis format. Si vero alios, vel rem aliquam benedicit, parvum digitum vertit ei cui benedicit, ac benedicens, totam manum dexteram extendit, omnibus illius digitis pariter junctis, et extensis, quod in omni benedictione observatur.

6. Postquam dixerit, **In nomine Patris**, etc. ut supra jungens iterum manus ante pectus, pronuntiat clara voce Antiphonam, **Introibo ad Altare Dei.** Minister retro post eum ad sinistram genuflexus, et in Missa solemniori Ministri hinc inde stantes prosequuntur, **Ad Deum qui lactificat juventutem meam.** Deinde Sacerdos eodem modo stans incipit, et prosequitur cum ministro, vel ministris alternatim Psalmum, **Judica me Deus**, usque ad finem, cum **Gloria Patri.** Quo finito repetit Antiphonam, **Introibo**, cum ministris, ut supra. Qui Psalmus numquam praetermittitur, nisi in Missis Defunctorum, et in Missis de Tempore à Dominica Passionis inclusive usque ad Sabbatum Sanctum exclusive, in quibus semel tantum dicta Antiphona, **Introibo**, cum ministris, ut supra, sacerdos statim subjungit **Adjutorium nostrum** etc. ut infra. Cum in fine Psalmi dicit, **Gloria Patri**, etc. caput Cruci inclinat.

7. Repetita Antiphona, **Introibo**, dextera manu producens signum Crucis à fronte ad pectus, dicit **Adjutorium nostrum in nomine Domini. R. Qui fecit coelum et terram.** Deinde Altari se profunde inclinans, junctis manibus dicit, **Confiteor Deo**, ut in Ordine Missae: et prosequitur eodem modo stans inclinatus, donec à ministro, vel Ministris, dictum sit, **Misereatur.** Cum incipitur à Ministris, **Confiteor**, se erigit. Cum dicit, **mea culpa**, ter pectus dextera manu percutit, sinistra infra pectus posita.

8. Si est coram Pontifice, Cardinale, Legato Sedis Apostolicae vel Patriarcha, Archiepiscopo, et Episcopo in eorum Provincia, Civitate, vel Dioecesi constitutis, ubi dicit **vobis fratres**, dicat, **tibi pater**: similiter in fine ubi dicit, **vos fratres**, dicat, **te pater**: quod dicens Summo Pontifici genuflectit, aliis Praelatis profunde se inclinat.

9. Cum minister, et qui intersunt (etiamsi ibi fuerit Summus Pontifex) respondent, **Confiteor**, dicunt, **tibi pater**, et **te pater**, aliquantulum conversi ad Celebrantem.

10. Facta à circumstantibus confessione, Celebrans stans respondet, **Misereatur vestri**, etc. Deinde producens manu dextera à fronte ad pectus signum Crucis, dicit, **Indulgentiam**, etc. et si est Episcopus, vel Abbas, ut supra, accipit manipulum, osculando illum in medio. Et stans inclinatus

junctis manibus prosequitur, *Deus tu conversus*, et quae sequuntur in Ordine Missae, clara voce usque ad Orationem, *Aufer à nobis*, etc. et cum dicit, *Oremus*, extendit et jungit manus.

11. Et tunc si coram Summo Pontifice, aut aliis Praelatis, ut supra, celebret, facta Summo Pontifici genuflexione, aliis Praelatis profunda reverentia, accedit ad medium Altaris ante infimum gradum, et ibi incipit secreto, *Aufer à nobis*, ut in Ordine Missae.

IV. De Introitu, Kyrie eleison, et Gloria in excelsis.

1. **D**um dicit, *Aufer à nobis*, etc. Celebrans junctis manibus ascendit ad medium Altaris, et ibi inclinatus, manibusque item junctis super eo positus, ita ut digiti parvi dumtaxat frontem, seu medium anterioris partis tabulae, seu mensae Altaris tangant, residuo manuum inter Altare, et se retento, pollice dextro super sinistram in modum Crucis posito (quae omnia semper observantur, cum manus junctae super Altare ponuntur) secreto dicit, *Oramus te Domine*, etc. et cum dicit, *Quorum reliquiae hic sunt*, osculatur Altare in medio, manibus extensis aequaliter hinc inde super eo positus: quod semper servatur, quando osculatur Altare, sed post consecrationem pollices ab indicibus non disjunguntur. In omni etiam deosculatone sive Altaris, sive libri, sive alterius rei, non producit signum Crucis pollice vel manu super id quod osculandum est.

2. Osculato Altari accedit ad cornu ejus sinistram, id est, Epistolae: ubi stans versus Altare, et producus à fronte ad pectus signum Crucis, incipit intelligibili voce *Introitum* Missae, et prosequitur junctis manibus. Cum dicit, *Gloria Patri*, tenens junctas manus, caput inclinat versus Crucem. Cum repetit *Introitum*, non signat se ut prius, et eo repetito, junctis manibus ante pectus accedit ad medium Altaris, ubi stans versus illud similiter manibus junctis, dicit eadem voce ter, *Kyrie eleison*, ter, *Christe eleison*, et iterum, ter, *Kyrie eleison*, alternatim cum ministro. Si minister, vel qui intersunt, Celebranti non respondeant, ipse solus novies dicit.

3. Dicto ultimo *Kyrie eleison*, sacerdos stans in medio Altaris, et manus extendens, elevansque usque ad humeros, (quod in omni manuum elevatione observatur) voce praedicta incipit, si dicendum sit, *Gloria in excelsis*. Cum dicit, *Deo*, jungens manus, caput Cruci inclinat: quo erecto, stans junctis manibus ante pectus, prosequitur usque ad finem. Cum dicit, *Adoramus te, Gratias agimus tibi, et Jesu Christe, Suscipe deprecationem nostram*, et iterum, *Jesu Christe*, caput Cruci inclinat. Cum dicit in fine, *Cum sancto Spiritu*, seipsum a fronte ad pectus signat, interim absolvens, in *gloria Dei Patris, Amen*.

4. In Missa solemni Sacerdos facta confessione ascendit cum ministris ad medium Altaris: ubi dicto, *Oramus te Domine*, et osculato Altari, ponit incensum in Thuribulum, ministrante Diacono naviculam, et Thuriferario Thuribulum. Diaconus parum inclinatus versus Celebrantem, dicit: *Benedicite Pater reverende*, et osculatur cochlear, et manum Celebrantis ante et post. Celebrans ter incensum ponit in Thuribulum, dicens interim: *Ab illo benedicaris*, et deposito cochleari, producus manu dextra signum Crucis super thus in Thuribulo, illud benedicit. Postea Diaconus dimissa navicula, accipit Thuribulum, et dat Celebranti, osculata prius catenularum summitate, et manu illius dextra: qui facta Cruci profunda reverentia, eam ter incensat, nihil dicens: et facta iterum Cruci reverentia, incensat Altare, ter ducens Thuribulum aequali distantia, prout distribuuntur candelabra, à medio ejus usque ad cornu Epistolae: ubi demissa manu, thurificat illius postremam partem inferiorem, mox superiorem, bis ducto Thuribulo: et conversus ad Altare, elevans manum incensat ejus planitiem, seu mensam in parte anteriori, ter ducens Thuribulum usque ad medium: ubi facta Cruci reverentia, procedendo thurificat aliud latus Altaris triplici ductu usque ad cornu Evangelii: et pariter incensata inferiori et superiori parte ipsius cornu Evangelii duplici ductu, adhuc stans ibidem, elevat Thuribulum, et ter incensat superiorem tabulae partem versus medium Altaris, ut fecit in cornu Epistolae: deinde manu aliquantulum demissa, incensat anteriorem ejus partem, seu frontem, ter ducens Thuribulum dum procedit a cornu Evangelii usque ad medium Altaris, et facta Cruci reverentia incensat similiter triplici ductu reliquam

partem anteriorem usque ad cornu Epistolae: ubi reddito Thuribulo ipsi Diacono, ab eo ipse solus incensatur.

5. Si vero in Altari fuerint Reliquiae, seu Imagines Sanctorum, incensata Cruce, et facta ei reverentia, antequam discedat à medio Altaris, primum incensat eas, quae à dextris sunt, id est à parte Evangelii prope Crucem, bis ducens Thuribulum, et iterum facta Cruci reverentia, similiter incensat bis alias, quae sunt à sinistris, hoc est à parte Epistolae: deinde prosequitur incensationem Altaris, ut supra, ter ducens Thuribulum in unoquoque latere, etiamsi in eo essent plures Reliquiae vel Imagines, seu etiam plura vel pauciora candelabra.

6. Si in Altari fuerit tabernaculum Sanctissimi Sacramenti, accepto Thuribulo, antequam incipiat incensationem, genuflectit, quod item facit, quotiescumque transit ante medium Altaris.

7. Diaconus et Subdiaconus hinc inde assistunt Celebranti, cum incensat, et cum transeunt ante Crucem, semper genuflectunt. Deinde Celebrans, Diacono à dextris ejus, Subdiacono à dextris Diaconi stantibus in cornu Epistolae, legit *Introitum* et *Kyrie eleison*. Cum vero intonat Hymnum, *Gloria in excelsis Deo*, Diaconus, et Subdiaconus, unus post alium, stant à tergo Celebrantis: postea ascendunt ad Altare, et hinc inde, Diaconus à dextris, Subdiaconus à sinistris, cum Celebrante Hymnum submissa voce prosequuntur usque ad finem. Quod etiam servatur cum dicitur *Credo*: et cum dicitur *Dominus vobiscum, Oratio, Praefatio, et Pater noster*; Diaconus et Subdiaconus similiter stant unus post alterum à tergo Celebrantis.

V. De Oratione.

1. **D**icto Hymno, *Gloria in excelsis*, vel, si non sit dicendus, eo omisso, Celebrans osculatur Altare in medio, manibus hinc inde super eo, ut supra, extensis, tum illis ante pectus junctis, et demissis ad terram oculis, vertit se à sinistro latere ad dextrum versus populum, hoc est, per eam partem quae respicit cornu Epistolae, et extendens ac jungens manus ante pectus, ut prius, dicit voce praedicta *Dominus vobiscum*, vel, si sit Episcopus, *Pax vobis*, (quod dicitur tantum hoc loco, quando dictus est Hymnus, *Gloria in excelsis*) R. *Et eam spiritu tuo*, et junctis, ut prius, manibus revertitur per eandem viam ad librum, ubi eas extendens, et jungens ante pectus, caputque Cruci inclinans, dicit, *Oremus*; tum extendit manus ante pectus, ita ut palma unius manus respiciat alteram, et digitis simul junctis, quorum summitas humerorum altitudinem distantiamque non excedat, quod in omni extensione manuum ante pectus servatur. Stans autem, ut supra, extensis manibus, dicit *Orationem*. Cum dicit, *Per Dominum nostrum*, jungit manus, easque junctas tenet usque ad finem. Si aliter concluditur Oratio, *Qui tecum*, vel, *Qui vivis*, cum dicit, *in unitate*, jungit manus.

2. Cum nominatur nomen *JESUS*, caput versus Crucem inclinat: quod etiam facit, cum nominatur in Epistola. Et similiter ubicumque nominatur nomen B. Mariae, vel Sanctorum, de quibus dicitur Missa, vel fit commemoratio, item in Oratione pro Papa, quando nominatur, semper caput inclinat, non tamen versus Crucem. Si plures Orationes sint dicendae, idem in eis, in voce, extensione manuum, et capitis inclinatione, quod supra dictum est, observatur.

3. Si Altare sit ad Orientem versus populum, Celebrans versa facie ad populum, non vertit humeros ad Altare, cum dicturus est, *Dominus vobiscum, Orate fratres, Ite Missa est*, vel daturus benedictionem: sed osculato Altari in medio, ibi expansis et junctis manibus, ut supra, salutat populum, et dat benedictionem.

4. In Quatuor Temporibus, vel alias, quando dicendae sunt plures Orationes cum Prophetiis, dicto *Kyrie eleison*, in medio Altaris, revertitur ad cornu Epistolae, ubi stans ante librum extensis et junctis ante pectus manibus, caput Cruci inclinans, dicit, *Oremus, Flectamus genua*, et illico manibus super Altare extensis, ut seipsum ad Altare sustineat, genuflectit, et sine mora surgens, eadem voce ministro respondente, *Levate*, manibus extensis dicit *Orationem*, ut supra, et in conclusione eas jungit. Dum autem legit Prophetias, tenet manus super librum, vel Altare positas, ut mox dicetur de Epistola.

5. In Missa solemni cum dicitur, **Dominus vobiscum** et **Oratio**, Diaconus et Subdiaconus stant retro post Celebrantem. **Flectamus genua**, dicitur à Diacono, à Subdiacono vero, **Levate**, illo primum genuflectente, hoc primum surgente; Celebrans vero non genuflectit.

VI. De Epistola, Graduali, et aliis usque ad Offertorium.

1. **D**ictis Orationibus, Celebrans positus super librum, vel super Altare manibus, ita ut palmae librum tangant, vel (ut placuerit) librum tenens, legit **Epistolam**, intelligibili voce, et respondetur à ministro, **Deo gratias**, et similiter stans eodem modo, prosequitur **Graduale**, **Alleluja**, et **Tractum**, ac **Sequentiam**, si dicenda sint. Quibus dictis, Sacerdos, si privatim celebret, ipsemet, seu minister portat librum Missalis ad alteram partem Altaris in cornu Evangelii, et dum transit ante medium Altaris, caput Cruci inclinatur, et Missale sic locat, ut posterior pars libri respiciat ipsum cornu Altaris, et non ad parietem, sive ad partem ejus contra se directam.

2. Locato Missali in Altari, Celebrans redit ad medium Altaris, ibique stans junctis manibus ante pectus, levatisque ad Deum oculis, et statim demissis, tum profunde inclinatus, dicit secreto, **Munda cor meum**: et **Jube Domine benedicere**, **Dominus sit in corde meo**, ut in Ordinario. Quibus dictis vadit ad librum Missalis, ubi stans versus illum junctis manibus ante pectus, dicit intelligibili voce, **Dominus vobiscum**. R. **Et cum spiritu tuo**. Deinde pollice dexteræ manus signo Crucis signat, primo librum super principio Evangelii, quod est lecturus, postea seipsum in fronte, ore, et pectore, dicens, **Sequentia**, vel, **Initium sancti Evangelii**, etc. R. **Gloria tibi Domine**. Tum junctis iterum manibus ante pectus, stans, ut supra, prosequitur Evangelium usque ad finem. Quo finito, minister stans in cornu Epistolæ post infimum gradum Altaris, respondet, **Laus tibi Christe**, et Sacerdos elevans parumper librum, osculatur principium Evangelii, dicens: **Per Evangelica dicta**, etc. præterquam in Missis Defunctorum, et nisi celebret coram Summo Pontifice, Cardinali, et Legato Sedis Apostolicæ, vel Patriarcha, Archiepiscopo, et Episcopo in eorum residentiis, quo casu deferitur cuilibet prædictorum osculandus liber, et Celebrans tunc non osculatur illum, nec dicit, **Per Evangelica dicta**. Cum autem nominatur **JESUS**, caput versus librum inclinatur; et eodem modo versus librum genuflectit, cum in Evangelio est genuflectendum.

3. Dicto Evangelio stans in medio Altaris versus Crucem, elevans et extendens manus, incipit (si dicendum sit) **Credo**, cum dicit, **in unum Deum**, jungit manus, et caput Cruci inclinatur: quo erecto stans ibidem junctis ante pectus manibus, ut prius, prosequitur usque ad finem. Cum dicit, **Jesum Christum**, caput Cruci inclinatur. Cum dicit, **Et incarnatus est**, usque ad, **Et homo factus est**, inclusive, genuflectit. Cum dicit, **simul adoratur**, caput Cruci inclinatur. Cum dicit, **Et vitam venturi sæculi**, **Amen**, producit sibi manu dextera signum Crucis à fronte ad pectus.

4. In Missa solemni Subdiaconus circa finem ultimæ Orationis accipit ambabus manibus librum Epistolarum, deferens illum supra pectus, et facta Altari genuflexione in medio, vadit ad partem Epistolæ contra Altare, et cantat Epistolam, quam etiam Celebrans interim submissa voce legit, assistente sibi Diacono à dextris, et item Graduale, Tractum, etc. usque ad **Munda cor meum**. Epistola cantata, Subdiaconus facit iterum genuflexionem Altari in medio, ac redit ad Celebrantem, et genuflectens osculatur ejus manum, et ab eo benedicitur, præterquam in Missis Defunctorum.

5. Postea idem Subdiaconus accipit Missale Celebrantis, deferit ad cornu Evangelii in Altari, et ibi ministrat Celebranti, qui in medio Altaris submissa voce dicto, **Munda cor meum**, etc. et deinde lecto Evangelio, quod in fine non osculatur, delato etiam per Diaconum libro Evangeliorum ad Altare, imponit incensum in Thuribulum. Postea Diaconus genuflectus ante Altare dicit, **Munda cor meum**, et accipiens librum Evangeliorum de Altari, petit benedictionem à Celebrante similiter genuflectus in superiori gradu Altaris: et osculata illius manu, præcedentibus Thuriferario, et duobus Acolythis cum candelabris accensis de Credentia sumptis, vadit cum Subdiacono à sinistris ad locum Evangelii contra Altare versus populum, ubi Subdiacono li-

brum tenente medio inter duos Acolythis tenentes candelabra accensa, dicit, **Dominus vobiscum**, junctis manibus. Dum dicit, **Sequentia**, etc. signat librum in principio Evangelii, frontem, os, et pectus: postea ter librum incensat, hoc est, in medio, à dextris, et à sinistris, et prosequitur Evangelium, junctis manibus. Interim Celebrans post datam Diacono benedictionem retrahens se ad cornu Epistolæ, ibi stat, junctis manibus. Et cum Diaconus dicit, **Sequentia sancti Evangelii**. Sacerdos etiam signat se: et cum nominatur **JESUS**, caput inclinatur versus Altare. Finito Evangelio Sacerdos osculatur librum à Subdiacono sibi delatum, dicens, **Per Evangelica dicta**, etc. et à Diacono ter incensatur. Si sit coram Praelato in sua residentia, liber deferitur ad Praelatum, ut supra, et ille incensatur, ut in Caeremoniali; postea stans in medio Altaris versus ad Crucem, incipit, si dicendum sit, **Credo**, stantibus post eum Diacono, et Subdiacono: deinde ad Altare accedentibus, et cum eo prosequentibus, ut dictum est ad **Gloria in excelsis**.

6. Si autem sit prædicandum, Concionatur, finito Evangelio, prædicet, et sermone, sive concione expleta, dicatur **Credo**, vel, si non sit dicendum, cantetur Offertorium.

7. Cum vero in Symbolo cantatum fuerit, **Et incarnatus est**, Diaconus accepta bursa de Credentia, ambabus manibus eam deferit elevatam cum solitis reverentiis ad medium Altaris, in quo explicat Corporale, et revertitur ad Celebrantem. Cum non dicitur **Credo**, Subdiaconus deferit bursum simul cum Calice, ut infra dicitur.

8. Si quandoque Celebrans cantat Missam sine Diacono, et Subdiacono, Epistolam cantat in loco consueto aliquis Lector superpelliceo indutus, qui in fine non osculatur manum Celebrantis; Evangelium autem cantat ipse Celebrans ad cornu Evangelii, qui et in fine Missæ cantat **Ite Missa est**, vel, **Benedicamus Domino**, aut **Requiescant in pace**, pro temporis diversitate.

VII. De Offertorio, et aliis usque ad Canonem.

1. **D**icto Symbolo, vel, si non sit dicendum, post Evangelium Celebrans osculatur Altare in medio, et junctis manibus ante pectus, ibidem à manu sinistra ad dexteram (ut dictum est supra) vertit se ad populum, et extendens ac jungens manus dicit, **Dominus vobiscum**, et junctis manibus revertitur per eandem viam ad medium Altaris, ubi extendens et jungens manus, caputque Cruci inclinans, dicit **Oremus**: tum junctis, ut prius manibus, dicit **Offertorium**, et omnia, quæ usque ad finem Missæ in medio Altaris dicenda sunt, dicit ibidem stans versus ad Altare, nisi ubi aliter ordinatur.

2. Dicto **Offertorio** discooperit Calicem, et ad cornu Epistolæ sistit, et manu dextra amovet parvam pallam desuper Hostiam, accipit Patenam cum Hostia, et ambabus manibus usque ad pectus eam elevatam tenens, oculis ad Deum elevatis, et statim demissis, dicit, **Suscipe sancte Pater**, etc.

3. Si fuerint aliae Hostiæ non super Patenam, sed super Corporale, vel in alio Calice, seu vase pro Communionem populi consecrandæ, Calicem illum, seu vas dextra discooperit, et intentionem suam etiam ad illas offerendas, et consecrandas dirigens, dicit ut supra, **Suscipe**, etc. ut in Ordine Missæ. Quo dicto, Patenam utraque manu tenens, cum ea facit signum Crucis super Corporale, et deponit Hostiam circa medium anterioris partis Corporalis ante se, et Patenam ad manum dexteram aliquantulum subtus Corporale; quam, exterso Calice, ut dicitur, cooperit purificatorio. Si autem ad sit vas seu Calix cum aliis Hostiis, ipsum cooperit alia Patena, vel Palla.

4. Deinde in cornu Epistolæ accipit Calicem, Purificatorio extergit, et sinistra tenens illius nodum, accipit ampullam vini de manu ministri (qui osculatur ipsam ampullam, non autem manum Celebrantis) et ponit vinum in Calicem. Deinde eodem modo tenens Calicem, producit signum Crucis super ampullam aquæ, et dicit, **Deus qui humanæ substantiæ**, et infundens parum aquæ in Calice prosequitur, **Da nobis per hujus aquæ et vini mysterium**, etc. Si vero celebrat pro Defunctis, non facit signum Crucis super aquam, sed imponit absque benedictione, dicens Orationem, ut supra.

5. Imposita aqua in Calice, et finita Oratione prædicta, accipit manu dextra Calicem discooperit; et stans ante medium Altaris, ipsum ambabus manibus elevatum tenens, videlicet,

cum sinistra pedem, cum dextera autem nodum infra cup-pam, intentis ad Deum oculis offert, dicens, **Offerimus tibi Domine**, etc. qua Oratione dicta, facit signum Crucis cum Calice super Corporale, et ipsum in medio post Hostiam collocat, et palla cooperit. Deinde junctis manibus super Altare positis, aliquantulum inclinatus dicit secreto, **In spiritu humilitatis**, etc. Postea erectus, elevans oculos, manusque expandens, et statim jangens ante pectus (quod semper facit quando aliquid est benedicturus) dicit, **Veni sanctificator**, etc. cum dicit, **et benedic**, signat manu dextera communiter super Hostiam et Calicem, sinistra posita super Altare.

6. Tum junctis ante pectus manibus, accedit ad cornu Epistolae, ubi stans, ministro aquam fundente, lavat manus, id est, extremitates digitorum pollicis et indicis, dicens Psalmum, **Lavabo inter innocentes**, cum **Gloria Patri**, etc. qui versus **Gloria Patri**, praetermittitur in Missis Defunctorum, et in Missis de Tempore à Dominica de Passione usque ad Sabbatum sanctum exclusive.

7. Celebrans lotis manibus eas tergit, et illis ante pectus junctis revertitur ad medium Altaris, ubi stans, oculosque ad Deum elevans, et statim demittens, manibus junctis super Altare aliquantulum inclinatus dicit secreto Orationem, **Suscipe sancta Trinitas**, etc. Qua dicta, manibus hinc inde extensis, et super Altare positis, osculatur illud in medio; tum junctis manibus ante pectus, demissisque oculis ad terram, à sinistra manu ad dexteram vertit se ad populum, et versus eum extendens, et jungens manus, dicit voce aliquantulum elata, **Orate fratres**, et secreto proseguens, ut meum, ac vestrum sacrificium, etc. perficit circulum, revertens, junctis manibus, ante pectus à manu dextera ad medium Altaris. Et responso à ministro, vel à circumstantibus, **Suscipiat Dominus sacrificium de manibus tuis**, etc. (alioquin per se ipsum, dicens, Sacrificium de manibus meis) ipse Celebrans submissa voce dicit, **Amen**, et manibus ante pectus extensis, ut fit ad Orationem, stans in medio Altaris versus librum, dicit absolute sine Oremus, et sine alia interpositione **Orationem**, vel **Orationes secretas**. Cum dicit **Per Dominum**, jungit manus; cum dicit, **Jesum Christum**, caput inclinat: quod facit in prima Oratione, et in ultima, si plures sint dicendae.

8. Pervento autem in conclusione ultimae Secretae ad verba illa, **Per omnia saecula saeculorum** exclusive, Sacerdos stans in medio Altaris, depositis super eo manibus hinc inde extensis, dicit convenienti, et intelligibili voce **Praefationem**. Cum dicit, **Sursum corda**, elevat manus hinc inde extensas usque ad pectus: ita ut palma unius manus respiciat alteram. Cum dicit, **Gratias agamus Domino**, jungit manus: cum dicit, **Deo nostro**, oculos elevat, et statim Cruci caput inclinat. Responso, **Dignum et iustum est**, elevatis et extensis ut prius manibus prosequitur **Praefationem** propriam, vel communem, ut tempus requirit. Cum dicit, **Sanctus**, junctis ante pectus manibus, et inclinatus voce mediocri prosequitur: ministro interim parvam campanulam pulsante. Cum dicit, **Benedictus qui venit in nomine Domini**, etc. erigit se, et signum Crucis sibi producit à fronte ad pectus.

9. In Missa solemni dicto, **Oremus**, Diaconus, et Subdiaconus accedunt ad Altare in cornu Epistolae, Diaconus amovet Calicem, si est in Altari, vel si est in Credentia, ut magis decet, accipit eum de manu Subdiaconi, qui illum cum Patena, et Hostia coopertum palla, et velo à collo sibi pendente, manu sinistra tenens, et alteram manum superponens velo, ne aliquid decidat, de Credentia detulit, comitatus ab Acolytho ampullas vini, et aquae portante: ipse Diaconus Calicem detegit, et dat Patenam cum Hostia Celebranti, osculando ejus manum: Subdiaconus extergit Calicem Purificatorio: Diaconus accepta ampulla vini de manu Subdiaconi, imponit vinum in Calice; Subdiaconus interim ampullam aquae ostendens Celebranti, dicit, **Benedicite Pater reverendo**, qui facto versus eam signo Crucis, dicit Orationem, **Deus, qui humanae**, etc. interim Subdiaconus infundit paululum aquae in Calicem; Diaconus illum Celebranti dat, et pedem Calicis tangens, seu brachium dextrum Celebrantis sustentans, cum eo dicit, **Offerimus tibi Domine**, etc. quem postea positum in Altari, ut supra, palla cooperit. Subdiacono deinde stanti in cornu Epistolae ponit in dextera manu Patenam, quam cooperit extremitate veli ab ejus humero pendente: qui vadit post Celebrantem ante medium Altaris, et facta genuflexione ibi stat, sustinens eam elevatam usque ad finem Orationis Dominicae, ut dicitur. In

Missis autem Defunctorum, et in Feria sexta Parasceve, Patena non tenetur à Subdiacono.

10. Dicto, **Veni sanctificator**, ut supra, Celebrans, ministrante Diacono naviculam, et dicente, **Benedicite Pater reverende**, ponit incensum in Thuribulum, dicens, **Per intercessionem** etc. ut in Ordine Missae. Deinde accepto Thuribulo per manum Diaconi, nullam tunc faciens Cruci reverentiam, incensat oblata, ter ducens Thuribulum super Calicem, et Hostiam simul in modum Crucis, et ter circum Calicem, et Hostiam, scilicet bis à dextera ad sinistram, et semel à sinistra ad dexteram (Diacono interim pedem Calicis tenente manu dextera) dispensans verba in qualibet incensatione hoc modo. In prima incensatione, **Incensum istud**. In secunda, **à te benedictum**. In tertia, **ascendat ad te Domine**. In quarta, **et descendat super nos**. In quinta, et sexta, **miserericordia tua**. Deinde facta reverentia, incensat Crucem, et Altare, ut dictum est supra, assistente eodem Diacono, interim dicens, **Dirigatur Domine Oratio mea**, etc. et cum incensatur Crux, Diaconus amovet Calicem ad partem Epistolae, et incensata Cruce reponit in loco suo. Cum reddit Thuribulum Diacono, dicit, **Accendat in nobis**, etc. Et incensatur ab eo: deinde Diaconus incensat Chorum, et postremo Subdiaconum tenentem Patenam, et ipse Diaconus incensatur à Thuriferario, et Thuriferarius postea incensat Acolythos, et populum. Celebrans, postquam incensatus fuerit, lavat manus, ministrantibus Acolythis ampullam aquae cum pellicula et manutergio.

11. Cum dicitur **Praefatio**, Diaconus et Subdiaconus stant retro post Celebrantem: et paulo antequam dicatur **Sanctus**, accedunt ad Altare, ubi cum Celebrante hinc inde dicunt **Sanctus**, et quae sequuntur usque ad **Canonem**. Deinde Diaconus accedit ad sinistram Celebrantis, ei assistens, dum dicitur **Canon**, nisi alius Sacerdos assistat, quia tunc ipse staret ad dexteram aliquantum post Celebrantem. Subdiaconus vero tunc stat post Celebrantem.

VIII. De Canone Missae usque ad consecrationem.

1. **I**nita Praefatione, ut supra, Sacerdos stans ante medium Altaris versus ad illud, aliquantulum elevat manus, oculisque elevatis ad Deum, et sine mora devote demissis, ac manibus junctis, et super Altare positis, profunde inclinatus incipit Canonem, secreto dicens: **Te igitur**, etc. ut in Ordine Missae. Cum dicit, **Uti accepta habeas, et benedicas** etc. prius osculatur Altare in medio, deinde erigit se, et stat junctis manibus ante pectus. Cum dicit, **Haec + dona, haec + munera, haec sancta + sacrificia**, dextera manu signat ter communiter super Hostiam, et Calicem. Deinde extensis manibus ante pectus prosequitur, **In primis quae tibi offerimus** etc.

2. Ubi dicit, **una cum famulo tuo Papa nostro N.** exprimit nomen Papae; Sede autem vacante verba praedicta omittuntur. Ubi dicitur, **et Antistite nostro N.** specificatur nomen Patriarchae, Archiepiscopi, vel Episcopi ordinarii in propria Dioecesi, et non alterius superioris, etiamsi Celebrans sit omnino exemptus, vel sub alterius Episcopi jurisdictione. Si vero Episcopus ordinarius illius loci, in quo Missa celebratur, sit vita functus, praedicta verba omittuntur, quae etiam omittuntur ab iis, qui Romae celebrant. Si Celebrans est Episcopus, Archiepiscopus, vel Patriarcha, omissis praedictis verbis, eorum loco dicit, **Et me indigno servo tuo**: Summus autem Pontifex cum celebrat, omissis verbis, **una cum famulo tuo Papa nostro N. et Antistite nostro N.** dicit, **una cum me indigno famulo tuo, quem gregi tuo praeesse voluisti**. Et continuant omnes, ut sequitur, **Et omnibus orthodoxis, etc.**

3. Cum dicit, **Memento Domine**, elevans et jungens manus usque ad faciem, vel pectus, sic junctis manibus stat paulisper in quiete, demisso aliquantulum capite, faciens commemorationem vivorum Christi fidelium ad suam voluntatem, quorum nomina, si vult, secreto commemoret: non tamen necesse est ea exprimere, sed mente tantum eorum memoriam habeat. Potest etiam Celebrans si pro pluribus orare intendit, ne circumstantibus sit morosus, ante Missam in animo proponere sibi omnes illos tam vivos, quam defunctos, pro quibus in ipsa Missa orare intendit, et hoc loco generaliter unico contextu ipsorum vivorum commemorationem agere, pro quibus ante Missam orare proposuit in Missa.

4. Commemoratione vivorum facta, demissis, et extensis, ut prius, manibus, continuat, **Et omnium circumstantium**, etc.

Similiter stans prosequitur, **Communicantes**. Cum dicit **Jesu Christi**, caput Cruci inclinat: in conclusione, quando dicit, **per eundem**, jungit manus. Cum dicit, **Hanc igitur oblationem**, expandit manus simul super oblata, ita ut palmae sint apertae versus ac supra Calicem et Hostiam, quas sic tenet usque ad illa verba, **Per Christum Dominum nostrum**, tunc enim jungit manus, et sic prosequitur, **Quam oblationem tu Deus in omnibus, quaesumus**, et cum dicit, **bene + dictam, adscri + ptam, ra + tam**, communiter signat ter super Hostiam, et Calicem simul: deinde cum dicit, **ut nobis Corpus**, separatim signat semel super Hostiam tantum: et cum dicit, et Sanguis, semel super Calicem tantum: deinde elevans, et jungens manus ante pectus, prosequitur, **fiat dilectissimi Filii tui Domini nostri Jesu Christi**, et inclinans caput Cruci, extergit, si opus fuerit, pollices et indices super corporale, et dicit secreto, ut prius, **Qui pridie quam pateretur**: et accipiens pollice et indice dexteræ manus Hostiam, et eam cum illis, ac indice et pollice sinistrae manus tenens, stans erectus ante medium Altaris, dicit, **accepit panem in sanctas ac venerabiles manus suas**, elevansque ad coelum oculos, et statim demittens, dicit, **et elevatis oculis in coelum ad te Deum Patrem suum omnipotentem**, caputque aliquantulum inclinans, dicit, **tibi gratias agens**, et tenens Hostiam inter pollicem et indicem sinistrae manus, dextera producit signum Crucis super eam, dicens, **bene + dixit, fregit, deditque discipulis suis, dicens: accipite, et manducate ex hoc omnes**.

5. Si adsit vas cum aliis Hostiis consecrandis, antequam accipiat Hostiam, discooperit manu dextera Calicem, seu vas aliarum Hostiarum. Cum autem finierit supradicta verba, cubitis super Altare positus, stans capite inclinato, distincte, reverenter, et secreto profert verba consecrationis super Hostiam, et simul super omnes si plures sint consecrandae, et Hostiam suam, pollicibus, et indicibus tantum tenens, dicit: **Hoc est enim Corpus meum**. Quibus prolatis, Celebrans tenens Hostiam inter pollices, et indices praedictos super Altare, reliquis manuum digitis extensis, et simul junctis (et Hostiis, si plures sint consecratae, in loco, in quo à principio Missae positae sunt super Corporale, vel in alio vase, aut Calice demissis) genuflexus eam adoratur. Tunc se erigens, quantum commode potest, elevat in altum Hostiam, et intentis in eam oculis (quod et in elevatione Calicis facit) populo reverenter ostendit adorandam: et mox sola manu dextera ipsam reverenter reponit super corporale in eodem loco unde eam levavit, et deinceps pollices, et indices non disjungit, nisi quando Hostiam consecratam tangere, vel tractare debet usque ad ablutionem digitorum post communionem.

6. Reposita Hostia consecrata super corporale, genuflexus, ipsam veneratur: si adsit vas aliarum Hostiarum, Patena, vel Palla cooperit ut supra. Interim dum Celebrans elevat Hostiam, accenso prius intorticio (quod non extinguatur, nisi postquam Sacerdos Sanguinem sumpserit, vel alios communicaverit, si qui erunt communicandi in Missa) minister manu sinistra elevat fimbrias posteriores Planetæ, ne ipsum Celebrantem impediatur in elevatione brachiorum; quod et facit in elevatione Calicis, et manu dextera pulsatur campanulam ter ad unamquamque elevationem, vel continue quousque Sacerdos deponat Hostiam super Corporale, et similiter postmodum ad elevationem Calicis.

7. Celebrans adorato Sacramento surgit, et discooperit Calicem, in quem, si opus sit, extergit digitos, quod semper faciat, si aliquod fragmentum digitis adhaereat, et stans erectus dicit, **Simili modo postquam coenatum est**, et ambabus manibus accipiens Calicem juxta nodum infra cuppam, et aliquantum illum elevans, ac statim deponens, dicit: **accipiens et hunc praeclarum Calicem in sanctas ac venerabiles manus suas**, etc. cum dicit: **item tibi gratias agens**, caput inclinat, cum dicit, **benedixit**, sinistra Calicem infra cuppam tenens, dextera signat super eum; et prosequens, **deditque discipulis suis**, etc. et ambabus manibus tenens Calicem, videlicet sinistra pedem, dextera nodum infra cuppam, cubitis super Altare positus, et capite inclinato, profert attente, continue, et secreto, ut supra, verba consecrationis Sanguinis: **Hic est enim Calix**, etc. Quibus dictis, reponit Calicem super Corporale, dicens secreto, **Haec quotiescumque feceritis**, etc. genuflexus Sanguinem reverenter adoratur. Tum se erigit, et accipiens Calicem discooperit cum Sanguine ambabus manibus, ut prius elevat eum, et erectum quantum commode potest, ostendit populo adorandum, mox ipsum reverenter re-

ponit super Corporale in locum pristinum, et manu dextera palla cooperit, ac genuflexus Sacramentum veneratur.

8. In Missa solemni ad finem Praefationis accenduntur duo saltem intorticia ab Acolythis, quae extinguuntur post elevationem Calicis, nisi aliqui sint communicandi, et tunc extinguuntur post Communionem. In diebus etiam jejuniorum, et in Missis pro Defunctis tenentur accensa usque ad Communionem. Cum autem celebrans dicit, **Quam oblationem**, etc. Diaconus accedit ad ejus dexteram, et ibi in superiori gradu Altaris genuflexus, cum Sacramentum elevatur, fimbrias Planetæ elevat, et quando opus est, se erigens Calicem discooperit, et cooperit, et cum Celebrante genuflectit. Subdiaconus genuflectit in loco suo. Thuriferarius genuflexus in cornu Epistolæ ter incensat Hostiam, cum elevatur, et similiter Calicem posito incenso in Thuribulo absque benedictione. Reposito Calice, Diaconus redit ad librum, nisi alius assistat. Caeteri surgunt, et stant in locis suis.

IX. De Canone post Consecrationem usque ad Orationem Dominicam.

1. **R**eposito Calice, et adorato, Sacerdos stans ante Altare, extensis manibus ante pectus, dicit secreto: **Unde et memores**, etc. Cum dicit, **de tuis donis, ac datis**, jungit manus ante pectus: et cum dicit, **Hostiam + puram, Hostiam + sanctam, Hostiam + immaculatam**, manu sinistra posita super Altare intra Corporale, dextera signat ter communiter super Hostiam, et Calicem, et semel super Hostiam tantum, et semel super Calicem tantum, dicens, **Panem + sanctum vitae aeternae, et Calicem + salutis perpetuae**: deinde stans ut prius, extensis manibus, prosequitur, **Supra quae propitio**, etc. Cum dicit, **Supplices te rogamus**, etc. inclinat se ante medium Altaris, manibus junctis super illo positus. Cum dicit, **ex hac Altaris participatione**, osculatur Altare, manibus hinc inde super Corporale positus. Cum dicit, **sacrosanctum Filii tui**, jungit manus: et dextera signans semel super Hostiam tantum, et semel super Calicem, sinistra super Corporale posita, dicit, **Cor + pus, et San + guinem sumpserimus**, et cum dicit, **omni benedictione + coelesti**, seipsum signat à fronte ad pectus signo Crucis, sinistra posita infra pectus, et prosequitur, **et gratia repleamur**. Cum dicit, **Per eundem**, jungit manus.

2. Cum dicit, **Memento Domine famulorum famularumque tuarum**, etc. extensis, et junctis manibus ante pectus, et usque ad faciem elevatis, et intentis oculis ad Sacramentum super Altare, facit commemorationem fidelium Defunctorum, de quibus sibi videtur, eodem modo, ut dictum est de commemoratione vivorum. Qua commemoratione facta, stans ut prius extensis manibus prosequitur, **ipsis Domine, et omnibus in Christo** etc. et in fine ad **Per eundem**, jungit manus, et caput inclinat.

3. Cum dicit, **Nobis quoque peccatoribus**, vocem aliquantulum elevat, et dextera manu pectus sibi percutit, sinistra posita super Corporale, et prosequitur secreto, **famulis tuis**, etc. stans manibus extensis, ut prius. Cum dicit, **Per Christum Dominum nostrum; Per quem haec omnia Domine semper bona creas**, jungit manus ante pectus: deinde manu dextera ter signans communiter super Hostiam, et Calicem, dicit: **Sancti + ficas, vivi + ficas, bene + dicis, et praestas nobis**. Postea discooperit manu dextera Calicem, et genuflexus Sacramentum adoratur: tum se erigit, et reverenter accipit Hostiam inter pollicem, et indicem dexteræ manus, et cum ea super Calicem, quem manu sinistra tenet circa nodum infra cuppam, signat ter à labio ad labium, dicens, **Per + ipsum, et cum + ipso, et in + ipso**. Et similiter cum Hostia signat bis inter Calicem, et pectus incipiens à labio Calicis, et dicit: **Est tibi Deo Pa + tri omnipotenti, in unitate Spiritus + sancti**. Deinde tenens manu dextera Hostiam super Calicem, sinistra Calicem, elevat eum aliquantulum simul cum Hostia, dicens, **omnis honor, et gloria**, et statim utrumque deponens, Hostiam collocat super Corporale, et, si opus sit, digitos extergit, ut supra; ac pollices, et indices, ut prius jungens, Calicem palla cooperit, et genuflexus Sacramentum adoratur.

4. In Missa solemni cum Celebrans dicit, **Per quem haec omnia**, etc. Diaconus facta Sacramento genuflexione, accedit ad dexteram Celebrantis, et quando opus est, discooperit Calicem, et cum Celebrante adoratur, similiter cooperit, et iterum genuflectit. Cum incipit, **Pater noster**, idem vadit retro post Celebrantem, facta prius Sacramento genuflexione, ubi stat, dum dicitur Oratio Dominica.

X. De Oratione Dominica, et aliis usque ad factam Communionem.

1. **C**elebrans, cooperto Calice adoradoque Sacramento, erigit se, et manibus extensis hinc inde super Altare intra Corporale positus, dicit intelligibili voce, **Per omnia saecula saeculorum**, et cum dicit, **Oremus**, jungit manus, caput Sacramento inclinans. Cum incipit, **Pater noster**, extendit manus, et stans oculis ad Sacramentum intentis, prosequitur usque ad finem. Responso à ministro, **Sed libera nos à malo**, et à Celebrante, submissa voce, **Amen**, manu dextera, pollice et indice non disjunctis, Patenam aliquantulum purificatorio extergens, eam accipit inter indicem et medium digitos; quam tenens super Altare erectam, sinistra super Corporale posita, dicit secreto, **Libera nos quaesumus**, etc.

2. Antequam Celebrans dicat, **Da propitius pacem**, levat manu dextera Patenam de Altari, et seipsum cum ea signat signo Crucis, dicens: **Da propitius pacem in diebus nostris**. Cum signat se, manum sinistram ponit infra pectus: deinde Patenam ipsam osculatur, et prosequens, **ut ope misericordiae tuae**, etc. submittit Patenam Hostiae, quam indice sinistro accomodat super Patenam, discooperit Calicem, et genuflexus Sacramentum adorat: tum se erigens, accipit Hostiam inter pollicem et indicem dexterae manus, et cum illis, ac pollice et indice sinistrae manus eam super Calicem tenens, reverenter frangit per medium, dicens: **Per eundem Dominum nostrum Jesum Christum Filium tuum**, et mediam partem, quam inter pollicem et indicem dexterae manus tenet, ponit super Patenam: de alia media, quam sinistra manu tenet, frangit cum pollice et indice dexterae manus particulam, prosequens, **Qui tecum vivit et regnat**, etc. et eam inter ipsos dexterae manus pollicem et indicem retinens, partem majorem, quam sinistra tenet, adjungit mediae super Patenam positae, interim dicens, **in unitate Spiritus sancti Deus**: et particulam Hostiae, quam in dextera manu retinuit, tenens super Calicem, quem sinistra per nodum infra cuppam retinet, intelligibili voce dicit: **Per omnia saecula saeculorum**. R. **Amen**; et cum ipsa particula signans ter a labio ad labium Calicis, dicit: **Pax Domini sit semper vobiscum**. Responso per ministrum, **Et cum spiritu tuo**, Particulam, quam dextera manu tenet, immittit in Calicem dicens secreto: **Haec commixtio, et consecratio Corporis**, etc. Deinde pollices et indices super Calicem aliquantulum tergit, et jungit, Calicem palla cooperit, et genuflexus Sacramentum adorat, surgit, et stans junctis manibus ante pectus, capite inclinato versus Sacramentum, dicit intelligibili voce, **Agnus Dei, qui tollis peccata mundi**, et dextera percussit sibi pectus, sinistra super Corporale posita, dicit, **miserere nobis**, et deinde non jungit manus, sed iterum percussit sibi pectus, cum dicit secundo, **miserere nobis**, quod et tertio facit, cum dicit, **dona nobis pacem**.

3. Tunc manibus junctis supra Altare positus, oculisque ad Sacramentum intentis, inclinatus dicit secreto, **Domine Jesu Christe**, etc. Qua oratione finita, si est daturus pacem, osculatur Altare in medio, et instrumentum pacis ei porrectum à ministro juxta ipsum ad dexteram, hoc est, in cornu Epistolae, genuflexo, et dicit, **Pax tecum**. Minister respondet, **Et cum spiritu tuo**. Si non adsit qui hujusmodi instrumento pacem recipiat à Celebrante, pax non datur, etiamsi illius datio Missae conveniat; nec osculatur Altare, sed dicta praemissa Oratione, statim subjungit alias Orationes ut in Ordine Missae.

4. Si vero celebret pro Defunctis, non percussit pectus ad **Agnus Dei**, quia dicit, **Dona eis requiem**, nec dicit primam Orationem, **Domine Jesu Christe, qui dixisti Apostolis tuis**, etc. non dat pacem, sed dicit alias duas sequentes Orationes, **Domine Jesu Christe Filii Dei vivi**, etc. **Perceptio Corporis tui**, etc. Quibus Orationibus dictis genuflectens Sacramentum adorat, et se erigens dicit secreto, **Panem coelestem accipiam**, etc. quo dicto, dextera manu accipit de Patena reverenter ambas partes Hostiae, et collocat inter pollicem et indicem sinistrae manus, quibus Patenam inter eundem indicem et medium digitos supponit, et eadem manu sinistra tenens partes hujusmodi super Patenam inter pectus et Calicem, parum inclinat, dextera tribus vicibus percussit pectus suum, interim etiam tribus vicibus dicens voce aliquantulum elevata, **Domine non sum dignus**: et secreto prosequitur, **ut intres**, etc. Quibus tertio dictis, ex sinistra accipit ambas partes praedictas Hostiae inter pollicem et indicem dexterae manus, et cum illa supra Patenam signat seipsum signo Crucis, ita tamen, ut

Hostia non egrediatur limites Patenae, dicens: **Corpus Domini nostri Jesu Christi custodiat animam meam in vitam aeternam, Amen**: et se inclinans, cubitis super Altare positus, reverenter easdem ambas partes sumit: quibus sumptis, deponit Patenam super Corporale, et erigens se, junctis indicibus et pollicibus, ambas quoque manus ante faciem jungit, et aliquantulum quiescit in meditatione sanctissimi Sacramenti. Deinde depositis manibus dicit secreto, **Quid retribuam Domino pro omnibus quae retribuit mihi?** et interim discooperit Calicem, genuflectit, surgit, accipit Patenam, inspicit Corporale, colligit fragmenta cum Patena, si quae sint in eo, Patenam quoque diligenter cum pollice et indice dexterae manus super Calicem extergit, et ipsos digitos, ne quid fragmentorum in eis remaneat.

5. Si vero adsint Hostiae consecratae super Corporale positae pro alio tempore conservandae, facta prius genuflexione, reponit eas in vas ad hoc ordinatum, et diligenter advertit, ne aliquod fragmentum, quantumcumque minimum, remaneat super Corporale; quod si fuerit, accurate reponit in Calicem. Post extersionem Patenae, junctis pollicibus et indicibus Calicem dextera manu infra nodum cuppae accipit, sinistra Patenam, dicens, **Calicem salutaris**, etc. et signans se signo Crucis cum Calice, dicit, **Sanguis Domini nostri**, etc. et manu sinistra supponens Patenam Calici, stans reverenter sumit totum Sanguinem cum particula in Calice posita. Quibus sumptis dicit secreto, **Quod ore sumpsimus**, etc. et super Altare porrigit Calicem ministro in cornu Epistolae, quo vinum fundente se purificat: deinde vino, et aqua abluit pollices et indices super Calicem, quos abstergit purificatorio, interim dicens, **Corpus tuum Domine quod sumpsi**, etc. Ablutionem sumit, et extergit os, et Calicem purificatorio: quo facto purificatorium extendit super Calicem, et desuper Patenam, ac super Patenam parvam pallam; et plicato Corporali, quod reponit in bursam, cooperit Calicem velo, et bursam desuper ponit, et collocat in medio Altaris, ut in principio Missae.

6. Si qui sunt communicandi in Missa, Sacerdos post summptionem Sanguinis, antequam se purificet, facta genuflexione ponat particulas consecratas in pyxide, vel si pauci sint communicandi super Patenam, nisi à principio positae fuerint in pyxide, seu alio Calice. Interim minister ante eos extendit linteam, seu velum album, et pro eis facit Confessionem, dicens, **Confiteor Deo**, etc. Tum Sacerdos iterum genuflectit, et manibus junctis vertens se ad populum in cornu Evangelii, dicit, **Misereatur vestri, et Indulgentiam, absolutionem, et remissionem peccatorum vestrorum**, etc. et manu dextera facit signum Crucis super eos. Postea genuflectens, accipit manu sinistra pyxidem, seu Patenam cum Sacramento, dextera vero sumit unam particulam, quam inter pollicem, et indicem tenet aliquantulum elevatam super pyxidem, seu Patenam, et conversus ad communicandos in medio Altaris dicit: **Ecce Agnus Dei, ecce qui tollit peccata mundi**. Deinde dicit: **Domine non sum dignus, ut intres sub tectum meum sed tantum dic verbo, et sanabitur anima mea**. Quibus verbis tertio repetitis, accedit ad eorum dexteram, hoc est, ad latus Epistolae, et unicuique porrigit Sacramentum, faciens cum eo signum Crucis super pyxidem, vel Patenam, et simul dicens: **Corpus Domini nostri Jesu Christi custodiat animam tuam in vitam aeternam, Amen**. Omnibus communicatis revertitur ad Altare, nihil dicens: et non dat eis benedictionem, quia illam daturus est in fine Missae. Si particulae positae erant super Corporale, extergit illud cum Patena, et si quae in eo fuerint fragmenta, in Calicem immittit. Deinde dicit secreto, **Quod ore sumpsimus Domine**, etc. et se purificat, dicens, **Corpus tuum Domine quod sumpsi**, etc. et alia facit ut supra. Minister autem dextera manu tenens vas cum vino et aqua, sinistra vero mappulam: aliquanto post Sacerdotem eis porrigit purificationem, et mappulam ad os abstergendum.

7. Si in Altari remaneant particulae in Calice, seu in alio vase usque ad finem Missae, servantur ea, quae in Feria quinta Coenae Domini praescribuntur circa finem Missae.

8. In Missa solemni Diaconus stans retro post Celebrantem, cum in Oratione Dominica dicitur, **Et dimitte nobis debita nostra**, facta ibidem genuflexione vadit ad dexteram Celebrantis, et Subdiaconus circa finem Orationis Domini-cae, facta itidem genuflexione revertitur ad Altare, et stans in cornu Epistolae porrigit Patenam Diacono, qui eam dis-

cooperit, et purificatorio abstergens dat Celebranti, illius manum osculando, et quando opus est, discooperit, et cooperit Calicem, et cum Celebrante adorat. Subdiaconus red-dita Patena, et deposito velo, quod ab humeris ejus pen-debat, genuflectit, et descendit retro post Celebrantem, et cum dicitur, **Pax Domini**, iterum genuflectens accedit ad sinistram Celebrantis, et simul dicunt, **Agnus Dei**: deinde facta ibidem Sacramento genuflexione, redit post Celebran-tem. Diaconus vero à dexteris genuflexus expectat pacem: et cum Celebrans osculatur Altare, ipse se erigens simul osculatur illud extra Corporale, et à Celebrante dicente, **Pax tecum**, complexus accipit pacem sinistris genis sibi in-vicem appropinquantibus, et ei respondet, **Et cum spiritu tuo**. Postea iterum Sacramento in Altari adorato, vertit se ad Subdiaconum retro post Celebrantem, et similiter dat ei pacem. Subdiaconus accepta pace à Diacono, et facta Al-tari genuflexione, comitatus ab Acolytho vadit ad Chorum, et dat pacem primo cujusque ordinis, dignioribus prius, deinde minus dignis, et reversus ad Altare, facta genufle-xione dat pacem Acolytho, qui ipsum comitaverat, qui et aliis Acolythis circa Altare dat pacem: deinde Subdiaco-nus vadit ad dexteram Celebrantis, et quando opus est, dis-cooperit Calicem, accipit ampullam vini, et infundit quando Celebrans vult purificare. Diaconus post datam pacem Sub-diacono vadit ad librum: et dum Celebrans se communicat, stant ipse, et Subdiaconus profunde inclinati versus Altare.

9. In Missa Pontificali, Assistens accipit, et defert pacem, ut in Caeremoniali habetur. Si in Missa solemnī fiat Com-munio, omnia servantur, ut supra, sed prius communicet Diaconum, et Subdiaconum, deinde alios per ordinem: et Diaconus purificationem eis ministret. Interim à Choro can-tatur Antiphona, quae dicitur, **Communio**.

XI. De Communione, et Orationibus post Communionem dicendis.

1. **C**elebrante purificato, dum Calicem collocat in Altari, liber Missalis defertur per ministrum ad cornu Episto-lae, et collocatur, ut in Introitu. Ipse autem minister genu-flectit juxta cornu Evangelii, ut in principio Missae. Deinde Celebrans stans junctis manibus legit, Antiphonam, quae di-citur, **Communio**; qua lecta, junctis itidem manibus ante pec-tus vadit ad medium Altaris, et eo osculato vertit se ad populum à manu sinistra ad dexteram, et dicit, **Dominus vo-biscum**, et per eandem viam redit ad librum, dicit, **Ora-tiones post Communionem**, eisdem modo, numero, et ordine, ut supra dictae sunt Collectae. Quibus finitis, claudit librum, et jungens manus ante pectus, revertitur ad medium Altaris, ubi eo osculato vertit se ad populum, et dicit ut supra, **Do-minus vobiscum**: quo dicto, stans junctis manibus ante pectus versus populum, dicit, si dicendum est, **Ite missa est**, et per eandem viam revertitur ad Altare. Si vero non sit dicen-dum; dicto, **Dominus vobiscum**, revertitur eodem modo per eandem viam ad medium Altaris, ubi stans versus ad illud, jun-ctis ante pectus manibus dicit, **Benedicamus Domino**. In Mis-sis autem Defunctorum eodem modo stans versus Altare, di-cit, **Requiescant in pace**.

2. In Quadragesima autem à Feria iv. Cinerum usque ad Feriam iv. majoris Hebdom. in feriali Officio postquam Ce-lebrans dixit Orationes post Communionem cum suis solitis conclusionibus, antequam dicat, **Dominus vobiscum**, stans in eodem loco ante librum dicit, **Oremus: Humiliate capita ve-stra Deo**, caput inclinans, et extensis manibus, subjungit ea-dem voce, **Orationem super populum**, ibidem positam, qua finita, osculatur Altare, et vertens se ad populum dicit, **Do-minus vobiscum**, et alia ut supra.

3. In Missa solemnī Diaconus defert librum Missalis ad cornu Epistolae, deinde vadit retro post Celebrantem. Sub-diaconus vero vadit ad cornu Evangelii, ubi Calicem mun-dat, aptat cum purificatorio, Patena, et Palla cooperit, plicat Corporale, reponit in bursam, et illam ponit super Calicem coopertum velo, quem collocat in Altari: vel super Credentia ut prius: postea redit ad locum suum retro post Diaconum: qui cum dicit, **Ite missa est**, cum Celebrante vertit se ad populum: et in Quadragesima dicto per Cele-brantem, **Oremus**, Diaconus in cornu Epistolae vertens se ad populum, junctis manibus dicit ut supra, **Humiliate**, etc. quo dicto vertit se versus Altare à tergo Celebrantis, et Ce-lebrans dicit Orationem super populum.

XII. De benedictione in fine Missae, et Evangelio S. Joannis.

1. **D**icto, **Ite missa est**, vel, **Benedicamus Domino**, ut su-pra, Celebrans ante medium Altaris stans junctis mani-bus super eo, et capito inclinato, dicit secreto, **Placeat tibi sancta Trinitas**, etc. quo dicto, extensis manibus hinc inde super Altare positus, ipsum in medio osculatur: tum erigens se, adhuc stans versus illud, elevat ad coelum oculos et ma-nus, quas extendit, et jungit, caputque Cruci inclinans, di-cit voce intelligibili, **Benedicat vos omnipotens Deus**, et jun-ctis manibus, ac demissis ad terram oculis, vertens se ad populum à sinistro latere ad dexterum, extensa manu dextera, junctisque digitis, et manu sinistra infra pectus posita, semel benedicit populo dicens, **Pater, et Filius, † et Spiritus san-ctus**. R. **Amen**; et circulum perficiens accedit ad cornu Evangelii, ubi dicto, **Dominus vobiscum**, et R. **Et cum spiritu tuo**, pollice dextero signans primum signo Crucis Altare, seu librum in principio Evangelii, deinde frontem, os, et pec-tus, dicit, **Initium sancti Evangelii secundum Joannem**, vel, **Sequentia sancti Evangelii**, ut dictum est in Rubr. generali-bus, et R. **Gloria tibi Domine**, junctis manibus, legit Evan-gelium, **In principio**, vel aliud ut convenit. Cum dicit, **Et Verbum caro factum est**, genuflectit versus cornu Evangelii, et surgens prosequitur ut prius: quo finito minister stans à parte Epistolae respondet, **Deo Gratias**.

2. Si Celebrans in Altari vertit faciem ad populum, non vertit se, sed stans ut erat, benedicit populo, ut supra in medio Altaris: deinde accedit ad cornu Evangelii, et dicit Evangelium S. Joannis.

3. Si celebravit coram Summo Pontifice, Cardinale, et Legato Sedis Apostolicae, vel Patriarcha, Archiepiscopo, et Episcopo in Provincia, Civitate, vel Dioecesi sua existente, Celebrans dicto, **Placeat tibi sancta Trinitas**, etc. dicit, **Be-nedicat vos omnipotens Deus**, et convertens se ad Summum Pontificem genuflexus, ad Cardinalem vero, et Legatum, vel alium ex supradictis Praelatis capite inclinato, quasi licentiam benedicendi petens, prosequitur, **Pater, et Filius, † et Spi-ritus sanctus**, benedicens astantes à parte ubi non adest Pon-tifex, Cardinalis, Legatus, aut Praelatus praedicti. Si autem celebravit coram Patriarcha, Archiepiscopo, et Episcopo ex-tra eorum Provinciam, Civitatem, vel Dioecesim constitutis, eis absque alio respectu, ut caeteris, qui intersunt, more con-sueti benedicit.

4. Si autem celebravit pro Defunctis, dicto, **Placeat tibi sancta Trinitas**, ut supra, et osculato Altari, accedit ad cor-nu Evangelii, et dicit Evangelium sancti Joannis, praeter-missa benedictione, quae in Missis Defunctorum non datur.

5. Finito Evangelio in fine Missae, si celebravit coram Sum-mo Pontifice, Cardinale, et Legato Sedis Apostolicae, vel Patriarcha, Archiepiscopo, et Episcopo, convertit se ad illum, coram quo ex praedictis celebravit, et facit reverentiam con-venientem. Si non celebravit coram aliquo praedictorum, hu-jusmodi reverentiam praetermittit.

6. Quibus omnibus absolutis, extinguuntur per ministrum candelae: interim Sacerdos accipit sinistra Calicem, dexteram ponens super bursam, ne aliquid cadat, descendit ante infi-mum gradum Altaris; et ibi in medio vertens se ad illud, caput inclinat, (vel, si in eo est tabernaculam SS. Sacra-menti, genuflectit,) et facta reverentia, accipit biretum à ministro, caput cooperit, ac praecedente eodem ministro, eo modo quo venerat, redit ad Sacristiam, interim dicens An-tiphonam, **Trium puerorum**, et Canticum, **Benedicite**. Si vero sit dimissurus paramenta apud Altare, ubi celebravit, finito Evangelio praedicto, ibidem illis se exuit, et dicit An-tiphonam, **Trium puerorum**, cum Cantico, et aliis Orationi-bus, ut suo loco ponuntur.

7. In Missa solemnī Celebrans eadem voce, et modo, quo in Missis privatis semel tantum benedicit populo, nisi sit Episcopus, vel Abbas, ut infra, et dicto Evangelio secun-dum Joannem, vel alio ut supra, ministrante Subdiacono librum, si opus est, discedit cum ministris ordine, et modo quo venerat.

8. Episcopus autem ter benedicit populo, etiam in Missis privatis, ut in Caeremoniali habetur.

XIII. De his, quae omittuntur in Missa pro Defunctis.

1. **I**N Missa pro Defunctis ante Confessionem non dicitur Psalmus, *Judica me Deus*, sed pronuntiata Antiphona, *Introibo ad Altare Dei*, et responso à ministro, *Ad Deum qui laetificat*, etc. dicitur *V. Adjutorium nostrum*, et *Confessio*, cum reliquis ut supra. Cum Celebrans ad Altare incipit *Introitum*, non signat se, sed manu dextera extensa, facit signum Crucis super librum, quasi aliquem benedicens. Non dicitur, *Gloria Patri*, sed post Psalmum repetitur, *Requiem aeternam*; nec dicitur *Gloria in excelsis*, nec *Alleluja*, nec *Jube Domine benedicere*, nec *Dominus sit in corde meo*; nec osculatur librum in fine. Non dicitur *Credo*, non benedicitur aqua in Calicem fundenda: dicitur tamen Oratio, *Deus, qui humanae substantiae*, etc. Cum lavat manus in fine Psalmi, *Lavabo inter innocentes*, non dicitur, *Gloria Patri*. Ad *Agnus Dei*, non dicitur *miserere nobis*, cujus loco dicitur, *dona eis requiem*; nec tertio, *dona nobis pacem*, cujus loco dicitur, *dona eis requiem sempiternam*, neque percutitur pectus. Non dicitur prima Oratio ante Communionem, scilicet, *Domine Jesu Christe, qui dixisti Apostolis tuis*, etc. nec datur pax. In fine non dicitur, *Ite missa est*, nec *Benedicamus Domino*, sed *Requiescant in pace*. Et non datur benedictio: sed dicto *Placeat*, et osculato Altari, dicitur, ut supra, *In principio erat Verbum*, etc. Alia omnia ut in aliis Missis.

2. In Missa solemni non incensatur Altare ad Introitum, et Subdiaconus finita Epistola non osculatur manum Celebrantis, nec benedicitur: Diaconus non petit benedictionem, nec osculatur Celebrantis manum; non tenentur luminaria ad Evangelium, nec portatur incensum, sed duo tantum Acolythi sine candelabris stant unus à dexteris, et alter à sinistris Subdiaconi tenentis librum Evangeliorum. Non incensatur liber, nec in fine Celebrans; nec defertur liber Evangeliorum osculandus. Oblata et Altare incensantur ut supra: incensatur solus Celebrans; et non incensantur alii. Subdiaconus non tenet Patenam post Celebrantem: sed tempore elevationis Sacramenti genuflexus in cornu Epistolae illud incensat. Ministri, cum aliquid porrigunt Celebranti, in hac Missa non osculantur ejus manum, neque rem, quae porrigitur.

3. Si distribuendae sunt candelae, distribuuntur post Epistolam, et accendantur ad Evangelium, ad elevationem Sacramenti, et post Missam dum fit Absolutio. Si habendus est sermo, habeatur, finita Missa ante Absolutionem.

4. Finita Missa si facienda est Absolutio, Celebrans retrahit se ad cornu Epistolae, ubi exiit Casula, et deposito Manipulo, accipit Pluviale nigrum. Subdiaconus medius inter duos Acolythos cum candelabris accensis defert Crucem sicut in Processionibus, praecedentibus duobus aliis Acolythis, uno cum Thuribulo, et navicula incensi, alio cum vase aquae benedictae, et aspersorio: sequitur Celebrans, facta prius Altari reverentia, et Diaconus à sinistris ejus. Subdiaconus cum Cruce sistit se ad pedes tumuli, seu lecticae mortuorum contra Altare, medius inter dictos Acolythos tenentes luminaria: Celebrans vero ex alia parte in capite loci inter Altare, et tumulum aliquantulum versus cornu Epistolae, ita ut Crucem Subdiaconi respiciat, à sinistris ejus Diaconus; et prope eum alii duo Acolythi deferentes Thuribulum, et vas aquae benedictae. Interim cantatur *R. Libera me Domine*, et circa illius finem Celebrans ponit incensum in Thuribulum, benedicens illud more solito, ministrante Diacono naviculam: et finito *Kyrie eleison*, incipit intelligibili voce, *Pater noster*, et secreto proseguendo reliqua; accipit aspersorium de manu Diaconi, et facta Altari reverentia, comitante eodem Diacono à dexteris, et tenente fimbriam anteriorem Pluvialis, circuiens tumulum, aspergit illum aqua benedicta, ter à parte dextera, et ter à sinistra. Cum transit ante Crucem, profunde inclinat, Diaconus vero genuflectit: postea de manu ejusdem Diaconi accipit Thuribulum, et eodem modo quo asperserat, incensat. Et rediens ad pristinum locum, Diacono tenente librum, junctis manibus dicit:

- V.* Et ne nos inducas in tentationem.
R. Sed libera nos à malo.
V. A porta inferi.
R. Erue Domine animam ejus.
V. Requiescat in pace. *R.* Amen.

- V.* Domine exaudi orationem meam.
R. Et clamor meus ad te veniat.
V. Dominus vobiscum.
R. Et cum spiritu tuo.

Oremus.

Absolve, quaesumus Domine, animam famuli tui *N.* ab omni vinculo delictorum: ut in resurrectionis gloria, inter sanctos et electos tuos resuscitatus respiret. Per Christum Dominum nostrum. *R.* Amen.

Deinde Celebrans faciens Crucem manu dextera super tumulum dicit. *V.* Requiem aeternam dona ei Domine.

R. Et lux perpetua luceat ei.

Et dicto per Cantores, Requiescat in pace, et *R.* Amen. praecedente Cruce redit cum aliis ad Sacristiam.

Si Officium fit pro pluribus Defunctis, omnia dicantur in numero plurali.

DE DEFECTIBUS

in celebratione Missarum occurrentibus.

I.

Sacerdos celebraturus omnem adhibeat diligentiam, ne desit aliquid ex requisitis ad Sacramentum Eucharistiae conficiendum. Potest autem defectus contingere ex parte materiae consecrandae, et ex parte formae adhibendae, et ex parte ministri conficientis. Quidquid enim horum deficit, scilicet materia debita, forma cum intentione, et Ordo Sacerdotalis in conficiente, non conficitur Sacramentum. Et his existentibus, quibuscumque aliis deficientibus, veritas adest Sacramenti. Alii vero sunt defectus, qui in Missae celebratione occurrentes, etsi veritatem Sacramenti non impediunt, possunt tamen aut cum peccato, aut cum scandalo contingere.

II. De Defectibus materiae.

Defectus ex parte materiae possunt contingere, si aliquid desit ex iis, quae ad ipsam requiruntur. Requiritur enim ut sit panis triticeus, et vinum de vite: et ut hujusmodi materia consecranda, in actu consecrationis sit coram Sacerdote.

III. De defectu panis.

1. **S**i panis non sit triticeus, vel si triticeus, admixtus sit granis alterius generis in tanta quantitate, ut non maneat panis triticeus, vel sit alioqui corruptus, non conficitur Sacramentum.

2. Si sit confectus de aqua rosacea, vel alterius distillationis, dubium est, an conficiatur.

3. Si coeperit corrumpi, sed non sit corruptus: similiter si non sit azymus, secundum morem Ecclesiae Latinae; conficitur, sed conficiens graviter peccat.

4. Si celebrans ante consecrationem advertit, Hostiam esse corruptam, aut non esse triticeam; remota illa Hostia, aliam ponat, et facta oblatione, saltem mente concepta, proseguatur ab eo loco, ubi desivit.

5. Si id adverterit post consecrationem, etiam post illius Hostiae sumptionem, posita alia, faciat oblationem, ut supra, et à consecratione incipiat, scilicet ab illis verbis, *Qui pridie quam pateretur*: et illam priorem si non sumpsit, sumat post sumptionem Corporis, et Sanguinis, vel alii sumendam tradat, vel alicubi reverenter conservet. Si autem sumpserit, nihilominus sumat eam, quam consecravat: quia praeeptum de perfectione Sacramenti majoris est ponderis, quam quod à jejunis sumatur.

6. Quod si hoc contingat post sumptionem Sanguinis, apponi debet rursus novus panis, et vinum cum aqua; et facta prius oblatione, ut supra, Sacerdos consecret, incipiendo ab illis verbis, *Qui pridie*: ac statim sumat utrumque, et proseguatur Missam, ne Sacramentum remaneat imperfectum, et ut debitus servetur ordo.

7. Si Hostia consecrata dispareat, vel casu aliquo, ut vento, aut miraculo, vel ab aliquo animali accepta, et nequeat reperiri; tunc altera consecratur ab eo loco incipiendo, *Qui pridie quam pateretur*, facta ejus prius oblatione, ut supra.

IV. De defectu vini.

1. **S**I vinum sit factum penitus acetum, vel penitus putridum, vel de uvis acerbis, seu non maturis expressum, vel ei admixtum tantum aquae, ut vinum sit corruptum; non conficitur Sacramentum.

2. Si vinum coeperit acescere, vel corrumpi, vel fuerit aliquantum acre, vel mustum de uvis tunc expressum, vel non fuerit admixta aqua, vel fuerit admixta aqua rosacea, seu alterius distillationis; conficitur Sacramentum, sed conficiens graviter peccat.

3. Si Celebrans ante consecrationem Sanguinis, quamvis post consecrationem Corporis, advertat aut vinum, aut aquam, aut utrumque non esse in Calice; debet statim apponere vinum cum aqua, et facta oblatione ut supra, consecrare; incipiendo ab illis verbis, *Simili modo*, etc.

4. Si post verba consecrationis, advertat vinum non fuisse positum, sed aquam: deposita aqua in aliquod vas, iterum vinum cum aqua ponat in Calice, et consecret, resumendo à verbis praedictis, *Simili modo*, etc.

5. Si hoc advertat post sumptionem Corporis, vel hujusmodi aquae; apponat aliam Hostiam iterum consecrandam, et vinum cum aqua in Calice, offerat utrumque, et consecret, et sumat, quamvis non sit jejunos. Vel, si Missa celebretur in loco publico, ubi plures adsint, ad evitandum scandalum poterit apponere vinum cum aqua, et facta oblatione ut supra, consecrare, ac statim sumere, et prosequi caetera.

6. Si quis percipiat ante consecrationem, vel post consecrationem, totum vinum esse acetum, vel alias corruptum, idem servetur quod supra, ac si deprehenderet non esse positum vinum, vel solam aquam fuisse appositam in Calice.

7. Si autem Celebrans ante consecrationem Calicis advertat non fuisse appositam aquam, statim ponat eam, et proferat verba consecrationis. Si id advertat post consecrationem Calicis, nullo modo apponat, quia non est de necessitate Sacramenti.

8. Si materia quae esset apponenda, ratione defectus vel panis, vel vini, non posset ullo modo haberi; si id sit ante consecrationem Corporis, ulterius procedi non debet: si post consecrationem Corporis, aut etiam vini, deprehenditur defectus alterius speciei, altera jam consecrata; tunc si nullo modo haberi possit procedendum erit, et Missa absolvenda, ita tamen ut praetermittantur verba et signa quae pertinent ad speciem deficientem. Quod si expectando aliquamdiu haberi possit, expectandum erit, ne sacrificium remaneat imperfectum.

V. De defectibus formae.

1. **D**Efectus ex parte formae possunt contingere, si aliquid desit ex iis quae ad integritatem verborum in ipsa consecratione requiruntur. Verba autem consecrationis, quae sunt forma hujus Sacramenti, sunt haec: *Hoc est enim Corpus meum. Et, Hic est enim Calix Sanguinis mei, novi, et aeterni testamenti: mysterium fidei, qui pro vobis et pro multis effundetur in remissionem peccatorum.* Si quis autem aliquid diminueret, vel immutaret de forma consecrationis Corporis et Sanguinis, et in ipsa verborum immutatione verba idem non significarent, non conficeret Sacramentum. Si vero aliquid adderet quod significationem non mutaret, conficeret quidem, sed gravissime peccaret.

2. Si Celebrans non recordetur se dexisse ea, quae in consecratione communiter dicuntur, non debet propterea turbari. Si tamen certo ei constet, se omisisse aliquid eorum quae sunt de necessitate Sacramenti, id est, formam consecrationis, seu partem, resumat ipsam formam, et caetera prosequatur per ordinem. Si vero valde probabilitate dubitet se aliquid essentielle omisisse, iteret formam saltem sub tacita conditione. Si autem non sunt de necessitate Sacramenti, non resumat, sed procedat ulterius.

VI. De defectibus Ministri.

DEfectus ex parte Ministri, possunt contingere quoad ea, quae in ipso requiruntur. Haec autem sunt: In primis intentio, deinde dispositio animae, dispositio corporalis, dispositio vestimentorum, dispositio in ministerio ipso quoad ea, quae in ipso possunt occurrere.

VII. De defectu intentionis.

1. **S**I quis non intendit conficere, sed delusorie aliquid agere: item si aliquae Hostiae ex oblivione remaneant in Altari, vel aliqua pars vini, vel aliqua Hostia lateat, cum non intendat consecrare nisi quas videt: item si quis habeat coram se undecim Hostias, et intendat consecrare solum decem, non determinans quas decem intendit: in his casibus non consecrat, quia requiritur intentio. Secus si putans quidem esse decem, tamen omnes voluit consecrare quas coram se habebat: nam tunc omnes erunt consecratae: atque ideo quilibet Sacerdos talem semper intentionem habere deberet, scilicet consecrandi eas omnes, quas ante se ad consecrandum positas habet.

2. Si Sacerdos putans se tenere unam Hostiam, post consecrationem invenerit fuisse duas simul junctas, in sumptione sumat simul utramque. Quod si deprehendat post sumptionem Corporis et Sanguinis, aut etiam post ablutionem, reliquias aliquas relictas consecratas, eas sumat, sive parvae sint, sive magnae, quia ad idem sacrificium spectant.

3. Si vero relictas sit Hostia integra consecrata, eam in Tabernaculo cum aliis reponat: si hoc fieri nequit, sequenti Sacerdoti ibi celebraturo, in Altari supra Corporale decenter opertam, sumendam una cum altera, quam est consecraturus, relinquat: vel si neutrum horum fieri possit, in ipso Calice, seu Patena decenter conservet, quousque vel in tabernaculo reponatur, vel ab altero sumatur: quod si non habeat quomodo honeste conservetur, potest eam ipsemet sumere.

4. Si intentio non sit actualis in ipsa consecratione propter evagationem mentis, sed virtualis, cum accedens ad Altare intendat facere, quod facit Ecclesia, conficitur Sacramentum, etsi curare debet Sacerdos, ut etiam actualem intentionem adhibeat.

VIII. De defectibus dispositionis animae.

1. **S**I quis suspensus, excommunicatus, degradatus, irregularis, vel alias canonice impeditus celebret: conficit quidem Sacramentum, sed gravissime peccat, tam propter Communionem, quam indigne sumit, quam propter executionem Ordinum, quae sibi erat interdicta.

2. Si quis habens copiam Confessoris celebret in peccato mortali, graviter peccat.

3. Si quis autem in casu necessitatis non habens copiam Confessoris, in peccato mortali absque contritione celebret, graviter peccat. Secus si conteratur: debet tamen, cum primum poterit, confiteri.

4. Si in ipsa celebratione Missae Sacerdos recordetur se esse in peccato mortali, conteratur cum proposito confitendi, et satisfaciendi.

5. Si recordetur se esse excommunicatum, vel suspensum, aut locum esse interdictum: similiter conteratur cum proposito petendi absolutionem. Ante consecrationem autem in supradictis casibus, si non timetur scandalum, debet Missam incoeptam deserere.

IX. De defectibus dispositionis Corporis.

1. **S**I quis non est jejunos post mediam noctem, etiam post sumptionem solius aquae, vel alterius potus, aut cibi, per modum etiam medicinae, et in quantacumque parva quantitate, non potest communicare: nec celebrare.

2. Si autem ante mediam noctem cibum aut potum sumserit, etiamsi postmodum non dormierit, nec sit digestus, non peccat: sed ob perturbationem mentis, ex qua devotio tollitur, consulitur aliquando abstinendum.

3. Si reliquiae cibi remanentes in ore transglutiantur, non impediunt Communionem, cum non transglutiantur per modum cibi, sed per modum salivae. Idem dicendum, si lavando os, deglutitur stilla aquae praeter intentionem.

4. Si plures Missas in una die celebret, ut in Nativitate Domini, in unaquaque Missa abluat digitos in aliquo vase mundo, et in ultima tantum percipiat purificationem.

5. Si praecesserit pollutio nocturna, quae causata fuerit ex praecedenti cogitatione, quae sit peccatum mortale, vel evenit propter nimiam crapulam, abstinendum est à Communionem et celebrationem, nisi aliud Confessario videatur. Si du-

bium est an in praecedenti cogitatione fuerit peccatum mortale, consulitur abstinendum, extra tamen casum necessitatis. Si autem certum est non fuisse in illa cogitatione peccatum mortale, vel nullam fuisse cogitationem, sed evenisse ex naturali causa, aut ex diabolica illusionem, potest communicare et celebrare; nisi ex illa corporis commotione tanta evenierit perturbatio mentis, ut abstinendum videatur.

X. De defectibus in ministerio ipso occurrentibus.

1. **P**ossunt etiam defectus occurrere in ministerio ipso, si aliquid ex requisitis ad illud desit: ut si celebretur in loco non sacro, vel non deputato ab Episcopo, vel in Altari non consecrato, vel tribus mappis non cooperto: si non adsint luminaria cerea: si non sit tempus debitum celebrandi, quod est ab aurora usque ad meridiem communiter: si celebrans saltem Matutinum cum Laudibus non dixerit: si omittat aliquid ex vestibus sacerdotalibus: si vestes sacerdotales et mappae non sint ab Episcopo, vel ab alio hanc habente potestatem benedictae: si non adsit Clericus, vel alius deserviens in Missa, vel adsit qui deservire non debet, ut mulier: si non adsit Calix cum Patena conveniens, cujus cuppa debet esse aurea, vel argentea, vel stannea; non aerea, vel vitrea: si Corporalia non sint munda, quae debent esse ex lino, nec serico in medio ornata, et ab Episcopo, vel ab alio hanc habente potestatem benedicta, ut etiam superius dictum est: si celebret capite cooperto sine dispensatione: si non adsit Missale, licet memoriter sciret Missam, quam intendit dicere.

2. Si Sacerdote celebrante, violetur Ecclesia ante Canonem, dimittatur Missa: si post Canonem, non dimittatur. Si timeatur incursus hostium, vel alluvionis, vel ruina loci ubi celebratur, ante consecrationem dimittatur Missa, post consecrationem vero Sacerdos accelerare poterit sumptionem Sacramenti, omissis omnibus aliis.

3. Si Sacerdos ante consecrationem graviter infirmetur, vel in syncopen inciderit, aut moriatur, praetermittitur Missa: si post consecrationem Corporis tantum, ante consecrationem Sanguinis, vel utroque consecrato id accidit, Missa per alium Sacerdotem expleatur ab eo loco, ubi ille desiit, et in casu necessitatis etiam per non jejunum. Si autem non obierit, sed fuerit infirmus, adeo tamen ut possit communicare, et non adsit alia Hostia consecrata, Sacerdos, qui Missam supplet, dividat Hostiam, et unam partem praebeat infirmo, aliam ipse sumat. Si autem semiprolata forma Corporis obiit Sacerdos, quia non est facta consecratio, non est necesse, ut Missa per alium suppleatur. Si vero obierit semiprolata forma Sanguinis, tunc alter prosequatur Missam, et super eundem Calicem repetat integram formam ab eo loco, **Simili modo postquam coenatum est**, vel posset super alium Calicem praeparatum integram formam proferre, et Hostiam primi Sacerdotis, et Sanguinem à se consecratum sumere, ac deinde Calicem relictum semiconsecratum.

4. Si quis extra hujusmodi casus necessitatis, integra Sacramenta non sumpserit, gravissime peccat.

5. Si musca, vel aranea, vel aliquid aliud ceciderit in Calicem ante consecrationem, projiciat vinum in locum decentem, et aliud ponat in Calice, misceat parum aquae, offerat, ut supra, et prosequatur Missam: si post consecrationem ceciderit musca, aut aliquid ejusmodi, et fiat nausea Sacerdoti, extrahat eam, et lavet cum vino, finita Missa, comburat, et combustio ac lotio hujusmodi in sacrarium projiciatur. Si autem non fuerit ei nausea nec ullum periculum timeat, sumat cum Sanguine.

6. Si aliquid venenosum ceciderit in Calicem, vel quod provocaret vomitum, vinum consecratum reponendum est in alio Calice, et aliud vinum cum aqua apponendum denuo consecrandum: et finita Missa, Sanguis repositus in panno lineo, vel stappa tandiu servetur, donec species vini fuerint desiccatae, et tunc stappa comburatur, et combustio in sacrarium projiciatur.

7. Si aliquid venenatum contigerit Hostiam consecratam, tunc alteram consecret, et sumat eo modo, quo dictum est, et illa servetur in tabernaculo loco separato, donec species corrumpantur, et corruptae deinde mittantur in sacrarium.

8. Si sumendo Sanguinem, particula remanserit in Calice, digito ad labium Calicis eam adducat, et sumat ante purificationem, vel infundat vinum, et sumat.

9. Si Hostia ante consecrationem inveniatur fracta, nisi populo evidenter appareat, talis Hostia consecretur: si autem scandalum populo esse possit, alia accipiat, et offeratur: quod si illius Hostiae jam erat facta oblatio, eam post ablutionem sumat. Quod si ante oblationem Hostia appareat confracta, accipiat altera integra, si citra scandalum, aut longam moram fieri poterit.

10. Si propter frigus, vel negligentiam Hostia consecrata dilabatur in Calicem, propterea nihil est reiterandum, sed Sacerdos Missam prosequatur, faciendo caeremonias et signa consueta cum residua parte Hostiae, quae non est madefacta Sanguine, si commode potest. Si vero tota fuerit madefacta, non extrahat eam, sed omnia dicat, omittendo signa, et sumat pariter Corpus, et Sanguinem, signans se eum Calice dicens: **Corpus, et Sanguis Domini nostri etc.**

11. Si in hieme Sanguis congeletur in Calice, involvatur Calix pannis calefactis: si id non proficeret, ponatur in ferventi aqua prope Altare, dummodo in Calicem non intret, donec liquefiat.

12. Si per negligentiam aliquid de Sanguine Christi ceciderit, si quidem super terram, seu super tabulam, lingua lambatur, et locus ipse radatur quantum satis est, et abrasio comburatur; cinis vero in sacrarium recondatur. Si vero super lapidem Altaris ceciderit, sorbeat Sacerdos stillam, et locus bene abluatur, et ablutio in sacrarium projiciatur. Si super linteum Altaris, et ad aliud linteum stilla pervenerit; si usque ad tertium: linteamina ter abluantur ubi stilla ceciderit, Calice supposito, et aqua ablutionis in sacrarium projiciatur. Quod si in ipso solum Corporali, aut si in vestibus ipsis Sacerdotalibus ceciderit, debet similiter ablui, et ablutio in sacrarium projici. Si in substrato pedibus panno, vel tapeto, bene adluatur, ut supra.

13. At si contingat totum Sanguinem post consecrationem effundi, si quidem aliquid vel parum remansit, illud sumatur, et de effuso reliquo Sanguine fiat, ut dictum est. Si vero nihil omnino remansit, ponat iterum vinum et aquam, et consecret ab eo loco: **Simili modo postquam coenatum est**, etc. facta prius tamen Calicis oblatione, ut supra.

14. Si Sacerdos evomat Eucharistiam, si species integrae appareant, reverenter sumantur, nisi nausea fiat: tunc enim species consecratae caute separentur, et in aliquo loco sacro reponantur, donec corrumpantur; et postea in sacrarium projiciantur. Quod si species non appareant, comburatur vomitus, et cineres in sacrarium mittantur.

15. Si Hostia consecrata, vel aliqua ejus particula dilabatur in terram; reverenter accipiat, et locus ubi cecidit, mundetur, et aliquantulum abradatur, et pulvis seu abrasio hujusmodi in sacrarium immittatur. Si ceciderit extra Corporale in mappam, seu alio quovis modo in aliquod linteum, mappa vel linteum hujusmodi diligenter lavetur, et lotio ipsa in sacrarium effundatur.

16. Possunt etiam defectus in ministerio ipso occurrere, si Sacerdos ignoret ritus et caeremonias ipsas in eo servandas, de quibus omnibus in superioribus Rubricis copiose dictum est.



PRÆPARATIO

AD MISSAM

PRO OPPORTUNITATE SACERDOTIS FACIENDA.

Antiphona. Ne reminiscaris Domine delicta nostra, vel parentum nostrorum: neque vindictam sumas de peccatis nostris.

Quae Antiphona in Festis Duplicibus tantum duplicatur, et tempore Paschali additur in fine, Alleluja. Deinde dicuntur sequentes Psalmi.

Psalmus 83.

Quam dilecta tabernacula tua Domine virtutum! concupiscit, et deficit anima mea in atria Domini. Cor meum, et caro mea exultaverunt in Deum vivum. Etenim passer invenit sibi domum, et turtur nidum sibi, ubi ponat pullos suos.

Altaria tua Domine virtutum: Rex meus, et Deus meus. Beati, qui habitant in domo tua Domine: in saecula saeculorum laudabunt te.

Beatus vir, cujus est auxilium abs te: ascensiones in corde suo disposuit, in valle lacrymarum, in loco, quem posuit.

Etenim benedictionem dabit legislator, ibunt de virtute in virtutem: videbitur Deus deorum in Sion.

Domine Deus virtutum exaudi orationem meam: auribus percipe Deus Jacob.

Protector noster aspice Deus: et respice in faciem Christi tui.

Quia melior est dies una in atriis tuis, super millia.

Elegi abjectus esse in domo Dei mei: magis quam habitare in tabernaculis peccatorum.

Quia misericordiam, et veritatem diligit Deus: gratiam, et gloriam dabit Dominus.

Non privabit bonis eos, qui ambulant in innocentia: Domine virtutum, beatus homo, qui sperat in te.

Gloria Patri, etc.

Psalmus 84.

Benedixisti Domine terram tuam: avertisti captivitatem Jacob.

Remisisti iniquitatem plebis tuae: operuisti omnia peccata eorum.

Mitigasti omnem iram tuam: avertisti ab ira indignationis tuae.

Converte nos Deus salutaris noster: et averte iram tuam a nobis.

Numquid in aeternum irasceris nobis? aut extends iram tuam a generatione in generationem?

Deus tu conversus vivificabis nos: et plebs tua laetabitur in te.

Ostende nobis Domine misericordiam tuam: et salutare tuum da nobis.

Audiam quid loquatur in me Dominus Deus: quoniam loquetur pacem in plebem suam.

Et super sanctos suos: et in eos, qui convertuntur ad cor.

Verumtamen prope timentes eum salutare ipsius: ut inhabitet gloria in terra nostra.

Misericordia, et veritas obviaverunt sibi: justitia, et pax osculatae sunt.

Veritas de terra orta est: et justitia de coelo prospexit. Etenim Dominus dabit benignitatem: et terra nostra dabit fructum suum.

Justitia ante eum ambulabit: et ponet in via gressus suos.

Gloria Patri, etc. Psalmus 85.

Incлина Domine aurem tuam, et exaudi me: quoniam inops, et pauper sum ego.

Custodi animam meam, quoniam sanctus sum: salvum fac servum tuum, Deus meus, sperantem in te.

Miserere mei Domine, quoniam ad te clamavi tota die: laetifica animam servi tui, quoniam ad te, Domine, animam meam levavi.

Quoniam tu Domine suavis, et mitis: et multae misericordiae omnibus invocantibus te.

Auribus percipe, Domine, orationem meam: et intende voci deprecationis meae.

In die tribulationis meae clamavi ad te: quia exaudisti me.

Non est similis tui in diis, Domine: et non est secundum opera tua.

Omnes gentes, quascumque fecisti, venient, et adorabunt coram te Domine: et glorificabunt nomen tuum.

Quoniam magnus es tu, et faciens mirabilia, tu es Deus solus.

Deduc me, Domine, in via tua, et ingrediar in veritate tua: laetetur cor meum ut timeat nomen tuum.

Confitebor tibi Domine Deus meus in toto corde meo: et glorificabo nomen tuum in aeternum.

Quia misericordia tua magna est super me: et eruisti animam meam ex inferno inferiori.

Deus, iniqui insurrexerunt super me, et synagoga potentium quaesierunt animam meam, et non proposuerunt te in conspectu suo.

Et tu Domine Deus miserator et misericors, patiens, et multae misericordiae, et verax.

Respice in me, et miserere mei, da imperium tuum puero tuo: et salvum fac filium ancillae tuae.

Fac mecum signum in bonum, ut videant qui oderunt me, et confundantur: quoniam tu Domine adjuvisti me, et consolatus es me.

Gloria Patri, etc.

Psalmus 115.

Credidi, propter quod locutus sum: ego autem humiliatus sum nimis.

Ego dixi in excessu meo: Omnis homo mendax.

Quid retribuam Domino: pro omnibus, quae retribuit mihi?

Calicem salutaris accipiam: et nomen Domini invocabo.

Vota mea Domino reddam coram omni populo ejus: pretiosa in conspectu Domini mors sanctorum ejus.

O Domine, quia ego servus tuus: ego servus tuus, et filius ancillae tuae.

Dirupisti vincula mea: tibi sacrificabo hostiam laudis, et nomen Domini invocabo.

Vota mea Domino reddam in conspectu omnis populi ejus: in atriis domus Domini, in medio tui Jerusalem.

Gloria Patri, etc.

Psalmus 129.

De profundis clamavi ad te Domine: Domine exaudi vocem meam.

Fiant aures tuae intendentes, in vocem deprecationis meae.

Si iniquitates observaveris Domine; Domine quis sustinebit?

Quia apud te propitiatio est: et propter legem tuam sustinui te Domine.

Sustinuit anima mea in verbo ejus: speravit anima mea in Domino.

A custodia matutina usque ad noctem: speret Israel in Domino.

Quia apud Dominum misericordia: et copiosa apud eum redemptio.

Et ipse redimet Israel, ex omnibus iniquitatibus ejus.

Gloria Patri, et Filio, etc.

Deinde repetitur Antiphona. Ne reminiscaris Domine delicta nostra, vel parentum nostrorum: neque vindictam sumas de peccatis nostris.

Postea Sacerdos dicit.

Kyrie eleison. **C**hriste eleison. **K**yrie eleison.

Pater noster.

V. Et ne nos inducas in tentationem.

R. Sed libera nos à malo.

V. Ego dixi, Domine miserere mei.

R. Sana animam meam, quia peccavi tibi.

V. Convertere Domine aliquantulum.

R. Et deprecare super servos tuos.

V. Fiat misericordia tua, Domine, super nos.

R. Quemadmodum speravimus in te.

V. Sacerdotes tui induantur justitiam.

R. Et Sancti tui exultent.

V. Ab occultis meis munda me Domine.

R. Et ab alienis parce servo tuo.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

Aures tuae pietatis, mitissime Deus, inclina precibus nostris, et gratia sancti Spiritus illumina cor nostrum: ut tuis mysteriis digne ministrare, teque aeterna charitate diligere mereamur.

Deus, cui omne cor patet, et omnis voluntas loquitur, et quem nullum latet secretum; purifica per infusionem sancti Spiritus cogitationes cordis nostri; ut te perfecte diligere, et digne laudare mereamur.

Ure igne sancti Spiritus renes nostros et cor nostrum, Domine: ut tibi casto corpore serviamus, et mundo corde placeamus.

Mentes nostras, quaesumus Domine, Paraclitus, qui à te procedit, illuminet: et inducat in omnem, sicut tuus promisit Filius, veritatem.

Adsit nobis, quaesumus Domine, virtus Spiritus sancti: quae et corda nostra clementer expurget, et ab omnibus tueatur adversis.

Deus, qui corda fidelium sancti Spiritus illustratione docuisti: da nobis in eodem Spiritu recta sapere, et de ejus semper consolatione gaudere.

Conscientias nostras, quaesumus Domine, visitando purifica: ut veniens Dominus noster Jesus Christus Filius tuus, paratam sibi in nobis inveniat mansionem. Qui tecum vivit et regnat in unitate Spiritus sancti Deus, etc.

ORATIONES

Pro opportunitate Sacerdotis ante Celebrationem, et Communionem dicendae.

ORATIO S. AMBROSII EPISCOPI

DIE DOMINICA.

Summe Sacerdos, et vere Pontifex Jesu Christe, qui te obtulisti Deo Patri hostiam puram et immaculatam in ara Crucis pro nobis miseris et peccatoribus, et qui dedisti nobis carnem tuam ad manducandum, et sanguinem tuum ad bibendum, et posuisti mysterium istud in virtute Spiritus sancti tui, dicens: Haec quotiescumque feceritis, in mei memoriam facietis. Rogo per eundem Sanguinem tuum, magnum salutis nostrae pretium: rogo per hanc miram et ineffabilem charitatem, qua nos miseros et indignos sic amare dignatus es, ut lavares nos à peccatis nostris in sanguine tuo. Doce me servum tuum indignum, quem inter caetera dona tua etiam ad officium sacerdotale vocare dignatus es, nullis meis meritis, sed sola dignatione misericordiae tuae: doce me, quaeso, per Spiritum sanctum tuum, tantum tractare mysterium ea reverentia et honore, ea devotione, et timore, quibus oportet, et decet. Fac me per gratiam tuam semper illud de tanto mysterio credere, et intelligere, sentire et firmiter tenere, dicere et cogitare, quod tibi placet, et expedit animae meae. Intret spiritus tuus bonus in cor meum, qui sonet ibi sine sono, et sine strepitu verborum loquatur omnem veritatem. Profunda quippe sunt nimis, et sacro tecta velamine. Propter magnam clementiam tuam concede mihi Missarum sollemnia mundo corde et pura mente celebrare. Libera cor meum ab immundis et nefandis, vanis et noxiis cogitationibus. Muni me beatorum Angelorum pia et fida custodia, ac tutela fortissima, ut hostes omnium honorum confusi discedant. Per virtutem tanti mysterii, et per manum sancti Angeli tui repelle à me, et à cunctis servis tuis, durissimum spiritum superbiae, et cenodoxiae, invidiae et blasphemiae, fornicationis et immunditiae, dubietatis et diffidentiae. Confundantur qui nos persequuntur: pereant illi qui nos perdere festinant.

FERIA SECUNDA.

Rex virginum, et amator castitatis et integritatis, coelesti rore benedictionis tuae extingue in corpore meo fomitem ardentis libidinis; ut maneat in me tenor castitatis corporis et animae. Mortifica in membris meis carnis stimulos, omnesque libidinosas commotiones, et da mihi veram et perpetuam castitatem cum caeteris donis tuis, quae tibi placent in veritate: ut sacrificium laudis casto corpore, et mundo corde valeam tibi offerre. Quanta enim cordis contritione, et lacrymarum fonte, quanta reverentia et tremore, quanta corporis castitate, et animae puritate istud divinum, et coeleste Sacrificium est

celebrandum, ubi caro tua in veritate sumitur, ubi Sanguis tuus in veritate bibitur, ubi ima summis, terrena divinis junguntur, ubi adest sanctorum Angelorum praesentia, ubi tu es Sacrificium et Sacerdos mirabiliter et ineffabiliter constitutus?

FERIA TERTIA.

Quis digne hoc celebrare poterit, nisi tu Deus omnipotens offerentem feceris dignum? Scio Domine, et vere scio, et idipsum pietati tuae confiteor, quia non sum dignus accedere ad tantum mysterium propter nimia peccata mea, et infinitas negligentias meas. Sed scio, et veraciter ex toto corde meo credo, et ore confiteor, quia tu potes me facere dignum, qui solus potes facere mundum de immundo conceptum semine, et de peccatoribus justos et sanctos. Per hanc omnipotentiam tuam te rogo, Deus meus, ut concedas mihi peccatori hoc Sacrificium celebrare cum timore et tremore, cum cordis puritate, et lacrymarum fonte, cum laetitia spiritali, et coelesti gaudio. Sentiat mens mea dulcedinem beatissimae praesentiae tuae, et excubias sanctorum Angelorum tuorum in circuitu meo.

FERIA QUARTA.

Ego enim, Domine, memor venerandae Passionis tuae accedo ad altare tuum, licet peccator, ut offeram tibi Sacrificium, quod tu instituisti, et offerri praecepisti in commemorationem tui, pro salute nostra. Suscipe illud quaeso, summe Deus, pro Ecclesia sancta tua, et pro populo quem acquisivisti Sanguine tuo. Et quoniam me peccatorem inter te et eundem populum tuum medium esse voluisti, licet in me aliquod boni operis testimonium non agnoscas, officium saltem dispensationis creditae non recuses, nec per me indignum, eorum salutis pereat pretium, pro quibus victima salutaris dignatus es esse, et redemptio. Profero etiam Domine (si digneris propitius intueri) tribulationes plebium, pericula populorum, captivorum gemitus, miseras orphanorum, necessitates peregrinorum, inopiam debilium, desperationes languentium, defectus senum, suspiria juvenum, vota virginum, lamenta viduarum.

FERIA QUINTA.

TU enim misereris omnium Domine: et nihil odisti eorum quae fecisti. Memorare quae sit nostra substantia: quia tu Pater noster es, quia tu Deus noster es, ne irascaris satis, neque multitudinem viscerum tuorum super nos contineas. Non enim in justificationibus nostris prosternimus preces ante faciem tuam, sed in miserationibus tuis multis. Aufer à nobis iniquitates nostras: et ignem sancti Spiritus in nobis clementer accende. Aufer cor lapideum de carne nostra: et da nobis cor carneum, quod te amet, te diligat, te delectetur, te sequatur, te perfruatur. Oramus Domine clementiam tuam, ut sereno vultu familiam tuam, sacri tui nominis officia praestolantem, aspicere digneris: et ut nullius sit irritum votum, nullius vacua postulatio, tu nobis preces suggere, quas ipse propitius audire, et exaudire delecteris.

FERIA SEXTA.

Rogamus etiam te, Domine sancte Pater, et pro spiritibus fidelium Defunctorum: ut sit illis salus, sanitas, gaudium, et refrigerium, hoc magnum pietatis Sacramentum. Domine Deus meus, sit illis hodie magnum, et plenum convivium de te pane

vivo, qui de coelo descendisti, et das vitam mundo, de tua carne sancta et benedicta, Agni videlicet immaculati, qui tollis peccata mundi, quae de sancto et glorioso beatæ Virginis Mariæ utero est assumpta, et de Spiritu sancto concepta; ac de illo pietatis fonte, qui per lanceam militis ex tuo sacratissimo latere emanavit: ut exinde refecti et satiati, refrigerati et consolati exultent in laude et gloria tua. Peto clementiam tuam, Domine, ut descendat super panem tibi sacrificandum plenitudo tuae benedictionis, et sanctificatio tuae divinitatis. Descendat etiam Domine illa sancti Spiritus tui invisibilis, incomprehensibilisque majestas, sicut quondam in patrum hostias descendebat, qui et oblationes nostras corpus et sanguinem tuum efficiat, et me indignum sacerdotem doceat tantum tractare mysterium cum cordis puritate, et lacrymarum devotione, cum reverentia et tremore, ita ut placide ac benigne suscipias sacrificium de manibus meis ad salutem omnium tam vivorum, quam Defunctorum.

SABBATO.

Rogo etiam te Domine, per ipsum sacrosanctum mysterium Corporis et Sanguinis tui, quo quotidie in Ecclesia tua pascimur, et potamur, abluimur, et sanctificamur, atque unius summae divinitatis participes efficimur, da mihi virtutes tuas sanctas, quibus repletus, bona conscientia ad altare tuum accedam, ita ut haec coelestia sacramenta efficiantur mihi salus et vita. Tu enim dixisti ore tuo benedicto: Panis quem ego dabo, caro mea est pro mundi vita. Ego sum panis vivus qui de coelo descendi. Si quis manducaverit ex hoc pane, vivet in aeternum. Panis dulcissime, sana palatum cordis mei, ut sentiam suavitatem amoris tui. Sana illud ab omni languore, ut nullam praeter te sentiam dulcedinem. Panis candidissime, habens omne delectamentum, et omnem saporem, qui nos semper reficis, et nunquam in te deficis: comedat te cor meum, et dulcedine saporis tui repleantur viscera animae meae. Manducat te Angelus ore pleno: Manducat te peregrinus homo pro modulo suo, ne deficere possit in via, tali recreatus viatico. Panis sancte, panis vive, panis munde, qui descendisti de coelo, et das vitam mundo, veni in cor meum, et munda me ab omni inquinamento carnis et spiritus. Intra in animam meam, sana et munda me interius et exterius. Esto tutamen, et continua salus animae, et corporis mei. Repelle à me insidiantes mihi hostes: recedant procul à praesentia potentiae tuae, ut foris et intus per te munitus, recto tramite ad tuum regnum perveniam: ubi non in mysteriis, sicut in hoc tempore agitur, sed facie ad faciem te videbimus, cum traderis regnum Deo et Patri, et eris Deus omnia in omnibus. Tunc enim me de te satiabis satietate mirifica, ita ut nec esuriam, nec sitiam in aeternum. Qui cum eodem Deo Patre, et Spiritu sancto vivis et regnas, per omnia saecula saeculorum. Amen.

Alia Oratio ante Missam.

AD mensam dulcissimi convivii tui, pie Domine Jesu Christe, ego peccator de propriis meritis nihil praesumens, sed de tua confidens misericordia et bonitate, accedere vereor et contremisco. Nam cor et corpus habeo multis criminibus maculatum, mentem et linguam non caute custodiam. Ergo, o pia Deitas, o tremenda majestas, ego miser inter

angustias deprehensus, ad te fontem misericordiae recurro, ad te festino sanandus, sub tuam protectionem fugio: et quem iudicem sustinere nequeo, Salvatorem habere suspiro. Tibi Domine plagas meas ostendo: tibi verecundiam meam detego. Scio peccata mea multa et magna, pro quibus timeo. Spero in misericordias tuas, quarum non est numerus. Respice ergo in me oculis misericordiae tuae, Domine Jesu Christe, Rex aeternae, Deus et homo, crucifixus propter hominem. Exaudi me sperantem in te: miserrere mei pleni miseriis et peccatis, tu qui fontem miserationis nunquam manare cessabis. Salve salutaris victima, pro me et omni humano genere in patibulo Crucis oblata. Salve nobilis et pretiose sanguis de vulneribus crucifixi Domini mei Jesu Christi profluens, et peccata totius mundi abluens. Recordare Domine creaturae tuae, quam tuo sanguine redemisti. Poenitet me peccasse, cupio emendare quod feci. Aufer ergo à me, clementissime Pater, omnes iniquitates et peccata mea: ut purificatus mente et corpore, digne degustare merear sancta sanctorum: et concede, ut sancta praelibatio Corporis et Sanguinis tui, quam ego indignus sumere intendo, sit peccatorum meorum remissio, sit delictorum perfecta purgatio, sit turpium cogitationum effugatio, ac bonorum sensuum regeneratio, operumque tibi placentium salubris efficacia, animae quoque et corporis contra inimicorum meorum insidias firmissima tuitio. Amen.

Oratio S. Thomae Aquinatis.

Omnipotens sempiterne Deus, ecce accedo ad sacramentum unigeniti Filii tui Domini nostri Jesu Christi: accedo tanquam infirmus ad medicum vitae, immundus ad fontem misericordiae, caecus ad lumen claritatis aeternae, pauper et egenus ad Dominum coeli et terrae. Rogo ergo immensae largitatis tuae abundantiam, quatenus meam curare digneris infirmitatem, lavare foeditatem, illuminare caecitatem, ditare paupertatem, vestire nuditatem: ut panem Angelorum, Regem regum, et Dominum dominantium tanta suscipiam reverentia et humilitate, tanta contritione et devotione, tanta puritate et fide, tali proposito et intentione, sicut expedit saluti animae meae. Da mihi quaeso Dominici Corporis et Sanguinis non solum suscipere sacramentum, sed etiam rem et virtutem sacramenti. O mitissime Deus, da mihi corpus unigeniti Filii tui Domini nostri Jesu Christi, quod traxit de Virgine Maria, sic suscipere, ut corpori suo mystico merear incorporari, et inter ejus membra connumerari. O amantissime Pater, concede mihi dilectum Filium tuum, quem nunc velatum in via suscipere propono, revelata tandem facie perpetuo contemplari. Qui tecum vivit et regnat etc.

ORATIONES

Dicendae cum Sacerdos induitur Sacerdotalibus Paramentis.

Cum lavat manus, dicat.

DA, Domine, virtutem manibus meis ad abstergendam omnem maculam: ut sine pollutione mentis et corporis valeam tibi servire.

Ad Amictum, dum ponitur super caput, dicat.

Impone, Domine, capiti meo galeam salutis, ad expugnandos diabolicos incursus.

Ad Albam, cum ea induitur.

Dealba me, Domine, et munda cor meum: ut in Sanguine Agni dealbatus, gaudiis perfruar sempiternis.

Ad Cingulum, dum se cingit.

Praecinge me, Domine, cingulo puritatis, et extingue in lumbis meis humorem libidinis: ut maneat in me virtus continentiae, et castitatis.

Ad Manipulum, dum imponitur brachio sinistro.

Merear, Domine, portare manipulum fletus et doloris: ut cum exultatione recipiam mercedem laboris.

Ad Stolam, dum imponitur collo.

Redde mihi, Domine, stolam immortalitatis, quam perdidisti in praevaricatione primi parentis: et quamvis indignus accedo ad tuum sacrum mysterium, merear tamen gaudium sempiternum.

Ad Casulam, cum assumitur.

Domine, qui dixisti: Jugum meum suave est, et onus meum leve: fac, ut istud portare sic valeam, quod consequar tuam gratiam. Amen.

ORATIONES

Dicendae ab Episcopo quando in Pontificalibus celebrat.

Ad Caligas.

CAlcea, Domine, pedes meos in praeparationem Evangelii pacis, et protege me in velamento alarum tuarum.

Cum exiit Cappa.

EXue me, Domine, veterem hominem cum moribus et actibus suis: et indue me novum hominem, qui secundum Deum creatus est in justitia, et sanctitate veritatis.

Cum lavat manus.

DA, Domine, virtutem manibus meis ad abstergendam omnem maculam immundam: ut sine pollutione mentis et corporis valeam tibi servire.

Ad Amictum.

Pone, Domine, galeam salutis in capite meo ad expugnandas omnes diabolicas fraudes: inimicorum omnium versutias superando.

Ad Albam.

Dealba me, Domine, et à delicto meo munda me: ut cum his qui stolas suas dealbaverunt in Sanguine Agni, gaudiis perfruar sempiternis.

Ad Cingulum.

Praecinge me, Domine, cingulo fidei, et virtute castitatis lumbos meos, et extingue in eis humorem libidinis, ut jugiter maneat in me vigor totius castitatis.

Cum accipit Crucem pectoralem.

Munire digneris me, Domine Jesu Christe, ab omnibus insidiis inimicorum omnium, signo sanctissimae Crucis tuae: ac concedere digneris mihi indigno servo tuo, ut sicut hanc Crucem Sanctorum tuorum Reliquiis refertam ante pectus meum teneo, sic semper mente retineam, et memoriam passionis, et Sanctorum victorias Martyrum.

Ad Stolam.

Redde mihi, Domine, obsecro, stolam immortalitatis, quam perdidisti in praevaricatione primi parentis: et quamvis indignus accedere praesumo ad tuum sacrum mysterium cum hoc ornamento, praesta ut in eodem in perpetuum merear laetari.

Ad Tunicellam.

Tunica jucunditatis, et indumento laetitiae induat me Dominus.

Ad Dalmaticam.

Indue me, Domine, indumento salutis, et vestimento laetitiae, et Dalmatica justitiae circumda me semper.

Ad Chirothecas.

Circumda, Domine, manus meas munditia novi hominis, qui de coelo descendit: ut quemadmodum Jacob dilectus tuus, pelliculis hoedorum opertis manibus paternam benedictionem, oblato patri cibo potuque gratissimo, impetravit, sic et oblata per manus nostras salulari hostia, gratiae tuae benedictionem merear. Per Dominum nostrum Jesum Christum Filium tuum, qui in similitudinem carnis peccati pro nobis obtulit semetipsum.

Ad Planetam.

Domine, qui dixisti: Jugum meum suave est, et onus meum leve: praesta ut illud portare sic valeam, quod possim consequi tuam gratiam.

Ad Mitram.

Mitram, Domine, et salutis galeam impone capiti meo: ut contra antiqui hostis, omniumque inimicorum meorum insidias inoffensus evadam.

Ad anulum cordis.

Cordis et corporis mei, Domine, digitos virtute decora, et septiformis Spiritus sanctificatione circumda.

Ad Manipulum.

Merear, precor Domine, manipulum portare mente flebili: ut cum exultatione portionem accipiam cum justis.

GRATIARUM ACTIO POST MISSAM.

Antiphona. Trium puerorum cantemus hymnum: quem cantabant sancti in camino ignis, benedicentes Dominum.

Quae Antiphona in Festis Duplicibus tantum duplicatur, et tempore Paschali additur in fine, Alleluja.

Canticum trium puerorum. Dan. 3.

Benedicite omnia opera Domini Domino: laudate et superexaltate eum in saecula.

Benedicite Angeli Domini Domino: benedicite coeli Domino.

Benedicite aquae omnes, quae super coelos sunt, Domino: benedicite omnes virtutes Domini Domino.

Benedicite sol et luna Domino: benedicite stellae coeli Domino.

Benedicite omnis imber et ros Domino; benedicite omnes spiritus Dei Domino.

Benedicite ignis et aestus Domino: benedicite frigus et aestus Domino.

Benedicite rores et pruina Domino: benedicite gelu et frigus Domino.

Benedicite glacies et nives Domino: benedicite noctes et dies Domino.

Benedicite lux et tenebrae Domino: benedicite fulgura et nubes Domino.

Benedicat terra Dominum: laudet et superexaltet eum in saecula.

Benedicite montes et colles Domino: benedicite universa germinantia in terra Domino.

Benedicite fontes Domino: benedicite maria et flumina Domino.

Benedicite cete et omnia quae moventur in aquis, Domino: benedicite omnes volucres coeli Domino.

Benedicite omnes bestiae et pecora Domino: benedicite filii hominum Domino.

Benedicat Israel Dominum: laudet et superexaltet eum in saecula.

Benedicite Sacerdotes Domini Domino: benedicite servi Domini Domino.

Benedicite spiritus, et animae justorum Domino: benedicite sancti, et humiles corde Domino.

Benedicite Anania, Azaria, Misael Domino: laudate et superexaltate eum in saecula.

Benedicamus Patrem, et Filium cum sancto Spiritu: laudemus et superexaltemus eum in saecula.

Benedictus es Domine in firmamento coeli: et laudabilis, et gloriosus, et superexaltatus in saecula.

Psalmus 150.

Laudate Dominum in sanctis ejus: laudate eum in firmamento virtutis ejus.

Laudate eum in virtutibus ejus: laudate eum secundum multitudinem magnitudinis ejus.

Laudate eum in sono tubae: laudate eum in psalterio, et cithara.

Laudate eum in tympano, et choro: laudate eum in chordis, et organo.

Laudate eum in cymbalis bene sonantibus: laudate eum in cymbalis jubilationis: omnis spiritus laudet Dominum.

Gloria Patri, et Filio, etc.

Deinde repetitur Antiphona. Trium puerorum cantemus hymnum: quem cantabant sancti in camino ignis, benedicentes Dominum.

Deinde Sacerdos dicit:

Kyrie eleison. Christe eleison. Kyrie eleison.
Pater noster.

V. Et ne nos inducas in tentationem.

R. Sed libera nos a malo.

V. Confiteantur tibi Domine omnia opera tua.

R. Et Sancti tui benedicant tibi.

V. Exultabunt Sancti in gloria.

R. Laetabuntur in cubilibus suis.

V. Non nobis, Domine, non nobis.

R. Sed nomini tuo da gloriam.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

Deus, qui tribus pueris mitigasti flammam ignium: concede propitius: ut nos famulos tuos non exurat flamma vitiorum.

Actiones nostras, quaesumus Domine, aspirando praeveni, et adjuvando prosequere: ut cuncta nostra oratio et operatio a te semper incipiat, et per te coepta finiatur.

Da nobis, quaesumus Domine, vitiorum nostrorum flammam extinguere: qui beato Laurentio tribuisti tormentorum suorum incendia superare. Per Christum Dominum nostrum. **R.** Amen.

ORATIONES

Post Celebrationem, et Communionem dicendae.

Oratio S. Thomae de Aquino.

Gratias tibi ago Domine sancte, Pater omnipotens, aeternae Deus, qui me peccatorem, indignum famulum tuum, nullis meis meritis, sed sola dignatione misericordiae tuae satiare dignatus es pretioso Corpore et Sanguine Filii tui Domini nostri Jesu Christi. Et precor te, ut haec sancta Communio non sit mihi reatus ad poenam, sed intercessio salutaris ad veniam: sit mihi armatura fidei, et scutum bonae voluntatis. Sit vitiorum meorum evacuatio, concupiscentiae et libidinis exterminatio, charitatis et patientiae, humilitatis, et obedientiae, omniumque virtutum augmentatio: contra insidias inimicorum omnium tam visibilium, quam invisibilium firma defensio, motuum meorum tam carnalium, quam spiritualium perfecta quietatio: in te uno ac vero Deo firma adhaesio, atque finis mei felix consummatio. Et precor te, ut ad illud ineffabile convivium me peccatorem perducere digneris, ubi tu cum Filio tuo, et Spiritu sancto, Sanctis tuis es lux vera, satietas plena, gaudium sempiternum, jucunditas consummata, et felicitas perfecta. Per eundem Christum Dominum nostrum. Amen.

Alia Oratio S. Bonaventurae.

Transfige, dulcissime Domine Jesu, medullas et viscera animae meae suavissimo ac saluberrimo amoris tui vulnere, vera, serenaque et Apostolica sanctissima charitate, ut langueat et liquefiat anima mea, solo semper amore et desiderio tui, te concupiscat, et deficiat in atria tua, cupiat dissolvi, et esse tecum. Da, ut anima mea te esuriat, panem Angelorum, refectionem animarum sanctarum, panem nostrum quotidianum, supersubstantialem, habentem omnem dulcedinem, et saporem, et omne delectamentum suavitatis: te, in quem desiderant Angeli prospicere, semper esuriat, et commedat cor meum, et dulcedine saporis tui repleantur viscera animae meae: te semper sitiatur fontem vitae, fontem sapientiae et scientiae, fontem aeterni luminis, torrentem voluptatis, ubertatem domus Dei: te semper ambiat, te quaerat, te inveniat, ad te tendat, ad te perveniat, te meditetur, te loquatur, et omnia operetur in laudem et gloriam nominis tui, cum humilitate et discretionem, cum dilectione, et delectatione, cum facilitate et affectu, cum perseverantia usque in finem: et tu sis solus semper spes mea, tota fiducia mea, divitiae meae, delectatio mea, jucunditas mea, gaudium meum, quies et tranquillitas mea, pax mea, suavitas mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea, possessio mea, thesaurus meus, in quo fixa, et firma, et immobiliter semper sit radicata mens mea, et cor meum. Amen.

RHYTHMUS

S. THOMAE AQUINATIS

AD SACRAM EUCHARISTIAM.

Adoro te devote latens Deitas,
Quae sub his figuris vere latitas:
Tibi se cor meum totum subijcit,
Quia te contemplans, totum deficit.

Visus, tactus, gustus in te fallitur,
Sed auditu solo tuto creditur.
Credo, quidquid dixit Dei Filius,
Nil hoc verbo veritatis verius.

In cruce latebat sola Deitas,
At hic latet simul et humanitas:
Ambo tamen credens, atque confitens,
Peto quod petivit latro poenitens.

Plagas, sicut Thomas, non intueor.
Deum tamen meum te confiteor,
Fac me tibi semper magis credere,
In te spem habere, te diligere.

O memoriale mortis Domini,
Panis vivus, vitam praestans homini:
Praesta meae menti de te vivere,
Et te illi semper dulco sapere.

Pie pellicane Jesu Domine,
Me immundum munda tuo sanguine:
Cujus una stilla salvum facere
Totum mundum quit ab omni scelere.

Jesu, quem velatum nunc aspicio,
Oro fiat illud, quod tam sitio,
Ut te revelata cernens facie,
Visu sim beatus tuae gloriae. Amen.

ORATIO S. AUGUSTINI

EDITA

JUSSU URBANI PAPAE VIII.

An te oculos tuos, Domine, culpas nostras ferimus,
et plagas quas accepimus conferimus.

Si pensamus malum quod fecimus, minus est quod patimur, majus est quod meremur.

Gravius est quod commisimus, levius est quod toleramus.

Peccati poenam sentimus, et peccandi pertinaciam non vitamus.

In flagellis tuis infirmitas nostra teritur, et iniquitas non mutatur.

Mens aegra torquetur, et cervix non flectitur.

Vita in dolore suspirat, et in opere non se emendat.

Si expectas, non corrigimur: si vindicas, non duramus.

Confitemur in correctione, quod egimus: obliviscimur post visitationem quod flevimus.

Si extenderis manum, facienda promittimus: si suspenderis gladium, promissa non solvimus.

Si ferias, clamamus ut parcas: si peperceris, iterum provocamus ut ferias.

Habes Domine confitentes reos: novimus quod nisi dimittas, recte nos perimas.

Praesta Pater omnipotens sine merito quod rogamus, qui fecisti ex nihilo, qui te rogarent. Per Christum Dominum nostrum. Amen.

V. Domine non secundum peccata nostra facias nobis.

R. Neque secundum iniquitates nostras retribuas nobis.

O remus.

Deus, qui culpa offenderis, poenitentia placaris: preces populi tui supplicantis propitius respice; et flagella tuae iracundiae, quae pro peccatis nostris meremur, averte. Per Christum Dominum nostrum. Amen.



PROPRIUM

MISSARUM

DE TEMPORE.

DOMINICA PRIMA

Adventus.

Statio ad Sanctam Mariam Majorem.

Ad Missam. Introitus. Psal. 24.



Ad te levá-
vi ánimam
meam: De-
us meus, in
te confido,
non erubé-
scam: ne-
que irríde-
ant me ini-
míci mei:
étenim uni-

vérsti, qui te expéctant,
non confundéntur.

Psal. ib. Vias tuas, Dó-
mine, démonstra mihi:
et sémitas tuas édoce
me.

V. Glória Patri, et Fí-
lio, et Spíritui sancto:
Sicut erat in princípío,
et nunc, et semper, et
in sæcula sæculórum.
Amen.

Quo finito repetitur,
Ad te levávi. usque ad
Psalmum.

§ Hic modus repetendi
Introitum servatur per
totum annum.

Non dicitur Glória in
excélsis ab hac Domini-
ca, usque ad Nativitatem Domini,
nisi in Festis.

Orémus.

Oratio.

EXcita, quæsumus Dómine, po-
téntiam tuam, et veni: ut ab im-
minéntibus peccatórum nostrórum
perículis, te mereámur protegéntem
éripi, te liberánte salvári. Qui vivis
et regnas cum Deo Patre in unitáte
Spíritus sancti Deus: per ómnia
sæcula sæculórum. **R.** Amen.

§ Ab hac die usque ad Vigiliam
Nativitatis Domini, post Orationem
diei dicitur Oratio. Deus, qui de
beátæ Mariæ. et Ecclesiæ tuæ. vel
Deus ómnium fidélium. ut infra.

§ Si autem facienda sit commemo-
ratio alicujus Festi Simplicis occur-
rentis, post Orationem diei dicitur se-
cunda Oratio de Sancto, et tertia de
sancta Maria.

De sancta Maria.

Oratio.

DEus, qui de beátæ Mariæ Vír-
ginis útero, Verbum tuum, An-
gelo nuntiánte, carnem suscipere
voluísti: præsta supplicibus tuis: ut,
qui vere eam genitricem Dei crédi-
mus, ejus apud te intercessiónibus
adjuvémur.

Contra persecutores Ecclesiæ.

Oratio.

ECclesiæ tuæ, quæsumus Dó-
mine, preces placátus admítte:
ut, destrúctis adversitátibus, et
erróribus univérsis, secúra tibi sér-
viat libertáte. Per Dóminum nostrum
Jesum Christum Fílium tuum: Qui
tecum vivit et regnat in unitáte Spí-
ritus sancti Deus: per ómnia sæcula
sæculórum. **R.** Amen.

Dominica i. Adventus.

Vel pro Papa. Oratio.

DEus ómnium fidélium Pastor et rector: fámulum tuum **N.** quem Pastórem Ecclésiæ tuæ præesse voluisti, propítius respice: da ei, quæsumus, verbo et exémplo, quibus præest, proficere: ut ad vitam, una cum grege sibi crédito, perveniat sempitérnam. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus: per ómnia sæcula sæculórum. **R.** Amen.

§ **Infra Hebdomadas Adventus, quando dicitur Missa de Festo Semiduplici, secunda Oratio erit de Adventu, tertia de sancta Maria, quæ terminatur sic:** Per eúndem Dóminum nostrum Jesum Christum Fílium tuum etc.

§ **Si autem dicatur Missa de Festo Duplici, post Orationem Festi dicitur Oratio tantum de Adventu.**

§ **De Festis Simplicibus in Adventu occurrentibus fit tantum commemoratio.**

Lectio Epístolæ beáti Pauli Apóstoli ad Romános. **Rom. 13. d**

FRatres, Sciéntes, quia hora est jam nos de somno súrgere. Nunc enim própior est nostra salus, quam cum credídimus. Nox præcéssit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus: non in comessationibus, et ebrietátibus, non in cubílibus, et impudicítiis, non in contentióne, et æmulatione: sed induímini Dóminum Jesum Christum.

Graduale. Psal. 24. Univérsi, qui te expéctant, non confundéntur, Dómine.

V. Vias tuas, Dómine, notas fac mihi: et sémitas tuas édoce me. **Allelúja, allelúja.**

V. Psal. 84. Osténde nobis Dómine misericórdiam tuam: et salutáre tuum da nobis. **Allelúja.**

§ **In Feriis Adventus, quando per Hebdomadam resumitur Missa de Dominica, non dicitur Allelúja, nec Versus sequens, sed tantum Graduale.**

✠ **Sequéntia sancti Evangélii secúndum Lucam. Lucæ 21. c**

IN illo témpore: Dixit Jesus discíulis suis: Erunt signa in sole, et luna, et stellis, et in terris pressúra géntium præ confusióne sónitus maris, et flúctuum: arescéntibus homínibus præ timóre, et expectatióne, quæ supervénient univérso orbi: nam virtútes cœlórum movebúntur: et tunc vidébunt Fílium hóminis veniéntem in nube cum potestáte magna, et majestáte. His autem fieri incipiéntibus, respícite, et leváte cápita vestra: quóniam appropínquat redémpcio vestra. Et dixit illis similitúdinem: Vidéte ficúlneam, et omnes árbores: cum producunt jam ex se fructum, scitis quóniam prope est æstas. Ita et vos cum vidéritis hæc fieri, scitóte quóniam prope est regnum Dei. Amen dico vobis, quia non præteríbit generátio hæc, donec ómnia fiant. Cœlum et terra transíbunt: verba autem mea non transíbunt. **Et dicitur Credo.**

Offertorium. Psal. 24. Ad te levávi ánimam meam: Deus meus, in te confído, non erubéscam: neque irrideant me inimíci mei: étenim univérsi, qui te expéctant, non confundéntur.

Secreta.

HÆc sacra nos, Dómine, poténti virtúte mundátos, ad suum fáciant purióres venire princípium. Per Dóminum.

De sancta Maria. Secreta.

IN méntibus nostris, quæsumus Dómine, veræ fidei sacraménta confírma: ut, qui concéptum de Vírgine Deum verum, et hóminem confitémur; per ejus salutíferæ resurrectionis poténtiam, ad ætérnam mereámur perveníre lætítiam.

Dominica ii. Adventus.

Si dicatur ultimo loco, terminatur sic: Per eúndem Dóminum nostrum.

**Contra persecutores Ecclesiæ.
Secreta.**

PRótege nos, Dómine, tuis mystériis serviéntes: ut divínis rebus inhæréntes, et corpore tibi famulémur, et mente. **Per Dóminum.**

Vel pro Papa. Secreta.

Oblátis, quæsumus Dómine, placáre munéribus: et fámulum tuum **N.** quem Pastórem Ecclesiæ tuæ præesse voluísti, assídua protectione gubérna. **Per Dóminum nostrum.**

Communio. Ps. 84. Dóminus dabit benignitátem: et terra nostra dabit fructum suum.

Postcommunio.

Suscipiámus, Dómine, misericórdiam tuam in médio templi tui: ut reparatiónis nostræ ventúra solémnia, congruis honóribus præcedámus. **Per Dóminum.**

De sancta Maria. Postcommunio.

Grátiám tuam, quæsumus Dómine, méntibus nostris infúnde: ut qui, Angelo nuntiánte, Christi Fílii tui incarnatiónem cognóvimus; per passiónem ejus et crucem, ad resurrectiόnis glóriam perducámur. **Per eúndem Dóminum nostrum.**
si dicatur ultimo loco.

Contra persecutores Ecclesiæ.

Postcommunio.

Quæsumus, Dómine Deus noster: ut, quos divína tríbuis participatióne gaudére, humánis non sinas subjacére perículis. **Per Dóminum.**

Vel pro Papa. Postcommunio.

Hæc nos, quæsumus Dómine, divíni sacraménti percéptio próteget: et fámulum tuum **N.** quem Pastórem Ecclesiæ tuæ præesse voluísti, una cum commisso sibi grege salvet semper, et múniat. **Per Dóminum.**

Dicitur, Benedicámus Dómino. Et sic servetur, quoties non dicitur Glória in excélsis Deo.

§ Infra Hebdomadam si dicenda sit Missa de Feria, resumitur Missa de Dominica præcedenti, nisi propria Missa assignetur.

§ Cum vero in Adventu, Quadregesima, Quatuor Temporibus, Vigiliis, et Rogationibus dicitur Missa de Festo Duplici, vel Semiduplici occurrente, semper fit commemoratio de Feria. Et pro commemoratione Feriarum Adventus, dicitur Oratio Dominicæ præcedentis: nisi sint Quatuor Tempora, in quibus habetur Oratio propria.

DOMINICA SECUNDA

Adventus.

Statio ad sanctam Crucem in Jerusalem.

Introitus.

Isaïæ 30.



Opulus Sion, ecce Dóminus véniet ad salvándas gentes: et audítam fáciét Dóminus glóriam vocis suæ in lætítia cordis vestri.

Psal. 79. Qui regis Israel, inténde: qui dedúcis, velut ovem, Joseph.

V. Glória Patri, et Fílio &c.

Non dicitur Glória in excélsis.

Oratio.

Excita Dómine corda nostra ad præparándas Unigéniti tui vias: ut per ejus advéntum, purificátis tibi méntibus servíre mereámur. **Qui tecum vivit.**

De sancta Maria. Oratio.

Deus, qui de beátæ Mariæ Vírginis útero, Verbum tuum, Angelo nuntiánte, carnem suscípere voluísti: præsta supplicibus tuis: ut, qui vere eam genitrícem Dei crédimus, ejus apud te intercessiόnibus adjuvémur.

Pro Papa. Oratio.

Deus ómnium fidélium Pastor et Director: fámulum tuum **N.** quem Pastórem Ecclesiæ tuæ præesse voluísti, propítius réspice: da ei, quæsumus, verbo et exémplo, quibus præest, profícere: ut ad vitam, una cum grege sibi crédito, pervéniat semp-

Dominica ii. Adventus.

térnam. Per Dóminum nostrum Jesum Christum.

Vel contra persecutores Ecclesiae, Oratio. Ecclesiae tuæ. ut in Dominica præterita. fol. 1.

Léctio Epistolæ beāti Pauli Apóstoli ad Romános. Rom. 15.

FRatres, quæcúmque scriptasunt, ad nostram doctrinam scriptasunt: ut per patientiam, et consolationem Scripturarum, spem habeamus. Deus autem patientiæ, et solatii, det vobis idípsum sápere in alterutrum secúndum Jesum Christum: ut unánimes, uno ore honorificétis Deum, et Patrem Dómini nostri Jesu Christi. Propter quod suscipite ínvicem, sicut et Christus suscepit vos in honórem Dei. Dico enim Christum Jesum místrum fuisse circumcisiónis propter veritátem Dei, ad confirmándas promissiões patrum: gentes autem super misericórdia honoráre Deum sicut scriptum est: Propterea confitébor tibi in géntibus Dómine, et nómini tuo cantábo. Et iterum dicit: Lætámini gentes cum plebe ejus. Et iterum: Laudáte omnes gentes Dóminum: et magnificáte eum omnes pópuli. Et rursus Isaías ait: Erit radix Jesse, et qui exúrget régere gentes: in eum gentes sperábunt. Deus autem spei répleat vos omni gáudio, et pace in credéndo: ut abundétis in spe, et virtúte Spíritus sancti.

Graduale. Psal. 49. Ex Sion spécies decóris ejus: Deus manifeste véniet. V. Congregáte illi sanctos ejus, qui ordinavérunt testaméntum ejus super sacrificia. Allelúja, allelúja.

V. Psal. 121. Lætátus sum in his, quæ dicta sunt mihi: in domum Dómini íbimus. Allelúja.

Sequéntia sancti Evangélíi secúndum Matthæum. Matth. 11.

IN illo témpore: Cum audisset Joánnes in vínculis ópera Christi, mittens duos de discípulis suis, ait illi: Tu es, qui ventúrus es, an álium expectámus? Et respóndens Jesus,

ait illis: Eúntes renuntiáte Joánni, quæ audístis, et vidístis. Cæci vident, claudi ámbulant, leprósi mundántur, surdi ádiunt, mórtui resúrgunt, páuperes evangelizántur: et beátus est, qui non fúerit scandalizátus in me. Illis autem abeúntibus, cœpit Jesus dícere ad turbas de Joánnē: Quid exístis in desértum vidére? arúndinem vento agitátam? Sed quid exístis vidére? hóminem móllibus vestítum? Ecce qui móllibus vestiúntur, in dómibus Regum sunt. Sed quid exístis vidére? Prophétam? Etiam dico vobis, et plus quam Prophétam. Hic est enim, de quo scriptum est: Ecce ego mitto Angelum meum ante fáciem tuam, qui præparábit viam tuam ante te.

Credo.

Offertorium. Psal. 84. Deus tu convertens vivificábis nos, et plebs tua lætábitur in te: osténde nobis Dómine misericórdiam tuam, et salutáre tuum da nobis. Secreta.

PLacáre, quæsumus Dómine, humilitátis nostræ précibus, et hóstiis: et ubi nulla súppetunt suffrágia meritórum, tuis nobis succúrre præsídiis. Per Dóminum.

De sancta Maria. Secreta.

IN méntibus nostris, quæsumus Dómine, veræ fidei sacraménta confirma: ut, qui concéptum de Virgine Deum verum et hóminem confitémur; per ejus salutíferæ resurrectiões poténtiam, ad ætérnam mereámur pervenire lætítiam.

Pro Papa. Secreta.

OBlátis, quæsumus Dómine, placáre munéribus: et fámulum tuum **N.** quem Pastórem Ecclesiæ tuæ præesse voluísti, assídua protectione gubérna. Per Dóminum.

Vel contra persecutores Ecclesiae. Secreta. Prótege nos ut in Dominica præcedenti. fol. 3.

Communio. Bar. 4. et 5. Jerúsalem surge, et sta in excélso, et vide jucunditátem, quæ véniet tibi à Deo tuo.

Dominica iii. Adventus.

Postcommunio.

R Epléti cibo spirituális alimóniæ, súpplices te Dómine deprecámur: ut hujus participatióne mystérii, dóceas nos terréna despícere, et amáre cœléstia. Per Dóminum.

De sancta Maria. Postcommunio.

G Rátiam tuam, quæsumus Dómine, méntibus nostris infúnde: ut qui, Angelo nuntiánte, Christi Fílii tui incarnatióem cognóvimus; per passióem ejus et crucem, ad resurrectiós glóriam perducámur.

Pro Papa. Postcommunio.

H Æc nos, quæsumus Dómine, divínis sacraménti percéptio prótegat: et fámulum tuum **N.** quem Pastórem Ecclesiæ tuæ præesse voluisti, una cum commisso sibi grege salvet semper, et múniat. Per Dóminum.

Vel contra persecutores Ecclesiæ. Postcommunio. Quæsumus Dómine, ut in Dominica præcedenti. fol. 3.

DOMINICA TERTIA

Adventus.

Statlo
ad S. Petrum.

Introitus.

Phil. 4.

G Audéte in Dómino semper: iterum dico, gaudéte: modéstia vestra nota sit ómnibus homínibus: Dóminus enim prope est: nihil solíciti sitis: sed in omni oratióne petitiónes vestræ innotéscant apud Deum.

Psalmus 84. Benedixisti Dómine terram tuam: avertisti captivitátem Jacob.

V. Glória Patri.

Non dicitur Glória in excélsis.

Oratio.

A Urem tuam, quæsumus Dómine, précibus nostris accómmoda: et mentis nostræ ténebras, grátia tuæ visitatiónis illústra. Qui vivis et regnas cum Deo Patre in unitáte Spíritus sancti Deus: per ómnia sæcula sæculórum. **R.** Amen.

De sancta Maria.

Oratio.

D Eus, qui de beátæ Mariæ Virgínis útero, Verbum tuum, Angelo nuntiánte, carnem suscipere voluisti: præsta supplicibus tuis: ut, qui vere eam genitrícem Dei crédimus, ejus apud te intercessiósibus adjuvémur.

Contra persecutores Ecclesiæ.

Oratio.

E Cclésiæ tuæ, quæsumus Dómine, preces placátus admítte: ut, destrúctis adversitatibus, et erróribus univérsis, secúra tibi sérviat libertáte. Per Dóminum.

Vel pro Papa. Oratio. Deus ómnium. ut in secunda Dominica. fol. 3.

Léctio Epístolæ beáti Pauli Apóstoli ad Philippénes. **Phil. 4.**

F Ratres, Gaudéte in Dómino semper: iterum dico, gaudéte. Modéstia vestra nota sit ómnibus homínibus: Dóminus enim prope est. Nihil solíciti sitis: sed in omni oratióne, et obsecratióne, cum gratiárum actiósne, petitiónes vestræ innotéscant apud Deum. Et pax Dei, quæ exúperat omnem sensum, custódiat corda vestra, et intelligéntias vestras; in Christo Jesu Dómino nostro.

Graduale. Psal. 79. Qui sedes, Dómine, super Chérubim, éxcita poténtiam tuam, et veni.

V. Qui regis Israel, inténde: qui dedúcis, velut ovem, Joseph. **Allelúja, allelúja.**

V. Excita Dómine poténtiam tuam, et veni, ut salvos fácias nos. **Allelúja.**



Sequéntia sancti Evangélii secúndum Joánnem. **Joan. 1. c**

I N illo témpore: Misérunt Judæi ab Jerosólymis sacerdótes et Levítas ad Joánnem, ut interrogárent eum: Tu quis es? Et conféssus est, et non negávit: et conféssus est: Quia non sum ego Christus. Et interrogavérunt eum: Quid ergo? Elías es tu? Et dixit: Non sum. Prophéta es tu? Et respóndit: Non. Dixérunt ergo ei: Quis es, ut respónsum demus his, qui misérunt nos? quid dicis de te ipso?

Feria iv. Quatuor Temporum Adventus.

Ait: Ego vox clamantis in deserto: Dirigite viam Domini, sicut dixit Isaías Prophéta. Et qui missi fuerant, erant ex Phariseis. Et interrogaverunt eum, et dixerunt ei: Quid ergo baptizas, si tu non es Christus, neque Elías, neque Prophéta? Respondit eis Joáñnes, dicens: Ego baptizo in aqua: médius autem vestrum stetit, quem vos nescitis. Ipse est, qui post me venturus est, qui ante me factus est: cujus ego non sum dignus ut solvam ejus corrigiam calceamenti. Hæc in Bethánia facta sunt trans Jordánem, ubi erat Joáñnes baptizans. **Credo.**

Offertorium. Psal. 84. Benedixisti Domine terram tuam: avertisti captivitatem Jacob: remisisti iniquitatem plebis tuæ. **Secreta.**

Devotionis nostræ tibi, quæsumus Domine, hóstia júgiter immolétur: quæ et sacri péragat instituta mystérii, et salutáre tuum in nobis mirábiliter operétur. Per Dóminum.

De sancta Maria. Secreta.

IN méntibus nostris, quæsumus Domine, veræ fidei sacramenta confírma: ut, qui concéptum de Virgine Deum verum et hóminem confitémur; per ejus salutíferæ resurrectionis poténtiam, ad ætérnam mereámur perveníre lætítiam.

Contra persecutores Ecclesiæ. Secreta.

PRótege nos, Domine, tuis mystériis serviéntes: ut divinis rebus inhæréntes, et corpore tibi famulémur, et mente. Per Dóminum.

Vel pro Papa. Secreta. Oblátis, quæsumus. **ut supra in Domin. secunda. fol. 4.**

Communio. Isaïæ 35. Dícite pusillánimis: confortámini, et nolíte timére: ecce Deus noster véniet, et salvábit nos. **Postcommunio.**

IMplorámus, Domine, cleméntiam tuam: ut hæc divína subsidia, à vítiis expiátos, ad festa ventúra nos præparent. Per Dóminum.

De sancta Maria. Postcommunio.

GRátiam tuam, quæsumus Domine, méntibus nostris infúnde: ut qui, Angelo nuntiánte, Christi Filii tui incarnationem cognóvimus; per passióem ejus et crucem, ad resurrectionis glóriam perducámur.

Contra persecutores Ecclesiæ. Postcommunio.

Quæsumus Domine Deus noster: ut, quos divína tríbuis participatióne gaudére, humánis non sinas subjacére periculis. Per Dóminum nostrum Jesum Christum Filium tuum.

Vel pro Papa. Postcommunio. Hæc nos. ut in secunda Dominica. fol. 5.

FERIA QUARTA

Quatuor Temporum Adventus.

Statio ad sanctam Mariam Majorem.

Introitus. Isaïæ 45.



Oráte cœli désuper, et nubes pluant justum: aperiátur terra, et gérminet Salvatórem.

Psalmus 18. Cœli enarrant glóriam Dei: et ópera mánuum ejus annúntiat firmaméntum.

V. Glória Patri.

Post Kyrie eléison. immediate dicitur, Orémus. Flectámus génua.

R. Leváte. Oratio.

PRæsta quæsumus omnipotens Deus: ut redemptionis nostræ ventúra solémnitas, et præsentis nobis vitæ subsidia cónferat, et ætérnæ beatitúdinis præmia largiátur. Per Dóminum.

Léctio Isaïæ Prophætæ. Isaïæ 2.

IN diébus illis: Dixit Isaías Prophéta: Erit in novíssimis diébus præparátus mons domus Domini in vértice móntium, et elevábitur super colles, et fluent ad eum omnes gentes. Et ibunt pópuli multi, et dicent: Veníte et ascendámus ad montem Domini et ad domum Dei Jacob, et docébit nos vias suas, et ambulábimus in

Feria iv. Quatuor Temporum Adventus.

sémitis ejus: quia de Sion exíbit lex, et verbum Dómini de Jerúsalem. Et judicábit gentes, et árguet pópulos multos: et conflábunt gládios suos in vómeres, et lánceas suas in falces. Non levábit gens contra gentem gládium: nec exercebúntur ultra ad praelium. Domus Jacob veníte, et ambulémus in lúmine Dómini Dei nostri.

Graduale. Psal. 23. Tóllite portas, principes, vestras: et elevámini portæ æternáles: et introíbit Rex glóriæ.

V. Quis ascéndet in montem Dómini? aut quis stabit in loco sancto ejus? innocens mánibus et mundo corde.

Hic dicitur V. Dóminus vobíscum. sine Flectámus génua.

Oratio.

Festína, quæsumus Dómine, ne tardáveris: et auxiliúm nobis supérnæ virtútis impénde: ut advéntus tui consolatióibus sublevéntur, qui in tua pietáte confidunt. Qui vivis et regnas.

De sancta Maria.

Oratio.

Deus, qui de beátæ Mariæ Vírginis útero, Verbum tuum, Angelo nuntiánte, carnem suscipere voluísti: præsta supplicibus tuis: ut, qui vere eam genitrícem Dei crédimus, ejus apud te intercessiόνibus adjuvémur.

Pro Papa.

Oratio.

Deus ómnium fidélium Pastor et rector: fámulum tuum **N.** quem Pastórem Ecclesiæ tuæ præesse voluísti, propítius réspice: da ei, quæsumus, verbo et exémplo, quibus præest, proficere: ut ad vitam, una cum grege sibi crédito, pervéniat sempitérnam. Per Dóminum nostrum Jesum Christum.

Vel contra persecutores Ecclesiæ.
Oratio. Ecclesiæ tuæ. **ut in Dominica præterita.** fol. 5.

Lectio Isaíæ Prophétæ. Isaíæ. 7. b

In diébus illis: Locútus est Dóminus ad Achaz, dicens: Pete tibi signum à Dómino Deo tuo in profún-

dum inférni, sive in excélsu supra. Et dixit Achaz: Non petam: et non tentábo Dóminum. Et dixit: Audíte ergo domus David: Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce Virgo concípíet, et páriet fílium, et vocábitur nomen ejus Emmánuel. Bútyrum et mel cómedet, ut sciat reprobáre malum, et eligere bonum.

Graduale. Psal. 144. Prope est Dóminus ómnibus invocántibus eum, ómnibus qui invocant eum in veritáte.

V. Laudem Dómini loquétur os meum: et benedícat omnis caro nomen sanctum ejus.



Sequéntia sancti Evangélíi secúndum Lucam. Lucæ 1. e

In illo témpore: Missus est Angelus Gábriel à Deo in civitátem Galilææ, cui nomen Názareth, ad Vírginem desponsátam viro, cui nomen erat Joseph, de domo David, et nomen Vírginis María. Et ingressus Angelus ad eam, dixit: Ave grátia plena: Dóminus tecum: benedícta tu in muliéribus. Quæ cum audísset: turbáta est in sermóne ejus, et cogitábat qualis esset ista salutátio. Et ait Angelus ei: Ne tímeas María, invenísti enim grátiam apud Deum: ecce concípies in útero, et páries fílium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábit in domo Jacob in ætérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognósco? Et respóndens Angelus dixit ei: Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit fílium in senectúte sua: et hic mensis sextus est illi, quæ vocáitur stérilis:

Feria sexta Quatuor Temporum Adventus.

quia non erit impossibile apud Deum omne verbum. Dixit autem María: Ecce ancilla Dómini, fiat mihi secundum verbum tuum.

Offertorium. Isaiae 35. Confortámini, et jam nolite timere: ecce enim Deus noster retribuet iudicium: ipse veniet, et salvos nos faciet.

Secreta.

Accépta tibi sint, quæsumus Dómine, nostra jejúnia: quæ et expiando nos tua grátia dignos efficiant, et ad sempiterna promissa perdúcant. Per Dóminum nostrum.

De sancta Maria. Secreta.

IN méntibus nostris, quæsumus Dómine, veræ fidei sacramenta confirma: ut, qui concéptum de Virgine Deum verum et hóminem confitémur; per ejus salutíferæ resurrectionis poténtiam, ad ætérnam mereámur pervenire lætítiam.

Pro Papa. Secreta.

Oblátis, quæsumus Dómine, placare munéribus: et fámulum tuum **N.** quem Pastórem Ecclesiæ tuæ præesse voluisti, assídua protectione gubérna. Per Dóminum nostrum.

Vel contra persecutores Ecclesiæ. Secreta. **P**rótege nos. **ut in Dominica præterita. fol. 6.**

Communio. Isaiae 7. Ecce Virgo concipiet, et páriet filium: et vocábitur nomen ejus Emmánuel.

Postcommunio.

Salutáris tui Dómine múnere satiáti, súpplīces deprecámur: ut cujus lætámur gustu, renovémur efféctu. Per Dóminum nostrum Jesum Christum Fílium tuum: Qui tecum vivit.

De sancta Maria. Postcommunio.

Grátiā tuā, quæsumus Dómine, méntibus nostris infúnde: ut qui, Angelo nuntiāte, Christi Fílii tui incarnationem cognóvimus; per passiōem ejus et crucem, ad resurrectionis glóriā perducámur.

Pro Papa. Postcommunio.

Hæc nos, quæsumus Dómine, divini sacraménti percéptio prótegat: et fámulum tuum **N.** quem Pastórem Ecclesiæ tuæ præesse voluisti, una cum commisso sibi grege salvet semper, et múniat. Per Dóminum nostrum Jesum Christum Fílium tuum.

Vel contra persecutores Ecclesiæ. Postcommunio. Quæsumus Dómine. **ut in Dominica iii. fol. 6.**

FERIA SEXTA

Quatuor Temporum Adventus.

Statio ad sanctos duodecim Apostolos.

Introitus. Psal. 118.

Prope es tu Dómine, et omnes viæ tuæ veritas: iníitio cognóvi de testimoniis tuis, quia in ætérnum tu es.

Psal. ibid. Beáti immaculáti in via: qui ámbulant in lege Dómini.

V. Glória Patri. Oratio.

Excita, quæsumus Dómine, poténtiam tuā, et veni: ut hi, qui in tua pietáte confidunt, ab omni cítius adversitáte liberéntur. Qui vivis et regnas.

De sancta Maria. Oratio.

Deus, qui de beátæ Mariæ Virgínis útero, Verbum tuum, Angelo nuntiāte, carnem suscípere voluisti: præsta supplicibus tuis: ut, qui vere eam genitricem Dei crédimus, ejus apud te intercessiōnibus adjuvémur.

Contra persecutores Ecclesiæ. Oratio.

Ecclésiæ tuæ, quæsumus Dómine, preces placátus admítte: ut, destrúctis adversitatibus et erróribus univérsis, secúra tibi sérviat libertáte. Per Dóminum nostrum Jesum Christum.

Vel pro Papa. Oratio. Deus ómnium. **ut in Feria iv. præced. fol. 7.**

Léctio Isaiae Prophætæ. Isaiae 11.

Hæc dicit Dóminus Deus: Egrediétur virga de radíce Jesse, et

Feria sexta Quatuor Temporum Adventus.

flos de radice ejus ascendet. Et requiescet super eum spiritus Domini: spiritus sapientiae, et intellectus, spiritus consilii, et fortitudinis, spiritus scientiae, et pietatis; et replabit eum spiritus timoris Domini. Non secundum visionem oculorum iudicabit: neque secundum auditum aurium arguet: sed iudicabit in iustitia pauperes, et arguet in aequitate pro mansuetis terrae: et percutiet terram virga oris sui, et spiritu labiorum suorum interficiet impium. Et erit iustitia cingulum lumborum ejus: et fides cinctorium renum ejus.

Graduale. Psal. 84. Ostende nobis Domine misericordiam tuam, et salutare tuum da nobis.

V. Benedixisti Domine terram tuam: avertisti captivitatem Jacob.

 **Sequentia sancti Evangelii secundum Lucam. Lucæ 1. d**

In illo tempore: Exurgens Maria, abiit in montana cum festinatione in civitatem Juda: Et intravit in domum Zachariae, et salutavit Elisabeth. Et factum est, ut audivit salutationem Mariae Elisabeth, exultavit infans in utero ejus: et repleta est Spiritu sancto Elisabeth: et exclamavit voce magna, et dixit: Benedicta tu inter mulieres, et benedictus fructus ventris tui. Et unde hoc mihi, ut veniat mater Domini mei ad me? Ecce enim ut facta est vox salutationis tuae in auribus meis, exultavit in gaudio infans in utero meo. Et beata, quae credidisti, quoniam perficiuntur ea, quae dicta sunt tibi à Domino. Et ait Maria: Magnificat anima mea Dominum: et exultavit spiritus meus in Deo salutari meo.

Offertorium. Psal. 84. Deus tu convertens vivificabis nos, et plebs tua laetabitur in te: ostende nobis Domine misericordiam tuam, et salutare tuum da nobis.

Secreta.

Munerationibus nostris, quaesumus Domine, precibusque susceptis: et celestibus nos munda mysteriis, et clementer exaudi. Per Dominum.

De sancta Maria. Secreta.

In mentibus nostris, quaesumus Domine, verae fidei sacramenta confirma: ut, qui conceptum de Virgine Deum verum et hominem confitemur: per ejus salutiferæ resurrectionis potentiam, ad æternam mereamur pervenire lætitiā.

Contra persecutores Ecclesiae. Secreta.

Protege nos, Domine, tuis mysteriis servientes: ut divinis rebus inherentes, et corpore tibi famulemur, et mente. Per Dominum.

Vel pro Papa. Secreta. Oblatis, quaesumus Domine. **ut in Feria iv. præcedenti. fol. 8.**

Communio. Zach. 14. Ecce Dominus veniet, et omnes sancti ejus cum eo: et erit in die illa lux magna.

Postcommunio.

Tui nos Domine, sacramenti libatio sancta restauret: et à vetustate purgatos, in mysterii salutaris faciat transire consortium. Per Dominum nostrum.

De sancta Maria. Postcommunio.

Gratiam tuam, quaesumus Domine, mentibus nostris infunde: ut qui, Angelo nuntiante, Christi Filii tui incarnationem cognovimus; per passionem ejus et crucem, ad resurrectionis gloriam perducamur.

Contra persecutores Ecclesiae. Postcommunio.

Quaesumus Domine Deus noster: ut, quos divina tribuis participatione gaudere, humanis non sinas subjacere periculis. Per Dominum nostrum Jesum Christum Filium tuum: Qui tecum vivit et regnat in unitate.

Vel pro Papa. Postcommunio. Hæc nos. **ut in Feria quarta. fol. 8.**

Sabbato Quatuor Temporum Adventus.

SABBATO

Quatuor Temporum Adventus.

Statio ad sanctum Petrum.

Introitus. **Psal. 79.**

Eni, et ostende nobis faciē tuam, Dōmine, qui sedes super Chérubim: et salvi erimus.

Psal. ibid. Qui regis Israel, inténde: qui dedúcis, velut ovem, Joseph.

V. Glória Patri.

Post Kyrie eléison. **dicatur, Orémus.** Flectámus gēnua. **R.** Leváte.

Oratio.

DEus, qui cōspicis, quia ex nostra pravitate affligimur: concede propitius: ut ex tua visitatione consolémur. Qui vivis et regnas cum Deo Patre.

Lectio Isaiae Prophetae. Isaiae 19. d

IN diēbus illis: Clamábunt ad Dōminum à faciē tribulantis, et mittet eis salvatorem, et propugnatorem, qui liberet eos. Et cognoscetur Dōminus ab Ægypto, et cognoscant Ægyptii Dōminum in die illa: et colent eum in hōstiis, et in munēribus: et vota vovēbunt Dōmino, et solvent. Et percūtiēt Dōminus Ægyptum plaga, et sanābit eam: et revertentur ad Dōminum, et placābitur eis, et sanābit eos Dōminus Deus noster.

Graduale. Psal. 18. A summo cœlo egressio ejus: et occursus ejus usque ad summum ejus.

V. Cœli enarrant glóriam Dei; et ópera mánuum ejus annúntiat firmamentum.

Orémus. Flectámus gēnua.

R. Leváte.

Oratio.

Concede, quæsumus omnipotens Deus; ut qui sub peccati jugo, ex vetusta servitute deprímimur; expectata unigéniti Fílii tui nova natiuitate liberémur. Qui tecum vivit et regnat.

Lectio Isaiae Prophetae. Isaiae 35.

HÆc dicit Dōminus: Lætābitur desérta et ínvia, et exultābit solitúdo, et florēbit quasi lílium. Germínans germinābit, et exultābit lætabúnda et laudans: glória Líbani data est ei: decor Carméli, et Saron, ipsi vidēbunt glóriam Dōmini, et decórem Dei nostri. Confortáte manus dissolútas, et gēnua debília roboráte. Dícite pusillánimis: confortámini, et nolíte timére: ecce Deus vester ultiónem addúcet retributiónis: Deus ipse véniet, et salvābit vos. Tunc aperiēntur óculi cœcórū, et aures surdórū patēbunt. Tunc sáliet sicut cervus claudus, et apérta erit lingua mutórum: quia scissæ sunt in desérto aquæ, et torrētes in solitúdine. Et quæ erat árida, erit in stagnum, et sítiens in fontes aquárum: Ait Dōminus omnipotens.

Graduale. Psal. 18. In sole pōsuit tabernáculum suum: et ipse tamquam sponsus procedens de thálamo suo.

V. A summo cœlo egressio ejus: et occúrsus ejus usque ad summum ejus.

Orémus. Flectámus gēnua.

R. Leváte.

Oratio.

Indignos nos, quæsumus Dōmine, fámulos tuos, quos actiōnis propriæ culpa contrístat: unigéniti Fílii tui advéntu lætífica. Qui tecum vivit et regnat.

Lectio Isaiae Prophetae. Isaiae. 40. b

HÆc dicit Dōminus: super montem excélsum ascēde tu, qui evangelízas Sion: exálta in fortitúdine vocem tuam, qui evangelízas Jerúsalem: exálta, noli timére. Dic civitatibus Juda: Ecce Deus vester: ecce Dōminus Deus in fortitúdine véniet, et bráchium ejus dominābitur: ecce merces ejus cum eo, et opus illius coram illo. Sicut pastor gregem suum pascet; in bráchio suo congregābit agnos, et in sinu suo levābit, Dōminus Deus noster.

Sabbato Quatuor Temporum Adventus.

Graduale. Psal. 79. Dómine Deus virtutum convérte nos: et osténde fáciem tuam, et salvi érimus.

V. Excita Dómine poténtiam tuam, et veni: ut salvos fácias nos.

Orémus. Flectámus génua.

R. Leváte.

Oratio.

PRæsta quæsumus omnipotens Deus; ut Fílii tui ventúra solémnitas, et præsentis nobis vitæ remédia cónferat, et præmia ætérna concédât. Per eúmdem Dóminum nostrum.

Léctio Isaíæ Prophétæ. Isaíæ 45.

HÆc dicit Dóminus christo meo Cyro, cujus apprehénderam, ut subjíciam ante fáciem ejus Gentes, et dorsa regum vertam, et apériam coram eo jánuas, et portæ non claudentur. Ego ante te ibo: et gloriósos terræ humiliábo: portas aeréas cónteram, et vectes férreos confríngam. Et dabo tibi thesaúros absconditos, et arcána secretórum: ut scias quia ego Dóminus, qui voco nomen tuum, Deus Israel. Propter servum meum Jacob, et Israel eléctum meum, et vocávi te nómine tuo: assimilávi te, et non cognovísti me. Ego Dóminus, et non est ámplius: extra me non est Deus: accínxi te, et non cognovísti me: ut sciant hi, qui ab ortu solis, et qui ab occidénte, quóniam absque me non est. Ego Dóminus, et non est alter, formans lucem, et creans ténebras, fáciens pacem, et creans malum: ego Dóminus fáciens ómnia hæc. Rorate cœli désuper, et nubes pluant justum: aperiátur terra, et gérminet Salvátorem: et justítia oriátur simul: ego Dóminus creávi eum.

Graduale. Psal. 79. Excita Dómine poténtiam tuam, et veni: ut salvos fácias nos.

V. Qui regis Israel, inténde: qui dedúcis, velut ovem, Joseph: qui sedes super Chérubim, appáre coram Ephraim, Bénjamin, et Manásse.

Orémus. Flectámus génua.

R. Leváte.

Oratio.

PReces pópuli tui, quæsumus Dómine, cleménter exáudi; ut qui juste pro peccátis nostris affligimur, pietátis tuæ visitatióne consolémur. Qui vivis et regnas.

Léctio Daniélis Prophétæ. Dan. 3. c

IN diébus illis: Angelus Dómini descendit cum Azaría, et sóciis ejus in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadragínta novem: et erúpit, et incéndit quos réperit juxta fornácem de Chaldæis minístros regis, qui eam incendébant. Et non tétigit eos omníno ignis, neque contristávit, nec quidquam moléstiae íntulit. Tunc hi tres quasi ex uno ore laudábant, et glori ficábant, et benedicébant Deum in fornáce, dicéntes:

Hic non respondetur Deo grátias.

Hymnus.

Dan. ibid.

Benedíctus es Dómine Deus patrum nostrórum. Et laudábilis, et gloriósus in sæcula.

Et benedíctum nomen glóriæ tuæ, quod est sanctum. Et laudábile, et gloriósum in sæcula.

Benedíctus es in templo sancto glóriæ tuæ. Et laudábilis, et gloriósus in sæcula.

Benedíctus es super thronum sanctum regni tui. Et laudábilis, et gloriósus in sæcula.

Benedíctus es super sceptrum divinitátis tuæ. Et laudábilis, et gloriósus in sæcula.

Benedíctus es qui sedes super Chérubim, íntuens abyssos. Et laudábilis, et gloriósus in sæcula.

Benedíctus es qui ámbulas super pennas ventórum, et super undas maris. Et laudábilis, et gloriósus in sæcula.

Sabbato Quatuor Temporum Adventus.

Benedicant te omnes Angeli, et Sancti tui. Et laudent te, et glorificent in sæcula.

Benedicant te cœli, terra, mare, et omnia quæ in eis sunt. Et laudent te, et glorificent in sæcula.

Gloria Patri, et Filio, et Spiritui sancto. Et laudabili, et glorioso in sæcula.

Sicut erat in principio, et nunc, et semper: et in sæcula sæculorum. Amen. Et laudabili, et glorioso in sæcula.

Benedictus es Dómine Deus patrum nostrorum. Et laudabilis, et gloriosus in sæcula.

Hic dicitur Dóminus vobiscum, sine Flectamus gēna. Oratio.

Deus, qui tribus pūeris mitigasti flammam signum, concede propitius; ut nos famulos tuos non exurat flamma vitiōrum. Per Dóminum.

De sancta Maria. Oratio.

Deus, qui de beatæ Mariæ Virginis útero, Verbum tuum, Angelo nuntiānte, carnem suscipere voluisti, præsta supplicibus tuis: ut, qui vere eam genitricem Dei credimus, ejus apud te intercessionibus adjuvémur.

Pro Papa. Oratio.

Deus omnium fidélium Pastor et rector: famulum tuum **N.** quem Pastorem Ecclesiæ tuæ præesse voluisti, propitius respice: da ei, quæsumus, verbo et exemplo, quibus præest, proficere; ut ad vitam, una cum grege sibi crédito, perveniat sempiternam. Per Dóminum nostrum Jesum Christum.

Vel contra persecutores Ecclesiæ. Oratio. Ecclesiæ tuæ. ut in Feria vi. præced. fol. 8.

Lectio Epistolæ beati Pauli Apóstoli ad Thessalonicenses. **2. Thess. 2.**

Fratres: Rogamus vos per adventum Dómini nostri Jesu Christi, et nostræ congregatiōnis in ipsum: ut non cito moveāmini à vestro sensu, neque terreāmini, neque per

spíritum, neque per sermōnem, neque per epístolam tamquam per nos missam, quasi instet dies Dómini. Ne quis vos seducat ullo modo: quoniam nisi venerit discēssio primum, et revelátus fuerit homo peccati, filius perditionis, qui adversatur, et extollitur supra omne quod dicitur Deus, aut quod colitur, ita ut in templo Dei sédeat ostēdens se tamquam sit Deus. Non retinētis, quod cum adhuc essem apud vos, hæc dicebam vobis? Et nunc quid detineat scitis, ut reveletur in suo tempore. Nam mystérium jam operatur iniquitatis: tantum ut qui tenet nunc, teneat, donec de medio fiat. Et tunc revelabitur ille iniquus, quem Dóminus Jesus interficiet spíritu oris sui, et destruet illustratiōe adventus sui.

Tractus. Psal. 79. Qui regis Israel, inténde: qui dedúcis, velut ovem, Joseph.

V. Qui sedes super Chérubim, appare coram Ephraim, Bénjamin, et Manásse.

V. Excita Dómine poténtiam tuam, et veni: ut salvos facias nos.



Sequētia sancti Evangélii secundum Lucam. Lucæ 3.

Anno quintodécimo impérii Tiberii Cæsaris, procurante Póntio Piláto Judæam, tetrárcha autem Galilææ Heróde, Philíppo autem fratre ejus tetrárcha Iturææ, et Trachonítidis regiónis, et Lysánia Abilínæ tetrárcha, sub principibus sacerdotum Anna et Cáipha: factum est verbum Dómini super Joánnem, Zachariæ filium, in desérto. Et venit in omnem regiónem Jordánis, prædicans baptismum pœnitentiæ in remissionem peccatorum, sicut scriptum est in libro sermōnum Isaíæ Prophætæ: Vox clamantis in desérto: Paráte viam Dómini: rectas facite sémitas ejus: omnis vallis implebitur: et omnis mons, et collis humiliabitur: et erunt prava in directa, et áspera in

Dominica iv. Adventus.

vias planas: et vidébit omnis caro salutare Dei.

Offertorium. Zach. 9. Exulta satis filia Sion, prædica filia Jerúsalem: ecce Rex tuus venit tibi sanctus, et salvátor.

Secreta.

Sacrificiis præsentibus, quæsumus Dómine, placátus inténde; ut et devotióni nostræ proficiant, et salutí. Per Dóminum nostrum.

De sancta Maria. Secreta.

IN méntibus nostris, quæsumus Dómine, veræ fidei sacraménta confirma: ut, qui concéptum de Virgine Deum verum et hóminem confitémur; per ejus salutíferæ resurrectionis poténtiam, ad ætérnam mereámur pervenire lætítiam.

Pro Papa. Secreta.

Oblátis, quæsumus Dómine, placáre munéribus: et fámulum tuum **N.** quem Pastórem Ecclesiæ tuæ præesse voluísti, assídua protectione gubérna. Per Dóminum.

Vel contra persecutores Ecclesiæ. Secreta. Prótege nos. **ut in Feria vi. præcedenti. fol. 9.**

Communio. Psal. 18. Exultávit ut gigas ad curréndam viam: à summo cœlo egressio ejus, et occúrsus ejus usque ad summum ejus.

Postcommunio.

Quæsumus Dómine Deus noster; ut sacrosáncta mystéria, quæ pro reparationis nostræ munimine contulisti; et præsens nobis remédium esse fácias, et futúrum. Per Dóminum.

De sancta Maria. Postcommunio.

Grátiam tuam, quæsumus Dómine, méntibus nostris infúnde; ut qui, Angelo nuntiánte, Christi Filii tui incarnationem cognóvimus; per passióem ejus et crucem, ad resurrectionis glóriam perducámur.

Pro Papa. Postcommunio.

Hæc nos, quæsumus Dómine, divini sacraménti percéptio prótegat: et fámulum tuum **N.** quem Pastórem Ecclesiæ tuæ præesse voluísti;

una cum commisso sibi grege salvet semper, et múniat. Per Dóminum.

Vel contra persecutores Eccles.

Postcommunio. Quæsumus Dómine. ut in Feria vi. præced. fol. 9.



DOMINICA QUARTA

Adventus.

Statio ad sanctos duodecim Apostolos.

Introitus.

Isaïæ 45.



Oráte cœli désuper, et nubes pluant justum: aperiátur terra, et gérminet Salvatórem.

Psal. 18. Cœli enár-

rant glóriam Dei: et ópera mánuum ejus annúntiat firmaméntum.

V. Glória Patri. Oratio.

EXcita, quæsumus Dómine, poténtiam tuam, et veni; et magna nobis virtúte succúrre: ut per auxiliū grátiae tuæ, quod nostra peccáta præpédiunt, indulgéntia tuæ propitiatiónis accéleret. Qui vivis et regnas.

De sancta Maria. Oratio.

Deus, qui de beátæ Mariæ Virgínis útero, Verbum tuum, Angelo nuntiánte, carnem suscépere voluísti; præsta supplicibus tuis; ut, qui vere eam genitrícem Dei crédimus, ejus apud te intercessiónibus adjuvémur.

Contra persecutores Ecclesiæ.

Oratio.

Ecclésiæ tuæ, quæsumus Dómine, preces placátus admítte: ut, destructis adversitatibus et erróribus univérsis, secúra tibi sérviat libertáte. Per Dóminum.

Vel pro Papa. Oratio. Deus ómnium. ut in Sabbato præced. fol. 12.

Léctio Epístolæ beáti Pauli Apóstoli ad Corínthios. 1. Cor. 4.

Fratres; Sic nos existimet homo ut ministros Christi, et dispensatores mysteriorum Dei. Hic jam quæritur inter dispensatores, ut fidelis quis inveniatur. Mihi autem pro mínimo est ut à vobis júdicer, aut ab humano die: sed neque me-

Dominica iv. Adventus.

ipsum iudico. Nihil enim mihi conscius sum: sed non in hoc justificatus sum: qui autem iudicat me, Dominus est. Itaque nolite ante tempus iudicare, quoadusque veniat Dominus: qui et illuminabit abscondita tenebrarum, et manifestabit consilia cordium: et tunc laus erit unicuique à Deo.

Graduale. Psal. 144. Prope est Dominus omnibus invocantibus eum, omnibus qui invocant eum in veritate.

V. Laudem Domini loquetur os meum: et benedicat omnis caro nomen sanctum ejus. **Allelúja, allelúja.**

V. Veni Domine, et noli tardare: relaxa facinora plebistuae Israel. **Allelúja.**

 **Sequentia sancti Evangelii secundum Lucam. Lucæ 3.**

Anno quintodécimo imperii Tiberii Cæsaris, procurante Pontio Pilato Judæam, tetrarcha autem Galilææ Herode, Philippo autem fratre ejus tetrarcha Iturææ, et Trachonítidis regiónis, et Lysania Abilínæ tetrarcha, sub principibus sacerdotum Anna et Caípha: factum est verbum Domini super Joannem, Zachariæ filium, in deserto. Et venit in omnem regiónem Jordánis, prædicans baptismum poenitentiæ in remissionem peccatorum, sicut scriptum est in libro sermonum Isaïæ Prophætæ: Vox clamantis in deserto: Parate viam Domini: rectas facite semitas ejus: omnis vallis implébitur: et omnis mons, et collis humiliabitur: et erunt prava in directa, et áspera in vias planas: et videbit omnis caro salutare Dei. **Credo.**

Offertorium. Lucæ 1. Ave María, grátia plena: Dominus tecum: benedicta tu in mulieribus, et benedictus fructus ventris tui. **Secreta.**

Sacrificiis præsentibus, quæsumus Domine, placatus inténde; ut et devotióni nostræ proficiant, et salutí. Per Dominum nostrum.

De sancta Maria. Secreta.

In mentibus nostris, quæsumus Domine, veræ fidei sacramenta

confirma: ut, qui conceptum de Virgine Deum verum et hominem confitemur; per ejus salutiferæ resurrectionis poténtiam, ad ætérnam mereámur pervenire lætítiam.

Contra persecutores Ecclesiæ.

Secreta.

Protege nos, Domine, tuis mystériis serviéntes: ut divinis rebus inhæréntes, et corpore tibi famulémur, et mente. Per Dominum.

Vel pro Papa. Secreta. Oblátis, quæsumus Domine. ut in Sabbato præcedenti. fol. 13.

Communio. Isaïæ 7. Ecce Virgo concipiet, et páriet filium, et vocábitur nomen ejus Emmánuel.

Postcommunio.

Sumptis munéribus, quæsumus Domine, ut cum frequentatióne mystérii, crescat nostræ salutis effectus. Per Dominum nostrum.

De sancta Maria. Postcommunio.

Grátiam tuam, quæsumus Domine, mentibus nostris infúnde: ut qui, Angelo nuntiánte, Christi Filii tui incarnationem cognóvimus, per passióem ejus et crucem, ad resurrectionis glóriam perducámur.

Contra persecutores Ecclesiæ.

Postcommunio.

Quæsumus Domine Deus noster: ut quos divína tribuis participatióne gaudere, humanis non sinas subiacere periculis. Per Dominum nostrum Jesum Christum Filium tuum.

Vel pro Papa. Postcommunio.

Hæc nos, quæsumus Domine, divini sacraménti percéptio protégat: et famulum tuum **N.** quem Pastórem Ecclesiæ tuæ præesse voluísti; una cum commisso sibi grege salvet semper, et múníat. Per Dominum nostrum Jesum Christum Filium tuum: Qui tecum.

§ Si Vigilia Nativitatis Domini venerit in Dominica, totum Officium Missæ fit de Vigilia cum commemoratione Dominicæ, sed non legitur ejus Evangelium in fine.

In Vigilia Nativitatis Domini.

IN VIGILIA NATIVITATIS
Domini.

Statio ad Sanctam Mariam majorem.

Introitus. Exodi 16. b

Hodie sciētis, quia
veniet Dóminus, et
salvabit nos: et
mane vidēbitis gló-
riam ejus.

Psal. 23. Dómini est terra, et
plenitúdo ejus: orbis terrárum
et univērsi qui hábitant in eo.

V. Glória Patri. Oratio.

Deus, qui nos redemptionis no-
stræ ánnua expectatióne læti-
ficas: præsta, ut Unigénitum tuum,
quem redemptórem læti suscípimus,
veniéntem quoque júdicem secúri
videámus, Dóminum nostrum Jesum
Christum Fílium tuum: Qui tecum
vivit et regnat.

Et dicitur hæc Oratio tantum, nisi
Vigilia venerit in Dominica.

Léctio Epístolæ beáti Pauli Apó-
stoli ad Romános. Rom. 1.

Paulus, servus Jesu Christi, vo-
cátus Apóstolus, segregátus in
Evangélium Dei, quod ante promí-
serat per Prophétas suos in Scriptú-
ris sanctis de Fílio suo, qui factus est
ei ex sémine David secúndum car-
nem; qui prædestinátus est Fílius
Dei in virtúte secúndum spíritum
sanctificatiónis ex resurrectione mor-
tuórum Jesu Christi Dómini nostri:
per quem accépinus grátiam, et
Apostolátum ad obediéndum fidei in
ómnibus Géntibus pro nómine ejus,
in quibus estis et vos vocáti Jesu
Christi Dómini nostri.

Graduale. Exodi 16. Hódie sciētis,
quia véniet Dóminus, et salvabit nos:
et mane vidēbitis glóriam ejus.

V. Psal. 79. Qui regis Israel, in-
ténde: qui dedúcis velut ovem, Jo-
seph: qui sedes super Chérubim,
appáre coram Ephraim, Bénjamin,
et Manásse.

Non dicitur Allelúja, cum sequenti
Versu, nisi hæc Vigilia venerit in
Dominica. Allelúja, allelúja.

V. Crástina die delébitur iníquitas
terræ: et regnabit super nos Salvá-
tor mundi. Allelúja.

**Sequéntia sancti Evangélii se-
cúndum Matthæum. Matth. 1. c**

Cum esset desponsáta mater Jesu
María Joseph, ántequam conve-
nírent, invénta est in útero habens de
Spíritu sancto. Joseph autem vir ejus,
cum esset justus, et nollet eam tra-
dúcere, vóluit occúlte dimíttre eam.
Hæc autem eo cogitánte, ecce An-
gelus Dómini appáruit in somnis ei,
dicens: Joseph fili David, noli timére
accípere Mariám cónjugem tuam:
quod enim in ea natum est, de Spíritu
sancto est. Páriet autem fílium, et
vocábis nomen ejus Jesum: ipse enim
salvum fáciat pópulum suum à pec-
cátis eórum.

Offertorium. Psal. 23. Tóllite por-
tas, príncipes, vestras: et elevámini
portæ æternáles, et introíbit Rex
glóriæ. **Secreta.**

DA nobis, quæsumus omnípotens
Deus: ut, sicut adoránda Fílii
tui natalítia prævenímus, sic ejus
múnera capiámus sempitérna gau-
déntes. Qui tecum vivit.

**Præfatio communis: sed si venerit
in Dominica, dic. de SS. Trinitate.**

Communio. Isaïæ 40. Revelábitur
glória Dómini: et vidēbit omnis caro
salutáre Dei nostri. **Postcommunio.**

DA nobis, quæsumus Dómine, uni-
géniti Fílii tui recensíta nativi-
táte respiráre: cujus cœlésti mystério
páscimur, et potámur. Per eúndem
Dóminum nostrum Jesum Christum
Fílium tuum.

§ Sacerdos, quoniam in die Natalis Do-
mini celebrat tres Missas, in prima et se-
cunda Missa non sumat purificationem, sed
in tertia Missa tantum: et in prima et se-
cunda abluat digitos in aliquo vase mundo.



IN NATIVITATE DOMINI.

AD PRIMAM MISSAM

in Nocte.

Statio ad S. Mariam Majorem ad Præsepe.

Introitus.

Psal. 2.



Ominus dixit ad me: Fílius meus es tu, ego hódie génui te.

Ps. ibid.

Quare fremuérunt Gentes: et pópuli meditáti sunt inánia?

V. Glória Patri, et Fílio, et Spirítui sancto: Sicut erat in principio, et nunc, et semper, et in sæcula sæculórum.

Amen.

Oratio.

DEus, qui hanc sacratíssimam noctem veri lúminis fecísti illustratíone claréscere: da quæsumus; ut cujus lucis mystéria in terra cognóvimus, ejus quoque gáudiis in cœlo perfruámur. Qui tecum vivit.

Lectio Epístolæ beáti Pauli Apóstoli ad Titum.

Tit. 2. c

CARÍSSIME: Appáruit grátia Dei Salvatóris nostri ómnibus homínibus, erúdiens nos, ut abnegántes impietátem, et sæculária desidéria, sóbrie, et juste, et pie vivámus in hoc sæculo, expectántes beátam spem, et advéntum glóriæ magni Dei, et Salvatóris nostri Jesu Chri-

sti: qui dedit semetípsum pro nobis; ut nos redímeret ab omni iniquitaté, et mundáret sibi pópulum acceptábilem, sectatórem bonórum óperum. Hæc lóquere, et exhortáre: in Christo Jesu Dómino nostro.

Graduale. Psal. 109. Tecum princípium in die virtútis tuæ: in splendoribus sanctórum, ex útero ante lucíferum génui te. **V.** Dixit Dóminus Dómino meo: Sede à dextris meis: donec ponam inimícos tuos, scabéllum pedum tuórum.

Allelúja, allelúja.

V. Psalm. 2. Dóminus dixit ad me: Fílius meus es tu, ego hódie génui te. Allelúja.

Sequéntia sancti Evangélíi secúndum Lucam. Lucæ 2.

IN illo témpore: Exiit edíctum à Cæsare Augústo, ut describerétur univérsum orbis. Hæc descriptio prima facta est à præside Syriæ Cyríno: et ibant omnes ut profiterén- tur sínguli in suam civitátem. Ascén- dit autem et Joseph à Galilæa de civitaté Názareth in Judæam in civitátem David, quæ vocátur Béthle- hem: eo quod esset de domo et famí- lia David, ut profiterétur cum María desponsáta sibi uxóre prægnánte. Factum est autem, cum essent ibi, impléti sunt dies ut páreret. Et péperit fílium suum primogénitum, et pannis eum invólvit, et reclinávit eum in præsépio: quia non erat eis locus in diversório. Et pastóres erant in re- gióne eádem vigilántes, et custodién- tes vigílias noctis super gregem suum. Et ecce Angelus Dómini stetit juxta illos, et cláritas Dei circumfúlsit

In Nativitate Domini.

illos, et timuerunt timore magno. Et dixit illis Angelus: Nolite timere, ecce enim evangelizo vobis gaudium magnum, quod erit omni populo: quia natus est vobis hodie Salvator, qui est Christus Dominus, in civitate David. Et hoc vobis signum: Invenietis infantem pannis involutum, et positum in praesepio. Et subito facta est cum Angelo multitudo militiae coelestis, laudantium Deum, et dicentium: Gloria in altissimis Deo, et in terra pax hominibus bonae voluntatis. **Credo.**

Offertorium. Psal. 95. Laetentur caeli, et exultet terra ante faciem Domini: quoniam venit.

Secreta.

A Ccepta tibi sit, Domine quaesumus, hodiernae festivitatis oblatio; ut, tua gratia largiente, per haec sacrosancta commercia, in illius inveniamur forma, in quo tecum est nostra substantia. Qui tecum vivit et regnat.

Præfat. de Nativit. Quia per incarnati.

Et dicitur quotidie usque ad Epiphaniam, præterquam in die Oct. S. Joannis.

Infra actionem. Communicantes, et noctem sacratissimam celebrantes. **Et dicitur quotidie usque ad Octavam Nativitatis inclusive: sed in hac Missa tantum dicitur noctem, deinceps vero diem.**

Communio. Psal. 109. In splendoribus sanctorum, ex utero ante luciferum genui te.

Postcommunio.

DA, nobis quaesumus Domine Deus noster; ut qui nativitatem Domini nostri Jesu Christi mysteriis nos frequentare gaudemus; dignis conversationibus ad ejus mereamur pervenire consortium. Qui tecum vivit et regnat.

§ Debet Sacerdos etiam ante sequentes Missas confessionem dicere, et in fine cujuslibet, populo benedi-

cere, et Evangelium S. Joannis, In principio erat Verbum, legere, ut infra. fol 20.

Post tertiam vero Missam, loco praedicti Evangelii dicitur Evang. Cum natus esset Jesus. quod habetur in die Epiph. fol. 38.

AD SECUNDAM MISSAM

in Aurora.

Statio ad sanctam Anastasiam.

Introitus.**Isaiae 9.**

Iux fulgebit hodie super nos: quia natus est nobis Dominus: et vocabitur Admirabilis, Deus, Princeps pacis, Pater futuri saeculi: cujus regni non erit finis.

Psal. 92. Dominus regnavit, decorem indutus est: indutus est Dominus fortitudinem, et praecinxit se.

V. Gloria Patri. Oratio.

DA nobis, quaesumus omnipotens Deus; ut qui nova incarnati Verbi tui luce perfundimur; hoc in nostro resplendeat opere, quod per fidem fulget in mente. Per eundem Dominum.

Pro commem. S. Anastasiae. Oratio.

DA quaesumus omnipotens Deus; ut qui beatae Anastasiae martyris tuae solennia colimus; ejus apud te patrocinia sentiamus. Per Dominum.

Lectio Epistolae beati Pauli Apostoli ad Titum. Tit. 3. b

Carissime: Apparuit benignitas, et humanitas Salvatoris nostri Dei: non ex operibus justitiae, quae fecimus nos, sed secundum suam misericordiam salvos nos fecit per lavacrum regenerationis, et renovationis Spiritus sancti, quem effudit in nos abunde per Jesum Christum Salvatorem nostrum: ut justificati gratia ipsius, haeredes simus secundum

In Nativitate Domini.

spem vitæ æternæ: in Christo Jesu Dómino nostro.

Graduale. Psal. 117. Benedíctus qui venit in nómine Dómini: Deus Dóminus, et illúxit nobis.

V. A Dómino factum est istud: et est mirábile in óculis nostris.

Allelúja, allelúja.

V. Psal. 92. Dóminus regnávít, decórem induit: induit Dóminus fortitúdinem, et præcínxit se virtúte. Allelúja.

 **Sequéntia sancti Evangélíi secúndum Lucam. Luc. 2. b**

IN illo témpore: Pastóres loquebántur ad invicem: Transeámus usque Bétlehem, et videámus hoc verbum, quod factum est, quod Dóminus osténdit nobis. Et venérunt festinántes: et invenérunt Mariám, et Joseph, et Infántem pósitum in præsépio. Vidéntes autem, cognovérunt de verbo, quod dictum erat illis de púero hoc. Et omnes, qui audiérunt, miráti sunt: et de his, quæ dicta erant à pastóribus ad ipsos. María autem conservábat ómnia verba hæc, cónferens in corde suo. Et revérsi sunt pastóres glorificántes, et laudántes Deum in ómnibus, quæ audierant, et viderant, sicut dictum est ad illos. **Credo.**

Offertorium. Ps. 92. Deus firmávit orbem terræ, qui non commovébitur: paráta sedes tua Deus ex tunc, à sæculo tu es. **Secreta.**

MUnera nostra, quæsumus Dómine, nativitatís hodiernæ mystériis apta provéniant, et pacem nobis semper infúndant; ut, sicut homo génitus idem refúlsit et Deus, sic nobis hæc terréna substántia cónferat, quod divinum est. Per eúmdem Dóminum nostrum.

Pro S. Anastasia. Secreta.

ACcipe, quæsumus Dómine, múnera dignánter obláta: et beátæ Anastásiæ mártýris tuæ suffragántibus méritis, ad nostræ sa-

lútis auxílium proveníre concéde. Per Dóminum.

Præfatio, et Communicántes. ut supra in prima Missa.

Communio. Zac. 9. Exúlta filia Sion, lauda filia Jerúsalem: ecce Rex tuus venit sanctus, et salvátor mundi.

Postcommunio.

HUjus nos, Dómine, sacraménti semper nóvitas natális instáuret: cujus nativitas singuláris humanám répulit vetustátem. Per eúmdem Dóminum.

Pro S. Anastasia. Postcommunio.

SAtiásti, Dómine, familiam tuam munéribus sacris: ejus, quæsumus, interventióne nos réfove, cujus solémnia celebrámus. Per Dóminum.

AD TERTIAM MISSAM

in die Nativitatis Domini.

Statío ad sanctam Mariam Majorem.

Introitus. Isaia 9.

Puer natus est nobis, et fílius datus est nobis: cujus impérium super húmerum ejus: et vocábitur nomen ejus, magni consílii Angelus.

Psal. 97. Cantáte Dómino cánticum novum, quia mirabilia fecit.

V. Glória Patri.

Oratio.

Concéde, quæsumus omnipotens Deus: ut nos Unigéniti tui nova per carnem nativitas liberet; quos sub peccáti jugo vetústa sérvitus tenet. Per eúmdem Dóminum.

Léctio Epístolæ beáti Pauli Apóstoli ad Hebræos. Hebr. 1.

Multifáriam, multisque modis olim Deus loquens pátribus in Prophétis: novíssime diébus istis locútus est nobis in Fílio, quem constituit hærédem universórum, per quem fecit et sæcula: qui cum sit splendor glóriæ, et figúra substántiæ ejus, portánsque ómnia verbo virtútis suæ, purgatióne peccatórum fáciens, sedet ad dexteram majestátis

In Festo S. Stephani Protomartyris.

in excelsis: tanto melior Angelis effectus, quanto differentius præ illis nomen hæreditavit. Cui enim dixit aliquando Angelorum: Filius meus es tu, ego hodie genui te? Et rursum: Ego ero illi in patrem, et ipse erit mihi in filium? Et cum iterum introducit primogénitum in orbem terræ, dicit: Et adórent eum omnes Angeli Dei. Et ad Angelos quidem dicit: Qui facit Angelos suos spíritus, et ministros suos, flammam ignis. Ad filium autem: Thronus tuus Deus in sæculum sæculi: virga æquitatis, virga regni tui. Dilexisti justitiam, et odisti iniquitatem: propterea unxit te Deus, Deus tuus, oleo exultationis præ participibus tuis. Et: Tu in principio Dómine terram fundasti: et ópera mánuum tuárum sunt cœli. Ipsi peribunt, tu autem permanébis, et omnes ut vestiméntum veteráscent: et velut amíctum mutábis eos, et mutabúntur: tu autem idem ipse se, et anni tui non deficient.

Graduale. Psal. 97. Vidérunt omnes fines terræ salutáre Dei nostri: jubilate Deo omnis terra.

V. Notum fecit Dóminus salutáre suum: ante conspéctum géntium revelávit justitiam suam. **Allelúja, allelúja.**

V. Dies sanctificátus illúxit nobis: veníte gentes, et adoráte Dóminum: quia hódie descéndit lux magna super terram. **Allelúja.**

Inítium sancti Evangélíi secúndum Joánnem. **Joan. 1.**

In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt: et sine ipso factum est nihil, quod factum est; in ipso vita erat, et vita erat lux hóminum: et lux in ténébris lucet, et ténébræ eam non comprehendérunt. Fuit homo missus à Deo, cui nomen erat Joánnes. Hic venit in testimónium, ut testimónium perhiberet de lúmine, ut omnes cré-

derent per illum. Non erat ille lux, sed ut testimónium perhiberet de lúmine. Erat lux vera, quæ illúminat omnem hóminem veniéntem in hunc mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem filios Dei fieri, his, qui credunt in nómine ejus: qui non ex sanguinibus, neque ex voluntáte carnis, neque ex voluntáte viri, sed ex Deo nati sunt. **(Hic genuflectitur.)** Et Verbum caro factum est, et habitávit in nobis: et vídimus glóriam ejus, glóriam quasi unigéniti à patre, plenum grátiae et veritátis. **Credo.**

Offertorium. Psal. 88. Tui sunt cœli, et tua est terra: orbem terrárum, et plenitúdinem ejus tu fundasti: justitia et judícium præparátio sedis tuæ.

Secreta.

O Bláta Dómine múnera, nova Unigéniti tui nativité sanctifica: nosque à peccatórum nostrórum máculis emúnda. Per eúndem Dóminum.

Præfatio, et Communicátes. ut supra in prima Missa.

Communio. Psal. 97. Vidérunt omnes fines terræ salutáre Dei nostri.

Postcommunio.

Pæsta quæsumus omnipotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largitor. Qui tecum vivit et regnat.

IN FESTO S. STEPHANI

Protomartyris.

Statlo ad S. Stephanum in Cælo monte.

Introitus.

Psal. 118.



Edérunt príncipes, et advérsus me loquebántur: et iníqui persecúti sunt me: ádjuva me, Dómine Deus meus, quia servus tuus exercebátur in tuis justificatióibus.

In Festo S. Stephani Protomartyris.

Psal. ibid. Beáti immaculáti in via, qui ámbulant in lege Dómini.

V. Glória Patri. **Oratio.**

DA nobis, quæsumus Dómine, imitári quod cólimus, ut discamus et inimícos dilígere: quia ejus natalítia celebrámus, qui novit étiam propersecutóribus exoráre Dóminum nostrum Jesum Christum Filium tuum: Qui tecum vivit etc.

Et fit commem. de Nativitate.

Oratio.

Concède, quæsumus omnipotens Deus: ut nos Unigéniti tui nova per carnem natívitas liberet; quos sub peccáti jugo vetústa sérvitus tenet. Per eúndem Dóminum nostrum.

Léctio Actuum Apostolorum.

c. 6. et 7. e

IN diébus illis: Stéphanus plenus grátia et fortitúdine, faciébat prodígia et signa magna in pópulo. Surrexérunt autem quidam de synagóga, quæ appellátur Libertinórum, et Cyrenénsium, et Alexandrinórum, et eórum qui erant à Cilícia et Asia, disputántes cum Stéphano: et non póterant resistere sapiéntiæ et spirítui, qui loquebátur. Audiéntes autem hæc, dissecabántur córdibus suis, et stridébant déntibus in eum. Cum autem esset Stéphanus plenus Spíritu sancto, inténdens in cælum, vidit glóriam Dei, et Jesum stantem à dextris Dei. Et ait: ecce vídeo cœlos apértos, et filium hóminis stantem à dextris Dei. Exclamántes autem voce magna continuérunt aures suas, et ímpetum fecérunt unánimiter in eum. Et ejiciéntes eum extra civitátem lapidábant: et testes deposuérunt vestiménta sua secus pedes adulescéntis, qui vocabátur Sáulus. Et lapidábant Stéphanum invocántem et dicéntem: Dómine Jesu súscipe spíritum meum. Pósis autem géni-bus clamávit voce magna, dicens: Dómine, ne státuas illis hoc peccá-

tum. Et cum hoc dixisset, obdormívit in Dómino.

Graduale. Ps. 118. Sedérunt príncipes, et advérsus me loquebántur: et iníqui persecúti sunt me.

V. Adjuva me Dómine Deus meus: salvum me fac propter misericórdiam tuam. **Allelúja, allelúja.**

V. Act. 7. Vídeo cœlos apértos, et Jesum stantem à dextris virtútis Dei. **Allelúja.**

Sequéntia sancti Evangélíi secúndum Matthæum. Matth. 23. d

IN illo témpore: Dicébat Jesus Scribis et Pharisæis: ecce ego mitto ad vos Prophétas, et sapiéntes, et Scribas, et ex illis occidétis et crucifigétis, et ex eis flagellábitis in synagógis vestris, et persequémini de civitáte in civitátem, ut véniat super vos omnis sanguis justus, qui effúsus est super terram à ságuine Abel justí usque ad ságuinem Zachariæ filii Barachíæ, quem occidístis inter templum et altáre. Amen dico vobis, vénient hæc ómnia super generatióem istam, Jerúsalem, Jerúsalem, quæ occidis Prophétas, et lápidas eos, qui ad te missi sunt, quóties vólui congregáre filios tuos, quemádmódum gallína cóngregat pullos suos sub alas, et noluísti? Ecce relinquétur vobis domus vestra déserta. Dico enim vobis, non me vidébitis ámodo, donec dicátis: Benedíctus qui venit in nómine Dómini. **Credo.**

Offertorium. Act. 6. et 7. Elegérunt Apóstoli Stéphanum levítam, plenum fide et Spíritu sancto: quem lapidavérunt Judæi orántem, et dicéntem: Dómine Jesu, áccipe spíritum meum, allelúja.

Secreta.

Suscipe Dómine múnera, pro tuórum commemoratióne Sanctorum: ut, sicut illos pássio glorió-sos effécit; ita nos devótió reddat innócuos. Per Dóminum.

In Festo S. Joannis Apostoli et Evangelistæ.

De Nativitate.

Secreta.

O Bláta Dómine múnera, nova Unigéniti tui nativité sanctifica: nosque à peccatórum nostrórum máculis emúnda. Per eúndem Dóminum.

Communio. Act. 7. Vídeo cœlos apértos, et Jesum stantem à dextris virtútis Dei: Dómine Jesu, áccipe spíritum meum, et ne státuas illis hoc peccátum. **Postcommunio.**

A Uxiliéntur nobis, Dómine, sumpta mystéria: et, intercedente beáto Stéphano mártire tuo, sempitérna protectióne confirment. Per Dóminum.

De Nativitate.

Postcommunio.

P Ræsta quæsumus omnípotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor. Qui tecum.

IN FESTO S. JOANNIS

Apostoli et Evangelistæ.

Statío ad sanctam Mariam Majorem.

Introitus.

Eccli. 15.

I N médio Ecclesiæ apéruit os ejus: et implévit eum Dóminus spíritu sapiéntiæ, et intelléctus: stolam glóriæ induit eum.

Psalmus 91. Bonum est confitéri Dómino: et psállere nómini tuo, Altíssime.

V. Glória Patri.

Oratio.

E Cclésiám tuam, Dómine, benignus illústra: ut beáti Joánnis Apostoli tui et Evangelistæ illumináta doctrínis, ad dona pervéniant sempitérna. Per Dóminum.

De Nativitate.

Oratio.

C Oncéde, quæsumus omnípotens Deus: ut nos Unigéniti tui nova per carnem natívitás liberet; quos sub peccáti jugo vetústa sérvitus tenet.

De S. Stephano.

Oratio.

D A nobis, quæsumus Dómine, imitári quod cólimus, ut discámus et inimícos diligere: quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Fílium tuum: Qui tecum vivit.

Léctio libri Sapiéntiæ.

Eccli. 15.

Q Ui timet Deum, fáciat bona: et qui cótinens est justítiæ, apprehéndet illam, et obviábit illi quasi mater honorificáta. Cibábit illum pane vitæ et intelléctus, et aqua sapiéntiæ salutáris potábit illum: et firmábitur in illo, et non flectétur: et continébit illum, et non confundétur: et exaltábit illum apud próximos suos, et in médio Ecclesiæ apériet os ejus, et adimplébit illum spíritu sapiéntiæ et intelléctus, et stola glóriæ véstiet illum. Jucunditátem, et exultatiónem thesaurizábit super illum, et nómine ætérno hæreditábit illum, Dóminus Deus noster.

Graduale. Jo. 21. Exiit sermo inter fratres, quod discípulus ille non móritur: et non dixit Jesus: Non móritur.

V. Sed: Sic eum volo manére, donec véniam: tu me séquere. **Allelúja, allelúja.**

V. Hic est discípulus ille, qui testimónium pérhibet de his: et scimus quia verum est testimónium ejus. **Allelúja.**

Sequéntia sancti Evangélii secúndum Joánnem. Joan. 21. d

I N illo témpore: Dixit Jesus Petro: Séquere me. Convérsus Petrus vidit illum discípulum, quem diligébat Jesus, sequéntem, qui et recúbuit in cœna super pectus ejus, et dixit: Dómine, quis est qui tradet te? Hunc ergo cum vidisset Petrus, dixit Jesu: Dómine, hic autem quid? Dicit ei Jesus: Sic eum volo manére, donec véniam, quid ad te? tu me séquere. Exiit ergo sermo iste inter fratres,

In Festo SS. Innocentium.

quia discipulus ille non móritur. Et non dixit ei Jesus: Non móritur; sed: Sic eum volo manére, donec véniam, quid ad te? Hic est discipulus ille, qui testimónium pérhibet de his, et scripsit hæc: et scimus, quia verum est testimónium ejus. **Credo.**

Offertorium. Psal. 91. Justus ut palma florébit: sicut cedrus, quæ in Líbano est, multiplicábitur.

Secreta.

Suscipe Dómine múnera, quæ in ejus tibi solemnitáte deférimus, cujus nos confidimus patrocínio liberári. Per Dóminum.

De Nativitate. Secreta.

Obláta Dómine múnera, nova Unigéniti tui nativitate sanctifica: nosque à peccatórum nostrórum máculis emúnda.

De S. Stephano. Secreta.

Suscipe Dómine múnera, pro tuórum commemoratióne Sanctorum: ut, sicut illos pássio glorióssos effécit; ita nos devótio reddat innócuos. Per Dóminum.

Præf. et Communicantes. de Nativit.

Communio. Joan. 21. Exiit sermo inter fratres, quod discipulus ille non móritur: et non dixit Jesus: Non móritur; sed: Sic eum volo manére, donec véniam. **Postcommunio.**

Refécti cibo potúque cœlesti, Deus noster, te súplices deprecámur: ut in cujus hæc commemoratióne percépimus, ejus muniámur et précibus. Per Dóminum.

De Nativitate. Postcommunio.

Præsta quæsumus omnipotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor.

De S. Stephano. Postcommunio.

Auxiliéntur nobis, Dómine, sumpta mystéria: et, intercedente beáto Stéphanó mártire tuo, sempitérna protectióne confirment. Per Dóminum.

IN FESTO
SS. INNOCENTII.

Statio ad sanctum Paulum.

Introitus. Psal. 8.



X ore infántium, Deus, et lacténtium perfecísti laudem propter inimicos tuos.

Psal. ib. Dómine

Dóminus noster: quam admirábile est nomen tuum in univérsta terra!

V. Glória Patri.

Non dicitur Glória in excelsis, nec Allelúja, nec Ite Missa est, nisi hoc Festum venerit in Dominica: sed in Octava semper dicuntur.

Oratio.

Deus, cujus hodiérna die præcónium Innocéntes mártýres non loquendo, sed moriendo conféssi sunt: ómnia in nobis vitiórum mala mortífica: ut fidem tuam, quam lingua nostra lóquitur, étiam móribus vita fateátur. Per Dóminum.

De Nativitate. Oratio.

Concède, quæsumus omnipotens Deus: ut nos Unigéniti tui nova per carnem nativitas liberet; quos sub peccáti jugo vetústa sérvitus tenet.

De sancto Stephano. Oratio.

Da nobis, quæsumus Dómine, imitári quod cólimus, ut discámus et inimicos dilígere: quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Fílium tuum.

De sancto Joanne. Oratio.

Ecclésiám tuam, Dómine, benígnus illústra: ut beáti Joánnis Apóstoli tui et Evangelistæ illumináta doctrínis, ad dona pervéniant sempitérna. Per Dóminum.

Léctio libri Apocalypsis beáti Joánnis Apóstoli. Apoc. 14.

In diébus illis: Vidi supra montem Sion Agnum stantem, et

In Festo SS. Innocentium.

cum eo centum quadraginta quatuor millia habentes nomen ejus, et nomen patris ejus scriptum in frontibus suis. Et audivi vocem de cœlo, tamquam vocem aquarum multarum, et tamquam vocem tonitruum magni: et vocem quam audivi, sicut citharædorum citharizantium in citharis suis. Et cantabant quasi canticum novum ante sedem, et ante quatuor animalia et seniores, et nemo poterat dicere canticum, nisi illa centum quadraginta quatuor millia, qui empti sunt de terra. Hi sunt qui cum mulieribus non sunt coinquinati: virgines enim sunt. Hi sequuntur Agnum, quocumque ierit. Hi empti sunt ex hominibus primitiæ Deo, et Agno; et in ore eorum non est inventum mendacium: sine macula enim sunt ante thronum Dei.

Graduale. Psal. 123. Anima nostra, sicut passer erepta est de laqueo venantium.

V. Laqueus contritus est, et nos liberati sumus: adiutorium nostrum in nomine Domini, qui fecit cœlum et terram.

Tractus. Psal. 78. Effuderunt sanguinem sanctorum, velut aquam, in circuitu Jerusalem.

V. Et non erat qui sepeliret.

V. Vindica Domine sanguinem sanctorum tuorum, qui effusus est super terram.

Si vero fuerit Dominica, tunc omisso Tractu, ejus loco dicitur. Alleluya, alleluya.

V. Psal. 112. Laudate pueri Domini, laudate nomen Domini. Alleluya.

Sequentia sancti Evangelii secundum Matthæum. Matth. 2. c

IN illo tempore: Angelus Domini apparuit in somnis Joseph, dicens: Surge, et accipe puerum, et matrem ejus, et fuge in Ægyptum, et esto ibi usque dum dicam tibi. Futurum est enim ut Herodes quaerat puerum ad perdendum eum. Qui con-

surgens accepit puerum, et matrem ejus nocte, et secéssit in Ægyptum: et erat ibi usque ad obitum Herodis: ut adimpleretur quod dictum est à Domino per Prophetam dicentem: Ex Ægypto vocavi Filium meum. Tunc Herodes videns quoniam illusus esset à Magis, iratus est valde, et mittens occidit omnes pueros, qui erant in Bethlehem, et in omnibus finibus ejus, à bimatu et infra, secundum tempus quod exquisierat à Magis. Tunc adimpleretur quod dictum est per Jeremiam Prophetam dicentem: Vox in Rama audita est, ploratus, et ululatus multus: Rachel plorans filios suos, et noluit consolari, quia non sunt. **Credo.**

Offertorium. Psal. 123. Anima nostra, sicut passer, erepta est de laqueo venantium: laqueus contritus est, et nos liberati sumus. **Secreta.**

Sanctorum tuorum, Domine, nobis pia non desit oratio: quæ et muneribus nostra conciliet, et tuam nobis indulgentiam semper obtineat. Per Dominum.

De Nativitate. Secreta.

Oblata Domine munera, nova Unigeniti tui nativitate sanctifica: nosque à peccatorum nostrorum maculis emunda.

De S. Stephano. Secreta.

Suscipe, Domine, munera, pro tuorum commemoratione Sanctorum: ut sicut illos passio gloriosos effecit, ita nos devotio reddat innocuos.

De S. Joanne. Secreta.

Suscipe, Domine, munera, quæ in ejus tibi solemnitate deferimus, cujus nos confidimus patrocinio liberari. Per Dominum.

Communio. Matth. 2. Vox in Rama audita est, ploratus, et ululatus: Rachel plorans filios suos, et noluit consolari, quia non sunt.

Postcommunio.

Votiva, Domine, dona percipimus: quæ Sanctorum nobis

In Festo S. Thomæ, Episcopi et Martyris.

précibus, et præsentis quæsumus vitæ, pariter et æternæ tribue conferre subsidium. Per Dñm.

De Nativitate. Postcommunio.

Presta quæsumus omnipotens Deus: ut natus hodie Salvator mundi, sicut divinæ nobis generationis est auctor, ita et immortalitatis sit ipse largitor.

De S. Stephano. Postcommunio.

Auxiliéntur nobis, Dñme, sumpta mystéria: et, intercedente beato Stéphano mártire tuo, sempiterna protectione confirmet.

De S. Joanne. Postcommunio.

Refécti cibo potúque cœlesti, Deus noster, te supplices deprecámur: ut in cujus hæc commemoratione percépimus, ejus muniámur et précibus. Per Dñm nostrum.

§ Si festum S. Thomæ venerit in Dominica, transfertur in sequentem diem.

IN FESTO S. THOMÆ

Episcopi et Martyris.

Introitus.

GAudeámus omnes in Dñmo, diem festum celebrántes sub honóre beati Thomæ mártiris: de cujus passione gaudent Angeli, et collaudant Fílium Dei.

Psal. 32. Exultáte justi in Dñmo: rectos decet collaudatio.

V. Glória Patri. **Oratio.**

Deus, pro cujus Ecclesia gloriósus Póntifex Thomas gládiis impiórum occúbuit: presta quæsumus: ut omnes, qui ejus implórant auxílium, petitionis suæ salutárem consequántur effectum. Per Dñm.

De Nativitate. Oratio.

Concède, quæsumus omnipotens Deus: ut nos Unigéniti tui nova per carnem nativitas liberet; quos sub peccáti iugo vetústa sérvitus tenet.

De sancto Stephano. Oratio.

DA nobis, quæsumus Dñme, imitári quod cólimus, ut discámus et inimícos dilígere: quia ejus natalítia celebrámus, qui novit étiam propersecutóribus exoráre Dñm nostrum Jesum Christum Fílium tuum.

De sancto Joanne. Oratio.

Ecclésiám tuam, Dñme, benígnus illústra: ut beati Joánnis Apóstoli tui et Evangelistæ illumináta doctrínis, ad dona pervéniant sempiterna.

De SS. Innocentibus. Oratio.

Deus, cujus hodierna die præcónium Innocéntes mártires non loquendo, sed moriendo conféssi sunt: ómnia in nobis vitiórum mala mortífica; ut fidem tuam, quam lingua nostra lóquitur, étiam móribus vita fateátur. Per Dñm.

Lectio Epístolæ beati Pauli Apóstoli ad Hebræos. **Hebr. 5.**

FRatres, Omnis póntifex ex homínibus assúptus, pro homínibus constitúitur in iis quæ sunt ad Deum, ut ófferat dona, et sacrificia pro peccátis: qui condolére possit iis, qui ignórant, et errant: quóniam et ipse circúmdatus est infirmitáte: et propterea debet, quemádmódum pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur à Deo, tamquam Aaron. Sic et Christus non semetípsum clarificávit ut póntifex fieret: sed qui locútus est ad eum: Fílius meus es tu, ego hódie génui te. Quemádmódum et in álio loco dicit: Tu es sacérdos in ætérnum, secúndum órđinem Melchisedech.

Graduale. Eccl. 44. Ecce sacérdos magnus, qui in diébus suis plácuít Deo.

V. Non est invéntus símilis illi, qui conserváret legem Excélsi. **A**llelúja, allelúja.

In Festo S. Thomæ Episcopis et Martyris.

V. Joan. 10. Ego sum pastor bonus; et cognosco oves meas, et cognoscunt me meæ. Allelúja.

Sequéntia sancti Evangélíi secúndum Joánnem. Joan. 10. b

In illo témpore: dixit Jesus Pharisæis: Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cujus non sunt oves própriæ, videt lupum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus; et cognosco meas, et cognoscunt me meæ. Sicut novit me Pater, et ego agnosco Patrem, et ánimam meam pono pro óvibus meis. Et alias oves hábeo, quæ non sunt ex hoc ovili: et illas opórtet me addúcere, et vocem meam áudient, et fiet unum ovile, et unus pastor.

Credo.

Offertorium. Ps. 20. Posuísti, Dómine, in cápite ejus corónam de lápide pretiósó: vitam pétiit à te, et tribuísti ei, allelúja.

Secreta.

Munera tibi, Dómine, dicáta sanctífica: et, intercedénte beáto Thoma mártýre tuo atque Pontífice; per éadem nos placátus inténde. Per Dóminum.

De Nativitate. Secreta.

Obláta Dómine múnera, nova Unigéniti tui nativité sanctífica: nosque à peccatórum nostrórum máculis emúnda.

De sancto Stephano. Secreta.

Suscipe, Dómine, múnera pro tuórum commemoratióne Sanctórum: ut, sicut illos pássio gloriósos effécit; ita nos devótio reddat innócuos.

De sancto Joanne. Secreta.

Suscipe, Dómine, múnera quæ in ejus tibi solemnitáte deférimus, cujus nos confidimus patrocínio liberári.

De SS. Innocentibus. Secreta.

Sanctórum tuórum, Dómine, nobis pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum.

Communio. Joan. 10. Ego sum pastor bonus, et cognosco oves meas, et cognoscunt me meæ.

Postcommunio.

Hæc nos commúnio, Dómine, purget à crimine: et intercedénte beáto Thoma mártýre tuo atque Pontífice, cœléstis remédii fáciat esse consórtes. Per Dóminum.

De Nativitate. Postcommunio.

Præsta quæsumus omnípotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor.

De S. Stephano. Postcommunio.

Auxiliéntur nobis, Dómine, sumpta mystéria: et, intercedénte beáto Stéphanó mártýre tuo, sempitérna protectiόne confirment.

De S. Joanne. Postcommunio.

Refécti cibo potúque cœlésti, Deus noster, te súpplices deprecámur: ut in cujus hæc commemoratióne percépimus, ejus muniámur et précibus.

De SS. Innocent. Postcommunio.

Votíva, Dómine, dona percépimus: quæ Sanctórum nobis précibus, et præsentis quæsumus vitæ, páriter et æternæ tribue conférre subsidium. Per Dóminum.

§ Si festum Nativitatis Domini, S. Stephani, S. Joannis Evangelistæ, et SS. Innocentium venerit in Dominica, ipsa die nihil fit de Dominica: sed die proximo post festum S. Thomæ mart, dicitur Missa de Dominica. Si autem festum S. Thomæ venerit in Dominica, dicitur Missa de Dominica, cum commem. aliarum Octavar. et festum S. Thomæ transfertur in ii. Feriam.

Dominica infra Octavam Nativitatis Domini.

§ Si vero post festum **S. Thomæ** fuerit **Sabbatum**, ipsa die **Sabbati** dicitur **Missa de Oct. Nativ.** cum **commem. aliarum Octavarum**: et in die **S. Silvestri** fit **Officium de eo** cum **commem. Dominicæ, et Octavarum.**

DOMINICA INFRA OCTAVAM
Nativitatis Domini.

Introitus.

Sap. 18.

DUm médium siléntium tenérent ómnia, et nox in suo cursu médium iter habéret, omnípotens sermo tuus, **Dómine**, de cœlis à regálibus sédibus venit.

Psal. 92. **Dóminus** regnávít, decórem indútus est: indútus est **Dóminus** fortitúdinem, et præcínxit se.

V. Glória Patri.

Oratio.

OMnípotens sempitérne **Deus**, dirige actus nostros in beneplácito tuo: ut in nómine dilécti **Filii** tui, mereámur bonis opéribus abundáre. Qui tecum vivit.

De Nativitate.

Oratio.

Concède, quæsumus omnípotens **Deus**: ut nos **Unigéniti** tui nova per carnem natívitas liberet; quos sub peccáti iugo vetústa sérvitus tenet.

De sancto Stephano.

Oratio.

DA nobis, quæsumus **Dómine**, imitári quod cólimus, ut discámus et inimícos diligere: quia ejus natalítia celebrámus, qui novit étiam pro persecutóribus exoráre **Dóminum** nostrum **Jesum Christum Fílium** tuum.

De sancto Joanne.

Oratio.

ECclésiám tuam, **Dómine**, benígnus illústra: ut beáti **Joánnis** Apóstoli tui et Evangelístæ illumináta doctrínis, ad dona pervéniat sempitérna.

De SS. Innocentibus.

Oratio.

DEus, cujus hodiérna die præcónium **Innocéntes** mártýres non loquendo, sed moriendo conféssi

sunt: ómnia in nobis vitiórum mala mortífica; ut fidem tuam, quam lingua nostra lóquitur, étiam móribus vita fateátur. **Per Dóminum.**

Léctio Epístolæ beáti **Pauli** Apóstoli ad **Gálatas.** **Gal. 4.**

FRatres: Quanto témpore hæres párvulus est, nihil differt à servo, cum sit **dóminus** ómnium: sed sub tutóribus et actóribus est usque ad præfínitum tempus à patre: ita et nos cum essémus párvuli, sub elementis mundi erámus serviéntes. At ubi venit plenitúdo témporis, misit **Deus Fílium** suum, factum ex muliere, factum sub lege, ut eos qui sub lege erant, redímeret, ut adoptionem filiórum reciperémus. Quóniam autem estis filii, misit **Deus spíritum** **Filii** sui in corda vestra, clamántem: **Abba, Pater.** Itaque jam non est servus, sed filius: quod si filius, et hæres per **Deum.**

Graduale. Psal. 44. **Speciósus** forma præ filiis hóminum: diffúsa est grátia in lábiis tuis.

V. Eructávit cor meum verbum bonum, dico ego ópera mea regi: lingua mea cálamus scribæ, velóciter scribéntis. **Allelúja, allelúja.**

V. Psal. 92. **Dóminus** regnávít, decórem induit: induit **Dóminus** fortitúdinem, et præcínxit se virtúte. **Allelúja.**

Sequéntia sancti Evangelii secúndum **Lucam.** **Lucæ 2. e**

IN illo témpore: Erat **Joseph** et **María** mater **Jesu**, mirántes super his quæ dicebántur de illo. Et benedíxit illis **Simeon**, et dixit ad **Maríam** matrem ejus: ecce pósitus est hic in ruínam, et in resurrectionem multórum in **Israel**: et in signum cui contradicétur, et tuam ipsíus ánimam pertransibit gládius, ut reveléntur ex multis córdibus cogitatiónes. Et erat **Anna** prophetíssa filia **Phánuel**, de tribu **Aser**: hæc processerat in diébus multis, et víxerat cum viro suo annis septem à virgini-

Missa de Octava Nativitatis Domini.

tate sua. Et hæc vídua usque ad annos octogínta quátuor: quæ non discedébat de templo, jejúniis et obsecrationibus sérvians nocte ac die. Et hæc, ipsa hora supervéniens, confitebátur Dómino, et loquebátur de illo ómnibus, qui expectábant redemptionem Israel. Et ut perfecérunt ómnia secúndum legem Dómini, revérsi sunt in Galilæam in civitatem suam Náza-reth. Puer autem crescebat, et confortabátur, plenus sapiéntia: et grátia Dei erat in illo. **Credo.**

Offertorium. Psal. 92. Deus firmávit orbem terræ, qui non commovébitur: paráta sedes tua, Deus, ex tunc, à sæculo tu es.

Secreta.

Concède, quæsumus omnipotens Deus: ut óculis tuæ majestátis munus oblátum, et grátiam nobis piæ devotiónis obtíneat, et efféctum beátæ perennitátis acquirat. **Per Dóminum.**

De Nativitate. Secreta.

Obláta, Dómine, múnera, nova Unigéniti tui nativitate sanctifica: nosque à peccatórum nostrórum máculis emúnda.

De sancto Stephano. Secreta.

Suscipe, Dómine, múnera pro tuórum commemoratióne Sanctórum: ut sicut illos pássio gloriosos effécit; ita nos devotio reddat innócuos.

De sancto Joanne. Secreta.

Suscipe, Dómine, múnera, quæ in ejus tibi solemnitáte deférimus, cujus nos confidimus patrocinio liberári.

De SS. Innocentibus. Secreta.

Sanctorum tuorum, Dómine, nobis pia non desit oratio: quæ et múnera nostra concíliet, et tuam nobis indulgéntiam semper obtíneat. **Per Dóminum.**

Communio. Matth. 2. Tolle púerum, et matrem ejus, et vade in terram Israel: defúnti sunt enim, qui quærebant ánimam púeri.

Postcommunio.

Per hujus Dómine operatióem mystérii, et vítia nostra purgéntur, et justa desidéria compleántur. **Per Dóminum.**

De Nativitate. Postcommunio.

Præsta quæsumus omnipotens Deus: ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largítor.

De S. Stephano. Postcommunio.

Auxiliéntur nobis, Dómine, sumpta mystéria: et, intercedente beáto Stéphano mártire tuo, sempitérna protectiône confirment.

De S. Joanne. Postcommunio.

Refécti cibo potúque cœlesti, Deus noster, te súpplices deprecámur: ut in cujus hæc commemoratióne percépimus, ejus muniámur et précibus.

De SS. Innocent. Postcommunio.

Votiva, Dómine, dona percépimus: quæ Sanctórum nobis précibus, et præsentis quæsumus vitæ, páriter et æternæ tribue conferre subsidium. **Per Dóminum.**

MISSA DE OCTAVA

Nativitatis Domini.

Introitus. Isaïæ 9.

Puer natus est nobis, et fílius datus est nobis: cujus impérium super húmerum ejus: et vocabitur nomen ejus, magni consílii Angelus.

Psal. 97. Cantáte Dómino cánticum novum, quia mirabilia fecit.

V. Glória Patri. Oratio.

Concède, quæsumus omnipotens Deus: ut nos Unigéniti tui nova per carnem nativitas liberet; quos sub peccáti jugo vetústa sérvitus tenet. **Per eúndem Dóminum.**

De sancto Stephano. Oratio.

Da nobis, quæsumus Dómine, imitári quod cólimus, ut discámus et inimícos dilígere: quia ejus

Missa de Octava Nativitatis Domini.

natalitia celebramus, qui novit etiam pro persecutoribus exorare Dominum nostrum Jesum Christum Filium tuum.

De sancto Joanne. Oratio.

Ecclēsiā tuā, Dōmine, benignus illūstra: ut beāti Joānis Apōstoli tui et Evangelistae illuminata doctrinis, ad dona perveniat sempiterna.

De SS. Innocentibus. Oratio.

Deus, cujus hodierna die praecōnium Innocētes mārtyres non loquēdo, sed moriēdo confēssi sunt: omnia in nobis vitiōrum mala mortifica; ut fidem tuam, quam lingua nostra loquitur, etiam moribus vita fateatur. Per Dōminum.

Lectio Epistolae beāti Pauli Apōstoli ad Titum. Tit. 3.

Carissime: Appāruit benignitas, et humanitas Salvatoris nostri Dei: non ex opēribus justitiae, quae fecimus nos, sed secūndum suam misericordiam salvos nos fecit per lavacrum regenerationis, et renovationis Spīritus sancti, quem effudit in nos abūnde per Jesum Christum Salvatorem nostrum: ut justificāti grātia ipsius, hāerēdes simus secūndum spem vitae aeternae: in Christo Jesu Dōmino nostro.

Graduale. Psal. 97. Vidērunt omnes fines terrae salutāre Dei nostri: jubilāte Deo omnis terra.

V. Notum fecit Dōminus salutāre suum: ante conspēctum gēntium revelāvit justitiam suam. **Allelūja, allelūja.**

V. Dies sanctificātus illūxit nobis: venīte gentes, et adorāte Dōminum, quia hōdie descēdit lux magna super terram. **Allelūja.**



Sequēntia sancti Evangēlii secūndum Lucam. Lucæ 2. b

In illo tēpore: Pastōres loquebāntur ad invicem: Transeāmus usque Bēthlehem, et videāmus hoc verbum, quod factum est, quod Dō-

minus ostēdit nobis. Et venērunt festinātes, et invenērunt Mariām, et Joseph, et infāntem pōsitum in præsēpio. Vidētes autem cognōvērunt de verbo, quod dictum erat illis de pūero hoc. Et omnes, qui audiērunt, mirāti sunt, et de his, quae dicta erant à pastōribus ad ipsos. Mariā autem conservābat omnia verba hēc, cōferens in corde suo. Et revērsi sunt pastōres glorificātes, et laudātes Deum in omnibus, quae audierant, et viderant, sicut dictum est ad illos. **Credo.**

Offertorium. Psal. 88. Tui sunt coeli, et tua est terra: orbem terrarum, et plenitudinem ejus tu fundasti: justitia et judicium praeparatio sedis tuae.

Secreta.

Oblata, Dōmine, mūnera nova Unigēniti tui nativitāte sanctifica: nosque à peccatorum nostrorum maculis emūda. Per eūdem Dōminum.

De sancto Stephano. Secreta.

Suscipe, Dōmine, mūnera pro tuorum commemoratiōe Sanctorum: ut sicut illos passio glorioſos effecit; ita nos devotio reddat innocuos.

De sancto Joanne. Secreta.

Suscipe, Dōmine, mūnera quae in te tibi solemnitate deferimus, cujus nos confidimus patrocīnio liberari.

De SS. Innocentibus. Secreta.

Sanctorum tuorum, Dōmine, nobis pia non desit oratio: quae et mūnera nostra concīliet, et tuam nobis indulgētiā semper obtineat. Per Dōminum.

Communio. Psal. 97. Vidērunt omnes fines terrae salutāre Dei nostri.

Postcommunio.

Praesta quāsumus omnipotens Deus: ut natus hōdie Salvator mundi, sicut divinae nobis generationis est auctor; ita et immortalitatis sit ipse largitor. Qui tecum.

In Festo S. Silvestri Papæ et Confessoris.

De S. Stephano. Postcommunio.

Auxiliéntur nobis, Dómine, sumpta mystéria: et, intercedente beáto Stéphano mártyre tuo, sempitérna protectione confirmént.

De S. Joanne. Postcommunio.

Refécti cibo potúque cœlesti, Deus noster, te súpplices deprecámur: ut in cuius hæc commemoratione percépimus, ejus muniámur et précibus.

De SS. Innocent. Postcommunio.

Votíva, Dómine, dona percépimus: quæ Sanctorum nobis précibus, et præsentis, quæsumus, vitæ, páriter et æternæ tribue conférre subsidium. Per Dóminum.

§ Si festum S. Silvestri venerit in Dominica, dicitur Missa de eo, cum commemoratione Dominicæ, et Octavarum.

IN FESTO S. SILVESTRI

Papæ et Confessoris.

Introitus. Psal. 131.



Acerdótes tui Dómine induant justítiam, et Sancti tui exúltent: propter David servum tuum non avértas fáciem Christi tui.

Psal. ibid. Meménto Dómine David: et omnis mansuetúdinis ejus.

V. Glória Patri. Oratio.

DA, quæsumus omnipotens Deus: ut beáti Silvístri confessoris tui atque Pontificis veneránda solémnitas, et devotiónem nobis áugeat, et salútem. Per Dóminum nostrum.

De Nativitate. Oratio.

Concède, quæsumus omnipotens Deus: ut nos Unigéniti tui nova per carnem natívitatis liberet; quos sub peccáti iugo vetústa sérvitus tenet.

De sancto Stephano. Oratio.

DA nobis, quæsumus Dómine, imitári quod cólimus, ut discámus et inimícos diligere: quia ejus

natalítia celebrámus, qui novit étiam pro persecutóribus exoráre Dóminum nostrum Jesum Christum Fílium tuum.

De sancto Joanne. Oratio.

Ecclésiám tuam, Dómine, benígnus illústra: ut beáti Joánis Apóstoli tui et Evangelistæ illumináta doctrínis, ad dona pervéniant sempitérna.

De SS. Innocentibus. Oratio.

Deus, cuius hodiérna die præcónium Innocéntes mártýres non loquendo, sed moriendo conféssi sunt: ómnia in nobis vitiórum mala mortífica; ut fidem tuam, quam lingua nostra lóquitur, étiam móribus vita fateátur. Per Dóminum.

Lectio Epístolæ beáti Pauli Apóstoli ad Timótheum. 2. Tim. 4.

Caríssime: Testíficor coram Deo, et Jesu Christo, qui judicatúrus est vivos, et mórtuos, per advéntum ipsíus, et regnum ejus: prædica verbum, insta opportúne, importúne: árgue, óbsecra, increpa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et à veritáte quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delíbor, et tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus judex: non solum autem mihi, sed et iis qui diligunt advéntum ejus.

Graduale. Eccli. 44. Ecce Sacerdos magnus, qui in diébus suis plácuit Deo.

V. Non est invéntus símilis illi, qui conserváret legem Excélsi.

Allelúja, allelúja.

In Festo S. Silvestri Papæ et Confessoris.

V. Psal. 88. Invéni David servum meum, óleo sancto meo unxi eum. Allelúja.

Sequéntia sancti Evangélíi secúndum Lucam. Luc. 12. e

IN illo témpore: Dixit Jesus discipulis suis: Sint lumbi vestri præcincti, et lucernæ ardéntes in máni-bus vestris, et vos símiles homínibus expectántibus dóminum suum quan-do revertátur à núptiis: ut, cum vé-nerit, et pulsáverit, conféstim apéri-ant ei. Beáti servi illi, quos, cum vénerit dóminus, invénerit vigilán-tes: amen dico vobis, quod præcínget se, et fáciat illos discúmbere, et tránsiens ministrábit illis. Et si vé-nerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quó-niam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti; quia qua hora non putátis, Fílius hóminis véniet. **Credo.**

Offertorium. Psal. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

SAncti tui nos, Dómine quæsu-mus, ubique lætíficent: ut dum eórum mérita recólimus, patrocínia sentiámus. Per Dóminum nostrum.

De Nativitate. Secreta.

OBláta, Dómine, múnera, nova Unigéniti tui nativité sanctí-fica: nosque à peccatórum nostrórum máculis emúnda.

De sancto Stephano. Secreta.

Suscipe, Dómine, múnera pro tuórum commemoratióne San-ctórum: ut, sicut illos pássio glorió-sos effécit; ita nos devótió reddat innócuos.

De sancto Joanne. Secreta.

Suscipe, Dómine, múnera quæ in ejus tibi solemnitáte deférimus, cujus nos confídimus patrocínio liberári.

De SS. Innocentibus. Secreta.

Sanctórum tuórum, Dómine, no-bis pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum.

Communio. Matth. 24. Beátus ser-vus, quem, cum vénerit dóminus, invénerit vigilántem: amen dico vobis, super ómnia bona sua con-stítuet eum.

Postcommunio.

PRæsta, quæsumus omnípotens Deus: ut de percéptis munéri-bus grátias exhibéntes, intercedénte beáto Silvéstro confessóre tuo atque Pontífice, beneficia potióra sumá-mus. Per Dóminum.

De Nativitate. Postcommunio.

PRæsta, quæsumus omnípotens Deus: ut natus hódie Salvátor mundi, sicut divínæ nobis generatió-nis est auctor; ita et immortalitátis sit ipse largítor.

De S. Stephano. Postcommunio.

Auxiliéntur nobis, Dómine, sumpta mystéria: et, interce-dénte beáto Stéphanó mártire tuo, sempitérna protectióne confirment.

De sancto Joanne. Postcommunio.

Refécti cibo potúque cœlesti, Deus noster, te súpplíces de-precámur: ut in cujus hæc com-me-moratióne percépimus, ejus muniá-mur et précibus.

De SS. Innocent. Postcommunio.

Votíva, Dómine, dona percépi-mus: quæ Sanctórum nobis précibus, et præsentis quæsumus vitæ, páriter et æternæ tribue con-férre subsidium. Per Dóminum.


IN
CIRCUMCISIONE DOMINI
 ET
OCTAVA NATIVITATIS.

STATIO

ad sanctam Mariam trans Tiberim.

Introitus.

Isaïæ 9.



PUerna-
tus est
nobis &
filius
datus
est no-
bis: cu-
jus im-
périum

super húmerum e-
jus: et vocábitur
nomen ejus, magni
consílii Angelus.

Ps. 97. Cantáte
Dómino cánticum
novum: quia mira-
bília fecit.

V. Glória Patri.

Oratio.

DEus, qui sa-
lútis æternæ,
beátæ Mariæ virgi-
nitáte fecúnda, hu-

máno géneri præmia præstitísti: trí-
bue quæsumus; ut ipsam pro nobis
intercedere sentiámus, per quam
merúimus auctórem vitæ suscipere,
Dóminum nostrum Jesum Christum
Fílium tuum: Qui tecum vivit et
regnat.

Léctio Epístolæ beáti Pauli Apó-
stoli ad Titum.

Tit. 2. c

CArissime: Appáruit grátia Dei
Salvatóris nostri ómnibus ho-
mínibus, erúdiens nos, ut abnegán-
tes impietátem, et sæculária desidé-
ria, sóbrie, et juste, et pie vivámus
in hoc sæculo, expectántes beátam

spem, et advéntum glóriæ magni
Dei, et Salvatóris nostri Jesu Christi,
qui dedit semetípsum pro nobis, ut
nos redímeret ab omni iniquitáte, et
mundáret sibi pópulum acceptábilem,
sectatórem bonórum óperum. Hæc
lóquere, et exhortáre: in Christo
Jesu Dómino nostro.

Graduale: Psal. 97. Vidérunt omnes
fines terræ salutáre Dei nostri: jubi-
láte Deo omnis terra.

V. Notum fecit Dóminus salutáre
suum: ante conspéctum Géntium
revelávit justítiam suam.

Allelúja, allelúja.

V. Hebr. 1. Multifárie olim Deus
loquens pátribus in Prophétis, no-
víssime diébus istis locútus est nobis
in Fílio. **Allelúja.**

**Sequéntia sancti Evangélíi se-
cúndum Lucam. Lucæ 2. c**

IN illo témpore: Postquam con-
summáti sunt dies octo, ut cir-
cumciderétur puer: vocátum est no-
men ejus Jesus, quod vocátum est
ab Angelo, priúsqvam in útero con-
ciperétur. **Credo.**

Offertorium. Psal. 88. Tui sunt
cœli, et tua est terra: orbem ter-
rarum, et plenitúdinem ejus tu fun-
dásti: justítia et judícium præparátio
sedis tuæ. **Secreta.**

MUnéribus nostris, quæsumus
Dómine, precibúsqve sus-
céptis: et cœléstibus nos munda
mystériis, et cleménter exáudi. Per
Dóminum nostrum Jesum Christum
Fílium tuum: Qui tecum vivit et
regnat in unitáte Spíritus sancti
Deus: per ómnia sæcula sæculórum.

Communio. Ps. 97. Vidérunt omnes
fines terræ salutáre Dei nostri.

In Octava S. Stephani Protomartyris.

Postcommunio.

HÆc nos commúnio, Dómine, purget à crimine: et intercedente beáta Vírgine Dei genitríce María, coeléstis remédii fáciat esse consórtes. Per eúmdem Dóminum nostrum Jesum Christum Fílium tuum: Qui tecum vivit et regnat in unitáte.

§ Si aliqua ex sequentibus Octavis in Dominica venerit, dicitur Missa de Octava: de Dominica vero nihil fit.

IN OCTAVA

Sancti Stephani Protomartyris.

Introitus.

Psal. 118.



Edérunt principes, et advérsus me loquebántur: et iníqui persecúti sunt me: ádjuva me, Dómine Deus meus, quia servus tuus exercebátur in tuis justificatió-nibus.

Psal. ibid. Beáti immaculáti in via: qui ámbulant in lege Dómini.

V. Glória Patri. Oratio.

OMnípotens sempitérne Deus, qui primítias mártýrum in beáti levítæ Stéphaní sánguine dedicásti: tríbe quæsumus; ut pro nobis intercéssor exístat, qui pro suis étiam persecutóribus exorávit Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus: per ómnia sæcula sæculórum.

De sancto Joanne. Oratio.

ECclésiam tuam, Dómine, benígnus illústra: ut beáti Joánnis Apóstoli tui et Evangelistæ illumi-náta doctrínis, ad dona pervéniat sempitérna.

De SS. Innocentibus. Oratio.

DEus, cujus hodiérna die præcónium Innocéntes mártýres non loquendo, sed moriendo conféssi sunt: ómnia in nobis vitiórum mala mortífica; ut fidem tuam, quam lingua

nostra lóquitur, étiam móribus vita fateátur. Per Dóminum nostrum Jesum Christum Fílium tuum: Qui tecum vivit et regnat in unitáte.

Lectio Actuum Apostolorum.

Act. 6. c et 7 g

IN diébus illis: Stéphanus plenus grátia et fortitúdine, faciébat prodígia et signa magna in pópulo. Surrexérunt autem quidam de synagóga, quæ appellátur Libertinórum, et Cyrenénsium, et Alexandrinórum, et eórum qui erant à Cilícia, et Asia, disputántes cum Stéphanó: et non póterant resistere sapiéntiæ, et Spíritui, qui loquebátur. Audiéntes autem hæc, dissecabántur córdibus suis, et stridébant déntibus in eum. Cum autem esset Stéphanus plenus Spíritu sancto, inténdens in cœlum, vidit glóriam Dei, et Jesum stantem à dextris Dei. Et ait: Ecce vídeo cœlos apértos, et Fílium hóm-nis stantem à dextris Dei. Exclamán-tes autem voce magna continuérunt aures suas, et ímpetum fecérunt unanimiter in eum. Et ejiciéntes eum extra civitátem lapidábant: et testes deposuérunt vestiménta sua secus pedes adolescéntis, qui vocabátur Saulus. Et lapidábant Stéphanum invocántem, et dicéntem: Dómine Jesu súscipe spíritum meum. Pósitis autem génibus, clamávit vocem magna, dicens: Dómine, ne státuas illis hoc peccátum. Et cum hoc dixisset, obdormívit in Dómino.

Graduale. Ps. 118. Sedérunt príncipes, et advérsus me loquebántur: et iníqui persecúti sunt me.

V. Adjuva me, Dómine Deus meus: salvum me fac propter misericórdiam tuam. Allelúja, allelúja.

V. Act. 7. Vídeo cœlos apértos, et Jesum stantem à dextris virtútis Dei. Allelúja.

Sequéntia sancti Evangélíi secúndum Matthæum. Matth. 23. d

IN illo témpore: Dicébat Jesus Scribis et Phariséis: Ecce ego

In Octava SS. Innocentium.

mitto ad vos Prophétas, et sapiéntes, et Scribas, et ex illis occidétis, et crucifigétis, et ex eis flagellábitis in synagógis vestris, et persequémmini de civitaté in civitátem: ut véniat super vos omnis sanguis justus, qui effúsus est super terram, à sánguine Abel justi usque ad sánguinem Zachariæ, filii Barachíæ, quem occidístis inter templum et altáre. Amen dico vobis, vénient hæc ómnia super generatióem istam. Jerúsalem, Jerúsalem, quæ occidis Prophétas, et lápidas eos, qui ad te missi sunt, quóties vólui congregáre filios tuos, quemádmódum gallína cóngregat pullos suos sub alas, et noluísti? Ecce relinquétur vobis domus vestra desérta. Dico enim vobis, non me vidébitis ámodo, donec dicátis: Benedíctus, qui venit in nómine Dómini.

Credo.

Offertorium. Act. 6. et 7. Elegérunt Apóstoli Stéphanum levítam, plenum fide et Spíritu sancto: quem lapidavérunt Judæi orántem, et dicéntem: Dómine Jesu, áccipe spíritum meum, allelúja.

Secreta.

Suscipe, Dómine, múnera pro tuórum commemoratióne Sanctorum: ut, sicut illos pássio gloriósa effécit; ita nos devótió reddat innócuos. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus: per ómnia sácula sæculórum.

De sancto Joanne. Secreta.

Suscipe, Dómine, múnera quæ in ejus tibi solemnitáte deférimus, cujus nos confídimus patrocínio liberári.

De SS. Innocentibus. Secreta.

Sanctorum tuorum, Dómine, nobis pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum nostrum Jesum Christum Fílium tuum: Qui tecum vivit.

Præfatio tantum de Nativitate.

Communio. Act. 7. Vídeo cœlos apértos, et Jesum stantem à dextris virtútis Dei: Dómine Jesu, áccipe spíritum meum, et ne státuas illis hoc peccátum.

Postcommunio.

Auxiliéntur nobis, Dómine, sumpta mystéria: et, intercedente beáto Stéphanó mártire tuo, sempitérna protectiόne confirmet. Per Dóminum nostrum Jesum Christum Fílium tuum: Qui tecum vivit et regnat.

De S. Joanne. Postcommunio.

Refécití cibo potúque cœlesti, Deus noster, te súpplices deprecámur: ut, in cujus hæc commemoratiόne percépimus, ejus muniámur et précibus.

Pro SS. Innocent. Postcommunio.

Votíva, Dómine, dona percépimus: quæ Sanctorum nobis précibus, et præsentis quæsumus vitæ, páriter et æternæ tribue conférre subsidium. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti.

§ In Octava S. Joannis Missa dicitur sicut in ejus Festo, cum commemoratione de SS. Innocentibus tantum. Et dicitur Credo, et Præfatio de Apostolis.

IN OCTAVA

SS. Innocentium.

Introitus. Psal. 8.



X ore infántium, Deus, et lacténtium perfecísti laudem propter inimícos tuos.

Ps. ibid. Dómine

Dóminus noster: quam admirábile est nomen tuum in univérsa terra!

V. Glória Patri.

Et dicitur Glória in excélsis.

Oratio.

Deus, cujus hodiérna die præcónium Innocéntes

martyres non loquendo, sed moriendo confessi sunt: omnia in nobis vitiorum mala mortifica; ut fidem tuam, quam lingua nostra loquitur, etiam moribus vita fateatur. Per Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus: per omnia secula seculorum.

Lectio libri Apocalypsis beati Joannis Apostoli. **Apoc. 14.**

IN diebus illis: Vidi supra montem Sion Agnum stantem, et cum eo centum quadraginta quatuor millia habentes nomen ejus, et nomen Patris ejus scriptum in frontibus suis. Et audivi vocem de coelo, tamquam vocem aquarum multarum, et tamquam vocem tonitruum magni: et vocem, quam audivi, sicut citharodorum citharizantium in citharis suis. Et cantabant quasi canticum novum ante sedem, et ante quatuor animalia, et seniores: et nemo poterat dicere canticum, nisi illa centum quadraginta quatuor millia, qui empti sunt de terra. Hi sunt, qui cum mulieribus non sunt coinquinati: Virgines enim sunt. Hi sequuntur Agnum quocumque ierit. Hi empti sunt ex hominibus primitiae Deo, et Agno, et in ore eorum non est inventum mendacium: sine macula enim sunt ante thronum Dei.

Graduale. Psal. 123. Anima nostra, sicut passer erepta est de laqueo venantium.

V. Laqueus contritus est, et nos liberati sumus: adiutorium nostrum in nomine Domini, qui fecit coelum et terram. **Alleluya, alleluya.**

V. Ps. 112. Laudate pueri Dominum, laudate nomen Domini. **Alleluya.**

Sequentia sancti Evangelii secundum Matthaeum. Matth. 2. c

IN illo tempore: Angelus Domini apparuit in somnis Joseph, dicens: Surge, et accipe puerum, et matrem ejus, et fuge in Aegyptum, et esto ibi usque dum dicam tibi.

Futurum est enim, ut Herodes quaerat puerum ad perdendum eum. Qui consurgens accepit puerum, et matrem ejus nocte, et secessit in Aegyptum: et erat ibi usque ad obitum Herodis: ut adimpleretur quod dictum est a Domino per Prophetam dicentem: Ex Aegypto vocavi Filium meum. Tunc Herodes videns quoniam illusus esset a Magis, iratus est valde, et mittens occidit omnes pueros, qui erant in Bethlehém, et in omnibus finibus ejus, a bimatu et infra, secundum tempus quod exquisierat a Magis. Tunc adimpleretur quod dictum est per Jeremiam Prophetam dicentem: Vox in Rama audita est, ploratus et ululatus multus: Rachel plorans filios suos, et noluit consolari, quia non sunt.

Non dicitur Credo, nisi venerit in Dominica.

Offertorium. Psal. 123. Anima nostra, sicut passer, erepta est de laqueo venantium: laqueus contritus est, et nos liberati sumus. **Secreta.**

Sanctorum tuorum, Domine, nobis pia non desit oratio: quae et munera nostra conciliet, et tuam nobis indulgentiam semper obtineat. Per Dominum nostrum Jesum Christum Filium tuum: Qui tecum vivit et regnat.

Præfatio de Nativitate.

Communio. Matth. 2. Vox in Rama audita est, ploratus et ululatus: Rachel plorans filios suos, et noluit consolari, quia non sunt.

Postcommunio.

Votiva, Domine, dona percipimus: quae Sanctorum nobis precibus, et praesentis quaesumus vitae, pariter et aeternae tribue conferre subsidium. Per Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus: per omnia secula seculorum.


Dicitur Ite Missa est.

In Vigilia Epiphaniæ.

IN VIGILIA EPIPHANIÆ.

Introitus.

Sap. 18.



Um médium silénti-
um tenérent ómnia,
et nox in suo cur-
su médium iter ha-
béret, omnípotens
sermo tuus Dómine,

de cœlis à regálibus sédibus venit.

Psal. 92. Dóminus regnávít, de-
córem indútus est: indútus est Dó-
minus fortitúdinem, et præcínxit se.

V. Glória Patri. Oratio.

OMnípótens sempitérne Deus,
dirige actus nostros in bene-
plácito tuo: ut in nómine dilécti Fílii
tui, mereámur bonis opéribus abun-
dáre. Qui tecum vivit et regnat.

**Pro commemoratione S. Telesphori
Papæ et martyris. Oratio.**

DEus, qui nos beáti Telésphori
mártiris tui atque Pontíficis
ánnuæ solemnitáte lætíficas: concéde
propítius; ut cujus natalítia cólimus,
de ejúsdem étiam protectióne gau-
deámus.

De sancta Maria. Oratio.

DEus, qui salutis æternæ, beátæ
Mariæ virginitáte fecúnda,
humáno géneri præmia præstitísti:
tribue quæsumus; ut ipsam pro nobis
intercedere sentiámus, per quam
merúimus auctórem vitæ suscipere
Dóminum nostrum Jesum Christum
Fílium tuum: Qui tecum vivit et
regnat.

**Léctio Epístolæ beáti Pauli Apó-
stoli ad Gálatas. Gal. 4.**

FRatres: Quanto témpore hæres
párvulus est, nihil differt à servo,
cum sit dóminus ómnium: sed sub
tutóribus et actóribus est, usque ad
præfínitum tempus à patre: ita et
nos cum essémus párvuli, sub ele-
méntis mundi erámus serviéntes. At
ubi venit plenitúdo témporis, misit
Deus Fílium suum factum ex muliere,
factum sub lege, ut eos, qui sub lege
erant, redímeret, ut adoptiónem fili-
órum reciperémus. Quóniam autem

estis fílii, misit Deus spíritum filii
sui in corda vestra, clamántem:
Abba, Pater. Itaque jam non est
servus, sed fílius: quod si filius, et
hæres per Deum.

Graduale. Ps. 44. Speciósus forma
præ filiis hóminum: diffúsa est grátia
in lábiis tuis.

**V. Eructávit cor meum verbum bo-
num, dico ego ópera mea Regi:
lingua mea cálamus scribæ, velóciter
scribéntis. Allelúja, allelúja.**

V. Psal. 92. Dóminus regnávít, de-
córem índuit: índuit Dóminus forti-
túdinem, et præcínxit se virtúte.
Allelúja.

**Sequéntia sancti Evangélíi se-
cúndum Matthæum. Matth. 2. d**

IN illo témpore: Defúnto Heró-
de, ecce Angelus Dómini ap-
páruit in somnis Joseph in Ægypto,
dicens: Surge, et áccipe púerum, et
matrem ejus, et vade in terram Israel:
defúnti sunt enim, qui quærébant
ánimam púeri. Qui consúrgens, accé-
pit púerum, et matrem ejus, et venit
in terram Israel. Audiens autem,
quod Archeláus regnáret in Judæa
pro Heróde patre suo, tímuit illò ire:
et admónitus in somnis, secéssit in
partes Galilææ. Et véniens habitávit
in civitáte, quæ vocátur Názareth:
ut adimplerétur quod dictum est per
Prophétas: Quóniam Nazaræus vo-
cábitur.

Offertorium. Ps. 92. Deus firmávit
orbem terræ, qui non commovébitur:
paráta sedes tua, Deus, ex tunc, à
sæculo tu es. **Secreta.**

Concéde quæsumus omnípotens
Deus: ut óculis tuæ majestátis
munus oblátum, et grátiam nobis piæ
devotiónis obtíneat, et efféctum
beátæ perennitátis acquirat. Per
Dóminum.

De sancto Telesphoro. Secreta.

MUnera tibi, Dómine, dicáta
sanctífica: et intercedénte beá-
to Telésphoro mártire tuo atque Pon-
tífice, per éadem nos placátus inténde.

In Vigilia Epiphaniæ.

De sancta Maria. Secreta.

MUnéribus nostris, quæsumus Dómine, precibúsque susceptis: et cœlestibus nos munda mysteriis, et clementer exaudi. Per Dóminum nostrum Jesum Christum Fílium tuum: Qui tecum vivit et regnat.

Præfatio de Nativitate.

Communio. Matth. 2. Tolle púerum, et matrem ejus, et vade in terram Israel: defúnci sunt enim, qui quærebant ánimam púeri.

Postcommunio.

Per hujus Dómine, operationem mysterii, et vítia nostra purgéntur, et justa desidéria compleántur. Per Dóminum.


De sancto Telesphoro.

Postcommunio.

Refécti participatióne múnneris sacri, quæsumus Dómine Deus noster: ut, cujus exéquimur cultum, intercedente beáto Telésphoro mártire tuo atque Pontífice, sentiámus effectum.

De sancta Maria. Postcommunio.

Hæc nos commúnio, Dómine, purget à crimine: et intercedente beáta Vírgine Dei genitrice María, cœlestis remédii fáciat esse consórtes. Per eúndem Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus: per ómnia sæcula sæculórum. **R.** Amen.



IN EPIPHANIA DOMINI.

Statio ad sanctum Petrum.

Introitus.
Malach. 3.

Ecce advénit dominátor Dóminus: et regnum in manuejus, et potestas et impérium.

Psal. 71. Deus iudicium tuum Regi da: et iustitiam tuam Fílio Regis.

V. Glória Patri.

Oratio.

Deus, qui hodiérna die Unigénitum tuum Géntibus stella duce revelásti: concéde propítius; ut, qui jam te ex fide cognóvimus, usque ad contemplándam spéciem tuæ celsitudinis perducámur. Per eúmdem Dóminum.

Lectio Isaíæ Prophétæ.

Isaíæ 60.

Surge, illumináre Jerúsalem: quia venit lumen tuum, et glória Dómini super te orta est. Quia ecce ténebræ opérient terram, et caligo pópulos: super te autem oriétur Dóminus, et glória ejus in te vidébitur. Et ambulábunt Gentes in lúmine tuo, et Reges in splendóre ortus tui. Leva in circúitu óculos tuos, et vide: omnes isti congregáti sunt, venérunt tibi: filii tui de longe vénient, et filíæ tuæ de látere surgent. Tunc vidébis, et áfflues, et mirábitur et dilatábitur cor tuum, quando convérsa fúerit ad te multitúdo maris, fortitúdo Géntium

vénierit tibi. Inundátio camelórum opériet te, dromedárii Mádian et Ephá: omnes de Saba vénient, aurum et thus deferéntes, et laudem Dómino annuntiántes.

Graduale. ib. Omnes de Saba vénient, aurum et thus deferéntes, et laudem Dómino annuntiántes.

V. Surge, et illumináre Jerúsalem: quia glória Dómini super te orta est. **Allelúja, allelúja.**

V. Matth. 2. Vídimus stellam ejus in Oriénte, et vénimus cum munéribus adoráre Dóminum. **Allelúja.**

Sequéntia sancti Evangélíi secúndum Matthæum. Matth. 2.

Cum natus esset Jesus in Béthlehem Juda in diébus Heródis regis, ecce Magi ab Oriénte venérunt Jerosólymam, dicéntes: Ubi est qui natus est Rex Judæórum? Vídimus enim stellam ejus in Oriénte, et vénimus adoráre eum. Audiens autem Heródes rex, turbátus est, et omnis Jerosólyma cum illo. Et cóngregans omnes príncipes sacerdotum, et Scribas pópuli, sciscitabátur ab eis ubi Christus nascerétur. At illi dixerunt ei: In Béthlehem Judæ: sic enim scriptum est per Prophétam: Et tu Béthlehem terra Juda, nequáquam mínima es in princípibus Juda: ex te enim éxiet dux, qui regat pópulum meum Israel. Tunc Heródes, clam vocátis Magis, diligénter dídicit ab eis tempus stellæ, quæ apparuit eis: et mittens illos in Béthlehem, dixit: **Ite, et interrogáte diligénter de púero: et cum invenéritis, renuntiáte mihi, ut et ego véniens adórem eum.** Qui cum audissent regem, abiérunt. Et ecce stella, quam viderant in Oriénte, antecedébat eos, usque dum véniens staret supra, ubi erat puer. Vidéntes

Dominica infra Octavam Epiphaniæ.

autem stellam gavisi sunt gaudio magno valde. Et intrantes domum, invenérunt púerum cum María matre ejus, (**Hic genuflectitur**) et procidentes adoravérunt eum. Et apértis thesáuris suis, obtulérunt ei múnera, aurum, thus, et myrrham. Et respónso accépto in somnis ne redírent ad Heródem, per áliam viam revérsi sunt in regiónem suam. **Credo.**

Offertorium. Psal. 71. Reges Tharsis, et insulæ múnera ófferent: reges Arabum et Saba dona addúcent: et adorábunt eum omnes reges terræ, omnes gentes sérvient ei.

Secreta.

Eclésiæ tuæ, quæsumus Dómine, dona propítius intúere: quibus non jam aurum, thus, et myrrha profértur; sed quod eisdem munéribus declarátur, immolátur et súmitur, Jesus Christus Fílius tuus Dóminus noster: Qui tecum vivit.

Præfatio. Quia cum Unigénitus tuus.

Et infra actionem. Communicántes, et diem sacratíssimum, etc. **ut in Præfationibus, et dicuntur per totam Octavam.**

Communio. Matth. 2. Vídimus stellam ejus in Oriénte, et vénimus cum munéribus adoráre Dóminum.

Postcommunio

Præsta, quæsumus omnipotens Deus: ut quæ solémni celebrámus officio, purificátæ mentis intelligéntia consequámur. Per Dóminum.

Infra Octavam Epiphaniæ fit idem Officium, quod in die: et post Orationem diei dicuntur Orationes, Deus, qui salutis æternæ. et Ecclesiæ tuæ. vel pro Papa, Deus ómnium fidélium. ut infra in Dominica secunda post Epiph. fol. 42.

De Festis Duplicibus et Semiduplicibus, quæ infra Octavam veniunt, nihil tunc agitur (nisi tantum de Patrono vel Titulari Ecclesiæ, et de Dedicat. ejusdem, in propria Ecclesia, non tamen in die Oct.) sed peracta

Octava celebrantur: de Simplicibus vero fit tantum commemoratio.

In Dominica infra Octavam Missa dicitur ut infra. Quod si Epiphania venerit in Dominica, ipsa Missa Dominicæ dicitur in Sabbato infra Octavam, et in die Oct. nihil fit de Dominica.

**DOMINICA INFRA OCTAVAM
Epiphaniæ.**

Introitus.

In excélsio throno vidi sedére virum, quem adórat multitúdo Angelórum psalléntes in unum: ecce cujus impérii nomen est in ætérnum.

Psal. 99. Jubiláte Deo omnis terra: servíte Dómino in lætítia.

V. Glória Patri. Oratio.

Vota, quæsumus Dómine, supplicántis pópuli cœlésti pietáte proséquere: ut, et quæ agénda sunt, vídeant; et ad implénda quæ viderint, convalescant. Per Dóminum nostrum.

Et fit commem. de Oct. Epiph.

Oratio.

Deus, qui hodiérna die Unigénitum tuum Géntibus stella duce revelásti: concéde propítius; ut, qui jam te ex fide cognóvimus, usque ad contemplándam spéciem tuæ celsitúdinis perducámur. Per eúndem Dóminum.

Léctio Epístolæ beáti Pauli Apóstoli ad Romános. Rom. 12.

Fratres; Obsecro vos per misericórdiam Dei, ut exhibeátis corpora vestra hóstiam vivéntem, sanctam, Deo placéntem, rationábile obséquium vestrum. Et nolíte conformári huic sæculo, sed reformámini in novitáte sensus vestri: ut probétis quæ sit volúntas Dei bona, et benéplacens, et perfécta. Dico enim per grátiam, quæ data est mihi, omnibus qui sunt inter vos: non plus sápere,

In Octava Epiphaniæ.

quam opórtet sápere, sed sápere ad sobrietátem: et unicuique sicut Deus divísit mensúram fidei. Sicut enim in uno córpore multa membra habémus, ómnia autem membra non eúmdem actum habent: ita multi unum corpus sumus in Christo, sínguli autem alter altérius membra: in Christo Jesu Dómino nostro.

Graduale. Psal. 71. Benedictus Dóminus Deus Israel, qui facit mirabilia magna solus à sæculo.

V. Suscípiant montes pacem pópulo tuo, et colles justítiam. **Allelúja, allel.**

V. Ps. 99. Jubiláte Deo omnis terra: servíte Dómino in lætítia. Allelúja

Sequéntia sancti Evangélíi secúndum Lucam. Luc. 2. f

CUm factus esset Jesus annórum duódecim, ascendéntibus illis Jerosólymam secúndum consuetúdinem diéi festi, consummátisque diébus, cum redírent, remánsit puer Jesus in Jerúsalem, et non cognovérunt paréntes ejus. Existimántes autem illum esse in comitátu, venérunt iter diéi, et requirébant eum inter cognátos, et notos. Et non inveniéntes, regréssi sunt in Jerúsalem, requiréntes eum. Et factum est, post trídium invenérunt illum in templo sedéntem in médio doctórum, audiéntem illos, et interrogántem eos. Stupébant autem omnes, qui eum audiébant, super prudéntia, et respónsis ejus. Et vidéntes admiráti sunt. Et dixit mater ejus ad illum: Fili, quid fecísti nobis sic? ecce pater tuus, et ego doléntes quærebámus te. Et ait ad illos: Quid est, quod me quærebátis? nesciebátis, quia in his, quæ Patris mei sunt, opórtet me esse? Et ipsi non intellexérunt verbum, quod locútus est ad eos. Et descendit cum eis, et venit Náza-reth: et erat súbditus illis. Et mater ejus conservábat ómnia verba hæc in corde suo. Et Jesus proficiébat sapiéntia, et ætáte, et grátia apud Deum, et hómines. **Credo.**

Offertorium. Psal. 99. Jubiláte Deo omnis terra, servíte Dómino in lætítia: intráte in conspéctu ejus in exultatióne, quia Dóminus ipse est Deus.

Secreta.

OBlátum tibi, Dómine, sacrificium vivíficet nos semper, et múniat. Per Dóminum nostrum.

De Epiphania. Secreta.

ECclésiæ tuæ, quæsumus Dómine, dona propítius intuére: quibus non jam áurum, thus, et myrrha profértur; sed quod eisdem muneribus declarátur, immolátur, et súmitur, Jesus Christus Fílius tuus Dóminus noster: Qui tecum.

Communio. Luc. 2. Fili, quid fecísti nobis sic? ego, et pater tuus doléntes quærebámus te. Et quid est, quod me quærebátis? nesciebátis, quia in his quæ Patris mei sunt, opórtet me esse? **Postcommunio.**

Supplices te rogámus, omnípotens Deus: ut quos tuis réficis sacraméntis, tibi étiam plácitis móribus dignánter deservíre concédas. Per Dóminum.

De Epiphania. Postcommunio.

PRæsta quæsumus omnípotens Deus: ut quæ solémni celebrá-mus officio, purificátæ mentis intelligéntia consequámur. Per Dóminum.

IN OCTAVA
EPIPHANIÆ.

Introitus. Malach. 3.



Cce advénit dominátor Dóminus: et regnum in manu ejus, et potéstas, et impérium.

Psal. 71. Deus judícium tuum Regi da: et justítiam tuam Fílio Regis.

V. Glória Patri. Oratio.

DEus, cujus Unigénitus in substántia nostræ carnis apparuit: præsta quæsumus; ut per eum, quem

In Octava Epiphaniæ.

similem nobis foris agnóvimus, intus reformári mereámur: Qui tecum vivit.

Lectio Isaíæ Prophétæ. Isaíæ 60.

Surge, illumináre Jerúsalem: quia venit lumen tuum, et glória Dómini super te orta est. Quia ecce ténebræ opérient terram, et caligo pópulos: super te autem oriétur Dóminus, et glória ejus in te vidébitur. Et ambulábunt Gentes in lúmine tuo: et reges in splendóre ortus tui. Leva in circúitu óculos tuos, et vide: omnes isti congregáti sunt, venérunt tibi: filii tui de longe vénient, et filiæ tuæ de látere surgent. Tunc vidébis, et áfflues, et mirábitur et dilatábitur cor tuum, quando convérta fúerit ad te multitúdo maris, fortitúdo Géntium vénerit tibi. Inundátio camelórum opériet te, dromedárii Mábian et Ephá: omnes de Saba vénient, aurum et thus deferéntes, et laudem Dómino annuntiántes.

Graduale. ibid. Omnes de Saba vénient, aurum et thus deferéntes, et laudem Dómino annuntiántes.

V. Surge, et illumináre Jerúsalem: quia glória Dómini super te orta est.

Allelúja, allelúja.

V. Matth. 2. Vídimus stellam ejus in Oriénte: et vénimus cum munéribus adoráre Dóminum. **Allelúja.**

Sequéntia sancti Evangélíi secúndum Joánnem. Joan. 1. d

IN illo témpore: Vidit Joánnes Jesum veniéntem ad se, et ait: Ecce Agnus Dei, ecce qui tollit peccátum mundi. Hic est, de quo dixi: Post me venit vir, qui ante me factus est: quia prior me erat. Et ego nesciébam eum, sed ut manifestétur in Israel, proptérea veni ego in aqua baptizans. Et testimónium perhibuit Joánnes, dicens: Quia vidi Spíritum descendéntem quasi colúmbam de cœlo, et mansit super eum. Et ego nesciébam eum: sed qui misit me baptizáre in aqua, ille mihi dixit: Super quem víderis Spíritum descendentem, et manéntem super eum,

hic est, qui baptizat in Spíritu sancto. Et ego vidi: et testimónium perhibui, quia hic est Fílius Dei. **Credo.**

Offertorium. Psal. 71. Reges Tharsis et insulæ múnera ófferent: reges Arabum et Saba dona addúcent: et adorábunt eum omnes reges terræ, omnes Gentes sérvient ei.

Secreta.

Hostias tibi, Dómine, pro nati Fílii tui apparitióne deférimus, suppliciter exorántes: ut, sicut ipse nostrórum áuctor est múnorum, ita sit ipse miséricors et suscéptor, Jesus Christus Dóminus noster: Qui tecum.

Communio. Matth. 2. Vídimus stellam ejus in Oriénte: et vénimus cum munéribus adoráre Dóminum.

Postcommunio.

Cœlésti lúmine, quæsumus Dómine, semper et ubíque nos præveni: ut mystérium, cujus nos partícipes esse voluísti, et puro cer námus intúitu, et digno percipiámus afféctu. **Per Dóminum.**

§ **Ab Oct. Epiph. usque ad Purificationem, nisi fuerit Duplex, post Orationem diei dicuntur istæ Orationes.** Deus, qui salútis æternæ, et Ecclesiæ tuæ. **vel Deus ómnium fidélium. ut infra in Dominica secunda post Epiphaniam.**

§ **Si tempus breve fuerit ab Oct. Epiph. usque ad Septuages. ita ut Officia sequentium Dominicarum non possint expleri suis diebus, Officia illarum quæ supersunt post Dominicam ii. post Epiph. eo anno omittuntur, et resumuntur (quoad Orationem, Epistolam, et Evang. dumtaxat) post Dominicam xxiii. post Pentecosten, ut ibi dicitur in Rubrica.**

§ **Si Dominica Septuages. venerit sequenti Dominica post Oct. Epiph. in præcedenti Sabbato, si non est impeditum Festo Semid., dicitur Missa de Dominica secunda post Epiph. cum commem. Festi Simpli- cis, si in eo occurrat. Si vero Sabba-**

Dominica ii. post Epiphaniam.

tum fuerit impeditum Festo Semid., tunc prima die post Oct. Epiph., in qua non sit Festum Duplex, dicitur Missa de ii. Dominica, et Festum Semid. in ea occurrens, transfertur in primam diem similiter non impeditam.

DOMINICA SECUNDA
post Epiphaniam.

Introitus.

Psal. 65.



Mnis terra adóret te, Deus, et psallat tibi: psalmum dicat nómini tuo, Altíssime.

Psal. ibid. Jubiláte

Deo omnis terra, psalmum dícite nómini ejus: date glóriam laudi ejus.

V. Glória Patri.

Dicitur Glória in excelsis, in Dominicis usque ad Septuages. exclusive: in Ferialibus vero diebus, quando resumitur Missa de Dominica præcedenti, non dicitur. Quod servatur et post Pentecost. Oratio.

OMnípotens sempitérne Deus, qui cœléstia simul et terréna moderáris: supplicatiónes pópuli tui cleménter exáudi, et pacem tuam nostris concéde temporibus. Per Dóminum.

De sancta Maria. Oratio.

DEus, qui salútis æternæ, beátæ Mariæ virginitáte fecúnda, humano géneri præmia præstitisti: tribue quæsumus; ut ipsam pro nobis intercédere sentiámus, per quam merúimus auctórem vitæ suscipere, Dóminum nostrum Jesum Christum Fílium tuum.

Contra persecutores Ecclesiæ.

Oratio.

ECclésiæ tuæ, quæsumus Dómine, preces placátus admítte: ut, destrúctis adversitatibus et erróribus univérsis, secúra tibi sérviat libertáte. Per Dóminum.

Vel pro Papa. Oratio.

DEus ómnium fidélium Pastor et rector: fámulum tuum **N.** quem Pastórem Ecclesiæ tuæ præesse voluísti, propítius réspice: da ei, quæsumus, verbo et exémplo, quibus præest, profícere; ut ad vitam, una cum grege sibi crédito, pervéniat sempitérnam. Per Dóminum.

Léctio Epístolæ beáti Pauli Apóstoli ad Romános. **Rom. 12. b**

FRatres: Habéntes donatiónes secúndum grátiam, quæ data est nobis, differentes: sive prophetíam secúndum ratióem fidei, sive ministérium in ministrándo, sive qui docet in doctrína, qui exhortátur in exhortándo, qui tribuit in simplicitáte, qui præest in sollicitúdi-ne, qui miserétur in hilaritáte. Diléctio sine simulatióne. Odiéntes malum, adhæréntes bono: Caritáte fraternitátis invicem diligéntes: Honóre invicem præveniéntes: Sollicitúdi-ne non pigri: Spírítu fervéntes: Dómino serviéntes: Spe gaudéntes: In tribulatióne patientes: Oratióni instántes: Necessitatibus sanctórum communicántes: Hospitalitátem sectántes. Benedícite persequéntibus vos: benedícite, et nolíte maledícere. Gaudére cum gaudentibus, flere cum fléntibus: Idípsum invicem sentiéntes: Non alta sapiéntes, sed humílibus consentiéntes.

Graduale. Psal. 106. Misit Dóminus verbum suum, et sanávit eos: et erípuit eos de intéritu eorum.

V. Confiteántur Dómino misericórdiæ ejus: et mirabília ejus fíliis hóminum. Allelúja, allelúja.

V. Psal. 148. Laudáte Dóminum omnes Angeli ejus: laudáte eum omnes virtútes ejus. Allelúja.

§ Sic dicitur Allelúja cum Versu post Grad. ab Oct. Epiph. usque ad Sept. et ab Oct. Pent. usque ad Adv. etiam infra Hebd. quando resumitur Missa de Dominica.

Dominica ii. post Epiphaniam.

Sequéntia sancti Evangélíi secúndum Joánnem. Joan. 2.

IN illo témpore: Núptiæ factæ sunt in Cana Galilææ: et erat mater Jesu ibi. Vocátus est autem et Jesus, et discipuli ejus, ad núptias. Et deficiente vino, dicit mater Jesu ad eum: vinum non habent. Et dicit ei Jesus: Quid mihi, et tibi est múlíer? nondum venit hora mea. Dicit mater ejus minístris: Quodcúmque dixerit vobis, fácite. Erant autem ibi lapídeæ hydriæ sex pósitæ secúndum purificatiónem Judæórum, capiéntes singulæ metrétas binas vel ternas. Dicit eis Jesus: Impléte hydrias aqua. Et implevérunt eas usque ad summum. Et dicit eis Jesus: Hauríte nunc, et ferte Architriclínó. Et tulérunt. Ut autem gustávit Architriclínus aquam vinum factam, et non sciébat unde esset, (minístri autem sciébant, qui háuserant aquam,) vocat sponsum Architriclínus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit inítium signórum Jesus in Cana Galilææ: et manifestávit glóriam suam, et credidérunt in eum discipuli ejus. **Credo.**

Offertorium. Psal. 65. Jubiláte Deo univérſa terra: psalmum dícite nómini ejus: veníte, et audíte, et narrábo vobis, omnes qui timétis Deum, quanta fecit Dóminus ánimæ meæ, allelúja.

Secreta.

OBláta Dómine múnera sanctífica: nosque à peccatórum nostrórum máculis emúnda. Per Dóminum.

De sancta Maria. Secreta.

MUnéríbus nostris, quæsumus Dómine, precibúſque susceptis: et cœléstibus nos munda mystériis, et cleménter exáudi.

Contra persecutores Ecclesiæ. Secreta.

PRótege nos, Dómine, tuis mystériis serviéntes: ut divínis rebus inhæréntes, et córpore tibi famulémur, et mente. Per Dóminum.

Vel pro Papa. Secreta.

OBlátis, quæsumus Dómine, placáre munéríbus: et fámulum tuum **N.** quem Pastórem Ecclesiæ tuæ præesse voluísti, assídua protectiône gubérna. Per Dóminum nostrum.

Communio. Jo. 2. Dicit Dóminus: Impléte hydrias aqua, et ferte Architriclínó: cum gustásset Architriclínus aquam vinum factam, dicit sponſo: Servásti bonum vinum usque adhuc: hoc signum fecit Jesus primum coram discipulis suis.

Postcommunio.

AUgeátur in nobis, quæsumus Dómine, tuæ virtútis operátio: ut divínis vegetáti sacraméntis, ad eórum promíssa capiéndá, tuo múnere præparémur. Per Dóminum nostrum.

De sancta Maria. Postcommunio.

HÆc nos commúnio, Dómine, purget à crimine, et, intercedénte beáta Vírgine Dei genitríce María, cœléstis remédii fáciat esse consórtes.

Contra persecutores Ecclesiæ. Postcommunio.

QUæsumus Dómine Deus noster: ut, quos divína tribuis participatióne gaudére, humánis non sinas subjacére perículis. Per Dóminum.

Vel pro Papa. Postcommunio.

HÆc nos, quæsumus Dómine, divíni sacraménti percéptio próteget: et fámulum tuum **N.** quem Pastórem Ecclesiæ tuæ præesse voluísti, una cum commísso sibi grege salvet semper, et múníat. Per Dóminum.

Dominica iii. post Epiphaniam.

DOMINICA TERTIA

post Epiphaniam.

Introitus.

Psal. 96.



Adoráte Deum omnes
Angeli ejus: audívit,
et lætáta est Sion:
et exultavérunt filiae
Judæ.

Psalm. ib. Dóminus
regnávit, exúltet terra: læténtur
ínsulæ multæ. **V. Glória Patri.**

Oratio.

OMnípotens sempitérne Deus, in-
firmitátem nostram propítius
réspecte: atque ad protegéndum nos,
dexteram tuæ majestátis exténde.
Per Dóminum.

De sancta Maria. Oratio. Deus, qui
salútis æternæ. fol. 42.

Contra persecutores Ecclesiæ. Ora-
tio. Ecclesiæ tuæ. Ibidem.

Vel pro Papa. Oratio. Deus ómnium
fidélium. **Ibidem.**

Léctio Epístolæ beáti Pauli Apó-
stoli ad Romános. Rom. 12. d

FRatres: Nolite esse prudentes
apud vosmetipsos: nulli malum
pro malo reddentes: providentes
bona non tantum coram Deo, sed
étiam coram ómnibus homínibus. Si
fieri potest, quod ex vobis est, cum
ómnibus homínibus pacem habentes:
Non vosmetipsos defendentes, carís-
simi, sed date locum iræ. Scriptum
est enim: Mihi vindícta; ego retri-
buam, dicit Dóminus. Sed si esurierit
inimicus tuus, ciba illum: si sitit, po-
tum da illi: hoc enim fáciens, carbónes
ignis cóngeres super caput ejus.
Noli vinci à malo, sed vince in bono
malum.

Graduale. Psalmus 101. Timébunt
Gentes nomen tuum Dómine, et
omnes reges terræ glóriam tuam.

V. Quóniam ædificávit Dóminus Si-
on, et vidébitur in majestáte sua.

Allelúja, allelúja.

V. Psal. 96. Dóminus regnávit, exúl-
tet terra: læténtur ínsulæ multæ.
Allelúja.



Sequéntia sancti Evangélíi se-
cúndum Matthæum. Matth. 8.

IN illo témpore: cum descendísset
Jesus de monte, secútæ sunt eum
turbæ multæ: et ecce leprósus vé-
niens adorábat eum, dicens: Dómine,
si vis, potes me mundáre. Et extén-
dens Jesus manum, tétigit eum, di-
cens: Volo. Mundáre. Et conféstim
mundáta est lepra ejus. Et ait illi
Jesus: Vide, némini díxeris; sed
vade, osténde te sacerdoti, et offer
munus, quod præcépit Móyses, in
testimónium illis. Cum autem introís-
set Caphárnaum, accéssit ad eum
Centúrio, rogans eum, et dicens:
Dómine, puer meus jacet in domo
paralyticus, et male torquétur. Et
ait illi Jesus: Ego véniam, et curábo
eum. Et respóndens Centúrio, ait:
Dómine, non sum dignus, ut intres
sub tectum meum: sed tantum dic
verbo, et sanábitur puer meus. Nam
et ego homo sum sub potestáte con-
stitútus, habens sub me mílites, et
dico huic: vade, et vadit; et álii:
veni, et venit; et servo meo: fac hoc,
et facit. Audiens autem Jesus, mirá-
tus est, et sequéntibus se dixit: Amen
dico vobis, non invéni tantam fidem
in Israel. Dico autem vobis, quod
multi ab Oriénte et Occidéntevénient,
et recumbent cum Abraham, et Isaac,
et Jacob in regno cœlórum: filii
autem regni ejiciéntur in ténebras
exterióres: ibi erit fletus et stridor
déntium. Et dixit Jesus Centurióni:
Vade, et sicut credidísti, fiat tibi. Et
sanátus est puer in illa hora. **Credo.**

Offertorium. Psal. 117. Déxtera
Dómini fecit virtútem, déxtera Dó-
mini exaltávit me: non móriar, sed
vivam, et narrábo ópera Dómini.

Secreta.

HÆc hóstia, Dómine quæsumus,
emúndet nostra delícta: et ad
sacrificium celebrándum, subditórum
tibi córpora, mentésque sanctíficet.
Per Dóminum.

Dominica iv. post Epiphaniam.

De sancta Maria. Secreta. Muneribus nostris. fol. 43.

Contra persecutores Ecclesiae. Secreta. Protege nos, Domine. Ibidem.

Vel pro Papa. Secreta. Oblatis, quæsumus Domine. Ibidem.

Communio. Luc. 4. Mirabântur omnes de his, quæ procedébant de ore Dei.

Postcommunio.

Quos tantis, Domine, largiris uti mysteriis: quæsumus, ut effectibus nos eorum veraciter aptare digneris. Per Dominum.

De sancta Maria. Postcommunio. Hæc nos commúnio. fol. 43.

Contra persecutores Ecclesiae. Postcommunio. Quæsumus Domine. Ibid.

Vel pro Papa. Postcommunio. Hæc nos, quæsumus Domine. Ibidem.

DOMINICA QUARTA

post Epiphaniam. Introitus. Ps. 96.



Adoráte Deum omnes Angeli ejus: audívit, et lætáta est Sion: et exultavérunt filiae Judæ. **Ps. ib. Dominus regnávít, exúltet terra: læténtur insulæ multæ.**

V. Glória Patri. Oratio.

Deus, qui nos in tantis periculis constitutos, pro humana scis fragilitate non posse subsistere: da nobis salutem mentis et corporis; ut ea, quæ pro peccatis nostris patimur, te adjuvante vincamus. Per Dominum.

De sancta Maria. Oratio. Deus, qui salutis æternæ. fol. 42.

Contra persecutores Ecclesiae. Oratio. Ecclesiæ tuæ. Ibidem.

Vel pro Papa. Oratio. Deus omnium fidélium. Ibidem.

Si autem hæc Dominica venerit post Festum Purificationis, dicitur secunda Oratio. A cunctis. ut infra in Dominica sequenti. fol. 46. et tertia ad libitum Sacerdotis.

Lectio Epistolæ beati Pauli Apostoli ad Romanos. Rom. 13. c

ERatres: Nèmini quidquam debeátis, nisi ut invicem diligátis: qui enim diligit pròximum, legem implévit. Nam: Non adulterábis: Non occídes: Non furáberis: Non falsum testimónium dices: Non concupíscas: et si quod est aliud mandátum, in hoc verbo instaurátur: Díliges pròximum tuum sicut te ípsum. Diléctio pròximi malum non operátur. Plenitúdo ergo legis est diléctio.

Graduale. Psal. 101. Timébunt Gentes nomen tuum Domine, et omnes reges terræ glóriam tuam.

V. Quóniam ædificávit Dominus Si-on, et vidébitur in majestáte sua.

Allelúja, allelúja.

V. Psal. 96. Dominus regnávít, exúltet terra: læténtur insulæ multæ. Allelúja.

Sequéntia sancti Evangélíi secúndum Matthæum. Matth. 8. c

IN illo témpore: Ascendénte Jesu in navículam, secúti sunt eum discípuli ejus: et ecce motus magnus factus est in mari, ita ut navícula operirétur flúctibus, ipse vero dormiébát. Et accessérunt ad eum discípuli ejus, et suscitavérunt eum, dicéntes: Domine, salva nos, perímus. Et dicit eis Jesus: Quid tímidi estis, módicæ fidei? Tunc surgens, imperávit ventis et mari, et facta est tranquillitas magna. Porro hómines miráti sunt, dicéntes: Qualis est hic, quia venti et mare obédiunt ei? **Credo.**

Offertorium. Psal. 117. Déxtera Dómini fecit virtútem, déxtera Dómini exaltávit me: non móriar, sed vivam, et narrábo ópera Dómini. Secreta.

Concède, quæsumus omnipotens Deus: ut hujus sacrificii munus oblátum, fragilitátem nostram ab omni malo purget semper, et múniat. Per Dominum.

De sancta Maria. Secreta. Muneribus nostris. fol. 43.

Dominica v. post Epiphaniam.

Contra persecutores Ecclesiae. Secreta. Protege nos, Domine. **Ibidem.**
Vel pro Papa. Secreta. Oblatis, quæsumus Domine. **Ibidem.**

Communio. Lucae 4. Mirabantur omnes de his, quæ procedebant de ore Dei. **Postcommunio.**

Munera tua nos, Deus, à delectationibus terrenis expédiant, et cœlestibus semper instaurant alimentis. Per Dominum.

De sancta Maria. Postcommunio.

Hæc nos communitio. fol. 43.

Contra persecutores Ecclesiae. Postcommunio. Quæsumus Domine. Ibid.

Vel pro Papa. Postcommunio. Hæc nos, quæsumus Domine. Ibidem.



DOMINICA QUINTA

post Epiphaniam.

Introitus.

Psal. 96.



Adorate Deum omnes Angeli ejus: audivit, et lætata est Sion: et exultaverunt filiae Judæ.

Psal. ibid. Dominus regnavit, exultet terra: lætentur insulæ multæ.

V. Glória Patri. Oratio.

Familiam tuam, quæsumus Domine, continua pietate custodi: ut quæ in sola spe gratiæ cœlestis innititur, tua semper protectione muniatur. Per Dominum.

Ad poscenda suffragia Sanctorum.

Oratio.

Acunctis nos, quæsumus Domine, mentis et corporis defende periculis: et, intercedente beata et gloriôsa semper Virgine Dei genitrice Maria, cum beatis Apostolis tuis Petro et Paulo, atque beato **N.** et omnibus Sanctis, salutem nobis tribue benignus et pacem: ut, destructis adversitatibus et erroribus universis, Ecclesia tua secûra tibi serviât libertate. Per eundem Dominum. **Si dicatur ultimo loco.**

In hac Oratione nomina SS. Michaelis, Joannis Baptistæ et Joseph præponuntur Apostolis.

Tertia Oratio dicitur ad libitum Sacerdotis.

Lectio Epistolæ beati Pauli Apostoli ad Colossenses. Col. 3. b

Fratres: Induite vos sicut electi Dei, sancti, et dilecti, viscera misericordiæ, benignitatem, humilitatem, modestiam, patientiam: supportantes invicem, et donantes vobismetipsis, si quis adversus aliquem habet querelam: sicut et Dominus donavit vobis, ita et vos. Super omnia autem hæc, caritatem habete, quod est vinculum perfectionis: et pax Christi exultet in cordibus vestris, in qua vocati estis in uno corpore: et grati estote. Verbum Christi habitat in vobis abundanter, in omni sapientia, docentes, et commonentes vosmetipsos, psalmis, hymnis, et canticis spiritalibus, in gratia cantantes in cordibus vestris Deo. Omne quodcumque facitis in verbo aut in opere, omnia in nomine Domini Jesu Christi, gratias agentes Deo et Patri per Jesum Christum Dominum nostrum.

Graduale. Psalmus 101. Timébunt Gentes nomen tuum Domine, et omnes reges terræ glóriam tuam.

V. Quoniam ædificavit Dominus Sion, et videbitur in majestate sua.

Allelûja, allelûja.

V. Psal. 96. Dominus regnavit, exultet terra: lætentur insulæ multæ. Allelûja.

Sequentia sancti Evangelii secundum Matthæum. Matth. 13. c

In illo tempore: Dixit Jesus turbis parabolam hanc: Simile factum est regnum cœlorum homini, qui seminavit bonum semen in agro suo. Cum autem dormirent homines, venit inimicus ejus, et superseminavit zizania in medio tritici, et abiit. Cum autem crevisset herba, et fructum fecisset, tunc apparuerunt et zizania. Accedentes autem servi

patrisfamilias, dixerunt ei: Dómine, nonne bonum semen seminásti in agro tuo? Unde ergo habet zizánia? Et ait illis: Inimícus homo hoc fecit. Servi autem dixerunt ei: Vis, imus, et colligimus ea? Et ait: Non: ne forte colligéntes zizánia, eradicétis simul cum eis et tríticum. Sínite útraque créscere usque ad messem, et in témpore messis dicam messóribus: Collígite primum zizánia, et alligáte ea in fascículos ad comburéndum, tríticum autem congregáte in hórreum meum. **Credo.**

Offertorium. Psal. 117. Déxtera Dómini fecit virtútem, déxtera Dómini exaltávit me: non móriar, sed vivam, et narrábo ópera Dómini.

Secreta.

Hostias tibi Dómine placatiónis offérimus: ut et delícta nostra miserátus absólvas, et nutántia corda tu dírigas. Per Dóminum.

Ad poscenda suffragia Sanctorum. Secreta.

EXáudi nos Deus salutáris noster: ut per hujus sacraménti virtútem, à cunctis nos mentis et córporis hóstibus tueáris; grátiam tríbuens in præsénti, et glóriam in futúro. **Tertia ad libitum.**

Communio. Lucæ 4. Mirabántur omnes de his, quæ procedébant de ore Dei.

Postcommunio.

Quæsumus omnipotens Deus: ut illius salutáris capiámus efféctum, cujus per hæc mystéria pignus accépinus. Per Dóminum.

Ad poscenda suffragia Sanctorum. Postcommunio.

Mundet et múniat nos, quæsumus Dómine, divíni sacraménti munus oblátum: et, intercedénte beáta Vírgine Dei genitríce María, cum beátis Apóstolis tuis Petro et Paulo, atque beáto **N.** et ómnibus sanctis; à cunctis nos reddat et perversitatibus expiátos, et adversitatibus expeditos. **Tertia ad libitum.**

DOMINICA SEXTA
post Epiphaniam. Introitus. Ps. 96.



Doráte Deum omnes Angeli ejus: audívit, et lætáta est Sion: et exultavérunt filiæ Judæ. **Ps. ib.** Dóminus regnávít, exúltet terra: læténtur ínsulæ multæ.

V. Glória Patri. Oratio.

Præsta quæsumus omnipotens Deus: ut semper rationabilia meditántes, quæ tibi sunt plácita, et dictis exequámur, et factis. Per Dóminum.

Ad poscenda suffragia Sanctorum Oratio. A cunctis nos. fol. 46.

Tertia ad libitum.

Lectio Epístolæ beáti Pauli Apóstoli ad Thessalonicénses. **1. Thess. 1.**

Fratres: Grátias ágimus Deo semper pro ómnibus vobis, mé móriam vestri faciéntes in oratióibus nostris sine intermissiône, mé mores óperis fidei vestræ, et labóris, et caritátis, et sustinéntiæ spei Dómini nostri Jesu Christi, ante Deum et Patrem nostrum: sciéntes fratres, dilécti à Deo, electi ónem vestram: quia Evangélium nostrum non fuit ad vos in sermóne tantum, sed et in virtúte, et in Spíritu sancto, et in plenitúdine multa, sicut scitis quales fuérimus in vobis propter vos. Et vos imitatóres nostri facti estis, et Dómini, excipiéntes verbum in tribulatióne multa, cum gáudio Spíritus sancti: ita ut facti sitis forma ómnibus credéntibus in Macedónia, et in Achája. A vobis enim diffamátus est sermo Dómini; non solum in Macedónia, et in Achája, sed et in omni loco fides vestra, quæ est ad Deum, profécta est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos: et quómodo convérsti estis ad Deum à simulácris, servíre Deo vivo, et vero, et expectáre Fílium ejus de cœlis (quem

Dominica in Septuagesima.

suscitavit ex mortuis) Jesum, qui eripuit nos ab ira ventura.

Graduale. Psal. 101. Timebunt Gentes nomen tuum Domine, et omnes reges terrae gloriam tuam.

V. Quoniam aedificavit Dominus Sion, et videbitur in maiestate sua.

Allelúja, allelúja.

V. Psal. 96. Dominus regnavit, exultet terra: laetentur insulae multae. **Allelúja.**

Sequentia sancti Evangelii secundum Matthaeum. Matth. 13. d

In illo tempore: Dixit Jesus turbis parabolam hanc: Simile est regnum coelorum grano sinapis, quod accipiens homo seminavit in agro suo: quod minimum quidem est omnibus seminibus: cum autem creverit, majus est omnibus olivis, et fit arbor, ita ut volucres caeli veniant, et habitent in ramis ejus. Aliam parabolam locutus est eis: Simile est regnum coelorum fermento, quod acceptum mulier abscondit in farinae satis tribus, donec fermentatum est totum. Haec omnia locutus est Jesus in parabolis ad turbas: et sine parabolis non loquebatur eis: ut impleretur quod dictum erat per Prophetam dicentem: Aperiam in parabolis os meum, eructabo abscondita a constitutione mundi. **Credo.**

Offertorium. Psal. 117. Dextera Domini fecit virtutem, dextera Domini exaltavit me: non moriar, sed vivam, et narrabo opera Domini.

Secreta.

Haec nos oblatio, Deus, mundaet quaesumus, et renovet, gubernet, et protegat. **Per Dominum.**

Alia Secreta. Exaudi nos. fol. 47.

Tertia ad libitum.

Communio. Lucae 4. Mirabantur omnes de his, quae procedebant de ore Dei. **Postcommunio.**

Celestibus, Domine, pasti deliciis: quaesumus, ut semper eadem, per quae veraciter vivimus, appetamus. **Per Dominum.**

Alia Postcommunio. Mundaet et muniat nos. fol. 47.

Tertia ad libitum.

DOMINICA

in Septuagesima.

Statio ad S. Laurentium extra muros.

Introitus.

Psal. 17.



Circumdederunt me gemitus mortis, dolores inferni circumdederunt me: et in tribulatione mea invocavi Dominum, et exaudivit de templo sancto suo vocem meam.

Psal. ibid. Diligam te Domine, fortitudo mea: Dominus firmamentum meum, et refugium meum, et liberator meus.

V. Gloria Patri.

Non dicitur Gloria in excelsis, ab hac Dominica usque ad Pascha, exceptis Feria quinta in Cena Domini, et Sabbato sancto, et quando dicitur Missa de Festo.

Oratio.

Preces populi tui, quaesumus Domine, clementer exaudi: ut qui juste pro peccatis nostris affligimur, pro tui nominis gloria misericorditer liberemur. **Per Dominum.**

Ad poscenda suffragia Sanctorum.

Oratio. A cunctis nos. fol. 46.

Tertia ad libitum.

§ Sic dicitur secunda et tertia Oratio a Festo Purificationis, usque ad Feriam iv. Cinerum exclusive, quando non est Duplex: nisi Dominica Septuag. venerit ante Festum Purificationis, vel in ipsa die Purificationis: quia tunc dicuntur Orationes sicut in Dominica secunda post Epiph. de sancta Maria, et contra persecutores Ecclesiae, vel pro Papa. fol. 42. Simili modo fiat in Sexagesima, et Quinquagesima.

Dominica in Septuagesima.

Léctio Epístolæ beāti Pauli Apóstoli ad Corínthios. **1. Cor. 9. d, et 10.**

Fratres: Nescitis quod ii qui in stádio currunt, omnes quidem currunt, sed unus áccipit bravíum? Sic cúrrite, ut comprehendátis. Omnis autem, qui in agóne conténdit, ab ómnibus se ábstinet: et illi quidem ut corruptibilem corónam accípiant; nos autem incorrúptam. Ego ígitur sic curro, non quasi in incértum: sic pugno, non quasi áërem vérberans: sed castígo corpus meum, et in servitútem rédigo: ne forte cum áliis prædicáverim, ipse réprobuse efficiar. Nolo enim vos ignoráre fratres, quóniam patres nostri omnes sub nube fuérunt, et omnes mare transiérunt, et omnes in Móyse baptizáti sunt in nube, et in mari: et omnes eámdem escam spiritálem manducavérunt, et omnes eúmdem potum spiritálem bibérunt: (bibébant autem de spiritáli, consequente eos, petra: petra autem erat Christus:) sed non in plúribus eórum beneplácitum est Deo.

Graduale. Ps. 9. Adjútor in opportunitátibus, in tribulatióne: sperent in te, qui novérunt te: quóniam non derelínquis quæréntes te, Dómine.

V. Quóniam non in finem oblívio erit páuperis: paciéntia páuperum non períbit in ætérnum: exúrge Dómine, non præváleat homo.

Tractus. Psal. 129. De profúndis clamávi ad te Dómine, Dómine exáudi vocem meam.

V. Fiant aures tuæ intendéntes in oratióem servi tui.

V. Si iniquitátes observáveris Dómine, Dómine quis sustinēbit?

V. Quia apud te propitiátio est, et propter legem tuam sustínui te Dómine.

¶ A Septuagesima usque ad Feriam iv. Cinerum, Tractus dicitur tantum in Dominicis, et Festis: in Feriis autem, quando repetitur Missa de Dominica, non dicitur, sed tantum Graduale.

Sequéntia sancti Evangélíi secúndum Matthæum. Matth. 20.

In illo témpore: Dixit Jesus discipulis suis parábolam hanc: Símile est regnum cœlórum hómini patrifamílias, qui éxiit primo mane condúcere operários in víneam suam. Conventióne autem facta cum operáriis ex denário diúrno, misit eos in víneam suam. Et egréssus circa horam tértiam, vidit álios stantes in foro otíosos, et dixit illis: Ite et vos in víneam meam, et quod justum fúerit dabo vobis. Illi autem abiérunt. Iterum autem éxiit circa sextam et nonam horam: et fecit simíliter. Circa undécimam vero éxiit, et invénit álios stantes, et dicit illis: Quid híc statis tota die otíosi? Dicunt ei: Quia nemo nos condúxit. Dicit illis: Ite et vos in víneam meam. Cum sero autem factum esset, dicit dóminus víneæ procuratóri suo: Voca operários, et redde illis mercédem, incípiens à novíssimis usque ad primos. Cum venissent ergo qui circa undécimam horam vénerant, accepérunt síngulos denários. Veniéntes autem et primi, arbitráti sunt quod plus essent acceptúri: accepérunt autem et ipsi síngulos denários. Et accipiéntes murmurábant advérsus patremfamílias, dicéntes: Hi novíssimi una hora fecérunt, et pares illos nobis fecísti, qui portávimus pondus diéi, et æstus. At ille respóndens uni eórum, dixit: Amíce non fácio tibi injúriam: nonne ex denário convenísti mecum? Tolle quod tuum est, et vade: volo autem et huic novíssimo dare sicut et tibi. Aut non licet mihi, quod volo, fácere? an óculus tuus nequam est, quia ego bonus sum? Sic erunt novíssimi primi, et primi novíssimi. Multi enim sunt vocáti, páuci vero elécti. **Credo.**

Offertorium. Psal. 91. Bonum est confitéri Dómino, et psállere nómini tuo, Altíssime. **Secreta.**

MUnéribus nostris, quæsumus Dómine, precibúque suscē-

Dominica in Sexagesima.

ptis: et cœlestibus nos munda mysteriis, et clementer exaudi. Per Dñm.

Si Dominica Septuages. venerit ante Festum Purificationis, vel ipsa die Purificationis, Secreta de S. Maria erit, Tua, Dñmine. ut in ejusdem Missa votiva.

Alia Secreta. Exaudi nos Deus. fol. 47. Tertia ad libitum.

Communio. Ps. 30. Illúmina faciē tuam super servum tuum, et salvum me fac in tua misericordia: Dñmine non confundar, quoniam invocavi te.

Postcommunio.

Fidèles tui, Deus, per tua dona firmētur: ut eadem et percipiēdo requirant, et quærēdo sine fine percipiant. Per Dñm.

Alia Postcommunio. Mundet et muniat nos. fol. 47.

Tertia ad libitum.

V. Benedicamus Dñmo.

R. Deo grátias.

DOMINICA

in Sexagesima.

Statio ad sanctum Paulum.

Introitus. Psal. 43.

Exúrge, quare obdormis Dñmine? exúrge, et ne repellas in finem: quare faciē tuam avértis, oblivísceris tribulationē nostram? adhæsit in terra venter noster: exúrge Dñmine, adjuva nos, et libera nos.

Ps. ib. Deus, áuribus nostris audívimus: patres nostri annuntiavérunt nobis.

V. Glória Patri. Oratio.

Deus, qui cōspicis, quia ex nulla nostra actióne confidimus: concēde propítius; ut contra advérsa ómnia, Doctóris gēntium protectióne muniámur. Per Dñm nostrum.

Ad poscenda suffragia Sanctorum. Oratio. A cunctis nos. fol. 46.

Tertia ad libitum.

Lectio Epístolæ beati Pauli Apostoli ad Corínthios. 2. Cor. 11. e, et 12.

Fratres: Libēter suffértis insipientes: cum sitis ipsi sapientes. Sustinētis enim si quis vos in servitūtem rédigat, si quis dévorat, si quis áccipit, si quis extóllitur, si quis in faciē vos cædit. Secundum ignobilitatē dico, quasi nos infirmi fuérimus in hac parte. In quo quis audet (in insipientia dico) áudeo et ego: Hebræi sunt, et ego: Israelitæ sunt, et ego: Semen Abrahæ sunt, et ego: Ministri Christi sunt (ut minus sapiens dico) plus ego: in labóribus plúrimis, in carcéribus abundántius, in plagis supra modum, in mórtibus frequēter. A Judæis quíngies quadragénas, una minus, accépi. Ter virgis cæsus sum, semel lapidátus sum, ter naufrágium feci, nocte et die in profúndo maris fui: in itinéribus sæpe, perículis flúminum, perículis latrónum, perículis ex genere, perículis ex Gēntibus, perículis in civitatē, perículis in solitúdine, perículis in mari, perículis in falsis frátribus: in labóre et ærúmna, in vigíliis multis, in fame et siti, in jejúniis multis, in frígore et nuditatē, præter illa quæ extrínsecus sunt, instántia mea quotidiana, sollicitúdo ómnium Ecclesiárum. Quis infirmá-tur, et ego non infirmor? quis scandalizátur, et ego non uror? Si gloriári opórtet: quæ infirmitátis meæ sunt, gloriábor. Deus et Pater Dñmini nostri Jesu Christi, qui est benedictus in sæcula, scit quod non méntior. Damásci præpósitus Gēntis Arétæ regis, custodiēbat civitatē Damascénorum, ut me comprehénderet: et per fenéstram in sporta demíssus sum per murum, et sic effúgi manus ejus. Si gloriári opórtet (non expedit quidem:) véniam autem ad visiónes, et revelatiónes Dñmini. Scio

Dominica in Sexagesima.

hóminem in Christo ante annos quatuórdecim (sive in corpore, nescio, sive extra corpus, nescio, Deus scit) raptum hujusmodi usque ad tertium cœlum. Et scio hujusmodi hóminem (sive in corpore, sive extra corpus, nescio, Deus scit) quóniam raptus est in Paradísium: et audivit arcána verba, quæ non licet hómini loqui. Pro hujusmodi gloriabor: pro me autem nihil gloriabor, nisi in infirmitatibus meis. Nam, et si volúero gloriári, non ero insípiens: veritatem enim dicam: parco autem, ne quis me existimet supra id quod videt in me, aut áliquíd audit ex me. Et ne magnitúdo revelatiónum extóllat me, datus est mihi stímulus carnis meæ ángelus sátanæ, qui me colaphízet. Propter quod ter Dóminum rogávi ut discéderet à me: et dixit mihi: Súfficit tibi grátia mea: nam virtus in infirmitáte perfícitur. Libénter igitur gloriabor in infirmitatibus meis, ut inhábitet in me virtus Christi.

Graduale. Psal. 82. Sciant Gentes, quóniam nomen tibi Deus: tu solus Altíssimus super omnem terram.

V. Deus meus, pone illos ut rotam, et sicut stípulam ante fáciem venti.

Tractus. Psal. 59. Commovísti Dómine terram, et conturbásti eam.

V. Sana contritiónes ejus, quia mota est.

V. Ut fúgiant à fácie arcus: ut liberéntur electi tui.

Sequéntia sancti Evangélíi secúndum Lucam. Lucæ 8.

IN illo témpore: Cum turba plúrima convenírent, et de civitatibus properárent ad Jesum, dixit per similitúdinem: Exiit, qui séminat, semináre semen suum: et dum séminat, áliud cécidit secus viam, et conculcátum est, et vólucres cœli comedérunt illud. Et áliud cécidit supra petram: et natum áruit, quia non habébat humórem. Et áliud cécidit inter spinas, et simul exórtæ spinæ suffocavérunt illud. Et áliud

cécidit in terram bonam: et ortum fecit fructum céntuplum. Hæc dicens, clamábat: Qui habet aures audiéndi, áudiat. Interrogábant autem eum discípuli ejus, quæ esset hæc parábola. Quibus ipse dixit: Vobis datum est nosse mystérium regni Dei, céteris autem in parábolis: ut vidéntes non vídeant, et audiéntes non intélligant. Est autem hæc parábola: Semen est verbum Dei. Qui autem secus viam, hi sunt qui áudiunt: deínde venit diábolus et tollit verbum de corde eórum, ne credéntes salvi fiant. Nam qui supra petram: qui cum audierint, cum gáudio suscípíunt verbum: et hi radices non habent: quia ad témpus credunt, et in témpore tentatiónis recédunt. Quod autem in spinas cécidit: hi sunt, qui audierunt, et à solitudínibus, et divítiis, et voluptatibus vitæ, eúntes, suffocántur, et non réferunt fructum. Quod autem in bonam terram: hi sunt, qui in corde bono et óptimo audiéntes verbum rétinent, et fructum áfferunt in paciéntia. **Credo.**

Offertorium. Ps. 16. Pérfice gressus meos in sémitis tuis, ut non moveántur vestígia mea: inclína aurem tuam, et exáudi verba mea: mirífica misericórdias tuas, qui salvos facis sperántes in te, Dómine. **Secreta.**

OBlátum tibi Dómine sacrificium, vivíficet nos semper, et múníat. Per Dóminum nostrum.

Alia Secreta. Exáudi nos. fol. 47.

Tertia ad libitum.

Communio. Psal. 42. Introibo ad altáre Dei, ad Deum qui lætíficat juventútem meam. **Postcommunio.**

Supplices te rogámus, omnípotens Deus: ut quos tuis réficis sacraméntis, tibi étiam plácitis móribus dignánte deservíre concédas. Per Dóminum.

Alia Postcommunio. Mundet et múníat nos. fol. 47. **Tertia ad libitum.**

V. Benedicámus Dómino.

R. Deo grátias.

Dominica in Quinquagesima.

DOMINICA
in Quinquagesima.

Statio ad sanctum Petrum.

Introitus. Psal. 30.



RSto mihi in Deum protectorem, et in locum refugii, ut salvum me facias: quoniam firmamentum meum, et refugium meum es tu: et propter nomen tuum dux mihi eris, et enutries me.

Psal. ibid. In te Domine speravi, non confundar in aeternum: in iustitia tua libera me, et eripe me.

V. Glória Patri. Oratio.

PReces nostras, quaesumus Domine, clementer exaudi: atque à peccatorum vinculis absolutos, ab omni nos adversitate custodi. Per Dominum.

Ad poscenda suffragia Sanctorum.

Oratio. A cunctis nos. fol. 46.

Tertia ad libitum.

Lectio Epistolae beati Pauli Apostoli ad Corinthios. Cor. 13. 1.

FRatres: Si linguis hominum loquar, et Angelorum, caritatem autem non habeam, factus sum velut aes sonans, aut cymbalum tinniens. Et si habuero prophetiam, et noverim mysteria omnia, et omnem scientiam: et si habuero omnem fidem, ita ut montes transferam, caritatem autem non habuero, nihil sum. Et si distribuero in cibos pauperum omnes facultates meas, et si tradidero corpus meum, ita ut ardeam, caritatem autem non habuero, nihil mihi prodest. Caritas patiens est, benigna est: Caritas non emulatur, non agit perperam, non inflatur, non est ambitiosa, non quaerit quae sua sunt, non irritatur, non cogitat malum, non gaudet super iniquitate, congratuletur autem veritati: omnia suffert, omnia credit, omnia sperat, omnia sustinet. Caritas numquam

excidit: sive prophetiae evacuabuntur, sive linguae cessabunt, sive scientia destruatur. Ex parte enim cognoscimus, et ex parte prophetamus. Cum autem venerit quod perfectum est, evacuabitur quod ex parte est. Cum essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quae erant parvuli. Videmus nunc per speculum in aenigmate: tunc autem facie ad faciem. Nunc cognosco ex parte: tunc autem cognoscam sicut et cognitus sum. Nunc autem manent, fides, spes, caritas, tria haec: major autem horum est caritas.

Graduale. Psal. 76. Tu es Deus, qui facis mirabilia solus: notam fecisti in Gentibus virtutem tuam.

V. Liberasti in brachio tuo populum tuum, filios Israel, et Joseph.

Tractus. Psalmus 99. Jubiláte Deo omnis terra: servite Domino in laetitia.

V. Intráte in conspectu ejus in exultatione: scitote, quod Dominus ipse est Deus.

V. Ipse fecit nos, et non ipsi nos: nos autem populus ejus, et oves pascuae ejus.



Sequentia sancti Evangelii secundum Lucam. Lucæ 18. f

IN illo tempore: Assumpsit Jesus duodecim, et ait illis: Ecce ascendimus Jerosolymam, et consummabuntur omnia, quae scripta sunt per Prophetas de Filio hominis. Tradetur enim Gentibus, et illudetur, et flagellabitur, et conspuetur: et postquam flagellaverint, occident eum, et tertia die resurget. Et ipsi nihil horum intellexerunt, et erat verbum istud absconditum ab eis, et non intelligebant quae dicebantur. Factum est autem, cum appropinquaret Jericho, caecus quidam sedebat secus viam, mendicans. Et cum audiret turbam praetereuntem, interrogabat quid hoc esset? Dixérunt autem ei, quod Jesus Nazarénus transiret. Et

Feria iv. Cinerum.

clamávit, dicens: Jesu fili David miserere mei. Et qui præibant, increpábant eum ut tacéret. Ipse vero multo magis clamábat: Fili David miserere mei. Stans autem Jesus, jussit illum addúci ad se. Et cum appropinquáset, interrogávit illum, dicens: Quid tibi vis fáciam? At ille dixit: Dómine, ut vídeam. Et Jesus dixit illi: Réspice, fides tua te salvum fecit. Et conféstim vidit, et sequebátur illum, magnificans Deum. Et omnis plebs ut vidit, dedit laudem Deo. **Credo.**

Offertorium. Psal. 118. Benedíctus es Dómine, doce me justificatiónes tuas: in lábiis meis pronuntiávi ómnia judícia oris tui.

Secreta.

HÆc hóstia, Dómine quæsumus, emúndet nostra delícta: et ad sacrificium celebrándum, subditórum tibi cörpera, mentésque sanctíficet. Per Dóminum nostrum.

Alia Secreta. Exáudi nos Deus. fol. 47. Tertia ad libitum.

Communio. Ps. 77. Manducavérunt, et saturáti sunt nimis, et desidérium eórum áttulit eis Dóminus: non sunt fraudáti à desidério suo.

Postcommunio.

Quæsumus omnipotens Deus: ut, qui cœlestia aliménta percépi-mus, per hæc contra ómnia advér-sa muniámur. Per Dóminum.

Alia Postcommunio. Mundet et múníat nos. fol. 47.

Tertia ad libitum.


V. Benedicámus Dómino.

R. Deo grátias.

FERIA IV. CINERUM.

Ante Missam benedicuntur Cineres facti de ramis olivarum, sive aliarum arborum præcedenti anno benedictis, hoc modo.

Finita Nona, Sacerdos indutus plu-viali violaceo, vel sine casula, cum ministris similiter indutis, procedit ad benedicendum cineres in vase aliquo super Altari positos. Et primo cantatur a Choro se-quens Antiphona.

**Psalmus 68.**

Xáudi nos Dómi-ne, quóniam benígna est misericór-dia tua: secúndum multitudínem mi-seratiónum tuárum réspice nos Dómine.

Psal. ibid. Salvum me fac Deus: quóniam intravérunt aquæ usque ad ánimam meam.

V. Glória Patri.

Repetitur Exáudi nos etc.

Deinde Sacerdos in cornu Epistolæ, non vertens se ad populum, manibus junctis (quod servatur etiam in Ora-tionibus omnium benedictionum quo-ad manus junctas) dicit.

V. Dóminus vobíscum.

R. Et cum spíritu tuo.

Oremus.

Oratio.

OMnípotens sempitérne Deus, parce pœniténtibus, propitiáre supplicántibus: et mittere dignéris sanctum Angelum tuum de cœlis, qui bene + dicat, et sancti + ficet hos cineres, ut sint remédium salúbre ómnibus nomen sanctum tuum humí-liter implorántibus, ac semetípsos pro consciéntia delictórum suórum accu-sántibus, ante conspéctum divínæ cleméntiæ tuæ facínora sua deplorán-tibus, vel sereníssimam pietátem tu-am suppliciter obnixéque flagitánti-bus, et præsta per invocatiónem san-ctíssimi nóminis tui; ut, quicúmque per eos aspérsi fúerint, pro redem-ptióne peccatórum suórum, cörperis sanitátem, et ánimæ tutelam percípi-ant. Per Christum Dóminum no-strum. **R. Amen.**

Feria iv. Cinerum.

Orémus.

DEus, qui non mortem, sed pœnitentiam desideras peccatorum: fragilitatem conditionis humanæ benignissime respice; et hos cineres, quos causa proferendæ humilitatis, atque promerendæ veniæ, capitibus nostris imponi decernimus, bene + dicere pro tua pietate dignare: ut, qui nos cinerem esse, et ob pravitatis nostræ demeritum in pulverem reversuros cognoscimus; peccatorum omnium veniam, et præmia pœnitentibus repromissa, misericorditer consequi mereamur. Per Christum Dominum nostrum. **R.** Amen.

Orémus.

DEus, qui humiliatione flēcteris, et satisfactione placāris: aurem tuæ pietatis inclina precibus nostris; et capitibus servorum tuorum, horum cinerum aspersione contactis, effunde propitius gratiam tuæ benedictionis: ut eos et spiritu compunctionis repleas, et quæ juste postulaverint, efficaciter tribuas; et concessa perpetuo stabilita, et intacta manere decernas. Per Christum Dominum nostrum. **R.** Amen.

Orémus.

OMnipotens sempiternus Deus, qui Ninivitis in cinere et cilicio pœnitentibus, indulgentiæ tuæ remedia præstitisti: concede propitius; ut sic eos imitemur habitu, quatenus veniæ prosequamur obtentu. Per Dominum.

§ Postea Celebrans imposito incenso in turibulo, ter aspergit cineres aqua benedicta, dicendo Antiph. Aspérges. sine cantu et sine Psalmo, et ter adolet incenso.

Deinde dignior Sacerdos ex Clero accedens ad Altare, imponit cinerem celebranti non genuflexo. Si vero non adsit alius Sacerdos, ipsemet Celebrans, genibus flexis coram Altari, sibi ipsi cineres imponit in capite, nihil dicens, et cantatur statim a Choro Antiphona.

Joel 2.

Immutemur habitu, in cinere et cilicio: jejunemus, et ploremus ante Dominum: quia multum misericors est dimittere peccata nostra Deus noster.

Alia Antiphona. ibid. Inter vestibulum et altare plorabunt Sacerdotes ministri Domini, et dicent: Parce Domine, parce populo tuo: et ne claudas ora canentium te, Domine.

Sequitur R. Esth. 13. Joel. 2. Emen-
demus in melius, quæ ignoranter peccavimus: ne subito præoccupati die mortis, quæramus spatium pœnitentiæ, et invenire non possimus.
* Attēde Domine, et miserere: quia peccavimus tibi.

V. Psal. 78. Adjuva nos Deus salutaris noster: et propter honorem nominis tui Domine libera nos. Attēde Domine.

V. Glória Patri, et Fílio, et Spirítui sancto. Attēde Domine.

§ Sacerdos vero dum cantantur Antiphonæ et Responsorium, detecto capite, primo imponit cineres digniori Sacerdoti, a quo ipse accepit, deinde ministris paratis, genibus flexis coram Altari, dicens.

Genes. 3. Meménto homo, quia pulvis es, et in pulverem revertéris.

Postea veniunt alii, primo Clerus per ordinem, deinde populus: et genibus flexis ante Altare singulatim recipiunt cineres a Sacerdote, ut dictum est de ministris. Completa cinerum impositione Sacerdos dicit Dominus vobiscum.

Orémus.

Concede nobis Domine, præsidia militiæ Christiænæ sanctis inchoare jejuniis: ut contra spirituales nequítias pugnaturi, continentiæ muniamur auxiliis. Per Christum Dominum nostrum. **R.** Amen.

§ Deinde dicitur Missa.



STATIO
ad sanctam Sabinam.

Introitus.

Sap. 11.



Misereris ómnium Dómine, et nihil odisti eórum quæ fecisti, dissimulans peccáta hóminum propter pœniténtiam, et parcens illis: quia tu es Dóminus Deus noster.

Psal. 56. Miserere mei Deus, miserere mei: quóniam in te confidit ánima mea.

V. Glória Patri.

Oratio.

Præsta Dómine fidélibus tuis: ut jejuniórum veneránda solémnia, et cóngrua pietáte suscípiant, et secúra devotióne percúrrant. Per Dóminum.

§ Ab hac die usque ad Dominicam de Passione, post Orationem diei dicuntur duæ sequentes Orationes.

Ad poscenda suffragia Sanctorum.

Oratio.

A cunctis nos, quæsumus Dómine, mentis et córporis defénde periculis: et, intercedénte beáta et gloriósa semper Vírgine Dei genitríce María, cum beátis Apóstolis tuis Petro et Paulo, atque beáto **N.** et ómnibus Sanctis, salútem nobis tribue benígnus et pacem; ut, destrúctis adversitatibus et erróribus univérsis, Ecclesiá tua secúra tibi sérviat libertáte.

Pro vivis et defunctis. Oratio.

Omnípotens sempitérne Deus, qui vivórum domináris simul et mortuórum, omniúmque misereris, quos tuos fide et ópere futúros esse prænúscis: te súpplīces exorámus; ut, pro quibus effúndere preces decrevimus, quosque vel præsens sáeculum adhuc in carne rétinet, vel futúrum jam exútos córpore suscepit; intercedéntibus ómnibus sanctis tuis, pietátis tuæ cleméntia, ómnium delictórum suórum véniam consequántur. Per Dóminum.

Léctio Joélis Prophætæ. Joelis 2. c

Hæc dicit Dóminus: Convertimini ad me in toto corde vestro in jejúnio, et in fletu, et in planctu. Et scíndite corda vestra, et non vestiménta vestra, et convertimini ad Dóminum Deum vestrum: quia benígnus, et miséricors est, pátiens, et multæ misericórdiæ, et præstábilis super malítia. Quis scit, si convertátur, et ignóscat, et relínquat post se benedictiónem, sacrificium, et libámen Dómino Deo vestro? Cánite tuba in Sion, sanctificáte jejúnium, vocáte cœtum, congregáte pópulum, sanctificáte Ecclesiám, coadunáte senes, congregáte párvulos, et sugéntes úbera: egrediátur sponsus de cubili suo, et sponsa de thálamo suo. Inter vestibulum et altáre plorábunt sacerdótes ministri Dómini, et dicent: Parce, Dómine, parce pópulo tuo: et ne des hæreditátem tuam in oppróbrium, ut dominéntur eis nátiónes. Quare dicunt in pópulis: ubi est Deus eórum? Zelátus est Dóminus terram suam, et pepércit pópulo suo. Et respóndit Dóminus, et dixit pópulo suo: Ecce ego mittam vobis fruméntum, et vinum, et óleum, et replebimini eis: et non dabo vos ultra oppróbrium in géntibus: dicit Dóminus omnipotens.

Graduale. Psal. 56. Miserere mei Deus, miserere mei: quóniam in te confidit ánima mea.

V. Misit de cœlo, et liberávit me: dedit in oppróbrium conculcántes me.

Tractus. Psal. 102. Dómine, non secúndum peccáta nostra, quæ féci-mus nos: neque secúndum iniquitátes nostras retribuas nobis.

V. Psal. 78. Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

V. (Ad hunc versum genuflectitur.) Adjuva nos, Deus salutáris noster: et propter glóriam nóminis tui, Dómine, libera nos: et propítius esto

Feria iv. Cinerum.

peccátis nostris, propter nomen tuum.

¶ Supradictus Tractus ab hac die dicitur Feria secunda, quarta, et sexta, usque ad Feriam secundam majoris Hebdomadæ, nisi proprius assignetur.

✠ Sequéntia sancti Evangélii secúndum Matthæum. Matth. 6. b

IN illo témpore: Dixit Jesus discipulis suis: Cum jejunátis, nolíte fieri sicut hypócritæ, tristes. Extérminant enim fácies suas, ut appáreant homínibus jejunántes. Amen dico vobis, quia recepérunt mercédem suam. Tu autem cum jejúnas, unge caput tuum, et fáciem tuam lava, ne videáris homínibus jejúnans, sed Patri tuo, qui est in abscóndito: et Pater tuus, qui videt in abscóndito, reddet tibi. Nolíte thesaurizáre vobis thesáuros in terra: ubi ærúgo, et tinea demolítur: et ubi fures effódiunt, et furántur. Thesaurizáte autem vobis thesáuros in cœlo: ubi neque ærúgo, neque tinea demolítur; et ubi fures non effódiunt, nec furántur. Ubi enim est thesáurus tuus, ibi est et cor tuum.

Offertorium. Psal. 29. Exaltábo te Dómine, quóniam suscepísti me, nec delectásti inimícos meos super me: Dómine clamávi ad te, et sanásti me.

Secreta.

FAc nos, quæsumus Dómine, his munéribus offeréndis convénienter aptári: quibus ipsíus venerábilis sacraménti celebrámus exórdium. Per Dóminum.

Aliæ Secretæ usque ad Dominicam Passionis.

EXáudi nos Deus salutáris noster: ut per hujus sacraménti virtútem, à cunctis nos mentis et córporis hóstibus tueáris; grátiam tribuens in præsentí, et glóriam in futúro.

DEus, cui soli cógnitus est númerus electórum in supérna felicitáte locándus: tribue quæsumus; ut, intercedéntibus ómnibus sanctis

tuis, universórum, quos in oratióne commendátos suscepimus, et ómnium fidélium nómina, beátæ prædestinatiónis liber adscrípta retíneat. Per Dóminum.

Præfatio. Qui corporáli jejúnio.

Et dicitur quotidie usque ad Dominicam Passionis, etiam in Festis, si in eis propria non habeatur.

Communio. Psal. 1. Qui meditábitur in lege Dómini die ac nocte, dabit fructum suum in témpore suo.

Postcommunio.

Percépta nobis, Dómine, præbeant Sacraménta subsidium: ut tibi grata sint nostra jejúnia, et nobis proficiant ad medélam. Per Dóminum.

Aliæ Postcommuniones.

MUndet et múniat nos, quæsumus Dómine, divíni sacraménti munus oblátum: et intercedénte beáta Vírgine Dei Genitrice María, cum beátis Apóstolis tuis Petro et Paulo, atque beáto **N.** et ómnibus Sanctis; à cunctis nos reddat et perversitátibus expiátos, et adversitátibus expeditos.

Purificent nos, quæsumus omnipotens et miséricors Deus, sacraménta quæ sumpsimus: et, intercedéntibus ómnibus Sanctis tuis, præsta: ut hoc tuum sacraméntum non sit nobis reátus ad pœnam, sed intercessio salutáris ad véniam: sit ablútio scélerum, sit fortitúdo fragílium, sit contra ómnia mundi perícula firmaméntum: sit vivórum atque mortuórum fidélium, remissio ómnium delictórum. Per Dóminum.

Deinde Sacerdos absolute dicit. Orémus. Et Diaconus (si in officio Diaconatus serviat) versus ad populum junctis manibus dicit. Humiliáte cápita vestra Deo. Alioquin ipse Sacerdos, stans in eodem loco ante librum, et non vertens se ad populum.

Oratio.

INclinantes se, Dómine, majestáti tuæ, propitiátus inténde: ut qui divíno múnere sunt refécti, cœlestibus semper nutriántur auxiliis. Per Dóminum.

Et hic modus dicendi Orationem super populum servatur tantummodo in Missis de Feria, usque ad iv. Feriam majoris Hebdomadæ. Deinde V. Benedicámus Dómino.

R. Deo grátias.

FERIA QUINTA.

Statio ad sanctum Georgium.

Introitus.**Psal. 54.**

Dum clamárem ad Dóminum: exaudivit vocem meam ab his, qui appropínquant mihi: et humiliávit eos, qui est ante sœcula, et manet in ætérnum: jacta cogitátum tuum in Dómino, et ipse te enútriet.

Ps. ib. Exáudi Deus oratióem meam, et ne despéxeris deprecationem meam: inténde mihi, et exáudi me.

V. Glória Patri. Oratio.

Deus, qui culpa offénderis, pœniténtia placáris: preces pópuli tui supplicántis propítius réspice, et flagélla tuæ iracúndiæ, quæ pro peccátis nostris merémur, avérte. Per Dóminum.

Aliæ Orationes, ut supra in Feria quarta Cinerum. fol. 55.

Léctio Isaíæ Prophétæ. Isaíæ 38.

IN diébus illis: Ægrotávit Ezechías usque ad mortem: et introívit ad eum Isaías filius Amos Prophéta, et dixit ei: Hæc dicit Dóminus: Dispóne dómui tuæ, quia moriérís tu, et non vives. Et convértit Ezechías fáciem suam ad parietem, et orávit ad Dóminum, et dixit: Obsecro Dómine, meménto quæso, quómodo ambuláverim coram te in veritáte, et in corde perfécto, et quod bonum

est in óculis tuis fécerim. Et flevit Ezechías fletu magno. Et factum est verbum Dómini ad Isaíam, dicens: Vade, et dic Ezechíæ: Hæc dicit Dóminus Deus David patris tui: Audívi oratióem tuam, et vidi lácrymas tuas: ecce ego adjíciam super dies tuos quíndecim annos: et de manu regis Assyriórum éruam te, et civitátem istam, et prótegam eam, ait Dóminus omnipotens.

Graduale. Ps. 54. Jacta cogitátum tuum in Dómino, et ipse te enútriet. **V. Dum clamárem ad Dóminum, exaudivit vocem meam ab his, qui appropínquant mihi.**

Sequéntia sancti Evangélii secúndum Matthæum. Matth. 8.

IN illo témpore: Cum introísset Jesus Caphárnaum, accéssit ad eum Centúrio, rogans eum, et dicens: Dómine, puer meus jacet in domo paralyticus, et male torquétur. Et ait illi Jesus: Ego véniam, et curábo eum. Et respóndens Centúrio, ait: Dómine, non sum dignus, ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: Vade, et vadit: et álii: Veni, et venit: et servo meo: Fac hoc, et facit. Audiens autem Jesus, mirátus est, et sequéntibus se dixit: Amen dico vobis, non invéni tantam fidem in Israel. Dico autem vobis, quod multi ab Oriénte et Occidénte vénient, et recúmbent cum Abraham, et Isaac, et Jacob in regno cœlórum: filii autem regni ejiciéntur in ténebras exterióres: ibi erit fletus, et stridor déntium. Et dixit Jesus Centurióni: Vade, et sicut credidisti, fiat tibi. Et sanátus est puer in illa hora.

Offertorium. Ps. 24. Ad te Dómine levávi ánimam meam: Deus meus in te confído, non erubéscam: neque irrídeant me inimíci mei: étenim universi, qui te expéctant, non confundéntur.

Feria vi. post Cineres.

Secreta.

Sacrificiis præséntibus, Dómine quæsumus, inténde placátus: ut et devotióni nostræ proficiant, et salúti. Per Dóminum.

Aliæ Secretæ, ut in Feria iv. Cinerum. fol. 56.

Communio. Psal. 50. Acceptábis sacrificium justítiæ, oblatiónes, et holocáusta, super altáre tuum Dómine. **Postcommunio.**

Cœléstis doni benedictióne percépta, súpplīces te Deus omnipotens deprecámur: ut hoc idem nobis, et sacraménti causa sit, et salútis. Per Dóminum.

Aliæ Postcommuniones, ut in Feria iv. Cinerum. fol. 56.

Super populum. Orémus. Humiliáte cápita vestra Deo. **Oratio.**

Parce Dómine, parce pópulo tuo: ut dignis flagellatió nibus castigátus, in tua miseratióne respíret. Per Dóminum.

FERIA SEXTA.

Statio ad sanctos Joannem et Paulum.

Introitus. Psal. 29.



Udívit Dóminus, et misértus est mihi: Dóminus factus est adjútor meus.

Ps. ibid. Exaltábo te Dómine, quóniam suscepísti me: nec delectásti inimícos meos super me.

V. Glória Patri. Oratio.

Inchoáta jejúnia, quæsumus Dómine, benigno favóre proséquere: ut observántiam, quam corporáliter exhibémus, méntibus étiam sincéris exercére valeámus. Per Dóminum.

Aliæ Orationes, ut in Feria iv. Cinerum. fol. 56.

Léctio Isaíæ Prophétæ. Isaíæ 58.

Hæc dicit Dóminus Deus: Clama, ne cesses: quasi tuba exálta vocem tuam: et annúntia pópulo meo scélera eórum, et domui Jacob peccáta eórum. Me étenim de die in diem

quærunť, et scire vias meas volunt: quasi gens, quæ justítiam fécerit, et judícium Dei sui non derelíquerit: rogant me judícia justítiæ: appropinquáre Deo volunt. Quare jejunávīmus, et non aspexisti: humiliávīmus ánimas nostras, et nescísti? Ecce in die jejúnii vestri invenítur volúntas vestra, et omnes debitóres vestros repétitis. Ecce ad lites, et contentiόνes jejunátis, et percútitis pugno ímpie. Nolíte jejunáre sicut usque ad hanc diem, ut audiátur in excélso clamor vester. Numquid tale est jejúnium, quod elégi, per diem afflígere hómīnem ánimam suam? numquid contorquére quasi círculum caput suum, et saccum, et cínerem stérnere? numquid istud vocábis jejúnium, et diem acceptábilem Dómino? Nonne hoc est magis jejúnium quod elégi? dissólve colligatiónes impietátis, solve fascículos depriméntes; dimítte eos qui confrácti sunt, líberos, et omne onus dirúmpe. Frange esuriénti panem tuum, et egénos vagósque índuc in domum tuam: cum víderis nudum, óperi eum; et carnem tuam ne despéxeris. Tunc erúmpet quasi mane lumen tuum, et sánitas tua cítiús oriétur, et anteíbit fáciem tuam justítia tua, et glória Dómini cólliget te. Tunc invocábis, et Dóminus exáudiet: clamábis, et dicet: Ecce adsum. Quia miséricors sum, Dóminus Deus tuus.

Graduale. Psal. 26. Unam pétii à Dómino, hanc requíram, ut inhábitem in domo Dómini.

V. Ut vídeam voluptátem Dómini: et prótegar à templo sancto ejus.

Tractus. Psal. 102. Dómine, non secúndum peccáta nostra, quæ féci-mus nos: neque secúndum iniquitátes nostras retribuas nobis.

V. Psal. 78. Dómine ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis.

V. (Ad hunc versum genuflectitur.)
Adjuva nos Deus salutáris noster,
et propter glóriam nóminis tui Dó-
mine libera nos: et propítius esto
peccátis nostris, propter nomen tuum.

**Sequéntia sancti Evangélíi se-
cúndum Matthæum. Matth. 5. et 6.**

IN illo témpore: Dixit Jesus discí-
pulis suis: Audístis quia dictum
est: Díliges próximum tuum: et ódio
habébis inimicum tuum. Ego autem
dico vobis: Dílígite inimícos vestros,
benefácite his qui odérunt vos, et
oráte pro persecuéntibus, et calum-
niántibus vos: ut sitis filii Patris
vestri, qui in cœlis est: qui solem
suum oríri facit super bonos et malos,
et pluit super justos et injústos. Si
enim dilígitis eos qui vos dilígunt,
quam mercédem habébitis? nonne et
publicáni hoc faciunt? Et si saluta-
véritis fratres vestros tantum, quid
ámplius fácitis? nonne et éthnici
hoc faciunt? Estóte ergo vos perfécti,
sicut et Pater vester cœlestis perfé-
ctus est. Atténdite ne justítiam ve-
stram faciátis coram homínibus, ut
videámini ab eis: alióquin mercédem
non habébitis apud Patrem vestrum,
qui in cœlis est. Cum ergo facis
eleemósynam, noli tuba cánere ante
te, sicut hypócritæ faciunt in syna-
gógis, et in vicis, ut honorificéntur
ab homínibus. Amen dico vobis,
recepérunt mercédem suam. Te au-
tem faciénte eleemósynam, nésciat
sinístra tua, quid faciat délixtera tua:
ut sit eleemósyna tua in abscóndito,
et Pater tuus, qui videt in abscóndito,
reddet tibi.

Offertorium. Psal. 118. Dómine,
vivífica me secúndum elóquium tuum:
ut sciam testimónia tua.

Secreta.

SAcrificium, Dómine, observán-
tiæ quadragesimális, quod offé-
rimus, præsta quæsumus: ut tibi et
mentes nostras reddat accéptas, et
continéntiæ promptiórís nobis tríbuat
facultátem. Per Dóminum.

**Aliæ Secretæ, ut in Feria iv. Cine-
rum. fol. 56.**

Communio. Ps. 2. Servíte Dómino
in timóre, et exultáte ei cum tremóre:
apprehéndite disciplínam, ne pereátis
de via justa. **Postcommunio.**

SPíritum nobis, Dómine, tuæ ca-
ritátis infúnde: ut, quos uno
pane cœlesti satiásti, tua fácias pie-
táte concórdes. Per Dóminum. in
unitáte ejúsdem.

**Aliæ Postcommuniones, ut in Feria
iv. Cinerum. fol. 56.**

Super populum. Orémus. Humiliáte
cápita vestra Deo. **Oratio.**

TUére Dómine pópulum tuum,
et ab ómnibus peccátis clemén-
ter emúnda: quia nulla ei nocébit
advérsitas, si nulla ei dominétur
iníquitas. Per Dóminum.

S A B B A T O.

Statio ad SS. Augustinum et Tryphonem.

Introitus.

Psal. 29.



Udívit Dóminus, et
misértus est mihi: Dó-
minus factus est ad-
jútor meus.

Psal. ibid. Exaltábo
te Dómine, quóniam
suscepísti me: nec delectásti inimícos
meos super me.

V. Glória Patri. Oratio.

ADesto Dómine supplicatióibus
nostris, et concéde: ut hoc
solémne jejúnium, quod animábus
corporibúsq; curándis salúbriter
institútum est, devóto servítio cele-
brémus. Per Dóminum.

**Aliæ Orationes, ut in Feria iv. Cine-
rum. fol. 55.**

Léctio Isaíæ Prophétæ. Isaíæ 58. c

HÆc dicit Dóminus Deus: Si
abstúleris de médio tui caténam,
et desíeris exténdere dígitum: et
loqui quod non prodest. Cum effúderis
esuriénti ánimam tuam, et ánimam
afflíctam repléveris, oriétur in téne-
bris lux tua, et ténebræ tuæ erunt

Dominica i. in Quadragesima.

sicut meridies. Et requiem tibi dabit Dominus semper, et implebit splendoribus animam tuam, et ossa tua liberabit; et erit quasi hortus irriguus, et sicut fons aquarum, cujus non deficient aquae. Et aedificabuntur in te deserta saeculorum: fundamenta generationis et generationis suscitabis: et vocaberis aedicator sepium, avertens semitas in quietem. Si avorteris a sabbato pedem tuum, facere voluntatem tuam in die sancto meo, et vocaveris sabbatum delicatum, et sanctum Domini gloriosum, et glorificaveris eum, dum non facis vias tuas, et non invenitur voluntas tua, ut loquaris sermonem. Tunc delectaberis super Domino: et sustollam te super altitudines terrae, et cibabo te hereditate Jacob patris tui. Os enim Domini locutum est.

Graduale. Psal. 26. Unam petii a Domino, hanc requiram, ut inhabitem in domo Domini.

V. Ut videam voluptatem Domini, et protegar a templo sancto ejus.

Sequentia sancti Evangelii secundum Marcum. Marci 6. f

IN illo tempore: Cum sero esset, erat navis in medio mari, et Jesus solus in terra. Et videns discipulos suos laborantes in remigando, (erat enim ventus contrarius eis) et circa quartam vigiliam noctis venit ad eos ambulans supra mare: et volebat praeterire eos. At illi, ut viderunt eum ambulantem supra mare, putaverunt phantasma esse, et exclamaverunt. Omnes enim viderunt eum, et conturbati sunt. Et statim locutus est cum eis, et dixit eis: confidite, ego sum, nolite timere. Et ascendit ad illos in navim, et cessavit ventus. Et plus magis intra se stupabant: non enim intellexerunt de panibus; erat enim cor eorum obcaecatum. Et cum transfretassent, venerunt in terram Genesareth, et applicuerunt. Cumque egressi essent de navi, continuo cognoverunt eum: et percurrentes uni-

versam regionem illam, coeperunt in grabatis eos, qui se male habebant, circumferre ubi audiebant eum esse. Et quocumque introibat, in vicos, vel in villas, aut civitates, in plateis ponebant infirmos, et deprecabantur eum, ut vel fimbriam vestimenti ejus tangerent: et quotquot tangebant eum, salvi fiebant.

Offertorium. Psal. 118. Domine, vivificame secundum eloquium tuum: ut sciam testimonia tua.

Secreta.

Suscipe Domine sacrificium, cujus te voluisti dignanter immolatione placari: praesta quaesumus; ut, hujus operatione mundati, beneplacitum tibi nostrae mentis offeramus affectum. Per Dominum.

Aliae Secretae, ut in Feria iv. Cinerum. fol. 56.

Communio. Ps. 2. Servite Domino in timore, et exultate ei cum tremore: apprehendite disciplinam, ne pereatis de via justa. **Postcommunio.**

Celestis vitae munere vegetati, quaesumus Domine: ut quod est nobis in praesenti vita mysterium, fiat aeternitatis auxilium. Per Dominum.

Aliae Postcommuniones, ut in Feria iv. Cinerum. fol. 56.


Super populum. Oramus. Humiliate capita vestra Deo. **Oratio.**

Fideles tui, Deus, per tua dona firmantur: ut eadem et percipiendo requirant, et quaerendo sine fine percipiant. Per Dominum.

DOMINICA PRIMA in Quadragesima.

Statio ad sanctum Joannem in Laterano.

Introitus. Psal. 90.



Invocabit me, et ego exaudiam eum: eripiam eum, et glorificabo eum: longitudine dierum adimplebo eum.

Psal. ibid. Qui habitat in adjutorio Altissimi: in protectione Dei caeli commorabitur.

Dominica i. in Quadragesima.

V. Glória Patri. Oratio.

Deus, qui Ecclesiám tuam ánnua quadragesimáli observatióne purificas: præsta familiæ tuæ; ut, quod à te obtinére abstinéndo nítitur, hoc bonis opéribus exequátur. Per Dóminum.

Ad poscenda suffragia Sanctorum. Oratio.

Acunctis nos, quæsumus Dómine, mentis et córporis defénde perículis: et, intercedénte beáta et gloriósa semper Vírgine Dei genitrice María, cum beáteis Apóstolis tuis Petro et Paulo, atque beáto **N.** et ómnibus Sanctis, salútem nobis tríbue benígnus et pacem; ut, destrúctis adversitatibus et erróribus univérsis, Ecclesiá tua secúra tibi sérviat libertáte.

Pro vivis et defunctis. Oratio.

Omnípotens sempitérne Deus, qui vivórum domináris simul et mortuórum, omniúmque miseréris, quos tuos fide et ópere futúros esse præ-nóscis: te súpplīces exorámus; ut, pro quibus effúndere preces decrevimus, quosque vel præsens sæculum adhuc in carne rétinet, vel futúrum jam exútos córpore suscepit; intercedéntibus ómnibus Sanctis tuis, pietátis tuæ cleméntia, ómnium delictórum suórum véniam consequántur. Per Dóminum.

Léctio Epístolæ beáti Pauli Apóstoli ad Corínthios. 2. Cor. 6.

Fratres: Exhortámur vos, ne in vácuum grátiam Dei recipiátis. Ait enim: Témpore accépto exaudívi te, et in die salútis adjúvi te. Ecce nunc tempus acceptábile, ecce nunc dies salútis. Némini dantes ullam offensióne, ut non vituperétur ministérium nostrum: sed in ómnibus exhibeámus nosmetípsos sicut Dei ministros, in multa paciéntia, in tribulatióne, in necessitatibus, in angústis, in plagis, in cárceribus, in seditiōnibus, in labóribus, in vigiliis, in jejúniis, in castitate, in sciéntia, in

longanimitate, in suavitate, in Spíritu sancto, in caritate non ficta, in verbo veritatis, in virtute Dei, per arma justitiæ à dextris, et à sinistris; per glóriam, et ignobilitatem, per infamiam, et bonam famam: ut seductores, et veraces; sicut qui ignóti, et cóniti: quasi morientes, et ecce vivimus: ut castigati, et non mortificati: quasi tristes, semper autem gaudentes: sicut egentes, multos autem locupletantes: tamquam nihil habentes, et ómnia possidentes.

Graduale. Ps. 90. Angelis suis Deus mandávit de te, ut custódiant te in ómnibus viis tuis.

V. In mánibus portábunt te, ne umquam offéndas ad lápidem pedem tuum.

Tractus ib. Qui hábitat in adjutório Altíssimi, in protectione Dei coeli commorábitur. **V.** Dicet Dómino: Suscéptor meus es tu, et refúgium meum, Deus meus: sperábo in eum.

V. Quóniam ipse liberávit me de láqueo venántium, et à verbo áspero.

V. Scápulis suis obumbrábit tibi, et sub pennis ejus sperábis. **V.** Scuto circúmdabit te véritas ejus: non timébis à timóre noctúrno. **V.** A sagitta volánte per diem, à negótio perambulánte in ténebris, à ruína et dæmónio meridiáno. **V.** Cadent à látere tuo mille, et decem millia à dextris tuis: tibi autem non appropinquábit.

V. Quóniam Angelis suis mandávit de te, ut custódiant te in ómnibus viis tuis. **V.** In mánibus portábunt te, ne umquam offéndas ad lápidem pedem tuum. **V.** Super áspidem et basiliscum ambulábis, et conculcábis leónem et draconem. **V.** Quóniam in me sperávit, liberábo eum: protégam eum, quóniam cognóvit nomen meum. **V.** Invocabit me, et ego exaudiam eum: cum ipso sum in tribulatione. **V.** Eripiam eum, et glorificábo eum: longitudine diérum adimplébo eum, et osténdam illi salutáre meum.

Feria ii. post Dominicam i. Quadrages.

Sequéntia sancti Evangélíi secúndum Matthæum. **Matth. 4.**

In illo témpore: Ductus est Jesus in desértum à Spíritu, ut tentaretur à diabolo. Et cum jejunásset quadragínta diébus, et quadragínta nóctibus, póstea esúriit. Et accédens tentátor, dixit ei: Si Fílius Dei es, dic ut lápides isti panes fiant. Qui respóndens, dixit: Scriptum est: Non in solo pane vivit homo: sed in omni verbo, quod procedit de ore Dei. Tunc assúpsit eum diábolus in sanctam civitátem, et státuit eum super pinnáculum templi, et dixit ei: Si Fílius Dei es, mitte te deórsum. Scriptum est enim: Quia Angelis suis mandávit de te, et in mánibus tollent te, ne forte offéndas ad lápidem pedem tuum. Ait illi Jesus: Rursum scriptum est: Non tentábis Dóminum Deum tuum. Iterum assúpsit eum diábolus in montem excélsu valde: et osténdit ei ómnia regna mundi, et glóriam eórum, et dixit ei: Hæc ómnia tibi dabo, si cadens adoráveris me. Tunc dicit ei Jesus: Vade Sátana: scriptum est enim: Dóminum Deum tuum adorábis, et illi soli sérvies. Tunc reliquit eum diábolus: et ecce Angeli accessérunt, et ministrábant ei. **Credo.**

Offertorium. Psal. 90. Scápulis suis obumbrábit tibi Dóminus, et sub pennis ejus sperábis: scuto circúmdabit te véritas ejus. **Secreta.**

Sacrificium quadragesimális iníttii solémniter immolámus, te Dómine deprecántes: ut, cum epulárum restrictióne carnálium, à nóxiis quoque voluptátibus temperémus. Per Dóminum.

Aliae Secretæ.

EXáudi nos Deus salutáris noster: ut, per hujus sacraménti virtútem, à cunctis nos mentis et córporis hóstibus tueáris: grátiam tribuens in præsénti, et glóriam in futúro.

Deus, cui soli cógnitus est númerus electórum in supérna

felicitáte locándus: tríbue quæsumus; ut, intercedéntibus ómnibus Sanctis tuis, universórum, quos in oratióne commendátos suscepimus, et ómnium fidélium nómina, beátæ prædestinatiónis liber adscripta retíneat. Per Dóminum.

Communio. Psal. 90. Scápulis suis obumbrábit tibi Dóminus, et sub pennis ejus sperábis: scuto circúmdabit te véritas ejus. **Postcommunio.**

Tui nos, Dómine, sacraménti libátio sancta restáuret: et à vetustáte purgátos, in mystérii salutáris fáciat transíre consórtium. Per Dóminum.

Aliae Postcommuniones.

Mundet et múniat nos, quæsumus, Dómine, divíni sacraménti munus oblátum: et, intercedénte beáta Vírgine Dei genitríce María, cum beátis Apóstolis tuis Petro et Paulo, atque beáto **N.** et ómnibus Sanctis; à cunctis nos reddat et perversitátibus expiátos, et adversitátibus expeditos.

Puríficent nos, quæsumus omnipotens et miséricors Deus, sacraménta quæ sumpsimus: et, intercedéntibus ómnibus Sanctis tuis, præsta; ut hoc tuum sacraméntum non sit nobis reátus ad pœnam, sed intercéssio salutáris ad véniam: sit ablútio scélerum, sit fortitúdo fragílium, sit contra ómnia mundi perícula firmaméntum: sit vivórum atque mortuórum fidélium, remíssio ómnium delictórum. Per Dóminum.

FERIA SECUNDA.

Statío ad S. Petrum ad Vincula.

Introitus.

Psal. 122.



Icut óculi servórum in mánibus dominórum suórum: ita óculi nostri ad Dóminum Deum nostrum, donec misereátur nobis: miserére nobis Dómine, miserére nobis.

Ps. ibid. Ad te levávi óculos meos: qui hábitas in cœlis.

V. Glória Patri.

Oratio.

Convérte nos Deus salutáris noster: et ut nobis jejúnium quadragesimále proficiat, mentes nostras cœlestibus ínstrue disciplínis. Per Dóminum.

Aliæ Orationes, ut in Dominica præcedenti. fol. 61.

Léctio Ezechiélis Prophétæ.

Ezech. 34. c

Hæc dicit Dóminus Deus: Ecce ego ipse requíram oves meas, et visitábo eas. Sicut visitat pastor gregem suum in die quando fúerit in médio óvium suárum dissipatárum: sic visitábo oves meas, et liberábo eas de ómnibus locis, in quibus dispérsæ fúerant in die nubis et caliginis. Et edúcam eas de pópulis, et congregábo eas de terris, et indúcam eas in terram suam: et pascam eas in móntibus Israel, in rivis, et in cunctis sédibus terræ. In páscuis ubérrimis pascam eas, et in móntibus excélsis Israel erunt páscua eárum: ibi requiéscent in herbis viréntibus, et in páscuis pínguibus pascéntur super montes Israel. Ego pascam oves meas: et ego eas accubáre fáciam, dicit Dóminus Deus. Quod perierat, requíram; et quod abjéctum erat, redúcam; et quod confráctum fúerat, alligábo; et quod infirmum fúerat, consolidábo; et quod pingue et forte, custódiam: et pascam illas in iudicio, dicit Dóminus omnipotens.

Graduale. Ps. 83. Protéctor noster áspice Deus, et réspice super servos tuos.

V. Dómine Deus virtútum, exáudi preces servórum tuórum.

Tractus. Psal. 102. Dómine, non secúndum peccáta nostra quæ féci-mus nos: neque secúndum iniqui-tates nostras retribuas nobis.

V. Psal. 78. Dómine, ne memíneris iniquitátum nostrárum antiquárum:

cito antícipent nos misericórdiæ tuæ, quia páuperes facti sumus nimis.

V. (Ad hunc versum genuflectitur.)

Adjuva nos Deus salutáris noster: et propter glóriam nóminis tui Dómine líbera nos: et propítius esto peccátis nostris, propter nomen tuum.



Sequéntia sancti Evangélii se-cúndum Matthæum. Matth. 25. c

In illo témpore: Dixit Jesus discí-pulis suis: Cum vénerit Fílius hóminis in majestáte sua, et omnes Angeli cum eo, tunc sedébit super sedem majestátis suæ: et congrega-búntur ante eum omnes gentes, et separábit eos ab ínvicem, sicut pastor ségregat oves ab hœdis: et státuet oves quidem à dextris suis, hœdos autem à sinístris. Tunc dicet Rex his, qui à dextris ejus erunt: Veníte benedícti Patris mei, possidéte pará-tum vobis regnum à constitutióne mundi. Esurívi enim, et dedístis mihi manducáre: sitívi, et dedístis mihi bíbere: hospes eram, et collegístis me: nudus, et cooperuístis me: infír-mus, et visitástis me: in cárcere eram, et venístis ad me. Tunc respondébunt ei justí, dicéntes: Dómine, quando te vídimus esuriéntem, et pávimus te: sitiéntem, et dédimus tibi potum? quando autem te vídimus hóspitem, et collégimus te: aut nudum, et coo-perúimus te? aut quando te vídimus infirmum, aut in cárcere, et vénimus ad te? Et respóndens Rex, dicet illis: Amen dico vobis, quámdiu fecístis uni ex his frátribus meis mínimis, mihi fecístis. Tunc dicet et his, qui à sinístris erunt: Discédite à me male-dícti in ignem ætérnum, qui parátus est diábolo, et ángelis ejus. Esurívi enim, et non dedístis mihi mandu-cáre: sitívi, et non dedístis mihi potum: hospes eram, et non colle-gístis me: nudus, et non cooperuístis me: infirmus, et in cárcere, et non visitástis me. Tunc respondébunt ei et ipsi, dicéntes: Dómine, quando te vídimus esuriéntem, aut sitiéntem,

aut hóspitem, aut nudum, aut infirmum, aut in cárcere, et non ministrávimus tibi? Tunc respondébit illis, dicens: Amen dico vobis: Quámdiu non fecistis uni de minóribus his, nec mihi fecistis. Et ibunt hi in supplicium ætérnum; justi autem in vitam ætérnam.

Offertorium. Ps. 118. Levábo óculos meos, et considerábo mirabília tua Dómine, ut dóceas me justítias tuas: da mihi intelléctum, et discam mandáta tua. **Secreta.**

MUnera tibi Dómine obláta sanctífica: nosque à peccatórum nostrórum máculis emúnda. Per Dóminum.

Aliæ Secretæ, ut in Dominica præcedenti. fol. 62.

Communio. Matth. 25. Amen dico vobis: quod uni ex mínimis meis fecistis, mihi fecistis: veníte benedícti Patris mei, possidéte parátum vobis regnum ab iníto sáculi.

Postcommunio.

SAlutáris tui, Dómine, múnere satiáti, súplices exorámus: ut ejus lætámur gustu, renovémur efféctu. Per Dóminum.

Aliæ Postcommuniones, ut in Dominica præcedenti. fol. 62.

Super populum. Orémus. Humiliáte cápita vestra Deo.

Oratio.

ABsólve quæsumus Dómine, nostrórum víncula peccatórum: et quidquid pro eis merémur, propitiátus avérte. Per Dóminum.

FERIA TERTIA.

Statio ad sanctam Anastasiam.

Introitus.

Psal. 89.



Dómine, refúgium factus es nobis à generatióne, et progénie: à sáculo, et in sáculum tu es.

Psal. ibid. Priúsqvam montes fierent, aut formarétur

terra, et orbis: à sáculo, et usque in sáculum tu es Deus.

V. Glória Patri.

Oratio.

REspice Dómine familiam tuam, et præsta: ut apud te mens nostra tuo desidério fúlgeat, quæ se carnis maceratióne castigat. Per Dóminum.

Aliæ Orationes, ut in Dominica præcedenti. fol. 61.

Lectio Isaíæ Prophétæ. Isaíæ 55. b

IN diébus illis: Locútus est Isaías Prophéta, dicens: Quærite Dóminum, dum inveníri potest: invocáte eum, dum prope est. Derelinquat impius viam suam, et vir iníquus cogitatiónes suas, et revertátur ad Dóminum, et miserébitur ejus, et ad Deum nostrum: quóniam multus est ad ignoscéndum. Non enim cogitatiónes meæ, cogitatiónes vestræ: neque viæ vestræ, viæ meæ, dicit Dóminus. Quia sicut exaltántur cœli à terra, sic exaltátæ sunt viæ meæ à viis vestris, et cogitatiónes meæ à cogitatió nibus vestris. Et quómodo descendit imber, et nix de cœlo, et illuc ultra non revértitur, sed inébriat terram, et infúndit eam, et germináre eam facit, et dat semen serénti, et panem comedénti; sic erit verbum meum, quod egrediétur de ore meo: non revertétur ad me vácuum, sed fáciat quaecúmque vólui, et prosperábitur in his, ad quæ misi illud: ait Dóminus omnipotens.

Graduale. Ps. 140. Dirigátur orátio mea, sicut incénsum in conspéctu tuo, Dómine.

V. Elevátio mánuum meárum, sacrificium vespertinum.

Sequéntia sancti Evangélíi secúndum Matthæum. Matth. 21. b

IN illo témpore: Cum intrásset Jesus Jerosólymam, commóta est univérsa civitas, dicens: Quis est hic? Pópuli autem dicébant: Hic est Jesus Prophéta à Názareth Galilææ. Et intrávit Jesus in templum Dei, et ejiciébat omnes vendétes,

Feria iv. Quatuor Temporum Quadrages.

et eméntes in templo; et mensas nummulariórum, et cáthedras vendéntium colúmbas evértit: et dicit eis: Scriptum est: Domus mea domus oratiónis vocábitur: vos autem fecístis illam spelúncam latrónum. Et accessérunt ad eum cæci, et claudi in templo: et sanávit eos. Vidéntes autem Príncipes sacerdotum, et Scribæ, mirabília quæ fecit, et púeros clamántes in templo, et dicéntes: Hosánna filio David: indignáti sunt, et dixerunt ei: Audis quid isti dicunt? Jesus autem dixit eis: Utique. Numquam legístis: Quia ex ore infántium et lacténtium perfecísti laudem? Et relictis illis, ábiit foras extra civitátem in Bethániam: ibique mansit.

Offertorium. Ps. 30. In te sperávi Dómine: dixi: Tu es Deus meus, in mánibus tuis témpora mea.

Secreta.

O Blátis, quæsumus Dómine, placáre munéribus: et à cunctis nos defénde perículis. Per Dóminum.

Aliæ Secretæ, ut in Dominica præcedenti. fol. 62.

Communio. Ps. 4. Cum invocárem te, exaudísti me, Deus justítiæ meæ: in tribulatióne dilatásti me: miserére mihi Dómine, et exáudi oratiónem meam.

Postcommunio.

Quæsumus omnipoténs Deus: ut illius salutáris capiámus efféctum, cujus per hæc mystéria pignus accépimus. Per Dóminum.

Aliæ Postcommuniones, ut in Dominica præcedenti fol. 62.

Super populum. O rémus. Humiliáte cápita vestra Deo.

Oratio.

Ascéndant ad te, Dómine, preces nostræ: et ab Ecclesiá tua cunctam repélle nequítiam. Per Dóminum.

FERIA QUARTA

Quatuor Temporum Quadragesimæ.

Statio ad sanctam Mariam Majorem.

Introitus.**Psal. 24.**

Reminiscere miseratiónum tuárum Dómine, et misericórdiæ tuæ, quæ à sæculo sunt: ne umquam dominéntur nobis inimíci nostri: libera nos Deus Israel ex ómnibus angústiiis nostris.

Ps. ib. Ad te Dómine levávi ánimam meam: Deus meus in te confído, non erubescam.

V. Glória Patri.

Post K yrie eléison. dicitur, O rémus. Flectámus génua. **R.** Leváte.

Oratio.

Preces nostras, quæsumus Dómine, cleménter exáudi: et contra cuncta nobis adversántia, dexteram tuæ majestátis exténde. Per Dóminum.

Léctio libri Exodi. Exodi 24, c

In diébus illis: Dixit Dóminus ad Móysen: Ascénde ad me in montem, et esto ibi: dabóque tibi tábulas lapídeas, et legem ac mandáta quæ scripsi: ut dóceas filios Israel. Surrexérunt Móyses et Jósue mínister ejus: ascendénsque Móyses in montem Dei, senióribus ait: Expectáte híc donec revertámur ad vos. Habétis Aaron et Hur vobíscum: si quid natum fúerit quæstiónis, referétis ad eos. Cumque ascendísset Móyses, opéruiit nubes montem, et habitávit glória Dómini super Sínai, tegens illum nube sex diébus: séptimo autem die vocávit eum de médio caliginis. Erat autem species glóriæ Dómini, quasi ignis ardens super vérticem montis, in conspéctu filiórum Israel. Ingressúsque Móyses médium nébulæ, ascéndit in montem: et fuit ibi quadragínta diébus, et quadragínta nóctibus.

Graduale. Psal. 24. Tribulatiónes cordis mei dilatátæ sunt: de necessitatibus meis éripe me Dómine.

Feria iv. Quatuor Temporum Adventus.

V. Vide humilitatem meam, et laborem meum: et dimitte omnia peccata mea.

Hic non dicitur. Flectamus genua.
sed. V. Dominus vobiscum.

Oremus.

Oratio.

Devotionem populi tui, quaesumus Domine, benignus intende: ut, qui per abstinentiam macerantur in corpore, per fructum boni operis reficiantur in mente. Per Dominum.

Aliae Orationes, ut in Dominica praecedenti. fol. 61.

Lectio libri Regum. 3. Reg. 19.

IN diebus illis: Venit Elias in Bersabee Juda, et dimisit ibi puerum suum, et perrexit in desertum, viam unius diei. Cumque venisset, et sederet subter unam juniperum, petivit animae suae ut moreretur, et ait: Sufficit mihi Domine, tolle animam meam: neque enim melior sum, quam patres mei. Projecitque se, et obdormivit in umbra juniperi: et ecce Angelus Domini tetigit eum, et dixit illi: Surge, et comede. Respexit, et ecce ad caput suum subcinericius panis, et vas aquae: comedit ergo et bibit, et rursus obdormivit. Reversusque est Angelus Domini secundo, et tetigit eum, dixitque illi: Surge, comede: grandis enim tibi restat via. Qui cum surrexisset, comedit, et bibit, et ambulavit in fortitudine cibi illius quadraginta diebus, et quadraginta noctibus, usque ad montem Dei Horeb.

Tractus. Ps. 24. De necessitatibus meis eripe me Domine: vide humilitatem meam, et laborem meum: et dimitte omnia peccata mea. **V.** Ad te Domine levavi animam meam: Deus meus in te confido, non erubescam: neque irideant me inimici mei. **V.** Etenim universi, qui te expectant, non confundentur: confundantur omnes facientes vana.

Sequentia sancti Evangelii secundum Matthaeum. Matth. 12. c

IN illo tempore: Respondérunt Jesu quidam de Scribis et Phariseis, dicentes: Magister, volumus à te signum videre. Qui respondens, ait illis: Generatio mala et adultera signum quaerit: et signum non dabitur ei, nisi signum Jonae Prophetae. Sicut enim fuit Jonas in ventre ceti tribus diebus, et tribus noctibus; sic erit Filius hominis in corde terrae tribus diebus, et tribus noctibus. Viri Ninivitae surgent in iudicio cum generatione ista, et condemnabunt eam: quia poenitentiam egerunt in praedicatione Jonae. Et ecce plus quam Jonas hic. Regina Austri surget in iudicio cum generatione ista, et condemnabit eam: quia venit à finibus terrae audire sapientiam Salomonis. Et ecce plus quam Salomon hic. Cum autem immundus spiritus exierit ab homine, ambulat per loca arida, quaerens requiem, et non invenit. Tunc dicit: Revertar in domum meam, unde exivi. Et veniens, invenit eam vacantem, scopis mundatam, et ornatam. Tunc vadit, et assumit septem alios spiritus secum nequiores se, et intrantes habitant ibi: et fiunt novissima hominis illius pejora prioribus. Sic erit et generationi huic pessimae. Adhuc eo loquente ad turbas, ecce mater ejus, et fratres stabant foris, quaerentes loqui ei. Dixit autem ei quidam: Ecce mater tua, et fratres tui foris stant, quaerentes te. At ipse respondens dicenti sibi, ait: Quae est mater mea, et qui sunt fratres mei? Et extendens manum in discipulos suos, dixit: Ecce mater mea, et fratres mei. Quicumque enim fecerit voluntatem Patris mei, qui in caelis est: ipse meus frater, et soror, et mater est.

Offertorium. Ps. 118. Meditabor in mandatis tuis, quae dilexi valde: et levabo manus meas ad mandata tua, quae dilexi.

Feria v. post Dominicam i. Quadragesimæ.

Secreta.

Hostias tibi, Dómine, placatiónis offerimus: ut et delicta nostra miserátus absólvas, et nutántia corda tu dírigas. Per Dóminum.

Aliæ Secretæ, ut in Dominica præcedenti. fol. 62.

Communio. Ps. 5. Intéllige clamórem meum: inténde voci oratiónis meæ, Rex meus, et Deus meus: quóniam ad te orábo Dómine.

Postcommunio.

Tui, Dómine, perceptiône sacraménti, et à nostris mundémur occúltis, et ab hóstium liberémur insídiis. Per Dóminum nostrum.

Aliæ Postcommuniones, ut in Dominica præcedenti. fol. 62.

Super populum. Orémus. Humiliáte cápita vestra Deo. **Oratio.**

Mentes nostras, quæsumus Dómine, lúmine tuæ claritátis illústra: ut vidére possimus, quæ agénda sunt; et quæ recta sunt, ágere valeámus. Per Dóminum.

FERIA QUINTA.

Statio ad S. Laurentium in Paneperna.

Introitus.

Psal. 95.



Conféssio et pulchritúdo in conspéctu ejus: sánctitas et magnificéntia in sanctificatióne ejus.

Psal. ibid. Cantáte

Dómino cánticum novum: cantáte Dómino omnis terra.

V. Glória Patri. Oratio.

Devotiónem pópuli tui, quæsumus Dómine, benígnus inténde: ut, qui per abstinentiam macerántur in córpore, per fructum boni óperis reficiántur in mente. Per Dóminum.

Aliæ Orationes, ut in Dominica præcedenti. fol. 61.

Léctio Ezechiélis Prophétæ.

Ezech. 18.

IN diébus illis: Factus est sermo Dómini ad me, dicens: Quid est,

quod inter vos parábolam vértitis in provérbium istud in terra Israel, dicéntes: Patres comedérunt uvam acérbam, et dentes filiórum obstupéscunt? Vivo ego, dicit Dóminus Deus, si erit ultra vobis parábola hæc in provérbium in Israel. Ecce omnes ánimæ, meæ sunt: ut ánima patris, ita et ánima filii, mea est: ánima, quæ peccáverit, ipsa moriétur. Et vir si fúerit justus, et fécerit judícium et justítiam, in móntibus non coméderit, et óculos suos non leváverit ad idóla domus Israel: et uxórem próximi sui non violáverit, et ad mulierem menstruátam non accésserit: et hóminem non contristáverit: pignus debitóri reddíderit, per vim nihil rapúerit: panem suum esuriénti déderit, et nudum operúerit vestiménto: ad usúram non commodáverit, et ámplius non accéperit: ab iniquitáte avérterit manum suam, et judícium verum fécerit inter virum et virum: in præcéptis meis ambuláverit, et judícia mea custodíerit, ut fáciat veritátem: hic justus est, vita vivet, ait Dóminus omnípotens.

Graduale. Psal. 16. Custódi me Dómine, ut pupíllam óculi: sub umbra alárum tuárum prótege me.

V. De vultu tuo judícium meum pródeat: óculi tui vídeant æquitátem.

Sequéntia sancti Evangélíi secúndum Matthæum. Matth. 15. c

IN illo témpore: Egréssus Jesus secéssit in partes Tyri et Sidónis. Et ecce múlter Chananæa à finibus illis egréssa clamávit, dicens ei: Miserére mei Dómine fili David: filia mea male à dæmónio vexátur. Qui non respóndit ei verbum. Et accedéntes discípuli ejus rogábant eum, dicéntes: Dimítte eam: quia clamat post nos. Ipse autem respóndens, ait: Non sum missus nisi ad oves, quæ periérunt domus Israel. At illa venit, et adorávit eum, dicens: Dómine, ádjuva me. Qui respóndens,

Feria vi. Quatuor Temporum Quadrages.

ait: Non est bonum sũmere panem filiũrum, et mittere cánibus. At illa dixit: Etiam Dómine: nam et catelli edunt de micis, quæ cadunt de mensa dominórum suórum. Tunc respõdens Jesus, ait illi: O mũlier, magna est fides tua: fiat tibi sicut vis. Et sanáta est filia ejus ex illa hora.

Offertorium. Ps. 33. Immittet Angelus Dómini in circũitu timéntium eum, et eripiet eos: gustáte, et vidéte, quóniam suávis est Dóminus.

Secreta.

Sacrificia, Dómine quæsumus, propítius ista nos salvent, quæ medicinálibus sunt institũta jejúniis. Per Dóminum.

Aliæ Secretæ, ut in Dominica præcedenti. fol. 62.

Communio. Joan. 6. Panis, quem ego dédero, caro mea est pro sæculi vita.

Postcommunio.

Tuórum nos, Dómine, largitáte donórum, et temporálibus attólle præsídiis, et rénova sempitérnis. Per Dóminum.

Aliæ Postcommuniones, ut in Dominica præcedenti. fol. 62.

Super populum. Orémus. Humiliáte cápita vestra Deo. **Oratio.**

DA, quæsumus Dómine, pópulis Christiánis, et quæ profiténtur agnóscere: et cœléste munus diligere, quod frequéntant. Per Dóminum.

FERIA SEXTA**Quatuor Temporum Quadragesimæ.**

Statio ad sanctos duodecim Apostolos.

Introitus.**Psal. 24.**

DE necessitatibus meis éripe me Dómine: vide humilitátem meam, et labórem meum, et dímítte ómnia peccáta mea.

Ps. ib. Ad te Dómine levávi ánimam meam: Deus meus in te confido, non erubéscam.

V. Glória Patri.

Oratio.

ESto, Dómine, propítius plebi tuæ: et quam tibi facis esse devótam,

beníigno réfove miserátus auxílio. Per Dóminum.

Aliæ Orationes, ut in Dominica præcedenti. fol. 61.

Lectio Ezechiélis Prophætæ.**Ezech. 18. d**

HÆc dicit Dóminus Deus: Anima, quæ peccáverit, ipsa moriétur: filius non portábit iniquitátem patris, et pater non portábit iniquitátem filii: justítia justí super eum erit, et impietas ípii erit super eum. Si autem ípius égerit pœniténtiam ab ómnibus peccátis suis, quæ operátus est, et custodíerit ómnia præcépta mea, et fécerit judícium et justítiam: vita vivet, et non moriétur. Omnium iniquitátum ejus, quas operátus est, non recordábor: in justítia sua, quam operátus est, vivet. Numquid voluntátis meæ est mors ípii, dicit Dóminus Deus, et non ut convertátur à viis suis, et vivat? Si autem avérterit se justus à justítia sua, et fécerit iniquitátem secúndum omnes abominatiónes, quas operári solet ípius, numquid vivet? omnes justítiæ ejus, quas fécerat, non recordabúntur: in prævaricatióne, qua prævaricátus est, et in peccáto suo, quod peccávit, in ipsis moriétur. Et dixistis: Non est æqua via Dómini. Audíte ergo domus Israel: Numquid via mea non est æqua, et non magis viæ vestræ pravæ sunt? Cum enim avérterit se justus à justítia sua, et fécerit iniquitátem, moriétur in eis: in injustítia, quam operátus est, moriétur. Et cum avérterit se ípius ab impietáte sua, quam operátus est, et fécerit judícium et justítiam: ipse ánimam suam vivificábit. Consíderans enim, et avértens se ab ómnibus iniquitatibus suis, quas operátus est, vita vivet, et non moriétur, ait Dóminus omnípotens.

Graduale. Ps. 85. Salvum fac servum tuum, Deus meus, sperántem in te.

V. Auribus pécipe Dómine oratió-nem meam.

Sabbato Quatour Temporum Quadrages.

Tractus. Psal. 102. Dómine non secúndum peccáta nostra, quæ féci-mus nos: neque secúndum iniquitá-tes nostras retribuas nobis.

V. Psal. 78. Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

V. (Ad hunc versum genuflectitur.) Adjuva nos Deus salutáris noster: et propter glóriam nóminis tui Dómine libera nos: et propítius esto peccátis nostris, propter nomen tuum.

 **Sequéntia sancti Evangélíi se-cúndum Joánnem. Joan. 5.**

IN illo témpore: Erat dies festus Judæórum, et ascéndit Jesus Jerosólymam. Est autem Jerosóly-mis Probática Piscína, quæ cogno-minátur Hebráice Bethsáida, quinque pórticus habens. In his jacébat multi-túdo magna languéntium, cæcórum, claudórum, aridórum, expectántium aquæ motum. Angelus autem Dómini descendébat secúndum tempus in piscinam: et movebátur aqua. Et qui prior descendisset in piscinam post motiónem aquæ, sanus fiébat à qua-cúmque detinebátur infirmitáte. Erat autem quidam homo ibi, trigínta et octo annos habens in infirmitáte sua. Hunc cum vidisset Jesus jacéntem, et cognovisset quia jam multum tempus habéret, dicit ei: Vis sanus fieri? Respóndit ei lánguidus: Dómine, hóminem non hábeo, ut cum turbáta fúerit aqua, mittat me in piscinam: dum vénio enim ego, álius ante me descendit. Dicit ei Jesus: Surge, tolle grabátum tuum, et ámbula. Et statim sanus factus est homo ille: et sústulit grabátum suum, et ambulábat. Erat autem sábbatum in die illo. Dicébant ergo Judæi illi qui sanátus fúerat: Sábbatum est, non licet tibi tóllere grabátum tuum. Respóndit eis: Qui me sanum fecit, ille mihi dixit: Tolle grabátum tuum, et ámbula. Interrogavérunt ergo eum: Quis est ille homo, qui dixit tibi: Tolle

grabátum tuum, et ámbula? Is autem, qui sanus fúerat efféctus, nesciébat quis esset. Jesus enim declinávit à turba constitúta in loco. Póstea in-vénit eum Jesus in templo, et dixit illi: Ecce sanus factus es: jam noli peccáre, ne detérius tibi áliquid con-tíngat. Abiit ille homo, et nuntiávit Judæis, quia Jesus esset, qui fecit eum sanum.

Offertorium. Psal. 102. Bénedic ánima mea Dómino, et noli oblivísci omnes retributiónes ejus: et renová-bitur, sicut áquilæ, juvéntus tua.

Secreta.

Suscipe, quæsumus Dómine, mú-nera nostris obláta servítiis: et tua propítius dona sanctífica. Per Dóminum.

Aliæ Secretæ, ut in Dominica præ-cedenti. fol. 62.

Communio. Psal. 6. Erubéscant, et conturbéntur omnes inimíci mei: avertántur retrórsum, et erubéscant valde velóciter. **Postcommunio.**

Per hujus, Dómine, operatiónem mystérii, et vítia nostra pur-géntur, et justa desidéria compleán-tur. Per Dóminum.

Aliæ Postcommuniones, ut in Do-minica præcedenti. fol. 62.

Super populum. Orémus. Humiliáte cápita vestra Deo.

Oratio.

EXáudi nos miséricors Deus: et méntibus nostris grátiaæ tuæ lumen osténde. Per Dóminum.



SABBATO
Quatour Temporum Quadragesimæ.

Statío ad sanctum Petrum.

Introitus. Psal. 87.

INtret orátio mea in conspéctu tuo: inclína aurem tuam ad precem meam, Dómine.

Ps. ib. Dómine Deus salútis meæ: in die cla-mávi, et nocte coram te.

Sabbato Quatuor Temporum Quadrages.

V. Glória Patri.

Post Kyrie eléison. **dicitur, Orémus.**
Flectámus gēnua. **R.** Leváte.

Oratio.

POpulum tuum, quæsumus Dómine, propítius réspice: atque ab eo flagélla tuæ iracúndiæ clemén-ter avérte. **Per Dóminum.**

Léctio libri Deuteronomii. Deut. 26. c

IN diébus illis: Locútus est Móyses ad pópulum, dicens: Quando compléveris décimam cunctárum frugum tuárum, loquéris in conspéctu Dómini Dei tui. Abstuli quod sanctificátum est de domo mea, et dedi illud Levítæ, et ádvenæ, et pupíllo, ac víduæ, sicut jussísti mihi: non præterívi mandáta tua, nec sum oblítus impérii tui. Obedívi voci Dómini Dei mei, et feci ómnia sicut præcepísti mihi. Réspice de sanctuário tuo, et de excélso cœlórum habitáculo, et bénedic pópulo tuo Israel, et Terræ, quam dedísti nobis, sicut jurásti pátribus nostris, terræ lacte et melle manánti. Hódie Dóminus Deus tuus præcepit tibi, ut fácias mandáta hæc atque judícia: et custódias et ímpleas ex toto corde tuo, et ex tota ánima tua. Dóminum elegísti hódie, ut sit tibi Deus, et ámbules in viis ejus, et custódias cæremónias illius, et mandáta atque judícia, et obédias ejus império. Et Dóminus elégit te hódie, ut sis ei pópulus peculiáris, sicut locútus est tibi, et custódias ómnia præcépta illius: et fáciat te excelsiorem cunctis Géntibus, quas creávit, in laudem, et nomen, et glóriam suam: ut sis pópulus sanctus Dómini Dei tui, sicut locútus est.

Graduale. Psal. 78. Propítius esto Dómine peccátis nostris: ne quando dicant Gentes; Ubi est Deus eórum?

V. Adjuva nos Deus salutáris noster, et propter honórem nóminis tui Dómine, libera nos.

Orémus. Flectámus gēnua.

R. Leváte.

Oratio.

Protéctor noster áspice Deus: ut, qui malórum nostrórum pón-dere prémimur, percépta misericórdia, libera tibi mente famulémur. **Per Dóminum.**

Léctio libri Deuteronomii. Deut. 11. c

IN diébus illis: Dixit Móyses filiis Israel: Si custodiéritis mandáta, quæ ego præcípio vobis, et fecéritis ea, ut diligátis Dóminum Deum vestrum, et ambulétis in ómnibus viis ejus, adhæréntes ei, dispérdet Dóminus omnes Gentes istas ante faciém vestram, et possidébitis eas, quæ majóres et fortióres vobis sunt. Omnis locus quem calcáverit pes vester, vester erit. A desérto, et à Líbano, à flúmine magno Euphráte, usque ad mare Occidentále erunt términi vestri. Nullus stabit contra vos: ter-rórem vestrum et formídinem dabit Dóminus Deus vester super omnem terram, quam calcatúri estis, sicut locútus est vobis, Dóminus Deus vester.

Graduale. Ps. 83. Protéctor noster áspice Deus, et réspice super servos tuos.

V. Dómine Deus virtútum, exáudi preces servórum tuórum.

Orémus. Flectámus gēnua.

R. Leváte.

Oratio.

ADesto, quæsumus Dómine, supplicatióibus nostris: ut esse, te largiénte, mereámur et inter próspera húmiles, et inter advérsa secúri. **Per Dóminum.**

Léctio libri Machabæórum. 2. Mach. 1. f

IN diébus illis: Oratióem faciébant omnes sacerdótes, dum consummarétur sacrificium, Jónatha inchoánte, céteris autem respondéntibus. Et Nehemíæ erat orátio hunc habens modum: Dómine Deus ómnium creátor, terríbilis et fortis, justus et misericors, qui solus es bonus Rex, solus præstans, solus justus, et omnipotens, et ætérnus, qui liberas Israel de omni malo, qui fecísti patres elé-

ctos, et sanctificásti eos: áccipe sacrificium pro univérso pópulo tuo Israel, et custódi partem tuam, et sanctífica: ut sciant Gentes, quia tu es Deus noster.

Graduale. Ps. 89. Convértere Dómine aliquántulum, et deprecáre super servos tuos.

V. Dómine refúgium factus es nobis, à generatióne et progénie.

Oremus. Flectámus génua.

R. Leváte. **Oratio.**

PReces pópuli tui, quæsumus Dómine, cleménter exáudi: ut, qui juste pro peccátis nostris affligimur, pro tui nóminis glória misericórditer liberémur. Per Dóminum.

Lectio libri Sapiéntiæ. **Eccli. 36.**

Miserere nostri Deus ómnium, et respice nos, et osténde nobis lucem miseratiónum tuárum: et immítte timórem tuum super Gentes, quæ non exquisiérunt te, ut cognóscant, quia non est Deus nisi tu, et enárrent magnália tua. Alleva manum tuam super Gentes aliénas, ut vídeant poténtiam tuam. Sicut enim in conspéctu eórum sanctificátus es in nobis, sic in conspéctu nostro magnificáberis in eis, ut cognóscant te, sicut et nos cognóvimus, quóniam non est Deus præter te Dómine. Innova signa, et immúta mirabília. Glorífica manum, et bráchium dextrum. Excita furórem, et effúnde iram. Tolle adversárium, et afflige inimicum. Festína tempus, et memento finis, ut enárrent mirabília tua, Dómine Deus noster.

Graduale. Ps. 140. Dirigátur orátio mea, sicut incénsum in conspéctu tuo, Dómine.

V. Elevátio mánuum meárum sacrificium vespertinum.

Oremus. Flectámus génua.

R. Leváte. **Oratio.**

Actiões nostras, quæsumus Dómine, aspirándo præveni, et adjuvándó proséquere: ut cuncta nostra orátio et operátio à te semper

incípiat, et per te cœpta finiátur. Per Dóminum.

Lectio Daniélis Prophétæ. **Dan. 3. c**

IN diébus illis: Angelus Dómini descendit cum Azaría, et sóciis ejus, in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadragínta novem: et erúpit, et incéndit quos réperit juxta fornácem de Chaldæis ministros regis, qui eam incendébant. Et non tétigit eos omníno ignis, neque contristávit, nec quidquam moléstiae íntulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes:

Hic non respondetur, Deo grátias.

Hymnus.

Ibid.

Benedíctus es, Dómine Deus patrum nostrórum. Et laudábilis et gloriósus in sæcula.

Et benedíctum nomen glóriæ tuæ, quod est sanctum. Et laudábile et gloriósum in sæcula.

Benedíctus es in templo sancto glóriæ tuæ. Et laudábilis et gloriósus in sæcula.

Benedíctus es super thronum sanctum regni tui. Et laudábilis et gloriósus in sæcula.

Benedíctus es super sceptrum divinitátis tuæ. Et laudábilis et gloriósus in sæcula.

Benedíctus es, qui sedes super Chérubim, íntuens abyssos. Et laudábilis et gloriósus in sæcula.

Benedíctus es qui ámbulas super pennas ventórum, et super undas maris. Et laudábilis et gloriósus in sæcula.

Benedícant te omnes Angeli, et Sancti tui. Et laudent te et gloríficent in sæcula.

Benedícant te cœli, terra, mare, et ómnia quæ in eis sunt. Et laudent te et gloríficent in sæcula.

Gloria Patri, et Fílio, et Spirítui sancto. Et laudábili et glorióso in sæcula.

Sabbato Quatuor Temporum Quadrages.

Sicut erat in principio, et nunc, et semper: et in sæcula sæculorum. Amen. Et laudabili et glorioso in sæcula.

Benedictus es Dómine Deus patrum nostrorum. Et laudabilis et gloriosus in sæcula.

Hic non dicitur. Flectámus gēnua, sed **V.** Dóminus vobiscum.

Oremus.

Oratio.

Deus, qui tribus púeris mitigásti flammās ignium: concéde propítius; ut nos fámulos tuos non exúrat flamma vitiorum. Per Dóminum.

Aliæ Orationes, ut in Dominica præcedenti. fol. 61.

Lectio Epistolæ beāti Pauli Apóstoli ad Thessalonicenses. **1. Thes. 5. c**

Fratres: Rogámus vos, corripite inquietos, consolámini pusillánimes, suscipite infirmos, patientes estóte ad omnes. Vidéte ne quis malum pro malo alicui reddat: sed semper quod bonum est sectámini in invicem, et in omnes. Semper gaudéte. Sine intermissione oráte. In ómnibus grátias ágite: hæc est enim volúntas Dei in Christo Jesu in ómnibus vobis. Spíritum nolíte extinguere. Prophetías nolíte spérnere. Omnia autem probáte: quod bonum est tenéte. Ab omni specie mala abstinéte vos. Ipse autem Deus pacis sanctíficet vos per ómnia: ut integer spíritus vester, et ánima, et corpus sine queréla, in advéntu Dómini nostri Jesu Christi servétur.

Tractus. Ps. 116. Laudáte Dóminum omnes Gentes: et collaudáte eum omnes pópuli.

V. Quóniam confirmáta est super nos misericórdia ejus: et véritas Dómini manet in ætérnum.

Sequéntia sancti Evangélíi secúndum Matthæum. Matth. 17.

In illo témpore: Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu seórsum: et transfigurátus

est ante eos. Et resplénduit fácies ejus sicut sol: vestiménta autem ejus facta sunt alba sicut nix. Et ecce apparuérunt illis Móyses et Eliás cum eo loquéntes. Respóndens autem Petrus, dixit ad Jesum: Dómine, bonum est nos híc esse: si vis, faciámus híc tria tabernácula, tibi unum, Móysi unum, et Eliæ unum. Adhuc eo loquente, ecce nubes lúcida obumbrávit eos. Et ecce vox de nube, dicens: Hic est Fílius meus diléctus, in quo mihi bene complácuí: ipsum audíte. Et audiéntes discípuli, ceciderunt in fáciem suam, et timuérunt valde. Et accéssit Jesus, et tétigit eos, dixítque eis: Súrgite, et nolíte timére. Levántes autem óculos suos, néminem vidérunt, nisi solum Jesum. Et descendéntibus illis de monte, præcépit eis Jesus, dicens: Némini dixeritis visiónem, donec Fílius hóminis à mórtuis resúrgat.

Offertorium. Psal. 87. Dómine Deus salútis meæ, in die clamávi, et nocte coram te: intret orátio mea in conspéctu tuo Dómine.

Secreta.

Præséntibus sacrificiis, quæsumus Dómine, jejúnia nostra sanctífica: ut, quod observántia nostra profitétur extrínsecus, intérius operétur. Per Dóminum.

Aliæ Secretæ, ut in Dominica præcedenti. fol. 62.

Communio. Psal. 7. Dómine Deus meus in te sperávi, libera me ab ómnibus persequéntibus me, et éripe me.

Postcommunio.

Sanctificatióibus tuis, omnípotens Deus, et vítia nostra curéntur, et remédia nobis ætérna provéniant. Per Dóminum.

Aliæ Postcommuniones, ut in Dominica præcedenti. fol. 62.

Super populum. Oremus. Humiliáte cápita vestra Deo. **O**ratio.

Fidèles tuos, Deus, benedictio desideráta confirmet, quæ eos, et à tua voluntáte numquam fáciat

Dominica ii. in Quadragesima.

discrepáre, et tuis semper indulgeat beneficiis gratulári. Per Dóminum nostrum.

DOMINICA SECUNDA

in Quadragesima.

Statio ad sanctam Mariam in Domnica.

Introitus.

Psal. 24.



Eminíscere miseratiónum tuárum Dómine, et misericórdiæ tuæ, quæ à sæculo sunt: ne umquam dominéntur nobis inimíci nostri: libera nos Deus Israel ex ómnibus angústiiis nostris.

Psal. ibid. Ad te Dómine levávi ánimam meam: Deus meus in te confído, non erubescam.

V. Glória Patri.

Oratio.

Deus, qui cónspicis omni nos virtúte destítui, intérius, exteriúsque custódi: ut ab ómnibus adversitatibus muniámur in corpore, et à pravis cogitationibus mundémur in mente. Per Dóminum.

Ad poscenda suffragia Sanctorum.
Oratio.

A Cunctis nos, quæsumus Dómine, mentis et corporis defénde perículis: et, intercedénte beáta et gloriósa semper Vírgine Dei genitríce María, cum beátis Apóstolis tuis Petro et Paulo, atque beáto **N.** et ómnibus Sanctis, salútem nobis tríbue benígnus et pacem; ut, destrúctis adversitatibus et erróribus univérsis, Ecclésia tua secúra tibi sérviat libertáte.

Pro vivis et defunctis. Oratio.

O Mnípotens sempitérne Deus, qui vivórum domináris simul et mortuórum, omniúmque miseréris, quos tuos fide et ópere futúros esse prænúscis: te súplices exorámus; ut, pro quibus effúndere preces decrevimus, quosque vel præsens sæculum adhuc in carne rétinet, vel futúrum jam exútos corpore suscepit; intercedéntibus ómnibus Sanctis tuis,

pietátis tuæ cleméntia, ómnium delictórum suórum véniam consequántur. Per Dóminum.

Léctio Epístolæ beáti Pauli Apóstoli ad Thessalonicénses. 1. Thes. 4.

E Ratres: Rogámus vos, et obsecrámus in Dómino Jesu: ut, quemádmódum accepístis à nobis, quómodo opórteat vos ambuláre, et placére Deo, sic et ambulétis, ut abundétis magis. Scitis enim quæ præcépta déderim vobis per Dóminum Jesum. Hæc est enim volúntas Dei, sanctificátio vestra: ut abstineátis vos à fornicatióne, ut sciat unusquisque vestrum vas suum possidére in sanctificatióne, et honóre; non in passióne desidérii, sicut et gentes, quæ ignórant Deum: et ne quis supergrediátur, neque circumvéniat in negótio fratrem suum: quóniam vindex est Dóminus de his ómnibus, sicut prædíximus vobis, et testificátis sumus. Non enim vocávit nos Deus in immundítiam, sed in sanctificatióne: in Christo Jesu Dómino nostro.

Graduale. Psal. 24. Tribulatiónes cordis mei dilatátæ sunt: de necessitatibus meis éripe me Dómine.

V. Vide humilitátem meam, et labórem meum: et dimítte ómnia peccáta mea.

Tractus. Psal. 105. Confitémini Dómino, quóniam bonus: quóniam in sæculum misericórdia ejus.

V. Quis loquétur poténtias Dómini: audítas fáciat omnes laudes ejus?

V. Beáti qui custódiunt iudícium, et fáciunt justítiam in omni témpore.

V. Meménto nostri Dómine in beneplácito pópuli tui: visita nos in salutarí tuo.

Sequéntia sancti Evangélii secúndum Matthæum. Matth. 17.

IN illo témpore: Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu seórsum: et transfigurátus est ante eos. Et resplénduit fácies ejus sicut sol: vestiménta

Feria ii. post Dominicam ii. Quadrages.

autem ejus facta sunt alba sicut nix. Et ecce apparuerunt illis Moyses et Elias cum eo loquentes. Respondens autem Petrus, dixit ad Jesum: Domine, bonum est nos hic esse: si vis, faciamus hic tria tabernacula, tibi unum, Moysi unum, et Eliae unum. Adhuc eo loquente, ecce nubes lucida obumbravit eos. Et ecce vox de nube, dicens: Hic est Filius meus dilectus, in quo mihi bene complacui: ipsum audite. Et audientes discipuli, ceciderunt in faciem suam, et timuerunt valde. Et accessit Jesus, et tetigit eos, dixitque eis: Surgite, et nolite timere. Levantes autem oculos suos, neminem viderunt, nisi solum Jesum. Et descendentibus illis de monte, praecepit eis Jesus, dicens: Nemini dixeritis visionem, donec Filius hominis a mortuis resurgat. **Credo.**

Offertorium. Psal. 118. Meditabor in mandatis tuis, quae dilexi valde: et levabo manus meas ad mandata tua, quae dilexi.

Secreta.

Sacrificiis praesentibus, Domine quaesumus, intende placatus: ut et devotioni nostrae proficiant, et salutem. Per Dominum.

Aliae Secretae.

Exaudi nos Deus salutaris noster: ut per hujus sacramenti virtutem, a cunctis nos mentis et corporis hostibus tuearis; gratiam tribuens in praesenti, et gloriam in futuro.

Deus, cui soli cognitus est numerus electorum in superna felicitate locandus: tribue quaesumus; ut, intercedentibus omnibus Sanctis tuis, universorum, quos in oratione commendatos suscepimus, et omnium fidelium nomina, beatae praedestinationis liber adscripta retineat. Per Dominum.

Communio. Ps. 5. Intellige clamorem meum: intende voci orationis meae, Rex meus, et Deus meus: quoniam ad te orabo Domine.

Postcommunio.

Supplices te rogamus, omnipotens Deus: ut, quos tuis reſicis sacramentis, tibi etiam placitis moribus dignanter deservire concedas. Per Dominum.

Aliae Postcommuniones.

Mundet et muniat nos, quaesumus Domine, divini sacramenti munus oblatum: et, intercedente beata Virgine Dei genitrice Maria, cum beatis Apostolis tuis Petro et Paulo, atque beato **N.** et omnibus Sanctis; a cunctis nos reddat et perversitatibus expiatis, et adversitatibus expeditis.

Purificent nos, quaesumus omnipotens et misericors Deus, sacramenta quae sumpsimus: et, intercedentibus omnibus Sanctis tuis, praesta; ut hoc tuum sacramentum non sit nobis reatus ad poenam, sed intercessio salutaris ad veniam: sit ablutio scelerum, sit fortitudo fragilium, sit contra omnia mundi pericula firmamentum: sit vivorum atque mortuorum fidelium, remissio omnium delictorum. Per Dominum.

FERIA SECUNDA.

Statio ad sanctum Clementem.

Introitus.**Psal. 25.**

Edime me Domine, et miserere mei: pes enim meus stetit in via recta: in ecclesiis benedicam Dominum.

Psal. ibid. Judica me Domine, quoniam ego in innocentia mea ingressus sum: et in Domino sperans, non infirmabor.

V. Gloria Patri. Oratio.

Praesta quaesumus omnipotens Deus: ut familia tua, quae se, affligendo carnem, ab alimentis abstinet; sectando justitiam, a culpa jejUNET. Per Dominum.

Aliae Orationes, ut in Dominica praecedenti. fol. 73.

Lectio Daniélis Prophétæ. Dan. 9. d

IN diébus illis: Orávit Dániel Dóminum, dicens: Dómine Deus noster, qui eduxísti pópulum tuum de terra Ægypti in manu forti, et fecísti tibi nomen secúndum diem hanc: peccávimus, iniquitátem féci-mus, Dómine in omnem justítiam tuam: avertátur óbsecro ira tua, et furor tuus à civitáte tua Jerúsalem, et monte sancto tuo. Propter peccáta enim nostra, et iniquitátes patrum nostrórum, Jerúsalem et pópulus tuus in oppróbrium sunt ómnibus per circúitum nostrum. Nunc ergo exáudi Deus noster oratióem servi tui, et preces ejus: et osténde fáciem tuam super sanctuárium tuum, quod desértum est, propter temetípsum. Inclína Deus meus aurem tuam, et audi: áperi óculos tuos, et vide desolatió-nem nostram, et civitátem, super quam invocátum est nomen tuum: neque enim in justificatióibus nostris prostérnimus preces ante fáciem tuam, sed in miseratióibus tuis multis. Exáudi Dómine, placáre Dómine: atténde et fac: ne moréris propter temetípsum Deus meus: quia nomen tuum invocátum est super civitátem, et super pópulum tuum, Dómine Deus noster.

Graduale. Ps. 69. Adjútor meus, et liberátor meus esto: Dómine ne tardáveris. **V.** Confundántur, et revereántur inimíci mei, qui quærunt ánimam meam.

Tractus. Psal. 102. Dómine, non secúndum peccáta nostra, quæ féci-mus nos: neque secúndum iniquitátes nostras retríbuas nobis.

V. Psal. 78. Dómine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis.

V. (Hic genuflectitur.) Adjuva nos Deus salutáris noster: et propter glóriam nóminis tui Dómine libera nos: et propítius esto peccátis nostris, propter nomen tuum.

Sequéntia sancti Evangélíi secúndum Joánnem. Joan. 8. c

IN illo témpore: Dixit Jesus tur-bis Judæórum: Ego vado, et quærétis me, et in peccáto vestro moriémmini. Quo ego vado, vos non potéstis veníre. Dicébant ergo Judæi: Numquid interficiet semetípsum, quia dixit: Quo ego vado, vos non potéstis veníre? Et dicébat eis: Vos de deór-sum estis, ego de supérnis sum. Vos de mundo hoc estis, ego non sum de hoc mundo. Dixi ergo vobis, quia moriémmini in peccátis vestris: si enim non credidérítis quia ego sum, morié-mini in peccáto vestro. Dicébant ergo ei: Tu quis es? Dixit eis Jesus: Prin-cípium, qui et loquor vobis. Multa hábeo de vobis loqui, et judicáre. Sed qui me misit, verax est: et ego quæ audívi ab eo, hæc loquor in mundo. Et non cognovérunt, quia Patrem ejus dicébat Deum. Dixit ergo eis Jesus: Cum exaltavérítis Fílium hóminis, tunc cognoscétis quia ego sum, et à meípso fácio nihil: sed sicut dócuit me Pater, hæc lo-quor: et qui me misit, mecum est, et non relíquit me solum: quia ego, quæ plácita sunt ei, fácio semper.

Offertorium. Psal. 15. Benedícam Dóminum, qui tríbuit mihi intelléctum: providébam Dóminum in conspéctu meo semper: quóniam à dextris est mihi, ne commóvear.

Secreta.

HÆc hóstia, Dómine, placatiónis et laudis, tua nos protectióne dignos effíciat. Per Dóminum.

Aliæ Secretæ, ut in Dominica præcedenti. fol. 74.

Communio. Ps. 8. Dómine Dóminus noster, quam admirábile est nomen tuum in univérsa terra!

Postcommunio.

HÆc nos commúnio, Dómine, purget à crímine: et cœléstis remédii fáciat esse consórtes. Per Dóminum.

Feria iii. post Dominicam ii. Quadrages.

Aliæ Postcommuniones, ut in Dominica præcedenti. fol. 74.

Super populum. Orémus. Humiliáte cápita vestra Deo. **Oratio.**

A Dèsto supplicationibus nostris omnipotens Deus: et quibus fidúciã sperándæ pietátis indulges; consuetæ misericórdiæ tribue benignus effectum. **Per Dóminum.**

FERIA TERTIA.

Statio ad sanctam Balbinam.

Introitus.

Psal.
26.

 Ibi dixit cor meum, quæsiui vultum tuum, vultum tuum Dómine requíram: ne avértas faciẽm tuam à me. **Psal. ibid.** Dóminus illuminátio mea, et salus mea: quem timébo?

V. Glória Patri. Oratio.

P Erfice, quæsumus Dómine, benignus in nobis observántiæ sanctæ subsidium: ut, quæ te auctóre faciẽnda cognóvimus, te operante impleámus. **Per Dóminum.**

Aliæ Orationes, ut in Dominica præcedenti. fol. 73.

Lectio libri Regum. 3. Reg. 17. b

I N diébus illis: Factus est sermo Dómini ad Eliã Thesbítẽ, dicens: Surge, et vade in Saréphta Sidoniórum, et manébis ibi: præcépi enim ibi mulieri víduæ, ut pascat te. Surréxit, et ábiit in Saréphta. Cumque venísset ad portam civitátis, apparuit ei múlter vídua cólligens ligna, et vocávit eam, dixítque ei: Da mihi páululum aquæ in vase, ut bibam. Cumque illa pérgeret, ut afférret, clamávit post tergum ejus, dicens: Affer mihi, óbsecro, et buccellam panis in manu tua. Quæ respóndit: Vivit Dóminus Deus tuus, quia non hábeo panem, nisi quantum pugillus cápere potest farínæ in

hydria, et páululum ólei in lécytho: en cólligo duo ligna, ut ingrédiam, et faciã illum mihi, et filio meo, ut comedámus, et moriámur. Ad quam Eliã ait: Noli timére, sed vade, et fac sicut dixísti: verúmtamen mihi primum fac de ipsa farínula subcinerícium panem párvulum, et affer ad me: tibi autem et filio tuo faciẽs póstea. Hæc autem dicit Dóminus Deus Israel. Hydria farínæ non deficiet, nec lécythus ólei minuétur, usque ad diem, in qua Dóminus datúrus est plúviam super faciẽm terræ. Quæ ábiit, et fecit juxta verbum Eliã: et comédit ipse, et illa, et domus ejus: et ex illa die hydria farínæ non defécit, et lécythus ólei non est imminútus, juxta verbum Dómini, quod locútus fúerat in manu Eliã.

Graduale. Ps. 54. J acta cogitátum tuum in Dómino, et ipse te enútriet. **V.** Dum clamárem ad Dóminum, exaudivit vocem meam ab his, qui appropínquant mihi.

Sequẽtia sancti Evangélii secúndum Matthæum. Matth. 23.

I N illo témpore: Locútus est Jesus ad turbas, et ad discipulos suos, dicens: Super cáthedram Móysi sedérunt Seribæ et Pharisæi. Omnia ergo quæcúmque dixerint vobis, serváte, et faciẽte: secúndum ópera vero eórum nolíte faciẽre: dicunt enim, et non faciunt. Alligant enim ónera grávia et importabilia, et impónunt in húmeros hóminum: dígitó autem suo nolunt ea movére. Omnia vero ópera sua faciunt, ut videántur ab homínibus: dilátant enim phylactéria sua, et magníficant fimbrias. Amant autem primos recúbitus in cœnis, et primas cáthedras in synagógis, et salutatiões in foro, et vocári ab homínibus Rabbi. Vos autem nolíte vocári Rabbi: unus est enim Magíster vester, omnes autem vos fratres estis. Et patrem nolíte vocáre vobis super terram, unus est enim

Pater vester, qui in cœlis est. Nec vocemini magistri: quia Magister vester unus est, Christus. Qui major est vestrum, erit minister vester. Qui autem se exaltaverit, humiliabitur: et qui se humiliaverit, exaltabitur.

Offertorium. Ps. 50. Miserere mei Dómine, secundum magnam misericórdiam tuam: dele Dómine iniquitatem meam. **Secreta.**

Sanctificationem tuam nobis Dómine, his mystériis operare placatus: quæ nos et à terrenis purget vitiis, et ad cœlestia dona perducat. Per Dóminum.

Aliæ Secretæ, ut in Dominica præcedenti. fol. 74.

Communio. Ps. 9. Narrábo ómnia mirabilia tua: lætabor, et exultábo in te: psallam nómini tuo, Altíssime.

Postcommunio.

UT sacris, Dómine, reddámur digni munéribus, fac nos tuis, quæsumus, semper obedire mandátis. Per Dóminum.

Aliæ Postcommuniones, ut in Dominica præcedenti. fol. 74.

Super populum. Orémus. Humiliáte cápita vestra Deo. **Oratio.**

Propitiare Dómine supplicationibus nostris, et animárum nostrárum medere languoribus: ut remissione percépta, in tua semper benedictione lætémur. Per Dóminum.

FERIA QUARTA.

Statio ad sanctam Cæciliam.

Introitus. Psal. 37.

NE derelinquas me Dómine Deus meus, ne discédas à me: inténde in adiutorium meum, Dómine virtus salutis meæ.

Psal. ibid. Dómine, ne in furóre tuo árguas me: neque in ira tua corripas me.

V. Glória Patri. Oratio.

Populum tuum, quæsumus Dómine, propítius respice: et quos ab escis carnálibus præcipis abstinere, à nóxiis quoque vitiis cessare concede. Per Dóminum.

Aliæ Orationes, ut in Dominica præcedenti. fol. 73.

Lectio libri Esther.

Esth. 13. c

IN diébus illis: Orávit Mardocheus ad Dóminum, dicens: Dómine Dómine Rex omnipotens, in ditione enim tua cuncta sunt posita: et non est qui possit tuæ resistere voluntati, si decreveris salvare Israel. Tu fecisti cœlum et terram, et quidquid cœli ámbitu continetur. Dóminus ómnium es, nec est qui resistat majestati tuæ. Et nunc Dómine Rex, Deus Abraham, miserere pópuli tui, quia volunt nos inimici nostri perdere, et hæreditatem tuam delere. Ne despicias partem tuam, quam redemisti tibi de Ægypto. Exáudi deprecationem meam, et propítius esto sorti et funículo tuo, et converte luctum nostrum in gáudium, ut viventes laudémus nomen tuum Dómine, et ne claudas ora te canéntium, Dómine Deus noster.

Graduale. Psal. 27. Salvum fac pópulum tuum Dómine, et benedic hæreditati tuæ.

V. Ad te Dómine clamávi, Deus meus ne síleas à me, et ero similis descendéntibus in lacum.

Tractus. Psal. 102. Dómine, non secundum peccáta nostra, quæ féci-mus nos: neque secundum iniquitates nostras retribuas nobis.

V. Psal. 78. Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

V. (Ad hunc versum genuflectitur.) Adjuva nos Deus salutáris noster: et propter glóriam nóminis tui Dómine libera nos: et propítius esto peccátis nostris, propter nomen tuum.

Sequētia sancti Evangēlii se-
cūndū Matthæum. **Matth. 20. b**

IN illo tēpore: Ascēdens Jesus Jerosólymam, assūpsit duódecim discipulos secrēto, et ait illis: Ecce ascēdimus Jerosólymam, et Fílius hóminis tradétur Princípi- bus sacerdotum, et Scribis, et condemná- bunt eum morte, et tradent eum Géntibus ad illudéndum, et flagel- lándum, et crucifigéndum, et tertia die resúrget. Tunc accéssit ad eum mater filiórū Zebedæi cum filiis suis, adórans et petens áliquid ab eo. Qui dixit ei: Quid vis? Ait illi: Dic ut sédeant hi duo filii mei, unus ad dexteram tuam, et unus ad sinistram in regno tuo. Respóndens autem Je- sus, dixit: Nescítis quid petátis. Po- téstis bíbere cálicem, quem ego bibi- túrus sum? Dicunt ei: Póssumus. Ait illis: Cálicem quidem meum bibétis: sedére autem ad dexteram meam vel sinistram, non est meum dare vobis, sed quibus parátum est à Patre meo. Et audiētes decem, in- dignáti sunt de duóbus frátribus. Jesus autem vocávit eos ad se, et ait: Scitis quia príncipes géntium dominántur eórum: et qui majóres sunt, potestátem exércent in eos. Non ita erit inter vos: sed quicúmque volúerit inter vos major fieri, sit vester miníster: et qui volúerit inter vos primus esse, erit vester servus. Sicut fílius hóminis non venit mini- strári, sed ministráre, et dare ánimam suam, redemptiónem pro multis.

Offertorium. Ps. 24. Ad te Dómine levávi ánimam meam, Deus meus in te confído, non erubéscam: neque irrídeant me inimíci mei: étenim uni- vési, qui te expéctant, non confun- dentur.

Secreta.

HOstias, Dómine, quas tibi offé- rimus, propítius respice: et per hæc sancta commércia, víncula pec- catórum nostrórum absólve. Per Dóminum.

Aliæ Secretæ, ut in Dominica præ-
cedenti. fol. 74.

Communio. Ps. 10. Justus Dóminus, et justítiam diléxit: æquitátem vidit vultus ejus. **Postcommunio.**

Sumptis Dómine sacraméntis, ad redemptiónis æternæ, quæsu- mus, proficiámus augméntum. Per Dóminum.

Aliæ Postcommuniones, ut in Do-
minica præcedenti. fol. 74.

Super populum. Orémus. Humiliáte cápita vestra Deo. **Oratio.**

Deus innocéntiæ restitutor et amátor, dirige ad te tuórum corda servórum: ut Spíritus tui fer- vóre concépto, et in fide inveniántur stábiles, et in ópere efficáces. Per Dóminum nostrum. in unitáte ejús- dem Spíritus sancti Deus.

FERIA QUINTA.

Statio ad sanctam Mariam trans Tiberim.

Introitus. Psal. 69.

Deus in adjutórium meum inténde, Dó- mine ad adjuvándum me festína: confundántur et re- vereántur inimíci mei, qui quærunt ánimam meam.

Psal. ibid. Avertántur retrórsum, et erubéscant: qui cógitant mihi mala.

V. Glória Patri. Oratio.

Præsta nobis, quæsumus Dó- mine, auxílium grátiae tuæ: ut jejúniis et oratióibus conveniēter intéti, liberémur ab hóstibus mentis et cóporis. Per Dóminum nostrum.

Aliæ Orationes, ut in Dominica
præcedenti. fol. 73.

Lectio Jeremiæ Prophætæ. Jerem. 17.

Hæc dicit Dóminus Deus: Male- dictus homo, qui confídit in hómine, et ponit carnem bráchium suum, et à Dómino recédit cor ejus. Erit enim quasi myricæ in desérto, et non vidébit cum vénerit bonum: sed habitábit in siccitáte in desérto,

in terra salsúginis, et inhabitábili. **B**enedíctus vir, qui confidit in Dómino, et erit Dóminus fidúcia ejus. Et erit quasi lignum quod transplan-tátur super aquas, quod ad humórem mittit radices suas: et non timébit cum vénerit æstus. Et erit fólíum ejus víride, et in témpore siccitátis non erit solícitum, nec aliquándo désinet fácere fructum. Pravum est cor ómnium, et inscrutábile: quis cognóscet illud? Ego Dóminus scrutans cor, et probans renes: qui do unicui-que juxta viam suam, et juxta fructum adinventiónum suárum: dicit Dóminus omnipotens.

Graduale. Psal. 78. Propítius esto Dómine peccátis nostris, ne quando dicant Gentes: Ubi est Deus eórum?

V. Adjuva nos Deus salutáris noster: et propter honórem nóminis tui Dómine, libera nos.

Sequéntia sancti Evangélíi secúndum Lucam. Lucæ 16. e

IN illo témpore: Dixit Jesus Pha-risæis: Homo quidam erat dives, qui induebátur púrpura et bysso: et epulabátur quotidie splendide. Et erat quidam mendícus, nómine Lá-zarus, qui jacébat ad jánuam ejus, ulcéribus plenus, cúpiens saturári de micis, quæ cadébant de mensa dívitis, et nemo illi dabat: sed et canes venié-bant, et lingébant úlcerá ejus. Fa-ctum est autem ut morerétur mendí-cus, et portarétur ab Angelis in sinum Abrahæ. Mórtuus est autem et dives, et sepúltus est in inférno. Elevans autem óculos suos, cum esset in torméntis, vidit Abraham à longe, et Lázarum in sinu ejus: et ipse clamans, dixit: Pater Abraham, miserére mei, et mitte Lázarum, ut intíngat extrémum dígití sui in aquam, ut refrígeret linguam meam, quia crucior in hac flamma. Et dixit illi Abraham: Fili, recordáre quia recepísti bona in vita tua, et Lázarus simíliter mala: nunc autem hic con-solátur, tu vero cruciáris. Et in his

ómnibus, inter nos et vos chaos magnum firmátum est: ut hi, qui volunt hinc transíre ad vos, non possint, neque inde huc transmeáre. Et ait: Rogo ergo te pater, ut mittas eum in domum patris mei. Hábeo enim quinque fratres, ut testétur illis, ne et ipsi véniant in hunc locum tor-mentórum. Et ait illi Abraham: Ha-bent Móysen et Prophétas: áudiant illos. At ille dixit: Non, pater Ab-raham: sed si quis ex mórtuis íerit ad eos, pœniténtiam agent. Ait autem illi: Si Móysen et Prophétas non áudiunt; neque si quis ex mórtuis resurréxerit, credent.

Offertorium. Exodi 32. Precátus est Móyses in conspéctu Dómini Dei sui, et dixit: Quare Dómine irásceris in pópulo tuo? parce iræ ánimæ tuæ: meménto Abraham, Isaac, et Jacob, quibus jurásti dare terram fluéntem lac et mel. Et placátus est Dóminus de malignitáte, quam dixit fácere pópulo suo. **Secreta.**

PRæsénti sacrificio, nómini tuo nos, Dómine, jejúnia dicáta sanctíficent: ut, quod observántia nostra profitétur extérius, intérius operétur efféctu. Per Dóminum.

Aliæ Secretæ, ut in Dominica præcedenti. fol. 74.

Communio. Joan. 6. Qui mandúcat meam carnem, et bibit meum sánguinem, in me manet, et ego in eo, dicit Dóminus.

Postcommunio.

GRátia tua nos, quæsumus Dómine, non derelínquat: quæ et sacræ nos déditos fáciat servitúti, et tuam nobis opem semper acquirat. Per Dóminum.

Aliæ Postcommuniones, ut in Dominica præcedenti. fol. 74.

Super populum. Orémus. Humiliáte cápita vestra Deo.

Oratio.

ADesto Dómine fámulis tuis, et perpétuam benignitátem largíre poscéntibus: ut iis, qui te auctóre

et gubernatōre gloriāntur, et congregāta restāures, et restaurāta cōserves. Per Dóminum.

FERIA SEXTA.

Statio ad sanctum Vitalem.

Introitus.

Psal. 16.



Go autem cum iustitia apparebo in conspectu tuo: satiabor dum manifestabitur gloria tua.

Psal. ibid. Exaudi Dómine iustitiam meam: inténde deprecationi meæ.

V. Glória Patri. Oratio.

DA quæsumus omnipotens Deus: ut sacro nos purificāte jejūnio, sinceris mentibus ad sancta ventūra facias pervenire. Per Dóminum.

Aliæ Orationes, ut in Dominica præcedenti. fol. 73.

Lectio libri Génesis.

Gen. 37.

IN diébus illis: Dixit Joseph fratribus suis: Audite sómnum meum, quod vidi: Putābam nos ligāre manípulos in agro: et quasi cōsurgere manípulum meum, et stare, vestrosque manípulos circumstantes adorāre manípulum meum. Responderunt fratres ejus: Numquid rex noster eris? aut subjiemur ditióni tuæ? Hæc ergo causa somniórum atque sermonum, invidiæ et ódii fómitem ministravit. Aliud quoque vidit sómnum, quod narrans fratribus, ait: Vidi per sómnum, quasi solem, et lunam, et stellas undecim adorāre me. Quod cum patri suo et fratribus retulisset, increpavit eum pater suus, et dixit: Quid sibi vult hoc sómnum, quod vidisti? Num ego et mater tua et fratres tui adorābimus te super terram? Invidébant ei igitur fratres sui: pater vero rem tåcitus considerabat. Cumque fratres illius in pascendis grégibus patris

moraréntur in Sichem, dixit ad eum Israel: Fratres tui pascunt oves in Sichimis: veni, mittam te ad eos. Quo respondente, Præsto sum, ait ei: Vade, et vide si cuncta próspera sint erga fratres tuos, et pécora: et renúntia mihi quid agatur. Missus de valle Hebron, venit in Sichem: invenitque eum vir errāntem in agro, et interrogavit quid quæreret. At ille respondit: Fratres meos quæro: indica mihi ubi pascant greges. Dixitque ei vir: Recesserunt de loco isto: audivi autem eos dicentes: Eāmus in Dóthain. Perréxit ergo Joseph post fratres suos, et invenit eos in Dóthain. Qui cum vidissent eum procul, antequam accéderet ad eos, cogitaverunt illum occidere: et mútuo loquebantur: Ecce somniátor venit: venite, occidāmus eum, et mittāmus in cisternam véterem, dicemúsque: Fera péssima devoravit eum: et tunc apparebit quid illi prosint sómnia sua. Audiens autem hoc Ruben, nitebátur liberāre eum de manibus eórum, et dicebat: Non interficiātis ánimam ejus, nec effundātis sánguinem: sed projícite eum in cisternam hanc, quæ est in solitúdine, manúsque vestras serváte innóxias: hoc autem dicebat, volens erípere eum de manibus eórum, et réddere patri suo.

Graduale. Ps. 119. Ad Dóminum cum tribulärer clamavi, et exaudivit me.

V. Dómine libera ánimam meam à lábiis iníquis, et à lingua dolósa.

Tractus. Psal. 102. Dómine, non secúndum peccáta nostra, quæ féci-mus nos: neque secúndum iniquitátes nostras retribuas nobis.

V. Psal. 78. Dómine, ne memineris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

V. (Hic genuflectitur.) Adjuva nos Deus salutáris noster: et propter glóriam nóminis tui Dómine libera nos: et propítius esto peccátis nostris, propter nomen tuum.

Sequentia sancti Evangelii secundum Matthaeum. Matth. 21. d

IN illo tempore: Dixit Jesus turbis Judaeorum, et principibus sacerdotum parabolam hanc: Homo erat paterfamilias, qui plantavit vineam, et sepem circumdedit ei, et fodit in ea torcular, et aedificavit turrim, et locavit eam agricolis, et peregre profectus est. Cum autem tempus fructuum appropinquasset, misit servos suos ad agricolas, ut acciperent fructus ejus. Et agricolae, apprehensis servis ejus, alium caeciderunt, alium occiderunt, alium vero lapidaverunt. Iterum misit alios servos plures prioribus, et fecerunt illis similiter. Novissime autem misit ad eos filium suum, dicens: Verebuntur filium meum. Agricolae autem videntes filium, dixerunt intra se: Hic est haeres, venite, occidamus eum, et habebimus haereditatem ejus. Et apprehensum eum ejecerunt extra vineam, et occiderunt. Cum ergo venerit dominus vineae, quid faciet agricolis illis? Ajunt illi: Malos male perdet: et vineam suam locabit aliis agricolis, qui reddant ei fructum temporibus suis. Dicit illis Jesus: Numquam legistis in Scripturis: Lapidem, quem reprobaverunt aedificantes, hic factus est in caput anguli? A Domino factum est istud, et est mirabile in oculis nostris? ideo dico vobis, quia auferetur a vobis regnum Dei, et dabitur genti facienti fructus ejus. Et qui ceciderit super lapidem istum, confringetur: super quem vero ceciderit, conteret eum. Et cum audissent principes sacerdotum et Pharisei parabolam ejus, cognoverunt quod de ipsis diceret. Et querentes eum tenere, timuerunt turbas: quoniam sicut Prophetam eum habebant.

Offertorium. Psal. 39. Domine, in auxilium meum respice: confundantur et revereantur, qui quaerunt animam meam, ut auferant eam: Domine in auxilium meum respice.

Secreta.

HAec in nobis sacrificia, Deus, et actione permaneant, et operatione firmantur. **Per Dominum.**

Aliae Secretae, ut in Dominica praecedenti. fol. 74.

Communio. Psal. 11. Tu Domine servabis nos, et custodies nos a generatione hac in aeternum.

Postcommunio.

FAc nos, quaesumus Domine, accepto pignore salutis aeternae, sic tendere congruenter: ut ad eam pervenire possimus. **Per Dominum.**

Aliae Postcommuniones, ut in Dominica praecedenti. fol. 74.

Super populum. Oremus Humiliate capita vestra Deo. Oratio.


DA, quaesumus Domine, populo tuo salutem mentis et corporis: ut bonis operibus inherendo, tuae semper virtutis mereatur protectione defendi. **Per Dominum.**

SABBATO.

Statio ad SS. Marcellinum et Petrum.

Introitus.

Psal. 18.



Ex Domini irreprehensibilis, convertens animas: testimonium Domini fidele, sapientiam praestans parvulis.

Psal. ibid. Coeli enarrant gloriam Dei: et opera manuum ejus annuntiat firmamentum.

V. Gloria Patri. Oratio.

DA, quaesumus Domine, nostris effectum jejuniis salutarem: ut castigatio carnis assumpta, ad nostrarum vegetationem transeat animarum. **Per Dominum.**

Aliae Orationes, ut in Dominica praecedenti. fol. 73.

Lectio libri Genesis.

Gen. 27.

IN diebus illis: Dixit Rebbecca filio suo Jacob: Audivi patrem tuum loquentem cum Esau fratre tuo, et dicentem ei: Affer mihi de venatione

tua, et fac cibos ut comedam, et benedicam tibi coram Domino antequam moriar. Nunc ergo, fili mi, acquiesce consiliis meis: et pergens ad gregem, affer mihi duos hœdos optimos, ut faciam ex eis escas patri tuo, quibus libenter vescitur: quas cum intuleris, et comederit, benedicat tibi priusquam moriatur. Cui ille respondit: Nosti quod Esau frater meus homo pilosus sit, et ego lenis: si attrectaverit me pater meus, et senserit, timeo ne putet me sibi voluisse illudere, et inducam super me maledictionem pro benedictione. Ad quem mater: In me sit, ait, ista maledictio, fili mi: tantum audi vocem meam, et pergens, affer quæ dixi. Abiit, et attulit, deditque matri. Paravit illa cibos, sicut velle noverat patrem illius. Et vestibus Esau valde bonis, quas apud se habebat domi, induit eum: pelliculasque hœdorum circumdedit manibus, et colli nuda protexit. Deditque pulmentum, et panes, quos coxerat, tradidit. Quibus illatis, dixit: Pater mi? At ille respondit: Audio. Quis es tu fili mi? Dixitque Jacob: Ego sum primogenitus tuus Esau: feci sicut præcepisti mihi: surge, sede, et comede de venatione mea, ut benedicat mihi anima tua. Rursusque Isaac ad filium suum: Quomodo, inquit, tam cito invenire potuisti, fili mi? Qui respondit: Voluntas Dei fuit, ut cito occurreret mihi quod volebam: Dixitque Isaac: Accede huc, ut tangam te fili mi, et probem utrum tu sis filius meus Esau, an non. Accessit ille ad patrem, et palpato eo, dixit Isaac: Vox quidem, vox Jacob est: sed manus, manus sunt Esau. Et non cognovit eum, quia pilosæ manus similitudinem majoris expresserant. Benedicens ergo illi, ait: Tu es filius meus Esau? Respondit: Ego sum. At ille: Affer mihi, inquit, cibos de venatione tua, fili mi, ut benedicat tibi anima mea. Quos cum oblatos comedisset, obtulit

ei etiam vinum. Quo hausto, dixit ad eum: Accede ad me, et da mihi osculum, fili mi. Accessit, et osculatus est eum. Statimque ut sensit vestimentorum illius fragrantiam, benedicens illi, ait: Ecce odor filii mei, sicut odor agri pleni, cui benedixit Dominus. Det tibi Deus de rore cœli, et de pinguedine terræ, abundantiam frumenti et vini. Et serviant tibi populi, et adorent te tribus: esto dominus fratrum tuorum, et incurvantur ante te filii matris tuæ. Qui maledixerit tibi, sit ille maledictus: et qui benedixerit tibi, benedictionibus repleatur. Vix Isaac sermonem implerat: et egresso Jacob foras, venit Esau, coctosque de venatione cibos intulit patri, dicens: Surge pater mi, et comede de venatione filii tui, ut benedicat mihi anima tua. Dixitque illi Isaac: Quis enim es tu? Qui respondit: Ego sum filius tuus primogenitus Esau. Expavit Isaac stupore vehemēti, et ultra quam credi potest, admirans, ait: Quis igitur ille est, qui dudum captam venationem attulit mihi, et comedi ex omnibus priusquam tu venires? Benedixitque ei, et erit benedictus. Auditis Esau sermonibus patris, irrugiit clamore magno, et consternatus, ait: Benedic etiam et mihi, pater mi. Qui ait: Venit germanus tuus fraudulenter, et accepit benedictionem tuam. At ille subjūxit: Juste vocatum est nomen ejus Jacob: supplantavit enim me, en altera vice: primogenita mea attulit, et nunc secundo surripuit benedictionem meam. Rursusque ad patrem: Numquid non reservasti, ait, et mihi benedictionem? Respondit Isaac: Dominum tuum illum constitui, et omnes fratres ejus servituti illius subjugavi: frumento et vino stabilivi eum, et tibi post hæc, fili mi, ultra quid faciam? cui Esau: Num unam, inquit, tantum benedictionem habes, pater? mihi quoque obsecro ut benedicas. Cumque ejulatu magno

fleret, motus Isaac, dixit ad eum: In pinguédine terræ, et in rore cœli désuper erit benedíctio tua.

Graduale. Ps. 91. Bonum est confitéri Dómino: et psállere nómini tuo, Altíssime.

V. Ad annuntiándum mane misericórdiam tuam, et veritátem tuam per noctem.

Sequéntia sancti Evangélíi secúndum Lucam. **Lucæ 15. c**

In illo témpore: Dixit Jesus Pharisæis et Scribis parábolam istam: Homo quidam hábuit duos filios, et dixit adolescéntior ex illis patri: Pater, da mihi portiónem substántiæ, quæ me contíngit. Et divisit illis substántiam. Et non post multos dies, congregátis ómnibus, adolescéntior filius péregre proféctus est in regiónem longínquam, et ibi dissipávit substántiam suam, vivéndoluxurióse. Et postquam ómnia consummáset: facta est fames válda in regione illa, et ipse cœpit egére. Et ábiit, et adhæsit uni cívium regiónis illius. Et misit illum in villam suam, ut pásceret porcos. Et cupiébat implére ventrem suum de síliquis, quas porci manducábant: et nemo illi dabat. In se autem revérsus, dixit: Quanti mercenárii in domo patris mei abúndant pánibus, ego autem híc fame péreo! Surgam, et ibo ad patrem meum, et dicam ei: Pater, peccávi in cœlum, et coram te: jam non sum dignus vocári filius tuus: fac me sicut unum de mercenáriis tuis. Et surgens, venit ad patrem suum. Cum autem adhuc longe esset, vidit illum pater ipsíus, et misericórdia motus est, et accúrrens cecidit super collum ejus, et osculátus est eum. Dixítque ei filius: Pater, peccávi in cœlum, et coram te, jam non sum dignus vocári filius tuus. Dixit autem pater ad servos suos: Cito proférte stolam primam, et indúite illum, et date ánnulum in manum ejus, et calceaménta in pedes ejus: et addúcite vítulum

saginátum, et occídite, et manducémus, et epulémur, quia hic filius meus mórtuus erat, et revíxit: períerat, et invéntus est. Et cœpérunt epulári. Erat autem filius ejus sénior in agro: et cum veníret, et appropinquáret dómui, audívit symphóniam, et chorum: et vocávit unum de servis, et interrogávit, quid hæc essent. Isque dixit illi: Frater tuus venit, et occídit pater tuus vítulum saginátum, quia salvum illum recépit. Indignátus est autem, et nolébat introíre. Pater ergo illius egréssus, cœpit rogáre illum. At ille respóndens, dixit patri suo: Ecce tot annis sérvio tibi, et numquam mandátum tuum præterívi, et numquam dedísti mihi hœdum, ut cum amícis meis epulárer: sed postquam filius tuus hic, qui devorávit substántiam suam cum meretrícibus, venit, occidísti illi vítulum saginátum. At ipse dixit illi: Fili, tu semper mecum es, et ómnia mea tua sunt: epulári autem, et gaudére oportébat, quia frater tuus hic, mórtuus erat, et revíxit; períerat, et invéntus est.

Offertorium. Ps. 12. Illúmina óculos meos, ne umquam obdórmiam in morte: ne quando dicat inimícus meus; præválui advérsus eum.

Secreta.

His sacrificiis, Dómine, concéde placátus: ut, qui propriis orámus absólvi delíctis, non gravémur extérnis. Per Dóminum.

Aliæ Secretæ, ut in Dominica præcedenti. fol. 74.

Communio. Lucæ 15. Opórtet te, fili, gaudére, quia frater tuus mórtuus fúerat, et revíxit; períerat, et invéntus est.

Postcommunio.

Sacraménti tui, Dómine, divína libátio, penetrália nostri cordis infúndat: et sui nos partícipes poténter efficiat. Per Dóminum.

Aliæ Postcommuniones, ut in Dominica præcedenti. fol. 74.

Super populum. Orémus. Humiliáte cápita vestra Deo. **Oratio.**

FAmíliam tuam, quæsumus Dómine, continua pietáte custódi: ut, quæ in sola spe grátiae cœlestis innítitur, cœlesti étiam protectióne muniátur. Per Dóminum.



DOMINICA TERTIA in Quadragesima.

Statio ad S. Laurentium extra muros.

Introitus. Psal. 24.



Culi mei semper ad Dóminum, quia ipse evélet de láqueo pedes meos: réspice in me, et miserére mei, quóniam únicus et pauper sum ego.

Psal. ib. Ad te Dómine levávi ánimam meam: Deus meus in te confido, non erubescam.

V. Glória Patri. Oratio.

QUæsumus omnipotens Deus, vota humílium réspice: atque ad defensiónem nostram, dexteram tuæ majestátis exténde. Per Dóminum.

Ad poscenda suffragia Sanctorum. Oratio.

ACunctis nos, quæsumus Dómine, mentis et córporis defénde perículis: et, intercedénte beáta et gloriósa semper Vírgine Dei genitríce María, cum beátis Apóstolis tuis Petro et Paulo, atque beáto **N.** et ómnibus Sanctis, salútem nobis tríbue benígnus et pacem; ut, destrúctis adversitatibus et erróribus univérsis, Ecclésia tua secúra tibi sérviat libertáte.

Pro vivis et defunctis. Oratio.

OMnípotens sempitérne Deus, qui vivórum domináris simul et mortuórum, omniúmque miseréris, quos tuos fide et ópere futúros esse prænúscis: te súpplices exorámus; ut, pro quibus effúndere preces decrevimus, quosque vel præsens sæculum

adhuc in carne rétinet, vel futúrum jam exútos córpore suscepit; intercedéntibus ómnibus Sanctis tuis, pietátis tuæ cleméntia, ómnium delictórum suórum véniam consequántur. Per Dóminum.

Lectio Epístolæ beáti Pauli Apóstoli ad Ephésios. Ephes. 5.

FRatres, Estóte imitatóres Dei, sicut filii caríssimi: et ambuláte in dilectióne, sicut et Christus diléxit nos, et trádidit semetípsum pro nobis oblatiónem, et hóstiam Deo in odórem suavitátis. Fornicátio autem, et omnis immundítia, aut avarítia, nec nominétur in vobis, sicut decet sanctos: aut turpitúdo, aut stultilóquium, aut scurrílitás, quæ ad rem non pértinet; sed magis gratiárum áctio. Hoc enim scitóte intelligéntes, quod omnis fornicátor, aut immúndus, aut avárus, quod est idolórum sérvitus, non habet hæreditátem in regno Christi, et Dei. Nemo vos sedúcat inánibus verbis: propter hæc enim venit ira Dei in filios diffidéntiæ. Nolíte ergo éffici partícipes eórum. Erátis enim aliquándo ténebræ; nunc autem lux in Dómino. Ut filii lucis ambuláte: fructus enim lucis est in omni bonitáte, et justítia, et veritáte.

Graduale. Psal. 9. Exúrge Dómine, non præváleat homo: judicéntur Gentes in conspéctu tuo.

V. In converténdo inimicum meum retrórsus, infirmabúntur, et peribunt à fácie tua.

Tractus. Psal. 122. Ad te levávi óculos meos, qui hábitas in cœlis.

V. Ecce sicut óculi servórum in má nibus dominórum suórum.

V. Et sicut óculi ancíllæ in má nibus dómínæ suæ: ita óculi nostri ad Dóminum Deum nostrum, donec misereátur nostri. **V.** Miserére nobis Dómine, miserére nobis.



Sequéntia sancti Evangélíi secúndum Lucam. Lucæ 11. b

IN illo témpore: Erat Jesus ejíciens dæmónium, et illud erat

Dominica iii. in Quadrages.

mutum. Et cum eiecisset dæmónium, locútus est mutus, et admiratæ sunt turbæ. Quidam autem ex eis dixerunt: In Beélzebub príncipe dæmoniórum éjicit dæmónia. Et álii tentántes, signum de cælo quærébant ab eo. Ipse autem ut vidit cogitatiónes eórum, dixit eis: Omne regnum in seípsum divísus desolábitur, et domus supra domum cadet. Si autem et Sátanas in seípsum divísus est, quómodo stabit regnum ejus? quia dicitis, in Beélzebub me ejícere dæmónia. Si autem ego in Beélzebub ejicio dæmónia: filii vestri in quo ejiciunt? Ideo ipsi júdices vestri erunt. Porro si in dígitó Dei ejicio dæmónia: profécto pervénit in vos regnum Dei. Cum fortis armátus custódit átrium suum, in pace sunt ea quæ póssidet. Si autem fórtior eo supervénienti vicerit eum, univérsa arma ejus áuferet, in quibus confidébat, et spólia ejus distribuet. Qui non est mecum, contra me est: et qui non cólligit mecum, dispérgit. Cum inmúndus spíritus exíerit de hómine, ámbulat per loca inaquósa, quærens réquiem: et non invéniens, dicit: Revértar in domum meam, unde exívi. Et cum vénerit, invenit eam scopis mundátam, et ornátam. Tunc vadit, et assúmit septem álios spíritus secum nequióres se, et ingrési hábitant ibi. Et fiunt novíssima hóminis illíus pejóra prióribus. Factum est autem, cum hæc diceret: extóllens vocem quædam múlter de turba, dixit illi: Beátus venter, qui te portávit, et úbera, quæ suxísti. At ille dixit: Quinímo beáti, qui áudiunt verbum Dei, et custódiunt illud. **Credo.**

Offertorium. Psal. 18. Justítiæ Dómini rectæ, lætificántes corda, et júdicia ejus dulcióra super mel et favum: nam et servus tuus custódit ea.

Secreta.

HÆc hóstia, Dómine, quæsumus, emúndet nostra delícta: et ad sacrificium celebrándum, subditórum

tibi córpora mentésque sanctíficet. **Per Dóminum.** **Aliæ Secretæ.**

EXáudi nos Deus salutáris noster: ut per hujus sacraménti virtútem, à cunctis nos mentis et cóporis hóstibus tueáris; grátiam tríbuens in præsénti, et glóriam in futúro.

DEus, cui soli cógnitus est númerus electórum in supérna felicitáte locándus: tríbue quæsumus; ut, intercedéntibus ómnibus sanctis tuis, universórum, quos in oratióne commendátos suscepimus, et ómnium fidélium nómina, beátæ prædestinatiónis liber adscripta retíneat. **Per Dóminum.**

Communio. Psal. 83. Passer invénit sibi domum, et turtur nidum, ubi repónat pullos suos: altária tua Dómine virtútum, Rex meus, et Deus meus: beáti qui hábitant in domo tua, in sáculum sáculi laudábunt te.

Postcommunio.

ACunctis nos, quæsumus Dómine, reátibus et perículis propitiátus absólve: quos tanti mystérii tríbuis esse partícipes. **Per Dóminum.**

Aliæ Postcommuniones.

MUndet et múniat nos, quæsumus Dómine, divínis sacraménti munus oblátum: et, intercedénte beáta Vírgine Dei genitríce María, cum beátis Apóstolis tuis Petro et Paulo, atque beáto **N.** et ómnibus Sanctis; à cunctis nos reddat et perversitátibus expiátos, et adversitátibus expeditos.

Puríficent nos, quæsumus omnipotens et miséricors Deus, sacraménta quæ sumpsimus: et, intercedéntibus ómnibus Sanctis tuis, præsta; ut hoc tuum sacraméntum non sit nobis reátus ad pœnam, sed intercessio salutáris ad véniam: sit ablútió scélerum, sit fortitúdo fragílium, sit contra ómnia mundi perícula firmaméntum: sit vivórum atque mortuórum fidélium, remissio ómnium delictórum. **Per Dóminum.**

FERIA SECUNDA.

Statio ad sanctum Marcum.

Introitus. Psal. 55.

IN Deo laudábo verbum,
in Dómino laudábo ser-
mónem: in Deo sperá-
bo, non timébo quid
fáciat mihi homo.

Psal. ibid. Miserére mei Deus, quóniam conculcávit me homo: tota die bellans tribulávit me.

V. Glória Patri. **Oratio.**

Cordibus nostris, quæsumus Dómine, grátiam tuam benígnus infúnde: ut, sicut ab escis carnálibus abstinémus; ita sensus quoque nostros à nóxiis retrahámus excéssibus. Per Dóminum.

Aliæ Orationes, ut in Dominica præcedenti. fol. 84.

Léctio libri Regum. 4. Reg. 5.

IN diébus illis: Náaman princeps militiæ regis Syriæ, erat vir magnus apud dóminum suum, et honorátus: per illum enim dedit Dóminus salútem Syriæ: erat autem vir fortis et dives, sed leprósus. Porro de Syria egréssi fúerant latrúnculi, et captívam dúxerant de Terra Israel puéllam párvulam, quæ erat in obséquo uxóris Náaman, quæ ait ad dóminam suam: Utinam fuisset dóminus meus ad Prophétam, qui est in Samaría: profécto curásset eum à lepra, quam habet. Ingréssus est itaque Náaman ad dóminum suum, et nuntiávit ei, dicens: Sic et sic locúta est puélla de Terra Israel. Dixítque ei rex Syriæ: Vade, et mittam líttas ad regem Israel. Qui cum proféctus esset, et tulisset secum decem talénta argénti, et sex míllia áureos, et decem mutatória vestimentórum, détulit líttas ad regem Israel, in hæc verba: Cum accéperis epístolam hanc, scito quod míserim ad te Náaman servum meum, ut cures eum à lepra sua. Cumque legísset rex Israel líttas, scidit ve-

stiménta sua, et ait: Numquid Deus ego sum, ut occídere possim, et vivificáre, quia iste misit ad me, ut curem hóminem à lepra sua? animadvértite, et vidéte quod occasiónes quærat advérsus me. Quod cum audísset Eliséus vir Dei, scidísse vidélicet regem Israel vestiménta sua, misit ad eum, dicens: Quare scidísti vestiménta tua? véniat ad me, et sciat esse Prophétam in Israel. Venit ergo Náaman cum equis, et cúrribus, et stetit ad óstium domus Eliséi: misítque ad eum Eliséus núntium, dicens: Vade, et laváre sépties in Jordáne, et recípiet sanitátem caro tua, atque mundáberis. Irátus Náaman recedébat, dicens: Putábam quod egrederétur ad me, et stans invocáret nomen Dómini Dei sui, et tängeret manu sua locum lepræ, et curáret me. Numquid non meliôres sunt Abana et Pharphar, flúvii Damásci, ómnibus aquis Israel, ut laver in eis, et munder? Cum ergo vertísset se, et abíret indignans, accessérunt ad eum servi sui, et locúti sunt ei: Pater, et si rem grandem dixisset tibi Prophéta, certe fácere debúeras: quanto magis quia nunc dixit tibi: Laváre, et mundáberis? Descéndit, et lavit in Jordáne sépties, juxta sermónem viri Dei, et restitúta est caro ejus, sicut caro púeri párvuli, et mundátus est. Reversúsque ad virum Dei cum univérso comitátu suo, venit, et stetit coram eo, et ait: Vere scio, quod non sit álius Deus in univérsa terra, nisi tantum in Israel.

Graduale. Psal. 55. Deus, vitam meam annuntiávi tibi: posuísti lácrymas meas in conspéctu tuo.

V. Miserére mei Dómine, quóniam conculcávit me homo: tota die bellans tribulávit me.

Traetus. Psal. 102. Dómine, non secúndum peccáta nostra, quæ féci-mus nos: neque secúndum iniquitátes nostras retribúas nobis.

V. Psal. 78. Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

V. (Ad hunc versum genuflectitur.)

Adjuva nos Deus salutáris noster: et propter glóriam nóminis tui Dómine libera nos: et propítius esto peccátis nostris, propter nomen tuum.

Sequéntia sancti Evangélíi secúndum Lucam. Lucæ 4. d

IN illo témpore: Dixit Jesus Pharisæis: Utique dicétis mihi hanc similitúdinem: Médice cura teípsum: quanta audívimus facta in Caphárnaum, fac et híc in pátria tua. Ait autem: Amen dico vobis, quia nemo Prophéta accéptus est in pátria sua. In veritáte dico vobis, multæ víduæ erant in diébus Eliæ in Israel, quando clausum est cœlum annis tribus, et ménsibus sex, cum facta esset fames magna in omni terra, et ad nullam illárum missus est Eliás, nisi in Sarépta Sidóniæ, ad mulierem víduam. Et multi leprósi erant in Israel sub Eliséo Prophéta: et nemo eórum mundátus est nisi Náaman Syrus. Et repléti sunt omnes in synagóga ira, hæc audiéntes. Et surrexérunt, et ejecérunt illum extra civitátem: et duxérunt illum usque ad supercílíum montis, super quem civitas illórum erat ædificáta, ut præcipitarent eum. Ipse autem tránsiens per médium illórum, ibat.

Offertorium. Ps. 54. Exáudi Deus oratióem meam, et ne despéxeris deprecationem meam: inténde in me, et exáudi me. **Secreta.**

MUnus, quod tibi Dómine nostræ servitútis offerimus, tu salutáre nobis pérfice sacraméntum. Per Dóminum.

Aliæ Secretæ, ut in Dominica præcedenti. fol. 85.

Communio. Psal. 13. Quis dabit ex Sion salutáre Israel? cum avérterit Dóminus captivitátem plebis suæ, exultábit Jacob, et lætábitur Israel.

Postcommunio.

PRæsta quæsumus omnipotens et misericors Deus: ut, quod ore contíngimus, pura mente capiamus. Per Dóminum.

Aliæ Postcommuniones, ut in Dominica præcedenti. fol. 85.

Super populum. Orémus. Humiliáte cápita vestra Deo.

Oratio.

Subvéniat nobis, Dómine, misericórdia tua: ut ab imminéntibus peccatórum nostrórum perículis, te mereámur protegénte éripi, te liberántes salvári. Per Dóminum nostrum.

FERIA TERTIA.

Statio ad sanctam Pudentianam.

Introitus.

Psal. 16.

EGo clamávi, quóniam exaudísti me Deus: inclína aurem tuam, et exáudi verba mea: custódi me Dómine, ut pupíllam óculi: sub umbra alárum tuárum prótege me.

Psal. ibid. Exáudi Dómine justítiam meam: inténde deprecationem meam.

V. Gloria Patri.

Oratio.

EXáudi nos omnipotens et misericors Deus: et continéntiæ salutáris propítius nobis dona concéde. Per Dóminum nostrum Jesum Christum Fílium tuum: Qui tecum vivit.

Aliæ Orationes, ut in Dominica præcedenti. fol. 84.

Léctio libri Regum.

4. Reg. 4.

IN diébus illis: Múlier quædam clamábat ad Eliséum Prophétam, dicens: Servus tuus vir meus mórtuus est, et tu nosti, quia servus tuus fuit timens Dóminum: et ecce créditor venit, ut tollat duos filios meos ad serviéndum sibi. Cui dixit Eliséus: Quid vis ut fáciam tibi? Dic

mihi, quid habes in domo tua? At illa respondit: Non habeo ancilla tua quidquam in domo mea, nisi parum olei, quo ungar. Cui ait: Vade, pete mutuo ab omnibus vicinis tuis vasa vacua non pauca. Et ingredi, et claude ostium tuum, cum intrinsecus fueris tu, et filii tui: et mitte inde in omnia vasa haec: et cum plena fuerint, tolles. Ivit itaque mulier, et clausit ostium super se, et super filios suos: illi offerabant vasa, et illa infundebat. Cumque plena fuissent vasa, dixit ad filium suum: Affer mihi adhuc vas. Et ille respondit: Non habeo. Stetitque oleum. Venit autem illa, et indicavit homini Dei. Et ille: Vade, inquit, vende oleum, et redde creditori tuo: tu autem, et filii tui vivite de reliquo.

Graduale. Ps. 18. Ab occultis meis munda me Domine: et ab alienis parce servo tuo.

V. Si mei non fuerint dominati, tunc immaculatus ero: et emundabor a delicto maximo.

Sequentia sancti Evangelii secundum Matthaeum. Matth. 18. b

In illo tempore: Dixit Jesus discipulis suis: Si peccaverit in te frater tuus, vade, et corripe eum inter te, et ipsum solum. Si te audierit, lucratus eris fratrem tuum. Si autem te non audierit, adhibe tecum adhuc unum, vel duos, ut in ore duorum, vel trium testium stet omne verbum. Quod si non audierit eos: dic ecclesiae. Si autem ecclesiam non audierit: sit tibi sicut ethnicus et publicanus. Amen dico vobis, quaecumque alligaveritis super terram, erunt ligata et in caelo: et quaecumque solveritis super terram, erunt soluta et in caelo. Iterum dico vobis, quia si duo ex vobis consenserint super terram, de omni re quamcumque petierint, fiet illis a Patre meo, qui in caelis est. Ubi enim sunt duo, vel tres congregati in nomine meo, ibi sum in medio eorum. Tunc accedens Petrus ad

eum, dixit: Domine, quoties peccabit in me frater meus, et dimittam ei? usque septies? Dicit illi Jesus: Non dico tibi usque septies, sed usque septuagies septies.

Offertorium. Ps. 117. Dextera Domini fecit virtutem, dextera Domini exaltavit me: non moriar, sed vivam, et narrabo opera Domini.

Secreta.

Per haec veniat, quaesumus Domine, sacramenta, nostrae redemptionis effectus: qui nos et ab humanis retrahat semper excessibus, et ad salutaria dona perducat. Per Dominum.

Aliae Secretae, ut in Dominica praecedenti. fol. 85.

Communio. Ps. 14. Domine, quis habitabit in tabernaculo tuo? aut quis requiescet in monte sancto tuo? Qui ingreditur sine macula, et operatur iustitiam.

Postcommunio.

Sacris, Domine, mysteriis expiati: et veniam, quaesumus, consequamur, et gratiam. Per Dominum.

Aliae Postcommuniones, ut in Dominica praecedenti. fol. 85.

Super populum. Oramus. Humiliate capita vestra Deo. **Oratio.**

Tua nos, Domine, protectione defende: et ab omni semper iniquitate custodi. Per Dominum.

FERIA QUARTA.

Statio ad sanctum Xystum.

Introitus.

Psal. 30.



Go autem in Dominosperabo: exultabo, et letabor in tua misericordia: quia respexisti humilitatem meam.

Psal. ib. In te Domine speravi, non confundar in aeternum: in iustitia tua libera me, et eripe me.

V. Gloria Patri. Oratio.

Praesta nobis, quaesumus Domine: ut salutariis

jejúniis erudíti, à nóxiis quoque vítiis abstinéntes, propitiatióem tuam facílius impetrémus. Per Dóminum.

Aliæ Orationes, ut in Dominica præcedenti. fol. 84.

Lectio libri Exodi.

Exodi 20. c

HÆc dicit Dóminus Deus: Honóra patrem tuum, et matrem tuam, ut sis longævus super terram, quam Dóminus Deus tuus dabit tibi. Non occídes. Non mœcháberis. Non furtum fácies. Non loquéris contra próximum tuum falsum testimónium. Non concupísces domum próximi tui: nec desiderábis uxórem ejus, non servum, non ancíllam, non bovem, non ásinum, nec ómnia, quæ illíus sunt. Cunctus autem pópulus vidébat voces, et lámpades, et sónitum búccinæ, montémque fumántem: et pertérriti, ac pavóre concússi, steterunt procul, dicéntes Móysi: Lóquere tu nobis, et audiémus: non loquátur nobis Dóminus, ne forte moriámur. Et ait Móyses ad pópulum: Nolíte timére: ut enim probáret vos, venit Deus, et ut terror illíus esset in vobis, et non peccaréitis. Stetítque pópulus de longe. Móyses autem accéssit ad caliginem, in qua erat Deus. Dixit prætérea Dóminus ad Móysen: Hæc dices filiis Israel: Vos vidístis, quod de cælo locútus sim vobis. Non faciétis deos argénteos, nec deos áureos faciétis vobis. Altáre de terra faciétis mihi, et offerétis super eo holocáusta et pacífica vestra, oves vestras, et boves in omni loco, in quo memória fúerit nóminis mei.

Graduale. Psal. 6. Miserére mei Dómine, quóniam infirmus sum: sana me Dómine.

V. Conturbáta sunt ómnia ossa mea: et ánima mea turbáta est valde.

Tractus. Ps. 102. Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis.

V. Psal. 78. Dómine, ne memíneris iniquitátum nostrárum antiquárum:

cito antícipent nos misericórdiæ tuæ, quia páuperes facti sumus nimis.

V. Hic genuflectitur.) Adjuva nos Deus salutáris noster: et propter glóriam nóminis tui Dómine libera nos: et propítius esto peccátis nostris, propter nomen tuum.

Sequéntia sancti Evangélíi secúndum Matthæum. Matth. 15.

IN illo témpore: Accessérunt ad Jesum ab Jerosólymis Scribæ, et Pharisæi, dicéntes: Quare discípuli tui transgrediúntur tradiónem seniórurum? Non enim lavant manus suas cum panem mandúcant. Ipse autem respóndens, ait illis: Quare: et vos transgredimini mandátum Dei propter tradiónem vestram? Nam Deus dixit: Honóra patrem, et matrem. Et: Qui maledíxerit patri, vel matri, morte moriátur. Vos autem dicitis: Quicúmque díxerit patri, vel matri; munus quodcúmque est ex me, tibi próderit: et non honorificábit patrem suum, aut matrem suam: et irritum fecístis mandátum Dei propter tradiónem vestram. Hypócritæ, bene prophetávit de vobis Isaías, dicens: Pópulus hic lábiis me honórat: cor autem eórum longe est à me. Sine causa autem colunt me, docéntes doctrínas, et mandáta hóminum. Et convocátis ad se turbis, dixit eis: Audíte, et intelligíte. Non quod intrat in os, coínquinat hóminem: sed quod procedit ex ore, hoc coínquinat hóminem. Tunc accedéntes discípuli ejus, dixerunt ei: Scis quia Pharisæi, audito verbo hoc, scandalizáti sunt? At ille respóndens, ait: Omnis plantátio, quam non plantávit Pater meus cœléstis, eradicábitur. Sínite illos: cæci sunt, et duces cæcórurum. Cæcus autem si cæco ducátur præstet, ambo in fóveam cadunt. Respóndens autem Petrus, dixit ei: Edíssere nobis parábolum istam. At ille dixit: Adhuc et vos sine intelléctu estis? Non intelligitis, quia omne quod in os intrat, in ventrem vadit, et in secéssum

emittitur? Quæ autem procedunt de ore, de corde exeunt, et ea coïnquinant hominem: de corde enim exeunt cogitationes malæ, homicidia, adulteria, fornicationes, furta, falsa testimonia, blasphemiae. Hæc sunt, quæ coïnquinant hominem. Non lotis autem manibus manducare, non coïnquinat hominem.

Offertorium. Psal. 108. Domine, fac mecum misericordiam tuam, propter nomen tuum: quia suavis est misericordia tua. **Secreta.**

Suscipe, quæsumus Domine, preces populi tui cum oblationibus hostiarum: et tua mysteria celebrantes, ab omnibus nos defende periculis. Per Dominum nostrum.

Aliæ Secretæ, ut in Dominica præcedenti. fol. 85.

Communio. Psal. 15. Notas mihi fecisti vias vitæ: adimplébis me lætitia cum vultu tuo, Domine.

Postcommunio.

Sanctificet nos, Domine, qua pastisumus, mensa cœlestis: et à cunctis erroribus expiâtos, supernis promissionibus reddat acceptos. Per Dominum.

Aliæ Postcommuniones ut in Dominica præcedenti. fol. 85.

Super populum. Orémus. Humiliâte capita vestra Deo.

Oratio.

Concède quæsumus omnipotens Deus: ut, qui protectionis tuæ gratiam quærimus, liberâti à malis omnibus, secûra tibi mente serviâmus. Per Dominum.

FERIA QUINTA.

Statio ad sanctos Cosmam et Damianum.



Introitus. Ex var.

Alus populi ego sum, dicit Dominus: de quacûmque tribulatione clamâverint ad me, exâudiam eos: et ero illorum Dominus in perpétuum.

Psal. 77. Attendite pópule meus legem meam: inclinâte aurem vestram in verba oris mei.

V. Glória Patri. Oratio.

Magnificet te, Domine, sanctorum tuorum Cosmæ et Damiani beâta solémnitas: qua et illis glóriam sempitérnam, et opem nobis ineffâbili providéntia contulisti. Per Dominum.

Aliæ Orationes, ut in Dominica præcedenti. fol. 84.

Lectio Jeremiæ Prophætæ. Jerem. 7.

In diébus illis: Factum est verbum Domini ad me, dicens: Sta in porta domus Domini: et prædica ibi verbum istud, et dic: Audíte verbum Domini omnis Juda, qui ingredimini per portas has, ut adorétis Dominum. Hæc dicit Dominus exercituum Deus Israel: Bonas facite vias vestras, et stúdia vestra: et habitábo vobiscum in loco isto. Nolíte confidere in verbis mendáci, dicentes: Templum Domini, templum Domini, templum Domini est. Quóniam si bene direxeritis vias vestras, et stúdia vestra: si feceritis iudicium inter virum, et próximum ejus, advenæ, et pupillo, et víduæ non feceritis calúnniam, nec sánguinem innocentem effuderitis in loco hoc, et post deos aliénos non ambulaveritis in malum vobismetipsis: habitábo vobiscum in loco isto; in terra, quam dedi pátribus vestris à sæculo, et usque in sæculum: ait Dominus omnipotens.

Graduale. Psal. 144. Oculi ómnium in te sperant Domine: et tu das illis escam in témpore opportúno.

V. Aperis tu manum tuam: et imples omne ánimam benedictione.

Sequéntia sancti Evangélii secúndum Lucam. Lucæ 4. g

In illo témpore: Surgens Jesus de synagóga, introívit in domum Simónis. Socrus autem Simónis tenebátur magnis fébribus: et rogâverunt illum pro ea. Et stans super

illam, imperavit febrī: et dimisit illam. Et continuo surgens, ministrabat illis. Cum autem sol occidisset, omnes qui habebant infirmos variis languoribus, ducebant illos ad eum. At ille singulis manus imponens, curabat eos. Exibant autem demonia a multis, clamantia, et dicentia: Quia tu es Filius Dei: et increpans non sinebat ea loqui, quia sciebant ipsum esse Christum. Facta autem die egressus ibat in desertum locum, et turbæ requirebant eum, et venerunt usque ad ipsum: et detinebant illum ne discederet ab eis. Quibus ille ait: Quia et aliis civitatibus oportet me evangelizare regnum Dei: quia ideo missus sum. Et erat prædicans in synagogis Galilææ.

Offertorium. Psal. 137. Si ambulāvero in medio tribulationis, vivificabis me Dōmine: et super iram inimicorum meorum extendes manum tuam, et salvum me faciet dextera tua.

Secreta.

IN tuorum, Dōmine, pretiosa morte justorum sacrificium illud offerimus, de quo martyrium sumpsit omne principium. Per Dōminum.

Aliæ Secretæ, ut in Dominica præcedenti. fol. 85.

Communio. Ps. 118. Tu mandasti, mandata tua custodiri nimis: utinam dirigantur viæ meæ, ad custodiendas justificationes tuas.

Postcommunio.

Sit nobis, Dōmine, sacramenti tui certa salvatio: quæ cum beatorum martyrum tuorum Cosmæ et Damiāni meritis imploratur. Per Dōminum.

Aliæ Postcommuniones, ut in Dominica præcedenti. fol. 85.

Super populum. Orémus. Humiliate capita vestra Deo. **Oratio.**

Subjectum tibi populum, quæsumus Dōmine, propitiatio cœlestis amplificet: et tuis semper faciat servire mandatis. Per Dōminum.

FERIA SEXTA.

Statio ad sanctum Laurentium in Lucina.



Introitus. Ps. 85.

Ac mecum, Dōmine, signum in bonum: ut videant, qui me odérunt, et confundantur: quoniam tu Dōmine adjuvisti me, et consolatus es me.

Psal. ibid. Inclina Dōmine aurem tuam, et exaudi me: quoniam inops et pauper sum ego.

V. Glória Patri. Oratio.

JEjūnia nostra, quæsumus Dōmine, benigno favore prosequere: ut sicut ab alimentis abstinemus in corpore; ita à vitiis jejunemus in mente. Per Dōminum.

Aliæ Orationes, ut in Dominica præcedenti. fol. 84.

Lectio libri Númeri. Num. 20.

IN diēbus illis: Convenérunt filii Israel adversum Mōysen et Aaron: et versi in seditionem, dixerunt: Date nobis aquam, ut bibāmus. Ingressusque Mōyses, et Aaron, dimissa multitūdine, tabernāculam fœderis, corruerunt proni in terram, clamaveruntque ad Dōminum, atque dixerunt: Dōmine Deus audi clamorem hujus populi, et aperi eis thesaurum tuum, fontem aquæ vivæ: ut satiati, cesset murmuratio eorum. Et apparuit glória Dōmini super eos. Locutusque est Dōminus ad Mōysen, dicens: Tolle virgam, et congrega populum, tu et Aaron frater tuus, et loquimini ad petram coram eis, et illa dabit aquas. Cumque eduxeris aquam de petra, bibet omnis multitudo, et jumenta ejus. Tulit igitur Mōyses virgam, quæ erat in conspectu Dōmini, sicut præceperat ei, congregata multitūdine ante petram, dixitque eis: Audite rebelles et increduli: Num de petra hac vobis aquam poterimus ejicere? Cumque elevasset Mōyses manum, percūtiens virga bis silicem, egressæ sunt aquæ largissimæ, ita ut populus hiberet, et

jumenta. Dixitque Dominus ad Moysen, et Aaron: Quia non credidistis mihi, ut sanctificaretis me coram filiis Israel, non introducetis hos populos in terram, quam dabo eis. Hæc est aqua contradictionis, ubi iurgati sunt filii Israel contra Dominum, et sanctificatus est in eis.

Graduale. Ps. 27. In Deo speravit cor meum, et adjutus sum: et refloruit caro mea, et ex voluntate mea confitebor illi.

V. Ad te Domine clamavi: Deus meus ne sileas, ne discedas à me.

Tractus. Psal. 102. Domine, non secundum peccata nostra, quæ fecimus nos: neque secundum iniquitates nostras retribuas nobis.

V. Psal. 78. Domine, ne memineris iniquitatum nostrarum antiquarum: cito anticipent nos misericordiae tuæ, quia pauperes facti sumus nimis.

V. (Hic genuflectitur.) Adjuva nos Deus salutaris noster: et propter gloriam nominis tui Domine libera nos: et propitius esto peccatis nostris, propter nomen tuum.

 **Sequentia sancti Evangelii secundum Joannem. Joan. 4.**

IN illo tempore: Venit Jesus in civitatem Samariæ, quæ dicitur Sichar: juxta prædium, quod dedit Jacob Joseph filio suo. Erat autem ibi fons Jacob. Jesus ergo fatigatus ex itinere, sedebat sic supra fontem. Hora erat quasi sexta. Venit mulier de Samaria haurire aquam. Dicit ei Jesus: Da mihi bibere. (Discipuli enim ejus abierant in civitatem, ut cibos emerent.) Dicit ergo ei mulier illa Samaritana: Quomodo tu, Judæus cum sis, bibere à me poscis, quæ sum mulier Samaritana? non enim contumuntur Judæi Samaritanis. Respondit Jesus, et dixit ei: Si scires donum Dei, et quis est, qui dicit tibi: Da mihi bibere: tu forsitan petisses ab eo, et dedisset tibi aquam vivam. Dicit ei mulier: Domine, neque in quo haurias habes, et puteus altus

est: unde ergo habes aquam vivam? Numquid tu major es patre nostro Jacob, qui dedit nobis puteum, et ipse ex eo bibit, et filii ejus, et pecora ejus? Respondit Jesus et dixit ei: Omnis qui bibit ex aqua hac, sitiet iterum: qui autem biberit ex aqua, quam ego dabo ei, non sitiet in æternum: sed aqua, quam ego dabo ei, fiet in eo fons aquæ salientis in vitam æternam. Dicit ad eum mulier: Domine, da mihi hanc aquam, ut non sitiam, neque veniam huc haurire. Dicit ei Jesus: Vade, voca virum tuum, et veni huc. Respondit mulier, et dixit: Non habeo virum. Dicit ei Jesus: Benedixisti, quia non habeo virum: quinque enim viros habuisti; et nunc, quem habes, non est tuus vir: hoc vere dixisti. Dicit ei mulier: Domine, video, quia Propheta es tu. Patres nostri in monte hoc adoraverunt, et vos dicitis, quia Jerosolymis est locus, ubi adorare oportet. Dicit ei Jesus: Mulier, crede mihi, quia venit hora, quando neque in monte hoc, neque in Jerosolymis adorabitis Patrem. Vos adoratis quod nescitis: nos adoramus quod scimus, quia salus ex Judæis est. Sed venit hora, et nunc est, quando veri adoratores adorabunt Patrem in spiritu et veritate. Nam et Pater tales quærit, qui adorent eum. Spiritus est Deus: et eos, qui adorant eum, in spiritu et veritate oportet adorare. Dicit ei mulier: Scio, quia Messias venit (qui dicitur Christus.) Cum ergo venerit ille, nobis annuntiabit omnia. Dicit ei Jesus: Ego sum, qui loquor tecum. Et continuo venerunt discipuli ejus: et mirabantur, quia cum muliere loquebatur. Nemo tamen dixit: Quid quæris, aut quid loqueris cum ea? Reliquit ergo hydriam suam mulier, et abiit in civitatem, et dicit illis hominibus: Venite, et videte hominem, qui dixit mihi omnia quæcumque feci: numquid ipse est Christus? Exierunt ergo de civitate, et veniebant ad eum.

Sabbato post Dominicam iii. Quadrages.

Intérea rogábant eum discipuli, dicétes: Rabbi, mandúca. Ille autem dicit eis: Ego cibum hábeo manducáre, quem vos nescítis. Dicébant ergo discipuli ad ínvicem: Numquid áliquis áttulit ei manducáre? Dicit eis Jesus: Meus cibus est, ut fáciam voluntátem ejus, qui misit me, ut perficiam opus ejus. Nonne vos dicitis, quod adhuc quátuor menses sunt, et messis venit? Ecce dico vobis: Leváte óculos vestros, et vidéte regiónés, quia albæ sunt jam ad messem. Et qui metit, mercédem áccipit, et cóngregat fructum in vitam ætérnam: ut, et qui séminat, simul gáudeat, et qui metit. In hoc enim est verbum verum: quia álius est qui séminat, et álius est qui metit. Ego misi vos métere quod vos non laborástis: álii laboravérunt, et vos in labóres eórum introístis. Ex civitaté autem illa multi credidérunt in eum Samaritanórum, propter verbum mulieris testimónium perhibéntis: Quia dixit mihi ómnia quæcúmque feci. Cum veníssent ergo ad illum Samaritáni, rogavérunt eum, ut ibi manéret. Et mansit ibi duos dies. Et multo plures credidérunt in eum propter sermónem ejus. Et mulieri dicébant: Quia jam non propter tuam loquélam crédimus: ipsi enim audívimus, et scimus, quia hic est vere Salvátor mundi.

Offertorium. Psal. 5. Inténde voci orationis meæ, Rex meus, et Deus meus: quóniam ad te orábo, Dómine.

Secreta.

Respice, quæsumus Dómine, propítius ad múnera, quæ sacramus: ut tibi grata sint, et nobis salutária semper existant. Per Dóminum.

Aliae Secretæ, ut in Dominica præcedenti. fol. 85.

Communio. Joan. 4. Qui bíberit aquam, quam ego dabo ei, dicit Dóminus, fiet in eo fons aquæ salientis in vitam ætérnam. **Postcommunio.**

Hujus nos, Dómine, percéptio sacraménti mundet à crimine:

et ad coeléstia regna perdúcat. Per Dóminum.

Aliae Postcommuniones, ut in Dominica præcedenti. fol. 85.

Super populum. Orémus. Humiliáte cápita vestra Deo. **Oratio.**

PRæsta quæsumus omnipotens Deus: ut, qui in tua protectione confidimus, cuncta nobis adversántia, te adjuvánte, vincámus. Per Dóminum.

SABBATO.

Statio ad sanctam Susannam.

Introitus**Psal. 5.**

Erba mea áuribus pécipe Dómine, intéllege clamórem meum: inténde voci orationis meæ: Rex meus, et Deus meus.

Ps. ib. Quóniam ad te orábo: Dómine, mane exáudies vocem meam.

V. Glória Patri.

Oratio.

PRæsta quæsumus omnipotens Deus: ut qui se, affligéndo carnem, ab aliméntis ábstinent; sectándo justítiam, à culpa jejúnent. Per Dóminum.

Aliae Orationes, ut in Dominica præcedenti. fol. 84.

Léctio Daniélis Prophætæ. Dan. 13.

IN diébus illis: Erat vir hábitans in Babylóne, et nomen ejus Jóakim: et accépit uxórem nómine Susánnam, filiam Helcíæ, pulchram nimis, et timéntem Deum: paréntes enim illíus, cum essent justí, erudíerunt filiam suam secúndum legem Móysi. Erat autem Jóakim dives valde, et erat ei pomárium vicínium dómui suæ: et ad ipsum confluébant Judæi, eo quod esset honorabílior ómnium. Et constitúti sunt de pópulo duo senes júdices in illo anno: de quibus locútus est Dóminus: quia egréssa est iníquitas de Babylóne à senióribus

judícibus, qui videbántur régere pópulum. Isti frequentábant domum Jóakim, et veniébant ad eos omnes qui habébant judícia. Cum autem pópulus revertísset per merídiem, ingrediebátur Susánna, et deambulábat in pomário viri sui. Et vidébant eam senes quotidie ingrediéntem, et deambulántem: et exarsérunt in concupiscéntiam ejus: et evertérunt sensum suum, et declinavérunt óculos suos, ut non vidérant cœlum, neque recordaréntur judiciórum justórum. Factum est autem, cum observárent diem aptum, ingrèssa est aliquándo sicut heri et nudiustértius, cum duábus solis puéllis, voluítque lavári in pomário: æstus quippe erat, et non erat ibi quisquam, præter duos senes absconditos, et contemplántes eam. Dixit ergo puéllis: Afférte mihi óleum, et smígmata, et óstia pomárii cláudite, ut laver. Cum autem egrèssæ essent puéllæ, surrexérunt duo senes, et accurrérunt ad eam, et dixerunt: Ecce óstia pomárii clausa sunt, et nemo nos videt, et nos in concupiscéntia tui sumus: quamóbrem assentíre nobis, et commiscére nobiscum. Quod si nolúeris, dicemus contra te testimónium, quod fúerit tecum júvenis, et ob hanc causam emíseris puéllas à te. Ingémuit Susánna, et ait: Angústia sunt mihi úndique: si enim hoc égero, mors mihi est: si autem non égero, non effúgiam manus vestras. Sed mélius est mihi absque ópere incidere in manus vestras, quam peccáre in conspéctu Dómini. Et exclamávit voce magna Susánna: exclamavérunt autem et senes advérsus eam. Et cucúrrit unus ad óstia pomárii, et apérui. Cum ergo audissent clamórem fámuli domus in pomário, irruérunt per pósticum, ut vidérant quidnam esset. Postquam autem senes locúti sunt, erubuérunt servi vehementer: quia numquam dictus fúerat sermo hujuscémodi de Susánna. Et facta est dies

crástina. Cumque venísset pópulus ad Jóakim virum ejus, venérunt et duo senióres pleni iníqua cogitátione advérsus Susánnam, ut interficerent eam. Et dixerunt coram pópulo: Mítte ad Susánnam filiam Helcíæ uxórem Jóakim. Et statim misérunt. Et venit cum paréntibus, et filiis, et universis cognátis suis. Flebant igitur sui, et omnes qui nóverant eam. Consurgéntes autem duo senióres in médio pópuli, posuérunt manus suas super caput ejus. Quæ flens suspéxit ad cœlum: erat enim cor ejus fidúciam habens in Dómino. Et dixerunt senióres: Cum deambularémus in pomário soli, ingrèssa est hæc cum duábus puéllis: et clausit óstia pomárii, et dimísit à se puéllas. Venítque ad eam adolescens, qui erat absconditus, et concúbuit cum ea. Porro nos, cum essémus in ángulo pomárii, vidéntes iniquitátem, cucúrrimus ad eos, et vídimus eos páriter commiscéri. Et illum quidem non quívimus comprehendere, quia fórtior nobis erat, et apértis óstiis exilívit: hanc autem cum apprehendissémus, interrogávimus, quisnam esset adolescens, et noluit indicáre nobis: hujus rei testes sumus. Crédidit eis multitúdo quasi sénibus, et judícibus pópuli, et condemnavérunt eam ad mortem. Exclamávit autem voce magna Susánna, et dixit: Deus ætérne, qui absconditórum es cógnitor, qui nosti ómnia ántequam fiant, tu scis quóniam falsum testimónium tulérunt contra me: et ecce mórior, cum nihil horum fécerim, quæ isti malitíose composuérunt advérsus me. Exaudivit autem Dóminus vocem ejus. Cumque ducerétur ad mortem, suscitávit Dóminus spíritum sanctum púeri junióris, cujus nomen Dániel. Et exclamávit voce magna: Mundus ego sum à ságuine hujus. Et convérsus omnis pópulus ad eum, dixit: Quis est iste sermo, quem tu locútus es? Qui cum staret in médio eórum, ait:

Sic fátui, filii Israel, non judicántes, neque quod verum est cognoscéntes, condemnástis filiam Israel? **R**evertímini ad iudícium, quia falsum testimónium locúti sunt advérsus eam. **R**evérsus est ergo pópulus cum festinátione. Et dixit ad eos **D**ániel: Separáte illos ab invicem procul, et dijudicábo eos. Cum ergo divísi essent alter ab áltero, vocávit unum de eis, et dixit ad eum: Inveteráte diérum malórum, nunc venérunt peccáta tua, quæ operabáris prius; júdicans iudicia injústa, innocéntes ópprimens, et dimíttens nóxios, dicénte **D**ómino: Innocéntem et justum non interfícies. Nunc ergo si vidísti eam, dic sub qua árbore víderis eos colloquéntes sibi. Qui ait: Sub schino. Dixit autem **D**ániel: Recte mentítus es in caput tuum. Ecce enim **A**ngelus Dei, accépta senténtia ab eo, scindet te médium. Et, amóto eo, jussit veníre álium, et dixit ei: Semen Chánaan, et non **J**uda, spécies decépit te, et concupiscéntia subvértit cor tuum: sic faciebátis filiábus Israel, et illæ timéntes loquebántur vobis: sed filia **J**uda non sustínuit iniquitátem vestram. Nunc ergo dic mihi, sub qua árbore comprehénderis eos loquéntes sibi. Qui ait: Sub prino. Dixit autem ei **D**ániel: Recte mentítus es et tu in caput tuum: manet enim **A**ngelus **D**ómini, gládium habens, ut secet te médium, et interficiat vos. **E**xclamávit itaque omnis cœtus voce magna, et benedixerunt Deum, qui salvat sperántes in se. Et consurrexérunt advérsus duos senióres (convícerat enim eos **D**ániel ex ore suo falsum dixísse testimónium) fecerúntque eis sicut male égerant advérsus próximam: et interfecerunt eos, et salvátus est sanguis innóxius in die illa.

Graduale. Psal. 22. Si ámbulem in médio umbræ mortis, non timébo mala: quóniam tu mecum es, **D**ómine. **V.** Virga tua, et báculus tuus, ipsa me consoláta sunt.



Sequéntia sancti **E**vangélíi secúndum **J**oánnem. **Joan. 8.**

IN illo témpore: Perréxit **J**esus in montem Olivéti: et dilúculo iterum venit in templum, et omnis pópulus venit ad eum, et sedens docébat eos. **A**ddúcunt autem **S**cribæ, et **P**harisæi mulierem in adultério deprehénsam: et statúerunt eam in médio, et dixerunt ei: **M**agíster, hæc múlíer modo deprehénsa est in adultério. In lege autem **M**óyses mandávit nobis hujúsmodi lapidáre. Tu ergo quid dicis? **H**oc autem dicébant tentántes eum, ut possent accusáre eum. **J**esus autem inclínans se deórsum, dígitó scribébat in terra. Cum ergo perseverárent interrogántes eum, eréxit se, et dixit eis: Qui sine peccáto est vestrum, primus in illam lápidem mittat. Et iterum se inclínans, scribébat in terra. **A**udiéntes autem unus post unum exíbant, incipiéntes à senióríbus: et remánsit solus **J**esus, et múlíer in médio stans. **E**rigens autem se **J**esus, dixit ei: **M**úlíer, ubi sunt, qui te accusábant? nemo te condemnávit? Quæ dixit: **N**emo, **D**ómine. Dixit autem **J**esus: **N**ec ego te condemnábo: **V**ade, et jam ámplius noli peccáre.

Offertorium. Ps. 118. **G**ressus meos dirige secúndum elóquium tuum: ut non dominétur mei omnis injustítia, **D**ómine. **Secreta.**

Concéde, quæsumus omnipotens **D**eus: ut hujus sacrificii munus oblátum, fragilitátem nostram ab omni malo purget semper, et múníat. **P**er **D**óminum.

Aliæ Secretæ, ut in Dominica præcedenti. fol. 85.

Communio. Joan. 8. **N**emo te condemnávit, múlíer? **N**emo, **D**ómine: nec ego te condemnábo: jam ámplius noli peccáre. **Postcommunio.**

Quæsumus omnipotens **D**eus: ut inter ejus membra numerémur, cujus córpori comunicámus, et sánguini. Qui tecum vivit et regnat.

Dominica iv. in Quadrages.

Aliae Postcommuniones, ut in Dominica præcedenti. fol. 85.

Super populum. Orémus. Humiliáte cápita vestra Deo. **Oratio.**

PRæténde Dómine fidélibus tuis dexteram cœléstis auxilií: ut te toto corde perquirant; et quæ digne póstulant, cónsequi mereántur. Per Dóminum.

**DOMINICA QUARTA
in Quadragesima.**

Statio ad sanctam Crucem in Jerusalem.



Introitus.

Isaïæ 66.

Ætáre Jerúsalem: et convéntum fácite omnes qui dilígitis eam: gaudéte cum lætítia, qui in tristítia fuístis: ut exultétis, et satiémini ab ubéribus consolatiónis vestræ.

Psal. 121. Lætátus sum in his, quæ dicta sunt mihi: in domum Dómini íbimus.

V. Glória Patri.

Oratio.

Concéde, quæsumus omnípotens Deus: ut, qui ex mérito nostræ actiόnis affligimur, tuæ grátiae consolatióne respirémus. Per Dóminum.

Ad poscenda suffragia Sanctorum. Oratio.

ACunctis nos, quæsumus Dómine, mentis et córporis defénde perículis: et, intercedén-te beáta et gloriósa semper Vírgine Dei genitríce María, cum beátis Apóstolis tuis Petro et Paulo, atque beáto **N.** et ómnibus Sanctis, salútem nobis tribue benígnus et pacem; ut, destrúctis adversitatibus et erróribus univér-sis, Ecclésia tua secúra tibi sérviat libertáte.

Pro vivis, et defunctis. Oratio.

OMnípotens sempitérne Deus, qui vivórum domináris simul et mortuórum, omniúmque miseréris, quos tuos fide et ópere futúros esse præ-

nóscis: te súpplīces exorámus; ut, pro quibus effúndere preces decreví-mus, quosque vel præsens sáeculum adhuc in carne rétinet, vel futúrum jam exútos córpore suscepit; intercedéntibus ómnibus Sanctis tuis, pietátis tuæ cleméntia, ómnium de-lictórum suórum véniam consequán-tur. Per Dóminum.

Léctio Epístolæ beáti Pauli Apóstoli ad Gálatas. Gal. 4. c

FRatres, Scriptum est: Quóniam Abraham duos fílios hábuit: unum de ancílla, et unum de líbera. Sed qui de ancílla, secúndum carnem natus est: qui autem de líbera, per repromissiόnem: quæ sunt per allegóriam dicta. Hæc enim sunt duo testaménta. Unum quidem in monte Sina, in servitútem génerans: quæ est Agar: Sina enim mons est in Arábia, qui conjúctus est ei, quæ nunc est Jerúsalem, et servit cum filiis suis. Illa autem, quæ sursum est Jerúsalem, líbera est, quæ est mater nostra. Scriptum est enim: Lætáre stérilis, quæ non paris: erúmpe, et clama, quæ non párturis: quia multi filii desértæ, magis quam ejus, quæ habet virum. Nos autem, fratres, secúndum Isaac promissiόnis fílii sumus. Sed quómodo tunc is, qui secúndum carnem natus fúerat, persequebátur eum, qui secúndum spíritum: ita et nunc. Sed quid dicit Scriptúra? Ejice ancíllam et fílium ejus: non enim hæres erit fílius ancíllæ cum fílio líberæ. Itaque, fratres, non sumus ancíllæ fílii, sed líberæ: qua libertáte Christus nos liberávit.

Graduale. Psal. 121. Lætátus sum in his, quæ dicta sunt mihi: in domum Dómini íbimus.

V. Fiat pax in virtúte tua: et abundántia in túrribus tuis.

Tractus. Psal. 124. Qui confidunt in Dómino, sicut mons Sion: non commovébitur in ætérnum, qui hábitat in Jerúsalem.

Dominica iv. in Quadragesima.

V. Montes in circúitu ejus: et Dóminus in circúitu pópuli sui, ex hoc nunc et usque in sáeculum.

Sequéntia sancti Evangélíi secúndum Joánnem. Joan. 6.

IN illo témpore: Abiit Jesus trans mare Galilææ, quod est Tiberíadis: et sequebátur eum multitúdo magna, quia vidébant signa, quæ faciébat super his, qui infirmabántur. Súbiit ergo in montem Jesus: et ibi sedébat cum discíplis suis. Erat autem próximum Pascha, dies festus Judæórum. Cum sublevásset ergo óculos Jesus, et vidísset, quia multitúdo máxima venit ad eum, dixit ad Philíppum: Unde emémus panes, ut mandúcent hi? Hoc autem dicébat tentans eum: ipse enim sciébat quid esset factúrus. Respóndit ei Philíppus: Ducentórum denariórum panes non suffíciunt eis, ut unusquisque módicum quid accípiat. Dicit ei unus ex discíplis ejus, Andréas frater Simónis Petri: Est puer unus híc, qui habet quinque panes ordeáceos, et duos pisces: sed hæc quid sunt inter tantos? Dixit ergo Jesus: Fácite hómines discúmbere. Erat autem fœnum multum in loco. Discubuérunt ergo viri, número quasi quinque milia. Accépit ergo Jesus panes: et cum grátias egísset, distribuit discumbéntibus: simíliter et ex píscibus quantum volébant. Ut autem impléti sunt, dixit discíplis suis: Collígite quæ superavérunt fragménta, ne péreant. Collegérunt ergo, et implevérunt duódecim cóphinos fragmentórum ex quinque pánibus ordeáceis, quæ superfuérunt his, qui manducáverant. Illi ergo hómines cum vidísset, quod Jesus fécerat signum, dicébant: Quia hic est vere Prophéta, qui ventúrus est in mundum. Jesus ergo cum cognovísset, quia ventúri essent, ut ráperent eum, et fácerent eum regem, fugit íterum in montem ipse solus.

Credo.

Offertorium. Ps. 134. Laudáte Dóminum, quia benígnus est: psállite nómini ejus, quóniam suávis est: ómnia quæcúmque vóluit, fecit in cœlo, et in terra. **Secreta.**

SAcrificiis præsentibus, Dómine quæsumus, inténde placátus: ut et devotióni nostræ proficiant, et salúti. Per Dóminum nostrum.

Aliæ Secretæ.

EXáudi nos Deus salutáris noster: ut per hujus sacraménti virtútem, à cunctis nos mentis et córporis hóstibus tueáris; grátiam tribuens in præsentí, et glóriam in futúro.

DEus, cui soli cógnitus est número electórum in supérna felicitáte locándus: tribue quæsumus; ut, intercedéntibus ómnibus Sanctis tuis, universórum, quos in oratióné commendátos suscepimus, et ómnium fidélium nómina, beátæ prædestinatiónis liber adscripta retíneat. Per Dóminum.

Communio. Psal. 121. Jerúsalem, quæ ædificátur ut civitas, cujus participátio ejus in idípsum: illuc enim ascendérunt tribus, tribus Dómini, ad confiténdum nómini tuo, Dómine.

Postcommunio.

DA nobis, quæsumus miséricors Deus: ut sancta tua, quibus incessánter explemur, sincéris tractémus obséquiiis, et fidéli semper mente sumámus. Per Dóminum.

Aliæ Postcommuniones.

MUndet et múniat nos, quæsumus Dómine, divíni sacraménti munus oblátum: et, intercedénte beáta Vírgine Dei genitríce María, cum beátis Apóstolis tuis Petro et Páulo, atque beáto **N.** et ómnibus Sanctis; à cunctis nos reddat et perversitatibus expiátos, et adversitatibus expeditos.

Puríficent nos, quæsumus omnipotens et miséricors Deus, sacraménta quæ sumpsimus: et, intercedéntibus ómnibus Sanctis tuis, præ-

Feria ii. post Dominicam iv. Quadrages.

sta; ut hoc tuum sacramentum non sit nobis reatus ad poenam, sed intercessio salutaris ad veniam: sit ablutio scelerum, sit fortitudo fragilium, sit contra omnia mundi pericula firmamentum: sit vivorum atque mortuorum fidelium, remissio omnium delictorum. Per Dominum.

FERIA SECUNDA.

Statio ad sanctos Quatuor Coronatos.

Introitus. Psal. 53.



Eus in nomine tuo salvum me fac, et in virtute tua libera me: Deus exaudi orationem meam:

auribus percipe verba oris mei.

Psal. ib. Quoniam alieni insurrexerunt in me: et fortes quaesierunt animam meam. **V.** Gloria Patri.

Oratio.

Praesta, quaesumus omnipotens Deus: ut observationes sacras annua devotione recolentes, et corpore tibi placeamus, et mente. Per Dominum.

Aliae Orationes, ut in Dominica praecedenti. fol. 96.

Lectio libri Regum. 3. Reg. 3. c

IN diebus illis: Venérunt duae mulieres meretrices ad regem Salomonem, steteruntque coram eo, quarum una ait: Obsecro mi domine: ego et mulier haec habitabamus in domo una, et peperit apud eam in cubiculo. Tertia autem die postquam ego peperit, peperit et haec: et eramus simul, nullusque alius nobiscum in domo, exceptis nobis duabus. Mortuus est autem filius mulieris hujus nocte: dormiens quippe oppressit eum. Et consurgens intempestae noctis silentio, tulit filium meum de latere meo ancillae tuae dormientis, et collocavit in sinu suo: suum autem filium, qui erat mortuus, posuit in sinu meo. Cumque surrexissem mane, ut darem lac

filio meo, apparuit mortuus: quem diligentius intuens clara luce, deprehendi non esse meum, quem genueram. Responditque altera mulier: Non est ita ut dicis, sed filius tuus mortuus est: meus autem vivit. E contrario illa dicebat: Mentiris: filius quippe meus vivit, et filius tuus mortuus est. Atque in hunc modum contendebant coram rege. Tunc rex ait: Haec dicit: Filius meus vivit, et filius tuus mortuus est. Et ista respondit, non, sed filius tuus mortuus est, meus autem vivit. Dixit ergo rex: Afferte mihi gladium. Cumque attulissent gladium coram rege, Dividite, inquit, infantem vivum in duas partes, et date dimidiam partem uni, et dimidiam partem alteri. Dixit autem mulier, cujus filius erat vivus, ad regem: (commota sunt quippe viscera ejus super filio suo:) Obsecro domine, date illi infantem vivum, et nolite interficere eum. E contrario illa dicebat: Nec mihi, nec tibi sit, sed dividatur. Respondit rex, et ait: Date huic infantem vivum, et non occidatur: haec est enim mater ejus. Audivit itaque omnis Israel iudicium, quod judicasset rex, et timuerunt regem, videntes sapientiam Dei esse in eo ad faciendum iudicium.

Graduale. Psal. 30. Esto mihi in Deum protectorem, et in locum refugii, ut salvum me facias.

V. Psal. 70. Deus in te speravi: Domine, non confundar in aeternum.

Tractus. Ps. 102. Domine, non secundum peccata nostra, quae fecimus nos: neque secundum iniquitates nostras retribuas nobis.

V. Psal. 78. Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis.

V. (Hic genuflectitur.) Adjuva nos Deus salutaris noster: et propter gloriam nominis tui Domine libera nos: et propitius esto peccatis nostris, propter nomen tuum.

Sequētia sancti Evangēlii secūndū Joānnem. Joan. 2. c

IN illo tēpore: Prope erat Pascha Judæorum, et ascendit Jesus Jerosolymam: et invenit in templo vendētes boves, et oves, et colūmbas, et nummulārios sedētes. Et cum fecisset quasi flagellum de funiculis, omnes ejecit de templo, oves quoque, et boves, et nummulariōrum effudit æs, et mensas subvertit. Et his, qui colūmbas vendēbant, dixit: Auferte ista hinc, et nolite facere domum Patris mei, domum negotiatiōnis. Recordāti sunt vero discipuli ejus, quia scriptum est: Zelus domus tuæ comedit me. Respondērunt ergo Judæi, et dixerunt ei: Quod signum ostēdis nobis, quia hæc facis? Respondit Jesus, et dixit eis: Sōlvite templum hoc, et in tribus diēbus excitābo illud. Dixerunt ergo Judæi: Quadraginta et sex annis ædificātum est templum hoc, et tu in tribus diēbus excitābis illud? Ille autem dicēbat de templo cōrporis sui. Cum ergo resurrexisset à mōrtuis, recordāti sunt discipuli ejus, quia hoc dicēbat, et crediderunt Scripturæ, et sermōni, quem dixit Jesus. Cum autem esset Jerosolymis in Pascha in die festo, multi crediderunt in nōmine ejus, vidētes signa ejus, quæ faciēbat. Ipse autem Jesus non credēbat semetipsum eis, eo quod ipse nosset omnes, et quia opus ei non erat, ut quis testimōnium perhiberet de hōmine: ipse enim sciēbat, quid esset in hōmine.

Offertorium. Ps. 99. Jubilāte Deo omnis terra, servite Dōmino in lætitia: intrāte in conspēctu ejus in exultatiōe: quia Dōminus ipse est Deus.

Secreta.

O Blātum tibi, Dōmine, sacrificium vivificet nos semper, et mūniat. Per Dōminum nostrum.

Aliæ Secretæ, ut in Dominica præcedenti. fol. 97.

Communio. Psal. 18. Ab occūltis meis munda me Dōmine: et ab aliēnis parce servo tuo. Postcommunio.

Sumptis, Dōmine, salutāribus sacramētis: ad redemptiōnis æternæ, quæsumus, proficiāmus augmētum. Per Dōminum nostrum.

Aliæ Postcommuniones, ut in Dominica præcedenti. fol. 97.

Super populum. Orémus. Humiliāte cāpita vestra Deo. Oratio.

Deprecatiōnem nostram, quæsumus Dōmine, benignus exāudi: et quibus supplicādi præstas affēctum, tribue defensiōnis auxiliū. Per Dōminum.

FERIA TERTIA.

Statio ad sanctum Laurentium in Damaso.

Introitus. Psal. 54.



Xāudi Deus oratiōnem meam, et ne despēxeris deprecatiōnem meam: intēde in me, et exāudi me.

Psal. ib. Contristātus sum in exercitatiōe mea: et conturbātus sum à voce inimici, et à tribulatiōe peccatōris.

V. Glória Patri. Oratio.

Sacræ nobis, quæsumus Dōmine, observatiōnis jejūnia, et piæ conversatiōnis augmētum, et tuæ propitiatiōnis cōtinuum præstent auxiliū. Per Dōminum.

Aliæ Orationes, ut in Dominica præcedenti. fol. 96.

Lectio libri Exodi. Exodi 32. b

IN diēbus illis: Locūtus est Dōminus ad Mōysen, dicens: Descēde de monte: peccāvit pōpulus tuus, quem eduxisti de terra Ægypti. Recessērunt cito de via, quam ostendisti eis: fecerūntque sibi vitulum conflātilem, et adoravērunt, atque immolāntes ei hōstias, dixerunt: Isti sunt dii tui Israel, qui te eduxerunt

de terra Ægypti. Rursúmque ait Dóminus ad Móysen: Cerno quod pópulus iste duræ cervícis sit: dimítte me, ut irascátur furor meus contra eos, et déleam eos, faciámque te in gentem magnam. Móyses autem orábat Dóminum Deum suum, dicens: Cur, Dómine, iráscitur furor tuus contra pópulum tuum, quem eduxísti de terra Ægypti, in fortitúdine magna, et in manu robústa? Ne quæso dicant Ægyptii: Cállide edúxit eos, ut interficeret in móntibus, et deléret e terra: quiéscat ira tua, et esto placábilis super nequítia pópuli tui. Recordáre Abraham, Isaac, et Israel servórum tuórum, quibus jurásti per temetípsum, dicens: Multiplicábo semen vestrum sicut stellas coeli: et univérsam terram hanc, de qua locútus sum, dabo sémini vestro, et possidébitis eam semper. Placátusque est Dóminus, ne fáceret malum, quod locútus fúerat advérsus pópulum suum.

Graduale. Psal. 43. Exúrge Dómine, fer opem nobis: et libera nos propter nomen tuum.

V. Deus áuribus nostris audívimus: et patres nostri annuntiavérunt nobis opus, quod operátus es in diébus eórum, et in diébus antíquis.

Sequéntia sancti Evangélíi secúndum Joánnem. Joan. 7. b

IN illo témpore: Jam die festo mediánte, ascéndit Jesus in templum, et docébat. Et mirabántur Judæi, dicéntes: Quómodo hic líttas scit, cum non didícerit? Respóndit eis Jesus, et dixit: Mea doctrína non est mea, sed ejus, qui misit me. Si quis volúerit voluntátem ejus fácere: cognóscet de doctrína, utrum ex Deo sit, an ego à meípso loquar. Qui à semetípso lóquitur, glóriam própriam quærit. Qui autem quærit glóriam ejus, qui misit eum, hic verax est, et injustítia in illo non est. Nonne Móyses dedit vobis legem: et nemo ex vobis facit legem? quid me quæritis

interficere? Respóndit turba, et dixit: Dæmónium habes: quis te quærit interficere? Respóndit Jesus, et dixit eis: Unum opus feci, et omnes mirámini. Proptérea Móyses dedit vobis circumcisióne: (non quia ex Móyse est, sed ex pátribus) et in Sábbato circumcíditis hóminem. Si circumcisióne áccipit homo in Sábbato, ut non solvátur lex Móysi: mihi indignámini, quia totum hóminem sanum feci in Sábbato? Nolíte judicáre secúndum fáciem, sed justum judícium judicáte. Dicébant ergo quidam ex Jerosólymis: Nonne hic est, quem quærent interficere? Et ecce palam lóquitur, et nihil ei dicunt. Numquid vere cognovérunt príncipes, quia hic est Christus? Sed hunc scimus, unde sit: Christus autem, cum vénerit, nemo scit, unde sit. Clamábat ergo Jesus in templo docens, et dicens: Et me scitis, et unde sim, scitis, et à meípso non veni, sed est verus, qui misit me, quem vos nescítis. Ego scio eum: quia ab ipso sum, et ipse me misit. Quærébant ergo eum apprehéndere: et nemo misit in illum manus, quia nondum vénerat hora ejus. De turba autem multi credidérunt in eum.

Offertorium. Psal. 39. Expéctans expectávi Dóminum, et respéxit me: et exaudívit deprecationem meam: et immísit in os meum cánticum novum, hymnum Deo nostro.

Secreta.

HÆc hóstia, Dómine quæsumus, emúndet nostra delícta: et ad sacrificium celebrándum, subditórum tibi córpora, mentésque sanctíficet. Per Dóminum nostrum.

Aliæ Secretæ, ut in Dominica præcedenti. fol. 97.

Communio. Psal. 19. Lætábimur in salutári tuo: et in nómine Dómini Dei nostri magnificábimur.

Potscommunio.

HUjus nos, Dómine, percéptio sacraménti mundet à crímine:

et ad cœlestia regna perducat. Per Dóminum.

Aliæ Postcommuniones, ut in Dominica præcedenti. fol. 97.

Super populum. Orémus. Humiliáte cápita vestra Deo. Oratio.

Miserere, Dómine, pópulo tuo: et continuis tribulatióibus laborántem, propítius respiráre concede. Per Dóminum.

FERIA QUARTA.

Statio ad sanctum Paulum.

Introitus.

Ezech. 36.



Cum sanctificátus fúero in vobis, congregábo vos de univérſis terris: et effúndam super vos aquam mundam, et mundabímini ab ómnibus inquinaméntis vestris: et dabo vobis spíritum novum.

Ps. 33. Benedícam Dóminum in omni témpore: semper laus ejus in ore meo.

V. Glória Patri.

Post Kyrie eléison, dic. Orémus. Flectámus génua.

R. Leváte. Oratio.

Deus, qui et justis præmia meritórum, et peccatóribus per jejúnium véniam præbes: miserere supplicibus tuis; ut reátus nostri conféssio, indulgéntiam váleat percípere delictórum. Per Dóminum.

Léctio Ezechiélis Prophétæ.

Ezech. 36. e

Hæc dicit Dóminus Deus: Sanctificábo nomen meum magnum, quod pollútum est inter Gentes, quod polluístis in médio eárum: ut sciant Gentes, quia ego Dóminus, cum sanctificátus fúero in vobis coram eis. Tollam quippe vos de Géntibus, et congregábo vos de univérſis terris, et addúcam vos in terram vestram. Et effúndam super vos aquam mundam, et mundabímini ab ómnibus inquinaméntis vestris, et ab

univérſis idólis vestris mundábo vos. Et dabo vobis cor novum, et spíritum novum ponam in médio vestri: et áuferam cor lapídeum de carne vestra, et dabo vobis cor cárneum. Et spíritum meum ponam in médio vestri: et fáciam ut in præcéptis meis ambulétis, et judícia mea custodiátis, et operémini. Et habitábitis in terra, quam dedi pátribus vestris: et éritis mihi in pópulum, et ego ero vobis in Deum: dicit Dóminus omnipotens.

Graduale. Psal. 33. Veníte filii, audíte me: timórem Dómini docébo vos.

V. Accédite ad eum, et illuminámini: et fácies vestræ non confundéntur.

Hic dicitur, Dóminus vobíscum, sine Flectámus génua.

Orémus.

Oratio.

Præsta, quæsumus omnipotens Deus: ut, quos jejúnia votíva castígant, ipsa quoque devótio sancta lætifícet: ut, terrénis afféctibus mitigátis, facílius cœlestia capiámus. Per Dóminum.

Aliæ Orationes, ut in Dominica præcedenti fol. 96.

Léctio Isaíæ Prophétæ. Isaíæ 1. d

Hæc dicit Dóminus Deus: Lavámini, mundi estóte, auférte malum cogitatiónum vestrarum ab óculis meis: quiéscite ágere perversè, discite benefácere: quærite judícium, subveníte opprésso, judicáte pupíllo, deféndite víduam. Et veníte, et argúite me, dicit Dóminus: si fúerint peccáta vestra ut cóccinum, quasi nix dealbabúntur: et si fúerint rubra quasi vermículus, velut lana alba erunt. Si voluéritis, et audiéritis me, bona terræ comedétis: dicit Dóminus omnipotens.

Graduale. Ps. 32. Beáta gens, cujus est Dóminus Deus eórum: pópulus quem elégit Dóminus in hæreditátem sibi.

V. Verbo Dómini cœli firmáti sunt: et spíritu oris ejus omnis virtus eórum.

Tractus. Psal. 102. Dómine, non secúndum peccáta nostra, quæ féci-mus nos: neque secúndum iniquitátes nostras retríbuas nobis.

V. Psal. 78. Dómine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis.

V. (Hic genuflectitur.) Adjuva nos Deus salutáris noster: et propter glóriam nóminis tui Dómine libera nos: et propítius esto peccátis nostris, propter nomen tuum.

 **Sequéntia sancti Evangélíi se-cúndum Joánnem. Joan. 9.**

IN illo témpore: Præteriens Je-sus, vidit hóminem cæcum à na-tivitáte: et interrogavérunt eum di-scípuli ejus: Rabbi, quis peccávit, hic, aut paréntes ejus, ut cæcus nascerétur? Respóndit Jesus: Neque hic peccávit, neque paréntes ejus: sed ut manifesténtur ópera Dei in illo. Me opórtet operári ópera ejus, qui misit me, donec dies est: venit nox, quando nemo potest operári. Quámdui sum in mundo, lux sum mundi. Hæc cum dixisset, éxpuit in terram, et fecit lutum ex sputo, et linívit lutum super óculos ejus, et dixit ei: Vade, lava in natatória Síloe (quod interpretátur Missus.) Abiit ergo, et lavit, et venit videns. Itaque vicíni, et qui víderant eum prius, quia mendícus erat, dicébant: Nonne hic est, qui sedébat, et mendicábat? Alii dicébant: Quia hic est. Alii autem: Nequáquam, sed símilis est ei. Ille vero dicébat: Quia ego sum. Dicébant ergo ei: Quómodo apérti sunt tibi óculi? Respóndit: Ille homo, qui díci-tur Jesus, lutum fecit, et unxit óculos meos, et dixit mihi: Vade ad natatória Síloe, et lava. Et ábii, lavi, et vídeo. Et dixerunt ei: Ubi est ille? Ait: Nescio. Addúcunt eum ad Phariséos, qui cæcus fúerat. Erat autem sábbatum, quando lutum fecit Jesus, et apérui óculos ejus. Iterum ergo in-terrogábant eum Phariséi, quómodo

vidisset. Ille autem dixit eis: Lutum mihi pósuit super óculos, et lavi, et vídeo. Dicébant ergo ex Phariséis quidam: Non est hic homo à Deo, qui sábbatum non custódit. Alii autem dicébant: Quómodo potest homo peccátor hæc signa fácere? Et schisma erat inter eos. Dicunt ergo cæco íterum: Tu quid dicis de illo, qui apérui óculos tuos? Ille autem dixit: Quia Prophéta est. Non credi-dérunt ergo Judæi de illo, quia cæcus fuisset, et vidisset, donec vocavérunt paréntes ejus, qui víderat: et inter-ro-gavérunt eos, dicéntes: Hic est filius vester, quem vos dicitis, quia cæcus natus est? Quómodo ergo nunc videt? Respondérunt eis pa-réntes ejus, et dixerunt: Scimus, quia hic est filius noster, et quia cæcus natus est: quómodo autem nunc ví-deat, nescimus: aut quis ejus apérui óculos, nos nescimus: ipsum inter-ro-gáte, ætátem habet, ipse de se lo-quátur. Hæc dixerunt paréntes ejus, quóniam timébant Judæos: jam enim conspiráverant Judæi, ut si quis eum confiterétur esse Christum, extra synagógam fieret. Proptérea parén-tes ejus dixerunt: quia ætátem habet, ipsum interrogáte. Vocavérunt ergo rursus hóminem, qui fúerat cæcus, et dixerunt ei: da glóriam Deo. Nos scimus quia hic homo peccátor est. Dixit ergo eis ille: si peccátor est, nescio: unum scio, quia cæcus cum essem, modo vídeo. Dixerunt ergo illi: quid fecit tibi? Quómodo apérui tibi óculos? Respóndit eis: Dixi vobis jam, et audístis: quid íterum vultis audíre? Numquid et vos vultis discí-puli ejus fieri? Maledixerunt ergo ei, et dixerunt: tu discípulus illius sis: nos autem Móysi discípuli sumus. Nos scimus quia Móysi locútus est Deus: hunc autem nescimus unde sit. Respóndit ille homo, et dixit eis: in hoc enim mirábile est, quia vos nescítis unde sit, et apérui meos óculos: scimus autem quia peccatóres

Feria v. post Dominicam iv. Quadrages.

Deus non audit: sed, si quis Dei cultor est, et voluntatem ejus facit, hunc exaudit. A sæculo non est auditum, quia quis aperuit oculos cæci nati. Nisi esset hic à Deo, non póterat fácere quidquam. Respondérunt, et dixerunt ei: in peccátis natus es totus, et tu doces nos? Et ejecérunt eum foras. Audívit Jesus quia ejecérunt eum foras, et cum invenísset eum, dixit ei: Tu credis in Fílium Dei? Respóndit ille, et dixit: Quis est, Dómine, ut credam in eum? Et dixit ei Jesus: Et vidísti eum, et, qui lóquitur tecum, ipse est. At ille ait: Credo Dómine. (*Hic genuflectitur.*) Et próci-dens adorávit eum.

Offertorium. Psal. 65. Benedícite Gentes Dóminum Deum nostrum, et obaudíte vocem laudis ejus: qui pósuit ánimam meam ad vitam, et non dedit commovéri pedes meos: benedíctus Dóminus, qui non amóvit deprecationem meam, et misericórdiam suam à me. **Secreta.**

Supplices te rogámus, omnípotens Deus: ut his sacrificiis peccáta nostra mundéntur: quia tunc veram nobis tríbuís et mentis et córporis sanitátem. Per Dóminum.

Aliæ Secretæ, ut in Dominica præcedenti. fol. 97.

Communio. Joan. 9. Lutum fecit ex sputo Dóminus, et linívit oculos meos: et ábii, et lavi, et vidi, et crédidi Deo. **Postcommunio.**

Sacraménta, quæ sumpsimus, Dómine Deus noster: et spiri-tuálibus nos répleant alimentis, et corporálibus tueántur auxiliis. Per Dóminum.

Aliæ Postcommuniones, ut in Dominica præcedenti. fol. 97.

Super populum. Orémus. Humiliáte cápita vestra Deo. **Oratio.**

Pateant aures misericórdiæ tuæ, Dómine, précibus supplicántium: et ut peténtibus desideráta concédas, fac eos quæ tibi sunt plácita postuláre. Per Dóminum.

FERIA QUINTA.

Statio ad sanctos Silvestrum et Martinum.

Introitus.

Ps. 104.



Iætétur cor quæ-réntium Dóminum: quærite Dóminum, et confirmámini: quærite fáciem ejus semper. **Psal. ibid.** Confitémini Dómino, et invocáte nomen ejus: annuntiáte inter Gentes ópera ejus.

V. Glória Patri.

Oratio.

Præsta, quæsumus omnípotens Deus: ut, quos jejúnia votíva castígant, ipsa quoque devótio sancta lætíficet; ut, terrénis afféctibus mitigátis, facílius cœléstia capiámus. Per Dóminum.

Aliæ Orationes, ut in Dominica præcedenti. fol. 97.

Léctio libri Regum. 4. Reg. 4. d

IN diébus illis: Venit múlter Su-namítis ad Eliséum in montem Carméli: cumque vidisset eam vir Dei e contra, ait ad Giézi púerum suum: Ecce Sunamítis illa. Vade ergo in occúrsum ejus, et dic ei: Recte ne ágitur circa te, et circa virum tuum, et circa fílium tuum? Quæ respóndit: Recte. Cumque venísset ad virum Dei in montem, apprehéndit pedes ejus: et accéssit Giézi ut amovéret eam. Et ait homo Dei: Dimítte illam: ánima enim ejus in amaritúdine est, et Dóminus celávit à me, et non indicávit mihi. Quæ dixit illi: Numquid petívi fílium à dómno meo? Numquid non dixi tibi: Ne illúdas me? Et ille ait ad Giézi: Accínge lumbos tuos, et tolle báculum meum in manu tua, et vade. Si occúrrerit tibi homo, non salútes eum: et si salutáverit te quispiam, non respóndear illi: et pones báculum meum super fáciem púeri. Porro mater púeri ait: Vivit Dóminus, et vivit ánima tua, non dimíttam te. Surréxit ergo, et secútus est eam.

Giézi autem præcésserat ante eos, et posúerat háculum super fáciem púeri, et non erat vox, neque sensus: reversúsque est in occúrsum ejus, et nuntiávit ei, dicens: Non surrexit puer. Ingréssus est ergo Eliséus domum, et ecce puer mórtuus jacébat in léctulo ejus: ingressúsque clausit óstium super se, et super púerum: et orávit ad Dóminum. Et ascéndit, et incúbuit super púerum: posuítque os suum super os ejus, et óculos suos super óculos ejus, et manus suas super manus ejus: et incurvávit se super eum: et calefácta est caro púeri. At ille revérsus, deambulávit in domo, semel huc atque illuc: et ascéndit, et incúbuit super eum: et oscitávit puer sépties, aperuítque óculos. At ille vocávit Giézi, et dixit ei: Voca Sunamítidem hanc. Quæ vocáta, ingrédia est ad eum. Qui ait: Tolle filium tuum. Venit illa, et córruit ad pedes ejus, et adorávit super terram: tulítque filium suum, et egréssa est, et Eliséus revérsus est in Gálgala.

Graduale. Ps. 73. Réspice Dómine in testaméntum tuum: et ánimas páuperum tuórum ne obliviscáris in finem.

V. Exúrge Dómine, júdica causam tuam: memor esto oppróbrii servórum tuórum.

Sequéntia sancti Evangélíi secúndum Lucam. Lucæ 7. b

IN illo témpore: Ibat Jesus in civitátem, quæ vocátur Naim: et ibant cum eo discípuli ejus, et turba copiósa. Cum autem appropinquáret portæ civitátis, ecce defúctus efferebátur filius únicus matris suæ: et hæc vídua erat, et turba civitátis multa cum illa. Quam cum vidisset Dóminus, misericórdia motus super eam, dixit illi: Noli flere. Et accéssit, et tétigit lóculum. (Hi autem, qui portábant, stetérunt.) Et ait: Adoléscent, tibi dico, surge. Et resédit qui erat mórtuus, et cœpit loqui. Et dedit illum matri suæ. Accépit autem

omnes timor: et magnificábant Deum, dicétes: Quia Prophéta magnus surrexit in nobis: et quia Deus visitávit plebem suam.

Offertorium. Psal. 69. Dómine ad adjuvándum me festína: confundántur omnes, qui cógitant servis tuis mala.

Secreta.

Purífica nos miséricors Deus: ut Ecclesiæ tuæ preces, quæ tibi gratæ sunt, pia múnera deferétes, fiant expiátis méntibus gratióres. Per Dóminum.

Aliæ Secretæ, ut in Dominica præcedenti. fol. 97.

Communio. Ps. 70. Dómine memorábor justítiæ tuæ solius: Deus docuísti me à juventúte mea: et usque in senéctam et sénium, Deus ne derelínquas me.

Postcommunio.

Cæléstia dona capiéntibus, quæsumus Dómine, non ad júdiciu[m] proveníre patiáris, quæ fidélibus tuis ad remédiu[m] providísti. Per Dóminum.

Aliæ Postcommuniones, ut in Dominica præcedenti. fol. 97.

Super populum. Orémus. Humiliáte cápita vestra Deo.

Oratio.

Populi tui Deus institútor et rector, peccáta, quibus impugnátur, expélle: ut semper tibi plácitus, et tuo munímine sit secúrus. Per Dóminum.

FERIA SEXTA.

Statio ad sanctum Eusebium.



Introitus. Ps. 18.

Editátio cordis mei in conspéctu tuo semper: Dómine adjútor meus, et redémptor meus.

Psal. ib. Cœli enárrant glóriam Dei: et ópera mánuum ejus annúntiat firmaméntum.

V. Glória Patri. Oratio.

DEus, qui ineffabilibus mundum rénovas sacraméntis: præsta quæsumus; ut Ecclesiâ tua et æternis proficiat institútis, et temporálibus non destituátur auxiliis. Per Dóminum.

Aliæ Orationes, ut in Dominica præcedenti. fol. 96.

Léctio libri Regum. 3. Reg. 17. c

IN diébus illis: Ægrotávit filius mulieris matris famílias, et erat languor fortíssimus, ita ut non remanéret in eo hálitus. Dixit ergo ad Elíam: Quid mihi, et tibi vir Dei? Ingréssus es ad me, ut rememórarentur iniquitátes meæ, et interfíceres filium meum? Et ait ad eam Elías: Da mihi filium tuum. Tulítque eum de sinu ejus, et portávit in cœnáculum ubi ipse manébat, et pósuit super léctulum suum, et clamávit ad Dóminum, et dixit: Dómine Deus meus, étiamne víduam, apud quam ego utcúmque susténtor, afflixisti, ut interfíceres filium ejus? Et expándit se, atque mensus est super púerum tribus vícibus, et clamávit ad Dóminum, et ait: Dómine Deus meus, revertátur óbsecro ánima púeri hujus in víscera ejus. Et exaudivit Dóminus vocem Elíæ: et revérsa est ánima púeri intra eum, et revíxit. Tulítque Elías púerum, et depósuit eum de cœnáculo in inferiorem domum, et trádedit matri suæ, et ait illi: En vivit filius tuus. Dixítque múlter ad Elíam: Nunc in isto cognóvi, quóniam vir Dei es tu, et verbum Dómini in ore tuo verum est.

Graduale. Psal. 117. Bonum est confidere in Dómino, quam confidere in hómine.

V. Bonum est speráre in Dómino, quam speráre in princípibus.

Tractus. Psal. 102. Dómine, non secúndum peccáta nostra, quæ féci-mus nos: neque secúndum iniquitátes nostras retribuas nobis.

V. Psal. 78. Dómine, ne memíneris iniquitátum nostrárum antiquárum: cito antícipent nos misericórdiæ tuæ, quia páuperes facti sumus nimis.

V. (Hic genuflectitur.) Adjuva nos Deus salutáris noster: et propter glóriam nóminis tui Dómine libera nos: et propítius esto peccátis nostris, propter nomen tuum.

Sequéntia sancti Evangélíi secúndum Joánnem. Joan. 11.

IN illo témpore: Erat quidam languens Lázarus à Bethánia, de castélló Mariæ, et Marthæ soróris ejus. (María autem erat, quæ unxit Dóminum unguénto, et extérsit pedes ejus capíllis suis: cujus frater Lázarus infirmabátur.) Misérunt ergo soróres ejus ad eum, dicéntes: Dómine, ecce quem amas, infirmáthur. Audiens autem Jesus, dixit eis: Infirmitas hæc non est ad mortem, sed pro glória Dei, ut glorificétur Fílius Dei per eam. Diligébat autem Jesus Martham, et sorórem ejus Mariam, et Lázarum. Ut ergo audívit, quia infirmabáthur, tunc quidem mansit in eódem loco duóbus diébus. Deinde post hæc dixit discíplis suis: Eámus in Judæam íterum. Dicunt ei discí-puli: Rabbi, nunc quærébant te Judæi lapidáre, et íterum vadis illuc? Respóndit Jesus: Nónne duódecim sunt horæ diéi? Si quis ambuláverit in die, non offéndit, quia lucem hujus mundi videt: si autem ambuláverit in nocte, offéndit, quia lux non est in eo. Hæc ait, et post hæc dixit eis: Lázarus amícus noster dormit; sed vado, ut à somno éxcitem eum. Dixérunt ergo discípli ejus: Dómine, si dormit, salvus erit. Díxerat autem Jesus de morte ejus: illi autem putavérunt, quia de dormitióne somni diceret. Tunc ergo Jesus dixit eis manifeste: Lázarus mórtuus est: et gáudeo propter vos, ut credátis, quóniam non eram ibi: sed eámus ad eum. Dixit ergo Thomas, qui dícitur Dídymus, ad condiscípulos: Eámus et nos, ut

moriámur cum eo. Venit itaque Jesus, et invénit eum quátuor dies jam in monuménto habéntem. (Erat autem Bethánia juxta Jerosólymam quasi stádiis quíndecim.) Multi autem ex Judáeis vénerant ad Martham, et Mariám, ut consolaréntur eas de fratre suo. Martha ergo, ut audívit quia Jesus venit, occúrrit illi: María autem domi sedébat. Dixit ergo Martha ad Jesum: Dómine, si fuísses híc, frater meus non fuisset mórtuus; sed et nunc scio, quia quæcúmque popósceris à Deo, dabit tibi Deus. Dicit illi Jesus: Resúrget frater tuus. Dicit ei Martha: Scio quia resúrget in resurrectione in novíssimo die. Dixit ei Jesus: Ego sum resurréctio, et vita; qui credit in me, étiam si mórtuus fúerit, vivet: et omnis, qui vivit, et credit in me, non moriétur in ætérnum. Credis hoc? Ait illi: Utique, Dómine, ego credidi, quia tu es Christus Fílius Dei vivi, qui in hunc mundum venísti. Et cum hæc dixisset, ábiit, et vocávit Mariám sorórem suam siléntio, dicens: Magíster adest, et vocat te. Illa ut audívit, surgit cito, et venit ad eum: nondum enim vénerat Jesus in castéllum; sed erat adhuc in illo loco, ubi occurrerat ei Martha. Judái ergo, qui erant cum ea in domo, et consolabántur eam, cum vidissent Mariám, quia cito surréxit, et éxiit, secúti sunt eam, dicéntes: Quia vadit ad monuméntum, ut ploret ibi. María ergo, cum venisset ubi erat Jesus, videns eum, cécidit ad pedes ejus, et dicit ei: Dómine, si fuísses híc, non esset mórtuus frater meus. Jesus ergo, ut vidit eam plorántem, et Judáeos, qui vénerant cum ea, plorántes, infrémuit spírítu, et turbávit seípsum, et dixit: Ubi posuístis eum? Dicunt ei: Dómine, veni, et vide. Et lacrymátus est Jesus. Dixérunt ergo Judái: Ecce quómodo amábat eum. Quidam autem ex ipsis dixérunt: Non póterat hic, qui apéruiť óculos cæci nati,

fácere ut hic non morerétur? Jesus ergo rursum fremens in semetípso, venit ad monuméntum. Erat autem spelúnca, et lapis superpósitus erat ei. Ait Jesus: Tóllite lápidem. Dicit ei Martha, soror ejus qui mórtuus fúerat: Dómine, jam fœtet, quatrídúanus est enim. Dicit ei Jesus: Nonne dixi tibi, quóniam si credíderis, vidébis glóriam Dei? Tulérunt ergo lápidem: Jesus autem, elevátis sursum óculis, dixit: Pater, grátias ago tibi, quóniam audísti me. Ego autem sciébam, quia semper me audis, sed propter pópulum, qui circúmstat, dixi: ut credant, quia tu me misísti. Hæc cum dixisset, voce magna clamávit: Lázare, veni foras. Et statim pródiit, qui fúerat mórtuus, ligátus pedes, et manus ínstitis, et fácies illíus sudário erat ligáta. Dixit eis Jesus: Sólвите eum, et sínite abíre. Multi ergo ex Judáeis, qui vénerant ad Mariám, et Martham, et viderant quæ fecit Jesus, credidérunt in eum.

Offertorium. Psal. 17. Pópulum húmílem salvum fácies Dómine, et óculos superbórum humiliábis: quóniam quis Deus præter te, Dómine?

Secreta.

M Unera nos, Dómine quæsumus, obláta puríficent: et te nobis júgiter fáciant esse placátum. Per Dóminum.

Aliæ Secretæ, ut in Dominica præcedenti. fol. 97.

Communio. Joann. 11. Videns Dóminus flentes soróres Lázari ad monuméntum, lacrymátus est coram Judáeis, et exclamávit: Lázare, veni foras: et pródiit ligátis mánibus et pédibus, qui fúerat quatrídúanus mórtuus.

Postcommunio.

H Æc nos, quæsumus Dómine, participátio sacraménti: et à propriis reátibus indesinénter expédiat, et ab ómnibus tueátur advérsis. Per Dóminum.

Aliæ Postcommuniones, ut in Dominica præcedenti. fol. 97.

Sabbato post Dominicam iv. Quadrages.

Super populum. Orémus. Humiliáte cápita vestra Deo. **Oratio.**

DA nobis, quæsumus omnipotens Deus: ut qui infirmitátis nostræ cóncscii, de tua virtúte confidimus, sub tua semper pietáte gaudeámus. Per Dóminum.

SABBATO.

Statio ad sanctum Nicolaum in carcere.



Introitus. Isaíæ 55.

Itiéntes veníte ad aquas, dicit Dóminus: et qui non habétis prætium, veníte, et bibite cum lætítia.

Psal. 77. Atténdite pópule meus legem meam: inclináte aurem vestram in verba oris mei.

V. Glória Patri. Oratio.

Fiat, Dómine quæsumus, per grátiam tuam fructuósus nostræ devotiónis afféctus: quia tunc nobis próderunt suscep'ta jejúnia, si tuæ sint plácita pietáti. Per Dóminum.

Aliæ Orationes, ut in Dominica præcedenti. fol. 96.

Léctio Isaíæ Prophétæ. Isaíæ 49. c

HÆc dicit Dóminus: In témpore plácito exaudivi te, et in die salútis auxiliátus sum tui: et servávi te, et dedi te in fœdus pópuli, ut suscitáres terram, et possidéres hæreditátes dissipátas: ut diceres his, qui vincti sunt: Exíte: et his, qui in ténebris: Revelámini. Super vias pascéntur, et in ómnibus planis páscua eórum. Non esúrient, neque sítient, et non percútiet eos æstus et sol: quia miserátor eórum reget eos, et ad fontes aquárum potábit eos. Et ponam omnes montes meos in viam, et sémitæ meæ exaltabúntur. Ecce isti de longe vénient, et ecce illi ab Aquilóne et mari, et isti de terra Austráli. Laudáte cœli, et exúlta terra, jubiláte montes laudem: quia consolátus est Dóminus pópulum suum, et páuperum suórum miserébitur. Et dixit Sion: Derelíquit me Dómi-

nus, et Dóminus oblítus est mei. Numquid oblivísci potest múlter infántem suum, ut non misereátur filio úteri sui? et si illa oblíta fúerit, ego tamen non oblivíscar tui, dicit Dóminus omnipotens.

Graduale. Psal. 9. Tibi Dómine derelíctus est pauper: pupíllo tu eris adjútor.

V. Ut quid Dómine recessísti longe, déspicis in opportunitátibus, in tribulatióne? dum superbit impius, incénditur pauper.

Sequéntia sancti Evangélíi secúndum Joánnem. Joan. 8. b

IN illo témpore: Locútus est Jesus turbis Judæórum, dicens: Ego sum lux mundi: qui séquitur me, non ámbulat in ténebris, sed habébit lumen vitæ. Dixérunt ergo ei Pharisæi: tu de te ipso testimónium pérhibes: testimónium tuum non est verum. Respóndit Jesus, et dixit eis: et si ego testimónium perhíbeo de me ipso, verum est testimónium meum: quia scio unde veni, et quo vado: vos autem nescítis unde vénio, aut quo vado. Vos secúndum carnem judicátis: ego non júdico quemquam: et si júdico ego, júdiciu meum verum est, quia solus non sum: sed ego, et qui misit me, Pater. Et in lege vestra scriptum est, quia duórum hóminu testimóniu verum est. Ego sum, qui testimóniu perhíbeo de me ipso: et testimóniu pérhibet de me, qui misit me, Pater. Dicébant ergo ei: Ubi est Pater tuus? Respóndit Jesus: Neque me scitis, neque Patrem meum: si me scirétis, fór- sitan et Patrem meum scirétis. Hæc verba locútus est Jesus in gazophylácio, docens in templo, et nemo apprehéndit eum, quia necdum vénerat hora ejus.

Offertorium. Psal. 17. Factus est Dóminus firmaméntum meum, et refúgium meum, et liberátor meus: et sperábo in eum.

Dominica de Passione.

Secreta.

Oblationibus nostris, quæsumus Dómine, placare susceptis: et ad te nostras etiam rebelles compelle propitius voluntates. Per Dóminum.

Aliae Secretæ, ut in Dominica præcedenti. fol. 97.

Communio. Psal. 22. Dóminus regit me, et nihil mihi déerit: in loco páscuæ ibi me collocávit: super aquam refectiónis educávit me.

Postcommunio.

Tua nos, quæsumus Dómine, sancta purificent: et operatione sua tibi plácitos esse perficiant. Per Dóminum.

Aliae Postcommuniones, ut in Dominica præcedenti. fol. 97.

Super populum. Orémus. Humiliáte cápita vestra Deo.

Oratio.

Deus, qui sperántibus in te misereri potius eligis, quam irásci: da nobis digne flere mala, quæ féci-mus: ut tuæ consolatiónis grátiam invenire mereámur. Per Dóminum.

Ante Vesperas cooperiuntur Cruces, et Imagines.

Ab hac die usque ad Sabbatum sanctum exclusive non dicitur Psalmus Júdica me, ante Confessionem: neque Glória Patri, ad Lavábo.

DOMINICA DE PASSIONE.

Statio ad sanctum Petrum.

Introitus. Ps. 42.

Júdica me Deus, et discérne causam meam de gente non sancta: ab hómine iníquo, et dolóso éripe me: quia tu es Deus meus, et fortitúdo mea.

Psal. ibid. Emítte lucem tuam, et veritátem tuam: ipsa me deduxérunt, et adduxérunt in montem sanctum tuum, et in tabernácula tua.

Júdica me.

Non dicitur Glória Patri, ad Introitum usque ad Pascha, nisi in Missa de Festo, si occurrerit: sed finito Psalmo, absolute repetitur Introitus usque ad Psalmum. Oratio.

Quæsumus omnipotens Deus, familiam tuam propitius respice: ut, te largiente, regátur in corpore; et te servante, custodiátur in mente. Per Dóminum.

Ab hac die usque ad Feriam v. in Cæna Domini, post Orationem diei dicitur, vel contra persecutores Ecclesiæ. Oratio.

Ecclésiæ tuæ, quæsumus Dómine, preces placátus admítte: ut, destrúctis adversitatibus et erróribus univérsis, secúra tibi sérviat libertáte. Per Dóminum.

Vel pro Papa.

Oratio.

Deus ómnium fidélium Pastor et rector: fámulum tuum **N.** quem Pastórem Ecclésiæ tuæ præesse voluísti, propitius respice: da ei, quæsumus, verbo et exémplo, quibus præest, proficere; ut ad vitam, una cum grege sibi crédito, pervéniat sempitérnam. Per Dóminum.

Non dicitur tertia Oratio.

Léctio Epístolæ beáti Pauli Apóstoli ad Hebræos. Heb. 9. c

Fratres: Christus assistens Póntifex futurórum bonórum, per ámplius et perféctius tabernáculum non manu factum, id est, non hujus creatiόνis, neque per sánguinem hircórum, aut vitulórum, sed per próprium sánguinem introívit semel in Sancta, æténa redemptiône invénta. Si enim sanguis hircórum et taurórum, et cinis vitulæ aspérsus, inquinátos sanctificat ad emundatió-nem carnis: quanto magis sanguis Christi, qui per Spíritum sanctum semetípsum obtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti? Et ideo novi Testaménti mediátor est, ut morte intercedente, in redemptiόνem eárum

Dominica de Passione.

prævaricationum, quæ erant sub prióri testaménto, repromissionem accípiant, qui vocáti sunt æternæ hæreditátis: in Christo Jesu Dómino nostro.

Graduale. Psal. 142. Eripe me, Dómine, de inimícis meis: doce me fácere voluntátem tuam.

V. Ps. 17. Liberátor meus, Dómine, de géntibus iracúndis: ab insurgéntibus in me exaltábis me: à viro iníquo erípies me.

Tractus. Psal. 128. Sæpe expugnaverunt me à juventúte mea.

V. Dicat nunc Israel: sæpe expugnaverunt me à juventúte mea.

V. Etenim non potuerunt mihi: supra dorsum meum fabricaverunt peccatóres.

V. Prolongaverunt iniquitátes suas: Dóminus justus concídit cervíces peccatórum.

 **Sequéntia sancti Evangélíi secúndum Joánnem. Joan. 8. f**

IN illo témpore: Dicébat Jesus turbis Judæórum: Quis ex vobis árguet me de peccáto? Si veritátem dico vobis, quare non créditis mihi? Qui ex Deo est, verba Dei audit. Proptérea vos non audítis, quia ex Deo non estis. Respondérunt ergo Judæi, et dixerunt ei: Nonne benedicimus nos, quia Samaritánus es tu, et dæmónium habes? Respóndit Jesus: Ego dæmónium non hábeo, sed honorífico Patrem meum, et vos inhonorástis me. Ego autem non quæro glóriam meam: est qui quærat, et júdicet. Amen, amen dico vobis: si quis sermónem meum serváverit, mortem non vidébit in ætérnum. Dixerunt ergo Judæi: Nunc cognóvimus quia dæmónium habes. Abraham mórtuus est, et Prophétæ: et tu dicis: Si quis sermónem meum serváverit, non gustábit mortem in ætérnum. Numquid tu major es patre nostro Abraham, qui mórtuus est? et Prophétæ mórtui sunt. Quem teípsum facis? Respóndit Jesus: Si

ego glorífico meípsum, glória mea nihil est: est Pater meus, qui gloríficat me, quem vos dicitis quia Deus vester est, et non cognovístis eum: ego autem novi eum: et si díxero, quia non scio eum, ero símilis vobis, mendax. Sed scio eum, et sermónem ejus servo. Abraham pater vester exultávit, ut vidéret diem meum: vidit, et gávísus est. Dixerunt ergo Judæi ad eum: Quinquagínta annos nondum habes, et Abraham vidísti? Dixit eis Jesus: Amen, amen dico vobis, ántequam Abraham fieret, ego sum. Tulérunt ergo lápidés, ut jácerent in eum: Jesus autem abscondit se, et exívit de templo. **Credo.**

Offertorium. Psal. 118. Confitébor tibi Dómine in toto corde meo: retribue servo tuo: vivam, et custódiam sermónes tuos: vivífica me secúndum verbum tuum Dómine.

Secreta.

HÆc múnera, quæsumus Dómine, et víncula nostræ pravitátis absólvant, et tuæ nobis misericórdiæ dona concílient. Per Dóminum.

Altera Secreta, vel contra persecutores Ecclesiæ.

PRótege nos, Dómine, tuis mystériis serviéntes: ut divínis rebus inhæréntes, et corpore tibi famulémur, et mente. Per Dóminum.

Vel pro Papa.

OBlátis, quæsumus Dómine, placáre munéribus: et fámulum tuum **N.** quem Pastórem Ecclesiæ tuæ præesse voluísti, assídua protectióne gubérna. Per Dóminum.

Præfatio de Cruce, quæ dicitur quotidie usque ad Feriam v. in Cœna Domini, etiam in Missa de Festo, nisi propriam habuerit.

Communio. 1. Cor. 11. Hoc corpus, quod pro vobis tradétur: hic calix novi Testaménti est in meo ságuine, dicit Dóminus: hoc fácite, quotiescúmque súmitis, in meam commemoratióem.

Feria ii. post Dominicam Passionis.

Postcommunio.

A Desto nobis Dómine Deus noster: et quos tuis mystériis recreásti, perpétuis defénde subsidiis. Per Dóminum.

Altera Postcommunio, vel contra persecutores Ecclesiæ.

Quæsumus Dómine Deus noster: ut, quos divína tribuis participatione gaudere, humanis non sinas subjacere periculis. Per Dóminum.

Vel pro Papa.

Hæc nos, quæsumus Dómine, divíni sacraménti percéptio protégat: et fámulum tuum **N.** quem Pastórem Ecclesiæ tuæ præesse voluísti, una cum commisso sibi grege, salvét semper, et múníat. Per Dóminum.

FERIA SECUNDA.

Statio ad sanctum Chrysogonum.

Introitus.

Psal. 55.



Miserere mihi Dómine, quóniam conculcávit me homo: tota die bellans tribulávit me.

Ps. ib. Conculcavérunt me inimíci mei tota die: quóniam multi bellántes advérsus me.

Miserere mihi. Oratio.

Sanctífica, quæsumus Dómine, nostra jejúnia: et cunctárum nobis indulgéntiam propítius largíre culpárum. Per Dóminum.

Postea Oratio, vel Ecclesiæ tuæ. vel Deus ómnium fidélium. ut supra in Dominica Passionis. fol. 108.

Léctio Jonæ Prophétæ. Jonæ 3.

In diébus illis: Factum est verbum Dómini ad Jonam Prophétam secúndo, dicens: Surge, et vade in Níniven civitátem magnam: et prædica in ea prædicationem, quam ego loquor ad te. Et surrexit Jonas, et abiit in Níniven juxta verbum Dómini. Et Nínive erat civitas magna itinere trium diérum. Et cœpit Jonas introire in civitátem itinere diéi unius: et clamávit, et dixit: Adhuc quadra-

ginta dies, et Nínive subvertétur. Et credidérunt viri Nínivítæ in Deum: et prædicavérunt jejúnum, et vestíti sunt saccis à majóre usque ad minórem. Et pervénit verbum ad regem Nínive: et surrexit de sólio suo, et abjécit vestiméntum suum à se, et indútus est sacco, et sedit in cínere. Et clamávit, et dixit in Nínive ex ore regis, et princípum ejus, dicens: Hómines, et juménta, et boves, et pécora non gustent quidquam: nec pascántur, et aquam non bibant. Et operiántur saccis hómines, et juménta, et clament ad Dóminum in fortitúdine, et convertátur vir a via sua mala, et ab iniquitáte, quæ est in mánibus eórum. Quis scit, si convertátur, et ignóscat Deus: et revertátur à furóre iræ suæ, et non peribimus? Et vidit Deus ópera eórum, quia convérsi sunt de via sua mala: et misértus est pópulo suo Dóminus Deus noster.

Graduale. Psal. 53. Deus exáudi orationem meam: áuribus percípe verba oris mei.

V. Deus in nómine tuo salvum me fac: et in virtúte tua libera me.

Tractus. Ps. 102. Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis.

V. Psal. 78. Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

V. (Hic genuflectitur.) Adjuva nos Deus salutáris noster: et propter glóriam nóminis tui Dómine libera nos: et propítius esto peccátis nostris, propter nomen tuum.



Sequéntia sancti Evangélii secúndum Joánnem. Joan. 7. e

In illo témpore: Misérunt príncipes et Pharisæi ministros, ut apprehénderent Jesum. Dixit ergo eis Jesus: Adhuc módicum tempus vobíscum sum: et vado ad eum, qui me misit. Quærétiis me, et non inve-niétis: et ubi ego sum, vos non

potéstis venire. Dixérunt ergo Judæi ad semetipsos: Quo hic iturus est, quia non inveniémus eum? numquid in dispersionem Géntium iturus est, et docturus Gentes? Quis est hic sermo, quem dixit: Quærétis me, et non inveniétis: et ubi sum ego, vos non potéstis venire? In novíssimo autem die magno festivitátis stabat Jesus, et clamábat, dicens: Si quis sitit, véniat ad me, et bibat. Qui credit in me, sicut dicit Scriptúra, flúmina de ventre ejus fluent aquæ vivæ. Hoc autem dixit de Spíritu, quem acceptúri erant credéntes in eum.

Offertorium. Psal. 6. Dómine convertere, et éripe ánimam meam: saluum me fac propter misericórdiam tuam.

Secreta.

Concède nobis, Dómine Deus noster: ut hæc hóstia salutáris, et nostrórum fiat purgátio delictórum, et tuæ propitiátio majestátis. Per Dóminum.

Postea Secreta, vel Prótege, vel Oblátis, quæsumus. fol. 109.

Communio. Ps. 23. Dóminus virtutum ipse est Rex glóriæ.

Postcommunio.

Sacraménti tui, quæsumus Dómine, participátio salutáris, et purificatióem nobis tríbuat, et medélam. Per Dóminum.

Altera Postcommunio, vel Quæsumus Dómine, vel Hæc nos, quæsumus. fol. 110.

Super populum. Oremus. Humiliáte cápita vestra Deo.

Oratio.

DA, quæsumus Dómine, pópulo tuo salutem mentis et córporis: ut bonis opéribus inhæréndo, tua semper mereátur protectione deféndi. Per Dóminum.



FERIA TERTIA.

Statio ad sanctum Cyriacum.

Introitus. Ps. 26.

Xpécta Dóminum, viríliter age: et confortétur cor tuum, et sústine Dóminum.

Ps. ib. Dóminus illuminátio mea, et salus mea: quem timébo? **E**xpécta Dóminum.

Oratio.

Nostra tibi, Dómine quæsumus, sint accépta júnia: quæ nos et expiándo, grátia tua dignos efficiant; et ad remédia perdúcant ætérna. Per Dóminum.

Altera Oratio. vel Ecclésiæ tuæ, vel Deus ómnium fidélium. fol. 108.

Léctio Daniélis Prophétæ. Dan. 14. e

IN diébus illis: Congregáti sunt Babylónii ad regem, et dixérunt ei: Trade nobis Daniélem, qui Bel destrúxit, et draconem interfécit, alióquin interficiémus te, et domum tuam. Vidit ergo rex, quod irrúerent in eum veheménter: et necessitáte compúlsus trádidit eis Daniélem. Qui misérunt eum in lacum leónum, et erat ibi diébus sex. Porro in lacu erant leónes septem, et dabántur eis duo córpora quotidie, et duæ oves: et tunc non data sunt eis, ut devorárent Daniélem. Erat autem Hábacuc Prophéta in Judæa, et ipse cóxerat pulméntum, et intríverat panes in alvéolo: et ibat in campum, ut ferret messóribus. Dixítque Angelus Dómini ad Hábacuc: Fer prándium, quod habes, in Babylónem Daniéli, qui est in lacu leónum. Et dixit Hábacuc: Dómine, Babylónem non vidi, et lacum nescio. Et apprehéndit eum Angelus Dómini in vértice ejus, et portávit eum capíllo cápitis sui, posuítque eum in Babylóne supra lacum in ímpetu spíritus sui. Et cla-

mávit Hábacuc, dicens: Dániel serve Dei, tolle prándium, quod misit tibi Deus. Et ait Dániel: Recordátus es mei, Deus, et non dereliquísti diligéntes te. Surgénsque Dániel comédit. Porro Angelus Dómini restituit Hábacuc conféstim in loco suo. Venit ergo rex die séptimo, ut lugéret Daniélem: et venit ad lacum, et introspéxit, et ecce Dániel sedens in médio leónum. Et exclamávit voce magna rex, dicens: Magnus es Dómine Deus Daniélis. Et extráxit eum de lacu leónum. Porro illos, qui perditionis ejus causa fúerant, intromísit in lacum, et devoráti sunt in moménto coram eo. Tunc rex ait: Páveant omnes habitántes in univérſa terra Deum Daniélis: quia ipse est Salvátor, fáciens signa, et mirábilia in terra: qui liberávit Daniélem de lacu leónum.

Graduale. Ps. 42. Discérne causam meam Dómine: ab hómine iníquo, et dolóso éripe me.

V. Emítte lucem tuam, et veritátem tuam: ipsa me deduxérunt, et adduxérunt in montem sanctum tuum.

Sequéntia sancti Evangélíi secúndum Joánnem. Joan. 7.

In illo témpore: Ambulábat Jesus in Galiléam, non enim volébat in Judéam ambuláre, quia quærébant eum Judæi interfícere. Erat autem in próximo dies festus Judæórum, Scenopégia. Dixérunt autem ad eum fratres ejus: Transi hinc, et vade in Judéam, ut et discípuli tui vídeant ópera tua, quæ facis. Nemo quippe in occulto quid facit, et quærít ipse in palam esse: si hæc facis, manifestá teípsum mundo. Neque enim fratres ejus credébant in eum. Dicit ergo eis Jesus: Tempus meum nondum advénit: tempus autem vestrum semper est parátum. Non potest mundus odísse vos: me autem odit: quia ego testimónium perhíbeo de illo, quod ópera ejus mala sunt. Vos ascéndite ad diem festum hunc, ego autem non

ascéndo ad diem festum istum: quia meum tempus nondum implétum est. Hæc cum dixísset, ipse mansit in Galiléa. Ut autem ascendérunt fratres ejus, tunc et ipse ascéndit ad diem festum non manifeste, sed quasi in occulto. Judæi ergo quærébant eum in die festo, et dicébant: Ubi est ille? Et murmur multum erat in turba de eo. Quidam enim dicébant: Quia bonus est. Alii autem dicébant: Non, sed sedúcit turbas. Nemo tamen palam loquebátur de illo, propter metum Judæórum.

Offertorium. Psal. 9. Sperent in te omnes, qui novérunt nomen tuum Dómine; quóniam non derelínquis quæréntes te: psállite Dómino, qui hábitat in Sion: quóniam non est oblítus oratiónes páuperum.

Secreta.

Hostias tibi, Dómine, deférimus immolándas: quæ temporálem consolatiónem significent; ut promíssa non desperémus æténa. Per Dóminum.

Altera Secreta, vel Prótege, vel Oblátis, quæsumus. fol. 109.

Communio. Ps. 24. Rédime me, Deus Israel, ex ómnibus angústíis meis.

Postcommunio.

DA, quæsumus omnipotens Deus: ut, quæ divína sunt, júgiter exequéntes, donis mereámur cœlestibus propinquáre. Per Dóminum.

Altera Postcommunio, vel Quæsumus Dómine, vel Hæc nos, quæsumus. fol. 110.

Super populum. Orémus. Humiliáte cápita vestra Deo. **Oratio.**

DA nobis, quæsumus Dómine, perseverántem in tua voluntáte famulátum: ut in diébus nostris, et mérito et número, pópulus tibi serviens augeátur. Per Dóminum.



FERIA QUARTA.

Statio ad sanctum Marcellum.

Introitus. Psal. 17.

Liberátor meus de
géntibus iracúndis:
ab insurgéntibus in
me exaltábis me: à
viro iníquo erípies
me, Dómine.

Psal. ibid. DÍligam te Dómine
virtus mea: Dóminus firmamén-
tum meum, et refúgium meum, et
liberátor meus. **Liberátor meus.**

Oratio.

Sanctificáto hoc jejúnio, Deus,
tuórum corda fidélium miserátor
illústra: et quibus devotiónis præstas
afféctum, præbe supplicántibus pium
benígnus audítum. **Per Dóminum.**

Altera Oratio, vel Ecclesiæ tuæ, vel
Deus ómnium fidélium. fol. 108.

Léctio libri Levítici. Levit. 19.

IN diébus illis: Locútus est Dó-
minus ad Móysen, dicens: Ló-
quere ad omnem cœtum filiórum
Israel, et dices ad eos: Ego Dóminus
Deus vester. Non faciétis furtum.
Non mentiémini, nec decípiet unus-
quisque próximum suum. Non per-
jurábis in nómine meo, nec póllues
nomen Dei tui. Ego Dóminus. Non
fácies calúmniam próximo tuo: nec
vi ópprimes eum. Non morábitur opus
mercenárii tui apud te usque mane.
Non maledíces surdo, nec coram cæco
pones offendículum: sed timébis Dó-
minum Deum tuum, quia ego sum
Dóminus. Non fácies quod iníquum
est, nec injúste judicábis. Non con-
sideres persónam páuperis, nec ho-
nóres vultum poténtis. Juste júdica
próximo tuo. Non eris criminátor, nec
susúrro in pópulo. Non stábis contra
sánguinem próximi tui. Ego Dómi-
nus. Non óderis fratrem tuum in
corde tuo, sed públice árgue eum, ne
hábeas super illo peccátum. Non quæ-
ras ultiónem, nec memor eris injúriæ
cívium tuórum. DÍliges amicum tuum
sicut teípsum. Ego Dóminus. Leges

meas custodíte. Ego enim sum Dó-
minus Deus vester.

Graduale. Ps. 29. Exaltábo te, Dó-
mine, quóniam suscepisti me: nec
delectásti inimícos meos super me.

V. Dómine Deus meus clamávi ad te,
et sanásti me: Dómine, abstraxísti ab
ínferis ánimam meam, salvásti me à
descendéntibus in lacum.

Tractus. Psal. 102. Dómine, non
secúndum peccáta nostra, quæ fécí-
mus nos: neque secúndum iniquitátes
nostras retribuas nobis.

V. Psal. 78. Dómine, ne memíneris
iniquitátum nostrárum antiquárum:
cito antícipent nos misericórdiæ tuæ,
quia páuperes facti sumus nimis.

V. (Hic genuflectitur.) Adjuva nos
Deus salutáris noster: et propter gló-
riam nóminis tui Dómine libera nos:
et propítius esto peccátis nostris, pro-
pter nomen tuum.

**Sequéntia sancti Evangélíi se-
cúndum Joánnem. Joan. 10. d**

IN illo témpore: Facta sunt En-
cænia in Jerosólymis: et hiems
erat. Et ambulábat Jesus in templo,
in pórticu Salomónis. Circumde-
derunt ergo eum Judæi, et dicébant
ei: Quoúsque ánimam nostram tollis?
Si tu es Christus, dic nobis palam.
Respóndit eis Jesus: Loquor vobis,
et non créditois. Opera, quæ ego fácio
in nómine Patris mei, hæc testimó-
nium pérhibent de me: sed vos non
créditois, quia non estis ex óvibus meis.
Oves meæ vocem meam áudiunt: et
ego cognósko eas, et sequúntur me:
et ego vitam ætérnam do eis: et non
peribunt in ætérnum, et non rápiet
eas quisquam de manu mea. Pater
meus, quod dedit mihi, majus ómnibus
est: et nemo potest rápere de manu
Patris mei. Ego et Pater unum sumus.
Sustulérunt ergo lápidés Judæi, ut
lapidárent eum. Respóndit eis Jesus:
Multa bona ópera osténdi vobis ex
Patre meo, propter quod eórum opus
me lapidátis? Respondérunt ei Judæi:
De bono ópere non lapidámus te, sed

de blasphemía: et quia tu, homo cum sis, facis teípsum Deum. Respondit eis Jesus: Nonne scriptum est in lege vestra: quia, Ego dixi, dii estis? Si illos dixit deos, ad quos sermo Dei factus est, et non potest solvi Scriptúra: quem Pater sanctificávit, et misit in mundum, vos dicitis: Quia blasphemás: quia dixi, Fílius Dei sum? Si non fácio ópera Patris mei, nolíte credere mihi. Si autem fácio, et si mihi non vultis credere, opéribus crédate, ut cognoscátis, et credátis, quia Pater in me est, et ego in Patre.

Offertorium. Psal. 58. Eripe me de inimícis meis, Deus meus: et ab insurgéntibus in me libera me, Dómine.

Secréta.

Annue miséricors Deus: ut hostias placatiónis et laudis, sincéro tibi deferámus obséquio. Per Dóminum.

Altera Secreta, vel Prótege, vel Oblátis, quæsumus. fol. 109.

Communio. Psal. 25. Lavábo inter innocéntes manus meas, et circuibó altáre tuum Dómine: ut áudiam vocem laudis tuæ, et enárrem univérse mirabilia tua.

Postcommunio.

Celéstis doni benedictióne percepta, súppliques te, Deus omnipotens, deprecámur: ut hoc idem nobis et sacraménti causa sit, et salutis. Per Dóminum.

Altera Postcommunio, vel Quæsumus Dómine. vel Hæc nos, quæsumus. fol. 110.

Super populum. Orémus. Humiliáte cápita vestra Deo.

Oratio.

Adesto supplicatióibus nostris omnipotens Deus: et quibus fidúciám sperándæ pietátis indúlges, consuétæ misericórdiæ tribue benígnus effectum. Per Dóminum.



FERIA QUINTA.

Statio ad sanctum Apollinarem.

Introitus. Dan. 3. c. d.



Mnia, quæ fecísti nobis, Dómine, in vero iudicio fecísti: quia peccávimus tibi, et mandátis tuis non obedívimus: sed da glóriam nómini tuo, et fac nobiscum secúndum multitudínem misericórdiæ tuæ.

Psal. 118. Beáti immaculáti in via: qui ámbulant in lege Dómini. **Omnia.**

Oratio.

Præsta, quæsumus omnipotens Deus: ut dignitas conditionis humanæ per immoderántiam sauciáta, medicínalis parsimóniæ stúdio reformétur. Per Dóminum.

Altera Oratio, vel Ecclesiæ tuæ, vel Deus ómnium fidélium. fol. 108.

Léctio Daniélis Prophætæ. Dan. 3. d

In diébus illis: Orávit Azariás Dóminum, dicens: Dómine Deus noster: ne, quæsumus, tradas nos in perpétuum propter nomen tuum, et ne dissipes testaméntum tuum: neque áuferas misericórdiam tuam à nobis propter Abraham diléctum tuum, et Isaac servum tuum, et Israel sanctum tuum: quibus locútus es, póllicens quod multiplicáres semen eórum sicut stellas cœli, et sicut arénam, quæ est in líttore maris: quia, Dómine, imminúti sumus plus quam omnes gentes, sumúsque húmiles in univérse terra hódie propter peccáta nostra. Et non est in témpore hoc princeps, et dux, et prophéta, neque holocáustum, neque sacrificium, neque oblátio, neque incénsum, neque locus primitiárum coram te, ut possímus inveníre misericórdiam tuam: sed in ánimo contríto, et spírítu humilitátis suscipiámur. Sicut in holocáusto arietum, et taurórum, et sicut in millibus agnórum pínguium: sic fiat sacrificium nostrum in conspéctu tuo hódie, ut pláceat tibi: quóniam non est confúsió confidéntibus in te.

Feria v. post Dominicam Passionis.

Et nunc séquimur te in toto corde, et timémus te, et quærimus faciém tuam. Ne confúndas nos: sed fac nobíscum juxta mansuetúdinem tuam, et secúndum multitúdinem misericórdiæ tuæ. Et érue nos in mirabílibus tuis, et da glóriam nómini tuo, Dómine: et confundántur omnes, qui osténdunt servis tuis mala, confundántur in omnipoténtia tua: et robur eórum conterátur: et sciant, quia tu es Dóminus Deus solus, et gloriósus super orbem terrárum, Dómine Deus noster.

Graduale. Ps. 95. Tóllite hóstias, et introíte in átria ejus: adoráte Dóminum in aula sancta ejus.

V. Psal. 28. Revelábit Dóminus condénsa: et in templo ejus omnes dicent glóriam.



Sequéntia sancti Evangélíi secúndum Lucam. Lucæ 7. f

IN illo témpore: Rogábat Jesum quidam de Pharisæis, ut manducáret cum illo. Et ingressus domum Pharisæi, discúbuit. Et ecce múlíer, quæ erat in civitáte peccátrix, ut cognóvit, quod accubuisset in domo Pharisæi, áttulit alabástrum unguénti: et stans retro secus pedes ejus, lácrymis cœpit rigáre pedes ejus, et capíllis cápítis sui tergébat, et osculabátur pedes ejus, et unguénto ungébat. Videns autem Pharisæus, qui vocáverat eum, ait intra se, dicens: Hic si esset Prophéta, sciret útique, quæ, et qualis est múlíer, quæ tangit eum: quia peccátrix est. Et respóndens Jesus, dixit ad illum: Simon, hábeo tibi áliquíd dicere. At ille ait: Magíster, dic. Duo debitóres erant cuídám fœneratóri: unus debébat denários quingéntos, et álius quinquagínta. Non habéntibus illis unde rédderent, donávit utrísque. Quis ergo eum plus díligit? Respóndens Simon, dixit: Æstimo quia is, cui plus donávit. At ille dixit ei: Recte judicásti. Et convérsus ad mulíerem, dixit Simóni: Vides hanc mulíerem? Intrávi in domum tuam, aquam pédibus

meis non dedísti: hæc autem lácrymis rigávit pedes meos, et capíllis suis tersit. Osculum mihi non dedísti: hæc autem, ex quo intrávit, non cessávit osculári pedes meos. Oleo caput meum non unxísti: hæc autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minus dimíttitur, minus díligit. Dixit autem ad illam: Remittúntur tibi peccáta. Et cœpérunt, qui simul accumbebant, dicere intra se: Quis est hic, qui étiam peccáta dimíttit? Dixit autem ad mulíerem: Fides tua te salvam fecit: vade in pace.

Offertorium. Ps. 136. Super flúmina Babylónis illic sédimus, et flévimus: dum recordarémur tui Sion.

Secreta.

Domine Deus noster, qui in his pótius creatúris, quas ad fragilitátis nostræ subsídium condidísti, tuo quoque nómini múnera jussísti dicánda constítui: tríbe quæsumus; ut et vitæ nobis præsentis auxiliúm, et æternitátis efficiant sacraméntum. Per Dóminum.

Altera Secreta, vel Prótege, vel Oblátis quæsumus. fol. 109.

Communio. Ps. 118. Meménto verbi tui servo tuo, Dómine, in quo mihi spem dedísti: hæc me consoláta est in humilitáte mea.

Postcommunio.

Quod ore sumpsimus Dómine, pura mente capiámus: et de múnere temporáli, fiat nobis remédiúm sempitérnum. Per Dóminum.

Altera Postcommunio, vel Quæsumus Dómine, vel Hæc nos, quæsumus. fol. 110.

Super populum. O rémus. Humiliáte cápita vestra Deo.

Oratio.

Esto, quæsumus Dómine, propítius plebi tuæ: ut quæ tibi non placent, respuéntes; tuórum pótius repleántur delectatiónibus mandatórum. Per Dóminum.

FERIA SEXTA.

Statlo ad S. Stephanum in Cælo monte.

**Introitus. Psal. 30.**

Miserere mihi Dómine, quóniam tríbulor: libera me, et éripe me de mánibus inimicórum meórum, et à persecuéntibus me: Dómine non confúndar, quóniam invocávi te.

Ps. ib. In te Dómine sperávi, non confúndar in ætérnum: in justítia tua libera me. **Miserere mihi.**

Oratio.

Cordibus nostris, quæsumus Dómine, grátiam tuam benígnus infúnde: ut peccáta nostra castigatíone voluntária cohibéntes, temporáliter pótius macerémur, quam supplíciis deputémur ætérnis. **Per Dóminum.**

Altera Oratio, vel Ecclesiæ tuæ, vel Deus ómnium fidélium. fol. 108.

Lectio Jeremiæ Prophætæ. Jer. 17. b

IN diébus illis: Dixit Jeremías: Dómine, omnes qui te derelínquunt, confundéntur: recedéntes à te, in terra scribéntur: quóniam dereliquerunt venam aquárum vivéntium, Dóminum. Sana me Dómine, et sanábor: saluum me fac, et saluus ero: quóniam laus mea tu es. Ecce ipsi dicunt ad me: Ubi est verbum Dómini? Véniat. Et ego non sum turbátus, te pastórem sequens: et diem hóminis non desiderávi, tu scis. Quod egréssum est de lábiis meis, rectum in conspéctu tuo fuit. Non sis tu mihi formídini, spes mea tu in die afflictiónis. Confundántur, qui me persecúntur, et non confúndar ego: páveant illi, et non páveam ego. Induc super eos diem afflictiónis, et dúplici contritíone cóntere eos, Dómine Deus noster.

Graduale. Psal. 34. Pacífice loquebántur mihi inimíci mei: et in ira molésti erant mihi.

V. Vidísti Dómine, ne síleas: ne discédas à me.

Tractus. Psal. 102. Dómine, non secúndum peccáta nostra, quæ féci-mus nos: neque secúndum iniquitátes nostras retribuas nobis.

V. Psal. 78. Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

V. (Hic genuflectitur.) Adjuva nos Deus salutáris noster: et propter glóriam nóminis tui Dómine libera nos: et propítius esto peccátis nostris, propter nomen tuum.

Sequéntia sancti Evangélii secúndum Joánnem. Joan. 11. f

IN illo témpore: Collegérunt Pontífices et Pharisæi concílium advérsus Jesum, et dicébant: Quid fácimus, quia hic homo multa signa facit? Si dimíttimus eum sic, omnes credent in eum; et vénient Románi, et tollent nostrum locum, et gentem. Unus autem ex ipsis Cáiphas nómine, cum esset Póntifex anni illíus, dixit eis: Vos nescítis quidquam, nec cogitátis quia expedit vobis, ut unus moriátur homo pro pópulo, et non tota gens péreat. Hoc autem à semetípso non dixit: sed cum esset Póntifex anni illíus, prophetávit, quod Jesus moritúrus erat pro gente, et non tantum pro gente, sed ut filios Dei qui erant dispérsi, congregáret in unum. Ab illo ergo die cogitavérunt, ut interficerent eum. Jesus ergo jam non in palam ambulábat apud Judæos: sed ábiit in regiónem juxta désertum, in civitátem, quæ dicitur Ephrem, et ibi morabátur cum discí-pulis suis.

Offertorium. Psal. 118. Benedíctus es Dómine, doce me justificatíones tuas: et non tradas calumniántibus me supérbis: et respondébo exprobrántibus mihi verbum.

Secreta.

PRæsta nobis, miséricors Deus: ut digne tuis servíre semper altáribus mereámur; et eórum perpétua participatíone salvári. **Per Dóminum.**

Sabbato post Dominicam Passionis.

Altera Secreta, vel Prôtege, vel Oblâtis, quæsumus. fol. 109.

Communio. Ps. 26. Ne tradideris me Dómine, in ánimas persecúentium me: quóniam insurrexérunt in me testes iníqui, et mentíta est iníquitas sibi. **Postcommunio.**

Sumpti sacrificii, Dómine, perpétua nos tuitio non derelinquat: et nóxia semper à nobis cuncta depéllat. Per Dóminum nostrum Jesum Christum Fílium tuum.

Altera Postcommunio, vel Quæsumus Dómine, vel Hæc nos, quæsumus. fol. 110.

Super populum. Orémus. Humiliáte cápita vestra Deo. **Oratio.**

Concède, quæsumus omnipotens Deus: ut qui protectionis tuæ grátiam quærimus, liberáti à malis ómnibus, secúra tibi mente serviámus. Per Dóminum nostrum Jesum Christum Fílium tuum.

SABBATO.

Statío ad S. Joannem ante portam Latínam.



Introitus. Psal. 30.

Miserere mihi Dómine, quóniam tribulor: libera me, et éripe me de mánibus inimicórum meórum, et à persecúentibus me: Dómine non confúndar, quóniam invocávi te.

Psal. ibid. In te Dómine sperávi, non confúndar in ætérnum: in justítia tua libera me. **Miserere mihi.**

Oratio.

Proficiat, quæsumus Dómine, plebs tibi dicáta piæ devotiónis afféctu: ut sacris actionibus erudíta, quanto majestáti tuæ fit grátior, tanto donis potióribus augeátur. Per Dóminum.

Altera Oratio, vel Ecclesiæ tuæ, vel Deus ómnium fidélium. fol. 108.

Léctio Jeremiæ Prophétæ. Jer. 18. c

IN diébus illis: Dixérunt impii Judæi ad invicem: Veníte, et cogitémus contra justum cogitatio-

nes: non enim peribit lex à sacerdote, neque consílium à sapiente, nec sermo à Prophéta: veníte, et percutiámus eum lingua, et non attendámus ad univérso sermónes ejus. Atténde Dómine ad me, et audi vocem adversariórum meórum. Numquid rédditur pro bono malum, quia fodérunt fóveam ánimæ meæ? Recordáre, quod stéterim in conspéctu tuo, ut lóquerer pro eis bonum, et avérterem indignationem tuam ab eis. Proptérea da filios eórum in famem, et deduc eos in manus gládii: fiant uxóres eórum absque líberis, et víduæ: et viri eárum interficiántur morte: júvenes eórum confodiántur gládio in prælio. Audiátur clamor de dómibus eórum: addúces enim super eos latrónem repente: quia fodérunt fóveam, ut cáperent me, et láqueos abscondérunt pédibus meis. Tu autem Dómine scis omne consílium eórum advérsus me in mortem: ne propitiéris iniquitáti eórum, et peccátum eórum à fácie tua non deleátur. Fiant corruéntes in conspéctu tuo, in témpore furóris tui abútere eis, Dómine Deus noster.

Graduale. Psal. 34. Pacífice loquebántur mihi inimíci mei: et in ira molésti erant mihi.

V. Vidísti Dómine, ne síleas: ne discédas à me.



Sequéntia sancti Evangélíi secúndum Joánnem. Joan. 12. b

IN illo témpore: Cogitavérunt príncipes sacerdotum, ut et Lázarus interficerent; quia multi propter illum abíbant ex Judæis, et credebant in Jesum. In crástinum autem turba multa, quæ vénerat ad diem festum, cum audissent quia venit Jesus Jerosólymam, accepérunt ramos palmárum, et processérunt obviam ei, et clamábant: Hosánna, benedíctus qui venit in nómine Dómini, Rex Israel. Et invénit Jesus aséllum, et sedit super eum, sicut scriptum est: Noli timére fília Sion, ecce Rex tuus venit sedens super pullum ásinæ.

Hæc non cognovérunt discipuli ejus primum; sed quando glorificátus est Jesus, tunc recordáti sunt, quia hæc erant scripta de eo, et hæc fecérunt ei. Testimónium ergo perhibébat turba, quæ erat cum eo, quando Lázarus vocávit de monuménto, et suscitávit eum à mórtuis. Proptérea et óbviā venit ei turba; quia audierunt eum fecísse hoc signum. Pharisei ergo dixerunt ad semetipsos: Vidétis quia nihil proficimus? Ecce mundus totus post eum ábiit. Erant autem quidam Gentiles, ex his qui ascénderant, ut adorárent in die festo. Hi ergo accessérunt ad Philíppum, qui erat à Bethsáida Galilææ; et rogábant eum, dicéntes: Dómine, vólumus Jesum vidére. Venit Philíppus, et dicit Andréæ: Andréas rursum et Philíppus dixerunt Jesu. Jesus autem respóndit eis, dicens: Venit hora: ut clarificétur filius hóminis. Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam; et qui odit ánimam suam in hoc mundo, in vitam ætérnam custódit eam. Si quis mihi ministrat, me sequátur: et ubi sum ego, illic et míster meus erit. Si quis mihi ministráverit, honorificábit eum Pater meus. Nunc ánima mea turbáta est. Et quid dicam? Pater, salvífica me ex hac hora. Sed proptérea veni in horam hanc. Pater, clarífica nomen tuum. Venit ergo vox de cælo: Et clarificávi, et iterum clarificábo. Turba ergo, quæ stabat, et audierat, dicebat tonítrum esse factum. Alii dicebant: Angelus ei locútus est. Respóndit Jesus, et dixit: Non propter me hæc vox venit, sed propter vos. Nunc júdiciū est mundi: nunc princeps hujus mundi ejiciétur foras. Et ego si exaltátus fúero à terra, ómnia traham ad meípsum: (Hoc autem dicebat, significans qua morte esset

moritúrus.) Respóndit ei turba: Nos audívimus ex lege, quia Christus manet in ætérnum, et quómodo tu dicis: Opórtet exaltári Fílium hóminis? Quis est iste Fílius hóminis? Dixit ergo eis Jesus: Adhuc módicum lumen in vobis est. Ambuláte dum lucem habétis, ut non vos ténebræ comprehédant: et qui ámbulat in ténebris, nescit quo vadat. Dum lucem habétis, créдите in lucem, ut filii lucis sitis. Hæc locútus est Jesus: et ábiit, et abscondit se ab eis.

Offertorium. Psal. 118. Benedíctus es Dómine, doce me justificatiónes tuas: et non tradas calumniántibus me superbis: et respondébo exprobrántibus mihi verbum.

Secreta.

A Cunctis nos, quæsumus Dómine, reátibus et perículis propitiátus absólve: quos tanti mystérii tribuis esse consórtes. Per Dóminum.

Alia Secreta, vel Prótege, **vel O**blátis, quæsumus. fol. 109.

Communio. Psal. 26. Ne tradíderis me Dómine, in ánimas persecuéntium me: quóniam insurrexérunt in me testes iníqui, et mentíta est iníquitas sibi.

Postcommunio.

Divini múnis largitáte satiáti, quæsumus Dómine Deus noster: ut hujus semper participatióne vivámus. Per Dóminum nostrum.

Altera Postcommunio, vel Quæsumus Dómine, **vel H**æc nos, quæsumus. fol. 110.

Super populum. Orémus. Humiliáte cápita vestra Deo.

Oratio.

Tueátur, quæsumus Dómine, dextera tua pópulum deprecántem, et purificátum dignánter erúdiat: ut consolatióne præsénti, ad futúra bona proficiat. Per Dóminum.



DOMINICA in PALMIS.

Completa Tertia, et facta aspersione aquæ, more solito, Sacerdos indutus pluviali violaceo, vel sine casula cum ministris similiter indutis, procedit ad benedicendum ramos palmarum, et olivarum, sive aliarum arborum, in medio ante Altare, vel ad cornu Epistolæ positos. Et primo cantatur a Choro Antiphona.



Matth. 21.

Hosanna filio David: benedictus, qui venit in nomine Domini. O Rex Israel: Hosanna in excelsis.

Deinde Sacerdos stans in cornu Epistolæ, non vertens se ad populum, dicit in tono Orationis Missæ ferialis.

V. Dominus vobiscum.

R. Et cum spiritu tuo.

Orémus.

Oratio.

Deus, quem diligere et amare, justitia est; ineffabilis gratiæ tuæ in nobis dona multiplica: et qui fecisti nos in morte Filii tui sperare quæ credimus; fac nos eodem resurgente pervenire quo tendimus. Qui tecum vivit.

Postea Subdiaconus in loco solito cantat sequentem Lectionem in tono Epistolæ, et in fine osculatur manum Sacerdotis.

Lectio libri Exodi. Exod. 15. d, et 16.

IN diebus illis: Venérunt filii Israel in Elim, ubi erant duodecim fontes aquarum, et septuaginta palmæ: et castrametati sunt juxta aquas. Profectique sunt de Elim, et venit omnis multitudo filiorum Israel in desertum Sin, quod est inter Elim et Sinai: quintodécimo die mensis secúndi, postquam egressi sunt de terra Ægypti. Et murmurávit omnis congregatio filiorum Israel contra Móy-

sen et Aaron in solitudine. Dixerúntque filii Israel ad eos: Utinam mórtui essemus per manum Domini in terra Ægypti, quando sedebamus super ollas cárnium, et comedebamus panem in saturitate: cur eduxistis nos in desertum istud, ut occiderétis omnem multitudiném fame? Dixit autem Dominus ad Móysen: Ecce, ego pluam vobis panes de cælo: egrediátur pópulus, et cólligat quæ sufficiunt per singulos dies: ut tentem eum, utrum ámbulet in lege mea, an non. Die autem sexto parent quod inferant: et sit duplum, quam colligere solébant per singulos dies. Dixerúntque Móyses et Aaron ad omnes filios Israel: Véspere sciétis, quod Dominus edúxerit vos de terra Ægypti: et mane vidébitis glóriam Domini.

Deinde cantatur pro Graduali

R. Jo. 11.

Collegérunt Pontífices, et Pharisæi concílium, et dixerunt: Quid fácimus, quia hic homo multa signa facit? Si dimittimus eum sic, omnes credent in eum: * Et vénient Románi, et tollent nostrum locum, et gentem.

V. Unus autem ex illis, Cáiphas nómine, cum esset Póntifex anni illius, prophetávit, dicens: Expedi vobis, ut unus moriátur homo pro pópulo, et non tota gens péreat. Ab illo ergo die cogitavérunt interficere eum, dicéntes. Et vénient.

Vel aliud R. Matth. 26. In monte Olivéti orávit ad Patrem: Pater, si fieri potest, tránseat à me calix iste.

* Spíritus quidem promptus est, caro autem infirma: fiat volúntas tua.

V. Vigiláte, et oráte, ut non intrétis in tentationem. Spíritus quidem.

Interim dum cantatur R. Diaconus ponit librum Evangeliorum super Altare: et Sacerdos, ministrante Diacono naviculam, ponit incensum in thuribulo. Deinde Diaconus dicit: Munda cor meum, accipit librum de Altari, petit benedictionem a Sacer-

Dominica in Palmis.

dote: postea Subdiacono librum tenente, medius inter duos Acolythos tenentes candelabra accensa, signat librum, incensat, et cantat Evangelium, ut infra, more consueto: quo finito, Subdiaconus defert librum osculandum Sacerdoti, qui et incensatur a Diacono.

Sequētia sancti Evangēlii secundū Matthaeum. Matth. 21.

IN illo tempore: Cum appropinquasset Jesus Jerosolymis, et venisset Bethphage ad montem Oliveti: tunc misit duos discipulos suos, dicens eis: Ite in castellum, quod contra vos est, et statim inveniētis asinam alligatam, et pullum cum ea: solvite, et adducite mihi: et si quis vobis aliquid dixerit, dicite, quia Dominus his opus habet, et confestim dimittet eos. Hoc autem totum factum est, ut adimpleretur quod dictum est per Prophetam, dicentem: Dicite filiae Sion: Ecce rex tuus venit tibi mansuetus, sedens super asinam et pullum, filium subjugalis. Eūtes autem discipuli, fecerunt sicut praecepit illis Jesus. Et adduxerunt asinam, et pullum: Et imposuerunt super eos vestimenta sua, et eum desuper sedere fecerunt. Plurima autem turba straverunt vestimenta sua in via: Alii autem caedebant ramos de arboribus, et sternebant in via: turbæ autem, quæ præcedebant, et quæ sequebantur, clamabant, dicentes: Hosanna filio David: benedictus, qui venit in nomine Domini.

Post hæc benedicuntur rami. Sacerdos stans, in eodem cornu Epistolæ, dicit in tono Orationis ferialis.

V. Dominus vobiscum.

R. Et cum spiritu tuo.

Orémus.

Oratio.

Auge fidem in te sperantium Deus, et supplicum preces clementer exaudi: veniat super nos multiplex misericordia tua: benedicantur et hi palmites palmárum, seu olivárum: et sicut in figura

Ecclésiæ multiplicasti Noe egredientem de arca, et Móysen exeuntem de Ægypto cum filiis Israel; ita nos portantes palmas, et ramos olivárum, bonis actibus occurrámus obviam Christo: et per ipsum in gáudium introeámus ætérnum. Qui tecum vivit et regnat in unitate Spíritus sancti Deus.

Per omni a sæcula sæculórum.

R. A men. V. Dominus vobiscum.

R. Et cum spírítu tuo. V. Sursum

cor da. R. Habemus ad Dómi-

num. V. Grátias agamus Dó-

mino Deo nostro. R. Dignum

et justum est. Vere dignum

et justum est, æquum et salu-


tare, nos tibi semper, et ubi-

que grátias agere, Dómine san-


Dominica in Palmis.




cte, Pater omnipotens, æterne




Deus. Qui gloriaris in con-




silio Sanctorum tuorum.




Tibi enim serviunt creaturæ




tuæ: quia te solum Auctorem




et Deum cognoscunt: et omnis




factura tua te collaudat, et




benedicunt te Sancti tui. Quia



illud magnum Unigeniti tui




nomen coram regibus et pote-




statibus huius sæculi, libera




voce confitentur. Cui assistunt




Angeli, et Archangeli, Thro-




ni et Dominationes: cumque



omni militia cælestis exer-



citus, Hymnum gloriæ tuæ



concinnunt, sine fine dicentes.

Et cantatur Sanctus a Choro.

Sanctus, Sanctus, Sanctus, Dominus Deus Sabaoth. Pleni sunt cæli, et terra gloria tua, Hosanna in excelsis. Benedictus, qui venit in nomine Domini, Hosanna in excelsis.

Sequitur. V. Dominus vobiscum.

R. Et cum spiritu tuo.

Orémus.

Oratio.

Petimus, Domine sancte, Pater omnipotens, æterne Deus: ut hanc creaturam olivæ, quam ex ligni materia prodire jussisti, quamque columba rediens ad arcam proprio pertulit ore, bene + dicere, et sancti + ficare digneris: ut quicumque ex ea receperint, accipiant sibi protectionem animæ et corporis: fiatque, Domine, nostræ salutis remedium, tuæ gratiæ sacramentum. **Per Dominum.**

R. Amen.

Orémus.

Deus, qui dispersa congregas, et congregata conservas: qui populis obviam Jesu ramos portantibus benedixisti: bene + dic etiam hos ramos palmæ et olivæ, quos tui famuli ad honorem nominis tui fideliter suscipiunt: ut in quemcumque

Dominica in Palmis.

locum introducti fuerint, tuam benedictionem habitatores loci illius consequantur: et omni adversitate effugata, dextera tua protegat quos redemit Jesus Christus Filius tuus Dominus noster: Qui tecum vivit et regnat. **Orémus.**

Deus, qui miro dispositionis ordine, ex rebus etiam insensibilibus, dispensationem nostrae salutis ostendere voluisti: da quaesumus; ut devota tuorum corda fidelium salubriter intelligant, quid mystice designet in facto, quod hodie coelesti lumine afflata, Redemptori obviam procedens, palmorum atque olivarum ramos vestigiis ejus turba substravit. Palmorum igitur rami de mortis principe triumphos expectant: surculi vero olivarum, spiritualem unctionem advenisse quodammodo clamant. Intellexit enim jam tunc illa hominum beata multitudo praefigurari: quia Redemptor noster humanis condolens miseriis, pro totius mundi vita cum mortis principe esset pugnaturus, ac moriendo triumphaturus. Et ideo talia obsequens administravit, quae in illo, et triumphos victoriae, et misericordiae pinguedinem declararent. Quod nos quoque plena fide, et factum et significatum retinentes, te, Domine sancte, Pater omnipotens, aeterne Deus, per eundem Dominum nostrum Jesum Christum suppliciter exoramus: ut in ipso, atque per ipsum, cujus nos membra fieri voluisti, de mortis imperio victoriam reportantes, ipsius gloriosae resurrectionis participes esse mereamur. Qui tecum vivit.

Orémus.

Deus, qui per olivae ramum, pacem terris columbam nuntiare jussisti: praesta quaesumus; ut hos olivae, caeterarumque arborum ramos, coelesti bene + dictione sanctifices: ut cuncto populo tuo proficiant ad salutem. Per Christum Dominum nostrum. **R. Amen.**

Orémus.

Bene + dic, quaesumus Domine, hos palmorum, seu olivarum ramos: et praesta; ut quod populus tuus in tui venerationem hodierna die corporaliter agit, hoc spiritualiter summa devotione perficiat, de hoste victoriam reportando, et opus misericordiae summopere diligendo. Per Dominum.

Hic Celebrans ponit incensum in thuribulum, deinde ter aspergit ramos aqua benedicta, dicendo Antiphonam, Asperges me. sine cantu, et sine Psalmo: et ter adolet incenso.

Postea dicit V. Dominus vobiscum. R. Et cum spiritu tuo.

Orémus.

Deus, qui Filium tuum Jesum Christum Dominum nostrum, pro salute nostra in hunc mundum misisti, ut se humiliaret ad nos, et nos revocaret ad te: cui etiam, dum Jerusalem veniret, ut adimpleret Scripturas, credentium populorum turba, fidelissima devotione vestimenta sua cum ramis palmorum in via sternebant: praesta quaesumus; ut illi fidei viam praeparemus, de qua, remoto lapide offensionis, et petra scandalum, frondeant apud te opera nostra justitiae ramis; ut ejus vestigia sequi mercamur. Qui tecum vivit, et regnat.

Completa benedictione, dignior ex Clero accedit ad Altare, et dat ramum benedictum Celebranti, qui non genuflectit, nec osculatur manum dantis. Postea Celebrans stans ante Altare versus ad populum, distribuit ramos, primum digniori, a quo ipse accepit, deinde Diacono, et Subdiacono paratis, et aliis Clericis singulatim per ordinem, ultimo laicis: omnibus genuflectentibus, et ramum, ac manum Celebrantis osculantibus, exceptis Praelatis, si adsint. Et cum inceperit distribuere, a Choro cantantur sequentes Antiphonae.

Dominica in Palmis.

Púeri Hebræórum portántes ramos olivárum, obviavérunt Dómino, clamántes, et dicéntes: Hosánna in excélsis.

Alia Antiphona. Púeri Hebræórum vestiménta prosternébant in via, et clamábant dicéntes: Hosánna filio David: benedíctus, qui venit in nómine Dómini.

Quæ si non sufficiant, repetantur quousque ramorum distributio finiatur.

Deinde Sacerdos dicit. V. Dóminus vobíscum. **R.** Et cum spíritu tuo.

Orémus.

OMnípotens sempitérne Deus, qui Dóminum nostrum Jesum Christum super pullum ásinæ sedere fecísti, et turbas populórum, vestiménta, vel ramos árborum in via stérnere, et Hosánna decantáre in laudem ipsíus docuísti: da quæsumus; ut illórum innocéntiam imitári possimus, et eórum méritum cónsequi mereámur. Per eúmdem Christum Dóminum nostrum. **R.** Amen.

Postea fit Processio. Et primo Celebrans imponit incensum in thuribulum: et Diaconus vertens se ad populum, dicit: Procedámus in pace. Et Chorus respondet: In nómine Christi. Amen.

Præcedit thuriferarius cum thuribulo fumigante: deinde Subdiaconus paratus, deferens Crucem, medius inter duos Acolythos cum candelabris accensis: sequitur Clerus per ordinem, ultimo Celebrans cum Diacono a sinistris, omnes cum ramis in manibus: et cantantur sequentes Antiphonæ; vel omnes, vel aliquæ, quousque durat Processio.

Antiphona. Matth. 21. Cum appropinquáret Dóminus Jerosólymam, misit duos ex discípulis suis, dicens: **Ite in castéllum, quod contra vos est: et inveniétis pullum ásinæ alligátum, super quem nullus hóminum sedit: sólvite, et addúcite mihi. Si quis vos interrogáverit, dícite: Opus Dómino est. Solvéntes adduxérunt ad Jesum:**

et imposuérunt illi vestiménta sua, et sedit super eum: álii expandébant vestiménta sua in via: álii ramos de arbóribus sternébant: et qui sequebántur, clamábant: Hosánna, benedíctus, qui venit in nómine Dómini: benedíctum regnum patris nostri David: Hosánna in excélsis: miserére nobis fili David.

Alia Antiphona Joan. 12. Cum audísset pópulus, quia Jesus venit Jerosólymam, accepérunt ramos palmárum, et exiérunt ei óbviám, et clamábant púeri, dicéntes: Hic est, qui ventúrus est in salutem pópuli. Hic est salus nostra, et redemptio Israel. Quantus est iste, cui Throni, et Dominationes occúrrunt? Noli timére filia Sion: ecce Rex tuus venit tibi, sedens super pullum ásinæ: sicut scriptum est: Salve Rex fabricátor mundi, qui venísti redímere nos.

Alia Antiphona. Ante sex dies solémnis Paschæ, quando venit Dóminus in civitátem Jerúsalem, occurrérunt ei púeri: et in mánibus portábant ramos palmárum, et clamábant voce magna, dicéntes: Hosánna in excélsis: benedíctus, qui venísti in multitúdine misericórdiæ tuæ: Hosánna in excélsis.

Alia Antiphona. Occúrrunt turbæ cum flóribus, et palmis Redemptóri óbviám: et victóri triumphánti dignant obséquia: Fílium Dei ore Gentes prædicant: et in laudem Christi voces tonant per núbila: Hosánna in excelsis.

Alia Antiphona. Cum Angelis et púeris fidéles inveniámur, triumphatóri mortis clamántes: Hosánna in excélsis.

Alia Antiphona. Turba multa, quæ convénérat ad diem festum, clamábat Dómino: Benedíctus, qui venit in nómine Dómini: Hosánna in excélsis.

In reversione Processionis, duo vel quatuor cantores intrant in Ecclesiam, et clauso ostio stantes versa facie ad Processionem, incipiunt.

Dominica in Palmis.

V. Glória, laus. et decantant duos primos versus. Sacerdos vero cum aliis extra Ecclesiam, repetit eosdem.

Deinde qui sunt intus, cantant alios versus sequentes: vel omnes, vel partem, prout videbitur: et qui sunt extra, ad quoslibet duos versus respondent: Glória, laus. sicut a principio V.

GLória, laus, et honor, tibi sit Rex Christe Redemptor:

Cui puerile decus prompsit Hosánna pium.

Israel es tu Rex, Davidis et inclyta proles:

Nómine qui in Dómini Rex benedícte venis. **R. Glória, laus.**

Cœtus in excelsis te laudat cœlicus omnis,

Et mortális homo, et cuncta creáta simul. **R. Glória, laus.**

Plebs Hebræa tibi cum palmis óbvia venit:

Cum prece, voto, hymnis, ádsumus ecce tibi. **R. Glória, laus.**

Hi tibi passúro solvébant múnia laudis:

Nos tibi regnánti pángimus ecce melos. **R. Glória, laus.**

Hi placuere tibi, pláceat devótio nostra:

Rex bone, Rex clemens, cui bona cuncta placent. **R. Glória, laus.**

Postea Subdiaconus hastili Crucis percutit portam: qua statim aperta, Processio intrat Ecclesiam, cantando. R.

Ingrediénte Dómino in sanctam civitatem, Hebræorum púeri resurrectionem vitæ pronuntiántes,

*** Cum ramis palmárum: Hosánna, clamábant, in excelsis. V. Cum audisset pópulus, quod Jesus veníret Jerosólymam, exiérunt óbvia ei. Cum ramis.**


Et non dicitur, Glória Patri.

Deinde celebratur Missa, et rami tenentur in manibus dum cantatur Passio et Evangelium tantum.

Statio ad sanctum Joannem in Laterano.

Introitus.

Psal. 21.



Domine, ne longe fácias auxílium tuum à me, ad defensió-nem meam áspice: libera me de ore leónis, et à cór nibus unicórniū humilitátem meam.

Psal. ibid. Deus Deus meus, respice in me, quare me dereliquisti? longe à salúte mea verba delictórum meórum.

Dómine, ne longe. Oratio.

OMnípotens sempitérne Deus, qui humano géneri ad imitándum humilitátis exéplum, Salvatórem nostrum carnem súmerē, et crucem subíre fecísti: concéde propítius; ut et patientiæ ipsius habére documénta, et resurrectionis consórtia mereámur. Per eúmdem Dóminum nostrum.

Et hæc Oratio tantum dicitur.

Lectio Epístolæ beáti Pauli Apóstoli ad Philippenses. Phil. 2.

Fratres: Hoc enim sentíte in vobis, quod et in Christo Jesu: qui cum in forma Dei esset, non rapínam arbitrátus est esse se æquálem Deo: sed semetípsum exinanívit formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum: et donávit illi nomen, quod est super omne nomen: **(Hic genuflectitur)** ut in nómine Jesu omne genu flectátur cœléstium, terréstrium, et infernórum: et omnis lingua confiteátur, quia Dóminus Jesus Christus in glória est Dei Patris.

Graduale. Ps. 72. Tenuísti manum dexteram meam: et in voluntáte tua deduxísti me: et cum glória assump-sísti me.

Dominica in Palmis.

V. Quam bonus Israel Deus rectis corde! mei autem pene moti sunt pedes: pene effúsi sunt gressus mei: quia zelávi in peccatóribus, pacem peccatórum videns.

Tractus. Ps. 21. Deus Deus meus, réspice in me: quare me dereliquísti?

V. Longe à salúte mea verba delictórum meórum. **V.** Deus meus clamábo per diem, nec exáudies: in nocte, et non ad insipiéntiam mihi.

V. Tu autem in sancto hábitas, laus Israel.

V. In te speravérunt patres nostri: speravérunt, et liberásti eos. **V.** Ad te clamavérunt, et salvi facti sunt: in te speravérunt, et non sunt confúsi.

V. Ego autem sum vermis, et non homo: oppróbrium hóminum, et abjéctio plebis. **V.** Omnes qui vidébant me, aspernabántur me: locúti sunt lábiis, et movérunt caput.

V. Sperávit in Dómino, erípiat eum: salvum fáciat eum, quóniam vult eum.

V. Ipsi vero consideravérunt, et conspexérunt me: divisérunt sibi vestiménta mea, et super vestem meam misérunt sortem. **V.** Libera me de ore leónis: et à cónibus unicórnium humilitátem meam. **V.** Qui timétis Dóminum, laudáte eum: univérsum semen Jacob magnificáte eum.

V. Annuntiábitur Dómino generátio ventúra: et annuntiábunt cœli justítiam ejus. **V.** Pópulo, qui nascétur, quem fecit Dóminus.

¶ Passio Domini incipitur absolute: non dicitur, Munda cor meum. non petitur benedictio, non deferuntur luminaria, nec incensum: non dicitur, Dóminus vobiscum. nec respondetur, Glória tibi Dómine. et Celebrans, seu Diaconus, dum pronuntiat, Pássio Dómini nostri. non signat librum, neque seipsum. Quod et in aliis diebus servatur, quando legitur Passio.

Pássio Dómini nostri Jesu Christi secúndum Matthæum. Matth 26. et 27.

In illo témpore: Dixit Jesus discipulis suis: **†** Scitis quia post bí-

dum Pascha fiet, et Fílius hóminis tradétur, ut crucifigátur? **C** Tunc congregáti sunt príncipes sacerdotum, et senióres pópuli in átrium príncipis sacerdotum, qui dicebátur Cáiphas: et consílium fecérunt ut Jesum dolo tenérent, et occíderent.

Dicébant autem: **S** Non in die festo, ne forte tumultus fieret in pópulo.

C Cum autem Jesus esset in Bethánia in domo Simónis leprósi, accéssit ad eum múlter habens alabástrum unguénti pretiósi, et effúdit super caput ipsíus recumbéntis. Vidéntes autem discipuli, indignáti sunt, dicéntes: **S** Ut quid perditio hæc?

pótuít enim istud venúmdari multo, et dari paupéribus. **C** Sciens autem Jesus, ait illis: **†** Quid moléstí estis huic mulíeri?

opus enim bonum operáta est in me. Nam semper páuperes habétis vobíscum: me autem non semper habétis. Mittens enim hæc unguéntum hoc in corpus meum, ad sepeliéndum me fecit. Amen dico vobis, ubicúmque prædicátum fúerit hoc Evangélíum in toto mundo, dicétur, et quod hæc fecit in memóriam ejus. **C** Tunc ábiit unus de duódecim,

qui dicebátur Judas Iscariótes, ad príncipes sacerdotum, et ait illis: **S** Quid vultis mihi dare, et ego vobis eum tradam?

C At illi constituérunt ei trigínta argénteos. Et exínde quærébat opportunitátem, ut eum tráderet. Prima autem die Azymórum accessérunt discipuli ad Jesum, dicéntes: **S** Ubi vis parémus tibi comédere Pascha?

C At Jesus dixit: **†** Ite in civitátem ad quemdam, et dicite ei: Magíster dicit: Tempus meum prope est, apud te fácio Pascha cum discipulis meis. **C** Et fecérunt discipuli, sicut constitúit illis Jesus, et paravérunt Pascha. Véspere autem facto, discumbébat cum duódecim discipulis suis. Et edéntibus illis, dixit: **†** Amen dico vobis, quia unus vestrum me traditúrus est. **C** Et contristáti valde, cœpérunt sínguli dí-

Dominica in Palmis.

cere: **S** Numquid ego sum, Dómine?

C At ipse respóndens, ait: **+** Qui intíngit mecum manum in parópside, hic me tradet. Fílius quidem hóminis vadit, sicut scriptum est de illo: vae autem hómini illi, per quem Fílius hóminis tradétur: bonum erat ei, si natus non fuisset homo ille. **C** Respóndens autem Judas, qui trádidit, eum, dixit: **S** Numquid ego sum, Rabbi? **C** Ait illi: **+** Tu dixísti. **C** Coenántibus autem eis, accépit Jesus panem, et benedíxit, ac fregit, dedítque discíplis suis, et ait: **+** Accípite, et comédite: hoc est corpus meum. **C** Et accípiens cálicem, grátias egit: et dedit illis, dicens: **+** Bíbite ex hoc omnes. Hic est enim sanguis meus novi testaménti, qui pro multis effundétur in remissiónem peccatórum. Dico autem vobis: non bibam ámodo de hoc genímine vitis, usque in diem illum, cum illud bibam vobíscum novum in regno Patris mei. **C** Et hymno dicto, exiérunt in montem Olivéti. Tunc dicit illis Jesus: **+** Omnes vos scándalum patiémini in me, in ista nocte. Scriptum est enim: Percútiam pastórem, et dispergéntur oves gregis. Postquam autem resurrexero, præcedam vos in Galilæam. **C** Respóndens autem Petrus, ait illi: **S** Et si omnes scandalizáti fúerint in te, ego numquam scandalizábor. **C** Ait illi Jesus: **+** Amen dico tibi, quia in hac nocte, ántequam gallus cantet, ter me negábis. **C** Ait illi Petrus: **S** Etiam si oportúerit me mori tecum, non te negábo. **C** Simíliter et omnes discípli dixerunt. Tunc venit Jesus cum illis in villam, quæ dicitur Gethsémani, et dixit discíplis suis: **+** Sedéte hic, donec vadam illuc, et orem. **C** Et assumpto Petro, et duóbus filiis Zebedæi, cœpit contristári, et mœstus esse. Tunc, ait illis: **+** Tristis est ánima mea usque ad mortem: sustinéte hic, et vigiláte mecum. **C** Et progressus pusillum, prócidit in fáciem suam, orans, et dicens: **+** Pater

mi, si possíbile est, tránseat à me calix iste. Verúmtamen non sicut ego volo, sed sicut tu. **C** Et venit ad discípos suos, et invénit eos dormiéntes: et dicit Petro: **+** Sic non potuístis una hora vigiláre mecum? Vigiláte, et oráte, ut non intrétis in tentatióem. Spíritus quidem promptus est, caro autem infirma. **C** Iterum secúndo ábiit, et orávit, dicens: **+** Pater mi, si non potest hic calix transíre, nisi bibam illum, fiat volúntas tua. **C** Et venit íterum, et invénit eos dormiéntes: erant enim óculi eórum graváti. Et relíctis illis, íterum ábiit, et orávit tertio, eúmdem sermónem dicens. Tunc venit ad discípos suos, et dicit illis: **+** Dormíte jam, et requiescite: ecce appropinquávit hora, et Fílius hóminis tradétur in manus peccatórum. Súrgite, eámus: ecce appropinquávit, qui me tradet. **C** Adhuc eo loquente, ecce Judas unus de duódecim venit, et cum eo turba multa cum gládiis, et fústibus, missi à princípibus sacerdotum, et senióribus pópuli. Qui autem trádidit eum, dedit illis signum, dicens: **S** Quemcúmque osculátus fúero, ipse est, tenéte eum. **C** Et conféstim accédens ad Jesum, dixit: **S** Ave, Rabbi. **C** Et osculátus est eum. Dixítque illi Jesus: **+** Amíce, ad quid venísti? **C** Tunc accessérunt, et manus iniecérunt in Jesum, et tenuérunt eum. Et ecce unus ex his, qui erant cum Jesu, exténdens manum, exémit gládium suum, et percútiens servum princípissacerdotum, amputávit aurículam ejus. Tunc ait illi Jesus: **+** Convérte gládium tuum in locum suum. Omnes enim, qui acceperint gládium, gládio períbunt. An putas, quia non possum rogáre Patrem meum, et exhibébit mihi modo plus quam duódecim legiónes Angelórum? Quómodo ergo implebúntur Scriptúrae, quia sic opórtet fieri? **C** In illa hora dixit Jesus turbis: **+** Tamquam ad latrónem existis cum gládiis, et fústibus comprehendere

me: quotidie apud vos sedēbam docens in templo, et non me tenuistis.

C Hoc autem totum factum est, ut adimplerentur Scripturæ Prophetarum. Tunc discipuli omnes, relicto eo, fugerunt. At illi tenētes Jesum, duxerunt ad Cāiphā principem sacerdotum, ubi Scribæ, et seniores convenerant. Petrus autem sequebatur eum à longe, usque in atrium principis sacerdotum. Et ingressus intro, sedebat cum ministris, ut videret finem. Principes autem sacerdotum, et omne concilium, quærebant falsum testimonium contra Jesum, ut eum morti traderent: et non inveniunt, cum multi falsi testes accessissent. Novissime autem venerunt duo falsi testes, et dixerunt: **S** Hic dixit: Possum destrūere templum Dei, et post triduum reedificāre illud.

C Et surgens princeps sacerdotum, ait illi: **S** Nihil respondes ad ea, quæ isti adversum te testificantur? **C** Jesus autem tacebat. Et princeps sacerdotum ait illi: **S** Adjuro te per Deum vivum, ut dicas nobis, si tu es Christus Filius Dei. **C** Dicit illi Jesus: **+** Tu dixisti. Verūmtamen dico vobis, amodo videbitis Filium hominis sedentem à dextris virtutis Dei, et venientem in nūbibus cœli. **C** Tunc princeps sacerdotum scidit vestimenta sua, dicens: **S** Blasphemavit: quid adhuc egemus tēstibus? Ecce nunc audistis blasphemiam: quid vobis videtur? **C** At illi respondētes, dixerunt: **S** Reus est mortis. **C** Tunc expuerunt in faciē ejus, et colaphis eum cæcidērunt, alii autem palmas in faciē ejus dederunt, dicētes: **S** Prophetiza nobis Christe, quis est, qui te percussit? **C** Petrus vero sedebat foris in atrio: et accessit ad eum una ancilla, dicens: **S** Et tu cum Jesu Galilæo eras. **C** At ille negavit coram omnibus, dicens: **S** Nescio quid dicis. **C** Exeunte autem illo januam, vidit eum alia ancilla, et ait his, qui erant ibi: **S** Et hic erat cum Jesu Nazarēno.

C Et iterum negavit cum juramento: Quia non novi hominem. Et post pusillum accesserunt, qui stabant, et dixerunt Petro: **S** Vere et tu ex illis es: nam et loquēla tua manifestum te facit. **C** Tunc cœpit detestari, et jurare quia non novisset hominem. Et continuo gallus cantavit. Et recordatus est Petrus verbi Jesu, quod dixerat: Priusquam gallus cantet, ter me negabis. Et egressus foras, flevit amare. Mane autem facto, consilium iniērunt omnes principes sacerdotum, et seniores populi adversus Jesum, ut eum morti traderent. Et vinctum adduxerunt eum, et tradiderunt Pōntio Pilāto præsidi. Tunc videns Judas, qui eum tradidit, quod damnatus esset; poenitentia ductus, retulit triginta argenteos principibus sacerdotum, et senioribus, dicens: **S** Peccavi, tradens sanguinem justum. **C** At illi dixerunt: **S** Quid ad nos? Tu videris. **C** Et projectis argenteis in templo, recessit: et abiens, laqueo se suspendit. Principes autem sacerdotum, acceptis argenteis, dixerunt: **S** Non licet eos mittere in corbonam: quia pretium sanguinis est. **C** Consilio autem inito, emerunt ex illis agrum figuli, in sepulturam peregrinorum. Propter hoc vocatus est ager ille, Haceldama, hoc est, ager sanguinis, usque in hodiernum diem. Tunc impletum est, quod dictum est per Jeremiam Prophetam, dicentem: Et acceperunt triginta argenteos pretium appretiati, quem appretiaverunt à filiis Israel: et dederunt eos in agrum figuli, sicut constituit mihi Dominus. Jesus autem stetit ante Præsidentem, et interrogavit eum Præses, dicens: **S** Tu es Rex Judæorum? **C** Dicit illi Jesus: **+** Tu dicis. **C** Et cum accusaretur à principibus sacerdotum, et senioribus, nihil respondit. Tunc dicit illi Pilātus: **S** Non audis quanta adversum te dicunt testimonia? **C** Et non respondit ei ad ullum verbum, ita ut miraretur Præses vehementer.

Dominica in Palmis.

Per diem autem solénnem consuérat Præses pópulo dimittere unum vinctum, quem voluissent. Habébat autem tunc vinctum insígnem, qui dicebátur Barábbas. Congregátis ergo illis, dixit Pilátus: **S** Quem vultis dimittam vobis: Barábbam, an Jesum, qui dicitur Christus? **C** Sciébat enim, quod per invidiam tradidissent eum. Sedénte autem illo pro tribunáli, misit ad eum uxor ejus, dicens: **S** Nihil tibi, et justo illi: multa enim passa sum hódie per visum propter eum. **C** Príncipes autem sacerdotum, et senióres persuaserunt pópulis, ut péterent Barábbam, Jesum vero pérderent. Respóndens autem Præses, ait illis: **S** Quem vultis vobis de duóbus dimitti? **C** At illi dixerunt: **S** Barábbam. **C** Dicit illis Pilátus: **S** Quid igitur fáciam de Jesu, qui dicitur Christus? **C** Dicunt omnes: **S** Crucifigátur. **C** Ait illis Præses: **S** Quid enim mali fecit? **C** At illi magis clamábant, dicéntes: **S** Crucifigátur. **C** Videns autem Pilátus quia nihil proficeret, sed magis tumultus fieret: accépta aqua, lavit manus coram pópulo, dicens: **S** Innocens ego sum à ságuine justi hujus: vos vidéritis. **C** Et respóndens univérsum pópulus, dixit: **S** Sanguis ejus super nos, et super filios nostros. **C** Tunc dimisit illis Barábbam: Jesum autem flagellátum tradidit eis, ut crucifigerétur. Tunc mílites Præsídís suscipiéntes Jesum in prætóríum, congregavérunt ad eum univérsum cohórtém: et exuéntes eum, chlámýdem coccíneam circumdedérunt ei: et plecténtes corónam de spinis, posuérunt super caput ejus, et arúndinem in dextera ejus. Et genu flexo ante eum, illudébant ei, dicéntes: **S** Ave Rex Judæórum. **C** Et expuéntes in eum, accepérunt arúndinem, et percutiébant caput ejus. Et postquam illusérunt ei, exuérunt eum chlámýde, et induérunt eum vestiméntis ejus, et duxérunt eum ut crucifigerent. Exe-

úntes autem, invenérunt hóminem Cyrenæum, nómine Simónem: hunc angariavérunt, ut tólleret crucem ejus. Et venérunt in locum, qui dicitur Gólgotha, quod est, Calváriæ locus. Et dedérunt ei vinum bíbere cum felle mistum. Et cum gustásset, nóluit bíbere. Postquam autem crucifixerunt eum, divisérunt vestiménta ejus, sortem mitténtes: ut implerétur quod dictum est per Prophétam dicéntem: Divisérunt sibi vestiménta mea, et super vestem meam misérunt sortem. Et sedéntes, servábant eum. Et imposuérunt super caput ejus causam ipsíus scriptam: Hic est Jesus Rex Judæórum. Tunc crucifixi sunt cum eo duo latrónes; unus à dextris, et unus à sinístris. Prætereúntes autem blasphemábant eum, movéntes cápita sua, et dicéntes: **S** Vah, qui déstruis templum Dei, et in trídúo illud reædíficas: salva temetípsum. Si Fílius Dei es, descénde de cruce. **C** Simíliter et príncipes sacerdotum illudéntes cum Scribis et senióríbus, dicébant: **S** Alios salvos fecit, seípsum non potest salvum fácere: si Rex Israel est, descéndat nunc de cruce, et crédimus ei: confidit in Deo, liberet nunc, si vult eum; dixit enim: Quia Fílius Dei sum. **C** Idípsum autem et latrónes, qui crucifixi erant cum eo, improperábant ei. A sexta autem hora ténebræ factæ sunt super univérsum terram usque ad horam nonam. Et circa horam nonam clamávit Jesus voce magna, dicens: **†** Eli, Eli, lammasabactháni? **C** Hoc est: **†** Deus meus, Deus meus, ut quid dereliquísti me? **C** Quidam autem illic stantes, et audiéntes, dicébant: **S** Eliám vocat iste. **C** Et continuo currens unus ex eis, accéptam spóngiam implévit acéto, et impósuit arúndini, et dabat ei bíbere. Céteri vero dicébant: **S** Sine videámus, an véniat Eliás liberans eum. **C** Jesus autem íterum clamans voce magna, emísit spíritum. **(Hic genuflectitur,**

Feria ii. majoris Hebdomadæ.

et pausatur aliquantulum.) Et ecce velum templi scissum est in duas partes à summo usque deorsum: et terra mota est, et petrae scissæ sunt, et monuménta apérta sunt: et multa corpóra Sanctórum, qui dormierant, surrexérunt. Et exeúntes de monuméntis post resurrectionem ejus, vénérunt in sanctam civitátem, et apparuérunt multis. Centúrio autem, et qui cum eo erant, custodiéntes Jesum, viso terræmótu, et his, quæ fiébant, timuérunt valde, dicéntes: **S** Vere Fílius Dei erat iste. **C** Erant autem ibi mulieres multæ à longe, quæ secútæ erant Jesum à Galilæa, ministrántes ei: inter quas erat María Magdaléne, et María Jacóbi et Joseph mater, et mater filiórum Zebedæi. Cum autem sero factum esset, venit quidam homo dives ab Arimathæa, nómine Joseph, qui et ipse discipulus erat Jesu. Hic accéssit ad Pilátum, et pétit corpus Jesu. Tunc Pilátus jussit reddi corpus. Et accépto corpore, Joseph invólvit illud in síndone munda. Et pósuit illud in monuménto suo novo, quod excíderat in petra. Et advólvit saxum magnum ad óstium monuménti, et ábiit. Erat autem ibi María Magdaléne, et áltera María, sedéntes contra sepúlchrum.

Hic dicitur, Munda cor meum. petitur benedictio, defertur incensum sine luminaribus, et incensatur liber: non dicitur, Dóminus vobiscum. et Celebrans, aut Diaconus non signat librum, neque seipsum: et quod sequitur, cantatur in tono Evangelii: in cujus fine Celebrans osculatur librum, et incensatur. Quæ omnia et in aliis Passionibus servantur, præterquam Feria sexta in Parasceve.

Altera autem die, quæ est post Parasceven, convenérunt príncipes sacerdotum, et Pharisæi ad Pilátum, dicéntes: Dómine, recordáti sumus, quia sedúctor ille dixit adhuc vivens: Post tres dies resúrgam. Jube ergo custodiri sepúlchrum us-

que in diem tértium: ne forte véniant discípuli ejus, et furéntur eum: et dicant plebi: Surréxit à mórtuis: et erit novíssimus error pejor prióre. Ait illis Pilátus: Habétis custódiam, ite, custodíte sicut scitis. Illi autem abeúntes, muniérunt sepúlchrum, signántes lápidem, cum custódibus. **Credo.**

Offertorium. Ps. 68. Impropérium expectávit cor meum, et misériam: et sustínui qui simul mecum contristarétur, et non fuit: consolántem me quæsívi, et non invéni: et dedérunt in escam meam fel, et in siti mea potavérunt me acéto.

Secreta.

Concède quæsumus Dómine: ut óculis tuæ majestátis munus oblátum, et grátiam nobis devotiónis obtíneat, et efféctum beátæ perrennitátis acquirat. Per Dóminum.

Communio. Matth. 26. Pater, si non potest hic calix transíre, nisi bibam illum: fiat volúntas tua.

Postcommunio.

Per hujus, Dómine, operationem mystérii, et vítia nostra purgéntur, et justa desidéria compleántur. Per Dóminum nostrum.

In Missis privatis legitur in fine Evangelium, Cum appropinquásset Jesus, ut supra in benedictione Palm. fol. 120.

FERIA SECUNDA
majoris Hebdomadæ.

Statio ad sanctam Praxedem.

Introitus. Ps. 34.

Judica Dómine nocéntes me, expúгна impugnántes me: apprehénde arma, et scutum, et exúrge in adjutórium meum, Dómine, virtus salútis meæ. **Psal. ib.** Effúnde frámeam, et conclúde advérsus eos, qui persequúntur me: dic ánimæ meæ, Salus tua ego sum. **Júdica Dómine.**

Oratio.

DA, quæsumus omnipotens Deus: ut, qui in tot adversis ex nostra infirmitate deficiamus: intercedente unigeniti Filii tui passione respiramus. Qui tecum.

Altera Oratio, vel Ecclesiæ tuæ, vel Deus omnium fidelium, ut supra in Dominica Passionis fol. 108.

Lectio Isaïæ Prophætæ. Isaïæ 50. b

IN diæbus illis: Dixit Isaïas: Dominus Deus aperuit mihi aurem, ego autem non contradico: retrorsum non abii. Corpus meum dedi percussantibus, et genas meas vellentibus: faciem meam non averti ab increpantibus, et conspuentibus in me. Dominus Deus auxiliator meus, ideo non sum confusus: ideo posui faciem meam, ut petram durissimam, et scio, quoniam non confundar. Juxta est, qui justificat me, quis contradicet mihi? Stemus simul, quis est adversarius meus? Accedat ad me. Ecce Dominus Deus auxiliator meus: quis est, qui condemnet me? Ecce omnes quasi vestimentum conterentur, tinea comedet eos. Quis ex vobis timens Dominum, audiens vocem servi sui? Qui ambulavit in tenebris, et non est lumen ei, speret in nomine Domini, et innitatur super Deum suum.

Graduale. Ps. 34. Exurge Domine, et intende iudicio meo, Deus meus, et Dominus meus in causam meam.

V. Effunde frameam, et concludere adversus eos, qui me persequuntur.

Tractus. Ps. 102. Domine, non secundum peccata nostra, quæ fecimus nos: neque secundum iniquitates nostras retribuas nobis.

V. Ps. 78. Domine ne memineris iniquitatum nostrarum antiquarum: cito anticipent nos misericordiae tuæ, quia pauperes facti sumus nimis.

V. (Hic genuflectitur) Adjuva nos Deus salutaris noster: et propter gloriam nominis tui Domine libera nos: et propitius esto peccatis nostris, propter nomen tuum.

Sequentia sancti Evangelii secundum Joannem. Joan. 12.

ANte sex dies Paschæ venit Jesus Bethaniam, ubi Lázarus fuerat mortuus, quem suscitavit Jesus. Fecerunt autem ei cenam ibi: et Martha ministrabat, Lázarus vero unus erat ex discumbentibus cum eo. María ergo accepit libram unguenti nardi pistici pretiosi, et unxit pedes Jesu, et extersit pedes ejus capillis suis: et domus impleta est ex odore unguenti. Dixit ergo unus ex discipulis ejus, Judas Iscariotes, qui erat eum traditurus: Quare hoc unguentum non venit trecenis denariis, et datum est egenis? Dixit autem hoc, non quia de egenis pertinebat ad eum, sed quia fur erat, et oculos habens, ea quæ mittebantur, portabat. Dixit ergo Jesus: Sinite illam, ut in diem sepulture meæ servet illud. Pauperes enim semper habetis vobiscum: me autem non semper habetis. Cognovit ergo turba multa ex Judæis, quia illic est: et venerunt, non propter Jesum tantum, sed ut Lázarum viderent, quem suscitavit à mortuis.

Offertorium. Ps. 142. Eripe me de inimicis meis Domine: ad te confugi, doce me facere voluntatem tuam: quia Deus meus es tu. Secreta.

HÆc sacrificia nos, omnipotens Deus, potenti virtute mundatos, ad suum faciant puriores venire principium. Per Dominum.

Altera Secreta, vel Protege, vel Oblatis, quæsumus. fol. 109.

Communio. Ps. 34. Erubescant, et revereantur simul, qui gratulantur malis meis: induantur pudore et reverentia, qui maligna loquuntur adversus me. Postcommunio.

PRæbeant nobis, Domine, divinum tua sancta fervorem: quo eorum pariter et actu delectemur, et fructu. Per Dominum nostrum.

Altera Postcommunio, vel Quæsumus Domine, vel Hæc nos, quæsumus. fol. 110.

Feria iii. majoris Hebdomadæ.

Super populum. Orémus. Humiliáte cápita vestra Deo.

Oratio.

ADjuva nos Deus salutáris noster: et ad beneficia recolénda, quibus nos instauráre dignátus es, tribue veníre gaudéntes. Per Dóminum.

FERIA TERTIA

majoris Hebdomadæ.

Statio ad sanctam Priscam.

Introitus. Gal. 6.

NOs autem gloriári opórtet in cruce Dómini nostri Jesu Christi: in quo est salus, vita, et resurrectio nostra: per quem salváti, et liberáti sumus.

Ps. 66. Deus misereátur nostri, et benedícat nobis: illúminet vultum suum super nos, et misereátur nostri. **Nos autem.**

Oratio.

OMnípotens sempitérne Deus, da nobis ita Domínicæ Passiónis sacraménta perágere: ut indulgéntiam percípere mereámur. Per eúndem Dóminum.

Altera Oratio, vel Ecclesiæ tuæ, vel Deus ómnium fidélium. fol. 108.

Lectio Jeremiæ Prophætæ. Jer. 11. d

IN diébus illis: Dixit Jeremías: Dómine demonstrásti mihi, et cognóvi: tunc ostendísti mihi stúdia eórum. Et ego quasi agnus mansuétus, qui portátur ad víctimam: et non cognóvi, quia cogitavérunt super me consília, dicéntes: Mittámus lignum in panem ejus, et eradámus eum de terra vivéntium, et nomen ejus non memorétur ámplius. Tu autem Dómine Sábaoth, qui júdicas juste, et probas renes et corda, vídeam ultiónem tuam ex eis: tibi enim revelávi causam meam, Dómine Deus meus.

Graduale. Ps. 34. Ego autem, dum mihi molésti essent, induébam me cilício, et humiliábam in jejúnio áni-

mam meam: et orátio mea in sinu meo convertétur.

V. Júdica Dómine nocéntes me, expúgna impugnántes me: apprehénde arma, et scutum, et exúrge in adiutórium mihi.

Pássio Dómini nostri Jesu Christi secúndum Marcum. Marci 14. et 15.

IN illo témpore: Erat Pascha, et Azyma post bídium, et quærebant summi sacerdótes et scribæ, quómodo Jesum dolo tenérent, et occiderent. Dicébant autem: **S** Non in die festo, ne forte tumultus fieret in pópulo. **C** Et cum esset Jesus Bethániæ in domo Simónis leprósi, et recumberet: venit múlter habens alabástrum unguénti nardi spicáti pretiósi, et fracto alabástro, effúdit super caput ejus. Erant autem quidam indigne feréntes intra semetípsos, et dicéntes: **S** Ut quid perditio ista unguénti facta est? Póterat enim unguéntum istud venúmdari plus quam trecéntis denáriis, et dari paupéribus.

C Et fremébant in eam. Jesus autem dixit: **†** Sínite eam: quid illi molésti estis? Bonum opus operáta est in me. Semper enim páuperes habétis vobíscum; et cum volúeritis, potéstis illis benefácere: me autem non semper habétis. Quod hábuit hæc, fecit: prævenit úngere corpus meum in sepultúram. Amen dico vobis: Ubicúmque prædicátum fúerit Evangélium istud in univérso mundo, et quod fecit hæc, narrábitur in memóriam ejus. **C** Et Judas Iscariótes, unus de duódecim, ábiit ad summos sacerdótes, ut pröderet eum illis. Qui audiéntes, gavísi sunt: et promisérunt ei pecúniam se datúros. Et quærébat quómodo illum opportúne tráderet. Et primo die Azymórum quando Pascha immolábant, dicunt ei discípuli: **S** Quo vis eámus, et parémus tibi, ut mandúces Pascha? **C** Et mittit duos ex discíplis suis, et dicit eis: **†** Ite in civitátem: et occúrret vobis homo lagénam aquæ bájulans, sequímini eum: et quocúm-

que introierit, dicite domino domus, quia magister dicit: Ubi est refectio mea, ubi Pascha cum discipulis meis manducem? Et ipse vobis demonstrabit coenaculum grande, stratum: et illic parate nobis. **C** Et abiérunt discipuli ejus, et venérunt in civitatem: et invénérunt sicut dixerat illis, et paravérunt Pascha. Vespere autem facto, venit cum duodecim. Et discumbéntibus eis, et manducántibus, ait Jesus: **†** Amen dico vobis, quia unus ex vobis tradet me, qui manducat mecum. **C** At illi cœpérunt contristári, et dicere ei singulátim: **S** Numquid ego? **C** Qui ait illis: **†** Unus ex duodecim, qui intíngit mecum manum in catíno. Et Fílius quidem hóminis vadit, sicut scriptum est de eo: væ autem hómini illi, per quem Fílius hóminis tradétur. Bonum erat ei, si non esset natus homo ille. **C** Et manducántibus illis, accépit Jesus panem: et benedicens fregit, et dedit eis, et ait: **†** Súmite, hoc est corpus meum. **C** Et accépto cálice, grátias agens dedit eis: et bibérunt ex illo omnes. Et ait illis: **†** Hic est sanguis meus novi testaménti, qui pro multis effundétur. Amen dico vobis, quia jam non bibam de hoc genímine vitis, usque in diem illum, cum illud bibam novum in regno Dei. **C** Et hymno dicto, exiérunt in montem Olivárum. Et ait eis Jesus: **†** Omnes scandalizabimini in me in nocte ista: quia scriptum est: Percútiam pastórem, et dispergéntur oves. Sed postquam resurréxero, præcedam vos in Galilæam. **C** Petrus autem ait illi: **S** Et si omnes scandalizáti fúerint in te, sed non ego. **C** Et ait illi Jesus: **†** Amen dico tibi, quia tu hódie in nocte hac, priúsqum gallus vocem bis déderit, ter me es negatúrus. **C** At ille ámplius loquebátur: **S** Et si oportúerit me simul cómmori tibi, non te negábo. **C** Simíliter autem et omnes dicébant. Et véniunt in prædium, cui nomen Gethsémani. Et ait discipulis suis:

† Sedéte hic donec orem. **C** Et assúmit Petrum, et Jacóbum, et Joánnem secum: et cœpit pavére, et tædere. Et ait illis: **†** Tristis est ánima mea usque ad mortem: sustinéte híc, et vigiláte. **C** Et cum processísset páululum, prócidit super terram: et orábat, ut si fieri posset, transíret ab eo hora: et dixit: **†** Abba, Pater, ómnia tibi possibília sunt, transfer cálicem hunc à me: sed non quod ego volo, sed quod tu. **C** Et venit, et invénit eos dormiéntes. Et ait Petro: **†** Simon, dormis? non potuísti una hora vigiláre? Vigiláte, et oráte, ut non intrétis in tentationem. Spíritus quidem promptus est, caro vero infirma. **C** Et íterum ábiens orávit, eúmdem sermónem dicens. Et revérsus, dénuo invénit eos dormiéntes (erant enim óculi eórum graváti) et ignorábant quid responderent ei. Et venit tértio, et ait illis: **†** Dormíte jam, et requiéscite. Súfficit: venit hora: ecce Fílius hóminis tradétur in manus peccatórum. Súrgite, eámus: Ecce qui me tradet, prope est. **C** Et, adhuc eo loquente, venit Judas Iscariótes unus de duodecim, et cum eo turba multa cum gládiis, et lignis, à summis sacerdotibus, et Scribis, et senióribus. Déderat autem tráditor ejus signum eis, dicens: **S** Quemcúmque osculátus fúero, ipse est, tenéte eum, et dúcite caute. **C** Et cum venísset, statim accédens ad eum, ait: **S** Ave, Rabbi: **C** Et osculátus est eum. At illi manus iniecérunt in eum, et tenuérunt eum. Unus autem quidam de circumstántibus edúcens gládium, percússit servum summi sacerdotis: et amputávit illi aurículam. Et respóndens Jesus, ait illis: **†** Tamquam ad latrónem existis cum gládiis, et lignis comprehendere me? quotidie eram apud vos in templo docens, et non me tenuístis. Sed ut impleántur Scriptúre. **C** Tunc discipuli ejus relinquentes eum, omnes fugérunt. Adoléscent autem quidam seque-

bátur eum amíctus síndone super nudo: et tenuérunt eum. At ille rejécta síndone, nudus profúgit ab eis. Et adduxérunt Jesum ad summum sacerdotem: et convenérunt omnes sacerdotes, et scribæ, et seniôres. Petrus autem à longe secútus est eum: que intro in átrium summi sacerdotis: et sedébat cum ministris ad ignem, et calefaciébat se. Summi vero sacerdotes, et omne concílium, quærébant advérsus Jesum testimónium, ut eum morti tráderent, nec inveniébant. Multi enim testimónium falsum dicébant advérsus eum: et conveniéntia testimónia non erant. Et quidam surgéntes, falsum testimónium ferébant advérsus eum, dicéntes: **S** Quóniam nos audívimus eum dicéntem: Ego dissólvam templum hoc manufactum, et per trídium áliud non manufactum ædificábo. **C** Et non erat convéniens testimónium illórum. Et exúrgens summus sacerdos in médium, interrogávit Jesum, dicens: **S** Non respóndes quidquam ad ea, quæ tibi objiciúntur ab his? **C** Ille autem tacébat, et nihil respóndit. Rursum summus sacerdos interrogábat eum, et dixit ei: **S** Tu es Christus Fílius Dei benedícti? **C** Jesus autem dixit illi: **†** Ego sum: et vidébitis Fílium hóminis sedéntem à dextris virtútis Dei, et veniéntem cum núbibus cœli. **C** Summus autem sacerdos scindens vestiménta sua, ait: **S** Quid adhuc desiderámus testes? Audístis blasphemíam: quid vobis vidétur? **C** Qui omnes condemnáverunt eum esse reum mortis. Et cœpérunt quidam conspúere eum, et veláre fáciem ejus, et cólaphis eum cædere, et dicere ei: **S** Prophetíza. **C** Et ministri álapis eum cædebant. Et cum esset Petrus in átrio deórsum, venit una ex ancillis summi sacerdotis: et cum vidísset Petrum calefaciéntem se, aspiciens illum, ait: **S** Et tu cum Jesu Nazaréno eras. **C** At ille negávit, dicens: **S** Neque scio, neque novi quid dicas. **C** Et

éxiit foras ante átrium, et gallus cantávit. Rursus autem cum vidísset illum ancilla, cœpit dicere circumstantibus: Quia hic ex illis est. At ille íterum negávit. Et post pusillum rursus qui astábant, dicébant Petro: **S** Vere ex illis es: nam et Galilæus es. **C** Ille autem cœpit anathematizáre, et juráre: Quia nescio hóminem istum, quem dicitis. Et statim gallus íterum cantávit. Et recordátus est Petrus verbi, quod díxerat ei Jesus: Priúsqvam gallus cantet bis, ter me negábis. Et cœpit flere. Et conféstim, mane consílium faciéntes summi sacerdotes, cum senióribus, et Scribis, et univérso concílio, vinciéntes Jesum, duxérunt, et tradidérunt Piláto. Et interrogávit eum Pilátus: **S** Tu es Rex Judæórum? **C** At ille respóndens, ait illi: **†** Tu dicis. **C** Et accusábant eum summi sacerdotes in multis. Pilátus autem rursum interrogávit eum, dicens: **S** Non respóndes quidquam? vide in quantis te accúsant. **C** Jesus autem ámplius nihil respóndit, ita ut mirarétur Pilátus. Per diem autem festum solébat dímítere illis unum ex vinctis, quemcúmque petíssent. Erat autem qui dicebátur Barábbas, qui cum seditiônis erat vinctus, qui in seditiône fécerat homicídium. Et cum ascendísset turba, cœpit rogáre, sicut semper faciébat illis. Pilátus autem respóndit eis, et dixit: **S** Vultis dímíttam vobis Regem Judæórum? **C** Sciébat enim quod per invidiam tradidísset eum summi sacerdotes. Pontífices autem concitavérunt turbam, ut magis Barábbam dímíteret eis. Pilátus autem íterum respóndens, ait illis: **S** Quid ergo vultis fáciam Regi Judæórum? **C** At illi íterum clamavérunt: **S** Crucifige eum. **C** Pilátus vero dicébat illis: **S** Quid enim mali fecit? **C** At illi magis clamábant: **S** Crucifige eum. **C** Pilátus autem volens pópulo satisfácere, dimísit illis Barábbam, et tradidit Jesum flagéllis cæsum, ut

crucifigeretur. Milites autem duxerunt eum in atrium prætorii, et convocant totam cohortem, et induunt eum purpura, et imponunt ei plectentes spineam coronam. Et cœperunt salutare eum: Ave, Rex Judæorum. Et percutiebant caput ejus arundine: et conspuiebant eum, et ponentes genua, adorabant eum. Et postquam illusérunt ei, exuerunt illum purpura, et induerunt eum vestimentis suis: et educunt illum, ut crucifigerent eum. Et angariaverunt prætereuntem quempiam, Simónem Cyrenæum, venientem de villa, patrem Alexandri, et Rufi, ut tolleret crucem ejus. Et perducunt illum in Gólgotha locum: quod est interpretatum Calvariæ locus. Et dabant ei bibere myrrhatum vinum: et non accépit. Et crucifigentes eum, divisérunt vestimenta ejus, mittentes sortem super eis, quis quid tolleret. Erat autem hora tertia: et crucifixerunt eum. Et erat titulus causæ ejus inscriptus: Rex Judæorum. Et cum eo crucifigunt duos latrones: unum à dextris, et alium à sinistris ejus. Et impléta est Scriptúra, quæ dicit: Et cum iniquis reputatus est. Et prætereuntes blasphemabant eum, moventes capita sua, et dicentes: **S** Vah, qui destruis templum Dei, et in tribus diebus reedificas: salvum fac te ipsum, descendens de cruce. **C** Similiter et summi sacerdotes illudentes, ad alterutrum cum Scribis dicebant: **S** Alios salvos fecit, seipsum non potest salvum facere. Christus Rex Israel descendat nunc de cruce, ut videamus, et credamus. **C** Et qui cum eo crucifixi erant, convitiabantur ei. Et facta hora sexta, tenebræ factæ sunt per totam terram, usque in horam nonam. Et hora nona exclamavit Jesus voce magna, dicens: † Eloi, Eloi, lammasabacháni? **C** Quod est interpretatum: † Deus meus, Deus meus, ut quid dereliquisti me? **C** Et quidam de circumstantibus audientes, dicebant: **S** Ecce, Eliam

vocat. **C** Currens autem unus, et implens spongiam aceto, circumponensque calamo, potum dabat ei, dicens: **S** Sinite, videamus si veniat Elias ad deponendum eum. **C** Jesus autem emissa voce magna expiravit. **(Hic genuflectitur, et pausatur aliquantulum.)** Et velum templi scissum est in duo, à summo usque deorsum. Videns autem Centurio, qui ex adverso stabat, quia sic clamans expirasset, ait: **S** Vere hic homo Filius Dei erat. **C** Erant autem et mulieres de longe aspicientes: inter quas erat Maria Magdalene, et Maria Jacobi minoris et Joseph mater, et Salomé: et cum esset in Galilæa, sequebantur eum, et ministrabant ei, et aliæ multæ, quæ simul cum eo ascenderant Jerosolymam.

Quod sequitur, cantatur in tono Evangelii: et alia fiunt ut supra in Dominica.

ET cum jam sero esset factum (quia erat Parascève, quod est ante sabbatum) venit Joseph ab Arimathæa nobilis decurio, qui et ipse erat expectans regnum Dei, et audacter introivit ad Pilatum, et petiit corpus Jesu. Pilatus autem mirabatur si jam obiisset. Et accersito Centurione, interrogavit eum si jam mortuus esset. Et cum cognovisset à Centurione, donavit corpus Joseph. Joseph autem mercatus sindonem, et depónens eum involvit sindone, et posuit eum in monumento, quod erat excisum de petra, et advolvit lapidem ad ostium monumenti.

Offertorium. Ps. 139. Custodi me, Domine, de manu peccatoris, et ab hominibus iniquis eripe me.

Secreta.

S Acrificia nos, quæsumus Domine, propensius ista restarent: quæ medicinalibus sunt instituta jejuniis. Per Dominum nostrum.

Altera Secreta, vel Prôtege, vel Oblátis, quæsumus. fol. 109.

Feria iv. majoris Hebdomadæ.

Communio. Ps. 68. Advēsum me exercebāntur, qui sedēbant in porta: et in me psallēbant, qui bibēbant vinum: ego vero oratiōnem meam ad te, Dómine, tempus benepláciti Deus in multitudine misericórdiæ tuæ.

Postcommunio.

Sanctificatiōnibus tuis, omnípotens Deus, et vicia nostra curēntur: et remédia nobis sempiterna proveniant. Per Dóminum.

Altera Postcommunio, vel Quæsumus Dómine, vel Hæc nos, quæsumus. fol 110.

Super populum. Oremus. Humiliáte cápita vestra Deo. **Oratio.**

Tua nos misericórdia, Deus, et ab omni subreptiōne vetustátis expúrget: et capaces sanctæ novitátis efficiat. Per Dóminum.

FERIA QUARTA

majoris Hebdomadæ.

Statio ad sanctam Mariam majorem.

Introitus. Phil. 2.

In nómine Jesu omne genu flectátur, cœlestium, terréstrium, et infernórum: quia Dóminus factus est obédiens usque ad mortem, mortem autem crucis: ideo Dóminus Jesus Christus in glória est Dei Patris.

Ps. 101. Dómine exáudi oratiōnem meam: et clamor meus ad te véniat. In nómine.

Post Kyrie eléison. dicitur, Oremus. Flectámus gēnua. **R.** Leváte.

Oratio.

Præsta, quæsumus omnípotens Deus: ut, qui nostris excéssibus incessanter affligimur, per unigéniti Fílii tui passiōnem liberémur: Qui tecum vivit et regnat in unitate.

Lectio Isaíæ Prophétæ. Is. 62. et 63.

Hæc dicit Dóminus Deus: Dícite filiæ Sion: Ecce Salvátor tuus venit: ecce merces ejus cum eo. Quis est iste, qui venit de Edom, tinctis véstibus de Bosra? iste formósus in

stola sua, grádiens in multitudine fortitudinis suæ. Ego, qui loquor justítiam, et propugnátor sum ad salvándum. Quare ergo rubrum est indumentum tuum, et vestiménta tua sicut calcántium in torculári? Tórcular calcávi solus, et de Géntibus non est vir mecum: calcávi eos in furóre meo, et conculcávi eos in ira mea: et aspérsus est sanguis eórum super vestiménta mea, et ómnia induménta mea inquinávi. Dies enim ultiónis in corde meo, annus redemptionis meæ venit. Circumspéxi, et non erat auxiliátor: quæsívi, et non fuit qui adjuváret: et salvábit mihi bráchium meum, et indignatio mea ipsa auxiliáta est mihi. Et conculcávi pópulos in furóre meo, et inebriávi eos in indignatiōne mea, et detráxi in terram virtútem eórum. Miserationum Dómini recordábor, laudem Dómini super ómnibus, quæ réddidit nobis, Dóminus Deus noster.

Graduale. Ps. 68. Ne avértas faciē tuam a púero tuo, quóniam tribulor: velóciter exáudi me.

V. Salvum me fac Deus, quóniam intravérunt aquæ usque ad ánimam meam: infíxus sum in limo profúndi, et non est substántia.

Hic dicitur, V. Dóminus vobíscum. **sine** Flectámus gēnua.

Oratio.

Deus, qui pro nobis Fílium tuum crucis patíbulum subíre voluísti, ut inimíci a nobis expélleres potestátem: concéde nobis fámulis tuis: ut resurrectionis grátiam consequámur. Per eúmdem Dóminum nostrum.

Altera Oratio, vel Ecclesiæ tuæ, vel Deus ómnium fidélium. fol. 108.

Lectio Isaíæ Prophétæ. Isaíæ 53.

In diébus illis: Dixit Isaías: Dómine, quis credidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti: non est spécies ei, neque decor: et vídimus eum, et non erat

Feria iv. majoris Hebdomadæ.

aspéctus, et desiderávimus eum, despéctum, et novíssimum virórum, virum dolórum, et sciéntem infirmitátem, et quasi abscónditus vultus ejus, et despéctus, unde nec reputávimus eum. Vere languóres nostros ipse tulit, et dolóres nostros ipse portávit: et nos putávimus eum quasi leprósum, et percússum à Deo, et humiliátum. Ipse autem vulnerátus est propter iniquitátes nostras, attrítus est propter scélera nostra: disciplina pacis nostræ super eum, et livóre ejus sanáti sumus. Omnes nos quasi oves errávimus, unusquisque in viam suam declinávit: et pósuit Dóminus in eo iniquitátem ómnium nostrum. Oblátus est, quia ipse vóluit, et non apérui os suum: sicut ovis ad occisióem ducétur, et quasi agnus coram tondénte se obmutéscet, et non apériet os suum. De angústia, et de judício sublátus est: generatióem ejus quis enarrábit? quia abscíssus est de terra vivéntium: propter scelus pópuli mei percússi eum. Et dabit ímpios pro sepultúra, et dívitem pro morte sua: eo quod iniquitátem non fécerit, neque dolus fúerit in ore ejus. Et Dóminus vóluit contérere eum in infirmitáte: si posúerit pro peccáto ánimam suam, vidébit semen longævum, et volúntas Dómini in manu ejus dirigétur. Pro eo quod laborávit ánimam ejus, vidébit, et saturábitur: in sciéntia sua justificábit ipse justus servus meus multos, et iniquitátes eórum ipse portábit. Ideo dispértiam ei plúrimos: et fórtium dívidet spólia, pro eo quod trádidit in mortem ánimam suam, et cum scelerátis reputátus est: et ipse peccáta multórum tulit, et pro transgressóribus rogávit.

Tractus. Psal. 101. Dómine exáudi oratióem meam, et clamor meus ad te véniat.

V. Ne avértas fáciem tuam à me: in quacúmque die tribulor, inclína ad me aurem tuam. **V.** In quacúmque die invocávero te, velóriter exáudi

me. **V.** Quia defecérunt sicut fumus dies mei: et ossa mea sicut in frixório confríxa sunt.

V. Percússus sum sicut fœnum, et áruit cor meum: quia oblítus sum manducáre panem meum.

V. Tu exúrgens Dómine miseréberis Sion: quia venit tempus miseréndi ejus.

Pássio Dómini nostri Jesu Christi secundum Lucam. Luc. 22. et 23.

In illo témpore: Appropinquábat dies festus Azymórum, qui dicitur Pascha: et quærébant Príncipes sacerdotum, et Scribæ, quómodo Jesum interficerent: timébant vero plebem. Intrávit autem Sátanas in Judam, qui cognominabátur Iscariótes, unum de duódecim. Et ábiit, et locútus est cum princípibus sacerdotum, et magistrátibus, quemádmódum illum tráderet eis. Et gavísi sunt, et pacti sunt pecúniam illi dare. Et spopóndit. Et quærébat opportunitátem ut tráderet illum sine turbis. Venit autem dies Azymórum, in qua necesse erat occídi Pascha. Et misit Petrum, et Joánnem, dicens: † Eúntes paráte nobis Pascha, ut manducémus. **C** At illi dixerunt: **S** Ubi vis parémus? **C** Et dixit ad eos: † Ecce introeúntibus vobis in civitátem, occúrret vobis homo quidam ámphoram aquæ portans: sequímini eum in domum, in quam intrat, et dicétis patrifamilias domus: Dicit tibi Magister: Ubi est diversórium, ubi Pascha cum discíplis meis mandúcem? Et ipse osténdet vobis cœnáculum magnum stratum, et ibi paráte. **C** Eúntes autem invenérunt sicut dixit illis Jesus, et paravérunt Pascha. Et cum facta esset hora, discúbuit, et duódecim Apóstoli cum eo. Et ait illis: † Desidério desiderávi hoc Pascha manducáre vobíscum, ántequam pátiar. Dico enim vobis, quia ex hoc non manducábo illud, donec impleátur in regno Dei. **C** Et accépto cálice, grátias egit, et dixit: † Accípite, et dívidite inter

vos. Dico enim vobis, quod non bibam de generatiōe vitis, donec regnum Dei veniat. **C** Et accepto pane grā-tias egit, et fregit, et dedit eis, dicens: **+** Hoc est corpus meum, quod pro vobis datur: hoc facite in meam com-memorationem. **C** Similiter, et cali-cem, postquam cœnavit, dicens: **+** Hic est calix novum testamētum in sāguine meo, qui pro vobis fundētur. Verūmtamen ecce manus tradētis me, mecum est in mensa. Et quidem Fīlius hōminis, secūndum quod de-finitum est, vadit: verūmtamen vā hōmini illi, per quem tradētur. **C** Et ipsi cœpērunt quærere inter se, quis esset ex eis, qui hoc factūrus esset. Facta est autem et contēntio inter eos, quis eōrum viderētur esse major. Dixit autem eis: **+** Reges Gēntium domināntur eōrum: et qui potestātem habent super eos, benefici vocāntur. Vos autem non sic: sed qui major est in vobis, fiat sicut minor; et qui præ-cessor est, sicut ministrātor. Nam quis major est, qui recūmbit, an qui ministrat? nonne qui recūmbit? Ego autem in medio vestrum sum, sicut qui ministrat: vos autem estis, qui permansistis mecum in tentatiōnibus meis. Et ego dispōno vobis, sicut dispōsuit mihi Pater meus regnum, ut edātis, et bibātis super mensam meam in regno meo: et sedeātis super thronos, judicāntes duodecim tribus Israel. **C** Ait autem Dōminus: **+** Si-mon, Simon, ecce Sātanās expetivit vos, ut cribrāret sicut triticum: ego autem rogāvi pro te, ut non deficiat fides tua: et tu aliquādo convērsus, confirma fratres tuos. **C** Qui dixit ei: **S** Dōmine, tecum parātus sum et in cárcerem, et in mortem ire. **C** At ille dixit: **+** Dico tibi Petre: Non cantābit hōdie gallus, donec ter ābneges nosse me. **C** Et dixit eis: **+** Quando misi vos sine sācculo, et pera, et calceamētis, numquid āliquid defuit vobis? **C** At illi dixerunt: **S** Nihil. **C** Dixit ergo eis: **+** Sed nunc, qui habet sācculum,

tollat similiter et peram: et qui non habet, vendat tūnicam suam, et emat glādiū. Dico enim vobis, quōniam adhuc hoc, quod scriptum est, opōrtet implēri in me: Et cum iniquis depu-tātus est. Etenim ea, quæ sunt de me, finem habent. **C** At illi dixerunt: **S** Dōmine, ecce duo glādii hic. **C** At ille dixit eis: **+** Satis est. **+** Et egrēs-sus ibat secūndum consuetūdinem in montem Olivārum. Secūti sunt autem illum et discipuli. Et cum pervenisset ad locum, dixit illis: **+** Orāte, ne in-trētis in tentatiōnem. **C** Et ipse avūl-sus est ab eis quantum jactus est lāpidis, et pōsitis gēnibus orābat, di-cens: **+** Pater, si vis, transfer calicem istum ā me: verūmtamen non mea volūntas, sed tua fiat. **C** Appāruit autem illi Angelus de cœlo, confór-tans eum. Et factus in agoniā, pro-līxius orābat. Et factus est sudor ejus, sicut guttæ sāguinis decurrētis in terram. Et cum surrexisset ab ora-tiōne, et venisset ad discipulos suos, invēnit eos dormiētes præ tristitia. Et ait illis: **+** Quid dormitis? sūrgite, orāte, ne intrētis in tentatiōnem. **C** Adhuc eo loquēte, ecce turba: et qui vocabātur Judas, unus de duō-decim, antecedēbat eos: et appropin-quāvit Jesu, ut oscularētur eum. Je-sus autem dixit illi: **+** Juda, ósculo Fīlium hōminis tradis? **C** Vidētes autem hi, qui circa ipsum erant, quod futūrum erat, dixerunt ei: **S** Dōmine, si percūtimus in glādio? **C** Et per-cūssit unus ex illis servum principis sacerdótum, et amputāvit auriculam ejus dēxteram. Respōndens autem Jesus, ait: **+** Sinite usque huc. **C** Et cum tetigisset auriculam ejus, sanāvit eum. Dixit autem Jesus ad eos, qui vénéran ad se, principes sacerdótum, et magistrātus templi, et senió-res: **+** Quasi ad latrōnem existis cum glādiis, et fústibus? Cum quotidie vobiscum fúerim in templo, non exten-distis manus in me: sed hęc est hora vestra, et potestas tenebrārum. **C**

Comprehendentes autem eum, duxerunt ad domum Principis sacerdotum: Petrus vero sequebatur à longe. Accenso autem igne in medio atrii, et circumsedentibus illis, erat Petrus in medio eorum. Quem cum vidisset ancilla quædam sedentem ad lumen, et eum fuisset intuita, dixit: **S** Et hic cum illo erat. **C** At ille negavit eum, dicens: **S** Mulier, non novi illum. **C** Et post pusillum alius videns eum, dixit: **S** Et tu de illis es. **C** Petrus vero ait: **S** O homo, non sum. **C** Et intervallò facto quasi horæ unius, alius quidam affirmabat, dicens: **S** Vere et hic cum illo erat: nam et Galilæus est. **C** Et ait Petrus: **S** Homo, nescio quid dicis. **C** Et continuo adhuc illo loquente cantavit gallus. Et conversus Dominus respexit Petrum. Et recordatus est Petrus verbi Domini, sicut dixerat: Quia priusquam gallus cantet, ter me negabis. Et egressus foras Petrus flevit amare. Et viri, qui tenebant illum, illudabant ei, cædentes. Et velaverunt eum, et percutiebant faciem ejus: et interrogabant eum, dicentes: **S** Prophetiza, quis est qui te percussit? **C** Et alia multa blasphemantes dicebant in eum. Et ut factus est dies, convenérunt seniores plebis, et principes sacerdotum, et Scribæ, et duxerunt illum in concilium suum, dicentes: **S** Si tu es Christus, dic nobis. **C** Et ait illis: **†** Si vobis dixerò, non credetis mihi: si autem et interrogávero, non respondebitis mihi, neque dimittetis. Ex hoc autem erit Filius hominis sedens à dextris virtutis Dei. **C** Dixérunt autem omnes: **S** Tu ergo es Filius Dei? **C** Qui ait: **†** Vos dicitis, quia ego sum. **C** At illi dixérunt: **S** Quid adhuc desideramus testimónium? Ipsi enim audivimus de ore ejus. **C** Et surgens omnis multitúdo eorum, duxerunt illum ad Pilátum. Cœpérunt autem illum accusare, dicentes: **S** Hunc invenimus subvertentem gentem nostram, et prohibentem tributa dare

Cæsari, et dicentem se Christum Regem esse. **C** Pilátus autem interrogavit eum, dicens: **S** Tu es Rex Judæorum? **C** At ille respondens, ait: **†** Tu dicis. **C** Ait autem Pilátus ad principes sacerdotum, et turbas: **S** Nihil invénio causæ in hoc homine. **C** At illi invalescebant, dicentes: **S** Commovet pópulum, docens per universam Judæam, incipiens à Galilæa usque huc. **C** Pilátus autem audiens Galilæam, interrogavit si homo Galilæus esset. Et ut cognovit quod de Heródis potestate esset, remisit eum ad Heródem, qui et ipse Jerosólymis erat illis diebus. Heródes autem viso Jesu gavisus est valde. Erat enim cúpiens ex multo tempore videre eum, eo quod audierat multa de eo, et sperabat signum aliquod videre ab eo fieri. Interrogabat autem eum multis sermonibus. At ipse nihil illi respondébat. Stabant autem principes sacerdotum, et Scribæ constanter accusantes eum. Sprevit autem illum Heródes cum exercitu suo: et illúsit indútum veste alba, et remisit ad Pilátum. Et facti sunt amici Heródes, et Pilátus in ipsa die: nam antea inimici erant ad invicem. Pilátus autem convocatis principibus sacerdotum, et magistratibus, et plebe, dixit ad illos: **S** Obtulistis mihi hunc hominem, quasi avertentem pópulum, et ecce ego coram vobis interrogans, nullam causam invéní in homine isto ex his, in quibus eum accusatis. Sed neque Heródes: nam remisi vos ad illum, et ecce nihil dignum morte actum est ei. Emen dátum ergo illum dimittam. **C** Necesse autem habebat dimittere eis per diem festum, unum. Exclamavit autem simul universa turba, dicens: **S** Tolle hunc, et dimitte nobis Barábbam. **C** Qui erat propter seditionem quamdam factam in civitate, et homicídium, missus in cárcerem. Iterum autem Pilátus locútus est ad eos, volens dimittere Jesum. At illi succlamabant,

dicentes: **S** Crucifige, crucifige eum. **C** Ille autem tertio dixit ad illos: **S** Quid enim mali fecit iste? Nullam causam mortis invenio in eo: corripiam ergo illum, et dimittam. **C** At illi instabant vocibus magnis, postulantes ut crucifigeretur. Et inualescebant voces eorum. Et Pilatus adjudicavit fieri petitionem eorum. Dimisit autem illis eum, qui propter homicidium, et seditionem missus fuerat in carcerem, quem petebant: Jesum vero tradidit voluntati eorum. Et cum ducerent eum, apprehenderunt Simonem quemdam Cyrenensem, venientem de villa: et imposuerunt illi crucem portare post Jesum. Sequebatur autem illum multa turba populi, et mulierum, quae plangebant, et lamentabantur eum. Conversus autem ad illas Jesus, dixit: **†** Filiae Jerusalem, nolite flere super me, sed super vos ipsas flete, et super filios vestros. Quoniam ecce venient dies, in quibus dicent: Beatae steriles, et ventres, qui non genuerunt, et ubera, quae non lactaverunt. Tunc incipient dicere montibus: Cadite super nos; et collibus: Operite nos. Quia si in viridi ligno haec faciunt, in arido quid fiet? **C** Ducebantur autem et alii duo nequam cum eo, ut interficerentur. Et postquam venerunt in locum, qui vocatur Calvariae, ibi crucifixerunt eum; et latrones, unum a dextris, et alterum a sinistris. Jesus autem dicebat: **†** Pater, dimitte illis: non enim sciunt quid faciunt. **C** Dividentes vero vestimenta ejus, miserunt sortes. Et stabat populus spectans, et deridebant eum principes cum eis, dicentes: **S** Alios salvos fecit: se salvum faciat, si hic est Christus Dei electus. **C** Illudabant autem ei, et milites accedentes, et acetum offerentes ei, et dicentes: **S** Si tu es Rex Judaeorum, salvum te fac. **C** Erat autem et superscriptio scripta super eum litteris Graecis, et Latinis, et Hebraicis: Hic est Rex Judaeorum. Unus autem de

his, qui pendebant, latronibus, blasphemabat eum, dicens: **S** Si tu es Christus, salvum fac te ipsum, et nos. **C** Respondens autem alter increpabat eum, dicens: **S** Neque tu times Deum, quod in eadem damnatione es. Et nos quidem juste, nam digna factis recipimus: hic vero nihil mali gessit. **C** Et dicebat ad Jesum: **S** Domine, memento mei, cum veneris in regnum tuum. **C** Et dixit illi Jesus: **†** Amen dico tibi: Hodie mecum eris in paradiso. **C** Erat autem fere hora sexta, et tenebrae factae sunt in universam terram usque in horam nonam. Et obscuratus est sol: et velum templi scissum est medium. Et clamans voce magna Jesus, ait: **†** Pater, in manus tuas commendo spiritum meum. **C** Et haec dicens, expiravit. **(Hic genuflectitur, et pausatur aliquantulum.)** Videns autem Centurio quod factum fuerat, glorificavit Deum, dicens: **S** Vere hic homo justus erat. **C** Et omnis turba eorum, qui simul aderant ad spectaculum istud, et videbant quae fiebant, percutientes pectora sua revertebantur. Stabant autem omnes noti ejus a longe, et mulieres, quae secutae eum erant a Galilaea, haec videntes.

Quod sequitur, legitur in tono Evangelii: et alia fiunt ut supra in Dominica.

ET ecce vir nomine Joseph, qui erat decurio, vir bonus, et justus: hic non consenserat consilio, et actibus eorum, ab Arimathaea civitate Judaeae, qui expectabat et ipse regnum Dei. Hic accessit ad Pilatum, et petiit corpus Jesu: et depositum involvit sindone, et posuit eum in monumento exciso, in quo nondum quisquam positus fuerat.

Offertorium. Psal. 101. Domine exaudi orationem meam, et clamor meus ad te perveniat: ne avertas faciem tuam a me. Secreta.

Suscipe, quaesumus Domine, munus oblatum, et dignanter ope-

Feria v. in Cœna Domini.

rare: ut quod passionis Filii tui Domini nostri mysterio gerimus, piis affectibus consequamur. Per eundem Dominum.

Altera Secreta, vel Protege, vel Oblatis, quaesumus. fol. 109.

Communio. Ps. 101. Potum meum cum fletu temperabam: quia elevans allisisti me: et ego sicut fœnum arui: tu autem Domine in æternum permanes: tu exurgens miseraberis Sion, quia venit tempus miserendi ejus.

Postcommunio.

L Argire sensibus nostris, omnipotens Deus: ut, per temporalem Filii tui mortem, quam mysteria veneranda testantur, vitam te nobis dedisse perpetuam confidamus. Per eundem Dominum nostrum.

Altera Postcommunio, vel Quaesumus Domine, vel Hæc nos, quaesumus. fol. 110.

Super populum. Orémus. Humiliate capita vestra Deo. **Oratio.**

R Espice, quaesumus Domine, super hanc familiam tuam, pro qua Dominus noster Jesus Christus non dubitavit manibus tradi nocentium, et crucis subire tormentum. Qui tecum vivit et regnat.

FERIA QUINTA

IN COENA DOMINI.

Statio ad S. Joannem in Laterano.

Introitus.

Gal. 6.

N Os autem gloriari oportet in cruce Domini nostri Jesu Christi: in quo est salus, vita, et resurrectio nostra: per quem salvati, et liberati sumus.

Psal. 66. Deus misereatur nostri, et benedicat nobis: illuminet vultum suum super nos, et misereatur nostri. **Nos autem.**

Dicitur Gloria in excelsis. et tunc pulsantur campanæ, et deinceps non amplius usque ad Sabbatum sanctum.

Oratio.

D Deus, à quo et Judas reatus sui poenam, et confessionis suæ latro præmium sumpsit: concede nobis tuæ propitiationis effectum: ut, sicut in passione sua Jesus Christus Dominus noster diversa utrisque intulit stipendia meritum; ita nobis, ablato vetustatis errore, resurrectionis suæ gratiam largiatur. Qui tecum vivit et regnat.

Et hæc Oratio tantum dicitur.

Lectio Epistolæ beati Pauli Apostoli ad Corinthios. 1. Cor. 11. d

F Ratres, Convenientibus vobis in unum, jam non est Dominicam cœnam manducare. Unusquisque enim suam cœnam præsumit ad manducandum. Et alius quidem esurit: alius autem ebrius est. Numquid domos non habetis ad manducandum et bibendum? aut Ecclesiam Dei contemnitis, et confunditis eos, qui non habent? Quid dicam vobis? Laudo vos? in hoc non laudo. Ego enim accipi à Domino, quod et tradidi vobis, quoniam Dominus Jesus in qua nocte tradebatur, accepit panem, et gratias agens fregit, et dixit: Accipite, et manducate: hoc est corpus meum, quod pro vobis tradetur: hoc facite in meam commemorationem. Similiter et calicem, postquam cœnavit, dicens: Hic calix novum testamentum est in meo Sanguine: hoc facite, quotiescunque bibetis, in meam commemorationem. Quotiescunque enim manducabitis panem hunc, et calicem bibetis: mortem Domini annuntiabitis donec veniat. Itaque quicumque manducaverit panem hunc, vel biberit calicem Domini indigne, reus erit Corporis et Sanguinis Domini. Probet autem seipsum homo, et sic de pane illo edat, et de calice bibat. Qui enim manducat et bibit indigne, judicium sibi manducat et bibit: non

dijúdicans Corpus Dómini. Ideo inter vos multi infirmi et imbecílles, et dormiunt multi. Quod si nosmetipsos dijudicáremus, non útique judicáremur. Dum judicámur autem, à Dómino corrípimur, ut non cum hoc mundo damnémur.

Graduale. Phil. 2. Christus factus est pro nobis obédiens usque ad mortem, mortem autem crucis.

V. Propter quod et Deus exaltávit illum: et dedit illi nomen, quod est super omne nomen.

Sequéntia sancti Evangélíi secúndum Joánnem. Joan. 13.

ANte diem festum Paschæ, sciens Jesus, quia venit hora ejus, ut tránseat ex hoc mundo ad Patrem: cum dilexisset suos, qui erant in mundo, in finem diléxit eos. Et cœna facta, cum diábolus jam misisset in cor, ut tráderet eum Judas Simónis Iscariótæ: sciens quia ómnia dedit ei Pater in manus, et quia à Deo exívit, et ad Deum vadit: surgit à cœna, et ponit vestiménta sua: et cum accepisset línteum, præcínxit se. Deínde mittit aquam in pelvim, et cœpit laváre pedes discipulórum, et extérgere línteo, quo erat præcínctus. Venit ergo ad Simónem Petrum. Et dicit ei Petrus: Dómine, tu mihi lavas pedes? Respóndit Jesus, et dixit ei: Quod ego fácio, tu nescis modo, scies autem póstea. Dicit ei Petrus: Non lavábis mihi pedes in ætérnum. Respóndit ei Jesus: Si non lávero te, non habébis partem mecum. Dicit ei Simon Petrus: Dómine, non tantum pedes meos, sed et manus, et caput. Dicit ei Jesus: Qui lotus est, non índiget, nisi ut pedes lavet, sed est mundus totus. Et vos mundi estis, sed non omnes. Sciébat enim quisnam esset qui tráderet eum: proptérea dixit: Non estis mundi omnes. Postquam ergo lavit pedes eórum, et accépit vestiménta sua; cum recubuisset íterum, dixit eis: Scitis quid fécerim vobis? Vos vocátis me, Magíster, et Dómine: et bene

dícitis: sum étenim. Si ergo ego lavi pedes vestros, Dóminus, et Magíster: et vos debétis alter altérius laváre pedes. Exémplum enim dedi vobis, ut quemádmódum ego feci vobis, ita et vos faciátis. **Et dicitur Credo.**

Offertorium. Ps. 117. Dextera Dómini fecit virtútem, dextera Dómini exaltávit me: non móriar, sed vivam, et narrábo ópera Dómini.

Secreta.

IPse tibi, quæsumus Dómine sancte, Pater omnípotens, ætérne Deus, sacrificium nostrum reddat accéptum, qui discipulis suis in sui commemoratióne monstrávit, Jesus Christus Fílius tuus Dóminus noster: Qui tecum vivit et regnat.

Præfatio de Cruce. Qui salútem humáni géneris.

Infra actionem.

Communicántes, et diem sacratíssimum celebrántes, quo Dóminus noster Jesus Christus pro nobis est tráditus: sed et memóriam venerántes, in primis gloriósæ semper Vírginis Mariæ, genitrícis ejúsdem Dei, et Dómini nostri Jesu Christi: sed et beatórum Apostolórum, ac Mártyrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis et Thaddæi: Lini, Cleti, Clementis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum; quorum méritis precibúque concédas, ut in ómnibus protectionis tuæ muniámur auxílio. Per eúmdem Christum Dóminum nostrum. Amen.

Sequitur.

HAnc igitur oblatiόnem servitútis nostræ, sed et cunctæ familiæ tuæ, quam tibi offérimus ob diem, in qua Dóminus noster Jesus Christus trádidit discipulis suis córporis et sánguinis sui mystéria celebránda; quæsumus Dómine, ut placátus accípias: diésque nostros in tua pace

Feria v. in Cœna Domini.

dispónas: atque ab ætérna damnatione nos éripi, et in electórum tuórum júbeas grege numerári. Per eúmdem Christum Dóminum nostrum. Amen.

QUam oblationem tu Deus in ómnibus, quæsumus, bene † dictam, adscrí† ptam, ra† tam, rationábilem, acceptabilémque fácere dignéris: ut nobis Cor† pus, et San† guis fiat dilectíssimi Filii tui Dómini nostri Jesu Christi.

QUI pridie, quam pro nostra omniúmque salúte paterétur, hoc est, hódie: accépit panem. et reliqua ut in Canone.

Agnus Dei. dicitur de more, sed pax non datur. Dicuntur tamen tres consuetæ Orationes ante Communionem.

¶ **Hodie Sacerdos** consecrat duas Hostias, quarum unam sumit, alteram reservat pro die sequenti, in quo non conficitur Sacramentum: reservat etiam aliquas particulas consecratas, si opus fuerit pro infirmis: sanguinem vero totum sumit: et ante ablutionem digitorum ponit Hostiam reservatam in alio Calice, quem Diaconus palla et patena cooperit, et desuper velum expandit, et in medio Altaris collocat. Deinde fit Communio, et completur Missa. Sacerdos autem genuflectit, quandocumque accedit, vel recedit a medio Altaris, vel transit ante Sacramentum in Calice reservatum: et cum dicere debet, Dóminus vobíscum, non vertit se ad populum in medio Altaris, ne terga vertat Sacramento, sed a latere Evangelii: et in fine ibidem dat benedictionem, et non perficit circulum.

Communio. Joan. 13. Dóminus Jesus, postquam cenávit cum discípulis suis, lavit pedes eórum, et ait illis: Scitis quid fécerim vobis ego Dóminus, et Magíster? Exémplum dedi vobis, ut et vos ita faciátis.

Postcommunio.

REfécit vitálibus aliméntis, quæsumus Dómine Deus noster: ut, quod témpore nostræ mortalitátis

exéquimur, immortalitátis tuæ múnere consequámur. Per Dóminum.

Dicitur, Ite missa est. et datur benedictio, et legitur Evangelium sancti Joannis, in cujus initio Sacerdos non signat Altare, sed seipsum tantum.

¶ **Hodie** paretur locus apertus in aliqua Cappella Ecclesiæ, vel Altari, et decenter quoad fieri potest ornetur cum velis et luminibus: ubi Calix cum Hostia, ut supra reservata, reponatur. Finita autem Missa, accenduntur intorticia, et fit Processio more solito, alio tamen Subdiacono parato Crucem ferente. Celebrans indutus pluviali albo, stans ante Altare, imponit incensum in duobus thuribulis absque benedictione: deinde in medio genuflexus, cum altero incensat ter Sacramentum: et accepto Calice cum Sacramento de manu Diaconi stantis, et cooperto extremitatibus veli, quo ejus humeri teguntur, procedit medius inter eumdem Diaconum a dextris, et Subdiaconum a sinistris sub baldachino, duobus Acolythis Sacramentum continue incensantibus usque ad locum præparatum, ubi pro crastino servandum est. Interea dum fit Processio, cantatur Hymnus. **Pange lingua gloriósi Córporis mystérium.** Cum autem ventum fuerit ad locum paratum, Diaconus genuflexus a Sacerdote stante accipit Calicem cum Sacramento, et ponit illum primo super Altare, ubi a Sacerdote genuflexo incensatur, ut supra: deinde reponit in capsula. Postea in Choro dicuntur Vesperæ sine cantu. Et Sacerdos cum ministris denudet Altaria, legendo Antiphonam. **Psal. 21.** Diviserunt sibi vestiménta mea: et super vestem meam miserunt sortem. **eum toto Psalmo Deus Deus meus respice in me.**

¶ **Post denudationem Altarium, hora competenti facto signo cum tabula, conveniunt Clerici ad faciendum mandatum. Prælati, seu Superiori, super amictu, et alba induitur stola,**

et pluviali violaceis, et in loco ad id deputato, ministrante Diacono, (qui paratus cum Subdiacono, ut in Missa, paramentis albis, ei assistit) imponit incensum in thuribulo: deinde Diaconus librum Evangeliorum ante pectus tenens, genuflexus ante Superiorem, petit benedictionem: qua accepta, astantibus duobus Acolythis cum candelabris accensis, et Subdiacono librum tenente, signat librum, et incensat, et cantat, ut moris est, Evangelium, Ante diem festum Paschæ, ut in Missa. Quo finito, Subdiaconus portat librum apertum osculandum Superiori, et Diaconus eum de more incensat. Postea Superior exuitur pluviali, et per Diaconum, et Subdiaconum præcingitur linteo, et sic præcinctus, assistentibus sibi iisdem Diacono, et Subdiacono, accedit ad lotionem pedum, et per ordinem dispositis iis qui lavandi sunt, Clericis pelvim, et aquam ministrantibus, Subdiacono singulorum pedem dextrum tenente, genuflectens singulis, illorum pedem lavat, extergit, et osculatur, Diacono præbente linteum ad abstergendum. Et interim hæc subscripta cantantur.

Antiphona. Joan. 13. Mandatum novum do vobis: ut diligatis invicem, sicut dilexi vos, dicit Dominus.

Psal. 118. Beati immaculati in via: qui ambulant in lege Domini.

Et repetitur immediate Antiphona. Mandatum novum. Et sic aliæ Antiphonæ, quæ habent Psalmos, vel Versus, repetuntur. Et de quolibet Psalmo dicitur tantum primus Versus.

Antiphona. Joan. 13. Postquam surrexit Dominus à cœna, misit aquam in pelvim, et cœpit lavare pedes discipulorum suorum: hoc exemplum reliquit eis.

Psal. 47. Magnus Dominus, et laudabilis nimis: in civitate Dei nostri, in monte sancto ejus.

Antiphona. Joan. 13. Dominus Jesus, postquam cenavit cum discipulis

suis, lavit pedes eorum: et ait illis: Scitis quid fecerim vobis ego Dominus, et Magister? Exemplum dedi vobis: ut et vos ita faciatis.

Ps. 84. Benedixisti Domine terram tuam: avertisti captivitatem Jacob.

Antiphona. Joan. 13. Domine, tu mihi lavas pedes? respondit Jesus, et dixit ei: Si non laverò tibi pedes, non habebis partem mecum. **V.** Venit ergo ad Simonem Petrum, et dixit ei Petrus.

Et repetitur Antiph. Domine tu mihi lavas pedes? respondit Jesus, et dixit ei: Si non laverò tibi pedes, non habebis partem mecum. V. Quod ego facio, tu nescis modo: scies autem postea.

Tertio repetitur Antiph. Domine, tu mihi lavas pedes? respondit Jesus, et dixit ei: Si non laverò tibi pedes, non habebis partem mecum.

V. Si ego Dominus, et Magister vester lavi vobis pedes: quanto magis debetis alter alterius lavare pedes?

Ps. 48. Audite hæc omnes Gentes: auribus percipite qui habitatis orbem.

Antiphona. Joan. 13. In hoc cognoscent omnes, quia discipuli mei estis, si dilectionem habueritis ad invicem.

V. Dixit Jesus discipulis suis.

Antiphona. 1. Cor. 13. Manceant in vobis fides, spes, caritas, tria hæc: major autem horum est caritas.

V. Nunc autem manent fides, spes, caritas, tria hæc: major horum est caritas.

Antiphona. Benedicta sit sancta Trinitas, atque indivisa unitas: confitebimur ei, quia fecit nobiscum misericordiam suam. **V.** Benedicamus Patrem, et Filium, cum sancto Spiritu.

Psal. 83. Quam dilecta tabernacula tua, Domine virtutum! concupiscit, et deficit anima mea in atria Domini.

Antiphona. 1. Joan. 2. 3. 4. Ubi caritas, et amor, Deus ibi est. **V.** Congregavit nos in unum Christi amor. **V.** Exultemus, et in ipso jucundemur.

Feria vi. in Parasceve.

V. Timeámus, et amémus Deum vivum.

V. Et ex corde diligámus nos sincéro.

Et repetitur Antiphona. Ubi caritas, et amor, Deus ibi est. **V.** Simul ergo cum in unum congregámur.

V. Ne nos mente dividámur, caveámus.

V. Cessent júrgia maligna, cessent lites.

V. Et in médio nostri sit Christus Deus.

Et repetitur Antiphona. Ubi caritas, et amor, Deus ibi est.

V. Simul quoque cum beátis videámus.

V. Gloriánte vultum tuum, Christe Deus.

V. Gáudium, quod est imménsum, atque probum. **V.** Sæcula per infinita sæculórum. Amen.

Post lotionem, Superior, vel qui aliis abluit pedes, lavat manus, et abstergit alio linteo: deinde rediens ad locum, ubi prius fuerat, accipit pluviale, et stans capite detecto dicit: Pater noster. secreto.

V. Et ne nos indúcas in tentatióem.

R. Sed libera nos à malo.

V. Tu mandásti mandáta tua, Dómine.

R. Custodíri nimis.

V. Tu lavásti pedes discipulórum tuórum.

R. Opera mánuum tuárum ne despicias.

V. Dómine exáudi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Oremus.

Oratio.

A Désto, Dómine quæsumus, officio servitútis nostræ: et quia tu discipulis tuis pedes lavare dignátus es, ne despicias ópera mánuum tuárum, quæ nobis retinéndamandásti: ut, sicut híc nobis, et à nobis exterióra abluúntur inquinaménta; sic à te ómnium nostrum interióra lavéntur peccáta. Quod ipse præstare

dignéris, qui vivis et regnas Deus; per ómnia sæcula sæculórum.

R. Amen.

FERIA SEXTA
in Parasceve.

Statio ad sanctam Crucem in Jerusalem.

F Inita Nona, Sacerdos, et ministri induti paramentis nigri coloris, sine luminaribus et incenso, procedunt ad Altare: et ante illud prostrati aliquamdiu orant. Interim Acolythi unam tantum tobaleam extendunt super Altare. Sacerdos cum ministris facta oratione ascendit ad Altare, et osculatur illud in medio: deinde Lector accedit ad legendum Prophetiam in loco ubi legitur Epistola, et incipit eam sine titulo: quam etiam Sacerdos legit submissa voce apud Altare in cornu Epistolæ. **Osee 6.**

H Ec dicit Dóminus: In tribulatione sua mane consúrgent ad me: Veníte, et revertámur ad Dóminum: quia ipse cepit, et sanábit nos: percútiet, et curábit nos. Vivificábit nos post duos dies: in die tértia suscitábit nos, et vivémus in conspéctu ejus. Sciémus, sequemúrque, ut cognoscámus Dóminum: quasi dilúculum præparátus est egressus ejus, et véniet quasi imber nobis temporáneus, et serótinus terræ. Quid fáciam tibi Ephraim? Quid fáciam tibi Juda? misericórdia vestra quasi nubes matutina: et quasi ros mane pertránsiens. Propter hoc dolávi in prophétis, et occídi eos in verbis oris mei: et iudícia tua quasi lux egrediéntur. Quia misericórdiam vólui, et non sacrificium; et sciéntiam Dei, plus quam holocáusta.

Tractus Habacuc. 3. Dómine audívi audítum tuum, et tímui: considerávi ópera tua, et expávi.

V. In médio duórum animálium innotescéris: dum appropinquáverint

anni, cognoscéris: dum advénerit tempus, ostendéris.

V. In eo, dum conturbáta fúerit ánima mea: in ira, misericórdiæ memor eris.

V. Deus à Líbano véniet, et Sanctus de monte umbróso, et condénso.

V. Opérui cœlos majéstas ejus: et laudis ejus plena est terra.

Finito Tractu, Sacerdos in cornu Epistolæ dicit, Orémus. Diaconus, Flectámus génua. et Subdiaconus, Leváte. Oratio.

DEus, à quo et Judas reátus sui pœnam, et confessiónis suæ latro præmium sumpsit: concéde nobis tuæ propitiatiónis efféctum; ut, sicut in passióne sua Jesus Christus Dóminus noster diversa utrísque intulit stipéndia meritórum: ita nobis, abláto vetustátis erróre, resurrectiõnis suæ grátiam largiátur. Qui tecum.

Subdiaconus in tono Epistolæ similiter sine titulo cantat seq. Lect. Exod. 12.

IN diébus illis: Dixit Dóminus ad Móysen, et Aaron in terra Ægypti: Mensis iste, vobis principium ménsium: primus erit in mēsis anni. Loquimini ad univérsum cœtum filiórum Israel, et dícite eis: Décima die mensis hujus tollat unusquisque agnum per famílias, et domos suas. Sin autem minor est númerus, ut sufficere possit ad vescéndum agnum, assúmet vicínus suum, qui junctus est dómui suæ, juxta númerum animárum, quæ sufficere possunt ad esum agni. Erit autem agnus absque mácula, másculus, annículus: juxta quem ritum tollétis et hœdum. Et servábitis eum usque ad quartamdécimam diem mensis hujus: immolabítque eum univérsa multitúdo filiórum Israel ad vésperam. Et sument de ságuine ejus, ac ponent super utrúmque postem, et in superlimináribus domórum, in quibus cómedent illum. Et edent carnes nocte illa assas igni, et ázynos panes cum lactúcis agréstibus. Non comedétis

ex eo crudum quid, nec coctum aqua, sed tantum assum igni: caput cum pédibus ejus, et intestínis vorábitis. Nec remanébit quidquam ex eo usque mane. Si quid resíduum fúerit, igne comburétis. Sic autem comedétis illum: Renes vestros accingétis, et calceaménta habébitis in pédibus, tenéntes báculos in mánibus, et comedétis festinánter, est enim Phase (id est tránsitus) Dómini.

Tractus. Ps. 139. Eripe me Dómine ab hómine malo: à viro iníquo libera me.

V. Qui cogitavérunt malítias in corde: tota die constituébant prælia.

V. Acuérunt linguas suas sicut serpéntis: venénus áspidum sub lábiis eórum.

V. Custódi me Dómine de manu peccatóris: et ab homínibus iníquis libera me.

V. Qui cogitavérunt supplantáre gressus meos: abscondérunt supérbi láqueum mihi.

V. Et funes extendérunt in láqueum pédibus meis: juxta iter scándalum posuérunt mihi. **V.** Dixi Dómino, Deus meus es tu: exáudi Dómine vocem oratiónis meæ. **V.** Dómine, Dómine virtus salútis meæ, obúmbra caput meum in die belli. **V.** Ne tradas me à desidério meo peccatóri: cogitavérunt advérsus me: ne derelínquas me, ne umquam exalténtur. **V.** Caput circúitus eórum: labor labiórums ipsórum opériet eos. **V.** Verúmtamen justi confitebúntur nómini tuo: et habitábunt recti cum vultu tuo.

Finito Tractu, dicitur Passio super nudum pulpitem: quam Celebrans submissa voce legit in cornu Epistolæ. Pássio Dómini nostri Jesu Christi scúndum Joánnem. Joan. 18. et 19.

IN illo témpore: Egréssus est Jesus cum discípulis suis trans torrentem Cedron, ubi erat hortus, in quem introívit ipse, et discípuli ejus. Sciébat autem et Judas, qui tradébat eum, locum: quia frequénter Jesus

convenerat illuc cum discipulis suis. Judas ergo cum accepisset cohortem, et à Pontificibus, et Phariseis ministros, venit illuc cum laternis, et facibus, et armis. Jesus itaque sciens omnia, quæ ventura erant super eum, processit, et dixit eis: **†** Quem queritis? **C** Responderunt ei: **S** Jesum Nazarenum. **C** Dicit eis Jesus: **†** Ego sum. **C** Stabat autem et Judas, qui tradebat eum, cum ipsis. Ut ergo dixit eis: Ego sum: abierunt retrorsum, et ceciderunt in terram. Iterum ergo interrogavit eos: **†** Quem queritis? **C** Illi autem dixerunt: **S** Jesum Nazarenum. **C** Respondit Jesus: **†** Dixi vobis, quia ego sum: Si ergo me queritis, sinite hos abire. **C** Ut impleretur sermo, quem dixit: Quia quos dedisti mihi, non perdidisti ex eis quemquam. Simon ergo Petrus habens gladium eduxit eum: et percussit Pontificis servum: et abscidit auriculam ejus dexteram. Erat autem nomen servo Malchus. Dixit ergo Jesus Petro: **†** Mitte gladium tuum in vaginam. Calicem, quem dedit mihi Pater, non bibam illum? **C** Cohors ergo, et tribunus, et ministri Judæorum comprehenderunt Jesum, et ligaverunt eum: et adduxerunt eum ad Annam primum; erat enim socer Caiphæ, qui erat Pontifex anni illius. Erat autem Caiphas, qui consilium dederat Judæis: Quia expedit, unum hominem mori pro populo. Sequebatur autem Jesum Simon Petrus, et alius discipulus. Discipulus autem ille erat notus Pontifici, et introivit cum Jesu in atrium Pontificis. Petrus autem stabat ad ostium foris. Exiit ergo discipulus alius, qui erat notus Pontifici, et dixit ostiariæ: et introduxit Petrum. Dicit ergo Petro ancilla ostiaria: **S** Numquid et tu ex discipulis es hominis istius? **C** Dicit ille: **S** Non sum. **C** Stabant autem servi, et ministri ad prunas, quia frigus erat, et calefaciebant se: erat autem cum eis et Petrus stans, et calefaciens se. Pontifex ergo

interrogavit Jesum de discipulis suis, et de doctrina ejus. Respondit ei Jesus: **†** Ego palam locutus sum mundo: ego semper docui in synagoga, et in templo, quo omnes Judæi conveniunt: et in occulto locutus sum nihil. Quid me interrogas? interroga eos, qui audierunt quid locutus sim ipsis: ecce hi sciunt, quæ dixerim ego. **C** Hæc autem cum dixisset, unus assistens ministrorum dedit alapam Jesu, dicens: **S** Sic respondes Pontifici? **C** Respondit ei Jesus: **†** Si male locutus sum, testimonium perhibe de malo: si autem bene, quid me cedis? **C** Et misit eum Annas ligatum ad Caipham Pontificem. Erat autem Simon Petrus stans, et calefaciens se. Dixerunt ergo ei: **S** Numquid et tu ex discipulis ejus es? **C** Negavit ille, et dixit: **S** Non sum. **C** Dicit ei unus ex servis Pontificis, cognatus ejus, cujus abscidit Petrus auriculam: **S** Nonne ego te vidi in horto cum illo? **C** Iterum ergo negavit Petrus: et statim gallus cantavit. Adducunt ergo Jesum à Caipha in prætorium. Erat autem mane: et ipsi non introierunt in prætorium, ut non contaminarentur, sed ut manducarent Pascha. Exiit ergo Pilatus ad eos foras, et dixit: **S** Quam accusationem affertis adversus hominem hunc? **C** Responderunt, et dixerunt ei: **S** Si non esset hic malefactor, non tibi tradidissimus eum. **C** Dixit ergo eis Pilatus: **S** Accipite eum vos, et secundum legem vestram judicate eum. **C** Dixerunt ergo ei Judæi: **S** Nobis non licet interficere quemquam. **C** Ut sermo Jesu impleretur, quem dixit, significans qua morte esset moriturus. Introivit ergo iterum in prætorium Pilatus, et vocavit Jesum, et dixit ei: **S** Tu es Rex Judæorum? **C** Respondit Jesus: **†** A temetipso hoc dicis, an alii dixerunt tibi de me? **C** Respondit Pilatus: **S** Numquid ego Judæus sum? Gens tua, et Pontifices tradiderunt te mihi: quid fecisti?

C Respondit Jesus: **†** Regnum meum non est de hoc mundo. Si ex hoc mundo esset regnum meum, ministri mei útique decertarent, ut non tráderer Judæis: nunc autem regnum meum non est hinc. **C** Dixit itaque ei Pilátus: **S** Ergo Rex es tu? **C** Respondit Jesus: **†** Tu dicis, quia Rex sum ego. Ego in hoc natus sum, et ad hoc veni in mundum, ut testimonium perhibeam veritati: omnis qui est ex veritate, audit vocem meam. **C** Dicit ei Pilátus: **S** Quid est veritas? **C** Et cum hoc dixisset, iterum exivit ad Judæos, et dicit eis: **S** Ego nullam invénio in eo causam. Est autem consuetúdo vobis, ut unum dimittam vobis in Pascha: vultis ergo dimittam vobis Regem Judæórum? **C** Clamaverunt ergo rursum omnes, dicentes: **S** Non hunc, sed Barábbam. **C** Erat autem Barábbas latro. Tunc ergo apprehéndit Pilátus Jesum, et flagellávit. Et milites plecténtes coronam de spinis, imposuérunt cápiti ejus: et veste purpúrea circumdedérunt eum. Et veniébant ad eum, et dicébant: **S** Ave, Rex Judæórum: **C** Et dabant ei álapas. Exívit ergo iterum Pilátus foras, et dicit eis: **S** Ecce addúco vobis eum foras, ut cognoscátis, quia nullam invénio in eo causam. **C** (Exívit ergo Jesus portans coronam spineam, et purpúreum vestiméntum.) Et dicit eis: **S** Ecce homo. **C** Cum ergo vidissent eum Pontífices, et ministri, clamábant, dicentes: **S** Crucifige, crucifige eum. **C** Dicit eis Pilátus: **S** Accípite eum vos, et crucifigite: ego enim non invénio in eo causam. **C** Respondérunt ei Judæi: **S** Nos legem habémus, et secúndum legem debet mori, quia Fílium Dei se fecit. **C** Cum ergo audisset Pilátus hunc sermónem, magis tímuit. Et ingressus est prætóríum iterum: et dixit ad Jesum: **S** Unde es tu? **C** Jesus autem respónsum non dedit ei. Dicit ergo ei Pilátus: **S** Mihi non lóqueris? nescis quia potestátem hábeo cruci-

figere te, et potestátem hábeo dimíttere te? **C** Respondit Jesus: **†** Non habéres potestátem advérsus me ullam, nisi tibi datum esset désuper. Proptérea, qui me trádidit tibi, majus peccátum habet. **C** Et exínde quærébat Pilátus dimíttere eum. Judæi autem clamábant, dicentes: **S** Si hunc dimíttis, non es amícus Cæsaris. Omnis enim, qui se regem facit, contradícit Cæsari. **C** Pilátus autem cum audisset hos sermónes, addúxit foras Jesum, et sedit pro tribunáli, in loco, qui dicitur Lithostrótos, Hebráice autem Gábbatha. Erat autem Parasceve Paschæ, hora quasi sexta, et dicit Judæis: **S** Ecce Rex vester. **C** Illi autem clamábant: **S** Tolle, tolle, crucifige eum. **C** Dicit eis Pilátus: **S** Regem vestrum crucifigam? **C** Respondérunt Pontífices: **S** Non habémus regem, nisi Cæsarem. **C** Tunc ergo trádidit eis illum, ut crucifigerétur. Suscepérunt autem Jesum, et eduxérunt. Et bájulans sibi crucem, exívit in eum, qui dicitur Calváriæ, locum, Hebráice autem Gólgotha: ubi crucifixérunt eum, et cum eo álios duos, hinc, et hinc, médium autem Jesum. Scripsit autem et título Pilátus: et pósuit super crucem. Erat autem scriptum: Jesus Nazarénus, Rex Judæórum. Hunc ergo título multi Judæórum legérunt, quia prope civitátem erat locus, ubi crucifixus est Jesus. Et erat scriptum Hebráice, Græce, et Latíne. Dicébant ergo Piláto Pontífices Judæórum: **S** Noli scribere, Rex Judæórum, sed quia ipse dixit: Rex sum Judæórum. **C** Respondit Pilátus: **S** Quod scripsi, scripsi. **C** Milites ergo cum crucifixissent eum, accepérunt vestiménta ejus, (et fecérunt quátuor partes: unicuique míliti partem) et túnica. Erat autem túnica inconsútilis, désuper contéxta per totum. Dixérunt ergo ad ínvicem: **S** Non scindámus eam, sed sortiámur de illa, cujus sit. **C** Ut Scriptúra implerétur, dicens:

Feria vi. in Parascève.


Partíti sunt vestiménta mea sibi: et in vestem meam misérunt sortem. Et mílites quidem hæc fecérunt. Stabant autem juxta crucem Jesu, mater ejus, et soror matris ejus María Cléophæ, et María Magdalénæ. Cum vidísset ergo Jesus matrem, et discipulum stantem, quem diligébat, dicit matri suæ: **+** Múlier, ecce fílius tuus. **C** Deinde dicit discipulo: **+** Ecce mater tua. **C** Et ex illa hora accépit eam discipulus in sua. Póstea sciens Jesus quia ómnia consummáta sunt, ut consummarétur Scriptúra, dixit: **+** Sítio. **C** Vas ergo erat pósito acéto plenum. Illi autem spóngiam plenam acéto, hyssópo circumponéntes, obtulérunt ori ejus. Cum ergo accepisset Jesus acétum, dixit: **+** Consummátum est. **C** Et inclináto cápite tradidit spíritum. **(Hic genuflectitur, et pausatur aliquantulum.)** Judæi ergo (quóniam Parascève erat) ut non remanérent in cruce córpora sábbato, (erat enim magnus dies ille sábbati) rogavérunt Pilátum, ut frangeréntur eórum crura, et tolleréntur. Venérunt ergo mílites: et primi quidem fregérunt crura, et altérius, qui crucifixus est cum eo. Ad Jesum autem cum veníssent, ut vidérunt eum jam mórtuum, non fregérunt ejus crura: sed unus mílitum láncea latus ejus apéruit, et continuo exívit sanguis, et aqua. Et qui vidit, testimónium perhibuit: et verum est testimónium ejus. Et ille scit, quia vera dicit: ut et vos credátis. Facta sunt enim hæc, ut Scriptúra implerétur: Os non minuétis ex eo. Et iterum ália Scriptúra dicit: Vidébunt in quem transfixérunt.

Quod sequitur, legitur in tono Evangelii: et dicitur, Munda cor meum. sed non petitur benedictio, et non deferuntur luminaria, neque incensum, et Celebrans in fine non osculatur librum.


Post hæc autem rogávit Pilátum Joseph ab Arimathæa, (eo quod

esset discipulus Jesu, occúltus autem propter metum Judæórum) ut tólleret corpus Jesu. Et permísit Pilátus. Venit ergo, et tulit corpus Jesu. Venit autem et Nicodémus, qui vénerat ad Jesum nocte primum, ferens mixtúram myrrhæ, et áloes, quasi libras centum. Accepérunt ergo corpus Jesu, et ligavérunt illud línteis cum aromátibus, sicut mos est Judæis sepelíre. Erat autem in loco, ubi crucifixus est, hortus: et in horto monuméntum novum, in quo nondum quisquam pósito erat. Ibi ergo propter Parascéven Judæórum, quia juxta erat monuméntum, posuérunt Jesum.


Deinde Sacerdos stans in cornu Epistolæ, incipit absolute junctis manibus.



O ré mus, di le ctíssi mi nobis,




pro Ecclé sia san cta Dei: ut




e am Deus et Dómi nus no-




ster, pa ci fi cá re, a du ná re,



et custodíre dignétur toto orbe




terrárum: subjíciens ei Princi-




pátus, et potestátes, deique nobis


Feria vi. in Parasceve.




quiétam et tranquíllam vitam




de géntibus, glori ficáre Deum



Patrem omnipoténtem. **O** rémus.



Diaconus, Flectámus génu a.



Subdiaconus, R. Le vá te.

Oratio cantatur in tono feriali Orationis Missæ extensis manibus. Et hic modus servatur in subsequentibus.

O Mnípotens sempitérne Deus, qui glóriam tuam ómnibus in Christo géntibus revelásti: custódi ópera misericórdiæ tuæ; ut Ecclesiá tua toto orbe diffúsa, stábili fide in confessione tui nóminis perseveret. Per eúmdem Dóminum nostrum.

R. Amen.

O Rémus et pro beatíssimo Papa nostro **N.** ut Deus, et Dóminus noster, qui elégit eum in órđine Episcopátus, salvum, atque incólumem custódiat Ecclesiæ suæ sanctæ, ad regéndum pópulum sanctum Dei.

O rémus. Flectámus génu a.

R. Leváte.

O Mnípotens sempitérne Deus, cujus iudício unívěrsa fundántur: réspice propítius ad preces nostras, et eléctum nobis Antístitem tua pietáte consérva; ut Christiána plebs, quæ te gubernáture auctóre, sub tanto Pontífice, credulitátis suæ méritis augeátur. Per Dóminum nostrum. **R.** Amen.

O Rémus et pro ómnibus Episcopis, Presbyteris, Diaconibus, Subdiaconibus, Acólýthis, Exorcístis, Lectóribus, Ostiáriis, Confessóribus, Virgínibus, Víduis: et pro omni pópulo sancto Dei.

O rémus. Flectámus génu a.

R. Leváte.

O Mnípotens sempitérne Deus, cujus spíritu totum corpus Ecclesiæ sanctificátur, et régitur: exáudi nos pro unívěrsis ordínibus supplicántes: ut grátia tuæ múnere, ab ómnibus tibi grádibus fidéliter serviátur. Per Dóminum nostrum.

R. Amen.

Si non est coronatus, dicatur, *
elécto Imperátore.

O Rémus et pro Christianíssimo *****
Imperátore nostro **N.** ut Deus, et Dóminus noster súbditas illi fáciat omnes bárbaras nátióes, ad nostram perpétuam pacem.

O rémus. Flectámus génu a.

R. Leváte.

O Mnípotens sempitérne Deus, in cujus manu sunt ómnium potestátes, et ómnium jura regnórum: réspice ad Románum benígnus Impérium: ut gentes, quæ in sua feritáte confidunt, poténtiæ tuæ dextera comprimántur. Per Dóminum nostrum.

R. Amen.

O Rémus et pro catechúmenis nostris: ut Deus, et Dóminus noster adapériat aures præcordiórum ipsórum, januámque misericórdiæ; ut per lavácrum regenerationis accépta remissione ómnium peccatórum, et ipsi inveniántur in Christo Jesu Dómino nostro.

O rémus. Flectámus génu a.

R. Leváte.

O Mnípotens sempitérne Deus, qui Ecclesiám tuam nova semper prole fecúndas: auge fidem, et intellectum catechúmenis nostris; ut renáti fonte baptismatis, adoptionis tuæ filiis aggregéntur. Per Dóminum nostrum. **R.** Amen.

O Rémus, dilectissimi nobis, Deum Patrem omnipotentem, ut cunctis mundum purget erroribus: morbos auferat: famem depellat: aperiat carceres: vincula dissolvat: peregrinantibus reditum: infirmantibus sanitatem: navigantibus portum salutis indulgeat.

Oremus. Flectamus genua.

R. Levate.

Omnipotens sempiternus Deus, maestorum consolatio, laborantium fortitudo: perveniant ad te preces de quacumque tribulatione clamantium; ut omnes sibi in necessitatibus suis misericordiam tuam gaudeant affuisse. Per Dominum nostrum. **R.** Amen.

O Rémus et pro hæreticis, et schismaticis: ut Deus, et Dominus noster eruat eos ab erroribus universis; et ad sanctam matrem Ecclesiam Catholicam, atque Apostolicam revocare dignetur.

Oremus. Flectamus genua.

R. Levate.

Omnipotens sempiternus Deus, qui salvas omnes, et neminem vis perire: respice ad animas diabólica fraude decéptas; ut omni hæretica pravitate depósita, errantium corda resipiscant: et ad veritatis tuæ redeant unitatem. Per Dominum nostrum.

R. Amen.

O Rémus et pro perfidis Judæis: ut Deus, et Dominus noster auferat velamen de cordibus eorum; ut et ipsi agnoscant Jesum Christum Dominum nostrum. **Non respondetur Amen. sed statim dicitur.**

Omnipotens sempiternus Deus, qui etiam Judæicam perfidiam à tua misericordia non repellis: exaudi preces nostras, quas pro illius populi obcæcatione deferimus; ut, agnita veritatis tuæ luce, quæ Christus est, à suis tenebris eruantur. Per eundem Dominum. **R.** Amen.

O Rémus et pro pagánis: ut Deus omnipotens auferat iniquitatem


à cordibus eorum; ut relictis idólis suis, convertantur ad Deum vivum, et verum, et únicum Fílium ejus Jesum Christum Deum, et Dóminum nostrum.

Oremus. Flectamus genua.

R. Levate.

Omnipotens sempiternus Deus, qui non mortem peccatorum, sed vitam semper inquiris, suscipe propitius orationem nostram, et libera eos ab idolorum cultura: et aggrega Ecclesiæ tuæ sanctæ, ad laudem, et glóriam nóminis tui. Per Dominum nostrum. **R.** Amen.

¶ Completis Orationibus, Sacerdos deposita casula accedit ad cornu Epistolæ, et ibi in posteriori parte anguli Altaris accipit a Diacono Crucem jam in Altari præparatam: quam versa facie ad populum, a summitate parum discooperit, incipiens solus Antiphonam. Ecce lignum Crucis. ac deinceps in reliquis juvatur in cantu a ministris usque, ad Veníte adorémus. Choro autem cantante: Veníte adorémus. omnes se prosternunt, excepto Celebrante. Deinde procedit ad anteriorem partem anguli ejusdem cornu Epistolæ: et discooperiens brachium dextrum Crucis, elevansque eam paulisper, altius quam primo, incipit, Ecce lignum Crucis. aliis cantantibus, et adorantibus, ut supra. Deinde Sacerdos procedit ad medium Altaris: et discooperiens Crucem totaliter, ac elevans eam, tertio altius incipit, Ecce lignum Crucis. aliis cantantibus et adorantibus, ut supra.



Ecce li gnum Cru cis,



in quo sa lus mun di

Feria vi. in Parasceve.



Postea Sacerdos solus portat Crucem ad locum ante Altare præparatum, et genuflexus ibidem eam locat: mox depositis calceamentis, accedit ad adorandam Crucem, ter genua flectens antequam eam deosculetur. Hoc facto revertitur, et accipit calceamenta, et casulam. Postmodum ministri Altaris, deinde alii Clerici, et laici, bini et bini, ter genibus flexis, ut dictum est, Crucem adorant. Interim, dum fit adoratio Crucis, cantantur impropéria, et alia quæ sequuntur; vel omnia, vel pars eorum, prout multitudo adorantium, vel paucitas requirit, hoc modo.

Duo cantores in medio Chori cantant, V. Pópule meus, usque ad Agios o Theos.

V. Pópule meus, quid feci tibi? aut in quo contristávi te? respónde mihi.

V. Quia edúxi te de terra Ægypti: parásti crucem Salvatóri tuo.

Unus Chorus cantat, Agios o Theos.

Alius Chorus respondet, Sanctus Deus.

Primus Chorus, Agios ischyros.

Secundus Chorus, Sanctus fortis.

Primus Chorus, Agios athánatos eléison imas.

Secundus Chorus, Sanctus immortalis miserére nobis.

Postea duo de secundo Choro cantant, V. Quia edúxi te per desértum quadragínta annis: et manna cibávi te, et introdúxi te in terram satis bonam, parásti crucem Salvatóri tuo.

Chori respondent alternatim, Agios o Theos, etc. Sanctus Deus, etc. ita tamen, ut primus Chorus semper repetat, Agios.

Deinde duo de primo Choro cantant, V. Quid ultra débui fácere tibi, et non feci? Ego quidem plantávi te véneam meam speciosíssimam: et tu facta es mihi nimis amára: acéto namque sitim meam potásti: et láncea perforásti latus Salvatóri tuo.

Item Chori alternatim respondent, Agios o Theos. Sanctus Deus, etc.

Versus sequentis impropérii a duobus cantoribus alternatim cantantur: utroque Choro simul repetente post quemlibet versum: Pópule meus, usque, ad Quia edúxi te de terra Ægypti.

Duo de secundo Choro cantant, V. Ego propter te flagellávi Ægyptum cum primogénitis suis: et tu me flagellátum tradidisti. Chorus repetit, Pópule meus.

Duo de primo Choro, V. Ego edúxi te de Ægypto, demérso Pharaóne in Mare rubrum: et tu me tradidisti princípibus sacerdotum. Chorus, Pópule meus.

Duo de secundo Choro, V. Ego ante te apérui mare: et tu aperuísti láncea latus meum. Chorus. Pópule meus.

Duo de primo Choro, V. Ego ante te præívi in colúmna nubis: et tu me duxísti ad prætóríum Piláti.

Chorus, Pópule meus.

Duo de secundo Choro, V. Ego te pavi manna per desértum: et tu me cæcidísti álapis et flagéllis. Chorus, Pópule meus.

Duo de primo Choro, V. Ego te potávi aqua salútis de petra: et tu me potásti felle, et acéto. Chorus, Pópule meus.

Duo de secundo Choro, V. Ego propter te Chananæórum reges percússi: et tu percussísti arúndine caput meum. Chorus, Pópule meus.

Duo de primo Choro, V. Ego dedi tibi sceptrum regále: et tu dedísti

Feria vi. in Parasceve.

cápiti meo spíneam corónam. **Chorus,**
Pópule meus.

Duo de secundo Choro, V. Ego te
exaltávi magna virtúte: et tu me
suspendísti in patíbulo crucis. **Chorus,**
Pópule meus.

Deinde cantatur communiter Anti-
phona. Crucem tuam adorámus Dó-
mine: et sanctam resurrectionem tu-
am laudámus, et glorificámus: ecce
enim propter lignum venit gáudium
in univérso mundo.

Ps. 66. Deus misereátur nostri, et
benedícat nobis: illúminet vultum
suum super nos, et misereátur nostri.
Et repetitur immediate Antiphona.
Crucem tuam.

Postea cantatur V. Crux fidélis. **cum**
Hymno, Pange lingua gloriósi. et
post quemlibet ejus versum repetitur:
Crux fidélis, **vel Dulce lignum. eo**
modo quo inferius notatur.

Crux fidélis, inter omnes arbor una
nóbilis: nulla silva talem profert,
fronde, flore, gérmine.

Dulce lignum, dulces clavos, dulce
pondus sústinet.

Hymn. Pange lingua gloriósi láu-
ream certáminis, et super Crucis
trophæo dic triúmphum nóbilem: quá-
liter Redémptor orbis immolátus
vicerit.

Repetitur: Crux fidélis, **usque, ad**
Dulce lignum.

Et sic fit, quoties repet.: Crux fidé-
lis. **V.** De paréntis protoplásti fraude
Factor cóndolens, quando pomi no-
xiális in necem morsu ruit: ipse lignum
tunc notávit, damna ligni ut sólveret.

Repetitur: Dulce lignum. **V.** Hoc
opus nostræ salútis ordo depopósce-
rat: multifórmis proditóris ars ut
artem fálleret: et medélam ferret inde,
hostis unde læserat. **Repetitur:** Crux
fidélis.

V. Quando venit ergo sacri plenitúdo
témporis, missus est ab arce Patris
Natus, orbis Cónditor; atque ventre
virgináli carne amíctus pródiit.

Repetitur: Dulce lignum.

V. Vagit infans inter arcta cónditus
præsépia: membra pannis involúta
Virgo mater álligat: et Dei manus,
pedésque stricta cingit fáscia. **Re-**
petitur: Crux fidélis.

V. Lustra sex qui jam perégit, tem-
pus implens córporis, sponte libera
Redémptor passióni déditus, Agnus
in Crucis levátur immolándus stípitem.

Repetitur: Dulce lignum.

V. Felle potus ecce languet, spina,
clavi, lancea mite corpus perforárunt,
unda manat, et cruor: terra, pontus,
astra, mundus, quo lavántur flúmine!

Repetitur: Crux fidélis. **V.** Flecte
ramos arbor alta, tensa laxa víscera,
et rigor lentéscat ille, quem dedit
natívitas: et supérni membra Regis
tende miti stípitem. **Repetitur:** Dulce
lignum.

V. Sola digna tu fuísti ferre mundi
víctimam: atque portum præparáre
arca mundo náufrago: quam sacer
cruor perúnxit, fusus Agni córpore.

Repetitur: Crux fidélis.

V. Sempitérna sit beátæ Trinitáti
glória: æqua Patri, Filióque; par
decus Paráclito: Uníus, Triníque
nomen laudet univérsitas. Amen.

Repetitur: Dulce lignum.

¶ **Circa finem adorationis Crucis ac-**
cenduntur candelæ super Altare: et
Diaconus accipiens bursam corpora-
lium, extendit corporale more solito,
et juxta illud ponit purificatorium: et
 finita adoratione, Crucem reverenter
accipit, et reportat ad Altare. Postea
ordinatur Processio ad locum, ubi
 pridie Sacramentum repositum fu-
erat. Præcedit Subdiaconus cum
Cruce inter duos Acolythos deferen-
tes candelabra cum cereis accensis,
et Clerus per ordinem, ultimus Sa-
cerdos cum ministris. Cum perven-
tum fuerit ad locum Sacramenti:
accenduntur intorticia, quæ non ex-
tinguuntur nisi post sumptionem Sa-
cramenti: et Sacerdos genuflectit ante
Sacramentum, orat aliquantulum:

Feria vi. in Parasceve.

Diaconus interim aperit capsulam, in qua reconditum est **Corpus Dómini**: postea **Sacerdos** surgens, absque benedictione imponit incensum in duobus thuribulis: **Diacono** naviculam ministrante, et genuflexus incensat **Sacramentum**: tum **Diaconus** extrahens **Calicem** cum **Sacramento** de capsula, dat ad manus **Sacerdotis**, et tegit extremitatibus veli, quod humeros illius circumdat: et procedunt ordine quo venerunt: deferitur baldachinum super **Sacramentum**: et duo **Acolythi** cum thuribulis continue **Sacramentum** incensant: interim cantatur **Hymnus**, **Vexilla Regis** prouideunt.

Cum venerit **Sacerdos** ad **Altare**, posito super illud **Calice**, genuflexus rursum incensat, et accedens deponit **Hostiam** ex **Calice** super **Patenam**, quam **Diaconus** tenet: et accipiens **Patenam** de manu **Diaconi**, **Hostiam** sacram ponit super **Corporale**, nihil dicens. Si tetigerit sacramentum, digitos abluat in aliquo vase. Interim **Diaconus** imponit vinum in **Calicem**, et **Subdiaconus** aquam, quam **Sacerdos** non benedicit, nec dicit super eam **Orationem** consuetam: sed accipiens **Calicem** a **Diacono**, ponit super **Altare**, nihil dicens: et **Diaconus** illum cooperit palla: deinde imponit incensum in thuribulo absque benedictione, et incensat oblata, et **Altare** more solito, genuflectens ante et post, et quodcumque transit ante **Sacramentum**.

Cum incensat oblata, dicit:

Incensum istud à te benedictum, ascéndat ad te **Dómine**: et descéndat super nos misericórdia tua.

Cum incensat **Altare**, dicit: **Ps. 140.**

Dirigáture **Dómine** orátio mea sicut incensum in conspéctu tuo: elevátio mánuum meárum sacrificium vespertinum. Pone, **Dómine**, custódiam ori meo, et óstium circumstántiæ lábiis meis: ut non declínet

cor meum in verba malítiæ, ad excusándas excusatiónes in peccátis.

Quando reddit thuribulum **Diac. dicit**:

Ascéndat in nobis **Dóminus** ignem sui amóris, et flammam æternæ caritátis. Amen.

Et ipse non incensatur.

Postea aliquantulum extra **Altare** in cornu **Epistolæ** lavat manus, nihil dicens: deinde in medio **Altaris** inclinatus, junctis manibus, dicit:

In spíritu humilitátis, et in ánimo contríto suscipiámur à te, **Dómine**: et sic fiat sacrificium nostrum in conspéctu tuo hódie, ut pláceat tibi, **Dómine Deus**.

Deinde versus ad populum in cornu **Evangelii**, dicit more solito:

Oráte fratres, ut meum, ac vestrum sacrificium acceptábile fiat apud **Deum Patrem** omnipotentem.


Et per eandem viam revertitur, non perficiens circulum: et consequenter, omissis aliis, dicit:




Orémus. Præcéptis salutáribus




móniti, et divína insti-




tu ti ó ne formáti, au dé mus



dícere. **P**ater noster, qui es



in coelis: sancti fi cé tur nomen



tuum: ad véniat re gnum tuum:

Feria vi. in Parasceve.



R. Sed líbera nos à ma lo.

Sacerdos, sub silentio dicto, Amen. eadem voce, qua dixit, **P**ater noster. absolute sine **O**rémus, in tono **O**rationis **Missæ** ferialis dicit:

Libera nos, quæsumus **Dómine**, ab ómnibus malis, præteritis, præsentibus, et futúris: et intercedente beáta et gloriósa semper **Vírgine Dei** genitríce **María**, cum beáteis **Apóstolis** tuis **Petro** et **Paulo**, atque **Andréa**, et ómnibus **Sanctis**, (**non signat se patena**) da propítius pacem in diébus nostris; ut ope misericórdiæ tuæ adjúti, et à peccáto simus semper líberi, et ab omni perturbatióne secúri. Per eúmdem **Dóminum** nostrum etc. **R.** Amen.

Tunc Celebrans, facta reverentia, usque ad terram, supponit Patenam Sacramento, quod in dextera accipiens, elevat ut videri possit a populo: et statim supra Calicem dividit in tres partes, quarum ultimam mittit in Calicem more solito, nihil dicens. Pax Dómini, non dicitur, nec Agnus Dei, neque pacis osculum datur. Postmodum prætermisiss duabus primis Orationibus, dicit tantum sequentem:

Percéptio Córporis tui, **Dómine Jesu Christe**, quod ego indignus súmerere præsumo, non mihi provéniat in iudícium et condemnatióem: sed pro tua pietáte prosit mihi ad tutaméntum mentis et córporis, et ad medélam percipiéndam. Qui vivis et regnas cum **Deo Patre** in unitáte etc.

Tum genuflectit, et accipit patenam cum Corpore Christi: et maxima humilitate ac reverentia dicit: Panem cœléstem accípiam, et nomen Dómini invocábo. Percutit pectus suum, ter dicens: Dómine non sum dignus, ut intres sub tectum meum: sed tantum dic verbo, et sanábitur ánima mea. Postea signat se Sacramento, dicens: Corpus Dómini nostri Jesu Christi custódiat ánimam meam in vitam ætérnam. Amen.

Et sumit Corpus reverenter.

Deinde, omissis omnibus, quæ dici solent ante sumptionem Sanguinis, immediate particulam Hostiæ cum vino reverenter sumit de Calice. Et, more solito facta ablutione digitorum, et sumpta purificatione, in medio Altaris inclinatus, manibus junctis, dicit:

Quod ore sumpsimus Dómine, pura mente capiámus, et de múnere temporáli fiat nobis remédium sempitérnum.

Non dicitur, Corpus tuum, Dómine, nec Postcommunio, nec Pláceat tibi, nec datur benedictio: sed facta reverentia Altari, Sacerdos cum ministris discedit: et dicuntur Vesperæ sine cantu: et denudatur Altare.

SABBATO SANCTO.

Statio ad sanctum Joannem in Laterano.

Hora competenti cooperiuntur Altaria, et dicuntur Horæ, candelis Altaris extinctis usque ad principium Missæ. Interim excutitur ignis de lapide foris Ecclesiam, et ex eo accenduntur carbones.

Dicta Nona, Sacerdos indutus amictu, alba, cingulo, stola, et pluviali violaceo, vel sine casula, astantibus sibi ministris cum Cruce, aqua benedicta, et incenso, ante portam Ecclesiæ, si commode potest, vel in ipso aditu Ecclesiæ benedicit novum ignem, dicens:

V. Dóminus vobiscum.

R. Et cum spíritu tuo.

Orémus.

Oratio.

Deus, qui per Fílium tuum, angularem scilicet lapidem, claritatis tuæ ignem fídelibus contulisti: productum e sílice, nostris profuturum úsibus, novum hunc ignem sancti + fica: et concéde nobis, ita per hæc festa Paschália cœlestibus desideriis inflammári; ut ad perpétuæ claritátis, puris méntibus, valeámus festa pertingere. Per eúndem Christum Dóminum nostrum.

R. Amen. **Orémus.**

Domine Deus, Pater omnipotens, lumen indeficiens, qui es conditor ómnium lúminum: béne + dic hoc lumen, quod à te sanctificátum, atque benedictum est, qui illuminásti omnem mundum: ut ab eo lúmine accendámur, atque illuminémur igne claritátis tuæ: et sicut illuminásti Móysen exeúntem de Ægypto, ita illúmines corda, et sensus nostros: ut ad vitam, et lucem ætérnam pervenire mereámur. Per Christum Dóminum nostrum. **R.** Amen.

Orémus.

Domine sancte, Pater omnipotens, ætérne Deus: benedicén-

tibus nobis hunc ignem in nómine tuo, et unigéniti Fílii tui Dei, ac Dómini nostri Jesu Christi, et Spíritus sancti, cooperári dignéris: et ádjuva nos contra igníta tela inimíci, et illústra grátia cœlesti. Qui vivis et regnas cum eódem Unigénito tuo, et Spíritu sancto, Deus: per ómnia sæcula sæculórum. **R.** Amen.

Deinde benedicit quinque grana incensi ponenda in Cereo, dicens absolute hanc Orationem.

VEniat, quæsumus, omnipotens Deus, super hoc incensum larga tuæ bene + dictionis infúsis: et hunc noctúrnum splendórem invisibilis regenerátor accénde; ut non solum sacrificium, quod hac nocte litátum est, arcána lúminis tui admixtióne refúlgeat; sed in quocúmque loco ex hujus sanctificatiónis mystério áliquid fúerit deportátum, expúlso diabólicæ fraudis nequítia, virtus tuæ majestátis assístat. Per Christum Dóminum nostrum. **R.** Amen.

¶ Dum benedicit grana incensi, Acolythus assumens de carbonibus benedictis ponit in thuribulo: et finita Oratione supradicta, Sacerdos de navicula ponit incensum in thuribulo, benedicens illud more solito: deinde prædicta grana incensi, et ignem ter aspergit aqua benedicta, dicens: Aspérge me Dómine, sine cantu, et sine Psalmo, et ter adolet incenso.

Interim omnia luminaria Ecclesiæ extinguuntur, ut de igne benedicto postmodum accendantur. Tum Diaconus indutus Dalmatica albi coloris, accipit arundinem cum tribus candelis in summitate illius, triangulo distinctis. Præcedit Thuriferarius cum Acolytho deferente in vase quinque grana incensi: sequitur Subdiaconus Tunicella indutus violacei coloris, cum Cruce, et Clerus per ordinem: deinde Diaconus cum arundine, post eum Celebrans. Cum Diaconus ingressus est Ecclesiam, inclinatur arundinem, et Acolythus deferens can-

Benedictio Cerei.

delam accensam de novo igne, accendit unam ex illis tribus candelis de super positis: et Diaconus elevans arundinem, genuflectit, similiter et omnes alii cum eo, præter Subdiaconum Crucem ferentem: et cantat solus:




Lumen Christi. **R.** Deo grátias.

Et procedens ad medium Ecclesiæ, ibi accenditur alia candela: et iterum genuflexus, ut supra, altius cantat: **Lumen Christi. R. Deo grátias.**

Tertio procedit ante Altare, ubi accenditur tertia candela: et rursum genuflexus, ut prius, adhuc altius dicit: **Lumen Christi. R. Deo grátias.**

Deinde Celebrans ascendit ad Altare in cornu Epistolæ, et Diaconus dat arundinem uni Acolytho: et accipiens librum, petit a Celebrante benedictionem, ut fit ad Evangelium, Sacerdote dicente: Dóminus sit in corde tuo, et in lábiis tuis: ut digne, et competenter annúnties suum Paschále præcónium: In nómine Patris, et Fílii, † et Spíritus sancti. Amen.

Postea vadit ad pulpitem, et ponit super eo librum, et incensat. A dextris Diaconi stent Subdiaconus cum Cruce, et Thuriferarius: a sinistris duo Acolythi, ille qui tenet arundinem, et alius tenens in vase quinque grana incensi benedicti figenda in Cereo. Tunc, surgentibus omnibus, et stantibus ut fit ad Evangelium, Diaconus cantat:




EXúltet jam Angélica turba




cœló rum: e xúltent dí vína



mystéria: et pro tanti Regis




vi ctó ria, tu ba ínsonet salu-




tá ris. Gáu de at et tellus




tantis irra di á ta ful gó ri bus:




et æ té rni Regis splendóre il lu-



strá ta, to tí us orbis se sén-




ti at a mi sí s se ca lí-




ginem. Læ té tur et mater Ec-



clésia, tanti lú minis adorná ta



ful gó ri bus: et magnis po pu-



ló rum vó ci bus hæc au la



re súl tet. Qua pró pter ad-

Benedictio Cerei.

stántes vos, fratres caríssimi,

ad tam miram hujus sancti lú-

minis claritá tem, una me cum,

quæso, Dei omnipotén tis mi-

se ri cór diam in vo cá te.

Ut qui me non me is mé ri tis

in tra Le vi tá rum nú me rum

dignátus est aggre gá re: lú mi-

nis sui cla ritá tem in fún dens,

Cé rei hujus lau dem implére

per fí ci at. Per Dó mi num

nostrum Jesum Christum Fí lium

su um: qui cum eo vivit et

re gnat in u ni tá te Spí ri tus

san cti De us.

P Er ómnia sæ cula sæ culó rum.

R. Amen. **V.** Dóminus vobis cum.

R. Et cum spí ri tu tu o.

V. Sursum cor da. **R.** Ha bé mus

ad Dó mi num. **V.** Grá tias agá-


mus Dó mi no De o no stro.

R. Di gnum, et ju stum est.


V ere dignum, et ju stum est,

in vi sí bi lem De um Pa trem


Benedictio Cerei.




o mni po tén tem, Fi li úm que



e jus u ni gé ni tum, Do mi num




nostrum Je sum Chri stum, toto




cordis ac mentis a ffé ctu, et vo-




cis mi ni sté ri o per so ná re.




Qui pro no bis æ té r no Pa tri,




Adæ dé bi tum sol vit: et vé-




te ris pi á cu li cau ti ó nem




pi o cru ó re de tér sit.




Hæc sunt e nim fe sta Pa-




schá li a, in qui bus ve rus il le




A gnus oc cí di tur, cu jus




sán gui ne po stes fi dé li um




con se crán tur. Hæc nox



est, in qua primum patres no-




stros fí li os I sra el e dú ctos




de Æ gy pto, Ma re




rubr um sicco ve stí gi o tran sí-




re fe cí sti. Hæc í gi-




tur nox est, quæ pec ca tó rum




té ne bras, co lú mnæ il lu mi-



na ti ó ne pur gá vit. Hæc




nox est, quæ hó di e per u ni-




vér sum mun dum, in Christo


Benedictio Cerei.




cre den tes, a ví ti is sáe cu-




li, et ca lí gi ne pec ca tó rum




se gre gá tos, red dit grá-




ti æ, só ci at san cti tá ti.




Hæc nox est, in qua destrú-




ctis vín cu lis mor tis, Christus




ab ín fe ris vi ctor a scén dit.




Ni hil e nim no bis na sci pró-




fu it, ni si ré di mi pro fu ís set.



O mira cir ca nos tu æ pi e-



tá tis di gná ti o! O in æ stimá-




bi lis di lé cti o ca ri tá tis: ut




servum redímeres, Fí li um tra-




di dí sti! O certe neces sá rium




Adæ pec cá tum, quod Christi




mo rte de lé tum est! O




fe lix cul pa, quæ talem, ac tantum




mé ru it ha bé re Re demp tó rem!




O vere be á ta nox, quæ




sola méruit scire témpus et ho-




ram, in qua Christus ab ínferis



re surré xit! Hæc nox est, de



qua scriptum est: Et nox sicut dies



il lu mi ná bi tur: Et nox il lumi-

Benedictio Cerei.

ná ti o mea in de lí ci is me is.

Hujus í gitor sancti ficáti o no-

ctis, fu gat scé le ra, cul pas

la vat: et reddit innocéntiam

la psis, et mœstis læ tí ti am.

Fu gat ó di a, con cór di am

pa rat, et cur vat im pé ri a.

Hic Diaconus infigit quinque grana incensi benedicti in Cereo in modum Crucis, hoc ordine.

1
4 2 5
3

In hujus í gitor noctis gráti a, sú-

scipe sancte Pater, incénsi hujus

sa cri fí ci um vesper tí num: quod

tibi in hac Cé rei ob la ti ó ne so-

lémni, per ministrórum manus de

o pé ri bus a pum, sacrosáncta

red dit Ecclé si a. Sed jam co-

lúmnæ hujus præ có ni a nó vi-

mus, quam in honórem De i rú-

ti lans i gnis ac cén dit.

Hic Diaconus accendit Cereum cum una ex tribus candelis in arundine positis.

Qui licet sit divísus in pa rtes, mu-

tu á ti tamen lúminis detrimén ta

non no vit. A li tur enim liquánti-

bus ce ris, quas in sub stán ti am

Benedictio Cerei.

pre ti ó s æ hujus lám padis, a pis

ma ter e dú xit.

Hic
accenduntur
lampades.

O vere be á ta nox, quæ expo-

li á vit Æ gy ptios, dit á vit He-

bræ os! Nox, in qua terrénis cœ lé-

stia, humá nis di ví na jungú ntur.

O rá mus ergo te Dó mine: ut Cé re-

us iste in honó rem tui nó minis con-

se crá tus, ad noctis hujus calí gi-

nem de struén dam, inde fí ci ens

per se vé ret. Et in odó rem su a-

vitá tis ac cé ptus, supér nis lumi-

ná ribus mi sce á tur. Flam mas

e jus lú ci fer ma tu tí nus in vé-

ni at. Ille, in quam, lú ci fer, qui

ne scit oc cá sum. Ille, qui regrés-

sus ab ín feris, humá no gé neri se-

ré nus il lú xit. Pre cá mur er-

go te Dó mi ne: ut nos fá mu-

los tu os, om ném que cle rum,


et de vo tí simum pó pu lum:

u na cum be a tí si mo Pa pa


no stro **N.** et An tí sti te

no stro **N.** qui é te tém-


Benedictio Cerei.




po rum con cés sa, in his




Pas chá li bus gáu di is, as sí-




du a pro te cti ó ne ré ge re,



gu ber ná re, et con ser vá re




di gné ris. Rés pi ce é ti am




ad de vo tís si mum * Im pe-


Si non est coronatus dicatur,
* **eléctum Imperatórem.**




ra tó rem no strum **N.**




cujus tu Deus de si dé ri i vo ta




prænóscens, in ef fá bi li pi e tá-




tis, et mi se ri cór di æ tu æ



mú ne re, tran quil lum per pé-




tu æ pa cis ac cóm mo da: et




cœ lé stem vi ctó ri am cum omni




pó pu lo su o. Per e úm dem




Dóminum nostrum Jesum Chri-




stum Fí li um tu um: Qui tecum




vi vit et regnat in unitáte Spí-



ri tus san cti De us: per ó-



mni a sæ cu la sæ cu ló rum.



R. A men.

¶ **Completa benedictione Cerei, Diaconus, depositis albis, sumit violacea paramenta, et vadit ad Celebrantem: qui exuitur pluviali, et sumit manipulum, et casulam violacei coloris. Postea leguntur Prophetiæ sine titulo nec in earum fine respondetur Deo grátias, et Celebrans legit eas submissa voce ad altare in cornu Epistolæ. In fine Prophetiarum dicuntur Orationes modo subscripto.**

Ante, vel interim dum Prophetiæ leguntur, Presbyteri catechizent cathecumenos baptizandos, et præparent ad baptismum.

Prophetia prima. Gen. 1. et 2.

IN principio creávit Deus cœlum, et terram. Terra autem erat inánis, et vácuá, et tenebræ erant super fáciem abyssi: et Spíritus Dei ferebátur super aquas. Dixítque Deus: Fiat lux. Et facta est lux. Et vidit Deus lucem quod esset bona: et divisit lucem à tenebris. Appellavítque lucem Diem, et tenebras Noctem: factúmque est vespere, et mane, dies unus. Dixit quoque Deus: Fiat firmaméntum in médio aquárum: et dividat aquas ab aquis. Et fecit Deus firmaméntum, divisítque aquas, quæ erant sub firmaménto, ab his, quæ erant super firmaméntum. Et factum est ita. Vocavítque Deus firmaméntum, Cœlum: et factum est vespere, et mane, dies secúndus. Dixit vero Deus: Congregéntur aquæ, quæ sub cœlo sunt, in locum unum: et appáreat árida. Et factum est ita. Et vocávit Deus áridam, Terram: congregationésque aquárum appellávit Mária. Et vidit Deus quod esset bonum. Et ait: Gérminet terra herbam viréntem, et faciéntem semen, et lignum pomíferum fáciens fructum juxta genus suum, cujus semen in semetípso sit super terram. Et factum est ita. Et prótulit terra herbam viréntem, et faciéntem semen juxta genus suum, lignúmque fáciens fructum, et habens unumquódque seméntem secúndum spéciem suam. Et vidit Deus, quod esset bonum. Et factum est vespere, et mane, dies tértius. Dixit autem Deus: Fiant luminária in firmaménto cœli, et dividant diem, ac noctem, et sint in signa, et témpora, et dies, et annos: ut lúceant in firmaménto

cœli, et illúminent terram. Et factum est ita. Fecítque Deus duo luminária magna: lumináre majus, ut præéssset diéi: et lumináre minus, ut præéssset nocti: et stellas. Et pósuit eas in firmaménto cœli, ut lucérent super terram, et præéssent diéi, ac nocti, et divíderent lucem, ac tenebras. Et vidit Deus, quod esset bonum. Et factum est vespere, et mane, dies quartus. Dixit étiam Deus: prodúcant aquæ réptile ánimæ vivéntis, et volátile super terram sub firmaménto cœli. Creavítque Deus Cete grándia, et omnem ánimam vivéntem atque motábilem, quam prodúxerant aquæ in espécies suas, et omne volátile secúndum genus suum. Et vidit Deus, quod esset bonum. Benedixítque eis, dicens: Créscite, et multiplicámini, et repléte aquas maris: avésque multiplicéntur super terram. Et factum est vespere, et mane, dies quintus. Dixit quoque Deus: Prodúcat terra ánimam vivéntem in génere suo: juménta, et reptília, et béstias terræ secúndum espécies suas. Factúmque est ita. Et fecit Deus béstias terræ juxta espécies suas, et juménta, et omne réptile terræ in génere suo. Et vidit Deus, quod esset bonum, et ait: Faciámus hóminem ad imáginem, et similitúdinem nostram: et præsit píscibus maris, et volatílibus cœli, et béstis, universæque terræ, omnique réptili, quod movétur in terra. Et creávit Deus hóminem ad imáginem suam: ad imáginem Dei creávit illum, másculum, et féminam creávit eos. Benedixítque illis Deus, et ait: Créscite, et multiplicámini, et repléte terram, et subjícite eam, et dominámini píscibus maris, et volatílibus cœli, et univérssis animántibus, quæ movéntur super terram. Dixítque Deus: Ecce dedi vobis omnem herbam afferéntem semen super terram, et univérssa ligna, quæ habent in semetípsis seméntem géneris sui, ut sint vobis in escam: et cunctis ani-

Sabbato sancto.

mántibus terræ, omnique vóluceri cœli, et univêrsis, quæ movéntur in terra, et in quibus est ánima vivens, ut hábeant ad vescéndum. Et factum est ita. Vidítque Deus cuncta, quæ fécerat: et erant valde bona. Et factum est véspere, et mane, dies sextus. Igitur perfécti sunt cœli, et terra, et omnis ornátus eórum. Complevítque Deus die séptimo opus suum, quod fécerat: et requiévít die séptimo ab univêrso ópere, quod patrárat.

Qua completa, Sacerdos dicit: Orémus. Diaconus. Flectámus génua. et Subdiaconus. Leváte.

Oratio.

DEus, qui mirabíliter creásti hóminem, et mirabílius redemísti: da nobis, quæsumus, contra oblectaménta peccáti, mentis ratióne persístere, ut mereámur ad ætérna gáudia perveníre. Per Dóminum.

Prophetia secunda. Gen. 5. 6. 7. et 8.

NOe vero cum quingentórum esset annórum, genuit Sem, Cham, et Japheth. Cumque cœpissent hómines multiplicári super terram, et filias procreássent, vidéntes filii Dei filias hóminum, quod essent pulchræ, acceperunt sibi uxóres ex ómnibus, quas elégerant. Dixítque Deus: Non permanébit spíritus meus in hómine in ætérnum, quia caro est: erúntque dies illíus centum vigínti annórum. Gigántes autem erant super terram in diébus illis. Postquam enim ingrèssi sunt filii Dei ad filias hóminum, illæque genuérunt, isti sunt poténtes à sæculo viri famósi. Videns autem Deus, quod multa malítia hominum esset in terra, et cuncta cogitátio cordis inténta esset ad malum omni témpore, pœnítuit eum, quod hóminem fecísset in terra. Et tactus dolore cordis intrínsecus, Delébo, inquit, hóminem, quem creávi, à fácie terræ, ab hómine usque ad

animántia, à réptili usque ad vólucres cœli, pœnitet enim me fecísse eos. Noe vero invénit grátiam coram Dómino. Hæ sunt generatiónes Noe: Noe vir justus atque perféctus fuit in generatióibus suis, cum Deo ambulávit. Et genuit tres filios, Sem, Cham, et Japheth. Corrúpta est autem terra coram Deo, et repléta est iniquitáte. Cumque vidísset Deus terram esse corrúptam (omnis quippe caro corrúperat viam suam super terram), dixit ad Noe: Finis univêrsæ carnis venit coram me: repléta est terra iniquitáte à fácie eórum, et ego dispérdam eos cum terra. Fac tibi arcam de lignis lævigátis: mansiúnculas in arca fácies, et bitúmine líneas intrínsecus et extrínsecus. Et sic fácies eam: Trecentórum cubitórum erit longitúdo arcæ, quinquagínta cubitórum latitúdo, et trigínta cubitórum altitúdo illíus. Fenéstram in arca fácies, et in cúbito consummábis summitátem ejus: óstium autem arcæ pones ex látere: deórsum coenácula, et tristega fácies in ea. Ecce ego addúcam aquas dilúvii super terram, ut interficiam omnem carnem, in qua spíritus vitæ est subter cœlum. Univêrsa quæ in terra sunt, consuméntur. Ponámque fœdus meum tecum: et ingrediéris arcam tu, et filii tui, uxor tua, et uxóres filiórum tuórum tecum. Et ex cunctis animántibus univêrsæ carnis bina indúces in arcam, ut vivant tecum: masculíni sexus, et feminíni. De volúcribus juxta genus suum, et de juméntis in génere suo, et ex omni réptili terræ secúndum genus suum: bina de ómnibus ingrediéntur tecum, ut possint vívere. Tolles igitur tecum ex ómnibus escis, quæ mandi possunt, et comportábis apud te: et erunt tam tibi, quam illis in cibum. Fecit igitur Noe ómnia, quæ præcéperat illi Deus. Erátque sexcentórum annórum, quando dilúvii aquæ inundavérunt super terram. Rupti sunt omnes fontes abyssi

magnæ, et cataractæ cœli apértæ sunt: et facta est plúvia super terram quadragínta diébus, et quadragínta nóctibus. In artículo diéi illius ingrêssus est Noe, et Sem, et Cham, et Japheth, filii ejus, uxor illius, et tres uxóres filiórum ejus cum eis in arcam: ipsi, et omne ánimál secúndum genus suum, univérsaque juménta in génere suo, et omne, quod movétur super terram in génere suo, cunctúmque volátile secúndum genus suum. Porro arca ferebátur super aquas. Et aquæ prævaluérunt nimis super terram: opertíque sunt omnes montes excélsi sub univérso cœlo. Quíndecim cúbitis áltior fuit aqua super montes, quos operúerat. Consúmptaque est omnis caro, quæ movebátur super terram, vólucrum, animántium, bestiárum, omniúmque reptílium, quæ reptant super terram. Remánsit autem solus Noe, et qui cum eo erant in arca. Obtinuerúntque aquæ terram centum quinquagínta diébus. Recordátus autem Deus Noe, cunctorúmque animántium, et ómnium jumentórum, quæ erant cum eo in arca, addúxit spíritum super terram, et imminútæ sunt aquæ. Et clausi sunt fontes abyssi, et cataractæ cœli: et prohibítæ sunt plúviæ de cœlo. Reversæque sunt aquæ de terra eúntes, et redeúntes: et cœpérunt mínui post centum quinquagínta dies. Cumque transíssent quadragínta dies, apériens Noe fenéstam arcæ, quam fécerat, dimísit corvum, qui egrediebátur, et non revertebátur, donec siccaréntur aquæ super terram. Emísit quoque colúmbam post eum, ut vidéret si jam cessássent aquæ super fáciem terræ. Quæ cum non invenísset ubi requiérceret pes ejus, revérta est ad eum in arcam: aquæ enim erant super univérsum terram: extendítque manum, et apprehénsam íntulit in arcam. Expectátis autem ultra septem diébus áliis, rursum dimísit colúmbam ex arca. At illa venit ad eum ad

vésperam, portans ramum olívæ viréntibus fóliis in ore suo. Intelléxit ergo Noe, quod cessássent aquæ super terram. Expectavítque nihilóminus septem álios dies: et emísit colúmbam, quæ non est revérta ultra ad eum. Locútus est autem Deus ad Noe, dicens: Egrédere de arca, tu, et uxor tua, filii tui, et uxóres filiórum tuórum tecum. Cuncta animántia, quæ sunt apud te, ex omni carne, tam in volatílibus, quam in béstiis, et univérsis reptílibus, quæ reptant super terram, educ tecum, et ingredimini super terram: créscite, et multiplicámini super eam. Egréssus est ergo Noe, et filii ejus, uxor illius, et uxóres filiórum ejus cum eo. Sed et ómnia animántia, juménta, et reptília, quæ reptant super terram, secúndum genus suum, egréssa sunt de arca. Ædificávit autem Noe altáre Dómino: et tollens de cunctis pecóribus, et volúcribus mundis, obtulit holocáusta super altáre. Odoratúsque est Dóminus odórem suavitátis.

Orémus. Flectámus génua.

R. Leváte. **Oratio.**

Deus incommutábilis virtus, et lumen ætérnum: respice propítius ad totíus Ecclésiæ tuæ mirábile sacraméntum, et opus salutis humanæ, perpétuæ dispositiónis effectú tranquíllius operáre: totúsque mundus experiátur et vídeat, dejécta érigi, inveteráta renovári, et per ipsum redíre ómnia in íntegrum, à quo sumpsére princípium: Dóminum nostrum Jesum Christum Fílium tuum: Qui tecum vivit.

Prophetia tertia. Gen. 22.

IN diébus illis: Tentávit Deus Abraham, et dixit ad eum: Abraham, Abraham. At ille respóndit: Adsum. Ait illi: Tolle filium tuum unigénitum, quem diligis, Isaac, et vade in terram visionis: atque ibi offeres eum in holocáustum super unum móntium, quem monstrávero tibi. Igitur Abraham de nocte consúrgens, stra-

vit ásinum suum: ducens secum duos júvenes, et Isaac filium suum. Cumque concidisset ligna in holocáustum, ábiit ad locum quem præcéperat ei Deus. Die autem tértio, elevátis óculis, vidit locum procul: dixítque ad púeros suos: Expectáte híc cum ásino: ego, et puer illuc usque properánte, postquam adoravérimus, revertémur ad vos. Tulit quoque ligna holocáusti, et impósuit super Isaac filium suum: ipse vero portábat in mánibus ignem, et gládium. Cumque duo pérgerent simul, dixit Isaac patri suo: Pater mi. At ille respóndit: Quid vis, fili? Ecce, inquit, ignis, et ligna: ubi est víctima holocáusti? Dixit autem Abraham: Deus providébit sibi víctimam holocáusti, fili mi. Pergébant ergo páriter: et venérunt ad locum, quem osténderat ei Deus, in quo ædificávit altáre, et désuper ligna compósuit: cumque alligásset Isaac filium suum, pósuit eum in altáre super struem lignórum. Extendítque manum, et arripuit gládium, ut immoláret filium suum. Et ecce Angelus Dómini de cœlo clamávit, dicens: Abraham, Abraham. Qui respóndit: Adsum. Dixítque ei: Non exténdas manum tuam super púerum, neque fácias illi quidquam: nunc cognóvi, quod times Deum, et non pepercísti unigénito filio tuo propter me. Levávit Abraham óculos suos, vidítque post tergum arietem inter vepres hæréntem córnibus, quem assúmens obtulit holocáustum pro filio. Appellavítque nomen loci illius, Dóminus videt. Unde usque hódie dicitur: In monte Dóminus vidébit. Vocávit autem Angelus Dómini Abraham secúndo de cœlo, dicens: Per memetípsum júrávi, dicit Dóminus: quia fecísti hanc rem, et non pepercísti filio tuo unigénito propter me: benedicám tibi, et multiplicábo semen tuum sicut stellas cœli, et velut arénam, quæ est in líttore maris: possidébit semen tuum portas inimicórum suórum, et

benedicéntur in sémine tuo omnes gentes terræ, quia obedísti voci meæ. Revérsus est Abraham ad púeros suos, abierúntque Bersabée simul, et habitávit ibi.

Orémus. Flectámus génuá.

R. Leváte. **O**ratio.

DEus, fidélium Pater summe, qui in toto orbe terrárum, promissionis tuæ filios diffúsa adoptionis grátia multiplicas: et per Paschále sacraméntum, Abraham púerum tuum universárum, sicut júrásti, géntium éfficis patrem: da pópulis tuis digne ad grátiam tuæ vocationis introíre. Per Dóminum.

Prophetia quarta. Exodi 14. f. et 15.

IN diébus illis: Factum est in vigília matutína, et ecce respiciens Dóminus super castra Ægyptiórum per colúmnam ignis, et nubis, interfécit exercitum eórum: et subvértit rotas cúrruum, ferebantúrque in profúndum. Dixérunt ergo Ægyptii: Fugiámus Israélem; Dóminus enim pugnat pro eis contra nos. Et ait Dóminus ad Móysen: Exténde manum tuam super mare, ut revertántur aquæ ad Ægyptios super currus, et équites eórum. Cumque extendisset Móyses manum contra mare, revérsus est primo dilúculo ad priórem locum: fugientibúisque Ægyptiis occurrérunt aquæ, et invólvit eos Dóminus in médiis flúctibus. Reversæque sunt aquæ, et operuérunt currus, et équites cuncti exercitus Pharaónis, qui sequéntes ingrési fúerant mare: nec unus quidem supérfit ex eis. Fílii autem Israel perrexérunt per médium sicci maris, et aquæ eis erant quasi pro muro à dextris et à sinístris: liberavítque Dóminus in die illa Israel de manu Ægyptiórum. Et vidérunt Ægyptios mórtuos super littus maris, et manum magnam, quam exercúerat Dóminus contra eos: tímuitque pópulus Dóminum, et credidérunt Dómino, et Móysi servo ejus.

Tunc cecinit Móyses, et filii Israel carmen hoc Dómino, et dixerunt.

Tractus. Exodi 15. Cantémus Dómino: glorióse enim honorificátus est: équum, et ascensórem projéctit in mare: adjútor, et protéctor factus est mihi in salútem.

V. Hic Deus meus, et honorificábo eum: Deus patris mei, et exaltábo eum.

V. Dóminus cónterens bella: Dóminus nomen est illi.

Orémus. Flectámus génua.

R. Leváte. **Oratio.**

DEus, cujus antiqua mirácula étiam nostris sáeculis coruscáre sentímus: dum quod uni pópulo, à persecutióne Ægyptiaca liberándo, dexteræ tuæ poténtia contulísti, id in salútem géntium per aquam regeneratiónis operáris: præsta, ut in Abrahæ filios, et in Israelíticam dignitátem, totíus mundi tránseat plenitúdo. Per Dóminum.

Prophetia quinta. Isa. 54. g 55.

HÆc est hæréditas servórum Dómini: et justítia eórum apud me, dicit Dóminus. Omnes sitiéntes veníte ad aquas: et qui non habétis argéntum, properáte, émite, et comédite: veníte, émite absque argénto, et absque ulla commutatióne, vinum, et lac. Quare appénditis argéntum non in pánibus, et labórem vestrum non in saturitáte? Audíte audiéntes me, et comédite bonum, et delectábitur in crassitúdine ánima vestra. Inclínáte aurem vestram, et veníte ad me: audíte, et vivet ánima vestra, et fériam vobíscum pactum sempitérnú mi-
sericórdias David fidéles. Ecce testem pópulis dedi eum, ducem, ac præceptórem géntibus. Ecce géntem, quam nesciébas, vocábis: et gentes, quæ te non cognovérunt, ad te current propter Dóminum Deum tuum, et sanctum Israel, quia glorificávit te. Quærite Dóminum, dum inveníri potest: invocáte eum, dum prope est. Derelinquat ímpius viam suam, et vir iníquus cogitatiónes suas, et re-

vertátur ad Dóminum, et miserébitur ejus, et ad Deum nostrum: quóniam multus est ad ignoscéndum: non enim cogitatiónes meæ, cogitatiónes vestræ: neque viæ vestræ, viæ meæ, dicit Dóminus. Quia sicut exaltántur cœli à terra, sic exaltátæ sunt viæ meæ à viis vestris, et cogitatiónes meæ à cogitatióibus vestris. Et quómodo descendit imber, et nix de cœlo, et illuc ultra non revértitur, sed inébriat terram, et infúndit eam, et germináre eam facit, et dat semen serénti, et panem comedénti: sic erit verbum meum, quod egrediétur de ore meo: non revertétur ad me vácuum, sed fáciat quæcúmque vólui, et prosperábitur in his, ad quæ misi illud: dicit Dóminus omnipotens.

Orémus. Flectámus génua.

R. Leváte. **Oratio.**

OMnipotens sempitérne Deus, multiplica in honórem nóminis tui quod patrum fidei spondísti, et promissiónis filios sacra adoptiόne diláta; ut, quod prióres sancti non dubitavérunt futúrum, Ecclesiá tua magna jam ex parte cognóscat implétum. Per Dóminum.

Prophetia sexta. Baruch 3. b

AUdi Israel mandáta vitæ: áuribus pécipe, ut scias prudentiam. Quid est Israel, quod in terra inimicórum es? Inveterásti in terra aliéna, coinquínátus es cum mórtuis: deputátus es cum descendéntibus in inférnum. Dereliquísti fontem sapiéntiæ. Nam si in via Dei ambulásses, habitásses útique in pace sempitérna. Disce ubi sit prudentia, ubi sit virtus, ubi sit intelléctus: ut scias simul ubi sit longitúrnitas vitæ, et victus, ubi sit lumen oculórum, et pax. Quis invénit locum ejus? et quis intrávit in thesauros ejus? Ubi sunt príncipes géntium, et qui dominántur super béstias, quæ sunt super terram? qui in ávibus cœli ludunt, qui argéntum thesaurízant, et aurum, in quo confidunt hómínes, et non est finis acqui-

sitionis eorum? Qui argentum fabricant, et solíciti sunt, nec est inventio operum illorum? Extermináti sunt, et ad inferos descendérunt, et alii loco eorum surrexérunt. Júvenes vidérunt lumen, et habitavérunt super terram: viam autem disciplínæ ignoravérunt, neque intellexérunt sémitas ejus, neque filii eorum suscepérunt eam, à fácie ipsórum longe facta est: non est audíta in Terra Chánaan, neque visa est in Theman. Filii quoque Agar, qui exquirunt prudéntiam, quæ de terra est, negotiátóres Merrhæ, et Theman, et fabulatóres, et exquisitóres prudéntiæ, et intelligéntiæ: viam autem sapiéntiæ nesciérunt, neque commemoráti sunt sémitas ejus. O Israel, quam magna est domus Dei, et ingens locus possessionis ejus! Magnus est, et non habet finem: excélsus, et imménsus. Ibi fuérunt gigántes nomináti illi, qui ab inítio fuérunt, statúra magna, sciéntes bellum. Non hos elégit Dóminus, neque viam disciplínæ invenérunt: proptérea perierunt. Et quóniam non habuérunt sapiéntiam, interiérunt propter suam insipiéntiam. Quis ascéndit in cœlum, et accépit eam, et edúxit eam de núbibus? Quis transfretávit mare, et invénit illam? et áttulit illam super aurum eléctum? Non est qui possit scire vias ejus, neque qui exquirat sémitas ejus: sed qui scit univérsa, novit eam, et adinvénit eam prudéntia sua: qui præparávit terram in ætérno témpore, et replévit eam pecúdis, et quadrupédibus: qui emittit lumen, et vadit: et vocávit illud, et obédit illi in tremóre. Stellæ autem dedérunt lumen in custódiis suis, et lætátæ sunt: vocátæ sunt, et dixerunt: Adsumus: et luxérunt ei cum jucunditáte, qui fecit illas. Hic est Deus noster, et non æstimábitur álius advérsus eum. Hic adinvénit omnem viam disciplínæ, et trádedit illam Jacob púero suo, et Israel dilécto suo.

Post hæc in terris visus est, et cum homínibus conversátus est.

Orémus. Flectámus génua.

R. Leváte. **Oratio.**

DEus, qui Ecclesiám tuam semper Géntium vocatióne multiplicas: concéde propítius; ut quos aqua baptísmatis ábluis, continúa protectione tueáris. **Per Dóminum.**

Prophetia septima. Ezech. 37.

IN diébus illis: Facta est super me manus Dómini, et edúxit me in spíritu Dómini: et dimisit me in médio campi, qui erat plenus óssibus: et circumdúxit me per ea in gyro: erant autem multa valde super fáciem campi, siccaque vehementer. Et dixit ad me: Fili hóminis, putasne vivent ossa ista? Et dixi: Dómine Deus, tu nosti. Et dixit ad me: Vaticináre de óssibus istis: et dices eis: Ossa árida audíte verbum Dómini. Hæc dicit Dóminus Deus óssibus his: Ecce ego intromíttam in vos spíritum, et vivétis. Et dabo super vos nervos, et succréscere fáciem super vos carnes, et superexténdam in vobis cutem: et dabo vobis spíritum, et vivétis, et sciétis quia ego Dóminus. Et prophetávi sicut præcéperat mihi: factus est autem sónitus prophetánte me, et ecce commótió, et accessérunt ossa ad ossa, unumquódque ad junctúram suam. Et vidi, et ecce super ea nervi et carnes ascendérunt: et exténta est in eis cutis désuper, et spíritum non habébant. Et dixit ad me: Vaticináre ad spíritum, vaticináre fili hóminis, et dices ad spíritum: Hæc dicit Dóminus Deus: A quátuor ventis veni spíritus, et insúfla super interféctos istos, et revivíscant. Et prophetávi sicut præcéperat mihi: et ingressus est in ea spíritus, et vixérunt: steterúntque super pedes suos exercitus grandis nimis valde. Et dixit ad me: Fili hóminis, ossa hæc univérsa, domus Israel est: ipsi dicunt: Aruérunt ossa nostra, et périit spes nostra, et abscíssi sumus. Proptérea vaticináre,

Sabbato sancto.

et dices ad eos: Hæc dicit Dóminus Deus: Ecce ego apériam túmulos vestros, et edúcam vos de sepúlchris vestris, pópulus meus: et indúcam vos in terram Israel. Et sciétis, quia ego Dóminus, cum aperúero sepúlchra vestra, et edúxero vos de túmulis vestris, pópule meus: et dédero spíritum meum in vobis, et vixeritis, et requiescere vos fáciam super humum vestram: dicit Dóminus omnipotens.

Orémus. Flectámus génua.

R. Leváte. **Oratio.**

DEus, qui nos ad celebrándum Paschále sacraméntum, utriúsque testaménti páginis ínstruis: da nobis intelligere misericórdiam tuam; ut ex perceptióne præsentium múnere, firma sit expectátio futurórum. Per Dóminum.

Prophetia octava. **Isaïæ 4.**

Apprehéndent septem mulieres virum unum in die illa, dicéntes: Panem nostrum comedémus, et vestiméntis nostris operiémur: tantúmmodo invocétur nomen tuum super nos, aufer oppróbrium nostrum. In die illa erit germen Dómini in magnificéntia, et glória, et fructus terræ sublimis, et exultátio his, qui salváti fúerint de Israel. Et erit: Omnis qui relictus fúerit in Sion, et resíduus in Jerúsalem, sanctus vocábitur, omnis qui scriptus est in vita in Jerúsalem. Si ablúerit Dóminus sordes filiárum Sion, et sánguinem Jerúsalem láverit de médio ejus, in spíritu judícii, et spíritu ardóris. Et creábit Dóminus super omnem locum montis Sion, et ubi invocátus est, nubem per diem, et fumum, et splendórem ignis flammántis in nocte: super omnem enim glóriam protéctio. Et tabernáculum erit in umbráculum diéi ab æstu, et in securitátem, et absconsiónem à túrbine, et à plúvia.

Tractus. **Isaïæ 5.** Vínea facta est dilécto in cornu, in loco úberi.

V. Et macériam circúmdedit, et circumfódit: et plantávit víneam Sorec, et ædificávit turrim in médio ejus.

V. Et tórcular fodit in ea: vínea enim Dómini Sábaoth, domus Israel est.

Orémus. Flectámus génua.

R. Leváte. **Oratio.**

DEus, qui in ómnibus Ecclésiæ tuæ filiis, sanctórum Propheetárum voce manifestásti, in omni loco dominationis tuæ, satórem te bonórum séminum, et electórum pálmitum esse cultórem: tríbue pópulis tuis, qui et vineárum apud te nómine censéntur, et ségetum; ut, spinárum, et tribulórum squalóre resecáto, digna efficiántur fruge fecúndi. Per Dóminum nostrum.

Prophetia nona. **Exodi 12.**

IN diébus illis: Dixit Dóminus ad Móysen, et Aaron in terra Ægypti: Mensis iste, vobis princípium ménsium: primus erit in ménsibus anni. Loquimini ad univérsum cœtum filiórum Israel, et dicite eis: Décima die mensis hujus tollat unusquisque agnum per famílias et domos suas. Sin autem minor est númerus, ut sufficere possit ad vescéndum agnum, assúmet vicínus suum, qui junctus est dómui suæ, juxta númerum animárum, quæ sufficere possunt ad esum agni. Erit autem agnus absque mácula, másculus, annículus: juxta quem ritum tollétis et hœdum. Et servábitis eum usque ad quartam décimam diem mensis hujus: immolabítque eum univérsa multitúdo filiórum Israel ad vésperam. Et sument de ságuine ejus, ac ponent super utrúmque postem, et in superlimináribus domórum, in quibus cómedent illum. Et edent carnes nocte illa assas igni, et ázynos panes cum lactúcis agréstibus. Non comedétis ex eo crudum quid, nec coctum aqua, sed tantum assum igni: caput cum pédibus ejus, et intestínis vorábitis. Nec remanébit quidquam ex eo usque mane. Si quid resíduum fúerit, igne combu-

Sabbato sancto.

rétis. Sic autem comedétis illum: **R**enes vestros accingétis, et calceaménta habébitis in pédibus, tenéntes báculos in mánibus, et comedétis festinánter: est enim **Phase** (id est tránsitus) **Dómini**.

Orémus. Flectámus génua.

R. Leváte. **Oratio.**

OMnípotens sempitérne Deus, qui in ómnium óperum tuórum dispensatióne mirábilis es: intélligant redémpti tui, non fuisse excellentius quod iníitio factus est mundus, quam quod in fine sæculórum **Pascha** nostrum immolátus est **Christus**: Qui tecum vivit etc.

Prophetia decima. Jonæ 3.

IN diébus illis: Factum est verbum **Dómini** ad **Jonam** **Prophétam** secúndo, dicens: Surge, et vade in **Níniven** civitátem magnam: et prædica in ea prædicationem, quam ego loquor ad te. Et surrexit **Jonas**, et abiit in **Níniven** juxta verbum **Dómini**. Et **Nínive** erat civitas magna itinere diérum trium. Et cœpit **Jonas** introíre in civitátem itinere diéi unius: et clamávit, et dixit: Adhuc quadraginta dies, et **Nínive** subvertétur. Et credidérunt viri **Ninivítæ** in **Deum**: et prædicavérunt jejúnium, et vestíti sunt saccis à majóre usque ad minórem. Et pervénit verbum ad regem **Nínive**: et surrexit de sólio suo, et abjécit vestiméntum suum à se, et indútus est sacco, et sedit in cínere. Et clamávit, et dixit in **Nínive** ex ore regis, et princípum ejus, dicens: **Hómines**, et juménta, et boves, et pécora non gustent quidquam: nec pascántur, et aquam non bibant. Et operiántur saccis hómines, et juménta, et clament ad **Dóminum** in fortitúdine, et convertátur vir à via sua mala, et ab iniquitáte, quæ est in mánibus eórum. Quis scit, si convertátur, et ignóscat **Deus**: et revertátur à furóre iræ suæ, et non peribimus? Et vidit **Deus** ópera eórum, quia convérsi

sunt de via sua mala: et misértus est pópulo suo, **Dóminus Deus** noster.

Orémus. Flectámus génua.

R. Leváte. **Oratio.**

DEus, qui diversitátem **Géntium** in confessiône tui nóminis adunásti: da nobis, et velle, et posse quæ præcipis; ut pópulo ad æternitátem vocáto, una sit fides méntium, et píetas actiónum. Per **Dóminum**.

Prophetia undecima. Deut. 31. f

IN diébus illis: Scripsit **Móyses** cánticum, et dócuit filios **Israel**. Præcepítque **Dóminus Jósue** filio **Nun**, et ait: Confortáre, et esto robústus: tu enim introdúces filios **Israel** in **Terram**, quam pollicitus sum, et ego ero tecum. Postquam ergo scripsit **Móyses** verba legis hujus in volúmine, atque complévit: præcepít **Levítis**, qui portábant arcam fœderis **Dómini**, dicens: Tóllite librum istum, et pónite eum in látere arcæ fœderis **Dómini Dei** vestri: ut sit ibi contra te in testimónium. Ego enim scio contentiónem tuam, et cervicem tuam duríssimam. Adhuc vivénte me, et ingrediénte vobíscum, semper contentióse egístis contra **Dóminum**: quanto magis cum mórtuus fúero? Congregáte ad me omnes majóres nati per tribus vestras, atque doctóres, et loquar audiéntibus eis sermónes istos, et invocábo contra eos cœlum, et terram. Novi enim quod post mortem meam iníque agétis, et declinábitis cito de via, quam præcépi vobis: et occúrent vobis mala in extrémó témpore, quando fecéritis malum in conspéctu **Dómini**, ut irritétis eum per ópera mánuum vestrarum. Locútus est ergo **Móyses**, audiénte univérso cœtu **Israel**, verba cárminis hujus, et ad finem usque complévit.

Tractus. Deut. 32. Atténde cœlum, et loquar: et áudiat terra verba ex ore meo. **V.** Expectétur sicut plúvia elóquium meum: et descéndant sicut ros verba mea.

V. Sicut imber super gramen, et sicut nix super fœnum: quia nomen Dómini invocábo.

V. Date magnitudinem Deo nostro: Deus, vera ópera ejus, et omnes viæ ejus judícia.

V. Deus fidélis, in quo non est iníquitas: justus, et sanctus Dóminus.

Oremus. Flectámus gēnua.

R. Leváte. **Oratio.**

DEus, celsitúdo humílium, et fortitúdo rectórum: qui per sanctum Móysen púerum tuum, ita erudíre pópulum tuum sacri cárminis tui decantatióne voluísti, ut illa legis iterátio, fieret étiam nostra diréctio: éxcita in omnem justificatárum gēntium plenitúdinem poténtiam tuam, et da lætítiam, mitigándo terrórem: ut ómnium peccátis tua remissióne delétis, quod denuntiátum est in ultiónem, tránseat in salútem. Per Dóminum.

Prophetia duodecima. Dan. 3.

IN diébus illis: Nabuchodónosor rex fecit státuam áuream, altitúdine cubitórum sexagínta, latitúdine cubitórum sex, et státuit eam in campo Dura provinciæ Babylónis. Itaque Nabuchodónosor rex misit ad congregándos sátrapas, magistrátus, et júdices, duces, et tyránnos, et præféctos, omnesque príncipes regiónum, ut convenírent ad dedicatióem státuæ, quam eréxerat Nabuchodónosor rex. Tunc congregáti sunt sátrapæ, magistrátus, et júdices, duces, et tyránni, et optimátes, qui erant in potestátibus constitúti, et univérsi príncipes regiónum, ut convenírent ad dedicatióem státuæ, quam eréxerat Nabuchodónosor rex. Stabant autem in conspéctu státuæ, quam posúerat Nabuchodónosor rex, et præco clamábat valénter: Vobis dicitur pópulis, tribubus, et linguis: In hora, qua audieritis sónitum tubæ, et fistulæ, et cítharæ, sambúcæ, et psaltérii, et symphóniæ, et univérsi gēneris musicórum, cadéntes adoráte

státuam áuream, quam constituit Nabuchodónosor rex. Si quis autem non prostrátus adoráverit, eádem hora mittétur in fornácem ignis ardéntis. Post hæc igitur statim ut audierunt omnes pópuli sónitum tubæ, fistulæ, et cítharæ, sambúcæ, et psaltérii, et symphóniæ, et omnis gēneris musicórum, cadéntes omnes pópuli, tribus, et linguæ; adoravérunt státuam áuream, quam constitúerat Nabuchodónosor rex. Statimque in ipso témpore accedéntes viri Chaldæi accusavérunt Judæos, dixerúntque Nabuchodónosor regi: Rex in ætérnum vive: Tu rex posuísti decretum, ut omnis homo, qui audierit sónitum tubæ, fistulæ, et cítharæ, sambúcæ, et psaltérii, et symphóniæ, et univérsi gēneris musicórum, prostérnat se, et adóret státuam áuream: si quis autem non prócidens adoráverit, mittátur in fornácem ignis ardéntis. Sunt ergo viri Judæi, quos constituísti super ópera regiónis Babylónis, Sidrach, Misach, et Abdénago: viri isti contempsérunt, rex, decretum tuum: deos tuos non colunt, et státuam áuream, quam erexisti, non adorant. Tunc Nabuchodónosor in furóre et in ira præcépit ut adduceréntur Sidrach, Misach, et Abdénago: qui confestim addúcti sunt in conspéctu regis. Pronunciánsque Nabuchodónosor rex, ait eis: Vere ne Sidrach, Misach, et Abdénago deos meos non cólitis, et státuam áuream, quam constitui, non adorátis? Nunc ergo si estis paráti, quacúmque hora audieritis sónitum tubæ, fistulæ, cítharæ, sambúcæ, et psaltérii, et symphóniæ, omnisque gēneris musicórum, prostérnite vos, et adoráte státuam quam feci: Quod si non adoravéritis, eádem hora mittémini in fornácem ignis ardéntis: Et quis est Deus, qui erípiet vos de manu mea? Respondéntes Sidrach, Misach, et Abdénago, dixerunt regi Nabuchodónosor: Non opórtet nos de hac re respondére tibi.

Benedictio Fontis.

Ecce enim Deus noster, quem cólimus, potest eripere nos de camíno ignis ardéntis, et de mánibus tuis, o rex, liberáre. Quod si nolúerit, notum sit tibi, rex, quia deos tuos non cólimus, et státuam áuream, quam erexísti, non adorámus. Tunc Nabuchodónosor replétus est furóre, et aspéctus faciéi illíus immutátus est super Sidrach, Misach, et Abdénago, et præcépit, ut succenderétur fornax séptuplum, quam succéndi consuérat. Et viris fortíssimis de exercítu suo jussit, ut ligátis pédibus Sidrach, Misach, et Abdénago, mitterent eos in fornácem ignis ardéntis. Et conféstim viri illi vincti, cum braccis suis, et tiáris, et calceaméntis, et véstibus, missi sunt in médium fornácis ignis ardéntis: nam jússio regis urgébat: fornax autem succénsa erat nimis. Porro viros illos, qui míserant Sidrach, Misach, et Abdénago, interfécit flamma ignis. Viri autem hi tres, idest, Sidrach, Misach, et Abdénago, ceciderunt in médio camíno ignis ardéntis colligáti. Et ambulábant in médio flammæ laudántes Deum, et benedicéntes Dómino.

Hic non dicitur. Flectámus génua, sed tantum, **O**rémus.

Oratio.

OMnípotens sempitérne Deus, spes única mundi, qui Prophe-tárum tuórum præcónio, præsentium témporum declarásti mystéria: auge pópuli tui vota placátus: quia in nullo fidélium, nisi ex tua inspiratióne, provéniunt quarúmlibet increménta virtútum. Per Dóminum.

His expletis, si Ecclesia habuerit fontem Baptismalem, Sacerdos benedicturus fontem, accipit pluviale violaceum, et præcedente Cruce, cum candelabris, et Cereo benedicto accenso, descendit cum Clero, et ministris paratis ad fontem: et interim cantatur sequens

Tractus.**Psal. 41.**

Sicut cervus desid-
erat ad fontes aquá-
rum: ita desiderat á-
nima mea ad te, De-
us.

V. Siti vit ánima mea
ad Deum vi-
vum:

quando vé niam, et ap pa ré-
bo ante fá ci em

De i ? **V.** Fu é runt mi-
hi lácrymæ me æ panes
die ac no cte, dum

Benedictio Fontis.



Deinde Sacerdos antequam intret ad benedictionem fontis, dicit hanc Orationem juxta fontem. **V.** Dóminus vobíscum. **R.** Et cum spírítu tuo.

Orémus.

Oratio.

Omnípotens sempitérne Deus, respice propítius ad devotíonem pópuli renascéntis, qui sicut cervus, aquárum tuárum éxpetit fontem: et concéde propítius; ut fidei ipsíus sitis, baptísmatis mystério, ánimam, corpúsque sanctíficet. Per Dóminum nostrum. **R.** Amen.

Postea procedit ad benedictionem fontis, dicens: **V.** Dóminus vobíscum. **R.** Et cum spírítu tuo.

Orémus.


Oratio.

Omnípotens sempitérne Deus, adésto magnæ pietátis tuæ mystériis, adésto sacraméntis: et ad recreándos novos pópulos, quos tibi fons baptísmatis párturit, Spíritum adoptiónis emítte: ut quod nostræ humilitátis geréndum est ministério, virtútis tuæ impleátur efféctu. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus.


Elevans vocem in modum Præfationis prosequitur.




Benedictio Fontis.




Et licet nos tantis mystériis exe-




quéndis simus indigni: Tu tamen




grátiae tuæ dona non déserens,




étiam ad nostras preces, aures




tuæ pietátis inclínas. Deus,




cujus Spíritus super aquas, inter




ipsa mundi primórdia ferebátur:




ut jam tunc virtútem sanctifica-




ti ónis, aquárum natúra concí-




peret. Deus, qui nocéntis mundi




crímina per aquas ábluens, rege-




nerati ónis spéciem in ipsa dilú-



vi i effusi óne signásti: ut uní-




us ejusdémque eleménti mysté-




rio, et finis esset vítiis, et o-




rígido virtútibus. Réspice Dómine




in fáciem Ecclesiæ tuæ, et mul-




típlica in ea regenerati ónes




tuas, qui grátiae tuæ affluéntis




ímpetu lætíficas civitátem tuam:




fontémque baptísmatis áperis



to to orbe terrárum Géntibus




innovándis; ut tuæ majestátis




impéri o, sumat Unigéniti tui

Benedictio Fontis.



gráti am de Spíri tu san cto.


**Hic Sacerdos manu extensa dividit
aquam in modum Crucis, et eam
statim linteo extergit, dicens:**




Qui hanc aquam regenerándis ho-




mínibus præparátam, arcána




su i núminis admixti óne fe cún-




det: ut sanctificati óne concép-




ta, ab immaculáto divíni fontis




útero, in novam renáta cre a-




túram, progénies cœléstis e mér-




gat: Et quos aut sexus in córpo-




re, aut ætas discérnit in témpo-




re, omnes in unam páriat grá-




ti a mater infántiam. Procul er-




go hinc, jubénte te Dómine, o-




mnis spíritus immúndus abscédát:




procul tota nequíti a diabóli cæ




fraudis absístat. Nihil híc loci há-




beat contrá riæ vir tútis admíx-




ti o non in si di ándo: circúm vo-



let: non laténdo subrépat: non



in fi ci én do cor rúm pat.




**Aquam
manu tangit.**

Sit hæc sancta, et ínno-




cens creatúra, líbera ab omni




impugnatóris incúrsu, et totíus


Benedictio Fontis.




nequitiæ purgata discéssu. Sit




fons vivus, aqua regénerans, un-




da puríficans: ut omnes hoc la-




vácro salutífero diluéndi, ope-



rante in eis Spírítu sancto, per-




fécit purgatiónis indulgéntiam




**Facit tres cruces super
Fontem, dicens:**


consequántur.



Un de benedíco te creatúra




aquæ, per Deum † vivum, per




Deum † verum, per Deum † san-



ctum: per Deum, qui te in princí-




pio, verbo separávit ab árida:




cujus Spírítus super te ferebátur.


**Hic manu aquam dividit, et effundit
eam versus quatuor mundi
partes, dicens:**




Qui te de para dísi fonte manáre



fecit, et in quátuor flumínibus




totam terram rigáre præcépit.




Qui te in desérto amáram, sua vi-




táte ín dita fecit esse potábilem,




et sitiénti pópulo de petra pro-




dúxit. Be † nedíco te et per Je-



sum Christum Fílium ejus únicum




Dóminum nostrum: qui te in Ca-




na Galilææ signo admirábili,


Benedictio Fontis.




sua poténtia convértit in vinum.




Qui pédibus super te ambulávit:




et à Joánnē in Jordáne in te ba-




ptizátus est. Qui te una cum sán-




guine de látere suo prodúxit:




et discíplis suis jussit, ut cre-




déntes baptizaréntur in te, dicens:



I te, docéte omnes Gentes, ba-



pticántes eos in nómine Patris,



et Fílii, et Spíritus sancti.


Mutat vocem, et prosequitur in tono Lectionis.

HÆc nobis præcépta servántibus, tu Deus omnipotens clemens adésto: tu benígnus adspira.


Halat ter in aquam in modum crucis, dicens:

Tu has simplices aquas tuo ore benedicito: ut præter naturálem emundationem, quam lavándis possunt adhibere corpóribus, sint étiam purificándis méntibus efficáces.

Hic Sacerdos paululum demittit Cereum in aquam: et resumens tonum Præfationis, dicit:




Descéndat in hanc plenitúdinem




fontis, virtus Spíritus sancti.

Deinde extractum Cereum de aqua, iterum profundius mergit, aliquanto altius repetens, Descéndat in hanc. Postea Cereum rursus de aqua extractum, tertio immergens usque ad fundum, altiori adhuc voce repetit, Descéndat, ut supra. Et deinde sufflans ter in aquam, secundum hanc figuram Ψ prosequitur.




Totámque hujus aquæ substántiam,




regenerándi fecúndet efféctu.

Hic tollitur Cereus de aqua, et prosequitur:



Hic ómnium peccatórum máculæ




deleántur: híc natúra ad imá gi-




nem tuam cóndita, et ad honórem


Sabbato sancto.




su i reformáta princíp i, cunctis



vetustátis squalóribus emundé-




tur: ut omnis homo sacraméntum



hoc re generatiónis ingræssus,



in veræ innocéntiæ novam in-



fántiam re nas cá tur.

Sequentia dicit legendo.

Per Dóminum nostrum Jesum Christum Fílium tuum: qui ventúrus est judicáre vivos, et mórtuos, et sæculum per ignem. **R. Amen.**

Deinde per assistentes Sacerdotes spargitur de ipsa aqua benedicta super populum. Et interim unus ex ministris Ecclesiæ accipit in vase aliquo de eadem aqua ad aspergendum in domibus, et aliis locis. His peractis, Sacerdos qui benedicit fontem, infundit de oleo Catechumenorum in aquam in modum crucis, intelligibili voce, dicens:

Sanctificétur, et fecundétur fons iste óleo salútis renascéntibus ex eo, in vitam ætérrnam. R. Amen.

Deinde infundit de Chrismate, modo quo supra, dicens:


Infúsió Chrismatis Dómini nostri Jesu Christi, et Spíritus sancti Parácliti, fiat in nómine sanctæ Trinitátis. R. Amen.

Postea accipit ambas ampullas dicti olei sancti, et Chrismatis, et de utroque simul in modum crucis infundendo, dicit:


Commíxtio Chrismatis sanctificatiónis, et ólei unctiόνis, et aquæ baptismatis, páriter fiat, in nómine Patris, et Fílii, et Spíritus sancti. R. Amen.

Tunc miscet ipsum oleum cum aqua et spargit manu sua per omnem fontem. Si aderunt baptizandi, eos baptizet more consueto. Deinde revertentibus Sacerdote, et ministris ad Altare, cantantur Litaníæ a duobus Cantoribus, et Chorus idem simul repetit, ut dicitur infra.

Ubi vero non est fons Baptismalis, finita ultima Prophetia cum sua Oratione Celebrans casulam deponit, et cum ministris ante Altare procumbit: et aliis omnibus genuflexis, cantantur Litaníæ in medio Chori a duobus Cantoribus, utroque Choro idem simul respondente. Cum autem perventum fuerit ad V. Peccatóres, Terrogámus. Sacerdos, et ministri surgunt, et accedentes ad Sacristiam, induuntur paramentis albi coloris pro Missa solemniter celebranda: et interim accenduntur luminaria in Altari. In fine Litaniarum cantantur solemniter, Kyrie eléison. et repetuntur, ut in Missa moris est.




KY ri e e lé i son. **Christe**



e lé i son. **K**y ri e e lé i son.




Christe áudi nos. Christe exáudi nos.




Pater de cœlis Deus, Miserére nobis.


Sabbato sancto.




Fili Redemptor mundi Deus,




Mi se ré re nobis. **S**pí ri tus




san cte De us, Mi se ré re nobis.



San cta Trí ni tas u nus De us,



Mi se ré re nobis.



San cta Ma rí a, Ora pro nobis.

San cta Dei génitrix, ora.

San cta Virgo Vírginum, ora.

San cte Mí chael, ora.

San cte Gábriel, ora.

San cte Rá phael, ora.

Omnes sancti Angeli, et Archánge-
li, oráte pro nobis.

Omnes sancti beatórum spirítuum
órdines, oráte.

San cte Joá nnes Baptí sta, ora.

San cte Jose ph, ora.

Omnes sancti Patriárchæ, et Pro-
phétæ, oráte pro nobis.

San cte Petre, ora.

San cte Paule, ora.

San cte Andréa, ora.

San cte Joá nnes, ora.

Omnes sancti Apóstoli, et Evange-
lístæ, oráte pro nobis.

Omnes sancti Discípuli Dómini, oráte.

San cte Sté phane, ora.

San cte Lauré nti, ora.

San cte Vincé nti, ora.

Omnes sancti Má rtyres, oráte.

San cte Silvéster, ora.

San cte Gregóri, ora.

San cte Augustí ne, ora.

Omnes sancti Pontífices, et Confes-
sóres, oráte.

Omnes sancti Doctóres, oráte.

San cte Antóni, ora.

San cte Benedíc te, ora.

San cte Domínice, ora.

San cte Francí sce, ora.

Omnes sancti Sacerdótes, et Levi-
tæ, oráte pro nobis.

Omnes sancti Mónachi, et Eremítæ,
oráte pro nobis.

San cta Ma rí a Magdalé na, ora.

San cta Agnes, ora.


San cta Cæ cí lia, ora.

San cta Agatha, ora.

San cta Anastásia, ora.

Omnes sanctæ Ví rgines, et Ví duæ,
oráte pro nobis.

Omnes sancti, et sanctæ Dei, Inter-
cé dite pro nobis.



Propí tius esto, Parce nobis Dómine.

Propí tius esto, Exáudi nos Dómine.

Ab omni malo, Líbera nos Dómine.

Ab omni peccáto, líbera.

A morte perpétua, líbera.

Per mystérium sanctæ incarnatió-
nis tuæ, líbera.

Per advéntum tuum, líbera.

Per nativitátem tuam, líbera.

Per baptísmum, et sanctum jejúni-
um tuum, líbera.

Per crucem, et passióem tuam, lí-
bera nos Dómine.

Per mortem, et sepultúram tuam, lí-
bera nos Dómine.

Per sanctam resurrectionem tuam,
líbera nos Dómine.

Per admirábilem ascensiónem tuam,
líbera nos Dómine.


Per advéntum Spíritus sancti Pará-
cliti, líbera nos Dómine.

In die Judícii, líbera nos Dómine.


Sabbato sancto.



Peccatóres, Te rogámus audi nos.



Ut no bis par cas, Te ro gá mus



au di nos.

Ut Ecclesiám tuam sanctam régere, et conserváre dignéris, te rogámus.

Ut domnum Apostólicum, et omnes Ecclesiásticos órdenes in sancta religióne conserváre dignéris, te rogámus, audi nos.

Ut inimicos sanctæ Ecclesiæ humiliáre dignéris, te rogámus.

Ut régibus et principibus Christiánis pacem, et veram concórdiam donáre dignéris, te rogámus.

Ut nosmetipsos in tuo sancto servítio confortáre, et conserváre dignéris, te rogámus audi nos.

Ut ómnibus benefactoribus nostris sempitérna bona retribuas, te rogámus audi nos.


Ut fructus terræ dare, et conserváre dignéris, te rogámus.

Ut ómnibus fídelibus defúctis réquiem ætérrnam donáre dignéris, te rogámus audi nos.

Ut nos exaudíre dignéris, te rogámus audi nos.




Agnus Dei, qui tollis peccáta



mundi, Parce nobis Dómine.

Agnus Dei, qui tollis peccáta mundi, Exáudi nos Dómine.

Agnus Dei, qui tollis peccáta mundi, Miserére nobis.



Christe áudi nos. **C**hriste exáudi nos.

Hic Cantores solemniter incipiunt, Kyrie eléison. Christe eléison. Kyrie eléison. et ter singula repetuntur. Interim Sacerdos cum ministris in paramentis albis accedit ad altare; et dicto Psalmo, Júdica me, cum Glória Patri, facit Confessionem, ut moris est, in loco consueto: deinde ascendens, osculatur Altare, incensat more solito, et finitis a Choro, Kyrie eléison. incipit solemniter, Glória in excélsis. et pulsantur campanæ.

Postea Sacerdos dicit: Dóminus vobiscum. R. Et cum spíritu tuo.

Orémus.

Oratio.

Deus, qui hanc sacratíssimam noctem glória Domínicæ Resurrectionis illústras: conserva in nova familiæ tuæ progénie adoptionis spíritum, quem dedísti: ut corpore et mente renováti, puram tibi exhibeant servitútem. Per eúndem Dóminum nostrum. in unitáte ejúsdem Spíritus sancti Deus etc.

Léctio Epístolæ beáti Páuli Apóstoli ad Colossenses. Coloss. 3.

Fratres: Si consurrexístis cum Christo, quæ sursum sunt quærite, ubi Christus est in dextera Dei sedens: quæ sursum sunt sápite, non quæ super terram. Mórtui enim estis, et vita vestra est abscondita cum Christo in Deo. Cum Christus apparúerit, vita vestra; tunc et vos apparebitis cum ipso in glória.

Finita Epistola Celebrans incipit:



Al le

lú ja.

Et totum decantat ter, elevando vocem gradatim: et Chorus post quamlibet vicem, in eodem tono repetit illud idem.

Sabbato sancto.

Postea Chorus prosequitur.

V. Psal. 117. Confitémini Dómino, quóniam bonus: quóniam in sǎculum misericórdia ejus.

Deinde dicitur Tractus. Psal. 116. Laudáte Dóminum omnes Gentes: et collaudáte eum omnes pópuli.

V. Quóniam confirmáta est super nos misericórdia ejus: et véritas Dómini manet in ætérnum.

Ad Evangelium non portantur luminaria, sed tantum incensum: petitur benedictio, et alia fiunt de more.

Sequéntia sancti Evangélíi secúndum Matthæum. Matth. 28.

V Espere autem sábbati, quæ lucéscit in prima sábbati, venit María Magdaléne, et áltera María vidére sepúlchrum. Et ecce terræmótus factus est magnus. Angelus enim Dómini descéndit de cælo: et accédens revólvit lápidem, et sedébat super eum: erat autem aspéctus ejus sicut fulgur: et vestiméntum ejus sicut nix. Præ timóre autem ejus extéríti sunt custódes, et facti sunt velut mórtui. Respóndens autem Angelus, dixit muliéribus: Nolíte timére vos: scio enim, quod Jesum, qui crucifíxus est, quæritis: non est híc: surréxit enim, sicut dixit. Veníte, et vidéte locum, ubi pósitus erat Dóminus. Et cito eúntes, dícite discíplis ejus, quia surréxit: et ecce præcédet vos in Galiléam: ibi eum vidébitis. Ecce prædíxi vobis.

Non dicitur, Credo. sed finito Evangelio Sacerdos dicit: Dóminus vobíscum. Postea, O rémus. Non dicitur Offertorium. Ad Lavábo, dicitur, Glória Patri.

Secreta.

Suscipe, quæsumus Dómine, preces pópuli tui, cum oblatiónibus hostiárum: ut Paschálibus initiáta mystériis, ad æternitátis nobis medélam, te operánte profícient. Per Dóminum.

Præfatio. Te quidem Dómine omni témpore, sed in hac potíssimum nocte. **ut infra.**

Infra actionem.

Communicántes, et noctem sacratíssimam celebrántes Resurrectiónis Dómini nostri Jesu Christi secúndum carnem. Sed et memóriam venerántes, in primis, gloriósæ semper Vírginis Mariæ, genitrícis ejúsdem Dei, et Dómini nostri Jesu Christi: sed et beatórum Apostolórum, ac Mártyrum tuórum, Petri et Páuli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Páuli, Cosmæ et Damiáni, et ómnium Sanctórum tuórum: quorum méritis, precibúsq; concédas, ut in ómnibus protectiónis tuæ muniámur auxílio.

Jungit manus. Per eúmdem Christum Dóminum nostrum. Amen.

Tenens manus expansas super oblata, dicit:

HAnc ígitur oblatiónem servitútis nostræ, sed et cunctæ familiæ tuæ, quam tibi offérimus pro his quoque, quos regeneráre dignátus es ex aqua et Spíritu sancto, tribuens eis remissionem ómnium peccatórum, quæsumus Dómine, ut placátus accípias: diésque nostros in tua pace dispónas, atque ab ætérna damnatióne nos éripi, et in electórum tuórum júbeas grege numerári.

Jungit manus. Per Christum Dóminum nostrum. Amen.

Quam oblatiónem etc. ut in Canone.

Dicitur Pax Dómini sit semper vobíscum, sed pacis osculum non datur.

Agnus Dei, non dicitur, nec Postcommunio: dicuntur tamen tres consuetæ Orationes ante Communionem.

Post sumptionem Sacramenti, pro Vesperis in Choro cantatur: Anti-

Sabbato sancto.

phona. Allelúja, allelúja, allelúja. et Psalmus 116.

Laudáte Dóminum, omnes Gentes, laudáte eum omnes pópuli.


Quóniam confirmáta est super nos misericórdia ejus: et véritas Dómini manet in ætérnum.

Glória Patri, et Fílio, et Spirítui sancto.

Sicut erat in princípio, et nunc, et semper, et in sæcula sæculórum. Amen.

Antiph. Allelúja, allelúja, allelúja.

Capitulum, Hymnus, et Versus non dicuntur, sed statim Celebrans in cantu incipit Antiphonam ad Magnificat.



V é spe re au tem sáb ba ti,

Et prosequitur Chorus. quæ lucéscit in prima sábbati: venit María Magdaléne, et áltera María, vidére sepúlchrum, allelúja.

Deinde cantatur Magníficat, cum Glória Patri, in fine, et fit incensatio, ut alias in Vesperis.

Repetita Antiph., Celebrans dicit:

V. Dóminus vobíscum.

R. Et cum spíritu tuo.


Oremus.

Spirítum nobis, Dómine, tuæ caritátis infúnde: ut, quos sacraméntis Paschálibus satiásti, tua fácias pietáte concórdes. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus: per ómnia sæcula sæculórum.


R. Amen.

Deinde dicit: Dóminus vobíscum.

Et Diaconus vertens se ad populum, cantat:




I te mis sa est, al le lú ja,



al le lú ja.

R. Deo grátias, allelúja, allelúja.

Et Sacerdos dicto, Pláceat tibi sancta Trínitas, etc. dat benedictionem more solito.



ORDO MISSÆ.

Sacerdos paratus cum ingreditur ad Altare, facta illi debita reverentia, signat se signo Crucis a fronte ad pectus, et clara voce dicit.

IN nómine Patris, et Filii, et Spíritus sancti. Amen.

Deinde junctis manibus ante pectus, incipit Antiphonam. Introibo ad altáre Dei.

Ministri R. Ad Deum qui lætíficat juventútem meam.

Postea alternatim cum ministris dicit sequentem Psalmum. Psal. 42.

JUdica me Deus, et discérne causam meam de gente non sancta: ab hómine iníquo, et dolóso érue me.

M. Quia tu es Deus, fortitúdo mea: quare me repulísti, et quare tristis incédo, dum afflígit me inimícus?

S. Emítte lucem tuam, et veritátem tuam: ipsa me deduxérunt, et adduxérunt in montem sanctum tuum, et in tabernácula tua.

M. Et introibo ad altáre Dei: ad Deum qui lætíficat juventútem meam.

S. Confitébor tibi in cíthara Deus, Deus meus: quare tristis es ánima mea, et quare contúrbas me?

M. Spera in Deo, quóniam adhuc confitébor illi: salutáre vultus mei, et Deus meus.

S. Glória Patri, et Fílio, et Spirítui sancto.

M. Sicut erat in princípio, et nunc, et semper, et in sæcula sæculórum. Amen.

S. repetit Antiph. Introibo ad Altáre Dei. **R.** Ad Deum qui lætíficat juventútem meam.

Signat se, dicens: V. Adjutórium nostrum in nómine Dómini.

R. Qui fecit cœlum et terram.

Deinde junctis manibus profunde inclinatus facit Confessionem.

In Missis Defunctorum, et in Missis de Tempore, a Dominica Passionis usque ad Sabbatum sanctum exclusive, omittitur Psalmus. Júdica me Deus. cum Glória Patri. et repetitione Antiphonæ: sed dicto, In nómine Patris. Introibo. et Adjutórium. fit Confessio, ut sequitur.

Confíteor Deo omnipoténti, beátæ Mariæ semper Vírgini, beáto Michaéli Archángelo, beáto Joánni Baptístæ, sanctis Apóstolis Petro et Páulo, ómnibus Sanctis, et vobis fratres: quia peccávi nimis cogitatíone, verbo, et ópere: **(Percutit sibi pectus ter, dicens:)** mea culpa, mea culpa, mea máxima culpa. Ideo precor beátam Mariam semper Vírginem, beátum Michaélem Archángelum, beátum Joánnem Baptístam, sanctos Apóstolos Petrum et Páulum, omnes Sanctos, et vos fratres, oráre pro me ad Dóminum Deum nostrum.

Ministri respondent:

Misereátur tui omnípotens Deus, et dimíssis peccátis tuis, perdúcat te ad vitam ætérnam.

Sacerdos dicit: Amen. et erigit se. Deinde ministri repetunt Confessionem: et ubi a Sacerdote dicebatur, vobis fratres, et vos fratres, a ministris dicitur, tibi pater, et te pater.

Postea Sacerdos junctis manibus facit absolutionem, dicens:

Misereátur vestri omnípotens Deus, et dimíssis peccátis vestris, perdúcat vos ad vitam ætérnam. **R.** Amen.

Signat se signo Crucis, dicens:

Indulgéntiam, absolutíonem, et remissió nem peccatórum nostrórum, tríbuat nobis omnípotens, et miséricors Dóminus. **R.** Amen.

Et inclinatus prosequitur. V. Deus tu convérsus vivificábis nos.

Ordo Missæ.

R. Et plebs tua lætabitur in te.
V. Ostende nobis Dómine misericórdiam tuam.
R. Et salutáre tuum da nobis.
V. Dómine exáudi oratióem meam.
R. Et clamor meus ad te véniat.
V. Dóminus vobíscum.
R. Et cum spíritu tuo.

Et extendens, ac jungens manus clara voce dicit: **O rémus. et ascenden-
 dens ad Altare, dicit secreto:**

A Ufer à nobis, quæsumus Dómine, iniquitátes nostras: ut ad Sancta sanctorum, puris mereámur méntibus introire. Per Christum Dóminum nostrum. Amen. **Deinde manibus junctis super Altare, inclinatus dicit:**

O Rámus te, Dómine, per mérita Sanctórum tuórum, (**Osculatur Altare in medio,**) quorum reliquiæ híc sunt, et ómnium Sanctórum: ut indulgére dignéris ómnia peccáta mea. Amen.

In Missa solemni, Celebrans antequam legat Introitum, benedicit incensum, dicens: A b illo bene † dicáris, in cujus honóre cremáberis. Amen. **Et accepto thuribulo a Diacono, incensat Altare, nihil dicens. Postea Diaconus, recepto thuribulo a Celebrante, incensat illum tantum. Deinde Celebrans signans se signo Crucis incipit Introitum: quo finito, junctis manibus alternatim cum ministris, dicit:**

K Yrie eléison. **K** yrie eléison. **K** yrie eléison. **C** hriste eléison. **C** hriste eléison. **K** yrie eléison. **K** yrie eléison. **K** yrie eléison.


Postea in medio Altaris extendens et jungens manus, caputque aliquantulum inclinans, dicit, si dicendum est, Glória in excélsis Deo. et prosequitur junctis manibus. Cum dicit, Adorámus te, Grátias ágimus tibi, et Jesu Christe, et Súscipe deprecationem, inclinát caput: et in fine dicens.

Cum sancto Spíritu, signat se a fronte ad pectus.

In Duplicibus, et solemnibus diebus.


Glória in excélsis De o.


In Missis B. Mariæ.


Glória in excélsis De o.

In Dominicis, Festis Semiduplicibus, et infra Oct. quæ non sunt B. Mariæ.


Glória in excélsis Deo.

In Festis Simplicibus.


Glória in excélsis De o.

Et in terra pax homínibus bonæ voluntátis. Laudámus te. Benedícimus te. Adorámus te. Glorificámus te. Grátias ágimus tibi propter magnam glóriam tuam. Dómine Deus Rex cœléstis, Deus Pater omnípotens. Dómine Fili unigénite Jesu Christe. Dómine Deus, agnus Dei, Fílius Patris. Qui tollis peccáta mundi, miserére nobis. Qui tollis peccáta mundi, súscipe deprecationem nostram. Qui sedes ad dexteram Patris, miserére nobis. Quóniam tu solus sanctus. Tu solus Dóminus. Tu solus Altíssimus, Jesu Christe. Cum sancto Spíritu, in glória Dei Patris. Amen.

Sic dic. Glória in excélsis Deo, etiam in Missis beatæ Mariæ, quando dicenda est. Deinde osculatur Altare in medio, et versus ad populum dicit. V. Dóminus vobíscum. R. Et cum spíritu tuo. Postea dicit: O rémus. et Orationes, unam aut plures, ut

Ordo Missæ.

ordo Officii postulat. Sequitur Epístola, Graduále, Tractus, vel Allelúja, cum Versu, aut Sequéntia, ut tempus postulat. His finitis, si est Missa sollemnis, Diaconus deponit librum Evangeliorum super medium Altaris, et Celebrans benedicit incensum, ut supra: deinde Diaconus genuflexus ante Altare, manibus junctis dicit:

Munda cor meum, ac lábia mea, Omnípotens Deus, qui lábia Isaíæ Prophétæ cálculo mundásti igníto: ita me tua grata miseratione dignáre mundáre, ut sanctum Evangelium tuum digne váleam nuntiáre. Per Christum Dóminum nostrum. Amen.

Postea accipit librum de Altari, et rursus genuflexus petit benedictionem a Sacerdote, dicens: Jube domne benedicere. Sacerdos respondet:

Dóminus sit in corde tuo, et in lábiis tuis: ut digne et competénter annúnties Evangelium suum: In nómine Patris, et Fílii, † et Spíritus sancti. Amen.


Et accepta benedictione, osculatur manum Celebrantis: et cum aliis ministris, incenso, et luminaribus, accedens ad locum Evangelii, stans junctis manibus, dicit V. Dóminus vobíscum. R. Et cum spíritu tuo. Et pronuncians, Sequéntia sancti Evangelii secúndum N. sive Inítium, pollice dexteræ manus signat librum in principio Evangelii, quod est lecturus, deinde seipsum in fronte, ore, et pectore: et dum ministri respondent, Glória tibi Dómine, incensat ter librum, postea prosequitur Evangelium junctis manibus. Quo finito, Subdiaconus defert librum Sacerdoti, qui osculatur Evangelium, dicens: Per Evangélica dicta deleántur nostra delícta.

Deinde Sacerdos incensatur a Diacono.

Si vero Sacerdos sine Diacono et Subdiacono celebrat, delato libro ad

aliud cornu Altaris, inclinatus in medio, junctis manibus dicit: Munda cor meum. ut supra, et Jube Dómine benedicere. Dóminus sit in corde meo, et in lábiis meis: ut digne et competénter annúntiem Evangelium suum. Amen.

Deinde conversus ad librum, junctis manibus dicit V. Dóminus vobíscum. R. Et cum spíritu tuo. Et pronuncians, Inítium, sive Sequéntia sancti Evangelii, etc. signat librum, et se in fronte, ore, et pectore, et legit Evangelium, ut dictum est. Quo finito, respondet minister; Laus tibi Christe, et Sacerdos osculatur Evangelium, dicens: Per Evangélica dicta, ut supra. In Missis Defunctorum dicitur, Munda cor meum, sed non petitur benedictio, non deferuntur luminaria, nec Celebrans osculatur librum. Deinde ad medium Altaris extendens, elevans, et jungens manus, dicit, si dicendum est, Credo in unum Deum, et prosequitur junctis manibus. Cum dicit, Deum, caput Crucis inclinatur: quod similiter facit, cum dicit, Jesum Christum, et, simul adorátur. Ad illa autem verba, Et incarnátus est. genuflectit usque dum dicatur, Et homo factus est. In fine ad Et vitam ventúri sæculi, signat se signo Crucis a fronte ad pectus.



Credo in unum Deum.

Patrem omnipoténtem, factórem cœli et terræ, visibílium ómnium, et invisibílium. Et in unum Dóminum Jesum Christum, Fílium Dei unigénitum. Et ex Patre natum ante ómnia sæcula. Deum de Deo, lumen de lumine, Deum verum de Deo vero. Génitum, non factum, consubstantiálem Patri: per quem ómnia facta sunt. Qui propter nos hómines, et propter nostram salútem descéndit de cœlis. (Hic genuflectitur.) Et incarnátus

Ordo Missæ.

est de Spíritu sancto ex Mariá Virgine: Et homo factus est. **Crucifixus** étiam pro nobis: sub Póntio Piláto passus, et sepúltus est. **Et** resurrexit tértia die, secúndum Scriptúras. **Et** ascéndit in cœlum: sedet ad dexteram Patris. **Et** íterum ventúrus est cum glória, judicáre vivos, et mórtuos: cujus regni non erit finis. **Et** in Spíritum sanctum, Dóminum, et vivificántem: qui ex Patre, Filióque procedit. **Qui** cum Patre, et Fílio simul adorátur, et conglorificátur: qui locútus est per Prophétas. **Et** unam sanctam Cathólicam, et Apostólicam Ecclesiám. **Confíteor** unum baptisma in remissionem peccatórum. **Et** ex-pécto resurrectionem mortuórum. **Et** vitam ventúri sæculi. Amen.

Deinde osculatur Altare, et versus ad populum, dicit V. Dóminus vobiscum. R. Et cum spíritu tuo. Postea dicit: Orémus, et Offertorium. Quo dicto, si est Missa solemnis, Diaconus porrigit Celebranti patenam cum Hostia: si privata, Sacerdos ipse accipit patenam cum Hostia, quam offerens, dicit:

Suscipe sancte Pater, omnípotens **Ætérne Deus**, hanc immaculátam Hóstiam, quam ego indignus fámulus tuus óffero tibi Deo meo vivo, et vero, pro innumerábilibus peccátis, et offensionibus, et negligéntiis meis, et pro ómnibus circumstántibus, sed et pro ómnibus fídelibus Christiánis vivis, atque defúntis: ut mihi, et illis proficiat ad salutem in vitam **ætérnam. Amen.**

Deinde faciens Crucem cum eadem patena, deponit Hostiam super corporale. Diaconus ministrat vinum, Subdiaconus aquam in Calice: vel si privata est Missa, utrumque infundit Sacerdos, et aquam miscendam in Calice, bene † dicit, dicens:

Deus, qui humanæ substántiæ dignitátem mirábiliter condidísti, et mirábiliter reformásti: da nobis per hujus aquæ, et vini mystérium,

ejus divinitátis esse consórtes, qui humanitátis nostræ fieri dignátus est párticeps, **Jesus Christus Fílius tuus Dóminus noster: Qui tecum vivit et regnat in unitáte Spíritus sancti Deus: per ómnia sæcula sæculórum. Amen.**

In Missis pro Defunctis dicitur prædicta Oratio: sed aqua non benedicitur. Postea accipit Calicem, et offert dicens:

Offerimus tibi, Dómine, Cálicem salutáris, tuam deprecántes cleméntiam: ut in conspéctu divínæ majestátis tuæ, pro nostra, et totíus mundi salute cum odóre suavitátis ascéndat. Amen.

Deinde facit signum Crucis cum Calice, et illum ponit super corporale, et palla cooperit: tum junctis manibus super Altare, aliquantulum inclinatus, dicit:

In spíritu humilitátis, et in ánimo contríto suscipiámur à te Dómine: et sic fiat sacrificium nostrum in conspéctu tuo hódie, ut pláceat tibi, Dómine Deus.

Erectus expandit manus, easque in altum porrectas jungens, elevatis ad cœlum oculis, et statim demissis, dicit:

Veni sanctificátor omnípotens **Ætérne Deus: Benedicit oblata, proseguendo, et bene † dic hoc sacrificium tuo sancto nómini præparátum.**

Postea, si solemniter celebrat, benedicit incensum, dicens:

Per intercessionem beáti Michaelis Archángeli stantis à dextris altáris incénsi, et ómnium electórum suórum, incensum istud dignétur Dóminus bene † dicere, et in odórem suavitátis accípere. Per Christum Dóminum nostrum. Amen.

Et accepto thuribulo a Diacono, incensat oblata, modo in Rubricis generalibus præscripto, dicens:

Incensum istud à te benedíctum, ascéndat ad te, Dómine, et descéndat super nos misericórdia tua.

Ordo Missæ.

**Deinde incensat Altare, dicens:
Psalmus 140.**

Dirigatur Dómine oratio mea, sicut incensum, in conspectu tuo: elevatio mánuum meárum sacrificium vespertinum. Pone, Dómine, custódiam ori meo, et óstium circumstantiæ lábiis meis: ut non declinet cor meum in verba malitiæ, ad excusandas excusationes in peccátis.

Dum reddit thuribulum Diacono, dicit:

Accéndat in nobis Dóminus ignem sui amoris, et flammam æternæ caritátis. Amen.

**Postea incensatur Sacerdos a Diacono, deinde alii per ordinem. Interim Sacerdos lavat manus, dicens:
Psal. 25.**

Lavabo inter innocéntes manus meas: et circúmdabo altáre tuum, Dómine.

Ut áudiam vocem laudis: et enárrem univérsa mirabilia tua.

Dómine diléxi decórem domus tuæ: et locum habitatiónis glóriæ tuæ.

Ne perdas cum impiis, Deus, ánimam meam: et cum viris sánguinem vitam meam.

In quorum mánibus iniquitátes sunt: dextera eórum repléta est munéribus.

Ego autem in innocéntia mea ingressus sum: rédime me, et miserére mei.

Pes meus stetit in dirécto, in ecclésiis benedícam te, Dómine.

Glória Patri, et Fílio, et Spirítui sancto.

Sicut erat in princípio, et nunc, et semper, et in sæcula sæculórum. Amen.

In Missis pro Defunctis, et tempore Passionis in Missis de tempore omititur, Glória Patri. Deinde aliquantulum inclinatus in medio Altaris, junctis manibus super eo dicit:

Suscipe sancta Trínitas hanc oblationem, quam tibi offérimus ob memóriam passiónis, resurrectiōnis, et ascensiónis Jesu Christi Dómini nostri: et in honórem beátæ Mariæ semper Vírginis, et beáti Jo-

ánnis Baptistæ, et sanctórum Apostolórum Petri et Páuli, et istórum, et ómnium Sanctórum: ut illis proficiat ad honórem, nobis autem ad salutem: et illi pro nobis intercédere dignéntur in cœlis, quorum memóriam ágimus in terris. Per eúndem Christum Dóminum nostrum. Amen.

Postea osculatur Altare, et versus ad populum, extendens, et jungens manus, voce paululum elevata, dicit:

Oráte fratres: ut meum, ac vestrum sacrificium acceptábile fiat apud Deum Patrem omnipoténtem.

Minister, seu circumstantes respondent: alioquin ipsemet Sacerdos.

Suscípiat Dóminus sacrificium de mánibus tuis (vel meis) ad laudem, et glóriam nóminis sui, ad utilitatem quoque nostram, totiúsque Ecclésiæ suæ sanctæ.

Sacerdos submissa voce dicit: Amen.

Deinde manibus extensis absolute sine Orémus. subjungit Orationes secretas. Quibus finitis, cum pervenerit ad conclusionem, clara voce dicit: Per ómnia sæcula sæculórum. cum Præfatione, ut in sequentibus.

Præfatio incipitur ambabus manibus positis hinc inde super Altare: quas aliquantulum elevat, cum dicit, Sursum corda. Jungit eas ante pectus, et caput inclinat, cum dicit, Grátias agámus Dómino Deo nostro.

Deinde disjungit manus, et disjunctas tenet usque ad finem Præfationis: qua finita, iterum jungit eas, et inclinatus dicit: Sanctus. Et cum dicit, Benedíctus qui venit, signum Crucis sibi producit a fronte ad pectus.

Sequens Præfatio cum suo cantu dicitur a Nativitate Domini nostri Jesu Christi usque ad Epiphaniam, (præter quam in die Octavæ S. Joannis Apostoli) et in Purificatione B. Mariæ Virginis, et in Festo SS. Corporis Christi, et per Octavam, nisi in

Præfatio sollemnis de Nativitate.

ea occurrat Festum, quod propriam Præfationem habeat. Item in Festis Transfigurationis Domini nostri Jesu Christi, et SS. Nominis Jesu.

Per ómnia sæ cula sæ cu ló rum.

R. Amen. **V.** Dóminus vo bís cum.

R. Et cum spíritu tu o. **V.** Sur-

sum cor da. **R.** Ha bé mus ad

Dó mi num. **V.** Grá ti as a gá-

mus Dó mi no De o no stro.

R. Di gnum, et ju stum est.

V. Vere dignum, et justum est, æ-

quum et sa lu tá re, nos ti bi

semper, et ubí que grá ti as á-

gere, Dómine sancte, Pater o-

mní potens, æ tér ne De us.

Quia per incarnáti Verbi my-

sté rium, nova mentis nostræ

ó culis lux tuæ clari tá tis in-

fúlsit: ut dum visi bíliter Deum

co gnó scimus, per hunc in invi-

sibí lium amó rem ra pi á mur.

Et í de o cum An ge lis et


Arch án ge lis, cum Thronis, et

Domina ti ó nibus, cum que


o mni mi lí ti a cœ lé stis ex-

ér citus, hymnum glóriæ tu æ

Præfatio de Epiphania.



cá ni mus, si ne fi ne



di cén tes.

Infra actionem.


Communicantes, et diem sacratissimum celebrantes, quo Beátæ Mariæ intemerata virginitas huic mundo édedit Salvatorem: sed et memoriam venerantes, in primis ejusdem gloriósæ semper Virginitis Mariæ genitrícis ejusdem Dei et Dómini nostri Jesu Christi: sed et beatorum Apostolorum, ac Mártýrum tuorum, Petri et Páuli, Andréæ, Jacóbi, Joánnis, Thomæ Jacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Páuli, Cosmæ et Damiáni, et ómnium Sanctórum tuorum; quorum méritis, precibúque concédas, ut in ómnibus protectionis tuæ muniámur auxílio.

Jungit manus. Per eúmdem Christum Dóminum nostrum. Amen.


In prima vero Missa Nativitatis dicitur, Et noctem sacratissimam celebrantes, qua etc. deinde semper dicitur, diem sacratissimum, quo etc. usque ad Octavam Nativitatis Domini inclusive, et non ultra.

Tenens manus expansas super oblata, dicit: Hanc igitur oblationem, etc. ut in Canone.

Sequens Præfatio cum suo cantu dicitur in Epiphania Domini, et per Octavam.



Per ómni a sæcula sæcu ló rum.



R. Amen. **V.** Dóminus vo bís cum.



R. Et cum spíritu tu o. **V.** Sur-



sum cor da. **R.** Ha bé mus ad




Dó mi num. **V.** Grá ti as a gá-



mus Dó mi no De o no stro.




R. Di gnum, et ju stum est.




Vere dignum, et justum est, æ-




quum et sa lu tá re, nos ti bi




semper, et u bí que grá ti as á-



gere: Dómine sancte, Pater omni-




potens æ térne De us. **Q**ui a,



cum Unigénitus tuus in substán-


Præfatio solemnis de Quadragesima.




ti a nostræ mortalitátis ap pá-




ru it, nova nos immortalitátis




su æ lu ce re pa rá vit. Et í-




deo cum Angelis et Archánge-



lis, cum Thronis, et Domina ti-




ó nibus, cumque o mni mi lí-



ti a cœléstis ex ér ci tus, hym-



num gló ri æ tu æ cá ni mus,



si ne fi ne di cén tes.

Infra actionem.


Communicántes, et diem sacra-
tíssimum celebrántes, quo Uni-
génitus tuus in tua tecum glória coæ-
térnus, in veritáte carnis nostræ visi-
bíliter corporális appáruit. Sed et
memóriam venerántes, in primis,
gloriósæ semper Vírginis Mariæ, ge-
nitricis ejúsdem Dei, et Dómini nostri
Jesu Christi: sed et beatórum Apo-
stolórum, ac Mártýrum tuórum, Pe-

tri et Páuli, Andréæ, Jacóbi, Joán-
nis, Thomæ, Jacóbi, Philíppi, Bar-
tholomæi, Matthæi, Simónis et Thad-
dæi: Lini, Cleti, Cleméntis, Xysti,
Cornélii, Cypriáni, Laurentii, Chry-
sógoni, Joánnis et Páuli, Cosmæ et
Damiáni: et ómnium Sanctórum tu-
órum, quorum méritis, precibúque
concédas, ut in ómnibus protectionis
tuæ muniámur auxílio.


Jungit manus. Per eúmdem Chri-
stum Dóminum nostrum. Amen.

Et dicitur per totam Octavam. Hanc
ígitur oblatiónem, **etc. ut in Canone.**


Sequens Præfatio cum suo cantu
dicitur in Dominicis Quadragesimæ,
et in Festis Duplicibus, et Semidu-
plicibus in ea occurrentibus, usque
ad Dominicam Passionis, nisi in Fe-
stis propria assignetur.




Per ómnia sæcula sæcu ló rum.




R. Amen. **V.** Dóminus vo bís cum.




R. Et cum spí ri tu tu o. **V.** Sur-




sum cor da. **R.** Ha bé mus ad



Dó mi num. **V.** Grá ti as a gá-




mus Dó mi no De o no stro.




R. Di gnum et ju stum est.


Præfatio sollemnis de Cruce.



Vere dignum, et justum est æquum




et sa lu tá re, nos tibi semper,



et u bí que grá ti as á ge re:




Dómine sancte, Pater omnípotens,




æ té r ne De us. Qui cor po rá li




je jú ni o ví ti a có mprimis, men-




tem é levas, virtútem largíris,




et præ mia: Per Christum Dó-




mi num no strum. Per quem ma-



jestátem tuam laudant Angeli,




adó rant Do mi na ti ó nes, tre-




munt Po te stá tes. Cœli, cœlo-



rúmque virtútes, ac be á ta Sé-




raphim, só ci a ex ul ta ti ó-




ne con cé lebrant. Cum quibus



et nostras voces, ut admít ti jú be-




as, de pre cá mur, súp pli ci




con fessi ó ne di cén tes.


Sequens Præfatio cum suo cantu dicitur in Dominica Passionis, in Dominica Palmarum, in Feria V. in Cœna Domini, et in Festis Duplicibus, et Semiduplicibus eo tempore occurrentibus, (nisi in Festis propria assignetur,) et in solemnitatibus sanctæ Crucis.



Per ómni a sæcula sæcu ló rum.



R. Amen. V. Dóminus vo bís cum.



R. Et cum spí ri tu tu o. V. Sur-

Præfatio solennis de Cruce.

sum cor da. **R.** Ha bé mus ad

Dó mi num. **V.** Grá ti as a gá-

mus Dó mi no De o no stro.

R. Di gnum, et ju stum est.

V. ere dignum et justum est, æquum

et sa lu tá re, nos ti bi semper,

et ubí que grá ti as á gere: Dó-

mine sancte, Pater omní potens,

æ tér ne De us. **Q**ui sa lú tem hu-

má ni gé ner is in li gno Cru cis con-

sti tu í sti: ut unde mors o ri-

e bá tur, in de vi ta re súr-

geret: et qui in li gno vin cé bat,

in li gno quo que vin ce ré tur:

Per Christum Dó mi num no strum.

Per quem majestá tem tu am lau dant

Angeli, ad ó rant Do mi na ti-

ó nes, tremunt Po te stá tes.

Cœ li, cœ lo rúm que vir tú tes, ac

be á ta Sé raphim, só ci a

ex ul ta ti ó ne con cé le brant.

Cum quibus et nostras voces, ut ad-

mít ti jú beas, de pre cá mur, súp-

pli ci con fessi ó ne di cén tes.

Præfatio solemnis in die Paschæ.

Sequens Præfatio cum suo cantu dicitur a **Vigilia Paschæ** usque ad **Octavam**, et in **Dominicis** usque ad **Ascensionem**: et in **Festis Duplicibus** et **Semiduplicibus** eo tempore occurrentibus, nisi in eis propria assignetur. In **Missa Sabbati sancti** dicitur, in hac potissimum nocte: in **die Paschæ** usque ad **Sabbatum in Albis inclusive**, in hac potissimum die: **et deinceps**, in hoc potissimum gloriosius prædicare.

Per omnia sæcula sæculorum.

R. Amen. **V.** Dominus vobiscum.

R. Et cum spiritu tuo. **V.** Sur-

sum corda. **R.** Habemus ad

Dominum. **V.** Gratias ag-

mus Domino Deo nostro.

R. Dignum et justum est.

Vere dignum, et justum est, æquum

et salutare: **T**e quidem Dó-

mine omni tempore, sed in hac

potissimum die gloriosius præ-

dicare, cum Pascha nostrum

immolatus est Christus.

Ipsa enim verus est Agnus,

qui abstulit peccata mundi.

Qui mortem nostram moriendo de-

struxit, et vitam resurgendo

reparavit. Et ideo cum

Angelis, et Archangelis, cum

Thronis, et Dominationibus,

cumque omni militia cœlestis

Præfatio solemnis de Ascensione.



Infra actionem.

Communicántes, et diem sacra-
tíssimum celebrántes Resurre-
ctiónis Dómini nostri Jesu Christi
secúndum carnem: sed et memóriam
venerántes, in primis gloriósæ sem-
per Vírginis Mariæ, genitrícis ejús-
dem Dei, et Dómini nostri Jesu Chri-
sti: sed et beatórum Apostolórum,
ac Mártýrum tuórum, Petri et Páuli,
Andréæ, Jacóbi, Joánnis, Thomæ,
Jacóbi, Philíppi, Bartholomæi, Mat-
thæi, Simónis et Thaddæi: Lini,
Cleti, Cleméntis, Xysti, Cornélii, Cy-
priáni, Lauréntii, Chrysógoni, Joán-
nis et Páuli, Cosmæ et Damiáni, et
ómnium Santórum tuórum: quorum
méritis precibúsque concédas, ut in
ómnibus protectionis tuæ muniámur
auxílio.

Jungit manus. Per eúndem Chri-
stum Dóminum nostrum. Amen.

**Tenens manus expansas super obla-
ta dicit.** Hanc igitur oblatiónem ser-
vitútis nostræ, sed et cunctæ familiæ
tuæ, quam tibi offérimus pro his quo-
que, quos regeneráre dignátus es ex
aqua, et Spíritu sancto, tribuens eis
remissionem ómnium peccatórum,
quæsumus Dómine, ut placátus accí-
pias: diésque nostros in tua pace dis-
pónas, atque ab ætérna damnatióne
nos éripi, et in electórum tuórum jú-
beas grege numerári.


Jungit manus. Per Christum Dó-
minum nostrum. Amen.

**Sic dicitur a Vigilia Paschæ usque
ad Sabbatum in Albis inclusive. Sed
in Missa Sabbati sancti infra actio-
nem dicitur: et noctem sacratíssimam
celebrántes. Quam oblatiónem tu
Deus, etc. ut in Canone.**


**Sequens Præfatio cum suo cantu
dicitur in die Ascensionis usque ad
Vigiliam Pentecostes exclusive, et
in Festis tunc occurrentibus, nisi
propriam habuerint.**



Præfatio solennis de Ascensione.




per, et ubique grátias á-




gere: Dómine sancte, Pater o-




mnípo tens, æ té r ne De us:



per Chri stum Dó mi num no-




strum. **Q**ui post resurrecti ó nem




suam ómnibus discípulis suis




mani féstus ap pá ru it, et ipsis




cernéntibus est elevátus in cœ-




lum, ut nos divinitátis suæ tri-




bú e ret es se par tí ci pes.



Et í de o cum An ge lis et




Arch án gelis, cum Thronis et




Domina ti ó nibus, cumque o-



mni milíti a cœléstis ex ér citus,



hymnum glóriæ tu æ cá nimus,



si ne fi ne di cén tes.

Infra actionem.

Communicántes, et diem sacra-
tíssimum celebrántes, quo Dó-
minus noster, unigénitus Fílius tuus,
unítam sibi fragilitátis nostræ sub-
stántiam, in glóriæ tuæ dextera col-
locávit: sed et memóriam venerántes,
in primis gloriósæ semper Vírginis
Maríæ, genitrícis ejúsdem Dei et
Dómini nostri Jesu Christi: sed et
beatórum Apostolórum, ac Mártý-
rum tuórum, Petri et Páuli, An-
dréæ, Jacóbi, Joánnis, Thomæ, Ja-
cóbi, Philíppi, Bartholomæi, Mat-
thæi, Simónis et Thaddæi: Lini,
Cleti, Cleméntis, Xysti, Cornélii,
Cypriáni, Lauréntii, Chrysógoni,
Joánnis et Páuli, Cosmæ et Damiá-
ni: et ómnium Sanctórum tuórum,
quorum méritis, precibúsq; concé-
das, ut in ómnibus protectionis tuæ
muniámur auxílio.

Jungit manus. Per eúmdem Chri-
stum Dóminum nostrum. Amen.

Et dicitur per totam Octavam.

**Hanc ígitur oblatiónem, etc. ut in
Canone.**

**Sequens Præfatio cum suo cantu
dicitur a Vigilia Pentecostes, usque
ad sequens Sabbatum inclusive.**

Præfatio sollemnis de Pentecoste.

Per ómnia sæcula sæcu ló rum.

R. Amen. **V.** Dóminus vo bís cum.

R. Et cum spírítu tu o. **V.** Sur-

sum cór da. **R.** Ha bé mus ad

Dó mi num. **V.** Grá ti as a gá-

mus Dó mi no De o no stro.

R. Di gnum, et ju stum est.

Vere dignum, et justum est, æ-

quum et sa lu tá re, nos ti bi

semper, et ubíque grá ti as á-

gere, Dómine sancte, Pater o -

mnípotens, æ té r ne De us:

per Chri stum Dó mi num no-

strum. **Q**ui a scén dens su per

omnes cœ los, se dens que ad

déx te ram tu am, pro mís sum

Spí ri tum san ctum ho di ér na

di e in fí li os ad o pti ó nis

ef fú dit. Quaprópter pro fú sis

gáu di is, to tus in or be ter-


rá rum mun dus ex úl tat.

Sed et supérnæ virtú tes, atque

an gé li cæ po te stá tes, hy-

mnum gló riæ tu æ cón ci nunt,

Præfatio solennis de SS. Trinitate.



si ne fi ne di cén tes.

Infra actionem.

Communicantes, et diem sacratissimum Pentecostes celebrantes, quo Spiritus sanctus Apostolis, innúmeris linguis apparuit: sed et memoriam venerantes, in primis, gloriósæ semper Virginitatis Mariæ, genitricis Dei, et Domini nostri Jesu Christi: sed et beatorum Apostolorum, ac Martyrum tuorum, Petri et Pauli, Andréæ, Jacobi, Joannis, Thomæ, Jacobi, Philippi, Bartholomæi, Matthæi, Simónis et Thaddæi: Lini, Cleti, Clementis, Xysti, Cornélii, Cypriani, Laurentii, Chrysogoni, Joannis et Pauli, Cosmæ et Damiáni, et omnium Sanctorum tuorum; quorum méritis, precibusque concédas, ut in omnibus protectionis tuæ muniámur auxilio.






Jungit manus. Per eundem Christum Dominum nostrum. Amen.

Tenens manus expansas super oblata, dicit: Hanc igitur oblationem servitutis nostræ, sed et cunctæ familiæ tuæ, quam tibi offerimus pro his quoque, quos regenerare dignatus es ex aqua et Spiritu sancto, tribuens eis remissionem omnium peccatorum, quæsumus Domine, ut placatus accipias: diésque nostros in tua pace disponas, atque ab æterna damnatione nos eripi, et in electorum tuorum jubeas grege numerari.



Jungit manus. Per Christum Dominum nostrum. Amen.

Et dicitur usque ad sequens Sabbatum inclusive. Quam oblationem tu Deus, etc. ut in Canone.


Sequens Præfatio cum suo cantu dicitur in Festo SS. Trinitatis, et in omnibus Dominicis per annum, quando præfatio propria non sit assignata, juxta Decretum Clementis XIII.

**P**er ómnia sæcula sæcu ló rum.**R.** Amen. **V.** Dóminus vo bís cum.**R.** Et cum spíritu tuo. **V.** Sur-sum cor da. **R.** Habé mus adDó minum. **V.** Grá ti as a gá-

mus Dó mi no De o no stro.

**R.** Di gnum et ju stum est.**V**ere dignum et justum est, æquum


et sa lu tá re, nos tibi semper,




et ubique grá ti as á gere: Dó-




mine san cte, Pa ter omní potens,

æ té r ne De us. **Q**ui cum uni-

Præfatio solennis de SS. Trinitate.




génito Fílio tuo, et Spíritu




sancto, unus es Deus, unus




es Dóminus: non in unius sin-



gularitate per só næ, sed in



unius Trinitate substán-




ti æ. Quod enim de tua glória,




revelante te crédimus, hoc




de Fílio tuo, hoc de Spíri-



tu sancto, sine differéntia




discre ti ó nis sen tí mus. Ut




in confessióne veræ, sempiter-




næque De i tá tis, et in per-




só nis pro prí e tas, et in es-




sén ti a ú ni tas, et in maje-




stá te ad o ré tur æ qua lí tas.




Quam laudant Angeli, atque




Arch án geli, Chérubim quo-



que ac Sé ra phim: qui non



cessant cla má re quo tí di e,



u na vo ce di cén tes.

¶ Sequens Præfatio cum suo cantu dicitur in Festis Beatæ Mariæ (excepto Festo Purificationis, in quo dicitur de Nativitate Dómini) et per eorum Octavas, etiam in Festis infra eas occurrentibus, si propriam non habuerint. Dicitur autem vel, Et te in Annuntiatióne, vel Visitatióne, vel Assumptióne, vel Nativitate, vel Præsentatióne, vel Conceptióne, vel Desponsatióne secundum denominationem Festi: et in dedicatione S. Mariæ ad Nives, et in Festo SS. ejusdem

Præfatio solennis de B. Maria Virgine.

Nominis, et de Mercede, dicitur, Et te in Festivitate. In Festo Septem Dolorum dicitur, Et te in Transfixione. In Festo de Monte Carmelo dicitur, Et te in Commemoratione. In Festo SS. Rosarii dicitur, Et te in Solemnitate.

Per omnia sæcula sæculorum.

R. Amen. **V.** Dominus vobiscum.

R. Et cum spiritu tuo. **V.** Sur-

sum corda. **R.** Habemus ad

Dominum. **V.** Gratias ag-

mus Domino Deo nostro.

R. Dignum, et justum est.

V. Vere dignum et justum est æquum

et salutare, nos tibi semper,

et ubique gratias agere:

Domine sancte, Pater omnipo-

tens, æternus Deus. **E**t te

in * * * beatæ Mariæ

semper Virginis collaudare,

benedicere, et prædicare.

Quæ et Unigenitum tuum

sancti Spiritus obumbrati-

one concepit: et virgini-

tatis gloria permanente,

lumen æternum mundo ef-

fudit, Jesum Christum Dó-

minum nostrum. Per quem ma-

Præfatio solemnis de Apostolis.

jestátem tuam laudant Angeli,

adórant Domina ti ó nes, tre-

munt Po te stá tes. Coeli, celo-

rúmque virtútes, ac be á ta Sé-

raphim, só ci a ex ul ta ti ó-

ne con cé le brant. Cum quibus

et nostras voces, ut admít ti jú be-

as de pre cá mur, súp pli ci

con fess i ó ne dicén tes.

Sequens Præfatio cum suo cantu
dicitur in Festis Apostolorum, et E-
vangelistarum (præterquam in die
S. Joannis Apostoli) et per Octavas
eorum, et in Festis infra eas occuren-
tibus, nisi in eis propria assignetur.

Per ómni a sæcula sæcu ló rum.

R. Amen. **V.** Dóminus vo bís cum.

R. Et cum spíritu tu o. **V.** Sur-

sum cor da. **R.** Ha bé mus ad

Dó mi num. **V.** Grá ti as a gá-

mus Dó mi no De o no stro.

R. Di gnum, et ju stum est.

Vere dignum, et justum est, æ-

quum et sa lu tá re, **T**e Dómi-

ne suppliciter e xo rá re, ut gre-

gem tuum pa stor æ té r ne non

dé se ras: sed per be á tos A-

pó stolos tuos, contínu a pro-

Præfatio communis in cantu solemni.



te cti ó ne cu stó di as: Ut

i ís dem re ctó ri bus gu ber-

né tur, quos ó pe ris tu i

vi cá ri os e í dem con tu-

lí sti præ és se pa stó res.

Et í de o cum An ge lis et

Arch án ge lis, cum Thronis, et

Domina ti ó nibus, cum que

o mni mi lí ti a cœ lé stis ex-

ér citus, hymnum glóriæ tu æ

cá ni mus, si ne fi ne

di cén tes.

Sequens Præfatio cum suo cantu
dicatur in omnibus Festis Duplicibus,
et per Octavas eorum; et in omnibus
Semidupl. ubi propria non habetur.



P Er ó mni a sæ cu la sæ cu ló rum.

R. Amen. **V.** Dó minus vo bís cum.

R. Et cum spí ritu tu o. **V.** Sur-

sum cor da. **R.** Ha bé mus ad

Dó mi num. **V.** Grá ti as a gá-

mus Dó mi no De o no stro.

R. Di gnum, et ju stum est.


V ere dignum, et justum est, æ-

quum et sa lu tá re, nos ti bi


semper, et ubí que grá ti as á-

gere, Dó mine sancte, Pater o-


Præfatio ferialis in Quadragesima.




mnípotens, æ té r ne De us:




per Christum Dó minum nostrum.




Per quem majestátem tuam laudant



Angeli, ad ó rant Domina ti-




ó nes, tremunt Po te stá tes.




Cœ li, cœ lo rúm que virtú tes, ac



be á ta Sé raphim, só ci a



exulta ti ó ne con cé le brant.



Cum quibus et nostras voces, ut ad-




mítti júbeas de pre cá mur, súp-




pli ci confessi ó ne dicén tes.

**Sequens Præfatio cum suo cantu
dicitur in diebus Ferialibus Quadra-**


**gesimæ, a quarta Feria Cinerum
usque ad Sabbatum ante Dominicam
Passionis inclusive.**




Per ómni a sæcula sæcu ló rum.




R. Amen. **V.** Dóminus vo bís cum.




R. Et cum spí ri tu tu o. **V.** Sur-




sum cor da. **R.** Ha bé mus ad




Dó mi num. **V.** Grá ti as a gá-




mus Dó mi no De o no stro.



R. Di gnum et ju stum est.




Vere dignum, et justum est, æquum



et sa lu tá re, nos ti bi semper,



et ubí que grá ti as á gere: Dó-



mine sancte, Pater omnípotens,

Præfatio de S. Cruce.

æ térne Deus; **Q**ui corporáli

jejúnio víti a cómpimis, mentem

élevas, virtútem largíris, et

præmia: per Christum Dóminum

nostrum. Per quem maje státem

tu am laudant Angeli, a dó rant

Dominatiónes, tremunt Pote-

státes. Cœli, cœlorúm que Vir-

tú tes, ac be á ta Séraphim, só-

ci a exultatióne concélebrant.

Cum quibus et nostras voces,

ut admítti júbeas, deprecámur,

súpplíci confessió ne di cén tes.

Sequens Præfatio cum suo cantu dicitur in diebus Ferialibus a Dominica Passionis usque ad Feriam quintam in Coena Domini exclusive: et in Missis votivis de sancta Cruce.

Per ó mni a sæcula sæcu ló rum.

R. Amen. **V.** Dóminus vo bís cum.

R. Et cum spíritu tu o. **V.** Sur-

sum cor da. **R.** Ha bé mus ad

Dó mi num. **V.** Grá ti as a gá-


mus Dó mi no De o no stro.

R. Di gnum et ju stum est.

Vere dignum et justum est, æquum

et sa lu tá re, nos ti bi semper,

Præfatio ferialis de Tempore paschali.




et ubique grátias ágere: Dó-




mine sancte, Pater omnipotens,




æterne Deus. **Q**ui salútem hu-




máni géneris in ligno Crucis con-




sti tu ísti: ut unde mors o ri-




e bá tur, in de vi ta re súr-




geret: et qui in ligno vin cé bat,




in ligno quoque vin ce ré tur:




per Christum Dóminum nostrum.




Per quem majestátem tuam lau-




dant Angeli, a dórant Domina ti-




ó nes, tre munt Po te stá tes.




Cœ li, cœ lo rúm que virtútes,




ac be á ta Séraphim, só ci a ex-




ultati ó ne con cé le brant. Cum



quibus et nostras voces, ut ad-




mít ti jú beas de pre cá mur, súp-




pli ci con fess i ó ne di cé ntes.


Sequens Præfatio cum suo cantu dicitur in diebus Ferialibus, et in festis Simplicibus, ab Octava Paschæ usque ad Ascensionem.




Per ó mni a sæ cu la sæ cu ló rum.



R. A men. **V.** Dó minus vo bís cum.




R. Et cum spí ri tu tu o. **V.** Sur-




sum cór da. **R.** Ha bé mus ad


Præfatio solennis de SS. Trinitate.




Dóminum. **V.** Grátias agá-




mus Dómino Deo nostro.




R. Dignum et justum est.




V. ere dignum, et justum est, æquum




et salutáre: **T**e quidem Dó-




mine omni témpore, sed in hoc




potíssimum gloriósius præ-




dicáre, cum Pascha nostrum



immolá tus est Chri stus.




I pse enim verus est A gnus,




qui ábs tulit pec cá ta mundi.



Qui mortem nostram moriéndó de-



strúxit, et vitam resurgéndo




reparávit. Et ídeo cum




Angelis, et Arch án gelis, cum



Thronis et Domina ti ó nibus,



cumque omni mi lí ti a cœ léstis



ex ér citus, hymnum gló ri æ




tuæ cánimus, sine fine dicétes.


Sequens Præfatio cum suo cantu dicitur in Missis votivis de SS. Trinitate.




Per ómnia sæcula sæcu ló rum.



R. Amen. **V.** Dóminus vo bís cum.




R. Et cum spí ri tu tu o. **V.** Sur-




sum cor da. **R.** Ha bé mus ad


Præfatio ferialis de SS. Trinitate.




Dó minum. **V.** Grá ti as a gá-



mus Dó mi no De o no stro.




R. Di gnum, et ju stum est.




Vere dignum et justum est, æquum




et sa lu tá re, nos tibi semper,




et u bí que grá ti as á ge re: Dó-




mine sancte, Pater omní potens,



æ tér ne Deus. **Qui** cum uni-




génito Fí li o tu o, et Spí ri tu




sancto, unus es De us, u nus




es Dó mi nus: non in uní us sin-




gu lar i tá te persón æ, sed in




u ní us Tri ni tá te sub stán-




ti æ. Quod enim de tua glória,




revelánte te cré dimus, hoc




de Fí li o tu o, hoc de Spí ri-




tu san cto, sine diffe rénti a




dis cre ti ó nis sen tí mus. Ut




in con fessi ó ne ver æ, sempiter-




næ que De i tá tis, et in per-



só nis proprí e tas, et in es-



sén ti a ú ni tas, et in ma je-



stá te ad o ré tur æ qua lí tas.



Quam lau dant An ge li, at que

Præfatio ferialis de Spiritu sancto.

Archángeli, Chérubim quo-

que ac Séraphim, qui non

cessant clámare quótídie,

una voce dicéntes.

**Sequens Præfatio cum suo cantu
dicitur in Missis votivis de Spiritu
sancto.**

Per ómnia sæcula sæculórum.

R. Amen. **V.** Dóminus vo bís cum.

R. Et cum spírítu tuo. **V.** Sur-

sum cor da. **R.** Ha bé mus ad

Dó mi num. **V.** Grá ti as a gá-

mus Dó mi no De o no stro.

R. Di gnum, et justum est.

Vere dignum, et justum est, æ-

quum et salutáre: nos ti bi

semper et ubíque grá ti as á-

gere: Dómine sancte, Pater o-

mnípotens, æ tér ne Deus;

per Christum Dó minum no-

strum. **Q**ui a scén dens su per

omnes cœlos, sedénsque ad délix-

teram tuam, promíssum Spírítum

sanctum in fílios adopti ó nis

ef fú dit. Quaprópter pro fú sis

gáu di is, to tus in or be ter-

Præfatio ferialis de beata Maria.

rá rum mun dus ex úl tat.

Sed et supérnæ vir tú tes, atque

an gé li cæ po te stá tes, hy-

mnum glóriæ tu æ cón ci nunt,

si ne fi ne di cén tes.

**Sequens Præfatio cum suo cantu
dicitur in Missis votivis de beata
Maria.**

Per ómnia sæcula sæcu ló rum.

R. Amen. **V.** Dóminus vo bís cum.

R. Et cum spíritu tu o. **V.** Sur-

sum cor da. **R.** Ha bé mus ad

Dó mi num. **V.** Grá ti as a gá-

mus Dó mi no De o no stro.

R. Dignum, et justum est.

V. Vere dignum et justum est, æquum

et salutáre, nos tibi semper,

et ubíque grátias á gere: Dó-

mine sancte, Pater omnípotens,

æ tér ne Deus: **E**t te in ve-

ne ra ti ó ne be á tæ Ma rí æ

semper Vír ginis collau dá re,


be ne dí cere, et præ di cá re.

Quæ et U ni gé ni tum tu um

san cti Spí ri tus ob um bra ti-

ó ne con cé pit: et vir gi ni-


Præfatio ferialis de Apostolis.




tá tis gló ri a per ma nén te,



lu men æ tér num mun do ef-



fú dit, Je sum Christum Dó-




mi num no strum. Per quem ma-




jestátem tuam laudant Angeli,




adó rant Do mi na ti ó nes, tre-




munt Po te stá tes. Cœli, cœlo-



rúmque virtútes, ac beáta Sé-



ra phim, só ci a ex ul ta ti ó-




ne con cé le brant. Cum quibus



et nostras voces, ut admít ti jú be-




as de pre cá mur, súp pli ci




con fes si ó ne di cén tes.


Sequens Præfatio cum suo cantu dicitur in Missis votivis de Apostolis.




P Er ó mni a sæ cula sæ cu ló rum.




R. Amen. **V.** Dó minus vo bís cum.




R. Et cum spí ri tu tu o. **V.** Sur-




sum cor da. **R.** Ha bé mus ad




Dó mi num. **V.** Grá ti as a gá-




mus Dó mi no De o no stro.



R. Di gnum, et ju stum est.



Vere dignum et justum est, æ-



quum et salutare, **Te Dó mi-**



ne suppliciter exo rá re, ut gre-

Præfatio communis in cantu feriali.

gem tuum pastor æternæ non

dé seras: sed per beatos A-

póstolos tuos, continúa pro-

tectione custodias. Ut iis-

dem rectoribus guberné-

tur, quos operis tui vicá-

rios eidem contulisti præ-

esse pastores. Et ideo cum

Angelis, et Archángelis, cum

Thronis, et Dominationibus,

cumque omni militiæ cœlestis

exercitus, hymnum gloriæ

tuæ cānimus, sine fine dicentes.

Sequens Præfatio cum suo cantu dicitur in Festis Simplicibus, et in diebus Ferialibus, ubi propria non habetur, et in omnibus Missis Defunctorum.

Per omnia sæcula sæculorum.

R. Amen. **V.** Dóminus vobiscum.

R. Et cum spiritu tuo. **V.** Sur-

sum corda. **R.** Habemus ad

Dóminum. **V.** Grátias agá-


mus Dómino Deo nostro.

R. Dignum, et justum est.


V. Vere dignum, et justum est, æ-

quum, et salutáre, nos tibi


Præfatio communis in cantu feriali.




semper, et ubique grátias á-




gere: Dómine sancte, Pater o-



mnípotens, ætérne Deus,




per Christum Dóminum nostrum.



Per quem majestátem tuam lau-



dant Angeli, adorant Domina ti-



ónes, tremunt Potestátes.




Cœli, cœlorúmque virtútes,




ac beáta Séraphim, sócia ex-




ultatióne concébrant. Cum



quibus et nostras voces, ut ad-



mítti júbeas deprecámur, súp-



plici confessi óne dicéntes.


Sanctus, **S**anctus, **S**an-
ctus, Dóminus Deus
Sábaoth.

Pleni sunt cœli, et terra
glória tua,

Hosánna in excélsis.

Benedictus qui venit in nó-
mine Dómini,

Hosánna in excélsis.



PRÆFATIONES

SINE CANTU

PER TOTUM ANNUM.

IN NATIVITATE DOMINI.

¶ Sequens Præfatio dicitur a Nativitate Domini, usque ad Epiphaniam, (præterquam in die Octava S. Joannis Apostoli) et in Purificatione B. M. V. In Festo Corporis Christi, et per Octavam ejusdem, nisi in ea occurrat Festum, quod propriam Præfationem habeat. Item in Festo Transfigurationis Domini, ac in Festo SS. Nominis Jesu, necnon in Missis votivis de Sanctissimo Sacramento.



Per omnia sæcula sæculorum. **R.** Amen.

V. Dóminus vobiscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum, et justum est.

Vere dignum et justum est, æquum et salutáre, nos tibi semper, et ubique grátias ágere: Dómine sancte, Pater omnipotens, ætérne Deus. **Q**uia per incarnáti Verbi mystérium, novæ mentis nostræ óculis lux tuæ claritátis infúlsit: ut dum visibíliter Deum cognóscimus, per hunc in invisibílium amórem rapiámur. Et ídeo cum Angelis et Archángelis, cum Thronis et Dominationibus, cumque omni milítia cœlestis exércitus, hymnum glóriæ tuæ cánimus, sine fine dicéntes.

Sanctus, **S**anctus, **S**anctus Dóminus Deus Sábaoth. **P**leni sunt cœli, et terra glória tua, **H**osánna in excélsis. **B**enedíctus qui venit in nómine Dómini, **H**osánna in excélsis.

Infra actionem.

Communicántes, et diem sacratíssimum celebrántes, quo Beátæ Mariæ intemeráta virginitas, huic mundo édedit Salvatórem: sed et memóriam venerántes, in primis, ejúsdem gloriósæ semper Vírginis Mariæ, genitrícis ejúsdem Dei, et Dómini nostri Jesu Christi: sed et beatórum Apostolorum, ac Mártýrum tuórum, Petri et Páuli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Páuli, Cosmæ et Damiáni: et ómnium Sanctórum tuórum; quorum méritis, precibúsq; concédas, ut in ómnibus protectionis tuæ muniámur auxílio.

Jungit manus. Per eúmdem Christum Dóminum nostrum. Amen.

Tenens manus expansas super oblata, dicit: Hanc igitur oblationem, etc. **ut in Canone.**

In prima vero Missa Nativitatis Domini dicitur: Noctem sacratíssimam celebrántes, qua, **deinde semper dicitur** diem sacratíssimum, quo, **usque ad Octavam Nativitatis Domini inclusive, et non ultra.**

IN EPIPHANIA DOMINI.

¶ **Sequens Præfatio dicitur in Epiphania Domini, et per Octavam.**

Per ómnia sæcula sæculórum.
R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum, et justum est.

Vere dignum et justum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus. **Q**uia, cum Unigénitus tuus in substántia nostræ mortalitátis appáruit, nova nos immortalitátis suæ luce reparávit. Et ideo cum Angelis et Archángelis, cum Thronis et Dominationibus, cumque omni militía cœlestis exercitus, hymnum glóriæ tuæ cánimus, sine fine dicéntes.

Sanctus, **S**anctus, **S**anctus Dóminus Deus Sábaoth. **P**leni sunt cœli, et terra glória tua, **H**osanna in excélsis. **B**enedíctus qui venit in nómine Dómini, **H**osánna in excélsis.

Infra actionem.

Communicántes, et diem sacratíssimum celebrántes, quo Unigénitus tuus in tua tecum glória coætérmus, in veritate carnis nostræ visibíliter corporális appáruit. Sed et memóriam venerántes, in primis gloriósæ semper Vírginis Mariæ, genitrícis ejúsdem Dei, et Dómini nostri Jesu Christi: sed et beatórum Apostolórum, ac Mártyrum tuórum, Petri et Pauli, Andréæ, Jacóbi, Joán-

nis, Thomæ, Jacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni: et ómnium Sanctórum tuórum, quorum méritis, precibúsq; concédas, ut in ómnibus protectionis tuæ muniámur auxílio.

Jungit manus. Per eúmdem Christum Dóminum nostrum. Amen.

Et dicitur per totam Octavam.

Tenens manus expansas super oblata, dicit: Hanc igitur oblationem, etc. ut in Canone.



IN QUADRAGESIMA.

¶ **Sequens Præfatio dicitur a Feria quarta Cinerum usque ad Sabbatum ante Dominicam Passionis inclusive, nisi in Festis propria assignetur.**

Per ómnia sæcula sæculórum.
R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum, et justum est.

Vere dignum, et justum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus. **Q**ui corporáli jejúnio vítia cómprimis, mentem elevas, virtútem largiris et præmia: Per Christum Dóminum nostrum. Per quem majestátem tuam laudant Angeli, adórant Dominationes, tremunt Potestátes. Cœli, cœlorúmque virtútes, ac beáta Séraphim, sócia exultatióne concélebrant.

Præfationes sine cantu per totum annum.

Cum quibus et nostras voces, ut admitti jubeas deprecamur, supplici confessione dicentes.

Sanctus, **S**anctus, **S**anctus Dominus Deus Sabaoth. **P**leni sunt cœli, et terra glória tua, **H**osanna in excelsis. **B**enedictus qui venit in nomine Domini, **H**osanna in excelsis.

**IN MISSIS DE PASSIONE
ET DE S. CRUCE.**

¶ **Sequens Præfatio dicitur a Dominica Passionis usque ad Feriam quintam in Cœna Domini inclusive (nisi in Festis tunc occurrentibus propria assignetur) et in Missis de Cruce, et de Passione.**

Per omnia sæcula sæculorum.
R. Amen.

V. Dominus vobiscum.

R. Et cum spiritu tuo.

V. Sursum corda.

R. Habemus ad Dominum.

V. Grátias agamus Domino Deo nostro.

R. Dignum, et justum est.

Vere dignum, et justum est, æquum, et salutäre, nos tibi semper, et ubique grátias ágere: Domine sancte, Pater omnipotens ætérne Deus. **Q**ui salutem humáni géneris in ligno Crucis constituísti: ut unde mors oriebatur, inde vita resurgeret: et qui in ligno vincebat, in ligno quoque vinceretur: **P**er Christum Dominum nostrum. **P**er quem majestátem tuam laudant Angeli, adórant Dominatiónes, tremunt potestátes. Cœli, cœlorúmque virtútes, ac beáta Séraphim, sócia exultatióne concélebrant. Cum quibus et nostras voces, ut admitti jubeas deprecamur, supplici confessione dicentes.

Sanctus, **S**anctus, **S**anctus Dominus Deus Sabaoth. **P**leni sunt cœli, et terra glória tua, **H**osanna in excelsis. **B**enedictus qui venit in nomine Domini, **H**osanna in excelsis.

IN PASCHATE.

¶ **Sequens Præfatio dicitur a Vigilia Paschæ usque ad Ascensionem, et in Festis eo tempore occurrentibus, nisi in eis propria assignetur.**

In Missa Sabbati sancti dicitur, in hac potíssimum nocte: in die Paschæ usque ad Sabbatum in albis inclusive, in hac potíssimum die, et deinceps, in hoc potíssimum gloriósius.

Per omnia sæcula sæculorum.
R. Amen.

V. Dominus vobiscum.

R. Et cum spiritu tuo.

V. Sursum corda.

R. Habemus ad Dominum.

V. Grátias agamus Domino Deo nostro.

R. Dignum, et justum est.

Vere dignum et justum est, æquum et salutäre: **T**e quidem Domine omni témpore, (sed in hac potíssimum die) **vel** (in hoc potíssimum) gloriósius prædicäre, cum pascha nostrum immolátus est Christus. Ipse enim verus est Agnus, qui abstulit peccáta mundi. Qui mortem nostram moriendo destrúxit, et vitam resurgendo reparávit. Et ideo cum Angelis et Archángelis, cum Thronis et Dominatiónibus, cumque omni milítia cœlestis exercitus, hymnum glóriæ tuæ cānimus, sine fine dicentes.

Sanctus, **S**anctus, **S**anctus Dominus Deus Sabaoth. **P**leni sunt cœli, et terra glória tua, **H**osanna in excelsis. **B**enedictus qui venit in nomine Domini, **H**osanna in excelsis.

Infra actionem.

Communicantes, et diem sacramentissimum celebrantes Resurrectionis Domini nostri Jesu Christi secundum carnem: sed et memoriam venerantes, in primis gloriosæ semper Virginis Mariæ, genitricis ejusdem Dei et Domini nostri Jesu Christi: sed et beatorum Apostolorum, ac Martyrum tuorum, Petri et Pauli, Andréæ, Jacobi, Joannis, Thomæ, Jacobi, Philippi, Bartholomæi, Matthæi, Simonis et Thaddæi: Lini, Cleti, Clementis, Xysti, Cornélii, Cypriani, Laurentii, Chrysogoni, Joannis et Pauli, Cosmæ et Damiáni, et omnium Sanctorum tuorum; quorum meritis precibusque concedas, ut in omnibus protectionis tuæ muniamur auxilio.

Jungit manus. Per eundem Christum Dominum nostrum. Amen.

Tenens manus expansas super oblata dicit: Hanc igitur oblationem servitutis nostræ, sed et cunctæ familiæ tuæ, quam tibi offerimus pro his quoque, quos regenerare dignatus es ex aqua, et Spiritu sancto, tribuens eis remissionem omnium peccatorum, quæsumus Domine, ut placatus accipias: diēsque nostros in tua pace disponas, atque ab æterna damnatione nos eripi, et in electorum tuorum jubeas græge numerari.

Jungit manus. Per Christum Dominum nostrum. Amen.

Sic dicitur a Vigilia Paschæ usque ad Sabbatum in albis inclusive: sed in Missa Sabbati sancti dicitur: Et noctem sacramentissimam celebrantes.

Quam oblationem tu Deus, etc. ut in Canone.

IN ASCENSIONE DOMINI.

Sequens Præfatio dicitur a die Ascensionis, usque ad Vigiliam Pentecostes exclus., et in Festis tunc occurrentibus, nisi propriam habuerint.

Per omnia sæcula sæculorum.
R. Amen.

V. Dominus vobiscum.

R. Et cum spiritu tuo.

V. Sursum corda.

R. Habemus ad Dominum.

V. Grátias agámus Dómino Deo nostro.

R. Dignum, et justum est.

Vere dignum et justum est, æquum et salutäre, nos tibi semper et ubique grátias ágere: Dómine sancte, Pater omnipotens, ætérne Deus: Per Christum Dóminum nostrum. Qui post resurrectionem suam omnibus discipulis suis manifestus apparuit, et ipsis cernéntibus est elevátus in cœlum, ut nos divinitátis suæ tribúeret esse partícipes. Et ídeo cum Angelis et Archángelis, cum Thronis et Dominationibus, cumque omni milítia cœlestis exércitus, hymnum glóriæ tuæ cānimus, sine fine dicéntes.

Sanctus, Sanctus, Sanctus Dóminus Deus Sábaoth. Pleni sunt cœli, et terra glória tua, Hosánna in excélsis. Benedíctus qui venit in nómine Dómini, Hosánna in excélsis.

Infra actionem.

Communicantes, et diem sacramentissimum celebrantes, quo Dóminus noster, unigénitus Fílius tuus, unitam sibi fragilitátis nostræ substantiam, in glóriæ tuæ dextera collocávit: sed et memoriam venerantes,

Præfationes sine cantu per totum annum.

in primis gloriósæ semper Virgini Mariæ, genitricis ejúsdem Dei et Dómini nostri Jesu Christi; sed et beatórum Apostolórum, ac Mártýrum tuórum Petri et Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni: et ómnium Sanctórum tuórum, quorum méritis, precibúsq; concédas, ut in ómnibus protectionis tuæ muniámur auxílio.

Jungit manus. Per eúmdem Christum Dóminum nostrum. Amen.

Et dicitur per totam Octavam.

Tenens manus expansas super oblata, dicit: Hanc igitur oblationem etc. **ut in Canone.**

IN PENTECOSTE.

¶ **Sequens Præfatio dicitur a Vigilia Pentecostes usque ad sequens Sabbatum inclusive, et in Missis votivis de Spiritu sancto, sed omissa hodiérna die.**

Per ómnia sæcula sæculórum.
R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum, et justum est.

Vere dignum et justum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus: Per

Christum Dóminum nostrum. **Q**ui ascéndens super omnes cœlos, sedénsque ad dexteram tuam, promíssum Spíritum sanctum (hodiérna die) in filios adoptiónis effúdit. Quaprópter profúsis gáudiis, totus in orbe terrárum, mundus exúltat. Sed et supérnæ virtútes, atque Angélicæ potestátes, hymnum glóriæ tuæ cóncinunt, sine fine dicéntes.

Sanctus, **S**anctus, **S**anctus Dóminus Deus Sábaoth. **P**leni sunt cœli, et terra glória tua, **H**osánna in excélsis. **B**enedíctus qui venit in nómine Dómini, **H**osánna in excélsis.

Infra actionem.

Communicántes, et diem sacratíssimum Pentecóstes celebrántes, quo Spíritus sanctus Apóstolis, innúmeris línguis appáruit. Sed et memóriam venerántes, in primis gloriósæ semper Virgini Mariæ, genitricis Dei et Dómini nostri Jesu Christi: sed et beatórum Apostolórum, ac Mártýrum tuórum Petri et Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum; quórum méritis, precibúsq; concédas, ut in ómnibus protectionis tuæ muniámur auxílio.

Jungit manus. Per eúmdem Christum Dóminum nostrum. Amen.

Tenens manus expansas super oblata, dicit: Hanc igitur oblationem servitútis nostræ, sed et cúnctæ familiæ tuæ, quam tibi offérimus pro his quoque, quos regeneráre digná-

Præfationes sine cantu per totum annum.

tus es ex aqua, et Spíritu sancto, tribuens eis remissionem omnium peccatorum, quæsumus Dómine, ut placatus accípias, diésque nostros in tua pace dispónas, atque ab ætérna damnatione nos éripi, et in electórum tuórum júbeas grege numerári.

Jungit manus. Per Christum Dóminum nostrum. Amen.

Et dicitur usque ad sequens Sabbatum inclusive, Quam oblationem, etc. ut in Canone.

**In Festo
SANCTISSIMÆ TRINITATIS
et
in Dominicis per annum.**

¶ **Sequens Præfatio dicitur in festo Sanctissimæ Trinitatis, et in Missis votivis ejusdem: nec non et in omnibus Dominicis per annum, quando præfatio propria non sit assignata, juxta Decretum Sac. Rit. Congreg. die 3. Jan. 1759.**

Per ómnia sæcula sæculórum.
R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum, et justum est.

Vere dignum et justum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus. **Q**ui cum Unigénito Fílio tuo, et Spíritu sancto, unus es Deus, unus es Dóminus: non in uníus singularitáte persónæ, sed in uníus Trinitáte substántiæ.

Quod enim de tua glória, revelánte te, crédimus, hoc de Fílio tuo, hoc de Spíritu sancto, sine differentia discretiónis sentimus. Ut in confessione veræ, sempiternæque Deitátis, et in persónis proprietas, et in essentia únitas, et in majestáte adorétur æquálitas. Quam laudant Angeli, atque Archángeli, Chérubim quoque, ac Séraphim: qui non cessant clamáre quotidie, una voce dicéntes.

Sanctus, **S**anctus, **S**anctus Dóminus Deus Sábaoth. **P**leni sunt cœli, et terra glória tua, **H**osánna in excélsis. **B**enedíctus qui venit in nómine Dómini, **H**osánna in excélsis.

**IN
FESTIS ET MISSIS VOTIVIS
B. MARIE VIRGINIS.**

¶ **Sequens Præfatio dicitur in Festis Beatæ Mariæ (excepto Festo Purificationis, in quo dicitur de Nativitate Domini) et per eorum Octavas, etiam in Festis infra eas occurrentibus, si propriam non habuerint, et in Missis votivis de B. Maria. Dicitur autem vel, Et te in Annuntiatione, vel Visitatione, vel Assumptione, vel Nativitate, vel Præsentatione, vel Conceptione, vel Desponsatione, secundum denominationem Festi: et in Dedicatione S. Mariæ ad Nives: et in Festo SS. ejusdem Nominis, et de Mercede, dicitur, Et te in Festivitate. In festo Septem Dolorum dicitur, Et te in Transfixione. In festo de Monte Carmelo dicitur, Et te in Commemoratione. In festo SS. Rosarii dicitur, Et te in Solemnitate.**

In Missis votivis, et in Sabbato dicitur, Et te in Veneratione.

Præfationes sine cantu per totum annum.

Per ómnia sæcula sæculórum.
R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum, et justum est.

Vere dignum, et justum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus. **Et** te in **** beátæ Mariæ semper Vírginis collaudáre, benedícere, et prædicáre. Quæ et Unigénitum tuum sancti Spíritus obumbratióne concépit: et virginitátis glória permanénite, Lumen ætérnum mundo effúdit, Jesum Christum Dóminum nostrum. Per quem majestátem tuam laudant Angeli, adórant Dominationes, tremunt Potestátes. Cœli, cœlorúmque virtutes, ac beáta Séraphim, sócia exultatióne concélebrant. Cum quibus et nostras voces, ut admítti júbeas deprecámur, súpplíci confessióne dicéntes.

Sanctus, Sanctus, Sanctus Dóminus Deus Sábaoth. Pleni sunt cœli, et terra glória tua, Hosánna in excélsis. Benedíctus qui venit in nómine Dómini, Hosánna in excélsis.

**IN
FESTIS APOSTOLORUM.**

¶ **Sequens Præfatio dicitur in Festis Apostolorum et Evangelistarum (præterquam in die S. Joannis Apo-**

stoli,) et per Octavas eorum, et in Festis infra eas occurrentibus, nisi in eis propria assignetur, et in Missis votivis de Apostolis.

Per ómnia sæcula sæculórum.
R. Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum, et justum est.

Vere dignum, et justum est, æquum et salutáre. **Te** Dómine suppliciter exoráre, ut gregem tuum Pastor ætérne non déseras: sed per beátos Apóstolos tuos continúa protectióne custódias. Ut iisdem rectóribus gubernétur, quos óperis tui Vicários eidem contulísti præesse pastóres. Et ídeo cum Angelis, et Archángelis, cum Thronis, et Dominationibus, cumque omni milítia cœléstis exercitus, hymnum glóriæ tuæ cánimus, sine fine dicéntes.

Sanctus, Sanctus, Sanctus Dóminus Deus Sábaoth. Pleni sunt cœli, et terra glória tua, Hosánna in excélsis. Benedíctus qui venit in nómine Dómini, Hosánna in excélsis.

**IN
FESTIS ET FERIIS
per annum.**

¶ **Sequens Præfatio dicitur per annum in omnibus Festis, et Feriis, quæ propriam non habent, et in omnibus Missis Defunctorum.**

Præfationes sine cantu per totum annum.

Per ómnia sæcula sæculórum.

R. Amen.

V. Dóminus vobíscum.

R. Et cum spírítu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.


R. Dignum, et justum est.

Vere dignum, et justum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus: Per Christum Dóminum nostrum. Per

quem majestátem tuam laudant Angeli, adórant Dominationes, tremunt Potestátes. Cœli, cœlorúmque virtútes, ac beáta Séraphim, sócia exultatióne concélebrant. Cum quibus et nostras voces, ut admitti júbeas deprecámur, súpplíci confessióne dicétes.

Sanctus, **S**anctus, **S**anctus Dóminus Deus Sábaoth. **P**leni sunt cœli, et terra glória tua, **H**osánna in excélsis. **B**enedíctus qui venit in nómine Dómini, **H**osánna in excélsis.





CANON MISSÆ.

Sacerdos extendens, elevans et jungens manus, elevans ad cœlum oculos, et statim demittens, profunde inclinatus ante Altare, manibus super eo positis, dicit:



E igitur, clementissime Pater, per Jesum Christum Filium tuum

Dñm nostrum, supplices rogamus, ac petimus, **Osculatur Altare**, uti accepta habeas, et benedicas, **Jungit manus**, deinde signat ter super oblata, hæc † dona, hæc † munera, hæc † sancta sacrificia illibata, **Extensis manibus prosequitur**; in primis, quæ tibi offerimus pro Ecclesia tua sancta catholica: quam pacificare, custodire, adunare, et regere digneris toto orbe terrarum: una cum famulo tuo Papa nostro **N.** et Antistite nostro **N.** et omnibus orthodoxis, atque catholicæ, et Apostolicæ fidei cultoribus.

Commemoratio

pro

V I V I S.

MEmento, Domine, famulorum, famularumque tuarum **N.** et **N.** Jungit manus, orat aliquantulum pro quibus orare intendit: deinde manibus extensis prosequitur. Et omnium circumstantium, quorum tibi fides cognita est, et nota devotio, pro quibus tibi offerimus: vel qui tibi offerunt hoc sacrificium laudis, pro se, suisque omnibus: pro redemptione animarum suarum, pro spe salutis, et incolumitatis suæ: tibi que reddunt vota sua æterno Deo, vivo, et vero.

CANON MISSÆ.

Infra Actionem.

Communicantes, et memoriam venerantes, in primis gloriosæ semper Virginis Mariæ, genitricis Dei, et Domini nostri Jesu Christi: sed et beatorum Apostolorum ac Martyrum tuorum, Petri et Pauli, Andreæ, Jacobi, Joannis, Thomæ, Jacobi, Philippi, Bartholomæi, Matthæi, Simonis et Thaddæi: Lini, Cleti, Clementis, Xysti, Cornelii, Cypriani, Laurentii, Chrysogoni, Joannis et Pauli, Cosmæ et Damiani: et omnium Sanctorum tuorum; quorum meritis, precibusque concedas, ut in omnibus protectionis tuæ muniamur auxilio. **Jungit manus.** Per eundem Christum Dominum nostrum. Amen.

**Tenens manus expansas
super oblata, dicit:**

Hanc igitur oblationem servitutis nostræ, sed et cunctæ familiæ tuæ, quæsumus Domine,

ut placatus accipias: discesque nostros in tua pace disponas, atque ab æterna damnatione nos eripi, et in electorum tuorum jubeas grege numerari. **Jungit manus.** Per Christum Dominum nostrum. Amen.

Quam oblationem tu Deus in omnibus, quæsumus, **Signat ter super oblata,** bene † dictam, adscri † ptam, rat † tam, rationabilem, acceptabilemque facere digneris: **Signat semel super Hostiam, et semel super Calicem,** ut nobis Cor † pus, et San † guis fiat dilectissimi Filii tui Dñi nostri Jesu Christi.

Qui pridie quam pateretur, **Accipit Hostiam,** accepit panem in sanctas, ac venerabiles manus suas, **Elevat oculos ad cælum,** et elevatis oculis in cælum ad te Deum Patrem suum omnipotentem, tibi gratias agens, **Signat super Hostiam,** bene † dixit,

fregit, deditque discipulis suis, dicens: Accipite, et manducate ex hoc omnes.

Tenens ambabus manibus Hostiam inter indices, et pollices, profert verba consecrationis secrete, distincte, et attente super Hostiam, et simul super omnes, si plures sint consecrandæ.

Hoc est enim Corpus meum.

Prolatis verbis consecrationis, statim Hostiam consecratam genuflexus adoratur: surgit, ostendit populo, reponit super Corporale, iterum adoratur: et non disjungit pollices, et indices, nisi quando Hostia tractanda est, usque ad ablutionem digitorum. Tunc detecto Calice, dicit:

Simili modo postquam Scœnatum est, *Ambabus manibus accipit Calicem, accipiens et hunc præclarum Calicem in sanctas, ac venerabiles manus suas: item tibi gratias agens, Sinistra tenens Calicem, dextera signat super eum, bene-† dixit, deditque discipulis suis, dicens: Accipite, et bibite ex eo omnes.*

Profert verba consecrationis super Calicem, attente, continue, et secrete, tenens illum parum elevatum.

Hic est enim Calix sanguinis mei, novi et æterni testamenti: mysterium fidei: qui pro vobis, et pro multis effundetur in remissionem peccatorum.

Prolatis verbis consecrationis, deponit Calicem super Corporale, et dicens secrete:

Hæc quotiescumque feceritis, in mei memoriam facietis.

Genusflexus adoratur: surgit, ostendit populo, deponit, cooperit, et iterum adoratur. Deinde disjunctis manibus, dicit:

Unde et memores, Domine, nos servi tui, sed et plebs tua sancta, ejusdem Christi Filii tui Domini nostri tam beatæ passionis, necnon et ab inferis resurrectionis, sed et in cœlos gloriosæ

CANON MISSÆ.

ascensionis: offerimus præclaræ majestati tuæ de tuis donis, ac datis, **Jungit manus, et signat ter super Hostiam, et Calicem simul, Hostiam† puram, hostiam† sanctam, hostiam† immaculatam, Signat semel super Hostiã, et semel super Calicem: Panem† sanctum vitæ æternæ, et Calicem† salutis perpetuæ.**

Extensis manibus prosequitur.

Supra quæ propitio ac sereno vultu respicere digneris: et accepta habere, sicuti accepta habere dignatus es munera pueri tui justî Abel, et sacrificium Patriarchæ nostri Abrahamæ: et quod tibi obtulit summus sacerdos tuus Melchisedech, sanctum sacrificium, immaculatam hostiam.

Profunde inclinatus junctis manibus, et super altare positus, dicit:

Supplices te rogamus, Omnipotens Deus: jube hæc perferri per manus sancti Angeli tui in sublime altare tuum, in

conspectu divinæ majestatis tuæ: ut quotquot, **Osculatur Altare**, ex hac altaris participatione, sacrosanctum Filii tui, **Jungit manus, et signat semel super Hostiam, et semel super Calicem, Corpus†, et San† guinem sumpserimus, Seipsum signat**, omni benedictione cœlesti et gratia repleamur. **Jungit manus.** Per eundem Christum Domiñ nostrum. Amen.

**Commemoratio
PRO DEFUNCTIS.**

Memento etiam, Domine, famulorum, famularumque tuarum **N.** et **N.** qui nos præcesserunt cum signo fidei, et dormiunt in somno pacis.

Jungit manus, orat aliquantulum pro iis defunctis, pro quibus orare intendit, deinde extensis manibus prosequitur:

Ipsis, Domine, et omnibus in Christo quiescentibus, locum refrigerii, lucis et pacis, ut indulgeas, deprecamur. **Jungit manus et caput inclinat.** Per eundem Christum Domiñ nostrum. Amen.

CANON MISSÆ.

Manu dextera percutit sibi pectus,
elata parum voce, dicens:

Nobis quoque peccato-
ribus famulis tuis, de
multitudine miseration-
um tuarum speranti-
bus, partem aliquam, et
societatem donare di-
gneris, cum tuis sanctis
Apostolis et Martyribus:
cum Joanne, Stephano,
Matthia, Barnaba, Igna-
tio, Alexandro, Marcel-
lino, Petro, Felicitate,
Perpetua, Agatha, Lu-
cia, Agnete, Cæcilia,
Anastasia, et omnibus
Sanctis tuis: intra quo-
rum nos consortium,
non æstimator meriti,
sed veniæ, quæsumus,
largitor admitte. **Jungit**
manus. Per Christum
Dominum nostrum.

Per quem hæc omnia,
Domine, semper bona
creas, **Signat** super Ho-
stiam, et **Calicem** simul,
dicens: sancti † ficas, vi-
vi † ficas, bene † dicis,
et præstas nobis.

Discooperit Calicem, genuflectit,
accipit Sacramentum dextera, tenens
sinistra Calicem: signat cum Hostia
ter a labio ad labium Calicis, dicens:

Per ip † sum, et cum
ip † so, et in ip † so, **Bis**
signat inter Calicem, et pe-
ctus est tibi Deo Patri †
omnipotenti, in unitate
Spiritus † sancti, **Ele-**
vans parum Calicem cum
Hostia dicit: omnis honor,
et gloria.

Reponit Hostiam, cooperit Calicem,
genuflectit, surgit, et dicit cantando,
vel legendo.

Per ómnia sæ cula sæ culó-
rum. **R.** Amen. **Jungit manus.**

Orémus: Præcéptis salutáribus
móniti, et divína insti tu ti ó ne
for má ti au dé mus dí ce re.
Extendit manus.

Pater noster, qui es in cœlis:
San cti fi cé tur no men tu um:
Ad vé ni at re gnum tuum: Fiat

CANON MISSÆ.

volúntas tua, sicut in cœlo,

et in terra. Panem nostrum

quo ti di á num da nobis hó di e:

Et dimítte nobis débita nostra,

sicut et nos dimítimus debi-

tóribus nostris. Et ne nos in-

dúcas in ten ta ti ó nem.

R. Sed lí be ra nos à ma lo.
Sacerdos secreta dicit: Amen.

Sequens cantus dicitur in Festis simplicibus, et diebus Ferialibus, et in Missis Defunctorum.

Per ó mni a sæ cu la sæ cu-

ló rum. **R.** A men.

Orémus: Præcéptis salutáribus

mó niti, et di ví na insti tu ti ó ne

for má ti, au dé mus dí ce re.

PA ter noster, qui es in cœlis:

San cti ficé tur no men tuum: Ad-

vé ni at re gnum tuum: Fi at

vo lú ntas tua, sicut in cœlo et

in terra. Panem no strum quo-

ti di á num da nobis hó di e:


Et dimítte nobis débita nostra,

sicut et nos dimít ti mus debi-

tó ri bus nostris. Et ne nos

in dú cas in ten ta ti ó nem.

CANON MISSÆ.



R. Sed líbera nos à ma lo.

Sacerdos submissa voce dicit: Amen.

Deinde accipit Patenam inter indicem, et medium digitos, et dicit:

Libera nos, quæsumus Domine, ab omnibus malis, præteritis, præsentibus, et futuris: et intercedente beata, et gloriosa semper Virgine Dei genitrice Maria, cum beatis Apostolis tuis Petro et Paulo, atque Andrea, et omnibus Sanctis, **Signat se cum Patena a fronte ad pectus, et eam osculatur:** da propitius pacem in diebus nostris: ut ope misericordiæ tuæ adjuti, et a peccato simus semper liberi, et ab omni perturbatione securi.

Submittit Patenam Hostiæ, discooperit Calicem, genuflectit, surgit, accipit Hostiam, frangit eam super Calicem per medium, dicens:

Per eundem Dominum nostrum Jesum Christum Filium tuum.

Partem, quæ in dextera est, ponit super Patenam. Deinde ex parte, quæ in sinistra remansit, frangit particulam, dicens:

Qui tecum vivit et regnat in unitate Spiritus sancti Deus.

Aliam mediam partem cum ipsa sinistra ponit super Patenam, et dextera tenens particulam super Calice, sinistra Calicem, dicit:



Per ómnia sæcula sæcu-

lórum. **R.** A men.

Cum ipsa particula signat ter super Calicem, dicens:



Pax † Dómini sit † semper

vo bís † cum.



R. Et cum spíritu tuo.

Particulam ipsam immittit in Calicem, dicens secreta:

Hæc commixtio, et consecratio Corporis et Sanguinis Domini nostri Jesu Christi, fiat accipientibus nobis in vitam æternam. Amen.

Cooperit Calicem, genuflectit, surgit, et inclinatus Sacramento, junctis manibus, et ter pectus percutiens, dicit:

CANON MISSÆ.

Agnus Dei, qui tollis peccata mundi, miserere nobis.

Agnus Dei, qui tollis peccata mundi, miserere nobis.

Agnus Dei, qui tollis peccata mundi, dona nobis pacem.

In Missis pro Defunctis non dicitur, miserere nobis, sed ejus loco, dona eis requiem, et tertio additur, sempiternam.

Deinde junctis manibus super Altare, inclinatus dicit seq. Orationes:

Domine Jesu Christe, qui dixisti Apostolis tuis: Pacem relinquo vobis, pacem meam do vobis: ne respicias peccata mea, sed fidem Ecclesiæ tuæ: eamque secundum voluntatem tuam pacificare et coadunare digneris: qui vivis et regnas Deus, per omnia sæcula sæculorum. Amen.

Si danda est pax, osculatur Altare, et dans pacem, dicit: Pax tecum.

Resp. Et cum spiritu tuo.

In Missis Defunctorum non datur pax, neque dicitur præcedens Oratio.

Domine Jesu Christe, Fili Dei vivi, qui ex voluntate Patris, cooperante Spiritu sancto, per mortem tuam mundum vivificasti: libera me per hoc sacrosanctum Corpus et Sanguinem tuum ab omnibus iniquitatibus meis, et universis malis: et fac me tuis semper inhærere mandatis, et a te numquam separari permittas: qui cum eodem Deo Patre, et Spiritu sancto vivis et regnas Deus in sæcula sæculorum. Amen.

Perceptio Corporis tui, Domine Jesu Christe, quod ego indignus sumere præsumo, non mihi proveniat in judicium et condemnationem: sed pro tua pietate prosit mihi ad tutamentum mentis et corporis, et ad medelam percipiendam: qui vivis et regnas cum Deo Patre in unitate Spiritus sancti Deus, per omnia sæcula sæculorum Amen.

CANON MISSÆ.

Genusflectit, surgit, et dicit:

Panem coelestem accipiam, et nomen Domini invocabo.

Deinde parum inclinatus, accipit ambas partes Hostiæ inter pollicem et indicem sinistræ manus, et Patenam inter eundem indicem, et medium, et dextera percutiens pectus, elevata aliquantulum voce, dicit ter devote, et humiliter:

Domine, non sum dignus, ut intres sub tectum meum: sed tantum dic verbo, et sanabitur anima mea.

Postea dextera se signans cum Hostia super patenam, dicit:

Corpus Domini nostri Jesu Christi custodiat animam meam in vitam æternam. Amen.

Sumit reverenter ambas partes Hostiæ, jungit manus, et quiescit aliquantulum in meditatione SS. Sacramenti. Deinde discooperit Calicem, genuflectit, colligit fragmenta, si quæ sint, extergit Patenam super Calicem, interim dicens:

Quid retribuam Domino pro omnibus quæ retribuit mihi? Calicem salutaris accipiam, et nomen Domini invocabo. Laudans invocabo Dominum, et ab inimicis meis salvus ero.

Accipit Calicem manu dextera, et eo se signans, dicit:

Sanguis Domini nostri Jesu Christi custodiat animam meam in vitam æternam. Amen.

Sumit totum Sanguinem cum particula. Quo sumpto, si qui sunt communicandi, eos communicet, antequam se purificet. Postea dicit:

Quod ore sumpsimus, Domine, pura mente capiamus: et de munere temporali fiat nobis remedium sempiternum.

Interim porrigit Calicem ministro, qui infundit in eo parum vini, quo se purificat: deinde prosequitur:

Corpus tuum, Domine, quod sumpsi, et Sanguis, quem potavi, adhæreat visceribus meis, et præsta: ut in me non remaneat scelerum macula, quem pura et sancta refecerunt sacramenta: Qui vivis et regnas in sæcula sæculorum. Amen.

Abluit digitos, extergit, et sumit ablutionem: extergit os, et Calicem quem operit, et plicato Corporali, collocat in Altari ut prius: deinde prosequitur Missam.

Dicto, post ultimam Orat. Dominus vobiscum.

Resp. Et cum spiritu tuo. dicit pro Missæ qualitate,

CANON MISSÆ.

vel, Ite missa est, vel, Benedicamus Domino.

Resp. Deo gratias.

In Missis Defunctorum dicit: Requiescant in pace.

Resp. Amen.

Tempore Paschali, hoc est a Missa Sabbati sancti usque ad Sabbatum in Albis inclusive.




In Festis solemnibus.




In Festis Duplicibus.




In Missis beatæ Mariæ.




In Dominicis infra Annum, in Festis Semiduplicibus, et infra Octavas, quæ non sunt beatæ Mariæ.



In Festis simplicibus.



In Ferialis per Annum.




In Dominicis adventus, et Quadrag.




In Ferialis.



In Missa Vigilæ Nativitatis Domini: in Festo sanctorum Innocentium, et in Missis Votivis pro re gravi, quando non dicitur Glória in excelsis.



In Missis Defunctorum.



CANON MISSÆ.

Dicto **Ite missa est, vel Benedicamus Domino,** Sacerdos inclinatur se ante medium Altaris, et manibus junctis super illud, dicit:

Placeat tibi, sancta Trinitas, obsequium servitutis meæ, et præsta: ut sacrificium, quod oculis tuæ majestatis indignus obtuli, tibi sit acceptabile, mihi que, et omnibus, pro quibus illud obtuli, sit, te miserante, propitiabile. **Per Christum Dominum nostrum Amen.**

Deinde osculatur Altare: et elevatis Oculis, extendens, elevans, et jungens manus, caputque Cruci inclinans, dicit: Benedicat vos omnipotens Deus, et versus ad populum, semel tantum benedicens, etiam in Missis solemnibus prosequitur, Pater, et Filius, † et Spiritus sanctus.

Resp. Amen.

In Missa Pontificali ter benedicatur, ut in Pontificali habetur.

Deinde in cornu Evangelii, dicto, Dominus vobiscum, et Initium, vel Sequentia sancti Evangelii, signans Altare, vel librum, et se, ut supra in Evangelio Missæ, legit Evangelium secundum Joannem, In principio erat Verbum, vel aliud Evangelium, ut dictum est in Rubricis generalibus. Cum dicit, Et Verbum caro factum est, genuflectit. In fine Resp. Deo gratias.

In Missis Defunctorum non datur benedictio, sed dicto, Requiescant in pace, dicit: Placeat tibi sancta Trinitas: deinde osculato Altari legit Evangelium S. Joannis. Finito Evangelio S. Joannis, discedens ab Altari, pro gratiarum actione dicit Antiph. Trium puerorum. cum reliquis, ut habetur in principio Missalis.





DOMINICA

RESURRECTIONIS.

STATIO
ad Sanctam Mariam Majorem.

Introitus.
Psal. 138.



REsurrexi,
et adhuc
tecumsum,
allelúja: po-
suisti super
me manum
tuam, alle-
lúja: mirá-
bilis facta
est sciéntia

tua, allelúja, allelúja.

Psal. ibid. Dómine pro-
básti me, et cognovísti
me: tu cognovísti sessió-
nem meam, et resurre-
ctiónem meam.

V. Glória Patri.

Oratio.

DEus, qui hodiérna
die per Unigénitum
tuum, æternitátis nobis
áditum devícta morte re-
serásti: vota nostra, quæ

præveniéndò aspiras, etiam adjuvándò pro-
séquare. Per eúmdem Dóminum.

**Léctio Epístolæ beáti Pauli Apóstoli ad
Corínthios.**

1. Cor. 5. c

FRatres, Expurgáte vetus fermentum, ut
sitis nova conspersio, sicut estis ázy-
mi. Etenim Pascha nostrum immolátus est Chri-
stus. Itaque epulémur, non in fermento vé-
teri, neque in fermento malitiæ, et nequitiæ:
sed in ázymis sinceritátis, et veritátis.

Graduale, Psal. 117. Hæc dies, quam fecit
Dóminus: exultémus, et lætémur in ea.

**V. Confitémini Dómino, quóniam bonus:
quóniam in sæculum misericórdia ejus.**

Allelúja, allelúja.

V. 1. Cor. 5. Pascha nostrum
immolátus est Christus.

SEQUENTIA.

Victimæ Pascháli laudes
immolent Christiáni.

Agnus redémit oves: Chri-
stus innocens Patri recon-
ciliávit peccatóres.

Mors et vita duéllo conflixére
mirándò: dux vitæ, mórtuus
regnat vivus.

Dic nobis María, quid vidísti
in via?

Sepúlchrum Christi vivéntis:
et glóriam vidi resurgéntis.

Angélicos testes, sudárium,
et vestes.

Surrexit Christus spes mea:
præcédet vos in Galilæam.

Scimus Christum surrexisse
à mórtuis vere: tu nobis vi-
ctor Rex miserére. Amen.

Allelúja.

**Sequentia dicitur usque ad
Sabbatum in Albis inclusive.**

**Sequéntia S. Evangélíi
secúndum Marcum.**

Marc. 16.

IN illo témpore: María
Magdaléne, et María Ja-
cóbí, et Salóme emérunt aró-
mata, ut veniéntes úngerent
Jesum. Et valde mane una
sabbatórum, véniunt ad mo-
numéntum, orto jam sole. Et
dicébant ad ínvicem: Quis
revólvet nobis lápidem ab
óstio monuménti? Et respici-
éntes vidérunt revolútum lá-
pidem. Erat quippe magnus
valde. Et introeúntes in mo-
numéntum vidérunt júvenem

Feria ii. post Pascha.

sedentem in dextris, coopertum stola candida, et obstupuerunt. Qui dicit illis: Nolite expavescere: Jesum quaeritis Nazarenum, crucifixum: surrexit, non est hic, ecce locus, ubi posuerunt eum. Sed ite, dicite discipulis ejus, et Petro, quia praecedat vos in Galilaeam: ibi eum videbitis, sicut dixit vobis. **Credo.**

Offertorium. Ps. 75. Terra tremuit, et quievit, dum resurgeret in iudicio Deus, allelúja.

Secreta.

Suscipe, quaesumus Domine, preces populi tui cum oblationibus hostiarum: ut Paschalibus initiata mysteriis, ad aeternitatis nobis medellam, te operante, proficiant. Per Dominum.

Præfatio. Te quidem Domine omni tempore, sed, in hac potissimum die. fol. 193. vel 214.

Infra actionem, Communicantes, et Hanc igitur oblationem, fol. 194. vel fol. 215.

Et sic dicitur usque ad Sabbatum in Albis inclusive.

Communio. 1. Cor. 5. Pascha nostrum immolatus est Christus, allelúja: itaque epulemur in azymis sinceritatis, et veritatis, allelúja, allelúja, allelúja.

Postcommunio.

Spiritus nobis, Domine, tuæ caritatis infunde: ut quos sacramentis Paschalibus satiasti, tua facias pietate concordēs. Per Dominum. in unitate ejusdem Spiritus sancti Deus.

Post Dominus vobiscum, dicitur, Ite missa est, allelúja, allelúja.

R. Deo grátias, allelúja, allelúja. **Et sic dicitur usque ad Sabbatum in Albis inclusive.**

¶ Infra Octavam Paschæ non fit de aliquo Festo Duplici, vel Semiduplici, sed post Octavam celebrantur. De Simplicibus autem occurrentibus post hoc triduum fit tantum commemoratio.

FERIA SECUNDA.

Statio ad sanctum Petrum.

Introitus. Exodi 13.

Introduxit vos Dominus in terram fluentem lac, et mel, allelúja: et ut lex Domini semper sit in ore vestro, allelúja, allelúja. **Psal. 104.** Confitemini Domino, et invocáte nomen ejus: annuntiáte inter Gentes ópera ejus.

V. Glória Patri.

Oratio.

Deus, qui solemnitate Paschali, mundo remédia contulisti: populum tuum, quaesumus, cœlesti dono proséquere; ut et perfectam libertatem consequi mereatur, et ad vitam proficiat sempiternam. Per Dñm.

Lectio Actuum Apostolorum.

Act. 10. f

IN diébus illis: Stans Petrus in medio plebis, dixit: Viri fratres, vos scitis quod factum est verbum per universam Judæam: incipiens enim à Galilæa, post baptismum, quod prædicavit Joannes, Jesum à Nazareth: quomodo unxit eum Deus Spiritu sancto, et virtute, qui pertransiit benefaciendo, et sanando omnes oppressos à diabolo, quoniam Deus erat cum illo. Et nos testes sumus ómnium, quæ fecit in regione Judæorum, et Jerúsalem, quem occiderunt suspendentes in ligno. Hunc Deus suscitavit tertia die, et dedit eum manifestum fieri, non omni populo, sed téstibus præordinatis à Deo: nobis, qui manducavimus, et bibimus cum illo, postquam resurrexit à mortuis. Et præcepit nobis prædicare populo, et testificari, quia ipse est, qui constitutus est à Deo iudex vivorum, et mortuorum. Huic omnes Prophætæ testimonium perhibent, remissionem peccatorum accipere per nomen ejus omnes, qui credunt in eum.

Graduale. Ps. 117. Hæc dies, quam fecit Dominus: exultemus, et lætemur in ea.

V. Dicat nunc Israel, quóniam bonus: quóniam in sæculum misericórdia ejus. **Allelúja, allelúja.**

V. Matth. 28. Angelus Dómini descendit de cælo: et accédens revólvit lápidem, et sedébat super eum.

Sequentia. Víctimæ Pascháli. cum Allelúja. in fine, ut supra in Dominica Paschæ. fol. 233.

Sequentia sancti Evangélíi secúndum Lucam. Lucæ 24. b

In illo témpore: Duo ex discípulis Jesu ibant ipsa die in castéllum, quod erat in spátio stadiórum sexaginta ab Jerúsalem, nómine Emmaus. Et ipsi loquebantur ad invicem de his ómnibus, quæ accíderant. Et factum est, dum fabularéntur, et secum quærerent: et ipse Jesus appropinquans ibat cum illis: óculi autem illórum tenebantur, ne eum agnóscerent. Et ait ad illos: Qui sunt hi sermónes, quos confértis ad invicem ambulántes, et estis tristes? Et respóndens unus, cui nomen Cléophas, dixit ei: Tu solus peregrínus es in Jerúsalem, et non cognovísti, quæ facta sunt in illa his diébus? Quibus ille dixit: Quæ? Et dixerunt: de Jesu Nazaréno, qui fuit vir Prophéta potens in ópere et sermóne, coram Deo, et omni pópulo: et quómodo eum tradiderunt summi sacerdótes, et príncipes nostri in damnationem mortis, et crucifixerunt eum. Nos autem sperabámus, quia ipse esset redemptúrus Israel; et nunc super hæc ómnia, tértia dies est hódie, quod hæc facta sunt. Sed et mulieres quædam ex nostris terruérunt nos, quæ ante lucem fuérunt ad monuméntum, et, non invénto corpore ejus, venerunt, dicéntes se etiam visionem Angelórum vidísse, qui dicunt eum vívere. Et abiérunt quidam ex nostris ad monuméntum: et ita invenérunt sicut mulieres dixerunt, ipsum vero non invenérunt. Et ipse dixit ad eos: O stulti, et tardi corde ad credéndum in ómnibus, quæ locúti sunt Prophætæ!

Nónne hæc opórtuit pati Christum, et ita intráre in glóriam suam? Et incípiens à Móyse, et ómnibus Prophétis, interpretabátur illis in ómnibus scriptúris, quæ de ipso erant. Et appropinquavérunt castéllum, quo ibant: et ipse se finxit lóngius ire. Et coëgérunt illum, dicéntes: mane nobiscum, quóniam advesperáscit, et inclináta est jam dies. Et intrávit cum illis. Et factum est, dum recumberet cum eis, accépit panem, et benedíxit, ac fregit, et porrigébat illis. Et aperti sunt óculi eórum, et cognovérunt eum; et ipse evánuit ex óculis eórum. Et dixerunt ad invicem: Nónne cor nostrum ardens erat in nobis, dum loquerétur in via, et aperíret nobis Scriptúras? Et surgéntes eádem hora regréssi sunt in Jerúsalem; et invenérunt congregátos undecim, et eos, qui cum illis erant, dicéntes: quod surréxit Dóminus vere, et apparuit Simóni. Et ipsi narrábant, quæ gesta erant in via; et quómodo cognovérunt eum in fractióne panis. **Credo.**

Offertorium. Matth. 28. Angelus Dómini descendit de cælo, et dixit mulieribus: Quem quæritis, surréxit sicut dixit, allelúja.

Secreta.

Suscipe, quæsumus Dómine, preces pópuli tui cum oblationibus hostiárum: ut Paschálibus initiáta mystériis, ad æternitátis nobis medélam, te operánte, proficiant. Per Dóminum.

Communio. Lucæ 24. Surrexit Dóminus, et apparuit Petro, allelúja.

Postcommunio.

Spíritum nobis, Dómine, tuæ caritátis infúnde: ut quos sacraméntis Paschálibus satiásti, tua fácias pietáte concórdes. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus: per ómnia sæcula sæculórum.

FERIA TERTIA.

Statio ad sanctum Paulum.

Introitus.

Eccli. 15.

A Qua sapientiæ potavit eos, allelúja: firmabitur in illis, et non flectetur, allelúja: et exaltabit eos in ætérnum, allelúja, allelúja.

Psal. 104. Confitémini Dómino, et invocáte nomen ejus: annuntiáte inter gentes ópera ejus.

V. Glória Patri.

Oratio.

D Eus, qui Ecclésiám tuam novo semper fœtu multiplicas: concede fámulis tuis: ut sacraméntum vivéndo téneant, quod fide percepérunt. Per Dóminum.

Lectio Actuum Apostolorum.

Act. 13. d.

I N diébus illis: Surgens Paulus, et manu siléntium indícens, ait: Viri fratres, filii géneris Abraham, et qui in vobis timent Deum, vobis verbum salútis hujus missum est. Qui enim habitábant Jerúsalem, et príncipes ejus ignorántes Jesum, et voces Prophetárum, quæ per omne sábbatum legúntur, judicántes implevérunt: et nullam causam mortis inveniéntes in eo, petiérunt à Pilato, ut interficerent eum. Cumque consummássent ómnia, quæ de eo scripta erant, deponéntes eum de ligno, posuérunť eum in monuménto. Deus vero suscitávit eum à mórtuis tértia die: qui visus est per dies multos his, qui simul ascénderant cum eo de Galilæa in Jerúsalem: qui usque nunc sunt testes ejus ad plebem. Et nos vobis annuntiámus eam, quæ ad patres nostros repromissio facta est: quóniam hanc Deus adimplévit filiis nostris, resúscitans Jesum Christum Dóminum nostrum.

Graduale. Ps. 117. Hæc dies, quam fecit Dóminus: exultémus, et lætémur in ea.

V. Ps. 106. Dicant nunc, qui redempti sunt à Dómino: quos redémit de manu inimíci, et de regiónibus congregávit eos. Allelúja, allelúja.

V. Surréxit Dóminus de sepúlchro, qui pro nóbis pepéndit in ligno.

Sequentia. Víctimæ Pascháli. ut in Dominica Paschæ. fol. 233.

Sequentia sancti Evangélíi secúndum Lucam. Lucæ 24. e

I N illo témpore: Stetit Jesus in médio discipulórum suórum, et dicit eis: Pax vobis: ego sum, nolíte timére. Conturbáti vero, et contérriti, existimábant se spíritum vidére. Et dixit eis: Quid turbáti estis, et cogitationés ascéndunt in corda vestra? Vidéte manus meas, et pedes, quia ego ipse sum: palpáte, et vidéte: quia spíritus carnem et ossa non habet, sicut me vidétis habére. Et cum hoc dixisset, osténdit eis manus, et pedes. Adhuc autem illis non credéntibus, et mirántibus præ gáudio, dixit: Habétis híc áliquíd, quod manducétur? At illi obtulérunt ei partem piscis assi, et favum mellis. Et cum manducássent coram eis, sumens reliquias, dedit eis. Et dixit ad eos: Hæc sunt verba, quæ locútus sum ad vos, cum adhuc essem vobíscum, quóniam necesse est impléri ómnia, quæ scripta sunt in lege Móysi, et Prophétis, et Psalmis de me. Tunc apéruit illis sensum, ut intelligerent Scriptúras. Et dixit eis: Quóniam sic scriptum est, et sic oportébat Christum pati, et resúrgere à mórtuis tértia die: et prædicári in nómine ejus pœniténtiam, et remissionem peccatórum in omnes gentes. **Credo.**

Offertorium. Psal. 17. Intónuit de cœlo Dóminus, et Altíssimus dedit vocem suam: et apparuérunt fontes aquárum, allelúja. **Secreta.**

S Uscipe, Dómine, fidélium preces cum oblationibus hostiárum: ut per hæc piæ devotiónis officia, ad cœlestem glóriam transeámus. Per Dóminum.

Feria iv. post Pascha.

Communio. Coloss. 3. Si consurrexistis cum Christo, quæ sursum sunt quærite, ubi Christus est in dextera Dei sedens, allelúja: quæ sursum sunt sápite, allelúja.

Postcommunio.

Concède, quæsumus omnipotens Deus: ut Paschális percéptio sacraménti, continúa in nostris méntibus perseveret. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus: per ómnia sæcula sæculórum.

FERIA QUARTA.

Statio ad Sanctum Laurentium extra muros.

Introitus. Matth. 25.

Eníte benedícti Patris mei, percípíte regnum, allelúja: quod vobis parátum est ab origine mundi, allelúja, allelúja.

Psal. 95. Cantáte Dómino cánticum novum: cantáte Dómino omnis terra.

V. Glória Patri.**Oratio.**

Deus, qui nos Resurrectiónis Dominicæ ánnua solemnitáte lætíficas: concède propítius: ut per temporália festa quæ ágimus, pervenire ad gáudia ætérna mereámur. Per eúndem Dóminum.

Ab hac die usque ad Sabbatum in Albis inclusive, post Orationem diei dicitur una ex sequentibus Orationibus tantum, nisi facienda sit commemoratio alicujus Festi Simplicis occurrentis.

Contra persecutores Ecclesiæ.**Oratio.**

Ecclésiæ tuæ, quæsumus Dómine, preces placátus admítte: ut,

destrúctis adversitatibus, et erróribus univérstis, secúra tibi sérviat libertáte. Per Dóminum nostrum.

Vel pro Papa.**Oratio.**

Deus ómnium fidélium Pastor et Director, fámulum tuum **N.** quem pastórem Ecclesiæ tuæ præesse voluísti, propítius respice: da ei, quæsumus, verbo et exémplo, quibus præest, proficere; ut ad vitam, una cum grege sibi crédito, perveniat sempitérnam. Per Dóminum.

Lectio Actuum Apostolorum.**Act. 3. b**

IN diébus illis: Apériens Petrus os suum, dixit: Viri Israelítæ, et qui timétis Deum, audíte: Deus Abraham, et Deus Isaac, et Deus Jacob, Deus patrum nostrórum, glorificávit Fílium suum Jesum, quem vos quidem tradidístis, et negástis ante fáciem Piláti, judicánte illo dimítte. Vos autem sanctum, et justum negástis, et petístis virum homicídám donári vobis: auctórem vero vitæ interfecístis, quem Deus suscitávit à mórtuis, cujus nos testes sumus. Et nunc, fratres, scio quia per ignorántiam fecístis, sicut et príncipes vestri. Deus autem, quæ prænuntiávit per os ómnium Prophetárum, pati Christum suum, sic implévit. Pœnitémini ígitur, et convertímini, ut deleántur peccáta vestra.

Graduale. Ps. 117. Hæc dies, quam fecit Dóminus: exultémus, et lætémur in ea.

V. Dextera Dómini fecit virtútem, dextera Dómini exaltávit me. Allelúja, allelúja.

V. Luc. 24. Surréxit Dóminus vere: et appáruit Petro.

Sequentia. Víctimæ Pascháli. ut in Dominica Paschæ. fol. 233.



Sequentia sancti Evangélíi secundum Joánnem. Joan. 21.

IN illo témpore: Manifestávit se Íterum Jesus discípulis ad mare Tiberíadis. Manifestávit autem sic.

Feria iv. post Pascha.

Erant simul Simon Petrus, et Thomas, qui dicitur Dídymus, et Nathánael, qui erant à Cana Galilææ, et filii Zebedæi, et alii ex discipulis ejus duo. Dicit eis Simon Petrus: Vado piscári. Dicunt ei: Venimus et nos tecum. Et exiérunt, et ascendérunt in navim: et illa nocte nihil prenidérunt. Mane autem facto, stetit Jesus in littore: non tamen cognovérunt discipuli, quia Jesus est. Dixit ergo eis Jesus: Púeri, numquid pulmentarium habétis? Respondérunt ei: Non. Dicit eis: Míttite in dexteram navíggii rete, et inveniétis. Misérunt ergo; et jam non valébant illud trahere præ multitudíne piscium. Dixit ergo discipulus ille, quem diligébat Jesus, Petro: Dóminus est. Simon Petrus cum audísset, quia Dóminus est, túnica succínxit se, (erat enim nudus), et misit se in mare. Alii autem discipuli navíggio venérunt, (non enim longe erant a terra, sed quasi cúbitis ducéntis), trahéntes rete piscium. Ut ergo descendérunt in terram, viderunt prunas pósitas, et piscem superpósitum, et panem. Dicit eis Jesus: Afférte de piscibus, quos prenidístis nunc. Ascéndit Simon Petrus, et tráxit rete in terram, plenum magnis piscibus centum quinquagínta tribus. Et cum tanti essent, non est scissum rete. Dicit eis Jesus: Veníte, prandéte. Et nemo audébat discumbéntium interrogáre eum: Tu quis es? sciéntes, quia Dóminus est. Et venit Jesus, et áccipit panem, et dat eis, et piscem simíliter. Hoc jam tértio manifestátus est Jesus discipulis suis, cum resurrexisset à mórtuis.

Credo.

Offertorium. Psal. 77. Portas cœli apéruiť Dóminus: et pluit illis manna, ut éderent: panem cœli dedit eis: panem Angelórum manducávit homo, allelúja.

Secreta.

Sacrificia, Dómine, Paschálibus sgáudiis immolámus: quibus Ecclesia tua mirabíliter et páscitur, et nutritur. Per Dóminum nostrum.

Contra persecutores Ecclesiæ.
Secreta.

Prótege nos, Dómine, tuis mystériis serviéntes: ut divínis rebus inhæréntes, et corpore tibi famulémur, et mente. Per Dóminum.

Vel pro Papa.

Secreta.

Oblátis, quæsumus Dómine, placáre munéribus: et fámulum tuum **N.** quem Pastórem Ecclesiæ tuæ præesse voluísti, assídua protectione gubérna. Per Dóminum nostrum.

Communio. Rom. 6. Christus resúrgens ex mórtuis, jam non móritur, allelúja: mors illi ultra non dominábitur, allelúja, allelúja.

Postcommunio.

Ab omni nos, quæsumus Dómine, vetustáte purgátos: sacraménti tui veneránda percéptio in novam tránsferat creatúram. Qui vivis et regnas.

Contra persecutores Ecclesiæ.
Postcommunio.

Quæsumus Dómine Deus noster: ut quos divína tríbuis participatióne gaudére, humánis non sinas subjacére perículis. Per Dóminum.

Vel pro Papa. Postcommunio.

Hæc nos, quæsumus Dómine, divíni sacraménti percéptio prótegat: et fámulum tuum **N.** quem Pastórem Ecclesiæ tuæ præesse voluísti, una cum commísso sibi grege, salvet semper, et múníat. Per Dóminum.



FERIA QUINTA.

Statio ad sanctos duodecim Apostolos.

Introitus.

Sap. 10.



Vetricem manum tuam, Dómine, laudavérunt páriter, allelúja: quia sapiéntia apérui os mutum, et linguas infántium fecit disertas, allelúja, allelúja.

Ps. 97. Cantáte Dómino cánticum novum: quia mirabilia fecit.

V. Glória Patri.

Oratio.

Deus, qui diversitátem Géntium in confessióne tui nóminis adunásti: da, ut renátis fonte baptísmatis, una sit fides méntium, et píetas actiónum. Per Dóminum nostrum.

Secunda Oratio, Ecclesiæ tuæ, vel Deus ómnium. ut in Feria iv. præcedenti, fol. 237.

Lectio Actuum Apostolorum.

Act. 8. c

IN diébus illis: Angelus Dómini locútus est ad Philíppum, dicens: Surge, et vade contra meridiánum, ad viam, quæ descendit ab Jerúsalem in Gazam: hæc est desérta. Et surgens ábiit. Et ecce vir Æthiops eunúchus, potens Candácis regínæ Æthiopum, qui erat super omnes gazas ejus, vénerat adoráre in Jerúsalem: et revertébátur sedens super currum suum, legénsque Isaíam prophétam. Dixit autem Spíritus Philíppo: Accéde, et adjúnge te ad currum istum. Accúrrens autem Philíppus, audívit eum legéntem Isaíam prophétam, et dixit: Putásne intélligis, quæ legis? Qui ait: Et quómodo possum, si non áliquis osténderit mihi? Rogavítque Philíppum, ut ascénderet, et sedéret secum. Locus autem Scripturæ, quam legébat, erat hic:

Tamquam ovis ad occisiónem ductus est: et sicut agnus coram tondénte se, sine voce, sic non apérui os suum. In humilitáte judícium ejus sublátum est. Generatióem ejus quis enarrábit, quóniam tollétur de terra vita ejus? Respóndens autem Eunúchus Philíppo, dixit: Obsecro te, de quo Prophéta dicit hoc? de se, an de álio áliquo? Apériens autem Philíppus os suum, et incípiens à Scriptúra ista, evangelizávit illi Jesum. Et dum irent per viam, venérunt ad quamdam aquam: et ait Eunúchus: Ecce aqua, quid próhibet me baptizári? Dixit autem Philíppus: Si credis ex toto corde, licet. Et respóndens, ait: Credo, Fílium Dei esse Jesum Christum. Et jussit stare currum: et descendérunt utérque in aquam, Philíppus, et Eunúchus, et baptizávit eum. Cum autem ascendissent de aqua, Spíritus Dómini rápuit Philíppum, et ámplius non vidit eum Eunúchus. Ibat autem per viam suam gáudens. Philíppus autem invéntus est in Azóto, et pertránsiens evangelizábat civitatibus cunctis (donec veníret Cæsaréam) nomen Dómini Jesu Christi.

Graduale. Ps. 117. Hæc dies, quam fecit Dóminus: exultémus, et lætémur in ea.

V. Lápide[m], quem reprobavérunt ædificántes, hic factus est in caput ánguli: à Dómino factum est istud, et est mirábile in óculis nostris. Allelúja, allelúja.

V. Surréxit Christus, qui creávit ómnia, et misértus est humáno géneri.

Sequentia. Víctimæ Pascháli. ut in Dominica Paschæ. fol. 233.



Sequentia sancti Evangélii secundum Joánnem. Joan. 20. c

IN illo témpore: María stabat ad monuméntum foris, plorans. Dum ergo fleret, inclinávit se, et prospéxit in monuméntum: et vidit duos Angelos in albis, sedéntes, unum ad

caput, et unum ad pedes, ubi pòsitum fúerat corpus Jesu. Dicunt ei illi: Múlier, quid ploras? Dicit eis: Quia tulérunt Dóminum meum; et nésco, ubi posuérunt eum. Hæc cum dixisset, convérsa est retrórsum, et vidit Jesum stantem; et non sciébat quia Jesus est. Dicit ei Jesus: Múlier, quid ploras? quem quæris? Illa existimans quia hortulánus esset, dicit ei: Dómine, si tu sustulísti eum, dícto mihi ubi posuísti eum; et ego eum tollam. Dicit ei Jesus: María. Convérsa illa, dicit ei: Rabbóni (quod dicitur Magíster.) Dicit ei Jesus: Noli me tángere, nondum enim ascénderi ad Patrem meum: vade autem ad fratres meos, et dic eis: Ascéndo ad Patrem meum, et Patrem vestrum; Deum meum, et Deum vestrum. Venit María Magdaléne annúntians discipulis: Quia vidi Dóminum, et hæc dixit mihi. **Credo.**

Offertorium Exodi 13. In die solemnitatís vestræ, dicit Dóminus, indúcam vos in terram fluéntem lac, et mel, allelúja.

Secreta.

Suscipe, quæsumus Dómine, múnera populórum tuórum propítius: ut confessióne tui nóminis et baptísmate renováti, sempitérnam beatitúdinem consequántur. Per Dóminum.

Alia Secreta, Prótege nos, vel Oblátis. ut in Feria iv. præcedenti, fol. 238.

Communio. 1. Pet. 2. Pópulus acquisitionis, annuntiáte virtútes ejus, allelúja: qui vos de ténebris vocávit in admirábile lumen suum, allelúja.

Postcommunio.

Exáudi, Dómine, preces nostras: ut redemptionis nostræ sacrosáncta commércia, et vitæ nobis cónferant præsentis auxílium, et gáudia sempitérna concílient. Per Dóminum.

Altera Postcommunio. Quæsumus Dómine, **vel** Hæc nos. **ut in Feria iv. præcedenti, fol. 238.**

FERIA SEXTA.

Statio ad sanctam Mariam
ad Martyres.

Introitus.

Psal. 77.



Dúxit eos Dóminus in spe, allelúja: et inimícos eórum opéruit mare, allelúja, allelúja, allelúja.

Psal. ibid. Atténdite pópule meus legem meam: inclináte aurem vestram in verba oris mei.

V. Glória Patri.

Oratio.

OMnípotens sempitérne Deus, qui Paschále sacraméntum in reconciliatiónis humanæ fœdere contulísti: da méntibus nostris; ut quod professióne celebrámus, imitémur efféctu. Per Dóminum nostrum.

Secunda Oratio, Ecclesiæ tuæ, vel Deus ómnium. ut in Feria iv. præcedenti. fol. 237.

Lectio Epístolæ beáti Petri Apóstoli.

1. Pet. 3. d

Caríssimi: Christus semel pro peccátis nostris mórtuus est, justus pro injústis, ut nos offérret Deo, mortificátus quidem carne, vivificátus autem spíritu. In quo et his, qui in cárcere erant, spirítibus véniens prædicávit: qui increduli fúerant aliquándo, quando expectábant Dei patientiam in diébus Noe, cum fabricaretur arca, in qua pauci, id est octo animæ salvæ factæ sunt per aquam. Quod et vos nunc símilis formæ salvos facit baptísma: non carnis depositio sórdium, sed consciéntiæ bonæ interrogátio in Deum per resurrectiódinem Jesu Christi Dómini nostri, qui est in dextera Dei.

Graduale. Ps. 117. Hæc dies, quam fecit Dóminus: exultémus, et lætémur in ea.

Sabbato in Albis.

V. Benedictus, qui venit in nómine Dómini: Deus Dóminus, et illúxit nobis.

Allelúja, allelúja.

V. Ps. 95. Dícite in Géntibus: quia Dóminus regnávít à ligno.

Sequentia. Víctimæ Pascháli. ut in Dominica Paschæ. fol. 233.

Sequentia sancti Evangélii secundum Matthæum. Mtth. 28. d

IN illo témpore: Undecim discipuli abiérunt in Galilæam, in montem, ubi constitúerat illis Jesus. Et vidéntes eum adoravérunt: quidam autem dubitavérunt. Et accédens Jesus locútus est eis, dicens: Data est mihi omnis potéstas in cœlo, et in terra. Eúntes ergo, docéte omnes gentes, baptizántes eos in nómine Patris, et Fílii, et Spíritus sancti: docéntes eos serváre ómnia quæcúmque mandávi vobis. Et ecce ego vobíscum sum ómnibus diébus, usque ad consummationem sœculi. **Credo.**

Offertorium. Exodi 12. Erit vobis hæc dies memoriális, allelúja: et diem festum celebrábitis solémnem Dómino in progénies vestras: legítimum sempitérnum diem, allelúja, allelúja, allelúja. **Secreta.**

Hostias, quæsumus Dómine, placátus assúme: quas et pro renatórum expiatióne peccáti deférimus, et pro acceleratióne cœlestis auxilií. Per Dóminum nostrum.

Alia Secreta, Prótege nos, vel Oblátis. ut in Feria quarta præcedenti. fol. 238.

Communio. Matth. 28. Data est mihi omnis potéstas in cœlo, et in terra, allelúja: eúntes, docéte omnes gentes, baptizántes eos in nómine Patris, et Fílii, et Spíritus sancti, allelúja, allelúja. **Postcommunio.**

Respice, quæsumus Dómine, pópulum tuum: et quem ætérnis dignátus es renováre mystériis, à temporálibus culpis dignánter absolve. Per Dóminum nostrum Jesum

Christum Fílium tuum: Qui tecum vivit et regnat in unitáte.

Altera Postcommunio. Quæsumus Dómine, vel Hæc nos. ut in Feria iv. præcedenti. fol. 238.

SABBATO IN ALBIS.

Statio ad sanctum Joannem in Laterano.

Introitus.

Psal. 104.



Dúxit Dóminus pópulum suum in exultatióne, allelúja: et eléctos suos in lætítia, allelúja, allelúja.

Psal. ibid. Confitémini Dómino, et invocáte nomen ejus: annuntiáte inter Gentes ópera ejus.

V. Glória Patri.

Oratio.

Concède, quæsumus omnipotens Deus: ut qui festa Paschália venerádo égimus; per hæc contíngere ad gáudia ætérna mereámur. Per Dóminum.

Secunda Oratio. Ecclesiæ tuæ, vel Deus ómnium. ut in Feria iv. præcedenti. fol. 237.

Léctio Epístolæ beáti Petri Apóstoli.

1. Pet. 2.

Caríssimi: Deponéntes omnem malítiam, et omnem dolum, et simulatiónes, et invidias, et omnes detractiões, sicut modo géniti infántes, rationábile, sine dolo lac concupiscite: ut in eo crescátis in salútem: si tamen gustástis, quóniam dulcis est Dóminus. Ad quem accédentes lápidem vivum, ab homínibus quidem reprobátum, à Deo autem eléctum, et honorificátum: et ipsi tamquam lápidés vivi superædificámini, domus spirituális, sacerdotium sanctum, offérre spirituáles hóstias, acceptábiles Deo per Jesum Christum. Propter quod cóntinet Scriptúra: Ecce pono in Sion lápidem summum angulárem, eléctum, pretiósus: et

Sabbato in Albis.

qui crediderit in eum, non confundetur. Vobis igitur honor credentibus: non credentibus autem, lapis, quem reprobaverunt ædificantes, hic factus est in caput anguli; et lapis offensionis, et petra scándali his, qui offéndunt verbo, nec credunt in quo et pòsiti sunt. Vos autem genus electum, regále sacerdotium, gens sancta, pópulus acquisitionis: ut virtútes annuntiétis ejus, qui de ténebris vos vocávit in admirábile lumen suum. Qui aliquándo non pópulus, nunc autem pópulus Dei: qui non consecúti misericórdiam, nunc autem misericórdiam consecúti.

¶ Ab hac die usque ad Octav. Pentecostes, tam in Officio de Tempore quam de Sanctis, non dicitur Graduale: sed ejus loco dicuntur duo Versus cum quatuor Allelúja, ordine infrascripto: præterquam in Missis Rogationum, et Vigiliæ Pentecostes in quibus dicitur unum Allelúja, cum uno Versu: similiter et post quamlibet Lectionem in Sabbato Quatuor Temporum post Pentecosten. Alio tempore usque ad Septuagesimam, quando dicitur Graduale, dicuntur tria Allelúja post Graduale, bis ante Vers. et semel post Vers.: cum autem dicitur Sequentia, Allelúja, quod dicendum esset post Vers. dicitur post Sequentiam.

Allelúja allelúja.

V. Psal. 117. Hæc dies, quam fecit Dóminus: exultémus, et lætémur in ea. Allelúja.

V. Psal. 112. Laudáte púeri Dómini, laudáte nomen Dómini.

Sequentia. Víctimæ Pascháli. ut supra in die Paschæ. fol. 233.

Sequentia sancti Evangélii secundum Joánnem. Joan. 20.

IN illo témpore: Una sábbati, María Magdaléne venit mane, cum adhuc ténebræ essent, ad monuméntum: et vidit lápidem sublátum à monuménto. Cucúrrit ergo, et venit ad Simónem Petrum, et ad álium discí-

pulum, quem amábat Jesus, et dicit illis: Tulérunt Dóminum de monuménto, et nescimus ubi posuérunt eum. Exiit ergo Petrus, et ille álius discipulus, et venérunt ad monuméntum. Currébant autem duo simul, et ille álius discipulus præcucúrrit cítius Petro, et venit primus ad monuméntum. Et cum se inclinásset, vidit pòsita linteámina, non tamen introívit. Venit ergo Simon Petrus sequens eum, et introívit in monuméntum, et vidit linteámina pòsita, et sudárium, quod fúerat super caput ejus, non cum linteaminibus pòsitum, sed separátim involútum in unum locum. Tunc ergo introívit et ille discipulus, qui vénerat primus ad monuméntum: et vidit, et credidit: nondum enim sciébant Scriptúram, quia oportébat eum à mórtuis resúrgere. **Credo.**

Offertorium. Ps. 117. Benedictus, qui venit in nómine Dómini: benediximus vobis de domo Dómini: Deus Dóminus, et illúxit nobis, allelúja, allelúja.

Secreta.

Concède, quæsumus Dómine, semper nos per hæc mystéria Paschália gratulári: ut continúa nostræ reparatiónis operátio, perpétuæ nobis fiat causa lætitiæ. Per Dóminum.

Alia Secreta, Prótege nos, vel Oblá-tis. ut in Feria iv. præced. fol. 238.

Communio. Gal. 3. Omnes qui in Christo baptizáti estis, Christum induístis, allelúja.

Postcommunio.

Redemptionis nostræ múnere vegetáti, quæsumus Dómine: ut hoc perpétuæ salútis auxílio, fides semper vera proficiat. Per Dóminum.

Altera Postcommunio. Quæsumus Dómine, vel Hæc nos. ut in Feria iv. præcedenti, fol. 238.

Dominica in Albis.

DOMINICA IN ALBIS.

In Octava Paschæ.

Statio ad sanctum Pancratium.

Introitus.

1. Petr. 2.



Uasi modo géniti infántes, allelúja: ratio-
nábile, sine dolo lac
concupíscite, allelúja,
allelúja, allelúja.

Psal. 80. Exultáte

Deo adjutóri nostro: jubiláte Deo Jacob.

V. Glória Patri.

Oratio.

PRæsta quæsumus omnipotens
Deus: ut qui Paschália festa per-
égimus; hæc, te largiēte, móribus,
et vita teneámus. Per Dóminum.

Lectio Epístolæ beáti Joánnis Apó-
stoli.

1. Jo. 5.

Caríssimi: Omne, quod natum est
ex Deo, vincit mundum: et hæc
est victória, quæ vincit mundum, fi-
des nostra. Quis est, qui vincit mun-
dum, nisi qui credit, quóniam Jesus
est Fílius Dei? Hic est qui venit per
aquam, et sánguinem, Jesus Chri-
stus: non in aqua solum, sed in aqua,
et ságuine. Et spíritus est, qui te-
stificátur, quóniam Christus est vé-
ritas. Quóniam tres sunt, qui testi-
mónium dant in cœlo: Pater, Ver-
bum, et Spíritus sanctus: et hi tres
unum sunt. Et tres sunt, qui testimó-
nium dant in terra: Spíritus, et aqua,
et ságuis: et hi tres unum sunt. Si
testimónium hóminum accípimus, te-
stimónium Dei majus est: quóniam
hoc est testimónium Dei, quod majus
est: quóniam testificátus est de Fílio
suo. Qui credit in Fílium Dei, habet
testimónium Dei in se.

Allelúja, allelúja.

V. Matth. 28. In die resurrectionis
meæ, dicit Dóminus, præcédam vos
in Galilæam. Allelúja.

V. Joan. 20. Post dies octo, jánuis
clausis, stetit Jesus in médio dicipu-
lórum suórum, et dixit: Pax vobis.
Allelúja.

Sequéntia sancti Evangélíi se-
cúndum Joánnem. Joan. 20. e

IN illo témpore: Cum sero esset
die illo, una sabbatórum, et fores
essent clausæ, ubi erant dicipuli con-
gregáti propter metum Judæórum:
venit Jesus, et stetit in médio, et dixit
eis: Pax vobis. Et cum hoc dixisset,
osténdit eis manus, et latus. Gavísi
sunt ergo dicipuli, viso Dómino. Di-
xit ergo eis íterum: Pax vobis. Sicut
misit me, Pater et ego mitto vos. Hæc
cum dixisset, insufflávít: et dixit eis:
Accípíte Spíritum sanctum: quorum
remisérítis peccáta, remittúntur eis:
et quorum retinuérítis, reténta sunt.
Thomas autem unus ex duódecim,
qui dicitur Dídymus, non erat cum
eis, quando venit Jesus. Dixérunt
ergo ei álii dicipuli: Vídimus Dómi-
num. Ille autem dixit eis: Nisi vídero
in mánibus ejus fixúram clavórum,
et mittam dígitum meum in locum
clavórum, et mittam manum meam
in latus ejus, non credam. Et post
dies octo, íterum erant dicipuli ejus
intus, et Thomas cum eis. Venit Je-
sus jánuis clausis, et stetit in médio,
et dixit: Pax vobis. Deínde dicit
Thomæ: Infer dígitum tuum huc, et
vide manus meas, et affer manum
tuam, et mitte in latus meum: et noli
esse incrédulus, sed fidélis. Respón-
dit Thomas, et dixit ei: Dóminus me-
us, et Deus meus. Dixit ei Jesus,
Quia vidísti me, Thoma, credidísti:
beáti, qui non víderunt, et credidé-
runt. Multa quidem, et ália signa fe-
cit Jesus in conspéctu discipulórum
suórum, quæ non sunt scripta in libro
hoc. Hæc autem scripta sunt, ut cre-
dátis, quia Jesus est Christus Fílius
Dei: et ut credéntes, vitam habeátis
in nómine ejus. Credo.

Offertorium. Matth. 28. Angelus
Dómini descéndit de cœlo, et dixit
mulieribus: Quem quæritis, surréxit
sicut dixit, allelúja. Secreta.

Suscipe múnera, Dómine quæsu-
mus, exultántis Ecclésiæ: et cui

Dominica ii. post Pascha.

causam tanti gáudii præstitisti, perpétuæ fructum concéde lætitiæ. Per Dóminum.

Communio. Joannis 20. Mitte manum tuam, et cognósce loca clavórum, allelúja: et noli esse incredulus, sed fidélis, allelúja, allelúja.

Postcommunio.

Quæsumus Dómine Deus noster: ut sacrosáncta mystéria, quæ pro reparatiónis nostræ munimine contulisti, et præsens nobis remédi-um esse fácias, et futúrum. Per Dóminum.

A Feria secunda post Octavam Paschæ usque ad Ascensionem, post Orationem diei dicuntur Orationes sequentes, nisi sit Festum Duplex.

De beata Maria. Oratio.

Concéde nos fámulos tuos, quæsumus Dómine Deus, perpétua mentis, et córporis sanitáte gaudere: et gloriósa beátæ Mariæ semper vírginis intercessióne, à præsentí liberári tristitia, et æténa pérfrui lætitia.

Contra persecutores Ecclesiæ. Oratio.

Ecclésiæ tuæ, quæsumus Dómine, preces placátus admítte: ut destrúctis adversitatibus, et erróribus univér- sis, secúra tibi sérviat libertáte. Per Dóminum nostrum.

Vel pro Papa. Oratio.

Deus ómnium fidélium Pastor et rector: fámulum tuum **N.** quem pastórem Ecclésiæ tuæ præesse voluisti, propítius réspice: da ei, quæsumus, verbo et exémplo, quibus præest, proficere; ut ad vitam, una cum grege sibi crédito, pervéniat sempitérnam. Per Dóminum nostrum.

De beata Maria. Secreta.

Tua, Dómine, propitiatióne, et beátæ Mariæ semper vírginis intercessióne, ad perpétuam, atque præsentem hæc oblátio nobis proficiat prosperitátem, et pacem.

Contra persecutores Ecclesiæ. Secreta.

Prótege nos, Dómine, tuis mystériis serviéntes: ut divínis rebus inhæréntes, et córpore tibi famulémur, et mente. Per Dóminum.

Vel pro Papa. Secreta.

Oblátis, quæsumus Dómine, placáre munéribus: et fámulum tuum **N.** quem pastórem Ecclésiæ tuæ præesse voluisti, assídua protectióne gubérna. Per Dóminum.

De beata Maria. Postcommunio.

Sumptis, Dómine, salútis nostræ subsidiis: da quæsumus, beátæ Mariæ semper vírginis patrocíniis nos ubique prótegi; in cujus veneratióne, hæc tuæ obtúlimus majestáti.

Contra persecutores Ecclesiæ. Postcommunio.

Quæsumus Dómine Deus noster: ut quos divína tribuis participatióne gaudere, humánis non sinas subjacere perículis. Per Dóminum.

Vel pro Papa. Postcommunio.

Hæc nos, quæsumus Dómine, divíni sacraménti percéptio próte- gat: et fámulum tuum **N.** quem pastórem Ecclésiæ tuæ præesse voluisti, una cum commísso sibi grege, salvet semper, et múníat. Per Dóminum.

DOMINICA SECUNDA
post Pascha.

Introitus. Psal. 32.



Isericórdia Dómini plena est terra, allelúja: verbo Dómini cœli firmáti sunt, allelúja, allelúja.

Psal. ibid. Exultáte justí in Dómino: rectos decet collaudátio.

V. Glória Patri. Oratio.

Deus, qui in Fílii tui humilitáte, jacéntem mundum erexisti: fidélibus tuis perpétuam concéde læti-

Dominica iii. post Pascha.

tiam; ut quos perpétuæ mortis eripuisti cásibus, gáudiis fácias pérfrui sempitérnis. Per eúmdem Dóminum.

Aliae Orationes. Concéde nos fámulos tuos, **et Ecclesiæ tuæ, vel Deus** ómnium fidélium. **ut supra** fol. 244.

Léctio Epístolæ beáti Petri Apóstoli. **1. Pet. 2. d**

CAríssimi: Christus passus est pro nobis, vobis relínquens exémplum, ut sequámini vestígia ejus. Qui peccátum non fecit, nec invéntus est dolus in ore ejus: qui cum maledicerétur, non maledicébat: cum paterétur, non comminabátur: tradébat autem judicánti se injúste: qui peccáta nostra ipse pértulit in córpore suo super lignum: ut peccátis mórtui, justítiæ vivámus: cujus livóre sanáti estis. Erátis enim sicut oves errántes, sed convérsi estis nunc ad pastórem et episcopum animárum vestrárum.

Allelúja, allelúja.

V. Luc. 24. Cognovérunt discípuli Dóminum Jesum in fractióne panis. **Allelúja.**

V. Joan. 10. Ego sum pastor bonus: et cognósco oves meas, et cognóscunt me meæ. **Allelúja.**

Sequéntia sancti Evangélíi secúndum Joánnem. Jo. 10. b

IN illo témpore: Dixit Jesus Pharisæis: Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cujus non sunt oves próprie, videt lupum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus: et cognósco meas, et cognóscunt me meæ. Sicut novit me Pater, et ego agnósco Patrem: et ánimam meam pono pro óvibus meis. Et álias oves hábeo, quæ non sunt ex hoc ovíli: et illas opórtet me addúcere, et vocem meam áudient, et fiet unum ovíle, et unus pastor. **Credo.**

Offertorium. Psal. 62. Deus Deus meus, ad te de luce vígilo: et in nómine tuo levábo manus meas, allelúja.

Secreta.

Benedictiónem nobis, Dómine, cónferat salutárem sacra semper oblátio: ut, quod agit mystério, virtúte perficiat. Per Dóminum.

Aliae Secretæ, Tua, Dómine, et Prótege nos, **vel Oblátis.** fol. 244.

Communio. Joan. 10. Ego sum pastor bonus, allelúja: et cognósco oves meas, et cognóscunt me meæ, allelúja, allelúja. **Postcommunio.**

PRæsta nobis, quæsumus omnipotens Deus: ut vivificatiónis tuæ grátiam consequéntes, in tuo semper múnere gloriémur. Per Dóminum.

Aliae Postcommuniones, Sumptis Dómine, **et Quæsumus Dómine, vel** Hæc nos, quæsumus Dómine. fol. 244.

DOMINICA TERTIA

post Pascha.

Introitus.
Ps. 65.

Jubiláte Deo omnis terra, allelúja: psalmum dícite nómini ejus, allelúja: date glóriam laudi ejus, allelúja, allelúja, allelúja.

Ps. ibid. Dícite Deo, quam terribília sunt ópera tua Dómine! in multítudine virtútis tuæ mentiéntur tibi inimíci tui.

V. Glória Patri. **Oratio.**

DEus, qui errántibus, ut in viam possint redíre justítiæ, veritátis tuæ lumen osténdis: da cunctis, qui Christiána professióne censéntur, et illa respúere, quæ huic inimíca sunt nómini; et ea quæ sunt apta, sectári. Per Dóminum nostrum.

Aliae Orationes, Concéde nos fámulos tuos, **et Ecclesiæ tuæ, vel Deus** ómnium. fol. 244.

Lectio Epistolæ beāti Petri Apóstoli.

1. Pet. 2. b

Caríssimi: Obsecro vos tamquam cādvenas, et peregrínos abstinére vos à carnálibus desidériis, quæ militant advérsus ánimam, conversatió-nem vestram inter Gentes habéntes bonam: ut in eo, quod detréctant de vobis tamquam de malefactóribus, ex bonis opéribus vos considerántes, gloríficent Deum in die visitatió-nis. Subjécti ígitur estóte omni humánæ creatúræ propter Deum: sive regi, quasi præcellénti; sive dúcibus, tamquam ab eo missis ad vindíctam malefactórum, laudem vero bonórum: quia sic est volúntas Dei, ut benefaciéntes obmutéscere faciátis imprudentium hóminum ignorántiam: quasi líberi, et non quasi velámen habéntes malítiæ libertátem, sed sicut servi Dei. Omnes honoráte: fraternitátem diligite: Deum timéte: regem honorificáte. Servi súbditi estóte in omni timóre dómínis, non tantum bonis, et modéstis, sed étiam dyscolis. Hæc est enim grátia: in Christo Jesu Dómino nostro.

Allelúja, alleluja.

V. Psal. 110. Redemptionem misit Dóminus pópulo suo. Allelúja.

V. Luc. 24. Oportébat pati Christum, et resúrgere à mórtuis: et ita intráre in glóriam suam. Allelúja.



Sequéntia sancti Evangélíi secúndum Joánnem. Joan. 16. b

In illo témpore: Dixit Jesus discí-pulis suis: Módicum, et jam non vidébitis me: et íterum módicum, et vidébitis me: quia vado ad Patrem. Dixérunt ergo ex discí-pulis ejus ad ínvicem: Quid est hoc, quod dicit nobis: módicum, et non vidébitis me: et íterum módicum, et vidébitis me, et quia vado ad Patrem? Dicébant ergo: Quid est hoc, quod dicit, módicum? nescímus, quid lóquitur. Cognóvit autem Jesus, quia volébant eum interrogáre, et dixit eis: De hoc quæri-

tis inter vos, quia dixi: Módicum, et non vidébitis me: et íterum módicum, et vidébitis me. Amen, amen dico vobis: quia plorábitis, et flébitis vos, mundus autem gaudébit: vos vero contristabímíni, sed tristítia vestra vertétur in gáudium. Múlier cum parit, tristítiam habet, quia venit hora ejus: cum autem pepérerit púerum, jam non méminit pressúræ propter gáudium, quia natus est homo in mundum. Et vos ígitur nunc quidem tristítiam habétis, íterum autem vidébo vos, et gaudébit cor vestrum: et gáudium vestrum nemo tollet à vobis.

Credo.

Offertorium. Psal. 145. Lauda á-ni-ma mea Dóminum: laudábo Dómi-num in vita mea: psallam Deo meo, quámduo ero, allelúja.

Secreta.

His nobis, Dómine, mystériis conferátur, quo terréna desidéria mitigántes, discámus amáre cœ-léstia. Per Dóminum nostrum.


Aliæ Secretæ, Tua Dómine, et Pró-tege nos, vel Oblátis, quæsumus. fol. 244.

Communio. Joan. 16. Módicum, et non vidébitis me, allelúja: íterum mó-dicum, et vidébitis me, quia vado ad Patrem, allelúja, allelúja.

Postcommunio.

Sacraménta quæ sumpsimus, quæsumus Dómine, et spirituálibus nos instáurent aliméntis, et corporálibus tueántur auxiliis. Per Dóminum.

Aliæ Postcommuniones, Sumptis, Dómine, et Quæsumus Dómine, vel Hæc nos, quæsumus Dómine. fol. 244.



DOMINICA QUARTA post Pascha.

Introitus.

Psal. 97.



CAntáte Dómino cánticum novum, allelúja: quia mirabilia fecit Dóminus, allelúja: ante conspéctum Géntium revelávit justítiam suam, allelúja, allelúja.

Psal. ibid. Salvávit sibi dextera ejus: et bráchium sanctum ejus.

V. Glória Patri.

Oratio.

DEus, qui fidélium mentes unius éfficis voluntátis: da pópulis tuis id amáre quod præcipis, id desideráre quod promíttis: ut inter mundánas varietátes ibi nostra fixa sint corda, ubi vera sunt gáudia. Per Dóminum.

Aliæ Orationes, Concéde nos, et Ecclesiæ tuæ, vel Deus ómnium fidélium. fol. 244.

Lectio Epístolæ beáti Jacóbi Apóstoli. Jac. 1. c

CAríssimi: Omne datum óptimum, et omne donum perféctum desúrsum est, descéndens à Patre lúminum, apud quem non est transmutátió, nec vicissitúdinis obumbrátió. Voluntárie enim génuit nos verbo veritátis, ut simus inítium áliquod creatúræ ejus. Scitis, fratres mei dilectíssimi. Sit autem omnis homo velox ad audiéndum: tardus autem ad loquéndum, et tardus ad iram. Ira enim viri, justítiam Dei non operátur. Propter quod abjiciéntes omnem immundítiam, et abundántiam malitiae, in mansuetúidine suscipite ínsitum verbum, quod potest salváre ánimas vestras.

Allelúja, allelúja.

V. Psal. 117. Dextera Dómini fecit virtútem: dextera Dómini exaltávit me. Allelúja.

V. Rom. 6. Christus resúrgens ex mórtuis, jam non móritur: mors illi ultra non dominábitur. Allelúja.



Sequéntia sancti Evangélíi secúndum Joánnem. Joan. 16.

IN illo témpore: Dixit Jesus discí-pulis suis: Vado ad eum, qui misit me: et nemo ex vobis intérogat me: quo vadis? Sed quia hæc locútus sum vobis, tristítia implévit cor vestrum. Sed ego veritátem dico vobis: expedit vobis ut ego vadam: si enim non abíero, Paráclitus non véniet ad vos: si autem abíero, mittam eum ad vos. Et cum vénerit ille, árguet mundum de peccáto, et de justítia, et de judício. De peccáto quidem, quia non credidérunt in me: de justítia verò, quia ad Patrem vado, et jam non vidébitis me: de judício autem, quia princeps hujus mundi jam judicátus est. Adhuc multa hábeo vobis dícere: sed non potéstis portáre modo. Cum autem vénerit ille Spíritus veritátis, docébit vos omnem veritátem. Non enim loquétur à semetípso: sed quæcúmque áudiet, loquétur, et quæ ventúra sunt annuntiábit vobis. Ille me clarificábit: quia de meo accípiet, et annuntiábit vobis. **Credo.**

Offertorium. Psal. 65. Jubiláte Deo univérsta terra, psalmum dícite nómini ejus: veníte, et audíte, et narrábo vobis, omnes qui timétis Deum, quanta fecit Dóminus ánimæ meæ, allelúja.

Secreta.

DEus, qui nos per hujus sacrificii veneránda commércia, unius summæ divinitátis partícipes effecísti: præsta quæsumus; ut, sicut tuam cognóscimus veritátem, sic eam dignis móribus assequámur. Per Dóminum.

Aliæ Secretæ, Tua, Dómine, et Prótege nos, vel Oblátis. fol. 244.

Communio. Joan. 16. Cum vénerit Paráclitus Spíritus veritátis, ille árguet mundum de peccáto, et de justítia, et de judício, allelúja, allelúja.

Postcommunio.

ADesto nobis, Dómine Deus noster: ut per hæc, quæ fidéli-

Dominica v. post Pascha.

ter sumpsimus, et purgemur à vitiis, et à periculis omnibus eruamur. Per Dñm nostrum Jesum Christum Fñm tuum: Qui tecum vivit.

Aliæ Postcommuniones, Sumptis, Dñmine, et Quæsumus Dñmine, vel Hæc nos, quæsumus Dñmine. fol. 244.

DOMINICA QUINTA

post Pascha.

Introitus. Isa. 48. d



Vocem jucunditatis annuntiâte, et audiâtur, allelûja: annuntiâte usque ad extremum terræ: liberâvit Dñmus pópulum suum, allelûja, allelûja.

Ps. 65. Jubilâte Deo omnis terra, psalmum dicite nòmini ejus: date glóriam laudi ejus.

V. Glória Patri.

Oratio.

Deus, à quo bona cuncta procedunt, largíre supplicibus tuis: ut cogitémus, te inspirante, quæ recta sunt; et te gubernante, eadem faciámus. Per Dñm nostrum.

Aliæ Orat. Concède nos, et Ecclesiæ tuæ, vel Deus ómnium. fol. 244.

Lectio Epístolæ beáti Jacobi Apóstoli.

Jac. 1. d

Caríssimi, Estóte factóres verbi, et non auditóres tantum: falléntes vosmetípsos. Quia si quis audítor est verbi, et non factor: hic comparábitur viro consideránti vultum nativitatís suæ in spéculo: considerávit enim se, et ábiit, et statim oblítus est, qualis fúerit. Qui autem perspéxerit in legem perféctam libertátis, et permánserit in ea, non audítor obliviósus factus, sed factor óperis: hic beátus in facto suo erit. Si quis autem putat se religiósus esse, non refrænans linguam suam, sed sedúcens cor suum, hujus vana est religio. Religio

munda, et immaculáta apud Deum, et Patrem, hæc est: Visitáre pupílos, et víduas in tribulatióne eórum, et immaculátum se custodíre ab hoc sæculo.

Allelûja, allelûja.

V. Surréxit Christus, et illúxit nobis, quos redémit ságuine suo. Allelûja.

V. Joan. 16. Exívi à Patre, et veni in mundum: íterum relínquo mundum, et vado ad Patrem. Allelûja.



Sequéntia sancti Evangélii secundum Joánnem. Joan. 16. c

In illo témpore: Dixit Jesus discí-
pulis suis: Amen, amen dico vo-
bis: si quid petiéritis Patrem in nó-
mine meo, dabit vobis. Usque modo
non petístis quidquam in nómine meo:
Pétite, et accipiétis, ut gáudium ve-
strum sit plenum. Hæc in provérbiis
locútus sum vobis. Venit hora, cum
jam non in provérbiis loquar vobis,
sed palam de Patre annuntiábo vobis.
In illo die in nómine meo petétis: et
non dico vobis, quia ego rogábo Pa-
trem de vobis: ipse enim Pater amat
vos, quia vos me amástis, et credidí-
stis, quia ego à Deo exívi. Exívi à
Patre, et veni in mundum: íterum re-
línquo mundum, et vado ad Patrem.
Dicunt ei discípli ejus: Ecce nunc
palam lóqueris, et provérbium nul-
lum dicis. Nunc scimus, quia scis ó-
mnia, et non opus est tibi, ut quis te
intérroget: in hoc crédimus, quia à
Deo exísti. **Credo.**

**Offertorium. Ps. 65. Benedícite Gen-
tes Dñm Deum nostrum, et ob-
audíte vocem laudis ejus: qui pòsuit
ánimam meam ad vitam, et non dedit
commovéri pedes meos: benedíctus
Dñminus, qui non amóvit deprecatió-
nem meam, et misericórdiam suam à
me, allelûja.**

Secreta.

Suscipe, Dñmine, fidélium preces
cum oblatiόνibus hostiárum: ut
per hæc piæ devotiόνis officia, ad cœ-
léstem glóriam transeámus. Per Dó-
minum.

In Litanis majoribus et minoribus.

Aliæ Secretæ, Tua, Dómine, et Prótege nos, Dómine, vel Oblátis. fol. 244.

Communio. Ps. 95. Cantáte Dómino, allelúja: cantáte Dómino, et benedicite nomen ejus: bene nuntiáte de die in diem salutáre ejus, allelúja, allel.

Postcommunio.

TRíbe nobis, Dómine, coeléstis mensæ virtúte satiátis, et desideráre quæ recta sunt, et desideráta percípere. Per Dóminum nostrum.

Aliæ Postcommuniones, Sumptis, Dómine, et Quæsumus Dómine, vel Hæc nos, quæsumus Dómine. fol. 244.

IN LITANIIS MAJORIBUS.

In festo sancti Marci Evangelistæ, Statio ad sanctum Petrum. Et in minoribus ante Ascensionem, Feria ii. Rogationum, Statio ad sanctam Mariam majorem. Feria tertia, Statio ad S. Joannem in Laterano. Feria iv. Statio ad sanctum Petrum.

Sequens Missa dicitur in Litanis majoribus, et minoribus ad Processionem, sine commem. Festi occurrentis. In Feriis autem Rogationum, in Missis privatis, si dicitur de Sancto, fit commem. Rogationum: si dicitur de Rogationibus, fit commem. Festi occurrentis. Feria vero iii. si Festum non occurrat, dicatur Missa de Rogationibus, sine Glória in excelsis, licet in Officio dictum sit, Te Deum, et Oratio Dominicæ.

Introitus. Psal. 17.

AXaudívit de templo sancto suo vocem meam, allelúja: et clamor meus in conspéctu ejus introívit in aures ejus, allelúja, allelúja.

Psal. ibid. Dígíam te Dómine virtus mea: Dóminus firmaméntum meum, et refúgium meum, et liberátor meus. V. Glória Patri.

In hac Missa non dicitur Glória in excelsis, neque Credo.

Oratio.

PRæsta, quæsumus omnipotens Deus, ut qui in afflictiónē nostra de tua pietáte confidimus, contra adversa ómnia, tua semper protectionē muniámur. Per Dóminum.

Aliæ Orat. Concéde nos, et Ecclesiæ tuæ, vel Deus ómnium. fol. 244.

Léctio Epístolæ beáti Jacóbi Apóstoli. Jac. 5. d

CARÍSSIMI: Confitémini altérum peccáta vestra, et oráte pro invicem, ut salvémini: multum enim valet deprecátio justí assídua. Elías homo erat símilis nobis passíbilis: et oratióne orávit ut non plúeret super terram, et non pluit annos tres, et menses sex. Et rursum orávit: et cœlum dedit plúviam, et terra dedit fructum suum. Fratres mei, si quis ex vobis erráverit à veritáte, et convérterit quis eum: scire debet, quóniam qui convérte fécit peccatórem ab erróre viæ suæ, salvábit ánimam ejus à morte, et opériet multitúdinem peccatórum.

Allélúja. V. Psal. 117. Confitémini Dómino, quóniam bonus: quóniam in sæculum misericórdia ejus.



Sequéntia sancti Evangélíi secúndum Lucam. Lucæ 11.

IN illo témpore: Dixit Jesus discí-pulis suis: Quis vestrum habébit amicum, et ibit ad illum média nocte, et dicet illi: Amíce, cómmoda mihi tres panes, quóniam amícus meus venit de via ad me, et non hàbeo quod ponam ante illum: et ille deíntus respóndens, dicat: Noli mihi moléstus esse, jam óstium cláusum est, et púeri mei mecum sunt in cubíli, non possum súrgere, et dare tibi. Et si ille perseveráverit pulsans: dico vobis, et si non dabit illi surgens, eo quod amícus ejus sit, propter improbitátem tamen ejus surget, et dabit illi quotquot habet necessários. Et

In Vigilia Ascensionis.

ego dico vobis: Pétite, et dábitur vobis: quærite, et inveniétis: pulsáte, et aperiétur vobis. Omnis enim qui petit, áccipit: et qui quærit, invenit: et pulsánti aperiétur. Quis autem ex vobis patrem petit panem, numquid lápidem dabit illi? Aut piscem: numquid pro pisce serpéntem dabit illi? Aut si petierit ovum: numquid porriget illi scorpíonem? Si ergo vos cum sitis mali, nostis bona data dare filiis vestris: quanto magis Pater vester de cælo dabit spíritum bonum peténtibus se?

Offertorium. Psal. 108. Confitébor Dómino nimis in ore meo: et in médio multórum laudábo eum, qui ástitit à dextris páuperis: ut salvam fáceret à persecuéntibus ánimam meam, allelúja.

Secreta.

HÆc múnera, quæsumus Dómine, et víncula nostræ pravítatis absólvant, et tuæ nobis misericórdiæ dona concílient. Per Dóminum.

Aliæ Secretæ, Tua, Dómine, et Prótege nos, Dómine, vel Oblátis. fol. 244.

Et dicitur Præfatio Paschal. fol. 204.

Communio. Lucæ 11. Pétite, et accipiétis: quærite, et inveniétis: pulsáte, et aperiétur vobis: omnis enim qui petit, áccipit: et qui quærit, invenit: et pulsánti aperiétur, allelúja.

Postcommunio.

VOta nostra, quæsumus Dómine, pio favóre proséquere: ut dum dona tua in tribulatióne percípimus, de consolatióne nostra in tuo amóre crescámus. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus.

Aliæ Postcommuniones, Sumptis, Dómine, et Quæsumus Dómine, vel Hæc nos, quæsumus Dómine, fol. 244.

IN VIGILIA ASCENSIONIS.

Si hodie occurrat Festum Simplex, fit de ipso tantum commem. Si occurrat Festum Duplex, vel Semiduplex, Missa dicitur de Festo cum commem. Vigiliæ, et Rogationum. Sed in Ecclesiis Collegiatis, præter Missam de Rogationibus, dicuntur duæ Missæ, una de Festo, et alia de Vigilia.

Introitus. Isaia. 48. d



Ocem jucunditátis annuntiáte, et audiátur, allelúja: annuntiáte usque ad extrémum terræ: liberávit Dóminus pópulum suum, allelúja, allelúja.

Psalm. 65. Jubiláte Deo omnis terra: psalmum dicite nómini ejus, date glóriam laudi ejus.

V. Glória Patri.

Et dicitur Glória in excélsis.

Oratio.

DEus, à quo bona cuncta procedunt, largíre supplicibus tuis: ut cogitémus, te inspiránte, quæ recta sunt; et te gubernánte, éadem faciámus. Per Dóminum nostrum.

Secunda Oratio de Rogationibus, Præsta quæsumus. ut supra. fol. 249.

Tertia de Sancta Maria, Concède nos. fol. 244.

In Ecclesiis autem Collegiatis, ubi dicitur alia quoque Missa de Rogationibus, secunda Oratio erit de B. Maria: tertia Ecclésiæ tuæ, vel Deus ómnium fidélium Pastor. fol. 244.

Lectio Epístolæ beáti Pauli Apóstoli ad Ephésios. Eph. 4. b

FRatres: Unicuique nostrum data est grátia secúndum mensúram donatiónis Christi. Propter quod dicit: Ascéndens in altum, captivam duxit captivitátem: dedit dona homínibus. Quod autem ascéndit, quid est, nisi quia et descéndit, primum in

In Vigilia Ascensionis.

inferiores partes terræ? Qui descendit, ipse est et qui ascendit super omnes cœlos, ut impleret omnia. Et ipse dedit quosdam quidem Apostolos, quosdam autem Prophetas, alios vero Evangelistas, alios autem pastores, et doctores, ad consummationem sanctorum in opus ministerii, in ædificationem corporis Christi: donec occurramus omnes in unitatem fidei, et agnitionis Filii Dei, in virum perfectum, in mensuram ætatis plenitudinis Christi.

Allelúja, allelúja.

V. Surrexit Christus, et illuxit nobis, quos redemit sanguine suo. **Allelúja.**

V. Joan. 16. Exivi à Patre, et veni in mundum: iterum relinquo mundum, et vado ad Patrem. **Allelúja.**

 **Sequentia sancti Evangelii secundum Joannem. Joan. 17.**

IN illo tempore: Sublevatis Jesus oculis in cœlum, dixit: Pater venit hora, clarifica Filium tuum, ut Filius tuus clarificet te: sicut dedisti ei potestatem omnis carnis, ut omne, quod dedisti ei, det eis vitam æternam. Hæc est autem vita æterna: ut cognoscant te, solum Deum verum, et quem misisti Jesum Christum. Ego te clarificavi super terram: opus consummavi, quod dedisti mihi, ut faciam: et nunc clarifica me tu Pater apud te ipsum, claritate, quam habui, priusquam mundus esset, apud te. Manifestavi nomen tuum hominibus, quos dedisti mihi de mundo. Tui erant, et mihi eos dedisti: et sermonem tuum servaverunt. Nunc cognoverunt, quia omnia, quæ dedisti mihi, abs te sunt: quia verba, quæ dedisti mihi, dedi eis: et ipsi acceperunt, et cognoverunt vere, quia à te exivi, et crediderunt, quia tu me mi-

sisti. Ego pro eis rogo, non pro mundo rogo, sed pro his, quos dedisti mihi: quia tui sunt: et mea omnia tua sunt, et tua mea sunt: et clarificatus sum in eis. Et jam non sum in mundo, et hi in mundo sunt, et ego ad te venio.

Offertorium. Psal. 65. Benedicite Gentes Dominum Deum nostrum, et obaudite vocem laudis ejus: qui posuit animam meam ad vitam, et non dedit commoveri pedes meos: benedictus Dominus, qui non amovit deprecationem meam, et misericordiam suam à me, **allelúja.**

Secreta.

Suscipe, Domine, fidelium preces cum oblationibus hostiarum: ut per hæc piæ devotionis officia, ad cœlestem glóriam transeamus. Per Dominum.

Secunda Secreta de Rogationibus. Hæc mûnera, quæsumus. fol. 250.

Tertia de B. Maria: Tua, Domine. fol. 244.

Vel secunda de B. Maria: tertia, Prôtege nos, Domine, vel Oblâtis. fol. 244.

Præfatio Paschalis, fol. 204. et fol. 214.

Communio. Psal. 95. Cantate Domino, allelúja: cantate Domino, et benedicite nomen ejus: bene nuntiâte de die in diem salutâre ejus, allelúja, allelúja. **Postcommunio.**

Tribue nobis, Domine, cœlestis mensæ virtute satiâti, et desiderâre quæ recta sunt, et desiderâta percipere. Per Dominum.

Secunda Postcomm. de Rogationibus. Vota nostra, quæsumus. fol. 250.

Tertia de beata Maria, Sumptis, Domine. Vel secunda de beata Maria: tertia, Quæsumus Domine, vel Hæc nos. fol. 244.



IN ASCENSIONE DOMINI.

STATIO

ad sanctum Petrum.

Introitus.

Act. 1.

Viri Galilæi, quid admirâmini aspicientes in cœlum? allelûja: quem-

âdmodum vidistis eum ascendentem in cœlum, ita veniet, allelûja, allelûja, allelûja.

Psal. 46. Omnes gentes plaudite mânibus: jubilâte Deo in voce exultationis.

V. Glória Patri.

Oratio.

Concède, quæsumus omnipotens Deus: ut qui hodierna die Unigenitum tuum Redemptorem nostrum ad cœlos ascendisse credimus; ipsi quoque mente in cœlestibus habitemus. Per eundem Dôminum.

Lectio Actuum Apostolorum.

Act. 1.

Primùm quidem sermonem feci de omnibus, o Theóphile, quæ cœpit Jesus facere, et docere, usque in diem, qua, præcipientis Apóstolis per Spíritum sanctum, quos elégit,

assumptus est: quibus et præbuit se ipsum vivum post passionem suam in multis arguméntis, per dies quadraginta appárens eis, et loquens de regno Dei. Et convéscens, præcepit eis, ab Jerosólymis ne discéderent, sed expectárent promissionem Patris, quam audistis (inquit) per os meum: quia Joánnes quidem baptizávit aqua, vos autem baptizabimini Spíritu sancto non post multos hos dies. Igitur qui convénerant, interrogábant eum, dicentes: Dómine, si in tēpore hoc restitues regnum Israel? Dixit autem eis: Non est vestrum nosse tēpora vel moménta, quæ Pater pósuit in sua potestáte: sed accipiétis virtutem superveniéntis Spíritus sancti in vos, et éritis mihi testes in Jerúsalem, et in omni Judæa, et Samária, et usque ad últimum terræ. Et cum hæc dixisset, vidéntibus illis, elevátus est, et nubes suscepit eum ab óculis eórum. Cumque intueréntur in cœlum eúntem illum, ecce duo viri astitérunt juxta illos in véstibus albis, qui et dixerunt: Viri Galilæi, quid statis aspicientes in cœlum? Hic Jesus, qui assumptus est à vobis in cœlum, sic veniet, quemâdmodum vidistis eum eúntem in cœlum.

Allelûja, allelûja.

V. Psal. 46. Ascéndit Deus in jubilatione, et Dóminus in voce tubæ. Allelûja.

V. Psal. 67. Dóminus in Sina in sancto, ascéndens in altum, captivam duxit captivitatem. Allelûja.

Dominica infra Octavam Ascensionis.

Sequētia sancti Evangēlii secūndum Marcum. Marci 16. c

IN illo tēpore: Recumbētib^{us} undecim discipulis, apparuit illis Jesus: et exprobravit incredulitatem eorum, et duritiam cordis: quia iis, qui viderant eum resurrexisse, non crediderunt. Et dixit eis: Eūntes in mundum univēsum, prādicāte Evangēlium omni creatūræ. Qui crediderit, et baptizātus fuerit, salvus erit: qui vero non crediderit, condemnabitur. Signa autem eos, qui crediderint, hæc sequētur: In nōmine meo dæmōnia ejicient: linguis loquētur novis: serpētes tollent: et si mortiferum quid biberint, non eis nocēbit: super ægros manus impōnent, et bene habēbunt. Et Dōminus quidem Jesus, postquam locūtus est eis, assūptus est in cœlum, et sedet à dextris Dei. Illi autem profēcti, prādicavērunt ubique, Dōmino cooperānte, et sermōnem confirmānte, sequētib^{us} signis.

¶ Dicto Evangelio extinguitur Cereus Paschalis, nec ulterius accenditur, nisi in Sabbato Pentecostes ad benedictionem Fontis. Credo.

Offertorium. Psal. 46. Ascēdit Deus in jubilatōne, et Dōminus in voce tubæ, allelūja.

Secreta.

Suscipe Dōmine mūnera, quæ pro Filii tui gloriōsa Ascensīōne deferimus: et concēde propitius; ut à præsētib^{us} periculis liberēmur, et ad vitam perveniāmus ætērnā. Per eūmdem Dōminum.

Præfatio. Qui post resurrectionem. fol. 194. vel 215.

Et dicitur usque ad Vigiliam Pentecostes exclusive.

Infra actionem. Communicātes, et diem sacratissimum. fol. 195. vel 215.

Et dicitur per Octavam tantum.

Communio. Psal. 67. Psāllite Dōmino, qui ascēdit super cœlos cœlorum ad Oriētem, allelūja.

Postcommunio.

Præstā nobis, quæsumus omnipotens et miséricors Deus: ut quæ visibilibus mystēriis sumēda percēpimus, invisibili consequāmur effēctu. Per Dōminum.

¶ Infra Octavam Ascensionis dicitur Missa de Ascensione, nisi occurrat Festum Duplex, vel Semiduplex, de quo tunc fit cum commemoratione Octavæ: de Simplici autem fit tantum commemoratio. Post Orationem diei dicitur secunda Oratio de S. Maria, Concēde nos fāmulos tuos, et tertia Ecclesiæ tuæ, vel Deus omnium fideliū. fol. 244.

DOMINICA

infra

Octavam Ascensionis.

Introitus. Psal. 26.



Xāudi, Dōmine, vocem meam, qua clamāvi ad te, allelūja: tibi dixit cor meum, quæsi- vi vultum tuum,

vultum tuum Dōmine requiram: ne avērtas faciē tuam à me, allelūja, allelūja.

Psal. ibid. Dōminus illuminatio mea, et salus mea: quem timēbo?

V. Glória Patri. Oratio.

Omnipotens sempitērne Deus, fac nos tibi semper et devótam gerere voluntātem, et majestāti tuæ sincēro corde servīre. Per Dōminum.

Et fit commemoratio de Ascensione tantum. Oratio.

Concēde, quæsumus omnipotens Deus: ut qui hodiērna die Unigēnitum tuum Redemptōrem nostrū ad cœlos ascendisse credimus; ipsi quoque mente in cœlestibus habitēmus. Per eūmdem Dōminum.

Sabbato in Vigilia Pentecostes.

Lectio Epistolæ beāti Petri Apóstoli.

1. Petr. 4. b

Carissimi: Estóte prudéntes, et vigiláte in Oratióibus. Ante ómnia autem, mútuam in vobismet-ípsis caritátem contínuam habéntes: quia cáritas óperit multitudinem peccatórum. Hospitáles invicem sine murmuratióne: unusquisque, sicut accépit grátiam, in altérutrum illam administrántes, sicut boni dispensatóres multifórmis grátiae Dei. Si quis lóquitur, quasi sermónes Dei: si quis minístrat tamquam ex virtúte, quam adminístrat Deus: ut in ómnibus honorificétur Deus per Jesum Christum Dóminum nostrum.

Allelúja, allelúja.

V. Psal. 46. Regnávít Dóminus super omnes gentes: Deus sedet super sedem sanctam suam. **Allelúja.**

V. Joan. 14. Non vos relínquam órphanos: vado, et vénio ad vos, et gaudébit cor vestrum. **Allelúja.**

Sequéntia sancti Evangélíi secúndum Joánnem. Jo. 15. d & 16.

In illo témpore: dixit Jesus discí-
pulis suis: Cum vénerit Parácli-
tus, quem ego mittam vobis à Patre,
Spíritum veritátis, qui à Patre pro-
cédit, ille testimónium perhibébit de
me: et vos testimónium perhibébitis,
quia ab inítio mecum estis. Hæc lo-
cútus sum vobis, ut non scandalizé-
mini. Absque synagógis fácient vos:
sed venit hora, ut omnis qui intérficit
vos, arbitrétur obséquium se præstá-
re Deo. Et hæc fácient vobis, quia
non novérunt Patrem, neque me.
Sed hæc locútus sum vobis, ut, cum
vénerit hora eórum, reminiscámini,
quia ego dixi vobis. **Credo.**

Offertorium Ps. 46. Ascéndit De-
us in jubilatióne: et Dóminus in voce
tubæ, allelúja.

Secreta.

Sacrificia nos, Dómine immacu-
láta puríficent: et méntibus no-
stris supérnæ grátiae dent vigórem.
Per Dóminum nostrum.

Pro Ascensione.

Secreta.

Suscipe Dómine múnera, quæ pro
Fílii tui gloriósa Ascensióne de-
férimus: et concéde propítius; ut à
præséntibus perículis liberémur, et
ad vitam perveniámus ætérnam. Per
eúmdem Dóminum.

Communio. Joan. 17. Pater, cum
essem cum eis, ego servábam eos,
quos dedísti mihi, allelúja: nunc au-
tem ad te vénio: non rogo, ut tollas
eos de mundo, sed ut serves eos à
malo, allelúja, allelúja.

Postcommunio.

Repléti, Dómine, munéribus sa-
cris: da quæsumus; ut in grati-
arum semper actióne maneámus.
Per Dóminum.

Pro Ascensione.

Postcommunio.

Præsta nobis, quæsumus omnípo-
tens et miséricors Deus: ut quæ
visibílibus mystériis suménda percé-
pimus, invisíbili consequámur effé-
ctu. Per Dóminum nostrum.

**In Octava Ascensionis dicitur Mis-
sa sicut in die, cum una tantum Ora-
tione, nisi occurrat Festum Simplex.**

**Feria sexta post Octavam Ascen-
sionis, si non fuerit Festum Duplex,
vel Semiduplex, etiam translatum,
Missa dicitur de Dominica præterita,
cum commemoratione de S. Maria.
Concéde nos, et Ecclesiæ tuæ, vel
Deus ómnium fidélium. fol. 244.**

**De Simplici fit tantum commemo-
ratio. Et non dicitur Credo.**

SABBATO IN VIGILIA

Pentecostes.

**Statio ad sanctum Joannem
in Laterano.**

Icta Nona, Sacerdos
et Ministri induti
paramentis violacei
coloris, accedunt ad
Altare, et facta re-
verentia, Sacerdos illud osculatur in
medio. Deinde leguntur Prophetiæ

In Vigilla Pentecostes.

sine titulo, candelis Altaris extinctis usque ad principium Missæ, sicut in Sabbato sancto. Sacerdos legit eas submissa voce ad Altare in cornu Epistolæ. In fine Prophetiarum dicuntur Orationes sine **F**lectamus gēnuā.

Prophetia prima. Gen. 22.

IN diēbus illis: Tentāvit Deus Abraham et dixit ad eum: Abraham, Abraham. At ille respōdit: Adsum. Ait illi: Tolle filium tuum unigēnitum, quem dīligis, Isaac, et vade in terram visionis: atque ibi offeres eum in holocāustum super unum mōntium quem monstrāvero tibi. Igitur Abraham de nocte consurgens, stravit āsinum suum: ducens secum duos jūvenes, et Isaac filium suum: cumque concidisset ligna in holocāustum, ābiit ad locum, quem præcéperat ei Deus. Die autem tērtio elevātis oculis, vidit locum procul: dixitque ad pūeros suos: Expectāte hīc cum āsino: ego et puer illuc usque properāntes, postquam adorāverimus, revertēmur ad vos. Tulit quoque ligna holocāusti, et impōsuit super Isaac filium suum: ipse vero portābat in mānibus ignem et glādium. Cumque duo pēgerent simul, dixit Isaac patri suo: Pater mi. At ille respōdit: Quid vis fili? Ecce, inquit, ignis et ligna: ubi est vīctima holocāusti? Dixit autem Abraham: Deus providēbit sibi vīctimam holocāusti, fili mi. Pergēbant ergo pāriter, et venērunt ad locum, quem ostēderat ei Deus, in quo ædificāvit altāre, et dēsuper ligna compōsuit: cumque alligāssset Isaac filium suum, pōsuit eum in altāre super struem lignōrum. Extenditque manum, et arrīpuit glādium, ut immolāret filium suum. Et ecce Angelus Dōmini de cōelo clamāvit, dicens: Abraham, Abraham. Qui respōdit: Adsum. Dixitque ei: Non extēdas manum tuam super pūerum, neque fācias illi quidquam: nunc cognōvi quōd times Deum, et non pepercisti unigēnito

filio tuo propter me. Levāvit Abraham oculos suos, viditque post tergum arietem inter vepres hærēntem cornibus, quem assūmens obtulit holocāustum pro filio. Appellavitque nomen loci illius, Dōminus videt. Unde usque hōdie dicitur: In monte Dōminus vidēbit. Vocāvit autem Angelus Dōmini Abraham secūdo de cōelo, dicens: Per memetīpsū jurāvi, dicit Dōminus: quia fecisti hanc rem, et non pepercisti filio tuo unigēnito propter me, benedicam tibi, et multiplicābo semen tuum sicut stellas cōeli, et velut arēnam quæ est in lītore maris: possidēbit semen tuum portas inimicōrum suorum, et benedicentur in sēmine tuo omnes gentes terræ, quia obedisti voci meæ. Reversus est Abraham ad pūeros suos, abiēruntque Bersabée simul, et habitāvit ibi.

Qua finita, Sacerdos dicit: Orémus.

Oratio.

DEus, qui in Abrahæ fāmuli tui Dōpere, humāno gēneri obediētiæ exēpla præbuisti: concēde nobis, et nostræ voluntātis pravitatē frāgere; et tuōrum præceptōrum rectitudinē in omnibus adimplēre. Per Dominum.

Prophetia secunda. Exodi 14. f & 15.

IN diēbus illis: Factum est in vigilia matutina, et ecce respiciens Dōminus super castra Ægyptiōrum per colūmnā ignis, et nubis, interfecit exercitum eōrum: et subvertit rotas currū, ferebanturque in profundum. Dixērunt ergo Ægyptii: Fugiāmus Israël; Dōminus enim pugnat pro eis contra nos. Et ait Dōminus ad Mōysen: Extēde manum tuam super mare, ut revertāntur aquæ ad Ægyptios super currus et équites eōrum. Cumque extendisset Mōyses manum contra mare, reversum est primo dilūculo ad priōrem locum: fugientibusque Ægyptiis occurrerunt aquæ, et invōlvit eos Dōminus in mediis flūctibus. Reversæque sunt aquæ, et operuerunt currus et équites cuncti

In Vigilia Pentecostes.

Non est qui possit scire vias ejus, neque qui exquirat sémitas ejus: sed qui scit univérſa, novit eam, et adinvénit eam prudéntia sua: qui præparávit terram in ætérno témpore, et replévit eam pecúdibus, et quadrupédibus: qui emíttit lumen, et vadit: et vocávit illud, et obédit illi in tremóre. Stellæ autem dedérunt lumen in custódiis suis, et lætátæ sunt: vocátæ sunt, et dixerunt: Adsumus: et luxérunt ei cum jucunditáte, qui fecit illas. Hic est Deus noster, et non æstimábitur álius advérsus eum. Hic adinvénit omnem viam disciplínæ, et trádedit illam Jacob púero suo, et Israel dilécto suo. Post hæc in terris visus est, et cum homínibus conversátus est.

Orémus.

Oratio.

DEus, qui nobis per Prophetárum ora præcepísti temporália relínquere, atque ad ætérna festináre: da fámulis tuis; ut, quæ à te jussa cognóvimus, implére cœlésti inspiratióne valeámus. Per Dóminum.

Prophetia sexta. Ezech. 37.

IN diébus illis: Facta est super me manus Dómini, et edúxit me in spíritu Dómini, et dimísit me in médio campi, qui erat plenus óssibus: et circumdúxit me per ea in gyro: erant autem multa valde super fáciem campi, síccaque vehementer. Et dixit ad me: Fili hóminis putásne vivent ossa ista? Et dixi: Dómine Deus, tu nosti. Et dixit ad me: Vaticináre de óssibus istis: et dices eis: Ossa árida audíte verbum Dómini. Hæc dicit Dóminus Deus óssibus his: Ecce ego intromíttam in vos spíritum, et vivétis. Et dabo super vos nervos, et succréscere fáciem super vos carnes, et superexténdam in vobis cutem, et dabo vobis spíritum, et vivétis, et sciétis quia ego Dóminus. Et prophetávi sicut præcéperat mihi: factus est autem sónitus prophetánte me, et

ecce commótió: et accessérunt ossa ad ossa, unumquódque ad junctúram suam. Et vidi, et ecce super ea nervi et carnes ascendérunt: et exténta est in eis cutis désuper; et spíritum non habébant. Et dixit ad me: Vaticináre ad spíritum: vaticináre fili hóminis, et dices ad spíritum: Hæc dicit Dóminus Deus: A quátuor ventis veni spíritus, et insúffla super interféctos istos, et revivíscant. Et prophetávi sicut præcéperat mihi: et ingressus est in ea spíritus, et vixérunt: steterúntque super pedes suos, exercitus grandis nimis valde. Et dixit ad me: Fili hóminis, ossa hæc univérſa, domus Israel est: ipsi dicunt: Aruérunt ossa nostra, et périit spes nostra, et abscíssi sumus. Proptérea vaticináre, et dices ad eos: Hæc dicit Dóminus Deus: Ecce ego apériam túmulos vestros, et edúcam vos de sepúlchris vestris pópulus meus: et indúcam vos in terram Israel. Et sciétis quia ego Dóminus, cum aperúero sepúlchra vestra, et edúxero vos de túmulis vestris pópule meus: et dédero spíritum meum in vobis, et vixéritis, et requiescere vos fáciem super humum vestram: dicit Dóminus omnípotens.

Orémus.

Oratio.

Domine Deus virtútum, qui colápsa réparas, et reparáta consérvas: auge pópulos in tui nóminis sanctificatióne renovándos; ut omnes, qui sacro baptísmate diluúntur, tua semper inspiratióne dirigántur. Per Dóminum.

¶ His expletis, Celebrans accipit pluviale violaceum, et descendendo ad fontem cantatur Tractus Ps. 41.

Sicut cervus desíderat ad fontes aquárum: ita desíderat ánima mea ad te, Deus.

V. Sitívit ánima mea ad Deum vivum: quando véniam, et apparebo ante fáciem Dei.

In Vigilia Pentecostes.

V. Fuérunt mihi lácrymæ meæ panes die ac nocte, dum dicitur mihi per singulos dies: Ubi est Deus tuus?

Deinde Sacerdos antequam intret ad benedictionem fontis, dicit

V. Dóminus vobíscum.

R. Et cum spírítu tuo.

Orémus.

Oratio.

Concède, quæsumus, omnipotens Deus: ut qui solemnitatem doni sancti Spíritus cólimus, cœlestibus desidériis accénsi, fontem vitæ sitiámus. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus.

Deinde proceditur ad benedictionem fontis, ut supra in Sabbato sancto fol. 173.

¶ Ubi vero non fuerint fontes, finita sexta Prophetia cum sua Oratione, Celebrans deponit casulam, et cum ministris ante Altare procumbit: et aliis omnibus genuflexis, cantantur Litaníæ a duobus cantoribus in medio Chori, utroque Choro idem simul respondente. Cum autem perventum fuerit ad V. Peccatóres, Te rogámus. Sacerdos, et ministri surgunt, et accedentes ad Sacristiam, induuntur paramentis rubeis, et accenduntur luminaria circa Altare. In fine Litaniarum cantantur solemniter, Kyrie eléison. pro Missa, et repetuntur, ut moris est. Quo incepto, Sacerdos cum ministris procedit ad Altare, et facit Confessionem: deinde ascendens, illud osculatur, et incensat more solito. Finitis Kyrie eléison. incipit solemniter, Glória in excélsis Deo. et campanæ pulsantur.

Oratio.

Præsta quæsumus omnipotens Deus, ut claritátis tuæ super nos

splendor effúlgeat: et lux tuæ lucis corda eórum, qui per grátiam tuam renáti sunt, sancti Spíritus illustratióne confirmet. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus.

Lectio Actuum Apostolorum.

Act. 19.

IN diébus illis: Factum est, cum Apóllo esset Corínthi, ut Paulus peragrátis superióribus pártibus veníret Ephesum, et inveníret quosdam discípulos: dixítque ad eos: Si Spíritum sanctum accepístis credéntes? At illi dixerunt ad eum: Sed neque si Spíritus sanctus est, audívimus. Ille vero ait: In quo ergo baptizáti estis? Qui dixerunt: In Joánnis baptísmate. Dixit autem Paulus: Joánnes baptizávit baptísmo pœniténtiæ pópulum, dicens: In eum, qui ventúrus esset post ipsum, ut créderent, hoc est, in Jesum. His audítis, baptizáti sunt in nómine Dómini Jesu. Et cum imposuísset illis manus Paulus, venit Spíritus sanctus super eos, et loquebántur linguis, et prophétábant. Erant autem omnes viri fere duódecim. Introgréssus autem synagógam, cum fidúcia loquebátur per tres menses, dísputans, et suádens de regno Dei.

Allelúja.

V. Psal. 106. Confitémini Dómino, quóniam bonus: quóniam in sæculum misericórdia ejus.

Non repetitur, Allelúja. sed immediate sequitur Tractus. Psal. 116.

Laudáte Dóminum omnes gentes: et collaudáte eum omnes pópuli.

V. Quóniam confirmáta est super nos misericórdia ejus: et véritas Dómini manet in ætérnum.

Ad Evangelium non portantur luminaria, sed incensum tantum.

In Vigilia Pentecostes.

Sequéntia sancti Evangélii secúndum Jóannem. Joan. 14. b

IN illo témpore: Dixit Jesus discipulis suis: Si diligitis me, mandata mea serváte. Et ego rogábo Patrem, et álium Paráclitum dabit vobis, ut máneat vobíscum in ætérnum, Spíritum veritátis, quem mundus non potest accípere, quia non videt eum, nec scit eum. Vos autem cognoscétis eum; quia apud vos manébit, et in vobis erit. Non relínquam vos órphanos: véniam ad vos. Adhuc módicum; et mundus me jam non videt. Vos autem vidétis me, quia ego vivo, et vos vivétis. In illo die vos cognoscétis, quia ego sum in Patre meo, et vos in me, et ego in vobis. Qui habet mandata mea, et servat ea, ille est, qui diligit me. Qui autem diligit me, diligétur à Patre meo; et ego diligam eum, et manifestábo ei meípsum.

Non dicitur Credo.

Offertorium. Ps. 103. Emítte Spíritum tuum, et creabúntur, et renovábis fáciem terræ: sit glória Dómini in sæcula, allelúja.

Secreta.

MUnera, quæsumus Dómine, oblata sanctífica: et corda nostra sancti Spíritus illustratióne emúnda. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus.

Præfatio. Qui ascéndens super omnes cœlos, fol. 196 vel 216.

Infra actionem. Communicántes, et diem sacratíssimum Pentecóstes celebrántes et Hanc igitur oblatiónem. ut supra post Præfationem ejusdem solemnitatis, fol. 197 vel 216.

Et dicuntur usque ad sequens Sabbatum inclusive.

Communio. Joan. 7. Ultimo festivitátis die dicébat Jesus: Qui in me credit, flúmina de ventre ejus fluent aquæ vivæ: hoc autem dixit de Spíritu, quem acceptúri erant credéntes in eum, allelúja, allelúja.

Postcommunio.

Sancti Spíritus, Dómine, corda nostra mundet infúsió: et sui roris íntima aspersione fœcúndet. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus.

In Missis privatis hujus Vigiliæ, omissis Prophetiis, Orationibus et Litaniis, Missa absolute incipitur ab Introitu sequenti.

Introitus.

Ezech. 36.



Cum sanctificátus fúero in vobis, congregábo vos de univér-sis terris: et effúndam super vos aquam mundam, et mundabímini ab ómnibus inquinaméntis vestris: et dabo vobis spíritum novum: Allelúja, allelúja.

Ps. 33. Benedícam Dóminum in omni témpore: semper laus ejus in ore meo.

V. Glória Patri.

Deinde dicitur Kyrie eleíson.

Glória in excélsis.

Oratio.

Præsta quæsumus omnípotens Deus, ut claritátis tuæ super nos splendor effúlgeat: et lux tuæ lucis corda eorum, qui per grátiam tuam renáti sunt, sancti Spíritus illustratióne confirmet. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus.

In Vigilia Pentecostes.

Lectio Actuum Apostolorum.

Act. 19.

IN diébus illis: Factum est, cum Apóllo esset Corínthi, ut Paulus peragrátis superióribus pártibus veníret Ephesum, et inveníret quosdam discípulos: dixítque ad eos: Si Spíritum sanctum accepístis credéntes? At illi dixérunt ad eum: Sed neque si Spíritus sanctus est, audívimus. Ille vero ait: In quo ergo baptizáti estis? Qui dixérunt: In Joánnis baptísmate. Dixit autem Paulus: Joánnes baptizávit baptísimo pœniténtiæ pópulum, dicens: In eum, qui ventúrus esset post ipsum, ut créderent, hoc est, in Jesum. His audítis, baptizáti sunt in nómine Dómini Jesu. Et cum imposuísset illis manus Paulus, venit Spíritus sanctus super eos, et loquebántur linguis, et prophe-

tábant. Erant autem omnes viri fere duódecim. Introgréssus autem synagógam, cum fidúcia loquebátur per tres menses, dísputans, et suádens de regno Dei.

Allelúja.

V. Psal. 106. Confitémini Dómino, quóniam bonus: quóniam in sœculum misericórdia ejus.

Non repetitur, Allelúja. sed immediate sequitur Tractus. Psal. 116.

Laudáte Dóminum omnes gentes: et collaudáte eum omnes pópuli.

V. Quóniam confirmáta est super nos misericórdia ejus: et véritas Dómini manet in ætérnum.

Evangelium et reliqua ut supra fol. 260.





DOMINICA

PENTECOSTES.

Statio ad sanctum Petrum.

Sap. 1.



Introitus.

Spiritus
Dómini
replévit
orbem
terrá-
rum, al-
lelúja: et hoc

quod cóninet ómnia,
sciéntiam habet vocis,
allelúja, allelúja, allel.

Ps. 76. Exúrgat De-
us, et dissipéntur ini-
míci ejus: et fúgiant qui
odérunt eum, à fácie
ejus. **V.** Glória Patri.

Oratio.

Deus, qui hodiérna
die corda fidélium
sancti Spíritus illustra-
tíone docuísti: da nobis
in eódem Spíritu recta
sápere, et de ejus sem-
per consolatióne gau-
dére. Per Dóminum.
in unitáte ejúsdem Spí-
ritus sancti Deus.

Léctio Actuum Apostolorum. Act. 2.

Cum compleréntur dies Pentecó-
stes, erant omnes discípuli pá-

riter in eódem loco: et factus est
repénite de cœlo sonus, tamquam ad-
veniéntis spíritus veheméntis: et
replévit totam domum ubi erant se-
déntes. Et apparuérunt illis dispertítæ
linguæ tamquam ignis, sedítque supra
singulos eórum: et repléti sunt omnes
Spíritu sancto, et cœpérunt loqui
váriis linguis, prout Spíritus sanctus
dabat éloqui illis. Erant autem in
Jerúsalem habitántes Judæi, viri
religiósi ex omni natióne, quæ sub
cœlo est. Facta autem hac voce, con-
venit multitúdo, et mente confúsa
est, quóniam audiébat unusquisque
lingua sua illos loquéntes. Stupébant
autem omnes, et mirabántur, dicén-
tes: Nonne ecce omnes isti, qui lo-
quúntur, Galilæi sunt? Et quómodo
nos audívimus unusquisque linguam
nostram, in qua nati sumus? Parthi,
et Medi, et Ælamítæ, et qui hábitant
Mesopotámiam, Judæam, et Cappa-
dóciam, Pontum, et Asiam, Phry-
giam, et Pamphyliam, Ægyptum, et
partes Libyæ, quæ est circa Cyréne,
et ádvenæ Románi, Judæi quoque, et
Prosélyti, Cretes, et Arabes: audívi-
mus eos loquéntes nostris linguis
magnália Dei.

Allelúja, allelúja.

V. Psal. 103. Emítte Spíritum tuum
et creabúntur: et renovábis fáciem
terræ. **Allelúja.**

Hic genuflectitur. V. Veni sancte
Spíritus, reple tuórum corda fidélium:
et tui amóris in eis ignem accénde.

Feria secunda post Pentecosten.

Sequentia.

Veni sancte Spíritus, et emítte
cœlitus lucis tuæ rádiu.

Veni pater páuperum, veni dator
múnerum, veni lumen córdium.

Consolátor óptime, dulcis hospes áni-
mæ, dulce refrigeríum.

In labóre réquies, in æstu tempéries,
in fletu solátium.

O lux beatíssima, reple cordis íntima
tuórum fidélium.

Sine tuo númine, nihil est in hómine,
nihil est innóxiu.

Lava quod est sórdidum, riga quod
est áridum, sana quod est sáuciu.

Flecte quod est rígidum, fove quod
est frígidum, rege quod est déviu.

Da tuis fidélibus, in te confidéntibus,
sacrum septenáriu.

Da virtútis méritu, da salútis éxi-
tu, da perénne gáudiu. Amen.
Allelúja.

**Et dicitur quotidie usque ad sequens
Sabbatum inclusive.**

 Sequentia sancti Evangélíi se-
cúndum Joánnem. **Joan. 14. c**

IN illo témpore: Dixit Jesus discí-
pulis suis: Si quis díligit me, ser-
mónem meum servábit, et Pater
meus díliget eum, et ad eum venié-
mus, et mansiónem apud eum facié-
mus: qui non díligit me, sermónes
meos non servat. Et sermónem quem
audístis, non est meus; sed ejus, qui
misit me, Patris. Hæc locútus sum
vobis, apud vos manens. Paráclitus
autem Spíritus sanctus, quem mittet
Pater in nómine meo, ille vos docé-
bit ómnia, et súggeret vobis ómnia,
quæcúmque díxero vobis. Pacem re-
línquo vobis, pacem meam do vobis:
non quómodo mundus dat, ego do
vobis. Non turbétur cor vestrum, ne-
que formídet. Audístis quia ego dixi
vobis: Vado, et vénio ad vos. Si
diligérétis me, gauderétis útique, quia
vado ad Patrem; quia Pater major
me est. Et nunc dixi vobis priúsquam
fiat: ut cum factum fúerit, credátis.
Jam non multa loquar vobíscum. Ve-

nit enim princeps mundi hujus, et in
me non habet quidquam. Sed ut
cognóscat mundus, quia díligo Pa-
trem, et sicut mandátum dedit mihi
Pater, sic fácio. **Credo.**

Offertorium. Ps. 67. Confírma hoc
Deus, quod operátus es in nobis: à
templo tuo quod est in Jerúsalem,
tibi ófferent reges múnera, allelúja.

Secreta.

Munera, quæsumus Dómine, ob-
láta sanctífica: et corda nostra
sancti Spíritus illustratióne emúnda.
Per Dóminu. in unitáte ejúsdem
Spíritus sancti Deus.

Præfat. Qui ascéndens. **Commu-
nicántes.** et **Hanc igitur.** fol. 196.
vel 216.

Communio. Act. 2. Factus est re-
pente de cœlo sonus tamquam adve-
níentis spíritus veheméntis, ubi erant
sedéntes, allelúja: et repléti sunt o-
mnes Spírítu sancto, loquéntes ma-
gnália Dei, allelúja, allelúja.

Postcommunio.

Sancti Spíritus, Dómine, corda
nostra mundet infúsió, et sui
roris íntima aspersione fœcúndet. Per
Dóminu. in unitáte ejúsdem Spírí-
tus sancti Deus.

**¶ Infra Octav. Pentecostes non fit
de aliquo Festo Duplici, vel Semi-
duplici, sed post Octavam celebran-
tur: de Simplici occurrenti post tri-
duum fit commem. tantum.**

FERIA SECUNDA

post Pentecosten.

Statío ad S. Petrum ad Vincula.

Introitus.

Psal. 80.



Ibávit eos ex ádi-
pe fruménti, allelúja: et
de petra melle satu-
rávit eos, allelúja,
allelúja.

Psal. ibid. Exultáte
Deo adjutóri nostro: jubiláte Deo
Jacob.

V. Glória Patri.

Feria iii. post Pentecosten.

Oratio.

DEus, qui Apóstolis tuis sanctum dedísti Spíritum: concéde plebi tuæ piæ petitionis effectum; ut quibus dedísti fidem, largiáris et pacem. Per Dóminum. in unitáte ejúsdem Spíritus sancti Deus.

Lectio Actuum Apostolorum.

Act. 10. f

IN diébus illis: Apériens Petrus os suum, dixit: Viri fratres, nobis præcépit Dóminus prædicáre pópulo, et testificári, quia ipse est, qui constitútus est à Deo iudex vivórum et mortuórum. Huic omnes Prophætæ testimónium pérhibent, remissionem peccatórum accípere per nomen ejus omnes, qui crédunt in eum. Adhuc loquente Petro verba hæc, cécidit Spíritus sanctus super omnes, qui audiébant verbum. Et obstupuérent ex circumcisióne fidéles, qui vénerant cum Petro: quia et in nátiónes grátia Spíritus sancti effúsa est. Audiébant enim illos loquéntes linguis, et magnificántes Deum. Tunc respóndit Petrus: Numquid aquam quis prohibére potest, ut non baptizéntur hi, qui Spíritum sanctum accepérunt sicut et nos? Et jussit eos baptizári in nómine Dómini Jesu Christi.

Allelúja, allelúja.

V. Act. 2. Loquebántur váriis linguis Apóstoli magnália Dei. Allelúja.

Hic genuflectitur. V. Veni sancte Spíritus, reple tuórum corda fidélium: et tui amóris in eis ignem accénde.

Sequentia. Veni sancte Spíritus. ut supra in Dominica fol. 264.

Sequentia sancti Evangélii secundum Joánnem. Joan. 3. b

IN illo témpore: Dixit Jesus Nicodémo: Sic Deus diléxit mundum, ut Fílium suum unigénitum daret: ut omnis, qui credit in eum, non péreat, sed hábeat vitam ætérnam. Non enim misit Deus Fílium suum in mundum, ut júdicet mundum, sed ut salvétur mundus per ipsum. Qui credit in eum, non judicátur: qui

autem non credit, jam judicátus est: quia non credit in nómine unigéniti Fílii Dei. Hoc est autem judícium: quia lux venit in mundum, et dilexérunt hómines magis ténebras, quam lucem: erant enim eórum mala ópera. Omnis enim qui male agit, odit lucem, et non venit ad lucem, ut non arguántur ópera ejus: qui autem facit veritátem, venit ad lucem, ut manifesténtur ópera ejus, quia in Deo sunt facta. **Credo.**

Offertorium. Psal. 17. Intónuit de cælo Dóminus, et Altíssimus dedit vocem suam: et apparuérunt fontes aquárum, allelúja. **Secreta.**

Propítius, Dómine quæsumus, hæc dona sanctifica: et hóstiæ spiritalis oblatiône suscepta, nosmetipsos tibi pérfice munus ætérnum. Per Dóminum.

Communio. Joan. 14. Spíritus sanctus docébit vos allelúja: quæcúmque dixeró vobis, allelúja, allelúja.

Postcommunio.

ADesto, quæsumus Dómine, pópulo tuo: et quem mystériis cœléstibus imbuísti, ab hóstium furóre defénde. Per Dóminum.

FERIA TERTIA

post Pentecosten.

Statio ad sanctam Anastasiam.

Introitus.

4. Esd. 2.



Ccípite jucunditátem glóriæ vestræ, allelúja: grátias ágéntes Deo, allelúja: qui vos ad cœléstia regna vocávit, allelúja, allelúja, allelúja.

Ps. 77. Atténdite pópule meus legem meam: inelináte aurem vestram in verba oris mei.

V. Glória Patri.

Oratio.

ADsit nobis, quæsumus Dómine, virtus Spíritus sancti: quæ et corda nostra cleménter expúrget, et

Feria iv. Quatuor Temporum Pentec.

ab ómnibus tueátur advérsis. Per Dóminum. in unitáte ejúsdem Spíritus sancti Deus.

Lectio Actuum Apostolorum.

Act. 8. c.

INdiébus illis: Cum audíssent Apóstoli, qui erant Jerosólymis, quod recepíssent Samária verbum Dei, miserunt ad eos Petrum et Joánnem. Qui cum veníssent, oravérunt pro ipsis ut accíperent Spíritum sanctum: nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, et accipiébant Spíritum sanctum.

Allelúja, allelúja.

V. Joan. 14. Spíritus sanctus docébit vos quaecúmque díxero vobis. **Allelúja.**

Hic genuflectitur. V. Veni sancte Spíritus, reple tuórum corda fidélium: et tui amoris in eis ignem accénde.

Sequentia. Veni sancte Spíritus. ut supra in Dominica. fol. 264.

Sequentia sancti Evangélii secundum Joánnem. Joan. 10.

IN illo témpore: Dixit Jesus Pharisæis: Amen, amen dico vobis: qui non intrat per óstium in ovíle ovium, sed ascéndit aliúnde; ille fur est et latro. Qui autem intrat per óstium, pastor est ovium. Huic ostiárius áperit, et oves vocem ejus ádiunt, et próprias oves vocat nominátim, et edúcit eas. Et cum próprias oves emiserit, ante eas vadit: et oves illum sequúntur, quia sciunt vocem ejus. Aliénium autem non sequúntur, sed fúgiunt ab eo: quia non novérunt vocem alienórum. Hoc provérbium dixit eis Jesus. Illi autem non cognovérunt quid loquerétur eis. Dixit ergo eis íterum Jesus: Amen, amen dico vobis, quia ego sum óstium ovium. Omnes quotquot venérunt, fures sunt, et latrónes, et non audierunt eos oves. Ego sum óstium. Per me si quis introíerit, salvábitur: et ingrediétur, et egrediétur, et páscoa invéniet. Fur

non venit nisi ut furétur, et mactet, et perdat. Ego veni ut vitam hábeant, et abundantius hábeant. **Credo.**

Offertorium. Psal. 77. Portas cœli apérui Dóminus: et pluit illis manna, ut éderent: panem cœli dedit eis, panem Angelórum manducávit homo, allelúja.

Secreta.

Puríficet nos, quæsumus Dómine, múnere præséntis oblátio: et dignos sacra participatióne efficiat. Per Dóminum nostrum.

Communio. Joan. 15. 16. et 17. Spíritus qui à Patre procedit, allelúja: ille me clarificábit, allelúja, allelúja.

Postcommunio.

Mentes nostras, quæsumus Dómine, Spíritus sanctus divinis réparet sacraméntis: quia ipse est remissio ómnium peccatórum. Per Dóminum. in unitáte ejúsdem Spíritus sancti Deus.

FERIA QUARTA

Quatuor Temporum Pentecostes.

Statio ad sanctam Mariam majorem.

Introitus. Ps. 67.

DEus, dum egredere-ris coram pópulo tuo, iter fáciens eis, hábitans in illis, allelúja: terra mota est, cœli distillavérunt, allelúja, allelúja.

Ps. ibid. Exúrgat Deus, et dissipén-tur inimíci ejus: et fúgiant, qui odérunt eum, à fácie ejus.

V. Glória Patri.

Post Kyrie eléison. dicitur, Orémus, et non dicitur, Flectámus génua.

Oratio.

Mentes nostras, quæsumus Dómine, Paráclitus, qui à te procedit, illúminet: et indúcat in omnem, sicut tuus promísit Fílius, veritátem. Qui tecum vivit, et regnat in unitáte ejúsdem Spíritus sancti Deus.

Feria iv. Quatuor Temporum Pentec.

Lectio Actuum Apostolorum.

Act. 2. b

IN diebus illis: Stans Petrus cum undecim, levavit vocem suam, et locutus est eis: Viri judæi, et qui habitatis Jerúsalem universi, hoc vobis notum sit, et auribus percipite verba mea. Non enim, sicut vos aestimatis, hi ebrii sunt, cum sit hora diéi tertia: sed hoc est, quod dictum est per Prophétam Joël: Et erit in novissimis diebus (dicit Dóminus) effúdam de Spíritu meo super omnem carnem, et prophetábunt filii vestri, et filiae vestrae, et júvenes vestri visiones vidébunt, et seniôres vestri sômnia somniábunt. Et quidem super servos meos, et super ancillas meas in diebus illis effúdam de Spíritu meo, et prophetábunt: et dabo prodigia in cœlo sursum, et signa in terra deorsum, sânguinem, et ignem, et vapórem fumi. Sol convertétur in ténebras et luna in sânguinem, antequam véniat dies Dómini magnus et manifestus. Et erit: omnis quicumque invocáverit nomen Dómini, salvus erit.

Allelúja. V. Ps. 32. Verbo Dómini cœli firmati sunt: et spíritu oris ejus omnis virtus eorum.

Hic dicitur, Glória in excelsis Deo. et postea Dóminus vobiscum.

Oratio.

PRæsta quæsumus omnipotens et miséricors Deus: ut Spíritus sanctus advéniens, templum nos glóriæ suæ dignanter inhabitando perficiat. Per Dóminum. in unitate ejúsdem Spíritus sancti Deus.

Ab hac die usque ad Sabbatum sequens inclusive, post Orationem diéi dicitur.

Contra persecutores Ecclesiæ.

Oratio.

ECclésiæ tuæ, quæsumus Dómine, preces placatus admítte: ut destrúctis adversitatibus et erróribus universis, secúra tibi sêrviat libertate. Per Dóminum nostrum.

Vel pro Papa.

Oratio.

DEus ómnium fidélium Pastor et rector, fámulum tuum **N.** quem pastórem Ecclesiæ tuæ præesse voluisti, propítius respice: da ei, quæsumus, verbo et exémplo, quibus præest, proficere; ut ad vitam, una cum grege sibi crédito, pervéniat sempiternam. Per Dóminum nostrum.

Occurrente Festo simplici omittitur Oratio Ecclesiæ tuæ, vel pro Papa.

Lectio Actuum Apostolorum.

Act. 5. b

IN diebus illis: Per manus autem Apostolorum fiébant signa et prodigia multa in plebe. Et erant unanimiter omnes in pórticu Salomónis. Ceterórum autem nemo audébat se conjungere illis: sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in platéas ejicerent infirmos, et pónerent in lectulis ac grabátis, ut, veniente Petro, saltem umbra illíus obumbráret quemquam illórum, et liberaréntur ab infirmitatibus suis. Concurrébat autem et multitúdo vicinárú civitátum Jerúsalem, afferéntes ægros, et vexátos à spíritibus immúndis: qui curabántur omnes.

Allelúja, allelúja. Hic genuflectitur. V. Veni sancte Spíritus, reple tuórum corda fidélium: et tui amoris in eis ignem accénde.

Sequentia. Veni sancte Spíritus. ut supra in Dominica. fol. 264.

Sequentia sancti Evangélii secundum Joánnem. Joan. 6. e

IN illo témpore: Dixit Jesus turbis Judæórum: Nemo potest venire ad me, nisi Pater, qui misit me, tráxerit eum: et ego resuscitábo eum in novíssimo die. Est scriptum in Prophétis: Et erunt omnes docíbles Dei. Omnis, qui audívit à Patre, et didicit, venit ad me. Non quia Patrem vidit quisquam, nisi is, qui est à Deo, hic vidit Patrem. Amen, amen dico vobis: qui credit in me, habet vitam

CANON MISSÆ.

Agnus Dei, qui tollis peccata mundi, miserere nobis.

Agnus Dei, qui tollis peccata mundi, miserere nobis.

Agnus Dei, qui tollis peccata mundi, dona nobis pacem.

In Missis pro Defunctis non dicitur, miserere nobis, sed ejus loco, dona eis requiem, et tertio additur, sempiternam.

Deinde junctis manibus super Altare, inclinatus dicit seq. Orationes:

Domine Jesu Christe, qui dixisti Apostolis tuis: Pacem relinquo vobis, pacem meam do vobis: ne respicias peccata mea, sed fidem Ecclesiæ tuæ: eamque secundum voluntatem tuam pacificare et coadunare digneris: qui vivis et regnas Deus, per omnia sæcula sæculorum. Amen.

Si danda est pax, osculatur Altare, et dans pacem, dicit: Pax tecum.

Resp. Et cum spiritu tuo.

In Missis Defunctorum non datur pax, neque dicitur præcedens Oratio.

Domine Jesu Christe, Fili Dei vivi, qui ex voluntate Patris, cooperante Spiritu sancto, per mortem tuam mundum vivificasti: libera me per hoc sacrosanctum Corpus et Sanguinem tuum ab omnibus iniquitatibus meis, et universis malis: et fac me tuis semper inhærere mandatis, et a te numquam separari permittas: qui cum eodem Deo Patre, et Spiritu sancto vivis et regnas Deus in sæcula sæculorum. Amen.

Perceptio Corporis tui, Domine Jesu Christe, quod ego indignus sumere præsumo, non mihi proveniat in judicium et condemnationem: sed pro tua pietate prosit mihi ad tutamentum mentis et corporis, et ad medelam percipiendam: qui vivis et regnas cum Deo Patre in unitate Spiritus sancti Deus, per omnia sæcula sæculorum Amen.

CANON MISSÆ.

Genuflectit, surgit, et dicit:

Panem cœlestem accipiam, et nomen Domini invocabo.

Deinde parum inclinatus, accipit ambas partes Hostiæ inter pollicem et indicem sinistræ manus, et Patenam inter eundem indicem, et medium, et dextera percutiens pectus, elevata aliquantulum voce, dicit ter devote, et humiliter:

Domine, non sum dignus, ut intres sub tectum meum: sed tantum dic verbo, et sanabitur anima mea.

Postea dextera se signans cum Hostia super patenam, dicit:

Corpus Domini nostri Jesu Christi custodiat animam meam in vitam æternam. Amen.

Sumit reverenter ambas partes Hostiæ, jungit manus, et quiescit aliquantulum in meditatione SS. Sacramenti. Deinde discooperit Calicem, genuflectit, colligit fragmenta, si quæ sint, extergit Patenam super Calicem, interim dicens:

Quid retribuam Domino pro omnibus quæ retribuit mihi? Calicem salutaris accipiam, et nomen Domini invocabo. Laudans invocabo Dominum, et ab inimicis meis salvus ero.

Accipit Calicem manu dextera, et eo se signans, dicit:

Sanguis Domini nostri Jesu Christi custodiat animam meam in vitam æternam. Amen.

Sumit totum Sanguinem cum particula. Quo sumpto, si qui sunt communicandi, eos communicet, antequam se purificet. Postea dicit:

Quod ore sumpsimus, Domine, pura mente capiamus: et de munere temporali fiat nobis remedium sempiternum.

Interim porrigit Calicem ministro, qui infundit in eo parum vini, quo se purificat: deinde prosequitur:

Corpus tuum, Domine, quod sumpsi, et Sanguis, quem potavi, adhæreat visceribus meis, et præsta: ut in me non remaneat scelerum macula, quem pura et sancta refecerunt sacramenta: Qui vivis et regnas in sæcula sæculorum. Amen.

Abluit digitos, extergit, et sumit ablutionem: extergit os, et Calicem quem operit, et plicato Corporali, collocat in Altari ut prius: deinde prosequitur Missam.

Dicto, post ultimam Orat. Dominus vobiscum.

Resp. Et cum spiritu tuo. dicit pro Missæ qualitate,

CANON MISSÆ.

vel, Ite missa est, vel, Be-
nedicamus Domino.

Resp. Deo gratias.

In Missis Defunctorum di-
cit: Requiescant in pace.

Resp. Amen.

Tempore Paschali, hoc est a Missa
Sabbati sancti usque ad Sabbatum
in Albis inclusive.




In Festis solemnibus.




In Festis Duplicibus.




In Missis beatæ Mariæ.



In Dominicis infra Annum, in Fe-
stis Semiduplicibus, et infra Octa-
vas, quæ non sunt beatæ Mariæ.



In Festis simplicibus.



In FERIIS per Annum.



In Dominicis adventus, et Quadrag.




In FERIIS.




Be ne di cá mus Dó mi no.

In Missa Vigiliæ Nativitatis Domi-
ni: in Festo sanctorum Innocentium,
et in Missis Votivis pro re gravi,
quando non dicitur Glória in excélsis.



In Missis Defunctorum.



CANON MISSÆ.

Dicto **Ite missa est, vel Benedicamus Domino**, Sacerdos inclinat se ante medium Altaris, et manibus junctis super illud, dicit:

Placeat tibi, sancta Trinitas, obsequium servitutis meæ, et præsta: ut sacrificium, quod oculis tuæ majestatis indignus obtuli, tibi sit acceptabile, mihiq̃ue, et omnibus, pro quibus illud obtuli, sit, te miserante, propitiabile. Per Christum Dominum nostrum Amen.

Deinde osculatur Altare: et elevatis Oculis, extendens, elevans, et jungens manus, caputque Cruci inclinans, dicit: Benedicat vos omnipotens Deus, et versus ad populum, semel tantum benedicens, etiam in Missis solemnibus prosequitur, **Pater, et Filius, † et Spiritus sanctus.**

Resp. Amen.

In Missa Pontificali ter benedicitur, ut in Pontificali habetur.

Deinde in cornu Evangelii, dicto, **Dominus vobiscū, et Initium, vel Sequentia sancti Evangelii, signans Altare, vel librum, et se, ut supra in Evangelio Missæ, legit Evangelium secundū Joannem, In principio erat Verbum, vel aliud Evangelium, ut dictum est in Rubricis generalibus. Cum dicit, Et Verbum caro factum est, genuflectit. In fine Resp. Deo gratias.**

In Missis Defunctorum non datur benedictio, sed dicto, **Requiescant in pace, dicit: Placeat tibi sancta Trinitas: deinde osculato Altari legit Evangelium S. Joannis. Finito Evangelio S. Joannis, discedens ab Altari, pro gratiarum actione dicit Antiph. Triumpherorum. cum reliquis, ut habetur in principio Missalis.**





DOMINICA

RESURRECTIONIS.

STATIO
ad Sanctam Mariam Majorem.

Introitus.
Psal. 138.



Resurrexi,
et adhuc
tecumsum,
allelúja: po-
suisti super
me manum
tuam, alle-
lúja: mirá-
bilis facta
est sciéntia

tua, allelúja, allelúja.

Psal. ibid. Dómine pro-
básti me, et cognovísti
me: tu cognovísti sessi-
onem meam, et resurre-
ctionem meam.

V. Glória Patri.

Oratio.

Deus, qui hodiérna
die per Unigénitum
tuum, æternitátis nobis
áditum devícta morte re-
serásti: vota nostra, quæ

præveniéndó aspiras, etiam adjuvándó pro-
sequere. Per eúmdem Dóminum.

**Léctio Epístolæ beáti Pauli Apóstoli ad
Corínthios.**

1. Cor. 5. c

Fratres, Expurgáte vetus fermentum, ut
sitis nova conspersio, sicut estis ázyymi.
Etenim Pascha nostrum immolátus est Chri-
stus. Itaque epulémur, non in fermento vé-
teri, neque in fermento malitiæ, et nequitiæ:
sed in ázymis sinceritátis, et veritátis.

Graduale, Psal. 117. Hæc dies, quam fecit
Dóminus: exultémus, et lætémur in ea.

**V. Confitémini Dómino, quóniam bonus:
quóniam in sæculum misericórdia ejus.**

Allelúja, allelúja.

V. 1. Cor. 5. Pascha nostrum
immolátus est Christus.

SEQUENTIA.

Victimæ Pascháli laudes
immolent Christiáni.

Agnus redémit oves: Chri-
stus innocens Patri recon-
ciliávit peccatóres.

Mors et vita duéllo conflixére
mirándó: dux vitæ, mórtuus
regnat vivus.

Dic nobis María, quid vidísti
in via?

Sepúlchrum Christi vivéntis:
et glóriam vidi resurgéntis.

Angélicos testes, sudárium,
et vestes.

Surrexit Christus spes mea:
præcédet vos in Galilæam.

Scimus Christum surrexisse
à mórtuis vere: tu nobis vi-
ctor Rex miserére. Amen.

Allelúja.

**Sequentia dicitur usque ad
Sabbatum in Albis inclusive.**

**Sequentia S. Evangélíi
secúndum Marcum.**

Marc. 16.

In illo témpore: María
Magdaléne, et María Ja-
cobi, et Salóme emérunt aró-
mata, ut veniéntes úngerent
Jesum. Et valde mane una
sabbatórum, véniunt ad mo-
numéntum, orto jam sole. Et
dicébant ad ínvicem: Quis
revólvét nobis lápidem ab
óstio monuménti? Et respici-
éntes vidérunt revolútum lá-
pidem. Erat quippe magnus
valde. Et introeúntes in mo-
numéntum vidérunt júvenem

sedentem in dextris, coopertum stola cándida, et obstupuerunt. Qui dicit illis: Nolite expavescere: Jesum quaeritis Nazarenum, crucifixum: surrexit, non est hic, ecce locus, ubi posuerunt eum. Sed ite, dicite discipulis ejus, et Petro, quia praecedit vos in Galilaeam: ibi eum videbitis, sicut dixit vobis. **Credo.**

Offertorium. Ps. 75. Terra tremuit, et quievit, dum resurgeret in iudicio Deus, allelúja.

Secreta.

Suscipe, quaesumus Domine, preces populi tui cum oblationibus hostiarum: ut Paschalibus initiata mysteriis, ad aeternitatis nobis medellam, te operante, proficiant. Per Dominum.

Præfatio. Te quidem Domine omni tempore, sed, in hac potissimum die. fol. 193. **vel 214.**

Infra actionem, Communicantes, et Hanc igitur oblationem, fol. 194. **vel fol. 215.**

Et sic dicitur usque ad Sabbatum in Albis inclusive.

Communio. 1. Cor. 5. Pascha nostrum immolatus est Christus, allelúja: itaque epulemur in azymis sinceritatis, et veritatis, allelúja, allelúja, allelúja.

Postcommunio.

Spiritus nobis, Domine, tuæ caritatis infunde: ut quos sacramentis Paschalibus satiasti, tua facias pietate concordes. Per Dominum. in unitate ejusdem Spiritus sancti Deus.

Post Dominus vobiscum, dicitur, Ite missa est, allelúja, allelúja.

R. Deo grátias, allelúja, allelúja. **Et sic dicitur usque ad Sabbatum in Albis inclusive.**

¶ Infra Octavam Paschæ non fit de aliquo Festo Duplici, vel Semiduplici, sed post Octavam celebrantur. De Simplicibus autem occurrentibus post hoc triduum fit tantum commemoratio.

FERIA SECUNDA.

Statio ad sanctum Petrum.

Introitus. Exodi 13.

Introduxit vos Dominus in terram fluentem lac, et mel, allelúja: et ut lex Domini semper sit in ore vestro, allelúja, allelúja. **Psal. 104.** Confitemini Domino, et invocáte nomen ejus: annuntiáte inter Gentes ópera ejus.

V. Glória Patri.

Oratio.

Deus, qui solemnitáte Pascháli, mundo remédia contulisti: populum tuum, quaesumus, cœlesti dono proséquere; ut et perfectam libertátem consequi mereátur, et ad vitam proficiat sempitérnam. Per Dñm.

Lectio Actuum Apostolorum.

Act. 10. f

IN diébus illis: Stans Petrus in médio plebis, dixit: Viri fratres, vos scitis quod factum est verbum per univérsum Judæam: incipiens enim à Galilæa, post baptísmum, quod prædicávit Joánnes, Jesum à Názareth: quómo do unxit eum Deus Spíritu sancto, et virtúte, qui pertransiit benefaciendo, et sanando omnes opprèssos à diabolo, quóniam Deus erat cum illo. Et nos testes sumus ómnium, quæ fecit in regione Judæórum, et Jerúsalem, quem occiderunt suspendéntes in ligno. Hunc Deus suscitávit tértia die, et dedit eum manifestum fieri, non omni pópulo, sed téstibus præordinátis à Deo: nobis, qui manducávimus, et bíbimus cum illo, postquam resurrexit à mórtuis. Et præcepit nobis prædicáre pópulo, et testificári, quia ipse est, qui constitútus est à Deo iudex vivórum, et mortuórum. Huic omnes Prophétæ testimónium pérhibent, remissionem peccatórum accipere per nomen ejus omnes, qui credunt in eum.

Graduale. Ps. 117. Hæc dies, quam fecit Dominus: exultémus, et lætémur in ea.

Feria ii. post Pascha.

V. Dicat nunc Israel, quóniam bonus: quóniam in sæculum misericórdia ejus. **Allelúja, allelúja.**

V. Matth. 28. Angelus Dómini descendit de cœlo: et accédens revólvit lápidem, et sedébat super eum.

Sequentia. Víctimæ Pascháli. cum Allelúja. in fine, ut supra in Dominica Paschæ. fol. 233.

Sequentia sancti Evangélii secundum Lucam. Lucæ 24. b

In illo témpore: Duo ex discipulis Jesu ibant ipsa die in castéllum, quod erat in spátio stadiórum sexaginta ab Jerúsalem, nómine Emmaus. Et ipsi loquebantur ad invicem de his ómnibus, quæ acciderant. Et factum est, dum fabularéntur, et secum quærerent: et ipse Jesus appropinquans ibat cum illis: óculi autem illórum tenebantur, ne eum agnósce-
rent. Et ait ad illos: Qui sunt hi sermónes, quos confértis ad invicem ambulántes, et estis tristes? Et respóndens unus, cui nomen Cléophas, dixit ei: Tu solus peregrínus es in Jerúsalem, et non cognovisti, quæ facta sunt in illa his diébus? Quibus ille dixit: Quæ? Et dixerunt: de Jesu Nazaréno, qui fuit vir Prophéta potens in ópere et sermóne, coram Deo, et omni pópulo: et quómodo eum tradiderunt summi sacerdótes, et príncipes nostri in damnatióem mortis, et crucifixerunt eum. Nos autem sperabámus, quia ipse esset redemptúrus Israel; et nunc super hæc ómnia, tértia dies est hódie, quod hæc facta sunt. Sed et mulieres quædam ex nostris terruérunt nos, quæ ante lucem fuérunt ad monuméntum, et, non invénto córpore ejus, venerunt, dicéntes se etiam visióem Angelórum vidisse, qui dicunt eum vívere. Et abiérunt quidam ex nostris ad monuméntum: et ita invenérunt sicut mulieres dixerunt, ipsum vero non invenérunt. Et ipse dixit ad eos: O stulti, et tardi corde ad credéndum in ómnibus, quæ locúti sunt Prophætæ!

Nónne hæc opórtuit pati Christum, et ita intráre in glóriam suam? Et incípiens à Móyse, et ómnibus Prophétis, interpretabátur illis in ómnibus scriptúris, quæ de ipso erant. Et appropinquavérunt castéllo, quo ibant: et ipse se finxit lóngius ire. Et coëgérunt illum, dicéntes: mane nobiscum, quóniam advesperáscit, et inclináta est jam dies. Et intrávit cum illis. Et factum est, dum recúmberet cum eis, accépit panem, et benedíxit, ac fregit, et porrigébat illis. Et apérti sunt óculi eórum, et cognovérunt eum; et ipse evánuit ex óculis eórum. Et dixerunt ad invicem: Nónne cor nostrum ardens erat in nobis, dum loquerétur in via, et aperíret nobis Scriptúras? Et surgéntes eádem hora regréssi sunt in Jerúsalem; et invenérunt congregátos úndecim, et eos, qui cum illis erant, dicéntes: quod surréxit Dóminus vere, et apparuit Simóni. Et ipsi narrábant, quæ gesta erant in via; et quómodo cognovérunt eum in fractiône panis. **Credo.**

Offertorium. Matth. 28. Angelus Dómini descendit de cœlo, et dixit muliéribus: Quem quæritis, surréxit sicut dixit, allelúja.

Secreta.

Suscipe, quæsumus Dómine, preces pópuli tui cum oblatiόνibus hostiárum: ut Paschálibus initiáta mystériis, ad æternitátis nobis medélam, te operánte, proficiant. Per Dóminum.

Communio. Lucæ 24. Surrexit Dóminus, et apparuit Petro, allelúja.

Postcommunio.

Spíritum nobis, Dómine, tuæ caritátis infúnde: ut quos sacraméntis Paschálibus satiásti, tua fácias pietáte concórdes. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus: per ómnia sæcula sæculórum.

FERIA TERTIA.

Statio ad sanctum Paulum.

Introitus.

Eccli. 15.



A Qua sapientiæ potávit eos, allelúja: firmábitur in illis, et non flectétur, allelúja: et exaltábit eos in ætérnum, allelúja, allelúja.

Psal. 104. Confitémini Dómino, et invocáte nomen ejus: annuntiáte inter gentes ópera ejus.

V. Glória Patri.

Oratio.

Deus, qui Ecclesiám tuam novo semper fœtu multiplicas: concede fámulis tuis: ut sacraméntum vivéndo téneant, quod fide percepérunt. Per Dóminum.

Léctio Actuum Apostolorum.

Act. 13. d.

IN diébus illis: Surgens Paulus, et manu siléntium indicens, ait: Viri fratres, filii géneris Abraham, et qui in vobis timent Deum, vobis verbum salutis hujus missum est. Qui enim habitábant Jerúsalem, et principes ejus ignorántes Jesum, et voces Prophetárum, quæ per omne sábbatum legúntur, judicántes implevérunt: et nullam causam mortis inveniéntes in eo, petiérunt à Pilato, ut interficerent eum. Cumque consummássent ómnia, quæ de eo scripta erant, deponéntes eum de ligno, posuérunt eum in monuménto. Deus vero suscitávit eum à mórtuis tértia die: qui visus est per dies multos his, qui simul ascénderant cum eo de Galilæa in Jerúsalem: qui usque nunc sunt testes ejus ad plebem. Et nos vobis annuntiámus eam, quæ ad patres nostros repromissio facta est: quóniam hanc Deus adimplévit filiis nostris, resúscitans Jesum Christum Dóminum nostrum.

Graduale. Ps. 117. Hæc dies, quam fecit Dóminus: exultémus, et lætémur in ea.

V. Ps. 106. Dicant nunc, qui redempti sunt à Dómino: quos redémit de manu inimíci, et de regiónibus congregávit eos. Allelúja, allelúja.

V. Surréxit Dóminus de sepúlchro, qui pro nóbis pepéndit in ligno.

Sequentia. Víctimæ Pascháli. ut in Dominica Paschæ. fol. 233.



Sequentia sancti Evangélii secundum Lucam. **Lucæ 24. c**

IN illo témpore: Stetit Jesus in médio discipulórum suórum, et dicit eis: Pax vobis: ego sum, nolíte timére. Conturbáti vero, et contérriti, existimábant se spíritum vidére. Et dixit eis: Quid turbáti estis, et cogitationés ascéndunt in corda vestra? Vidéte manus meas, et pedes, quia ego ipse sum: palpáte, et vidéte: quia spíritus carnem et ossa non habet, sicut me vidétis habére. Et cum hoc dixisset, osténdit eis manus, et pedes. Adhuc autem illis non credéntibus, et mirántibus præ gáudio, dixit: Habétis híc áliquid, quod manducétur? At illi obtulérunt ei partem piscis assi, et favum mellis. Et cum manducáset coram eis, sumens relíquias, dedit eis. Et dixit ad eos: Hæc sunt verba, quæ locútus sum ad vos, cum adhuc essem vobíscum, quóniam necesse est impléri ómnia, quæ scripta sunt in lege Móysi, et Prophétis, et Psalmis de me. Tunc apéruit illis sensum, ut intelligerent Scriptúras. Et dixit eis: Quóniam sic scriptum est, et sic oportébat Christum pati, et resúrgere à mórtuis tértia die: et prædicári in nómine ejus pœniténtiam, et remissionem peccatórum in omnes gentes. **Credo.**

Offertorium. Psal. 17. Intónuit de cœlo Dóminus, et Altíssimus dedit vocem suam: et apparuérunt fontes aquárum, allelúja. **Secreta.**

Suscipe, Dómine, fidélium preces cum oblationibus hostiárum: ut per hæc piæ devotiónis officia, ad cœlestem glóriam transeámus. Per Dóminum.

Feria iv. post Pascha.

Communio. Coloss. 3. Si consurrexistis cum Christo, quæ sursum sunt quærite, ubi Christus est in dextera Dei sedens, allelúja: quæ sursum sunt sápite, allelúja.

Postcommunio.

Concède, quæsumus omnipotens Deus: ut Paschális percéptio sacraménti, continúa in nostris méntibus perseveret. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus: per ómnia sæcula sæculórum.

FERIA QUARTA.

Statio ad Sanctum Laurentium extra muros.

Introitus. Matth. 25.

Eníte benedícti Patris mei, percípíte regnum, allelúja: quod vobis parátum est ab origine mundi, allelúja, allelúja, allelúja.

Psal. 95. Cantáte Dómino cánticum novum: cantáte Dómino omnis terra.

V. Glória Patri.**Oratio.**

Deus, qui nos Resurrectiónis Domínicæ ánnua solemnitáte lætíficas: concède propítius: ut per temporália festa quæ ágimus, pervenire ad gáudia æténa mereámur. Per eúndem Dóminum.

Ab hac die usque ad Sabbatum in Albis inclusive, post Orationem diei dicitur una ex sequentibus Orationibus tantum, nisi facienda sit commemoratio alicujus Festi Simplicis occurrentis.

Contra persecutores Ecclesiæ.**Oratio.**

Ecclésiæ tuæ, quæsumus Dómine, preces placátus admítte: ut,

destrúctis adversitatibus, et erróribus univérsis, secúra tibi sérviat libertáte. Per Dóminum nostrum.

Vel pro Papa.**Oratio.**

Deus ómnium fidélium Pastor et Director, fámulum tuum **N.** quem pastórem Ecclesiæ tuæ præesse voluísti, propítius réspice: da ei, quæsumus, verbo et exémplo, quibus præest, proficere; ut ad vitam, una cum grege sibi crédito, perveniat sempitérnā. Per Dóminum.

Léctio Actuum Apostolórum.**Act. 3. b**

IN diébus illis: Apériens Petrus os suum, dixit: Viri Israelítæ, et qui timétis Deum, audíte: Deus Abraham, et Deus Isaac, et Deus Jacob, Deus patrum nostrórum, glorificávit Fílium suum Jesum, quem vos quidem tradidístis, et negástis ante fáciem Piláti, judicánte illo dimítte. Vos autem sanctum, et justum negástis, et petístis virum homicídā donári vobis: auctórem vero vitæ interfecístis, quem Deus suscitávit à mórtuis, cujus nos testes sumus. Et nunc, fratres, scio quia per ignorántiam fecístis, sicut et príncipes vestri. Deus autem, quæ prænuntiávit per os ómnium Prophetárum, pati Christum suum, sic implévit. Pœnitémini ígitur, et convertímini, ut deleántur peccáta vestra.

Graduale. Ps. 117. Hæc dies, quam fecit Dóminus: exultémus, et lætémur in ea.

V. Dextera Dómini fecit virtútem, dextera Dómini exaltávit me. Allelúja, allelúja.

V. Luc. 24. Surréxit Dóminus vere: et appáruit Petro.

Sequentia. Víctimæ Pascháli. ut in Dominica Paschæ. fol. 233.

Sequentia sancti Evangélíi secúndum Joánnem. Joan. 21.

IN illo témpore: Manifestávit se Íterum Jesus discípulis ad mare Tiberíadis. Manifestávit autem sic.

Feria iv. post Pascha.

Erant simul Simon Petrus, et Thomas, qui dicitur Dídymus, et Nathánael, qui erant à Cana Galilææ, et filii Zebedæi, et alii ex discipulis ejus duo. Dicit eis Simon Petrus: Vado piscári. Dicunt ei: Venimus et nos tecum. Et exierunt, et ascendérunt in navim: et illa nocte nihil prenidérunt. Mane autem facto, stetit Jesus in littore: non tamen cognovérunt discipuli, quia Jesus est. Dixit ergo eis Jesus: Púeri, numquid pulmentarium habétis? Respondérunt ei: Non. Dicit eis: Míttite in dexteram navíggii rete, et inveniétis. Misérunt ergo; et jam non valébant illud trahere præ multitudíne píscium. Dixit ergo discipulus ille, quem diligébat Jesus, Petro: Dóminus est. Simon Petrus cum audisset, quia Dóminus est, túnica succínxit se, (erat enim nudus), et misit se in mare. Alii autem discipuli navíggio venérunt, (non enim longe erant a terra, sed quasi cúbitis ducéntis), trahéntes rete píscium. Ut ergo descendérunt in terram, viderunt prunas pósitas, et piscem superpósitum, et panem. Dicit eis Jesus: Afférte de píscibus, quos prenidístis nunc. Ascéndit Simon Petrus, et traxit rete in terram, plenum magnis píscibus centum quinquagínta tribus. Et cum tanti essent, non est scissum rete. Dicit eis Jesus: Veníte, prandéte. Et nemo audébat discumbéntium interrogáre eum: Tu quis es? sciéntes, quia Dóminus est. Et venit Jesus, et áccipit panem, et dat eis, et piscem simíliter. Hoc jam tértio manifestátus est Jesus discipulis suis, cum resurrexisset à mórtuis.

Credo.

Offertorium. Psal. 77. Portas cœli apéruiť Dóminus: et pluit illis manna, ut éderent: panem cœli dedit eis: panem Angelórum manducávit homo, allelúja.

Secreta.

Sacrificia, Dómine, Paschálibus sgáudiis immolámus: quibus Ecclesia tua mirabíliter et páscitur, et nutritur. Per Dóminum nostrum.

Contra persecutores Ecclesiæ.
Secreta.

Prótege nos, Dómine, tuis mystériis serviéntes: ut divínis rebus inhæréntes, et córpore tibi famulémur, et mente. Per Dóminum.

Vel pro Papa. **Secreta.**

Oblátis, quæsumus Dómine, placáre munéribus: et fámulum tuum **N.** quem Pastórem Ecclesiæ tuæ præesse voluísti, assídua protectione gubérna. Per Dóminum nostrum.

Communio. Rom. 6. Christus resurgens ex mórtuis, jam non móritur, allelúja: mors illi ultra non dominábitur, allelúja, allelúja.

Postcommunio.

Ab omni nos, quæsumus Dómine, vetustáte purgátos: sacraménti tui veneránda percéptio in novam tránsferat creatúram. Qui vivis et regnas.

Contra persecutores Ecclesiæ.
Postcommunio.

Quæsumus Dómine Deus noster: Quot quos divína tríbuis participatióne gaudére, humánis non sinas subjacére perículis. Per Dóminum.

Vel pro Papa. Postcommunio.

Hæc nos, quæsumus Dómine, divíni sacraménti percéptio próteget: et fámulum tuum **N.** quem Pastórem Ecclesiæ tuæ præesse voluísti, una cum commísso sibi grege, salvet semper, et múníat. Per Dóminum.




FERIA QUINTA.

Statio ad sanctos duodecim Apostolos.

Introitus.

Sap. 10.



Vetricem manum tuam, Dómine, laudavérunt páriter, allelúja: quia sapiéntia apérui os mutum, et linguas infántium fecit disertas, allelúja, allelúja.

Ps. 97. Cantáte Dómino cánticum novum: quia mirabilia fecit.

V. Glória Patri.

Oratio.

Deus, qui diversitátem Géntium in confessióne tui nóminis adunásti: da, ut renátis fonte baptismatis, una sit fides méntium, et píetas actiónum. Per Dóminum nostrum.

Secunda Oratio, Ecclesiæ tuæ, vel Deus ómnium. ut in Feria iv. præcedenti, fol. 237.

Lectio Actuum Apostolorum.

Act. 8. c

IN diébus illis: Angelus Dómini locútus est ad Philíppum, dicens: Surge, et vade contra meridiánum, ad viam, quæ descéndit ab Jerúsalem in Gazam: hæc est desérta. Et surgens ábiit. Et ecce vir Æthiops eunúchus, potens Candácis regínæ Æthiopum, qui erat super omnes gazas ejus, vénerat adoráre in Jerúsalem: et revertebátur sedens super currum suum, legénsque Isaíam prophétam. Dixit autem Spíritus Philíppo: Accéde, et adjúnge te ad currum istum. Accúrrens autem Philíppus, audívit eum legéntem Isaíam prophétam, et dixit: Putásne intélligis, quæ legis? Qui ait: Et quómodo possum, si non áliquis osténderit mihi? Rogavítque Philíppum, ut ascénderet, et sedéret secum. Locus autem Scripturæ, quam legébat, erat hic:

Tamquam ovis ad occisiónem ductus est: et sicut agnus coram tondénte se, sine voce, sic non apérui os suum. In humilitáte judícium ejus sublátum est. Generatióem ejus quis enarrábit, quóniam tollétur de terra vita ejus? Respóndens autem Eunúchus Philíppo, dixit: Obsecro te, de quo Prophéta dicit hoc? de se, an de álio áliquo? Apériens autem Philíppus os suum, et incípiens à Scriptúra ista, evangelizávit illi Jesum. Et dum irent per viam, venérunt ad quamdam aquam: et ait Eunúchus: Ecce aqua, quid próhibet me baptizári? Dixit autem Philíppus: Si credis ex toto corde, licet. Et respóndens, ait: Credo, Fílium Dei esse Jesum Christum. Et jussit stare currum: et descendérunt utérque in aquam, Philíppus, et Eunúchus, et baptizávit eum. Cum autem ascendissent de aqua, Spíritus Dómini rápuit Philíppum, et ámplius non vidit eum Eunúchus. Ibat autem per viam suam gáudens. Philíppus autem invéntus est in Azóto, et pertránsiens evangelizábat civitatibus cunctis (donec veníret Cæsaréam) nomen Dómini Jesu Christi.

Graduale. Ps. 117. Hæc dies, quam fecit Dóminus: exultémus, et lætémur in ea.

V. Lápitem, quem reprobavérunt ædificántes, hic factus est in caput ánguli: à Dómino factum est istud, et est mirábile in óculis nostris. Allelúja, allelúja.

V. Surréxit Christus, qui creávit ómnia, et misértus est humano géneri.

Sequentia. Víctimæ Pascháli. ut in Dominica Paschæ. fol. 233.



Sequentia sancti Evangélíi secúndum Joánnem. Joan. 20. c

IN illo témpore: María stabat ad monuméntum foris, plorans. Dum ergo fleret, inclinávit se, et prospéxit in monuméntum: et vidit duos Angelos in albis, sedéntes, unum ad

Feria vi. post Pascha.

caput, et unum ad pedes, ubi pòsitum fúerat corpus Jesu. Dicunt ei illi: Múlier, quid ploras? Dicit eis: Quia tulérunt Dóminum meum; et nescio, ubi posuérunt eum. Hæc cum dixisset, convérsa est retrórsum, et vidit Jesum stantem; et non sciébat quia Jesus est. Dicit ei Jesus: Múlier, quid ploras? quem quæris? Illa existimans quia hortulánus esset, dicit ei: Dómine, si tu sustulísti eum, dícto mihi ubi posuísti eum; et ego eum tollam. Dicit ei Jesus: María. Convérsa illa, dicit ei: Rabbóni (quod dicitur Magíster.) Dicit ei Jesus: Noli me tángere, nondum enim ascéendi ad Patrem meum: vade autem ad fratres meos, et dic eis: Ascéndo ad Patrem meum, et Patrem vestrum; Deum meum, et Deum vestrum. Venit María Magdaléne annúntians discipulis: Quia vidi Dóminum, et hæc dixit mihi. **Credo.**

Offertorium Exodi 13. In die solennitátis vestræ, dicit Dóminus, indúcam vos in terram fluéntem lac, et mel, allelúja.

Secreta.

Suscipe, quæsumus Dómine, múnera populórum tuórum propítius: ut confessióne tui nóminis et baptísmate renováti, sempitérnam beatitúdinem consequántur. Per Dóminum.

Alia Secreta, Prótege nos, vel Oblátis. ut in Feria iv. præcedenti, fol. 238.

Communio. 1. Pet. 2. Pópulus acquisitionis, annuntiáte virtútes ejus, allelúja: qui vos de ténebris vocávit in admirábile lumen suum, allelúja.

Postcommunio.

Exáudi, Dómine, preces nostras: ut redemptionis nostræ sacrosáncta commércia, et vitæ nobis cónferant præsentis auxílium, et gáudia sempitérna concílient. Per Dóminum.

Altera Postcommunio. Quæsumus Dómine, **vel Hæc nos. ut in Feria iv. præcedenti, fol. 238.**

FERIA SEXTA.

Statio ad sanctam Mariam
ad Martyres.

Introitus.**Psal. 77.**

Dúxit eos Dóminus in spe, allelúja: et inimícos eórum opéruit mare, allelúja, allelúja, allelúja.

Psal. ibid. Atténdite pópule meus legem meam: inclináte aurem vestram in verba oris mei.

V. Glória Patri.**Oratio.**

OMnípotens sempitérne Deus, qui Paschále sacraméntum in reconciliatiónis humánæ fœdere contulísti: da méntibus nostris; ut quod professione celebrámus, imitémur efféctu. Per Dóminum nostrum.

Secunda Oratio, Ecclesiæ tuæ, vel Deus ómnium. ut in Feria iv. præcedenti. fol. 237.

Léctio Epístolæ beáti Petri Apóstoli.

1. Pet. 3. d

Caríssimi: Christus semel pro peccátis nostris mórtuus est, justus pro injústis, ut nos offerret Deo, mortificátus quidem carne, vivificátus autem spíritu. In quo et his, qui in cárcere erant, spirítibus véniens prædicávit: qui incréduli fúerant aliquándo, quando expectábant Dei patiéntiam in diébus Noe, cum fabricarétur arca, in qua pauci, id est octo ánimæ salvæ factæ sunt per aquam. Quod et vos nunc símilis formæ salvos facit baptísma: non carnis depositio sórdium, sed consciéntiæ bonæ interrogátio in Deum per resurrectiÓNem Jesu Christi Dómini nostri, qui est in dextera Dei.

Graduale. Ps. 117. Hæc dies, quam fecit Dóminus: exultémus, et lætémur in ea.

Sabbato in Albis.

V. Benedíctus, qui venit in nómine Dómini: Deus Dóminus, et illúxit nobis.

Allelúja, allelúja.

V. Ps. 95. Dícite in Géntibus: quia Dóminus regnávít à ligno.

Sequentia. Víctimæ Pascháti. ut in Dominica Paschæ. fol. 233.

Sequentia sancti Evangélii secundum Matthæum. Mtth. 28. d

IN illo témpore: Undecim discipuli abiérunt in Galilæam, in montem, ubi constitúerat illis Jesus. Et vidéntes eum adoravérunt: quidam autem dubitavérunt. Et accédens Jesus locútus est eis, dicens: Data est mihi omnis potéstas in cœlo, et in terra. Eúntes ergo, docéte omnes gentes, baptizántes eos in nómine Patris, et Fílii, et Spíritus sancti: docéntes eos serváre ómnia quæcúmque mandávi vobis. Et ecce ego vobíscum sum ómnibus diébus, usque ad consummationem sæculi. **Credo.**

Offertorium. Exodi 12. Erit vobis hæc dies memoriális, allelúja: et diem festum celebrábitis solémnem Dómino in progénies vestras: legítimum sempitérnum diem, allelúja, allelúja, allelúja. **Secreta.**

Hostias, quæsumus Dómine, placátus assúme: quas et pro renatórum expiatióne peccáti deférimus, et pro acceleratióne cœlestis auxilií. Per Dóminum nostrum.

Alia Secreta, Prótege nos, vel Oblátis. ut in Feria quarta præcedenti. fol. 238.

Communio. Matth. 28. Data est mihi omnis potéstas in cœlo, et in terra, allelúja: eúntes, docéte omnes gentes, baptizántes eos in nómine Patris, et Fílii, et Spíritus sancti, allelúja, allelúja.

Postcommunio.

Respice, quæsumus Dómine, pópulum tuum: et quem ætérnis dignátus es renováre mystériis, à temporálibus culpis dignánter absolve. Per Dóminum nostrum Jesum

Christum Fílium tuum: Qui tecum vivit et regnat in unitáte.

Altera Postcommunio. Quæsumus Dómine, vel Hæc nos. ut in Feria iv. præcedenti. fol. 238.

SABBATO IN ALBIS.

Statio ad sanctum Joannem in Laterano.

Introitus. Psal. 104.



Dúxit Dóminus pópulum suum in exultatióne, allelúja: et eléctos suos in lætítia, allelúja, allelúja.

Psal. ibid. Confitémini Dómino, et invocáte nomen ejus: annuntiáte inter Gentes ópera ejus.

V. Glória Patri. Oratio.

Concède, quæsumus omnipotens Deus: ut qui festa Paschália venerádo égimus; per hæc contíngere ad gáudia ætérna mereámur. Per Dóminum.

Secunda Oratio. Ecclesiæ tuæ, vel Deus ómnium. ut in Feria iv. præcedenti. fol. 237.

Lectio Epístolæ beáti Petri Apóstoli.

1. Pet. 2.

Caríssimi: Deponéntes omnem malítiam, et omnem dolum, et simulationes, et invidias, et omnes detractiões, sicut modo geniti infántes, rationábile, sine dolo lac concupiscite: ut in eo crescátis in salútem: si tamen gustástis, quóniam dulcis est Dóminus. Ad quem accédentes lápidem vivum, ab homínibus quidem reprobátum, à Deo autem eléctum, et honorificátum: et ipsi tamquam lápidés vivi superædicámini, domus spirituális, sacerdotium sanctum, offerre spirituáles hóstias, acceptábiles Deo per Jesum Christum. Propter quod cóntinet Scriptúra: Ecce pono in Sion lápidem summum angulárem, eléctum, pretiósus: et

Sabbato in Albis.

qui crediderit in eum, non confundetur. Vobis igitur honor credentibus: non credentibus autem, lapis, quem reprobaverunt ædificantes, hic factus est in caput anguli; et lapis offensionis, et petra scándali his, qui offéndunt verbo, nec credunt in quo et pòsiti sunt. Vos autem genus electum, regále sacerdotium, gens sancta, pópulus acquisitionis: ut virtútes annuntiétis ejus, qui de ténebris vos vocávit in admirábile lumen suum. Qui aliquándo non pópulus, nunc autem pópulus Dei: qui non consecúti misericórdiam, nunc autem misericórdiam consecúti.

¶ Ab hac die usque ad Octav. Pentecostes, tam in Officio de Tempore quam de Sanctis, non dicitur Graduale: sed ejus loco dicuntur duo Versus cum quatuor Allelúja, ordine infrascripto: præterquam in Missis Rogationum, et Vigiliæ Pentecostes in quibus dicitur unum Allelúja, cum uno Versu: similiter et post quamlibet Lectionem in Sabbato Quatuor Temporum post Pentecosten. Alio tempore usque ad Septuagesimam, quando dicitur Graduale, dicuntur tria Allelúja post Graduale, bis ante Vers. et semel post Vers.: cum autem dicitur Sequentia, Allelúja, quod dicendum esset post Vers. dicitur post Sequentiam.

Allelúja allelúja.

V. Psal. 117. Hæc dies, quam fecit Dóminus: exultémus, et lætémur in ea. Allelúja.

V. Psal. 112. Laudáte púeri Dómini, laudáte nomen Dómini.

Sequentia. Víctimæ Pascháli. ut supra in die Paschæ. fol. 233.

Sequentia sancti Evangélíi secundum Joánnem. Joan. 20.

IN illo témpore: Una sábbati, María Magdaléne venit mane, cum adhuc ténebræ essent, ad monuméntum: et vidit lápidem sublátum à monuménto. Cucúrrit ergo, et venit ad Simónem Petrum, et ad álium discí-

pulum, quem amábat Jesus, et dicit illis: Tulérunt Dóminum de monuménto, et nescimus ubi posuerunt eum. Exiit ergo Petrus, et ille álius discípulus, et venérunt ad monuméntum. Currébant autem duo simul, et ille álius discípulus præcucúrrit citius Petro, et venit primus ad monuméntum. Et cum se inclinásset, vidit pòsita linteámina, non tamen introívit. Venit ergo Simon Petrus sequens eum, et introívit in monuméntum, et vidit linteámina pòsita, et sudárium, quod fúerat super caput ejus, non cum linteaminibus pòsitum, sed separátim involútum in unum locum. Tunc ergo introívit et ille discípulus, qui vénerat primus ad monuméntum: et vidit, et crédidit: nondum enim sciébant Scriptúram, quia oportébat eum à mórtuis resúrgere. **Credo.**

Offertorium. Ps. 117. Benedíctus, qui venit in nómine Dómini: benedíximus vobis de domo Dómini: Deus Dóminus, et illúxit nobis, allelúja, allelúja.

Secreta.

Concède, quæsumus Dómine, semper nos per hæc mystéria Paschália gratulári: ut continúa nostræ reparatiónis operátio, perpétuæ nobis fiat causa lætitiæ. Per Dóminum.

Alia Secreta, Prótege nos, vel Oblá-tis. ut in Feria iv. præced. fol. 238.

Communio. Gal. 3. Omnes qui in Christo baptizáti estis, Christum induístis, allelúja.

Postcommunio.

Redemptiόνis nostræ múnere vegetáti, quæsumus Dómine: ut hoc perpétuæ salútis auxílio, fides semper vera proficiat. Per Dóminum.

Altera Postcommunio. Quæsumus Dómine, vel Hæc nos. ut in Feria iv. præcedenti, fol. 238.

Dominica in Albis.

DOMINICA IN ALBIS.

In Octava Paschæ.

Statio ad sanctum Pancratium.

Introitus.

1. Petr. 2.



Uasi modo géniti infantes, allelúja: rationabile, sine dolo lac concupiscite, allelúja, allelúja, allelúja.

Psal. 80. Exultáte

Deo adjutori nostro: jubiláte Deo Jacob.

V. Glória Patri.

Oratio.

PRæsta quæsumus omnipotens Deus: ut qui Paschalia festa perégimus; hæc, te largiente, moribus, et vita teneamus. Per Dóminum.

Lectio Epistolæ beati Joannis Apostoli.

1. Jo. 5.

Carissimi: Omne, quod natum est ex Deo, vincit mundum: et hæc est victória, quæ vincit mundum, fides nostra. Quis est, qui vincit mundum, nisi qui credit, quóniam Jesus est Fílius Dei? Hic est qui venit per aquam, et sánguinem, Jesus Christus: non in aqua solum, sed in aqua, et ságuine. Et spíritus est, qui testificátur, quóniam Christus est veritas. Quóniam tres sunt, qui testimónium dant in cælo: Pater, Verbum, et Spíritus sanctus: et hi tres unum sunt. Et tres sunt, qui testimónium dant in terra: Spíritus, et aqua, et ságuis: et hi tres unum sunt. Si testimónium hóminum accípimus, testimónium Dei majus est: quóniam hoc est testimónium Dei, quod majus est: quóniam testificátus est de Fílio suo. Qui credit in Fílium Dei, habet testimónium Dei in se.

Allelúja, allelúja.

V. Matth. 28. In die resurrectionis meæ, dicit Dóminus, præcedam vos in Galilæam. Allelúja.

V. Joan. 20. Post dies octo, jánuis clausis, stetit Jesus in médio discipulorum suorum, et dixit: Pax vobis. Allelúja.



Sequéntia sancti Evangélíi secundum Joánnem. Joan. 20. e

IN illo témpore: Cum sero esset die illo, una sabbatorum, et fores essent clausæ, ubi erant discipuli congregati propter metum Judæorum: venit Jesus, et stetit in médio, et dixit eis: Pax vobis. Et cum hoc dixisset, osténdit eis manus, et latus. Gavisi sunt ergo discipuli, viso Dómino. Dixit ergo eis iterum: Pax vobis. Sicut misit me, Pater et ego mitto vos. Hæc cum dixisset, insufflavit: et dixit eis: Accípite Spíritum sanctum: quorum remiséritis peccáta, remittúntur eis: et quorum retinuéritis, reténta sunt. Thomas autem unus ex duódecim, qui dicitur Dídymus, non erat cum eis, quando venit Jesus. Dixérunt ergo ei álíi discipuli: Vídimus Dóminum. Ille autem dixit eis: Nisi vídero in mánibus ejus fixúram clavórum, et mittam dígitum meum in locum clavórum, et mittam manum meam in latus ejus, non credam. Et post dies octo, iterum erant discipuli ejus intus, et Thomas cum eis. Venit Jesus jánuis clausis, et stetit in médio, et dixit: Pax vobis. Deínde dicit Thomæ: Infer dígitum tuum huc, et vide manus meas, et affer manum tuam, et mitte in latus meum: et noli esse incrédulus, sed fidélis. Respóndit Thomas, et dixit ei: Dóminus meus, et Deus meus. Dixit ei Jesus, Quia vidísti me, Thoma, credidísti: beáti, qui non víderunt, et crediderunt. Multa quidem, et álía signa fecit Jesus in conspéctu discipulorum suorum, quæ non sunt scripta in libro hoc. Hæc autem scripta sunt, ut credátis, quia Jesus est Christus Fílius Dei: et ut credéntes, vitam habeátis in nómine ejus. Credo.

Offertorium. Matth. 28. Angelus Dómini descendit de cælo, et dixit mulieribus: Quem quæritis, surrexit sicut dixit, allelúja. Secreta.

Suscipe múnera, Dómine quæsumus, exultántis Ecclesiæ: et cui

Dominica ii. post Pascha.

causam tanti gáudii præstitisti, perpétuæ fructum concède lætitiæ. Per Dóminum.

Communio. Joannis 20. Mitte manum tuam, et cognósce loca clavórum, allelúja: et noli esse incredulus, sed fidélis, allelúja, allelúja.

Postcommunio.

Quæsumus Dómine Deus noster: ut sacrosáncta mystéria, quæ pro reparatiónis nostræ munimine contulisti, et præsens nobis remédi-um esse fácias, et futúrum. Per Dóminum.

A Feria secunda post Octavam Paschæ usque ad Ascensionem, post Orationem diei dicuntur Orationes sequentes, nisi sit Festum Duplex.

De beata Maria. Oratio.

Concède nos fámulos tuos, quæsumus Dómine Deus, perpétua mentis, et córporis sanitáte gaudere: et gloriósa beátæ Mariæ semper vírginis intercessióne, à præsentí liberári tristítia, et æténa pérfrui lætítia.

Contra persecutores Ecclesiæ. Oratio.

Ecclésiæ tuæ, quæsumus Dómine, preces placátus admítte: ut destrúctis adversitatibus, et erróribus univérsis, secúra tibi sérviat libertáte. Per Dóminum nostrum.

Vel pro Papa. Oratio.

Deus ómnium fidélium Pastor et rector: fámulum tuum **N.** quem pastórem Ecclesiæ tuæ præesse voluisti, propítius respice: da ei, quæsumus, verbo et exémplo, quibus præest, profícere; ut ad vitam, una cum grege sibi crédito, pervéniat sempitérnam. Per Dóminum nostrum.

De beata Maria. Secreta.

Tua, Dómine, propitiatióne, et beátæ Mariæ semper vírginis intercessióne, ad perpétuam, atque præsentem hæc oblátio nobis proficiat prosperitátem, et pacem.

Contra persecutores Ecclesiæ. Secreta.

Prótege nos, Dómine, tuis mystériis serviéntes: ut divínis rebus inhæréntes, et córpore tibi famulémur, et mente. Per Dóminum.

Vel pro Papa. Secreta.

Oblátis, quæsumus Dómine, placáre munéribus: et fámulum tuum **N.** quem pastórem Ecclesiæ tuæ præesse voluisti, assídua protectióne gubérna. Per Dóminum.

De beata Maria. Postcommunio.

Sumptis, Dómine, salútis nostræ subsidiis: da quæsumus, beátæ Mariæ semper vírginis patrocíniis nos ubique prótegi; in cujus veneratióne, hæc tuæ obtúlimus majestáti.

Contra persecutores Ecclesiæ. Postcommunio.

Quæsumus Dómine Deus noster: ut quos divína tribuis participatióne gaudere, humanis non sinas subjacere perículis. Per Dóminum.

Vel pro Papa. Postcommunio.

Hæc nos, quæsumus Dómine, divíni sacraménti percéptio prótegat: et fámulum tuum **N.** quem pastórem Ecclesiæ tuæ præesse voluisti, una cum commísso sibi grege, salvet semper, et múníat. Per Dóminum.

DOMINICA SECUNDA
post Pascha.

Introitus. Psal. 32.

Misericórdia Dómini plena est terra, allelúja: verbo Dómini cœli firmáti sunt, allelúja, allelúja.

Psal. ibid. Exultáte justí in Dómino: rectos decet collaudátio.

V. Glória Patri. Oratio.

Deus, qui in Fílii tui humilitáte, jacéntem mundum erexisti: fidélibus tuis perpétuam concède lætí-

Dominica iii. post Pascha.

tiam; ut quos perpétuæ mortis eripuisti cásibus, gáudiis fácias pérfrui sempitérnis. Per eúmdem Dóminum.

Aliae Orationes. Concéde nos fámulos tuos, **et** Ecclesiæ tuæ, **vel** Deus ómnium fidélium. **ut supra** fol. 244.

Lectio Epístolæ beáti Petri Apóstoli. **1. Pet. 2. d**

CAríssimi: Christus passus est pro nobis, vobis relínquens exémplum, ut sequámini vestígia ejus. Qui peccátum non fecit, nec invéntus est dolus in ore ejus: qui cum maledicerétur, non maledicébat: cum paterétur, non comminabátur: tradébat autem judicánti se injúste: qui peccáta nostra ipse pertulit in corpore suo super lignum: ut peccátis mórtui, justítiæ vivámus: cujus livóre sanáti estis. Erátis enim sicut oves errántes, sed convérsi estis nunc ad pastórem et episcopum animárum vestrárum.

Allelúja, allelúja.

V. Luc. 24. Cognovérunt discípuli Dóminum Jesum in fractióne panis. **Allelúja.**

V. Joan. 10. Ego sum pastor bonus: et cognósco oves meas, et cognóscunt me meæ. **Allelúja.**

Sequéntia sancti Evangélíi secúndum Joánnem. **Jo. 10. b**

IN illo témpore: Dixit Jesus Pharisæis: Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cujus non sunt oves propriæ, videt lupum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pertinet ad eum de óvibus. Ego sum pastor bonus: et cognósco meas, et cognóscunt me meæ. Sicut novit me Pater, et ego agnósco Patrem: et ánimam meam pono pro óvibus meis. Et álias oves hábeo, quæ non sunt ex hoc ovili: et illas opórtet me addúcere, et vocem meam áudient, et fiet unum ovile, et unus pastor. **Credo.**

Offertorium. Psal. 62. Deus Deus meus, ad te de luce vígilo: et in nómine tuo levábo manus meas, allelúja.

Secreta.

Benedictiónem nobis, Dómine, cónferat salutárem sacra semper oblátio: ut, quod agit mystério, virtúte perficiat. Per Dóminum.

Aliae Secretæ, Tua, Dómine, et Prótege nos, **vel** Oblátis. fol. 244.

Communio. Joan. 10. Ego sum pastor bonus, allelúja: et cognósco oves meas, et cognóscunt me meæ, allelúja, allelúja. **Postcommunio.**

PRæsta nobis, quæsumus omnipotens Deus: ut vivificatiónis tuæ grátiam consequétes, in tuo semper múnere gloriémur. Per Dóminum.

Aliae Postcommuniones, Sumptis Dómine, **et** Quæsumus Dómine, **vel** Hæc nos, quæsumus Dómine. fol. 244.

DOMINICA TERTIA

post Pascha.

Introitus.
Ps. 65.

Jubiláte Deo omnis terra, allelúja: psalmum dícite nómini ejus, allelúja: date glóriam laudi ejus, allelúja, allelúja, allelúja.

Ps. ibid. Dícite Deo, quam terribília sunt ópera tua Dómine! in multitudine virtútis tuæ mentiéntur tibi inimíci tui.

V. Glória Patri. **Oratio.**

Deus, qui errántibus, ut in viam possint redíre justítiæ, veritátis tuæ lumen ostédis: da cunctis, qui Christiána professióne censéntur, et illa respúere, quæ huic inimíca sunt nómini; et ea quæ sunt apta, sectári. Per Dóminum nostrum.

Aliae Orationes, Concéde nos fámulos tuos, **et** Ecclesiæ tuæ, **vel** Deus ómnium. fol. 244.

Dominica iii. post Pascha.

Lectio Epistolæ beāti Petri Apóstoli.

1. Pet. 2. b

Carissimi: Obsecro vos tamquam **C**ádvenas, et peregrínos abstinére vos à carnálibus desidériis, quæ militánt advérsus ánimam, conversatió-nem vestram inter Gentes habéntes bonam: ut in eo, quod detréctant de vobis tamquam de malefactóribus, ex bonis opéribus vos considerántes, gloríficent Deum in die visitatiónis. Subjécti ígitur estóte omni humánæ creatúræ propter Deum: sive regi, quasi præcellénti; sive dúcibus, tamquam ab eo missis ad vindíctam malefactórum, laudem vero bonórum: quia sic est volúntas Dei, ut benefaciéntes obmutéscere faciátis imprudéntium hóminum ignorántiam: quasi líberi, et non quasi velámen habéntes malítiæ libertátem, sed sicut servi Dei. Omnes honoráte: fraternitátem diligite: Deum timéte: regem honorificáte. Servi súbditi estóte in omni timóre dómínis, non tantum bonis, et modéstis, sed étiam dyscolis. Hæc est enim grátia: in Christo Jesu Dómino nostro.

Allelúja, alleluja.

V. Psal. 110. Redemptiónem misit Dóminus pópulo suo. Allelúja.

V. Luc. 24. Oportébat pati Christum, et resúrgere à mórtuis: et ita intráre in glóriam suam. Allelúja.

Sequéntia sancti Evangélíi secúndum Joánnem. Joan. 16. b

In illo témpore: Dixit Jesus discí-pulis suis: Módicum, et jam non vidébitis me: et iterum módicum, et vidébitis me: quia vado ad Patrem. Dixérunt ergo ex discí-pulis ejus ad ínvicem: Quid est hoc, quod dicit nobis: módicum, et non vidébitis me: et iterum módicum, et vidébitis me, et quia vado ad Patrem? Dicébant ergo: Quid est hoc, quod dicit, módicum? nescímus, quid lóquitur. Cognóvit autem Jesus, quia volébant eum interrogáre, et dixit eis: De hoc quæri-

tis inter vos, quia dixi: Módicum, et non vidébitis me: et iterum módicum, et vidébitis me. Amen, amen dico vobis: quia plorábitis, et flébitis vos, mundus autem gaudébit: vos vero contristabímíni, sed tristítia vestra vertétur in gáudium. Múlier cum parit, tristítiam habet, quia venit hora ejus: cum autem pepérerit púerum, jam non méminit pressúræ propter gáudium, quia natus est homo in mundum. Et vos ígitur nunc quidem tristítiam habétis, iterum autem vidébo vos, et gaudébit cor vestrum: et gáudium vestrum nemo tollet à vobis.

Credo.

Offertorium. Psal. 145. Lauda áni-ma mea Dóminum: laudábo Dómi-num in vita mea: psallam Deo meo, quámduo ero, allelúja.

Secreta.

His nobis, Dómine, mystériis conferátur, quo terréna desidéria mitigántes, discámus amáre cœléstia. Per Dóminum nostrum.


Aliæ Secretæ, Tua Dómine, et Pró-tege nos, vel Oblátis, quæsumus. fol. 244.

Communio. Joan. 16. Módicum, et non vidébitis me, allelúja: iterum módicum, et vidébitis me, quia vado ad Patrem, allelúja, allelúja.

Postcommunio.

Sacraménta quæ sumpsimus, quæsumus Dómine, et spirituálibus nos instáurent aliméntis, et corporálibus tueántur auxiliis. Per Dóminum.

Aliæ Postcommuniones, Sumptis, Dómine, et Quæsumus Dómine, vel Hæc nos, quæsumus Dómine. fol. 244.



DOMINICA QUARTA

post Pascha.

Introitus.

Psal. 97.



CAntáte Dómino cánticum novum, allelúja: quia mirabilia fecit Dóminus, allelúja: ante conspéctum Géntium revelávit justítiam suam, allelúja, allelúja.

Psal. ibid. Salvávit sibi dextera ejus: et bráchium sanctum ejus.

V. Glória Patri.

Oratio.

DEus, qui fidélium mentes unius éfficis voluntátis: da pópulis tuis id amáre quod præcipis, id desideráre quod promíttis: ut inter mundánas varietátes ibi nostra fixa sint corda, ubi vera sunt gáudia. Per Dóminum.

Aliæ Orationes, Concéde nos, et Ecclesiæ tuæ, vel Deus ómnium fidélium. fol. 244.

Léctio Epístolæ beáti Jacóbi Apóstoli.

Jac. 1. c

CAríssimi: Omne datum óptimum, et omne donum perféctum desúrsum est, descéndens à Patre lúminum, apud quem non est transmutátio, nec vicissitúdinis obumbrátio. Voluntárie enim génuit nos verbo veritátis, ut simus inítium áliquod creatúræ ejus. Scitis, fratres mei dilectíssimi. Sit autem omnis homo velox ad audiéndum: tardus autem ad loquéndum, et tardus ad iram. Ira enim viri, justítiam Dei non operátur. Propter quod abjiciéntes omnem immundítiam, et abundántiam malitiæ, in mansuetúdone suscépite ínsitum verbum, quod potest salváre ánimas vestras.

Allelúja, allelúja.

V. Psal. 117. Dextera Dómini fecit virtútem: dextera Dómini exaltávit me. Allelúja.

V. Rom. 6. Christus resúrgens ex mórtuis, jam non móritur: mors illi ultra non dominábitur. Allelúja.



Sequéntia sancti Evangélíi secúndum Joánnem. **Joan. 16.**

IN illo témpore: Dixit Jesus discí-pulis suis: Vado ad eum, qui misit me: et nemo ex vobis intérogat me: quo vadis? Sed quia hæc locútus sum vobis, tristítia implévit cor vestrum. Sed ego veritátem dico vobis: expedit vobis ut ego vadam: si enim non abíero, Paráclitus non véniet ad vos: si autem abíero, mittam eum ad vos. Et cum vénerit ille, árguet mundum de peccáto, et de justítia, et de judício. De peccáto quidem, quia non crediderunt in me: de justítia verò, quia ad Patrem vado, et jam non vidébitis me: de judício autem, quia princeps hujus mundi jam judicátus est. Adhuc multa hábeo vobis dícere: sed non potéstis portáre modo. Cum autem vénerit ille Spíritus veritátis, docébit vos omnem veritátem. Non enim loquétur à semetípso: sed quæcúmque áudiet, loquétur, et quæ ventúra sunt annuntiábit vobis. Ille me clarificábit: quia de meo accípiet, et annuntiábit vobis. **Credo.**

Offertorium. Psal. 65. Jubiláte Deo univérsta terra, psalmum dícite nómini ejus: veníte, et audíte, et narrábo vobis, omnes qui timétis Deum, quanta fecit Dóminus ánimæ meæ, allelúja.

Secreta.

DEus, qui nos per hujus sacrificií veneránda commércia, unius summæ divinitátis partícipes effecísti: præsta quæsumus; ut, sicut tuam cognóscimus veritátem, sic eam dignis móribus assequámur. Per Dóminum.

Aliæ Secretæ, Tua, Dómine, et Prótege nos, vel Oblátis. fol. 244.

Communio. Joan. 16. Cum vénerit Paráclitus Spíritus veritátis, ille árguet mundum de peccáto, et de justítia, et de judício, allelúja, allelúja.

Postcommunio.

ADesto nobis, Dómine Deus noster: ut per hæc, quæ fidéli-

Dominica v. post Pascha.


ter sumpsimus, et purgémur à vítiis, et à periculis ómnibus eruámur. Per Dóminum nostrum Jesum Christum Fílium tuum: Qui tecum vivit.

Aliæ Postcommuniones, Sumptis, Dómine, et Quæsumus Dómine, vel Hæc nos, quæsumus Dómine. fol. 244.

DOMINICA QUINTA

post Pascha.

Introitus. Isa. 48. d



Vocem jucunditátis annuntiáte, et audiátur, allelúja: annuntiáte usque ad extrémum terræ: liberávit Dóminus pópulum suum, allelúja, allelúja.

Ps. 65. Jubiláte Deo omnis terra, psalmum dicite nómini ejus: date glóriam laudi ejus.

V. Glória Patri.

Oratio.

Deus, à quo bona cuncta procedunt, largíre supplicibus tuis: ut cogitémus, te inspiránte, quæ recta sunt; et te gubernánte, éadem faciámus. Per Dóminum nostrum.

Aliæ Orat. Concéde nos, et Ecclesiæ tuæ, vel Deus ómnium. fol. 244.

Léctio Epístolæ beáti Jacobi Apóstoli. Jac. 1. d

Caríssimi, Estóte factóres verbi, et non auditóres tantum: falléntes vosmetípsos. Quia si quis audítor est verbi, et non factor: hic comparábitur viro consideránti vultum nativitátis suæ in spéculo: considerávit enim se, et ábiit, et statim oblítus est, qualis fúerit. Qui autem perspéxerit in legem perféctam libertátis, et permánserit in ea, non audítor obliuíus factus, sed factor óperis: hic beátus in facto suo erit. Si quis autem putat se religiósus esse, non refrænans linguam suam, sed sedúcens cor suum, hujus vana est religio. Religio

munda, et immaculáta apud Deum, et Patrem, hæc est: Visitáre pupíllas, et víduas in tribulatióne eórum, et immaculátum se custodíre ab hoc sæculo.

Allelúja, allelúja.

V. Surréxit Christus, et illúxit nobis, quos redémit sáanguine suo. Allelúja.

V. Joan. 16. Exívi à Patre, et veni in mundum: íterum relínquo mundum, et vado ad Patrem. Allelúja.



Sequéntia sancti Evangélíi secundum Joánnem. Joan. 16. c

In illo témpore: Dixit Jesus discí-pulis suis: Amen, amen dico vobis: si quid petiéritis Patrem in nómine meo, dabit vobis. Usque modo non petístis quidquam in nómine meo: Pétite, et accipiétis, ut gáudium vestrum sit plenum. Hæc in provérbiis locútus sum vobis. Venit hora, cum jam non in provérbiis loquar vobis, sed palam de Patre annuntiábo vobis. In illo die in nómine meo petétis: et non dico vobis, quia ego rogábo Patrem de vobis: ipse enim Pater amat vos, quia vos me amástis, et credidístis, quia ego à Deo exívi. Exívi à Patre, et veni in mundum: íterum relínquo mundum, et vado ad Patrem. Dicunt ei discí-puli ejus: Ecce nunc palam lóqueris, et provérbium nulum dicis. Nunc scimus, quia scis ómnia, et non opus est tibi, ut quis te interroget: in hoc crédimus, quia à Deo existi. **Credo.**

Offertorium. Ps. 65. Benedícite Gentes Dóminum Deum nostrum, et obaudíte vocem laudis ejus: qui pósuit ánimam meam ad vitam, et non dedit commoveri pedes meos: benedíctus Dóminus, qui non amóvit deprecatió-nem meam, et misericórdiam suam à me, allelúja.

Secreta.

Suscipe, Dómine, fidélium preces cum oblatiόνibus hostiárum: ut per hæc piæ devotiόνis offícia, ad cœléstem glóriam transeámus. Per Dóminum.

In Litanis majoribus et minoribus.

Aliæ Secretæ, Tua, Dómine, et Prótege nos, Dómine, vel Oblátis. fol. 244.

Communio. Ps. 95. Cantáte Dómino, allelúja: cantáte Dómino, et benedicite nomen ejus: bene nuntiáte de die in diem salutáre ejus, allelúja, allel.

Postcommunio.

TRíbe nobis, Dómine, cœlestis mensæ virtúte satiátis, et desideráre quæ recta sunt, et desideráta percípere. Per Dóminum nostrum.

Aliæ Postcommuniones, Sumptis, Dómine, et Quæsumus Dómine, vel Hæc nos, quæsumus Dómine. fol. 244.

IN LITANIIS MAJORIBUS.

In festo sancti Marci Evangelistæ, Statio ad sanctum Petrum. Et in minoribus ante Ascensionem, Feria ii. Rogationum, Statio ad sanctam Mariam majorem. Feria tertia, Statio ad S. Joannem in Laterano. Feria iv. Statio ad sanctum Petrum.

¶ Sequens Missa dicitur in Litanis majoribus, et minoribus ad Processionem, sine commem. Festi occurrentis. In Feriis autem Rogationum, in Missis privatis, si dicitur de Sancto, fit commem. Rogationum: si dicitur de Rogationibus, fit commem. Festi occurrentis. Feria vero iii. si Festum non occurrat, dicatur Missa de Rogationibus, sine Glória in excelsis, licet in Officio dictum sit, Te Deum, et Oratio Dominicæ.

Introitus. Psal. 17.

EXaudivit de templo sancto suo vocem meam, allelúja: et clamor meus in conspéctu ejus introívit in aures ejus, allelúja, allelúja.

Psal. ibid. Díligam te Dómine virtus mea: Dóminus firmaméntum meum, et refúgium meum, et liberátor meus. **V. Glória Patri.**

In hac Missa non dicitur Glória in excelsis, neque Credo.

Oratio.

PRæsta, quæsumus omnipotens Deus, ut qui in afflictiónē nostra de tua pietáte confidimus, contra adversa ómnia, tua semper protectione muniámur. Per Dóminum.

Aliæ Orat. Concède nos, et Ecclesiæ tuæ, vel Deus ómnium. fol. 244.

Léctio Epístolæ beati Jacóbi Apostoli. Jac. 5. d

CARÍSSIMI: Confitémini altérum peccáta vestra, et oráte pro invicem, ut salvémini: multum enim valet deprecátio justī assídua. Elías homo erat símilis nobis passíbilis: et oratiónē orávit ut non plúeret super terram, et non pluit annos tres, et menses sex. Et rursum orávit: et cœlum dedit plúviam, et terra dedit fructum suum. Fratres mei, si quis ex vobis erráverit à veritáte, et convérterit quis eum: scire debet, quóniam qui convérte fécit peccatórem ab erróre viæ suæ, salvábit ánimam ejus à morte, et opériet multitudinem peccatórum.

Allélúja. V. Psal. 117. Confitémini Dómino, quóniam bonus: quóniam in sáeculum misericórdia ejus.



Sequéntia sancti Evangélīi secúndum Lucam. Lucæ 11.

IN illo témpore: Dixit Jesus discipulis suis: Quis vestrum habébit amicum, et ibit ad illum média nocte, et dicet illi: Amíce, cómmoda mihi tres panes, quóniam amicus meus venit de via ad me, et non hàbeo quod ponam ante illum: et ille deíntus respóndens, dicat: Noli mihi moléstus esse, jam óstium cláusum est, et púeri mei mecum sunt in cubili, non possum súrgere, et dare tibi. Et si ille perseveráverit pulsans: dico vobis, et si non dabit illi surgens, eo quod amicus ejus sit, propter improbitátem tamen ejus surget, et dabit illi quotquot habet necessariós. Et

In Vigilia Ascensionis.

ego dico vobis: **P**étite, et dábitur vobis: quáerite, et inveniétis: pulsáte, et aperiétur vobis. Omnis enim qui petit, áccipit: et qui quáerit, invenit: et pulsánti aperiétur. Quis autem ex vobis patrem petit panem, numquid lápidem dabit illi? Aut piscem: numquid pro pisce serpéntem dabit illi? Aut si petierit ovum: numquid pórriget illi scorpíonem? Si ergo vos cum sitis mali, nostis bona data dare filiis vestris: quanto magis Pater vester de cœlo dabit spíritum bonum peténtibus se?

Offertorium. Psal. 108. Confitébor Dómino nimis in ore meo: et in médio multórum laudábo eum, qui ástitit à dextris páuperis: ut salvam fáceret à persecuéntibus ánimam meam, allelúja.

Secreta.

HÆc múnera, quæsumus Dómine, et víncula nostræ pravítatis absólvant, et tuæ nobis misericórdiæ dona concílient. Per Dóminum.

Aliæ Secretæ, Tua, Dómine, et Prótege nos, Dómine, vel Oblátis. fol. 244.

Et dicitur Præfatio Paschal. fol. 204.

Communio. Lucæ 11. Pétite, et accipiétis: quáerite, et inveniétis: pulsáte, et aperiétur vobis: omnis enim qui petit, áccipit: et qui quáerit, invenit: et pulsánti aperiétur, allelúja.

Postcommunio.

VOta nostra, quæsumus Dómine, pio favóre proséquere: ut dum dona tua in tribulatióne percípimus, de consolatióne nostra in tuo amóre crescámus. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus.

Aliæ Postcommuniones, Sumptis, Dómine, et Quæsumus Dómine, vel Hæc nos, quæsumus Dómine, fol. 244.

IN VIGILIA ASCENSIONIS.

Si hodie occurrat Festum Simplex, fit de ipso tantum commem. Si occurrat Festum Duplex, vel Semiduplex, Missa dicitur de Festo cum commem. Vigiliæ, et Rogationum. Sed in Ecclesiis Collegiatis, præter Missam de Rogationibus, dicuntur duæ Missæ, una de Festo, et alia de Vigilia.

Introitus. Isaia. 48. d



Ocem jucunditátis annuntiáte, et audiátur, allelúja: annuntiáte usque ad extrémum terræ: liberávit Dóminus pópulum suum, allelúja, allelúja.

Psalm. 65. Jubiláte Deo omnis terra: psalmum dicite nómini ejus, date glóriam laudi ejus.

V. Glória Patri.

Et dicitur Glória in excélsis.

Oratio.

DEus, à quo bona cuncta procedunt, largíre supplicibus tuis: ut cogitémus, te inspiránte, quæ recta sunt; et te gubernánte, éadem faciámus. Per Dóminum nostrum.

Secunda Oratio de Rogationibus, Præsta quæsumus. ut supra. fol. 249.

Tertia de Sancta Maria, Concède nos. fol. 244.

In Ecclesiis autem Collegiatis, ubi dicitur alia quoque Missa de Rogationibus, secunda Oratio erit de B. Maria: tertia Ecclésiæ tuæ, vel Deus ómnium fidélium Pastor. fol. 244.

Lectio Epístolæ beáti Pauli Apóstoli ad Ephésios. **Eph. 4. b**

FRatres: Unicuíque nostrum data est grátia secúndum mensúram donatiónis Christi. Propter quod dicit: Ascéndens in altum, captivam duxit captivitátem: dedit dona homínibus. Quod autem ascéndit, quid est, nisi quia et descéndit, primum in

In Vigilia Ascensionis.

inferiores partes terræ? Qui descendit, ipse est et qui ascendit super omnes cœlos, ut impleret omnia. Et ipse dedit quosdam quidem Apostolos, quosdam autem Prophetas, alios vero Evangelistas, alios autem pastores, et doctores, ad consummationem sanctorum in opus ministerii, in ædificationem corporis Christi: donec occurramus omnes in unitatem fidei, et agnitionis Filii Dei, in virum perfectum, in mensuram ætatis plenitudinis Christi.

Allelúja, allelúja.

V. Surrexit Christus, et illuxit nobis, quos redemit sanguine suo. **Allelúja.**

V. Joan. 16. Exivi à Patre, et veni in mundum: iterum relinquo mundum, et vado ad Patrem. **Allelúja.**

 **Sequencia sancti Evangelii secundum Joannem. Joan. 17.**

IN illo tempore: Sublevatis Jesus oculis in cœlum, dixit: Pater venit hora, clarifica Filium tuum, ut Filius tuus clarificet te: sicut dedisti ei potestatem omnis carnis, ut omne, quod dedisti ei, det eis vitam æternam. Hæc est autem vita æterna: ut cognoscant te, solum Deum verum, et quem misisti Jesum Christum. Ego te clarificavi super terram: opus consummavi, quod dedisti mihi, ut faciam: et nunc clarifica me tu Pater apud te ipsum, claritate, quam habui, priusquam mundus esset, apud te. Manifestavi nomen tuum hominibus, quos dedisti mihi de mundo. Tui erant, et mihi eos dedisti: et sermonem tuum servaverunt. Nunc cognoverunt, quia omnia, quæ dedisti mihi, abs te sunt: quia verba, quæ dedisti mihi, dedi eis: et ipsi acceperunt, et cognoverunt vere, quia à te exivi, et crediderunt, quia tu me mi-

sisti. Ego pro eis rogo, non pro mundo rogo, sed pro his, quos dedisti mihi: quia tui sunt: et mea omnia tua sunt, et tua mea sunt: et clarificatus sum in eis. Et jam non sum in mundo, et hi in mundo sunt, et ego ad te venio.

Offertorium. Psal. 65. Benedicite Gentes Dominum Deum nostrum, et obaudite vocem laudis ejus: qui posuit animam meam ad vitam, et non dedit commoveri pedes meos: benedictus Dominus, qui non amovit deprecationem meam, et misericordiam suam à me, **allelúja.**

Secreta.

Suscipe, Domine, fidelium preces cum oblationibus hostiarum: ut per hæc piæ devotionis officia, ad cœlestem gloriâ transeamus. Per Dominum.

Secunda Secreta de Rogationibus. Hæc mûnera, quæsumus. fol. 250.

Tertia de B. Maria: Tua, Domine. fol. 244.

Vel secunda de B. Maria: tertia, Prôtege nos, Domine, vel Oblâti. fol. 244.

Præfatio Paschalis, fol. 204. **et** fol. 214.

Communio. Psal. 95. Cantate Domino, allelúja: cantate Domino, et benedicite nomen ejus: bene nuntiâte de die in diem salutâre ejus, allelúja, allelúja. **Postcommunio.**

Tribue nobis, Domine, cœlestis mensæ virtute satiâti, et desiderâre quæ recta sunt, et desiderâta percipere. Per Dominum.

Secunda Postcomm. de Rogationibus. Vota nostra, quæsumus. fol. 250.

Tertia de beata Maria, Sumptis, Domine. Vel secunda de beata Maria: tertia, Quæsumus Domine, vel Hæc nos. fol. 244.



IN ASCENSIONE DOMINI.

STATIO

ad sanctum Petrum.

Introitus.

Act. 1.



Viri Galilæi,
quid admirá-
mini aspicién-
tes in cœlum?
allelúja: quem-

ádmodum vidístis eum
ascendéntem in cœlum,
ita véniet, allelúja, al-
lelúja, allelúja.

Psal. 46. Omnes gen-
tes pláudite mánibus:
jubiláte Deo in voce
exultatiónis.

V. Glória Patri.

Oratio.

Concède, quæsu-
mus omnipotens
Deus: ut qui hodiérna
die Unigénitum tu-
um Redemptórem no-
strum ad cœlos ascen-
disse crédimus; ipsi
quoque mente in cœlé-
stibus habitémus. Per
eúmdem Dóminum.

Lectio Actuum Apo-
stolorum.

Act. 1.

Primùm quidem
sermónem feci de
ómnibus, o Theóphile,
quæ cœpit Jesus fáce-
re, et docére, usque in
diem, qua, præcípíens
Apóstolis per Spíritum
sanctum, quos elégit,

assúptus est: quibus et præbuit se-
ípsum vivum post passióem suam
in multis arguméntis, per dies qua-
draginta appárens eis, et loquens de
regno Dei. Et convéscens, præcépít
eis, ab Jerosólymis ne discéderent,
sed expectárent promissiónem Patris,
quam audístis (inquit) per os meum:
quia Joánnes quidem baptizávit a-
qua, vos autem baptizabímini Spíritu
sancto non post multos hos dies. Igi-
tur qui convénerant, interrogábant
eum, dicéntes: Dómine, si in témpore
hoc restítues regnum Israel? Dixit
autem eis: Non est vestrum nosse
témpora vel moménta, quæ Pater
pósuit in sua potestáte: sed accipiétis
virtútem superveniéntis Spíritus san-
cti in vos, et éritis mihi testes in Je-
rúsalem, et in omni Judæa, et Samá-
ria, et usque ad últimum terræ. Et
cum hæc dixisset, vidéntibus illis,
elevátus est, et nubes suscepit eum
ab óculis eórum. Cumque intuerén-
tur in cœlum eúntem illum, ecce duo
viri astitérunt juxta illos in véstibus
albis, qui et dixérunt: Viri Galilæi,
quid statis aspiciéntes in cœlum? Hic
Jesus, qui assúptus est à vobis in
cœlum, sic véniet, quemádmodum
vidístis eum eúntem in cœlum.

Allelúja, allelúja.

V. Psal. 46. Ascéndit Deus in ju-
bilatióne, et Dóminus in voce tubæ.
Allelúja.

V. Psal. 67. Dóminus in Sina in
sancto, ascéndens in altum, captívam
duxit captivitátem. **Allelúja.**

Dominica infra Octavam Ascensionis.

Sequētia sancti Evangēlii secūndum Marcum. Marci 16. c

IN illo tēpore: Recumbētib^{us} undecim discipulis, apparuit illis Jesus: et exprobrāvit incredulitatem eōrum, et duritiā cordis: quia iis, qui viderant eum resurrexisse, non crediderunt. Et dixit eis: Eūntes in mundum univēsum, prādicāte Evangēlium omni creatūræ. Qui crediderit, et baptizātus fuerit, salvus erit: qui vero non crediderit, condemnabitur. Signa autem eos, qui crediderint, hæc sequētur: In nōmine meo dæmōnia ejicient: linguis loquētur novis: serpētes tollent: et si mortiferum quid biberint, non eis nocēbit: super ægros manus impōnent, et bene habēbunt. Et Dōminus quidem Jesus, postquam locūtus est eis, assūptus est in cœlum, et sedet à dextris Dei. Illi autem profēcti, prādicavērunt ubique, Dōmino cooperānte, et sermōnem confirmānte, sequētib^{us} signis.

¶ Dicto Evangelio extinguitur Cereus Paschalis, nec ulterius accenditur, nisi in Sabbato Pentecostes ad benedictionem Fontis. Credo.

Offertorium. Psal. 46. Ascēdit Deus in jubilationē, et Dōminus in voce tubæ, allelūja.

Secreta.

Suscipe Dōmine mūnera, quæ pro Filii tui gloriōsa Ascensioe defērimus: et concēde propitius; ut à præsētib^{us} periculis liberēmur, et ad vitam perveniāmus ætērnā. Per eūndem Dōminum.

Præfatio. Qui post resurrectionem. fol. 194. vel 215.

Et dicitur usque ad Vigiliam Pentecostes exclusive.

Infra actionem. Communicātes, et diem sacratissimum. fol. 195. vel 215.

Et dicitur per Octavam tantum.

Communio. Psal. 67. Psāllite Dōmino, qui ascēdit super cœlos cœlōrum ad Oriētem, allelūja.

Postcommunio.

Præstā nobis, quæsumus omnipotens et misēricors Deus: ut quæ visibilib^{us} mystēriis sumēda percēpimus, invisibili consequāmur effēctu. Per Dōminum.

¶ Infra Octavam Ascensionis dicitur Missa de Ascensione, nisi occurrat Festum Duplex, vel Semiduplex, de quo tunc fit cum commemoratione Octavæ: de Simplici autem fit tantum commemoratio. Post Orationem diei dicitur secunda Oratio de S. Maria, Concēde nos fāmulos tuos, et tertia Ecclesiæ tuæ, vel Deus ōmnium fideliū. fol. 244.

DOMINICA

infra

Octavam Ascensionis.

Introitus. Psal. 26.



Xāudi, Dōmine, vocem meam, qua clamāvi ad te, allelūja: tibi dixit cor meum, quæsi-vi vultum tuum, vultum tuum Dōmine requi-ram: ne avērtas faciē tuam à me, allelūja, allelūja.

Psal. ibid. Dōminus illuminatio mea, et salus mea: quem timēbo?

V. Glória Patri. Oratio.

Omnipotens sempitērne Deus, fac nos tibi semper et devótam gē-rere voluntātem, et majestāti tuæ sincēro corde servīre. Per Dōminum.

Et fit commemoratio de Ascensione tantum. Oratio.

Concēde, quæsumus omnipotens Deus: ut qui hodiērna die Unigē-nitum tuum Redemptōrem nostrū ad cœlos ascendisse credimus; ipsi quoque mente in cœlestib^{us} habitē-mus. Per eūndem Dōminum.

Sabbato in Vigilia Pentecostes.

Léctio Epístolæ beāti Petri Apóstoli.

1. Petr. 4. b

Caríssimi: Estóte prudéntes, et vigiláte in Oratió nibus. Ante ómnia autem, mútuam in vobismet-ípsis caritátem contínuam habéntes: quia cáritas óperit multitudínem peccatórum. Hospitáles invicem sine murmuratióne: unusquisque, sicut accépit grátiam, in altérutrum illam administrántes, sicut boni dispensatóres multifórmis grátiae Dei. Si quis lóquitur, quasi sermónes Dei: si quis ministrat tamquam ex virtúte, quam adminístrat Deus: ut in ómnibus honorificétur Deus per Jesum Christum Dóminum nostrum.

Allelúja, allelúja.

V. Psal. 46. Regnávít Dóminus super omnes gentes: Deus sedet super sedem sanctam suam. **Allelúja.**

V. Joan. 14. Non vos relínquam órphanos: vado, et vénio ad vos, et gaudébit cor vestrum. **Allelúja.**

Sequéntia sancti Evangélíi secúndum Joánnem. Jo. 15. d & 16.

In illo témpore: dixit Jesus discí-
pulis suis: Cum vénerit Parácli-
tus, quem ego mittam vobis à Patre,
Spíritum veritátis, qui à Patre pro-
cédit, ille testimónium perhibébit de
me: et vos testimónium perhibébitis,
quia ab iníto mecum estis. Hæc lo-
cútus sum vobis, ut non scandalizé-
mini. Absque synagógis fácient vos:
sed venit hora, ut omnis qui intérficit
vos, arbitrétur obséqium se præstá-
re Deo. Et hæc fácient vobis, quia
non novérunt Patrem, neque me.
Sed hæc locútus sum vobis, ut, cum
vénerit hora eórum, reminiscámini,
quia ego dixi vobis. **Credo.**

Offertorium Ps. 46. Ascéndit De-
us in jubilatíone: et Dóminus in voce
tubæ, allelúja.

Secreta.

Sacrificia nos, Dómine immacu-
láta purificent: et méntibus no-
stris supérnæ grátiae dent vigórem.
Per Dóminum nostrum.

Pro Ascensione. Secreta.

Suscipe Dómine múnera, quæ pro
Fílii tui gloriósa Ascensióne de-
férimus: et concéde propítius; ut à
præséntibus perículis liberémur, et
ad vitam perveniámus ætérnam. Per
eúmdem Dóminum.

Communio. Joan. 17. Pater, cum
essem cum eis, ego servábam eos,
quos dedísti mihi, allelúja: nunc au-
tem ad te vénio: non rogo, ut tollas
eos de mundo, sed ut serves eos à
malo, allelúja, allelúja.

Postcommunio.

Repléti, Dómine, munéribus sa-
cris: da quæsumus; ut in grati-
arum semper actióne maneámus.
Per Dóminum.

Pro Ascensione. Postcommunio.

Præsta nobis, quæsumus omnípo-
tens et miséricors Deus: ut quæ
visibílibus mystériis suménda percé-
pimus, invisíbili consequámur effé-
ctu. Per Dóminum nostrum.

**In Octava Ascensionis dicitur Mis-
sa sicut in die, cum una tantum Ora-
tione, nisi occurrat Festum Simplex.**

**¶ Feria sexta post Octavam Ascen-
sionis, si non fuerit Festum Duplex,
vel Semiduplex, etiam translutum,
Missa dicitur de Dominica præterita,
cum commemoratione de S. Maria.
Concéde nos, et Ecclesiæ tuæ, vel
Deus ómnium fidélium. fol. 244.**

**De Simplici fit tantum commemo-
ratio. Et non dicitur Credo.**

SABBATO IN VIGILIA

Pentecostes.

**Statio ad sanctum Joannem
in Laterano.**



Icta Nona, Sacerdos
et Ministri induti
paramentis violacei
coloris, accedunt ad
Altare, et facta re-
verentia, Sacerdos illud osculatur in
medio. Deinde leguntur Prophetiæ

In Vigilla Pentecostes.

sine titulo, candelis Altaris extinctis usque ad principium Missæ, sicut in Sabbato sancto. Sacerdos legit eas submissa voce ad Altare in cornu Epistolæ. In fine Prophetiarum dicuntur Orationes sine Flectamus genua.

Prophetia prima. Gen. 22.

IN diébus illis: Tentávit Deus Abraham et dixit ad eum: Abraham, Abraham. At ille respóndit: Adsum. Ait illi: Tolle filium tuum unigénitum, quem díligis, Isaac, et vade in terram visionis: atque ibi offeres eum in holocáustum super unum móntium quem monstrávero tibi. Igitur Abraham de nocte consúrgens, stravit ásinum suum: ducens secum duos júvenes, et Isaac filium suum: cumque concidisset ligna in holocáustum, ábiit ad locum, quem præcéperat ei Deus. Die autem tértio elevátis óculis, vidit locum procul: dixítque ad púeros suos: Expectáte hic cum ásino: ego et puer illuc usque properánte, postquam adoráverimus, revertémur ad vos. Tulit quoque ligna holocáusti, et impósuit super Isaac filium suum: ipse vero portábat in mánibus ignem et gládium. Cumque duo pérgerent simul, dixit Isaac patri suo: Pater mi. At ille respóndit: Quid vis fili? Ecce, inquit, ignis et ligna: ubi est víctima holocáusti? Dixit autem Abraham: Deus providébit sibi víctimam holocáusti, fili mi. Pergébant ergo páriter, et venérunt ad locum, quem osténderat ei Deus, in quo ædificávit altáre, et désuper ligna compósuit: cumque alligásset Isaac filium suum, pósuit eum in altáre super struem lignórum. Extendítque manum, et arrípuit gládium, ut immoláret filium suum. Et ecce Angelus Dómini de cælo clamávit, dicens: Abraham, Abraham. Qui respóndit: Adsum. Dixítque ei: Non exténdas manum tuam super púerum, neque fácias illi quidquam: nunc cognóvi quòd times Deum, et non pepercísti unigénito

filio tuo propter me. Levávit Abraham óculos suos, vidítque post tergum arietem inter vepres hæréntem cornibus, quem assúmens obtulit holocáustum pro filio. Appellavítque nomen loci illius, Dóminus videt. Unde usque hódie dicitur: In monte Dóminus vidébit. Vocávit autem Angelus Dómini Abraham secúndo de cælo, dicens: Per memetípsum jurávi, dicit Dóminus: quia fecísti hanc rem, et non pepercísti filio tuo unigénito propter me, benedícam tibi, et multiplicábo semen tuum sicut stellas cæli, et velut arénam quæ est in líttore maris: possidébit semen tuum portas inimicórum suorum, et benedicéntur in sémine tuo omnes gentes terræ, quia obedísti voci meæ. Revérsus est Abraham ad púeros suos, abiéruntque Bersabée simul, et habitávit ibi.

Qua finita, Sacerdos dicit: Orémus.

Oratio.

DEus, qui in Abrahæ fámuli tui ópere, humano géneri obediéntiæ exémpa præbuísti: concéde nobis, et nostræ voluntátis pravitátem frángere; et tuórum præceptórum rectitúdinem in ómnibus adimplére. Per Dominum.

Prophetia secunda. Exodi 14. f & 15.

IN diébus illis: Factum est in vigília matutína, et ecce respiciens Dóminus super castra Ægyptiórum per colúmnam ignis, et nubis, interfécit exercitum eórum: et subvértit rotas currum, ferebantúrque in profúndum. Dixérunt ergo Ægyptii: Fugiámus Israélem; Dóminus enim pugnat pro eis contra nos. Et ait Dóminus ad Móysen: Exténde manum tuam super mare, ut revertántur aquæ ad Ægyptios super currus et équites eórum. Cumque extendisset Móyses manum contra mare, revérsus est primo dilúculo ad priórem locum: fugientibusque Ægyptiis occurrérunt aquæ, et invólvit eos Dóminus in médiis flúctibus. Reversæque sunt aquæ, et operuérunt currus et équites cuncti

In Vigilia Pentecostes.

exercitus Pharaonis, qui sequentes ingressi fuerant mare: nec unus quidem superfluit ex eis. Filii autem Israel perrexerunt per medium sicci maris, et aquae eis erant quasi promuro à dextris et à sinistris: liberavitque Dominus in die illa Israel de manu Aegyptiorum, et viderunt Aegyptios mortuos super littus maris, et manum magnam quam exercuerat Dominus contra eos: timuitque populus Dominum, et crediderunt Domino, et Móysi servo ejus. Tunc cecinit Móyses et filii Israel carmen hoc Domino, et dixerunt.

Tractus. Exodi 15. Cantemus Domino: gloriose enim honorificatus est: equum et ascensorem projecit in mare: adiutor et protector factus est mihi in salutem.

V. Hic Deus meus, et honorificabo eum: Deus patris mei, et exaltabo eum.

V. Dominus conterens bella: Dominus nomen est illi.

Orémus.

Oratio.

Deus, qui primis temporibus impléta miracula novi testamenti luce reserasti, ut et mare rubrum forma sacri fontis existeret, et liberata, plebs ab Aegyptiaca servitute, Christiáni populi sacramenta praeferret: da, ut omnes gentes, Israëlís privilegium mérito fidei consecutæ, Spíritus tui participatione regenerentur. Per Dominum. in unitate ejusdem Spíritus sancti Deus.

Prophetia tertia. Deut. 31. f

In diebus illis: Scripsit Móyses canticum, et docuit filios Israel. Præcepitque Dominus Jósue filio Nun, et ait: Confortare, et esto robustus: tu enim introduces filios Israel in terram, quam pollicitus sum, et ego ero tecum. Postquam ergo scripsit Móyses verba legis hujus in volumine, atque complévit: præcepit Levítis, qui portabant arcam fœderis Domini, dicens: Tóllite librum istum, et pónite eum in latere arcæ fœderis

Domini Dei vestri: ut sit ibi contra te in testimonium. Ego enim scio contentionem tuam, et cervicem tuam durissimam. Adhuc vivente me, et ingrediente vobiscum, semper contentiose egistis contra Dominum: quanto magis cum mortuus fuero? Congregate ad me omnes majores natu per tribus vestras, atque doctores, et loquar audientibus eis sermones istos, et invocabo contra eos cælum et terram. Novi enim, quod post mortem meam inique agétis, et declinabitis cito de via, quam præcépi vobis: et occurrerent vobis mala in extremo tempore, quando feceritis malum in conspectu Domini, ut irritétis eum per ópera mánuum vestrarum. Locútus est ergo Móyses, audiente universo cœtu Israel verba carminis hujus, et ad finem usque complévit.

Tractus. Deut. 32. Attende cælum, et loquar: et áudiat terra verba ex ore meo.

V. Expectetur sicut plúvia elóquium meum: et descendant sicut ros verba mea.

V. Sicut imber super gramen, et sicut nix super fœnum: quia nomen Domini invocabo.

V. Date magnitudinem Deo nostro: Deus, vera ópera ejus, et omnes viæ ejus judícia.

V. Deus fidelis, in quo non est iniquitas: justus et sanctus Dominus.

Orémus.

Oratio.

Deus, glorificatio fidélium, et vita justórum, qui per Móysen fámulum tuum nos quoque modulatione sacri carminis erudisti: universis gèntibus misericórdiæ tuæ munus operare, tribuendo beatitudinem, auferendo terrórem: ut quod pronuntiátum est ad supplicium, in remedium transferatur ætérnum. Per Dominum.

Prophetia quarta. Isaïæ 4.

Apprehendent septem mulieres virum unum in die illa, dicentes: Panem nostrum comedemus,

In Vigilia Pentecostes.

et vestimentis nostris operiemur: tantummodo invocetur nomen tuum super nos, aufer opprobrium nostrum. In die illa erit germen Domini in magnificentia, et gloria, et fructus terrae sublimis, et exultatio his, qui salvati fuerint de Israel. Et erit: omnis qui relictus fuerit in Sion, et residuus in Ierusalem, sanctus vocabitur, omnis qui scriptus est in vita in Ierusalem. Si abluerit Dominus sordes filiarum Sion, et sanguinem Ierusalem laverit de medio ejus in spiritu iudicii, et spiritu ardoris. Et creabit Dominus super omnem locum montis Sion, et ubi invocatus est, nubem per diem, et fumum et splendorem ignis flammantis in nocte: super omnem enim gloriam protectio. Et tabernaculum erit in umbraculum diei ab aestu, et in securitatem, et absconsionem à turbine, et à pluvia.

Tractus. Isaiae 5. Vineam facta est dilecto in cornu, in loco uberi.

V. Et maceriam circumdedit, et circumfodit: et plantavit vineam Sorec, et aedificavit turrem in medio ejus.

V. Et torcular fodit in ea: vinea enim Domini Sabaoth, domus Israel est.

Orémus.

Oratio.

OMnipotens sempiternus Deus, qui per unicum Filium tuum, Ecclesiae tuae demonstrasti te esse cultorem: omnem palmitem, fructum in eodem Christo tuo, qui vera vitis est, afferentem, clementer excolens, ut fructus afferat ampliores: fidelibus tuis, quos velut vineam ex Aegypto per fontem baptismi transtulisti, nullae peccatorum spinæ praevaleant: ut Spiritus tui sanctificatione muniti, perpetua fruge ditentur. Per eundem Dominum. in unitate ejusdem Spiritus sancti Deus.

Prophetia quinta. Baruch 3. b

Audi Israel mandata vitae: auribus percipe, ut scias prudentiam. Quid est Israel, quod in terra

inimicorum es? Inveterasti in terra aliena, coinquinatus es cum mortuis: deputatus es cum descendentibus in infernum. Dereliquisti fontem sapientiae. Nam si in via Dei ambulasses, habitasses utique in pace sempiterna. Disce ubi sit prudentia, ubi sit virtus, ubi sit intellectus: ut scias simul ubi sit longiturnitas vitae et victus, ubi sit lumen oculorum et pax. Quis invenit locum ejus? et quis intravit in thesauros ejus? Ubi sunt principes gentium, et qui dominantur super bestias, quae sunt super terram? qui in avibus coeli ludunt, qui argentum thesaurizant et aurum, in quo confidunt homines, et non est finis acquisitionis eorum? Qui argentum fabricant, et solliciti sunt, nec est inventio operum illorum? Exterminati sunt, et ad inferos descendérunt, et alii loco eorum surrexérunt. Juvenes viderunt lumen, et habitaverunt super terram: viam autem disciplinae ignoraverunt, neque intellexerunt semitas ejus, neque filii eorum suscepérunt eam: à facie ipsorum longe facta est, non est audita in terra Chanaan, neque visa est in Theman. Filii quoque Agar, qui exquirunt prudentiam quae de terra est, negotiatores Merhæ, et Theman, et fabulatores, et exquisitores prudentiae, et intelligentiae: viam autem sapientiae nesciérunt, neque commemorati sunt semitas ejus. O Israel, quam magna est domus Dei, et ingens locus possessionis ejus! Magnus est, et non habet finem: excelsus et immensus. Ibi fuerunt gigantes nominati illi, qui ab initio fuerunt, statūra magna, scientes bellum. Non hos elegit Dominus, neque viam disciplinae invenérunt, propterea perierunt. Et quoniam non habuerunt sapientiam, interiérunt propter suam insipientiam. Quis ascendit in caelum, et accepit eam, et eduxit eam de nubibus? Quis transfretavit mare, et invenit illam, et attulit illam super aurum electum?

In Vigilia Pentecostes.

Non est qui possit scire vias ejus, neque qui exquirat sémitas ejus: sed qui scit universa, novit eam, et adinvénit eam prudentia sua: qui præparávit terram in ætérno témpore, et replévit eam pecúdis, et quadrupédibus: qui emittit lumen, et vadit: et vocávit illud, et obédit illi in tremóre. Stellæ autem dedérunt lumen in custódiis suis, et lætátæ sunt: vocátæ sunt, et dixerunt: Adsumus: et luxérunt ei cum jucunditáte, qui fecit illas. Hic est Deus noster, et non æstimábitur álius advérsus eum. Hic adinvénit omnem viam disciplínæ, et trádedit illam Jacob púero suo, et Israel dilécto suo. Post hæc in terris visus est, et cum homínibus conversátus est.

Orémus.

Oratio.

DEus, qui nobis per Prophetárum ora præcepísti temporália relínquere, atque ad ætérna festináre: da fámulis tuis; ut, quæ à te jussa cognóvimus, implére cœlesti inspiratióne valeámus. Per Dóminum.

Prophetia sexta. Ezech. 37.

IN diébus illis: Facta est super me manus Dómini, et edúxit me in spíritu Dómini, et dimísit me in médio campi, qui erat plenus óssibus: et circumdúxit me per ea in gyro: erant autem multa valde super fáciem campi, síccaque vehementer. Et dixit ad me: Fili hóminis putásne vivent ossa ista? Et dixi: Dómine Deus, tu nosti. Et dixit ad me: Vaticináre de óssibus istis: et dices eis: Ossa árida audíte verbum Dómini. Hæc dicit Dóminus Deus óssibus his: Ecce ego intromíttam in vos spíritum, et vivétis. Et dabo super vos nervos, et succréscere fáciem super vos carnes, et superexténdam in vobis cutem, et dabo vobis spíritum, et vivétis, et sciétis quia ego Dóminus. Et prophetávi sicut præcéperat mihi: factus est autem sónitus prophetánte me, et

ecce commótió: et accessérunt ossa ad ossa, unumquódque ad junctúram suam. Et vidi, et ecce super ea nervi et carnes ascendérunt: et exténta est in eis cutis désuper; et spíritum non habébant. Et dixit ad me: Vaticináre ad spíritum: vaticináre fili hóminis, et dices ad spíritum: Hæc dicit Dóminus Deus: A quátuor ventis veni spíritus, et insúffla super interféctos istos, et revivíscant. Et prophetávi sicut præcéperat mihi: et ingressus est in ea spíritus, et vixérunt: steterúntque super pedes suos, exercitus grandis nimis valde. Et dixit ad me: Fili hóminis, ossa hæc universa, domus Israel est: ipsi dicunt: Aruérunt ossa nostra, et périit spes nostra, et abscíssi sumus. Proptérea vaticináre, et dices ad eos: Hæc dicit Dóminus Deus: Ecce ego apériam túmulos vestros, et edúcam vos de sepúlchris vestris pópulus meus: et indúcam vos in terram Israel. Et sciétis quia ego Dóminus, cum aperúero sepúlchra vestra, et edúxero vos de túmulis vestris pópule meus: et dédero spíritum meum in vobis, et vixéritis, et requiescere vos fáciem super humum vestram: dicit Dóminus omnípotens.

Orémus.

Oratio.

Domine Deus virtútum, qui colápsa réparas, et reparáta consérvas: auge pópulos in tui nóminis sanctificatióne renovándos; ut omnes, qui sacro baptísmate diluúntur, tua semper inspiratióne dirigántur. Per Dóminum.

¶ **His expletis, Celebrans accipit pluviale violaceum, et descendendo ad fontem cantatur Tractus Ps. 41.**

Sicut cervus desíderat ad fontes aquárum: ita desíderat ánima mea ad te, Deus.

V. Sitívit ánima mea ad Deum vivum: quando véniam, et apparebo ante fáciem Dei.

In Vigilia Pentecostes.

V. Fuérunt mihi lácrymæ meæ panes die ac nocte, dum dicitur mihi per singulos dies: Ubi est Deus tuus?

Deinde Sacerdos antequam intret ad benedictionem fontis, dicit

V. Dóminus vobiscum.

R. Et cum spíritu tuo.

Orémus.

Oratio.

Concède, quæsumus, omnipotens Deus: ut qui solemnitatem doni sancti Spíritus cólimus, cœlestibus desidériis accénsi, fontem vitæ sitiámus. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus.

Deinde proceditur ad benedictionem fontis, ut supra in Sabbato sancto fol. 173.

¶ Ubi vero non fuerint fontes, finita sexta Prophetia cum sua Oratione, Celebrans deponit casulam, et cum ministris ante Altare procumbit: et aliis omnibus genuflexis, cantantur Litaníæ a duobus cantoribus in medio Chori, utroque Choro idem simul respondente. Cum autem perventum fuerit ad V. Peccatóres, Te rogámus. Sacerdos, et ministri surgunt, et accedentes ad Sacristiam, induuntur paramentis rubeis, et accenduntur luminaria circa Altare. In fine Litaniarum cantantur solemniter, Kyrie eléison. pro Missa, et repetuntur, ut moris est. Quo incepto, Sacerdos cum ministris procedit ad Altare, et facit Confessionem: deinde ascendens, illud osculatur, et incensat more solito. Finitis Kyrie eléison. incipit solemniter, Glória in excélsis Deo. et campanæ pulsantur.

Oratio.

Præsta quæsumus omnipotens Deus, ut claritátis tuæ super nos

splendor effúlgeat: et lux tuæ lucis corda eórum, qui per grátiam tuam renáti sunt, sancti Spíritus illustratióne confirmet. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus.

Léctio Actuum Apostolorum.

Act. 19.

IN diébus illis: Factum est, cum Apóllo esset Corínthi, ut Paulus peragrátis superióribus pártibus veníret Ephesum, et inveníret quosdam discípulos: dixitque ad eos: Si Spíritum sanctum accepístis credéntes? At illi dixerunt ad eum: Sed neque si Spíritus sanctus est, audívimus. Ille vero ait: In quo ergo baptizáti estis? Qui dixerunt: In Joánnis baptísmate. Dixit autem Paulus: Joánnes baptizávit baptísmo pœniténtiæ pópulum, dicens: In eum, qui ventúrus esset post ipsum, ut créderent, hoc est, in Jesum. His audítis, baptizáti sunt in nómine Dómini Jesu. Et cum imposuísset illis manus Paulus, venit Spíritus sanctus super eos, et loquebántur linguis, et prophétábant. Erant autem omnes viri fere duódecim. Introgréssus autem synagógam, cum fidúcia loquebátur per tres menses, disputans, et suádens de regno Dei.

Allelúja.

V. Psal. 106. Confitémini Dómino, quóniam bonus: quóniam in sœculum misericórdia ejus.

Non repetitur, Allelúja. sed immediate sequitur Tractus. Psal. 116.

Laudáte Dóminum omnes gentes: et collaudáte eum omnes pópuli.

V. Quóniam confirmáta est super nos misericórdia ejus: et véritas Dómini manet in ætérnum.

Ad Evangelium non portantur luminaria, sed incensum tantum.

In Vigilia Pentecostes.

Sequéntia sancti Evangélii secúndum Jóannem. Joan. 14. b

IN illo témpore: Dixit Jesus discipulis suis: Si diligitis me, mandata mea serváte. Et ego rogábo Patrem, et álium Paráclitum dabit vobis, ut máneat vobíscum in ætérnum, Spíritum veritátis, quem mundus non potest accípere, quia non videt eum, nec scit eum. Vos autem cognoscétis eum; quia apud vos manébit, et in vobis erit. Non relínquam vos órphanos: véniam ad vos. Adhuc módicum; et mundus me jam non videt. Vos autem vidétis me, quia ego vivo, et vos vivétis. In illo die vos cognoscétis, quia ego sum in Patre meo, et vos in me, et ego in vobis. Qui habet mandata mea, et servat ea, ille est, qui diligit me. Qui autem diligit me, diligétur à Patre meo; et ego diligam eum, et manifestábo ei meípsum.

Non dicitur Credo.

Offertorium. Ps. 103. Emítte Spíritum tuum, et creabúntur, et renovábis fáciem terræ: sit glória Dómini in sæcula, allelúja.

Secreta.

MUnera, quæsumus Dómine, oblata sanctífica: et corda nostra sancti Spíritus illustratióne emúnda. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus.

Præfatio. Qui ascéndens super omnes cœlos, fol. 196 vel 216.

Infra actionem. Communicántes, et diem sacratíssimum Pentecóstes celebrántes et Hanc igitur oblatiónem. ut supra post Præfationem ejusdem solemnitatis, fol. 197 vel 216.

Et dicuntur usque ad sequens Sabbatum inclusive.

Communio. Joan. 7. Ultimo festivitátis die dicébat Jesus: Qui in me credit, flúmina de ventre ejus fluent aquæ vivæ: hoc autem dixit de Spíritu, quem acceptúri erant credéntes in eum, allelúja, allelúja.

Postcommunio.

Sancti Spíritus, Dómine, corda nostra mundet infúsió: et sui roris íntima aspersione fœcúndet. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus.

In Missis privatis hujus Vigiliæ, omissis Prophetiis, Orationibus et Litaniis, Missa absolute incipitur ab Introitu sequenti.

Introitus.

Ezech. 36.



Cum sanctificátus fúero in vobis, congregábo vos de univér-sis terris: et effúndam super vos aquam mundam, et mundabímmini ab ómnibus inquinaméntis vestris: et dabo vobis spíritum novum: Allelúja, allelúja.

Ps. 33. Benedicam Dóminum in omni témpore: semper laus ejus in ore meo.

V. Glória Patri.

Deinde dicitur Kyrie eléison.

Glória in excélsis.

Oratio.

Præsta quæsumus omnípotens Deus, ut claritátis tuæ super nos splendor effúlgeat: et lux tuæ lucis corda eorum, qui per grátiam tuam renáti sunt, sancti Spíritus illustratióne confirmet. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus sancti Deus.

In Vigilia Pentecostes.

Lectio Actuum Apostolorum.

Act. 19.

IN diébus illis: Factum est, cum Apóllo esset Corínthi, ut Paulus peragrátis superióribus pártibus veníret Ephesum, et inveníret quosdam discipulos: dixítque ad eos: Si Spíritum sanctum accepístis credéntes? At illi dixerunt ad eum: Sed neque si Spíritus sanctus est, audívimus. Ille vero ait: In quo ergo baptizáti estis? Qui dixerunt: In Joánnis baptísmate. Dixit autem Paulus: Joánnes baptizávit baptísmate pœniténtiæ pópulum, dicens: In eum, qui ventúrus esset post ipsum, ut créderent, hoc est, in Jesum. His audítis, baptizáti sunt in nómine Dómini Jesu. Et cum imposuísset illis manus Paulus, venit Spíritus sanctus super eos, et loquebántur linguis, et prophe-

tábant. Erant autem omnes viri fere duódecim. Introgréssus autem synagógam, cum fidúcia loquebátur per tres menses, disputans, et suádens de regno Dei.

Allelúja.

V. Psal. 106. Confitémini Dómino, quóniam bonus: quóniam in sœculum misericórdia ejus.

Non repetitur, Allelúja. sed immediate sequitur Tractus. Psal. 116.

Laudáte Dóminum omnes gentes: et collaudáte eum omnes pópuli.

V. Quóniam confirmáta est super nos misericórdia ejus: et véritas Dómini manet in ætérnum.

Evangelium et reliqua ut supra fol. 260.





DOMINICA

PENTECOSTES.

Statio ad sanctum Petrum.

Sap. 1.



Introitus.

Spiritus
Dómini
replévit
orbem
terrá-
rum, al-
lelúja :
et hoc

quod cóninet ómnia,
sciéntiam habet vocis,
allelúja, allelúja, allel.

Ps. 76. Exúrgat De-
us, et dissipéntur ini-
míci ejus: et fúgiant qui
odérunt eum, à fácie
ejus. **V.** Glória Patri.

Oratio.

Deus, qui hodiérna
die corda fidélium
sancti Spíritus illustra-
tíone docuísti: da nobis
in eódem Spíritu recta
sápere, et de ejus sem-
per consolatióne gau-
dère. Per Dóminum.
in unitáte ejúsdem Spí-
ritus sancti Deus.

Léctio Actuum Apostolorum. Act. 2.

Cum compleréntur dies Pentecó-
stes, erant omnes discípuli pá-

riter in eódem loco: et factus est
repénite de cœlo sonus, tamquam ad-
veniéntis spíritus veheméntis: et
replévit totam domum ubi erant se-
déntes. Et apparuérunt illis dispertitæ
linguæ tamquam ignis, sedítque supra
singulos eórum: et repléti sunt omnes
Spíritu sancto, et cœpérunt loqui
váriis linguis, prout Spíritus sanctus
dabat éloqui illis. Erant autem in
Jerúsalem habitántes Judæi, viri
religiósi ex omni natióne, quæ sub
cœlo est. Facta autem hac voce, con-
venit multitúdo, et mente confúsa
est, quóniam audiébat unusquisque
lingua sua illos loquéntes. Stupébant
autem omnes, et mirabántur, dicén-
tes: Nonne ecce omnes isti, qui lo-
quúntur, Galilæi sunt? Et quómodo
nos audívimus unusquisque linguam
nostram, in qua nati sumus? Parthi,
et Medi, et Ælamítæ, et qui hábitant
Mesopotámiam, Judæam, et Cappa-
dóciam, Pontum, et Asiam, Phry-
giam, et Pamphyliam, Ægyptum, et
partes Libyæ, quæ est circa Cyrénen,
et ádvenæ Románi, Judæi quoque, et
Prosélyti, Cretes, et Arabes: audívi-
mus eos loquéntes nostris linguis
magnália Dei.

Allelúja, allelúja.

V. Psal. 103. Emítte Spíritum tuum
et creabúntur: et renovábis fáciem
terræ. **Allelúja.**

Hic genuflectitur. V. Veni sancte
Spíritus, reple tuórum corda fidélium:
et tui amóris in eis ignem accénde.

Feria secunda post Pentecosten.

Sequentia.

Veni sancte Spíritus, et emítte
cœlitus lucis tuæ rádiu.

Veni pater páuperum, veni dator
múnerum, veni lumen córdium.

Consolátor óptime, dulcis hospes áni-
mæ, dulce refrigerium.

In labóre réquies, in æstu tempéries,
in fletu solátium.

O lux beatíssima, reple cordis íntima
tuórum fidélium.

Sine tuo númine, nihil est in hómine,
nihil est innóxiu.

Lava quod est sórdidum, riga quod
est áridum, sana quod est sáuciu.

Flecte quod est rígidum, fove quod
est frígidum, rege quod est déviu.

Da tuis fidélibus, in te confidéntibus,
sacrum septenáriu.

Da virtútis méritu, da salútis éxi-
tu, da perénne gáudiu. Amen.
Allelúja.

**Et dicitur quotidie usque ad sequens
Sabbatum inclusive.**

**Sequentia sancti Evangélíi se-
cúndum Joánnem. Joan. 14. c**

IN illo témpore: Dixit Jesus discí-
pulis suis: Si quis diligit me, ser-
mónem meum servábit, et Pater
meus diliget eum, et ad eum veni-
mus, et mansiónem apud eum faci-
emus: qui non diligit me, sermónes
meos non servat. Et sermónem quem
audístis, non est meus; sed ejus, qui
misit me, Patris. Hæc locútus sum
vobis, apud vos manens. Paráclitus
autem Spíritus sanctus, quem mittet
Pater in nómine meo, ille vos docé-
bit ómnia, et súggeret vobis ómnia,
quæcúmque díxero vobis. Pacem re-
líquo vobis, pacem meam do vobis:
non quómodo mundus dat, ego do
vobis. Non turbétur cor vestrum, ne-
que formídet. Audístis quia ego dixi
vobis: Vado, et vénio ad vos. Si
diligérétis me, gauderétis útique, quia
vado ad Patrem; quia Pater major
me est. Et nunc dixi vobis priúsquam
fiat: ut cum factum fúerit, credátis.
Jam non multa loquar vobíscum. Ve-

nit enim princeps mundi hujus, et in
me non habet quidquam. Sed ut
cognóscat mundus, quia díligo Pa-
trem, et sicut mandátum dedit mihi
Pater, sic fácio. **Credo.**

**Offertorium. Ps. 67. Confírma hoc
Deus, quod operátus es in nobis: à
templo tuo quod est in Jerúsalem,
tibi ófferent reges múnera, allelúja.**

Secreta.

Munera, quæsumus Dómine, ob-
lata sanctífica: et corda nostra
sancti Spíritus illustratióne emúnda.
Per Dóminu. in unitáte ejúsdem
Spíritus sancti Deus.

**Præfat. Qui ascéndens. Commu-
nicántes. et Hanc igitur. fol. 196.
vel 216.**

**Communio. Act. 2. Factus est re-
pente de cœlo sonus tamquam adve-
niéntis spíritus veheméntis, ubi erant
sedéntes, allelúja: et repléti sunt o-
mnes Spírítu sancto, loquéntes ma-
gnália Dei, allelúja, allelúja.**

Postcommunio.

Sancti Spíritus, Dómine, corda
nostra mundet infúsió, et sui
roris íntima aspersione fœcúndet. Per
Dóminu. in unitáte ejúsdem Spí-
tus sancti Deus.

**¶ Infra Octav. Pentecostes non fit
de aliquo Festo Duplici, vel Semi-
duplici, sed post Octavam celebran-
tur: de Simplici occurrenti post tri-
duum fit commem. tantum.**

FERIA SECUNDA
post Pentecosten.

Statio ad S. Petrum ad Vincula.

Introitus.

Psal. 80.



Ibávit eos ex ádi-
pe fruménti, allelúja: et
de petra melle satu-
rávit eos, allelúja,
allelúja.

**Psal. ibid. Exultáte
Deo adjutóri nostro: jubiláte Deo
Jacob.**

V. Glória Patri.

Feria iii. post Pentecosten.

Oratio.

DEus, qui Apóstolis tuis sanctum dedisti Spíritum: concéde plebi tuæ piæ petitionis effectum; ut quibus dedisti fidem, largiáris et pacem. Per Dóminum. in unitáte ejúsdem Spíritus sancti Deus.

Lectio Actuum Apostolorum.

Act. 10. f

IN diébus illis: Apériens Petrus os suum, dixit: Viri fratres, nobis præcepit Dóminus prædicáre pópulo, et testificári, quia ipse est, qui constitútus est à Deo iudex vivórum et mortuórum. Huic omnes Prophætæ testimónium pérhibent, remissionem peccatórum accípere per nomen ejus omnes, qui crédunt in eum. Adhuc loquente Petro verba hæc, cecidit Spíritus sanctus super omnes, qui audiébant verbum. Et obstupuérunt ex circumcisióne fidéles, qui vénerant cum Petro: quia et in natiónes grátia Spíritus sancti effúsa est. Audiébant enim illos loquéntes linguis, et magnificántes Deum. Tunc respóndit Petrus: Numquid aquam quis prohibére potest, ut non baptizéntur hi, qui Spíritum sanctum accepérunt sicut et nos? Et jussit eos baptizári in nómine Dómini Jesu Christi.

Allelúja, allelúja.

V. Act. 2. Loquebántur váriis linguis Apóstoli magnália Dei. Allelúja.

Hic genuflectitur. V. Veni sancte Spíritus, reple tuórum corda fidélium: et tui amoris in eis ignem accénde.

Sequentia. Veni sancte Spíritus. ut supra in Dominica fol. 264.

Sequentia sancti Evangélii secundum Joánnem. Joan. 3. b

IN illo témpore: Dixit Jesus Nicodémo: Sic Deus diléxit mundum, ut Fílium suum unigénitum daret: ut omnis, qui credit in eum, non péreat, sed hábeat vitam ætérnam. Non enim misit Deus Fílium suum in mundum, ut júdicet mundum, sed ut salvétur mundus per ipsum. Qui credit in eum, non judicátur: qui

autem non credit, jam judicátus est: quia non credit in nómine unigéniti Fílii Dei. Hoc est autem judícium: quia lux venit in mundum, et dilexérunt hómínes magis ténebras, quam lucem: erant enim eórum mala ópera. Omnis enim qui male agit, odit lucem, et non venit ad lucem, ut non arguántur ópera ejus: qui autem facit veritátem, venit ad lucem, ut manifesténtur ópera ejus, quia in Deo sunt facta. **Credo.**

Offertorium. Psal. 17. Intónuit de cælo Dóminus, et Altíssimus dedit vocem suam: et apparuérunt fontes aquárum, allelúja. **Secreta.**

Propítius, Dómine quæsumus, hæc dona sanctífica: et hóstiæ spiritalis oblatiône suscepta, nosmet-ipsos tibi pérfice munus ætérnum. Per Dóminum.

Communio. Joan. 14. Spíritus sanctus docébit vos allelúja: quæcúmque dixeró vobis, allelúja, allelúja.

Postcommunio.

ADesto, quæsumus Dómine, pópulo tuo: et quem mystériis cœléstibus imbuísti, ab hóstium furóre defénde. Per Dóminum.

FERIA TERTIA

post Pentecosten.

Statio ad sanctam Anastasiam.

Introitus.

4. Esd. 2.



Ccípíte jucunditátem glóriæ vestræ, allelúja: grátias ágéntes Deo, allelúja: qui vos ad cœléstia regna vocávit, allelúja, allelúja, allelúja.

Ps. 77. Atténdite pópule meus legem meam: inelináte aurem vestram in verba oris mei.

V. Glória Patri.

Oratio.

ADsit nobis, quæsumus Dómine, virtus Spíritus sancti: quæ et corda nostra cleménter expúrget, et

Feria iv. Quatuor Temporum Pentec.

ab ómnibus tueátur advérsis. Per Dóminum. in unitáte ejúsdem Spíritus sancti Deus.

Lectio Actuum Apostolorum.

Act. 8. c.

IN diébus illis: Cum audissent Apóstoli, qui erant Jerosólymis, quod recepisset Samária verbum Dei, miserunt ad eos Petrum et Joánnem. Qui cum venissent, oraverunt pro ipsis ut acciperent Spíritum sanctum: nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, et accipiébant Spíritum sanctum.

Allelúja, allelúja.

V. Joan. 14. Spíritus sanctus docébit vos quaecúmque díxero vobis. **Allelúja.**

Hic genuflectitur. V. Veni sancte Spíritus, reple tuórum corda fidélium: et tui amoris in eis ignem accénde.

Sequentia. Veni sancte Spíritus. ut supra in Dominica. fol. 264.

Sequentia sancti Evangélii secundum Joánnem. Joan. 10.

IN illo témpore: Dixit Jesus Pharisæis: Amen, amen dico vobis: qui non intrat per óstium in ovíle ovium, sed ascéndit aliúnde; ille fur est et latro. Qui autem intrat per óstium, pastor est ovium. Huic ostiárius áperit, et oves vocem ejus ádiunt, et próprias oves vocat nominátim, et edúcit eas. Et cum próprias oves emiserit, ante eas vadit: et oves illum sequúntur, quia sciunt vocem ejus. Aliénium autem non sequúntur, sed fúgiunt ab eo: quia non novérunt vocem alienórum. Hoc provérbium dixit eis Jesus. Illi autem non cognovérunt quid loquerétur eis. Dixit ergo eis íterum Jesus: Amen, amen dico vobis, quia ego sum óstium ovium. Omnes quotquot venérunt, fures sunt, et latrónes, et non audierunt eos oves. Ego sum óstium. Per me si quis introíerit, salvábitur: et ingrediétur, et egrediétur, et páscua invéniet. Fur

non venit nisi ut furétur, et mactet, et perdat. Ego veni ut vitam hábeant, et abundantius hábeant. **Credo.**

Offertorium. Psal. 77. Portas cœli apérui Dóminus: et pluit illis manna, ut éderent: panem cœli dedit eis, panem Angelórum manducávit homo, allelúja.

Secreta.

Puríficet nos, quæsumus Dómine, múnere præséntis oblátio: et dignos sacra participatióne efficiat. Per Dóminum nostrum.

Communio. Joan. 15. 16. et 17. Spíritus qui à Patre procedit, allelúja: ille me clarificábit, allelúja, allelúja.

Postcommunio.

Mentes nostras, quæsumus Dómine, Spíritus sanctus divinis réparet sacraméntis: quia ipse est remissio ómnium peccatórum. Per Dóminum. in unitáte ejúsdem Spíritus sancti Deus.

FERIA QUARTA

Quatuor Temporum Pentecostes.

Statio ad sanctam Mariam majorem.

Introitus. Ps. 67.

DEus, dum egredere-ris coram pópulo tuo, iter fáciens eis, hábitans in illis, allelúja: terra mota est, cœli distillavérunt, allelúja, allelúja.

Ps. ibid. Exúrgat Deus, et dissipén-tur inimíci ejus: et fúgiant, qui odérunt eum, à fácie ejus.

V. Glória Patri.

Post Kyrie eléison. dicitur, Orémus, et non dicitur, Flectámus gēnua.

Oratio.

Mentes nostras, quæsumus Dómine, Paráclitus, qui à te procedit, illúminet: et indúcat in omnem, sicut tuus promísit Fílius, veritátem. Qui tecum vivit, et regnat in unitáte ejúsdem Spíritus sancti Deus.

Feria iv. Quatuor Temporum Pentec.

Lectio Actuum Apostolorum.

Act. 2. b

IN diébus illis: Stans Petrus cum undecim, levávit vocem suam, et locútus est eis: Viri judæi, et qui habitátis Jerúsalem univérsi, hoc vobis notum sit, et áuribus percípите verba mea. Non enim, sicut vos aestimátis, hi ébrii sunt, cum sit hora diéi tértia: sed hoc est, quod dictum est per Prophétam Joél: Et erit in novíssimis diébus (dicit Dóminus) effúndam de Spíritu meo super omnem carnem, et prophetábunt filii vestri, et filiae vestrae, et júvenes vestri visiones vidébunt, et senióres vestri sómnia somniábunt. Et quidem super servos meos, et super ancillas meas in diébus illis effúndam de Spíritu meo, et prophetábunt: et dabo prodígia in cœlo sursum, et signa in terra deórsum, sánguinem, et ignem, et vapórem fumi. Sol convertétur in ténebras et luna in sánguinem, ántequam véniat dies Dómini magnus et manifestus. Erit: omnis quicúmque invocáverit nomen Dómini, salvus erit.

Allelúja. **V. Ps. 32.** Verbo Dómini cœli firmáti sunt: et spíritu oris ejus omnis virtus eórum.

Hic dicitur, Glória in excelsis Deo. et postea Dóminus vobiscum.

Oratio.

PRæsta quæsumus omnípotens et miséricors Deus: ut Spíritus sanctus advéniens, templum nos glóriæ suæ dignánter inhabitándo perficiat. Per Dóminum. in unitáte ejúsdem Spíritus sancti Deus.

Ab hac die usque ad Sabbatum sequens inclusive, post Orationem diéi dicitur.

Contra persecutores Ecclesiæ.

Oratio.

ECclésiæ tuæ, quæsumus Dómine, preces placátus admítte: ut destrúctis adversitatibus et erróribus univérsis, secúra tibi sérviat libertáte. Per Dóminum nostrum.

Vel pro Papa.

Oratio.

DEus ómnium fidélium Pastor et rector, fámulum tuum **N.** quem pastórem Ecclesiæ tuæ præesse voluísti, propítius réspice: da ei, quæsumus, verbo et exémplo, quibus præest, proficere; ut ad vitam, una cum grege sibi crédito, pervéniat sempitérnam. Per Dóminum nostrum.

Occurrente Festo simplici omittitur Oratio Ecclesiæ tuæ, vel pro Papa.

Lectio Actuum Apostolorum.

Act. 5. b

IN diébus illis: Per manus autem Apostolorum fiébant signa et prodígia multa in plebe. Et erant unánimiter omnes in pórticu Salomónis. Ceterórum autem nemo audébat se conjúngere illis: sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in platéas ejicerent infirmos, et pónerent in lectulis ac grabátis, ut, veniente Petro, saltem umbra illíus obumbráret quemquam illórum, et liberaréntur ab infirmitatibus suis. Concurrébat autem et multitúdo vicinárum civitátum Jerúsalem, afferéntes ægros, et vexátos à spirítibus immúndis: qui curabántur omnes.

Allelúja, allelúja. **Hic genuflectitur.** **V.** Veni sancte Spíritus, reple tuórum corda fidélium: et tui amoris in eis ignem accénde.

Sequentia. Veni sancte Spíritus. ut supra in Dominica. fol. 264.

Sequentia sancti Evangélii secundum Joánnem. Joan. 6. e

IN illo témpore: Dixit Jesus turbis Judæórum: Nemo potest venire ad me, nisi Pater, qui misit me, tráxerit eum: et ego resuscitábo eum in novíssimo die. Est scriptum in Prophétis: Et erunt omnes docíbles Dei. Omnis, qui audívit à Patre, et didicit, venit ad me. Non quia Patrem vidit quisquam, nisi is, qui est à Deo, hic vidit Patrem. Amen, amen dico vobis: qui credit in me, habet vitam

Feria v. post Pentecosten.

ætérnam. Ego sum panis vitæ. Patres vestri manducaverunt manna in deserto, et mortui sunt. Hic est panis de cælo descendens: ut si quis ex ipso manducaverit, non moriatur. Ego sum panis vivus, qui de cælo descendi. Si quis manducaverit ex hoc pane, vivet in ætérnum: et panis, quem ego dabo, caro mea est pro mundi vita. **Credo.**

Offertorium. Psal. 118. Meditabor in mandatis tuis, quæ dilexi valde: et levabo manus meas ad mandata tua quæ dilexi, allelúja. **Secreta.**

Accipe, quæsumus Dómine, munus oblátum: et dignanter operare, ut, quod mystériis ágimus, piis effectibus celebrémus. Per Dóminum. **Alia Secreta.**

Prótege nos, Dómine, tuis mystériis serviéntes: ut divinis rebus inhæréntes, et corpore tibi famulémur et mente. Per Dóminum.

Vel pro Papa. Secreta.

Oblátis, quæsumus Dómine, placare munéribus: et famulum tuum **N.** quem pastórem Ecclesiæ tuæ præesse voluisti, assídua protectione gubérna. Per Dóminum.

Communio. Joan. 14. Pacem relinquo vobis, allelúja: pacem meam do vobis, allelúja, allelúja.

Postcommunio.

Suméntes, Dómine, cœléstia sacraménta, quæsumus cleméntiam tuam: ut quod temporáliter gérimus, ætérnis gaudiis consequámur. Per Dóminum.

Alia Postcommunio.

Quæsumus Dómine Deus noster: ut quos divína tríbuis participatione gaudere, humánis non sinas subiacere periculis. Per Dóminum.

Vel pro Papa. Postcommunio.

Hæc nos, quæsumus Dómine, divíni sacraménti percéptio próteget: et famulum tuum **N.** quem pastórem Ecclesiæ tuæ præesse voluisti, una cum commisso sibi grege, salvet semper, et múniat. Per Dñm.

FERIA QUINTA

post Pentecosten.

Statio ad S. Laurentium extra muros.

Introitus. Sap. 1.



Spíritus Dómini replevit orbem terrarum, allelúja: et hoc quod contémnet ómnia, sciéntiam habet vocis, allelúja, allelúja, allelúja.

Psal. 67. Exúrgat Deus, et dissipéntur inimíci ejus: et fúgiant, qui odérunt eum, à fácie ejus.

V. Glória Patri.

Oratio.

Deus, qui hodiérna die corda fidélium sancti Spíritus illustratione docuisti: da nobis in eodem Spíritu recta sápere, et de ejus semper consolatione gaudere. Per Dóminum. in unitáte ejúsdem Spíritus sancti Deus.

Alia Oratio, Ecclesiæ tuæ, vel Deus ómnium. ut supra. fol. 267.

Lectio Actuum Apostolorum. Act. 8.

In diébus illis: Philíppus descendens in civitátem Samáriæ, prædicábat illis Christum. Intendébant autem turbæ his, quæ à Philíppo dicebántur, unánimiter audiéntes, et vidéntes signa quæ faciébat. Multi enim eórum, qui habébant spíritus immúndos, clamántes voce magna exhibant. Multi autem paralytici et claudi curáti sunt. Factum est ergo gáudium magnum in illa civitáte.

Allelúja, allelúja.

V. Psal. 103. Emítte spíritum tuum, et creabúntur: et renovábis fáciem terræ. Allelúja.

Hic genuflectitur. V. Veni sancte Spíritus, reple tuórum corda fidélium: et tui amóris in eis ignem accénde.

Sequentia. Veni sancte Spíritus. ut supra in Dominica. fol. 264.

Feria vi. Quatuor Temporum Pentec.

**Sequéntia sancti Evangélíi se-
cúndum Lucam. Lucæ 9.**

IN illo témpore: Convocáti Jesus duódecim Apóstolis, dedit illis virtútem, et potestátem super ómnia dæmónia, et ut languóres curárent. Et misit illos prædicáre regnum Dei, et sanáre infirmos. Et ait ad illos: Nihil tuléritis in via, neque virgam, neque peram, neque panem, neque pecúniám, neque duas túnicas habéatis. Et in quamcúmque domum intravéritis, ibi manéte, et inde ne exeátis. Et quicúmque non recéperint vos: exeúntes de civitáte illa, étiam púlverem pedum vestrórum excútite in testimónium supra illos. Egréssi autem circuíbant per castélla, evangelizántes, et curántes ubique. **Credo.**

Offertorium. Ps. 67. Confirma hoc Deus, quod operátus es in nobis: à templo tuo, quod est in Jerúsalem, tibi ófferent reges munera, allelúja.

Secreta.

Munera, quæsumus Dómine, obláta sanctífica: et corda nostra sancti Spíritus illustratióne emúnda. Per Dóminum. in unitáte ejúsdem Spíritus sancti Deus.

Alia Secreta. Prótege nos, **vel O** blatis, quæsumus. **ut supra** fol. 268.

Communio. Act. 2. Factus est repente de cælo sonus tamquam adveniéntis spíritus veheméntis, ubi erant sedéntes, allelúja: et repléti sunt omnes Spíritu sancto, loquéntes magnália Dei, allelúja, allelúja.

Postcommunio.

Sancti Spíritus, Dómine, corda nostra mundet infúsió: et sui ro-
ris íntima aspersione fœcúndet. Per Dóminum. in unitáte ejúsdem Spíritus sancti Deus.

Alia Postcommunio. Quæsumus Dómine, **vel Hæc** nos. **ut supra in Feria quarta.** fol. 268.

FERIA SEXTA

Quatuor Temporum Pentecostes.

Statio ad sanctos duodecim Apostolos.

Introitus.

Psal. 70.



Epleátur os meum laude tua, allelúja: ut possim cantáre, allelúja: gaudébunt lábia mea, dum cantávero tibi, allelúja, allelúja.

Psal. ibid. In te Dómine sperávi, non confúndar in ætérnum: in justítia tua libera me, et éripe me.

V. Glória Patri.

Oratio.

DA, quæsumus, Ecclesiæ tuæ miséricors Deus: ut sancto Spíritu congregáta, hostíli nullátenus incursióne turbétur. Per Dóminum. in unitáte ejúsdem Spíritus sancti Deus.

Secunda Oratio, Ecclesiæ tuæ, vel Deus ómnium. ut supra in Feria quarta. fol. 267.

Léctio Joélis Prophætæ. Joélis 2. e

Hæc dicit Dóminus Deus: Exultáte filii Sion, et lætámini in Dómino Deo vestro: quia dedit vobis doctórem justítiæ, et descéndere fáciat ad vos imbrem matutínium et serótinum, sicut in princípio. Et implebúntur áreæ fruménto, et redundábunt torculária vino et óleo. Et comedétis vescéntes, et saturabímmini, et laudábitis nomen Dómini Dei vestri, qui fecit mirabilia vobíscum: et non confundétur pópulus meus in sempitérnum. Et sciétis quia in médio Israel ego sum: et ego Dóminus Deus vester, et non est ámplius: et non confundétur pópulus meus in ætérnum: ait Dóminus omnipotens.

Allelúja, allelúja.

V. Sap. 12. O quam bonus, et suavis est, Dómine, Spíritus tuus in nobis! Allelúja.

Hic genuflectitur. V. Veni sancte Spíritus, reple tuórum corda fidélium: et tui amóris in eis ignem accénde.

Sabbato Quatuor Temporum Pentec.

Sequentia. Veni sancte Spíritus. *ut supra in Dóminica.* fol. 264.

Sequentia sancti Evangélíi secúndum Lucam. **Lucæ 5. c**

IN illo témpore: Factum est in una diérum, et Jesus sedébat docens. Et erant Pharisæi sedéntes, et legis doctóres, qui vénerant ex omni castélló Galilææ, et Judææ, et Jerúsalem: et virtus Dómini erat ad sanándum eos. Et ecce viri portántes in lecto hóminem, qui erat paralyticus: et quærébant eum inférre, et pónere ante eum. Et non inveniéntes qua parte illum inférrent præ turba, ascendérunt supra tectum, et per tégulas summisérunt eum cum lecto in médium ante Jesum. Quorum fidem ut vidit, dixit: Homo, remittúntur tibi peccáta tua. Et cœpérunt cogitáre Scribæ et Pharisæi, dicéntes: Quis est hic, qui lóquitur blasphémias? Quis potest dimíttre peccáta, nisi solus Deus? Ut cognóvit autem Jesus cogitatíones eórum, respóndens dixit ad illos: Quid cogitátis in córdibus vestris? Quid est facílius dícere: dimittúntur tibi peccáta; an dícere: surge, et ámbula? Ut autem sciátis quia Fílius hóminis habet potestátem in terra dimitténdi peccáta (ait paralytico): Tibi dico, surge, tolle lectum tuum, et vade in domum tuam. Et conféstim consúrgens coram illis, tulit lectum, in quo jacébat: et ábiit in domum suam, magníficans Deum. Et stupor apprehéndit omnes, et magnificábant Deum. Et repléti sunt timóre, dicéntes: Quia vídimus mirabilia hódie. **Credo.**

Offertorium. Ps. 145. Lauda ánima mea Dóminum: laudábo Dóminum in vita mea: psallam Deo meo quámdiu ero, allelúja.

Secreta.

Sacrificia, Dómine, tuis obláta conspéctibus, ignis ille divinus absúmat, qui discipulórum Christi Fílii tui per Spíritum sanctum corda succéndit. Per eúmdem Dóminum.

in unitáte ejúsdem Spíritus sancti Deus.

Alia Secreta. Prótege nos, *vel Oblátis.* *ut in Feria quarta.* fol. 268.

Communio. Joan. 14. Non vos relínquam órphanos: véniam ad vos íterum, allelúja: et gaudébit cor vestrum, allelúja.

Postcommunio.

Sumpsimus, Dómine, sacri dona mystérii, humíliter deprecántes: ut quæ in tui commemoratióem nos fácere præcepísti, in nostræ proficiant infirmitátis auxílium. Qui vivis et regnas.

Altera Postcom. Quæsumus Dómine, *vel Hæc nos.* *ut in Feria iv.* fol. 268.

SABBATO

Quatuor Temporum Pentecostes.

Statío ad sanctum Petrum.

Introitus.

Rom. 5.



Aritas Dei diffúsa est in córdibus nostris, allelúja: per inhabitántem Spíritum ejus in nobis, allelúja, allelúja.

Psal. 102. Bénedic ánima mea Dómino: et ómnia quæ intra me sunt, nómini sancto ejus.

V. Glória Patri.

Post Kyrie eléison, *dicatur, Orémus, tantum, sine Flectámus génua. et similiter ad Orationes sequentes.*

Oratio.

Mentibus nostris, quæsumus Dómine, Spíritum sanctum benígnus infúnde: cujus et sapiéntia cón-diti sumus, et providéntia guberná-mur. Per Dóminum. in unitáte ejúsdem Spíritus sancti Deus.

Léctio Joélis Prophétæ. Joélis 2. f

Hæc dicit Dóminus Deus: Effúndam spíritum meum super omnem carnem: et prophetábunt fílii vestri, et fíliæ vestræ: senes vestri sómnia somniábunt, et júvenes vestri visiones vidébunt. Sed et super ser-

vos meos, et ancillas in diébus illis effúndam spíritum meum. Et dabo prodígia in cœlo, et in terra, sánguinem, et ignem, et vapórem fumi. Sol convertétur in ténebras, et luna in sánguinem: ántequam véniat dies Dómini magnus, et horribilis. Et erit: Omnis qui invocáverit nomen Dómini, salvus erit.

Allelúja. V. Joan. 6. Spíritus est qui vivíficat: caro autem non prodest quidquam.

Orémus.

Oratio.

Illo nos igne quæsumus Dómine, Spíritus sanctus inflámmet: quem Dóminus noster Jesus Christus misit in terram, et vóluit veheménter accéndi. Qui tecum vivit et regnat in unitáte ejúsdem Spíritus sancti Deus.

Léctio libri Levítici. Levit. 23. b

In diébus illis: Locútus est Dóminus ad Móysen, dicens: Lóquere filiis Israel, et dices ad eos: Cum ingressi fuéritis terram, quam ego dabo vobis, et messuérítis ségetem, ferétis manípulos spicárum, primítias messis vestræ ad sacerdotem: qui elevábit fascículum coram Dómino, ut acceptábile sit pro vobis, áltero die sábbati, et sanctificábit illum. Numerábitis ergo ab áltero die sábbati, in quo obtulistis manípulum primitiárum, septem hebdómadas plenas, usque ad álteram diem expletiónis hebdómadae séptimæ, idest, quinquaginta dies: et sic offerétis sacrificium novum Dómino ex ómnibus habitáculis vestris, panes primitiárum duos de duábus décimis similæ fermentatæ, quos coquétis in primítias Dómini. Et vocábitis hunc diem celebérrimum atque sanctíssimum: omne opus servíle non faciétis in eo. Legítimum sempitérnum erit in cunctis habitáculis, et generatiónibus vestris: dicit Dóminus omnipotens.

Allelúja. V. Job. 26. Spíritus ejus ornávit cœlos.

Orémus.

Oratio.

Deus, qui ad animárum medélam, jejúnii devotíone castigári cörpera præcepísti: concéde nobis propítius, et mente et cörpero tibi semper esse devótos. Per Dóminum.

Lectio libri Deuteronomii. Deut. 26.

In diébus illis: Dixit Móyses filiis Israel: Audi Israel, quæ ego præcípíio tibi hódie. Cum intráveris terram, quam Dóminus Deus tuus tibi datúrus est possidéndam, et obtinúeris eam, atque habitáveris in ea: tolles de cunctis frúgibus tuis primítias, et pones in cartállo, pergésque ad locum, quem Dóminus Deus tuus elégerit, ut ibi invocétur nomen ejus: accedésque ad sacerdotem, qui fuérit in diébus illis, et dices ad eum: Proíteor hódie coram Dómino Deo tuo, qui exaudivit nos, et respéxit humilitátem nostram, et labórem, atque angústiam: et edúxit nos de Ægypto in manu forti, et bráchio exténto, in ingénti pavóre, in signis atque porténtis: et introduxit ad locum istum, et trádedit nobis terram lacte et melle manántem. Et idcírco nunc óffero primítias frugum terræ, quam Dóminus dedit mihi: Et dimíttes eas in conspéctu Dómini Dei tui: et adoráto Dómino Deo tuo. Et epuláberis in ómnibus bonis, quæ Dóminus Deus tuus déderit tibi.

Allelúja. V. Act. 2. Cum compleréntur dies Pentecóstes, erant omnes páriter sedéntes.

Orémus.

Oratio.

Præsta, quæsumus omnipotens Deus: ut salutáribus jejúniis erudíti, ab ómnibus étiam vítiis abstinentes, propitiatióne tuam facílius impetrémus. Per Dóminum.

Léctio libri Levítici. Levit. 26.

In diébus illis: Dixit Dóminus ad Móysen: Lóquere filiis Israel, et dices ad eos: Si in præcéptis meis ambulavéritis, et mandáta mea custodiéritis, et fecéritis ea, dabo vobis plúvias, tempóribus suis, et terra

gignet germen suum, et pomis árbores replebúntur. Apprehéndet mészium tritúra vindémiam, et vindémia occupábit seméntem: et comedétis panem vestrum in saturitáte, et absque pavóre habitábitis in terra vestra. Dabo pacem in fínibus vestris: dormiétis, et non erit qui extérreat. Auferam malas béstias, et gládus non transíbit términos vestros. Persequémini inimícos vestros, et córruent coram vobis. Persequéntur quinque de vestris centum aliénos, et centum de vobis decem míllia: cadent inimíci vestri gládio in conspéctu vestro. Respiciam vos: et créscere fáciam: multiplicabímini, et firmábo pactum meum vobíscum. Comedétis vetustíssima véterum, et vétera novis superveniéntibus projiciétis. Ponam tabernáculum meum in médio vestri, et non abjiciet vos ánima mea. Ambulábo inter vos, et ero Deus vester, vosque éritis pópulus meus: dicit Dóminus omnipotens.

Allelúja. Hic genuflectitur. V. Veni sancte Spíritus, reple tuórum corda fidélium: et tui amóris in eis ignem accénde.

Orémus.

Oratio.

PRæsta, quæsumus omnipotens Deus, sic nos ab épulis carnálibus abstinére: ut à vítiis irruéntibus páriter jejunémus. Per Dóminum.

Léctio Daniélis Prophætæ. Dan. 3. e

IN diébus illis: Angelus Dómini descendit cum Azaría et sóciis ejus, in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadragínta novem: et erúpit, et incéndit quos réperit juxta fornácem de Chaldæis minístros regis, qui eam incendébant. Et non tétigit eos omníno ignis, neque contristávit, nec quidquam moléstię íntulit. Tunc hi tres, quasi ex uno ore laudábant, et glorificábant,

et benedicébant Deum in fornáce, dicéntes.

Hic non respondetur, Deo grátias.

Allelúja. V. Ibid. Benedíctus es Dómine Deus patrum nostrórum, et laudábilis in sæcula.

Finito Versu dicitur Glória in excelsis. Deinde, V. Dóminus vobíscum. **R.** Et cum spíritu tuo.

Orémus.

Oratio.

DEus, qui tribus púeris mitigásti flammam ignium: concéde propítius; ut nos fámulos tuos non exúrat flamma vitiórum. Per Dóminum.

Secunda Oratio. Ecclesiæ tuæ, vel Deus ómnium. ut supra in Feria quarta. fol. 267.

Léctio Epístolæ beáti Pauli Apóstoli ad Romános. Rom. 5.

FRatres: Justificáti ex fide, pacem habeámus ad Deum per Dóminum nostrum Jesum Christum: per quem et habémus accéssum per fidem in grátiam istam, in qua stamus, et gloriámur in spe glóriæ filiórum Dei. Non solum autem, sed et gloriámur in tribulatióibus: sciéntes quod tribulatio patiéntiam operátur, patiéntia autem probatióem, probatio vero spem, spes autem non confúndit: quia cáritas Dei diffúsa est in córdibus nostris per Spíritum sanctum, qui datus est nobis.

Tractus. Psal. 116. Laudáte Dóminum omnes gentes: et collaudáte eum omnes pópuli.

V. Quóniam confirmáta est super nos misericórdia ejus: et véritas Dómini manet in ætérnum.

Sequentia. Veni sancte Spíritus. ut supra in Dominica. fol. 264. sed in fine non dicitur Allelúja.



Sequentia sancti Evangélii secundum Lucam. Lucæ 4. f

IN illo témpore: Surgens Jesus de synagóga, introívit in domum Simónis. Socrus autem Simónis tenebátur magnis fébribus: et rogavérunt

Sabbato Quatuor Temporum Pentecost.

illum pro ea. Et stans super illam, imperavit febrī: et dimisit illam. Et continuo surgens, ministrabat illis. Cum autem sol occidisset, omnes qui habebant infirmos variis languoribus, ducebant illos ad eum. At ille singulis manus imponens, curabat eos. Exibant autem demonia a multis clamantia, et dicentia: Quia tu es Filius Dei: et increpans, non sinebat ea loqui, quia sciebant ipsum esse Christum. Facta autem die, egressus ibat in desertum locum, et turbæ requirerant eum, et venerunt usque ad ipsum: et detinebant illum ne discederet ab eis. Quibus ille ait: Quia et aliis civitatibus oportet me evangelizare regnum Dei: quia ideo missus sum. Et erat predicans in synagogis Galilææ. **Credo.**

Offertorium. Ps. 87. Dómine Deus salutis meæ, in die clamavi et nocte coram te: intret oratio mea in conspectu tuo Dómine, allelúja.

Secreta.

UT accepta tibi sint, Dómine, nostra jejúnia: præsta nobis, quæsumus, hujus múnere sacramenti purificatum tibi pectus offerre. Per Dóminum.

Altera Secreta, Prótege nos, vel Oblátis, quæsumus. fol. 268.


Communio. Joan. 3. Spíritus ubi vult spirat: et vocem ejus audis, allelúja, allelúja: sed nescis unde véniat, aut quo vadat, allelúja, allelúja, allelúja.

Postcommunio.

PRæbeant nobis, Dómine, divinum tua sancta fervorem: quo eorum páriter et actu delectémur, et fructu. Per Dóminum nostrum.

Altera Postcommunio, Quæsumus Dómine, vel Hæc nos. fol. 268.

Post Missam expirat tempus Paschale.



IN FESTO

SS. TRINITATIS.

Introitus.

Tob. 4.



Benedicta sit sancta Trinitas, atque indivisa unitas: confitebimur

ei, quia fecit nobiscum misericordiam suam.

Psal. 8. Domine Dominus noster, quam admirabile est nomen tuum in universa terra!

V. Glória Patri.

Oratio.

OMnipotens sempiternus Deus, qui dedisti famulis tuis in confessione veræ fidei, æternæ Trinitatis glóriam agnoscere, et in potentia majestatis adorare unitatem: quæsumus; ut ejusdem fidei firmitate, ab omnibus semper muniámur adversis. Per Dñm.

Deinde fit commemoratio de Dominica prima post Pentecosten.

Oratio.

Deus in te sperantium fortitúdo, adesto propitius invocationibus nostris: et quia sine te nihil potest mortális infirmitas, præsta auxilium gratiæ tuæ; ut in exequendis mandá-

tis tuis, et voluntate tibi et actione placeámus. Per Dóminum nostrum.

Lectio Epistolæ beati Pauli Apostoli ad Romános. Rom. 11. d

O Altitúdo divitiarum sapiéntiæ et sciéntiæ Dei: quam incomprehensibília sunt judícia ejus, et investigábiles viæ ejus! Quis enim cognóvit sensum Dómini? Aut quis consiliárius ejus fuit? Aut quis prior dedit illi, et retribuétur ei? Quóniam ex ipso, et per ipsum, et in ipso sunt ómnia: ipsi honor et glória in sæcula. Amen.

Graduale. Dan. 3. Benedictus es Domine, qui intuéris abyssos, et sedes super Chérubim.

V. Benedictus es Domine in firmamento cœli, et laudábilis in sæcula.

Allelúja, allelúja.

V. Benedictus es Domine Deus patrum nostrorum, et laudábilis in sæcula. Allelúja.

Sequéntia sancti Evangélíi secundum Matthæum. Matth. 28. d

IN illo témpore: dixit Jesus discipulis suis: Data est mihi omnis potestas in cœlo, et in terra. Eúntes ergo docéte omnes gentes, baptizántes eos in nómine Patris, et Fílii, et Spíritus sancti: docéntes eos serváre ómnia quæcúmque mandávi vobis. Et ecce ego vobiscum sum ómnibus diébus, usque ad consummationem sæculi. **Credo.**

Offertorium. Tob. 12. Benedictus sit Deus Pater, Unigenitúsque Dei Fílius, sanctus quoque Spíritus: quia fecit nobiscum misericordiam suam.

Dominica i. post Pentecosten.

Secreta.

Sanctifica, quæsumus Dómine Deus noster, per tui sancti nóminis invocatióem, hujus oblatióis hóstiam: et per eam nosmetipsos tibi pérfice munus ætérnum. Per Dóminum.

Pro Dominica.

Secreta.

Hostias nostras, quæsumus Dómine, tibi dicátas placátus assúme: et ad perpétuum nobis tríbe proveníre subsidiúm. Per Dóminum nostrum.

Præfatio. Qui cum unigénito Fílio tuo. fol. 197 vel 217.

Communio. Tobie 12. Benedícimus Deum cœli, et coram ómnibus vivéntibus confitébimur ei: quia fecit nobiscum misericórdiam suam.

Postcommunio.

Proficiat nobis ad salútem córporis et ánimæ, Dómine Deus noster, hujus sacraménti susceptiô: et sempitérnæ sanctæ Trinitátis, ejusdémque indivíduæ unitátis conféssio. Per Dóminum.

Pro Dominica. Postcommunio.

Tantis, Dómine, repléti munéribus, præsta quæsumus: ut et salutária dona capiámus, et à tua numquam laude cessémus. Per Dóminum.

In fine Missæ legitur sequens Evangelium.

Sequéntia sancti Evangélíi secúndum Lucam. **Lucæ 6. d**

In illo témpore: Dixit Jesus discípulis suis: Estóte misericórdes, sicut et Pater vester misericors est. Nolíte judicáre, et non judicabimini: nolíte condemnáre, et non condemnabimini. Dimittite, et dimittemini. Date, et dábitur vobis: mensúram bonam, et confértam, et coagitátam, et supereffluéntem dabunt in sinum vestrum. Eádém quippe mensúra, qua mensi fuéritis, remetiétur vobis. Dicébat autem illis et similitúdinem: Numquid potest cæ-

cus cæcum dúcere? nóne ambo in fóveam cadunt? Non est discipulus super magístrum: perféctus autem omnis erit, si sit sicut magíster ejus. Quid autem vides festúcam in óculo fratris tui, trabem autem, quæ in óculo tuo est, non considéras? Aut quómodo potes dicere fratri tuo: Frater, sine ejíciam festúcam de óculo tuo: ipse in óculo tuo trabem non videns? Hypócrita, éjice primum trabem de óculo tuo: et tunc perspícies, ut edúcas festúcam de óculo fratris tui.

DOMINICA PRIMA

post Pentecosten.

Introitus. **Psal. 12.**

Omine, in tua misericórdiasperávi: exsultávit cor meum in salutári tuo: cantábo Dómino, qui bona tríbuit mihi.

Psal. ibid. Usquequò Dómine obliviscéris me in finem? úsquequò avértis fáciem tuam à me?

V. Glória Patri.

Oratio.

Deus in te sperántium fortitúdo, adésto propítius invocatióibus nostris: et quia sine te nihil potest mortális infirmitas, præsta auxiliúm grátiae tuæ; ut in exsequéndis mandátis tuis, et voluntáte tibi et actiône placeámus. Per Dóminum nostrum.

Ad poscenda suffragia Sanctorum.

Oratio.

Acunctis nos, quæsumus Dómine, mentis et córporis defénde perículis: et intercedénte beáta et gloriósa semper Vírgine Dei genitríce María, cum beátis Apóstolis tuis Petro et Paulo, atque beáto **N.** et ómnibus sanctis, salútem nobis tríbe benígnus et pacem; ut, destrúctis adversitatibus, et erróribus univér- sis, Ecclésia tua secúra tibi sérviat libertáte.

Dominica i. post Pentecosten.

Et dicitur in Missis tam de Tempore, quam de Sanctis, usque ad Adventum, nisi sit Dupl. vel infra Oct. Tertia vero Oratio dicatur ad libitum Sacerdotis.

Lectio Epistolæ beāti Joānnis Apóstoli.

1. Joan. 4. b

Carissimi, Deus caritas est. In hoc apparuit caritas Dei in nobis, quoniam Filium suum unigenitum misit Deus in mundum, ut vivamus per eum. In hoc est caritas: non quasi nos dilexerimus Deum, sed quoniam ipse prior dilexit nos, et misit Filium suum propitiationem pro peccatis nostris. Carissimi, si sic Deus dilexit nos: et nos debemus alterutrum diligere. Deum nemo vidit umquam. Si diligamus invicem, Deus in nobis manet, et caritas ejus in nobis perfecta est. In hoc cognoscimus, quoniam in eo manemus, et ipse in nobis: quoniam de spiritu suo dedit nobis. Et nos vidimus, et testificamur, quoniam Pater misit Filium suum Salvatorem mundi. Quisquis confessus fuerit, quoniam Jesus est Filius Dei, Deus in eo manet, et ipse in Deo. Et nos cognovimus, et credidimus caritati, quam habet Deus in nobis. Deus caritas est: et qui manet in caritate, in Deo manet, et Deus in eo. In hoc perfecta est caritas Dei nobiscum, ut fiduciam habeamus in die judicii: quia sicut ille est, et nos sumus in hoc mundo. Timor non est in caritate: sed perfecta caritas foras mittit timorem, quoniam timor poenam habet. Qui autem timet, non est perfectus in caritate. Nos ergo diligamus Deum, quoniam Deus prior dilexit nos. Si quis dixerit, quoniam diligo Deum, et fratrem suum oderit, mendax est. Qui enim non diligit fratrem suum, quem videt, Deum, quem non videt, quomodo potest diligere? Et hoc mandatum habemus à Deo: ut qui diligit Deum, diligat et fratrem suum.

Graduale. Psal. 40. Ego dixi, Domine miserere mei: sana animam meam, quia peccavi tibi.

V. Beatus qui intelligit super egenum et pauperem: in die mala liberabit eum Dominus.

Allelúja, allelúja.

V. Psal. 5. Verba mea auribus percipe Domine, intellige clamorem meum. Allelúja.

Evangelium. Estote misericordes, ut supra. fol. 275.

Offertorium. Psal. 5. Intende voci orationis meæ, Rex meus, et Deus meus: quoniam ad te orabo Domine.

Secreta.

Hostias nostras, quaesumus Domine, tibi dicatas placatus assume: et ad perpetuum nobis tribue provenire subsidium. Per Dominum nostrum Jesum Christum Filium tuum: Qui tecum vivit et regnat.

Ad poscenda suffragia Sanctorum. Secreta.

Exaudi nos Deus salutaris noster: ut per hujus sacramenti virtutem, à cunctis nos mentis et corporis hostibus tuearis, gratiam tribuens in praesenti, et gloriam in futuro.

Tertia ad libitum Sacerdotis.

Communio. Psal. 9. Narrabo omnia mirabilia tua: lætabor et exultabo in te: psallam nomini tuo, Altissime.

Postcommunio.

Tantis, Domine, replenti muneribus, presta quaesumus: ut et salutaria dona capiamus, et à tua numquam laude cessemus. Per Dñm.

Ad poscenda suffragia Sanctorum. Postcommunio.

Mundet et muniat nos, quaesumus Domine, divini sacramenti munus oblatum: et intercedente beata virgine Dei genitrice Maria, cum beatis Apóstolis tuis Petro et Paulo, atque beato N. et omnibus Sanctis; à cunctis nos reddat et perversitatibus expiatis, et adversitatibus expeditos.

Tertia ad libitum Sacerdotis.

IN SOLEMNITATE CORPORIS CHRISTI.

In-
troitus.
Ps. 80



Cibavit eos
ex adipe fru-
menti, alle-
lúja: et de
petra, melle
saturavit eos,
allelúja, alle-
lúja, allelúja.

Ps. ibid. Exultáte Deo
adjutori nostro: jubi-
láte Deo Jacob.

V. Glória Patri.

Oratio.

Deus, qui nobis sub
Sacraménto mirábili,
passiónis tuæ memó-
riam reliquisti: tribue
quæsumus, ita nos Cór-
poris, et Sanguinis tui
sacra mystéria vene-
rári, ut redemptionis
tuæ fructum in nobis júgiter sentiámus.
Qui vivis et regnas.

**Léctio Epístolæ beáti Pauli Apóstoli
ad Corínthios.**

I. Cor. II. d

Fratres, Ego enim accépi à Dómino
quod et tradidi vobis: quóniam Dó-
minus Jesus, in qua nocte tradebátur,
accépit panem, et grátias agens fregit, et
dixit: Accípite, et manducáte: Hoc est
corpus meum, quod pro vobis tradétur: hoc
fácite in meam commemoratióem. Simí-
liter et cálicem, postquam cœnávit, dicens:
Hic calix novum testaméntum est in meo
sanguine: hoc fácite, quotiescúmque bi-

bétis, in meam commemora-
tióem. Quotiescúmque enim
manducábitis panem hunc, et
cálicem bibétis, mortem Dó-
mini annuntiábitis, donec vé-
niat. Itaque quicúmque man-
ducáverit panem hunc, vel bí-
berit cálicem Dómini indígne,
reus erit córporis et ságuinis
Dómini. Probet autem se-
ípsum homo: et sic de pane
illo edat, et de cálice bibat. Qui
enim mandúcat et bibit indí-
gne, júdicium sibi mandúcat
et bibit: non dijúdicans corpus
Dómini.

Graduale. Psal. 144. Oculi
ómnium in te sperant Dómi-
ne: et tu das illis escam in
témpace opportúno.

V. Aperis tu manum tuam:
et imples omne ánimál bene-
dictióem.

Allelúja, allelúja.

V. Joan. 6. Caro mea vere est
cibus, et sanguis meus vere
est potus: qui mandúcat meam
carnem, et bibit meum sán-
guinem, in me manet, et ego
in eo.

Sequentia.

Lauda Sion Salvatórem,
lauda ducem et pastórem,
in hymnis et cánticis.

**Quantum potes, tantum au-
de: quia major omni laude,
nec laudáre súfficis.**

**Laudis thema speciális, panis
vívus et vitális hódie propó-
niture.**

In Solemnitate Corporis Christi.

Quem in sacræ mensa cœnæ, turbæ fratrum duodénæ datum non ambígitur.

Sit laus plena, sit sonóra, sit jucúnda, sit decóra mentis jubilátio.

Dies enim solémnis ágitur, in qua mensæ prima recólitur hujus institútio.

In hac mensa novi Regis, novum Pascha novæ legis, Phase vetus términat.

Vetustátem nóvitas, umbram fugat véritas, noctem lux elíminat.

Quod in cœna Christus gessit, faciéndum hoc expréssit in sui memóriam.

Docti sacris institútis, panem, vinum in salútis consecrámus hóstiam.

Dogma datur Christiánis, quod in carnem transit panis, et vinum in sánguinem.

Quod non capis, quod non vides, animósa firmat fides, præter rerum órduem.

Sub diversis speciébus, signis tantum, et non rebus, latent res exímiae.

Caro cibus, sanguis potus: manet tamen Christus totus, sub utrâque specie.

Asumente non concísus, non confráctus, non divísus: ínteger accípitur.

Sumit unus, sumunt mille: quantum isti, tantum ille: nec sumptus consúmitur.

Sumunt boni, sumunt mali: sorte tamen inæquáli, vitæ, vel intéritus.

Mors est malis, vita bonis: vide paris sumptiónis, quam sit dispar éxitus.

Fracto demum Sacraménto, ne vacilles, sed meménto, tantum esse sub fragménto, quantum toto tégitur.

Nulla rei fit scissúra: signi tantum fit fractúra: qua nec status, nec statúra signáti minúitur.

Ecce panis Angelórum, factus cibus viatórum: vere panis filiórum, non mitténdus cánibus.

In figúris præsignátur, cum Isaac immolátur: agnus Paschæ deputátur: datur manna pátribus.

Bone pastor, panis vere, Jesu nostri miserére: tu nos pasce, nos tuére: tu nos bona fac vidére in terra vivéntium.

Tu, qui cuncta scis et vales: qui nos pascis híc mortáles: tuos ibi commensáles, cohærédes et sodáles fac sanctórum cívium. Amen. Allel.

Sequéntia sancti Evangélii secúndum Joánnem. **Joan. 6. 1**

IN illo témpore: Dixit Jesus turbis Judæórum: Caro mea vere est cibus, et sanguis meus, vere est potus. Qui mandúcat meam carnem, et bibit meum sánguinem, in me manet, et ego in illo. Sicut misit me vivens Pater, et ego vivo propter Patrem, et qui mandúcat me, et ipse vivet propter me. Hic est panis, qui de cœlo descéndit. Non sicut manducavérunt patres vestri manna, et mórtui sunt. Qui mandúcat hunc panem, vivet in ætérnum. **C**redo.

Offertorium. Levit. 21. Sacerdótes Dómini incénsum et panes ófferunt Deo: et ídeo sancti erunt Deo suo, et non pólluent nomen ejus, allelúja.

Secreta.

ECclésiæ tuæ, quæsumus Dómine, unitátis et pacis propítius dona concéde: quæ sub oblátis munéribus mystice designántur. Per Dóminum.

Præfatio. de Nativit. Quia per incarnáti Verbi mystérium. fol. 188. vel 212.

Et dicitur per totam Octavam.

Communio. 1. Cor. 11. Quotiescúmque manducábitis panem hunc, et cálicem bibétis, mortem Dómini annuntiábitis, donec véniat: itaque quicúmque manducáverit panem, vel bíberit cálicem Dómini indígne, reus erit córporis et ságuinis Dómini, allel.

Postcommunio.

EAc nos, quæsumus Dómine, divinitátis tuæ sempitérna fructiúne repléri: quam pretiósi Córporis

Dominica infra Octavam Corporis Christi.

et Sanguinis tui temporalis percéptio præfigurat. Qui vivis et regnas cum Deo Patre.

¶ Infra Octavam dicitur hæc eadem Missa, et non fit de aliquo Sancto, nisi fuerit Duplex occurrens, non autem translatum, et nisi sit i. vel ii. class. In die Octavæ non fit nisi de festo S. Joannis Baptistæ, et SS. Apostolorum Petri et Pauli, si occurrant, cum commemoratione Octavæ. Infra Octavam secunda Oratio de sancta Maria, Concède nos, tertia, Ecclesiæ tuæ, vel Deus ómnium fidélium. fol. 244.

Et si in ea venerit vigilia, fit de Octava cum commem. Vigiliæ.

**DOMINICA INFRA OCTAVAM
Corporis Christi,
secunda post Pentecosten.**



Introitus. Ps. 17.

Actus est Dóminus
protéctor meus, et e-
dúxit me in latitúdi-
nem: salvum me fecit,
quóniam vóluit me.

Psal. ibid. Diligam te Dómine vir-
tus mea: Dóminus firmaméntum
meum, et refúgium meum, et liberá-
tor meus.

V. Glória Patri.

Oratio.

Sancti nóminis tui Dómine timó-
rem páriter et amórem fac nos
habére perpétuum, quia numquam
tua gubernatióne destítuis, quos in
soliditáte tuæ dilectiónis instítuis.
Per Dóminum.

**Deinde fit commem. de Octava
Corporis Christi tantum.**

**Oratio. Deus, qui nobis. ut supra.
fol. 277.**

**Léctio Epístolæ beáti Joánnis Apó-
stoli. 1. Joan. 3. b**

Caríssimi, Nolite mirári, si odit
vos mundus. Nos scimus, quón-
iam transláti sumus de morte ad vi-
tam, quóniam diligimus fratres. Qui
non diligit, manet in morte: omnis

qui odit fratrem suum, homicída est.
Et scitis quóniam omnis homicída
non habet vitam ætérnam in semet-
ipso manéntem. In hoc cognóvimus
cáritátem Dei, quóniam ille ánimam
suam pro nobis pósuit: et nos debé-
mus pro frátribus ánimas pónere.
Qui habúerit substántiam hujus mun-
di, et víderit fratrem suum necessi-
tátem habére, et cláuserit víscera sua
ab eo: quómodo cáritas Dei manet in
eo? Filioli mei, non diligámus verbo,
neque lingua, sed ópere, et veritáte.

**Graduale. Ps. 119. Ad Dóminum,
cum tribulárer, clamávi, et exaudívit
me.**

**V. Dómine libera ánimam meam à
lábiis iníquis, et à lingua dolósa.**

Allelúja, allelúja.

**V. Psal. 7. Dómine Deus meus in te
sperávi: salvum me fac ex ómnibus
persequéntibus me, et libera me.
Allelúja.**



**Sequéntia sancti Evangélíi se-
cúndum Lucam. Lucæ 14. d**

In illo témpore: Dixit Jesus Phari-
sæis parábolam hanc: Homo qui-
dam fecit cœnam magnam, et vocá-
vit multos. Et misit servum suum
hora cœnæ dicere invitátis ut vení-
rent, quia jam paráta sunt ómnia. Et
cœpérunt simul omnes excusáre. Pri-
mus dixit ei: Villam emi, et necesse
hábeo exíre, et vidére illam: rogo te
habe me excusátum. Et alter dixit:
Juga boum emi quinque, et eo pro-
báre illa: rogo te habe me excusátum.
Et álius dixit: Uxórem duxi: et ideo
non póssum veníre. Et revérsus ser-
vus nuntiávit hæc dómíno suo. Tunc
irátus paterfamílias, dixit servo suo:
Exi cito in platéas et vicos civitátis:
et páuperes, ac débiles, et cæcos, et
claudos intéduc huc. Et ait servus:
Dómine, factum est ut imperásti, et
adhuc locus est. Et ait dóminus servo:
Exi in vias, et sepes: et compélle in-
tráre, ut impleátur domus mea. Dico
autem vobis, quod nemo virórum

Dominica iii. post Pentecosten.

illórum, qui vocáti sunt, gustábit cœnam meam. **Credo.**

Offertorium. Ps. 6. Dómine convértere, et éripe ánimam meam: salvum me fac propter misericórdiam tuam.

Secreta.

O Blátio nos, Dómine, tuo nómini dicánda puríficet: et de die in diem ad cœléstis vitæ tránsferat acti-ónem. Per Dóminum nostrum.

De Octava corporis Christi. Secreta. Ecclesiæ tuæ. ut supra. fol. 278.

Communio. Psal. 12. Cantábo Dómino, qui bona tríbuit mihi: et psallám nómini Dómini altíssimi.

Postcommunio.

S Umptis munéribus sacris, quæsumus Dómine, ut cum frequentatióne mystérii, crescat nostræ salutis effectus. Per Dóminum.

De Octava Corporis Christi. Postcommunio. Fac nos, quæsumus Dómine. **ut supra. fol. 278.**

DOMINICA TERTIA

post Pentecosten.

Introitus.

Psal. 24.



N Espice in me, et miserere mei, Dómine: quóniam únicus, et pauper sum ego: vide humilitátem meam, et labórem meum: et dímítte ómnia peccáta mea, Deus meus.

Ps. ibid. Ad te Dómine levávi ánimam meam: Deus meus in te confido, non erubescam.

V. Glória Patri.

Oratio.

P Rotéctor in te sperántium Deus, sine quo nihil est válidum, nihil sanctum: multiplica super nos misericórdiam tuam; ut te rectóre, te duce, sic transeámus per bona temporalia, ut non amittámus ætérna. Per Dóminum nostrum.

Secunda Orat. A cunctis nos. fol. 275.

Tertia ad libitum Sacerdotis.

Léctio Epístolæ beáti Petri Apóstoli.

1. Pet. 5. b

C Aríssimi: Humiliámini sub poténti manu Dei, ut vos exáltet in témpore visitatiónis: omnem sollicitúdinem vestram projiciétes in eum, quóniam ipsi cura est de vobis. Sóbrii estóte, et vigiláte: quia adversárius vester diábolus tamquam leo rúgiens circuit, quærens quem devoret: cui resístite fortes in fide: sciétes eámdem passióem ei, quæ in mundo est, vestræ fraternitati fieri. Deus autem omnis grátiae, qui vocávit nos in ætérnam suam glóriam in Christo Jesu, módicum passos ipse perficiet, confirmábit, solidabítque. Ipsi glória, et impérium in sæcula sæculórum: Amen.

Graduale. Ps. 54. Jacta cogitátum tuum in Dómino: et ipse te enútriet.

V. Dum clamárem ad Dóminum, exaudivit vocem meam ab his, qui appropínquant mihi. **Allelúja, allelúja.**

V. Psal. 7. Deus judex justus, fortis et patiens, numquid iráscitur per singulos dies? **Allelúja.**



Sequéntia sancti Evangélíi secúndum Lucam. Lucæ 15.

I N illo témpore: Erant appropínquantes ad Jesum publicáni et peccatóres, ut audírent illum. Et murmurábant Pharisæi et Scribæ, dicétes: Quia hic peccatóres récipit, et mandúcat cum illis. Et ait ad illos parábolam istam, dicens: Quis ex vobis homo, qui habet centum oves: et si perdíderit unam ex illis, nóne dímíttit nonagintanóvem in desérto, et vadit ad illam, quæ perierat, donec invéniat eam? Et cum invénierit eam, impónit in húmeros suos gaudens: et véniens domum, cónvocat amícos et vicínos, dicens illis: Congratulámini mihi, quia invéni ovem meam, quæ perierat? Dico vobis, quod ita gáudium erit in cœlo super uno peccatóre pœniténtiam agente, quam super nonagintanóvem jústis, qui non indigent pœniténtia. Aut quæ múlter

Dominica iv. post Pentecosten.

habens drachmas decem, si perdidit drachmam unam, nonne accendit lucernam, et everrit domum, et quaerit diligenter, donec inveniat? Et cum invenerit, convocat amicas et vicinas, dicens: Congratulamini mihi, quia inveni drachmam, quam perdideram? Ita dico vobis: gaudium erit coram Angelis Dei super uno peccatore poenitentiam agente. **Credo.**

Offertorium. Psal. 9. Sperent in te omnes, qui novérunt nomen tuum **Dómine:** quóniam non derelinquis quaerentes te: psállite **Dómino,** qui hábitat in Sion: quóniam non est oblitus orationem páuperum.

Secreta.

Respice **Dómine** múnera supplicántis **Ecclésiæ:** et salutí crederéntium perpétua sanctificatióne summénda concéde. **Per Dóminum.**

Alia Secreta. **Exáudi** nos **Deus.** fol. 276.

Tertia ad libitum.

Communio. Lucæ 15. Dico vobis, gaudium est Angelis Dei super uno peccatore poenitentiam agente.

Postcommunio.

Sancta tua nos, **Dómine,** sumpta vivíficent: et misericórdiæ sempitérnæ præparent expiátos. **Per Dóminum.**

Alia Postcommunio. **Mundet** et **múniat.** fol. 276.

Tertia ad libitum.

DOMINICA QUARTA
post Pentecosten.

Introitus.**Psal. 26.**

Iominus illuminatio mea, et salus mea, quem timébo? **Dóminus** defensor vitæ meæ, à quo trepidábo? qui tribulant me inimici mei, ipsi infirmáti sunt, et ceciderunt.

Psal. ibid. Si consistant advérsus me castra: non timébit cor meum.

V. Glória Patri.**Oratio.**

DA nobis, quæsumus **Dómine,** ut et mundi cursus pacífice nobis, tuo órđine dirigátur: et **Ecclésia** tua tranquilla devotióne lætétur. **Per Dóminum.**

Secunda Oratio. **A** cunctis nos. fol. 275.

Tertia ad libitum.

Lectio Epístolæ beáti **Pauli** Apóstoli ad **Romános.** **Rom. 8. d**

FRatres, Existimo, quod non sunt condígnæ passiones hujus témporis ad futúram glóriam, quæ revelábitur in nobis. Nam expectatio creatúre, revelatióne filiórum **Dei** expéctat. Vanitati enim creatúra subiecta est, non volens, sed propter eum, qui subjecit eam in spe: quia et ipsa creatúra liberábitur à servitute corruptiónis, in libertátem glóriæ filiórum **Dei.** Scimus enim quod omnis creatúra ingemiscit, et párturit usque adhuc. Non solum autem illa, sed et nos ipsi primitias spíritus habéntes, et ipsi intra nos gémimus, adoptiõem filiórum **Dei** expectántes, redemptiõem córporis nostri: in **Christo Jesu Dómino** nostro.

Graduale. Psal. 78. Propítius esto, **Dómine,** peccátis nostris: ne quando dicant gentes, ubi est **Deus** eórum?

V. Adjuva nos **Deus** salutáris noster, et propter honórem nóminis tui **Dómine** libera nos. **Allelúja, allelúja.**

V. Psal. 9. **Deus,** qui sedes super thronum, et júdicas æquitátem, esto refúgium páuperum in tribulatióne. **Allelúja.**

Sequéntia sancti Evangélíi secúndum **Lucam.** **Lucæ 5.**

IN illo témpore: Cum turbæ irrúerent in **Jesum,** ut audírent verbum **Dei,** et ipse stabat secus stagnum **Genésareth.** Et vidit duas naves stantes secus stagnum: piscatores autem descénderant, et lavábant rétia. Ascéndens autem in unam na-

Dominica v. post Pentecosten.

vim, quæ erat Simónis, rogávit eum à terra redúcere pusillum. Et sedens docébat de navícula turbas. Ut cessávit autem loqui, dixit ad Simónem: Duc in altum, et laxáte rétia vestra in captúram. Et respóndens Simon, dixit illi: Præcéptor per totam noctem laborántes, nihil cépimus: in verbo autem tuo laxábo rete. Et cum hoc fecissent, conclusérunt píscium multitudinem copiósam: rumpebátur autem rete eórum. Et annuérunt sóciis, qui erant in ália navi, ut venírent et adjuvárent eos. Et venérunt, et implevérunt ambas navículas, ita ut pene mergeréntur. Quod cum vidéret Simon Petrus, prócidit ad génua Jesu, dicens: exi à me, quia homo peccátor sum, Dómine. Stupor enim circumdéderat eum, et omnes, qui cum illo erant, in captúra píscium, quam céperant: similiter autem Jacóbum et Joánnem, filios Zebedæi, qui erant sócii Simónis. Et ait ad Simónem Jesus: Noli timére: ex hoc jam hómines eris cápiens. Et subductis ad terram návis, relictis ómnibus, secúti sunt eum. **Credo.**

Offertorium. Ps. 12. Illúmina óculos meos ne umquam obdórmiam in morte: ne quando dicat inimícus meus, præválui advérsus eum.

Secreta.

Oblatiónibus nostris, quæsumus Dómine, placáre susceptis: et ad te nostras étiam rebélles compélle propítius voluntátes. Per Dóminum.

Alia Secreta. Exáudi nos Deus. fol. 276.

Tertia ad libitum.

Communio. Ps. 17. Dóminus firmamentum meum, et refúgium meum, et liberátor meus, Deus meus, adjutor meus.

Postcommunio.

Mystéria nos, Dómine quæsumus, sumpta puríficent, et suo múnere tueántur. Per Dóminum.

Alia Postcommunio. Mundet et múniat. fol. 276.

Tertia ad libitum.

DOMINICA QUINTA

post Pentecosten.

Introitus.

Ps. 26.

Exáudi Dómine vocem meam, qua clamávi ad te: adjutor meus esto, ne derelínquas me, neque despicias me, Deus salutáris meus.

Psal. ibid. Dóminus illuminatio mea, et salus mea, quem timébo? **V.** Glória Patri.

Oratio.

Deus, qui diligentibus te bona invisibilia præparásti: infúnde córdibus nostris tui amoris afféctum; ut te in ómnibus, et super ómnia diligétes, promissiones tuas, quæ omne desidérium súperant, consequámur. Per Dñm nostrum.

Secunda Oratio. A cunctis nos. fol. 275.

Tertia ad libitum.

Léctio Epístolæ beáti Petri Apóstoli.

1. Petr. 3. b

Caríssimi: Omnes unánimes in oratione estóte, compatiétes, fraternitátis amatóres, misericórdes, modésti, húmiles: non reddétes malum pro malo, nec maledíctum pro maledícto; sed è contrário benedicétes: quia in hoc vocáti estis, ut benedictiónem hæreditáte possideátis. Qui enim vult vitam diligere, et dies vidére bonos, coérceat linguam suam à malo, et lábia ejus ne loquántur dolum. Declínet à malo, et fáciat bonum: inquírat pacem, et sequátur eam. Quia óculi Dómini super justos, et aures ejus, in preces eórum: vultus autem Dómini super faciétes mala. Et quis est qui vobis nóceat, si boni æmulatóres fuéritis? Sed et si quid patímini propter justítiam, beáti. Timórem autem eórum ne timuéritis: et non conturbémini. Dóminum autem Christum sanctificáte in córdibus vestris.

Dominica vi. post Pentecosten.

Graduale. Ps. 83. Protéctor noster áspice Deus: et réspice super servos tuos.

V. Dómine Deus virtútum, exáudi preces servórum tuórum. **Allel. allel.**

V. Psal. 20. Dómine, in virtúte tua lætábitur rex: et super salutáre tuum exultábit vehementer. **Allelúja.**

Sequéntia sancti Evangélíi secúndum Matthæum. Matth. 5. c

IN illo témpore: Dixit Jesus discí-
pulis suis: Nisi abundáverit ju-
stítia vestra plus quam Scribárum et
Pharisæórum, non intrábitis in re-
gnum cœlórum. Audístis, quia dictum
est antíquis: Non occídes: qui autem
occíderit, reus erit iudício. Ego au-
tem dico vobis: quia omnis, qui irá-
scitur fratri suo, reus erit iudício. Qui
autem díxerit fratri suo, raca: reus
erit concílio. Qui autem díxerit, fátue:
reus erit gehénnæ ignis. Si ergo of-
fers munus tuum ad altáre, et ibi re-
cordátus fúeris, quia frater tuus habet
áliquíd advérsus te: relínque ibi mu-
nus tuum ante altáre, et vade prius
reconciliári fratri tuo: et tunc véniens
ófferes munus tuum. **Credo.**

Offertorium. Psal. 15. Benedícam
Dóminum, qui tríbuit mihi intellé-
ctum: providébam Deum in conspéctu
meo semper: quóniam à dextris est
mihi, ne commóvear. **Secreta.**

Propitiáre, Dómine, supplicatió-
nibus nostris: et has oblatiões
famulórum famularúmque tuárum
benígnus assúme; ut, quod sínguli
obtulerunt ad honórem nóminis tui,
cunctis proficiat ad salútem. Per Dó-
minum.

Alia Secreta. Exáudi nos Deus.
fol. 276.

Tertia ad libitum.

Communio. Ps. 26. Unam pétii à
Dómino, hanc requíram: ut inhábi-
tem in domo Dómini ómnibus diébus
vitæ meæ. **Postcommunio.**

Quos cœlésti, Dómine, dono sa-
tiásti: præsta quæsumus; ut à no-
stris mundémur occúltis, et ab hó-

stium liberémur insídiis. Per Dómi-
num nostrum Jesum Christum Fíli-
um tuum: Qui tecum vivit et regnat.

Alia Postcommunio. Mundet et
múniat. fol. 276.

Tertia ad libitum.

DOMINICA SEXTA

post Pentecosten.

Introitus. Psal. 27.

DOminus fortitúdo
plebis suæ, et pro-
téctor salutárium
Christi sui est: sal-
vum fac pópulum
tuum Dómine, et benedic hæreditáti
tuæ, et rege eos, usque in sæculum.

Ps. ibid. Ad te Dómine clamábo,
Deus meus ne síleas à me: ne quando
táceas à me, et assimilábor descen-
déntibus in lacum.

V. Glória Patri. **Oratio.**

DEus virtútum, cujus est totum
quod est optimum: însere pe-
ctóribus nostris amórem tui nóminis,
et præsta in nobis religiónis augmén-
tum: ut quæ sunt bona nútrias, ac pie-
tátis stúdio, quæ sunt nutrita, custó-
dias. Per Dóminum nostrum Jesum
Christum Fílium tuum: Qui tecum.

Secunda Orat. A cunctis nos. **ut in**
Dominica prima post Pentecosten,
fol. 275.

Tertia ad libitum.

Léctio Epístolæ beáti Páuli Apóstoli
ad Romános. **Rom. 6.**

FRatres, Quicúmque baptizáti
sumus in Christo Jesu, in morte
ipsíus baptizáti sumus. Consepúlti
enim sumus cum illo per baptísmum
in mortem: ut quómodo Christus sur-
réxit à mórtuis per glóriam Patris,
ita et nos in novitáte vitæ ambulémus.
Si enim complantáti facti sumus si-
militúdini mortis ejus: simul et resur-
rectiões érimus. Hoc sciéntes, quia
vetus homo noster simul crucifixus
est: ut destruátur corpus peccáti, et

Dominica vii. post Pentecosten.

ultra non serviámus peccáto. Qui enim mórtuus est, justificátus est à peccáto. Si autem mórtui sumus cum Christo: crédimus quia simul étiam vivémus cum Christo: sciéntes quod Christus resúrgens ex mórtuis, jam non móritur, mors illi ultra non dominábitur. Quod enim mórtuus est peccáto, mórtuus est semel: quod autem vivit, vivit Deo. Ita et vos existimáte, vos mórtuos quidem esse peccáto, vivéntes autem Deo, in Christo Jesu Dómino nostro.

Graduale. Ps. 89. Convértere, Dómine, aliquántulum, et deprecáre super servos tuos.

V. Dómine refúgium factus es nobis, à generatióne et progénie.

Allelúja, allelúja.

V. Psal. 30. In te Dómine sperávi, non confúndar in ætérnum: in justítia tua libera me, et éripe me: inclína ad me aurem tuam, accélera, ut erípias me. **Allelúja.**

Sequéntia sancti Evangélíi secúndum Marcum. Marci 8.

IN illo témpore: Cum turba multa esset cum Jesu, nec habérent quod manducárent, convocátis discipulis, ait illis: Miséreor super turbam: quia ecce jam trídúo sústinent me, nec habent quod mandúcent: et si dimísero eos jejúnos in domum suam, deficient in via: quidam enim ex eis de longe venérunt. Et responderunt ei discipuli sui: unde illos quis póterit híc saturáre pánibus in solitúdine? Et interrogávit eos: quot panes habétis? Qui dixerunt: septem. Et præcépit turbæ discúmbere super terram. Et accípiens septem panes, grátias agens fregit, et dabat discipulis súis, ut appónerent, et apposuerunt turbæ. Et habébant pisciculos paucos: et ipsos benedíxit, et jussit appóni. Et manducavérunt, et saturáti sunt, et sustulérunt quod superáverat de fragméntis, septem sportas. Erant autem qui manducá-

verant, quasi quátuor míllia: et dimísit eos. **Credo.**

Offertorium. Psal. 16. Pérfice gressus meos in sémitis tuis, ut non moveántur vestígia mea: inclína aurem tuam, et exáudi verba mea: mirífica misericórdias tuas, qui salvos facis sperántes in te, Dómine.

Secreta.

Propitiáre, Dómine, supplicatióibus nostris, et has pópuli tui oblatiões benígnus assúme: et ut nullíus sit írritum votum, nullíus vácuá postulátio, præsta; ut quod fidéliter pétimus, effícaciter consequámur. Per Dóminum nostrum Jesum Christum.

Alia Secreta. Exáudi nos Deus. fol. 276.

Tertia ad libitum.

Communio. Psal. 26. Circuíbo, et immolábo in tabernáculo ejus hóstiam jubilatiónis: cantábo, et psalmum dicam Dómino.

Postcommunio.

Repléti sumus, Dómine, munéribus tuis: tribue quæsumus; ut eórum et mundémur efféctu, et muniámur auxílio. Per Dóminum.

Alia Postcommunio. Mundet et múniat. fol. 276.

Tertia ad libitum.

DOMINICA SEPTIMA

post Pentecosten.

Introitus.

Psal. 46.



Mnes gentes pláudite mánibus: jubiláte Deo in voce exultatiónis.

Psal. ibid. Quóniam Dóminus excélsus, terribilis: Rex magnus

super omnem terram.

V. Glória Patri.

Oratio.

Deus, cujus providéntia in sui dispositiõe non fállitur: te supplices exorámus; ut nóxia cuncta submóveas, et ómnia nobis profutúra concédas. Per Dóminum nostrum.

Dominica viii. post Pentecosten.

Secunda Oratio. **A** cunctis nos.
fol. 275.

Tertia ad libitum.

Lectio Epistolæ beati Pauli Apóstoli ad Romános. **Rom. 6. d**

Fratres, Humánum dico, propter infirmitatem carnis vestræ: sicut enim exhibuistis membra vestra servíre immunditiae, et iniquitati ad iniquitatem; ita nunc exhibete membra vestra servíre justitiae in sanctificationem. Cum enim servi essetis peccati, liberi fuistis justitiae. Quem ergo fructum habuistis tunc in illis, in quibus nunc erubescitis? Nam finis illorum mors est. Nunc vero liberati à peccato, servi autem facti Deo, habetis fructum vestrum in sanctificationem, finem vero vitam æternam. Stipendia enim peccati mors. Grátia autem Dei, vita æterna, in Christo Jesu Dómino nostro.

Graduale. Psal. 33. Veníte filii, audite me: timórem Dómini docébo vos.

V. Accédite ad eum, et illuminámini: et fácies vestræ non confundentur. Allelúja, allelúja.

V. **Psal. 46.** Omnes gentes pláudite mánibus: jubiláte Deo in voce exultationis. Allelúja.



Sequéntia sancti Evangélíi scúndum Matthæum. Matth. 7. c

IN illo témpore: dixit Jesus discipulis suis: Atténdite à falsis prophétis, qui véniunt ad vos in vestiméntis óvium, intrínsecus autem sunt lupi rapáces: à frúctibus eórum cognoscétis eos. Numquid cólligunt de spinis uvas, aut de tríbulis ficus? Sic omnis arbor bona fructus bonos facit: mala autem arbor malos fructus facit. Non potest arbor bona malos fructus fácere: neque arbor mala bonos fructus fácere. Omnis arbor, quæ non facit fructum bonum, excidétur, et in ignem mittétur. Igitur ex frúctibus eórum cognoscétis eos. Non omnis, qui dicit mihi, Dómine, Dómine, in-

trábit in regnum cœlórum: sed qui facit voluntatem Patris mei, qui in cœlis est, ipse intrábit in regnum cœlórum. **Credo.**

Offertorium. Dan. 3. Sicut in holocaustis arietum et taurórum, et sicut in millibus agnórum pínguium: sic fiat sacrificium nostrum in conspéctu tuo hódie, ut pláceat tibi: quia non est confúsió confidéntibus in te, Dómine. **Secreta.**

DEus, qui legálium différentiam hostiárum, unius sacrificii perfectione sanxisti: áccipe sacrificium à devótis tibi fámulis, et pari benedictione, sicut múnera Abel, sanctifica: ut, quod singuli obtulérunt ad majestátis tuæ honórem, cunctis proficiat ad salútem. Per Dóminum nostrum Jesum Christum Fílium tuum: Qui tecum vivit et regnat in unitate Spíritus sancti Deus: per ómnia sæcula sæculórum.

Alia Secreta. Exáudi nos Deus. fol. 276.

Tertia ad libitum.

Communio. Ps. 30. Inclína aurem tuam, accélera, ut erípias me.

Postcommunio.


Tua nos, Dómine, medicínalis operátio, et à nostris perversitatibus cleménter expédíat, et ad ea quæ sunt recta, perdúcat. Per Dóminum nostrum Jesum Christum Fílium tuum: Qui tecum vivit et regnat.

Alia Postcommunio. Mundet et múniat. fol. 276.

Tertia ad libitum.

DOMINICA OCTAVA
post Pentecosten.

Introitus. Ps. 47.



Uscépiamus Deus misericórdiam tuam in médio templi tui: scúndum nomen tuum, Deus, ita et laus tua in fines terræ: justitia plena est dextera tua.

Dominica viii. post Pentecosten.

Psal. ibid. Magnus Dóminus, et laudábilis nimis: in civitáte Dei nostri, in monte sancto ejus.

V. Glória Patri.

Oratio.

L Argíre nobis, quæsumus Dómine, semper spíritum cogitándi quæ recta sunt, propítius et agéndi: ut qui sine te esse non pòssumus, secúndum te vívere valeámus. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus.

Secunda Oratio. A cunctis nos. fol. 275.

Tertia ad libitum.

Lectio Epístolæ beáti Pauli Apóstoli ad Romános.

Rom. 8. c

Fratres: Debitóres sumus non carni, ut secúndum carnem vivámus. Si enim secúndum carnem vixeritis, moriémini: si autem spíritu facta carnis mortificaveritis, vivétis. Quicúmque enim spíritu Dei agúntur, ii sunt filii Dei. Non enim accepístis spíritum servitútis íterum in timóre, sed accepístis spíritum adoptionis filiórum, in quo clamámus: Abba (Pater.) Ipse enim Spíritus testimonium reddit spirítui nostro, quod sumus filii Dei. Si autem filii, et hærédes: hærédes quidem Dei, cohærédes autem Christi.

Graduale Psal. 30. Esto mihi in Deum protectórem, et in locum refúgii, ut salvum me fácias.

V. Deus, in te sperávi: Dómine non confúndar in ætérnum.

Allelúja, allelúja.

V. Psal. 47. Magnus Dóminus, et laudábilis valde, in civitáte Dei nostri, in monte sancto ejus. Allelúja.

Sequéntia sancti Evangélíi secúndum Lucam. Lucæ 16.

In illo témpore: dixit Jesus discí-pulis suis parábolam hanc: Homo quidam erat dives, qui habébat víllicum: et hic diffamátus est apud illum, quasi dissipásset bona ipsíus. Et vocávit illum, et ait illi: Quid hoc áudio de te? redde ratióne villicatiónis

tuæ: jam enim non póteris villicáre. Ait autem víllicus intra se: Quid fáciam, quia dóminus meus aufert à me villicatióne? fódere non váleo, mendicáre erubésco. Scio quid fáciam, ut, cum amótus fúero à villicatióne, recípiant me in domos suas. Convocá-tis ítaque síngulis debitóribus dómini sui, dicébat primo: Quantum debes dómno meo? At ille dixit: Centum cados ólei. Dixítque illi: Accipe cautióne tuam: et sede cito, scribe quinquagínta. Deínde álii dixit: Tu vero quantum debes? Qui ait: Centum coros trítici. Ait illi: Accipe líteras tuas, et scribe octogínta. Et laudávit dóminus víllicum iniquitátis, quia prudénter fecísset: quia filii hujus sáeculi prudentióre filiiis lucis in generatióne sua sunt. Et ego vobis dico: fácite vobis amícos de mam-móna iniquitátis: ut, cum defeceritis, recípiant vos in ætérna tabernácula.

Credo.

Offertorium. Ps. 17. Pópulum húmílem salvum fácies Dómine, et óculos superbórum humiliábis: quóniam quis Deus præter te Dómine?

Secreta.

Suscipe, quæsumus Dómine, múnera, quæ tibi de tua largitáte deférimus: ut hæc sacrosáncta mystéria, grátiae tuæ operánte virtúte, et præsentis vitæ nos conversatióne sanctíficent, et ad gáudia sempitérna perdúcant. Per Dóminum nostrum.

Alia Secreta. Exáudi nos Deus. fol. 276.

Tertia ad libitum.

Communio. Psal. 33. Gustáte et vidéte, quóniam suavis est Dóminus: beátus vir, qui sperat in eo.

Postcommunio.

Sit nobis Dómine, reparátio mentis et córporis cœléste mystérium: ut, cujus exéquimur cultum, sentiámus effectum. Per Dóminum nostrum Jesum Christum Fílium

Dominica ix. post Pentecosten.

tuum: Qui tecum vivit et regnat in unitate Spiritus sancti Deus: per omnia secula seculorum.

Alia Postcommunio. Mundet et muniat. fol. 276.

Tertia ad libitum.

DOMINICA NONA
post Pentecosten.

Introitus.

Psal. 53.



Cce Deus adjuvat me, et Dominus susceptor est anime meae: averte mala inimicis meis, et in veritate tua

disperde illos, protector meus Domine.

Psal. ibid. Deus in nomine tuo salvum me fac: et in virtute tua libera me.

V. Gloria Patri. Oratio.

Pateant aures misericordiae tuae, Domine, precibus supplicantium: et ut petentibus desiderata concedas; fac eos, quae tibi sunt placita, postulare. Per Dominum nostrum.

Secunda Oratio. A cunctis nos. fol. 275.

Tertia ad libitum.

Lectio Epistolae beati Pauli Apostoli ad Corinthios. 1. Cor. 10. b

Fratres: non simus concupiscentes malorum, sicut et illi concupiérunt. Neque idololatras efficiamini, sicut quidam ex ipsis: quemadmodum scriptum est: Sedit populus manducare et bibere, et surrexerunt ludere. Neque fornicemur, sicut quidam ex ipsis fornicati sunt, et ceciderunt, una die vigintitria millia. Neque tentemus Christum, sicut quidam eorum tentaverunt, et a serpentibus perierunt. Neque murmuraveritis, sicut quidam eorum murmuraverunt, et perierunt ab exterminatore. Haec autem omnia in figura contingebant illis: scripta sunt autem ad correptionem nostram, in quos fines seculorum

devenérunt. Itaque qui se existimat stare, videat ne cadat. Tentatio vos non apprehendat, nisi humana: fidelis autem Deus est, qui non patietur vos tentari supra id quod potestis, sed faciet etiam cum tentatione proventum, ut possitis sustinere.

Graduale Ps. 8. Domine Dominus noster, quam admirabile est nomen tuum in universa terra!

V. Quoniam elevata est magnificentia tua super celos.

Allelúja, allelúja.

V. Psal. 58. Eripe me de inimicis meis Deus meus: et ab insurgentibus in me libera me. Allelúja.

Sequentia sancti Evangelii secundum Lucam. Lucæ 19. f

In illo tempore: Cum appropinquaret Jesus Jerúsalem, videns civitatem, flevit super illam, dicens: Quia si cognovisses et tu, et quidem in hac die tua, quae ad pacem tibi, nunc autem abscondita sunt ab oculis tuis. Quia venient dies in te: et circumdabunt te inimici tui vallo, et circumdabunt te: et coangustabunt te undique: et ad terram prosternent te, et filios tuos, qui in te sunt, et non relinquent in te lapidem super lapidem; eo quod non cognoveris tempus visitationis tuae. Et ingressus in templum, coepit ejicere vendentes in illo, et ementes, dicens illis: Scriptum est: quia domus mea domus orationis est. Vos autem fecistis illam speluncam latronum. Et erat docens quotidie in templo. **Credo.**

Offertorium. Psal. 18. Justitiae Domini rectae, laetificantes corda, et iudicia ejus dulciora super mel et favum: nam et servus tuus custodit ea.

Secreta.

Concède nobis, quaesumus Domine, haec digne frequentare mysteria: quia, quoties hujus hostiae commemoratio celebratur, opus nostrae redemptionis exercetur. Per Dominum.

Dominica x. post Pentecosten.

Alia Secreta. Exáudi nos Deus. fol. 276.

Tertia ad libitum.

Communio. Joan. 6. Qui manducat meam carnem, et bibit meum sánguinem, in me manet, et ego in eo, dicit Dóminus. **Postcommunio.**

Tui nobis, quæsumus Dómine, commúnio sacraménti, et purificatióem cónferat, et tríbuat unitátem. Per Dóminum nostrum.

Alia Postcommunio. Mundet et múniat. fol. 276.

Tertia ad libitum.

DOMINICA DECIMA
post Pentecosten.



Introitus. Psal. 54.

Gum clamárem ad Dóminum, exaudívit vocem meam, ab his, qui appropínquant mihi: et humiliávit eos qui est ante sácula, et manet in ætérnum: jacta cogitátum tuum in Dómino, et ipse te enútriet.

Psal. ibid. Exáudi Deus oratióem meam, et ne despéxeris deprecatióem meam: inténde mihi, et exáudi me. **V.** Glória Patri.

Oratio.

Deus, qui omnipoténtiam tuam parcéndo máxime et miserándo maniféstas: multiplica super nos misericórdiam tuam; ut ad tua promissa currétes, cœléstium bonórum fácias esse consórtes. Per Dóminum.

Secunda Orat. A cunctis. **ut supra** fol. 275.

Tertia ad libitum.

Léctio Epístolæ beáti Pauli Apóstoli ad Corínthios. **1. Cor. 12.**

Fratres, Scitis quóniam cum Gentes essétis, ad simulácrata muta, prout ducebámini eúntes. Ideo notum vobis fácio, quod nemo in Spíritu Dei loquens, dicit anáthema Jesu. Et nemo potest dícere, Dóminus Jesus, nisi in Spíritu sancto. Divi-

siónes vero gratiárum sunt, idem autem Spíritus. Et divisióes ministratiónum sunt, idem autem Dóminus. Et divisióes operatiónum sunt, idem vero Deus, qui operátur ómnia in ómnibus. Unicuique autem datur manifestatió Spíritus, ad utilitátem. Alii quidem per Spíritum datur sermo sapiéntiæ: álii autem sermo sciéntiæ secúndum eúmdem Spíritum: álii fides in eódem Spíritu: álii grátia sanitátum in uno Spíritu: álii operatió virtútum, álii prophetia, álii discrétio spirítuum, álii génera linguárum, álii interpretatió sermónum. Hæc autem ómnia operátur unus atque idem Spíritus, dívicens singulis prout vult.

Graduale. Psalm. 16. Custódi me Dómine, ut pupíllam óculi: sub umbra alárum tuárum prótege me.

V. De vultu tuo iudícium meum pródeat: óculi tui vídeant æquitátem.

Allelúja, allelúja.

V. Ps. 64. Te decet hymnus, Deus, in Sion: et tibi reddétur votum in Jerúsalem. **Allelúja.**



Sequentia sancti Evangélii secúndum Lucam. **Lucæ 18. b**

In illo témpore: dixit Jesus ad quosdam, qui in se confidébant tamquam justi, et aspernabántur cæteros, parábolam istam: Duo hómínes ascendérunt in templum ut orárent: unus pharisæus, et alter publicánu. Pharisæus stans, hæc apud se orábat: Deus grátias ago tibi, quia non sum sicut cæteri hómínum: raptóres, injústi, adúlteri; velut étiam hic publicánu. Jejúno bis in sábbato: décimas do ómnium, quæ possídeo. Et publicánu à longe stans, nolébat nec óculos ad cœlum leváre: sed percutiébat pectus suum, dicens: Deus propítius esto mihi peccatóri. Dico vobis: descéndit hic justificátus in domum suam ab illo: quia omnis qui se exáltat, humiliábitur: et qui se humiliat, exaltábitur. **Credo.**

Dominica xi. post Pentecosten.

Offertorium. Ps. 24. Ad te Dómine levávi ánimam meam: Deus meus in te confido, non erubescam: neque irrideant me inimíci mei: étenim universi, qui te expéctant, non confundéntur. **Secreta.**

Tibi, Dómine, sacrificia dicáta reddántur: quæ sic ad honórem nóminis tui deferénda tribuísti, ut éadem remédia fieri nostra præstáres. Per Dóminum.

Alia Secreta. Exáudi nos Deus. fol. 276.

Tertia ad libitum.

Communio. Ps. 50. Acceptábis sacrificium justítiæ, oblatiónes, et holocáusta, super altáre tuum, Dómine.

Postcommunio.

Quæsumus Dómine Deus noster: ut quos divinis reparáre non desinis sacraméntis, tuis non destítuas benígnus auxiliis. Per Dóminum.


Alia Postcommunio. Mundet et múniat. fol. 276.

Tertia ad libitum.

DOMINICA XI.
post Pentecosten.

Introitus.

Psal. 67.



Eus in loco sancto suo: Deus, qui inhabitáre facit unánimes in domo: ipse dabit virtútem et fortitúdinem plebi suæ.

Psal. ibid. Exúrgat Deus, et dissipéntur inimíci ejus: et fúgiant, qui odérunt eum, à fácie ejus.

V. Glória Patri.

Oratio.

OMnípotens sempitérne Deus, qui abundántia pietátis tuæ et mérita súpplícum excédis et vota: effúnde super nos misericórdiam tuam; ut dimíttas quæ consciéntia méruit, et adjícias quod orátio non præsumit. Per Dóminum nostrum.

Secunda Oratio. A cunctis nos. fol. 275. **Tertia ad libitum.**

Léctio Epístolæ beáti Pauli Apóstoli ad Corínthios. 1. Cor. 15.

ERatres: Notum vobis fácio Evangelium, quod prædicávi vobis, quod et accepístis, in quo et státis, per quod et salvámini: qua ratióne prædicáverim vobis, si tenétis, nisi frustra credídistis. Trádidí enim vobis in primis, quod et accépi: quóniam Christus mórtuus est pro peccátis nostris secúndum Scriptúras: et quia sepúltus est, et quia resurrexit tértia die secúndum Scriptúras: et quia visus est Cephæ, et post hoc úndecim. Deínde visus est plus quam quingéntis frátribus simul, ex quibus multi manent usque adhuc, quidam autem dormiérunt. Deínde visus est Jacóbo, deínde Apóstolis ómnibus: novíssime autem ómnium tamquam abortívo, visus est et mihi. Ego enim sum mínimus Apostolórum, qui non sum dignus vocári Apóstolus, quóniam persecútus sum Ecclésiám Dei. Grátia autem Dei sum id quod sum, et grátia ejus in me vácuá non fuit.

Graduale. Ps. 27. In Deo sperávit cor meum, et adjútus sum: et reflóruit caro mea: et ex voluntáte mea confitébor illi.

V. Ad te, Dómine, clamávi: Deus meus ne síleas: ne discédas à me.

Allelúja, allelúja.

V. Ps. 80. Exultáte Deo adjutóri nostro, jubiláte Deo Jacob: súmíte psalmum jucúndum cum cíthara. Allel.



Sequencia sancti Evangelii secúndum Marcum. Marci 7. d

IN illo témpore: Exiens Jesus de finibus Tyri, venit per Sidónem ad mare Galilææ, inter médios fines Decapóleos. Et addúcunt ei surdum et mutum, et deprecabántur eum ut impónat illi manum. Et apprehéndens eum de turba seórsum, misit dígitos suos in aurículas ejus: et expuens, tétigit linguam ejus: et suspiciens in cœlum, ingémuit, et ait illi: Ephpheta, quod est adaperíre. Et statim apértæ sunt aures ejus, et so-

Dominica xii. post Pentecosten.

lútum est vñiculum linguæ ejus, et loquebátur recte. Et præcépit illis, ne cui dicerent. Quanto autem eis præcipiébat, tanto magis plus prædicábant: et eo ámplius admirabántur, dicéntes: Bene ómnia fecit: et surdos fecit audíre, et mutos loqui.

Credo.

Offertorium. Psal 29. Exaltábo te, Dómine, quóniam suscepísti me, nec delectásti inimícos meos super me: Dómine clamávi ad te, et sanásti me.

Secreta.

Respice, Dómine quæsumus, nostram propítius servitútem: ut quod offérimus, sit tibi munus accéptum; et sit nostræ fragilitátis subsidium. Per Dóminum nostrum.

Alia Secreta. Exáudi nos Deus. fol. 276.

Tertia ad libitum.

Communio. Prov. 3. Honóra Dóminum de tua substántia, et de primítiis frugum tuárum: et implebúntur hórrea tua saturitáte, et vino torculária redundábunt.

Postcommunio.

Sentiámus, quæsumus Dómine, tui perceptióne sacraménti, subsidium mentis et córporis: ut in utróque salváti, cœlestis remédii plenitúdine gloriémur. Per Dóminum.

Alia Postcommunio. Mundet et múniat. fol. 276.

Tertia ad libitum.

DOMINICA XII.
post Pentecosten.



Introitus. Ps. 69.

Eus, in adjutórium meum inténde: Dómine, ad adjuvándum me festína: confundántur et revereántur inimíci mei, qui quærunt ánimam meam.

Ps. ibid. Avertántur retrórsum, et erubéscant: qui cógitant mihi mala.

V. Glória Patri.

Oratio.

OMnípotens et miséricors Deus, de cujus múnere venit, ut tibi à fidélibus tuis digne et laudabíliter serviátur: tríbue quæsumus nobis; ut ad promissiões tuas sine offensiõe currámus. Per Dóminum.

Secunda Oratio. A cunctis nos. fol. 275.

Tertia ad libitum.

Lectio Epístolæ beáti Pauli Apóstoli ad Corínthios. **2. Cor. 3.**

FRatres: Fidúciam talem habémus per Christum ad Deum: non quod sufficiéntes simus cogitare áliquid à nobis, quasi ex nobis; sed sufficiéntia nostra ex Deo est: qui et idóneos nos fecit minístros novi testaménti; non lítera, sed spíritu: lítera enim occídít, spíritus autem vivíficat. Quod si ministrátio mortis, líteris deformáta in lapídibus, fuit in glória; ita ut non possent inténdere filii Israhel in fáciem Móysi, propter glóriam vultus ejus, quæ evacuátur; quómodo non magis ministrátio spíritus erit in glória? Nam si ministrátio damnationis glória est: multo magis abúndat ministérium justitiæ in glória.

Graduale. Ps. 33. Benedícam Dóminum in omni témpore: semper laus ejus in ore meo.

V. In Dómino laudábitur ánima mea: áudiant mansuétí, et læténtur.

Allelúja, allelúja.

V. Psal. 87. Dómine Deus salutis meæ, in die clamávi, et nocte coram te. Allelúja.

Sequéntia sancti Evangélíi secúndum Lucam. Lucæ 10. d

IN illo témpore: Dixit Jesus discíulis suis: Beáti óculi qui vident quæ vos vidétis. Dico enim vobis, quod multi Prophétæ et reges voluerunt vidére quæ vos vidétis, et non vidérunt; et audíre quæ audítis, et non audíerunt. Et ecce quidam Legisperítus surrexit, tentáns illum, et dicens: Magíster, quid faciéndo vi-

Dominica xiii. post Pentecosten.

tam æternam possidébo? At ille dixit ad eum: In lege quid scriptum est? quómodo legis? Ille respóndens, dixit: Díliges Dóminum Deum tuum ex toto corde tuo, et ex tota ánima tua, et ex ómnibus víribus tuis, et ex omni mente tua: et próximum tuum sicut teípsum. Dixítque illi: Recte respóndísti: hoc fac, et vives. Ille autem volens justificáre seípsum, dixit ad Jesum: Et quis est meus próximus? Suscípíens autem Jesus, dixit: Homo quidam descendébat ab Jerúsalem in Jéricho, et incidit in latrónes, qui étiam despoliavérunt eum: et plágis impósitis abiérunt, semivívo relícto. Accídit autem, ut sacérdos quidam descénderet eádem via: et viso illo, præterívit. Simíliter et Levíta, cum esset secus locum, et vidéret eum, pertránsiit. Samaritánus autem quidam iter fáciens, venit secus eum: et videns eum, misericórdia motus est, et apprópians, alligávit vúlnera ejus, infúdens óleum et vinum: et impónens illum in juméntum suum, duxit in stábulum, et curam ejus egit. Et áltera die prótulit duos denários, et dedit stabulário, et ait: Curam illius habe: et quodcúmque supererogáveris, ego cum rediero, reddam tibi. Quis horum trium vidétur tibi próximus fuisse illi, qui incidit in latrónes? At ille dixit: Qui fecit misericórdiam in illum. Et ait illi Jesus: Vade, et tu fac simíliter. **Credo.**

Offertorium. Exodi 32. Precátus est Móyses in conspéctu Dómini Dei sui, et dixit: Quare Dómine irásceris in pópulo tuo? Parce iræ ánimæ tuæ: meménto Abraham, Isaac, et Jacob, quibus jurásti dare terram fluéntem lac et mel: et placátus factus est Dóminus de malignitáte, quam dixit fácere pópulo suo. **Seereta.**

Hostias, quæsumus Dómine, propítius inténde, quas sacris altáribus exhibémus: ut nobis indulgéntiam largiéndó, tuo nómini dent honórem. Per Dóminum nostrum.

Alia Seereta. Exáudi nos Deus. fol. 276. **Tertia ad libitum.**

Communio. Psal. 103. De fructu óperum tuórum, Dómine, satiábitur terra: ut edúcas panem te terra, et vinum lætíficet cor hóminis: ut exhílalet fáciem in óleo, et panis cor hóminis confírmes. **Postcommunio.**

Vivíficet nos, quæsumus Dómine, hujus participátio sancta mystérii: et páriter nobis expiatió-nem tríbuat, et munímen. Per Dóminum.

Alia Postcommunio. Mundet et múníat. fol. 276.

Tertia ad libitum.

DOMINICA XIII.

post Pentecosten.

Introitus.

Psal. 73.



Espice, Dómine, in testaméntum tuum, et á-nimas páuperum tuórum ne derelínquas in finem: exúrge Dómine, et júdica causam tuam, et ne obli-vísca-ris voces quæréntium te.

Psal. ibid. Ut quid Deus repulísti in finem: irátus est furor tuus super oves páscluæ tuæ?

V. Glória Patri.

Oratio.

OMnípotens sempitérne Deus, da nobis fidei, spei, et caritátis augméntum: et, ut mereámur ássequi quod promíttis, fac nos amáre quod præcipis. Per Dóminum.

Secunda Oratio. A cunctis nos. fol. 275. **Tertia ad libitum.**

Léctio Epístolæ beáti Pauli Apóstoli ad Gálatas. **Gal. 3. e**

FRatres, Abrahæ dictæ sunt promissiones, et sémini ejus. Non dicit: Et semínibus, quasi in multis; sed quasi in uno: Et sémini tuo, qui est Christus. Hoc autem dico, testaméntum confirmátum à Deo: quæ post quadringéntos et trigínta annos facta est lex, non írritum facit ad evacuándam promissionem. Nam si ex

Dominica xiv. post Pentecosten.

lege hæreditas, jam non ex promissione. Abrahæ autem per repromissionem donavit Deus. Quid igitur lex? Propter transgressiones posita est, donec veniret semen, cui promiserat, ordinata per Angelos in manu mediatoris. Mediátor autem unus non est: Deus autem unus est. Lex ergo adversus promissa Dei? Absit. Si enim data esset lex, quæ posset vivificare, vere ex lege esset justitia. Sed conclusit Scriptura omnia sub peccato, ut promissio ex fide Jesu Christi daretur credentibus.

Graduale. Ps. 73. Respice, Domine, in testamentum tuum: et animas pauperum tuorum ne obliviscaris in finem.

V. Exurge Domine, et iudica causam tuam; memor esto opprobrii servorum tuorum. **Allelúja, allelúja.**

V. Psal. 89. Domine refugium factus es nobis à generatione, et progénie. **Allelúja.**

 **Sequentia sancti Evangelii secundum Lucam. Lucæ 17. c**

IN illo tempore: Dum iret Jesus in Jerúsalem, transibat per mediam Samariam et Galilæam. Et cum ingrederetur quoddam castellum, occurrerunt ei decem viri leprosi, qui steterunt à longe; et levaverunt vocem, dicentes: Jesu præceptor, miserere nostri. Quos ut vidit, dixit: Ite, ostendite vos sacerdotibus. Et factum est, dum irent, mundati sunt. Unus autem ex illis, ut vidit quia mundatus est, regressus est, cum magna voce magnificans Deum, et cecidit in faciem ante pedes ejus, gratias agens: et hic erat Samaritanus. Respondens autem Jesus, dixit: Nónne decem mundati sunt? et novem ubi sunt? Non est inventus qui rediret, et daret glóriam Deo, nisi hic alienígena. Et ait illi: Surge, vade; quia fides tua te salvum fecit. **Credo.**

Offertorium. Ps. 30. In te speravi, Domine; dixi: tu es Deus meus, in manibus tuis tempora mea.

Secreta.

Propitiare, Domine, populo tuo, propitiare munéribus: ut hac oblatione placatus, et indulgentiam nobis tribuas, et postulata concedas. **Per Dominum.**

Alia Secreta. Exaudi nos Deus. fol. 276. **Tertia ad libitum.**

Communio. Sap. 16. Panem de cælo dedisti nobis Domine, habentem omne delectamentum, et omnem saporem suavitatis.

Postcommunio.

Sumptis, Domine, cælestibus sacramentis: ad redemptionis æternæ, quæsumus, proficiamus augmentum. **Per Dominum.**

Alia Postcommunio. Mundet et muniat. fol. 276.

Tertia ad libitum.

DOMINICA XIV.

post Pentecosten.

Introitus.

Psal. 83.



Rotector noster aspice, Deus, et respice in faciem Christi tui: quia melior est dies una in atriis tuis super millia.

Ps. ibid. Quam dilecta tabernacula tua Domine virtutum! concupiscit, et deficit anima mea in atria Domini.

V. Glória Patri.

Oratio.

Custodi, Domine quæsumus, Ecclesiam tuam propitiatione perpetua: et quia sine te labitur humana mortalitas, tuis semper auxiliis et abstrahatur à nōxiis, et ad salutaria dirigatur. **Per Dominum nostrum.**

Secunda Oratio. A cunctis nos. fol. 275. **Tertia ad libitum.**

Lectio Epistolæ beati Pauli Apostoli ad Gálatas. Gal. 5. c

Fratres: Spíritu ambuláte, et desideria carnis non perficiétis. Caro enim concupiscit adversus spiritum, spiritus autem adversus carnem: hæc enim sibi invicem adver-

Dominica xv. post Pentecosten.

sántur, ut non quaecúmque vultis, illa faciátis. Quod si spíritu ducimini, non estis sub lege. Manifesta sunt autem ópera carnis, quæ sunt fornicatio, immunditia, impudicitia, luxúria, idolorum sérvitus, veneficia, inimicitiae, contentiones, æmulationes, iræ, rixæ, dissensiones, sectæ, invidiæ, homicidia, ebrietates, comessationes, et his similia; quæ prædico vobis, sicut prædixi: quóniam, qui tália agunt, regnum Dei non consequéntur. Fructus autem Spíritus est caritas, gáudium, pax, patientia, benignitas, bonitas, longanimitas, mansuetúdo, fides, modéstia, continéntia, cástitas. Advérsus hujúsmodi non est lex. Qui autem sunt Christi, carnem suam crucifixerunt cum vítiis et concupiscéntiis.

Graduale. Ps. 117. Bonum est confidere in Dómino, quam confidere in hómine.

V. Bonum est speráre in Dómino, quam speráre in princípibus.

Allelúja, allelúja.

V. Psal. 94. Veníte, exultémus Dómino, jubilémus Deo salutári nostro. **Allelúja.**

Sequéntia sancti Evangélíi secúndum Matthæum. Matth. 6. c

IN illo témpore: Dixit Jesus discípulis suis: Nemo potest duobus dómínis servíre: aut enim unum ódio habébit, et álterum díliget: aut unum sustinébit, et álterum contémmet. Non potéstis Deo servíre, et mammónæ. Ideo dico vobis, ne solíciti sitis ánimæ vestræ quid manducétis, neque córpori vestro quid induámini. Nónne ánima plus est quam esca: et corpus plus quam vestiméntum? Respícite volatília cœli, quóniam non serunt, neque metunt, neque cóngregant in hórrea: et Pater vester cœléstis pascit illa. Nónne vos magis pluris estis illis? Quis autem vestrum cógitans, potest adjícere ad statúram suam cúbitum unum? Et de vestiménto quid solíciti estis? Consi-

deráte lília agri quómodo crescunt: non labórant, neque nent. Dico autem vobis, quóniam nec Sálomon in omni glória sua coopértus est sicut unum ex istis. Si autem fœnum agri, quod hódie est, et cras in clíbanum míttitur, Deus sic vestit: quanto magis vos módicæ fidei? Nolíte ergo solíciti esse, dicéntes: Quid manducábimus, aut quid bibémus, aut quo operiémur? Hæc enim ómnia gentes inquirunt. Scit enim pater vester, quia his ómnibus indigétis. Quærite ergo primum regnum Dei, et justítiam ejus: et hæc ómnia adjiciéntur vobis. **Credo.**

Offertorium. Ps. 33. Immíttet Angelus Dómini in circúitu timéntium eum, et erípiet eos: gustáte et vidéte, quóniam suavis est Dóminus.

Secreta.

Concéde nobis, Dómine quæsumus, ut hæc hóstia salutáris, et nostrórum fiat purgátio delictórum, et tuæ propitiátio potestátis. Per Dóminum.

Alia Secreta. Exáudi nos Deus. fol. 276. Tertia ad libitum.

Communio. Matth. 6. Primùm quærite regnum Dei, et ómnia adjiciéntur vobis, dicit Dóminus.

Postcommunio.

Puríficent semper et múniant tua sacraménta nos Deus: et ad perpétuæ ducant salvatiónis efféctum. Per Dóminum nostrum.

Alia Postcommunio. Mundet et múniat. fol. 276. Tertia ad libitum.

DOMINICA XV.

post Pentecosten.

Introitus.

Psal. 85.

INclína, Dómine, aurem tuam ad me, et exáudi me: salvum fac servum tuum, Deus meus, sperántem in te: miserére mihi, Dómine, quóniam ad te clamávi tota die.

Dominica xv. post Pentecosten.

Psal. ibid. Lætífica ánimam servi tui: quia ad te, Dómine, ánimam meam levávi.

V. Glória Patri.

Oratio.

Ecclésiám tuam, Dómine, miserátio continuáta mundet et múniat: et, quia sine te non potest salva consístere, tuo semper múnere gubernétur. Per Dóminum nostrum.

Secunda Oratio. A cunctis nos. fol. 275.

Tertia ad libitum.

Léctio Epístolæ beáti Pauli Apóstoli ad Gálatas. **Gal. 5. d et 6.**

Fratres, Si spíritu vívimus, spíritu et ambulémus. Non efficiámur inánis glóriæ cúpidi, invicem provocántes, invicem invidéntes. Fratres, et si præoccupátus fúerit homo in áliquo delícto, vos, qui spirituáles estis, hujúsmodi instrúite in spíritu lenitátis, consíderans teípsum, ne et tu tentéris. Alter altérius ónera portáte, et sic adimplébitis legem Christi. Nam si quis existimat se áliquid esse, cum nihil sit, ipse se sedúcit. Opus autem suum probet unusquisque, et sic in semetípso tantum glóriam habébit, et non in áltero. Unusquisque enim onus suum portábit. Commúnicet autem is, qui catechizátur verbo, ei, qui se catechizat, in ómnibus bonis. Nolíte erráre: Deus non irridétur. Quæ enim semináverit homo, hæc et metet. Quóniam qui séminat in carne sua, de carne et metet corruptiónem: qui autem séminat in spíritu, de spíritu metet vitam ætérnam. Bonum autem faciéntes, non deficiámus: témpore enim suo metémus, non deficiéntes. Ergo dum tempus habémus, operémur bonum ad omnes, máxime autem ad domésticos fidei.

Graduale. Ps. 91. Bonum est confitéri Dómino: et psállere nómini tuo, Altíssime.

V. Ad annuntiándum mane misericórdiam tuam, et veritátem tuam per noctem. **Allelúja, allelúja.**

V. Ps. 94. Quóniam Deus magnus Dóminus, et rex magnus super omnem terram. **Allelúja.**

Sequéntia sancti Evangélíi secúndum Lucam. Lucæ 7. b

In illo témpore: Ibat Jesus in civitátem, quæ vocátur Naim: et ibant cum eo discípuli ejus, et turba copiósa. Cum autem appropinquáret portæ civitátis, ecce defúctus efferebátur filius únicus matris suæ: et hæc vídua erat: et turba civitátis multa cum illa. Quam cum vidísset Dóminus, misericórdia motus super eam, dixit illi: Noli flere. Et accéssit, et tégitit lóculum. (Hi autem, qui portábant, stetérunt.) Et ait: Adoléscens, tibi dico, surge. Et resédit qui erat mórtuus, et cœpit loqui. Et dedit illum matri suæ. Accépit autem omnes timor: et magnificábant Deum, dicéntes: Quia prophéta magnus surrexit in nobis: et quia Deus visitávit plebem suam. **Credo.**

Offertorium. Psal. 39. Expéctans expectávi Dóminum, et respéxit me: et exaudivit deprecationem meam, et immísit in os meum cánticum novum, hymnum Deo nostro.

Secreta.

Tua nos, Dómine, sacraménta custódiánt: et contra diabólicos semper tueántur incúrsus. Per Dóminum.

Alia Secreta. Exáudi nos Deus. fol. 276.

Tertia ad libitum.

Communio. Joan. 6. Panis, quem ego dédero, caro mea est pro sæculi vita.

Postcommunio.

Mentes nostras et córpora possídeat, quæsumus Dómine, doni cœléstis operátio: ut non noster sensus in nobis, sed júgiter ejus prævéniat efféctus. Per Dóminum nostrum.

Alia Postcommunio. Mundet et múniat. fol. 276.

Tertia ad libitum.

Dominica xvi. post Pentecosten.

DOMINICA XVI.

post Pentecosten.

Introitus. Ps. 85.



Miserere mihi, Dómine, quóniam ad te clamávi tota die: quia tu Dómine suavis ac mitis es, et copiósus in misericórdia ómnibus invocántibus te. **Psal. ibid.** Inclína Dómine aurem tuam mihi, et exáudi me: quóniam inops, et pauper sum ego.

V. Glória Patri. Oratio.

Tua nos, quæsumus Dómine, grátia semper et prævéniat et sequátur: ac bonis opéribus júgiter præstet esse inténtos. Per Dóminum.

Secunda Oratio. A cunctis nos. fol. 275.

Tertia ad libitum.

Léctio Epístolæ beáti Pauli Apóstoli ad Ephésios. **Ephes. 3. e**

Fratres, Obsecro vos, ne deficiátis in tribulatió nibus meis pro vobis: quæ est glória vestra. Hujus rei grátia flecto génua mea ad Patrem Dómini nostri Jesu Christi, ex quo omnis patérnitas in cœlis et in terra nominátur, ut det vobis secúndum divítias glóriæ suæ, virtúte corroborári per spíritum ejus in interiorem hóminem, Christum habitáre per fidem in córdibus vestris: in caritáte radicáti, et fundáti, ut possitis comprehendere cum omnibus sanctis, quæ sit latitúdo, et longitúdo, et sublimitas, et profúndum: scire etiam supereminéntem sciéntiæ caritátem Christi, ut impleámini in omnem plenitúdinem Dei. Ei autem, qui potens est ómnia fácere superabundánter quam pétimus, aut intelligimus, secúndum virtútem, quæ operátur in nobis: ipsi glória in Ecclésia, et in Christo Jesu, in omnes generatiónes sæculi sæculórum. Amen.

Graduale. Ps. 101. Timébunt Gentes nomen tuum Dómine, et omnes reges terræ glóriam tuam.

V. Quóniam ædificávit Dóminus Sion: et vidébitur in majestáte sua.

Allelúja, allelúja.

V. Ps. 97. Cantáte Dómino cánticum novum: quia mirabília fecit Dóminus. Allelúja.

Sequéntia sancti Evangélii secúndum Lucam. Lucæ 14.

In illo témpore: Cum intráret Jesus in domum cujúsdam princípis Pharisæórum sábbato manducáre panem, et ipsi observábant eum. Et ecce homo quidam hydrópicus erat ante illum. Et respóndens Jesus dixit ad Legisperítos et Pharisæos, dicens: Si licet sábbato curáre? At illi tacuérunt. Ipse vero apprehénsus sanávit eum, ac dimísit. Et respóndens ad illos, dixit: Cujus vestrum ásinus, aut bos in púteum cadet, et non continuo éxtrahet illum die sábbati? Et non póterant ad hæc respondére illi. Dicébat autem et ad invitátos parábolam, inténdens quómodo primos accúbitus elígerent, dicens ad illos: Cum invitátus fúeris ad núptias, non discúmbas in primo loco, ne forte honorátior te sit invitátus ab illo, et véniens is, qui te, et illum vocávit, dicat tibi: Da huic locum: et tunc incípias cum rubóre novíssimum locum tenére. Sed cum vocátus fúeris, vade, recúmbe in novíssimo loco: ut, cum vénerit qui te invitávit, dicat tibi: Amice, ascénde supérius. Tunc erit tibi glória coram simul discumbéntibus: quia omnis, qui se exáltat humiliábitur: et qui se humiliat, exaltábitur. **Credo.**

Offertorium. Psal. 39. Dómine in auxílium meum réspice: confundántur et revereántur, qui quærunt ánimam meam, ut áuferant eam: Dómine in auxílium meum réspice.

Secreta.

Munda nos, quæsumus Dómine, sacrificii præsentis efféctu, et pérfice miserátus in nobis, ut ejus mereámur esse partícipes. Per Dóminum.

Dominica xvii. post Pentecosten.

Alia Secreta. Exáudi nos Deus. fol. 276. **Tertia ad libitum.**


Communio. Psal. 70. Dómine, memorábor justítiæ tuæ solius: Deus, docuisti me à juventúte mea: et usque in senéctam et sénium, Deus ne derelínquas me.

Postcommunio.

Purífica, quæsumus Dómine, mentes nostras benígnus, et renova cœléstibus sacraméntis: ut consequénter et córporum præsens, páriter, et futúrum capiámus auxílium. Per Dóminum.

Alia Postcommunio. Mundet et múníat. fol. 276.

Tertia ad libitum.

DOMINICA XVII.
post Pentecosten.**Introitus. Ps. 118.**

Justus es, Dómine, et rectum judícium tuum: fac cum servo tuo secúndum misericórdiam tuam.

Psal. ibid. Beáti immaculáti in via: qui ámbulant in lege Dómini.

V. Glória Patri.

Oratio.

DA quæsumus Dómine, pópulo tuo diabólica vitáre contágia, et te solum Deum pura mente sectári. Per Dóminum nostrum.

Secunda Oratio. A cunctis nos. fol. 275. **Tertia ad libitum.**

Léctio Epístolæ beáti Pauli Apóstoli ad Ephésios.

Eph. 4.

FRatres, Obsecro vos ego victus in Dómino, ut digne ambulétis vocatióne, qua vocáti estis, cum omni humilitáte et mansuetúdine, cum paciéntia, supportántes invicem in caritáte, solíciti serváre unitátem spíritus in vínculo pacis. Unum corpus, et unus spíritus, sicut vocáti estis in una spe vocatiónis vestræ. Unus Dóminus, una fides, unum baptísma.

Unus Deus, et Pater ómnium, qui est super omnes, et per ómnia, et in ómnibus nobis. Qui est benedíctus in sæcula sæculórum. Amen.

Graduale. Ps. 32. Beáta gens, cujus est Dóminus Deus eórum: pópulus, quem elégit Dóminus in hæreditátem sibi.

V. Verbo Dómini cœli firmáti sunt: et spíritu oris ejus omnis virtus eórum.

Allelúja, allelúja.

V. Psal. 101. Dómine exáudi oratió-nem meam, et clamor meus ad te pervéníat. Allelúja.



Sequentia sancti Evangélíi secúndum Matthæum. Mtth. 22. d

IN illo témpore: Accessérunt ad Jesum Phariséi: et interrogávit eum unus ex eis legis doctor, tentans eum: Magíster, quod est mandátum magnum in lege? Ait illi Jesus: Díliges Dóminum Deum tuum ex toto corde tuo, et in tota ánima tua, et in tota mente tua. Hoc est máximum, et primum mandátum. Secúndum autem símile est huic: Díliges próximum tuum, sicut teípsum. In his duóbus mandátis univér-sa lex pendet, et prophétæ. Congregátis autem Phariséis, interrogávit eos Jesus, dicens: Quid vobis vidétur de Christo? cujus fílius est? Dicunt ei: David. Ait illis: Quómodo ergo David in spíritu vocat eum Dóminum, dicens: Dixit Dóminus Dómino meo, sede à dextris meis, donec ponam inimícos tuos scabéllum pedum tuórum? Si ergo David vocat eum Dóminum, quómodo fílius ejus est? Et nemo póterat ei respondére verbum: neque ausus fuit quisquam ex illa die eum ámplius interrogáre. **Credo.**

Offertorium. Dan. 9. Orávi Deum meum ego Dániel, dicens: Exáudi, Dómine, preces servi tui: illúmina fáciem tuam super sanctuárium tuum: et propítius inténde pópulum istum, super quem invocátum est nomen tuum, Deus.

Feria iv. Quatuor Temporum Septembris.

Secreta.

MAjestatem tuam, Dómine, suppliciter deprecámur: ut hæc sancta, quæ gerimus, et à præteritis nos delictis éxuant, et futúris. Per Dóminum.

Alia Secreta. Exáudi nos Deus. fol. 276. **Tertia ad libitum.**

Communio. Ps. 75. Vovéte, et redite Dómino Deo vestro omnes, qui in circúitu ejus affértis múnera: terríbili, et ei qui aufert spíritum princípum: terríbili apud omnes reges terræ.

Postcommunio.

Sanctificatióibus tuis omnípotens Deus, et vítia nostra curéntur, et remédia nobis æténa provéniant. Per Dóminum nostrum.

Alia Postcommunio. Mundet et múniat. fol. 276.

Tertia ad libitum.

FERIA QUARTA.

Quatuor Temporum
Septembris.

Statio ad sanctam Mariam majorem.

Introitus. Psal. 80.

EXultáte Deo adjutori nostro: jubiláte Deo Jacob: súmite psalmum jucúndum cum cíthara: cánite in inítiomensis tuba, quia præcéptum in Israel est, et judícium Deo Jacob.

Psal. ibid. Testimónium in Joseph pósuit illud, cum exíret de terra Ægypti: linguam, quam non nóverat, audívit.

V. Glória Patri.

Post Kyrie eléison, **dicitur Orémus.** Flectámus génua. **R.** Leváte.

Oratio.

Misericórdiæ tuæ remédiis, quæsumus Dómine, fragílitas nostra subsístat: ut, quæ sua conditióne attéritur, tua cleméntia reparétur. Per Dóminum nostrum.

Léctio Amos Prophétæ. Amos 9. d

Hæc dicit Dóminus Deus: Ecce dies véniunt: et comprehéndet arátor messórem, et calcátor uvæ mitténtem semen: et stillábunt montes dulcédinem, et omnes colles culti erunt. Et convértam captivitátem pópuli mei Israel: et ædificábunt civitátes desértas, et inhabitábunt: et plantábunt véneas, et bibent vinum eárum: et fácient hortos, et cómedent fructus eórum. Et plantábo eos super humum suam: et non evéllam eos ultra de terra sua, quam dedi eis: dicit Dóminus Deus tuus.

Graduale. Psal. 112. Quis sicut Dóminus Deus noster, qui in altis hábitat: et humília réspicit in cœlo et in terra?

V. Súscitans à terra ínopem, et de stércore érigens páuperem.

Hic dicitur, Dóminus vobíscum, si- ne Flectámus génua.

Orémus.

Oratio.

Præsta, quæsumus Dómine, familiæ tuæ supplicánti: ut, dum à cibis corporálibus se ábstinet, à vítiis quoque mente jejúnet. Per Dóminum.

Secunda Oratio. A cunctis nos. fol. 275. **Tertia ad libitum.**

Léctio libri Esdræ. Neh. vel 2. Esd. 8.

In diébus illis: Congregátus est omnis pópulus quasi vir unus ad platéam, quæ est ante portam aquárum: et dixerunt Esdræ scribæ, ut afférret librum legis Móysi, quam præcéperat Dóminus Israéli. Attulit ergo Esdras Sacérdos legem coram multitudíne virórum et mulierum, cunctisque qui póterant intelligere, in die prima ménsis séptimi. Et legit in eo apérte in platea, quæ erat ante portam aquárum, de mane usque ad médiam diem, in conspéctu virórum, et mulierum, et sapiéntium: et aures omnis pópuli erant erectæ ad librum. Stetit autem Esdras scriba super gradum ligneum, quem fécerat ad loquéndum. Et apéruit librum coram

Feria iv. Quatuor Temporum Septembris.

omni pópulo: super univérsum quippe pópulum eminébat: et cum aperuisset eum, stetit omnis pópulus. Et benedixit Esdras Dómino Deo magno: et respóndit omnis pópulus: Amen, Amen: élevans manus suas: et incurváti sunt, et adoravérunt Deum proni in terram. Porro Levítæ siléntium faciébant in pópulo ad audiéndam legem: populus autem stabat in gradu suo. Et legérunt in libro legis Dei distíncte, et apérte ad intelligéndum: et intellexérunt cum legerétur. Dixit autem Nehemías, et Esdras Sacerdos, et scriba, et Levítæ interpretántes univérso pópulo: Dies sanctificátus est Dómino Deo nostro, nolíte lugére, et nolíte flere. Et dixit eis: Ite, comédite pínquia, et bíbite mulsum, et míttite partes his, qui non præparavérunt sibi: quia sanctus dies Dómini est, et nolíte contristári: gáudium étenim Dómini, est fortitúdo nostra.

Graduale. Ps. 32. Beáta gens, cuius est Dóminus Deus eórum: pópulus quem elégit Dóminus in hæreditátem sibi.

V. Verbo Dómini cœli firmáti sunt: et spírítu oris ejus omnis virtus eórum.

Sequéntia sancti Evangélíi secúndum Marcum. Marci 9. c

In illo témpore: Respóndens unus de turba, dixit ad Jesum: Magíster, áttuli filium meum ad te habéntem spírítum mutum: qui ubicúmque eum apprehénderit, allídit illum, et spumat, et stridet déntibus, et aréscit: et dixi discíplis tuis, ut ejíce-rent illum, et non potuérunt. Qui respóndens eis, dixit: O generátio incredula, quámdiu apud vos ero? quámdiu vos pátiar? Afférte illum ad me. Et attulérunt eum. Et cum vidísset eum, statim spírítus conturbávit illum: et elísus in terram, volutabátur spumans. Et interrogávit patrem ejus: Quantum témporis est, ex quo ei hoc áccidit? At ille ait: Ab infántia: et frequénter eum in ignem,

et in aquas misit, ut eum pérderet. Sed si quid potes, ádjuva nos, misértus nostri. Jesus autem ait illi: Si potes crédere, ómnia possibília sunt credéti. Et continuo exclámans pater púeri, cum lácrymis ajébat: Credo, Dómine: ádjuva incredulitátem meam. Et cum vidéret Jesus concurréntem turbam, comminátus est spírítui immúndo, dicens illi: Surde et mute spírítus, ego præcípíio tibi, exi ab eo: et ámplius ne intróeas in eum. Et exclámans, et multum discérpens eum, éxiit ab eo, et factus est sicut mórtuus, ita ut multi dicerent: Quia mórtuus est. Jesus autem tenens manum ejus, elevávit eum, et surrexit. Et cum introísset in domum, discípli ejus secréto interrogábant eum: Quare nos non potúimus ejícere eum? Et dixit illis: Hoc genus in nullo potest exíre, nisi in oratióne et jejúnio.

Offertorium. Psal. 118. Meditábor in mandátis tuis, quæ diléxi valde: et levábo manus meas ad mandáta tua, quæ diléxi. **Secreta.**

Hæc hóstia, Dómine quæsumus, emúndet nostra delicta: et ad sacrificium celebrándum, subditórum tibi córpora mentésque sanctíficet. Per Dóminum nostrum.

Alia Secreta. Exáudi nos Deus. fol. 276. **Tertia ad libitum.**

Communio. 2. Esdr. 8. Comédite pínquia, et bíbite mulsum, et míttite partes his, qui non præparavérunt sibi: sanctus enim dies Dómini est, nolíte contristári: gáudium étenim Dómini, est fortitúdo nostra.

Postcommunio.

Suméntes Dómine dona cœléstia, supliciter deprecámur: ut, quæ sédula servitúte donánte te gérimus, dignis sénsibus tuo múnere capíamus. Per Dóminum nostrum.

Alia Postcommunio. Mundet et múniat. fol. 276.

Tertia ad libitum.

Feria vi. Quatuor Temporum Septembris.

FERIA SEXTA

Quatuor Temporum Septembris.

Statio ad sanctos duodecim Apostolos.

Introitus. Psal. 104.



Et étur cor quæ-
réntium Dóminum:
quærite Dóminum,
et confirmámini:
quærite fáciem ejus
semper.

Ps. ibid. Confitémini Dómino;
et invocáte nomen ejus: annun-
tiáte inter gentes ópera ejus.

V. Glória Patri. **Oratio.**

Præsta quæsumus omnipotens
Deus: ut observatiónes sacras
ánua devotióne recoléntes, et cör-
pore tibi placeámus, et mente. Per
Dóminum.

Secunda Oratio. A cunctis nos.
fol. 275. **Tertia ad libitum.**

Lectio Osææ Prophætæ. Oseæ 14.

Hæc dicit Dóminus Deus: Con-
vèrtere Israel ad Dóminum
Deum tuum: quóniam corruisti in ini-
quitáte tua. Tóllite vobiscum verba,
et convertimini ad Dóminum; et dí-
cite ei: Omnem aufer iniquitátem,
áccipe bonum: et reddémus vítulos
labiórur nostrórum. Assur non sal-
vábít nos, et super equum non ascen-
démus, nec dicémus ultra: Dii nostri
ópera mánuum nostrárum: quia ejus,
qui in te est, miseréberis pupílli. Sa-
nábo contritiónes eórum, diligam eos
spontáneæ: quia avérsus est furor
meus ab eis. Ero quasi ros; Israel
germinábit sicut lílium, et erúmpet
radix ejus ut Líbani. Ibunt rami ejus,
et erit quasi olíva glória ejus: et odor
ejus ut Líbani. Converténtur sedén-
tes in umbra ejus: vivent trítico, et
germinábunt quasi vínea: memoriále
ejus sicut vinum Líbani. Ephraim
quid mihi ultra idóla? ego exáu-
diam, et dírigam eum ego ut abíetem
viréntem: ex me fructus tuus invén-
tus est. Quis sápiens, et intélliget
ista? intélligens, et sciet hæc? Quia

rectæ viæ Dómini, et justí ambulá-
bunt in eis: prævaricatóres vero cör-
rueunt in eis.

Graduale. Ps. 89. Convèrtere, Dó-
mine aliquántulum, et deprecáre su-
per servos tuos.

V. Dómine refúgium factus es no-
bis, à generatióne et progénie.

**Sequéntia sancti Evangélíi se-
cúndum Lucam. Luc. 7. f**

In illo témpore: Rogábat Jesum
quidam de Pharisæis, ut mandu-
cáret cum illo. Et ingressus domum
Pharisæi, discúbuit. Et ecce múl-
ier, quæ erat in civitáte peccátrix, ut co-
gnóvit quod accubuisset in domo Pha-
risæi, áttulit alabástrum unguénti; et
stans retro secus pedes ejus, lácry-
mis cœpit rigáre pedes ejus, et capíl-
lis cápitis sui tergébat, et osculabá-
tur pedes ejus, et unguénto ungébat.
Videns autem Pharisæus, qui vocá-
verat eum, ait intra se, dicens: Hic
si esset Prophéta, sciret útique, quæ
et qualis est múl-
ier, quæ tangit eum,
quia peccátrix est. Et respóndens
Jesus, dixit ad illum: Simon, hábeo
tibi áliquíd dícere. At ille ait: Ma-
gíster, dic. Duo debitóres erant cui-
dam fœneratóri: unus debébat dená-
rios quingéntos, et álius quinquagín-
ta. Non habéntibus illis unde rédde-
rent, donávit utrísque. Quis ergo eum
plus díligit? Respóndens Simon, di-
xit: Æstimo quia is, cui plus donávit.
At ille dixit ei: Recte judicásti. Et
convérsus ad mulierem, dixit Simóni:
Vides hanc mulierem? Intrávi in do-
mum tuam, aquam pédibus meis non
dedísti: hæc autem lácrymis rigávit
pedes meos, et capíllis suis tersit. O-
sculum mihi non dedísti: hæc autem,
ex quo intrávit, non cessávit osculári
pedes meos. Oleo caput meum non
unxísti: hæc autem unguénto unxit
pedes meos. Propter quod dico tibi:
Remittúntur ei peccáta multa, quón-
iam diléxit multum. Cui autem mi-
nus dimíttitur, minus díligit. Dixit
autem ad illam: Remittúntur tibi pec-

Sabbato Quatuor Temporum Septembris.

cáta. Et cœpérunt, qui simul accumbebant, dicere intra se: Quis est hic, qui étiam peccáta dimíttit? Dixit autem ad mulierem: Fides tua te salvam fecit: vade in pace.

Offertorium. Psal. 102. Bénedic ánima mea Dómino: et noli oblivisci omnes retributiónes ejus: et renovábitur sicut áquilæ juvéntus tua.

Secreta.

ACcépta tibi sint, Dómine quæsumus, nostri dona jejúnii: quæ et expiándo nos tua grátia dignos efficiant, et ad sempitérna promissa perdúcant. Per Dñm nostrum.

Alia Secreta. Exáudi nos Deus. fol. 276. **Tertia ad libitum.**

Communio. Psal. 118. Aufer à me oppróbrium et contéptum, quia mandáta tua exquisívi Dómine: nam et testimónia tua meditatio mea est.

Postcommunio.

Quæsumus omnipotens Deus: ut de percéptis munéribus grátias exhibéntes, beneficia potióra sumamus. Per Dóminum nostrum.

Alia Postcommunio. Mundet et múniat. fol. 276. **Tertia ad libitum.**

S A B B A T O

Quatuor Temporum Septembris.

Statlo ad sanctum Petrum.

Introitus.**Ps. 94.**

Veníte, adorémus Deum, et procidámus ante Dóminum, plorémus ante eum, qui fecit nos: quia ipse est Dóminus Deus noster. **Psal. ibid.** Veníte, exultémus Dómino: jubilemus Deo salutári nostro.

V. Glória Patri.

Post Kyrie eléison, **dicitur Orémus.** Flectámus génua. **R.** Leváte.

Oratio.

Omnipotens sempitérne Deus, qui per continéntiam salutárem, corpóribus medéris et méntibus: maje-

státem tuam súpplíces exorámus; ut pia jejunántium deprecatione placátus, et præsentia nobis subsidia tríbuas et futúra. Per Dóminum.

Léctio libri Levítici. Levit. 23. d

IN diébus illis: Locútus est Dóminus ad Móysen, dicens: Décimo die mensis hujus séptimi, dies expiatiónum erit celebérrimus, et vocábitur sanctus: affligetisque ánimas vestras in eo, et offerétis holocáustum Dómino. Omne opus servíle non faciétis in témpore diéi hujus: quia dies propitiatiónis est, ut propitiétur vobis Dóminus Deus vester. Omnis ánima, quæ afflícta non fúerit die hac, períbit de pópulis suis: et quæ óperis quídpíam fécerit, delébo eam de pópulo suo. Nihil ergo óperis faciétis in eo: legítimum sempitérnus erit vobis in cunctis generatióibus, et habitatióibus vestris. Sábbatum requietiúnis est, et affligétis ánimas vestras die nono mensis: à véspera usque ad vésperam celebrábitis sábbata vestra: dicit Dóminus omnipotens.

Graduale. Psal. 78. Propítius esto Dómine peccátis nostris: ne quando dicant Gentes: Ubi est Deus eórum? **V.** Adjuva nos Deus salutáris noster: et propter honórem nóminis tui, Dómine, libera nos.

Orémus. Flectámus génua.

R. Leváte.

Oratio.

DA nobis, quæsumus omnipotens Deus: ut jejunándo, tua grátia satiémur; et abstinéndo, cunctis efficiámur hóstibus fortióres. Per Dóminum nostrum.

Léctio libri Levítici. Levit. 23. f

IN diébus illis: Locútus est Dóminus ad Móysen, dicens: A quíntodécimo die mensis séptimi, quando congregavéritis omnes fructus terræ vestræ, celebrábitis férias Dómini septem diébus: die primo, et die octávó erit sábbatum, idest réquies. Sumetisque vobis die primo fructus árboris pulchérissimæ, spatulásque palmarum, et ramos ligni densárum

fróndium, et sálices de torrén-te, et lætabímini coram Dómino Deo vestro. Celebrabitísque solemnitátem ejus septem diébus per ánnum: legítimum sempitérnus erit in generatiónibus vestris. Mense séptimo festa celebrábitis, et habitábitis in umbráculis septem diébus. Omnis, qui de génere est Israel, manébit in tabernáculis: ut discant pósteri vestri, quod in tabernáculis habitáre fécerim filios Israel, cum edúcerem eos de terra Ægypti. Ego Dóminus Deus vester.

Graduale Ps. 83. Protéctor noster áspice Deus: et réspice super servos tuos.

V. Dómine Deus virtútum exáudi preces servórum tuórum.

Orémus. Flectámus génua.

R. Leváte.

Oratio.

TUére, quæsumus Dómine, familiam tuam: ut salútis æternæ remédia, quæ te inspiránte requírimus, te largiénte consequámur. Per Dóminum nostrum.

Léctio Michææ Prophétæ. Mich. 7. c

Domine Deus noster, pasce pópulum tuum in virga tua, gregem hæreditátis tuæ, habitántes solos in saltu, juxta dies antiquos. Vidébunt gentes, et confundéntur super omni fortitúdine sua. Quis Deus símilis tui, qui aufers iniquitátem, et transis peccátum reliquiárum hæreditátis tuæ? Non immíttet ultra furórem suum, quóniam volens misericórdiam est. Revertétur, et miserébitur nostri: depónet iniquitátes nostras, et projíciet in profúndum maris ómnia peccáta nostra. Dabis veritátem Jacob, misericórdiam Abraham: quæ jurásti pátribus nostris à diébus antiquis: Dómine Deus noster.

Graduale. Ps. 89. Convértere Dómine aliquántulum: et deprecáre super servos tuos.

V. Dómine refúgium factus es nobis, à generatióné et progénie.

Orémus. Flectámus génua.

R. Leváte.

Oratio.

PRæsta quæsumus Dómine, sic nos ab épulis abstinére carnálibus: ut à vítiis irruéntibus páriter jejúnemus. Per Dóminum.

Léctio Zachariæ Prophétæ. Zach. 8. c

IN diébus illis: Factum est verbum Dómini ad me, dicens: Hæc dicit Dóminus exercítuum: Sicut cogitávi, ut afflígerem vos, cum ad iracúndiam provocássent patres vestri me, dicit Dóminus, et non sum misértus: sic convérsus cogitávi in diébus istis, ut benefáciam dómui Juda et Jerúsalem: nolíte timére. Hæc sunt ergo verba, quæ faciétis: Loquímmini veritátem, unusquisque cum próximo suo: veritátem, et judícium pacis judicáte in portis vestris. Et unusquisque malum contra amicum suum ne cogitétis in córdibus vestris: et juraméntum mendax ne diligátis: ómnia enim hæc sunt, quæ odi, dicit Dóminus. Et factum est verbum Dómini exercítuum ad me, dicens: Hæc dicit Dóminus exercítuum: jejúnium quarti, et jejúnium quinti, et jejúnium séptimi, et jejúnium décimi, erit dómui Juda in gáudium, et lætítiam, et in solemnitátes præcláras: veritátem tantum, et pacem dilígite: dicit Dóminus exercítuum.

Graduale. Ps. 140. Dirigátur orátio mea, sicut incénsum in conspéctu tuo, Dómine.

V. Elevátio mánuum meárum sacrificium vespertínus.

Orémus. Flectámus génua.

R. Leváte.

Oratio.

UT nobis, Dómine, tribuis solémne tibi deferre jejúnium: sic nobis, quæsumus, indulgéntiæ præsta subsidium. Per Dóminum.

Léctio Daniélis Prophétæ. Dan. 3. c

IN diébus illis: Angelus Dómini descendit cum Azaría, et sóciis ejus in fornácem: et excússit flāmā ignis de fornáce, et fecit medium fornácis quasi ventum roris flantem.

Flamma autem effundebatur super fornacem cubitis quadragintanovem: et erupit, et incendit quos reperit iuxta fornacem de Chaldæis ministros regis, qui eam incendebant. Et non tetigit eos omnino ignis, neque contristavit, nec quidquam molestiæ intulit. Tunc hi tres quasi ex uno ore laudabant, et glorificabant et benedicebant Deum in fornace, dicentes.

Hic non respondetur. Deo grátias.

Hymnus.

Ibid.

Benedictus es, Dómine Deus patrum nostrorum. Et laudábilis, et gloriósus in sæcula.

Et benedictum nomen glóriæ tuæ, quod est sanctum. Et laudábile, et gloriósum in sæcula.

Benedictus es in templo sancto glóriæ tuæ. Et laudábilis, et gloriósus in sæcula.

Benedictus es super thronum sanctum regni tui. Et laudábilis, et gloriósus in sæcula.

Benedictus es super sceptrum divinitatis tuæ. Et laudábilis, et gloriósus in sæcula.

Benedictus es qui sedes super Chérubim, intuens abyssos. Et laudábilis, et gloriósus in sæcula.

Benedictus es qui ámbulas super pennas ventórum, et super undas maris. Et laudábilis, et gloriósus in sæcula.

Benedicant te omnes Angeli, et Sancti tui. Et laudent te, et glorificent in sæcula.

Benedicant te cœli, et terra, mare, et ómnia quæ in eis sunt. Et laudent te, et glorificent in sæcula.

Gloria Patri, et Fílio, et Spirítui sancto. Et laudábili et glorióso in sæcula.

Sicut erat in principio, et nunc, et semper, et in sæcula sæculórum, Amen. Et laudábili et glorióso in sæcula.

Benedictus es, Dómine Deus patrum nostrorum. Et laudábilis, et gloriósus in sæcula.

Hic dicitur V. Dóminus vobiscum. sine Flectámus gēnua.

Oratio.

Deus, qui tribus púeris mitigásti flammās ignium: concéde propítius; ut nos fámulos tuos non exúrat flamma vitiórum. Per Dóminum.

Secunda Oratio. A cunctis nos. fol. 275. **Tertia ad libitum.**

Lectio Epístolæ beáti Pauli Apóstoli ad Hebræos. **Hebr. 9.**

Fratres, Tabernáculum factum est primum, in quo erant candelábra, et mensa, et propositio panum, quæ dicitur Sancta. Post velamentum autem secúndum, tabernáculum, quod dicitur Sancta Sanctorum, áureum habens thuríbulum, et arcam testaménti circumtéctam ex omni parte auro, in qua urna áurea habens manna, et virga Aaron, quæ frondúerat, et tábulæ testaménti; superque eam erant Chérubim glóriæ obumbrántia propitiatórium: de quibus non est modo dicéndum per singula. His vero ita compósitis; in priori quidem tabernáculo semper introibant sacerdótes, sacrificiórum officia consummántes: in secúndo autem semel in anno solus Póntifex, non sine ságuine, quem offert pro sua et pópuli ignorántia: hoc significánte Spíritu sancto, nondum propalátam esse sanctorum viam, adhuc prióre tabernáculo habénte statum. Quæ parabola est témporis instántis: iuxta quam múnera, et hóstiæ offerúntur, quæ non possunt iuxta consciéntiam perféctum fácere serviéntem, solúmmodo in cibis, et in pótibus, et váriis baptismátibus, et justítiis carnis usque ad tempus correctiónis impósitis. Christus autem assístens Póntifex futurórum bonórum, per ámplius et perféctius tabernáculum non manu-fáctum, idest, non hujus creatiónis; neque per ságuinem hircórum aut vitulórum, sed per próprium ságuinem introívit semel in Sancta, æténa redemptióne invénta.

Dominica xviii. post Pentecosten.

Tractus. Psal. 116. Laudáte Dóminum omnes gentes: et collaudáte eum omnes pópuli.

V. Quóniam confirmáta est super nos misericórdia ejus: et véritas Dómini manet in ætérnum.

Sequéntia sancti Evangélíi secúndum Lucam. Lucæ. 13.

In illo témpore: Dicébat Jesus turbis hanc similitúdinem: Arborem fici habébat quidam plantátam in vinea sua, et venit quærens fructum in illa, et non invénit. Dixit autem ad cultórem vineæ: Ecce anni tres sunt ex quo vénio quærens fructum in ficúlnea hac, et non invénio: succíde ergo illam: ut quid étiam terram óccupat? At ille respóndens, dicit illi: Dómine dimitte illam et hoc anno, usque dum fódiam circa illam, et mittam stércora: et si quidem fécerit fructum: sin autem, in futúrum succídes eam. Erat autem docens in synagóga eórum sábbatis. Et ecce múlíer, quæ habébat spíritum infirmitátis annis decem et octo: et erat inclináta, nec omníno póterat sursum respícere. Quam cum vidéret Jesus, vocávit eam ad se, et ait illi: Múlíer, dimíssa es ab infirmitáte tua. Et impósuit illi manus, et conféstim erécta est, et glorificábat Deum. Respóndens autem archysynagógus, indignans quia sábbato curásset Jesus, dicébat turbæ: Sex dies sunt, in quibus opórtet operári: in his ergo veníte, et curámini, et non in die sábbati. Respóndens autem ad illum Dóminus, dixit: Hypócritæ, unusquisque vestrum sábbato non solvit bovem suum, aut ásinum à præsepíio, et ducit adaquáre? Hanc autem filiam Abrahæ, quam alligávit sátanas, ecce decem et octo annis, non opórtuit solvi à vínculo isto die sábbati? Et cum hæc diceret, erubescébant omnes adversárii ejus: et omnis pópulus gaudébat in univérſis, quæ glorióse fiébant ab eo.

Offertorium. Ps. 87. Dómine Deus salútis meæ, in die clamávi et nocte

coram te: intret orátio mea in conspéctu tuo, Dómine. **Secreta.**

Concéde, quæsumus omnipotens Deus: ut óculis tuæ majestátis munus oblátum, et grátiam nobis devotiónis obtíneat, et efféctum beátæ perennitátis acquirat. **Per Dóminum.**

Alia Secreta. Exáudi nos Deus. fol. 276. Tertia ad libitum.

Communio. Levitici 23. Mense séptimo festa celebrábitis, cum in tabernáculis habitáre fécerim filios Israel, cum edúcerem eos de terra Ægypti, ego Dóminus Deus vester.

Postcommunio.

Perficiant in nobis, Dómine quæsumus, tua sacraménta quod cóntinent: ut quæ nunc spécie gérimus, rerum veritáte capiámus. **Per Dóminum nostrum.**

Alia Postcommunio. Mundet et múníat. fol. 276.

Tertia ad libitum.

DOMINICA XVIII.

post Pentecosten.

Introitus.

Eccli. 36. c



A pacem, Dómine, sustinéntibus te, ut Prophétæ tui fideles inveniántur: exáudi preces servi tui, et plebis tuæ Israel.

Ps. 121. Lætátus sum in his, quæ dicta sunt mihi: in domum Dómini ibimus.

V. Glória Patri.

Oratio.

Dirigat corda nostra, quæsumus Dómine, tuæ miseratiónis operátio: quia tibi sine te placére non póssumus. **Per Dóminum.**

Secunda Oratio. A cunctis nos. fol. 275. Tertia ad libitum.

Léctio Epístolæ beáti Pauli Apóstoli ad Corínthios. 1. Cor. 1.

Fratres: Grátias ago Deo meo semper pro vobis in grátia Dei, quæ data est vobis in Christo Jesu:

Dominica xix. post Pentecosten.

quod in ómnibus dívites facti estis in illo, in omni verbo, et in omni sciéntia: sicut testimónium Christi confirmátum est in vobis: ita ut nihil vobis desit in ulla grátia, expectántibus revelatióem Dómini nostri Jésu Christi, qui et confirmábit vos usque in finem sine crímine, in die advéntus Dómini nostri Jesu Christi.

Graduale. Psal. 121. Lætátus sum in his quæ dicta sunt mihi: in domum Dómini íbimus.

V. Fiat pax in virtúte tua, et abundantia in túrribus tuis.

Allelúja, allelúja.

V. Psal. 101. Timébunt gentes nomen tuum Dómine: et omnes reges terræ glóriam tuam. **Allelúja.**

 **Sequéntia sancti Evangélíi secúndum Matthæum. Matth. 9.**

In illo témpore: Ascéndens Jesus in navículam, transfretávit, et venit in civitátem suam. Et ecce offerébant ei paralyticum jacéntem in lecto. Et videns Jesus fidem illórum, dixit paralytico: Confide fili, remittúntur tibi peccáta tua. Et ecce quidam de scribis dixerunt intra se: Hic blasphemát. Et cum vidisset Jesus cogitatiónes eórum, dixit: Ut quid cogitátis mala in córdibus vestris? Quid est facílius, dicere: Dimittúntur tibi peccáta tua; an dicere: surge et ámbula? Ut autem sciátis, quia filius hóminis habet potestátem in terra dimitténdi peccáta, tunc ait paralytico: Surge, tolle lectum tuum, et vade in domum tuam. Et surréxit, et ábiit in domum suam. Vidéntes autem turbæ timuérunt, et glorificavérunt Deum, qui dedit potestátem talem homínibus.

Credo.

Offertorium. Exodi 24. Sanctificávit Móyses altáre Dómino, ófferens super illud holocáusta, et ímmolans víctimas: fecit sacrificium vespertínium in odórem suavitátis Dómino Deo, in conspéctu filiórum Israel.

Secreta.

Deus, qui nos per hujus sacrificii veneránda commércia, unius summæ divinitátis partícipes éfficis: præsta quæsumus; ut sicut tuam cognóscimus veritátem, sic eam dignis móribus assequámur. **Per Dóminum.**

Alia Secreta. Exáudi nos Deus. fol. 276. Tertia ad libitum.

Communio. Ps. 95. Tóllite hóstias, et introíte in átria ejus: adoráte Dóminum in aula sancta ejus.

Postcommunio.

Grátiás tibi reférimus, Dómine, sacro múnere vegetáti, tuam misericórdiam deprecántes: ut dignos nos ejus participatióne perficias. **Per Dóminum nostrum.**

Alia Postcommunio. Mundet et múniat. fol. 276.

Tertia ad libitum.

DOMINICA XIX.

post Pentecosten.

Introitus.

 Alus pópuli ego sum, dicit Dóminus: de quacúmque tribulatióne clamáverint ad me, exáudiam eos: et ero illórum Dóminus in perpétuum.

Psal. 77. Atténdite pópule meus legem meam: inclináte aurem vestram in verba oris mei.

V. Glória Patri. Oratio.

Omnípotens et miséricors Deus, univérſa nobis adversántia propitiátus exclúde: ut mente et corpore páriter expediti, quæ tua sunt, liberis méntibus exequámur. **Per Dóminum.**

Secunda Oratio. A cunctis nos. fol. 275. Tertia ad libitum.

Léctio Epístolæ beáti Pauli Apóstoli ad Ephésios. Ephes. 4. c

Rátres, Renovámini spírítu mentis vestræ, et indúite novum hóminem, qui secúndum Deum creátus est in justítia, et sanctitáte veritátis. Propter quod deponéntes men-

Dominica xx. post Pentecosten.

dácium, loquimini veritatem unusquisque cum próximo suo: quoniam sumus invicem membra. Irascimini, et nolite peccare: sol non occidat super iracundiam vestram. Nolite locum dare diabolo: qui furabatur, jam non furatur; magis autem laboret, operando manibus suis quod bonum est, ut habeat unde tribuat necessitatem patienti.

Graduale. Ps. 140. Dirigatur oratio mea, sicut incensum in conspectu tuo Domine.

V. Elevatio manuum mearum sacrificium vespertinum.

Allelúja, allelúja.

V. Psal. 104. Confitemini Domino, et invocate nomen ejus: annuntiate inter gentes opera ejus. Allelúja.

Sequentia sancti Evangelii secundum Matthaeum. Matth. 22.

IN illo tempore: Loquebatur Jesus Principibus sacerdotum et Pharisaeis in parabolis, dicens: Simile factum est regnum celorum homini regi, qui fecit nuptias filio suo. Et misit servos suos vocare invitatos ad nuptias, et nolabant venire. Iterum misit alios servos, dicens: Dicite invitatis: Ecce prandium meum paravi, tauri mei, et altilia occisa sunt, et omnia parata: venite ad nuptias. Illi autem neglexerunt et abierunt, alius in villam suam, alius vero ad negotiationem suam: reliqui vero tenuerunt servos ejus, et contumeliis affectos occiderunt. Rex autem cum audisset, iratus est: et missis exercitibus suis, perdidit homicidas illos, et civitatem illorum succendit. Tunc ait servis suis: Nuptiae quidem paratae sunt, sed qui invitati erant, non fuerunt digni. Ite ergo ad exitus viarum, et quoscunque invenieritis, vocate ad nuptias. Et egressi servi ejus in vias, congregaverunt omnes, quos invenierunt, malos et bonos, et impletae sunt nuptiae discumbentium. Intravit autem rex, ut videret discumbentes, et vidit ibi hominem non

vestitum veste nuptiali. Et ait illi: Amice, quomodo huc intrasti, non habens vestem nuptialem? At ille obmutuit. Tunc dixit rex ministris: Ligatis manibus et pedibus ejus, mittite eum in tenebras exteriores: ibi erit fletus, et stridor dentium. Multi enim sunt vocati, pauci vero electi. **Credo.**

Offertorium. Psal. 137. Si ambulavero in medio tribulationis, vivificabis me Domine, et super iram inimicorum meorum extendes manum tuam, et salvum me faciet dextera tua.

Secreta.

HAec munera, quaesumus Domine, quae oculis tuae majestatis offerimus, salutaria nobis esse concede. Per Dominum nostrum.

Alia Secreta. Exaudi nos Deus. fol. 276. **Tertia ad libitum.**

Communio. Ps. 118. Tu mandasti mandata tua custodiri nimis: utinam dirigantur viae meae, ad custodiendas justificationes tuas.

Postcommunio.

Tua nos, Domine, medicinalis operatio, et a nostris perversitatibus clementer expediat, et tuis semper faciat inhærere mandatis. Per Dominum.

Alia Postcommunio. Mundet et muniat. fol. 276.

Tertia ad libitum.

DOMINICA XX.
post Pentecosten.

Introitus.

Dan. 3.



Mnia, quae fecisti nobis, Domine, in vero judicio fecisti: quia peccavimus tibi, et mandatis tuis non obedivimus: sed da gloriam nomini tuo, et fac nobiscum secundum multitudinem misericordiae tuae.

Psal. 118. Beati immaculati in via: qui ambulant in lege Domini.

V. Gloria Patri.

Dominica xxi. post Pentecosten.

Oratio.

LArgire, quæsumus Dómine, fide-
libus tuis indulgéntiam placátus
et pacem: ut páriter ab ómnibus mun-
déntur offénsis, et secúra tibi mente
deserviant. Per Dóminum.

Secunda Oratio. A cunctis nos.
fol. 275. **Tertia ad libitum.**

Léctio Epístolæ beáti Pauli Apóstoli
ad Ephésios. **Ephes. 5. d**

FRatres, Vidéte quómodo caute
ambulétis: non quasi insipién-
tes, sed ut sapiéntes, rediméntes tem-
pus, quóniam dies mali sunt. Pro-
ptérea nolíte fieri imprudéntes, sed
intelligéntes, quæ sit volúntas Dei.
Et nolíte inebriári vino, in quo est lu-
xúria, sed implémini Spíritu sancto,
loquéntes vobismetípsis in psalmis,
et hymnis, et cánticis spirituálibus,
cantántes, et psalléntes in córdibus
vestris Dómino: grátias agéntes sem-
per pro ómnibus in nómine Dómini
nostri Jesu Christi, Deo et Patri.
Subjécti invicem in timóre Christi.

Graduale. Ps. 144. Oculi ómnium
in te spérant, Dómine: et tu das illis
escam in témpore opportúno.

V. Aperis tu manum tuam, et imples
omne ánimál benedictióne.

Allelúja, allelúja.

V. Psal. 107. Parátum cor meum,
Deus, parátum cor meum: cantábo,
et psallam tibi, glória mea. **Allelúja.**

**Sequéntia sancti Evangélíi se-
cúndum Joánnem. Joan. 4. f**

IN illo témpore: Erat quidam ré-
gulus, cujus fílius infirmabátur
Caphárnaum. Hic cum audísset, quia
Jesus adveníret à Judæa in Galilæ-
am, ábiit ad eum, et rogábat eum ut
descénderet, et sanáret fílium ejus:
incipiébat enim mori. Dixit ergo Je-
sus ad eum: Nisi signa et prodígia
vidéritis, non créditis. Dicit ad eum
régulus: Dómine, descénde priús-
quam moriátur fílius meus. Dicit ei
Jesus: Vade, fílius tuus vivit. Cré-
didit homo sermóni, quem dixit ei

Jesus, et ibat. Jam autem eo descen-
dente, servi occurrérunt ei, et nun-
tiavérunt dicéntes, quia fílius ejus
viveret. Interrogábat ergo horam ab
eis, in qua mélius habúerit. Et dixé-
runt ei: quia heri hora séptima relí-
quit eum febris. Cognóvit ergo pater,
quia illa hora erat, in qua dixit ei Je-
sus: Fílius tuus vivit: et crédidit ipse,
et domus ejus tota. **Credo.**

Offertorium. Psal. 136. Super flú-
mina Babylónis illic sédimus et flévi-
mus, dum recordarémur tui Sion.

Secreta.

Cœléstem nobis præbeant hæc
mystéria, quæsumus Dómine,
medicinam: et vítia nostri cordis ex-
púrgent. Per Dóminum.

Alia Secreta. Exáudi nos Deus.
fol. 276. **Tertia ad libitum.**

Communio. Ps. 118. Meménto ver-
bi tui servo tuo, Dómine, in quo mihi
spem dedísti: hæc me consoláta est
in humilitáte mea.

Postcommunio.

UT sacris, Dómine, reddámur di-
gni múnéribus: fac nos, quæsu-
mus, tuis semper obedíre mandátis.
Per Dóminum nostrum.

Alia Postcommunio. Mundet et
múniat. fol. 276. **Tertia ad libitum.**

DOMINICA XXI.

post Pentecosten.

Introitus.

Esth. 13.

IN voluntáte, tua, Dó-
mine, univérsa sunt pó-
sita, et non est qui pos-
sit résistere voluntáti
tuæ: tu enim fecísti ó-
mnia, cœlum et terram, et univérsa
quæ cœli ámbitu continéntur: Dómi-
nus universórum tu es.

Psal. 118. Beáti immaculáti in via:
qui ámbulant in lege Dómini.

V. Glória Patri.

Oratio.

Famíliam tuam, quæsumus Dó-
mine, contínua pietáte custódi:
ut à cunctis adversitátibus, te prote-

Dominica xxi. post Pentecosten.

gente, sit libera; et in bonis áctibus tuo nómini sit devóta. **Per Dóminum.**

Secunda Oratio. **A** cunctis nos. fol. 275. **Tertia ad libitum.**

Léctio Epístolæ beáti Pauli Apóstoli ad Ephésios. **Ephes. 6. b**

ERatres, Confortámini in Dómino, et in poténtia virtútis ejus. Indúite vos armatúram Dei, ut possitis stare advérsus insídias diabóli: quóniam non est nobis colluctátio advérsus carnem et sánguinem: sed advérsus príncipes et potestátes, advérsus mundi rectóres tenebrárum harum, contra spirituália nequitiæ, in cœléstibus. Proptérea accípите armatúram Dei, ut possitis resistere in die malo, et in ómnibus perfécti stáre. State ergo succínti lumbos vestros in veritaté, et indúti lorícam justítiæ, et calceáti pedes in præparatióne Evangélii pacis: in ómnibus suméntes scutum fidei, in quo possitis ómnia tela nequíssimi ígnea extínguere: et gáleam salutis assúmite: et gládium spíritus, quod est verbum Dei.

Graduale. Psal. 89. Dómine refúgium factus es nobis à generatióne et progénie.

V. Priúsquam montes fierent, aut formarétur terra et orbis: à sæculo, et usque in sæculum tu es Deus.

Allelúja, allelúja.

V. Psal. 113. In éxitu Israel de Ægypto, domus Jacob de pópulo bárbaro. **Allelúja.**

Sequéntia sancti Evangélii secúndum Matthæum. Mth. 18. c

IN illo témpore: Dixit Jesus discípulis suis parábolam hanc: Assimilatúm est regnum cœlórum hómini regi, qui vóluit ratiónem pónere cum servis suis. Et cum cœpísset ratiónem pónere, oblátus est ei unus, qui debébat ei decem millia talénta. Cum autem non habéret unde rédderet, jussit eum dóminus ejus venúndari, et uxórem ejus, et filios, et ómnia quæ habébat, et reddi. Próci-

dens autem servus ille, orábat eum, dicens: Patiéntiam habe in me, et ómnia reddam tibi. Misértus autem dóminus servi illíus dimísit eum, et débitum dimísit ei. Egréssus autem servus ille, invénit unum de consérvis suis, qui debébat ei centum denários: et tenens suffocábat eum, dicens: Redde quod debes. Et próci-dens consérvus ejus, rogábat eum, dicens: Patiéntiam habe in me, et ómnia reddam tibi. Ille autem nóluit; sed ábiit, et misit eum in cárcerem, donec rédderet débitum. Vidéntes autem consérvi ejus quæ fiébant, contristáti sunt valde: et venérunt et narravérunt dómīno suo ómnia quæ facta fúerant. Tunc vocávit illum dóminus suus: et ait illi: Serve nequam, omne débitum dimísi tibi quóniam rogásti me: nónne ergo opórtuit et te miseréri consérvi tui, sicut et ego tui misértus sum? Et irátus dóminus ejus, trádedit eum tortóribus, quoadúsque rédderet univérsum débitum. Sic et Pater meus cœléstis fáciét vobis, si non remiséritis unusquisque fratri suo de córdibus vestris. **Credo.**

Offertorium. Job 1. Vir erat in terra Hus nómine Job: simplex et rectus, ac timens Deum: quem Satan pétiit, ut tentáret: et data est ei potéstas à Dómino in facultátes, et in carnem ejus: perdidítque omnem substántiam ipsíus, et filios: carnem quoque ejus grávi úlcere vulnerávit.

Secreta.

Suscipe, Dómine, propítius hóstias, quibus et te placári voluísti, et nobis salutem poténti pietáte restítui. **Per Dóminum nostrum.**

Alia Secreta. Exáudi nos Deus. fol. 276. **Tertia ad libitum.**

Communio. Ps. 118. In salutári tuo ánima mea, et in verbum tuum sperávi: quando fácies de persequéntibus me iudícium? iníqui persecúti sunt me, ádjuva me Dómine Deus meus.

Dominica xxii. post Pentecosten.

Postcommunio.

Immortalitatis alimóniam consecúti, quæsumus Dómine: ut quod ore percépimus, pura mente sectémur. Per Dóminum nostrum.

Alia Postcommunio. Mundet et múniat. fol. 276.

Tertia ad libitum.

DOMINICA XXII.

post Pentecosten.



Introitus. Ps. 129.

Iniquitates observáveris Dómine, Dómine quis sustinébit? quia apud te propitiatio est, Deus Israel.

Ps. ibid. De profúndis clamávi ad te, Dómine, Dómine exáudi vocem meam.

V. Glória Patri. Oratio.

Deus refúgium nostrum, et virtus: adésto piis Ecclesiæ tuæ précibus, auctor ipse pietátis, et præsta; ut, quod fidéliter pétimus, effícaciter consequámur. Per Dóminum.

Secunda Oratio. A cunctis nos. fol. 275.

Tertia ad libitum.

Léctio Epístolæ beáti Pauli Apóstoli ad Philippenses. Philipp. 1.

Fratres, Confidimus in Dómino Jesu, quia qui cœpit in vobis opus bonum, perfíciet usque in diem Christi Jesu. Sicut est mihi justum hoc sentíre pro ómnibus vobis: eo quod hábeam vos in corde, et in vinctulis meis, et in defensióne, et confirmatióne Evangélii, sócios gáudii mei omnes vos esse. Testis enim mihi est Deus, quómodo cúpiam omnes vos in viscéribus Jesu Christi. Et hoc oro, ut caritas vestra magis ac magis abúndet in sciéntia, et in omni sensu: ut probétis potióra, ut sitis sincéri, et sine offénsa in diem Christi, repléti fructu justitiæ per Jesum Christum in glóriam et laudem Dei.

Graduale. Ps. 132. Ecce quam bonum, et quam jucúndum, habitáre fratres in unum.

V. Sicut unguéntum in cápite, quod descéndit in barbam, barbam Aaron.

Allelúja, allelúja.

V. Psal. 113. Qui timent Dóminum, sperent in eo: adjútor et protéctor eórum est. Allelúja.

Sequéntia sancti Evangélii secúndum Matthæum. Mtth. 22. b

In illo témpore: Abeúntes Pharisæi consílium iniérunt, ut cáperent Jesum in sermóne. Et mittunt ei discípulos suos cum Herodiánis, dicéntes: Magister, scimus quia verax es, et viam Dei in veritáte doces, et non est tibi cura de áliquo: non enim réspicis persónam hóminum: dic ergo nobis quid tibi vidétur? licet census dare Cæsari, an non? Cógnota autem Jesus nequítia eórum, ait: Quid me tentátis hypócritæ? osténdite mihi numísma census. At illi obtulérunt ei denárium. Et ait illis Jesus: Cujus est imágo hæc, et superscriptio? Dicunt ei: Cæsaris. Tunc ait illis: Réddite ergo quæ sunt Cæsaris, Cæsari; et quæ sunt Dei, Deo. **Credo.**

Offertorium. Esther. 14. Recordáre mei, Dómine, omni potentátui dóminans: et da sermónem rectum in os meum, ut pláceant verba mea in conspéctu princípis. **Secreta.**

DA, miséricors Deus: ut hæc salutáris oblátio, et à própriis nos reátibus indesinénter expédiat, et ab ómnibus tueátur advérsis. Per Dóminum nostrum.

Alia Secreta. Exáudi nos Deus. fol. 276. **Tertia ad libitum.**

Communio. Psal. 16. Ego clamávi, quóniam exaudísti me Deus: inclína aurem tuam, et exáudi verba mea.

Postcommunio.

Sumpsimus, Dómine, sacri dona mystérii, humíliter deprecántes: ut quæ in tui commemoratióne nos

Dominica xxiii. post Pentecosten.

fácere præcepísti, in nostræ proficiant infirmitátis auxílium. Qui vivis et regnas.

Alia Postcommunio. Mundet et múniat. fol. 276.

Tertia ad libitum.

DOMINICA XXIII.

post Pentecosten,

quando non fuerit ultima post Pentecosten; quia si erit ultima, tunc loco vigesimætertiae ponetur quæ inferius est xxiv. et Missa xxiii. dicetur in Sabbato præcedenti non impedito Festo Duplici, vel Semiduplici, alioquin in alia præcedenti Feria similiter non impedita.

Introitus. Jeremiæ 29.



Dicit Dóminus: Ego cógito cógitationes pacis, et non afflictiónis: invocábitis me, et ego exáudiam vos: et redúcam ca-

ptivitátem vestram de cunctis locis.

Ps. 84. Benedixísti Dómine terram tuam: avertísti captivitátem Jacob.

V. Glória Patri. Oratio.

Absólve, quæsumus Dómine, tuórum delícta populórum: ut à peccatórum néxibus, quæ pro nostra fragilitáte contráximus, tua benignitáte liberémur. Per Dóminum.

Secunda Oratio. A cunctis nos. fol. 275. **Tertia ad libitum.**

Léctio Epístolæ beáti Pauli Apóstoli ad Philippénes. Phil. 3. d 4.

Fratres, Imitatóres mei estóte, et observáte eos, qui ita ámbulant, sicut habétis formam nostram. Multi enim ámbulant, quos sæpe dicébam vobis (nunc autem et flens dico) inimicos crucis Christi: quorum finis intéritus: quorum Deus venter est: et glória in confusione ipsórum, qui terréna sápiunt. Nostra autem conversatio in cœlis est: unde étiam Sal-

vatórem expectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ, secundum operatióem, qua etiam possit subjícere sibi ómnia. Itaque, fratres mei caríssimi, et desideratíssimi, gáudium meum et coróna mea: sic state in Dómino caríssimi. Evódiam rogo, et Syntychen déprecor idípsum sápere in Dómino. Etiam rogo et te germáne compar, ádjuva illas, quæ mecum laboravérunt in Evangelio cum Cleménte, et céteris adjutóribus meis, quorum nómina sunt in libro vitæ.

Graduale. Psal. 43. Liberásti nos Dómine ex affligéntibus nos: et eos, qui nos odérunt, confudísti.

V. In Deo laudábimur tota die, et in nómine tuo confitébimur in sæcula.

Allelúja, allelúja.

V. Psal. 129. De profúndis clamávi ad te Dómine, Dómine exáudi oratióem meam. Allelúja.



Sequéntia sancti Evangelii secundum Matthæum. Matth. 9. c

IN illo témpore: Loquente Jesu ad turbas, ecce princeps unus accéssit, et adorábat eum, dicens: Dómine, fília mea modo defúncta est: sed veni, impóne manum tuam super eam, et vivet. Et surgens Jesus sequebátur eum, et discípuli ejus. Et ecce múlter, quæ sánguinis fluxum patiebátur duódecim annis, accéssit retro, et tétigit fimbriam vestiménti ejus. Dicébat enim intra se: Si tetígero tantum vestiméntum ejus, salva ero. At Jesus convérsus, et videns eam, dixit: Confíde fília, fides tua te salvam fecit. Et salva facta est múlter ex illa hora. Et cum venísset Jesus in domum princípis, et vidísset tibícines, et turbam tumultuántem, dicébat: Recédite; non est enim mórtua puélla, sed dormit. Et deridébant eum. Et cum ejécta esset turba, intrávit, et ténuit manum ejus. Et sur-

Dominica xxiv. et ultima post Pentecosten.

réxit puélla. Et éxiit fama hæc in univérsam terram illam. **Credo.**

Offertorium. Psal. 129. De profúndis clamávi ad te, Dómine, Dómine exáudi oratióem meam: De profúndis clamávi ad te, Dómine.

Secreta.

Pro nostræ servitútis augménto sacrificium tibi, Dómine, laudis offérimus: ut quod imméritis contulísti, propítius exequáris. Per Dóminum nostrum.

Alia Secreta. Exáudi nos Deus. fol. 276. **Tertia ad libitum.**

Communio. Marci 11. Amen dico vobis, quidquid orántes pétitis, crédate quia accipiétis, et fiet vobis.

Postcommunio.

Quæsumus, omnipotens Deus: ut quos divína tribuis participatióne gaudére, humanis non sinas subiacére periculis. Per Dóminum.

Alia Postcommunio. Mundet et múniat. fol. 276.

Tertia ad libitum.

¶ **Si Dominicæ post Pentecosten fuerint plures xxiv. tunc post xxiii. resumantur (quoad Orationes, Epistolas et Evangelia) Missæ Dominicarum, quæ superfuerunt post Epiphaniam (ut infra post Dominicam xxiv.) hoc ordine.**

Si Dominicæ fuerint xxv. in Dominica xxiv. dicitur Missa Dominicæ vi. post Epiphaniam.

Si fuerint xxvi. in Dominica xxiv. dicitur Missa Dominicæ v. post Epiphaniam: et in vigesimaquinta, Missa Dominicæ sextæ.

Si fuerint xxvii. in Dominica xxiv. dicitur Missa Dominicæ iv. post Epiphaniam: in vigesimaquinta, Dominicæ v. et in vigesimasexta, Dominicæ sextæ.

Si fuerint xxviii. in Dominica xxiv. dicitur Missa Dominicæ iii. post Epiphaniam: in vigesimaquinta, Dominicæ iv. in vigesimasexta, Dominicæ quintæ: in vigesimaseptima, Dominicæ sextæ.

Et ultimo loco semper ponitur Missa Dominicæ xxiv. post Pentecosten.

¶ **Introitus autem, Graduale, Offertorium, et Communio in prædictis Dominicis semper dicuntur ut in Dominica vigesimatertia.**

D O M I N I C A X X I V .

et ultima post Pentecosten.

Introitus.

Jeremiæ 29.



Dicit Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivi-

tátém vestram de cunctis locis.

Ps. 84. Benedixísti Dómine terram tuam: avertísti captivitátém Jacob.

V. Glória Patri.

Oratio.

Excita, quæsumus Dómine, tuórum fidélium voluntátes: ut divíni operis fructum propénsius exsequéntes, pietátis tuæ remédia májora percípiant. Per Dóminum.

Ad poscenda suffragia Sanctorum.

Oratio.

A Cunctis nos, quæsumus Dómine, mentis et córporis defénde periculis: et, intercedénte beáta et gloriósa semper vírgine Dei genitríce María, cum beátis Apóstolis tuis Petro et Paulo, atque beáto **N.** et ómnibus sanctis, salútem nobis tribue benígnus et pacem; ut, destrúctis adversitatibus et erróribus univérsis, Ecclésia tua secúra tibi sérviat libertáte.

Tertia ad libitum.

Léctio Epístolæ beáti Pauli Apóstoli ad Colossénses.

Col. 1. b

Fratres, Non cessámus pro vobis orántes et postulántes, ut impleámini agnitióne voluntátis Dei, in omni sapiéntia et intelléctu spiritali: ut ambulétis digne Deo per ómnia placéntes, in omni opere bono fructificántes, et crescéntes in sciéntia Dei: in omni virtúte confortáti se-

Dominica xxiv. et ultima post Pentecosten.

cúndum poténtiam claritátis ejus, in omni patiéntia, et longanimitáte cum gáudio, grátias ágéntes Deo Patri, qui dignos nos fecit in partem sortis sanctórum in lúmine: qui erípuit nos de potestáte tenebrárum, et tránstulit in regnum Fílii dilectionis suæ; in quo habémus redemptionem per sánguinem ejus, remissionem peccatórum.

Graduale. Psal. 43. Liberásti nos, Dómine, ex affligéntibus nos: et eos, qui nos odérunt, confudísti.

V. In Deo laudábimur tota die, et in nómine tuo confitébimur in sæcula.

Allelúja, allelúja.

V. Psal. 129. De profúndis clamávi ad te Dómine, Dómine exáudi orationem meam. Allelúja

Sequéntia sancti Evangélíi scúndum Matthæum. Matth. 24. b

IN illo témpore: Dixit Jesus discípulis suis: Cum vidéritis abominationem desolationis, quæ dicta est à Daniéle prophéta, stantem in loco sancto: qui legit, intélligat: tunc qui in Judæa sunt, fúgiant ad montes: et qui in tecto, non descéndat tóllere áliquid de domo sua: et qui in agro, non revertátur tóllere tunicam suam. Væ autem prægnántibus et nutriéntibus in illis diébus. Oráte autem, ut non fiat fuga vestra in hieme, vel sábbato. Erit enim tunc tribulatio magna, qualis non fuit ab iníto mundi usque modo, neque fiet. Et nisi breviáti fuissent dies illi, non fieret salva omnis caro: sed propter eléctos breviabúntur dies illi. Tunc si quis vobis díxerit: Ecce híc est Christus, aut illic: nolíte crédere. Surgent enim pseudochrísti, et pseudoprophétæ, et dabunt signa magna et prodígia, ita ut in errórem inducántur (si fieri potest) étiam elécti. Ecce prædíxi vobis. Si ergo díxerint vobis: ecce in desérto est, nolíte exíre: ecce in penetralibus, nolíte crédere. Sicut enim fulgur exit ab Oriénte, et paret usque

in Occidéntem: ita erit et advéntus Fílii hóminis. Ubicúmque fúerit corpus, illic congregabúntur et áquilæ. Statim autem post tribulationem dierum illórum sol obscurábitur, et luna non dabit lumen suum, et stellæ cadent de cælo, et virtútes cælórum commovebúntur: et tunc parébit signum Fílii hóminis in cælo: et tunc plangent omnes tribus terræ: et vidébunt Fílium hóminis veniéntem in núbibus cæli cum virtúte multa, et majestáte. Et mittet Angelos suos cum tuba, et voce magna: et congregábunt eléctos ejus à quátuor ventis, à summis cælórum usque ad téminos eórum. Ab árbore autem fici discite parábolam: cum jam ramus ejus tener fúerit, et fólia nata, scitis quia prope est æstas: ita et vos, cum vidéritis hæc ómnia, scitóte quia prope est in jánuis. Amen dico vobis: quia non præteríbit generatio hæc, donec ómnia hæc fiant. Cælum et terra transibunt, verba autem mea non præteribunt. **Credo.**

Offertorium. Ps. 129. De profúndis clamávi ad te Dómine, Dómine exáudi orationem meam: de profúndis clamávi ad te Dómine.

Secreta.

Propítius esto, Dómine, supplicationibus nostris: et pópuli tui oblationibus, precibúsq; susceptis, ómnium nostrum ad te corda convertite; ut à terrénis cupiditatibus liberáti, ad cælestia desidéria transeámus. Per Dóminum nostrum.

Ad poscenda suffragia Sanctorum.

Secreta.

EXáudi nos Deus salutáris noster, ut per hujus sacraménti virtútem, à cunctis nos mentis et corpore hóstibus tueáris, grátiam tribuens in præsentí, et glóriam in futúro.

Tertia ad libitum.

Communio. Marci 11. Amen dico vobis, quidquid orántes pétitis, créдите quia accipiétis et fiet vobis.

Dominica iii. quæ superfuit post Epiphaniam.

Postcommunio.

Concède nobis, quæsumus Dómine: ut per hæc sacramenta quæ sumpsimus, quidquid in nostra mente vitiosum est, ipsorum medicatiónis dono curétur. Per Dóminum.

Ad poscenda suffragia Sanctorum.

Postcommunio.

Mundet et múniat nos, quæsumus Dómine, divini sacramenti munus oblátum: et, intercedente beáta vírgine Dei genitrice María, cum beátis Apóstolis tuis Petro, et Paulo, atque beáto **N.** et ómnibus Sanctis; à cunctis nos reddat et perversitatibus expiátos, et adversitatibus expeditos.

Tertia ad libitum.

DOMINICA TERTIA

quæ superfuit post Epiphaniam, ponenda secundum superiorem Rubricam.

Introitus.

Jeremiæ 29.

Dicit Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitatem vestram de cunctis locis.

Ps. 84. Benedixisti Dómine terram tuam: avertisti captivitatem Jacob.

V. Glória Patri. Oratio.

OMnípotens sempitérne Deus, infirmitatem nostram propítius respice: atque ad protegendum nos, dexteram tuæ majestátis extende. Per Dóminum nostrum.

Secunda Oratio. A cunctis nos. fol. 310. **Tertia ad libitum.**

Lectio Epístolæ beáti Pauli Apóstoli ad Romános. Rom. 12. d

FRatres, Nolite esse prudentes apud vosmetipsos: nulli malum pro malo reddentes: providentes bona non tantum coram Deo, sed étiam coram ómnibus homínibus. Si fieri potest, quod ex vobis est, cum ómnibus homínibus pacem habéntes: non

vosmetipsos defendéntes, caríssimi, sed date locum iræ: scriptum est enim: Mihi vindicta: ego retribuam, dicit Dóminus. Sed si esuríerit inimicus tuus, ciba illum: si sitit: potum da illi: hoc enim fáciens, carbónes ignis cóngeres super caput ejus. Noli vinci à malo, sed vince in bono malum.

Graduale. Psal. 43. Liberásti nos Dómine, ex affligéntibus nos: et eos, qui nos odérunt, confudísti.

V. In Deo laudábimur tota die, et in nómine tuo confitébimur in sæcula.

Allelúja, allelúja.

V. Psal. 129. De profúndis clamávi ad te Dómine, Dómine exáudi oratióem meam. **Allelúja.**

Sequéntia sancti Evangélíi secundum Matthæum. Matth. 8.

IN illo témpore: Cum descendisset Jesus de monte, secútæ sunt eum turbæ multæ: et ecce leprósus véniens, adorábat eum, dicens: Dómine, si vis, potes me mundáre. Et extendens Jesus manum, tétigit eum, dicens: Volo. Mundáre. Et confestim mundáta est lepra ejus. Et ait illi Jesus: Vide, némini díxeris: sed vade, osténde te sacerdoti, et offer munus, quod præcepit Móyses, in testiménium illis. Cum autem introisset Caphárnaum, accéssit ad eum Centúrio, rogans eum, et dicens: Dómine puer meus jacet in domo paralyticus, et male torquétur. Et ait illi Jesus: Ego véniam, et curábo eum. Et respóndens Centúrio, ait: Dómine, non sum dignus ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: vade, et vadit; et álíi, veni, et venit: et servo meo, fac hoc, et facit. Audiens autem Jesus, mirátus est, et sequéntibus se dixit: Amen dico vobis, non invéni tantam fidem in Israel. Dico autem vobis, quod multi ab Oriénte et Occidente vénient, et recumbent cum

Dominica iv. quæ superfuit post Epiphaniam.

Abraham, et Isaac, et Jacob in regno cœlorum: filii autem regni ejicientur in ténebras exteriôres: ibi erit fletus, et stridor déntium. Et dixit Jesus Centuriôni: Vade, et sicut credidisti, fiat tibi. Et sanátus est puer in illa hora. **Credo.**

Offertorium. Ps. 129. De profúndis clamávi ad te, Dómine, Dómine exáudi oratióem meam: de profúndis clamávi ad te, Dómine. **Secreta.**

HÆc hóstia, Dómine quæsumus, Hemúndet nostra delícta: et ad sacrificium celebrándum, subditórum tibi cörpera mentésque sanctificet. Per Dóminum nostrum.

Alia Secreta. Exáudi nos Deus. fol. 311. **Tertia ad libitum.**

Communio. Marci 11. Amen dico vobis, quidquid orántes pétitis, créдите quia accipiétis, et fiet vobis.

Postcommunio.

Quos tantis, Dómine, largíris uti mystériis: quæsumus, ut efféctibus nos eórum veráciter aptáre dignéris. Per Dóminum.

Alia Postcommunio. Mundet et múniat. fol. 312.

Tertia ad libitum.

DOMINICA QUARTA

quæ superfuit post Epiphaniam.

Introitus. Jeremiæ 29.

Icit Dóminus: Ego cógito cogitationes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis.

Ps. 84. Benedixísti Dómine terram tuam; avertísti captivitátem Jacob.

V. Glória Patri. Oratio.

Deus, qui nos in tantis perículis constitútos, pro humana scis fragilitáte non posse subsistere: da nobis salútem mentis et cörperis; ut ea, quæ pro peccátis nostris pátimur, te adjuvánte vincámus. Per Dónm.

Secunda Oratio. A cunctis nos. fol. 310. **Tertia ad libitum.**

Léctio Epístolæ beáti Pauli Apóstoli ad Romános. Rom. 13. c

FRatres, Némini quidquam debeátis, nisi ut invicem diligátis: qui enim díligit próximum, legem implévit. Nam: non adulterábis: non occídes: non furáberis: non falsum testimoniúm dices: non concupísces: et si quod est áliud mandátum, in hoc verbo instaurátur: Díliges próximum tuum sicut teípsum. Diléctio próximi malum non operátur. Plenitúdo ergo legis est diléctio.

Graduale. Psal. 43. Liberásti nos, Dómine, ex affligéntibus nos: et eos, qui nos odérunt, confudísti.

V. In Deo laudábimur tota die, et in nómine tuo confitébimur in sæcula.

Allelúja, allelúja.

V. Psal. 129. De profúndis clamávi ad te Dómine, Dómine exáudi oratióem meam. **Allelúja.**

Sequéntia sancti Evangélíi scúndum Matthæum. Matth. 8. c

In illo témpore: Ascendénte Jesu in navículam, secúti sunt eum discípuli ejus: et ecce motus magnus factus est in mari, ita ut navícula operirétur flúctibus, ipse vero dormiébat. Et accessérunt ad eum discípuli ejus, et suscitavérunt eum, dicéntes: Dómine, salva nos, perímus. Et dicit eis Jesus: Quid tímidi estis módicæ fidei? Tunc surgens, imperávit ventis et mari, et facta est tranquillitas magna. Porro hómines miráti sunt, dicéntes: Qualis est hic, quia venti et mare obédiunt ei?

Credo.

Offertorium. Ps. 129. De profúndis clamávi ad te, Dómine: Dómine exáudi oratióem meam: de profúndis clamávi ad te, Dómine. **Secreta.**

Concède quæsumus omnípotens Deus: ut hujus sacrificii munus oblátum, fragilitátem nostram ab omni malo purget semper, et múniat. Per Dóminum nostrum.

Dominica v. quæ superfuit post Epiphaniam.

Alia Secreta. Exáudi nos Deus.
fol. 311.

Tertia ad libitum.

Communio. Marci 11. Amen dico vobis, quidquid orántes pétitis, créдите quia accipiétis, et fiet vobis.

Postcommunio.

MUnera tua nos, Deus, à delectationibus terrénis expédiant: et cœléstibus semper instáurent aliméntis. Per Dóminum.

Alia Postcommunio. Mundet et múniat. fol. 312.

Tertia ad libitum.

DOMINICA QUINTA

quæ superfuit post Epiphaniam.

Introitus. Jeremiæ 29.

Dicit Dóminus: Ego cógito cogitátiones pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis.

Ps. 84. Benedixísti Dómine terram tuam: avertísti captivitátem Jacob.

V. Glória Patri. Oratio.

FAmíliam tuam, quæsumus Dómine, contínua pietáte custódi: ut quæ in sola spe grátiae cœléstis innítitur, tua semper protectione múniátur. Per Dóminum nostrum.

Secunda Oratio. A cunctis nos. fol. 310. **Tertia ad libitum.**

Léctio Epístolæ beáti Pauli Apóstoli ad Colossénses. Colos. 3. b

FRatres, Indúite vos sicut elécti Dei, sancti et dilécti, víscera misericórdiæ, benignitátem, humilitátem, modéstiam, patiéntiam: supporántes ínvicem, et donántes vobismetípsis, si quis advérsus áliquem habet querélam: sicut et Dóminus donávit vobis, ita et vos. Super ómnia autem hæc caritátem habéte, quod est vínculum perfectiónis: et pax Christi exúltet in córdibus vestris, in qua et vocáti estis in uno córpore: et

grati estóte. Verbum Christi hábitet in vobis abundánter, in omni sapiéntia, docéntes, et commonéntes vosmetípsos, psalmis, hymnis, et cánticis spirituálibus, in grátia cantántes in córdibus vestris Deo. Omne quodcúmque fácitis in verbo, aut in ópere, ómnia in nómine Dómini Jesu Christi, grátias agéntes Deo et Patri, per Jesum Christum Dóminum nostrum.

Graduale. Psal. 43. Liberásti nos, Dómine, ex affligéntibus nos: et eos, qui nos odérunt, confudísti.

V. In Deo laudábimur tota die, et in nómine tuo confitébimur in sœcula.

Allelúja, allelúja.

V. Psal. 129. De profúndis clamávi ad te, Dómine, Dómine exáudi orationem meam. Allelúja.



Sequéntia sancti Evangélíi secúndum Matthæum. Mtth. 15. c

IN illo témpore: Dixit Jesus turbis parábolam hanc: Símile factum est regnum cœlórum hómini, qui seminávit bonum semen in agro suo. Cum autem dormírent hómines, venit inimícus ejus, et superseminávit zizánia in medio trítici, et ábiit. Cum autem crevísset herba, et fructum fecísset, tunc apparuérunt et zizánia. Accedéntes autem servi patrisfamilias dixerunt ei: Dómine, nónne bonum semen seminásti in agro tuo? Unde ergo habet zizánia? Et ait illis: Inimícus homo hoc fecit. Servi autem dixerunt ei: Vis, imus, et collígimus ea? Et ait: Non; ne forte colligéntes zizánia, eradicétis simul cum eis et tríticum. Sínite útraque créscere usque ad messem, et in témpore messis dicam messóribus: Collígite primum zizánia, et alligáte ea in fascículos ad comburéndum, tríticum autem congregáte in hórreum meum.

Credo.

Offertorium. Ps. 129. De profúndis clamávi ad te Dómine, Dómine exáudi orationem meam: de profúndis clamávi ad te, Dómine.

Dominica vi. quæ superfuit post Epiphaniam.

Secreta.

Hostias tibi, Dómine, placatiónis offérimus: ut et delicta nostra miserátus absólvas, et nutántia corda tu dírigas. Per Dóminum.

Alia Secreta. Exáudi nos Deus. fol. 311. Tertia ad libitum.

Communio. Marci 11. Amen dico vobis, quidquid orántes pétitis, crédate quia accipiétis, et fiet vobis.

Postcommunio.

Quæsumus omnipotens Deus: ut illius salutáris capiámus efféctum, cujus per hæc mystéria pignus accépimus. Per Dóminum.

Alia Postcommunio. Mundet et múniat. fol. 312.

Tertia ad libitum.

DOMINICA SEXTA

quæ superfuit post Epiphaniam.

Introitus. Jeremiæ 29.

Dicit Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis.

Ps. 84. Benedixísti Dómine terram tuam: avertísti captivitátem Jacob.

V. Glória Patri. Oratio.

Præsta, quæsumus omnipotens Deus: ut semper rationabília meditántes, quæ tibi sunt plácita, et dictis exequámur, et factis. Per Dóminum nostrum.

Secunda Oratio. A cunctis nos. fol. 310. Tertia ad libitum.

Léctio Epístolæ beáti Pauli Apóstoli ad Thessalonicénses. 1. Thess. 1.

Fratres, Grátias ágimus Deo semper pro ómnibus vobis, memóriam vestri faciéntes in oratióibus nostris sine intermissiône, memores óperis fidei vestræ, et labóris, et caritátis, et sustinéntiæ spei Dómini nostri Jesu Christi ante Deum, et Patrem nostrum: sciéntes, fratres

dilécti à Deo, electiõem vestram, quia Evangélium nostrum non fuit ad vos in sermóne tantum, sed et in virtúte, et in Spíritu sancto, et in plenitúdine multa: sicut scitis quales fuérimus in vobis propter vos. Et vos imitatóres nostri facti estis, et Dómini, excipiéntes verbum in tribulatióne multa, cum gáudio Spíritus sancti: ita ut facti sitis forma ómnibus credéntibus in Macedónia, et in Achája. A vobis enim diffamátus est sermo Dómini, non solum in Macedónia, et in Achája; sed et in omni loco fides vestra, quæ est ad Deum, profécta est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos: et quómodo convérsi estis ad Deum à simulácris, servíre Deo vivo et vero, et expectáre Fílium ejus de cœlis (quem suscitávit ex mortuis) Jesum, qui erípuit nos ab ira ventúra.

Graduale. Psal. 43. Liberásti nos Dómine, ex affligéntibus nos: et eos, qui nos odérunt, confudísti.

V. In Deo laudábimur tota die, et in nómine tuo confitébimur in sæcula.

Allelúja, allelúja.

V. Psal. 129. De profúndis clamávi ad te Dómine, Dómine exáudi oratió-nem meam. Allelúja.

Sequéntia sancti Evangélii scúndum Matthæum. Mtth. 13. d

In illo témpore: Dixit Jesus turbis parábolam hanc: Símile est regnum cœlórum grano sinápis, quod accípiens homo seminávit in agro suo: quod mínimum quidem est ómnibus semínibus: cum autem créverit, majus est ómnibus oléribus, et fit arbor, ita ut volucres cœli véniant, et hábitent in ramis ejus. Aliam parábolam locútus est eis: Símile est regnum cœlórum fermento, quod accéptum múlter abs-cóndit in farínæ satis tribus, donec fermentátum est totum. Hæc ómnia locútus est Jesus in parábolis ad turbas; et sine parábolis non loquebátur

Dominica vi. quæ superfuit post Epiphaniam.

eis: ut impleretur quod dictum erat per Prophétam dicentem: Apériam in parábolis os meum, eructábo abscondita à constitutíone mundi.

Credo.

Offertorium. Psal. 129. De profúndis clamávi ad te Dómine, Dómine exáudi oratíonem meam: de profúndis clamávi ad te Dómine.

Secreta.

HÆc nos oblátio, Deus, mundet quæsumus, et rénovet: gubernet, et próteget. Per Dóminum.

Alia Secreta. Exáudi nos Deus. fol. 311. **Tertia ad libitum.**

Communio. Marci 11. Amen dico vobis, quidquid orántes pétitis, créдите quia accipiétis, et fiet vobis.


Postcommunio.

CEléstibus, Dómine, pasti delíciis: quæsumus, ut semper éadem, per quæ veráciter vívimus, appetámus. Per Dóminum.

Alia Postcommunio. Mundet, et múniat. fol. 312.

Tertia ad libitum.

¶ **Dominica xxviii. et ultima post Pentecosten, quæ superius posita est in ordine xxiv.**



PROPRIUM

MISSARUM

DE SANCTIS.

FESTA NOVEMBRIS.

DIE XXIX.
IN VIGILIA S. ANDREÆ
Apostoli.

Introitus.

Matth. 4.



Ominus
secus ma-
re Gali-
lææ vidit
duos fra-
tres, Pe-
trum et
André-

am, et vocavit eos:
Venite post me: fá-
ciam vos fieri pesca-
tóra hómínúm.

Ps. 18. Cœli enár-
rant glóriam Dei:
et ópera mánuum
ejus annúntiat fir-
maméntum.

V. Glória Patri.

Oratio.

Quæsumus
omnípotens
Deus: ut beátus Andréas Apóstolus,
cujus prævenimus festivitátem, tuum
pro nobis implóret auxiliúm; ut à no-
stris reátibus absolúti, à cunctis étiam
perículis eruámur. Per Dóminum.

Pro Commemoratione S. Saturnini Martyris. Oratio.

Deus, qui nos beáti Saturníni
Mártýris tui concédís natalítio
pérfrui: ejus nos tríbue méritis adju-
vári. Per Dóminum nostrum.

¶ Si Vigilia S. Andreæ venerit in
Adventu, Missa dicitur de Vigilia,
et secunda Oratio erit de Adventu,
tertia de sancto Saturnino.

¶ Si festum S. Andreæ venerit
Feria secunda, Missa de Vigilia di-
citur in Sabbato, et secunda Oratio
erit de S. Maria tertia Ecclesiæ, vel
pro Papa. Oratio.

Concède nos fámulos tuos, quæ-
sumus Dómine Deus, perpétua
mentis et córporis sanitáte gaudére:
et gloriósa beátæ Mariæ semper Vír-
ginis intercessióne, à præsentí libe-
rári tristítia, et ætérna pérfrui lætítia.

Contra persecutores Ecclesiæ. Oratio.

Ecclésiæ tuæ quæsumus Dómine,
preces placátus admítte: ut, de-
strúctis adversitátibus, et erróribus
univérstis, secúra tibi sérviat libertá-
te. Per Dóminum nostrum.

Vel pro Papa. Oratio.

Deus ómnium fidélium Pastor et
rektor, fámulum tuum **N.** quem
pastórem Ecclesiæ tuæ præesse vo-
luísti, propítius réspice: da ei, quæsu-
mus, verbo et exémplo, quibus præ-
est, proficere; ut ad vitam, una cum

Festa Novembris.

grege sibi crédito, perveniat sempiternam. Per Dóminum nostrum.

Et commemoratio S. Saturnini fit in Dominica. Quod et in aliis Vigiliis (excepta Vigilia Nativitatis Domini) servatur.

¶ Si autem Festum S. Andreæ venerit in Dominica, transfertur in sequentem diem, Festo Duplici, vel Semiduplici non impeditam: quod et in aliis Festis Duplicibus secundum Rubricas generales in Dominicis Adv. occurrentibus servatur: et in illis semper fit commemoratio de Adventu. De Simplicibus autem toto Adventu fit tantum commemoratio.

Lectio libri Sapiéntiæ.

Eccl. 44. d. et 45.

Benedictio Dómini super caput iusti. Ideo dedit illi Dóminus hæreditatem, et divisit illi partem in tribubus duodecim: et invenit gratiam in conspectu omnis carnis. Et magnificavit eum in timóre inimicorum, et in verbis suis monstra placavit. Glorificavit illum in conspectu regum, et iussit illi coram pópulo suo, et osténdit illi glóriam suam. In fide et lenitate ipsius sanctum fecit illum, et elegit eum ex omni carne. Et dedit illi coram præcepta, et legem vitæ et disciplinæ, et excelsum fecit illum. Státuit ei testaméntum ætérnum: et circumcínxit eum zona iustitiæ: et induit eum Dóminus coronam glóriæ.

Graduale Ps. 138. Nimis honoráti sunt amici tui, Deus: nimis confortátus est principátus eórum.

V. Dinumerábo eos: et super arénam multiplicabúntur.

Sequéntia sancti Evangélíi secundum Joánnem. Joan. 1. e

In illo témpore: Stabat Joánnes, et ex discípulis ejus duo. Et respiciens Jesum ambulántem, dicit: Ecce Agnus Dei. Et audiérunt eum duo discípuli loquéntem, et secúti sunt Jesum. Convérsus autem Jesus, et videns eos sequéntes se, dicit

eis: Quid quæritis? Qui dixerunt ei: Rabbi (quod dicitur interpretátum Magíster) ubi hábitas? Dicit eis: Veníte, et vidéte. Venérunt, et vidérunt ubi manéret, et apud eum mansérunt die illo: hora autem erat quasi décima. Erat autem Andréas frater Simónis Petri unus ex duóbus, qui audierant à Joánnē, et secúti fuerant eum. Invenit hic primum fratrem suum Simónem, et dicit ei: Invenimus Messíam (quod est interpretátum Christus.) Et addúxit eum ad Jesum. Intúitus autem eum Jesus, dicit: Tu es Simon filius Jona: tu vocáberis Cephas, quod interpretátur Petrus. In crástinum voluit exíre in Galilæam, et invenit Philíppum. Et dicit ei Jesus: Séquere me. Erat autem Philíppus à Bethsáida, civitáte Andreæ et Petri. Invenit Philíppus Nathánael, et dicit ei: Quem scripsit Móyses in lege, et Prophétæ, invenimus Jesum filium Joseph à Náza-reth. Et dicit ei Nathánael: à Náza-reth potest áliquid boni esse? Dicit ei Philíppus: Veni, et vide. Vidit Jesus Nathánael veniéntem ad se, et dicit de eo: Ecce vere Israelíta, in quo dolus non est. Dicit ei Nathánael: Unde me nosti? Respóndit Jesus, et dicit ei: Priúsqvam te Philíppus vocáret, cum esses sub ficu, vidi te. Respóndit ei Nathánael, et ait: Rabbi, tu es Fílius Dei, tu es Rex Israel. Respóndit Jesus, et dicit ei: Quia dixi tibi: vidi te sub ficu credis; majus his vidébis. Et dicit ei: Amen, amen dico vobis, vidébitis cælum apértum, et Angelos Dei ascendéntes, et descendéntes supra Fílium hóminis.

Offertorium. Psal. 8. Gória et honóre coronásti eum: et constituísti eum super ópera mánuum tuárum, Dómine.

Secreta.

Sacrándum tibi, Dómine, munus Sofferimus: quo beáti Andreæ Apóstoli solémnia recoléntes, purificationem quoque nostris méntibus implorémus. Per Dóminum.

Festa Novembris.

Pro S. Saturnino. Secreta.

MUnera, Dómine, tibi dicáta sanctífica: et, intercedente beáto Saturníno mártire tuo, per hæc eadem nos placátus inténde. Per Dóminum nostrum.

De beata Maria. Secreta.

Tua, Dómine, propitiatióne, et beátæ Mariæ, semper Vírginis intercessióne, ad perpétuam atque præsentem hæc oblátio nobis proficiat prosperitátem, et pacem.

Contra persecutores Ecclesiæ. Secreta.

PRótege nos, Dómine, tuis mystériis serviéntes, ut divínis rebus inhærentes et corpore tibi famulémur et mente. Per Dóminum.

Vel pro Papa. Secreta.

Oblátis, quæsumus Dómine, placáre munéribus: et famulum tuum **N.** quem pastórem Ecclesiæ tuæ præesse voluisti, assídua protectione gubérna. Per Dóminum nostrum.

Communio. Joan. 1. Dicit Andréas Simóni fratri suo: Invénimus Messiam, qui dicitur Christus: et addúxit eum ad Jesum.

Postcommunio.

Percéptis, Dómine, sacraméntis suppliciter exorámus: ut, intercedente beáto Andréa Apóstolo tuo, quæ pro illius veneránda gérimus passióne, nobis proficiant ad medélam. Per Dóminum nostrum.

Pro Sancto Saturnino.

Postcommunio.

Sanctíficet nos, quæsumus Dómine, tui percéptio sacraménti, et intercessióne Sanctórum tuórum tibi reddat accéptos. Per Dóminum.

De Beata Maria. Postcommunio.

Sumptis, Dómine, salútis nostræ subsidiis; da quæsumus, beátæ Mariæ semper Vírginis patrocíniis nos ubique prótegi, in cujus veneratióne hæc tuæ obtúlimus majestáti.

Contra persecutores Ecclesiæ. Postcommunio.

Quæsumus Dómine Deus noster, ut quos divína tríbuis participatióne gaudere, humánis non sinas subjacere perículis. Per Dóminum.

Vel pro Papa. Postcommunio.

Hæc nos, quæsumus Dómine, divíni Sacraménti percéptio prótegit: et famulum tuum **N.** quem pastórem Ecclesiæ tuæ præesse voluisti, una cum commisso sibi grege, salvet semper et múniat. Per Dóminum nostrum.

EADEM DIE.

S. SATURNINI MARTYRIS.

Missa. Lætábitur. de Comuni. fol. v. **Orationes ut in Missali sub hac die.**

DIE XXX.

S. ANDRÆE APOSTOLI.

Introitus. Ps. 138.



Ihi autem nimis honoráti sunt amíci tui Deus: nimis confortátus est principátus eórum.

Psal. ibid. Dómine probásti me, et cognovísti me: Tu cognovísti sessiónem meam, et resurrectionem meam.

V. Glória Patri.

Oratio.

MAjestátem tuam, Dómine, suppliciter exorámus: ut, sicut Ecclesiæ tuæ beátus Andréas Apóstolus éxstitit prædicátor et rector; ita apud te sit pro nobis perpétuus intercessor. Per Dóminum nostrum.

Léctio Epístolæ beáti Pauli Apóstoli ad Romános.

Rom. 10. b

FRatres, Corde enim créditur ad justítiam: ore autem conféssio fit ad salútem. Dicit enim Scriptúra: Omnis, qui credit in illum, non confundétur. Non enim est distíctio Judæi, et Græci: nam idem Dóminus ómnium, dives in omnes, qui invocant illum. Omnis enim, quicúmque

Festa Decembris.

invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audierunt? Quómodo autem áudient sine prædicánte? Quómodo vero prædicábunt nisi mittántur? sicut scriptum est: Quam speciósi pedes evangelizántium pacem, evangelizántium bona! Sed non omnes obédiunt Evangélio. Isaías enim dicit: Dómine, quis credidit auditui nostro? Ergo fides ex auditu, auditus autem per verbum Christi. Sed dico: numquid non audierunt? Et quidem in omnem terram exívit sonus eórum, et in fines orbis terræ verba eórum.

Graduale. Psal. 44. Constitues eos principes super omnem terram: mémoires erunt nóminis tui Dómine.

V. Pro Pátribus tuis nati sunt tibi filii, proptérea pópuli confitebúntur tibi.

Allelúja, allelúja.

V. Diléxit Andréam Dóminus in odórem suavitátis. **Allelúja.**

Sequéntia sancti Evangélíi secúndum Matthæum. Matth. 4. c

In illo témpore: Ambulans Jesus iuxta mare Galilææ, vidit duos fratres, Simónem, qui vocátur Petrus, et Andréam fratrem ejus, mitténtes rete in mare, (erant enim piscatóres), et ait illis: Veníte post me, et fáciam vos fieri piscatóres hóminum. At illi continuo, relictis rétib, secúti sunt eum. Et procédens inde, vidit álios duos fratres, Jacóbum Zebedæi, et Joánnem fratrem ejus in navi cum Zebedæo patre eórum, re-ficiéntes rétia sua: et vocávit eos. Illi autem statim relictis rétib, et patre secúti sunt eum. **Credo.**

Offertorium. Psal. 138. Mihi autem nimis honoráti sunt amíci tui, Deus: nimis confortátus est principátus eórum. **Secreta.**

Sacrificium nostrum tibi, Dómine quæsumus, beáti Andréæ Apóstoli precátio sancta concíliet: ut, in cujus honóre solémniter exhibétur,

ejus méritis efficiátur accéptum. Per Dóminum nostrum.

Præfatio de Apóstolis. fol. 200. vel 218.

Communio. Matth. 4. Veníte post me: fáciam vos fieri piscatóres hóminum: at illi continuo, relictis rétib, secúti sunt Dóminum.

Postcommunio.

Sumpsimus, Dómine, divína mysteria, beáti Andréæ festivitáte lætántes, quæ, sicut tuis sanctis ad glóriam, ita nobis, quæsumus, ad véniam prodésse perfícias. Per Dóminum nostrum.

FESTA DECEMBRIS.

DIE II.

S. BIBIANÆ VIRG. ET MART.

Missa. Me expectavérunt. de Comuni Virg. et Mart. fol. xxi. excepta Oratione propria, ut infra.

Oratio.

Deus, ómnium largítor bonórum, qui in fámula tua Bibiána cum virginitátis flore martyrii palmam conjunxisti: mentes nostras ejus intercessióne tibi caritáte conjúge, ut amótis perículis, præmia consequámur æténa. Per Dóminum nostrum.

Si celebretur in Adventu, secunda Oratio erit de Feria, tertia de S. Maria, Deus, qui de beátæ Mariæ. fol. 1. quæ terminatur sic: Per eúmdem Dóminum nostrum.

DIE III.

S. FRANCISCI XAVERII Conf.

Introitus. Psal. 118.



Oquébar de testimoniis tuis in conspéctu regum, et non confundébar: et meditábar in mandátis tuis, quæ diléxi nimis. **Ps. 116.** Laudáte Dóminum omnes gentes, lau-

Festa Decembris.

dáte eum ómnes pópuli: quóniam confirmáta est super nos misericórdia ejus, et véritas Dómini manet in ætérnum.

V. Glória Patri. Oratio.

DEus, qui Indiárum gentes beáti Francísci prædicatione, et miraculis Ecclesiæ tuæ aggregáre voluisti: concéde propítius; ut cujus gloriósa mérita venerámur, virtútum quoque imitémur exémpa. Per Dóminum nostrum.

Et fit commemoratio Feriæ.

Léctio Epístolæ beáti Pauli Apóstoli ad Romános. Rom. 10. b

FRatres, Corde enim créditur ad justítiam: ore autem conféssio fit ad salútem. Dicit enim Scriptúra: Omnis qui credit in illum, non confundétur. Non enim est distíctio Judæi, et Græci: nam idem Dóminus ómnium, dives in omnes, qui invocant illum. Omnis enim, quicúmque invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audiérunt? Quómodo autem áudient sine prædicánte? Quómodo vero prædicábunt, nisi mittántur? sicut scriptum est: Quam speciósi pedes evangelizántium pacem, evangelizántium bona! Sed non omnes obédiunt Evangélio. Isaías enim dicit: Dómine, quis crédidit auditui nostro? Ergo fides ex auditu, auditus autem per verbum Christi. Sed dico: numquid non audiérunt? Et quidem in omnem terram exívit sonus eórum, et in fines orbis terræ verba eórum.

Graduale. Ps. 91. Justus ut palma florébit, sicut cedrus Líbani multiplicábitur in domo Dómini.

V. Ad annuntiándum mane misericórdiam tuam, et veritátem tuam per noctem.

Allelúja, allelúja.

V. Jac. 1. Beátus vir qui suffert tentationem: quóniam cum probátus fúerit, accípiet corónam vitæ. Allelúja.

Sequéntia sancti Evangélii secúndum Marcum. Marc. 16. c

IN illo témpore: Dixit Jesus discipulis suis: Eúntes in mundum univérsum, prædicáte Evangélium omni creatúræ. Qui credíderit, et baptizátus fúerit, salvus erit: qui vero non credíderit, condemnábitur. Signa autem eos, qui credíderint, hæc sequéntur: In nómine meo dæmónia ejicient: linguis loquéntur novis: serpéntes tollent: et si mortíferum quid bíberint, non eis nocébit: super ægros manus impónent, et bene habébunt.

Offertorium. Ps. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

PRæsta nobis, quæsumus omnipotens Deus: ut nostræ humilitátis oblátio et pro tuórum tibi grata sit honóre sanctórum, et nos córpore páriter, et mente puríficet. Per Dóminum nostrum.

Communio. Matth. 24. Beátus servus, quem cum vénerit Dóminus, invénerit vigilántem: amen dico vobis, super ómnia bona sua constituet eum.

Postcommunio.

QUæsumus, omnipotens Deus: ut qui cœléstia aliménta percépi-mus, intercedénte beáto Francíscó Confessóre tuo, per hæc contra ómnia advérsa muniámur. Per Dóminum nostrum.

DIE IV.

S. PETRI CHRYSOLOGI, Episc. Confess. et Ecclesiæ Doct.

Introitus.

Eccli. 15.

IN médio Ecclesiæ apéruit os ejus: et implévit eum Dóminus spíritu sapiéntiæ, et intelléctus: stolam glóriæ induit eum. **Psal. 91. Bonum est contéri Dómino: et psállere nómini tuo, Altíssime.**

Festa Decembris.

V. Glória Patri.

Oratio.

DEus, qui beátum Petrum Chrysológum Doctórem egrégium, divínitus præmonstrátum, ad regéndam, et instruéndam Ecclésiám tuam éligi voluísti: præsta quæsumus; ut quem Doctórem vitæ habúimus in terris, intercessórem habére mereámur in cœlis. Per Dóminum.

Deinde fit commem. Feriæ Adventus, et S. Barbaræ Virginis, et Martyris. Oratio. Deus, qui inter cétera. ut in communi Virginis, et Martyris. fol. xx.

Léctio Epístolæ beáti Pauli Apóstoli ad Timótheum. 2. Tim. 4.

Carissime, Testíficor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: prædica verbum, insta opportúne, importúne: argue, óbseca, increpa in omni paciéntia, et doctrína. Erit enim tempus, cum sanam doctrínám non sustinébunt, sed ad sua desidéria coacervábunt sibi magístros, pruriéntes áuribus, et à veritáte quidem auditum avértent, ad fábulas autem converténtur. Tu vero vígila, in ómnibus labóra, opus fac evangelistæ, ministérium tuum imple. Sóbrius esto. Ego enim jam delíbor, et tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus judex: non solum autem mihi, sed et iis, qui diligunt advéntum ejus.

Graduale. Eccli. 44. Ecce sacerdos magnus, qui in diébus suis plácuit Deo. **V.** Non est invéntus similis illi, qui conserváret legem Excélsi.

Allelúja, allelúja.

V. Ps. 109. Tu es sacerdos in ætérnum secúndum órđinem Melchisedech. **Allelúja.**

Sequéntia sancti Evangélii secúndum Matthæum. Matth. 5. b

IN illo témpore: Dixit Jesus discípulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósi-ta. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cœlis est. Nolíte putáre, quóniam veni sóolvere legem, aut prophétas: non veni sóolvere, sed adimplére. Amen quippe dico vobis, donec tránseat cœlum et terra, jota unum, aut unus apex non præteríbit à lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínus vocábitur in regno cœlórum: qui autem fécerit, et docúerit, hic magnus vocábitur in regno cœlórum.

Credo.

Offertorium. Ps. 91. Justus ut palma florébit: sicut cedrus, quæ in Líbano est, multiplicábitur.

Secreta.

Sancti tui Petri Chrysólogi nobis, Dómine, pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum nostrum.

Communio. Matth. 25. Dómine, quinque talénta tradidísti mihi: ecce ália quinque superlucrátus sum: Euge serve bone et fidélis, quia in pauca fuísti fidélis, supra multa te constitúam, intra in gáudium Dómini tui.

Postcommunio.

UT nobis, Dómine, tua sacrificia dent salútem, beátus Petrus Chrysólogus Póntifex tuus, et Doctor egrégus, quæsumus, precátor accédát. Per Dóminum nostrum.

Festa Decembris.

DIE V.
SANCTI SABBÆ ABBATIS.

Missa. Os justi. fol. xix.

Oratio.

INtercessio nos, quæsumus Dómine, beáti Sabbæ Abbátis coméndet: ut quod nostris méritis non valémus, ejus patrocínio assequámur. Per Dóminum.

Secreta.

Sacris altáribus, Dómine, hóstias superpósitas sanctus Sabbas, quæsumus, in salútem nobis proveníre depóscat. Per Dóminum.

Postcommunio.

Prótegat nos, Dómine, cum tui perceptióne sacraménti beátus Sabbas pro nobis intercedéndo: ut, et conversatiónis ejus experiámur insígnia, et intercessiúnis percipiámus suffrágia. Per Dóminum.

DIE VI.
S. NICOLAI EPISC. ET CONF.

Introitus. Eccli 45.

Tátuit ei Dóminus testaméntum pacis, et príncipem fecit eum: ut sit illi sacerdotii dígnitas in ætérnum.

Psal. 131. Meménto, Dómine, David: et omnis mansuetúdinis ejus.

V. Glória Patri. **Oratio.**

Deus, qui beátum Nicoláum Pontíficem innúmeris decorásti miraculis: tríbue quæsumus; ut ejus méritis et précibus à gehénnæ incendiis liberémur. Per Dóminum.

Et fit commemoratio Feriæ.

Léctio Epístolæ beáti Pauli Apóstoli ad Hebræos. **Hebr. 13. b**

Fratres, Mementóte præpositórum vestrórum, qui vobis locúti sunt verbum Dei: quorum intuéntes éxitum conversatiónis, imitámini fidem. Jesus Christus heri, et hódie: ipse et in sæcula. Doctrínis váriis et

peregrínis nolíte abdúci. Optimum est enim grátia stabilíre cor, non escis, quæ non profuérunt ambulántibus in eis. Habémus altáre, de quo édere non habent potestátem, qui tabernáculo deserviunt. Quórum enim animálium infértur sanguis pro peccáto in Sancta per Pontíficem, horum córpora cremántur extra castra. Propter quod et Jesus, ut sanctificáret per suum sánguinem pópulum, extra portam passus est. Exeámus igitur ad eum extra castra, impropérium ejus portántes. Non enim habémus híc manéntem civitátem, sed futúram inquírimus. Per ipsum ergo offerámus hóstiam láudis semper Deo, idest fructum labiórum confiténtium nómini ejus. Beneficéntiæ autem, et communionis nolíte oblivísci: talibus enim hóstiis promerétur Deus. Obedíte præpósitis vestris, et subjacéte eis. Ipsi enim pervígilant, quasi ratió-nem pro animábus vestris redditúri.

Graduale. Psal. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

V. Nihil proficiet inimícus in eo: et filius iniquitátis non nocébit ei.

Allelúja, allelúja.

V. Psal. 91. Justus ut palma florébit: sicut cedrus Líbani multiplicábitur. **Allelúja.**



Sequéntia sancti Evangélíi secúndum Matthæum. Matth. 25.

In illo témpore: Dixit Jesus discí-pulis suis parábolam hanc: Homo péregre proficiscens, vocávit servos suos, et trádidit illis bona sua. Et uni dedit quinque talénta, álíi autem duo, álíi vero unum, unicuíque secúndum própíam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniám dómini sui.

Festa Decembris.

Post multum vero tēporis venit dōminus servōrum illōrum, et pōsuit ratiōnem cum eis. Et accēdens qui quinque talēta accēperat, obtulit ālia quinque talēta, dicens: Dōmine, quinque talēta tradidisti mihi, ecce ālia quinque superlucrātus sum. Ait illi dōminus ejus: Euge serve bone, et fidēlis, quia super pauca fuisti fidēlis, super multa te constituam, intra in gāudium dōmini tui. Accēssit autem et qui duo talēta accēperat, et ait: Dōmine, duo talēta tradidisti mihi, ecce ālia duo lucrātus sum. Ait illi dōminus ejus: Euge serve bone et fidēlis, quia super pāuca fuisti fidēlis, super multa te constituam, intra in gāudium dōmini tui.

Offertorium. Ps. 88. Vēritas mea, et misericōrdia mea cum ipso, et in nōmine meo exaltābitur cornu ejus.

Secreta.

Sanctifica, quāsumus Dōmine Deus, hēc mūnera, quæ in solemnitāte sancti Antīstītis tui Nicolāi offērimus: ut per ea, vita nostra inter advērsa, et prōspera ubique dirigātur. Per Dōminum nostrum.

Communio ibid. Semel jurāvi in sancto meo: semen ejus in ætēnum manēbit; et sedes ejus sicut sol in conspēctu meo, et sicut luna perfēcta in ætēnum, et testis in cōelo fidēlis.

Postcommunio.

Sacrificia, quæ sūmpsimus, Dōmine, pro solemnitāte sancti Pontīficis tui Nicolāi, sempitērna nos protectione consērent. Per Dōminum nostrum.

DIE VII.**S. AMBROSII EPISCOPI,****Confessoris et Ecclesiæ Doctoris.****Introitus.****Ecc. 15.**

In medio Ecclesiæ aperuit os ejus: et implēvit eum Dōminus spīritu sapiētiæ et intellēctus: stolam glōriæ induit

eum. **Psal. 91.** Bonum est confitēri Dōmino, et psāllere nōmini tuo Altissime.

V. Glōria Patri.

Oratio.

Deus, qui pōpulo tuo ætērnæ salutis beātum Ambrōsium ministrum tribuisti: præsta quāsumus; ut quem Doctōrem vitæ habuimus in terris, intercessōrem habere mereāmur in cōelis. Per Dōminum.

Et fit commemoratio Feriæ.

Lectio Epistolæ beāti Pauli Apōstoli ad Timōtheum. 2. Tim. 4.

Carissime, Testificor coram Deo, et Jesu Christo, qui judicatūrus est vivos et mōrtuos, per advēntum ipius, et regnum ejus: prædica verbum, insta opportūne, importūne: argue, obsecra, increpa in omni patientia et doctrīna. Erit enim tempus, cum sanam doctrīnam non sustinēbunt, sed ad sua desidēria coacervābunt sibi magistros, pruriētes auri-bus, et à veritatē quidem auditum avērtent, ad fābulas autem convertētur. Tu vero vīgila, in omnibus labōra, opus fac Evangelistæ, ministērium tuum imple. Sōbrius esto. Ego enim jam delibor, et tempus resolutionis meæ instat. Bonum certāmen certāvi, cursum consummāvi, fidem servāvi. In reliquo repōsita est mihi corōna justitiæ, quam reddet mihi Dōminus in illa die justus judex: non solum autem mihi, sed et iis, qui diligunt advēntum ejus.

Graduale. Ecc. 44. Ecce sacerdos magnus, qui in diēbus suis placuit Deo. **V.** Non est invēntus similis illi, qui conservāret legem Excēlsi.

Allelūja, allelūja.

V. Psal. 109. Jurāvit Dōminus, et non pōnitēbit eum: tu es sacerdos in ætēnum secūndum ordinem Melchisedech, Allelūja.

Sequēntia sancti Evangelii secūndum Matthæum. Matth. 5. b

In illo tēpore: Dixit Jesus discipulis suis: Vos estis sal terræ. Quod si sal evanūerit, in quo salietur?

Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósi-ta. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent patrem vestrum, qui in cœlis est. Nolíte putáre quóniam veni sólvare legem, aut prophétas: non veni sólvare, sed adimplére. Amen quippe dico vobis, donec tránseat cœlum et terra, jota unum, aut unus apex non præteríbit à lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cœlórum: qui autem fécerit et docúerit, hic magnus vocábitur in regno cœlórum.

Credo.

Offertorium. Ps. 88. Véritas mea, et misericórdia mea cum ipso: et in nómine meo exaltábitur cornu ejus.


Secreta.

OMnípotens, sempitérne Deus, múnera tuæ majestáti obláta, per intercessiónem beáti Ambrósii Confessóris tui, atque Pontíficis, ad perpétuam nobis fac proveníre salútem. Per Dóminum nostrum.

Communio. ibid. Semel jurávi in sancto meo: semen ejus in ætérnum manébit: et sedes ejus sicut sol in conspéctu meo, et sicut luna perfécta in ætérnum, et testis in cœlo fidélis.

Postcommunio.

SAcraménta salútis nostræ susci-pientes, concéde quæsumus omnípotens Deus: ut beáti Ambrósii Confessóris tui, atque Pontíficis, nos ubique orátio adjuvet, in cujus veneratione hæc tuæ obtúlimus majestáti. Per Dóminum.



**DIE VIII.
IN FESTO CONCEPTIONIS
B. MARIE VIRGINIS.**



Introitus. Sedulius.

Alve, sancta Parens, eníxa puérpera Regem, qui cœlum, terrámque regit in sæcula sæculórum.

Ps. 44. Eructávit cor meum verbum bonum: dico ego ópera mea Regi.

V. Glória Patri.

Oratio.

FAmulistuis, quæsumus Dómine, cœlestis grátiae munus impertíre: ut, quibus beátæ Virgínis partus éxitit salútis exórdium, Conceptionis ejus votíva solémnitas, pacis tríbuat incrementum. Per Dóminum.

Et fit commemoratio Ferie.

Léctio libri Sapiéntiæ. Prov. 8. c

Dominus possédit me in inítio víarum suárum, ántequam quidquam fáceret à princípío. Ab ætérno ordináta sum, et ex antíquis, ántequam terra fieret. Nondum erant abyssi, et ego jam concépta eram: necdum fontes aquárum erúperant: necdum montes gravi mole constíte-rant: ante colles ego parturiébar: adhuc terram non fécerat, et flúmina, et cárdines orbis terræ. Quando præparábat cœlos, áderam: quando certa lege, et gyro vallábat abyssos: quando æthera firmábat sursum, et librábat fontes aquárum: quando circúmdabat mari términum suum, et legem ponébat aquis, ne transírent fines suos: quando appendébat fundaménta terræ. Cum eo eram cuncta compónens: et delectábar per singulos dies, ludens coram eo omni tēpore; ludens in orbe terrárum: et de-líciæ meæ esse cum filiis hóminum. Nunc ergo, filii, audíte me: beáti qui custódiunt vias meas. Audíte disciplinam, et estóte sapiéntes, et nolíte abjícere eam. Beátus homo, qui áudit me, et qui vígilat ad fores meas quotidie, et obsérvat ad postes óstii

Festa Decembris.

mei. Qui me invenerit, inveniet vitam, et hauriet salutem à Dómino.

Graduale. Benedicta, et venerabilis es, virgo María: quæ sine tactu pudoris, inventa es mater Salvatoris.

V. Virgo Dei genitrix, quem totus non capit orbis, in tua se clausit viscera factus homo. **Allelúja, allelúja.**

V. Felix es, sacra virgo María, et omni laude digníssima: quia ex te ortus est sol justitiæ Christus Deus noster, **Allelúja.**

 **Inítium sancti Evangelii secundum Matthæum. Matth. 1.**

Liber generationis Jesu Christi filii David, filii Abraham. Abraham genuit Isaac, Isaac autem genuit Jacob. Jacob autem genuit Judam, et fratres ejus. Judas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea, quæ fuit Uriæ. Sálomon autem genuit Róboam. Róboam autem genuit Abíam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manásses autem genuit Amon. Amon autem genuit Josíam. Josías autem genuit Jechoníam, et fratres ejus in transmigratióne Babylónis. Et post transmigratióne Babylónis Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliácim. Eliácim autem genuit Azor. Azor autem genuit Sadoc. Sadoc autem genuit Achim. Achim

autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocátur Christus. **Credo.**

Et dicitur per totam Octavam etiam in festis infra eam occurrentibus.

Offertorium. Beáta es, virgo María, quæ ómnium portásti Creatórem: genuísti, qui te fecit, et in ætérnum permanes virgo. **Secreta.**

Unigéniti tui, Dómine, nobis succurrat humanitas: ut qui natus de Vírgine, matris integritatem non mínuit, sed sacrávit; in Conceptionis ejus solémniis, nostris nos piáculis éxuens, oblationem nostram tibi faciát accéptam Jesus Christus Dóminus noster: Qui tecum vivit, et regnat.

Præfatio de B. M. Virgine. Et te in Conceptione. fol. 199. et 218.

Et dicitur etiam in Festis infra Octavam occurrentibus.

Communio. Beáta viscera Mariæ virginis, quæ portavérunt ætérni Patris Fílium.

Postcommunio.

Sumpsimus, Dómine, celebritátis ánnuæ votíva sacraménta: præsta quæsumus, ut et temporális vitæ nobis remédia præbeant, et ætérnæ. Per Dóminum nostrum.

¶ Infra Octavam Conceptionis B. Mariæ Virginis, et in die Octava dicitur Missa sicut in die Festi; sed infra Octavam dicitur secunda Oratio Feriæ, tertia de Spiritu sancto, vel de Festo Simplici occurrente. Si vero occurrat dies Dominica, dicitur secunda Oratio de Octava.

DIE X.

Pro commemoratione S. Melchias Papæ et Martyris, Oratio. Infirmitatem etc. ex Missa. Státuit. ut in Comuni unius Mart. Pontif. fol. ii.



Festa Decembris.

DIE XI.

S. DAMASI PAPÆ ET CONF.



Introitus. Ps. 131.

Acerdótes tui, Dómine, induant justítiam, et Sancti tui exúltent: propter David servum tuum non avértas faciém Christi tui.

Psal. ibid. Meménto, Dómine, David, et omnis mansuetúdinis ejus.

V. Glória Patri. **Oratio.**

EXáudi, Dómine, preces nostras, et interveniénte beáto Dámaso Confessóre tuo, atque Pontífice, indulgéntiam nobis tríbue placátus, et pacem. Per Dóminum.

Et fit commemoratio de Octava Conceptionis.

Oratio. Fámulis tuis. **et Feriæ.**

Léctio Epístolæ beáti Pauli Apóstoli ad Hebræos. **Hebr. 7. d.**

FRatres, Plures facti sunt sacerdótes, idcirco quod morte prohiberéntur permanére: Jesus autem eo quod máneat in ætérnum, sempitérnum habet sacerdotium. Unde et salváre in perpétuum potest accedéntes per semetípsum ad Deum: semper vivens ad interpellándum pro nobis. Talis enim decébat, ut nobis esset Póntifex, sanctus, innocens, impollútus, segregátus à peccatóribus, et excélsior cœlis factus: qui non habet necessitátem quotidie, quemádmodum sacerdótes, prius pro suis delíctis hóstias offérre, deínde propópuli: hoc enim fecit semel, seípsum offeréndo, Jesus Christus Dóminus noster.

Graduale. Eccl. 44. Ecce sacérdos magnus, qui in diébus suis plácuít Deo.

V. Non est invéntus símilis illi, qui conserváret legem Excélsi.

Allelúja, allelúja.

V. Psal. 109. Tu es sacérdos in ætérnum secúndum órđinem Melchisedech. **Allelúja.**



Sequentia sancti Evangelii secúndum Matthæum. Matth. 24. c

IN illo témpore: Dixit Jesus discíulis suis: Vigiláte, quia nescítis, qua hora Dóminus vester ventúrus sit. Illud autem scitóte, quóniam si sciret paterfamílias, qua hora fur ventúrus esset, vigiláret útique, et non síneret pérfodi domum suam. Ideo et vos estóte paráti: quia quæ nescítis hora, Fílius hóminis ventúrus est. Quis, putas, est fidélis servus, et prudens, quem constituit Dóminus suus super famíliam suam, ut det illis cibum in témpore? Beátus ille sérvus, quem, cum vénerit Dóminus ejus, invénerit sic faciéntem. Amen dico vobis, quóniam super ómnia bona sua constituet eum. **Credo.**

Offertorium. Ps. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

ACcépta tibi sit, Dómine, sacrátæ plebis oblátio, pro tuórum honóre Sanctórum: quórum se méritis percepísse de tribulatióne cognóscit auxiliúm. Per Dóminum.

Pro Octava Concept. Secreta. Unigéniti tui. ut supra, et Feriæ.

Communio. Matth. 25. Dómine, quinque talénta tradidísti mihi, ecce ália quinque superlucrátus sum: Euge serve bone et fidélis, quia in pauca fuísti fidélis, supra multa te constítuam: intra in gáudium Dómini tui.

Postcommunio.

DA, quæsumus Dómine, fidélibus pópulis Sanctórum tuórum semper veneratióne lætári: et eórum perpétua supplicatióne muníri. Per Dóminum nostrum.


Pro Octava Conceptionis. Postcommunio. Súmpsimus, Dómine. ut supra, et Feriæ.



DIE XIII.
SANCTÆ LUCIÆ VIRGINIS
et Martyris.

Introitus.

Psal. 44.



Dilexisti iustitiam, et odisti iniquitatem: propterea unxit te Deus, Deus tuus, oleo lætitiæ præ consortibus tuis.

Ps. ib. Eructavit cor meum verbum bonum: dico ego opera mea Regi.

V. Glória Patri.

Oratio.

Exaudi nos, Deus salutáris noster: ut, sicut de beátæ Lúciæ virginis, et mártiris tuæ festivitáte gaudémus, ita piæ devotiõnis erudiámur afféctu. Per Dóminum.

Et fit commemoratio de Octava Conceptionis.

Oratio. Fámulis tuis. et Feriæ.

Lectio Epístolæ beáti Pauli Apóstoli ad Corínthios. **2. Cor. 10. d**

Fratres, Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat. Utinam sustinerétis módicum quid insipientiæ meæ: sed et supportáte me. Æmulor enim vos Dei æmulatione. Despón-di enim vos uni viro vírginem castam exhibére Christo.

Graduale. Psal. 44. Dilexisti iustitiam, et odisti iniquitatem.

V. Propterea unxit te Deus, Deus tuus, oleo lætitiæ. **Allelúja, allelúja.**

V. ibid. Diffúsa est grátia in lábiis tuis, propterea benedixit te Deus in ætérnum. **Allelúja.**

Sequéntia sancti Evangélíi secúndum Matthæum. Matth. 13. f

In illo témpore: Dixit Jesus discipulis suis parábolam hanc: Sí-mile est regnum cœlórum thesaúro abscondito in agro: quem qui invenit homo, abscondit, et præ gáudio illius vadit, et vendit univér-sa quæ habet, et emit agrum illum. Iterum sí-mile

est regnum cœlórum hómini negoti-
atóri, quærénti bonas margarítas.
Invénta autem una pretiós-a marga-
ríta, ábiit et vëndidit ómnia, quæ há-
buit, et emit eam. Iterum sí-mile est
regnum cœlórum sagénæ missæ in
mare, et ex omni génere píscium con-
gregánti. Quam, cum impléta esset,
educéntes, et secus littus sedéntes,
elegérunt bonos in vasa, malos au-
tem foras misérunt. Sic erit in con-
summatiõe sœculi: exhibunt Angeli,
et separábunt malos de médio justó-
rum, et mittent eos in camín-um ignis;
ibi erit fletus, et stridor déntium. In-
tellexístis hæc ómnia? Dicunt ei:
Etiam. Ait illis: Ideo ómnis scriba
doctus in regno cœlórum, sí-milis est
hómini patrifámili-as, qui profert de
thesaúro suo nova et vétera. **Credo.**

Offertorium. Psal. 44. Afferéntur
Regi vírgines post eam: próximæ
ejus afferéntur tibi in lætítia et exul-
tatiõe: adducéntur in templum Re-
gi Dómino. **Secreta.**

Accépta tibi sit, Dómine, sacrá-
tæ plebis oblátio pro tuórum
honóre Sanctórum: quorum se mé-
ritis percepísse de tribulatiõe cognó-
scit auxili-um. Per Dóminum.

Pro Octava Conceptionis. Secreta.
Unigéniti tui. et Feriæ.

Communio. Ps. 118. Príncipes per-
secúti sunt me gratis, et à verbis tuis
formidávit cor meum: lætábor ego
super elóquia tua, quasi qui invénit
spólia multa. **Postcommunio.**

Satiásti Dómine, famíliam tuam
munéribus sacris: ejus, quæsu-
mus, semper interventióne nos réfo-
ve, cujus solémnia celebrá-mus. Per
Dóminum nostrum.

**Pro Oct. Conceptionis. Postcommu-
nio.** Súmpsimus, Dómine. et Feriæ.



Festa Decembris.

DIE XIV.

¶ Si hodie occurrat Feria quarta Quatuor Temporum, Missa dicitur de Feria cum commemoratione Octavæ, et tertia Oratione de Spiritu sancto, cum præfatione de Octava.

DIE XV.

IN OCTAVA CONCEPTIONIS
B. MARIE VIRGINIS.

Missa ut in die cum commemoratione Feriæ.

¶ Si hodie occurr. Fer. IV. Quatuor Temporum, in Ecclesiis Cathedralibus et Collegiatis dicuntur duæ Missæ, una de Octava, altera de Feria, cum Orationibus assignatis: et in hac Missa, et sequentibus IV. Tempor. dicitur semper Præfatio communis.

DIE XVI.

SANCTI EUSEBII EPISCOPI
et Martyris.

Missa. Sacerdotes Dei, ut in Comuni unius Martyris Pontificis, secundo loco, fol. iii. et fit commemoratio Feriæ.

DIE XX.

VIGILIA SANCTI THOMÆ
Apostoli.

Missa. Ego autem. ut in Comuni Sanctorum fol. i. cum commemoratione Feriæ Adventus: et in ea servetur Rubrica posita in Vigilia S. Andreae. fol. 317.

¶ Si autem hæc Vigilia venerit in Quatuor Temporibus, de ea fit tantum commemoratio.

DIE XXI.

S. THOMÆ APOSTOLI.

Introitus. Ps. 138.



Ihi autem nimis honorati sunt amici tui, Deus: nimis confortatus est principatus eorum.

Psal. ibid. Dómine, probasti me, et cognovisti me: tu cognovisti sessionem meam, et resurrectionem meam.

V. Glória Patri. **Oratio.**

DA nobis, quæsumus Dómine, beati Apóstoli tui Thomæ solemnitatibus gloriári: ut ejus semper et patrociniis sublevémur, et fidem congrua devotíone sectémur. Per Dóminum nostrum.

Et fit commemoratio Feriæ.

Lectio Epístolæ beati Pauli Apóstoli ad Ephésios. **Ephes. 2. d**

FRatres, Jam non estis hóspites, et ádvenæ; sed estis cives sanctorum, et doméstici Dei, superædificati super fundaméntum Apostolorum, et Prophetarum, ipso summo angulári lápide Christo Jesu: in quo omnis ædificatio constructa crescit in templum sanctum in Dómino, in quo et vos coædificámini in habitáculum Dei in Spíritu.

Graduale. Ps. 138. Nimis honorati sunt amici tui, Deus: nimis confortatus est principatus eorum.

V. Dinumerábo eos: et super arénam multiplicabúntur.

Allelúja, allelúja.

V. Ps. 32. Gaudete justi in Dómino: rectos decet collaudátio, allelúja.



Sequéntia sancti Evangélíi secundum Joánnem. **Joan. 20. f**

IN illo témpore: Thomas, unus ex duódecim, qui dicitur Dídymus, non erat cum eis, quando venit Jesus. Dixérunt ergo ei álíi discípuli: Vídimus Dóminum. Ille autem dixit eis: Nisi vídero in mánibus ejus fixúram clavórum, et mittam dígitum meum in locum clavórum, et mittam manum meam in latus ejus, non credam. Et post dies octo, íterum erant discípuli ejus intus, et Thomas cum eis. Venit Jesus jánuis cláusis, et stetit in médio, et dixit: Pax vobis. Deínde dicit Thomæ: infer dígitum tuum huc, et vide manus meas, et affer manum

Festa Januarii.

tuam, et mitte in latus meum: et noli esse incredulus, sed fidelis. Respondit Thomas, et dixit ei: Dominus meus, et Deus meus. Dixit ei Jesus: Quia vidisti me, Thoma, credidisti: beati qui non viderunt, et crediderunt. **Credo.**

Offertorium. Psal. 18. In omnem terram exivit sonus eorum, et in fines orbis terrae verba eorum.

Secreta.

Debitum tibi, Domine, nostrae reddimus servitutis, suppliciter exorantes: ut, suffragiis beati Thomae Apostoli, in nobis tua munera tuearis, cujus honoranda confessione laudis tibi hostias immolamus. Per Dominum nostrum.

Et fit commemoratio Ferie.

Præfatio de Apostolis fol. 200. vel 218.

Communio. Joann. 20. Mitte manum tuam, et cognosce loca clavorum: et noli esse incredulus, sed fidelis. **Postcommunio.**

Adesto nobis, misericors Deus: et, intercedente pro nobis beato Thoma Apostolo, tua circa nos propitiatus dona custodi. Per Dominum nostrum.

Et fit commemoratio Ferie.

FESTA JANUARIi.

DIE XI.

Pro commemoratione S. Hygini Papæ et Martyris. Oratio.

Infirmitatem nostram respice, omnipotens Deus: et, quia pondus propriæ actionis gravat, beati Hygini Martyris tui atque Pontificis intercessio gloriosa nos protegat. Per Dominum nostrum.

Tertia Oratio dicitur de S. Maria, Deus, qui salutis. fol. 332.

Secreta.

Hostias tibi, Domine, beati Hygini Martyris tui, atque Pontificis, dicatas meritis, benignus as-

súme: et ad perpétuum nobis tribue provenire subsidium. Per Dominum.

Postcommunio.

Refecti participatione muneris sacri, quæsumus Domine Deus noster: ut, cujus exequimur cultum, intercedente beato Hygino Martyre tuo atque Pontifice, sentiamus effectum. Per Dominum nostrum.


DOMINICA SECUNDA

post Epiphaniam.

IN FESTO SS. NOMINIS JESU.

Introitus.

Philip. 2.



IN nomine Jesu omne genu flectatur, cælestium, terrestrium, et infernorum: et omnis lingua confiteatur, quia Dominus Jesus Christus in gloria est Dei Patris.

Psal. 8. Domine, Dominus noster, quam admirabile est nomen tuum in universa terra!

V. Gloria Patri.

Oratio.

Deus, qui Unigenitum Filium tuum constituisti humani generis Salvatorem, et Jesum vocari jussisti: concede propitius; ut, cujus sanctum nomen veneramur in terris, ejus quoque aspectu perfruamur in cælis. Per eundem Dominum.

Deinde fit commemoratio Dominicæ secundæ post Epiphaniam.

Oratio.

Omnipotens sempiternus Deus, qui cælestia simul et terræna moderaris: supplicationes populi tui clementer exaudi; et pacem tuam nostris concede temporibus. Per Dominum nostrum.

¶ Si occurrerit aliquod Festum simplex, fit de eo commem. in Missis privatis tantum.

Lectio Actuum Apostolorum.

Act. 4. b

IN diebus illis: Petrus replétus Spiritu sancto, dixit: Principes populi, et seniores audite. Si nos

Festa Januarii.

hódie dijudicámur in benefácto hóminis infirmi, in quo iste salvus factus est; notum sit ómnibus vobis, et omni plebi Israel: quia in nómine Dómini nostri Jesu Christi Nazaréni, quem vos crucifixístis, quem Deus suscitávit à mórtuis, in hoc iste astat coram vobis sanus. Hic est lapis, qui reprobátus est à vobis ædificántibus: qui factus est in caput ánguli: et non est in álio áliquo salus. Nec enim áliud nomen est sub cœlo datum homínibus, in quo opórteat nos salvos fieri.

Graduale. Ps. 105. Salvos fac nos, Dómine, Deus noster, et cógrega nos de natióibus: ut confiteámur nómini sancto tuo, et gloriémur in glória tua.

V. Isaiaë 63. Tu, Dómine, pater noster et redemptor noster, à sæculo nomen tuum. **Allelúja, allelúja.**

V. Psal. 144. Láudem Dómini loquétur os meum, et benedícat omnis caro nomen sanctum ejus, allelúja.

Post Septuagesimam, omissis Allelúja, et V. seq. dicitur Tractus Ps. 79. et Cant. 2. Dómine, Deus virtutum, convérte nos: et osténde fáciem tuam, et salvi érimus: sonet vox tua in áuribus meis.

V. Cant. 2. Vox enim tua dulcis, et fácies tua decóra nimis.

V. Cant. 1. Oleum effúsum nomen tuum, Jesu: ideo adolescéntulæ dilexérunt te.

Tempore Paschali in Missis votivis Allelúja, allelúja.

V. Psal. 144. Láudem Dómini loquétur os meum, et benedícat omnis caro nomen sanctum ejus. Allelúja.

V. ibid. Exaltábo te, Deus meus Rex, et benedicam nómini sancto tuo, Jesu, in sæculum, et in sæculum sæculi, allelúja.

 **Sequéntia sancti Evangélíi secúndum Lucam. Lucæ 2. c**

IN illo témpore: Postquam consummáti sunt dies octo, ut circumciderétur puer, vocátum est no-

men ejus Jesus, quod vocátum est ab Angelo, priúsqvam in útero conciperétur. **Credo.**

Offertorium. Psal. 85. Confitébor tibi, Dómine Deus meus, in toto corde meo, et glorificábo nomen tuum in ætérnum: quóniam tu, Dómine, suavis et mitis es: et multæ misericórdiæ ómnibus invocántibus te, allelúja.

Secreta.

Benedictio tua, clementíssime Deus, qua omnis viget creatúra, sanctíficet, quæsumus, hoc sacrificium nostrum, quod ad glóriam nóminis Fílii tui Dómini nostri Jesu Christi offérimus tibi: ut majestáti tuæ placére possit ad láudem, et nobis proficere ad salútem. Per eúmdem Dóminum.

Pro Dominica secunda post Epiph. Secreta.

OBláta, Dómine, múnera sanctífica: nosque à peccatórum nostrórum máculis emúnda. Per Dóminum nostrum.

Præfatio de Nativ. fol. 188. vel 212.

Communio. ibid. Omnes gentes quascúmque fecísti, vénient, et adorábunt coram te, Dómine, et glorificábunt nomen tuum: quóniam magnus es tu, et fáciens mirabília: tu es Deus solus, allelúja.

Postcommunio.

OMnípotens, ætérne Deus, qui creásti, et redemísti nos, réspice propítius vota nostra: et sacrificium salutáris hóstiæ, quod in honórem nóminis Fílii tui Dómini nostri Jesu Christi, majestáti tuæ obtúlimus, plácido et benígno vultu suscípere dignéris: ut grátia tua nobis infúsa, sub glorióso nómine Jesu ætérnæ prædestinatiónis título gaudeámus nómina nostra scripta esse in cœlis. Per eúmdem Dóminum.

Pro Dominica secunda post Epiph. Postcommunio.

AUgeátur in nobis, quæsumus Dómine, tuæ virtútis operátio: ut divínis vegetáti sacraméntis, ad

eórum promissa capiéndā tuo múnere præparémur. Per Dóminum.

In fine Missæ legitur sequens Evangelium Dominicæ secundæ post Epiphaniam.

Sequéntia sancti Evangélíi secúndum Joánnem. Joan. 2.

IN illo témpore: Núptiæ factæ sunt in Cana Galilææ: et erat Mater Jesu ibi. Vocátus est autem et Jesus, et discípuli ejus ad núptias. Et deficiente vino, dicit mater Jesu ad eum: Vinum non habent. Et dicit ei Jesus: Quid mihi et tibi est, múlíer? Nondum venit hora mea. Dicit Mater ejus minístris: Quodcúmque díxerit vobis, fácite. Erant autem ibi lapídeæ hydriæ sex, pósitæ secúndum purificatiónem Judæórum, capiéntes singulæ metrétas binas, vel ternas. Dicit eis Jesus: Impléte hydrias aqua. Et implevérunt eas usque ad summum. Et dicit eis Jesus: Hauríte nunc, et ferte architriclínó. Et tulérunt. Ut autem gustávit architriclínus aquam vinum factam, et non sciébat unde esset; minístri autem sciébant, qui háuserant aquam: vocat sponsum architriclínus, et dicit ei: Omnis homo primum bonum vinum ponit: et cum inebriáti fúerint, tunc id quod detérius est: tu autem servásti bonum vinum usque adhuc. Hoc fecit inítium signórum Jesus in Cana Galilææ: et manifestávit glóriam suam, et credidérunt in eum discípuli ejus.

DIE XIV.

S. HILARII EPISCOPI, et Conf.

Missa. In médio Ecclésiæ. de Comuni Doctorum. fol. xv.

Secunda Oratio S. Felicis Presbyteri et Martyris. Oratio.

Concède, quæsumus, omnipotens Deus: ut ad meliorem vitam Sanctórum tuórum exémpa nos próvocat, quátenus quorum solémnia ágimus, etiam actus imitémur.

Tertia Oratio de S. Maria.

DEus, qui salutis æternæ, beatæ Mariæ virginitate fecúnda, humano géneri præmia præstitisti: tribue quæsumus; ut ipsam pro nobis intercédere sentiámus, per quam meruimus auctórem vitæ suscipere; Dóminum nostrum Jesum Christum Fílium tuum; Qui tecum vivit.

Pro S. Felice. Secreta.

Hostias tibi, Dómine, beáti Felicis Mártiris tui dicátas méritis, benígnus assúme: et ad perpétuum nobis tribue proveníre subsidium.

De S. Maria. Secreta.

Muneribus nostris, quæsumus Dómine, precibúsque susceptis: et cœlestibus nos munda mystériis, et cleménter exáudi. Per Dóminum nostrum.

Pro S. Felice. Postcommunio.

Quæsumus Dómine, salutáribus repléti mystériis: ut beáti Felicis Mártiris tui, cujus solémnia celebrámus, oratióibus adjuvémur.

De S. Maria. Postcommunio.

Hæc nos commúnio, Dómine, purget à crimine: et intercedente beáta vírgine Dei genitríce María, cœlestis remédii fáciat esse consórtes. Per eúmdem Dóminum.

Si contingat Festum S. Hilarii transferri in alium diem, non tamen prædicta commemoratio S. Felicis transfertur, sed de ea fit suo die: quod et in seq. Festo, et in similibus semper servatur.

EADEM DIE.

S. FELICIS PRESBYTERI

Martyris.

Missa. Lætábitur. de Comuni. fol. v. Orationes ut in Missali sub hac die.



DIE XV.

S. PAULI PRIMI EREMITÆ.

Introitus. Ps. 91.

Justus ut palma florébit: sicut cedrus Líbani multiplicábitur: plantátus in domo Dómini, in átriis domus Dei nostri.

Ps. ibid. Bonum est confitéri Dómino, et psállere nómini tuo, Altíssime.

V. Glória Patri.

Oratio.

Deus, qui nos beáti Pauli Confessoris tui ánnua solemnitáte lætíficas: concéde propítius; ut, cujus natalítia cólimus, étiam actióes imitémur. Per Dóminum nostrum.

Pro commem. S. Mauri. Oratio.

Intercéssio nos, quæsumus Dómine, beáti Mauri Abbátis coméndet: ut, quod nostris méritis non valémus, ejus patrocínio assequámur. Per Dóminum.

Lectio Epístolæ beáti Pauli Apóstoli ad Philippenses.

Philip. 3. b

Fratres, Quæ mihi fuérunt lucra, hæc arbitrátus sum propter Christum detriménta. Verúmtamen exístimo ómnia detriméntum esse propter eminentem sciéntiam Jesu Christi Dómini mei: propter quem ómnia detriméntum feci, et árbitor ut stércora, ut Christum lucrifáciam, et invéniam in illo, non habens meam justítiam, quæ ex lege est, sed illam, quæ ex fide est Christi Jesu: quæ ex Deo est justítia in fide, ad cognoscéndum illum, et virtútem resurrectiónis ejus, et societátem passiónum illius, configurátus morti ejus. Si quo modo occúrram ad resurrectiónem, quæ est ex mórtuis: non quod jam accéperim, aut jam perféctus sim, sequor autem, si quo modo comprehéndam, in quo et comprehénsus sum à Christo Jesu.

Graduale Ps. 91. Justus ut palma florébit: sicut cedrus Líbani multiplicábitur in domo Dómini.

V. Ad annuntiándum mane misericórdiam tuam, et veritátem tuam, per noctem. Allelúja, allelúja.

V. Oseæ 14. Justus germinábit sicut lílium: et florébit in ætérnum ante Dóminum. Allelúja.

Si hoc Festum celebretur post Septuages. omissis Allelúja, et V. seq. dicitur:

Tractus. Psal. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generátio rectórum benedicétur.

V. Glória, et divítiae in domo ejus, et justítia ejus manet in sáculum sáculi.

Sequéntia sancti Evangélíi secúndum Matthæum. Matth. 11 d

In illo témpore: Respóndens Jesus, dixit: Confíteor tibi, Pater, Dómine cœli et terræ, quia abcondísti hæc à sapiéntibus et prudéntibus, et revelásti ea párvulis. Ita Pater: quóniam sic fuit plácitum ante te. Omnia mihi trádicta sunt à Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes qui laborátis, et onerátí estis, et ego refíciam vos. Tóllite jugum meum super vos, et discite à me, quia mitis sum, et húmilis corde: et inveniétis réquiem animábus vestris. Jugum enim meum suave est, et onus meum leve.

Offertorium. Ps. 20. In virtúte tua, Dómine, lætábitur justus: et super salutáre tuum exultábit veheménter: desidérium ánimæ ejus tribuísti ei.

Secreta.

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus, et futúris. Per Dóminum nostrum.

Pro S. Mauro.

Secreta.

Præsta nobis, quæsumus omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et nos córpore

Festa Januarii.

páriter et mente puríficet. Per Dóminum nostrum.

Communio. Psal. 63. Lætábitur justus in Dómino, et sperábit in eo: et laudabúntur omnes recti corde.

Postcommunio.

Refécti cibo, potúque cœlésti, Deus noster, te súpplīces exorámus: ut, in cujus hæc commemoratióne percépimus, ejus muniámur et précibus. Per Dóminum nostrum.

Pro S. Mauro. Postcommunio.

Prótegat nos, Dómine, cum tui perceptiōne sacraménti, beátus Maurus Abbas, pro nobis intercedendo: ut et conversatiōnis ejus experiámur insígnia, et intercessiōnis percipiámus suffrágia. Per Dóminum nostrum.

EADEM DIE.**S. MAURI ABBATIS.**

Missa. Os justi. de Communi Abb. fol. xvi.

DIE XVI.**SANCTI MARCELLI PAPÆ et Martyris.**

Introitus. Eccli. 45. c Tátuit ei Dóminus testaméntum pacis, et principem fecit eum: ut sit illi sacerdotiī dignitas in ætérnum.

Ps. 131. Meménto, Dómine, David, et omnis mansuetúdinis ejus.

V. Glória Patri.

Oratio.

Preces pópuli tui, quæsumus Dómine, cleménter exáudi, ut beáti Marcelli mártiris tui, atque Pontíficis, méritis adjuvémur, cujus passiōne lætámur. Per Dóminum nostrum.

Lectio Epístolæ beáti Pauli Apóstoli ad Corínthios.

2. Cor. 1.

Fratres, Benedíctus Deus, et Pater Dómini nostri Jesu Christi, Pater misericordiárum, et Deus totíus consolatiōnis, qui consolátur nos in omni tribulatiōne nostra: ut

possímus et ipsi consolári eos, qui in omni pressúra sunt, per exhortatiōnem, qua exhortámur et ipsi à Deo. Quóniam sicut abúndant passiōnes Christi in nobis; ita et per Christum abúndat consolátiō nostra. Sive autem tribulámur pro vestra exhortatiōne et salúte, sive consolámur pro vestra consolatiōne, sive exhortámur pro vestra exhortatiōne et salúte, quæ operátur tolerántiam earúmdem passiōnum, quas et nos pátimur: ut spes nostra firma sit pro vobis, sciéntes quod sicut sócii passiōnum estis, sic éritis et consolatiōnis: in Christo Jesu Dómino nostro.

Graduale. Psal. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

V. Nihil proficiet inimícus in eo: et fílius iniquitátis non nocébit ei.

Allelúja, allelúja.

V. Ps. 109. Tu es sacerdos in ætérnum secúndum órđinem Melchisedech. Allelúja.

Si hoc Festum celebretur post Septuagesimam, omissis Allelúja, et V. seq. dicitur Tractus. Ps. 20. Desidérium animæ ejus tribuísti ei: et voluntáte labiórū ejus non fraudásti eum.

V. Quóniam prævenísti eum in benedictiōnibus dulcédinis.

V. Posuísti in cápite ejus corónam de lápide pretiósó.



Sequentia sancti Evangélii secúndum Matthæum. Mtth. 16. c

In illo témpore: Dixit Jesus discíulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómīni, si mundum univérsum lucrétur, ánimæ vero suæ detriméntum patiátur? Aut quam dabit homo commutatiōnem pro ánima sua? Fílius enim hómīnis ventúrus est in glória Patris

Festa Januarii.

sui cum Angelis suis: et tunc reddet unicuique secundum opera ejus.

Offertorium. Ps. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

Suscipe, quaesumus Domine, munera dignanter oblata: et, beati Marcelli martyris tui, atque Pontificis, suffragantibus meritis, ad nostrae salutis auxilium provenire concede. Per Dominum nostrum.

Communio. Matth. 25. Domine, quinque talenta tradidisti mihi: ecce alia quinque superlucratus sum. Eugene, serve bone et fidelis, quia in pauca fuisti fidelis, supra multa te constituam: intra in gaudium domini tui.

Postcommunio.

Satiasti, Domine, familiam tuam munerationibus sacris: ejus, quaesumus, semper interventione nos refove, cujus solennia celebramus. Per Dominum nostrum.

DIE XVII.**S. ANTONII ABBATIS.****Introitus.****Ps. 36.**

Justi meditabitur sapientiam, et lingua ejus loquetur iudicium: lex Dei ejus in corde ipsius.

Psal. ibid. Noli aemulari in malignantibus: neque zelaveris facientes iniquitatem.

V. Gloria Patri. Oratio.

Intercessio nos, quaesumus Domine, beati Antonii Abbatis commendet: ut, quod nostris meritis non valemus, ejus patrocinio assequamur. Per Dominum nostrum.

Lectio libri Sapientiae. Eccl. 45.

Dilectus Deo et hominibus, cujus memoria in benedictione est. Similem illum fecit in gloria Sanctorum, et magnificavit eum in timore inimicorum, et in verbis suis monstravit placavit. Glorificavit illum in conspectu regum, et jussit illi coram

populo suo, et ostendit illi gloriam suam. In fide et lenitate ipsius sanctum fecit illum, et elegit eum ex omni carne. Audivit enim eum, et vocem ipsius, et induxit illum in nubem. Et dedit illi coram praeccepta, et legem vitae et disciplinae.

Graduale. Psal. 20. Domine, praevenisti eum in benedictionibus dulcedinis: posuisti in capite ejus coronam de lapide pretioso.

V. Vitam petiit a te, et tribuisti ei longitudinem dierum in saeculum saeculi.

Alleluja, alleluja.

V. Ps. 91. Justus ut palma florebit: sicut cedrus Libani multiplicabitur. Alleluja.

Post Septuagesimam, omissis Alleluja, et Versu sequenti, dicitur

Tractus. Psal. 111. Beatus vir, qui timet Dominum: in mandatis ejus cupit nimis.

V. Potens in terra erit semen ejus: generatio rectorum benedicetur.

V. Gloria, et divitiae in domo ejus: et justitia ejus manet in saeculum saeculi.

Sequentia sancti Evangelii secundum Lucam. Luc. 12. e

In illo tempore: Dixit Jesus discipulis suis: Sint lumbi vestri praecincti, et lucernae ardentes in manibus vestris, et vos similes hominibus expectantibus dominum suum, quando revertatur a nuptiis: ut, cum venerit et pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod praecinet se, et faciet illos discumbere, et transiens ministrabit illis. Et si venerit in secunda vigilia, et si in tertia vigilia venerit, et ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, et non sine-ret perfodi domum suam. Et vos estote parati: quia qua hora non putatis, Filius hominis veniet.

Festa Januarii.

Offertorium. Psal. 20. Desidérium animæ ejus tribuisti ei, Dómine, et voluntáte labiórum ejus non fraudásti eum: posuisti in cápite ejus corónam de lápide pretióso.

Secreta.

Sacris altáribus, Dómine, hóstias superpósitas: sanctus Antónius Abbas, quæsumus, in salútem nobis proveníre depóscat. Per Dóminum.

Communio. Luc. 12. Fidélis servus et prudens, quem constituit Dóminus super familiam suam: ut det illis in témpore trítici mensúram.

Postcommunio.

Prótegat nos, Dómine, cum tui perceptióne sacraménti, beátus Antónius Abbas, pro nobis intercedéndo: ut et conversatiónis ejus experiámur insígnia, et intercessiόνis percipiámus suffrágia. Per Dóminum nostrum.

**DIE XVIII.
IN FESTO CATHEDRÆ
SANCTI PETRI,**

qua Romæ primum sedit.

**Introitus. Eccli. 45.**

Tátuit ei Dóminus testaméntum pacis, et príncipem fecit eum: ut sit illi sacerdotií dignitas in ætérnum.

Psal. 131. Meménto, Dómine, David, et omnis mansuetúdinis ejus.

V. Glória Patri. Oratio.

Deus, qui beáto Petro Apóstolo tuo, collátis clávibus regni cœléstis, ligándi, atque solvéndi Pontificium tradidisti: concéde, ut intercessiόνis ejus auxílio à peccatórum nostrórum nêxibus liberémur. Qui vivis.

Et fit commemoratio de S. Paulo ante alias quascumque commemorationes, etiam Dominicæ: quod et servatur in commemorat. S. Petri, quæ fit in Festis S. Pauli.

Oratio.

Deus, qui multitudínem géntium beáti Pauli Apóstoli prædicatione docuisti: da nobis, quæsumus; ut cujus commemoratióne cólimus, ejus apud te patrocínia sentiámus.

Deinde fit commemoratio S. Priscæ Virginis et Martyris.

Oratio.

DA, quæsumus omnipotens Deus: ut qui beátæ Priscæ vírginis et mártiris tuæ natalítia cólimus, et ánnua solemnitáte lætémur, et tantæ fidei proficiámus exémplo. Per Dóminum nostrum.

Léctio Epístolæ beáti Petri Apóstoli.

1. Petr. 1.

Petrus Apóstolus Jesu Christi, eléctis ádvenis dispersiόνis Ponti, Galátiae, Cappadóciæ, Asiæ, et Bithyniæ, secúndum præsciéntiam Dei Patris, in sanctificatióne Spíritus, in obediéntiam, et aspersionem Sánguinis Jesu Christi: grátia vobis, et pax multiplicétur. Benedictus Deus, et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hæreditátem incorruptibilem, et incontaminátam, et immarcescibilem, conservátam in cœlis in vobis, qui in virtúte Dei custodimini per fidem in salútem, parátam revelári in témpore novíssimo. In quo exultábitis, módicum nunc si opórtet contristári in váriis tentatió-nibus: ut probátio vestræ fidei multo pretiósior auro (quod per ignem probátur) inveniátur in láudem, et glóriam, et honórem, in revelatióne Jesu Christi Dómini nostri.

Graduale. Ps. 106. Exáltent eum in Ecclésia plebis: et in cáthedra seniórum laudent eum. **V.** Confiteántur Dómino misericórdiæ ejus, et mirabilia ejus filiis hóminum.

Si Festum Cathedræ venerit ante Septuagesimam, post Graduale statim dicitur: Allelúja, allelúja.

Festa Januarii.

V. Matth. 16. Tu es Petrus, et super hanc petram ædificábo Ecclesiám meam. Allelúja.

Si autem venerit post Septuagesimam omissis Allelúja, et V. sequenti, dicitur sequens Tractus ibid. Tu es Petrus, et super hanc petram ædificábo Ecclesiám meam.

V. Et portæ inferi non prævalébunt advérsus eam: et tibi dabo claves regni cœlórú.

V. Quodcúmque ligáveris super terram, erit ligátum et in cœlis.

V. Et quodcúmque sólveris super terram, erit solútum et in cœlis.

Sequéntia sancti Evangélii scúndum Matthæum. Matth. 16. b

IN illo témpore: Venit Jesus in partes Cæsaráe Philíppi: et interrogábat discípulos suos, dicens: Quem dicunt hómines esse Fílium hóminis? At illi dixérunt: Alii Joánnem Baptistam, álii autem Elíam, álii vero Jeremíam, aut unum ex Prophétis. Dicit illis Jesus: Vos autem quem me esse dicitis? Respóndens Simon Petrus, dixit: Tu es Christus Fílius Dei vivi. Respóndens autem Jesus, dixit ei: Beátus es Simon Bar-Jona: quia caro et sanguis non revelávit tibi, sed Pater meus, qui in cœlis est. Et ego dico tibi, quia tu es Petrus, et super hanc petram ædificábo Ecclesiám meam, et portæ inferi non prævalébunt advérsus eam. Et tibi dabo claves regni cœlórú. Et quodcúmque ligáveris super terram, erit ligátum et in cœlis: et quodcúmque sólveris super terram, erit solútum et in cœlis. **Credo.**

Offertorium. ibid. Tu es Petrus, et super hanc petram ædificábo Ecclesiám meam: et portæ inferi non prævalébunt advérsus eam: et tibi dabo claves regni cœlórú.

Secreta.

Ecclésiæ tuæ, quæsumus Dómine, preces et hóstias beáti Petri Apóstoli comméndet orátio: ut,

quod pro illíus glória celebrámus, nobis prosit ad véniam. Per Dóminum.

Pro S. Paulo.

Secreta.

A Póstoli tui Pauli précibus, Dómine, plebis tuæ dona sanctifica: ut quæ tibi tuo grata sunt institúto, gratióra fiant patrocínio supplicántis.

Pro S. Prisca.

Secreta.

Hæc hóstia, quæsumus Dómine, quam sanctórum tuórum natalítia recenséntes offérimus, et vinctula nostræ pravitatís absólvat, et tuæ nobis misericórdiæ dona concíliet. Per Dóminum nostrum.

Præfatio de Apost. fol. 200. vel 218.

Communio. ibid. Tu es Petrus, et super hanc petram ædificábo Ecclesiám meam.

Postcommunio.

Lætíficet nos, Dómine, munus oblátum, ut sicut in Apóstolo tuo Petro te mirábilem prædicámus, sic per illum tuæ sumámus indulgéntiæ largitátem. Per Dóminum.

Pro S. Paulo.

Postcommunio.

Sanctificáti, Dómine, salutári mystério, quæsumus: ut nobis ejus non desit orátio, cujus nos donásti patrocínio gubernári.

Pro S. Prisca.

Postcommunio.

Quæsumus Dómine, salutáribus repléti mystériis: ut cujus solémnia celebrámus, ejus oratióibus adjuvémur. Per Dóminum.

EADEM DIE.

S. PRISCÆ VIRG. ET MART.

Missa. Me expectavérunt. de Comuni. fol. xxi. Præter orationes quæ dicuntur ut supra in missa præcedenti.

DIE XIX.

S. CANUTI REGIS ET MART.

Semiduplex ad libitum.

Missa. In virtúte tua. de Comuni unius Martyris non Pontificis. fol. iv. præter Orationem sequentem, et Evangelium, Si quis vult. ut in Missa,

Festa Januarii.

Sacerdotes. de eodem Communi.
fol. iii. **Oratio.**

DEus, qui ad illustrándam Ecclesiám tuam, beátum Canútum Regem martyrii palma, et gloriósis miráculis decoráre dignátus es: concede propítius; ut sicut ipse Domínice passiónis imitátor fuit, ita nos per ejus vestigia gradiéntes, ad gáudia sempitérna pervenire mereámur. Per eúndem Dóminum nostrum.

Et fit commemoratio Sanctorum Martyrum Marii, Marthæ, Audifacis, et Abachum ut in Missa sequenti.

EADEM DIE.

**Sanctorum Martyrum
MARII MARTHAE, AUDIFACIS,
ET ABACHUM.**

Introitus. Psal. 67.

Justi epuléntur, et exúltent in conspéctu Dei, et delecténtur in lætítia. **Ps. ibid. Exúrgat Deus, et dissipéntur inimíci ejus: et fúgiant qui odérunt eum à fácie ejus. V. Glória Patri.**

Oratio.

EXáudi, Dómine, pópulum tuum cum sanctórum tuórum patrocinio supplicántem: ut et temporális vitæ nos tríbuas pace gaudere, et æternæ reperire subsidium. Per Dóminum nostrum.

Léctio Epístolæ beáti Pauli Apóstoli ad Hebræos. Hebr. 10. 1

FRatres, Rememorámini prístinos dies, in quibus illumináti, magnum certámen sustinuístis passionum: et in áltero quidem opprobriis, et tribulationibus spectáculum facti: in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habere meliorem, et manéntem substántiam. Nolíte itaque amittere confidéntiam vestram, quæ magnam habet remuneratióem.

Patiéntia enim vobis necessária est: ut voluntátem Dei faciéntes, reportétis promissióem. Adhuc enim módicum aliquántulum, qui ventúrus est, véniet et non tardábit. Justus autem meus ex fide vivit.

Graduale. Sap. 3. Justórum animæ in manu Dei sunt: et non tanget illos tormentum malitiæ.

V. Visi sunt óculis insipientium mori: illi autem sunt in pace.

Allelúja, allelúja.

V. Psal. 67. Mirábilis Deus nóster in sanctis suis, allelúja.

Si hoc Festum venerit post Septuagesimam, omissis Allelúja: et Versu seq. dicitur Tractus. Psal. 125. Qui sémant in lácrymis, in gáudio metent. V. Eúntes ibant, et flebant, mitténtes sémina sua.

V. Veniéntes autem vénient cum exultatióne, portántes manipulos suos.

Sequéntia sancti Evangélii scúndum Matthæum. Matth. 24.

IN illo témpore: Sedénte Jesu super montem Olivéti, accessérunt ad eum discipuli secréto, dicéntes: Dic nobis, quando hæc erunt? et quod signum advéntus tui, et consummationis sæculi? Et respóndens Jesus, dixit eis: Vidéte, ne quis vos sedúcat. Multi enim vénient in nómine meo, dicéntes: Ego sum Christus: et multos sedúcent. Auditúri enim estis prælia, et opiniónes præliórum. Vidéte, ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestiléntiæ, et fames, et terræmótus per loca. Hæc autem ómnia, inítia sunt dolórum. Tunc tradent vos in tribulatióem, et occident vos: et éritis ódio ómnibus géntibus propter nomen meum. Et tunc scandalizabúntur multi, et invicem tradent, et ódio habébunt invicem. Et multi pseudoprophétæ surgent, et sedúcent multos. Et quóniam abundávit iníquitas, refrigescet cári-

Festa Januarii.

tas multorum. Qui autem perseveraverit usque in finem, hic salvus erit.

Offertorium. Psal. 123. Anima nostra, sicut passer erepta est de láqueo venantium: láqueus contritus est, et nos liberáti sumus.

Secreta.

PReces, Dómine, tuorum respice, oblationesque fidélium: ut et tibi grata sint pro tuorum festivitáte sanctorum, et nobis cónferant tuæ propitiatiónis auxílium. Per Dóminum.


Communio. Luc. 12. Dico autem vobis, amícis meis: Ne terreámini ab his, qui vos persequúntur.

Postcommunio.

Sanctorum tuorum, Dómine, intercessióne placátus, præsta quæsumus: ut, quæ temporáli celebrámus actióne, perpétua salvatióne capiámus. Per Dóminum nostrum.

DIE XX.

SS. FABIANI, et SEBASTIANI MARTYRUM.

Introitus. Ps. 78.

Intret in conspéctu tuo, Dómine, gémitus compeditórum: redde vicinis nostris séptuplum in sinu eórum: vándica sánguinem sanctorum tuorum, qui effúsus est.

Psal. ibid. Deus, venérunt gentes in hæreditátem tuam, polluérent templum sanctum tuum: posuérent Jerúsalem in pomórum custódiam.

V. Glória Patri. Oratio.

Infirmitátem nostram respice, omnípotens Deus: et quia pondus propriæ actiós gravat, beatorum mártyrum tuorum Fabiáni, et Sebastiani intercessio gloriósa nos protégat. Per Dóminum nostrum.

Lectio Epístolæ beáti Pauli Apóstoli ad Hebræos. Hebr. 11. f

Fratres, Sancti per fidem vicérunt regna, operáti sunt justítiam, adépti sunt repromissiónes, obturavérunt ora leónum, extinxérunt

ímpetum ignis, effugérunt áciem gládi, convaluérunt de infirmitáte, fortes facti sunt in bello, castra vertérunt exterórum: acceperunt mulieres de resurrectione mórtuos suos: álii autem disténti sunt, non suscipiéntes redemptionem, ut meliorem invenírent resurrectionem: álii vero ludíbria et vérbera expérti; insuper et víncula, et cárceres: lapidáti sunt, secti sunt, tentáti sunt, in occisióne gládi mórtui sunt: circuiérunt in melótis, in péllibus caprínis, egéntes, angustiáti, afflícti, quibus dignus non erat mundus: in solitudínibus errántes, in móntibus, et spelúncis, et in cavérnis terræ. Et hi omnes testimonio fidei probáti invénti sunt in Christo Jesu Dómino nostro.

Graduale. Exod. 15. Gloriósus Deus in sanctis suis: mirábilis in majestáte, fáciens prodígia.

V. Dextera tua, Dómine, glorificáta est in virtúte: dextera manus tua confrégit inimícos. **Allelúja, allelúja.**

V. Psal. 144. Sancti tui, Dómine, benedícant te: glóriam regni tui dicent. **Allelúja.**

Si hoc festum venerit post Septuages. omissis Allelúja, et Versu seq. dicitur: Tractus. Psal. 125. Qui séminant in lácrymis, in gáudio metent.

V. Eúntes ibant et flebant, mitténtes sémina sua.

V. Veniéntes autem vénient cum exultatióne, portántes manípulos suos.

Sequéntia sancti Evangélii secúndum Lucam. Luc. 6. c

In illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tángere: quia virtus de illo exíbat, et sanábat

omnes. Et ipse elevatis oculis in discipulos suos, dicebat: **Beati pauperes:** quia vestrum est regnum Dei. **Beati qui nunc esuritis:** quia saturabimini. **Beati qui nunc fletis:** quia ridebitis. **Beati eritis,** cum vos oderint homines, et cum separaverint vos, et exprobraverint, et ejecerint nomen vestrum tamquam malum, propter Filium hominis. Gaudete in illa die, et exultate: ecce enim merces vestra multa est in cœlo.

Offertorium. Psal. 31. Lætâmini in Dômino, et exultate justi: et gloriâmini omnes recti corde.

Secreta.

Hostias tibi, Dômine, beatôrum **M**artyrum tuorum **Fabiâni,** et **Sebastiâni** dicâtas méritis, benîgnus assûme: et ad perpétuum nobis tribue provenire subsidium. **Per Dôminum.**

Communio. Luc. 6. Multitúdo languéntium, et qui vexabântur à spirítibus immúndis, veniébant ad eum, quia virtus de illo exíbat, et sanábat omnes.

Postcommunio.

Refecti participatiône mûneris sacri, quæsumus Dômine Deus noster: ut, cujus exéquimur cultum, intercedéntibus sanctis martyribus tuis **Fabiâno,** et **Sebastiâno,** sentiâmus effectum. **Per Dôminum.**

DIE XXI.

S. AGNETIS VIRGINIS

et **Martyris.**



Introitus. Ps. 118.

Expectavérunt peccatóres, ut pérderent me: testimónia tua, Dômine, intelléxi: omnis consummationis vidi finem: latum mandátum tuum nimis.

Psal. ibid. **Beati** immaculâti in via: qui ámbulant in lege Dômini.

V. Glória Patri. **Oratio.**

Omnípotens, sempitérne Deus, qui infirma mundi éligis, ut fortia quæque confúndas: concéde pro-

pítius; ut qui beátæ **Agnétis** vírginis et mártiris tuæ solémnia cólimus, ejus apud te patrocínia sentiâmus. **Per Dôminum nostrum.**

Lectio libri Sapiéntiæ. Eccli. 51.

Confitébor tibi, Dômine **Rex,** et collaudábo te **Deum Salvatórem** meum. Confitébor nómini tuo: quóniam adjútor, et protéctor factus es mihi, et liberásti corpus meum à perditione, à láqueo línguæ iníquæ, et à lábiis operántium mendácium, et in conspéctu astántium factus es mihi adjútor. Et liberásti me secúndum multitúdinem misericórdiæ nóminis tui à rugiéntibus præparátis ad escam, de mánibus quæréntium ánimam meam, et de portis tribulatiónum, quæ circumdedérunt me: à pressúra flammæ, quæ circúmdedit me, et in médio ignis non sum æstuáta: de altitúdine ventris inferi, et à lingua coinquináta, et à verbo mendácii, à rege iníquo, et à lingua injústa: laudábit usque ad mortem ánima mea **Dôminum,** quóniam éruis sustinéntes te, et liberas eos de mánibus gén-tium, **Dômine Deus noster.**

Graduale. Ps. 44. Diffúsa est grátia in lábiis tuis: proptérea benedíxit te Deus in ætérnum.

V. Propter veritátem, et mansuetúdinem, et justítiam, et dedúcet te mirabíliter dextera tua.

Allelúja, allelúja.

V. Matth. 25. Quinque prudéntes vírgines accepérunt óleum in vasis suis cum lampádibus: média autem nocte clamor factus est: ecce sponsus venit, exíte óbviâ Christo Dômino, allelúja.

Post Septuagesimam omissis Allelúja, et versu sequenti dicitur Tractus. Veni, sponsa Christi, áccipe corónam, quam tibi Dôminus præparávit in ætérnum: pro cujus amóre sánguinem tuum fudisti.

V. Psal. 44. Dilexísti justítiam, et odísti iniquitátem: proptérea unxit te

Festa Januarii.

Deus, Deus tuus, óleo lætitiæ præ consórtibus tuis.

V. Spécie tua, et pulchritúdine tua inténde, prospere procéde, et regna.

Sequéntia sancti Evangélii secúndum Matthæum.

In illo témpore: Dixit Jesus discipulis suis parábolam hanc: Símile erit regnum cœlórum decem virgínibus, quæ accipiéntes lámpades suas, exiérunt óbviám sponso, et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: ecce sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt: Date nobis de óleo vestro, quia lámpades nostræ extingúuntur. Respondérunt prudéntes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est jánuá. Novissime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigiláte itaque, quia nescitis diem, neque horam.

Offertorium. Psal. 44. Afferéntur regi vírgines post eam: próximæ ejus afferéntur tibi in lætítia et exultatióne, adducéntur in templum regi Dómino.

Secreta.

Hostias, Dómine, quas tibi offérimus, propítius súscipe: et intercedénte beáta Agnéte vírgine et mártyre tua, víncula peccatórum nostrórum absólve. Per Dóminum.

Communio. Matth. 25. Quinque prudéntes vírgines accepérunt óleum in vasis suis cum lampádibus: média

autem nocte clamor factus est: ecce sponsus venit, exíte óbviám Christo Dómino.

Postcommunio.

Refécti cibo, potúque cœlésti, Deus noster, te súpplices exorámus: ut, in cujus hæc commemoratióne percépimus, ejus muniámur et précibus. Per Dóminum.

DIE XXII.

SS. VINCENTII et ANASTASII

Martyrum.

Missa. Intret in conspéctu tuo. **de Comuni plurimorum Mart.** fol. ix. **exceptis Orationibus, quæ dicuntur ut infra.** **Oratio.**

Adésto, Dómine, supplicatióibus nostris: ut qui ex iniquitáte nostra reos nos esse cognóscimus, beatórum mártýrum tuórum Vincéntii, et Anastásii intercessióne liberémur. Per Dóminum nostrum.

Secreta.

Munera tibi, Dómine, nostræ devotiónis offérimus: quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Postcommunio.

Quæsumus omnipotens Deus: ut qui cœléstia aliménta percépimus, intercedéntibus beátis martyribus tuis Vincéntio, et Anastásio, per hæc contra ómnia advérsa muniámur. Per Dóminum.

DIE XXIII.

S. RAYMUNDI DE PENNA-FORT CONFESSORIS.

Missa. Os justi. **ut in Comuni Confessoris non Pontificis.** fol. xvii.

Prima Oratio sequens.

Deus, qui beátum Raymúndum pœniténtiæ sacraménti insígnem minístrum elegísti, et per maris undas mirabíliter traduxísti: concéde; ut ejus intercessióne dignos pœniténtiæ fructus fácere, et ad æternæ salútis portum perveníre valeámus. Per Dóminum nostrum.

Deinde fit commem. S. Emerentianæ Virg. et Mart. Oratio. Indulgentiam etc. ut in Comuni Virg. et Mart. fol. xxi.

Tertia Oratio de S. Maria. Deus, qui salutis æternæ etc. fol. 332.

EADEM DIE.

S. EMERENTIANÆ VIRGINIS et Martyris.

Missa. Me expectaverunt. de Comuni. fol. xxi.

DIE XXIV.

S. TIMOTHEI EPISC. et MART.



Introitus. Eccli. 45. Tātuit ei Dóminus tēstamentum pacis, et principem fecit eum: ut sit illi sacerdotii dignitas in ætérnum.

Psal. 131. Meménto, Dómine, David, et omnis mansuetúdinis ejus.

V. Glória Patri. Oratio.

Infirmi-tatem nostram respice, omnípotens Deus: et quia pondus propriæ acti-onis gravat, beáti Timóthei mártiris tui, atque pontíficis intercēssio gloriósa nos próte-gat. Per Dóminum nostrum.

Lectio Epístolæ beáti Pauli Apóstoli ad Timótheum. 1. Tim. 6. c

Caríssime, Sectáre justítiam, pietátem, fidem, caritátem, patiéntiam, mansuetúdinem. Certa bonum certámen fidei, apprehénde vitam ætérnam, in qua vocátus es, et conféssus bonam confessi-ó-nem coram multis téstibus. Præcípío tibi coram Deo, qui vivíficat ómnia, et Christo Jesu, qui testimónium réddidit sub Póntio Piláto, bonam confessi-ó-nem: ut serves mandátum sine mácula, irreprehensíbile, usque in advéntum Dómini nostri Jesu Christi, quem suis tempóribus osténdet beátus, et solus potens, Rex regum, et Dóminus dominántium: qui solus habet immortalitátem, et lucem inhábitat

inaccessíblem: quem nullus hóminum vidit, sed nec vidére potest: cui honor et impérium sempitérnum. Amen.

Graduale. Psal. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

V. Nihil proficiet inimícus in eo, et fílius iniquitátis non nocébit ei.

Allelúja, allelúja.

V. Ps. 109. Tu es sacérdos in ætérnum secúndum ór-dinem Melchise-dech. Allelúja.

Si venerit post Septuages. omissis Allelúja, et Versu seq. dicitur Tractus. Ps. 20. Desidérium ánimæ ejus tribuísti ei; et voluntáte labi-órum ejus non fraudásti eum.

V. Quóniam prævenísti eum in benedicti-ó-nibus dulcédinis.

V. Posuísti in cápite ejus corónam de lápide preti-ó-so.



Sequéntia sancti Evangélíi secúndum Lucam. Luc. 14. f

In illo témpore: Dixit Jesus tur-bis: Si quis venit ad me, et non odit patrem suum, et matrem, et ux-ó-rem, et fílios, et fratres, et soróres, adhuc autem et ánimam suam, non potest meus esse discípulus. Et qui non bájulat crucem suam, et venit post me, non potest meus esse discípulus. Quis enim ex vobis volens turrim ædificáre, non prius sedens cómputat sumptus, qui necessarij sunt, si hábeat ad perficiéndum; ne, posteáquam posúerit fundaméntum, et non potúerit perficere, omnes, qui vident, incípíant illúdere ei, dicéntes: Quia hic homo cœpit ædificáre, et non pótuit consummáre? Aut quis rex itúrus committere bellum advér-sus álium regem, non sedens prius cógitat, si possit cum decem míllibus occúrrere ei, qui cum vigínti míllibus venit ad se? alióquin, adhuc illo lon-ge agénte, legati-ó-nem mittens, rogat ea, quæ pacis sunt. Sic ergo omnis

Festa Januarii.

ex vobis, qui non renúnciat ómnibus quæ pòssidet, non potest meus esse discipulus.

Offertorium. Psal. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

Hostias tibi, Dómine, beáti Timóthei, mártiris tui atque pontíficis, dicátas méritis, benígnus asúme: et ad perpétuum nobis tríbue proveníre subsidium. Per Dóminum.

Communio. ib. Semel jurávi in sancto meo: semen ejus in ætérnum manébit, et sedes ejus sicut sol in conspéctu meo: et sicut luna perfécta in ætérnum, et testis in cœlo fidélis.

Postcommunio.

Refécti participatióne múnere sacri, quæsumus Dómine Deus noster: ut cujus exéquimur cultum, intercedente beáto Timótheo, mártire tuo atque Pontífice, sentiámus efféctum. Per Dóminum nostrum.

**DIE XXV.
IN FESTO CONVERSIONIS
S. PAULI APOSTOLI.**

**Introitus. 2. Tim. 1.**

Cio cui credidi, et certus sum, quia potens est depósitum meum serváre in illum diem, justus iudex.

Psal. 138. Dómine probásti me, et cognovísti me: tu cognovísti sessiόνem meam, et resurrectionem meam.

V. Glória Patri.

Oratio.

Deus, qui univérsum mundum beáti Pauli Apóstoli prædicatione docuísti: da nobis, quæsumus; ut qui ejus hódie Conversions cólimus, per ejus ad te exémpa gradiámur. Per Dóminum nostrum.

Et fit commem. de S. Petro Apostolo.

Oratio.

Deus, qui beáto Petro Apóstolo tuo, collátis clávibus regni cœlestis, ligándi, atque solvéndi Pontificium tradidísti: concéde; ut inter-

cessiónis ejus auxilio, à peccatórum nostrórum nexibus liberémur. Qui vivis, et regnas.

Lectio Actuum Apostolorum. Act. 9.

IN diébus illis: Saulus adhuc spirans minárum, et cædis in discipulos Dómini, accéssit ad principem sacerdotum, et pétiiit ab eo epístolas in Damáscum ad synagógas, ut si quos invenísset hujus viæ viros, ac mulieres, vinctos perdúceret in Jerúsalem. Et cum iter fáceret, cóntingit, ut appropinquáret Damáscus: et súbito circumfúlsit eum lux de cœlo. Et cadens in terram, audívit vocem dicéntem sibi: Saule, Saule, quid me perséqueris? Qui dixit: Quis es, Dómine? Et ille: Ego sum Jesus, quem tu perséqueris. Durum est tibi contra stímulum calcitráre. Et tremens, ac stupens, dixit: Dómine, quid me vis fácere? Et Dóminus ad eum: Surge, et ingrédere civitátem, et ibi dicétur tibi quid te opórteat fácere. Viri autem illi, qui comitabántur cum eo, stabant stupefácti, audiéntes quidem vocem, néminem autem vidéntes. Surréxit autem Saulus de terra, apertisque óculis nihil vidébat. Ad manus autem illum trahéntes, introduxérunt Damáscum. Et erat ibi tribus diébus non videns, et non manducávit, neque bibit. Erat autem quidam discipulus Damásci, nómine Ananías: et dixit ad illum in visu Dóminus: Ananía. At ille ait: Ecce ego, Dómine. Et Dóminus ad eum: Surge, et vade in vicum, qui vocátur, Rectus, et quære in domo Judæ Saulum nómine Tarsénsem: ecce enim orat. (Et vidit virum, Ananiám nómine, introeúntem, et imponéntem sibi manus, ut visum recípiat). Respóndit autem Ananías: Dómine, audívi à multis de viro hoc, quanta mala fécerit sanctis tuis in Jerúsalem: et hic habet potestátem à princípibus sacerdotum alligándi omnes, qui invocant nomen tuum. Dixit autem ad eum Dóminus: Vade, quóniam vas

Festa Januarii.

electionis est mihi iste, ut portet nomen meum coram gentibus, et regibus, et filiis Israel. Ego enim ostendam illi quanta oporteat eum pro nomine meo pati. Et abiit Ananias, et introiit in domum: et imponens ei manus, dixit: Saule frater, Dominus misit me Jesus, qui apparuit tibi in via, qua veniebas, ut videas, et implearis Spiritu sancto. Et confestim ceciderunt ab oculis ejus tamquam squamæ, et visum recepit: et surgens baptizatus est. Et cum accepisset cibum, confortatus est. Fuit autem cum discipulis, qui erant Damasci, per dies aliquot. Et continuo in synagogis predicabat Jesum: quoniam hic est Filius Dei. Stupébant autem omnes, qui audiebant, et dicebant: Nónne hic est, qui expugnabat in Jerúsalem eos, qui invocabant nomen istud: et huc ad hoc venit, ut vinctos illos duceret ad principes sacerdotum? Saulus autem multo magis convalescebat, et confundebat Judæos, qui habitabant Damasci, affirmans quoniam hic est Christus.

Graduale. Gal. 2. Qui operatus est Petro in Apostolatū, operatus est et mihi inter gentes, et cognoverunt grātiā Dei, quæ data est mihi.

V. Grātia Dei in me vācua non fuit: sed grātia ejus semper in me manet.

Allelūja, allelūja.

V. Magnus sanctus Paulus vas electionis, vere digne est glorificāndus, qui et mēruit thronum duodécimum possidere. **Allelūja.**

Si venerit post Septuages. omisso Allelūja, et V. seq. dicitur:

Tractus. Tu es vas electionis, sancte Paule Apóstole: vere digne es glorificāndus.

V. Prædicātor veritātis, et Doctor gentium in fide et veritate.

V. Per te omnes gentes cognoverunt grātiā Dei.

V. Intercède pro nobis ad Deum, qui te elēgit.

Sequētia sancti Evangēlii secundum Matthæum. Mtth. 19.d

IN illo tēpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis? Jesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede majestātis suæ, sedébitis et vos super sedes duódecim, judicāntes duódecim tribus Israel. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam ætérnam possidébit. **Credo.**

Offertorium. Psal. 138. Mihi autem nimis honorāti sunt amíci tui, Deus: nimis confortātus est principātus eórum. **Secreta.**

APóstoli tui Pauli précibus, Dómine, plebis tuæ dona sanctífica: ut quæ tibi tuo grata sunt institúto, gratióra fiant patrocínio supplicántis. **Per Dóminum.**

Pro S. Petro.

Secreta.

ECclésiæ tuæ, quæsumus Dómine, preces et hóstias beāti Petri Apóstoli comméndet orátio: ut, quod pro illius glória celebrāmus, nobis prosit ad véniam. **Per Dóminum.**

Præfatio de Apost. fol. 200. vel 218.

Communio. Matth. 19. Amen dico vobis, quod vos qui reliquistis ómnia, et secúti estis me, céntuplum accipietis, et vitam ætérnam possidébitis.

Postcommunio.

Sanctificāti, Dómine, salutári mystério: quæsumus, ut nobis ejus non desit orátio, cujus nos donásti patrocínio gubernári. **Per Dóminum nostrum.**

Pro S. Petro. Postcommunio.

Lætíficet nos, Dómine, munus oblātum: ut sicut in Apóstolo tuo Petro te mirábilem prædicāmus; sic per illum tuæ sumāmus indulgentiæ largitatem. **Per Dóminum.**

DIE XXVI.
S. POLYCARPI EPISCOPI
et Martyris.



Introitus. Dan. 3.

Acerdótes Dei benedicite Dóminum: sancti, et húmiles corde laudáte Deum.

Dan. ib. Benedicite ómnia ópera Dómini Dómino: laudáte, et superexaltáte eum in sǎcula.

V. Glória Patri. Oratio.

DEus, qui nos beáti Polycárpi mártiris tui, atque pontíficis ánnua solemnitáte lætíficas: concéde propítius; ut ejus natalítia cólimus, de ejúsdem etiam protectióne gaudeámus. Per Dóminum nostrum.

Léctio Epístolæ beáti Joánnis Apóstoli.

1. Joan. 3. b

CAríssimi, Omnis qui non est justus, non est ex Deo, et qui non diligit fratrem suum: quóniam hæc est annuntiatio, quam audístis ab initio, ut diligátis alterutrum. Non sicut Cain, qui ex maligno erat, et occidit fratrem suum. Et propter quid occidit eum? Quóniam ópera ejus maligna erant: fratris autem ejus justa. Nolíte mirári, fratres, si odit vos mundus. Nos scimus, quóniam transláti sumus de morte ad vitam, quóniam diligimus fratres. Qui non diligit, manet in morte: omnis qui odit fratrem suum, homicída est. Et scitis, quóniam omnis homicída non habet vitam ætérnam in semetípso manentem. In hoc cognóvimus caritátem Dei, quóniam ille ánimam suam pro nobis pósuit: et nos debémus pro fratribus ánimas pónere.

Graduale. Ps. 8. Glória et honóre coronásti eum.

V. Et constituísti eum super ópera mánuum tuárum, Dómine.

Allelúja, allelúja.

V. Hic est sacérdos, quem coronávit Dóminus. Allelúja.

Post Septuagesimam, omissis Allelúja, et versu sequenti, dicitur: Tractus Ps. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generatio rectórum benedicétur.

V. Glória, et divítiae in domo ejus: et justítia ejus manet in sǎculum sǎculi.



Sequentia sancti Evangélii secúndum Matthæum. Mtth. 10. c

IN illo témpore: Dixit Jesus discipulis suis: Nihil est opértum, quod non revelábitur; et occúltum, quod non sciétur. Quod dico vobis in ténebris, dícite in lúmine: et quod in aure auditis, prædicáte super tecta. Et nolíte timére eos, qui occidunt corpus, ánimam autem non possunt occidere: sed pótius timéte eum, qui potest et ánimam, et corpus pérdere in gehénam. Nónne duo pásseres asse vén-eunt; et unus ex illis non cadet super terram sine patre vestro? Vestri autem capílli cápitis omnes numeráti sunt. Nolíte ergo timére: multis páseribus meliôres estis vos. Omnis ergo, qui confitébitur me coram homínibus, confitébor et ego eum coram patre meo, qui in cœlis est.

Offertorium. Ps. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

MUnera tibi, Dómine, dicáta sanctífica: et, intercedénte beáto Polycárpo, mártire tuo atque pontífice, per éadem nos placátus inténde. Per Dóminum nostrum.

Communio. Psal. 20. Posuísti, Dómine, in cápite ejus corónam de lápide pretiósó.

Postcommunio.

REfecti participatióne múnieris sacri, quæsumus Dómine Deus noster: ut, cujus exéquimur cultum, intercedénte beáto Polycárpo, mártire tuo atque pontífice, sentiámus effectum. Per Dóminum nostrum.

DIE XXVII.

S. JOANNIS CHRYSOSTOMI

Episcopi, Confessoris, et Doctoris.

Introitus.

Eccl. 15.

IN medio Ecclesiæ aperuit os ejus: et implevit eum Dominus spiritu sapientiæ, et intellectus: stolam gloriæ induit eum.

Ps. 91. Bonum est confiteri Domino: et psallere nomini tuo, Altissime.

V. Glória Patri.

Oratio.

Ecclésiám tuam, quæsumus Domine, grátia cœlestis amplifícet: quam beáti Joánnis Chrysóstomi, Confessoris tui atque Pontíficis, illustráre voluísti gloriósis méritis, et doctrínis. Per Dóminum nostrum.

Lectio Epístolæ beáti Pauli Apóstoli ad Timótheum.

2. Tim. 4.

Carissime, Testificor coram Deo, et Jesu Christo, qui judicáturus est vivos et mórtuos, per advéntum ipsíus, et regnum ejus: prædica verbum, insta opportúne, importúne: argue, óbseca, increpa in omni paciéntia et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus; et à veritaté quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delíbor, et tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die, justus judex: non solum autem mihi, sed et iis, qui diligunt advéntum ejus.

Graduale. Eccli. 44. Ecce sacerdos magnus, qui in diébus suis placuit Deo. **V.** Non est invéntus símilis illi, qui conserváret legem excélsi.

Allelúja, allelúja.

V. Jac. 1. Beátus vir, qui suffert tentationem: quóniam cum probátus fuerit, accípiet corónam vitæ. Allelúja.

Post Septuagesimam omissis Allelúja, et versu seq. dicitur: Tractus.

Psal. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generátio rectórum benedicétur.

V. Glória et divítiæ in domo ejus: et justítia ejus manet in sæculum sæculi.



Sequéntia sancti Evangélíi secúndum Matthæum. Mtth. 5. 6.

In illo témpore: Dixit Jesus discipulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cœlis est. Nolíte putáre, quóniam veni sólvare legem, aut prophétas: non veni sólvare, sed adimplére. Amen quippe dico vobis, donec tránseat cœlum et terra, jota unum, aut unus apex non præteríbit à lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cœlórum: qui autem fécerit, et docúerit, hic magnus vocábitur in regno cœlórum. **Credo.**

Offertorium. Ps. 91. Justus ut palma florébit: sicut cedrus, quæ in Líbano est, multiplicábitur. **Secreta.**

Sancti Pontíficis tui Joánnis Chrysóstomi nobis, Domine, pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum.

Communio. Luc. 12. Fidélis servus, et prudens, quem constituit Dóminus super familiam suam: ut det illis in témpore trítici mensúram.

Festa Januarii.

Postcommunio.

UT nobis, Dómine, tua sacrificia dent salutem: beátus Joánnes Chrysóstomus, Póntifex tuus, et Doctor egrégus, quæsumus, precátor accédât. Per Dóminum.

DIE XXVIII.

S. AGNETIS VIRG. ET MART.

SECUNDO.

Introitus.

Psal. 44.

Vultum tuum deprecabúntur omnes dívites plebis: adducéntur Regi vírgines post eam: próximæ ejus adducéntur tibi in lætítia, et exultatione. **Psal. ibid.** Eructávit cor meum verbum bonum: dico ego ópera mea Regi.

V. Glória Patri.

Oratio.

DEus, qui nos ánnua beátæ Agnétis vírginis et mártiris tuæ solemnitate lætíficas: da, quæsumus; ut, quam venerámur officio, étiam piæ conversatiónis sequámur exémplo. Per Dóminum nostrum.

Léctio Epístolæ beáti Pauli Apóstoli ad Corínthios. **2. Cor. 10. d et 11.**

FRatres, Qui gloriátur, in Dómino gloriétur. Non enim qui seípsum comméndat, ille probátus est; sed quem Deus comméndat. Utinam sustinerétis módicum quid insipiéntiæ meæ: sed et supportáte me. Æmulor enim vos Dei æmulatione. Despóndi enim vos uni viro vírginem castam exhibére Christo.

Graduale. Psal. 44. Spécie tua, et pulchritúdine tua inténde, prospere procéde, et regna.

V. Propter veritátem, et mansuetúdinem, et justítiam: et dedúcet te mirabiliter dextera tua.

Allelúja, allelúja.

V. Adducéntur Regi vírgines post eam: próximæ ejus afferéntur tibi in lætítia. Allelúja.

Post Septuages. omissis Allelúja, et versu seq. dicitur: Tractus. ibid.

Audi filia, et vide, et inclína aurem tuam: quia concupívit rex spéciem tuam. **V.** Vultum tuum deprecabúntur omnes dívites plébis: filia regum in honóre tuo.

V. Adducéntur regi vírgines post eam: próximæ ejus afferéntur tibi.

V. Afferéntur in lætítia et exultatione: adducéntur in templum regis.

Sequéntia sancti Evangélíi secundum Matthæum. Matth. 13. f

IN illo témpore: Dixit Jesus discipulis suis parábolam hanc: Símile est regnum cœlórum thesauro abscondito in agro, quem qui invenit homo, abscondit, et præ gáudio illius vadit, et vendit univérsa quæ habet, et emit agrum illum. Iterum símile est regnum cœlórum hómini negotiátóri quærénti bonas margarítas. Inventa autem una pretiósá margaríta, ábiit, et vëndidit ómnia quæ hábuit, et emit eam. Iterum símile est regnum cœlórum sagénæ missæ in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras miserunt. Sic erit in consummatione sæculi: exhibunt Angeli, et separábunt malos de médio justórum, et mittent eos in camínium ignis; ibi erit fletus et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cœlórum, símilis est hómini patrifamílias, qui profert de thesauro suo nova et vétera.

Offertorium. Psal. 44. Diffúsa est grátia in lábiis tuis: proptérea benedíxit te Deus in ætérnum, et in sæculum sæculi. **Secreta.**

Super has, quæsumus Dómine, hóstias benedictio copiósa descendat: quæ et sanctificatiónem nobis cleménter operétur, et de mártirum nos solemnitate lætíficet. Per Dóminum nostrum.

Communio. Matth. 13. Símile est regnum cœlórum hómini negotiátóri, quærénti bonas margarítas: invénta una pretiósa margaríta, dedit ómnia sua, et comparávit eam.

Postcommunio.

Sumpsimus, Dómine, celebritátis ánnuæ votíva sacraménta: præsta quæsumus; ut et temporális vitæ nobis remédia præbeant, et æternæ. Per Dóminum nostrum.

DIE XXIX.

S. FRANCISCI SALESII EPISCOPI ET CONFESSORIS.

Missa. Státuit. de Communi Confess. Pontif. fol. xiii. præter Orationem sequentem. Oratio.

DEus, qui ad animárum salútem beátum Francíscum, Confessórem tuum, atque Pontíficem, ómnibus ómnia factum esse voluísti: concéde propítius; ut caritátis tuæ dulcédine perfúsi, ejus dirigéntibus mónitis, ac suffragántibus méritis, æterna gáudia consequámur. Per Dóminum nostrum.

DIE XXX.

S. MARTINÆ VIRGINIS

et Martyris.

Missa. Loquébar. de Communi Virginum et Martyrum. fol. xx.

DIE XXXI.

S. PETRI NOLASCI CONF.

Missa. Justus ut palma. de Communi Confess. non Pontif. fol. xviii. præter Orationem sequentem.

Oratio.

DEus, qui in tuæ caritátis exémplo, ad fidélium redemptiónem sanctum Petrum Ecclesiám tuam nova prole fœcundáre divínitus docuísti: ipsíus nobis intercessióne concéde, à peccáti servitúte solútis, in cœlésti pátria perpétua libertáte gaudére. Qui vivis, et regnas.

FESTA FEBRUARII.

DIE I.

SANCTI IGNATII EPISCOPI

et Martyris.

Introitus. Gal. 6.



Ihi autem absit gloriári, nisi in cruce Dómini nostri Jesu Christi, per quem mihi mundus crucifíxus

est, et ego mundo.

Psal. 131. Meménto, Dómine, David, et omnis mansuetúdinis ejus.

V. Glória Patri.

Oratio.

Infirmítatem nostram réspice, omnípotens Deus: et quia pondus própriæ actiónis gravat, beáti Ignátii, mártiris tui atque pontíficis, intercessio gloriósa nos prótegat. Per Dóminum nostrum.

Léctio Epístolæ beáti Pauli Apóstoli ad Romános. Rom. 8. f

FRatres, Quis nos separábit à caritáte Christi? Tribulátio, an angústia, an fames, an núditas, an perículum, an persecútio, an gládus? (sicut scriptum est: Quia propter te mortificámur tota die: æstimáti sumus sicut oves occisiónis). Sed in his ómnibus superámus propter eúm qui diléxit nos. Certus sum enim, quia neque mors, neque vita, neque Angeli, neque principátus, neque virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre à caritáte Dei, quæ est in Christo Jesu Dómino nostro.

Graduale. Eccli. 44. Ecce sacerdos magnus qui in diébus suis plácuít Deo.

V. Non est invéntus símilis illi, qui conserváret legem Excélsi.

Allelúja, allelúja.

V. Galat. 2. Christo confíxus sum cruci, vivo ego, jam non ego, vivit vero in me Christus. Allelúja.

Festa Februarii.

Post Septuagesimam, omissis Allelúja, et versu seq. dicitur:

Tractus. Psal. 20. Desidérium animæ ejus tribuisti ei: et voluntáte labiórum ejus non fraudásti eum.

V. Quóniam prævenísti eum in benedictionibus dulcédinis.

V. Posuísti in cápite ejus corónam de lápide pretióso.

Sequéntia sancti Evangélíi secúndum Joánnem. Joan. 12. d

IN illo témpore: Dixit Jesus discipulis suis: Amen, amen dico vobis: nisi granum fruménti cadens in terram mórtuum fúerit, ipsum solum manet. Si autem mórtuum fúerit, multum fructum affert. Qui amat animam suam, perdet eam: et qui odit animam suam in hoc mundo, in vitam ætérnam custódit eam. Si quis mihi ministrat, me sequátur; et ubi sum ego, illic et mínister meus erit. Si quis mihi ministráverit, honorificábit eum Pater meus.

Offertorium. Psal. 8. Glória et honóre coronásti eum: et constituísti eum super ópera mánuum tuárum, Dómine. **Secreta.**

HOstias tibi, Dómine, beáti Ignáti mártiris tui atque pontíficis, dicátas méritis, benígnus assúme: et ad perpétuum nobis tribue proveníre subsidium. Per Dóminum nostrum.

Communio. Fruméntum Christi sum, déntibus bestiárum molar, ut panis mundus invéníar.

Postcommunio.

REfecti participatióne múnieris sacri, quæsumus Dómine Deus noster: ut cujus exéquimur cultum, intercedénte beáto Ignátio mártire tuo, atque pontífice, sentiámus effectum. Per Dóminum nostrum.

DIE II.

**IN FESTO PURIFICATIONIS
B. MARIE VIRGINIS.**

Si hoc Festum venerit in Dominicis Septuagesimæ, Sexagesimæ, vel Quinquagesimæ, fit tantum benedi-

ctio, et distributio Candelarum, et Processio; et Missa dicitur de Dominica: Missa vero Festi transfertur in sequentem diem.

¶ Finita Tertia, Sacerdos indutus pluviâ violaceo, vel sine casula, cum ministris similiter indutis, procedit ad benedicendum Candelas, in medio ante Altare, vel ad cornu Epistolæ positas, et ipse ibidem stans versus ad Altare, dicit manibus junctis in tono Orationis Missæ Ferialis.

V. Dóminus vobíscum.

R. Et cum spíritu tuo.

Orémus.

Oratio.

Domine sancte, Pater omnipotens, ætérne Deus, qui ómnia ex níhilo creásti, et jussu tuo per ópera apum, hunc liquórem ad perfectiónem cerei veníre fecísti: et qui hodiérna die petitióem justí Simeónis implésti: te humíliter deprecámur; ut has Candelas ad usus hóminum, et sanitátem córporum et animárum, sive in terra, sive in aquis, per invocatióem tui sanctíssimi nóminis, et per intercessiónem beátæ Mariæ semper Vírginis, cujus hódie festa devóte celebrántur, et per preces ómnium Sanctórum tuórum, bene † dicere, et sanctifi † cáre dignéris: et hujus plebis tuæ, quæ illas honorífice in mánibus desidérat portáre, teque cantádo laudáre, exáudias voces de cœlo sancto tuo, et de sede majestátis tuæ: et propítius sis ómnibus clamántibus ad te, quos redemísti pretióso sáanguine Fílii tui. Qui tecum vivit, et regnat in unitáte Spíritus sancti Deus, per ómnia sæcula sæculórum. **R.** Amen.

Orémus.

Omnípotens sempitérne Deus, qui hodiérna die Unigénitum tuum, ulnis sancti Simeónis in templo sancto tuo suscipiéndum præsentásti: tuam súpplices deprecámur cleméntiam; ut has Candelas, quas nos fámulí tui, in tui nóminis magnificéntiam suscipiéntes, gestáre cúpimus

Festa Februarii.

luce accensas, bene† dicere et sanctifi† care, atque lumine supernae benedictionis accendere digneris: quatenus eas tibi Dómino Deo nostro offerendo digni, et sancto igne dulcissimae caritatis tuae succensi, in templo sancto glóriæ tuæ repræsentari mereámur. Per eúmdem Dóminum nostrum. **R. Amen.**

Orémus.

Domine Jesu Christe, lux vera, quæ illúminas omnem hóminem venientem in hunc mundum: effúnde benedi† ctionem tuam super hos Céreos, et sanctifi† ca eos lumine grátiae tuæ, et concéde propítius: ut sicut hæc luminária igne visibili accensa nocturnas depéllunt ténebras; ita corda nostra invisibili igne, idest, sancti Spíritus splendóre illustráta, ómnium vitiórum cæcitate cáreant: ut, purgáto mentis óculo, ea cernere possimus, quæ tibi sunt plácita, et nostræ salúti utilia: quatenus post hujus sæculi caliginósa discrimina, ad lucem indeficientem pervenire mereámur. Per te, Christe Jesu Salvátor mundi, qui in trinitáte perfectá vivis et regnas Deus, per ómnia sæcula sæculórum. **R. Amen.**

Orémus.

OMnipotens sempitérne Deus, qui per Móysen fámulum tuum puríssimum ólei liquórem ad luminária ante conspéctum tuum júgiter concinnánda præparári jussisti: bene† ctionis tuæ grátiam super hos Céreos benígnus infúnde: quatenus sic adminístrent lumen extérius, ut, te donánte, lumen Spíritus tui, nostris non desit méntibus intérius. Per Dóminum nostrum Jesum Christum Fílium tuum; Qui tecum vivit, et regnat in unitáte ejúsdem Spíritus sancti Deus, per ómnia sæcula sæculórum. **R. Amen.**

Orémus.

Domine Jesu Christe, qui hodiérna die in nostræ carnis substantia inter hómines appárens, à paréntibus in templo es præsentátus:

quem Símeon venerábilis senex, lumine Spíritus tui irradiátus, agnóvit, suscepit, et benedíxit: præsta propítius; ut ejúsdem Spíritus sancti grátia illumináti atque edócti, te veráriter agnoscámus, et fidéliter diligámus. Qui cum Deo Patre in unitáte ejúsdem Spíritus sancti, vivis et regnas Deus, per ómnia sæcula sæculórum. **R. Amen.**

¶ Finitis Orationibus, Celebrans ponit incensum in thuribulum, deinde ter aspergit Candelas aqua benedicta, dicendo **Antiph. Aspérges me etc. sine cantu, et sine Psalmo: et ter adolet incenso. Tum dignior ex Clero accedit ad Altare, et ab eo Celebrans accipit Candelam non genuflectens, nec osculans manum illius. Postea Celebrans stans in medio ante Altare, versus ad populum distribuit Candelas, primum digniori, a quo ipse acceperat: deinde Diacono et Subdiacono paratis, et aliis Clericis singulatim per ordinem, ultimo laicis: omnibus genuflectentibus, Candelam et manum Celebrantis osculantibus, exceptis Prælati, si adsint. Et cum inceperit distribuere Candelas, a Choro cantatur.**

Antiphona. Luc. 2. Lumen ad revelationem gentium: et glóriam plebis tuæ, Israel.

Cantic. ibid. Nunc dimíttis servum tuum, Dómine, secúndum verbum tuum in pace.

Deinde repetitur tota Antiphona: Lumen ad revelationem gentium etc. quæ similiter repetitur post quemlibet versum.

Quia viderunt óculi mei salutáre tuum.

Antiph. Lumen etc.

Quod parásti ante fáciem ómnium populórum.

Antiph. Lumen. etc.

Glória Patri, et Fílio, et Spíritui sancto.

Antiph. Lumen etc.

Festa Februarii.

Sicut erat in principio, et nunc, et semper, et in sæcula sæculorum. Amen.

Antiph. Lumen etc.

His expletis, cantatur Antiph. Psal. 43. Exurge, Dómine, ádjuva nos: et libera nos propter nomen tuum.

Ps. ibid. Deus, áuribus nostris audívimus: patres nostri annuntiavérunt nobis.

V. Glória Patri.

Et repetitur: Exurge, Dómine.

Deinde Sacerdos dicit: Orémus.

¶ Et si fuerit post Septuagesimam, et non in die Dominica, Diaconus dicit: Flectámus génua. **R.** Leváte.

Oratio.

EXáudi, quæsumus Dómine, plebem tuam, et quæ extrínsecus ánnua tribuis devotíone venerári, intérius ássequi grátiae tuæ luce concéde. Per Christum Dóminum nostrum. **R.** Amen.

¶ Deinde fit Processio. Et primo Celebrans ponit incensum in thuribulum: postea Diaconus vertens se ad populum, dicit: Procedámus in pace. **Et chorus respondet:** In nómine Christi. Amen.

Præcedit thuriferarius cum thuribulo fumigante: deinde Subdiaconus paratus, deferens Crucem, medius inter duos Acolythos cum candelabris accensis: sequitur Clerus per ordinem, ultimo Celebrans cum Diacono a sinistris, omnes cum candelis accensis in manibus: et cantantur Antiphonæ sequentes.

Antiph. Adórna thálamum tuum Sion, et súscipe Regem Christum: ampléctere Mariám, quæ est cœléstis porta: ipsa enim portat Regem glóriæ novi lúminis: subsístit Virgo, addúcens mánibus Fílium ante lucíferum génitum: quem accípiens Símeon in ulnas suas, prædicávit pópulis Dóminum eum esse vitæ, et mortis, et Salvatórem mundi.

Alia Antiph. Luc. 2. Respónsum accépit Símeon à Spíritu sancto, non

visúrum se mortem, nisi vidéret Christum Dómini: et cum indúcerent púerum in templum, accépit eum in ulnas suas, et benedíxit Deum, et dixit: Nunc dimíttis servum tuum, Dómine, in pace.

V. Cum indúcerent púerum Jesum paréntes ejus, ut fácerent secúndum consuetúdinem legis pro eo: ipse accépit eum in ulnas suas.

Et ingrediendo Ecclesiam, cantatur: R. Obtulérunt pro eo Dómino par túrturum, aut duos pullos columbárum: *

Sicut scriptum est in lege Dómini.

V. Postquam impleti sunt dies purgationis Mariæ, secúndum legem Móysi, tulérunt Jesum in Jerúsalem, ut sístèrent eum Dómino.

Sicut scriptum est etc.


V. Glória Patri, et Fílio, et Spíritui sancto. Sicut scriptum est etc.

¶ Finita processione, Celebrans et ministri, depositis violaceis, accipiunt paramenta alba pro Missa. Et candelæ tenentur in manibus accensæ dum legitur Evangelium, et iterum ad elevationem Sacramenti usque ad communionem. Si vero Missa fieret de Dominica, candelæ non accenduntur.

AD MISSAM.

Introitus.

Psal. 47.



Uscépimus, Deus, misericórdiam tuam in médio templi tui: secúndum nomen tuum, Deus, ita et laus tua in fines terræ: justítia plena est dextera tua.

Ps. ibid. Magnus Dóminus, et laudábilis nimis: in civitáte Dei nostri, in monte sancto ejus.

V. Glória Patri.

Oratio.

OMnípotens sempitérne Deus, majestátem tuam súplices exorámus: ut sicut unigénitus Fílius tuus hodiérna die cum nostræ carnis substántia in templo est præsentátus;

ita nos fácias purificáti tibi méntibus præsentári. Per eúndem Dóminum.

Léctio Malachíæ Prophétæ. Mal. 3.

Hæc dicit Dóminus Deus: Ecce ego mitto Angelum meum, et præparábit viam ante fáciem meam. Et statim véniet ad templum suum Dominátor, quem vos quæritis, et Angelus testaménti, quem vos vultis. Ecce venit, dicit Dóminus exercítum, et quis póterit cogitáre diem adventus ejus, et quis stabit ad vidéndum eum? Ipse enim quasi ignis conflans, et quasi herba fullónum: et sedébit conflans, et emúndans argéntum, et purgábit filios Levi, et colábit eos quasi áurum, et quasi argéntum: et erunt Dómino offeréntes sacrificia in justítia. Et placébit Dómino sacrificium Juda, et Jerúsalem, sicut dies sæculi, et sicut anni antíqui: dicit Dóminus omnipotens.

Graduale. Psal. 47. Suscépimus, Deus, misericórdiam tuam in médio templi tui: secúndum nomen tuum, Deus, ita et laus tua in fines terræ.

V. Sicut audívimus, ita et vídimus in civitáte Dei nostri, in monte sancto ejus. **Allelúja, allelúja.**

V. Senex púerum portábat: puer autem senem regébat. **Allelúja.**

Post Septuagesimam omissis Allelúja, et versu seq. dicitur Tractus. Lucæ 2. Nunc dimíttis servum tuum, Dómine, secúndum verbum tuum in pace.

V. Quia vidérunt óculi mei salutáre tuum. **V.** Quod parásti ante fáciem ómnium populórum.

V. Lumen ad revelatióem géntium, et glóriam plebis tuæ, Israel.

Sequéntia sancti Evangélíi secúndum Lucam. Lucæ 2. c

In illo témpore: Postquam impléti sunt dies purgatióis Mariæ, secúndum legem Móysi, tulérunt Jesum in Jerúsalem, ut sísterent eum Dómino, sicut scriptum est in lege Dómini: quia omne masculínium adaperiens vulvam, sanctum Dómino

vocábitur. Et ut darent hóstiam secúndum quod dictum est in lege Dómini, par túrturum, aut duos pullos columbárum. Et ecce homo erat in Jerúsalem, cui nomen Símeon, et homo iste justus et timorátus, expéctans consolationem Israel, et Spíritus sanctus erat in eo. Et respónsum accéperat à Spíritu sancto, non visúrum se mortem, nisi prius vidéret Christum Dómini. Et venit in spíritu in templum. Et cum indúcerent púerum Jesum paréntes ejus, ut fácerent secúndum consuetúdinem legis pro eo: et ipse accépit eum in ulnas suas, et benedíxit Deum, et dixit: Nunc dimíttis servum tuum, Dómine, secúndum verbum tuum in pace: quia vidérunt óculi mei salutáre tuum: quod parásti ante fáciem ómnium populórum: lumen ad revelatióem géntium, et glóriam plebis tuæ Israel.

Credo.

Offertorium. Psal. 44. Diffúsa est grátia in lábiis tuis: proptérea benedíxit te Deus in ætérnum, et in sæculum sæculi.

Secreta.

Exáudi, Dómine, preces nostras: et, ut digna sint múnera, quæ óculis tuæ majestátis offerimus, subsidium nobis tuæ pietátis impénde. Per Dóminum nostrum.

Præfatio de Nativitate Dómini. fol. 188. vel 212.

Communio. Luc. 2. Respónsum accépit Símeon à Spíritu sancto, non visúrum se mortem, nisi vidéret Christum Dómini.

Postcommunio.

Quæsumus, Dómine Deus noster: ut sacrosáncta mystéria, quæ pro reparatióis nostræ munímine contulísti, intercedénte beáta María semper vírgine, et præsens nobis remédium esse fácias, et futúrum. Per Dóminum nostrum.



Festa Februarii.

DIE III.

S. BLASII EPISCOPI et MART.

Missa. Sacerdotes Dei. *ut in Comuni unius Martyris Pontificis.* fol. iii.

DIE IV.

SANCTI ANDREÆ CORSINI EPISCOPI et CONFESSORIS.

Missa. Stáruit. *ut in Comuni Confessoris Pontificis* fol. xiii. *præter Orationem sequentem.* **Oratio.**

Deus, qui in Ecclesia tua nova semper instauras exempla virtutum: da populo tuo beati Andreæ Confessoris tui, atque Pontificis, ita sequi vestigia, ut assequatur et præmia. Per Dñm nostrum.

DIE V.

SANCTÆ AGATHÆ VIRGINIS et MARTYRIS.

Introitus.

GAudeamus omnes in Dño, diem festum celebrantes sub honore beatæ Agathæ virginis et martyris: de cujus passione gaudent Angeli, et collaudant Fñm Dei.

Psal. 44. Eructavit cor meum verbum bonum: dico ego opera mea regi.**V.** Glória Patri.**Oratio.**

Deus, qui inter cetera potencie tue miracula etiam in sexu fragili victoriam martyrii contulisti: concede propitius; ut qui beatæ Agathæ virginis, et martyris tue natalitia colimus, per ejus ad te exempla gradiamur. Per Dñm nostrum.

Lectio Epistolæ beati Pauli Apostoli ad Corinthios.**1. Cor. 1. d**

Fratres, Videte vocationem vestram, quia non multi sapientes secundum carnem, non multi potentes, non multi nobiles: sed quæ stulta sunt mundi elegit Deus, ut confundat sapientes: et infirma mundi elegit Deus ut confundat fortia: et ignobilia mundi, et contemptibilia elegit Deus, et ea quæ non sunt, ut ea quæ

sunt, destrueret: ut non glorietur omnis caro in conspectu ejus. Ex ipso autem vos estis in Christo Jesu, qui factus est nobis sapientia à Deo, et justitia, et sanctificatio, et redemptio: ut, quemadmodum scriptum est: Qui gloriatur, in Dño gloriatur.

Graduale. Psal. 45. Adjuvabit eam Deus vultu suo: Deus in medio ejus, non commovebitur.**V.** Fluminis impetus lætificat civitatem Dei: sanctificavit tabernaculum suum Altissimus.

Allelúja, allelúja.

V. Psal. 118. Loquebar de testimoniis tuis in conspectu regum, et non confundabar. Allelúja.**Si hoc festum venerit post Septuagesimam omissis Allelúja, et versu sequenti dicitur:****Tractus. Ps. 125.** Qui seminant in lacrymis, in gaudio metent.**V.** Eúntes ibant et flebant mittentes semina sua.**V.** Venientes autem venient cum exultatione portantes manipulos suos.

Sequencia sancti Evangelii secundum Matthæum. Matth. 19.

IN illo tempore: Accesserunt ad Jesum pharisæi tentantes eum, et dicentes: Si licet homini dimittere uxorem suam, quacúmque ex causa? Qui respondens, ait eis: Non legistis, quia qui fecit hominem ab initio, masculum et feminam fecit eos? et dixit: Propter hoc dimittet homo patrem, et matrem, et adhærebit uxori suæ, et erunt duo in carne una. Itaque jam non sunt duo, sed una caro. Quod ergo Deus conjunxit, homo non separet. Dicunt illi: Quid ergo Moyses mandavit dare libellum repudi, et dimittere? Ait illis: Quoniam Moyses ad duritiam cordis vestri permisit vobis dimittere uxores vestras: ab initio autem non fuit sic. Dico autem vobis, quia quicumque dimiserit uxorem suam, nisi ob fornicationem, et aliam duxerit, moechatur: et qui dimissam

dúxerit, mœchátur. Dicunt ei discipuli ejus: Si ita est causa hóminis cum uxóre, non expedit núbere. Qui dixit illis: Non omnes cápiunt verbum istud, sed quibus datum est. Sunt enim eunúchi, qui de matris útero sic nati sunt: et sunt eunúchi, qui facti sunt ab homínibus: et sunt eunúchi, qui seípsos castravérunt propter regnum cœlórum. Qui potest cápere, cápiat.

Offertorium. Psal. 44. Afferéntur regi vírgines post eam: próximæ ejus afferéntur tibi.

Secreta.

Suscipe, Dómine, múnera quæ in beátæ Agathæ vírginis et mártiris tuæ solemnitáte deférimus: cujus nos confidimus patrocínio liberári. Per Dóminum.

Communio. Qui me dignátus est ab omni plaga curáre, et mamíllam meam meo péciori restitúere, ipsum invoco Deum vivum.

Postcommunio.

Auxiliéntur nobis, Dómine, sumpta mystéria: et intercedénte beáta Agatha vírgine et mártire tua, sempitérna protectióne confirment. Per Dóminum.

DIE VI.

S. DOROTHEÆ VIRGINIS

et Martyris.

Missa. Me expectavérunt. **ut in Communi Virginis et Mart. fol. xxi.**

DIE VII.

S. ROMUALDI ABBATIS.

Missa. Os justi. **de Communi Abbatum. fol. xix.**

DIE VIII.

S. JOANNIS DE MATHA

CONFESSORIS.

Missa. Os justi. **de Communi Confess. non Pontificis fol. xvii. præter Orationem sequentem. Oratio.**

Deus, qui per sanctum Joánnem, Ordinem sanctíssimæ Trinitátis, ad rediméndum de potestáte Sa-

racenórum captívos, cœlitis institúere dignátus es: præsta quæsumus, ut, ejus suffragántibus méritis, à captivitate córporis et ánimæ, te adjuvánte, liberémur. Per Dóminum.

DIE IX.

S. APOLLONIÆ VIRGINIS

et Martyris.

Missa. Loquébar. **de Communi Virginis et Martyris. fol. xx.**

DIE X.

S. SCHOLASTICÆ VIRGINIS.

Missa. Dilexísti. **ut in Communi Virginis fol. xxiii. præter Orationem seq.**

Oratio.

Deus, qui ánimam beátæ vírginis tuæ Scholásticæ, ad osténdendam innocéntiæ viam, in colúmbæ spécie cœlum penetráre fecísti: da nobis ejus méritis et précibus ita innocénte vivere; ut ad ætérra mereámur gáudia perveníre. Per Dóminum nostrum.

Deinde fit commemoratio Feriæ, si celebretur in Quadragesima.

DIE XIV.

S. VALENTINI PRESBYTERI

et Martyris.

Missa. In virtúte tua. **de Communi unius Martyris non Pontificis. fol. iv. præter Orationes, quæ infra assignantur. Oratio.**

Præsta, quæsumus omnípotens Deus: ut, qui beáti Valentíni mártiris tui natalítia cólimus, à cunctis malis imminéntibus, ejus intercessióne liberémur. Per Dóminum.

Secreta.

Oblátis, quæsumus Dómine, placáre munéribus: et, intercedén-te beáto Valentíno mártire tuo, à cunctis nos defénde perículis. Per Dóminum nostrum.

¶ Si hoc Festum inciderit in Feriam tertiam post Dominic. prim. Quadrag. loco Secretæ præsentis dicitur sequens

Secreta.

A Ccépta sit in conspéctu tuo, Dómine, nostra devótio: et ejus nobis fiat supplicatióne salutáris, pro cujus solemnitáte defértur. Per Dóminum nostrum.

Postcommunio.

S It nobis, Dómine, reparátio mentis et córporis cœléste mystérium: ut, cujus exéquimur actiõem, intercedente beáto Valentíno mártire tuo, sentiámus efféctum. Per Dóminum nostrum.

DIE XV.**SS. FAUSTINI ET JOVITÆ MARTYRUM.**

Missa. Salus autem. *ut in Comuni plurimorum Martyrum.* fol. xi.

DIE XVIII.**S. SIMEONIS EPISC. et MART.**

Missa. S tátuít ei Dóminus. *de Comuni unius Mart. Pont.* fol. ii.

DIE XXII.

In Cathedra Antiochena S. Petri omnia dicuntur sicut in Festo Cathedræ Romanæ, fol. 336. *omissa commemoratione S. Priscæ, et fit commemoratio Feriæ, si venerit in Quadragesima.*

DIE XXIII.**S. PETRI DAMIANI**

Episcopi, Confessoris et Doctoris.

Missa. In médio Ecclesiæ. *de Comuni Doctorum.* fol. xv. **Oratio.**

C Oncéde nos, quæsumus, omnípotens Deus: beáti Petri Confessoris tui, atque Pontíficis mónita, et exémpa sectári; ut per terréstrium rerum contéptum æténa gáudia consequámur. Per Dóminum.

Et fit commemoratio Feriæ, si venerit in Quadrages. et postea Vigiliæ S. Mathiæ Apostoli, et dicitur Credo.

DIE XXIII vel XXIV.

In Vigilia S. MATHIÆ Apostoli.

Missa. Ego autem sicut Olíva. *de Comuni in Vigilia unius Apost. fol. i.*

Si hæc Vigil. venerit in Quadrages. fit de ea tantum commem. in Missa.

DIE XXIV vel XXV.**S. MATHIÆ APOSTOLI.**

Introitus. Ps. 138.



Ihi autem nimis honoráti sunt amíci tui Deus: nimis confortátus est principátus eórum.

Ps. ibid. Dómine, probásti me, et cognovísti me: tu cognovísti sessiõem meam, et resurrectionem meam.

V. Glória Patri.

Oratio.

D Eus, qui beátum Mathíam Apostolórum tuórum collégio sociásti: tríbe quæsumus; ut ejus interventióne tuæ circa nos pietátis semper víscera sentiámus. Per Dóminum nostrum.

Léctio Actuum Apostolórum.

Act. 1. e

I N diébus illis: Exúrgens Petrus in médio fratrum, dixit: (erat autem turba hóminum simul fere centum vigínti): Viri fratres, opórtet impléri Scriptúram, quam prædíxit Spíritus sanctus per os David de Juda, qui fuit dux eórum, qui comprehendérunt Jesum; qui connumerátus erat in nobis, et sortítus est sortem ministérii hujus. Et hic quidem possédit agrum de mercéde iniquitátis, et suspénsus crépuit médius, et diffúsa sunt ómnia víscera ejus. Et notum factum est ómnibus habitántibus Jerúsalem, ita ut appellarétur ager ille, lingua eórum, Hacéldama, hoc est, ager sánguinis. Scriptum est enim in libro Psalmórum: Fiat commorátio eórum desérta, et non sit qui inhábitet in ea: et episcopátum ejus accípiat alter. Opórtet ergo ex his viris, qui nobíscum sunt congregáti in omni témpore, quo intrávit et

Festa Martii.

exiuit inter nos Dóminus Jesus, incipiens à baptísmate Joánnis usque in diem, qua assúptus est à nobis, testem resurrectionis ejus nobiscum fieri unum ex istis. Et statuérunt duos, Joseph qui vocabátur Bársabas, qui cognominátus est Justus, et Mathíam. Et orántes, dixerunt: Tu, Dómine qui corda nosti ómnium, osténde quem elégeris ex his duóbus unum, accípere locum ministérii hujus, et Apostolátus de quo prævaricátus est Judas, ut abíret in locum suum. Et dedérunt sortes eis; et cécidit sors super Mathíam, et annumerátus est cum úndecim Apóstolis.

Graduale. Ps. 138. Nimis honoráti sunt amíci tui, Deus: nimis confortátus est principátus eórum.

V. Dinumerábo eos, et super arénam multiplicabúntur.

Tractus. Psal. 20. Desidérium animæ ejus tribuísti ei, et voluntáte labiórur ejus non fraudásti eum.

V. Quóniam prævenísti eum in benedictionibus dulcédinis.

V. Posuísti in cápite ejus corónam de lápide pretiósó.

Sequéntia sancti Evangélíi secúndum Matthæum. Mth. 11. d

IN illo témpore: respóndens Jesus, dixit: Confíteor tibi, Pater, Dómine cœli et terræ, quia abcondísti hæc à sapiéntibus et prudéntibus, et revelásti ea párvulis. Ita, Pater: quóniam sic fuit plácitum ante te. Omnia mihi trádicta sunt à Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis, et onerátí estis, et ego refíciam vos. Tóllite jugum meum super vos, et discite à me, quia mitis sum, et húmilis corde; et inveniétis réquiem animábus vestris. Jugum enim meum suave est, et onus meum leve. **Credo.**

Offertorium. Ps. 44. Constitues eos príncipes super omnem terram: mé-

mores erunt nóminis tui, Dómine, in omni progénie et generatióne.

Secreta.

HOstias tibi, Dómine, quas nómini tuo sacrándas offérimus, sancti Mathíæ Apóstoli tui prosecuátur orátio: per quam nos expiári fácias, et deféndi. Per Dóminum.

Præfatio de Apost. fol. 200. vel 218.

Communio. Matth. 19. Vos, qui secúti estis me, sedébitis super sedes: judicántes duódecim tribus Israel.

Postcommunio.

PRæsta, quæsumus, omnipotens Deus: ut per hæc sancta, quæ sumpsimus, interveniénte beáto Mathía Apóstolo tuo, véniam consequámur, et pacem. Per Dóminum.

FESTA MARTII.**DIE IV.****S. CASIMIRI CONFESSORIS.**

Missa. Os justi. de Comuni Confessoris non Pontificis fol. xvii. præter Orationem sequentem.

Oratio.

DEus, qui inter regáles delicias, et mundi illécebras sanctum Casimírum virtúte constántiæ roborásti: quæsumus; ut ejus intercessióne fidéles tui terréna despícient, et ad cœléstia semper aspírent. Per Dóminum nostrum.

Si venerit in Quadragesima fit commemoratio Feriæ. Postea pro commemoratione S. Lucii Papæ et Mart.

Oratio.

DEus, qui nos beáti Lúcii, Mátyris tui atque Pontíficis, ánnua solemnitate lætíficas: concéde propítius; ut, cujus natalítia cólimus, de ejúsdem étiam protectióne gaudeámus. Per Dóminum nostrum.

Secreta.

MUnera tibi, Dómine, dicáta sanctífica, et, intercedénte beáto Lúcio, mátyre tuo atque Pontífice,

Festa Martii.

per eádem nos placátus inténde. Per Dóminum nostrum.

Postcommunio.

HÆc nos commúnio, Dómine, purget à crimine: et, intercedente beáto Lúcio, mártire tuo atque Pontífice, cœlestis remédii fáciat esse consórtes. Per Dóminum nostrum.

EADÉM DIE.

S. LUCII PAPÆ ET MART.

Missa. Sacerdótes de Comm. fol. iii.

DIE VII.

S. THOMÆ DE AQUINO CONF.

et Ecclesiæ Doctoris.

Introitus. Eccli. 15.

IN médio Ecclesiæ apéruit os ejus: et implévit eum Dóminus spíritu sapiéntiæ et intelléctus: stolam glóriæ induit eum. **Psal. 91.** Bonum est confitéri Dómino: et psállere nómini tuo, Altíssime. **V.** Glória Patri.

Oratio.

DEus, qui Ecclesiám tuam beáti Thomæ Confessóris tui mira eruditóne clarificas, et sancta operatione fecúndas: da nobis, quæsumus; et quæ dócuit intelléctu conspícere, et quæ egit, imitatione complére. Per Dóminum.

Et fit commemoratio Feriæ, si venerit in Quadragesima, et postea Sanctarum Perpetuæ et Felicitatis Martyrum.

Oratio.

DA nobis, quæsumus Dómine Deus noster, sanctárum mártirum tuárum Perpetuæ et Felicitátis palmas incessábili devotióne venerári: ut, quas digna mente non póssumus celebráre, humilibus saltem frequentémus obséquiiis. Per Dóminum nostrum.

Léctio libri Sapiéntiæ. **Sap. 7.**

OPtávi, et datus est mihi sensus: et invocávi, et venit in me spíritus sapiéntiæ: et præpósui illam

regnis et sédibus, et divítias nihil esse duxi in comparatióne illíus: nec comparávi illi lápidem pretiósus: quóniam omne áurum in comparatióne illíus, aréna est exígua, et tamquam lutum æstimábitur argéntum in conspéctu illíus. Super salútem et spéciem diléxi illam, et pósui pro luce habére illam: quóniam inextinguibile est lúmen illíus. Venérunt autem mihi ómnia bona páriter cum illa, et innumerábilis honéstas per manus illíus, et lætátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictióne didici, et sine invídia commúnico, et honestátem illíus non abscóndo. Infinitus enim thesáurus est homínibus: quo qui usi sunt, partícipes facti sunt amicítiæ Dei, propter disciplinæ dona commendáti.

Graduale. Psal. 36. Os justí meditábitur sapiéntiam, et lingua ejus loquétur júdicium.

V. Lex Dei ejus in corde ipsíus: et non supplantabúntur gressus ejus.

Tractus. Psal. 111. Beátus vir, qui timet Dóminum: in mándátis ejus cupit nimis.

V. Potens in terra erit semen ejus: generátio rectórum benedicétur.

V. Glória et divítiae in domo ejus, et justítia ejus manet in sáeculum sáeculi.

Sequéntia sancti Evangélii secúndum Matthæum. Mtth. 5. b

IN illo témpore: Dixit Jesus discíulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cœlis est. Nolíte putáre

Festa Martii.

quóniam veni sòlvere légem, aut prophétas: non veni sòlvere, sed adimplére. Amen quippe dico vobis, donec tránseat cœlum et terra, jota unum, aut unus apex non præteríbit à lege, donec ómnia fiant. Qui ergo sòlverit unum de mandátis istis mínimis, et docúerit sic hómines, mínimus vocábitur in regno cœlórum: qui autem fécerit, et docúerit, hic magnus vocábitur in regno cœlórum.

Credo.

Offertorium. Psal. 91. Justus ut palma florébit: sicut cedrus, quæ in Libano est, multiplicábitur.

Secreta.

Sancti Thomæ Confessóris tui, atque Doctóris nobis, Dómine, pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum nostrum.

Pro SS. Martyribus. Secreta

Inténde, quæsumus Dómine, múnera altáribus tuis pro sanctárum mártýrum Perpétuæ et Felicitátis festivitáte propósita: ut sicut per hæc beáta mystéria illis glóriam contulísti, ita nobis indulgéntiam largiáris. Per Dóminum.


Communio. Luc. 12. Fidélis servus et prudens, quem constituit Dóminus super familiam suam: ut det illis in témpore trítici mensúram.

Postcommunio.

Ut nobis, Dómine, tua sacrificia dent salútem: beátus Thomas Conféssor tuus, et Doctor egrégíus, quæsumus, precátor accédát. Per Dóminum nostrum.

Pro SS. Martyribus. Postcommunio.

Præsta nobis, quæsumus Dómine, intercedéntibus sanctis mártýribus tuis Perpétua et Felicitáte: ut, quod ore contíngimus, pura mente capiámus. Per Dóminum nostrum.



EADEM DIE.
SS. PERPETUÆ, ET FELICITATIS MARTYRUM.

Missa. Me expectavérunt. de Comuni. fol. xxi. et xxii.

DIE VIII.

S. JOANNIS DE DEO CONF.

Introitus. Psal. 36.



S justi meditábitur sapiéntiam, et lingua ejus loquétur judícium: lex Dei ejus in corde ipsíus.

Ps. ibid. Noli æmulári in malignántibus: neque zeláveris faciéntes iniquitátem.

V. Glória Patri.

Oratio.

Deus, qui beátum Joánnem, tuo amore succénsum, inter flammamas innóxium incédere fecísti, et per eum Ecclésiam tuam nova prole fecundásti: præsta ipsíus suffragántibus méritis, ut igne caritátis tuæ vítia nostra curéntur, et remédia nobis ætéRNA provéniant. Per Dóminum.

Si venerit in Quadrages. fit commemoratio Feriæ.

Léctio libri Sapiéntiæ. Eccli. 31.

Beátus vir, qui invéntus est sine mácula, et qui post áurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua. Qui probátus est in illo, et perféctus est, erit illi glória ætéRNA: qui pótuit tránsgredi, et non est tránsgressus; fácere mala, et non fecit: ídeo stabilita sunt bona illíus in Dómino, et eleemósynas illíus enarrábit omnis Ecclésia sanctórum.

Graduale. Ps. 91. Justus ut palma florébit: sicut cedrus Líbani multiplicábitur in domo Dómini.

V. Ad annuntiándum mane misericórdiam tuam, et veritátem tuam per noctem.

Tractus. Psal. 111. Beátus vir, qui timet Dóminum: in mandátis ejus cupit nimis.

Festa Martii.

V. Potens in terra erit semen ejus: generatio rectorum benedicetur.

V. Glória, et divitiæ in domo ejus: et justitia ejus manet in sæculum sæculi.

 **Sequentia sancti Evangelii secundum Matthæum. Mtth. 22. c**

IN illo tempore: Accesserunt ad Jesum Pharisei, et interrogavit eum unus ex eis legis doctor, tentans eum: Magister, quod est mandatum magnum in lege? Ait illi Jesus: Diliges Dominum Deum tuum ex toto corde tuo, et in tota anima tua, et in tota mente tua. Hoc est maximum, et primum mandatum. Secundum autem simile est huic: Diliges proximum tuum, sicut teipsum. In his duobus mandatis universa lex pendet et Prophætæ. Congregatis autem Phariseis, interrogavit eos Jesus, dicens: Quid vobis videtur de Christo? cujus filius est? Dicunt ei: David. Ait illis: Quomodo ergo David in spiritu vocat eum Dominum, dicens: Dixit Dominus Domino meo: Sede a dextris meis, donec ponam inimicos tuos scabellum pedum tuorum? Si ergo David vocat eum Dominum, quomodo filius ejus est? Et nemo poterat ei respondere verbum: neque ausus fuit quisquam ex illa die eum amplius interrogare.

Offertorium. Ps. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

LAudis tibi, Domine, hostias immolamus in tuorum commemoratione sanctorum: quibus nos et presentibus exui malis confidimus, et futuris. Per Dominum.

Communio. Matth. 24. Beatus servus, quem, cum venerit Dominus, invenerit vigilantem: Amen dico vobis, super omnia bona sua constituet eum.

Postcommunio.

REfecti cibo, potuque celesti, Deus noster, te supplices exoramus, ut, in cujus hæc commemo-

ratione percipimus, ejus muniamur et precibus. Per Dominum nostrum.

DIE IX.

S. FRANCISCÆ VIDUÆ ROMANÆ.

Missa. Cognovi. de Communi nec Virg. nec Mart. fol. xxvi. præter Orationem sequentem. Oratio.

DEus, qui beatam Franciscam famulam tuam, inter cetera gratiæ tuæ dona, familiari Angeli consuetudine decorasti: concede quaesumus, ut intercessionis ejus auxilio, Angelorum consortium consequi mereamur. Per Dominum nostrum.

Et fit commem. Feriæ, si venerit in Quadragesima.

DIE X.

IN FESTO Ss. QUADRAGINTA MARTYRUM.



Introitus. Ps. 33. Lamaverunt justi, et Dominus exaudivit eos: et ex omnibus tribulationibus eorum liberavit eos.

Psal. ibid. Benedicam Dominum in omni tempore: semper laus ejus in ore meo. **V.** Glória Patri.

Oratio.

PRæsta, quaesumus omnipotens Deus: ut qui gloriosos Martyres fortes in sua confessione cognovimus, pios apud te in nostra intercessionem sentiamus. Per Dominum.

Deinde fit commemoratio Feriæ.

Lectio Epistolæ beati Pauli Apostoli ad Hebræos. Hebr. 11. f

FRatres, Sancti per fidem vicērunt regna, operāti sunt justitiam, adēpti sunt repromissiones, obturaverunt ora leonum, extinxerunt impetum ignis, effugerunt aciem gladii, convaluerunt de infirmitate, fortes facti sunt in bello, castra verterunt exterorum: acceperunt mulieres de resurrectione mortuos suos:

Festa Martii.

alii autem disténti sunt, non suscipi-
éntes redemptionem, ut meliorem in-
venírent resurrectionem. Alii vero
ludíbria et vérbera expérti, insuper
et víncula, et cárceres: lapidáti sunt,
secti sunt, tentáti sunt, in occisióne
gládii mórtui sunt: circuiérunt in
melótis, in péllibus caprínis, egéntes,
angustiáti, afflícti: quibus dignus non
erat mundus: in solitudínibus errán-
tes, in móntibus, et spelúncis, et in
cavérnis terræ. Et hi omnes testimó-
nio fidei probáti invénti sunt, in Chri-
sto Jesu Dómino nostro.

Graduale. Psal. 132. Ecce quam
bonum et quam jucúndum, habitáre
fratres in unum.

V. Sicut unguéntum in cápite, quod
descéndit in barbam, barbam Aaron.

Tractus. Ps. 125. Qui sémant in
lácrymis, in gáudio metent.

V. Eúntes ibant et flebant, mitténtes
sémina sua.

V. Veniéntes autem vénient cum ex-
sultatióne, portántes manípulos suos.

**Sequéntia sancti Evangélíi se-
cúndum Lucam. Luc. 6. c**

IN illo témpore: Descéndens Je-
sus de monte, stétit in loco cam-
péstri, et turba discipulórum ejus, et
multitúdo copiósa plebis ab omni Ju-
dáea, et Jerúsalem, et marítima, et
Tyri, et Sidónis, qui vénerant ut au-
dírent eum, et sanaréntur à languó-
ribus suis. Et qui vexabántur à spi-
rítibus immúndis, curabántur. Et o-
mnis turba quærébat eum tángere:
quia virtus de illo exíbat, et sanábat
omnes. Et ipse elevátis óculis in di-
scípulos suos, dicébat: Beáti páupe-
res: quia vestrum est regnum Dei:
Beáti qui nunc esurítis: quia satura-
bímini. Beáti qui nunc fletis: quia
ridébitis. Beáti éritis, cum vos óde-
rint hómines, et cum separáverint
vos, et exprobráverint, et ejécerint
nomen vestrum tamquam malum,
propter Fílium hóminis. Gaudéte in
illa die, et exultáte: ecce enim mer-
ces vestra multa est in cœlo.

Offertorium. Psal. 31. Lætámini in
Dómino, et exultáte justí: et gloriá-
mini omnes recti corde.

Secreta.

SAcrificiis præsentibus, quæsu-
mus Dómine, inténde placátus:
ut, intercedéntibus sanctis Martyri-
bus tuis, et devotióni nostræ profici-
ant, et salúti. Per Dóminum.

**Si hoc Festum venerit Feria quinta
post Cineres tunc pro commemora-
tione Feriæ legitur sequens**

Secreta.

SAcrificium, Dómine, observán-
tiæ quadragesimális, quod offé-
rimus, præsta quæsumus: ut tibi et
mentes nostras reddat accéptas, et
continéntiæ promptiórís nobis tríbuat
facultátem. Per Dóminum nostrum.

Communio. Matth. 12. Quicúmque
fécerit voluntátem Patris mei, qui in
cœlis est: ipse meus frater, et soror,
et mater est, dicit Dóminus.

Postcommunio.

QUæsumus omnipotens Deus: ut
illíus salutáris capiámus effé-
ctum, cujus per hæc mystéria pignus
accépimus. Per Dóminum.

**Si hoc Festum venerit Feria tertia
post Dominicam primam Quadrag.
tunc pro commemoratione Feriæ le-
gitur sequens Postcommunio.**

TUi, Dómine, perceptiône Sacra-
ménti et à nostris mundémur
occúltis, et ab hóstium liberémur in-
sídiis. Per Dóminum.

DIE XII.**S. GREGORII PAPÆ**

Confessoris et Ecclesiæ Doctoris.

Introitus. Dan. 3.

Sacerdótes Dei bene-
dicite Dóminum: san-
cti et húmiles corde
laudáte Deum.

**Cant. ib. Benedícite
omnia ópera Dómini Dómino: laudá-
te, et superexaltáte eum in sæcula.
V. Glória Patri.**

Festa Martii.

Oratio.

DEus, qui animæ famuli tui Gregorii æternæ beatitudinis præmia contulisti: concède propitius; ut qui peccatorum nostrorum pondere premimur, ejus apud te precibus sublevemur. Per Dominum nostrum.

Et fit commemoratio Ferie.

Lectio Epistolæ beati Pauli Apostoli ad Timotheum.

2. Tim. 4.

Carissime, Testificor coram Deo, et Jesu Christo, qui judicaturus est vivos et mortuos, per adventum ipsius, et regnum ejus: prædica verbum, insta opportune, importune: argue, obsecra, increpa in omni patientia, et doctrina. Erit enim tempus, cum sanam doctrinam non sustinebunt, sed ad sua desideria coacervabunt sibi magistros, pruriētes auribus, et à veritate quidem auditum avērtent, ad fabulas autem convertentur. Tu vero vigila, in omnibus labora, opus fac Evangelistæ, ministerium tuum imple. Sobrius esto. Ego enim jam delibor, et tempus resolutionis meæ instat. Bonum certamen certavi, cursum consummavi, fidem servavi. In reliquo reposita est mihi corona justitiæ, quam reddet mihi Dominus in illa die justus iudex: non solum autem mihi, sed et iis, qui diligunt adventum ejus.

Graduale. Ps. 109. Juravit Dominus, et non poenitebit eum: Tu es sacerdos in æternum secundum ordinem Melchisedech. **V.** Dixit Dominus Domino meo: sede à dextris meis.

Tractus. Psal. 111. Beatus vir, qui timet Dominum: in mandatis ejus cupit nimis.

V. Potens in terra erit semen ejus, generatio rectorum benedicetur.

V. Glória, et divitiæ in domo ejus: et justitia ejus manet in sæculum sæculi.

Sequentia sancti Evangelii secundum Matthæum. Mtth. 5. 6.

In illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur?

ad nihilum valet ultra, nisi ut mittatur foras, et conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, et ponunt eam sub módio, sed super candelabrum, ut luceat omnibus, qui in domo sunt. Sic luceat lux vestra coram hominibus, ut videant opera vestra bona, et glorificent Patrem vestrum, qui in cœlis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat cœlum et terra, jota unum, aut unus apex non præteribit à lege, donec omnia fiant. Qui ergo solverit unum de mandatis istis minimis, et docuerit sic homines, minimus vocabitur in regno cœlorum: qui autem fecerit, et docuerit, hic magnus vocabitur in regno cœlorum.

Credo.

Offertorium. Psal. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

Annue nobis, quæsumus Domine: ut intercessiōne beati Gregorii hæc nobis prosit oblatio: quam immolando totius mundi tribuisti relaxari delicta. Per Dominum.

Communio. Luc. 12. Fidelis servus, et prudens, quem constituit Dominus super familiam suam: ut det illis in tempore tritici mensuram.

Postcommunio.

DEus, qui beatum Gregorium Pontificem, sanctorum tuorum meritis coæquasti: concède propitius; ut qui commemorationis ejus festa percolumus, vitæ quoque imitemur exempla. Per Dominum nostrum.

¶ Notandum, quod, si in die crastina, vel in aliis sequentibus inciderit Feria VI. post Dominicam Passionis, tunc agendum erit de Festo Septem Dolorum Beatæ Mariæ Virginis, cujus Missa propria ponitur in fine Missar. Sanctorum hujus mensis.

Festa Martii.

DIE XVII.

S. PATRICII EPISC. ET CONF.

Missa. Státuit. **ut in Comuni Conf.**
Pontif. fol. xiii. **præter Orationem seq.**
Oratio.

DEus, qui ad prædicándam gén-
 tibus glóriam tuam beátum
 Patrítium, Confessórem atque Pon-
 tíficem, mittere dignátus es: ejus mé-
 ritis et intercessióne concéde; ut, quæ
 nobis agénda præcipis, te miseránte
 adimplére possimus. Per Dóminum.

Deinde fit commemoratio Feriæ, et
Oratio tertia, A cunctis nos. fol. 275.

Sed si fuerit infra Hebdomadam
Passionis, Oratio tertia erit Ecclesiæ
tuæ. vel pro Papa. fol. 108.

DIE XIX.

S. JOSEPH CONFESSORIS

Sponsi B. Mariæ Virginis.

Introitus. Ps. 91.

Justus ut palma flo-
 rébit: sicut cedrus
 Líbani multiplicá-
 bitur: plantátus in
 domo Dómini, in
 átriis domus Dei nostri.

Ps. ibid. Bonum est confitéri Dómi-
 no: et psállere nómini tuo, Altíssime.

V. Glória Patri. Oratio.

Sanctíssimæ Genitrícis tuæ
 Sponsi, quæsumus Domine, mé-
 ritis adjuvémur: ut, quod possibilitas
 nostra non óbtinet, ejus nobis inter-
 cessióne donétur. Qui vivis, et re-
 gnas.

In Quadrages. fit commemor. Feriæ.

Lectio libri Sapiéntiæ. Eccli. 45.

Diléctus Deo, et homínibus, cu-
 jus memória in benedictióne
 est. Símilem illum fecit in glória san-
 ctórum, et magnificávit eum in timó-
 re inimicórum, et in verbis suis mon-
 stra placávit. Glorificávit illum in
 conspéctu regum, et jussit illi coram
 pópulo suo, et osténdit illi glóriam

suam. In fide et lenitáte ipsíus san-
 ctum fecit illum, et elégit eum ex
 omni carne. Audívit enim eum, et
 vocem ipsíus, et indúxit illum in nu-
 bem. Et dedit illi coram præcépta, et
 legem vitæ et disciplínæ.

Graduale. Psal. 20. Dómine, præ-
 venísti eum in benedictiónibus dul-
 cédinis: posuísti in cápite ejus corón-
 nam de lápide pretiósó.

V. Vitam pétiiit à te, et tribuísti ei lon-
gitúdinem diérum in sæculum sæculi.

Tractus. Psal. 111. Beátus vir, qui
 timet Dóminum: in mandátis ejus
 cupit nimis.

V. Potens in terra erit semen ejus:
generátio rectórum benedicétur.

V. Glória et divítiae in domo ejus: et
justítia ejus manet in sæculum sæculi.

Post Pasch. Allelúja, allelúja.

V. Eccli. 45. Amávit eum Dóminus,
 et ornávit eum: stolam glóriæ induit
 eum. Allelúja.

V. Oseæ 14. Justus germinábit si-
 cut lílium: et florébit in ætérnum an-
 te Dóminum. Allelúja.



Sequéntia sancti Evangélii se-
cúndum Matthæum. Mtth. 1. c

Cum esset deponsáta mater Jesu
 María Joseph, ántequam con-
 venírent, invénta est in útero habens
 de Spíritu sancto. Joseph autem vir
 ejus, cum esset justus, et nollet eam
 tradúcere, vóluit occúlte dimíttre
 eam. Hæc autem eo cogitánte, ecce
 Angelus Dómini appáruit in somnis
 ei, dicens: Joseph fili David, noli
 timére accípere Mariám cónjugem
 tuam; quod enim in ea natum est, de
 Spíritu sancto est. Páriet autem fili-
 um: et vocábis nomen ejus Jesum:
 ipse enim salvum fáciét pópulum su-
 um à peccátis eórum.

Offertorium. Ps. 88. Véritas mea,
 et misericórdia mea cum ipso, et in
 nómine meo exaltábitur cornu ejus.

Festa Martii.

Secreta.

DEbitum tibi, Dómine, nostræ réddimus servitútis, suppliciter exorántes: ut, suffrágiis beáti Joseph sponsi genitrícis filii tui Jesu Christi Dómini nostri, in nobis tua múnera tueáris: ob cujus venerándam festivitátem laudis tibi hóstias immolámus. Per eúmdem Dóminum.

Communio. Matth. 1. Joseph fili David, noli timére accípere Mariám cónjugem tuam: quod enim in ea natum est, de Spíritu sancto est.

Postcommunio.

ADesto nobis, quæsumus miséricors Deus: et, intercedente pro nobis beáto Joseph Confessóre, tua circa nos propitiátus dona custódi. Per Dóminum.

DIE XXI.

S. BENEDICTI ABBATIS.

Missa. Os justi. de Communi Abbat. fol. xix.

¶ De Festis Duplicibus, et Semiduplicibus, quæ veniunt a Dominica Palmarum usque ad Octavam Paschæ, nihil fit; sed post Octavam celebrantur: et tunc in fine Introitus ante Psalmum dicuntur duo Allelúja, et in fine Offertorii, et Communionis, unum Allelúja. Post Epistolam non dicitur Graduale, sed dicuntur duo Versus, cum quatuor Allelúja, ut notatum est in Sabbato in Albis. Et hoc idem observatur in omnibus Festis, quæ celebrantur inter Pascha, et Pentecosten.





DIE XXV. MARTII.

IN FESTO

ANNUNTIATIONIS

B. MARIÆ VIRGINIS.



Ps. 44.

Ultum
tuum
depre-
cabún-
tur o-
mnes
dívites
plebis:
addu-

céntur regi vír-
gines post eam: pró-
ximæ ejus addu-
céntur tibi in lætí-
tia et exultatióne.

Psal. ibid. Eru-
ctávit cor meum
verbum bonum:
dico ego ópera
mea regi.

V. Glória Patri.

Oratio.

DEus, qui de beátæ Mariæ vír-
ginis útero verbum tuum, An-
gelo nuntiánte, carnem suscipere vo-
luísti: præsta supplicibus tuis; ut qui
vere eam genitricem Dei crédimus,
ejus apud te intercessiónibus adju-
vémur. Per eúndem Dóminum.

**Si celebretur in Quadragesima fit
commemoratio Feriæ.**

Léctio Isaíæ Prophétæ. Isai. 7. b

IN diébus illis: Locútus est Dó-
minus ad Achaz, dicens: Pete
tibi signum à Dómino Deo tuo in pro-
fúndum inférni, sive in excélsu su-
pra. Et dixit Achaz: Non petam, et
non tentábo Dóminum. Et dixit: Au-
díte ergo, domus David. Numquid
parum vobis est, moléstos esse homí-
nibus, quia molésti estis et Deo meo?
Propter hoc dabit Dóminus ipse vo-
bis signum. Ecce virgo concípíet, et
páriet filium, et vocábitur nomen ejus
Emmánuel. Butyrum et mel cóme-
det, ut sciat reprobáre malum, et eli-
gere bonum.

Graduale. Ps. 44. Diffúsa est grá-
tia in lábiis tuis: proptérea benedíxit
te Deus in ætérnum.

V. Propter veritátem, et mansuetú-
dinem, et justítiam, et dedúcet te mi-
rabíliter délixtera tua.

Tractus. ibid. Audi, filia et vide, et
inclína aurem tuam: quia concupívit
Rex spéciem tuam.

V. Vultum tuum deprecabúntur
omnes dívites plebis: filíæ regum in
honóre tuo.

V. Adducéntur regi vírgines post
eam: próximæ ejus afferéntur tibi.

V. Adducéntur in lætítia et exulta-
tióne: adducéntur in templum regis.

**Post Pascha, omissis Graduali et
Tractu, dicitur: Allelúja, allelúja.**

Festa Martii.

V. Luc. 1. Ave María, grátia plena: Dóminus tecum: benedícta tu in muliéribus. Allelúja.

V. Virga Jesse flóruit: virgo Deum et hóminem génuít: pacem Deus reddidit, in se reconcílians ima summis. Allelúja.

 **Sequéntia sancti Evangélíi secúndum Lucam. Luc. 1. e**

IN illo témpore: Missus est Angelus Gábriel à Deo in civitátem Galilææ, cui nomen Názareth, ad vírginem desponsátam viro, cui nomen erat Joseph, de domo David, et nomen vírginis, María. Et ingressus Angelus ad eam, dixit: Ave grátia plena: Dóminus tecum: benedícta tu in muliéribus. Quæ cum audísset, turbáta est in sermóne ejus, et cogitábat, qualis esset ista salutátio. Et ait Angelus ei: Ne tíneas María: invenísti enim grátiam apud Deum: ecce concípies in útero, et páries fílium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábit in domo Jacob in ætérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognósco? Et respóndens Angelus dixit ei: Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te sanctum, vocábitur Fílius Dei. Et ecce Elísabeth cognáta tua, et ipsa concépit fílium in senectúte sua: et hic mensis sextus est illi, quæ vocátur stérilis: quia non erit impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum. **Credo.**

Offertorium. Luc. 1. Ave María, grátia plena: Dóminus tecum: benedícta tu in muliéribus, et benedíctus fructus ventris tui. **Secreta.**

IN méntibus nostris, quæsumus Dómine, veræ fídei sacraménta confírma: ut, qui concéptum de Vír-

gine Deum verum et hóminem confitémur; per ejus salutíferæ resurrectionis poténtiam, ad ætérnam mereámur perveníre lætítiam. Per eúmdem Dóminum nostrum.

Præfatio de B. Maria. Et te in An-nuntiatióne fol. 199. **vel 218.**

Communio. Isai. 7. Ecce virgo concípiet, et páriet fílium: et vocábitur nomen ejus Emmánuel.

Postcommunio.

GRátiam tuam, quæsumus Dómine, méntibus nostris infúnde: ut, qui Angelo nuntiánte, Christi Fílii tui incarnationem cognóvimus, per passióem ejus et crucem, ad resurrectionis glóriam perducámur. Per eúmdem Dóminum nostrum.


FERIA VI.

post Dominicam passionis.

IN

FESTO SEPTEM DOLORUM
BEATÆ MARIE VIRGINIS.

Introitus. Joann. 19.



Tabant juxta crucem Jesu mater ejus, et soror matris ejus María Cléophæ, et Salóme, et María Magdaléne.

Vers. ibid. Múlier, ecce filius tuus, dixit Jesus: ad discípulum autem; Ecce mater tua.

V. Glória Patri.

Oratio.

DEus, in cujus passióe, secúndum Simeónis prophetiam, dulcíssimam ánimam gloriósæ vírginis, et matris Mariæ dolóris gládius pertransívit: concéde propítius; ut qui transfixiónem ejus et passióem venerádo recólimus, gloriósis méritis et précibus ómnium sanctórum cruci fidéliter astántium intercedéntibus, passióis tuæ efféctum felícem consequámur. Qui vivis.

Et fit commemoratio Feriæ.

In Missis Votivis dicatur sequens

Festa Martii.

Oratio.

INterveniat pro nobis, quæsumus Dómine Jesu Christe, nunc, et in hora mortis nostræ, apud tuam cleméntiam beáta virgo María mater tua, cujus sacratíssimam ánimam in hora tuæ passiónis dolóris gládius pertransívit. Qui vivis.

Léctio libri Judith. **Judith. 13. c**

Benedixit te Dóminus in virtúte sua, quia per te ad níhilum redégit inimícos nostros. Benedícta es tu filia à Dómino Deo excélso, præ ómnibus muliéribus super terram. Benedíctus Dóminus, qui creávit cælum et terram: quia hódie nomen tuum ita magnificávit, ut non recédât laus tua de ore hóminum, qui mémoires fúerint virtútis Dómini in ætérnum, pro quibus non pepercísti ánimæ tuæ propter angústias et tribulatióem géneris tui, sed subvenísti ruínæ ante conspéctum Dei nostri.

Graduale. Dolorósa, et lacrimábilis es Virgo María, stans juxta crucem Dómini Jesu Fílii tui Redemptóris.

V. Virgo Dei Génitrix, quem totus non capit orbis, hoc Crucis fert supplícium vitæ factus homo.

Allelúja, allelúja.

V. Stabat sancta María cœli Regína, et mundi Dómina juxta Crucem Dómini nostri Jesu Christi dolorósa. Allelúja.

Post Septuagesimam omissis Allelúja et V. sequenti dicatur:

Tractus Jo. 19. Stabat sancta María, cœli Regína, et mundi Dómina, juxta crucem Dómini nostri Jesu Christi dolorósa.

V. Thren. 1. O vos omnes, qui transítis per viam, atténdite, et vidéte, si est dolor sicut dolor meus.

Tempore Paschali, Allelúja, allel.

V. Jo. 19. Stabat sancta María, cœli Regína, et mundi dómína, juxta crucem Dómini nostri Jesu Christi dolorósa. Allelúja.

V. Thren. 1. O vos omnes, qui transítis per viam, atténdite, et vidéte si est dolor sicut dolor meus. Allelúja.

SEQUENTIA

in Missis Votivis omittenda.

Stabat Mater dolorósa
Juxta Crucem lacrymósa,
Dum pendébat Fílius.

Cujus ánimam geméntem,
Contristátam et doléntem,
Pertransívit gládius.

O quam tristis et afflícta
Fuit illa benedícta
Mater Unigéniti!

Quæ mœrébat, et dolébat,
Pia Mater, dum vidébat
Nati pœnas ínclýti.

Quis est homo, qui non fleret,
Matrem Christi si vidéret
In tanto supplício?

Quis non posset contristári,
Christi Matrem contemplári
Doléntem cum Fílio?

Pro peccátis suæ gentis
Vidit Jesum in torméntis,
Et flagéllis súbditum.

Vidit suum dulcem natum
Moriéndo desolátum,
Dum emísit spíritum.

Eja Mater fons amóris,
Me sentíre vim dolóris
Fac, ut tecum lúgeam.

Fac, ut árdeat cor meum
In amándo Christum Deum,
Ut sibi compláceam.

Sancta Mater, istud agas,
Crucifíxi fige plagas
Cordi meo válíde.

Tui nati vulneráti,
Tam dignáti pro me pati,
Pœnas mecum dívide.

Fac me tecum pie flere,
Crucifíxo condolére,
Donec ego víxero.

Juxta Crucem tecum stare,
Et me tibi sociáre
In planctu desídero.

Festa Aprilis.

Virgo vírginum præclára,
Mihi jam non sis amára:
Fac me tecum plángere.

Fac ut portem Christi mortem,
Passiónis fac consórtem,
Et plagas recólere.

Fac me plagis vulnerári,
Fac me cruce inebriári,
Et cruóre Fílii.

Flammis ne urar succénsus,
Per te, Virgo, sim defénsus
In die Judícii.

Christe, cum sit hinc exíre,
Da per Matrem me veníre
Ad palmam victóriæ.

Quando corpus moriétur,
Fac ut ánimæ donétur
Paradísi glória. Amen.

 Sequéntia sancti Evangélíi se-
cúndum Joánnem. **Joan. 19. e**

IN illo témpore: Stabant juxta
crucem Jesu, mater ejus, et so-
ror matris ejus María Cléophæ, et
María Magdaléne. Cum vidísset er-
go Jesus matrem, et discípulum stan-
tem, quem diligébat, dicit matri suæ:
Múlier ecce filius tuus. Deínde dicit
discípulo: Ecce mater tua. Et ex illa
hora accépit eam discípulus in sua.

Credo.

Offertorium. Recordáre, Virgo ma-
ter Dei, dum stéteris in conspéctu
Dómini, ut loquáris pro nobis bona,
et ut avértat indignatióem suam à
nobis.

Secreta.

Offerimus tibi preces et hóstias,
Dómine Jesu Christe, humíliter
supplicántes: ut, qui Transfixiónem
dulcíssimi spíritus beatæ Mariæ ma-
tris tuæ precibus recensémus: suæ,
suorúmque sub cruce sanctórum con-
sórtilium multiplicáto piíssimo inter-
véntu, méritis mortis tuæ, méritum
cum beátis habeámus. Qui vivis.

Et fit commemoratio Feriæ.

Præfatio. Et te in Transfixióne.
fol. 199. vel 218.

Communio. Felíces sensus beatæ
Mariæ Vírginis, qui sine morte me-

ruérunt martyrii palmam sub cruce
Dómini.

Postcommunio.

Sacrificia, quæ sumpsimus, Dó-
mine Jesu Christe, Transfixió-
nem matris tuæ et vírginis devóte
celebrántes, nobis ímpetrent apud
cleméntiam tuam omnis boni salutá-
ris efféctum. Qui vivis.

Et fit commemoratio Feriæ.

**In fine Missæ legitur Evangelium
Feriæ.**

FESTA APRILIS.

DIE II.

**S. FRANCISCI DE PAULA
CONFESSORIS.**

Introitus. Ps. 91.

Justus ut palma flo-
rébit: sicut cedrus
Libani multiplicá-
bitur, plantátus in
domo Dómini, in
átriis domus Dei nostri.

Ps. ib. Bonum est confitéri Dómino:
et psállere nómini tuo, Altíssime.

V. Glória Patri.

Oratio.

Deus humílium celsitúdo, qui
beátum Francíscum Confes-
sórem, sanctórum tuórum glória su-
blimásti: tribue quæsumus; ut, ejus
méritis et imitatione, promissa humí-
libus præmia feliciter consequámur.
Per Dóminum nostrum.

In Quadrages. fit commem. Feriæ.

**Léctio Epístolæ beáti Pauli Apóstoli
ad Philippéenses.**

Philipp. 3. b

Fratres, Quæ mihi fuérunt lu-
cra, hæc arbitrátus sum propter
Christum detriménta. Verúmtamen
existimo ómnia detriméntum esse
propter eminentem sciéntiam Jesu
Christi Dómini mei: propter quem
ómnia detriméntum feci, et árbitror
ut stércora, ut Christum lucrifáciam,
et invéniam in illo, non habens meam
justítiam, quæ ex lege est, sed illam,

Festa Aprilis.

quæ ex fide est, Christi Jesu: quæ ex Deo est justitia in fide, ad cognoscendum illum, et virtutem resurrectionis ejus, et societatem passionum illius, configuratus morti ejus: si quo modo occurram ad resurrectionem, quæ est ex mortuis: non quod jam acciperim, aut jam perfectus sim: sequor autem, si quo modo comprehendam, in quo et comprehensus sum à Christo Jesu.

Graduale. Psal. 36. Os justi meditabitur sapientiam, et lingua ejus loquetur judicium.

V. Lex Dei ejus in corde ipsius: et non supplantabuntur gressus ejus.

Tractus. Psal. 111. Beatus vir, qui timet Dominum: in mandatis ejus cupit nimis.

V. Potens in terra erit semen ejus: generatio rectorum benedicetur.

V. Gloria, et divitiæ in domo ejus: et justitia ejus manet in sæculum sæculi.

Tempore Paschali, omissis Graduali et Tractu, dicitur:

Allelúja, allelúja.

V. Ibid. Beatus vir, qui timet Dominum: in mandatis ejus cupit nimis. **Allelúja.**

V. Oseæ 14. Justus germinabit sicut lilium: et florebit in ætérnum ante Dominum. **Allelúja.**



Sequéntia sancti Evangélíi secúndum Lucam. Luc. 12. d

IN illo témpore: Dixit Jesus discipulis suis: Nolíte timére, pusillus grex, quia complácuit Patri vestro dare vobis regnum. Véndite quæ possidétis, et date eleemósynam. Fécite vobis sácculos, qui non veteráscunt, thesáurum non deficiéntem in cœlis: quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium. Ps. 20. In virtúte tua, Dómine, lætábitur justus, et super salutáre tuum exultábit veheménter: desidérium ánimæ ejus tribuísti ei.

Secreta.

HÆc dona devótæ plebis, Dómine, quibus tua cumulámus altária, beáti Francísci méritis tibi grata, nobisque salutária, te miseránte, reddántur. **Per Dóminum.**

Communio. Matth. 19. Amen dico vobis, quod vos, qui reliquistis ómnia, et secúti estis me, céntuplum accipietis, et vitam ætérnam possidebitis.

Postcommunio.

Sumpta, Dómine, sacraménta cœléstia, beáto Francíscó Confessóre tuo intercedénte, precámur: ut, et temporális vitæ subsidia nobis cónferant, et ætérnæ. **Per Dóminum.**

DIE IV.

S. ISIDORI EPISC. CONFESS.

et Ecclesiæ Doctoris.

Missa. In médio Ecclesiæ. de Comuni Doctorum. fol. xv. cum Credo.

Si venerit in Quadragesima fit commemoratio Feriæ.

DIE V.

S. VINCENTII FERRERII Conf.

Missa. Os justi. de Comuni Confessoris non Pontificis. fol. xvii. præter Orationem sequentem. Oratio.

DEus, qui Ecclesiám tuam beáti Vincéntii, Confessoris tui, méritis et prædicatione illustráre dignátus es: concéde nobis fámulis tuis; ut et ipsius instruámur exémpis, et ab ómnibus, ejus patrocínio, liberémur advérsis. **Per Dóminum.**

Si venerit in Quadragesima fit commemoratio Feriæ.


DIE XI.

S. LEONIS I. PAPÆ CONFESS.

et Ecclesiæ Doctoris.

Introitus.

Eccli. 15.



IN médio Ecclesiæ apéruit os ejus: et implévit eum Dóminus spíritu sapientíæ, et intelléctus: stolam glóriæ induit eum.

Festa Aprilis.

Ps. 91. Bonum est confitēri Dómino: et psállere nómini tuo Altíssime.

V. Glória Patri. **Oratio.**

EXáudi, quæsumus Dómine, preces nostras, quas in beáti Leónis Confessóris tui, atque Pontíficis solemnitate deférimus: et qui tibi dignè méruit famulári, ejus intercedéntibus méritis, ab ómnibus nos absólve peccátis. Per Dóminum.

Léctio libri Sapiéntiæ. Eccli. 39.

Justus cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in orátione, et pro delíctis suis deprecábitur. Si enim Dóminus magnus volúerit, spíritu intelligéntiæ replébit illum: et ipse tamquam imbres mittet elóquia sapiéntiæ suæ, et in oratione confitébitur Dómino; et ipse diriget consílium ejus et disciplínam, et in absconditis suis consiliábitur. Ipse palam fáciat disciplínam doctrínæ suæ, et in lege testaménti Dómini gloriábitur. Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur à generatióne in generatióem. Sapiéntiam ejus enarrábunt gentes, et laudem ejus enuntiábit Ecclésia.

Graduale. Psal. 36. Os justí meditábitur sapiéntiam: et língua ejus loquétur judícium.

V. Lex Dei ejus in corde ipsíus, et non supplantabúntur gressus ejus.

Allelúja, allelúja.

V. Eccli. 45. Amávit eum Dóminus, et ornávit eum: stolam glóriæ induit eum. **Allelúja.**

Post Septuagesimam omissis Allelúja, et versu sequenti dicitur:

Tractus. Psal. 111. Beátus vir, qui timet Dóminum: in mándátis ejus cupit nimis.

V. Potens in terra erit semen ejus: generatio rectórum benedicétur.

V. Glória et divítiæ in domo ejus, et justítia ejus manet in sæculum sæculi.

Tempore Paschali, omissis Graduali, et Tractu dicitur:

Allelúja, allelúja.

V. Eccli. 45. Amávit eum Dóminus, et ornávit eum: stolam glóriæ induit eum. **Allelúja.**

V. Oseæ 14. Justus germinábit sicut lílium: et florébit in ætérnum ante Dóminum. **Allelúja.**

Sequéntia sancti Evangélíi secúndum Matthæum. Mtth. 16. b

In illo témpore: Venit Jesus in partes Cæsaráe Philíppi: et interrogábat discípulos suos, dicens: Quem dicunt hómines esse Fílium hóminis? At illi dixerunt: Alii Joánnem Baptístam, álii autem Eliám, álii vero Jeremíam, aut unum ex Prophétis. Dicit illis Jesus: Vos autem quem me esse dicitis? Respóndens Simon Petrus, dixit: Tu es Christus Fílius Dei vivi. Respóndens autem Jesus, dixit ei: Beátus es Simon Bar-Jona: quia caro et sanguis non revelávit tibi, sed Pater meus, qui in cœlis est. Et ego dico tibi, quia tu es Petrus, et super hanc petram ædificábo Ecclésiam meam, et portæ ínferi non prævalébunt advérsus eam. Et tibi dabo claves regni cœlórum. Et quodcúmque ligáveris super terram, erit ligátum et in cœlis: et quodcúmque sólveris super terram, erit solútum et in cœlis. **Credo.**

Offertorium. Ps. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

Sancti Leónis, Confessóris tui atque Pontíficis, quæsumus Dómine, ánnua solémnitas pietáti tuæ nos reddat accéptos: ut, per hæc piæ placatiónis officia, et illum beáta retribútió comitétur, et nobis grátia tuæ dona concíliet. Per Dóminum.

Communio. Matth. 24. Beátus servus, quem, cum vénerit Dóminus, invénerit vigilántem: amen dico vobis, super ómnia bona sua constituet eum.

Festa Aprilis.

Postcommunio.


DEus, fidélium remunerátor animárum: præsta, ut beáti Leónis, Confessoris tui atque Pontificis, cujus venerándam celebrámus festivitátem, precibus indulgéntiam consequámur. Per Dóminum nostrum.

DIE XIII.

S. HERMENEGILDI MART.

Introitus.

Psal. 63.



Rotexisti me, Deus, à convéntu malignántium, allelúja: à multitudíne operántium iniquitátem. Allelúja, allel.

Psal. ibid. Exáudi Deus oratióem meam cum deprecor: à timóre inimíci éripe ánimam meam.

V. Glória Patri.

Oratio.

DEus, qui beátum Hermenegíldum mártirem tuum cœlésti regno terrénium postpónere docuísti: da quæsumus nobis, ejus exémplo cadúca despícere, atque æténa sectári. Per Dóminum nostrum.

Lectio libri Sapiéntiæ.

Sap. 5.

STabunt justi in magna constántia advérsus eos, qui se angustia véerunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salútis, dicéntes intra se, pœniténtiam ágéntes, et præ angústia spíritus geméntes: Hi sunt, quos habúimus aliquándo in derísu, et in similitúdinem impérii. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est. Allelúja, allelúja.

V. Ps. 88. Confitebúntur cœli mirabilia tua, Dómine: étenim veritátem tuam in Ecclésia sanctórum. Allelúja.

V. Psal. 20. Posuísti Dómine super caput ejus corónam de lápide pretiósso. Allelúja.



Sequentia sancti Evangélii secúndum Lucam. **Luc. 14. f**

IN illo témpore: Dixit Jesus turbis: Si quis venit ad me, et non odit patrem suum, et matrem, et uxórem; et filios, et fratres, et soróres, adhuc autem et ánimam suam, non potest meus esse discípulus. Et qui non bájulat crucem suam, et venit post me, non potest meus esse discípulus. Quis enim ex vobis volens turrim ædificáre, non prius sedens cómputat sumptus, qui necessárii sunt, si hábeat ad perficiéndum; ne, posteaquam posúerit fundaméntum, et non potúerit perfícere, omnes qui vident, incipient illúdere ei, dicéntes: Quia hic homo cœpit ædificáre, et non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem míllibus occúrre ei, qui cum vigínti míllibus venit ad se? Alióquin adhuc illo longe agente, legatióem mittens, rogat ea, quæ pacis sunt. Sic ergo omnis ex vobis, qui non renúnciat ómnibus, quæ pössidet, non potest meus esse discípulus.

Offertorium. Psal. 88. Confitebúntur cœli mirabilia tua, Dómine: et veritátem tuam in Ecclésia sanctórum, allelúja, allelúja.

Secreta.

MUnéribus nostris, quæsumus Dómine, precibusque susceptis, et cœlestibus nos munda mystériis, et cleménter exáudi. Per Dóminum nostrum.

Communio. Psal. 63. Lætábitur justus in Dómino, et sperábit in eo: et laudabúntur omnes recti corde: allelúja, allelúja.

Postcommunio.


DA, quæsumus Dómine Deus noster: ut sicut tuórum commemoratióne sanctórum, temporáli gratulámur officio, ita perpétuo lætémur aspéctu. Per Dóminum.

¶ Si autem celebretur in Quadragesima, dicitur Missa In virtute. de Communi unius Mart. non pontificis. fol. iv. cum Orationibus, et Evangelio supradictis: et commemoratione Feriæ occurrentis.

DIE XIV.

SS. MARTYRUM TIBURTII, VALERIANI, et MAXIMI.

¶ Si venerit in Quadragesima fit de eis commemoratio tantum. Si autem post Pascha, dicitur sequens Missa. Quod et in similibus servatur.



Introitus. Ps. 144.

Ancti tui, Dómine, benedícent te: glóriam regni tui dicent, allelúja, allelúja.

Psal. ib. Exaltábo te,

Deus meus Rex: et benedícam nómini tuo in sáeculum, et in sáeculum sáeculi.

V. Glória Patri.

Oratio.

Q Ræsta, quæsumus omnípotens Deus: ut qui sanctórum mártýrum tuórum Tibúrtii, Valeriáni, et Máximi solémnia cólimus, eórum étiam virtútes imitémur. Per Dóminum.

Léctio libri Sapiéntiæ. Sap. 5.

S Tabunt iusti in magna constántia advérsus eos, qui se angustia véerunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salútis, dicéntes intra se, pœniténtiam ágéntes, et præ angústia spíritus geméntes: Hi sunt, quos habúimus aliquándo in derísu, et in similitúdinem impopérui. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est. Allelúja, allelúja.

V. Sancti tui, Dómine, florébunt sicut lílium, et sicut odor bálsami erunt ante te. Alleluja.

V. Psal. 115. Pretiósá in conspéctu Dómini mors sanctórum ejus. Allel.



Sequentia sancti Evangelii secundum Joánnem. Joan. 15.

I N illo témpore: Dixit Jesus discipulis suis: Ego sum vitis vera, et Pater meus agrícola est. Omnem pálmitem in me non feréntem fructum, tollet eum: et omnem qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me, et ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me manséritis. Ego sum vitis, vos pálmities: qui manet in me, et ego in eo, hic fert fructum multum, quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint: quodcúmque voluéritis, petétis, et fiet vobis.

Offertorium. Psal. 31. Lætámini in Dómino, et exultáte iusti: et gloriámini omnes recti corde, allelúja, allelúja.


Secreta.

H Æc hóstia, quæsumus Dómine, quam sanctórum mártýrum tuórum natalítia recenséntes offérimus, et víncula nostræ pravitatís absolvat, et tuæ nobis misericórdiæ dona concíliet. Per Dóminum.

Communio. Psal. 32. Gaudéte iusti in Dómino, allelúja: rectos decet colaudátio allelúja.

Postcommunio.

S Acro múnere satiáti, súpplíces te Dómine deprecámur: ut, quod débitæ servitútis celebrámus officio, salvatiónis tuæ sentiámus augméntum. Per Dóminum nostrum.



DIE XVII.

S. ANICETI PAPÆ ET MART.

Introitus.

Psal. 63.



Rotexisti me, Deus, à convéntu malignántium, allelúja: à multitudine operántium iniquitátem, allelúja, allelúja.

Psal. ibid. Exáudi Deus orationem meam cum déprecor: à timóre inimíci éripe ánimam meam.

V. Glória Patri.

Oratio.

DEus, qui nos beáti Anicéti, mártiris tui atque pontíficis ánnua solemnitáte lætíficas: concéde propítius; ut, cujus natalítia cólimus, de ejúsdem etiam protectióne gaudeámus. Per Dóminum nostrum.

Léctio libri Sapiéntiæ. Sap. 5.

STabunt justi in magna constántia advérsus eos, qui se angustia vérunt, et qui abstulérunt labóres eórum. Vidéntes turbabúntur timóre horribili, et mirabúntur in subitatioe insperátæ salútis, dicéntes intra se, pœniténtiam agéntes, et præ angústia spíritus geméntes: Hi sunt, quos habúimus aliquándo in derísu, et in similitúdinem impropérii. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est. Allelúja, allelúja.

V. Psal. 88. Confitebúntur cœli mirabília tua, Dómine: étenim veritátem tuam in Ecclesiá sanctórum. Allelúja.

V. Psal. 20. Posuísti Dómine super caput ejus corónam de lápide pretióso. Allelúja.



Sequéntia sancti Evangélii secúndum Joánnem. Joan. 16. c

IN illo témpore: Dixit Jesus discipulis suis: Amen, amen dico vobis: quia plorábitis et flébitis vos, mundus autem gaudébit: vos vero contristabímini, sed tristítia vestra vertétur in gáudium. Múlier cum pa-

rit, tristítiam habet, quia venit hora ejus: cum autem pepérerit púerum, jam non méminit pressúræ propter gáudium, quia natus est homo in mundum. Et vos igitur nunc quidem tristítiam habétis, íterum autem vidébo vos, et gaudébit cor vestrum: et gáudium vestrum nemo tollet à vobis.

Offertorium. Psal. 88. Confitebúntur cœli mirabília tua, Dómine, et veritátem tuam in Ecclesiá sanctórum, allelúja, allelúja. **Secreta.**

MUnera tibi, Dómine, dicáta sanctífica: et, intercedénte beáto Anicéto mártire tuo, atque pontífice, per éadem nos placátus inténde. Per Dóminum nostrum.

Communio. Psal. 63. Lætábitur justus in Dómino, et sperábit in eo: et laudabúntur omnes recti corde, allelúja, allelúja. **Postcommunio.**

HÆc nos commúnio, Dómine, purget à crímine: et, intercedénte beáto Anicéto mártire tuo atque pontífice, cœléstis remédii fáciat esse consórtes. Per Dóminum.

DIE XXI.

S. ANSELMI EPISCOPI CONF.

et Doctoris.

Missa. In médio Ecclesiæ. de Comuni Doctorum. fol. xv. cum Credo, et Orationibus sequentibus.

Oratio.

DEus, qui pópulo tuo æternæ salútis beátum Ansélmum ministrum tribuísti: præsta quæsumus; ut, quem doctórem vitæ habúimus in terris, intercessórem habére mereámur in cœlis. Per Dóminum. **Secreta.**

SAncti tui Ansélmi nobis, Dómine, pia non desit orátio: quæ et múnera nostra conciliet, et tuam nobis indulgéntiam semper obtíneat. Per Dóminum. **Postcommunio.**

UT nobis, Dómine, tua sacrificia dent salútem, beátus Ansélmus Póntifex tuus, et doctor egrégus, precátor accédât. Per Dóminum.

DIE XXII.

SS. SOTERIS ET CAJI

Pontificum et Martyrum.

Introitus. Ps. 144.



Ancti tui, Dómine, benedícent te: glóriam regni tui dicent, allelúja, allelúja.

Ps. ib. Exaltábo te, Deus meus Rex: et benedicam nómini tuo in sæculum, et in sæculum sæculi. V. Glória Patri.

Oratio.

Beatórum mártýrum, paritérque pontíficum Sotéris, et Caji nos, quæsumus Dómine, festa tueántur: et eórum comméndet orátio veneránda. Per Dóminum nostrum.

Léctio libri Apocalypsis beáti Joánnis Apóstoli. Apoc. 19.

IN diébus illis: Post hæc ego Joánnes audivi quasi vocem turbárum multárum in cœlo, dicéntium: Allelúja: salus, et glória, et virtus Deo nostro est, quia vera et justa júdicia sunt ejus, qui judicávit de meretríce magna, quæ corrúpit terram in prostitutíone sua, et vindicávit sánguinem servórum suórum de mánibus ejus. Et íterum dixerunt: Allelúja. Et fumus ejus ascéndit in sæcula sæculórum. Et cecidérunt senióres vigintiquátuor, et quátuor animália, et adoravérunt Deum sedéntem super thronum, dicéntes: Amen: Allelúja. Et vox de throno exívit, dicens: Laudem dicite Deo nostro omnes servi ejus; et qui timétis eum, pusílli et magni. Et audivi quasi vocem turbæ magnæ, et sicut vocem aquárum multárum, et sicut vocem tonitruórum magnórum, dicéntium: Allelúja: quóniam regnávit Dóminus Deus noster omnípotens. Gau-deámus, et exultémus, et demus glóriam ei: quia venerunt núptiæ Agni, et uxor ejus præparávit se. Et datum est illi, ut coopériat se byssino splendénti et cándido. Byssinum enim ju-

stificatiónes sunt sanctórum. Et dixit mihi: Scribe: Beáti, qui ad cœnam nuptiárum Agni vocáti sunt.

Allelúja, allelúja.

V. Sancti tui, Dómine, florébunt sicut lílium, et sicut odor bálsami erunt ante te. Allelúja.

V. Psal. 115. Pretiósá in conspéctu Dómini mors sanctórum ejus. Allel.

Sequéntia sancti Evangélíi secúndum Joánnem. Joan. 15.

IN illo témpore: Dixit Jesus discí-pulis suis: ego sum vitis, vos pál-mites: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras, sicut palmes, et aréscet, et cólligent eum, et in ignem mittent, et ardet. Si man-sérítis in me, et verba mea in vobis mánserint: quodcúmque voluérítis, petétis, et fiet vobis. In hoc clarificá-tus est Pater meus, ut fructum plú-rium afferátis, et efficiámini mei discípuli. Sicut diléxit me Pater, et ego diléxi vos. Manéte in dilectíone mea. Si præcépta mea servavérítis, manébitis in dilectíone mea, sicut et ego Patris mei præcépta servávi, et máneo in ejus dilectíone. Hæc locútus sum vobis, ut gáudium meum in vo-bis sit, et gáudium vestrum impleátur.

Offertorium. Psal. 31. Lætámini in Dómino, et exultáte justí: et gloriá-mini omnes recti corde, allelúja, allelúja.

Secreta.

ADesto, Dómine, supplicatióni-bus nostris, quas in sanctórum tuórum commemoratióne defé-rimus: ut qui nostræ justítiæ fidúci-am non habémus, eórum, qui tibi placuérunt, méritis adjuvémur. Per Dóminum.

Communio. Psal. 32. Gaudéte justí in Dómino, allelúja: rectos decet col-laudátio, allelúja. Postcommunio.

QUæsumus Dómine, salutáribus repléti mystériis: ut, quorum solémnia celebrámus, eórum oratió-nibus adjuvémur. Per Dóminum.

Festa Aprilis.

¶ Si hoc festum transferatur post Pentecosten, tunc Missa erit, Intret in conspectu tuo, et Oratio Beatórum mártýrum. de Comuni plurimorum Mártýrum extra tempus Paschale. fol. ix.

DIE XXIII.

S. GEORGII MARTYRIS.

Introitus.

Psal. 63.



Rotexísti me, Deus, à convéntu malignántium, allelúja, à multitudíne operántium iniquitátem, allelúja, allelúja.

Ps. ibid. Exáudi, Deus, oratióem meam cum déprecor, à timóre inimíci éripe ánimam meam.

V. Glória Patri.

Oratio.

Deus, qui nos beáti Geórgii mártýris tui méritis et intercessióne lætíficas: Concéde propítius; ut qui tua per eum beneficia póscimus, dono tuæ grátiae consequámur. Per Dóminum nostrum.

Léctio Epístolæ beáti Pauli Apóstoli ad Timótheum. 2. Tim. 2. et 3.

Caríssime, Memor esto Dóminum Jesum Christum resurrexisse à mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Jesu, cum glória cœlesti. Tu autem assecútus es meam doctrínam, institutióem, propósitum, fidem, longanimitátem, dilectiόem, paciéntiam, persecutiόes, passiόes: quália mihi facta sunt Antiochiæ, Icónii, et Lystri: quales persecutiόnes sustínui, et ex ómnibus erípuit me Dóminus. Et omnes, qui pie volunt vívere in Christo Jesu, persecutiόnem paciéntur.

Allelúja, allelúja.

V. Ps. 88. Confitebúntur cœli mirabilia tua, Dómine: étenim veritátem tuam in Ecclesiá sanctórum: allelúja.

V. Psal. 20. Posuísti Dómine super caput ejus corónam de lápide pretiόso. Allelúja.



Sequentia sancti Evangélii secúndum Joánnem. Joan. 15.

In illo témpore: Dixit Jesus discí-pulis suis: Ego sum vitis vera, et Pater meus agricola est. Omnem pálmitem in me non feréntem fructum, tollet eum: et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me, et ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me mansér-itis. Ego sum vitis, vos pálmities: qui manet in me, et ego in eo, hic fert fructum multum, quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint: quodcúmque voluéritis, petétis, et fiet vobis.

Offertorium. Psal. 88. Confitebúntur cœli mirabilia tua, Dómine: et veritátem tuam in Ecclesiá sanctórum, allelúja, allelúja. Secreta.

Munera, Dómine, obláta sanctí-fica, et intercedénte beáto Geórgio mártýre tuo, nos per hæc à peccatórum nostrórum máculis emúnda. Per Dóminum.

Communio. Ps. 63. Lætábitur justus in Dómino, et sperábit in eo: et laudabúntur omnes recti corde, allelúja, allelúja. Postcommunio.

Supplices te rogámus, omní-potens Deus: ut, quos tuis réficis sacraméntis, intercedénte beáto Geórgio mártýre tuo, tibi étiam plácitis móribus dignánte tríbuas deservíre. Per Dóminum nostrum.

¶ Si prædictum festum transferatur post Dominicam Trinitatis, Missa erit, In virtúte. de Comuni unius

Mart. extra temp. Pasch. fol. iv. cum Orat. supra positis. Evang. vero Si quis venit. fol. ii. Secunda Oratio (nisi facienda sit commemorat. alicujus Sancti simplicis) erit A cunctis. fol. 275. Tertia ad libitum.

DIE XXIV.

S. FIDELIS A SIGMARINGA
Martyris.

Missa. Protexisti. de Communi unius Martyris temp. Pasch. fol. vi. præter Orationem sequentem.

Oratio.

DEus, qui beátum Fidélem, séráfico spíritus ardóre succénsum, in veræ fidei propagatione martyrii palma, et gloriósus miráculis decoráre dignátus es: ejus, quæsumus, méritis et intercessióne, ita nos per grátiam tuam in fide et caritate confirma; ut in servítio tuo fidéles usque ad mortem inveníri mereámur. Per Dóminum nostrum.

¶ Si hoc Festum transferendum sit post Pentecosten, Missa erit. In virtute. ut in Communi unius Mart. extra temp. Paschale. fol. iv. et Evang. Si quis venit. fol. ii.

DIE XXV.


S. MARCI EVANGELISTÆ
Litaniæ majores.

Statio ad sanctum Petrum.

Ad Processionem dicitur Missa de Rogationibus. fol. 249. sine commemoratione S. Marci: non tamen transfertur Processio, nisi quando prædictum Festum occurreret in die Paschatis; tunc enim in Feriam tertiam sequentem transferatur.

Introitus.

Psal. 63.



Protexisti me, Deus, à convéntu malignántium, allelúja: à multitudíne operántium iniquitátem, allelúja, allelúja.

Psal. ibid. Exáudi Deus oratióem meam, cum deprecor: à timóre inimici éripe ánimam meam.

V. Glória Patri.

Oratio.

DEus, qui beátum Marcum Evangelístam tuum, Evangélicæ prædicatiónis grátia sublimásti: tribue, quæsumus, ejus nos semper et eruditíone profícere, et oratióne deféndi. Per Dóminum nostrum.

Léctio Ezechiélis Prophætæ.

Ezech. 1. c

Similitúdo vultus quátuor animálium: fácies hóminis, et fácies leónis à dextris ipsórum quátuor: fácies autem bovis à sinístris ipsórum quátuor, et fácies áquilæ désuper ipsórum quátuor. Fácies eórum et pennæ eórum exténtæ désuper: duæ pennæ singulórum jungébántur, et duæ tegébant córpora eórum: et unumquódque eórum coram fácie sua ambulábat: ubi erat ímpetus spíritus, illuc gradiebántur, nec revertebántur cum ambulárent. Et similitúdo animálium, aspéctus eórum quasi carbónum ignis ardéntium, et quasi aspectus lampadárum. Hæc erat visio discúrrens in médio animálium, splendor ignis, et de igne fulgur egrédiens. Et animália ibant, et revertebántur in similitúdinem fúlgoris coruscántis.

Allelúja, allelúja.

V. Psal. 88. Confitebúntur cœli mirabilia tua, Dómine: étenim veritátem tuam in Ecclésia sanctórum. Allel.

V. Psal. 20. Posuísti Dómine super caput ejus coronam de lápide pretiósso. Allelúja



Sequentia sancti Evangélii secundum Lucam. Lucæ 10.

IN illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum,

Festa Aprilis.

neque peram, neque calceamenta: et néminem per viam salutaveritis. In quamcúmque domum intraveritis, primum dicite: Pax huic dómui: et si ibi fúerit filius pacis, requiescet super illum pax vestra: sin autem, ad vos revertétur. In eádém autem domo manéte, edéntes, et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intraveritis, et suscéperint vos, manducáte quæ apponúntur vobis: et curáte infirmos, qui in illa sunt, et dicite illis: Appropinquávit in vos regnum Dei. **Credo.**

Offertorium. Ps. 88. Confitebúntur cœli mirabilia tua, Dómine, et veritátem tuam in Ecclésia sanctórum, allelúja, allelúja.

Secreta.

BEáti Marci Evangelistæ tui solemnitáte, tibi múnera deferéntes, quæsumus Dómine: ut, sicut illum prædicatio evangélica fecit gloriósum; ita nos ejus intercessio et verbo, et ópere tibi reddat accéptos. Per Dóminum nostrum.

Præfatio de Apostolis. fol. 200. vel 218.

Communio. Psal. 63. Lætábitur justus in Dómino, et sperábit in eo: et laudabúntur omnes recti corde, allelúja, allelúja.

Postcommunio.

TRíbuant nobis, quæsumus Dómine, contínuum tua sancta præsidium: quo beáti Marci Evangelistæ tui précibus, nos ab ómnibus semper tueántur advérsis. Per Dóminum nostrum.

Si hoc Festum transferendum sit post Pentecost. Missa dicitur ut infra.

Introitus. Ps. 138.



Ihi autem nimis honoráti sunt amíci tui, Deus, nimis confortátus est principátus eórum.

Psal. ibid. Dómine probásti me, et cognovísti me, tu cognovísti sessiónem meam et resurrectionem meam.

V. Glória Patri.

Oratio et Epistola ut supra.

Graduale. Psal. 18. In omnem terram exívit sonus eórum, et in fines orbis terræ verba eórum.

V. Cœli enarrant glóriam Dei, et ópera mánuum ejus annúntiat firmaméntum. Allelúja, allelúja.

V. Joan. 15. Ego vos elégi de mundo ut eátis, et fructum afferátis, et fructus vester máneat. Allelúja.

Evangelium ut supra.

Offertorium. Psal. 138. Mihi autem nimis honoráti sunt amíci tui, Deus, nimis confortátus est principátus eórum. **Secreta ut supra.**

Communio. Matth. 19. Vos qui secúti estis me, sedébitis super sedes judicántes duódecim tribus Israel.

Postcommunio ut supra.

DIE XXVI.

SS. CLETI ET MARCELLINI Pontificum, et Martyrum.

Missa. Sancti tui, Dómine. ut in Comuni plurimorum Martyrum, tempore Paschali, fol. viii. præter Orationes sequentes. Oratio.

BEatórum mártýrum, paritérque pontíficum Cleti et Marcellíni nos, Dómine, fóveat pretiósa confésio: et pia júgiter intercessio tueátur. Per Dóminum nostrum.

Secreta.

ADesto, Dómine, supplicatióibus nostris, quas in sanctórum tuórum commemoratióne deférimus: ut, qui nostræ justitiæ fidúciám non habémus, eórum qui tibi placuérent, méritis adjuvémur. Per Dóminum nostrum.

Postcommunio.

QUæsumus, Dómine, salutáribus repléti mystériis: ut quórum solemnia celebrámus, eórum oratióibus adjuvémur. Per Dóminum.

Festa Aprilis.

¶ **Extra tempus Paschale, Missa erit, Intret in conspectu tuo. de Comuni plurimorum Martyrum extra tempus Paschale fol. ix.**

DIE XXVIII.

S. VITALIS MARTYRIS.

Missa. Protexisti. de Comuni unius Martyris tempore Paschali fol. vi. præter Orationes sequentes.

Oratio.

PRæsta, quæsumus, omnipotens Deus: ut, qui beati Vitalis martyris tui natalitia cõlimus, intercessiõne ejus in tui nõminis amore roborémur. Per Dõminum nostrum.

Secreta.

MUnëribus nostris, quæsumus Dõmine, precibusque susceptis, et cõlestibus nos munda mysteriis, et clemënter exaudi. Per Dõminum nostrum.

Postcommunio.


DA, quæsumus Dõmine Deus noster: ut, sicut tuõrum commemoratiõne sanctõrum temporali gratulamur offiçio; ita perpëtuo lætémur aspëctu. Per Dõminum nostrum Jesum Christum Fílium tuum.

DIE XXIX.

S. PETRI MARTYRIS.

Introitus.

Psal. 63.



Protexisti me, Deus, à convëntu malignantium, allelúja: à multitudine operantium iniquitatem, allelúja, allelúja.

Psal. ibid. Exaudi Deus orationem meam cum deprecor: à timóre inimici éripe ánimam meam.

V. Glória Patri.

Oratio.

PRæsta, quæsumus omnipotens Deus, ut beati Petri martyris tui fidem cõgrua devotiõne sectémur: qui pro ejusdem fidei dilatatiõne, martyrii palmam mériuit obtinere. Per Dõminum nostrum.

Lectio Epistolæ beati Pauli Apóstoli ad Timótheum. 2. Tim. 2. et 3.

CArissime, Memor esto Dõminum Jesum Christum resurrexisse à mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligatum. Ideo ómnia sustíneo propter e-léctos, ut et ipsi salútem consequántur, quæ est in Christo Jesu, cum glória cõlesti. Tu autem assecútus es meam doctrinam, institutiõnem, propósitum, fidem, longanimitatem, dilectiõnem, paciëntiam, persecutiõnes, passiõnes: quália mihi facta sunt Antiochiæ, Iconii, et Lystri: quales persecutiõnes sustinui, et ex ómnibus erípuit me Dõminus. Et omnes, qui pie volunt vívere in Christo Jesu, persecutiõnem paciëntur.

Allelúja, allelúja.

V. Psal. 88. Confitebúntur cœli mirabilia tua, Dõmine: étenim veritatem tuam in Ecclesia sanctõrum. Allelúja. V. Ps. 20. Posuisti Dõmine super caput ejus corõnam de lapide pretiõso. Allelúja.



Sequëntia sancti Evangélii secúndum Joánnem. Joann. 15.

IN illo témpore: Dixit Jesus discipulis suis: Ego sum vitis vera, et Pater meus agricola est. Omnem pálmitem in me non feréntem fructum, tollet eum: et omnem qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me, et ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me manséritis. Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, et aréscet, et cõlligent eum, et in ignem mittent, et ardet. Si manséritis in me, et verba mea in vobis

Festa Maji.

manserint, quodcúmque voluéritis, petétis, et fiet vobis.

Offertorium Psal. 88. Confitebúntur cœli mirabilia tua, Dómine: et veritatem tuam in Ecclesia sanctorum, allelúja, allelúja. **Secreta.**

PReces, quas tibi, Dómine, offerimus, intercedente beáto Petro mártire tuo clementer inténde: et propugnatores fidei sub tua protectione custódi. Per Dóminum nostrum.

Communio. Ps. 63. Lætábitur justus in Dómino, et sperábit in eo: et laudabúntur omnes recti corde, allelúja, allelúja. **Postcommunio.**

Fidèles tuos, Dómine, custódiant sacramenta, quæ sumpsimus: et intercedente beáto Petro mártire tuo, contra omnes adversos tueántur incursus. Per Dóminum nostrum.

¶ **Si Festum S. Petri transferendum sit post Dominicam Trinitatis, erit Missa Lætábitur justus. de Comuni unius martyris non Pontificis fol. v. præter Orationes proprias, ut supra et Evangelium: Si quis vult post me venire. fol. iii.**

DIE XXX.

S. CATHARINÆ SENENSIS

Virginis.

Missa. Dilexisti. de Comuni Virginis fol. xxiii. ritu Paschali, cum Oratione sequente. Oratio.

DA, quæsumus, omnipotens Deus: ut qui beátæ Catharinæ virginis tuæ natalitia cólimus: et ánnua solemnitate lætémur, et tantæ virtutis proficiámus exémplo. Per Dóminum nostrum. **Secreta.**

Ascéndant ad te, Dómine, quas in beátæ Catharinæ solemnitate offerimus, preces; et hóstia salutáris virgíneo fragrans odóre. Per Dóminum. **Postcommunio.**

Eternitatem nobis, Dómine, cónferat, qua pasti sumus, mensa cœlestis: quæ beátæ Catharinæ virginis vitam etiam áluit temporálem. Per Dóminum nostrum.

FESTA MAJI.

DIE I.

Sanctorum Apostolorum

PHILIPPI, ET JACOBI.

Introitus. 2. Esdr. 9.



Lamavérunt ad te, Dómine, in tēpore afflictiónis suæ: et tu de cœlo exaudísti eos, allelúja, allelúja.

Psal. 32. Exultáte justi in Dómino: rectos decet collaudátio.

V. Glória Patri.

Oratio.

DEus, qui nos ánnua Apostolorum tuorum Philippi, et Jacobi solemnitate lætíficas: præsta quæsumus; ut quorum gaudémus méritis, instruámur exémplic. Per Dóminum nostrum.

Lectio libri Sapiéntiæ.

Sap. 5.

Stabunt justi in magna constántia adversus eos, qui se angustia vénerunt, et qui abstulérunt labores eorum. Vidéntes turbabúntur timóre horribili, et mirabúntur in subitátione insperátæ salútis, dicéntes intra se, poeniténtiam ágéntes, et præ angústia spíritus geméntes: Hi sunt, quos habúimus aliquándo in derísu, et in similitúdinem impropérii. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est. **Allelúja, allelúja.**

V. Ps. 88. Confitebúntur cœli mirabilia tua, Dómine: étenim veritatem tuam in Ecclesia sanctorum. **Allelúja.**

V. Joann. 14. Tanto tēpore vobiscum sum, et non cognovístis me? Philíppe, qui videt me, videt et Patrem meum, allelúja.

Sequéntia sancti Evangélíi scúndum Joánnem. Joann. 14.

In illo tēpore: Dixit Jesus discipulis suis: Non turbétur cor vestrum. Créditis in Deum, et in me créдите. In domo Patris mei mansi-
47*

Festa Maji.

nes multæ sunt. Si quo minus, dixissem vobis: quia vado parare vobis locum. Et si abiero, et præparavero vobis locum, iterum venio, et accipiam vos ad meipsum, ut ubi sum ego, et vos sitis. Et quo ego vado, scitis, et viam scitis. Dicit ei Thomas: Domine, nescimus quo vadis: et quomodo possumus viam scire? Dicit ei Jesus: Ego sum via, veritas, et vita; nemo venit ad Patrem nisi per me. Si cognovissetis me, et Patrem meum utique cognovissetis: et amodo cognoscetis eum, et vidistis eum. Dicit ei Philippus: Domine, ostende nobis Patrem, et sufficit nobis. Dicit ei Jesus: Tanto tempore vobiscum sum, et non cognovistis me? Philippe, qui videt me, videt et Patrem. Quomodo tu dicis: Ostende nobis Patrem? Non creditis, quia ego in Patre, et Pater in me est? Verba, quæ ego loquor vobis, à meipso non loquor. Pater autem in me manens, ipse facit opera. Non creditis, quia ego in Patre, et Pater in me est? Alioquin propter opera ipsa credite. Amen, amen dico vobis: Qui credit in me, opera quæ ego facio, et ipse faciet, et maiora horum faciet, quia ego ad Patrem vado. Et quodcumque petieritis Patrem in nomine meo, hoc faciam. **Credo.**

Offertorium. Psal. 88. Confitebuntur cœli mirabilia tua, Domine: et veritatem tuam in Ecclesia sanctorum, allelûja, allelûja.

Secreta.

MUnera, Domine, quæ pro Apostolorum tuorum Philippi, et Jacobi solemnitate deferimus, propitius suscipe: et mala omnia, quæ meremur, averte. Per Dominum.

Præfatio de Apost. fol. 200. vel 218.

Communio. Joann. 14. Tanto tempore vobiscum sum, et non cognovistis me? Philippe, qui videt me, videt et Patrem meum, allelûja: non credis, quia ego in Patre, et Pater in me est? Allelûja, allelûja.

Postcommunio.

Quæsumus Domine, salutâribus replêti mysteriis: ut, quorum solèmnia celebrâmus, eorum orationibus adjuvemur. Per Dominum.

Si hoc Festum transferatur post tempus Paschale Missa erit sequens.

Introitus. 2. Esdr. 9.

Lamaverunt ad te, Domine, in tempore afflictionis suæ: et tu de cœlo exaudisti eos.

Psal. 32. Exultate justi in Domino: rectos decet collaudatio. **V.** Glória Patri.

Oratio ut supra.

Lectio Actuum Apostolorum.

Act. 5. b

IN dièbus illis: Per manus Apostolorum fiébant signa, et prodigia multa in plebe. Et erant unanimiter omnes in pórticu Salomónis. Ceterorum autem nemo audébat se conjungere illis; sed magnificábat eos pópulus. Magis autem augebátur credéntium in Domino multitúdo virorum ac mulierum, ita ut in platéas ejicerent infirmos, et pónerent in lectulis ac grabátis, ut, veniente Petro, saltem umbra illius obumbráret quemquam illórum, et liberaréntur ab infirmitátibus suis. Concurrébat autem et multitúdo vicinârum Civitátum Jerúsalem afferéntes ægros, et vexátos à spirítibus immúndis, qui curabántur omnes.

Graduale. Psal. 44. Constitues eos principes super omnem terram, memores erunt nóminis tui Domine.

V. Pro pátribus tuis nati sunt tibi fíli, proptérea pópuli confitebúntur tibi. **A**llelûja, allelûja.

V. Joann. 14. Tanto tempore vobiscum sum, et non cognovistis me? Philippe, qui videt me, videt et Patrem meum. Allelûja.

Evangelium ut supra.

Offertorium. Psal. 18. In omnem terram exívit sonus eórum, et in fines orbis terræ verba eórum.

Festa Maji.

Secreta ut supra.**Communio. Matth. 19.** Vos qui secúti estis me, sedébitis super sedes judicántes duódecim tribus Israel.**Postcommunio ut supra.****DIE II.****S. ATHANASII EPISC. CONF.****et Ecclesiæ Doctoris.****Introitus. Eccli. 15.**

IN médio Ecclésiæ apéruit os ejus: et implévit eum Dóminus spíritu sapiéntiæ, et intelléctus: stolam glóriæ induit eum, allelúja, allelúja.

Ps. 91. Bonum est confitéri Dómino: et psállere nómini tuo, Altíssime.**V. Glória Patri.****Oratio.**

EXáudi quæsumus Dómine, preces nostras, quas in beáti Athanasii Confessoris tui, atque Pontificis, solemnitáte deférimus: et, qui tibi digne méruit famulári, ejus intercedéntibus méritis ab ómnibus nos absolvet peccátis. Per Dóminum.

Léctio Epístolæ beáti Pauli Apóstoli ad Corínthios.**2. Cor. 4. b**

FRatres, Non nosmetipsos prædicámus, sed Jesum Christum Dóminum nostrum; nos autem servos vestros per Jesum: quóniam Deus, qui dixit de ténebris lucem splendescere, ipse illúxit in córdibus nostris, ad illuminationem sciéntiæ claritátis Dei, in fácie Christi Jesu. Habémus autem thesáurum istum in vasis fictilibus: ut sublimitas sit virtútis Dei, et non ex nobis. In ómnibus tribulationem pátimur, sed non angustiamur: aporiámur, sed non destitúimur: persecutionem pátimur, sed non derelinquimur: dejícimur, sed non perimus: semper mortificationem Jesu in corpore nostro circumferéntes, ut et vita Jesu manifestétur in corpóribus nostris. Semper enim nos, qui vivimus, in mortem trádimur propter Jesum: ut et vita

Jesu manifestétur in carne nostra mortáli. Ergo mors in nobis operátur, vita autem in vobis. Habéntes autem eúmdem spíritum fidei, sicut scriptum est: Crédidi, propter quod locútus sum: et nos crédimus, propter quod et lóquimur: sciéntes, quóniam qui suscitávit Jesum, et nos cum Jesu suscitábit, et constituet vobíscum. **Allelúja, allelúja.**

V. Ps. 109. Tu es sacerdos in ætérnum, secúndum órđinem Melchisedech, allelúja.**V. Jac. 1.** Beátus vir, qui suffert tentationem: quóniam cum probátus fúerit, accípiet corónam vitæ, allelúja.**Si celebretur post tempus Paschale dicitur:****Graduale Eccli. 44.** Ecce sacerdos magnus, qui in diébus suis plácuit Deo. **V.** Non est invéntus similis illi, qui conserváret legem Excélsi.**Allelúja, allelúja.****V. Jac. 1.** Beátus vir, qui suffert tentationem: quóniam cum probátus fúerit, accípiet corónam vitæ. **Allelúja.****Sequéntia sancti Evangélíi secúndum Matthæum. Matth. 10. c**

IN illo témpore: Dixit Jesus discipulis suis: Cum persequéntur vos in civitáte ista, fúgite in áliam. Amen dico vobis, non consummábitis civitátes Israel, donec véniat Fílius hóminis. Non est discipulus super magístrum, nec servus super dóminum suum. Súfficit discipulo, ut sit sicut magíster ejus: et servo, sicut dóminus ejus. Si patremfamilias Beélzebub vocavérunt; quanto magis domésticos ejus? Ne ergo timéritis eos: nihil enim est opértum, quod non revelábitur; et occúltum, quod non sciétur. Quod dico vobis in ténebris, dícite in lúmine: et quod in aure audítis, prædicáte super tecta. Et nolíte timére eos, qui occidunt corpus, ánimam autem non possunt occidere: sed pótius timéte eum, qui potest et ánimam et corpus pérdere in gehénam. **Credo.**

Festa Maji.

Offertorium. Ps. 88. Inveni David servum meum, óleo sancto meo unxi eum: manus enim mea auxiliabitur ei, et brachium meum confortabit eum, allelúja.

Secreta.

Sancti Athanasii Confessoris tui, atque Pontificis, quæsumus Dómine, ánnua solémnitas pietáti tuæ nos reddat accéptos: ut per hæc piæ placationis officia et illum beáta retribútio comitétur, et nobis grátia tuæ dona concíliet. Per Dóminum.

Communio. Matth. 10. Quod dico vobis in ténebris, dícite in lúmine, dicit Dóminus: et quod in áure audítis, prædicáte super tecta, allelúja.

Postcommunio.

Deus, fidélium remunerátor animárum, præsta, ut beáti Athanasii Confessoris tui, atque Pontificis, cujus venerándam celebrámus festivitátem, précibus indulgéntiam consequámur. Per Dóminum.

**DIE III.
IN FESTO INVENTIONIS
SANCTÆ CRUCIS.**

Introitus. Gal. 6.

Nos autem gloriári opórtet in cruce Dómini nostri Jesu Christi: in quo est salus, vita, et resurrectio nostra: Per quem salváti, et liberáti sumus, allelúja, allelúja.

Psal. 66. Deus misereátur nostri, et benedícat nobis: illúminet vultum suum super nos, et misereátur nostri. **V.** Glória Patri.

Oratio.

Deus, qui in præclára salutíferæ crucis Inventióne, Passiónis tuæ miracula suscitásti: concéde, ut vitális ligni pretio æternæ vitæ suffrágia consequámur. Qui vivis, et regnas.

In Missis privatis pro commemoratione SS. Alexandri, Eventii, et Theoduli Martyrum, ac Juvenalis Episcopi et Confessoris.

Oratio.

Præsta, quæsumus, omnipotens Deus: ut qui sanctórum tuórum Alexandri, Eventii, Theodúli, atque Juvenális natalítia cólimus, à cunctis malis imminéntibus eórum intercessiónibus liberémur. Per Dóminum nostrum.

Lectio Epístolæ beáti Pauli Apóstoli ad Philippenses. Philipp. 2.

Fratres, Hoc enim sentíte in vobis, quod et in Christo Jesu: qui cum in forma Dei esset, non rapinam arbitrátus est esse se æquálem Deo: sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen: **(Hic genuflectitur)** ut in nómine Jesu omne genu flectátur, cœléstium, terréstrium, et infernórum: et omnis lingua confiteátur, quia Dóminus Jesus Christus in glória est Dei Patris. Allelúja, allelúja.

V. Ps. 95. Dícite in géntibus, quia Dóminus regnávit à ligno. Allelúja.

V. Dulce lignum, dulces clavos, dulcia ferens póndera: quæ sola fuísti digna sustinére Regem cœlórum, et Dóminum. Allelúja.

Sequéntia sancti Evangélii secundum Joánnem. Joan. 14.

In illo témpore: Erat homo ex Pharisæis, Nicodémus nómine, princeps Judæórum. Hic venit ad Jesum nocte, et dixit ei: Rabbi, scimus quia à Deo venísti magíster: nemo enim potest hæc signa fácere, quæ tu facis, nisi fúerit Deus cum eo. Respóndit Jesus, et dixit ei: Amen, amen dico tibi: nisi quis renátus fúerit dénuo, non potest vidére regnum

Festa Maji.

Dei. Dicit ad eum Nicodémus: Quómodo potest homo nasci, cum sit senex? Númquid potest in ventrem matris suæ iteráto introire, et renásci? Respóndit Jesus: Amen, amen dico tibi: Nisi quis renátus fúerit ex aqua, et Spíritu sancto, non potest introire in regnum Dei. Quod natum est ex carne, caro est: et quod natum est ex spíritu, spíritus est. Non miréris quia dixi tibi: Opórtet vos nasci dénuo. Spíritus ubi vult spirat, et vocem ejus audis, sed nescis unde véniat, aut quo vadat: sic est omnis qui natus est ex spíritu. Respóndit Nicodémus, et dixit ei: Quómodo possunt hæc fieri? Respóndit Jesus, et dixit ei: Tu es magister in Israel, et hæc ignóras? Amen, amen dico tibi, quia quod sci-mus lóquimur, et quod vídimus testá-mur, et testimónium nostrum non accípitis. Si terréna dixi vobis, et non créditis: quómodo si díxero vobis cœléstia, credétis? Et nemo ascéndit in cœlum, nisi qui descéndit de cœlo, Fílius hóminis, qui est in cœlo. Et sicut Móyses exaltávit serpéntem in desérto, ita exaltári opórtet Fílium hóminis: ut omnis qui credit in ipsum non péreat, sed hábeat vitam ætér-nam. **Credo.**

Offertorium. Ps. 117. Dextera Dómini fecit virtútem, dextera Dómini exaltávit me: non móriar, sed vivam, et narrábo ópera Dómini, allelúja.

Secreta.

Sacrificium, Dómine, quod tibi immolámus, placátus inténde: ut ab omni nos éruat bellórum nequítia, et per vexillum sanctæ Crucis Fílii tui, ad conteréndas potestátis advérsæ insídias, nos in tuæ protec-tiónis securitáte constituat. Per eúmdem Dóminum.

Pro SS. Alexandro etc. Secreta.

Super has hóstias, quæsumus Dómine, benedictio copiósa descéndat: quæ et sanctificatióem nobis cleménter operétur, et de sanctó-

rum nos solemnitate lætíficet. Per Dóminum nostrum.

Præfatio de cruce. fol. 191. vel 214.

Communio. Per signum Crucis de inimícis nostris libera nos, Deus noster, allelúja. **Postcommunio.**

Repléti alimónia cœlésti, et spiritali póculo recreáti, quæsumus omnipotens Deus: ut ab hoste maligno deféndas, quos per lignum sanctæ Crucis Fílii tui, arma justitiæ pro salúte mundi, triumpháre jussisti. Per eúmdem Dóminum.

Pro SS. Alexandro etc.

Postcommunio.

Refécti participatióne múnieris sacri, quæsumus Dómine Deus noster: ut, ejus exéquimur cultum, intercedéntibus sanctis tuis Alexándro, Evéntio, Theodúlo, et Juvenále, sentiámus efféctum. Per Dóminum.

¶ Sed si Festum Inventionis S. Crucis contigerit transferri post Pentecosten, tunc omnia sumenda erunt ex Festo Exaltationis 14. Septembris, Orationes vero, Evangelium et Offertorium erunt ex Missa Inventionis, ut supra.

EADEM DIE.

SS. ALEXANDRI, EVENTII, et THEODULI Martyrum ac JUVENALIS Episcopi et Conf.

Missa. Sancti tui. de Comuni. fol. viii. cum Orationibus super adnotatis. Extra tempus Paschale Missa. Sapiéntiam. fol. x. cum iisdem Orationibus.

DIE IV.

S. MONICÆ VIDUÆ.

Introitus. Ps. 118.



Gognóvi, Dómine, quia æquitas judícia tua, et in veritate tua humiliásti me: confíge timóre tuo carnes meas: à mandátis tuis tímui, allelúja, allelúja.

Festa Maji.

Psal. ibid. Beáti immaculáti in via, qui ámbulant in lege Dómini.

V. Glória Patri.

Oratio.

DEus mœréntium consolátor, et in te sperántium salus, qui beátæ Mónica pias lácrymas in conversiône filii sui Augustíni misericórditer suscepísti: da nobis utriúsque intervéntu, peccáta nostra deploráre, et gratiæ tuæ indulgéntiam inveníre. Per Dóminum nostrum.

Léctio Epístolæ beáti Pauli Apóstoli ad Timótheum.

1. Tim. 5.

CAríssime, Víduas honóra, quæ vere víduæ sunt. Si qua autem vídua filios, aut nepótes habet, discat primum domum suam régere, et mútuam vicem réddere paréntibus: hoc enim accéptum est coram Deo. Quæ autem vere vídua est, et desoláta, speret in Deum, et instet obsecratióibus, et oratióibus nocte ac die. Nam quæ in deliciis est, vivens mórtua est. Et hoc præcipe, ut irreprehensibiles sint. Si quis autem suorum, et máxime domesticórum curam non habet, fidem negávit, et est infidéli detérior. Vídua eligátur non minus sexagínta annórum, quæ fúerit unius viri uxor, in opéribus bonis testimónium habens, si filios educávit, si hospítio recépít, si sanctórum pedes lavit, si tribulatióem patiéntibus subministrávit, si omne opus bonum subsecúta est.

Allelúja, allelúja.

V. Psal. 44. Spécie tua, et pulchritúde tua inténde, prospere procéde, et regna. Allelúja.

V. Propter veritátem, et mansuetúdinem, et justítiam: et dedúcet te mirabíliter dextera tua, allelúja.

Si celebretur post tempus Paschale.

Graduale. Diffúsa est grátia in lábiis tuis: proptérea benedíxit te Deus in ætérnum.

V. Propter veritátem, et mansuetúdinem, et justítiam, et dedúcet te mirabíliter dextera tua. Allelúja, allel.

V. Spécie tua, et pulchritúde tua inténde, prospere procéde, et regna. Allelúja.

Sequéntia sancti Evangélii secúndum Lucam.

Luc. 7. b

IN illo témpore: Ibat Jesus in civitátem, quæ vocátur Naim: et ibant cum eo discípuli ejus, et turba copiósa. Cum autem appropinquáret portæ civitátis, ecce defúctus efferebátur filius únicus matris suæ: et hæc vídua erat, et turba civitátis multa cum illa. Quam cum vidísset Dóminus, misericórdia motus super eam, dixit illi: Noli flere. Et accéssit, et tétigit lóculum. (Hi autem, qui portábant, steterunt). Et ait: Adolécens, tibi dico, surge. Et resédit qui erat mórtuus, et cœpit loqui. Et dedit illum matri suæ. Accépít autem omnes timor: et magnificábant Deum, dicéntes: Quia Prophéta magnus surrexit in nobis: et quia Deus visitávit plébem suam.

Offertorium. Psal. 44. Diffúsa est grátia in lábiis tuis: proptérea benedíxit te Deus in ætérnum, et in sæculum sæculi, allelúja.

Secreta.

ACcépta tibi sit, Dómine, sacrætæ plébis oblátio, pro tuórum honóre sanctórum: quórum se méritis de tribulatióne percepisse cognóscit auxiliúm. Per Dóminum.

Communio ibid. Dilexísti justítiam, et odísti iniquitátem: proptérea unxit te Deus, Deus tuus, óleo lætitiæ præ consórtibus tuis, allelúja.

Postcommunio.

SAtiásti, Dómine, famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum nostrum.

DIE V.

S. PII V. PAPÆ, ET CONF.

Missa. Státuit. de Communi Conf. Pontif. fol. xiii. præter Orat. sequent.

Festa Maji.

Oratio.

DEus, qui ad conteréndos Ecclésiæ tuæ hostes, et ad divinum cultum reparándum, beátum Pium Pontíficem máximum eligere dignátus es: fac nos ipsíus deféndi præsídiis, et ita tuis inhærere obséquiiis; ut ómnium hóstium superátis insídiis perpétua pace lætémur. Per Dóminum nostrum.

DIE VI.

S. JOANNIS ANTE PORTAM LATINAM.

Introitus.

Psal. 63.

Protexísti me, Deus, à convéntu malignántium, allelúja: à multitudíne operántium iniquitátem, allelúja, allelúja.

Psal. ibid. Exáudi Deus oratiómem meam, cum deprecor: à timóre inimíci éripe ánimam meam.

V. Glória Patri.

Oratio.

DEus, qui cónspicis, quia nos úndique mala nostra pertúrbant: præsta quæsumus; ut beáti Joánnis, Apóstoli tui et Evangelístæ, intercessio gloriósa nos prótegat. Per Dóminum nostrum.

Lectio libri Sapiéntiæ.

Sap. 5.

Stabunt justi in magna constántia advérsus eos, qui se angustiavérent, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salútis, dicéntes intra se, pœniténtiam agéntes, et præ angústia spíritus geméntes: Hi sunt, quos habúimus aliquándo in derísu, et in similitúdinem impropérii. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est. Allelúja, allelúja.

V. Ps. 91. Justus ut palma florébit: sicut cedrus Líbani multiplicábitur. Allelúja.

V. Oseæ 14. Justus germinábit sicut lílium: et florébit in ætérnum ante Dóminum. Allelúja.



Sequéntia sancti Evangélíi secúndum Matthæum. Matth. 20. c

IN illo témpore: Accéssit ad Jesum mater filiórum Zebedæi cum filiis suis, adórans, et petens aliquid ab eo. Qui dixit ei: Quid vis? Ait illi: Dic, ut sédeant hi duo filii mei, unus ad dexteram tuam, et unus ad sinistram in regno tuo. Respóndens autem Jesus, dixit: Nescítis, quid petátis. Potéstis bíbere cálicem, quem ego bibitúrus sum? Dicunt ei: Póssumus. Ait illis: Cálicem quidem meum bibétis: sedére autem ad dexteram meam, vel sinistram, non est meum dare vobis, sed quibus parátum est à Patre meo. Credo.

Offertorium. Ps. 88. Confitebúntur cœli mirabília tua, Dómine: et veritátem tuam in Ecclesia sanctórum, allelúja, allelúja. **Secreta.**

MUnéribus nostris, quæsumus Dómine, precibúsq; suscep-tis: et cœlestibus nos munda mystériis, et cleménter exáudi. Per Dóminum nostrum.

Præfatio de Apost. fol. 200. vel 218.

Communio. Psal. 63. Lætábitur justus in Dómino, et sperábit in eo: et laudabúntur omnes recti corde, allelúja, allelúja. **Postcommunio.**

Refécti, Dómine, pane cœlesti: ad vitam, quæsumus, nutriámur ætérnam. Per Dóminum.

¶ Si contigerit Festum S. Joannis transferri post Pentecosten, tunc Missa sūmatur ex alio Festo ejusdem Sancti, Mense Decembri, fol. 22. Oraciones vero, et Evangelium, ut supra in hoc Festo.

DIE VII.

S. STANISLAI EPISCOPI

et Martyris.

Missa. Protexísti. ut in Comuni unius Martyris Pontificis, tempore Paschali, fol. vi. cum Orationibus seq.

Festa Maji.

Oratio.

DEus, pro cuius honóre glorió-
sus Póntifex Stanisláus gládiis
impiórum occúbuit: præsta quæsu-
mus; ut omnes, qui ejus implórant
auxílium, petitiónis suæ salutárem
consequántur efféctum. Per Dñm.

Secreta.

MUnera tibi, Dómine, dicáta
sanctifica: et, intercedénte
beáto Stanisláo, mártire tuo atque
Pontífice, per éadem nos placátus
inténde. Per Dóminum.

Postcommunio.

HÆc nos communio, Dómine,
purget à crimine, et interce-
dén-te beáto Stanisláo, mártire tuo
atque pontífice, cœléstis remédii fá-
ciat esse consórtes. Per Dóminum.

¶ Si hoc Festum celebrari conti-
gerit post Pentecosten, tunc dicitur
Missa, Sacerdótes Dei. de Comm.
unius Mart. Pont. secundo loco fol. iii.
Evang. Si quis venit. fol. ii. de eod.
Communi, primo loco. Orationes ve-
ro, ut supra positæ sunt.

¶ Notandum, quod si Festum Ap-
paritionis S. Michaelis, vel aliquod
ex Festis sequentibus, sive Duplex,
sive Semiduplex, inciderit in Feriam
sextam post Octavam Ascensionis,
tunc in Missa de Festo fit comme-
moratio de Feria sexta prædicta cum
Orationibus ex Missa Dominicæ in-
fra Octavam Ascensionis: idem aga-
tur etiam si contigerit fieri de aliquo
Festo translato, dummodo non sit pri-
mæ, vel secundæ Classis, quia tunc
nulla commemoratio facienda erit.

DIE VIII.

In Festo Apparitionis

S. MICHAELIS Archangeli.

Introitus.

Ps.
102.



Benedícite Dómi-
num omnes An-
geli ejus, poténtes
virtúte, qui fácitis
verbum ejus, ad

audiéndam vocem sermónum ejus:
allelúja, allelúja.

Psal. ibid. Benedic ánima mea Dó-
mino: et ómnia, quæ intra me sunt,
nómini sancto ejus.

V. Glória Patri.

Oratio.

DEus, qui miro órdine, Angeló-
rum ministéria hominúmque
dispénsas: concéde propítius; ut à
quibus tibi ministrántibus in cœlo
semper assistitur, ab his in terra vi-
ta nostra muniátur. Per Dóminum.

Léctio libri Apocalypsis beáti Joán-
nis Apóstoli.

Apoc. 1.

IN diébus illis: Significávit Deus
quæ opórtet fieri cito, mittens
per Angelum suum servo suo Joán-
ni, qui testimónium perhibuit verbo
Dei, et testimónium Jesu Christi
quæcúmque vidit. Beátus qui legit,
et audit verba prophetiæ hujus: et
servat ea, quæ in ea scripta sunt:
tempus enim prope est. Joánnes se-
ptem Ecclesiis, quæ sunt in Asia.
Grátia vobis, et pax ab eo, qui est, et
qui erat, et qui ventúrus est: et à
septem spirítibus, qui in conspéctu
throni ejus sunt: et à Jesu Christo,
qui est testis fidélis, primogénitus
mortuórum, et princeps regum ter-
ræ, qui diléxit nos, et lavit nos à pec-
cátis nostris in ságuine suo.

Allelúja, allelúja.

V. Sancte Míchael Archángele de-
fén-de nos in prælio: ut non pereámus
in treméndo judício. Allelúja.

V. Concússum est mare, et contré-
muit terra, ubi Archángelus Míchael
descéndit de cœlo. Allelúja.

✠ Sequéntia sancti Evangélíi se-
cúndum Matthæum. **Matth. 18.**

IN illo témpore: Accessérunt di-
scípuli ad Jesum, dicéntes: Quis
putas major est in regno cœlórum?
Et ádvocans Jesus párvulum, státuit
eúm in médio eórum, et dixit: Amen
dico vobis, nisi convérsi fuéritis, et
efficiámini sicut párvuli, non intrá-
bitis in regnum cœlórum. Quicúm-

Festa Maji.

que ergo humiliáverit se, sicut parvulus iste, hic est major in regno cœlorum. Et qui suscepit unum parvulum talem in nómine meo, me súscipit. Qui autem scandalizáverit unum de pusillis istis, qui in me credunt, expedit ei, ut suspendátur mola asinária in collo ejus, et demergátur in profúndum maris. Væ mundo à scándalis. Necesse est enim ut véniant scándala: verúmtamen væ hómini illi, per quem scándalum venit. Si autem manus tua, vel pes tuus scandalizat te, abscíde eum, et prójice abs te: bonum tibi est ad vitam ingredi débilem, vel claudum, quam duas manus, vel duos pedes habéntem, mitti in ignem ætérnum. Et si óculus tuus scandalizat te, érue eum, et prójice abs te: bonum tibi est cum uno óculo in vitam intráre, quam duos óculos habéntem mitti in gehénnam ignis. Vidéte, ne contemnátis unum ex his pusillis: Dico enim vobis, quia Angeli eórum in cœlis semper vident fáciem Patris mei, qui in cœlis est.

Credo.

Offertorium. Apoc. 8. Stetit Angelus juxta aram templi, habens thuribulum áureum in manu sua, et data sunt ei incénsa multa: et ascéndit fumus arómatum in conspéctu Dei, allelúja.

Secreta.

Hostias tibi, Dómine, laudis offerimus, suppliciter deprecántes: ut eásdem angélico pro nobis interveniénte suffrágio, et placátus accípias, et ad salútem nostram proveníre concédas. Per Dóminum.

Communio. Dan. 3. Benedicite omnes Angeli Dómini Dóminum: hymnum dicite, et superexaltáte eum in sæcula, allelúja.

Postcommunio.

Beáti Archángeli tui Michaélis intercessióne suffúlti, súpplīces te, Dómine, deprecámur: ut, quod ore proséquimur, contingámus et mente. Per Dóminum nostrum.

¶ Si Festum prædictum transferri contigerit post Pentec., tunc Missa sumatur ex Festo Dedicationis ejusdem die 29. Septembris, ut infra.

DIE IX.

S. GREGORII NAZIANZENI

Episcopi Conf. et Ecclesiæ Doctoris.

Missa. In médio Ecclesiæ. de Comuni Doctorum. fol. xv. Epistola Justus cor suum. fol. xvi. Et dicitur Credo.

DIE X.

S. ANTONINI EPISC. et CONF.

Missa. Státuit. de Comm. Confess. Pont. fol. xiii. præter Orationem seq. Oratio.


Sancti Antoníni, Dómine, Confessoris tui atque Pontíficis, méritis adjuvémur: ut, sicut te in illo mirábilem prædicámus, ita in nos misericórdem fuisse gloriémur. Per Dóminum nostrum.

Et fit commemoratio SS. Gordiani, et Epimachi martyrum, cum Orationibus ut infra, et tertia Oratio de beata Maria Concède nos, fol. 244.

EADEM DIE.

SS. GORDIANI et EPIMACHI Martyrum.

Introitus. Psal. 144.



Ancti tui, Dómine, benedícent te: glóriam regni tui dicent, allelúja, allelúja.

Ps. ibid. Exaltábo te, Deus meus Rex: et benedícam nómini tuo in sæculum, et in sæculum sæculi. V. Glória Patri.

Oratio.

DA, quæsumus omnipotens Deus: ut, qui beatórum mártýrum tuórum Gordiáni, et Epímachi solémnia cólimus, eórum apud te intercessiónibus adjuvémur. Per Dóminum nostrum.

Festa Maji.

Lectio libri Apocalypsis beati Joannis Apóstoli. **Apoc. 19.**

IN diébus illis: Post hæc ego Joannes audivi quasi vocem turbárum multárum in cælo, dicéntium: Allelúja: salus, et glória, et virtus Deo nostro est: quia vera et justa júdicia sunt ejus, qui judicávit de meretríce magna, quæ corrúpit terram in prostitutióne sua, et vindicávit sánguinem servórum suórum de mánibus ejus. Et iterum dixerunt: Allelúja. Et fumus ejus ascéndit in sæcula sæculórum. Et cecidérunt senióres vigintiquátuor, et quátuor animália, et adoravérunt Deum sedéntem super thronum, dicéntes: Amen: Allelúja. Et vox de throno exívit, dicens: Laudem dícite Deo nostro omnes servi ejus; et qui timétis eum, pusilli et magni. Et audivi quasi vocem turbæ magnæ, et sicut vocem aquárum multárum, et sicut vocem tonitruórum magnórum, dicéntium: Allelúja: quóniam regnávit Dóminus Deus noster omnípotens. Gaudeámus, et exultémus, et demus glóriam ei, quia venérunt núptiæ Agni, et uxor ejus præparávit se. Et datum est illi, ut coopériat se byssino splendénti et cándido. Byssinum enim justificatiónes sunt sanctórum. Et dixit mihi: Scribe: Beáti, qui ad cœnam nuptiárum Agni vocáti sunt.

Allelúja, allelúja.

V. Sancti tui, Dómine, florébunt sicut lílium, et sicut odor bálsami erunt ante te. Allelúja.

V. Psal. 115. Pretiósá in conspéctu Dómini mors sanctórum ejus. Allel.

Sequéntia sancti Evangélíi secúndum Joánnem. Joan. 15.

IN illo témpore: Dixit Jesus discí-pulis suis: Ego sum vitis, vos pálmities: qui mánet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras, sicut palmes, et aréscet, et cólligent eum,

et in ignem mittent, et ardet. Si manséritis in me, et verba mea in vobis mánserint: quodcúmque volueritis, petétis, et fiet vobis. In hoc clarificátus est Pater meus, ut fructum plúrimum afferátis, et efficiámini mei discípuli. Sicut diléxit me Pater, et ego diléxi vos. Manéte in dilectiône mea. Si præcépta mea servavéritis, manébitis in dilectiône mea, sicut et ego Patris mei præcépta servávi, et máneo in ejus dilectiône. Hæc locútus sum vobis, ut gáudium meum in vobis sit, et gáudium vestrum impleátur.

Offertorium. Psal. 31. Lætámini in Dómino, et exultáte justi: et gloriámini omnes recti corde, allelúja, allel.

Secreta.

Hostias tibi, Dómine, beatórum mártýrum tuórum Gordiáni et Epímachi dicátas méritis, benígnus assúme, et ad perpétuum nobis tríbue proveníre subsídium. Per Dóminum.

Communio. Psal. 32. Gaudéte justi in Dómino, allelúja: rectos decet collaudátio, allelúja. **Postcommunio.**

Quæsumus, omnípotens Deus: ut qui cœléstia aliménta percépi-mus, intercedéntibus sanctis mártýribus tuis Gordiáno et Epímacho, per hæc contra ómnia advérsa muniá-mur. Per Dóminum nostrum.

DIE XII.

SS. NEREI, ACHILLEI, DOMITILLAE VIRGINIS atque PANC RATII Martyrum

Introitus. Ps. 32.



Ecce óculi Dómini super timéntes eum, sperántes in misericórdia ejus, allelúja: ut erípiat

à morte ánimas eórum: quóniam adjútor, et protector noster est, allelúja, allelúja.

Psal. ibid. Exultáte justi in Dómino: rectos decet collaudátio. **V. Glória Patri.**

Festa Maji.

Oratio.

Semper nos, Dómine, mártýrum tuórum Nérei, Achillei, Domitíllæ, atque Pancrátii fóveat, quæsumus, beáta solémnitas: et tuo dignos reddat obséquio. Per Dóminum.

Léctio libri Sapiéntiæ.

Sap. 5.

Stabunt justi in magna constántia advérsus eos, qui se angustia véerunt, et qui abstuléerunt labóres eórum. Vidéntes turbabúntur timóre horribili, et mirabúntur in subitatioe insperátæ salútis, dicéntes intra se, pœniténtiam agéntes, et præ angústia spíritus geméntes: Hi sunt, quos habúimus aliquándo in derísu, et in similitúdinem impropérii. Nos insensáti vitam illórum æstimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est. Allelúja, allelúja.

V. Hæc est vera fraternitas, quæ vicit mundi crimina: Christum secúta est, ínclýta tenens regna cœléstia. Allelúja.

V. Te mártýrum candidátus laudat exercitus, Dómine. Allelúja.



Sequéntia sancti Evangélii secúndum Joánnem. Joan. 4. f

In illo témpore: Erat quidam régulus, cujus filius infirmabátur Caphárnaum. Hic cum audísset, quia Jesus adveníret à Judæa in Galilæam, ábiit ad eum, et rogábat eum, ut descénderet, et sanáret fili-um ejus: incipiébat enim mori. Dixit ergo Jesus ad eum: Nisi signa et prodígia vidéritis, non créditis. Dicit ad eum régulus: Dómine, descénde priúsqum moriátur filius meus. Dicit ei Jesus: Vade, filius tuus vivit. Crédidit homo sermóni, quem dixit ei Jesus, et ibat. Jam autem eo descendénte, servi occurrérunt ei, et nuntiavérunt, dicéntes, quia filius ejus víveret. Interrogábat ergo horam ab eis, in qua mélius habúerit. Et dixerunt ei: Quia heri hora sépti-

ma reliquit eum febris. Cognóvit ergo pater, quia illa hora erat, in qua dixit ei Jesus: Fílius tuus vivit: et crédidit ipse, et domus ejus tota.

Offertorium. Ps. 88. Confitebúntur cœli mirabília tua, Dómine: et veritátem tuam in Ecclésia sanctórum, allelúja, allelúja.

Secreta.

Sanctórum mártýrum tuórum, quæsumus Dómine, Nérei, Achillei, Domitíllæ, atque Pancrátii sit tibi grata conféssio: quæ et múnera nostra comméndet, et tuam nobis indulgéntiam semper implóret. Per Dóminum nostrum.

Communio. Psal. 32. Gaudéte justi in Dómino, allelúja: rectos decet colaudátio, allelúja.

Postcommunio.

Quæsumus Dómine, ut beatórum mártýrum tuórum Nérei, Achillei, Domitíllæ, atque Pancrátii deprecationibus, sacraménta sancta, quæ sumpsimus, ad tuæ nobis proficiant placatiónis augméntum. Per Dóminum nostrum.

¶ Si vero hoc Festum celebretur post Pentecosten, dicitur Missa. Sapientiam. ut in Comuni plurimorum Martyrum fol. x. exceptis Orationibus et Evangelio propriis, ut supra.

DIE XIV.

S. BONIFACII MARTYRIS.

Missa. Protexísti. de Comuni unius Martyris tempore Paschali, fol. vi. præter Orationes sequentes.

Oratio.

DA, quæsumus omnipotens Deus, ut qui beáti Bonifácii mártýris tui solémnia cólimus, ejus apud te intercessiόνibus adjuvémur. Per Dóminum nostrum. Secreta.

Munéribus nostris, quæsumus Dómine, precibúque susceptis, et cœléstibus nos munda mystériis, et cleménter exáudi. Per Dóminum nostrum.

Festa Maji.

Postcommunio.

Refecti participatione muneris sacri, quæsumus Dómine Deus noster: ut, cujus exequimur cultum, intercedente beato Bonifácio mártire tuo, sentiámus effectum. Per Dóminum nostrum.

DIE XVI.

S. UBALDI EPISC. ET CONF.

Missa. Stáuit. de Communi Confessoris Pontificis, fol. xiii. præter Orationem sequentem. **Oratio.**

Auxílium tuum nobis, Dómine quæsumus, placátus impénde: et intercessióne beati Ubaldi Confessoris tui, atque Pontificis, contra omnes diaboli nequítias dexteram super nos tuæ propitiatiónis exténde. Per Dóminum nostrum.

DIE XVII.

S. PASCHALIS BAYLON

Confessoris.

Missa. Os justí. de Communi Confessoris non Pontificis, fol. xvii. præter Orationem sequentem. **Oratio.**

Deus, qui beátum Paschálem, Confessórem tuum, mirífica erga Córporis et Sánguinis tui sacra mystéria dilectióne decorásti: concéde propítius; ut, quam ille ex hoc divíno convívio spíritus percépit pinguedinem, eámdem et nos percípere mereámur. Qui vivis et regnas cum Deo Patre in unitáte Spíritus sancti Deus.

DIE XVIII.

S. VENANTII MARTYRIS.

Missa. Protexísti. de Comm. Mart. tempore Paschali. fol. vi. præter Orationes sequentes.

Oratio.

Deus, qui hunc diem beati Venántii mártiris tui triúmpho consecrásti: exáudi preces pópuli tui, et præsta; ut, qui ejus mérita venerámur, fidei constántiam imitémur. Per Dóminum nostrum.

Secreta.

Hanc oblatiónem, omnípotens Deus, beati Venántii mérita tibi reddant accéptam: ut ipsíus subsidíis adjúti, glóriæ ejus consórtes efficiámur. Per Dóminum.

Postcommunio.

Sumpsimus, Dómine, æternæ vitæ sacraménta, te humíliter deprecántes: ut, beato Venántio mártire tuo pro nobis deprecánte, véniam nobis concílient, et grátiam. Per Dóminum nostrum.

¶ **Si autem celebretur extra tempus Paschale, Missa.** In virtúte tua, ut in Communi unius Martyris non Pontificis, fol. iv. Orationes ut supra, et Evangelium. **Si quis venit.** de Communi Martyr. Pontif. fol. ii.

DIE XIX.

S. PETRI CŒLESTINI PAPÆ

et Confessoris.



Introitus. Eccli. 45.

Tátuit ei Dóminus testaméntum pacis, et principem fecit eum: ut sit illi sacerdotii dignitas in ætérnum.

Psal. 131. Meménto, Dómine, David, et omnis mansuetúdinis ejus.

V. Glória Patri.

Oratio.

Deus, qui beátum Petrum Cœlestinum ad summi Pontificátus ápicem sublimásti, quique illum humilitáti postpónere docuísti: concéde propítius: ut ejus exémplo cuncta mundi despícere, et ad promíssa humílibus præmia perveníre felíciter mereámur. Per Dóminum nostrum.

Deinde fit commemoratio S. Pudéntiæ virginis.

Oratio.

Exáudi nos, Deus salutáris noster: ut, sicut de beátæ Pudéntiæ virginis tuæ festivitáte gaudémus, ita piæ devotiónis erudiámur afféctu. Per Dóminum.

Festa Maji.

Lectio libri Sapiéntiæ.

Eccli. 44. d et 45.

ECce sacerdos magnus, qui in diébus suis plácuít Deo, et invéntus est justus, et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo jurejurándo fecit illum Dóminus créscere in plebem suam. Benedicónem ómnium géntium dedit illi, et testaméntum suum confirmávit super caput ejus. Agnóvit eum in benedicónibus suis: conservávit illi misericórdiam suam, et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum: et dedit illi sacerdotium magnum, et beatificávit illum in glória. Fungi sacerdotio, et habére laudem in nómine ipsíus: et offérre illi incénsus dignum in odórem suavitátis.

Graduale. Eccli. 44. Ecce sacerdos magnus, qui in diébus suis plácuít Deo. **V.** Non est invéntus símilis illi, qui conserváret legem Excélsi.

Allelúja, allelúja.

V. Ps. 109. Tu es sacerdos in ætérnum, secúndum órđinem Melchisedech. Allelúja.

Si celebretur tempore Paschali, omissis Graduali et versu, dicitur:

Allelúja, allelúja.

V. Ps. ibid. Tu es sacerdos in ætérnum, secúndum órđinem Melchisedech. Allelúja. **V.** Hic est sacerdos, quem coronávit Dóminus. Allelúja.

Sequéntia sancti Evangélii secúndum Matthæum. Matth. 19. d

IN illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis? Jesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duóde-

cim tribus Israel. Et omnis qui reliquerit domum, vel fratres, aut soróres, aut patrem, aut matrem, aut uxórem, aut fílios, aut agros, propter nomen meum, céntuplum accípiet, et vitam ætérnam possidébit.

Offertorium. Ps. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

SAncti tui, quæsumus Dómine, nos ubíque lætifícent: ut dum eórum mérita recólimus, patrocínia sentiámus. Per Dóminum.

Pro S. Pudéntiana.

Secreta.

ACcépta tibi sit, Dómine, sacrætæ plebis oblátio, pro tuórum honóre sanctórum: quorum se méritis de tribulatióne percepísse cognóscit auxiliú. Per Dóminum.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore trítici mensúram.

Postcommunio.

PRæsta, quæsumus omnípotens Deus, ut de percéptis munéribus grátias exhibéntes, intercedénte beáto Petro Cœlestíno Confessóre tuo, atque Pontífice, beneficia potióra sumámus. Per Dóminum nostrum.

Pro Sancta Pudéntiana.

Postcommunio.

SAtiásti, Dómine, familiam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum nostrum.

EADEM DIE.

S. PUDENTIANÆ VIRGINIS.

Missa. Dilexísti. de Comm. fol. xxiii.

DIE XX.
S. BERNARDINI SENENSIS
Confessoris.



Introitus. Psal. 36.

Ds justi meditabitur sapientiam, et lingua ejus loquetur judicium: lex Dei ejus in corde ipsius.

Ps. ibid. Noli æmulari in malignantibus: neque zelaveris facientes iniquitatem. **V.** Glória Patri.

Oratio.

Domine Jesu, qui beato Bernardino Confessori tuo, eximium sancti nominis tui amorem tribuisti: ejus, quæsumus, meritis et intercessionem, spiritum nobis tuæ dilectionis benignus infunde. Qui vivis et regnas. in unitate ejusdem.

Lectio libri Sapientiae. Eccli. 31.

Beatus vir, qui inventus est sine macula, et qui post aurum non abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua. Qui probatus est in illo, et perfectus est, erit illi glória æterna: qui potuit transgredi, et non est transgressus; facere mala, et non fecit: ideo stabilita sunt bona illius in Domino, et eleemosynas illius enarrabit omnis Ecclesia sanctorum.

Graduale. Ps. 91. Justus ut palma florebit: sicut cedrus Libani multiplicabitur in domo Domini.

V. Ad annuntiandum mane misericordiam tuam, et veritatem tuam per noctem. **Allelúja, allelúja.**

V. Jac. 1. Beatus vir, qui suffert tentationem: quoniam cum probatus fuerit, accipiet coronam vitæ. **Allelúja.**

Tempore Paschali omittitur Graduale, et ejus loco dicitur: Allelúja, allelúja. V. Jac. 1. Beatus vir, qui suffert tentationem: quoniam cum probatus fuerit, accipiet coronam vitæ. **Allelúja. V. Eccl. 45.** Amavit eum Dominus, et ornavit eum: stolam gloriæ induit eum. **Allelúja.**

Sequencia sancti Evangelii secundum Matthæum. Matth. 19. d

In illo tempore: Dixit Petrus ad Jesum: Ecce nos reliquimus omnia, et secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede majestatis suæ, sedebitis et vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, et vitam æternam possidebit.

Offertorium. Psal. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

Laudis tibi, Domine, hostias immolamus in tuorum commemoratione sanctorum: quibus nos et presentibus exui malis confidimus, et futuris. Per Dominum nostrum.

Communio. Matth. 24. Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum. **Postcommunio.**

Refecti cibo, potuque cœlesti, Deus noster, te supplices exoramus: ut, in cujus hæc commemoratione percipimus, ejus muniamur et precibus. Per Dominum nostrum.

DIE XXV.
S. GREGORII VII. PAPÆ
et Confessoris.



Introitus. Eccli. 45.

Statu it ei Dominus testamentum pacis, et principem fecit eum, ut sit illi sacerdotii dignitas in æternum.

Psal. 131. Meménto, Domine, David: et omnis mansuetudinis ejus. **V.** Glória Patri.

Festa Maji.

Oratio.

DEus in te sperantium fortitudo, qui beatum Gregorium Confessorem tuum, atque Pontificem, pro tuenda Ecclesiae libertate, virtute constantiae roborasti; da nobis, ejus exemplo et intercessione, omnia adversantia fortiter superare. Per Dominum nostrum.

Pro commemoratione S. Urbani Papae et Martyris. Oratio.

DA, quaesumus omnipotens Deus: ut, qui beati Urbani, martyris tui atque pontificis, solennia colimus, ejus apud te intercessionibus adjuvemur. Per Dominum nostrum.

Lectio libri Sapientiae. Eccl. 44. d

ECce sacerdos magnus, qui in diebus suis placuit Deo, et inventus est justus, et in tempore iracundiae factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium gentium dedit illi, et testamentum suum confirmavit super caput ejus. Agnovit eum in benedictionibus suis: conservavit illi misericordiam suam, et invenit gratiam coram oculis Domini. Magnificavit eum in conspectu regum: et dedit illi coronam gloriae. Statuit illi testamentum aeternum, et dedit illi sacerdotium magnum, et beatificavit illum in gloria. Fungi sacerdotio, et habere laudem in nomine ipsius: et offerre illi incensum dignum in odorem suavitatis.

Graduale. Eccl. 44. Ecce sacerdos magnus, qui in diebus suis placuit Deo. **V.** Non est inventus similis illi, qui conservaret legem Excelsi. **Allelúja, allelúja.**

V. Psal. 109. Tu es sacerdos in aeternum, secundum ordinem Melchisedech. **Allelúja.**

Tempore Pachali omittitur Graduale, et ejus loco dicitur:

Allelúja, allelúja.

V. Psal. 109. Tu es sacerdos in aeternum, secundum ordinem Melchisedech. **Allelúja.**

V. Hic est sacerdos, quem coronavit Dominus. **Allelúja.**

Sequentia sancti Evangelii secundum Matthaeum. Matth. 24. d

IN illo tempore: Dixit Jesus discipulis suis: Vigilate, quia nescitis qua hora Dominus vester venturus sit. Illud autem scitote, quoniam si sciret paterfamilias qua hora fur venturus esset, vigilaret utique, et non sineret perfodi domum suam. Ideo et vos estote parati, quia quae nescitis hora, Filius hominis venturus est. Quis, putas, est fidelis servus et prudens, quem constituit Dominus suus super familiam suam, ut det illis cibum in tempore? Beatus ille servus, quem, cum venerit dominus ejus, invenerit sic facientem. Amen dico vobis, quoniam super omnia bona sua constituet eum.

Offertorium. Ps. 88. Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum.

Secreta.

Sancti tui, quaesumus Domine, nos ubique laetificent: ut, dum eorum merita recolimus, patrocinia sentiamus. Per Dominum nostrum.

Pro S. Urbano. Secreta.

HAec hostia, Domine quaesumus, emundet nostra delicta, et ad sacrificium celebrandum subditorum tibi corpora mentesque sanctificet. Per Dominum nostrum.

Communio. Luc. 12. Fidelis servus, et prudens, quem constituit Dominus super familiam suam, ut det illis in tempore tritici mensuram.

Postcommunio.

PRaesta, quaesumus omnipotens Deus: ut, de perceptis muneribus gratias exhibentes, intercedente beato Gregorio, confessore tuo atque pontifice, beneficia potiora sumamus. Per Dominum nostrum.

Festa Maji.

Pro S. Urbano. Postcommunio.

Refecti participatióne múnieris sacri quæsumus Dómine Deus noster: ut, cujus exéquimur cultum, intercedente beáto Urbáno, mártyre tuo atque pontífice, sentiámus effectum. Per Dóminum.

EADEM DIE.

S. URBANI PAPÆ ET MART.

Missa pro temporis diversitate ut in fine Missalis.

DIE XXVI.

S. PHILIPPI NERII CONFESS.



Introitus. Rom. 5.

Aritas Dei diffúsa est in córdibus nostris per inhabitántem Spíritum ejus in nobis.

Psal. 102. Bénedic ánima mea Dómino: et ómnia, quæ intra me sunt, nómini sancto ejus.

V. Glória Patri.

Oratio.

Deus, qui beátum Philíppum Confessórem tuum sanctórum tuórum glória sublimásti: concéde propítius; ut, cujus solemnitáte lætámur, ejus virtútum proficiámus exémplo. Per Dóminum nostrum.

Pro commem. S. Eleutherii Papæ et Martyris.

Oratio.

Infirmitátem nostram réspice ómnípotens Deus: et quia pondus propriæ actiónis gravat, beáti Eleuthérii, mártiris tui atque pontíficis, intercéssio gloriósa nos prótegat. Per Dóminum nostrum.

Lectio libri Sapiéntiæ.

Sap. 7.

Optávi, et datus est mihi sensus: et invocávi, et venit in me spíritus sapiéntiæ: et præpósui illam regnis et sédibus, et divítias nihil esse duxi in comparatióne illíus: nec comparávi illi lápidem pretiósus: quóniam omne áurum, in comparatióne illíus, aréna est exígua, et tamquam lutum æstimábitur argéntum in con-

spéctu illíus. Super salútem et spéciem diléxi illam, et propósui pro luce habére illam: quóniam inextinguibile est lumen illíus. Venérunt autem mihi ómnia bona páriter cum illa, et innumerábilis honéstas per manus illíus, et lætátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictiône didici, et sine invídia commúnico, et honestátem illíus non abscondo. Infínitus enim thesáurus est homínibus: quo qui usi sunt, partícipes facti sunt amicítiæ Dei, propter disciplínæ dona commendáti.

Graduale. Ps. 33. Veníte, filii, audíte me: timórem Dómini docébo vos.

V. Accédite ad eum, et illuminámini: et fácies vestræ non confundéntur.

Allelúja, allelúja.

V. Thren. 1. De excélso misit ignem in óssibus meis, et erudívit me, allel.

Tempore Paschali omissis Graduali, et versu, dicitur: Allelúja, allel.

V. ibid. De excélso misit ignem in óssibus meis, et erudívit me. Allelúja.

V. Psal. 28. Concáluit cor meum intra me: et in meditatióne mea exardéscet ignis. Allelúja.

Sequéntia sancti Evangélii secúndum Lucam. Luc. 12. c

In illo témpore: Dixit Jesus discipulis suis: Sint lumbi vestri præcincti, et lucérnæ ardéntes in mánibus vestris: et vos símiles homínibus expectántibus dominum suum, quando revertátur à núptiis: ut cum vénerit, et pulsáverit, conféstim apériant ei. Beáti servi illi, quos cum vénerit dóminus, invénerit vigilántes: amen dico vobis, quod præcínget se, et fáciat illos discúmbere et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síncret

Festa Maji.

pérfodi domum suam. Et vos estóte paráti, quia qua hora non putátis, Fílius hóminis véniet.

Offertorium. Psal. 118. Viam mandatórum tuórum cucúrri, cum dilatásti cor meum.

Secreta.

Sacrificiis præséntibus, quæsumus Dómine, inténde placátus, et præsta: ut illo nos igne Spíritus sanctus inflámmet, quo beáti Philíppi cor mirábiliter penetrávit. Per Dóminum nostrum. in unitáte ejúsdem Spíritus.

Pro S. Eleutherio. Secreta.

Hostias tibi, Dómine, beáti Eleutheríi, mártiris tui atque pontíficis, dicátas méritis benígnus assúme; et ad perpétuum nobis tríbue proveníre subsídium. Per Dóminum.

Communio. Psal. 83. Cor meum, et caro mea exultavérunt in Deum vivum.

Postcommunio.

Cœléstibus, Dómine, pasti delíciis, quæsumus: ut beáti Philíppi confessóris tui méritis et imitatione, semper éadem, per quæ veráciter vivimus, appetámus. Per Dóminum.

Pro S. Eleutherio. Postcommunio.

Refécti participatione múnervis sacri, quæsumus Dómine Deus noster: ut cujus exéquimur cultum, intercedente beáto Eleutherio, mártire tuo atque pontífice, sentiámus effectum. Per Dóminum.

EADEM DIE.**S. ELEUTHERII PAPÆ ET Martyris.**

Tempore Paschali. Missa. Protexísti fol. vi. **Extra hoc tempus Missa.** Sacerdótes. **de Comuni.** fol. iii.

DIE XXVII.**S. MARIE MAGDALENÆ DE PAZZIS VIRG.**

Missa. Dilexísti justítiam. **de Comuni Virginum.** fol. xxiii. **præter Orationem sequentem.**

Oratio.

Deus, virginitátis amátor, qui beátam Mariám Magdalénam vírginem, tuo amóre succénsam, cœléstibus donis decorásti: da, ut quam festíva celebritáte venerámur; puritáte, et caritáte imitémur. Per Dóminum nostrum.

Et fit comm. S. Joannis Papæ et Martyris. Oratio.

Deus, qui nos beáti Joánnis, mártiris tui atque pontíficis, ánnua solemnitáte lætíficas: concéde propítius: ut cujus natalítia cólimus, de ejúsdem étiam protectione gaudeámus. Per Dóminum nostrum.

Secreta.

Munera tibi, Dómine, dicáta sanctífica: et intercedente beáto Joáanne, mártire tuo atque pontífice, per éadem nos placátus inténde. Per Dóminum nostrum.

Postcommunio.

Hæc nos commúnio, Dómine, purget à crimine: et intercedente beáto Joáanne, mártire tuo atque pontífice, cœléstis remédii fáciat esse consórtes. Per Dóminum.

EADEM DIE.**S. JOANNIS PAPÆ ET MART.**

Tempore Paschali Missa. Protexísti. **de Comuni.** fol. vi. **Extra hoc tempus Missa.** Sacerdótes. **de Comuni.** fol. iii.

DIE XXX.**S. FELICIS PAPÆ ET MART.**

Missa. Státuit. **ut in Comuni unius Mart. Pontif.** fol. ii. **Tempore Paschali. Missa.** Protexísti. fol. vi.

DIE XXXI.**S. PETRONILLÆ VIRGINIS.**

Missa. Vultum tuum. **de Comuni Virginum non Mart.** fol. xxiv.



Festa Junii.

FESTA JUNII.

DIE II.

SS. MARCELLINI, PETRI,
et ERASMI Martyrum.

Introitus. Psal. 33.

Glamaverunt justī, et
Dōminus exaudivit
eos: et ex omnibus
tribulatiōnibus eorū
liberāvit eos.

Psal. ibid. Benedicam Dōminum in
omni tēpore: semper laus ejus in
ore meo. **V.** Glōria Patri.

Oratio.

Deus, qui nos ānnua beatōrum
martyrum tuōrum Marcellīni,
Petri, atque Erāsmi solemnitāte læ-
tificas: pręsta quęsumus: ut, quo-
rum gaudemus mēritis, accendāmur
exēmplis. Per Dōminum nostrum.

Lectio Epistolę beāti Pauli Apōstoli
ad Romānos. **Rom. 8. d**

Fratres, Non sunt condignę
passiōnes hujus tēporis ad
futuram glōriam, quę revelābitur in
nobis. Nam expectātiō creatūrę, re-
velatiōnem filiōrum Dei expēctat.
Vanitati enim creatūra subjēcta est
non volens, sed propter eum, qui sub-
jēcit eam in spe: quia et ipsa creatūra
liberābitur à servitute corruptiōnis,
in libertatem glōrię filiōrum Dei.
Scimus enim, quod omnis creatūra
ingemiscit, et pārturit usque adhuc.
Non solum autem illa, sed et nos ipsi
primītiās spīritus habētes: et ipsi
intra nos gēminus adoptiōnem filiō-
rum Dei expectāntes, redemptiōnem
cōrporis nostri.

Graduale. Psal. 33. Clamaverunt
justi, et Dōminus exaudivit eos: et ex
omnibus tribulatiōnibus eorū libe-
rāvit eos. **V.** Juxta est Dōminus his,
qui tribulāto sunt corde: et hūmiles
spīritu salvābit. **Allelūja, allelūja.**

V. Joann. 15. Ego vos elēgi de
mundo, ut eātis, et fructum afferātis,
et fructus vester māneat. **Allelūja.**



Sequēntia sancti Evangēlii se-
cūndum Lucam. **Lucę 21. b**

In illo tēpore: Dixit Jesus disci-
pulis suis: Cum audiēritis prę-
lia et seditiōnes, nolite terrēri: opór-
tet primum hęc fieri, sed nondum
statim finis. Tunc dicēbat illis: Sur-
get gens contra gentem, et regnum
advērsus regnum. Et terrēmōtus
magni erunt per loca, et pestilētię,
et fames, terrorēsque de cōelo, et si-
gna magna erunt. Sed ante hęc ó-
mnia injiciēnt vobis manus suas, et
persequēntur, tradēntes in synagó-
gas et custódias, trahēntes ad reges
et pręsides propter nomen meum:
cōtinget autem vobis in testimóni-
um. Pōnite ergo in cōrdibus vestris
non pręmeditāri, quemādmōdum re-
spondeātis. Ego enim dabo vobis os,
et sapiēntiam, cui non póterunt resis-
tere, et contradícere omnes adver-
sárii vestri. Tradēmini autem à pa-
rēntibus, et frātribus, et cognātis et
amícis, et morte afficiēnt ex vobis: et
éritis ódio omnibus propter nomen
meum: et capillus de cápite vestro
non peribit. In paciētia vestra pos-
sidēbitis ánimas vestras.

Offertorium. Psal. 31. Lætāmini in
Dómino, et exultāte justī: et gloriā-
mini omnes recti corde.

Secreta.

Hęc hóstia, quęsumus Dómine,
quam sanctōrum martyrum
tuōrum natalítia recensēntes offéri-
mus, et vīcula nostrę pravitatís ab-
solvat, et tuę nobis misericórdię do-
na concíliet. Per Dōminum.

Communio. Sap. 3. Justōrum áni-
mę in manu Dei sunt, et non tanget
illos tormētum malítię: visi sunt
óculis insipiēntium mori, illi autem
sunt in pace. **Postcommunio.**

Sacro múnere satiāti, súplices
ste, Dómine, deprecāmur: ut,
quod débitę servitútis celebrāmus
officio, salvatiōnis tuę sentiāmus
augmētum. Per Dōminum.

DIE IV.
S. FRANCISCI CARACCILO
Confessoris.

Introitus.

Psal. 21. et 68.



FActum est cor meum
 tamquam cera liqué-
 scens in médio ven-
 tris mei; quóniam
 zelus domus tuæ
 comédit me. **Ps. 72.** Quam bonus Is-
 rael Deus: his, qui recto sunt corde!

V. Glória Patri.

Oratio.

DEus, qui beátum Franciscum
 novi Ordinis Institutórem o-
 rándi stúdio, et pœnitentiæ amóre
 decorásti: da fámulis tuis in ejus imi-
 tatióne ita proficere; ut semper orán-
 tes, et corpus in servitútem redigén-
 tes, ad cœléstem glóriam pervenire
 mereántur. Per Dóminum nostrum.

Lectio libri Sapiéntiæ.

Sap. 4.

Justus, si morte præoccupátus
 fúerit, in refrigerio erit. Sené-
 ctus enim venerábilis est non diutúr-
 na, neque annórum número compu-
 táta: cani autem sunt sensus hóminis,
 et ætas senectútis vita immaculáta.
 Placens Deo factus est diléctus, et
 vivens inter peccatóres, translátus
 est. Raptus est, ne malítia mutáret
 intelléctum ejus, aut ne fictio decí-
 peret ánimam illius. Fascinatio enim
 nugacitátis obscurat bona, et incon-
 stántia concupiscéntiæ transvértit
 sensum sine malítia. Consummátus
 in brevi explévit témpora multa: plá-
 cita enim erat Deo ánimá illius: pro-
 pter hoc properávit educere illum de
 médio iniquitátum

Graduale. Ps. 41. Quemádmódum
 desíderat cervus ad fontes aquárum,
 ita desíderat ánimá mea ad te, Deus.

V. Ps. ib. Sitívit ánimá mea ad De-
 um fortem vivum. Allelúja, allelúja.

V. Psal. 72. Defécit caro mea, et cor
 meum. Deus cordis mei, et pars mea
 Deus in ætérnum. Allelúja.

**Tempore Paschali omittitur Gra-
 duale, et ejus loco dicitur:**

Allelúja, allelúja.

V. Ps. 64. Beátus quem elegísti, et
 assumpsísti, inhabitábit in átriis tuis.
 Allelúja.

V. Ps. 111. Dispérsit, dedit paupé-
 ribus, justítia ejus manet in sœcu-
 lum sœculi. Allelúja.



**Sequéntia sancti Evangélii se-
 cúndum Lucam. Luc. 12. c**

IN illo témpore: Dixit Jesus discí-
 pulis suis: Sint lumbi vestri præ-
 cincti, et lucernæ ardéntes in máni-
 bus vestris, et vos símiles homínibus
 expectántibus dóminum suum, quan-
 do revertátur à núptiis: ut cum vé-
 nerit, et pulsáverit, conféstim apéri-
 ant ei. Beáti servi illi, quos cum vé-
 nerit dóminus invénerit vigilántes:
 amen dico vobis, quod præcínget se,
 et fáciat illos discúmbere, et tránsiens
 ministrábit illis. Et si vénerit in se-
 cúnda vigília, et si in tértia vigília
 vénerit, et ita invénerit, beáti sunt
 servi illi. Hoc autem scitóte, quón-
 iam si sciret paterfamílias qua hora
 fur veníret, vigiláret útique, et non
 sínereť pérfodi domum suam. Et vos
 estóte paráti, quia qua hora non pu-
 tátis, Fílius hóminis véniet.

Offertorium. Ps. 91. Justus ut pal-
 ma florébit: sicut cedrus Líbani mul-
 tiplicábitur.

Secreta.

DA nobis, clementíssime Jesu,
 ut præclára beáti Francisci
 mérita recoléntes, eódem nos, ac ille,
 caritátis igne succénsi, digne in cir-
 cuitu sacræ hujus mensæ tuæ esse
 valeámus. Qui vivis et regnas.

Communio. Ps. 30. Quam magna
 multitúdo dulcédinis tuæ, Dómine,
 quam abscondísti tíméntibus te.

Postcommunio.

SAcrosánci sacrificii, quæsumus
 Dómine, quod hódie in solemni-
 tate beáti Francisci, tuæ obtúlimus
 majestáti, grata semper in méntibus
 nostris memória persevéret et fru-
 ctus. Per Dóminum.

Festa Junii.

DIE VI.
S. NORBERTI EPISCOPI
et Confessoris.

Missa. Státuit. de Communi Conf.
Pontif. fol. xiii. præter Orationem seq.
Oratio.

DEus, qui beátum Norbértum, Confessórem tuum atque Pontíficem, verbi tui præcónem exímium effecísti, et per eum Ecclésiám tuam nova prole fecundásti: præsta quæsumus; ut, ejúsdem suffragántibus méritis, quod ore simul et ópere dócuit, te adjuvánte exercére valeámus. Per Dóminum nostrum.

DIE IX.
SS. PRIMI ET FELICIANI
Martyrum.

Introitus Eccli. 44.



Apiéntiam sanctórum narrent pópuli, et laudes eórum núniet Ecclésia: nómina autem eórum vivent in sæculum sæculi. **Psal. 32. Exultáte justí in Dómino: rectos decet collaudátio.**

V. Glória Patri. Oratio.

FAc nos, quæsumus Dómine, sanctórum mártýrum tuórum Primi, et Feliciáni semper festa sectári: quorum suffrágiis protectionis tuæ dona sentiámus. Per Dóminum.

Léctio libri Sapiéntiæ. Sap. 5. c

Justi autem in perpétuum vivent, et apud Dóminum est merces eórum, et cogitátio illórum apud Altíssimum. Ideo accipient regnum decóris, et diadéma speciéi de manu Dómini: quóniam dextera sua teget eos, et bráchio sancto suo deféndet illos. Accípiet armatúram zelus illíus, et armábit creatúram ad ulciónem inimicórum. Induet pro thoráce justítiam, et accípiet pro gálea judícium certum. Sumet scutum inexpugnábile æquitátem.

Graduale. Ps. 88. Confitebúntur cœli mirabilia tua, Dómine: étenim veritátem tuam in Ecclésia sanctórum.

V. Misericórdias tuas, Dómine, in ætérnum cantábo, in generatióne et progénie. Allelúja, allelúja.

V. Hæc est vera fraternitas, quæ vicit mundi crimina: Christum secúta est, inclyta tenens regna cœléstia. Allelúja.



Sequéntia sancti Evangélíi secúndum Matthæum. Matth. 11. d

IN illo témpore: Respóndens Jesus, dixit: Confíteor tibi, Pater Dómine cœli et terræ, quia abscondísti hæc à sapiéntibus et prudéntibus, et revelásti ea párvulis. Ita, pater: quóniam sic fuit plácitum ante te. Omnia mihi trádicta sunt à patre meo. Et nemo novit fílium, nisi pater: neque patrem quis novit, nisi fílius, et cui volúerit fílius reveláre. Veníte ad me omnes qui laborátis, et onerátí estis, et ego refíciam vos. Tóllite jugum meum super vos, et discite à me, quia mitis sum et húmilis corde: et inveniétis réquiem animábus vestris. Jugum enim meum suave est, et onus meum leve.

Offertorium. Ps. 67. Mirábilis Deus in sanctis suis: Deus Israel ipse dabit virtútem et fortitúdinem plebi suæ: benedíctus Deus, allelúja.

Secreta.

Fiat tibi, quæsumus Dómine, hóstia sacránda placábilis, pretiósi celebritáte martyrii: quæ et peccáta nostra puríficet, et tuórum tibi vota concíliet famulórum. Per Dóminum.

Communio. Joan. 13. Ego vos elégi de mundo, ut eátis, et fructum afferátis: et fructus vester máneat.

Postcommunio.

Quæsumus omnipotens Deus: ut sanctórum mártýrum tuórum Primi, et Feliciáni cœléstibus mystériis celebráta solémnitas, indulgéntiam nobis tuæ propitiatiónis acquirat. Per Dóminum nostrum.



Festa Junii.

DIE X.
S. MARGARITÆ REGINÆ
SCOTIÆ.

Missa. Cognóvi. de Communi nec
Virginum nec Martyrum. fol. xxvi.
præter Orationem seq. Oratio.

DEus, qui beátam Margarítam
 regínam exímia in páuperes
 caritate miráblem effecísti: da, ut
 ejus intercessióne et exémplo tua in
 córdibus nostris caritas júgiter au-
 geátur. Per Dóminum nostrum.

DIE XI.
S. BARNABÆ APOSTOLI.

¶ **Notandum, quod si hoc Festum**
celebretur tempore Paschali, Missa
dicitur ut supra in Festo S. Marci,
fol. 376. præter Orationes, Episto-
lam, et Evangelium, quæ sumuntur
ex Missa sequenti.

Si vero fuerit post tempus Pascha-
le, Missa erit sequens.



Introitus. Psal. 138
 Ihi autem nimis ho-
 noráti sunt, amíci tui
 Deus: nimis confor-
 tátus est principátus
 eórum.

Psal. ibid. Dómine probásti me, et
cognovísti me: tu cognovísti sessi-
onem meam et resurrectionem meam.

V. Glória Patri. Oratio.

DEus, qui nos beáti Bárnabæ
 Apóstoli tui méritis et interces-
 sione lætíficas: concéde propítius; ut
 qui tua per eum beneficia póscimus,
 dono tuæ grátiae consequámur. Per
 Dóminum nostrum.

Lectio Actuum Apostolorum.

Act. 11. et 13. c

IN diébus illis: Multus númerus
 credéntium Antiochiæ convér-
 sus est ad Dóminum. Pervénit au-
 tem sermo ad aures Ecclesiæ, quæ
 erat Jerosólymis super istis: et mi-
 sérunt Bárnabam usque ad Antio-
 chiam. Qui cum pervenisset, et vi-
 disset grátiam Dei: gávisus est, et

hortabátur omnes in propósito cordis
 permanére in Dómino, quia erat vir
 bonus, et plenus Spíritu sancto, et
 fide. Et appósita est multa turba Dó-
 mino. Proféctus est autem Bárnabas
 Tarsum, ut quæreret Sáulum: quem
 cum invenisset, perdúxit Antiochiam.
 Et annum totum conversáti sunt ibi in
 Ecclesiá: et docuérunt turbam mul-
 tam, ita ut cognominaréntur primum
 Antiochiæ discípuli, Christiáni. E-
 rant autem in Ecclesiá, quæ erat An-
 tiochiæ, prophætæ et doctóres, in qui-
 bus Bárnabas, et Simon, qui vocabá-
 tur Niger, et Lúcius Cyrenénsis, et
 Mánahen, qui erat Heródis Tetrár-
 chæ collactáneus, et Saulus. Mini-
 strántibus autem illis Dómino, et je-
 junántibus, dixit illis Spíritus sanctus:
 Segregáte mihi Sáulum et Bárnabam
 in opus, ad quod assúmpsi eos. Tunc
 jejunántes, et orántes, imponentes-
 que eis manus, dimisérunt illos.

Graduale. Psal. 18. In omnem ter-
ram exívit sonus eórum: et in fines
orbis terræ verba eórum.

V. Cœli enarrant glóriam Dei: et
ópera mánuum ejus annúntiat fir-
mamentum. Allelúja, allelúja.

V. Joan. 15. Ego vos elégi de mun-
do ut eátis, et fructum afferátis: et
fructus vester máneat. Allelúja.

Sequéntia sancti Evangélíi se-
cúndum Matthæum. Matth. 10. b

IN illo témpore: Dixit Jesús discí-
 pulis suis: Ecce ego mitto vos
 sicut oves in médio lupórum. Estóte
 ergo prudéntes sicut serpéntes, et
 simplices sicut colúmbæ. Cavéte au-
 tem ab homínibus. Tradent enim vos
 in concíliis, et in synagógis suis fla-
 gellábunt vos: et ad præsides, et ad
 reges ducémini propter me, in testi-
 mónium illis, et géntibus. Cum au-
 tem tradent vos, nolite cogitáre quó-
 modo aut quid loquámini: dábitur
 enim vobis in illa hora quid loquá-
 mini. Non enim vos estis qui loquí-
 mini, sed Spíritus Patris vestri, qui

Festa Junii.

lóquitur in vobis. Tradet autem frater fratrem in mortem, et pater filium: et insúrgent filii in paréntes, et morte eos afficient: et éritis ódio ómnibus propter nomen meum: qui autem perseveráverit usque in finem, hic salvus erit. **Credo.**

Offertorium. Psal. 44. Constitues eos príncipes super omnem terram: mémoires erunt nóminis tui, Dómine, in omni progénie et generatióne.

Secreta.

M Unera, Dómine, obláta sanctífica: et intercedénte beáto Bárnaba Apóstolo tuo, nos per hæc à peccatórum nostrórum máculis emúnda. Per Dóminum nostrum.

Præfatio de Apost. fol. 200. vel 218.

Communio. Matth. 19. Vos, qui secúti estis me, sedébitis super sedes, judicántes duódecim tribus Israel.

Postcommunio.

S upplices te rogámus, omnípotens Deus: ut, quos tuis réficis sacraméntis, intercedénte beáto Bárnaba Apóstolo tuo, tibi etiam plácitis móribus dignánter tríbuas deservíre. Per Dóminum nostrum.

DIE XII.

S. JOANNIS A S. FACUNDO

Confessoris.

Missa. Os just. de Communi Confessoris non Pontif. fol. xvii. præter Orationem sequentem. Oratio.

D eus auctor pacis, et amátor caritátis, qui beátum Joánnem Confessórem tuum mirífica dissidentes componéndi grátia decorásti: ejus méritis et intercessióne concéde; ut in tua caritáte firmáti, nullis à te tentatiónebus separémur. Per Dóminum.

Et fit commemoratio SS. Basilidis, Cyrini, Naboris et Nazarii Martyrum cum Oratione ex sequenti Missa.

**EADEM DIE.**

SS. MART. BASILIDIS, CYRINI, NABORIS, et NAZARII.

Introitus.**Psal. 78.**

I ntret in conspéctu tuo, Dómine, gémitus compeditórum: redde vicinis nostris séptuplum in sinu eórum: víndica sánguinem sanctórum tuórum, qui effúsus est.

Psal. ibid. Deus, venérunt gentes in hæreditátem tuam, polluérunt templum sanctum tuum: posuérunt Jerúsalem in pomórum custódiam.

V. Glória Patri.

Oratio.

S anctorum mártirum tuórum Basílidis, Cyríni, Náboris, atque Nazárii, quæsumus Dómine, natalítia nobis votíva respléndeant: et quod illis cóntulit excelléntia sempitérna, frúctibus nostræ devotiónis accréscat. Per Dóminum nostrum.

Léctio Epístolæ beáti Pauli Apóstoli ad Hebræos.

Hebr. 10. f

F ratres, Rememorámini prístinos dies, in quibus illumináti, magnum certámen sustinuístis passiónum: et in áltero quidem opprobriis, et tribulatiónebus spectáculum facti, in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliorem et manéntem substántiam. Nolíte itaque amittere confidéntiam vestram, quæ magnam habet remuneratióne. Patiéntia enim vobis necessária est: ut voluntátem Dei faciéntes, reportétis promissióne. Adhuc enim módicum aliquántulum, qui ventúrus est, véniet, et non tardábit. Justus autem meus ex fide vivit.

Graduale. Psal. 78. Víndica, Dómine, sánguinem sanctórum tuórum, qui effúsus est.

Festa Junii.

V. Posuérunt mortália servórum tuórum escas volatilibus cœli: carnes sanctórum tuórum béstiis terræ.

Allelúja, allelúja.

V. Eccli. 44. Córpora sanctórum in pace sepúlta sunt: et nómina eórum vivent in generatióem et generatióem. **Allelúja.**

Sequéntia sancti Evangéli secúndum Matthæum. Mtth. 24.

In illo témpore: Sedénte Jesu super montem Olivéti, accessérunt ad eum discipuli secréto, dicétes: Dic nobis, quando hæc erunt? et quod signum advéntus tui, et consummationis sæculi? Et respóndens Jesus, dixit eis: Vidéte, ne quis vos sedúcat. Multi enim vénient in nómine meo, dicétes: Ego sum Christus: et multos sedúcent. Auditóri enim estis prælia, et opinióes præliórum. Vidéte, ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum: et erunt pestiléntiæ, et fames, et terræmótus per loca. Hæc autem ómnia inítia sunt dolórum. Tunc tradent vos in tribulatióem, et occídent vos: et éritis ódio ómnibus géntibus propter nomen meum. Et tunc scandalizabúntur multi, et ínvicem tradent, et ódio habébunt ínvicem. Et multi pseudoprophétæ surgent, et sedúcent multos. Et quóniam abundávit iníquitas, refrigéscet caritas multórum. Qui autem perseveráverit usque in finem, hic salvus erit.

Offertorium. Psal. 149. Exultábunt sancti in glória, lætabúntur in cubilibus suis: exaltatióes Dei in fáucibus eórum.

Secreta.

Pro sanctórum tuórum Basílidis, Cyríni, Náboris, atque Nazárii sáanguine venerádo hóstias tibi, Dómine, solémniter immolámus, tua mirabilia pertractátes: per quem talis est perfécta victória. **Per Dóminum.**

Communio. Psal. 78. Posuérunt mortália servórum tuórum, Dómine,

escas volatilibus cœli, carnes sanctórum tuórum béstiis terræ, secúndum magnitúdinem bráchii tui pösside filios morte punitórum.

Postcommunio.

Semper, Dómine, sanctórum mártyrum tuórum Basílidis, Cyríni, Náboris, atque Nazárii solémnia celebrátes: præsta quæsumus; ut eórum patrocínia júgiter sentiámus. **Per Dóminum nostrum.**

DIE XIII.

S. ANTONII de PADUA Confess.

Introitus. Psal. 36.



S justi meditábitur sapiéntiam, et lingua ejus loquétur judícium: lex Dei ejus in corde ipsíus.

Ps. ibid. Noli æmulári in malignántibus: neque zeláveris faciéntes iniquitátem. **V. Glória Patri.**

Oratio.

Ecclésiám tuam, Deus, beáti Antónii confessóris tui solémnitas votíva lætíficet: ut spirituálibus semper muniátur auxiliis, et gáudiis pérfrui mereátur ætérnis. **Per Dóminum.** **Léctio Epístolæ beáti Pauli Apóstoli ad Corínthios. 1. Cor. 4. b**

Fratres, Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurímus, et sitímus, et nudi sumus, et cólaphis cædimur, et instábiles sumus, et laborámus operátes mánibus nostris: maledícimur, et benedicimus: persecutióem pátimur, et sustinémus: blasphemámur, et obsecrámus: tamquam purgaménta hujus mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos caríssimos móneo: in Christo Jesu Dómino nostro.

Festa Junii.

Graduale. Ps. 91. Justus ut palma florébit: sicut cedrus Líbani multiplicábitur in domo Dómini.

V. Ad annuntiándum mane misericórdiam tuam, et veritátem tuam per noctem. **Allelúja, allelúja.**

V. Eccli. 45. Amávit eum Dóminus, et ornávit eum: stolam glóriæ induit eum. **Allelúja.**

Sequéntia sancti Evangélíi secúndum Lucam. Lucæ 12. e

IN illo témpore: Dixit Jesus discí-
pulis suis: Sint lumbi vestri præ-
cincti, et lucernæ ardéntes in máni-
bus vestris, et vos, símiles homínibus
expectántibus dóminum suum, quan-
do revertátur à núptiis: ut cum vé-
nerit, et pulsáverit, conféstim apéri-
ant ei. Beáti servi illi, quos, cum vé-
nerit dóminus, invénerit vigilántes:
Amen dico vobis, quod præcinget se,
et fáciat illos discumbere, et tránsiens
ministrábit illis. Et si vénerit in se-
cúnda vigília, et si in tértia vigília
vénerit, et ita invénerit, beáti sunt
servi illi. Hoc autem scitóte, quóni-
am si sciret paterfamílias, qua hora
fur veníret, vigiláret útique, et non
sineret pérfodi domum suam. Et vos
estóte paráti: quia qua hora nón pu-
tátis, Fílius hóminis véniet.

Offertorium. Ps. 88. Véritas mea,
et misericórdia mea cum ipso: et in
nómine meo exaltábitur cornu ejus.

Secreta.

PRæsens oblátio fiat, Dómine,
pópulo tuo salutáris: pro quo di-
gnátus es Patri tuo te vivéntem hó-
stiam immoláre: qui cum eódem Deo
Patre, et spíritu sancto vivis et re-
gnas Deus, per ómnia sæcula sæcu-
lórum.

Communio. Matth. 24. Beátus ser-
vus, quem, cum vénerit dóminus, in-
vénerit vigilántem: amen dico vobis,
super ómnia bona sua constituet eum.

Postcommunio.

DIvinis, Dómine, munéribus sa-
tiáti: quæsumus; ut beáti An-
tónii Confessóris tui méritis et inter-

cessióne, salutáris sacrificii sentiá-
mus efféctum. **Per Dóminum.**

DIE XIV.

**S. BASILII EPISCOPI CONF.
et DOCTORIS.**

Introitus.**Eccli. 15.**

IN médio Ecclésiæ apé-
ruit os ejus: et implevit
eum Dóminus spíritu
sapiéntiæ et intelléctus:
stolam glóriæ induit
eum. **Psal. 91.** Bonum est confitéri
Dómino: et psállere nómini tuo, Al-
tissime. **V.** Glória Patri.

Oratio.

EXáudi quæsumus, Dómine, pre-
ces nostras, quas in beáti Ba-
silii Confessóris tui, atque Pontíficis
solemnitáte deférimus: et, qui tibi di-
gne méruit famulári, ejus interce-
déntibus méritis, ab ómnibus nos ab-
sólve peccátis. **Per Dóminum.**

**Léctio Epístolæ beáti Pauli Apóstoli
ad Timótheum. 2. Tim. 4.**

CARÍSSIME, Testíficor coram Deo,
et Jesu Christo, qui judicatúrus
est vivos et mórtuos, per advéntum
ipsius, et regnum ejus: prædica ver-
bum, insta opportúne, importúne: ár-
gue, óbsecra, increpa in omni patién-
tia, et doctrína. Erit enim tempus,
cum sanam doctrínam non sustiné-
bunt, sed ad sua desidéria coacervá-
bunt sibi magístros, pruriéntes áu-
ribus: et à veritáte quidem auditum
avértent, ad fábulas autem conver-
téntur. Tu vero vígila, in ómnibus
labóra, opus fac Evangelístæ, mini-
stérium tuum imple. Sóbrius esto.
Ego enim jam delíbor, et tempus re-
solútionis meæ instat. Bonum certá-
men certávi, cursum consummávi,
fidem servávi. In réliquo repósita est
mihi coróna justítiæ, quam reddet mi-
hi Dóminus in illa die justus judex:
non solum autem mihi, sed et iis, qui
diligunt advéntum ejus.

Festa Junii.

Graduale. Psal. 36. Os justi meditabitur sapientiam: et lingua ejus loquetur judicium.

V. Lex Dei ejus in corde ipsius: et non supplantabuntur gressus ejus.

Allelúja, allelúja.

V. Psal. 88. Inveni David servum meum, oleo sancto meo unxi eum. **Allelúja.**

Sequéntia sancti Evangélíi secúndum Lucam. Luc. 14. f

IN illo tempore: Dixit Jesus turbis: Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et qui non bajulat crucem suam, et venit post me, non potest meus esse discipulus. Quis enim ex vobis volens turrim ædificare, non prius sedens computat sumptus, qui necessarii sunt, si habeat ad perficiendum; ne, posteaquam posuerit fundamentum, et non potuerit perficere, omnes, qui vident, incipiant illudere ei, dicentes: Quia hic homo cepit ædificare, et non potuit consummare? Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se? Alioquin adhuc illo longe agente, legationem mittens, rogat ea, quæ pacis sunt. Sic ergo omnis ex vobis, qui non renuntiat omnibus quæ possidet, non potest meus esse discipulus. Bonum est sal. Si autem sal evanuerit, in quo condietur? Neque in terram, neque in sterquilinum utile est: sed foras mittetur. Qui habet aures audiendi, audiat. **Credo.**

Offertorium. Ps. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

Sancti Basilii Confessoris tui atque Pontificis, quæsumus Domine, annua sollemnitas pietati tuæ nos reddat acceptos: ut per hæc piæ

placationis officia, et illum beata retributio comitetur, et nobis gratiæ tuæ dona conciliet. **Per Dominum.**

Communio. Luc. 12. Fidelis servus et prudens, quem constituit dominus super familiam suam: ut det illis in tempore tritici mensuram.

Postcommunio.

DEus, fidelium remunerator animarum, præsta: ut beati Basilii Confessoris tui, atque Pontificis, cujus venerandam celebramus festivitatem, precibus indulgentiam consequamur. **Per Dominum nostrum.**

DIE XV.

SS. MART. VITI, MODESTI, atque CRESCENTIÆ.



Introitus. Psal. 33.

Ultæ tribulationes justorum, et de his omnibus liberavit eos Dominus: Dominus custodit omnia ossa eorum: unum ex his non conteretur.

Psal. ibid. Benedicam Dominum in omni tempore: semper laus ejus in ore meo. **V.** Glória Patri.

Oratio.

DA Ecclesiæ tuæ, quæsumus Domine, sanctis martyribus tuis Vito, Modesto, atque Crescentia intercedentibus, superbe non sapere, sed tibi placita humilitate proficere: ut prava despiciens, quæcumque recta sunt, libera exerceat caritate. **Per Dominum nostrum.**

Lectio libri Sapientiæ.

Sap. 3.

Justorum animæ in manu Dei sunt, et non tanget illos tormentum mortis. Visi sunt oculis insipientium mori: et æstimata est afflictio exitus illorum: et quod à nobis est iter, exterminium: illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis bene disponentur: quoniam Deus tentavit eos, et invenit

Festa Junii.

illos dignos se. Tamquam aurum in fornace probavit illos, et quasi holocausti hostiam accepit illos, et in tempore erit respectus illorum. Fulgebunt justi, et tamquam scintillae in arundine discurrent. Judicabunt nationes, et dominabuntur populis, et regnabit Dominus illorum in perpetuum.

Graduale. Psal. 149. Exultabunt sancti in gloria: laetabuntur in cubilibus suis.

V. Cantate Domino canticum novum: laus ejus in Ecclesia sanctorum.

Alleluya, alleluya.

V. Psal. 144. Sancti tui, Domine, benedicent te: gloriam regni tui dicent. **Alleluya.**

 **Sequentia sancti Evangelii secundum Lucam. Luc. 10. c**

In illo tempore: Dixit Jesus discipulis suis: Qui vos audit, me audit, et qui vos spernit, me spernit. Qui autem me spernit, spernit eum, qui misit me. Reversi sunt autem septuaginta duo cum gaudio, dicentes: Domine, etiam demonia subjiciuntur nobis in nomine tuo. Et ait illis: Videbam satanam sicut fulgur de caelo cadentem. Ecce dedi vobis potestatem calcandi supra serpentes, et scorpiones, et super omnem virtutem inimici: et nihil vobis nocabit. Verumtamen in hoc nolite gaudere, quia spiritus vobis subjiciuntur: gaudete autem, quod nomina vestra scripta sunt in caelis.

Offertorium. Ps. 67. Mirabilis Deus in sanctis suis: Deus Israel ipse dabit virtutem et fortitudinem plebi suae: benedictus Deus. **Secreta.**

Sicut gloriam divinae potentiae munera pro sanctis oblata testantur: sic nobis effectum, Domine, tuae salvationis impendant. Per Dominum nostrum.

Communio. Sap. 3. Justorum animae in manu Dei sunt, et non tanget illos tormentum malitiae: visi sunt

oculis insipientium mori, illi autem sunt in pace. **Postcommunio.**


Repleti, Domine, benedictione solenni, quaesumus: ut per intercessionem sanctorum martyrum tuorum Viti, Modesti, et Crescentiae, medicina sacramenti et corporibus nostris prosit, et mentibus. Per Dominum nostrum.

DIE XVIII.

SS. MARCI, et MARCELLIANI

Martyrum.

Introitus. Psal. 36.



Alus autem justorum a Domino: et protector eorum est in tempore tribulationis.

Ps. ib. Noli aemulari in malignantibus: neque zelaveris facientes iniquitatem.

V. Gloria Patri.

Oratio.

Praesta, quaesumus omnipotens Deus: ut qui sanctorum martyrum tuorum Marci et Marcelliani natalitia colimus; a cunctis malis imminentibus, eorum intercessionibus liberemur. Per Dominum nostrum.

Lectio Epistolae beati Pauli Apostoli ad Romanos. Rom. 5.

Fratres, Justificati ex fide, pacem habeamus ad Deum per Dominum nostrum Jesum Christum: per quem et habemus accessum per fidem in gratiam istam, in qua stamus, et gloriamur in spe gloriae filiorum Dei. Non solum autem, sed et gloriamur in tribulationibus: scientes quod tribulatio patientiam operatur, patientia autem probationem, probatio vero spem, spes autem non confundit: quia caritas Dei diffusa est in cordibus nostris per Spiritum sanctum, qui datus est nobis.

Graduale. Sap. 3. Justorum animae in manu Dei sunt, et non tanget illos tormentum malitiae.

V. Visi sunt oculis insipientium mori: illi autem sunt in pace.

Alleluya, alleluya.

V. Hæc est vera fraternitas, quæ numquam pótuit violári certámine: qui effúso sángine, secúti sunt Dóminum. Allelúja.

Sequéntia sancti Evangélíi secúndum Lucam. Lucæ 11. f

IN illo témpore: Dicébat Jesus Scribis et Phariséis: Væ vobis, qui ædificátis monuménta Prophétarum, patres autem vestri occiderunt illos. Profécto testificámini quod consentítis opéribus patrum vestrorum: quóniam ipsi quidem eos occiderunt, vos autem ædificátis eórum sepúlchra. Proptérea et sapiéntia Dei dixit: Mittam ad illos Prophétas et Apóstolos, et ex illis occident, et persequéntur: ut inquirátur ságuis ómnium Prophetarum, qui effúsus est, à constitutióne mundi à generatióne ista, à sángine Abel, usque ad ságuinem Zachariæ, qui périit inter altáre et ædem. Ita dico vobis, requirétur ab hac generatióne.

Offertorium. Psal. 123. Anima nostra, sicut passer, erépta est de láqueo venántium: láqueus contrítus est, et nos liberáti sumus.

Secreta.

MUnera tibi, Dómine, dicáta sanctífica: et intercedéntibus sanctis martyribus tuis Marco et Marcelliáno, per éadem nos placátus inténde. Per Dóminum nostrum.

Communio. Matth. 25. Amen dico vobis, quod uni ex mínimis meis fecístis, mihi fecístis: veníte benedícti Patris mei, possidéte parátum vobis regnum ab inítio sæculi.

Postcommunio.

SAlutáris tui, Dómine, múnere satiáti súplices exorámus: ut, cuius lætámur gustu, intercedéntibus sanctis martyribus tuis Marco et Marcelliáno, renovémur efféctu. Per Dóminum nostrum.



DIE XIX.

SANCTÆ JULIANÆ

de **FALCONERIIS** Virginis.

Missa. Dilexísti justítiam. de Comuni Virginum. fol. xxiii. præter Orationem sequentem Oratio.

DEus, qui beátam Juliánam virginem tuam, extrémó morbo laborántem, pretióso Fílii tui Córpo-re mirábiliter recreáre dignátus es: concéde quæsumus; ut, ejus intercedéntibus méritis, nos quoque eódem in mortis agóne refécti ac roboráti, ad coeléstem pátriam perducámur. Per eúmdem Dóminum nostrum.

Deinde fit commemoratio de Sanctis Martyribus Gervasio et Protasio, cum Orationibus, ut in sequenti Missa propria.

EADEM DIE.

SS. GERVASII ET PROTASII

Martyrum.

Introitus. Psal. 84.



Oquetur Dóminus pacem in plebem suam, et super sanctos suos, et in eos, qui convertúntur ad ipsum.

Psal. ibid. Benedixísti, Dómine, terram tuam: avertísti captivitátem Jacob. **V.** Glória Patri.

Oratio.

DEus, qui nos ánnua sanctórum mártýrum tuórum Gervásii et Protásii solemnitáte lætíficas: concéde propítius; ut quórum gaudémus méritis, accendámur exémpis. Per Dóminum nostrum.

Léctio Epístolæ beáti Petri Apóstoli.

1. Petr. 4. c.

CAríssimi, Communicántes Christi passióibus, gaudéte, ut et in revelatióne glóriæ ejus gaudeátis exultántes. Si exprobrámini in nómine Christi, beáti éritis: quóniam quod est honóris, glóriæ, et virtútis Dei, et qui est ejus spíritus, super vos

requiescit. Nemo autem vestrum patiatur ut homicida, aut fur, aut maledicus, aut alienorum appetitor. Si autem ut Christianus, non erubescat: glorificet autem Deum in isto nomine. Quoniam tempus est, ut incipiat iudicium a domo Dei. Si autem primum a nobis: quis finis eorum, qui non credunt Dei Evangelio? Et si justus vix salvabitur, impius et peccator ubi parabunt? Itaque et hi, qui patiuntur secundum voluntatem Dei, fidei Creatori commendent animas suas in benefactis.

Graduale. Exod. 15. Gloriosus Deus in sanctis suis: mirabilis in maiestate, faciens prodigia.

V. Dextera tua, Domine, glorificata est in virtute: dextera manus tua confrégit inimicos.

Allelúja, allelúja.

V. Hæc est vera fraternitas, quæ vicit mundi crimina: Christum secuta est, incluta tenens regna cœlestia. Allelúja.

Sequentia sancti Evangelii secundum Lucam. **Luc. 6. c**

IN illo tempore: Descendens Jesus de monte, stetit in loco campèstri, et turba discipulorum ejus, et multitudo copiosa plebis ab omni Judæa, et Jerúsalem, et maritima, et Tyri, et Sidónis, qui venerant ut audirent eum, et sanarentur a languoribus suis. Et qui vexabantur a spiritibus immundis, curabantur. Et omnis turba quærebat eum tangere: quia virtus de illo exibat, et sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabimini. Beati qui nunc fletis: quia ridebitis. Beati eritis cum vos oderint homines, et cum separaverint vos, et exprobraverint, et ejecerint nomen vestrum tamquam malum propter Filium hominis. Gaudete in illa die, et exultate: ecce enim merces vestra multa est in cœlo.

Offertorium. Psal. 31. Lætâmini in Domino, et exultate justi: et gloriâmini omnes recti corde. **Secreta.**

Oblâtis, quæsumus Domine, placare munéribus: et intercedentibus sanctis martyribus tuis, a cunctis nos defende periculis. Per Dominum nostrum.

Communio. Ps. 78. Posuerunt mortalia servorum tuorum, Domine, escas volatilibus cœli, carnes sanctorum tuorum bestiis terræ: secundum magnitudinem brachii tui posside filios morte punitorum.

Postcommunio.

Hæc nos communio, Domine, purget a crimine: et intercedentibus sanctis martyribus tuis Gervasio et Protasio, cœlestis remédii faciat esse consortes. Per Dominum.

DIE XX.

S. SILVERII PAPÆ, et Mart.

Introitus. Eccli. 45.



Tâtuit ei Dominus testamentum pacis, et principem fecit eum: ut sit illi sacerdotii dignitas in ætérnum.

Psal. 131. Meménto Domine, David, et omnis mansuetudinis ejus.

V. Glória Patri.

Oratio.

Infirmitatem nostram respice, omnipotens Deus: et, quia pondus propriæ actionis gravat, beati Silverii, mártiris tui atque pontificis, intercessio gloriósa nos protégat. Per Dominum nostrum.

Lectio Epistolæ beati Judæ Apóstoli.

Carissimi, Mémoires estóte verborum, quæ prædicta sunt ab Apóstolis Domini nostri Jesu Christi, qui dicebant vobis, quoniam in novissimo tempore vénient illusóres, secundum desidéria sua ambulantes in impietatibus. Hi sunt, qui ségregant semetipsos, animales, spiritum non habentes. Vos autem, carissimi, superædificantes vosmetipsos sanctissimæ vestræ fidei, in Spiritu san-

Festa Junii.

cto orántes, vosmetípsos in dilectióne Dei serváte, expectántes misericórdiam Dómini nostri Jesu Christi in vitam ætérnam.

Graduale. Psal. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

V. Nihil proficiet inimícus in eo: et filius iniquitátis non nocébit ei.

Allelúja, allelúja.

V. Ps. 109. Tu es sacérdos in ætérnum secúndum órđinem Melchisedech. **Allelúja.**

Sequéntia sancti Evangélíi secúndum Lucam. Lucæ 14. d

IN illo témpore: Dixit Jesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discípus. Et qui non bájulat crucem suam, et venit post me, non potest meus esse discípus. Quis enim ex vobis volens turrim ædificáre, non prius sedens cómputat sumptus, qui necessárii sunt, si hábeat ad perficiéndum? ne, póstea-quam posúerit fundaméntum, et non potúerit perfícere, omnes, qui vident, incípíant illúdere ei dicéntes: Quia hic homo cœpit ædificáre, et non pó-tuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem míllibus occúr-rere ei, qui cum vigínti míllibus venit ad se? alióquin adhuc illo longe agente, legationem mittens, rogat ea, quæ pacis sunt. Sic ergo omnis ex vobis, qui non renúnciat ómnibus quæ póssidet, non potest meus esse discípus.

Offertorium. Psal. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

Hostias tibi, Dómine, beáti Silvérii, mártýris tui atque pontíficis, dicátas méritis, benígnus

assúme: et ad perpétuum nobis tríbue proveníre subsidium. **Per Dóminum.**

Communio. ib. Semel jurávi in sancto meo: semen ejus in ætérnum manébit: et sedes ejus sicut sol in conspéctu meo, et sicut luna perfécta in ætérnum, et testis in cœlo fidélis.

Postcommunio.

Refécti participatióne múnieris sacri, quæsumus Dómine Deus noster: ut, cujus exéquimur cultum, intercedénte beáto Silvério, mártýre tuo atque pontífice, sentiámus efféctum. **Per Dóminum.**

DIE XXII.

S. PAULINI EPISC. ET CONF.



Introitus. Ps. 131.

Acerdótes tui, Dómine, induant justítiam, et sancti tui exúltent: propter David servum tuum non avértas fáciem Christi tui.

Psal. ibid. Meménto, Dómine, David: et omnis mansuetúdinis ejus.

V. Glória Patri.

Oratio.

DA quæsumus omnipotens Deus: ut, beáti Paulíni, confessóris tui atque pontíficis, veneránda solémnitas, et devotióne nobis áugeat, et salútem. **Per Dóminum nostrum.**

Léctio Epístolæ beáti Pauli Apóstoli ad Corínthios. 2. Cor. 8. b

FRatres, Scitis grátiam Dómini nostri Jesu Christi, quóniam propter vos egénus factus est, cum esset dives, ut illíus inópia vos dívites essétis. Et consílium in hoc do: hoc enim vobis útile est, qui non solum fácere, sed et velle cœpístis ab anno prióre. Nunc vero et facto perfícite, ut, quemádmódum promptus est ánimus voluntátis, ita sit et perficiéndi ex eo, quod habétis. Si enim volúntas prompta est; secúndum id quod habet, accépta est, non secúndum id quod non habet. Non enim ut áliis sit remíssio, vobis autem tribu-

Festa Junii.

látio, sed ex æqualitáte. In præsentí tẽpore vestra abundántia illórum inópiam súppleat, ut et illórum abundántia vestræ inópiæ sit supplemẽtum, ut fiat æquálitas, sicut scriptum est; Qui multum, non abundávit: et qui módicum, non minorávit.

Graduale. Eccli. 44. Ecce sacerdos magnus, qui in diébus suis plácuít Deo. **V.** Non est invéntus símilis illi, qui conserváret legem Excélsi.

Allelúja, allelúja.

V. Ps. 109. Tu es sacerdos in ætérnum secúndum órđinem Melchíse-dech. **Allelúja.**

 **Sequéntia sancti Evangélíi secúndum Lucam. Luc. 12. d**

IN illo tẽpore: Dixit Jesus discí-pulis suis: Nolíte timére pusíllus grex, quia complácuít Patri vestro dare vobis regnum. Véndite quæ possidétis, et date eleemósynam. Fá-cite vobis sácculos, qui non veterá-scunt, thesáurum non deficiéntem in cœlis, quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium. Ps. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.


Secreta.

SAncti tui, quæsumus Dómine, nos ubique lætíficent: ut dum eórum mérita recólimus, patrocínia sentiámus. **Per Dóminum.**

Communio. Luc. 12. Fidélis servus, et prudens, quem constituit Dóminus super familiam suam: ut det illis in tẽpore trítici mensúram.

Postcommunio.

PRæsta, quæsumus omnípotens Deus: ut de percéptis munéríbus grátias exhibéntes, intercedénte be-áto Paulíno confessóre tuo atque pontífice, beneficia potióra sumámus. **Per Dóminum nostrum.**



**DIE XXIII.
IN VIGILIA S. JOANNIS
BAPTISTÆ.**

Introitus. Luc. 1.

NE tímeas, Zacha-
ría, exaudíta est
orátio tua: et Elí-
sabeth uxor tua pá-
riet tibi filium, et
vocábis nomen ejus Joánnem:
et erit magnus coram Dómi-
no; et Spíritu sancto replébi-
tur adhuc ex útero matris suæ: et
multi in nativitáte ejus gaudébunt.

Ps. 20. Dómine, in virtúte tua læ-
tábitur rex: et super salutáre tuum
exultábit veheménter.

V. Glória Patri.

Oratio.

PRæsta, quæsumus omnípotens
Deus, ut familia tua per viam
salútis incédát: et beáti Joánnis Præ-
cursóris hortaménta sectándo, ad
eum quem prædíxit, secúra pervé-
niat Dóminum nostrum.

**Secunda Oratio de S. Maria, Con-
céde, tertia, Ecclesiæ, vel pro Papa.**
fol. 244.

Lectio Jeremíæ Prophætæ. Jer. 1.

IN diébus illis: Factum est ver-
bum Dómini ad me, dicens: Pri-
úsquam te formárem in útero, novi
te: et ántequam exíres de vulva, san-
ctificávi te, et prophétam in géntibus
dedi te. Et dixi: A, a, a, Dómine De-
us: ecce nescio loqui, quia puer ego
sum. Et dixit Dóminus ad me: Noli
dicere, puer sum: quóniam ad ómnia,
quæ mittam te, ibis: et univérssa quæ-
cúmque mandávero tibi, loqueris. Ne
tímeas à fácie eórum: quia tecum ego
sum, ut éruam te, dicit Dóminus. Et
misit Dóminus manum suam, et téti-
git os meum: et dixit Dóminus ad me:
Ecce dedi verba mea in ore tuo: ecce
constítui te hódie super gentes, et su-
per regna, ut evéllas, et déstruas, et
dispérdas, et dissipes, et ædífices, et
plantes: dicit Dóminus omnípotens.

Graduale. Joan. 1. Fuit homo mis-
sus à Deo, cui nomen erat Joánnes.

Festa Junii.

V. Hic venit ut testimonium perhiberet de lumine, parare Domino plebem perfectam.

Initium sancti Evangelii secundum Lucam. **Lucæ 1.**

Fuit in diebus Herodis regis Judææ, sacerdos quidam nomine Zachariás, de vice Abía, et uxor illius de filiabus Aaron, et nomen ejus Elisabeth. Erant autem justi ambo ante Deum, incedentes in omnibus mandatis, et justificationibus Domini sine querela, et non erat illis filius, eo quod esset Elisabeth sterilis, et ambo processissent in diebus suis. Factum est autem, cum sacerdotio fungeretur in ordine vicis suæ ante Deum, secundum consuetudinem sacerdotii, sorte exiit, ut incensum poneret, ingressus in templum Domini: et omnis multitudo populi erat orans foris hora incensi. Apparuit autem illi Angelus Domini, stans à dextris altaris incensi. Et Zachariás turbatus est, videns, et timor irruit super eum. Ait autem ad illum Angelus: Ne timeas Zacharia, quoniam exaudita est deprecatio tua: et uxor tua Elisabeth pariet tibi filium, et vocabis nomen ejus Joannem: et erit gaudium tibi, et exultatio, et multi in nativitate ejus gaudébunt: erit enim magnus coram Domino: et vinum, et siceram non bibet, et Spiritu sancto replébitur adhuc ex útero matris suæ: et multos filiorum Israel convertet ad Dominum Deum ipsorum: et ipse præcedet ante illum in spiritu, et virtute Eliæ: ut convertat corda patrum in filios, et incredulos ad prudentiam justorum, parare Domino plebem perfectam.

Offertorium. Psal. 8. Glória et honore coronasti eum, et constituisti eum super opera manuum tuarum, Domine.

Secreta.

Munera, Domine, oblata sanctifica: et, intercedente beato Joanne Baptista, nos per hæc à pecca-

torum nostrorum maculis emunda. Per Dominum nostrum.

Communio. Ps. 20. Magna est gloria ejus in salutari tuo: gloriam et magnum decorem impones super eum, Domine. **Postcommunio.**

Beati Joannis Baptistæ nos, Domine, præclara comitetur oratio: et, quem venturum esse prædixit, poscat nobis fore placatum, Dominum nostrum Jesum Christum Filium tuum: Qui tecum vivit, et regnat.

DIE XXIV.

IN FESTO NATIVITATIS
S. JOANNIS BAPTISTÆ.

Introitus. Isaïæ 49. **E** ventre matris meæ vocavit me Dominus nomine meo: et posuit os meum ut gladium acutum: sub tegumento manus suæ protexit me, et posuit me quasi sagittam electam. **Psal. 91.** Bonum est confiteri Domino: et psallere nomini tuo, Altissime. **V.** Glória Patri.

Oratio.

Deus, qui præsentem diem honorabilem nobis in beati Joannis nativitate fecisti: da populis tuis spiritualium gratiam gaudiorum; et omnium fidelium mentes dirige in viam salutis æternæ. Per Dominum.

Lectio Isaïæ Prophætæ. Isaïæ 49.

Audite insulæ, et attendite populi de longe: Dominus ab útero vocavit me, de ventre matris meæ recordatus est nominis mei. Et posuit os meum quasi gladium acutum: in umbra manus suæ protexit me, et posuit me sicut sagittam electam: in pharetra sua abscondit me. Et dixit mihi: Servus meus es tu, Israel, quia in te gloriabor. Et nunc dicit Dominus, formans me ex útero servum sibi: Ecce dedi te in lucem gentium, ut sis salus mea usque ad extremum terræ. Reges videbunt, et

Festa Junii.

consúrgent príncipes, et adorábunt propter Dóminum, et sanctum Israel, qui elégit te.

Graduale. Jerem. 1. Priúsqvam te formárem in útero, novi te: et ántequam exíres de ventre, sanctificávi te.

V. Misit Dóminus manum suam, et tétigit os meum, et dixit mihi.

Allelúja, allelúja.

V. Luc. 1. Tu, puer, Prophéta Altíssimi vocáberis: præíbis ante Dóminum paráre vias ejus. **Allelúja.**

 **Sequéntia sancti Evangélíi secúndum Lucam. Luc. 1. f**

Elisabeth implétum est tempus pariéndi, et péperit fílium. Et audierunt vicíni et cognáti ejus, quia magnificávit Dóminus misericórdiam suam cum illa, et congratulábantur ei. Et factum est in die octávo, venérunt circumcídere púerum, et vocábant eum nómine patris sui Zachariám. Et respóndens mater ejus, dixit: nequáquam, sed vocábitur Joánnes. Et dixerunt ad illam: quia nemo est in cognatióne tua, qui vocétur hoc nómine. Innuébant autem patri ejus, quem vellet vocári eum. Et póstulans pugillárem, scripsit, dicens: Joánnes est nomen ejus. Et miráti sunt univérsti. Apértum est autem illico os ejus, et lingua ejus, et loquebátur, benedicens Deum. Et factus est timor super omnes vicínos eórum: et super ómnia montána Judææ divulgábantur ómnia verba hæc: et posuérunť omnes qui audierant in corde suo, dicétes: Quis putas puer iste erit? Etenim manus Dómini erat cum illo. Et Zachariás pater ejus replétus est Spíritu sancto, et prophetávit, dicens: Benedíctus Dóminus Deus Israel, quia visitávit, et fecit redemptiónem plebis suæ.

Non dicitur Credo, nisi in Ecclesia propria, vel nisi venerit in Dominica, aut infra Octavam Corporis Christi: sed in die Octava dicitur, propter Octavam Apostolorum.

Offertorium. Ps. 91. Justus ut palma florébit: sicut cedrus, quæ in Líbano est, multiplicábitur. **Secreta.**

Tua, Dómine, munéríbus altária cumulámus; illíus nativitátem honóre débito celebrátes, qui Salvatórem mundi et cécinit adfutúrum, et adesse monstrávit, Dóminum nostrum Jesum Christum Fílium tuum: Qui tecum.

Communio. Luc. 1. Tu puer, Prophéta Altíssimi vocáberis: præíbis enim ante fáciem Dómini paráre vias ejus. **Postcommunio.**

Sumat Ecclésia tua, Deus, beáti Joánnis Baptístæ generatióne lætítiam: per quem suæ regeneratiónis cognóvit auctórem, Dóminum nostrum Jesum Christum Fílium tuum: Qui tecum.

¶ Infra Octav. S. Joannis, et in ipso die Octavo fit idem Officium quod in die. Sed infra Octav. post Orat. diei, dicitur secunda Oratio de S. Maria. Concéde nos. tertia, contra persecutores Eccl. vel pro Papa. fol. 244.

DIE XXV.**S. GUILLELMI ABBATIS.**

Missa. Os justi. de Communi Abbatum. fol. xix. præter Orationem seq. Oratio.

Deus, qui infirmitáti nostræ ad teréndam salutis viam in sanctis tuis exémplum, et præsídiu collocásti: da nobis ita beáti Guillélmi Abbátis mérita venerári, ut ejúsdem excipiámus suffrágia, et vestígia prosequámur. Per Dóminum nostrum.

Et fit commem. Octavæ nativitatis S. Joannis Bapt. Oratio ut supra.

DIE XXVI.**SS. JOANNIS et PAULI Mart.**

Introitus. Ps. 33.

Multæ tribulatiónes justórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur.



Festa Junii.

Psal. ibid. Benedicam Dóminum in omni témpore: semper laus ejus in ore meo. **V.** Glória Patri.

Oratio.

QUæsumus, omnipotens Deus, ut nos geminata lætítia hodiernæ festivitátis excípiat, quæ de beatórum Joánnis et Pauli glorificatióne procedit: quos éadem fides et pássio vere fecit esse germános. Per Dóminum.

Et fit commem. Octavæ S. Joannis Oratio, Deus qui præsentem diem.

Lectio libri Sapiéntiæ. Eccli. 44. b

HI viri misericórdiæ sunt, quorum pietátes non defuérunt: cum sémine eórum périment bona, hæreditas sancta nepótes eórum, et in testaméntis stetit semen eórum: et filii eórum propter illos usque in ætérnum manent: semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem et generatióem. Sapiéntiam ipsórum narrent pópuli, et laudem eórum nuntiet ecclésia.

Graduale. Psal. 132. Ecce quam bonum, et quam jucúndum habitáre fratres in unum.

V. Sicut unguéntum in cápite, quod descendit in barbam, barbam Aaron.

Allelúja, allelúja.

V. Hæc est vera fraternitas, quæ vicit mundi crimina: Christum secúta est, inclyta tenens regna cœléstia. Allelúja.

 **Sequéntia sancti Evangélíi secúndum Lucam. Luc. 12.**

IN illo témpore: Dixit Jesus discí-pulis suis: Atténdite à ferménto Pharisæórum, quod est hypócrisis. Nihil autem opértum est, quod non revelétur: neque absconditum, quod non sciátur. Quóniam, quæ in ténebris dixístis, in lúmine dicéntur: et quod in aurem locúti estis in cubiculis, prædicábitur in tectis. Dico autem vobis amícis meis: Ne terreámini

ab his, qui occídunt corpus: et post hæc non habent ámplius quid fáciant. Osténdam autem vobis quem timeátis: timéte eum, qui postquam occíderit, habet potestátem mittere in gehénnam. Ita dico vobis: hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capílli cápitis vestri omnes numeráti sunt. Nolíte ergo timére: multis pásseribus pluris estis vos. Dico autem vobis: Omnis quicúmque conféssus fúerit me coram homínibus, et Fílius hóminis confitébitur illum coram Angelis Dei.

Offertorium. Psal. 5. Gloriabúntur in te omnes qui díligunt nomen tuum, quóniam tu, Dómine, benedíces justo: Dómine, ut scuto bonæ voluntátis tuæ coronásti nos.

Secreta.

HOstias tibi, Dómine, sanctórum mártýrum tuórum Joánnis et Pauli dicátas méritis, benígnus asúme: et ad perpétuum nobis tribue proveníre subsidium. Per Dóminum.

Pro Oct. S. Joannis Papt. Secreta Tua Dómine, munéribus.

Communio. Sap. 3. Et si coram homínibus torménta passi sunt, Deus tentavit eos: támquam aurum in fornáce probávit eos, et quasi holocáu-sta accépit eos. **Postcommunio.**

Sumpsimus, Dómine, sanctórum mártýrum tuórum Joánnis et Pauli solémnia celebrántes, sacraménta cœléstia: præsta quæsumus; ut quod temporáliter gérimus, ætérnis gáudiis consequámur. Per Dóminum nostrum.

Pro Oct. S. Joannis Bapt. Postcommunio. Sumat Ecclésia tua.

¶ **Si sequens festum S. Leonis venerit in Dominica, transfertur post Octavam Apostolorum, et Missa dicitur de Dominica, cum commemoratione S. Joannis: et in Sabbato præcedenti dicitur Missa de Vigilia**

Festa Junii.

Apostolorum: secunda Oratio de S. Joanne, tertia de B. Maria Concède nos. fol. 244.

Quocumque vero alio die venerit festum S. Leonis, fit de eo, cum commemoratione Octavæ S. Joannis, et Vigiliæ. In Ecclesiis autem Collegiatis dicuntur duæ Missæ, una de Festo, cum commemoratione S. Joannis, et B. Mariæ, alia de Vigilia, cum commem. B. Mariæ. Concède nos. et Ecclesiæ tuæ. vel pro Papa. Deus omnium fidélium. fol. 244.

DIE XXVIII.

S. LEONIS PAPÆ ET CONF.



Introitus. Ps. 131.

Acerdótes tui, Dómine, induant justítiam, et sancti tui exúltent: propter David servum tuum, non avértas fáciem Christi tui.

Psal. ibid. Meménto, Dómine, David, et omnis mansuetúdinis ejus.

V. Glória Patri.

Oratio.

DEus, qui beátum Leónem Pontíficem sanctórum tuórum méritis coæquásti: concède propítius; ut, qui commemoratiónis ejus festa percólimus, vitæ quoque imitémur exéempla. Per Dóminum nostrum.

Pro commem. Octavæ S. Joannis. Oratio.

DEus, qui præsentem diem honorábilem nobis in beáti Joánnis nativité fecísti: da pópulis tuis spirituálium grátiam gaudiórum, et omnium fidélium mentes dirige in viam salutis æternæ.

Pro commemoratione Vigiliæ SS. Apostolorum. Oratio.

PRæsta, quæsumus omnipotens Deus: ut nullis nos permittas perturbatióibus cóncuti, quos in Apostólicæ confessiósni petra solidásti. Per Dóminum nostrum.

Léctio Epístolæ beáti Pauli Apóstoli ad Hebræos.

Hebr. 7. d

FRatres, Plures facti sunt sacerdótes, idcirco quod morte prohiberéntur permanére: Jesus autem eo quod máneat in ætérnum, sempitérnum habet sacerdotium. Unde et salváre in perpétuum potest accedéntes per semetípsum ad Deum: semper vivens ad interpellándum pro nobis. Talis enim decébat, ut nobis esset Póntifex, sanctus, innocens, impollútus, segregátus à peccatóribus, et excélsior cœlis factus: qui non habet necessitátem quotidie, quemádmódum sacerdótes, prius pro suis delictis hóstias offerre, deinde pro pópuli: hoc enim fecit semel, seípsum offeréndo, Jesus Christus Dóminus noster.

Graduale. Psal. 131. Sacerdótes ejus induam salutári: et sancti ejus exultatióne exultábunt.

V. Illuc producám cornu David: parávi lucérnam Christo meo.

Allelúja, allelúja.

V. Psal. 109. Jurávit Dóminus, et non pœnitébit eum: tu es sacérdos in ætérnum secúndum órđinem Melchisedech. Allelúja.

Sequéntia sancti Evangélii secúndum Matthæum. Matth. 25.

IN illo témpore: Dixit Jesus discíulis suis parábolam hanc: Homo péregre proficiscens, vocávit servos suos, et trádedit illis bona sua. Et uni dedit quinque talénta, álii autem duo, álii vero unum, unicuíque secúndum própriam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter, et qui duo accéperat, lucrátus est ália duo. Qui autem unum accéperat, ábiens fodit in terram, et abscóndit pecúniam dómini sui. Post multum vero témporis, venit dóminus servórum illórum, et pósuit ratiónem cum eis. Et accédens qui quinque talénta accéperat, óbtu-

Festa Junii.

lit alia quinque talenta, dicens: domine, quinque talenta tradidisti mihi, ecce alia quinque superlucratus sum. Ait illi dominus ejus: Euge serve bone et fidelis, quia super pauca fuisti fidelis, super multa te constituam, intra in gaudium domini tui. Accessit autem et qui duo talenta acceperat, et ait: domine, duo talenta tradidisti mihi, ecce alia duo lucratus sum. Ait illi Dominus ejus: Euge serve bone et fidelis, quia super pauca fuisti fidelis; super multa te constituam, intra in gaudium domini tui.

Offertorium. Psal. 88. Veritas mea et misericordia mea cum ipso: et in nomine meo exaltabitur cornu ejus.

Secreta.

Annue nobis, quaesumus Domine, ut intercessione beati Leonis haec nobis prosit oblatio: quam immolando, totius mundi tribuisti relaxari delicta. Per Dñm nostrum.

Pro S. Joanne. Secreta.

Tua, Domine, muneribus altaria cumulamus, illius nativitatem honore debito celebrantes: qui Salvatorem mundi et cecinit adfuturum, et adesse monstravit, Dominum nostrum Jesum Christum Filium tuum.

Pro Vigilia SS. Apostolorum.**Secreta.**

MUnus populi tui, quaesumus Domine, Apostolica intercessione sanctifica: nosque a peccatorum nostrorum maculis emunda. Per Dominum.

Communio. Matth. 24. Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.


Postcommunio.

Deus, qui animae famuli tui Leonis aeternae beatitudinis praemia contulisti: concede propitius; ut qui peccatorum nostrorum pondere premimur, ejus apud te precibus sublevemur. Per Dominum.

Pro S. Joanne. Postcommunio.
Sumat Ecclesia tua, Deus, beati Joannis Baptistae generatione laetitiam: per quem suae regenerationis cognovit auctorem, Dominum nostrum Jesum Christum Filium tuum.

Pro Vigilia SS. Apostolorum.**Postcommunio.**

Quos coelesti, Domine, alimento satiasti: Apostolicis intercessionibus ab omni adversitate custodi. Per Dominum nostrum.

DIE XXVIII.**In Vigilia SS. Apostolorum PETRI et PAULI.****Introitus. Joan. 21.**

Icit Dominus Petro: Cum esses junior, cingebas te, et ambulabas ubi volebas: cum autem senueris, extends manus tuas, et alius te cinget, et ducet quo tu non vis: hoc autem dixit, significans qua morte clarificaturus esset Deum.

Psal. 18. Caeli enarrant gloriam Dei: et opera manuum ejus annuntiat firmamentum. **V.** Gloria Patri.

Non dicitur Gloria in excelsis.

Oratio.

Praesta, quaesumus omnipotens Deus: ut nullis nos permittas perturbacionibus concuti, quos in apostolicae confessionis petra solidasti. Per Dominum.

Secunda Oratio et tertia, ut in superiori Rubrica notatur. fol. 412.

Lectio Actuum Apostolorum. Act. 3.

IN diebus illis: Petrus et Joannes ascendebant in templum ad horam orationis nonam. Et quidam vir, qui erat claudus ex utero matris suae, bajulabatur: quem ponebant quotidie ad portam templi, quae dicitur Speciosa, ut peteret eleemosynam ab introeuntibus in templum. Is cum vidisset Petrum et Joannem incipientes introire in templum, rogabat, ut ele-

Festa Junii.

mósynam accíperet. Intuens autem in eum Petrus cum Joánnē, dixit: Réspice in nos. At ille intendébat in eos, sperans se áliquíd acceptúrum ab eis. Petrus autem dixit: Argéntum et aurum non est mihi: quod autem hábeo, hoc tibi do: In nómine Jesu Christi Nazaréni surge, et ámbula. Et apprehénsa manu ejus dextera, allevávit eum, et prótinus consolidátæ sunt bases ejus, et plantæ. Et exíliens stetit, et ambulábat: et intrávit cum illis in templum, ámbulans, et exíliens, et laudans Deum. Et vidit omnis pópulus eum ambulántem, et laudántem Deum. Cognoscébant autem illum, quod ipse erat, qui ad eleemósynam sedébat ad Speciósam portam templi: et impléti sunt stupóre et éxtasi, in eo quod contígerat illi.

Graduale. Psal. 18. In omnem terram exívit sonus eórum: et in fines orbis terræ verba eórum.

V. Cœli enárrant glóriam Dei: et ópera mánuum ejus annúntiat firmaméntum.

 **S**equéntia sancti Evangélíi secúndum Joánnem. **Joan. 21. c**

IN illo témpore: Dixit Jesus Simóni Petro: Simon Joánnis, díligis me plus his? Dicit ei: Etiam, Dómine, tu scis quia amo te. Dicit ei: Pasce agnos meos. Dicit ei íterum: Simon Joánnis, díligis me? Ait illi: Etiam, Dómine, tu scis, quia amo te. Dicit ei: Pasce agnos meos. Dicit ei tértio: Simon Joánnis, amas me? Contristátus est Petrus, quia dixit ei tértio, amas me? et dixit ei: Dómine, tu ómnia nosti: tu scis, quia amo te. Dixit ei: Pasce oves meas. Amen, amen dico tibi, cum esses júnior, cingébas te, et ambulábas ubi volébas: cum autem senúeris, exténdes manus tuas, et álius te cinget, et ducet quo tu non vis. Hoc autem dixit, significans qua morte clarificáturus esset Deum.

Offertorium. Psal. 138. Mihi autem nimis honoráti sunt amíci tui, Deus: nimis confortátus est principátus eórum.

Secreta.

MUnus pópuli tui, quæsumus Dómine, Apostólica intercessióne sanctífica: nosque à peccatórum nostrórum máculis emúnda. Per Dóminum nostrum.

Communio. Joan. 21. Simon Joánnis, díligis me plus his? Dómine, tu ómnia nosti: tu scis, Dómine, quia amo te.

Postcommunio.

QUos cœlésti, Dómine, aliménto satiásti: Apostólicis intercessiónibus ab omni adversitáte custódi. Per Dóminum nostrum.

DIE XXIX.

In Festo SS. Apostolorum PETRI et PAULI.

Introitus. Act. 12.

Nunc scio vere, quia misit Dóminus Angelum suum: et erípuit me de manu Heródis, et de omni expectatióne plebis Judæórum.

Psal. 138. Dómine, probásti me, et cognovísti me: tu cognovísti sessiónem meam, et resurrectionem meam. **V.** Glória Patri.

Oratio.

DEus, qui hodiérnam diem Apostolorum tuórum Petri et Pauli martyrio consecrásti: da Ecclesiæ tuæ, eórum in ómnibus sequi præceptum, per quos religiónis sumpsit exórdium. Per Dóminum nostrum.

Et non fit commem. de S. Paulo, quia Oratio est communis; nec de Octava S. Joannis Baptistæ.

Festa Junii.

Lectio Actuum Apostolorum.

Act. 12.

IN diébus illis; Misit Heródes rex manus, ut affligeret quosdam de Ecclesia: Occidit autem Jacóbum frátre[m] Joánnis gládio. Videns autem quia placéret Judæis, appósuit ut apprehénderet et Petrum. Erant autem dies Azymórum. Quem cum apprehendísset, misit in cárcerem, tradens quátuor quaterniónibus militum custodiéndum, volens post Pascha producere eum pópulo. Et Petrus quidem servabátur in cárcere. Orátio autem fiebat sine intermissiōne ab Ecclesia ad Deum pro eo. Cum autem productúrus eum esset Heródes, in ipsa nocte erat Petrus dórmíens inter duos mílites, vinctus caténis duábus: et custódes ante óstium custodiébant cárcerem. Et ecce Angelus Dómini ástitit: et lumen refúlsit in habitáculo: percussóque látere Petri, excitávit eum, dicens: Surge velóciter. Et ceciderunt caténæ de mánibus ejus. Dixit autem Angelus ad eum: Præcingere, et cálcea te cáligas tuas. Et fecit sic. Et dixit illi: Circúmدا tibi vestiméntum tuum, et séquere me. Et éxiens sequebátur eum, et nesciébat quia verum est, quod fiebat per Angelum: existimábat autem se visum vidére. Transéúntes autem primam et secúndam custódiam, venérunt ad portam férream, quæ ducit ad civitátem: quæ ultro apérta est eis. Et exeúntes processérunt vicum unum: et continuo discéssit Angelus ab eo. Et Petrus ad se revérsus, dixit: Nunc scio vere, quia misit Dóminus Angelum suum, et erípuit me de manu Heródis, et de omni expectatióne plebis Judæórum.

Graduale. Psal. 44. Constitues eos príncipes super omnem terram: mémoires erunt nóminis tui, Dómine.

V. Pro pátribus tuis nati sunt tibi filii: proptérea pópuli confitebúntur tibi. Allelúja, allelúja.

V. Tu es Petrus, et super hanc petram ædificábo Ecclesiám meam. Allelúja.

Sequéntia sancti Evangélii secúndum Matthæum. Matth. 16. b

IN illo témpore: Venit Jesus in partes Cæsaréæ Philíppi, et interrogábat discípulos suos, dicens: Quem dicunt hómines esse Fílium hóminis? At illi dixerunt: álii Joánnem Baptístam: álii autem Eliám: álii vero Jeremíam, aut unum ex prophétis. Dicit illis Jesus: Vos autem quem me esse dicitis? Respóndens Simon Petrus, dixit: Tu es Christus Fílius Dei vivi. Respóndens autem Jesus, dixit ei: Beátus es, Simon Bar-Jona: quia caro et sanguis non revelávit tibi, sed pater meus, qui in cœlis est. Et ego dico tibi, quia tu es Petrus, et super hanc petram ædificábo Ecclesiám meam, et portæ ínferi non prævalébunt advérsus eam. Et tibi dabo claves regni cœlórum. Et quodcúmque ligáveris super terram, erit ligátum et in cœlis: et quodcúmque solveris super terram, erit solútum et in cœlis. **Credo.**

Offertorium. Psal. 44. Constitues eos príncipes super omnem terram: mémoires erunt nóminis tui, Dómine, in omni progénie et generatióne.

Secreta.

Hostias, Dómine, quas nómini tuo sacrándas offérimus, Apostólica prosecuátur orátio: per quam nos expiári tríbuas, et deféndi. Per Dóminum nostrum.


Præfatio de Apost. fol. 200. vel 218.

Communio. Matth. 16. Tu es Petrus, et super hanc petram ædificábo Ecclesiám meam.

Postcommunio.

Quos cœlésti, Dómine, aliménto satiásti, Apostólicis intercessiōnibus ab omni adversitáte custódi. Per Dóminum nostrum Jesum Christum Fílium tuum: Qui tecum vivit et regnat in unitáte.

DIE XXX.

In Commemoratione
S. PAULI Apostoli.

Introitus. 2. Tim. 1.

Cio cui credidi, et certus sum, quia potens est depositum meum servare in illum diem justus iudex.

Psal. 138. Domine, probasti me, et cognovisti me: tu cognovisti sessionem meam, et resurrectionem meam.

V. Gloria Patri.

Oratio.

Deus, qui multitudinem gentium beati Pauli Apostoli praedicatione docuisti: da nobis, quaesumus; ut ejus natalitia colimus, ejus apud te patrocinia sentiamus. Per Dominum nostrum.

Et fit commem. S. Petri Apostoli.

Oratio.

Deus, qui beato Petro Apostolo tuo, collatis clavibus regni coelestis, ligandi, atque solvendi Pontificium tradidisti: concede; ut intercessionis ejus auxilio, a peccatorum nostrorum nexibus liberemur.

Deinde fit comm. S. Joannis, praeterquam in Ecclesia propria S. Pauli.

Oratio.

Deus, qui praesentem diem honorabilem nobis in beati Joannis nativitate fecisti: da populis tuis spiritualium gratiam gaudiorum; et omnium fidelium mentes dirige in viam salutis aeternae. Per Dominum.

Lectio Epistolae beati Pauli Apostoli ad Galatas.

Gal. 1. b

Eratres, Notum vobis facio Evangelium, quod evangelizatum est a me, quia non est secundum hominem: neque enim ego ab homine accepi illud, neque didici, sed per revelationem Jesu Christi. Audistis enim conversationem meam aliquando in Judaismo: quoniam supra modum persequebar Ecclesiam Dei, et expugnabam illam, et proficiebam in Judaismo supra multos coetaneos

meos in genere meo, abundantius aemulator existens paternarum mearum traditionum. Cum autem placuit ei, qui me segregavit ex utero matris meae, et vocavit per gratiam suam, ut revelaret Filium suum in me, ut evangelizarem illum in Gentibus: continuo non acquievi carni, et sanguini: neque veni Jerosolymam ad antecessores meos Apostolos: sed abii in Arabiam; et iterum reversus sum Damascum: deinde post annos tres veni Jerosolymam videre Petrum, et mansi apud eum diebus quindecim: alium autem Apostolorum vidi neminem, nisi Jacobum fratrem Domini. Quae autem scribo vobis, ecce coram Deo, quia non mentior.

Graduale. Gal. 2. Qui operatus est Petro in Apostolatam, operatus est et mihi inter Gentes: et cognoverunt gratiam Dei, quae data est mihi.

V. 1. Cor. 15. Gratia Dei in me vacua non fuit: sed gratia ejus semper in me manet. **Alleluya, alleluya.**

V. Sancte Paule Apostole, praedicator veritatis, et doctor Gentium, intercede pro nobis. **Alleluya.**

Sequentia sancti Evangelii secundum Matthaeum. Matth. 10. b

In illo tempore: Dixit Jesus discipulis suis: Ecce ego mitto vos sicut oves in medio luporum. Estote ergo prudentes sicut serpentes, et simplices sicut columbae. Cavete autem ab hominibus. Tradent enim vos in conciliis, et in synagogis suis flagellabunt vos: et ad praesides, et reges ducemini propter me in testimonium illis, et Gentibus. Cum autem tradent vos, nolite cogitare quomodo aut quid loquamini: dabitur enim vobis in illa hora, quid loquamini. Non enim vos estis, qui loquimini, sed Spiritus Patris vestri, qui loquitur in vobis. Tradet autem frater fratrem in mortem, et pater filium: et insurgent filii in parentes, et morte eos afficient: et eritis odio omnibus propter nomen meum: qui autem perse-

Festa Julii.

veráverit usque in finem, hic salvus erit. **Credo.**

Offertorium. Psal. 138. Mihi autem nimis honoráti sunt amíci tui, Deus: nimis confortátus est principátus eórum. **Secreta.**

A Póstoli tui Pauli précibus, Dómine, plébis tuæ dona sanctífica: ut quæ tibi tuo grata sunt institúto, gratióra fiant patrocínio supplicántis. Per Dóminum nostrum.

Pro S. Petro Apostolo. Secreta.

E Cclésiæ tuæ, quæsumus Dómine, preces et hóstias beáti Petri Apóstoli, comméndet orátio: ut quod pro illius glória celebrámus, nobis prosit ad véniam.

Pro S. Joanne Baptista. Secreta.

T Ua, Dómine, munéribus altária cumulámus, illius nativitátem honóre débito celebrántes, qui Salvatórem mundi et cécinit adfutúrum, et adesse monstrávit, Dóminum nostrum Jesum Christum Fílium tuum. Qui tecum vivit et regnat.

Præfatio de Apost. fol. 200. vel 218.

Communio. Matth. 19. Amen dico vobis: quod vos qui reliquistis ómnia, et secúti estis me, céntuplum accipietis, et vitam ætérnam possidebitis.

Postcommunio.

P Ercéptis, Dómine sacraméntis, beáto Paulo Apóstolo tuo interveniente, deprecámur: ut quæ pro illius celebráta sunt glória, nobis proficiant ad medélam. Per Dóminum.

Pro S. Petro. Postcommunio.

L Ætíficet nos, Dómine, munus oblátum: ut sicut in Apóstolo tuo Petro te mirábilem prædicámus, sic per illum tuæ sumámus indulgéntiæ largitátem.

Pro S. Joanne. Postcommunio.

S Umat Ecclesiá tua, Deus, beáti Joánnis Baptistæ generatióne lætítiam, per quem suæ regeneratiónis cognóvit auctórem, Dóminum nostrum Jesum Christum Fílium tuum. Qui tecum vivit et regnat.

FESTA JULII.

Dominica prima.

Ex decreto S. Patris PII Papæ IX. dato Cajetæ 10. Augusti 1849 in posterum ab universa Ecclesia celebrabitur Festum

PRETIOSISSIMI SANGUINIS D. N. J. Chr.

Duplex ii. Classis.

Missa ut infra inter Missas celebrandas in aliquibus locis fol. ciii. Et fit Commemoratio Dominicæ occurrentis, et legitur ejus Evangelium in fine Missæ. Graduale autem dicitur, uti habetur ibidem fol. civ. pro Missa votiva per annum: Hic est qui venit.

DIE I.

In Octava Nativitatis

S. JOANNIS BAPTISTÆ.

Missa ut in die festi fol. 409. cum Commemoratione Octavæ SS. Apostolorum Orationibus ex eorum Missa fol. 414. et dicitur Credo et Præfatio de Apostolis. fol. 200 vel 218.

DIE II.

IN FESTO VISITATIONIS B. MARIE VIRGINIS.

Duplex ii. Classis.



Introitus. Sedulius. Alve, sancta parens, enixa puérpera Regem: qui cælum, terrámque regit in sæcula sæculórum.

Psal. 44. Eructávit cor meum verbum bonum: dico ego ópera mea Regi. **V. Glória Patri. Oratio.**

F Amulis tuis, quæsumus Dómine, cœlestis grátiae munus impertíre: ut quibus beátæ Vírginis partus éxitit salutis exórdium, Visitationis ejus votíva solémnitas, pacis tríbuat incrementum. Per Dóminum.

Non fit commemor. SS. Apostolorum; sed SS. Martyrum Processi et Martiniani in Missa privata tantum.

De SS. Martyribus. Oratio.

D Eus, qui nos sanctórum mártirum tuórum Procéssi et

Festa Julii.

Martiniáni gloriósis confessiōnibus circúmdas et prótegis: da nobis, et eórum imitatiōe proficere, et intercessiōe gaudere. Per Dóminum.

Léctio libri Sapiéntiæ. **Cant. 2. b.**

Ecce iste venit sáliens in móntibus, transíliens colles. Símilis est diléctus meus cáprea, hinnulóque cervórum. En ipse stat post paríetem nostrum, respiciens per fenéstas, prospiciens per cancellos. En diléctus meus lóquitur mihi: Surge, própera amíca mea, colúmba mea, formósa mea, et veni. Jam enim hyems tránsiit, imber ábiit, et recéssit. Flores apparuérunt in terra nostra: tempus putatiōnis advénit: vox túrturis audíta est in terra nostra: ficus prótulit grossos suos: vineæ floréntes dedérunt odórem suum. Surge amíca mea, speciósam meam, et veni: colúmba mea in foráminibus petræ, in cavérna macériæ, osténde mihi fáciem tuam, sonet vox tua in áuribus meis: vox enim tua dulcis, et fácies tua decóra.

Graduale. Benedícta et venerábilis es, Virgo María: quæ sine tactu pudóris invénta es mater Salvatóris.

V. Virgo Dei Génitrix, quem totus non capit orbis, in tua se clausit viscera factus homo. **A**llelúja, allelúja.

V. Felix es, sacra Virgo María, et omni laude digníssima: quia ex te ortus est sol justítiæ, Christus Deus noster. Allelúja.

Sequéntia sancti Evangélíi secúndum Lucam. Luc. 1. d.

In illo témpore: Exúrgens María, ábiit in montána cum festinatiōne in civitátem Juda: et intrávit in domum Zachariæ, et salutávit Elísabeth. Et factum est, ut audívit salutatiōnem Mariæ Elísabeth, exultávit infans in útero ejus: et repléta est Spíritu Sancto Elísabeth, et exclamávit voce magna, et dixit: Benedícta tu inter mulieres, et benedíctus fructus ventris tui. Et unde hoc mihi, ut véniat mater Dómini mei ad me?

Ecce enim ut facta est vox salutatiōnis tuæ in áuribus meis, exultávit in gáudio infans in útero meo. Et beáta, quæ credidísti, quóniam perficiéntur ea, quæ dicta sunt tibi à Dómino. Et ait María: Magnificat ánima mea Dóminum: et exultávit spíritus meus in Deo salutári meo. **Credo.**

Offertorium. Beáta es, virgo María, quæ ómnium portásti Creatórem: genuísti qui te fecit, et in ætérnum permanes virgo. **Secreta.**

Unigéniti tui, Dómine, nobis succúrrat humánitas: ut qui natus de Vírgine matris integritátem non mínuit, sed sacrávit, in Visitatiōis ejus solémniis, nostris nos piáculis éxuens, oblatiōnem nostram tibi fáciat accéptam, Jesus Christus Dóminus noster: Qui tecum vivit, et regnat.

De SS. Martyribus. Secreta.

Suscipe, Dómine, preces, et múnera, quæ ut tuo sint digna conspéctu, sanctorum tuórum précibus adjuvémur. Per Dóminum nostrum.

Præfatio de Beata Maria. Et te in Visitatiōe. fol. 199. vel 218.

Communio. Beáta viscera Mariæ Virginis, quæ portavérunt ætérni Patris Fílium.

Postcommunio.

Sumpsimus, Dómine, celebritátis ánnuæ votíva sacraménta: præsta quæsumus: ut et temporális vitæ nobis remédia præbeant, et ætérnæ. Per Dóminum nostrum.

De SS. Mart. Postcommunio.

Corporis sacri, et pretiósí ságuinis repléti libámine, quæsumus Dómine Deus noster: ut quod pia devotiōe gérimus, certa redemptiōe capíamus. Per eúmdem Dóminum.

EADEM DIE.

Sanctorum Martyrum

PROCESSI et MARTINIANI.

Missa Sapiéntiam. fol. x. **Epistola** Rememorámini. fol. xii. **Evangelium** Si quis vult. fol. iii. **cum Orationibus** ut in Missa præcedenti habentur.

Festa Julii.

DIE III. IV. et V. JULII

infra Octavam

SS. APOST. PETRI et PAULI.

Introitus. Ps. 138.



Ihi autem nimis honorati sunt amici tui, Deus: nimis confortatus est principatus eorum.

Psal. ibid. Dómine probasti me, et cognovisti me: tu cognovisti sessionem meam et resurrectionem meam.

V. Glória Patri.

Oratio.

Deus, qui hodiernam diem Apostolorum tuorum Petri et Pauli martyrio consecrasti: da Ecclesiæ tuæ, eorum in omnibus sequi præceptum, per quos, religionis sumpsit exordium. Per Dóminum nostrum.

Secunda Oratio de S. Maria. Concède, **tertia, Ecclesiæ, vel pro Papa.** fol. 244.

Lectio Actuum Apostolorum.

Act. 5. b

IN diébus illis: Per manus Apostolorum fiébant signa et prodigia multa in plebe. Et erant unanimiter omnes in pórticu Salomónis. Ceterorum autem nemo audébat se conjungere illis: sed magnificábat eos pópulus. Magis autem augebátur credéntium in Dómino multitúdo virorum, ac mulierum, ita ut in plateas ejicerent infirmos, et pónerent in lectulis ac grabátis, ut, veniente Petro, saltem umbra illius obumbráret quemquam illorum, et liberaréntur ab infirmitátibus suis. Concurrébat autem et multitúdo vicinárum civitátum Jerúsalem, afferéntes ægros, et vexátos à spirítibus immúndis, qui curabántur omnes.

Graduale. Psal. 44. Constitues eos principes super omnem terram: mémoires erunt nóminis tui, Dómine.

V. Pro pátribus tuis nati sunt tibi filii: propterea pópuli confitebúntur tibi. **Allelúja, allelúja.**

V. Luc. 22. Rogávi pro te, Petre, ut non deficiat fides tua: et tu aliquándó convérsus confírma fratres tuos. **Allelúja.**



Sequéntia sancti Evangélii secúndum Matthæum. **Matth. 19. d**

IN illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Jesus autem dixit illis: Amen dico vobis, quod vos qui secúti estis me, in regeneratióne, cum sederit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israel. Et omnis qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam ætérnam possidébit. **Credo.**

Offertorium. Psal. 18. In omnem terram exívit sonus eorum: et in fines orbis terræ verba eorum.

Secreta.

Hostias, Dómine, quas nómini tuo sacrándas offérimus, Apostólica prosequátur orátio, per quam nos expiári tríbuas, et deféndi. Per Dóminum.

Secunda Secreta. Tua, Dómine. **Tertia. Protege. vel Oblátis.** fol. 244.


Præfatio de Apost. fol. 200 **vel** 218.

Communio. Matth. 19. Vos qui secúti estis me, sedébitis super sedes, judicántes duódecim tribus Israel.

Postcommunio.

Quos cœlésti, Dómine, alimento satiásti, Apostólicis intercessi-
ónibus ab omni adversitáte custódi. Per Dóminum nostrum.

Secunda Postcommunio. Sumptis Dómine, **tertia Quæsumus Dómine, vel Hæc nos.** fol. 210.



DIE VI.

In Octava SS. Apostolorum
PETRI et PAULI.

Introitus. **Eccli. 44.**

Sapiéntiam sanctorum narrent populi, et laudes eorum nuntiet Ecclesia: nomina autem eorum vivent in saeculum saeculi. **Ps. 32.** Exultate iusti in Domino: rectos decet collaudatio.

V. Glória Patri.

Oratio.

Deus, cujus dextera beatum Petrum ambulátem in fluctibus, ne mergeretur, erexit; et coapostolum ejus Paulum, tertio naufragátem, de profundo pelagi liberávit: exaudi nos propitius, et concede; ut amborum méritis, æternitátis glóriam consequámur. Qui vivis et regnas.

Lectio libri Sapientiae. Eccli. 44. b

Hi viri misericordiæ sunt, quorum pietates non defuerunt: cum semine eorum permanent bona, hæreditas sancta nepotes eorum, et in testamentis stetit semen eorum: et filii eorum propter illos usque in ætérnum manent: semen eorum, et glória eorum non derelinquétur. Corpora ipsorum in pace sepulta sunt, et nomen eorum vivit in generationem et generationem. Sapientiam ipsorum narrent populi, et laudem eorum nuntiet Ecclesia.

Graduale. Sap. 3. Justorum animæ in manu Dei sunt, et non tanget illos tormentum malitiæ.

V. Visi sunt oculis insipientium mori: illi autem sunt in pace.

Allelúja, allelúja.

V. Luc. 22. Vos estis, qui persistis mecum in tentationibus meis: et ego dispono vobis regnum, ut sedeatís super thronos, judicantes duodecim tribus Israel. Allelúja.

Sequentia sancti Evangelii secundum Matthæum. Matth. 14. c

In illo tempore: Compulit Jesus discipulos ascendere in naviculam, et præcedere eum trans fretum,

donec dimitteret turbas. Et dimissa turba, ascendit in montem solus orare. Vespere autem facto, solus erat ibi. Navicula autem in medio mari jactabatur fluctibus: erat enim contrarius ventus. Quarta autem vigilia noctis venit ad eos ambulans super mare. Et videntes eum super mare ambulátem, turbati sunt, dicentes: Quia phantasma est. Et præ timore clamaverunt. Statimque Jesus locutus est eis, dicens: Habete fiduciam: ego sum, nolite timere. Respondens autem Petrus, dixit: Domine, si tu es, jube me ad te venire super aquas. At ipse ait: Veni. Et descendens Petrus de navicula, ambulabat super aquam, ut veniret ad Jesum. Videns vero ventum validum, timuit: et cum cepisset mergi, clamavit, dicens: Domine, salvum me fac. Et continuo Jesus extendens manum, apprehendit eum, et ait illi: Modicæ fidei, quare dubitasti? Et cum ascendissent in naviculam, cessavit ventus. Qui autem in navicula erant, venerunt, et adoraverunt eum, dicentes: Vere Filius Dei es. **Credo.**

Offertorium. Psal. 149. Exultabunt sancti in glória, lætabuntur in cubilibus suis, exaltationes Dei in faucibus eorum.

Secreta.

Offerimus tibi, Domine, preces et múnera: quæ, ut tuo sint digna conspectu, Apostolorum tuorum Petri et Pauli precibus adjuvémur. Per Dóminum nostrum.

Præfatio de Apost. fol. 200 vel 218.

Communio. Sap. 3. Justorum animæ in manu Dei sunt, et non tanget illos tormentum malitiæ: visi sunt oculis insipientium mori: illi autem sunt in pace. **Postcommunio.**

Protege, Domine, populum tuum, et Apostolorum tuorum Petri et Pauli patrocinio confidentem, perpétua defensione conserva. Per Dóminum nostrum.

**DIE VIII
S. ELISABETH REGINÆ**

Portugalliae Viduæ.

Missa. Cognóvi Dómine. de Comuni nec Virg. nec Mart. fol. xxvi. præter Orationem seq. Oratio.

Clementissime Deus, qui beátam Elísabeth Reginam, inter céteras egrégias dotes, bélici furóris sedándi prærogativa decorásti: da nobis, ejus intercessióne, post mortális vitæ, quam suppliciter pétimus, pacem, ad æténa gáudia pervenire. Per Dóminum nostrum.

**DIE X.
SS. SEPTEM FRATRUM
AC RUFINÆ ET SECUNDÆ
Virg. et Mart.**

Introitus. Psal. 112.



Iudáte púeri Dóminum, laudáte nomen Dómini: qui habitáre facit stérilem in domo, matrem filiórum lætántem.

Psal. ibid. Sit nomen Dómini benedíctum: ex hoc nunc, et usque in sæculum.

V. Glória Patri. Oratio.

Præsta, quæsumus omnipotens Deus: ut, qui gloriósos mártires fortes in sua confessióne cognóvimus, pios apud te in nostra intercessióne sentiámus. Per Dóminum.

Léctio libri Sapiéntiæ. Prov. 31. b

Mulierem fortem quis invéniet? Procul et de últimis finibus prætium ejus. Confidit in ea cor viri sui, et spóliis non indigébit. Reddet ei bonum, et non malum ómnibus diébus vitæ suæ. Quæsívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, deditque prædam domésticis suis, et cibária ancillis suis. Considerávit agrum, et emit eum: de fructu mánuum suá-

rum plantávit vineam. Accínxit fortitudine lumbos suos, et roborávit bráchium suum. Gustávit, et vidit quia bona est negotiátio ejus: non extingúetur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apérui inopi, et palmas suas exténdit ad páuperem. Non timébit dómui suæ à frigóribus nivis: omnes enim doméstici ejus vestíti sunt duplicibus. Stragulátam vestem fecit sibi: byssus et púrpura indumentum ejus. Nóbilis in portis vir ejus, quando séderit cum senatóribus terræ. Sindonem fecit, et véndidit; et cingulum trádidit Chananæo. Fortitúdo et decor indumentum ejus, et ridébit in die novíssimo. Os suum apérui sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt: vir ejus, et laudávit eam. Multæ filiæ congregavérunt divítias: tu supergressa es univérsas. Fallax grátia, et vana est pulchritúdo: mulier timens Dóminum, ipsa laudábitur. Date ei de fructu mánuum suárum, et laudent eam in portis ópera ejus.

Graduale. Ps. 123. Anima nostra, sicut passer, erápta est de láqueo venántium.

V. Láqueus contrítus est, et nos liberáti sumus: adjutórium nostrum in nómine Dómini, qui fecit cælum et terram. Allelúja, allelúja.

V. Hæc est vera fraternitas, quæ vicit mundi crimina: Christum secúta est, inclyta tenens regna cœléstia. Allelúja.

Sequéntia sancti Evangélii secúndum Matthæum. Matth. 12. d

In illo témpore: loquente Jesu ad turbas, ecce mater ejus et fratres stabant foris, quæréntes loqui ei. Dixit autem ei quidam: Ecce Mater tua, et fratres tui foris stant quæréntes te. At ipse respóndens dicénti sibi,

Festa Julii.

ait: quæ est mater mea, et qui sunt fratres mei? Et extendens manum in discipulos suos, dixit: Ecce mater mea, et fratres mei. Quicumque enim fecerit voluntatem Patris mei, qui in cœlis est, ipse meus frater, et soror, et mater est.

Offertorium. Psal. 123. Anima nostra, sicut passer, erepta est de laqueo venantium: laqueus contritus est, et nos liberati sumus. **Secreta.**

Sacrificiis præséntibus, quæsumus Dómine, inténde placátus: et, intercedéntibus sanctis tuis, devotióni nostræ proficiant, et salutí. Per Dóminum nostrum.

Communio. Matth. 12. Quicumque fecerit voluntatem Patris mei, qui in cœlis est: ipse meus frater, et soror, et mater est, dicit Dóminus.

Postcommunio.

Quæsumus omnipotens Deus: ut intercedéntibus sanctis tuis, illius salutáris capiamus effectum, cuius per hæc mystéria pignus accépi-mus. Per Dóminum nostrum.

DIE XI.**S. PII PAPÆ et MARTYRIS.**

Missa. Státuit. ut in Comuni unius Martyris Pontificis. fol. ii.

DIE XII.**S. JOANNIS GUALBERTI ABBATIS.****Introitus. Psal. 36.**

S justi meditábitur sapiéntiam, et lingua ejus loquétur judícium: lex Dei ejus in corde ipsíus. **Psal. ibid.** Noli æmulári in malignántibus: neque zeláveris faciéntes iniquitátem.

V. Glória Patri. Oratio.

Intercéssio nos, quæsumus Dómine, beáti Joánnis Abbátis comméndet: ut quod nostris méritis non valémus, ejus patrocínio assequámur. Per Dóminum nostrum.

Pro comm. SS. Naboris, et Felicis Martyrum. Oratio.

Præsta, quæsumus Dómine: ut sicut nos sanctórum mártýrum tuórum Náboris et Felicis natalítia celebránda non désérunt: ita júgiter suffrágiis comiténtur. Per Dóminum nostrum.

Lectio libri Sapiéntiæ. Eccli 45.

Dilectus Deo et homínibus, cujus memória in benedictióne est. Símilem illum fecit in glória sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coram præcépta, et legem vitæ et disciplínæ.

Graduale. Psal. 20. Dómine, prævenísti eum in benedictiónibus dulcedinis: posuísti in cápite ejus corónam de lápide pretióso.

V. Vitam pétiiit à te, et tribuísti ei longitúdinem diérum in sæculum sæculi.

Allelúja, allelúja.

V. Ps. 91. Justus ut palma florébit: sicut cedrus Líbani multiplicábitur. **Allelúja.**

Sequéntia sancti Evangélíi secúndum Matthæum. Mth. 5. g

In illo témpore: Dixit Jesus discí-pulis suis: Audístis quia dictum est: Díliges próximum tuum, et ódio habébis inimicum tuum. Ego autem dico vobis: Díligite inimícos vestros, benefácite his, qui odérunt vos, et orate pro persecuéntibus et calumniántibus vos; ut sitis filii Patris vestri, qui in cœlis est: qui solem suum orí-ri facit super bonos et malos, et pluit super justos et injústos. Si enim díligitis eos, qui vos díligunt, quam mercédem habébitis? Nonne et publicáni hoc faciunt? Et si salutavéri-

Festa Julii.

tis fratres vestros tantum, quid amplius faciatis? Nónne et éthnici hoc faciunt? Estóte ergo vos perfecti, sicut et pater vester cœlestis perfectus est.

Offertorium. Psal. 20. Desidérium animæ ejus tribuisti ei Dómine, et voluntáte labiórur ejus non fraudasti eum: posuisti in cápite ejus coronam de lápide pretióso. **Secreta.**

Sacris altáribus, Dómine, hóstias superpósitas sanctus Joánnes Abbas, quæsumus, in salutem nobis proveníre depóscat. Per Dóminum.

Pro SS. Nabore et Felice Mart.
Secreta.

Munera plebis tuæ, quæsumus Dómine, sanctórum mártýrum tuórum Náboris et Felícis fiant grata suffrágiis: et quórum triúmphis tuo nómini offerúntur, ipsórum digna perficiántur et méritis. Per Dóminum nostrum.

Communio. Luc. 12. Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio.

Próteget nos, Dómine, cum tui perceptióne sacraménti, beátus Joánnes Abbas pro nobis intercedéndo: ut, et conversatiónis ejus experiámur insígnia, et intercessiόνis percipiámus suffrágia. Per Dónm.

Pro SS. Nabore et Felice Mart.

Postcommunio.

Natalítiis sanctórum tuórum, quæsumus Dómine: ut sacraménti múnere vegetáti, bonis, quibus per tuam grátiam nunc fovémur, perfruámur ætérnis. Per Dóminum.

EADEM DIE.

**Sanctorum Martyrum
NABORIS et FELICIS.**

Missa. Salus autem. de Comm. fol. x.
Orationes ut supra.



DIE XIII.

S. ANACLETI PAPÆ et Mart.

Introitus. Dan. 3.



Acerdótes Dei benedicite Dóminum: sancti et húmiles corde laudáte Deum.

Dan. ib. Benedicite ómnia ópera Dómini Dómino: laudáte et superexaltáte eum in sæcula.

V. Glória Patri.

Oratio.

Deus, qui nos beáti Anacléti mártýris tui atque pontíficis ánnua solemnitáte lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dóminum nostrum.

Léctio Epístolæ beáti Pauli Apóstoli ad Corínthios.

2. Cor. 1.

Fratres, Benedictus Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra: ut possimus et ipsi consolári eos, qui in omni pressúra sunt, per exhortatió-nem, qua exhortámur et ipsi à Deo. Quóniam sicut abúndant passiónes Christi in nobis: ita et per Christum abúndat consolátio nostra. Sive autem tribulámur pro vestra exhortatióne et salúte: sive consolámur pro vestra consolatióne: sive exhortámur pro vestra exhortatióne et salúte, quæ operátur tolerántiam earúmdem passiónum, quas et nos pátimur: ut spes nostra firma sit pro vobis: sciéntes, quod, sicut sócii passiónum estis, sic éritis et consolatiónis, in Christo Jesu Dómino nostro.

Graduale. Psal. 8. Glória et honóre coronásti eum.

V. Et constituísti eum super ópera mánuum tuárum, Dómine.

Allelúja, allelúja.

V. Hic est sacérdos, quem coronávit Dóminus. Allelúja.

Festa Julii.

 Sequéntia sancti Evangélii secúndum Lucam. **Luc. 14. f**

IN illo témpore: Dixit Jesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discípus. Et qui non bájulat crucem suam, et venit post me, non potest meus esse discípus. Quis enim ex vobis volens turrim ædificáre, non prius sedens cómputat sumptus, qui necessarij sunt, si hábeat ad perficiéndum; ne, post-eáquam posúerit fundaméntum, et non potúerit perficere, omnes qui vident, incípiant illúdere ei, dicéntes: Quia hic homo cœpit ædificáre, et non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem míllibus occúrrere ei, qui cum vigínti míllibus venit ad se? Alióquin adhuc illo longe agénte, legationem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ pössidet, non potest meus esse discípus.

Offertorium. Ps. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

MUnera tibi, Dómine, dicáta sanctífica, et intercedénte beáto Anacleto mártire tuo, atque pontífice, per éadem nos placátus inténde. Per Dóminum nostrum.

Communio. Psal. 20. Posuísti, Dómine, in cápite ejus corónam de lápide pretióso. **Postcommunio.**

HÆc nos communio, Dómine, purget à crimine: et intercedénte beáto Anacleto mártire tuo atque pontífice, cœlestis remédii fáciat esse consórtes. Per Dóminum.



DIE XIV.

S. BONAVENTURÆ EPISC.

Confess. et Ecclesiæ Doctoris.

Introitus. **Eccli. 15.**

IN médio Ecclesiæ apéruit os ejus: et implévit eum Dóminus spíritu sapiéntiæ et intelléctus: stolam glóriæ induit eum. **Psal. 91.** Bonum est confitéri Dómino: et psállere nómini tuo, altísime. **V.** Glória Patri.

Oratio.

DEus, qui pópulo tuo æternæ salutis beátum Bonaventúram minístrum tribuísti: præsta quæsumus; ut quem doctórem vitæ habúimus in terris, intercessórem habére mereámur in cœlis. Per Dóminum.

Léctio Epístolæ beáti Pauli Apóstoli ad Timótheum. **2. Tim. 4.**

CAríssime, Testíficor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: prædica verbum, insta opportúne, importúne: argue, óbsecra, increpa in omni patientia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus; et à veritáte quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, minístérium tuum imple. Sóbrius esto. Ego enim jam delíbor, et tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus judex: non solum autem mihi, sed et iis, qui díligunt advéntum ejus.

Graduale. Psal. 36. Os justi meditábitur sapiéntiam, et lingua ejus loquétur judícium.

Festa Julii.

V. Lex Dei ejus in corde ipsius: et non supplantabuntur gressus ejus.

Allelúja, allelúja.

V. Psal. 109. Jurávit Dóminus, et non pœnitêbit eum: tu es sacérdos in ætérnum secúndum órđinem Melchisedech. **Allelúja.**

Sequētia sancti Evangélii secúndum Matthæum. Mtth. 5. b

In illo tēpore: Dixit Jesus discipulis suis: Vos estis sal terræ. Quod si sal evanúerit, in quo salietur? Ad nīhilum valet ultra, nisi ut mittatur foras, et conculcetur ab hominibus. Vos estis lux mundi. Non potest civitas abscondi supra montem posita. Neque accēdunt lucernam, et ponunt eam sub módio, sed super candelábrum, ut luceat omnibus, qui in domo sunt. Sic luceat lux vestra coram hominibus, ut vídeant ópera vestra bona, et glorificent Patrem vestrum, qui in cœlis est. Nolite putare quóniam veni sölvere legem, aut prophétas; non veni sölvere, sed adimplere. Amen quippe dico vobis, donec tránseat cœlum et terra, jota unum, aut unus apex non præteribit à lege, donec ómnia fiant. Qui ergo sölverit unum de mandátis istis minimis, et docúerit sic hómines, minimus vocábitur in regno cœlórum: qui autem fécerit et docúerit, hic magnus vocábitur in regno cœlórum. **Credo.**

Offertorium. Psal. 88. Veritas mea, et misericórdia mea cum ipso: et in nómine meo exaltábitur cornu ejus.

Secreta.

Sancti Bonaventúre Confessoris tui atque Pontíficis, quæsumus Dómine, ánnua solémnitas pietáti tuæ nos reddat accéptos: ut per hæc piæ placatiónis officia, et illum beáta retribútio comitétur, et nobis grátie tuæ dona concíliet. **Per Dóminum.**

Communio Luc. 12. Fidélis servus et prudens, quem constituit Dóminus super familiam suam, ut det illis in tēpore trítici mensúram.

Postcommunio.

Deus, fidélium remunerátor animárum, præsta: ut beáti Bonaventúre Confessoris tui atque Pontíficis, cujus venerándam celebrámus festivitátem, précibus indulgéntiam consequámur. **Per Dóminum.**

DIE XV.**S. HENRICI CONFESSORIS.**

Missa. Os justi. ut in Comuni Confessoris non Pontif. fol. xvii. præter Orationem sequentem. Oratio.

Deus, qui hodiérna die beátum Henricum Confessorem tuum, e terréni cúlmine impérii, ad regnum ætérnum transtulisti: te supplices exorámus, ut sicut illum grátie tuæ ubertáte prævéntum illécebras sæculi superáre fecisti; ita nos fácias, ejus imitatione, mundi hujus blandiménta vitare, et ad te puris méntibus pervenire. **Per Dóminum.**

DIE XVI.**IN FESTO B. MARIE VIRG.**

de Monte Carmelo.

Introitus.

GAudeámus omnes in Dómino diem festum celebrántes sub honóre beátæ Mariæ vírginis: de cujus sollemnitate gaudent Angeli, et collaudant Fílium Dei.

Psal. 44. Eructávit cor meum verbum bonum: dico ego ópera mea Regi. **V. Glória Patri. Oratio.**

Deus, qui beatíssimæ semper vírginis et genitrícis tuæ Mariæ singulári título Carméli Ordinem decorásti: concéde propítius; ut, cujus hódie commemoratióem solémni celebrámus officio, ejus muniti præsídiis, ad gáudia sempitérna pervenire mereámur. **Qui vivis etc.**

Lectio libri Sapiéntiæ. Eccli. 24. c

EGo quasi vitis fructificávi suavitátem odóris: et flores mei, fructus honóris et honestátis. **Ego**

mater pulchræ dilectionis, et timoris, et agnitionis, et sanctæ spei. In me grátia omnis viæ et veritatis: in me omnis spes vitæ, et virtutis. Transíte ad me omnes qui concupiscitis me, et à generationibus meis implémini. Spíritus enim meus super mel dulcis, et hæreditas mea super mel et favum. Memória mea in generationes sæculorum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me vitam ætérnam habébunt.

Graduale. Benedícta, et venerábilis es, virgo María, quæ sine tactu pudoris, invénta es mater Salvatoris.

V. Virgo Dei génitrix, quem totus non capit orbis, in tua se clausit viscera factus homo. **Allelúja, allelúja.**

V. Per te, Dei génitrix, nobis est vita pérdita data: quæ de cælo suscepísti prolem, et mundo genuísti Salvatórem. **Allelúja.**

Sequéntia sancti Evangélíi secúndum Lucam. **Luc. 11. d**

IN illo témpore: Loquente Jesu ad turbas, extóllens vocem quædam múlíer de turba, dixit illi: Beátus venter, qui te portávit, et úbera, quæ suxísti. At ille dixit: Quinímo beáti, qui áudiunt verbum Dei et custódiunt illud. **Credo.**

Offertorium. Recordáre, virgo mater, in conspéctu Dei, ut loquáris pro nobis bona, et ut avértat indignatió-nem suam à nobis. **Secreta.**

Sanctífica, Dómine quæsumus, obláta libámina: et beátæ Dei genitrícis Mariæ salubérrima intercessióne, nobis salutária fore concéde. Per eúmdem Dóminum nostrum.

Præfatio de Beata Maria. Et te in Commemoratíone beátæ Mariæ. fol. 199. **vel 218.**

Communio. Regína mundi digníssima, María virgo perpétua, intercède pro nostra pace et salute: quæ

genuísti Christum Dóminum Salvatórem ómnium.

Postcommunio.

Adjuvet nos, quæsumus Dómine, gloriósæ tuæ genitrícis, semperque vírginis Mariæ intercessio veneránda: ut quos perpétuis cumulávit beneficiis; à cunctis perículis absolútos, sua fáciat pietáte concórdes. Qui vivis et regnas.

DIE XVII.

S. ALEXII CONFESSORIS.



Introitus. Ps. 36.

S justi meditábitur sapiéntiam, et lingua ejus loquétur judícium: lex Dei ejus in corde ipsíus. **Psal. ibid. Noli æmulári in malignántibus: neque zeláveris faciéntes iniquitátem.**

V. Glória Patri.

Oratio.

Deus, qui nos beáti Aléxii confessoris tui ánnua solemnitate lætíficas: concéde propítius; ut ejus natalítia cólimus, étiam actiónes imitémur. Per Dóminum nostrum.

Léctio Epístolæ beáti Pauli Apóstoli ad Timótheum. **1. Tim. 6. b**

Caríssime, Est quæstus magnus pietas cum sufficiéntia. Nihil enim intúlimus in hunc mundum: haud dúbium quod nec auférre quid pòssumus. Habéntes autem aliménta, et quibus tegámur, his conténti simus. Nam qui volunt dívites fieri, incidunt in tentatió-nem, et in láqueum diáboli, et desidéria multa inutilia, et nocíva, quæ mergunt hómines in intéritum, et perditionem. Radix enim ómnium malórum est cupiditas: quam quidam appeténtes, erravérunt à fide, et inseruérunt se dolóribus multis. Tu autem, o homo Dei, hæc fuge: sectáre vero justítiam, pietátem, fidem, caritátem, paciéntiam, mansuetúdinem. Certa bonum certámen fidei, apprehénde vitam ætérnam.

Festa Julii.

Graduale. Psal. 91. Justus ut palma florébit: sicut cedrus Líbani multiplicábitur in domo Dómini.

V. Ad annuntiándum mane misericórdiam tuam, et veritátem tuam per noctem. **Allelúja, allelúja.**

V. Jac. 1. Beátus vir, qui suffert tentationem: quóniam cum probátus fúerit, accípiet coronam vitæ. **Allel.**

Sequéntia sancti Evangélíi secúndum Matthæum. **Matth. 19. d**

IN illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Jesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israel. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam ætérnam possidébit.

Offertorium. Psal. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

LAudis tibi, Dómine, hóstias immolámus in tuórum commemoratióne sanctórum: quibus nos et præséntibus éxui malis confidimus, et futúris. Per Dóminum nostrum.

Communio. Matth. 24. Beátus servus, quem, cum vénerit Dóminus, invénerit vigilántem: amen dico vobis, super ómnia bona sua constituet eum.

Postcommunio.

REfécti cibo, potúque cœlesti, Deus noster, te supplices exorámus: ut in cujus hæc commemoratióne percépimus, ejus muniámur et précibus. Per Dóminum nostrum.

**DIE XVIII.**

S. CAMILLI DE LELLIS Conf.

Introitus. Joan. 15.

MAjorem hac dilectiõnem nemo habet, ut ánimam suam ponat quis pro amicis suis.

Psal. 40. Beátus qui intélligit super egénium et páuperem: in die mala liberábit eum Dóminus.

V. Glória Patri.

Oratio.

DEus, qui sanctum Camillum, ad animárum in extrémò agóne luctántium subsidium, singulári caritátis prærogatíva decorásti: ejus, quæsumus, méritis Spíritum nobis tuæ dilectiõnis infúnde, ut in hora éxitus nostri hostem vincere, et ad cœléstem mereámur coronam pervenire. Per Dóminum nostrum. in unitáte ejúsdem Spíritus.

Commém. de SS. Symphorosa, et Filii Mm. ut in seq. Missa propria.

Lectio Epístolæ beáti Joánnis Apóstoli.

1. Joann. 3. c

CARÍSSIMI, Nolíte mirári, si odit vos mundus. Nos scimus quóniam transláti sumus de morte ad vitam, quóniam diligimus fratres. Qui non diligit, manet in morte: omnis qui odit fratrem suum, homicída est. Et scitis, quóniam omnis homicída non habet vitam ætérnam in semetipso manéntem. In hoc cognóvimus caritátem Dei, quóniam ille ánimam suam pro nobis pósuit: et nos debémus pro frátribus ánimas pónere. Qui habúerit substántiam hujus mundi, et viderit fratrem suum necessitátem habére, et cláuserit víscera sua ab eo: quómodo caritas Dei manet in eo? Filíoli mei, non diligámus verbo, neque lingua, sed ópere et veritáte.

Graduale. Psal. 36. Os justi meditábitur sapiéntiam, et lingua ejus loquétur judícium.

V. Lex Dei ejus in corde ipsíus, et non supplantabúntur gressus ejus.

Allelúja, allelúja.

V. Psal. 111. Beátus vir, qui timet Dóminum: in mandátis ejus cupit nimis. Allelúja.

Sequéntia sancti Evangélíi secúndum Joánnem. Joan. 15. b

IN illo témpore: Dixit Jesus discí- pulis suis: Hoc est præcéptum meum, ut diligátis invicem, sicut diléxi vos. Majórem hac dilectiónem nemo habet, ut ánimam suam ponat quis pro amícis suis. Vos amíci mei estis, si fecéritis quæ ego præcípio vobis. Jam non dicam vos servos: quia servus nescit quid fáciat Dóminus ejus. Vos autem dixi amícos, quia ómnia quæcúmque audívi à Patre meo, nota feci vobis. Non vos me elegístis, sed ego elégi vos, et pósui vos, ut eátis, et fructum afferátis, et fructus vester máneat: ut quodcúmque petiéritis Patrem in nómine meo, det vobis.

Offertorium. Ps. 20. In virtúte tua, Dómine, lætábitur justus, et super salutáre tuum exultábit veheménter: desidérium ánimæ ejus tribuísti ei.

Secreta.

HOstia immaculáta, qua illud Dómini nostri Jesu Christi imménsæ caritátis opus renovámus, sancto Camillo intercedénte, sit contra omnes córporis et ánimæ infirmitátes salutáre remédium, et in extrémó agóne solátium et tutéla. Per eúmdem Dóminum.

Secreta pro SS. Symphorosa, et filiis ut in seq. Missa.

Communio. Matth. 25. Infirmus fui, et visitástis me. Amen, amen dico vobis: quámdiu fecístis uni ex his frátribus meis mínimis, mihi fecístis.

Postcommunio.

PER hæc cœléstia aliménta, quæ sancti Camilli confessóris tui solémnia celebrántes, pia devotíone suscepimus, da, quæsumus Dómine: ut in hora mortis nostræ sacraméntis refécti, et culpis ómnibus expiáti, in sinum misericórdiæ tuæ læti súscipi mereámur. Qui vivis et regnas.

Postcommunio de SS. Symphorosa et filiis, ut in sequenti Missa.

EADEM DIE.

S. SYMPHOROSÆ cum septem Fíliis Martyribus.

Introitus. Ps. 33.



Clamavérunt justí, et Dóminus exaudivit eos: et ex ómnibus tribulatióibus eórum liberávit eos.

Psal. ibid. Benedícam Dóminum in omni témpore: semper laus ejus in ore meo. **V. Glória Patri.**

Oratio.

DEus, qui nos concédís sanctórum mártýrum tuórum Symphorósæ, et filiórum ejus natalítia cólere: da nobis in æténa beatitúdine de eórum societáte gaudére. **Per Dóminum.**

Léctio Epístolæ beáti Pauli Apóstoli ad Hebræos. Hebr. 11. f

FRatres, Sancti per fidem vicérunt regna, operáti sunt justítiam, adépti sunt repromissiões, obturavérunt ora leónum, extinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra verterunt exterórum: accepérunt mulieres de resurrectione mórtuos suos: álii autem disténti sunt non suscipiéntes redemptionem, ut meliorem invenírent resurrectionem. Alii vero ludíbria et vérbera expérti, ínsuper et víncula et cárceres: lapidáti sunt, secti sunt, tentáti sunt, in occisióne gládii mórtui sunt: circuiérunt in melótis, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus, et spelúncis, et in cavérnis terræ. Et hi omnes testimonió fidei probáti invénti sunt in Christo Jesu Dómino nostro.

Festa Julii.

Graduale. Psal. 132. Ecce quam bonum, et quam jucundum habitare fratres in unum.

V. Sicut unguentum in capite, quod descendit in barbam, barbam Aaron.

Allelúja, allelúja.

V. Hæc est vera fraternitas, quæ vicit mundi crimina: Christum secuta est, incluta tenens regna cœlestia. **Allelúja.**



Sequëntia sancti Evangélîi secúndum Lucam. Luc. 12.

In illo tempore: Dixit Jesus discipulis suis: Attēdite à fermento Pharisæorum, quod est hypócrisis. Nihil autem opertum est, quod non reveletur: neque absconditum, quod non sciatur. Quóniam quæ in tenebris dixistis, in lumine dicentur, et quod in aurem locuti estis in cubiculis, prædicabitur in tectis. Dico autem vobis amicis meis: Ne terreāmini ab his, qui occidunt corpus, et post hæc non habent amplius quid faciant. Ostendam autem vobis quem timeatis: timeate eum, qui postquam occiderit, habet potestatem mittere in gehennam. Ita dico vobis, hunc timeate. Nonne quinque pāsseres véneunt dipéndio, et unus ex illis non est in oblivione coram Deo? Sed et capilli capitis vestri omnes numerati sunt. Nolite ergo timere, multis passéribus pluris estis vos. Dico autem vobis: Omnis, quicumque confessus fuerit me coram hominibus, et Filius hominis confitebitur illum coram Angelis Dei.

Offertorium. Psal. 31. Lætāmini in Dómino et exultate justi: et gloriāmini omnes recti corde.

Secreta.

Munera tibi Dómine, nostræ devotiónis offerimus: quæ et pro tuorum tibi grata sint honóre justorum, et nobis salutária, te miserante, reddantur. Per Dóminum nostrum Jesum Christum Fílium tuum.

Communio. Matth. 12. Quicumque fecerit voluntatem Patris mei, qui in

cœlis est, ipse meus frater, et soror, et mater est, dicit Dóminus.


Postcommunio.

Præsta nobis, quæsumus Dómine, intercedéntibus sanctis martyribus tuis Symphorósa et filiis ejus: ut quod ore contingimus, pura mente capiamus. Per Dóminum nostrum.

DIE XIX.

S. VINCENTII A PAULO Conf.

Introitus. Ps. 91.



Justus ut palma florebit, sicut cedrus Libani multiplicabitur: plantatus in domo Dómini, in atriis domus Dei nostri.

Psal. ibid. Bonum est confitèri Dómino: et psállere nómini tuo, Altissime. **V.** Glória Patri.

Oratio.

Deus, qui ad evangelizandum paupéribus, et Ecclesiástici órdis decórem promovéndum, beátum Vincentium Apostólica virtúte roborasti: præsta quæsumus; ut cujus pia mérita venerámur, virtútum quoque instruámur exémpis. Per Dóminum.

Léctio Epístolæ beáti Pauli Apóstoli ad Corínthios. 1. Cor. 4. b

Fratres, Spectáculum facti sumus mundo, et Angelis, et homínibus. Nos stulti propter Christum, vos autem prudentes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes mánibus nostris: maledícimur, et benedícimus: persecutióne pátimur, et sustinémus: blasphemámur, et obsecrámus: tamquam purgaménta hujus mundi facti sumus, ómnium peripséma usque adhuc. Non ut confundam vos hæc scribo, sed ut filios meos caríssimos móneo: in Christo Jesu Dómino nostro.

Festa Julii.

Graduale. Psal. 36. Os justi meditabitur sapientiam, et lingua ejus loquetur iudicium.

V. Lex Dei ejus in corde ipsius: et non supplantabuntur gressus ejus.

Allelúja, allelúja.

V. Psal. 111. Beatus vir, qui timet Dominum, in mandatis ejus cupit nimis. **Allelúja.**

Sequéntia sancti Evangelii secundum Lucam. Luc. 10.

In illo tempore: Designavit Dominus et alios septuaginta duos, et misit illos binos ante faciem suam in omnem civitatem, et locum, quo erat ipse venturus. Et dicebat illis: Messis quidem multa, operarii autem pauci. Rogate ergo Dominum messis, ut mittat operarios in messem suam. Ite: ecce ego mitto vos sicut agnos inter lupos. Nolite portare sacculum, neque peram, neque calceamenta, et neminem per viam salutaveritis. In quamcumque domum intraveritis, primum dicite: Pax huic domui: et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes et bibentes quæ apud illos sunt: dignus est enim operarius mercede sua. Nolite transire de domo in domum. Et in quamcumque civitatem intraveritis, et susceperint vos, manducate quæ apponuntur vobis: et curate infirmos, qui in illa sunt, et dicite illis: Appropinquavit in vos regnum Dei.

Offertorium. Ps. 20. In virtute tua, Domine, lætabitur justus, et super salutare tuum exultabit vehementer: desiderium animæ ejus tribuisti ei.

Secreta.

Præsta nobis, quæsumus, omnipotens Deus: ut nostræ humilitatis oblatio, et pro tuorum tibi grata sit honore sanctorum, et nos corpore pariter et mente purificet. Per Dominum nostrum.

Communio. Matth. 19. Amen dico vobis, quod vos, qui reliquistis omnia,

et secuti estis me, centuplum accipietis, et vitam æternam possidebitis.

Postcommunio.

Quæsumus, omnipotens Deus: ut qui cœlestia alimenta percipimus, intercedente beato Vincéntio confessore tuo, per hæc contra omnia adversa muniamur. Per Dominum.

DIE XX.

SANCTI HIERONYMI

Emiliani Confessoris.

Introitus. Jer. Thr. 2. 11.



Effusum est in terra jecur meum super contritione filiae populi mei, cum deficeret parvulus, et lactens in plateis oppidi. **Ps. 112.** Laudate pueri Dominum: laudate nomen Domini. **V.** Glória Patri.

Oratio.

Deus misericordiarum Pater, per mérita et intercessionem beati Hierónymi, quem orphanis adiutorem et patrem esse voluisti: concède; ut Spíritum adoptionis, quo filii tui nominamur et sumus, fideliter custodiámus. Per Dñm. in unitate ejusdem Spíritus.

Pro commem. S. Margaritæ Virginis et Mart. Oratio.

Indulgentiam nobis, quæsumus Domine, beata Margarita virgo et martyr implóret: quæ tibi grata semper extitit et mérito castitatis, et tuæ professione virtutis. Per Dominum nostrum.

Lectio Isaïæ Prophætæ. Isai. 58. b

Erange esuriénti panem tuum, et egénos, vagósque induc in domum tuam: cum videris nudum, óperi eum, et carnem tuam ne despéxeris. Tunc erumpet quasi mane lumen tuum et sánitas tua citius oriétur, et anteíbit faciem tuam justitia tua, et glória Domini colliget te.

Festa Julii.

Tunc invocábis, et Dóminus exáudiet: clamábis, et dicet: Ecce adsum: Si abstúleris de médio tui caténam, et desíeris exténdere dígitum, et loqui quod non prodest. Cum effúderis esuriénti ánimam tuam, et ánimam afflíctam repléveris, oriétur in ténebris lux tua, et ténebræ tuæ erunt sicut merídiæ. Et réquiem tibi dabit Dóminus semper, et implébit splendóribus ánimam tuam, et ossa tua liberábit, et eris quasi hortus irríguus, et sicut fons aquárum, cujus non defícient aquæ.

Graduale. Prov. 5. Derivéntur fontes tui foras, et in platéis aquas tuas dívide.

V. Ps. 111. Jucúndus homo, qui miserétur, et cómmodat: dispónet sermónes suos in iudício, quia in ætérnum non commovébitur.

Allelúja, allelúja.

V. Dispérsit, dedit paupéribus: justítia ejus manet in sǎculum sǎculi. **Allelúja.**

Post Septuagesimam, omissis Allelúja, et Versu seq. dicitur:

Tractus. Job. 31. Si negávi, quod volébant, paupéribus: et óculos víduæ expectáre feci.

V. Si comédi buccéllam meam solus, et non comédit pupíllus ex ea.

V. Quia ab infántia crevit mecum miserátio, et de útero matris meæ egréssa est mecum.

Tempore Paschali in Missis votivis omittitur Graduale, et ejus loco dicitur: Allelúja, allelúja.

V. Psal. 111. Dispérsit, dedit paupéribus: justítia ejus manet in sǎculum sǎculi. **Allelúja.**

V. Psal. 83. Elégi abjéctus esse in domo Dei mei, magis quam habitáre in tabernáculis peccatórum. **Allelúja.**

Sequéntia sancti Evangélíi scúndum Matthæum. Matth. 19. b

IN illo témpore: Obláti sunt Jesu párvuli, ut manus eis impóneret, et oráret. Discípuli autem increpábant eos. Jesus vero ait eis: Sinite

párvulos, et nolíte eos prohibére ad me veníre: tálium est enim regnum coelórum. Et cum imposuísset eis manus, ábiit inde. Et ecce unus accédens, ait illi: Magíster bone, quid boni fáciam, ut hábeam vitam ætérnam? Qui dixit ei: Quid me intérrogas de bono? Unus est bonus, Deus. Si autem vis ad vitam íngredi, serva mandáta. Dicit illi: Quæ? Jesus autem dixit: Non homicídium fácies: non adulterábis: Non fácies furtum: non falsum testimónium dices: honóra patrem tuum, et matrem tuam, et díliges próximum tuum sicut te ipsum. Dicit illi adoléscens: Omnia hæc custodívi à juventúte mea: quid adhuc mihi deest? Ait illi Jesus: Si vis perfectus esse, vade, vende ómnia, quæ habes, et da paupéribus, et habébis thesáurum in cœlo: et veni, séquere me.

Offertorium. Tobíæ 12. Quando orábas cum lácrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos: ego óbtuli oratióem tuam Dómino. **Secreta.**

Clementíssime Deus, qui véteri hómine consúmpto, novum scúndum te in beáto Hierónymo creáre dignátus es: da, per mérita ipsíus; ut nos páriter renováti, hanc placatiónis hóstiam in odórem tibi suavíssimum offerámus. Per Dóminum nostrum.

Pro S. Margarita. Secreta.

HOstias tibi, Dómine, beátæ Margaritæ vírginis et mártýris tuæ dicátas méritis, benígnus assúme: et ad perpétuum nobis tríbue proveníre subsidium. Per Dóminum.

Communio. Jac. 1. Relígio munda et immaculáta apud Deum et Patrem, hæc est: visitáre pupíllas, et víduas in tribulatióne eórum, et immaculátum se custodíre ab hoc sǎculo.

In sequenti Postcommunione in Missis votivis omittitur annuam.

Postcommunio.

Angelorum pane refecti te, Domine, suppliciter deprecamur: ut qui annuam beati Hieronymi confessoris tui memoriam celebrare gaudemus; ejusdem etiam et exemplum imitemur, et amplissimum in regno tuo præmium obtinere valeamus. Per Dominum nostrum.

Pro Sancta Margarita.
Postcommunio.

Divini muneris largitate satiati, quæsumus Domine Deus noster: ut, intercedente beata Margarita virgine et martyre tua, in ejus semper participatione vivamus. Per Dominum nostrum.

EADEM DIE.
SANCTÆ MARGARITÆ
Virginis et Martyris.

Missa. Me expectaverunt. de Comuni fol. xxi.

DIE XXI.
S. PRAXEDIS VIRGINIS.



Introitus. Psal. 118.

Oquēbar de testimoniis tuis in conspectu regum, et non confundēbar: et meditābar in mandatis tuis, quæ dilēxi nimis.

Psal. ibid. Beati immaculati in via: qui ambulant in lege Domini. V. Glória Patri.

Oratio.

Exaudi nos, Deus salutaris noster: ut sicut de beatæ Praxedis virginis tuæ festivitāte gaudemus; ita piæ devotiōnis erudiāmur affēctu. Per Dominum.

Lectio Epistolæ beati Pauli Apostoli ad Corinthios. 1. Cor. 7. c

Fratres, De virginibus præceptum Domini non habeo: consilium autem do, tamquam misericordiam consecutus à Domino, ut sim fidelis. Existimo ergo hoc bonum

esse propter instantem necessitatem, quoniam bonum est homini sic esse. Alligatus es uxori? noli quærere solutionem. Solutus es ab uxore? noli quærere uxorem. Si autem accéperis uxorem, non peccasti. Et si nupserit virgo, non peccavit. Tribulationem tamen carnis habebunt hujusmodi. Ego autem vobis parco. Hoc itaque dico, fratres: Tempus breve est: reliquum est, ut et qui habent uxores, tamquam non habentes sint: et qui flent, tamquam non flentes: et qui gaudent, tamquam non gaudentes: et qui emunt, tamquam non possidentes: et qui utuntur hoc mundo, tamquam non utantur: præterit enim figura hujus mundi. Volo autem vos sine sollicitudine esse. Qui sine uxore est, sollicitus est, quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori, et divisus est. Et mulier innupta, et virgo cogitat quæ Domini sunt, ut sit sancta corpore et spiritu: in Christo Jesu Domino nostro.

Graduale. Psal. 44. Dilexisti justitiam, et odisti iniquitatem.

V. Propterea unxit te Deus, Deus tuus, oleo lætitiæ.

Allelúja, allelúja.

V. Spécie tua, et pulchritudine tua inténde, prospere procéde, et regna. Allelúja.

Sequéntia sancti Evangélii secundum Matthæum. Matth. 13. f

In illo tempore: Dixit Jesus discipulis suis parabolam hanc: Simile est regnum cælorum thesauro abscondito in agro: quem qui invenit homo, abscondit, et præ gaudio illius vadit, et vendit universa, quæ habet, et emit agrum illum. Iterum simile est regnum cælorum homini negotiadori, quærenti bonas margaritas. Inventa autem una pretiosa margarita, abiit, et vendidit omnia, quæ habuit, et emit eam. Iterum simile

Festa Julii.

est regnum cœlorum sagénæ missæ in mare, et ex omni genere piscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sæculi: **Exibunt Angeli**, et separábunt malos de medio justórum, et mittent eos in camínium ignis: ibi erit fletus, et stridor dentium. Intellexístis hæc ómnia? Dicunt ei: **Etiam**. Ait illis: Ideo omnis scriba doctus in regno cœlorum, similis est hómini patrifamílias, qui profert de thesauro suo nova et vétera.

Offertorium. Psal. 44. Diffúsa est grátia in lábiis tuis: proptérea benedíxit te Deus in ætérnum, et in sæculum sæculi.

Secreta.

A Ccépta tibi sit, Dómine, sacrætæ plebis oblátio pro tuórum honóre sanctórum: quórum se méritis de tribulatione percepisse cognóscit auxiliúm. **Per Dóminum.**

Communio. Matth. 13. Símile est regnum cœlorum hómini negotiatóri quærénti bonas margarítas: invénta una pretiósa margaríta, dedit ómnia sua, et comparávit eam.

Postcommunio.

S Atiásti, Dómine, famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. **Per Dóminum nostrum.**

DIE XXII.**S. MARIE MAGDALENÆ.****Introitus. Psal. 118.**

M E expectavérunt peccatóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis. **Ps. ib.** **Beáti** immaculáti in via: qui ámbulant in lege Dómini. **V. Glória Patri.**

Oratio.

B Eátæ Mariæ Magdalénæ, quæsumus Dómine, suffrágiis adjuvémur: cujus précibus exorátus, quatríduánum fratrem Lázarum vivum ab ínferis resuscitásti. Qui vivis et regnas etc.

Lectio libri Sapiéntiæ. Cant. 3 et 8.

S Urgam, et circuibo civitátem: per vicos et plateas quæram quem diligit ánima mea: quæsívi illum, et non invéni. Invenérunt me vígiles, qui custódiunt civitátem. Num quem diligit ánima mea, vidístis? Páululum cum pertransíssem eos, invéni quem diligit ánima mea: ténui eum, nec dimíttam, donec introducam illum in domum matris meæ, et in cubículum genitrícis meæ. Adjúro vos, filiæ Jerúsalem, per cápreas, cervósque campórum, ne suscitétis, neque evigiláre faciátis diléctam, donec ipsa velit. Pone me ut signáculum super cor tuum, ut signáculum super bráchium tuum: quia fortis est ut mors diléctio, dura sicut inférnus æmulátio: lámpades ejus, lámpades ignis, atque flammárum. Aquæ multæ non potuérunt extínguere caritátem, nec flúmina óbrent illam: si déderit homo omnem substántiam domus suæ pro dilectióne, quasi nihil despíciat eam.

Graduale. Psal. 44. Dilexísti justítiam, et odísti iniquitátem.

V. Proptérea unxit te Deus, Deus tuus, óleo lætitiæ. **Allelúja, allelúja.**

V. Diffúsa est grátia in lábiis tuis: proptérea benedíxit te Deus in ætérnum. **Allelúja.**

Sequéntia sancti Evangélíi secúndum Lucam. Luc. 7. f

I N illo témpore: Rogábat Jesum quidam de Pharisæis, ut manducáret cum illo. Et ingræssus domum Pharisæi, discúbuit. Et ecce múluer, quæ erat in civitáte peccátrix, ut cognóvit quod accubuisset in domo Pharisæi, áttulit alabástrum unguénti: et stans retro secus pedes ejus,

lácrymis cœpit rigáre pedes ejus, et capillis cápitis sui tergébat, et osculabátur pedes ejus, et unguénto unguébat. Videns autem Pharisæus, qui vocáverat eum, ait intra se, dicens: Hic, si esset Prophéta, sciret útique, quæ et qualis est múluer, quæ tangit eum: quia peccátrix est. Et respóndens Jesus, dixit ad illum: Simon, hábeo tibi áliquíd dicere. At ille ait: Magíster, dic. Duo debitóres erant cuídám fœneratóri: unus debébat denários quingéntos, et álius quinquagínta. Non habéntibus illis unde réderent, donávit utrisque. Quis ergo eum plus díligit? Respóndens Simon, dixit: Æstimo quia is, cui plus donávit. At ille dixit ei: Recte judicásti. Et convérsus ad mulierem, dixit Simóni: Vides hanc mulierem? Intrávi in domum tuam, aquam pedibus meis non dedísti: hæc autem lácrymis rigávit pedes meos, et capillis suis tersit. Osculum mihi non dedísti: hæc autem, ex quo intrávit, non cessávit osculári pedes meos. Oleo caput meum non unxísti: hæc autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minus dimíttitur, minus díligit. Dixit autem ad illam: Remittúntur tibi peccáta. Et cœpérunt, qui simul accumbébant, dicere intra se: Quis est hic, qui étiam peccáta dimíttit? Dixit autem ad mulierem: Fides tua te salvam fecit: vade in pace. **Credo.**

Offertorium. Psal. 44. Fíliæ regum in honóre tuo: ástitit regína à dextris tuis in vestítu deauráto, circúmdata varietáte.

Secreta.

MUnera nostra, quæsumus Dómine, beátæ Mariæ Magdalénæ gloriósa mérita tibi reddant accepta: cujus oblatiónis obséquium unigénitus Fílius tuus cleménter suscepit impénsum. Qui tecum vivit et regnat.

Communio. Ps. 118. Feci judícium, et justítiam, Dómine, non calumniéntur mihi supérbi: ad ómnia mandáta tua dirigébar, omnem viam iniquitátis ódio hábui.

Postcommunio.


SUmpto, quæsumus Dómine, único ac salutári remédio, corpore et ságuine tuo pretíoso: ab ómnibus malis, sanctæ Mariæ Magdalénæ patrocíniis, eruámur. Qui vivis.

DIE XXIII.

S. APOLLINARIS EPISC.

et Martyris.

Introitus. Dan. 3.



Acerdótes Dei benedicite Dóminum: sancti, et húmiles corde laudáte Deum.

Dan. ibid. Benedícite ómnia ópera Dómini Dómino: laudáte, et superexaltáte eum in sácula.

V. Glória Patri.

Oratio.

DEus, fidélium remunerátor animárum, qui hunc diem beáti Apollináris sacerdotis tui martyrio consecrásti: tribue nobis, quæsumus, fámulis tuis; ut cujus venerándam celebrámus festivitátem, précibus ejus indulgéntiam consequámur. Per Dóminum nostrum.

Pro Comm. S. Liborii Episcopi et Confessoris.

Oratio.

DA, quæsumus omnipotens Deus: ut beáti Libórii confessoris tui atque pontíficis veneránda solémnitas, et devotiónem nobis áugeat, et salútem. Per Dóminum nostrum.

Léctio Epístolæ beáti Petri Apóstoli.

1. Petr. 5.

CAríssimi, Senióres, qui in vobis sunt, óbsecro, consénior et testis Christi passiónum: qui et ejus, quæ in futúro revelánda est, glóriæ communicátor: Páscite qui in vobis est, gregem Dei, providéntes non coácte, sed spontáneæ secúndum Deum: neque turpis lucrí grátia, sed

Festa Julii.

voluntarie: neque ut dominantes in cleris, sed forma facti gregis ex animo. Et cum apparuerit princeps pastorum, percipietis immarcescibilem gloriæ coronam. Similiter adolescentes, subditi estote senioribus. Omnes autem invicem humilitatem insinuate: quia Deus superbis resistit, humilibus autem dat gratiam. Humiliamini igitur sub potenti manu Dei, ut vos exaltet in tempore visitationis: omnem sollicitudinem vestram projicientes in eum, quoniam ipsi cura est de vobis. Sobrii estote, et vigilate: quia adversarius vester diabolus tamquam leo rugiens circuit, querens quem devoret: cui resistite fortes in fide: scientes eandem passionem ei, quæ in mundo est, vestræ fraternitati fieri. Deus autem omnis gratiæ, qui vocavit nos in æternam suam gloriam in Christo Jesu, modicum passus ipse perficiet, confirmabit, solidabitque. Ipsi gloria et imperium in sæcula sæculorum. Amen.

Graduale. Psal. 88. Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum.

V. Nihil proficiet inimicus in eo: et filius iniquitatis non nocēbit ei.

Allelúja, allelúja.

V. Psal. 109. Juravit Dominus, et non poenitebit eum: tu es sacerdos in æternum secundum ordinem Melchisedech. **Allelúja.**

 **Sequentia sancti Evangelii secundum Lucam. Luc. 22. c**

IN illo tempore: Facta est contentio inter discipulos, quis eorum videretur esse major. Dixit autem eis Jesus: Reges gentium dominantur eorum; et qui potestatem habent super eos, benefici vocantur. Vos autem non sic: sed qui major est in vobis, fiat sicut minor: et qui præcessor est, sicut ministrator. Nam quis major est, qui recumbit, an qui ministrat? Nonne qui recumbit? Ego autem in

médio vestrum sum, sicut qui ministrat: vos autem estis, qui permansistis mecum in tentationibus meis. Et ego dispono vobis, sicut disposuit mihi Pater meus, regnum, ut edatis et bibatis super mensam meam in regno meo: et sedeatis super thronos, iudicantes duodecim tribus Israel.

Offertorium. Ps. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

Respice, Domine, propitius super hæc munerera, quæ pro beati sacerdotis et martyris tui Apollinaris commemoratione deferimus, et pro nostris offensionibus immolamus. Per Dominum nostrum.

Pro S. Liborio. Secreta.

Sancti tui, quæsumus Domine, nos ubique lætificent: ut dum eorum mérita recólimus, patrocínia sentiámus. Per Dominum nostrum.

Communio. Matth. 25. Domine, quinque talenta tradidisti mihi, ecce alia quinque superlucratus sum: Euge serve bone et fidelis, quia in pauca fuisti fidelis, supra multa te constituam: intra in gaudium domini tui.

Postcommunio.

Tua sancta sumētes, quæsumus Domine, ut beati Apollinaris nos foveant continuata præsidia: quia non desinis propitius intuēri, quos talibus auxiliis concesseris adjuvāri. Per Dominum nostrum.

Pro S. Liborio. Postcommunio.

Præsta, quæsumus omnipotens Deus: ut de percēptis munēribus grátias exhibētes, intercedēte beato Liborio confessore tuo atque pontifice, beneficia potiōra sumāmus. Per Dominum nostrum.

EADEM DIE.

S. LIBORII EPISC. et CONF.

Missa. Státuit. de Comuni. fol. xiii. cum Orationibus ut supra.

DIE XXIV.

IN VIGILIA S. JACOBI

Apostoli.

Missa. Ego autem sicut olíva. de **Vigilia Apostolorum.** fol. i.

Et fit commemoratio S. Christinæ virginis et martyris, cum Orationibus ex Missa. Me expectavérunt. fol. xxi. **et tertia Oratione de S. Maria. Concède.** fol. 244.

¶ **Si Festum S. Jacobi Apostoli venerit Feria secunda, de S. Christina fit commemoratio in Dominica, et de Vigilia fit commemoratio in Sabbato in Missa S. Apollinaris, ante commemorationem S. Liborii, pro quo tunc loco Orationis Da quæsumus. dicatur Oratio. Exáudi, quæsumus.** fol. xiv. **Et in fine legitur Evangelium ejusdem Vigiliæ.**

In Cathedralibus et Collegiatis dicuntur duæ Missæ, una de S. Apollinare, cum commemoratione S. Liborii. Orat. Da, quæsumus. sine commemoratione Vigiliæ, et Evangelio ejusdem; altera de Vigilia, sine commemoratione Sanctorum cum secunda Oratione, Concède. tertia, Ecclesiæ. vel pro Papa. fol. 244.

DIE XXV.

S. JACOBI APOSTOLI.

Introitus. Ps. 138.



M Ihi autem nimis honoráti sunt amíci tui, Deus: nimis confortátus est principátus eórum. **Ps. ib. Dómine, probásti me, et cognovísti me: tu cognovísti sessionem meam, et resurrectionem meam.**

V. Glória Patri.

Oratio.

E Sto, Dómine, plebi tuæ sanctificátor et custos: ut Apóstoli tui Jacóbi muníta præsídiis, et conversatione tibi pláceat, et secúra mente desérviat. **Per Dóminum.**

¶ **In Missis privatis tantum fit commemoratio S. Christophori Mart.**

Oratio.

P Ræsta, quæsumus omnipotens Deus: ut qui beáti Christóphori mártiris tui natalítia cólimus, intercessióne ejus in tui nóminis amóre roborémur. **Per Dóminum nostrum. Léctio Epístolæ beáti Pauli Apóstoli ad Corínthios.** **1. Cor. 4. b**

F Ratres, Puto, quod Deus nos Apóstolos novíssimos osténdit, tamquam morti destinátos: quia spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurímus, et sitímus, et nudi sumus, et cólaphis cædimur, et instábiles sumus, et laborámus operántes mánibus nostris: maledícimur, et benedícimus: persecutióne pátimur, et sustinémus: blasphemámur, et obsecrámus: tamquam purgaménta hujus mundi facti sumus ómnium peripséma usque adhuc. Non ut confúndam vos, hæc scribo, sed ut filios meos caríssimos móneo. Nam si decem míllia pædagogórum habeátis in Christo: sed non multos patres. Nam in Christo Jesu per Evangélium ego vos génui.

Graduale. Psal. 44. Constitues eos principes super omnem terram: mémoires erunt nóminis tui, Dómine.

V. Pro pátribus tuis nati sunt tibi filii, propterea pópuli confitebúntur tibi.

Allelúja, allelúja.

V. Joann. 15. Ego vos elégi de mundo, ut eátis, et fructum afferátis: et fructus vester máneat. Allelúja.



Sequéntia sancti Evangélii scúndum Matthæum. Matth. 20. c

I N illo témpore: Accéssit ad Jesum mater filiórum Zebedæi cum filiis suis, adórans et petens áliquíd ab eo. Qui dixit ei: Quid vis? Ait illi: Dic, ut sédeant hi duo filii mei, unus ad dexteram tuam, et unus ad sinístram in regno tuo. **Respóndens**

autem Jesus, dixit: Nescitis quid petatis. Potestis bibere cálicem, quem ego bibitúrus sum? Dicunt ei: Póssumus. Ait illis: Cálicem quidem meum bibétis: sedére autem ad dexteram meam, vel sinístram, non est meum dare vobis, sed quibus parátum est à Patre meo. **Credo.**

Offertorium. Psal. 18. In omnem terram exívit sonus eórum, et in fines orbis terræ verba eórum.

Secreta.

Oblatiónes pópuli tui, quæsumus Dómine, beáti Jacóbi Apóstoli pássio beáta concíliet: et quæ nostris non aptæ sunt méritis, fiant tibi plácitæ ejus deprecatióne. Per Dóminum nostrum.

Pro S. Christophoro. Secreta.

MUnéribus nostris, quæsumus Dómine, precibúsque susceptis: et cœléstibus nos munda mystériis, et cleménter exáudi. Per Dóminum nostrum.

Præfatio de Apost. fol. 200. vel 218.

Communio. Matth. 19. Vos, qui secúti estis me, sedébitis super sedes, judicántes duódecim tribus Israel.

Postcommunio.

BEáti Apóstoli tui Jacóbi, quæsumus Dómine, intercessióne nos ádjuva: pro cujus festivitáte percépimus tua sancta lætántes. Per Dóminum nostrum.

Pro S. Christophoro.

Postcommunio.

DA, quæsumus Dómine Deus noster: ut sicut tuórum commemoratióne sanctórum temporáli gratulámur officio; ita perpétuo lætémur aspéctu. Per Dóminum.

EADEM DIE.

S. CHRISTOPHORI MART.

Missa. In virtúte. de Comuni. fol. iv.



DIE XXVI.

S. ANNÆ MATRIS B. MARIE

Virginis.

Introitus.

GAudeámus omnes in Dómino, diem festum celebrántes sub honóre beátæ Annæ: de cujus solemnitáte gaudent Angeli, et colláudant Fílium Dei. **Ps. 44.** Eructávit cor meum verbum bonum: dico ego ópera mea Regi. **V.** Glória Patri. **Oratio.**

DEus, qui beátæ Annæ grátiam conférre dignátus es, ut genitrícis unigéniti Fílii tui mater éffici mererétur: concéde propítius; ut cujus solémnia celebrámus, ejus apud te patrocíniis adjuvémur. Per eúmdem Dóminum nostrum Jesum Christum Fílium tuum: Qui tecum vivit.

Léctio libri Sapiéntiæ. Prov. 31. b

MUlierem fortem quis invéniet? Procul, et de últimis fínibus prétium ejus. Confidit in ea cor viri sui, et spóliis non indigébit. Reddet ei bonum, et non malum ómnibus diébus vitæ suæ. Quæsívit lanam et linum, et operáta est consílio mánuum suárum. Facta est quasi navis institoris, de longe portans panem suum, et de nocte surréxit, deditque prædam domésticis suis, et cibária ancillis suis. Considerávit agrum, et emit eum: de fructu mánuum suárum plantávit vineam. Accínxit fortitúdine lumbos suos, et roborávit bráchium suum. Gustávit, et vidit quia bona est negotiatio ejus: non extingúetur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apéruit ínopi, et palmas suas exténdit ad páuperem. Non timébit dómui suæ à frigóribus nivis: omnes enim doméstici ejus vestíti sunt duplicibus. Stragulátam vestem fecit sibi: byssus et púrpura induméntum ejus. Nóbilis in portis vir ejus, quando

Festa Julii.

séderit cum senatōribus terræ. Sīdonem fecit, et vëndidit, et cingulum trādīdit Chanāneo. Fortitūdo et decor indumentum ejus, et ridēbit in die novissimo. Os suum apēruit sapientiae, et lex clemētiæ in lingua ejus. Considerāvit sēmitas domus suæ, et panem otiosa non comēdit. Surrexerunt filii ejus, et beatissimam prædicaverunt: vir ejus et laudāvit eam. Multæ filiae congregaverunt divitias, tu supergrēssa es univērsas. Fallax grātia, et vana est pulchritūdo: mulier timens Dōminum, ipsa laudābitur. Date ei de fructu mānūum suārum, et laudent eam in portis ōpera ejus.

Graduale. Psal. 44. Dilexisti justitiam, et odisti iniquitatem.

V. Propterea unxit te Deus, Deus tuus, ōleo lætitiæ. **Allelūja, allelūja.**

V. Diffusa est grātia in labiis tuis: propterea benedixit te Deus in ætēnum. **Allelūja.**

 **Sequētia sancti Evangēlii secūndum Matthæum. Matth. 13. f**

IN illo tēpore: Dixit Jesus discipulis suis parabolam hanc: Sīmile est regnum cēlorum thesauro abscondito in agro: quem qui invenit homo, abscondit, et præ gāudio illius vadit, et vendit univērsa, quæ habet, et emit agrum illum. Iterum sīmile est regnum cēlorum hōmini negotiātōri, quærenti bonas margaritas. Inventa autem una pretiosa margarita, abiit, et vëndidit ōmnia, quæ habuit, et emit eam. Iterum sīmile est regnum cēlorum sagēnæ missæ in mare, et ex omni genere piscium congregānti: quam, cum implēta esset, educētes, et secus littus sedēntes, elegerunt bonos in vasa, malos autem foras miserunt. Sic erit in consummatione sæculi: exhibunt Angeli, et separābunt malos de medio justorum, et mittent eos in caminum ignis: ibi erit fletus, et stridor dēntium. Intellexistis hæc ōmnia? Dicunt ei:

Etiam. Ait illis: Ideo omnis scriba doctus in regno cēlorum, sīmilis est hōmini patrifamīlias, qui profert de thesauro suo nova et vëtera.

Offertorium. Psal. 44. Filiae regum in honore tuo: āstitit regina à dextris tuis in vestitu deaurato, circūmdata varietate.

Secreta.

Sacrificiis præsēntibus, quæsumus Dōmine, placātus intēnde: ut per intercessionem beatæ Annæ, quæ genitricis Filii tui, Dōmini nostri Jesu Christi, mater extitit, et devotiōni nostræ proficiant, et salutē. Qui tecum vivit, et regnat.

Communio. ib. Diffusa est grātia in labiis tuis: propterea benedixit te Deus in ætēnum, et in sæculum sæculi.

Postcommunio.

Cēlestibus sacramētis vegetāti, quæsumus Dōmine Deus noster: ut intercessiōne beatæ Annæ, quam genitricis Filii tui matrem esse voluisti, ad ætēnam salutem pervenire mereāmur. Per eūdem Dōminum.

DIE XXVII.

S. PANTALEONIS MART.

Missa. Lætābitur justus. de Comuni unius Martyris. fol. v.

DIE XXVIII.

Sanctorum NAZARII, CELSI et VICTORIS Martyrum, ac INNOCENTII Papæ et Confess.

Introitus.

Psal. 78.

Intret in conspectu tuo, Dōmine, gemitus competitorum: redde vicinis nostris septuplum in sinu eorum: vindica sanguinem sanctorum tuorum, qui effusus est.

Psal. ibid. Deus, venerunt gentes in hæreditatem tuam, polluerunt templum sanctum tuum: posuerunt Jerusalem in pomorum custodiam.

V. Glória Patri.

Festa Julii.

Oratio.

Sanctorum tuorum nos, Domine, Nazarii, Celsi, Victoris, et Innocentii confessio beata communiat: et fragilitati nostrae subsidium dignanter exoret. Per Dominum.

Lectio libri Sapientiae Sap. 10. d

Reddedit Deus justis mercedem laborum suorum, et deduxit illos in via mirabili: et fuit illis in velamento diei, et in luce stellarum per noctem: transtulit illos per Mare rubrum, et transvexit illos per aquam nimiam. Inimicos autem illorum demersit in mare, et ab altitudine inferiorum eduxit illos. Ideo justi tulerunt spolia impiorum, et decantaverunt, Domine, nomen sanctum tuum, et victricem manum tuam laudaverunt pariter, Domine Deus noster.

Graduale. Exod. 15. Gloriosus Deus in sanctis suis: mirabilis in maiestate, faciens prodigia.

V. Dextera tua, Domine, glorificata est in virtute: dextera manus tua confrigit inimicos. Alleluya, alleluya.

V. Eccli. 44. Corpora sanctorum in pace sepulta sunt: et nomina eorum vivent in generatione, et generationem. Alleluya.

 Sequentia sancti Evangelii secundum Lucam. Lucæ 21. c

In illo tempore: Dixit Jesus discipulis suis: Cum audieritis prelia, et seditiones, nolite terreri: oportet primum hæc fieri, sed nondum statim finis. Tunc dicebat illis: Surget gens contra gentem, et regnum adversus regnum. Et terræmotus magni erunt per loca, et pestilentiae, et fames, terroresque de cælo, et signa magna erunt. Sed ante hæc omnia injicient vobis manus suas, et persequentur, tradentes in synagogas et custodias, trahentes ad reges et praesides, propter nomen meum: continget autem vobis in testimonium. Ponite ergo in cordibus vestris, non praemeditari quemadmodum respondeatis. Ego

enim dabo vobis os et sapientiam, cui non poterunt resistere et contradicere omnes adversarii vestri. Tradimini autem a parentibus, et fratribus, et cognatis, et amicis, et morte afficient ex vobis: et eritis odio omnibus propter nomen meum: et capillus de capite vestro non peribit. In patientia vestra possidebitis animas vestras.

Offertorium. Ps. 67. Mirabilis Deus in Sanctis suis: Deus Israel, ipse dabit virtutem et fortitudinem plebi suae: benedictus Deus, alleluya.

Secreta.

Concède nobis, omnipotens Deus: ut his muneribus, quæ in sanctorum tuorum Nazarii, Celsi, Victoris, et Innocentii honore deferimus, et te placemus exhibitis, et nos vivificemur acceptis. Per Dominum.

Communio. Sap. 3. Et si coram hominibus tormenta passi sunt, Deus tentavit eos: tamquam aurum in fornace probavit eos, et quasi holocausta accepit eos.

Postcommunio.

Sanctorum Nazarii, Celsi, Victoris, et Innocentii, Domine, intercessionem placatus: presta quaesumus; ut quod temporali celebramus actione, perpetua salvatione capiamus. Per Dominum.

DIE XXIX.

S. MARTHÆ VIRGINIS.

Introitus.

Psal. 44.

 Ilexisti iustitiam, et odisti iniquitatem: propterea unxit te Deus, Deus tuus, oleo lætitiæ præ consortibus tuis.

Psal. ibid. Eructavit cor meum verbum bonum: dico ego opera mea Regi. **V.** Glória Patri. **Oratio.**

Exaudi nos, Deus salutaris noster: ut sicut de beatae Marthæ virginis tuæ festivitate gaudemus;

ita piæ devotiõnis erudiámur afféctu.
Per Dóminum.

Pro commem. SS. Mart. Felicis, Simplicii, Faustini, et Beatricis.

Oratio.

PRæsta, quæsumus Dómine: ut, sicut pópulus christiánus mártýrum tuórum Felicis, Simplicii, Faustini, et Beatricis temporáli solemnitáte congáudet, ita perfruátur ætéRNA; et quod votis célebrat, comprehendat efféctu. Per Dóminum.

Léctio Epístolæ beáti Pauli Apóstoli ad Corínthios. 2. Cor. 10. d et 11.

FRatres, Qui glóriátur, in Dómino glóriétur. Non enim qui se ípsum comméndat, ille probátus est; sed quem Deus comméndat. Utinam sustinerétis módicum quid insipiéntiæ meæ, sed et supportáte me. Æmulor enim vos Dei æmulatióne. Despóndi enim vos uni viro, vírginem castam exhibére Christo.

Graduale Psal. 44. Spécie tua, et pulchritúdine tua inténde, prospere procéde, et regna.

V. Propter veritátem, et mansuetúdinem, et justítiam: et dedúcet te mirabiliter dextera tua.

Allelúja, allelúja.

V. Adducéntur Regi vírgines post eam: próximæ ejus afferéntur tibi in lætítia. Allelúja.

Sequéntia sancti Evangélíi secúndum Lucam. Luc. 10. g

IN illo témpore: Intrávit Jesus in quoddam castéllum: et múlíer quædam, Martha nómine, excépit illum in domum suam: et huic erat soror, nómine María, quæ étiam sedens secus pedes Dómini, audiébat verbum illíus. Martha autem satagébat circa frequens ministérium: quæ stetit, et ait: Dómine, non est tibi curæ, quod soror mea relíquit me solam ministráre? Dic ergo illi, ut me ádjuvet. Et respóndens, dixit illi Dóminus: Martha, Martha, solícita es, et turbáris erga plúrima. Porro

unum est necessárium. María óptimam partem elégit, quæ non auferétur ab ea.

Offertorium. Psal. 44. Fíliæ regum in honóre tuo: ástitit regína à dextris tuis in vestítu deauráto, circúmdata varietáte.

Secreta.

ACcépta tibi sit, Dómine, sacrætæ plebis oblátio pro tuórum honóre sanctórum, quorum se méritis de tribulatióne percepisse cognóscit auxílium. Per Dóminum.

Pro SS. Martyribus Felice etc.

Secreta.

HOstias tibi, Dómine, pro sanctórum mártýrum tuórum Felicis, Simplicii, Faustini, et Beatricis commemoratióne deférimus, supplíciter deprecántes: ut indulgéntiam nobis páriter cónferant, et salútem. Per Dóminum.

Communio Matth. 25. Quinque prudentes vírgines accepérunt óleum in vasis suis cum lampádibus: média autem nocte clamor factus est, ecce sponsus venit, exíte óbviám Christo Dómino.

Postcommunio.

SAtiásti, Dómine, famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum.

Pro SS. Martyribus Felice etc.

Postcommunio.

PRæsta, quæsumus omnípotens Deus: ut sanctórum mártýrum tuórum Felicis, Simplicii, Faustini, et Beatricis cœléstibus mystériis celebráta solémnitas, indulgéntiam nobis tuæ propitiatiónis acquirat. Per Dóminum.

EADEM DIE.

SS. MARTYRUM FELICIS ET SOCIORUM.

Missa. Sapiéntiam. de Comuni fol. x. cum Orationibus ut supra.

DIE XXX.

SS. ABDON et SENNEN Mart.

Introitus.

Psal. 78.

Intret in conspectu tuo, Dómine, gémitus compeditorum: redde vicinis nostris séptuplum in sinu eorum: vindica sánguinem sanctórum tuórum, qui effusus est. **Ps. ib.** Deus, venerunt gentes in hæreditátem tuam, polluerunt templum sanctum tuum: posuerunt Jerúsalem in pomórum custódiam.

V. Glória Patri.

Oratio.

Deus, qui sanctis tuis Abdon et Sennen ad hanc glóriam veniendi copiósum munus grátiae contulisti: da fámulis tuis suórum véniam peccatórum; ut, sanctórum tuórum intercedéntibus méritis, ab ómnibus mereámur adversitatibus liberári. Per Dóminum.

Léctio Epístolæ beáti Pauli Apóstoli ad Corínthios. **2. Cor. 6.**

Fratres, Exhibeámus nosmetipsos sicut Dei ministros in multa paciéntia, in tribulationibus, in necessitatibus, in angústiis, in plagis, in cárceribus, in seditiónibus, in labóribus, in vigíliis, in jejúniis, in castitate, in sciéntia, in longanimitate, in suavitate, in Spíritu sancto, in caritate non ficta, in verbo veritátis, in virtúte Dei, per arma justitiæ à dextris et à sinístris, per glóriam et ignobilitátem, per infámiam et bonam famam: ut seductóres, et veráces: sicut qui ignóti, et cógniti: quasi moriéntes, et ecce vívimus: ut castigáti, et non mortificáti: quasi tristes, semper autem gaudéntes: sicut egéntes, multos autem locupletántes: tamquam nihil habéntes, et ómnia possidéntes.

Graduale. Exod. 15. Gloriósus Deus in sanctis suis: mirábilis in maiestate, fáciens prodigia.

V. Dextera tua, Dómine, glorificáta est in virtúte: dextera manus tua confrégit inimicos. **Allelúja, allelúja.**

V. Sap. 3. Justórum ánimæ in manu Dei sunt, et non tanget illos torméntum malitiæ. **Allelúja.**



Sequéntia sancti Evangélíi secúndum Matthæum. **Matth. 5.**

IN illo témpore: Videns Jesus turbas, ascéndit in montem, et cum sedisset, accessérunt ad eum discípuli ejus, et apériens os suum, docebat eos, dicens: **Beáti páuperes spíritu: quóniam ipsórum est regnum cœlórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt justítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutiónem patiúntur propter justítiam: quóniam ipsórum est regnum cœlórum. Beáti estis cum maledíxerint vobis, et persecúti vos fúerint, et díxerint omne malum advérsus vos, mentientes propter me: gaudéte, et exultáte, quóniam merces vestra copiósa est in cœlis.**

Offertorium. Ps. 67. Mirábilis Deus in sanctis suis: Deus Israel ipse dabit virtútem et fortitúdinem plebi suæ: benedíctus Deus. **Secreta.**

Hæc hóstia, quæsumus Dómine, quam sanctórum mártýrum tuórum natalítia recenséntes offérimus, et víncula nostræ pravitátis absolvat, et tuæ nobis misericórdiæ dona concíliet. Per Dóminum nostrum.

Communio. Psal. 78. Posuerunt mortália servórum tuorum, Dómine, escas volatílibus cœli, carnes sanctórum tuórum béstiis terræ: secúndum magnitúdinem bráchii tui pósside filios morte punitórum.

Postcommunio.

Per hujus, Dómine, operatiónem mystérii, et vítia nostra purgéntur: et intercedéntibus sanctis mártýribus tuis Abdon et Sennen, justa desidéria compleántur. Per Dónm.

DIE XXXI.

S. IGNATII CONFESSORIS.

Introitus.

Philipp. 2.

IN nómine Jesu omne genu flectátur, cœlestium, terréstrium, et infernórum: et omnis lingua confiteátur, quia Dóminus Jesus Christus in glória est Dei Patris.

Psal. 5. Gloriabúntur in te omnes, qui díligunt nomen tuum: quóniam tu benedíces justo.

V. Glória Patri.

Oratio.

DEus, qui ad majórem tui nóminis glóriam propagándam, novo per beátum Ignátium subsidio militántem Ecclesiám roborásti: concéde; ut ejus auxílio, et imitatione certántes in terris, coronári cum ipso mereámur in cœlis. Per Dóminum.

Lectio Epístolæ beáti Pauli Apóstoli ad Timótheum. **2. Tim. 2. et 3.**

CArissime, Memor esto Dóminum Jesum Christum resurrexisse à mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Jesu, cum glória cœlesti. Tu autem assecútus es meam doctrínam, institutióem, propósitum, fidem, longanimitátem, dilectiõem, paciéntiam, persecutiões, passiões: quália mihi facta sunt Antiochiæ, Icónii, et Lystris: quales persecutiões sustínui, et ex ómnibus erípuit me Dóminus. Et omnes qui pie volunt vívere in Christo Jesu, persecutiõem paciéntur.

Graduale. Psal. 91. Justus ut palma florébit: sicut cedrus Líbani multiplicábitur in domo Dómini.

V. Ad annuntiándum mane misericórdiam tuam, et veritátem tuam per noctem. **Allelúja, allelúja.**

V. Jac. 1. Beátus vir, qui suffert tentatióem: quóniam cum probátus fúerit, accípiet corónam vitæ. **Allelúja.**



Sequéntia sancti Evangélii secúndum Lucam. Lucæ 10.

IN illo témpore: Designávit Dóminus et álios septuagínta duos: et misit illos binos ante fáciem suam in omnem civitátem, et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit filius pacis, requiescet super illum pax vestra: sin autem, ad vos revertétur. In eádem autem domo manéte, edéntes et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Offertorium. Psal. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

ADsint, Dómine Deus, oblatiões nobis nostris sancti Ignátii benígna suffrágia: ut sacrosáncta mystéria, in quibus omnis sanctitátis fontem constituísti, nos quoque in veritáte sanctíficent. Per Dóminum.

Communio. Luc. 12. Ignem veni mittere in terram: et quid volo, nisi ut accendátur? **Postcommunio.**

LAudis hóstia, Dómine, quam pro sancto Ignátio grátias ágéntes obtúlimus, ad perpétuam nos majestátis tuæ laudatiõem, ejus intercessiõe, perdúcat. Per Dóminum.

FESTA AUGUSTI.

DIE I.

S. PETRI AD VINCULA.

Introitus. Act. 12.

Nunc scio vere, quia misit Dominus Angelum suum, et eripuit me de manu Heródis, et de omni expectatione plebis Judæórum.

Psal. 138. Domine probasti me, et cognovisti me: tu cognovisti sessionem meam, et resurrectionem meam. **V.** Glória Patri.

Oratio.

Deus, qui beatum Petrum Apostolum, à vinculis absolutum, illæsum abire fecisti: nostrorum, quæsumus, absolve vincula peccatorum, et omnia mala à nobis propitiatus excludere. Per Dominum nostrum.

Et fit commem. S. Pauli. Oratio.

Deus, qui multitudinem gentium beati Pauli Apostoli prædicatione docuisti: da nobis, quæsumus, ut cujus commemorationem colimus, ejus apud te patrocinia sentiámus.

Deinde SS. Machabæorum Mart.

Oratio.

Fraterna nos, Domine, mártirum tuorum corona lætificet: quæ et fidei nostræ præbeat incrementa virtutum, et multiplici nos suffragio consolétur. Per Dominum.

Lectio Actuum Apostolorum.

Act. 12.

In diébus illis: Misit Heródes rex manus, ut affligeret quosdam de Ecclesia. Occidit autem Jacobum fratrem Joánnis gládio. Videns autem quia placéret Judæis, appósuit ut apprehénderet et Petrum. Erant autem dies Azymórum. Quem cum apprehendisset, misit in cárcerem, tradens quátuor quaterniónibus militum custodiéndum, volens post

Pascha producere eum pópulo. Et Petrus quidem servabátur in cárcere. Oratio autem fiebat sine intermissione ab Ecclesia ad Deum pro eo. Cum autem productúrus eum esset Heródes, in ipsa nocte erat Petrus dórmienti inter duos mílites, victus caténis duábus: et custódes ante óstium custodiébant cárcerem. Et ecce Angelus Dómini ástitit: et lumen refúlsit in habitáculo: percussóque látere Petri, excitávit eum, dicens: Surge velociter. Et ceciderunt caténæ de mánibus ejus. Dixit autem Angelus ad eum: Præcingere, et calcea te caligas tuas. Et fecit sic. Et dixit illi: Circúmda tibi vestiméntum tuum, et séquere me. Et éxiens sequebátur eum, et nesciébát quia verum est, quod fiebat per Angelum: existimábat autem se visum vidére. Transeúntes autem primam et secundam custódiam, venerunt ad portam férream, quæ ducit ad civitátem: quæ ultro apérta est eis. Et exeúntes processérunt vicum unum: et continuo discéssit Angelus ab eo. Et Petrus ad se revérsus, dixit: Nunc scio vere, quia misit Dominus Angelum suum, et eripuit me de manu Heródis, et de omni expectatione plebis Judæórum.

Graduale. Psal. 44. Constitues eos principes super omnem terram: mémoires erunt nóminis tui, Domine.

V. Pro pátribus tuis nati sunt tibi filii: propterea pópuli confitebúntur tibi. **Allelúja, allelúja.**

V. Solve, jubente Deo, terrárum, Petre, caténas: qui facis ut páteant cœléstia regna beátis. **Allelúja.**

Sequéntia sancti Evangélíi secúndum Matthæum. Matth. 16. b

In illo témpore: Venit Jesus in partes Cæsarææ Philíppi, et interrogábat discípulos suos, dicens: Quem dicunt hómines esse Fílium hóminis? At illi dixerunt: álii Joánnem Baptístam: álii autem Eliám:

Festa Augusti.

alii vero Jeremiam, aut unum ex prophetis. Dicit illis Jesus: Vos autem quem me esse dicitis? Respondens Simon Petrus, dixit: Tu es Christus Filius Dei vivi. Respondens autem Jesus, dixit ei: Beatus es, Simon Bar-Jona: quia caro et sanguis non revelavit tibi, sed Pater meus, qui in caelis est. Et ego dico tibi, quia tu es Petrus, et super hanc petram aedificabo Ecclesiam meam, et portae inferi non praevalent adversus eam. Et tibi dabo claves regni caelorum. Et quodcumque ligaveris super terram, erit ligatum et in caelis: et quodcumque solveris super terram, erit solutum et in caelis. **Credo.**

Offertorium. Psal. 44. Constitues eos principes super omnem terram: memores erunt nominis tui, Domine, in omni progenie et generatione.

Secreta.

Oblatum tibi, Domine, sacrificium, intercedente beato Petro Apostolo tuo, vivificet nos semper, et muniat. Per Dominum nostrum.

Pro S. Paulo. Secreta.

Apóstoli tui Pauli precibus, Domine, plebis tuae dona sanctifica: ut quae tibi tuo grata sunt instituta, gratiora fiant patrocinio supplicantis.

Pro SS. Machabæis. Secreta.

Mysteria tua, Domine, pro sanctorum martyrum tuorum honore, devota mente tractemus: quibus et praesidium nobis crescat, et gaudium. Per Dominum nostrum.

Præfatio de Apost. fol. 200. vel 218.

Communio. Matth. 16. Tu es Petrus, et super hanc petram aedificabo Ecclesiam meam.

Postcommunio.

Corporis sacri et pretiosi sanguinis replenti libamine, quaesumus Domine Deus noster: ut quod pia devotione gerimus, certa redemptione capiamus. Per eundem Dominum nostrum.

Pro S. Paulo. Postcommunio.

Perceptis, Domine, sacramentis, beato Paulo Apostolo tuo interveniente, deprecamur: ut, quae pro illius celebrata sunt gloria: nobis proficiant ad medelam.

Pro SS. Machabæis.

Postcommunio.

Praesta, quaesumus omnipotens Deus: ut quorum memoriam sacramenti participatione recolimus, fidem quoque proficiendo sectemur. Per Dominum nostrum.

EADEM DIE.

SS. MACHABÆORUM MART.

Missa. Clamaverunt. ut in die xviii. Julii in Festo Sanctae Symphorosae: fol. 428. Orationes propriae ut hac die: Communio autem et Offertorium sumantur ex die ix. Octobris.

DIE II.

SANCTI ALPHONSI MARIE DE LIGORIO

Episcopi et Confessoris.



Introitus. Luc 4. 18.

Spiritus Domini super me, propter quod unxit me; evangelizare pauperibus misit me, sanare contritos corde.

Psal. 77. Attendite popule meus legem meam, inclinate aurem vestram in verba oris mei. **V.** Gloria Patri.

Oratio.

Deus, qui per beatum Alphonsum Mariam, Confessorem tuum atque Pontificem, animarum zelo succensum, Ecclesiam tuam nova prole fecundasti: quaesumus; ut ejus salutaribus monitis edocti, et exemplis roborati, ad te pervenire feliciter valeamus. Per Dominum nostrum.

Et fit commem. S. Stephani Papae et Martyris, cum Orationibus ex sequenti Missa propria.

Festa Augusti.

Léctio Epístolæ beāti Pauli Apóstoli ad Timótheum. **Timoth. 2. 2.**

Carissime, Confortáre in grátia, quæ est in Christo Jesu, et quæ audísti à me per multos testes, hæc comménda fidélibus homínibus, qui idónei erunt et álios docére. Labóra, sicut bonus miles Christi Jesu. Nemo militans Deo, implicat se negótiis sæculáribus, ut ei pláceat, cui se probávit. Nam et qui certat in agóne, non coronáitur, nisi legítimè certáverit. Laborántem agricolam opórtet primum de frúctibus percípere. Intéllige quæ dico: dabit enim tibi Dóminus in ómnibus intelléctum.

Graduale. Psal. 118. 52. Memor fui judiciórum tuórum à sæculo, Dómine, et consolátus sum: deféctio ténuít me pro peccatóribus derelinquéntibus legem tuam.

V. Psal. 39. 11. Justítiam tuam non abscondi in corde meo: veritátem tuam, et salutáre tuum dixi.

Allelúja, allelúja.

V. Eccli 49. 3. 4. Ipse est diréctus divínitus in pœniténtiam gentis, et tulit abominatiónes impietátis: et gubernávit ad Dóminum cor ipsíus; et in diébus peccatórum corroborávit pietátem. **Allelúja.**

Si celebretur post Septuagesimam, omissis Allelúja, et versu sequenti, dicitur:

Tractus. Psal. 34. 13. Ego autem cum mihi molésti essent, induébar cilício: humiliábam in jejúnio ánimam meam: et orátio mea in sinu meo convertétur.

V. Psal. 22. 4. Parásti in conspéctu meo mensam advérsus eos, qui tribulant me: impinguásti in óleo caput meum, et calix meus inébrians quam præclárus est.

V. 1. Corinth. 9. 22. Factus sum infirmis infirmus, ut infirmos lucrifácerem.

Tempore Paschali omissio Graduali, dicitur Allelúja, allelúja.

V. Psal. 132. 1. et 2. Ecce quam bonum, et quam jucúndum habitáre fratres in unum, sicut unguéntum in cápite, quod descendit in barbam, barbam Aaron. **Allelúja.**

V. Joan. 15. 16. Pósui vos, ut eátis, et fructum afferátis, et fructus vester máneat. **Allelúja.**

Sequéntia sancti Evangélíi secúndum Lucam. Lucæ 10.

In illo témpore: Designávit Dóminus et álios septuagínta duos: et misit illos binos ante fáciem suam in omnem civitátem, et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui, et si ibi fúerit fílius pacis, requiéscet super illum pax vestra: sin autem, ad vos revertétur. In eádem autem domo manéte, edéntes et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis, et curáte infirmos, qui in illa sunt, et dícite illis: Appropinquávit in vos regnum Dei.

Offertorium. Prov. 3. 9. 27. Honóra Dóminum de tua substántia, et de primítiis ómnium frugum tuárum da ei. Noli prohibére benefácere eum, qui potest: si vales, et ipse benefac.

Secreta.

Celésti, Dómine Jesu Christe, sacrificii igne corda nostra in odórem suavitátis exúre, qui Beáto Alphónso Mariæ tribuísti et hæc mystéria celebráre, et per éadem hóstiam tibi sanctam seípsum exhibére. Qui vivis et regnas cum Deo Patre in unitáte Spíritus sancti Deus.

Secreta pro S. Stephano ut in sequenti Missa.

Communio. Eccli. 50. 1. 9. Sacerdos magnus, qui in vita sua suffúlsit domum, et in diébus suis corroborávit templum, quasi ignis effúlgens, et thus ardens in igne.


Postcommunio.

DEus, qui Beátum Alphónsum Mariám, Confessórem tuum atque pontíficem, fidélem divíni mystérii dispensatórem, et præcónem effecísti: ejus méritis, precibúsque concéde; ut fideles tui et frequénter percípiant, et percipiéndò sine fine coláudent. Per Dóminum nostrum.

Postcommunio S. Stephani ut in sequenti Missa.

**EADEM DIE.
S. STEPHANI PAPÆ
et Martyris.**

Introitus. Psal. 131.



Acerdótes ejus índuam salutári, et sancti ejus exultatióne exultábunt. **Ps. ibid.** Memento Dómine, David: et omnis mansuetúdinis ejus.

V. Glória Patri.

Oratio.

DEus, qui nos beáti Stéphani, mártiris tui atque pontíficis, ánnua solemnitáte lætíficas: concéde propítius; ut cujus natalítia cólimus, de ejúsdem etiam protectióne gaudeámus. Per Dóminum nostrum.

Léctio Actuum Apostolorum.

Act. 20. d

IN diébus illis: à Miléto Paulus mittens Ephesum, vocávit majóres natu Ecclesiæ. Qui cum venissent ad eum, et simul essent, dixit eis: Vos scitis à prima die, qua ingressus sum in Asiam, quáliter vobiscum per omne tempus fúerim, sérvians Dómino cum omni humilitáte, et lácrymis, et tentatió nibus, quæ mihi acciderunt ex insidiis Judæórum: quómodo nihil subtráxerim útilium, quo

minus annuntiárem vobis, et docérem vos públice, et per domos, testíficans Judæis, atque Gentilibus in Deum pœniténtiam, et fidem in Dóminum nostrum Jesum Christum.

Graduale. Eccli. 44. Ecce sacerdos magnus, qui in diébus suis plácuít Deo. **V.** Non est invéntus símilis illi, qui conserváret legem Excélsi.

Allelúja, allelúja.

V. Ps. 109. Tu es sacerdos in ætérnum secúndum órđinem Melchisedech. **Allelúja.**

Sequéntia sancti Evangélii secúndum Matthæum. Matth. 16. d

IN illo témpore: Dixit Jesus discí pulis suis: Si quis vult post me veníre, ábneget semetípsum, et tollat crucem suam, et sequá tur me. Qui enim volúerit ánimam suam salvam fácere, perdet eam. Qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ vero suæ detriméntum patiá tur? Aut quam dabit homo commutatió nem pro ánima sua? Fílius enim hóminis ventúrus est in glória Patris sui cum Angelis suis: et tunc reddet unicuíque secúndum ópera ejus.

Offertorium. Ps. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

MUnera tibi, Dómine, dicáta sanctífica: et, intercedénte beáto Stéphano, mártyre tuo atque pontífice, per éadem nos placátus inténde. Per Dóminum nostrum.

Communio. Matth. 25. Dómine, quinque talénta tradidísti mihi, ecce ália quinque superlucrátus sum: Euge serve bone et fidélis, quia in pauca fuísti fidélis, supra multa te constitúam, intra in gáudium Dómini tui.

Postcommunio.

HÆc nos commúnio, Dómine, purget à crimine: et, intercedénte beáto Stéphano, mártyre tuo

atque pontífice, cœlestis remédii fá-
ciat esse consórtes. Per Dóminum.

DIE III.

In festo Inventionis

S. STEPHANI PROTOMART.

Introitus. Ps. 118.



Edérunt príncipes, et
advérsus me loque-
bántur, et iníqui per-
secúti sunt me: ádjuva
me, Dómine Deus me-
us, quia servus tuus exercebátur in
tuis justificatió nibus.

Psal. ibid. Beáti immaculáti in via:
qui ámbulant in lege Dómini.

V. Glória Patri.

Oratio.

DA nobis, quæsumus Dómine,
imitári quod cólimus, ut discá-
mus et inimícos diligere: quia ejus
Inventiõem celebrámus, qui nóvit
etiám pro persecutóribus exoráre,
Dóminum nostrum Jesum Christum
Fílium tuum: Qui tecum vivit

Léctio Actuum Apostolórum.

Act. 6. et 7.

IN diébus illis: Stéphanus plenus
grátia et fortitúdine, faciébat
prodígia et signa magna in pópulo.
Surrexérunt autem quidam de syna-
góga, quæ appellátur Libertinórum,
et Cyrenénsium, et Alexandrinórum,
et eórum, qui erant à Cilícia et Asia,
disputántes cum Stéphano: et non
póterant resistere sapiéntiæ et spirí-
tui, qui loquebátur. Audiéntes autem
hæc, dissecabántur córdibus suis, et
stridébant déntibus in eum. Cum au-
tem esset Stéphanus plenus Spíritu
sancto, inténdens in cœlum, vidit
glóriam Dei, et Jesum stantem à
dextris Dei. Et ait: Ecce vídeo cœlos
apértos, et Fílium hóminis stántem
à dextris Dei. Exclamántes autem
voce magna continuérunt aures su-
as, et ímpetum fecérunt unanimiter
in eum. Et ejiciéntes eum extra civi-
tátem, lapidábant: et testes depo-
suérunt vestiménta sua secus pedes

adolescéntis, qui vocabátur Saulus.
Et lapidábant Stéphanum invocán-
tem, et dicéntem: Dómine Jesu, sús-
cipe spíritum meum. Pósis autem
génibus, clamávit voce magna, di-
cens: Dómine, ne státuas illis hoc
peccátum. Et cum hoc dixisset, ob-
dormívit in Dómino.

Graduale. Ps. 118. Sedérunt prín-
cipes, et advérsus me loquebántur:
et iníqui persecúti sunt me.

V. Adjuva me, Dómine Deus meus:
salvum me fac propter misericórdi-
am tuam. Allelúja, allelúja.

V. Act. 7. Vídeo cœlos apértos, et
Jesum stantem à dextris virtútis Dei.
Allelúja.



Sequéntia sancti Evangélíi se-
cúndum Matthæum. Matth. 23. d

IN illo témpore: Dicébat Jesus
Scribis et Phariséis: Ecce ego
mitto ad vos Prophétas, et Sapiéntes,
et Scribas; et ex illis occidétis, et cru-
cifigétis, et ex eis flagellábitis in sy-
nagógis vestris, et persequémini de
civitáte in civitátem: ut véniat super
vos omnis sanguis justus, qui effúsus
est super terram, à sánguine Abel
justi usque ad sánguinem Zachariæ
filii Barachíæ, quem occidístis inter
templum et altáre. Amen dico vobis,
vénient hæc ómnia super generatió-
nem istam. Jerúsalem, Jerúsalem,
quæ occidis Prophétas, et lápidas
eos, qui ad te missi sunt: quóties vó-
lui congregáre filios tuos, quemád-
modum gallína cóngregat pullos suos
sub alas, et noluísti? Ecce relinqué-
tur vobis domus vestra desérta. Dico
enim vobis, non me vidébitis ámodo,
donec dicátis: Benedictus qui venit
in nómine Dómini.

Non dicitur Credo.

Offertorium. Act. 6. et 7. Elegérunt
Apóstoli Stéphanum Levítam, ple-
num fide et Spíritu sancto: quem la-
pidavérunt Judæi orántem, et dicén-
tem: Dómine Jesu, áccipe spíritum
meum, allelúja.

Festa Augusti.

Secreta.

Suscipe, Dómine, múnera pro tu-
órum commemoratióne sanctó-
rum: ut, sicut illos pássio glorióso
effécit: ita nos devótio reddat innó-
cuos. Per Dóminum nostrum.

Communio. Act. 7. Vídeo cœlos a-
pértos, et Jesum stantem à dextris
virtútis Dei: Dómine Jesu, áccipe
spíritum meum, et ne státuas illis hoc
peccátum.

Postcommunio.

Auxiliéntur nobis, Dómine,
sumpta mystéria: et, interce-
dente beáto Stéphanó, mártýre tuo,
sempitérna protectióne confirment.
Per Dóminum nostrum.

DIE IV.

S. DOMINICI CONFESSORIS.

Introitus.

Psal. 36.



S justi meditábitur sa-
piéntiam, et lingua ejus
loquétur judícium, lex
Dei ejus in corde ipsíus.

Psal. ibid.

Noli æmu-
lári in malignántibus: neque zeláve-
ris faciéntes iniquitátem.

V. Glória Patri.

Oratio.

Deus, qui Ecclesiám tuam beáti
Domínici, confessoris tui, illu-
mináre dignátus es méritis et doctri-
nis: concéde, ut ejus intercessióne
temporálibus non destituátur auxiliis,
et spirituálibus semper proficiat in-
creméntis. Per Dóminum nostrum.

Lectio Epístolæ beáti Pauli Apóstoli
ad Timótheum.

2. Tim. 4.

Carissime Testíficor coram Deo,
et Jesu Christo, qui judicatúrus
est vivos et mórtuos, per advéntum
ipsíus, et regnum ejus: prædica ver-
bum, insta opportúne, importúne:
árgue, óbsecra, increpa in omni pati-
éntia et doctrína. Erit enim tempus,
cum sanam doctrínam non sustiné-
bunt, sed ad sua desidéria coacervá-
bunt sibi magístros, pruriéntes áuri-
bus: et à veritáte quidem auditum
avértent, ad fábulas autem conver-

téntur. Tu vero vígila, in ómnibus
labóra, opus fac Evangelístæ, mini-
stérium tuum imple. Sóbrius esto.
Ego enim jam delíbor, et tempus re-
solutiónis meæ instat. Bonum certá-
men certávi, cursum consummávi,
fidem servávi. In réliquo repósita est
mihi coróna justitiæ, quam reddet
mihi Dóminus in illa die justus judex:
non solum autem mihi, sed et iis, qui
diligunt advéntum ejus.

Graduale. Ps. 91. Justus ut palma
florébit: sicut cedrus Líbani multipli-
cábitur in domo Dómini.

V. Ad annuntiándum mane miseri-
córdiam tuam, et veritátem tuam per
noctem. **Allelúja, allelúja.**

V. Oseæ 14. Justus germinábit sicut
lílium: et florébit in ætérnum ante
Dóminum. **Allelúja.**

**Sequéntia sancti Evangélíi se-
cúndum Lucam. Luc. 12. c**

In illo témpore: Dixit Jesus disci-
pulis suis: Sint lumbi vestri præ-
cincti, et lucérnæ ardéntes in máni-
bus vestris, et vos símiles homínibus
expectántibus dóminum suum, quan-
do revertátur à nuptiis: ut, cum véne-
rit, et pulsáverit, conféstim apériant
ei. Beáti servi illi, quos cum vénerit
dóminus, invénerit vigilántes: Amen
dico vobis, quod præcínget se, et fá-
ciet illos discumbere, et tránsiens
ministrábit illis. Et si vénerit in se-
cúnda vigília, et si in tértia vigília
vénerit, et ita invénerit, beáti sunt
servi illi. Hoc autem scitóte, quóniam
si sciret paterfamílias, qua hora fur
veníret, vigiláret útique, et non síne-
ret pérfodi domum suam. Et vos e-
stóte paráti: quia qua hora non putá-
tis, filius hóminis véniet.

Offertorium. Psal. 88. Véritas mea,
et misericórdia mea cum ipso, et in
nómine meo exaltábitur cornu ejus.

Secreta.

Munera tibi Dómine dicáta san-
ctífica: ut méritis beáti Domí-
nici, confessoris tui, nobis proficiant
ad medélam. Per Dóminum nostrum.

Festa Augusti.

Communio. Lucae 12. Fidélis servus et prudens, quem constituit Dóminus super familiam suam: ut det illis in témpore tritici mensúram.

Postcommunio.

Concède, quæsumus omnipotens Deus: ut qui peccatórum nostrórum póndere prémimur, beáti Dóminici confessoris tui patrocínio sublevémur. Per Dóminum.

DIE V.**IN DEDICATIONE S. MARIE AD NIVES.**

Missa. Salve, sancta parens. *ut in Missis votivis B. Mariæ Virg. a Pentecoste usque ad Advent. fol. xliii. Et dicitur Credo, et Præfat. de S. Maria, Et te in festivitáte Beátæ Mariæ. fol 199. vel 218.*

DIE VI.**IN FESTO TRANSFIGURATIONIS D. N. JESU CHRISTI.**

Introitus. Psal. 76. Lluxérunt coruscationes tuæ orbi terræ: commóta est, et contrémuit terra.

Psal. 83. Quam dilecta tabernacula tua, Dómine virtutum! concupiscit, et déficit ánima mea in átria Dómini.

V. Glória Patri. **Oratio.**

Deus, qui fidei sacraménta, in Unigéniti tui gloriósa Transfiguratione, patrum testimonio roborásti, et adoptionem filiórum perfectam, voce delápsa in nube lúcida, mirabiliter præsignásti: concède propítius; ut ipsíus Regis glóriæ nos cohærédes efficias, et ejúsdem glóriæ tríbuas esse consórtes. Per eúndem Dóminum.

Pro commemorat. SS. Mart. Xysti, Felicissimi, et Agapiti. Oratio.

Deus, qui nos concédís sanctórum mártýrum tuórum Xysti, Felicissimi, et Agapiti natalítia có-

lere: da nobis in ætérna beatitúdine de eórum societáte gaudére. Per Dóminum nostrum.

Léctio Epístolæ beáti Petri Apóstoli.

2. Petr. 1. c

Caríssimi, Non doctas fábulas secúti notam fécimus vobis Dómini nostri Jesu Christi virtútem et præsentiam: sed speculatóres facti illíus magnitúdinis. Accípiens enim à Deo Patre honórem et glóriam, voce delápsa ad eum hujuscémodi à magnífica glória: Hic est Fílius meus diléctus, in quo mihi compláculi, ipsum audíte. Et hanc vocem nos audívimus de cælo allátam, cum essémus cum ipso in monte sancto. Et habémus firmiorem prophéticum sermónem: cui bene fácitis attendéntes, quasi lucérnæ lucénti in caliginóso loco, donec dies elucéscat, et lúci fer oriátur in córdibus vestris.

Graduale. Psal. 44. Speciósus forma præ filiis hóminum: diffúsa est grátia in lábiis tuis.

V. Eructávit cor meum verbum bonum: dico ego ópera mea Regi.

Allelúja, allelúja.

V. Sap. 7. Candor est lucis ætérnæ, spéculum sine mácula, et imágo bonitátis illíus. **Allelúja.**

Sequéntia sancti Evangélii secúndum Matthæum. Matth. 17.

In illo témpore: Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu seórsum: et transfigurátus est ante eos. Et resplénduit fácies ejus sicut sol: vestiménta autem ejus facta sunt alba sicut nix. Et ecce apparuérunt illis Móyses et Elías cum eo loquéntes. Respóndens autem Petrus, dixit ad Jesum: Dómine, bonum est nos híc esse: si vis, faciámus híc tria tabernacula, tibi unum, Móysi unum, et Eliæ unum. Adhuc eo loquente, ecce nubes lúcida obumbrávit eos. Et ecce vox de nube, dicens: Hic est Fílius meus diléctus, in quo

Festa Augusti.

mihi bene compláculi, ipsum audíte. Et audiéntes discípuli, cecidérunt in fáciem suam, et timuérunt valde. Et accéssit Jesus, et tétigit eos, dixítque eis: Súrgite, et nolíte timére. Levántes autem óculos suos, néminem viderunt, nisi solum Jesum. Et descendentibus illis de monte, præcépit eis Jesus, dicens: Némini dixéritis visionem, donec Fílius hóminis à mórtuis resúrgat. **Credo.**

Offertorium. Ps. 111. Glória et divítiae in domo ejus: et justítia ejus manet in sáeculum sáeculi, allelúja.

Secreta.

OBláta, quæsumus Dómine, múnera, gloriósa Unigéniti tui Transfiguratióne sanctífica: nosque à peccatórum máculis, splendóribus ipsíus illustratiónis emúnda. Per eúmdem Dóminum nostrum.

Pro SS. Martyribus.**Secreta.**

MUnera tibi, Dómine, nostræ devotiónis offérimus: quæ et pro tuórum tibi gráta sint honóre justórum, et nobis salutária, te miseránte, reddántur. Per Dóminum.

Præfatio de Nativitate Domini. Quia per incarnáti Verbi. fol. 188. **vel 212.**

Communio. Matth. 17. Visiónem, quam vidístis, némini dixéritis, donec à mórtuis resúrgat Fílius hóminis.

Postcommunio.

PRæsta, quæsumus omnipotens Deus, ut sacrosáncta Fílii tui Transfiguratiónis mystéria, quæ solémni celebrámus offício, purificátæ mentis intelligéntia consequámur. Per eúmdem Dóminum nostrum.

Pro SS. Martyribus.**Postcommunio**

PRæsta nobis, quæsumus Dómine, intercedéntibus sanctis martyribus tuis Xysto, Felicíssimo, et Ágapito: ut quod ore contíngimus, pura mente capiámus. Per Dóminum.

EADEM DIE.

SS. Mart. XYSTI, et SOCIORUM.

Missa. Sapiéntiam. de Comuni. fol. x. **cum Orationibus sub hac die.**

DIE VII.

S. CAJETANI CONFESSORIS.

Introitus.**Psal. 36.**

S justi meditábitur sapiéntiam, et lingua ejus loquétur judícium: lex Dei ejus in corde ipsíus. **Psal. ibid.** Noli æmulári in malignántibus: neque zeláveris faciéntes iniquitátem.

V. Glória Patri.

Oratio.

DEus, qui beáto Cajetáno confessori tuo Apostólicam vivéndi formam imitári tribuísti: da nobis, ejus intercessióne et exémplo, in te semper confidere, et sola cœléstia desideráre. Per Dóminum nostrum.

Pro commem. S. Donati Episcopi et Martyris. **Oratio.**

DEus tuórum glória sacerdotum: præsta quæsumus; ut sancti mártiris tui et Episcopi Donáti, cujus festa gérimus, sentiámus auxili-um. Per Dóminum nostrum.

Lectio libri Sapiéntiæ. Eccli. 31.

BEátus vir, qui invéntus est sine mácula: et qui post aurum non ábiit: nec sperávit in pecúnia et thesáuris. Quis est hic, et laudábimus eum? Fecit enim mirabília in vita sua. Qui probátus est in illo, et perfectus est, erit illi glória ætérna: qui pótuit tránsgridi, et non est tránsgréssus, fácere mala, et non fecit: ideo stabilíta sunt bona illíus in Dómino, et eleemósynas illíus enarrábit omnis Ecclésia sanctórum.

Graduale. Ps. 91. Justus ut palma florébit: sicut cedrus Líbani multiplicábitur in domo Dómini.

V. Ad annuntiándum mane misericórdiam tuam, et veritátem tuam per noctem. Allelúja, allelúja.

Festa Augusti.

V. Jac. 1. Beátus vir, qui suffert tentationem: quóniam cum probátus fúerit accípiet coronam vitæ. Allel.

Sequéntia sancti Evangélíi secúndum Matthæum. Matth. 6. c

IN illo témpore: Dixit Jesus discí-
pulis suis: Nemo potest duóbus
dóminis servíre: aut enim unum odio
habébit, et álterum díliget: aut unum
sustinébit, et álterum contémnet. Non
potéstis Deo servíre, et mammónæ.
Ideo dico vobis: Ne solíciti sitis áni-
mæ vestræ quid manducétis, neque
córpori vestro quid induámini. Non-
ne ánima plus est quam esca, et cor-
pus plus quam vestiméntum? Respi-
cite volatília cœli, quóniam non se-
runt, neque metunt, neque cóngre-
gant in hórrea: et Pater vester cœ-
léstis pascit illa. Nónne vos magis
pluris estis illis? Quis autem vestrum
cógitans, potest adjícere ad statúram
suam cúbitum unum? Et de vesti-
ménto quid solíciti estis? Consideráte
lília agri, quómodo crescunt: non la-
bórant, neque nent. Dico autem vo-
bis: quóniam nec Sálomon in omni
glória sua coopértus est sicut unum
ex istis. Si autem fœnum agri, quod
hódie est, et cras in clíbanum mítti-
tur, Deus sic vestit: quanto magis
vos, módicæ fídei? Nolíte ergo solí-
citi esse, dicéntes: Quid manducábi-
mus, aut quid bibémus, aut quo ope-
riémur? Hæc enim ómnia gentes in-
quíruunt. Scit enim Pater vester, quia
his ómnibus indigétis. Quærite ergo
primum regnum Dei, et justítiam
ejus, et hæc ómnia adjiciéntur vobis.

Offertorium. Psal. 88. Véritas mea,
et misericórdia mea cum ipso: et in
nómine meo exaltábitur cornu ejus.

Secreta.

PRæsta nobis, quæsumus omni-
potens Deus: ut nostræ humili-
tátis oblátio, et pro tuórum tibi grata
sit honóre sanctórum, et nos corpore
páriter et mente puríficet. Per Dó-
minum nostrum.

**Pro S. Donato Episcopo et Mart.
Secreta.**

PRæsta, quæsumus Dómine: ut
sancti mártiris tui et Episcopi
Donátí intercessióne, quam ad lau-
dem nóminis tui dicátis munéribus
honorámus, piæ nobis fructus devo-
tiónis accrésceat. Per Dóminum.

Communio. Matth. 24. Beátus ser-
vus, quem, cum vénerit dóminus, in-
vénerit vigilántem: amen dico vobis,
super ómnia bona sua constituet eum.

Postcommunio.

Quæsumus omnipotens Deus: ut
qui cœléstia aliménta percépi-
mus, intercedénte beáto Cajetáno
Confessóre tuo, per hæc contra ó-
mnia advérsa muniámur. Per Dó-
minum nostrum.

**Pro S. Donato Episcopo et Mart.
Postcommunio.**

OMnipotens, et miséricors Deus,
qui nos sacramentórum tuórum
et partícipes éfficis, et minístros:
præsta quæsumus; ut, intercedénte
beáto Donáto, mártire tuo atque
pontífice, ejúsdem proficiámus et fí-
dei consórtio, et digno servítio. Per
Dóminum nostrum.

EADEM DIE.**S. DONATI EPISCOPI****et Martyris.**

**Missa. Sacerdotes. ut in Festo S.
Apollinaris die xxiii. Julii. fol. 434.
Orationes autem uti prostant sub
hac die.**

DIE VIII.**SS. MART. CYRIACI, LARGI,
ET SMARAGDI.****Introitus.****Ps. 33.**

Iméte Dóminum o-
mnes sancti ejus,
quóniam nihil deest
timéntibus eum: dí-
vites eguérunt, et e-
suriérunt: inquiréntes autem Dómi-
num non deficient omni bono.

Festa Augusti.

Psal. ibid. Benedicam Dóminum in omni témpore: semper laus ejus in ore meo. **V.** Glória Patri.

Oratio.

DEus, qui nos ánnua sanctorum mártirum tuorum Cyriaci, Largi, et Smarágdi solemnitáte lætíficas: concéde propítius; ut quorum natalítia cólimus, virtútem quoque passiónis imitémur. **Per Dóminum.**

Léctio Epístolæ beáti Pauli Apóstoli ad Thessalonicénses. **1. Thess. 2. c.**

Fratres, Grátias ágimus Deo sine intermissióne: quóniam cum accepissétis à nobis verbum audítus Dei, accepístis illud non ut verbum hóminum, sed (sicut est vere) verbum Dei, qui operátur in vobis, qui credidístis. Vos enim imitatóres facti estis, fratres, Ecclesiárum Dei, quæ sunt in Judæa in Christo Jesu: quia éadem passi estis et vos à contríbilibus vestris, sicut et ipsi à Judæis, qui et Dóminum occidérunt Jesum, et Prophétas, et nos persecúti sunt, et Deo non placent, et ómnibus homínibus adversántur; prohibéntes nos géntibus loqui, ut salvæ fiant, ut impleant peccáta sua semper: pervénit enim ira Dei super illos usque in finem.

Graduale. Psal. 33. Timéte Dóminum, omnes sancti ejus: quóniam nihil deest timéntibus eum.

V. Inquiréntes autem Dóminum, non deficiunt omni bono.

Allelúja, allelúja.

V. Sap. 3. Fulgébunt justí, et tamquam scintíllæ in arundinéto discúrrunt in ætérnum. Allelúja.

 **Sequéntia sancti Evangélíi secúndum Marcum. Marc. 16. c.**

IN illo témpore: Dixit Jesus discí-pulis suis: Eúntes in mundum univérsum, prædicáte Evangélium omni creatúræ. Qui credíderit, et baptizátus fúerit, salvus erit: qui vero non credíderit, condemnábitur. Signa autem eos, qui credíderint, hæc

sequéntur: In nómine meo dæmónia ejicient: linguis loquéntur novis: serpéntes tollent: et si mortíferum quid bíberint, non eis nocébit: super ægros manus impónent, et bene habébunt.

Offertorium. Psal. 31. Lætámini in Dómino, et exultáte justí: et gloriámini omnes recti corde.

Secreta.

ACcépta sit in conspéctu tuo, Dómine, nostra devótio: et eórum nobis fiat supplicatióne salutaris, pro quórum solemnitáte defér-tur. **Per Dóminum nostrum Jesum Christum Fílium tuum: Qui tecum vivit.**

Communio. Marc. 16. Signa autem eos, qui in me credunt, hæc sequéntur: dæmónia ejicient: super ægros manus impónent, et bene habébunt.

Postcommunio.

Refécti participatióne mún-eris sacri, quæsumus Dómine Deus noster: ut cujus exéquimur cultum, intercedéntibus sanctis mártiribus tuis Cyriaco, Largo, et Smarágdo, sentiámus efféctum. **Per Dóminum nostrum Jesum Christum Fílium tuum: Qui tecum vivit et regnat.**

¶ Si festum S. Laurentii venerit Feria secunda, commem. S. Romani fit in Dominica, et de Vigilia in Sab-bato, in quo celebratur festum SS. Cyriaci etc. et de ea legitur Evang. in fine. In Ecclesiis autem Collegia-tis dicuntur duæ Missæ una de Sanctis, in qua Orat. secunda, A cunctis. fol. lxi. tertia ad libitum: et altera de Vigilia cum secunda Oratione de S. Maria, Concéde. tertia, Ecclesiæ tuæ. vel pro Papa. fol. 244.



DIE IX.

VIGILIA S. LAURENTII

Martyris.

Introitus. Ps. 111.



Dispersit, dedit pauperibus, justitia ejus manet in saeculum saeculi: cornu ejus exaltabitur in gloria.

Ps. ibid. Beatus vir, qui timet Dominum: in mandatis ejus cupit nimis.

V. Gloria Patri.

Oratio.

Adesto, Domine, supplicationibus nostris: et, intercessionem beati Laurentii martyris tui, cujus praevenimus festivitatem, perpetuam nobis misericordiam benignus impende. Per Dominum nostrum.

Pro commem. S. Romani Mart.

Oratio.

Praesta, quaesumus omnipotens Deus: ut, intercedente beato Romano martyre tuo, et a cunctis adversitatibus liberemur in corpore, et a pravis cogitationibus mundemur in mente.

De S. Maria.

Oratio.

Concède nos famulos tuos, quaesumus Domine Deus, perpetua mentis et corporis sanitate gaudere: et gloriosa beatae Mariae semper virginis intercessionem, a praesenti liberari tristitia, et aeterna perfrui laetitia. Per Dominum nostrum.

Lectio libri Sapientiae. Eccli. 51.

Confitebor tibi, Domine Rex, et collaudabo te Deum Salvatorem meum. Confitebor nomini tuo: quoniam adjutor, et protector factus es mihi, et liberasti corpus meum a perditione, a laqueo linguae iniquae, et a labiis operantium mendacium, et in conspectu astantium factus es mihi adjutor. Et liberasti me secundum multitudinem misericordiae nominis

tui a rugientibus, praeparatis ad escam, de manibus quaerentium animam meam, et de portis tribulationum, quae circumdederunt me: a pressura flammæ quae circumdedit me, et in medio ignis non sum aestuatus: de altitudine ventris inferi, et a lingua coinquinata, et a verbo mendacii, a rege iniquo, et a lingua injusta: laudabit usque ad mortem anima mea Dominum, quoniam eruis sustinentes te, et liberas eos de manibus gentium, Domine Deus noster.

Graduale. Psal. 111. Dispersit, dedit pauperibus: justitia ejus manet in saeculum saeculi.

V. Potens in terra erit semen ejus: generatio rectorum benedicetur.



Sequentia sancti Evangelii secundum Matthaeum. Matth. 16. b

In illo tempore: Dixit Jesus discipulis suis: Si quis vult post me venire, abneget semetipsum, et tollat crucem suam, et sequatur me. Qui enim voluerit animam suam salvam facere, perdet eam: qui autem perderit animam suam propter me, inveniet eam. Quid enim prodest homini, si mundum universum lucratur, animae vero suae detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: et tunc reddet unicuique secundum opera ejus.

Offertorium. Job. 16. Oratio mea munda est: et ideo peto, ut detur locus voci meae in caelo: quia ibi est iudex meus, et conscius meus in excelsis: ascendat ad Dominum deprecatio mea.

Secreta.

Hostias, Domine, quas tibi offerimus, propitius suscipe: et, intercedente beato Laurentio martyre tuo, vincula peccatorum nostrorum absolve. Per Dominum nostrum.

Festa Augusti.

Pro S. Romano Mart.
Secreta.

MUnéribus nostris, quæsumus Dómine, precibúsq̃ue suscep̃tis, et cœlestibus nos munda mystériis, et cleménter exáudi.

De S. Maria. Secreta.

Tua, Dómine, propitiatióne, et beátæ Mariæ semper vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum nostrum.

Communio. Matth. 16. Qui vult veníre post me, ábneget semetípsum: et tollat crucem suam, et sequátur me.

Postcommunio.

DA, quæsumus Dómine Deus noster: ut sicut beáti Lauréntii mártiris tui commemoratióne, temporáli gratulámur offíció; ita perpétuo lætémur aspéctu. Per Dóminum.

Pro S. Romano. Postcommunio.

Quæsumus, omnipotens Deus: ut qui cœlestia aliménta percépimus, intercedente beáto Románo mártire tuo, per hæc contra ómnia advérsa muniámur.

De S. Maria. Postcommunio.

Sumptis, Dómine, salútis nostræ subsidiis: da, quæsumus, beátæ Mariæ semper vírginis patrocíniis nos ubique prótegi; in cujus veneratióne, hæc tuæ obtúlimus majestáti. Per Dóminum.

EADEM DIE.

S. ROMANI MARTYRIS.

Missa. Lætábitur de Comuni fol. v.

DIE X.

S. LAURENTII MARTYRIS.



Introitus. Psal. 95.

Conféssio et pulchritúdo in conspéctu ejus: sánctitas et magnificéntia in sanctificatióne ejus.

Ps. ib. Cantáte Dómino cánticum novum: cantáte Dómino omnis terra.

V. Glória Patri. **Oratio.**

DA nobis, quæsumus omnipotens Deus, vitiórum nostrórum flammæ extingueret: qui beáto Lauréntio tribuísti tormentórum suórum incéndia superáre. Per Dóminum.

Léctio Epístolæ beáti Pauli Apóstoli ad Corínthios. 2. Cor. 9. b

FRatres, Qui parce séminat, parce et metet: et qui séminat in benedictiónibus, de benedictiónibus et metet. Unusquisque prout destinávit in corde suo, non ex tristítia, aut ex necessitáte: hílarem enim datórem díligit Deus. Potens est autem Deus omnem grátiam abundáre fácere in vobis, ut in ómnibus semper omnem sufficiéntiam habéntes, abundétis in omne opus bonum, sicut scriptum est: Dispérsit, dedit paupéribus: justítia ejus manet in sáeculum sáeculi. Qui autem administrat semen seminánti, et panem ad manducándum præstábit, et multiplicábit semen vestrum, et augébit incrementa frugum justítiæ vestræ.

Graduale. Psal. 16. Probásti, Dómine, cor meum, et visitásti nocte.

V. Igne me examinásti, et non est invénta in me iníquitas.

Allelúja, allelúja.

V. Levíta Lauréntius bonum opus operátus est: qui per signum Crucis cæcos illuminávit. Allelúja.

Sequéntia sancti Evangélíi secúndum Joánnem. Joann. 12. d

IN illo témpore: Dixit Jesus discí-pulis suis: Amen, amen dico vobis, nisi granum fruménti cadens in terram, mórtuum fúerit, ipsum solum manet. Si autem mórtuum fúerit, multum fructum affert. Qui amat ánimam suam, pérdet eam; et qui odit ánimam suam in hoc mundo, in vitam ætérnam custódit eam. Si quis mihi minístrat, me sequátur: et ubi sum

Festa Augusti.

ego, illic et minister meus erit. Si quis mihi ministraverit, honorificabit eum Pater meus.

Non dicitur Credo, nisi in Ecclesia propria, vel nisi venerit in Dominica.

Offertorium. Psal. 95. Confessio et pulchritudo in conspectu ejus: sanctitas et magnificentia in sanctificatione ejus.

Secreta.

Accipe, quæsumus Domine, mûnera dignanter oblata: et beati Laurentii suffragantibus meritis, ad nostræ salutis auxilium provenire concede. Per Dominum nostrum.

Communio. Jo. 12. Qui mihi ministrat, me sequatur: et ubi ego sum, illic et minister meus erit.

Postcommunio.

Sacro mûnere satiati, supplices te, Domine, deprecamur: ut quod debitæ servitutis celebramus officio, intercedente beato Laurentio martyre tuo, salvationis tuæ sentiamus augmentum. Per Dominum.

¶ Infra Oct. S. Laurentii dicitur eadem Missa sicut in ejus festo, et post Orat. diei fit commem. de festo simplici occurrente: et tertia Orat. dicitur de S. Maria. Concede nos. fol. 244.

Sed si occurrat dies Dominica, secunda Oratio erit de Octava et tertia de Sanctis.

DIE XI.

SS. TIBURTII, ET SUSANNÆ Martyrum.

Missa. Salus autem. ut in Communi. fol. xi. Epistola et Evang. ut in Festo S. Symphorosæ die xviii. Julii, fol. 428. Oratio autem ut infra.

Oratio.

Sanctorum martyrum tuorum Tiburtii, et Susannæ nos, Domine, foveant continuata præsidia: quia non desinis propitius intueri quos talibus auxiliis concesseris adjuvari. Per Dominum.

Secreta.

Adesto, Domine, precibus populi tui, adesto munéribus: ut, quæ sacris sunt oblata mysteriis, tuorum tibi placeant intercessionem sanctorum. Per Dominum nostrum.

Postcommunio.

Sumpsimus, Domine, pignus redemptionis æternæ: quod sit nobis, quæsumus, intervenientibus sanctis martyribus tuis, vitæ præsentis auxilium pariter et futuræ. Per Dominum nostrum.

DIE XII.

S. CLARÆ VIRGINIS.

Missa. Dilexisti. de Communi Virginum. fol. xxiii. et fit commemoratio Octavæ S. Laurentii cum Orat. ut supra. fol. 454.

DIE XIII.

SS. HIPPOLYTI et CASSIANI Martyrum.

Missa. Salus autem. ut in Communi. fol. xi. cum sequent. Orationibus.

Oratio.


DA, quæsumus omnipotens Deus: ut beatorum martyrum tuorum Hippolyti, et Cassiani veneranda sollemnitas, et devotionem nobis augeat, et salutem. Per Dominum.

Secreta.

Respice, Domine, mûnera populi tui, sanctorum festivitate votiva: et tuæ testificatio veritatis nobis proficiat ad salutem. Per Dominum.

Postcommunio.

Sacramentorum tuorum, Domine, communio sumpta nos salvet, et in tuæ veritatis luce confirmet. Per Dominum nostrum.




DIE XIV.

IN VIGILIA

ASSUMPTIONIS BEATÆ
MARIE VIRGINIS.

Introitus.

Psal. 44.



Ultum tuum de-
precabuntur om-
nes divites ple-
bis: adducuntur
Regi virgines
post eam: proximæ ejus addu-
centur tibi in lætitia et exulta-
tione.

Ps. ib. Eructavit cor meum
verbum bonum: dico ego opera mea
Regi. **V.** Glória Patri.

Non dicitur Glória in excelsis.

Oratio.

Deus, qui virginálem aulam be-
atæ Mariæ, in qua habitáres,
eligere dignátus es: da, quæsumus,
ut sua nos defensione munitos, ju-
cundos fácias suæ interesse festivi-
tati. Qui vivis et regnas.

**Et fit commem. Octavæ S. Lauren-
tii Martyris.**

Oratio.

DA nobis, quæsumus omnípotens
Deus, vitiórum nostrórum flam-
mas extingueret: qui beáto Laurén-
tio tribuisti tormentórum suórum in-
cendia superáre.

Deinde S. Eusebii Confessoris.

Oratio.

Deus, qui nos beáti Eusébii con-
fessoris tui ánnua solemnitate
lætificas: concède propítius; ut cujus
natalitia cólimus, per ejus ad te ex-
empla gradiámur. Per Dóminum no-
strum Jesum Christum Fílium tuum:
Qui tecum vivit et regnat.

Léctio libri Sapiéntiæ. Eccli. 24. c

EGo quasi vitis fructificávi sua-
vitátem odóris: et flores mei,
fructus honóris et honestátis. Ego
mater pulchræ dilectionis, et timóris,
et agnitionis, et sanctæ spei. In me

grátia omnis viæ et veritátis: in me
omnis spes vitæ et virtútis. Transíte
ad me omnes, qui concupíscitis me,
et à generatióibus meis implémini:
Spíritus enim meus super mel dulcis,
et hæreditas mea super mel et fa-
vum. Memória mea in generatióes
sæculórum. Qui edunt me, adhuc e-
súrient: et qui bibunt me, adhuc sí-
tient. Qui audit me, non confundé-
tur: et qui operántur in me, non pec-
cábunt. Qui elúcidant me, vitam æ-
térnam habébunt.

Graduale. Benedícta, et venerábi-
lis es, virgo María, quæ sine tactu
pudóris invénta es mater Salvatóris.

V. Virgo Dei génitrix, quem totus
non capit orbis, in tua se clausit ví-
scera factus homo.



**Sequéntia sancti Evangélíi se-
cúndum Lucam.** **Lucæ 11. d**

IN illo témpore: Loquente Jesu ad
turbas, extóllens vocem quædam
múlier de turba, dixit illi: Beátus
venter, qui te portávit, et úbera, quæ
suxísti. At ille dixit: Quinímo beáti,
qui áudiunt verbum Dei, et custódi-
unt illud.

Offertorium. Beáta es, virgo Ma-
ria, quæ ómnium portásti Creatórem:
genuísti qui te fécit, et in ætérnum
pérmanes virgo.

Secreta.

MUnera nostra, Dómine, apud
cleméntiam tuam Dei genitri-
cis comméndet orátio: quam idcirco
de præsénti sæculo transtulísti, ut
pro peccátis nostris apud te fiduciá-
liter intercédant. Per eúndem Dómi-
num nostrum Jesum Christum Fíli-
um tuum: Qui tecum vivit.

Pro Sancto Laurentio Martyre.

Secreta.

ACcipe, quæsumus Dómine, mú-
nera dignánte obláta: et be-
áti Lauréntii suffragántibus méritis,
ad nostræ salútis auxílium proveníre
concède.

Festa Augusti.

Pro S. Eusebio Confessore.

Secreta.

L Audis tibi, Dómine, hóstias im-
molámus, in tuórum commemo-
ratione sanctórum: quibus nos et
præséntibus éxui malis confidimus,
et futúris. Per Dóminum nostrum
Jesum Christum Fílium tuum: Qui
tecum vivit.

Præfatio communis. fol. 210. vel 219.

Communio. Beáta viscera Mariæ
vírginis, quæ portavérunt ætérni
Patris Fílium.

Postcommunio.

Concède, miséricors Deus, fragi-
litáti nostræ præsidium: ut qui
sanctæ Dei genitrícis festivitátem
prævenimus, intercessiόνis ejus au-
xílio, à nostris iniquitatibus resurgá-
mus. Per eúmdem Dóminum no-
strum Jesum Christum Fílium tuum:
Qui tecum vivit.

Pro S. Laurentio Mártire.

Postcommunio.

Sacro múnere satiáti, súpplīces
te, Dómine, deprecámur: ut quod
débitæ servitútis celebrámus officio,
intercedénte beáto Lauréntio már-
tyre tuo, salvatiόνis tuæ sentiámus
augméntum.

Pro S. Eusebio Confessore.


Postcommunio.

Refécti cibo, potúque cœlésti,
Deus noster, te súpplīces ex-
orámus: ut in cujus hæc commemo-
rátiōe percépimus, ejus muniámur et
précibus. Per Dóminum nostrum
Jesum Christum Fílium tuum: Qui
tecum vivit.

EADEM DIE.

S. EUSEBII CONFESSORIS.

Missa. Justus ut palma. *ut in die xv.*
Januarii in festo S. Pauli primi Ere-
mitæ, fol. 333. Orationes ut supra.



DIE XV. AUGUSTI.

IN ASSUMPTIONE

B. MARIAE VIRGINIS.

Introitus.



Gaudemus omnes in Domino diem festum celebrantes sub honore

beatae Mariae virginis: de cujus Assumptione gaudent Angeli, et collaudant Filium Dei.

Psal. 44. Eructavit cor meum verbum bonum: dico ego opera mea Regi.

V. Glória Patri.

Oratio.

Famulorum tuorum, quæsumus Domine, delictis ignosce: ut qui tibi placere de actibus nostris non valémus; genitricis Filii tui Domini nostri intercessione salvémur. Qui tecum vivit, et regnat.

Lectio libri Sapiéntiæ. Eccli. 24.

In ómnibus réquiem quæsiui, et in hæreditate Domini morabor. Tunc præcepit, et dixit mihi Créator ómnium: et qui creávit me, requiêvit in tabernáculo meo, et dixit mihi: In Jacob inhábita, et in Israel hæreditare, et in eléctis meis mitte radices.

Et sic in Sion firmáta sum, et in civitate sanctificáta simíliter requiêvi, et in Jerúsalem potéstas mea. Et radicávi in pópulo honorificáto, et in parte Dei mei hæréditas illíus, et in plenitúdine sanctórum deténtio mea. Quasi cedrus exaltáta sum in Libano: et quasi cypréssus in monte Sion. Quasi palma exaltáta sum in Cades, et quasi plantátio rosæ in Jéricho. Quasi olíva speciósá in campis, et quasi plátanus exaltáta sum juxta aquam in platéis. Sicut cinnamómum et balsamum aromatízans odórem dedi: quasi myrrha elécta dedi suavitátem odóris.

Graduale. Psal. 44. Propter veritátem, et mansuetúdinem, et justítiam, et dedúcet te mirabíliter dextera tua. **V.** Audi filia, et vide, et inclína aurem tuam: quia concupívit Rex spéciem tuam. **A**llelúja, allelúja.

V. Assúpta est María in cœlum, gaudet exércitus Angelórum. Allel.

Sequéntia sancti Evangélii secúndum Lucam. Luc. 10. g

In illo témpore: Intrávit Jesus in quoddam castéllum, et múlter quædam, Martha nómine, excépit illum in domum suam: et huic erat soror nómine María, quæ étiam sedens secus pedes Domini audiébat verbum illíus. Martha autem satagébat circa frequens ministérium: quæ stetit, et ait: Domine, non est tibi curæ, quod soror mea relíquit me solam ministráre? Dic ergo illi, ut me ádjuvet. Et respóndens, dixit illi Domí-nus: Martha, Martha solícita es, et

Festa Augusti.

turbáris erga plúrima. Porro unum est necessárium. María óptimam partem elégit, quæ non auferétur ab ea.

Credo.

Offertorium. Assúpta est María in cælum: gaudent Angeli, collaudantes benedícunt Dóminum. Allel.

Secreta.

Subvéniat, Dómine, plebi tuæ Dei genitrícis orátio: quam etsi pro conditione carnis migrásse cognóscimus; in cœlésti glória apud te pro nobis intercédere sentiámus. Per eúmdem Dóminum nostrum Jesum Christum Fílium tuum etc.

Præfatio de B. Maria. Et te in Assumptione. fol. 199. vel 218. Et dicitur per totam Octavam etiam in Festis.

Communio. Luc. 10. Optimam partem elégit sibi Maria, quæ non auferétur ab ea in ætérnum.

Postcommunio.

Mensæ cœléstis partícipes effecti, implorámus cleméntiam tuam, Dómine Deus noster: ut qui Assumptionem Dei genitrícis cólimus, à cunctis malis imminéntibus, ejus intercessióne liberémur. Per eúmdem Dóminum.

¶ Infra Octavam Assumptionis B. Mariæ, et in ejus die Octava, dicitur Missa, ut in die Festi. Et infra Octavam dicitur secunda Oratio de Spiritu sancto, Deus, qui corda fidélium. tertia, Ecclesiæ. vel pro Papa. fol. xliii.

DOMINICA

Infra Octavam Assumpt. B. Mariæ Virginis

S. JOACHIM CONFESSORIS
et Patris ejusdem B. M. V.

Introitus. Ps. 111.



Dispérsit, dedit paupéribus: justítia ejus manet in sæculum sæculi: cornu ejus exaltábitur in glória.

Ps. ibid. Beátus vir, qui timet Dóminum: in mandátis ejus cupit nimis.

V. Glória Patri.

Oratio.

Deus, qui præ ómnibus sanctis tuis beátum Jóachim genitrícis Fílii tui patrem esse voluísti: concede, quæsumus; ut, cujus festa venerámur, ejus quoque perpétuo patrocínia sentiámus. Per eúmdem Dóminum nostrum.

¶ Et fit commem. Dominicæ occurrentis, et postea de Octavis, nisi festum S. Joachim transferatur post omnes Octavas.

Léctio libri Sapiéntiæ. Eccli. 31.

Beátus vir, qui invéntus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábimus eum? Fecit enim mirabilia in vita sua. Qui probátus est in illo, et perfectus est, erit illi glória ætérna: qui pótuit tránsgrredi, et non est tránsgréssus, fácere mala, et non fecit: ideo stabilita sunt bona illíus in Dómino, et eleemósynas illíus enarrábit omnis Ecclesiá sanctórum.

Graduale. Ps. 111. Dispérsit, dedit paupéribus: justítia ejus manet in sæculum sæculi.

V. Potens in terra erit semen ejus: generátio rectórum benedicétur.

Allelúja, allelúja.

V. O Jóachim, sancte conjux Annæ, pater almæ Vírginis, híc fámulis confer salútis opem. Allelúja.

✠ Initium sancti Evangélíi secúndum Matthæum. Matth. 1.

Liber generatiónis Jesu Christi filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, et fratres ejus. Judas autem genuit Phares et Zaram de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit

Festa Augusti.

Jesse. Jesse autem genuit David regem. David autem rex genuit Salomónem ex ea, quæ fuit Uríæ. Salomon autem genuit Róboam. Róboam autem genuit Abíam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manáesses autem genuit Amon. Amon autem genuit Josíam. Josías autem genuit Jechoníam, et fratres ejus in transmigratione Babylónis. Et post transmigrationem Babylónis: Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliácim. Eliácim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocátur Christus.

Dicitur Credo, ratione Dominicæ, et Octavæ Assumptionis.

Offertorium. Psal. 8. Glória et honóre coronásti eum; et constituísti eum super ópera mánuum tuárum, Dómine.

Secreta.

Suscipe, clementíssime Deus, sacrificium in honórem sancti Patriárchæ Jóachim, patris Mariæ virginis, majestáti tuæ oblátum: ut, ipso cum cónjuge sua, et beatíssima prole intercedente, perféctam cónsequi mereámur remissionem peccatórum, et glóriam sempitérnam. Per Dóminum nostrum.

Deinde fit commem. Dominicæ occurrentis et Octav.

Præfatio de B. Maria. Et te in Assumptione. fol. 199. vel 218. nisi festum S. Joachim transferatur post

Octavam Assumptionis quia tunc dicitur Præfatio communis.

Communio. Lucæ 12. Fidélis servus et prudens, quem constituit Dóminus super familiam suam: ut det illis in témpore trítici mensúram.

Postcommunio.

Quæsumus omnipotens Deus: ut per hæc sacraménta, quæ sumpsimus, intercedéntibus méritis et précibus beáti Jóachim patris genitrícis dilécti Fílii tui Dómini nostri Jesu Christi, tuæ grátiae in præsentí, et æternæ glóriæ in futúro participes esse mereámur. Per eúmdem Dóminum nostrum.

Deinde fit commem. Dominicæ occurrentis et Octav.

In fine Missæ legitur Evangel. ejusdem Dominicæ occurrentis.

DIE XVI.**S. HYACINTHI CONFESS.**

Missa. Os justi. ut in Communi Confess. non Pontif. fol. xvii. cum commemorationibus sequentibus: et dicitur Credo, propter Octavam Assumpt. Beatæ Mariæ Virginis.

Pro Octava Assumptionis.

Oratio.

Famulórum tuórum, quæsumus Dómine, delictis ignósce: ut qui tibi placére de áctibus nostris non valémus, genitrícis Fílii tui Dómini nostri intercessióne salvémur.

Pro Octava S. Laurentii.

Oratio.

DAnobis, quæsumus omnipotens Deus, vitiórum nostrórum flammæ extingüere: qui beáto Lauréntio tribuísti tormentórum suórum incéndia superáre. Per Dóminum.

Pro Octava Assumptionis.

Secreta.

Subvéniat, Dómine, plebi tuæ Dei genitrícis orátio: quam etsi pro conditione carnis migrásse cognóscimus; in cœlesti glória apud te pro nobis intercédere sentiámus.

Festa Augusti.

Pro S. Laurentio. Secreta.

Accipe, quæsumus Dómine, múnera dignánte obláta: et beáti Lauréntii suffragántibus méritis, ad nostræ salutis auxílium proveníre concéde. Per Dóminum.

Præfatio de B. Maria Virg. Et te in Assumptióne. fol. 199. vel 218.

Pro Octava Assumptionis.

Postcommunio.

Mensæ cœlestis partícipes effecti, implorámus cleméntiam tuam, Dómine Deus noster: ut qui Assumptiónem Dei genitrícis cólimus, à cunctis malis imminéntibus ejus intercessióne liberémur.

Pro Sancto Laurentio.

Postcommunio.

Sacro múnere satiáti, súpplīces te Dómine deprecámur: ut quod débitæ servitútis celebrámus officio, intercedénte beáto Lauréntio Mártire tuo, salvatiónis tuæ sentiámus augméntum. Per Dóminum.

DIE XVII.

In Octava

S. LAURENTII MARTYRIS.

Introitus. Psal. 16.

Robásti, Dómine, cor meum et visitásti nocte: igne me examinásti, et non est invénta in me iníquitas.

Psal. ibid. Exáudi Dómine justítiam meam: inténde deprecationem meam.

V. Glória Patri. Oratio.

Excita, Dómine, in Ecclesiá tua Spíritum, cui beátus Lauréntius Levíta servívit: ut eódem nos repléti, studeámus amáre quod amávit, et ópere exercére, quod dócuit. Per Dóminum. in unitáte ejúsdem.

Pro Octava Assumptionis Oratio Famulórum. ut supra.

Léctio Epístolæ beáti Pauli Apóstoli ad Corínthios. 2. Cor. 9. b

Fratres, Qui parce séminat, parce et metet: et qui séminat in

benedictiónibus, de benedictiónibus et metet. Unusquisque prout destinávit in corde suo, non ex tristítia, aut ex necessitáte: hílarem enim datórem díligit Deus. Potens est autem Deus omnem grátiam abundáre fácere in vobis, ut in ómnibus semper omnem sufficiéntiam habéntes, abundétis in omne opus bonum, sicut scriptum est: Dispérsit, dedit paupéribus: justítia ejus manet in sæculum sæculi. Qui autem administrat semen seminánti, et panem ad manducándum præstábit, et multiplicábit semen vestrum, et augébit increménta frugum justítie vestræ.

Graduale. Psal. 8. Glória et honóre coronásti eum, Dómine.

V. Et constituísti eum super ópera mánuum tuárum. Allelúja, allelúja.

V. Levíta Lauréntius honum opus operátus est, qui per signum crucis cæcos illuminávit. Allelúja.

Sequéntia sancti Evangélii secúndum Joánnem. Joann. 12. d

In illo témpore: Dixit Jesus discípulis suis: Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam ætérnam custódit eam. Si quis mihi minístrat, me sequátur: et ubi sum ego, illic et miníster meus erit. Si quis mihi ministráverit, honorificábit eum Pater meus. **Credo.**

Offertorium. Psal. 20. In virtúte tua, Dómine, lætábitur justus, et super salutáre tuum exultábit vehementer: desidérium ánimæ ejus tribuísti ei.

Secreta.

Sacrificium nostrum tibi, Dómine quæsumus, beáti Lauréntii præcatío sancta concíliet: ut, cujus honóre solémniter exhibétur, ejus méritis efficiátur accéptum. Per Dóminum nostrum.

Festa Augusti.

Pro Octava Assumptionis Secreta.
Subvéniat, Dómine. fol. 460.

Et dicitur Præfatio de S. Maria, Et te in Assumptione. fol. 199. **vel 218.**

Communio. Matth. 16. Qui vult venire post me, abneget semetipsum, et tollat crucem suam, et sequatur me.

Postcommunio.

Supplices te rogámus, omnipotens Deus: ut, quos donis cœlestibus satiasti, intercedente beáto Lauréntio Mártire tuo, perpétua protectione custódias. **Per Dóminum.**

Pro Octava Assumpt. Postcommunio. Mensæ cœlestis. fol. 461.

DIE XVIII.

De Die iv. infra Octavam ASSUMPTIONIS B. M. V.

Pro Commemoratione S. Agapiti Martyris, Orationes ut infra.

De S. Agapito. Oratio.

Lætetur Ecclesiá tua, Deus, beáti Agapíti Mártiris tui confisa suffrágiis: atque ejus précibus glóriosis et devóta permáneat, et secúra consistat.

Tertia Oratio de Spiritu Sancto. Deus, qui corda fidélium. fol. xliii.

Si venerit in Dominica, erit Oratio secunda de Octava, tertia de Sancto.

De S. Agapito. Secreta.

Suscipe, Dómine múnera, quæ in ejus tibi solemnitáte deférimus, cujus nos confídimus patrocínio liberári.

De S. Agapito. Postcommunio.

Satiasti, Dómine, familiam tuam munéribus sacris: ejus, quæsumus, semper interventióne nos réfove, cujus solémnia celebrámus.

EADEM DIE.

S. AGAPITI MARTYRIS.

Missa Lætábitur. de Comuni. fol v. **cum Orationibus ut supra.**
Evangelium Nisi granum frumenti. uti in die Octava S. Laurentii fol. 461.

DIE XX.

S. BERNARDI ABBATIS et Ecclesiæ Doctoris.

Introitus. Eccli. 15.

In médio Ecclesiæ apéruit os ejus: et implévit eum Dóminus spíritu sapiéntiæ et intelléctus: stolam glóriæ induit eum. **Psal. 91.** Bonum est confitéri Dómino: et psállere nómini tuo, Altíssimé. **V. Glória Patri.**

Oratio.

Deus, qui pópulo tuo æternæ salútis beátum Bernárdum ministrum tribuisti, præsta quæsumus: ut, quem doctórem vitæ habúimus in terris, intercessórem habére mereámur in cœlis. **Per Dóminum.**

Et fit commem. Oct. Assumptionis. Oratio. Famulórum tuórum. fol. 458.

Léctio libri Sapiéntiæ. Eccli. 39.

Justus cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delíctis suis deprecábitur. Si enim Dóminus magnus volúerit, spíritu intelligéntiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse diriget consílium ejus, et disciplínam, et in absconditis suis consiliábitur. Ipse palam fáciat disciplínam doctrinæ suæ, et in lege testaménti Dómini gloriábitur. Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur à generatióne in generatióem. Sapiéntiam ejus enarrábunt gentes, et laudem ejus enuntiábit Ecclesiá.

Graduale. Psal. 36. Os justi meditábitur sapiéntiam, et lingua ejus loquétur judícium.

V. Lex Dei ejus in corde ipsíus: et non supplantabúntur gressus ejus.

Allelúja, allelúja.

Festa Augusti.

V. Eccli. 45. Amávit eum Dóminus, et ornávit eum: stolam glóriæ induit eum. Allelúja.

Sequéntia sancti Evangélíi secúndum Matthæum. Mtth. 5. b

IN illo témpore: Dixit Jesus discí-
pulis suis: Vos estis sal terræ.
Quod si sal evanúerit, in quo salié-
tur? Ad níhilum valet ultra, nisi ut
mittátur foras, et conculcétur ab ho-
mínibus. Vos estis lux mundi. Non
potest civitas abscóndi supra montem
pósita. Neque accéndunt lucérnam,
et ponunt eam sub módio, sed super
candelábrum, ut lúceat ómnibus qui
in domo sunt. Sic lúceat lux vestra
coram homínibus, ut vídeant ópera
vestra bona, et gloríficent Patrem
vestrum, qui in cœlis est. Nolíte pu-
táre quóniam veni sólvare legem, aut
Prophétas: non veni sólvare, sed ad-
implére. Amen quippe dico vobis,
donec tránseat cœlum et terra, jota
unum, aut unus apex non præteríbit
à lege, donec ómnia fiant. Qui ergo
sólverit unum de mandátis istis mí-
nimis, et docúerit sic hómines, míni-
mus vocábitur in regno cœlórum:
qui autem fécerit et docúerit, hic ma-
gnus vocábitur in regno cœlórum.

Credo.

Offertórium. Ps. 91. Justus ut pal-
ma florébit: sicut cedrus, quæ in Lí-
bano est, multiplicábitur.

Secreta.

SAncti tui Bernárdi nobis, Dómi-
ne, pia non desit orátio: quæ et
múnera nostra concíliet, et tuam no-
bis indulgéntiam semper obtíneat.
Per Dóminum nostrum.

Pro Octava Assumptionis. Secreta.
Subvéniat Dómine. fol. 459. **Præfa-
tio de Octava Assumptionis. B. Ma-
riæ Virginis.** fol. 199 vel 218.

Communio. Luc. 12. Fidélis servus
et prudens, quem constituit dóminus
super familiam suam: ut det illis in
témpore trítici mensúram.

Postcommunio.

UT nobis, Dómine, tua sacrificia
dent salútem: beátus Bernár-
dus conféssor tuus et doctor egrégi-
us, precátor accédât. Per Dóminum.
**Pro Octava Assumptionis B. Mariæ
Virginis. Postcommunio. Mensæ
cœlestis.** fol. 459.

DIE XXI.

**S. JOANNÆ FRANCISCÆ
FREMIOT DE CHANTAL,
Viduæ.**

**Missa. Cognóvi. de Comuni nec
Virginum nec Martyrum.** fol. xxvi.
præter Orationes seq. Oratio.

OMnípotens et miséricors Deus,
qui beátam Joánnam Francí-
scam tuo amóre succénsam, admirá-
bili spíritus fortitúdine per omnes vi-
tæ sémitas, in via perfectiónis doná-
sti: quique per illam illustráre Ecclé-
siam tuam nova prole voluísti: ejus
méritis et précibus concéde; ut qui
infirmítatis nostræ cónscei de tua vir-
túte confídimus, cœlestis grátiae au-
xílio, cuncta nobis adversántia vin-
cámus. Per Dóminum nostrum. in
unitáte ejúsdem.

**Et fit commem. Octavæ Assumpti-
onis B. Mariæ. Oratio. Famulórum.**
fol. 458.

Et dicitur Credo. Secreta.

ILlo nos amóris igne, quæsumus
Dómine, hæc hóstia salutáris in-
flámmet, quo beátæ Joánnæ Fran-
ciscæ cor vehementer incéndit, et
flammis adússit æternæ caritátis. Per
Dóminum nostrum.

Pro Octava Assumptionis. Secreta
Subvéniat, Dómine. fol. 459.

**Præfatio de Octava Assumpt. B.
Mariæ Virg.** fol. 199. vel 218.

Postcommunio.

SPíritum nobis, Dómine, tuæ ca-
ritátis infúnde: ut quos cœlé-
stis panis virtúte satiásti, beáta Joán-
na Francísca intercedénte, fácias
terréna despícere, et te solum Deum

pura mente sectári. Per Dóminum nostrum. in unitáte ejúsdem Spíritus sancti Deus.

**Pro Octava Assumpt. Postcommu-
nio. Mensæ cœlestis. fol. 459.**

DIE XXII.

In Octava

ASSUMPTIONIS B. MARIE Virginis.

**Missa ut in die, cum commemora-
tione SS. Timothei, Hippolyti, et
Symphoriani Martyrum.**

Oratio.

Auxílium tuum nobis, Dómine quæsumus, placátus impénde: et intercedéntibus beátis martyribus tuis Timótheo, Hippólyto, et Symphoriáno, dexteram super nos tuæ propitiatiónis exténde. Per Dónm.

Secreta.

Accepta tibi sit, Dómine, sacrá-
tæ plebis oblátio pro tuorum
honóre sanctórum: quorum se méritis
de tribulatióne percepísse cognó-
scit auxílium. Per Dóminum.

Postcommunio.

Divíni múnneris largitáte satiáti,
quæsumus Dómine Deus no-
ster: ut, intercedéntibus sanctis mar-
tyribus tuis Timótheo, Hippólyto, et
Symphoriáno, in ejus semper parti-
cipatióne vivámus. Per Dóminum.

**Missa de his Sanctis Martyribus est
Salus autem. de Communi. fol. xi.
cum Orationibus ut supra.**

DIE XXIII.

S. PHILIPPI BENITHI CONF.

**Missa. Justus ut palma. de Commu-
ni Confessoris non Pontif. fol. xviii.
præter Orationem sequentem.**

Oratio.

Deus, qui per beátum Philíppum
confessórem tuum, exímium
nobis humilitátis exéplum tribuísti:
da fámulis tuis próspera mundi, ex
ejus imitatióne despícere, et cœlestia
semper inquirere. Per Dóminum.

**Et fit commem. Vigiliæ S. Bartho-
lomæi, ubi festum ejusdem celebra-
tur die xxiv.**

**¶ Si sequens Vigilia S. Bartholo-
mæi celebretur in die Oct. Assum-
ptionis, vel in festo S. Philippi: in
Ecclesiis Cathedralibus et Collegia-
tis dicuntur duæ Missæ: una de Oct.
vel de S. Philippo, sine commem.
Vigiliæ, et altera de Vigilia in qua
dicitur Præfatio communis. fol. 210.
vel 218.**

DIE XXIII. vel XXIV.

In Vigilia

S. BARTHOLOMÆI Apostoli.

**Missa. Ego autem sicut olíva. de
Communi Apostolorum. fol. i.**

**Oratio secunda de B. Maria. Con-
céde. tertia. Ecclesiæ. vel pro Papa.
fol. 244.**

**¶ Sequens festum S. Bartholomæi
Apostoli celebratur secundum con-
suetudinem locorum, vel 24. vel 25.
Augusti. Romæ celebratur 25. et de
S. Ludovico fit die 26. cum commem.
S. Zephyrini.**

DIE XXIV. vel XXV.

S. BARTHOLOMÆI Apostoli.

Introitus. Ps. 138.

Ihi autem nimis hono-
ráti sunt amíci tui, De-
us: nimis confortátus
est principátus eórum.

**Psal. ibid. Dómine,
probásti me, et cognovísti me: tu co-
gnovísti sessiόνem meam, et resur-
rectiόνem meam.**

V. Glória Patri.

Oratio.

Omnípotens sempitérne Deus, qui
hujus diéi venerándam san-
ctámque lætítiam in beati Apóstoli
tui Bartholomæi festivitáte tribuísti:
da Ecclesiæ tuæ, quæsumus, et amá-
re quod credidit, et prædicáre quod
dócuit. Per Dóminum nostrum.

Festa Augusti.

Léctio Epístolæ beāti Pauli Apóstoli ad Corínthios. **1. Cor. 12. d**

Fratres, vos estis corpus Christi, et membra de membro. Et quosdam quidem pósuit Deus in Ecclésia: primum Apóstolos, secúndo Prophétas, tértio Doctóres, deínde virtútes, exínde grátias curatiónum, opitulatiónes, gubernatiónes, génera linguárum, interpretatiónes sermónum. Numquid omnes Apóstoli? numquid omnes Prophétæ? numquid omnes Doctóres? numquid omnes virtútes? numquid omnes grátiam habent curatiónum? numquid omnes linguis loquúntur? numquid omnes interpretántur? Æmulámini autem charísmata melióra.

Graduale. Psal. 44. Constitues eos príncipes super omnem terram, mémoires erunt nóminis tui, Dómine.

V. Pro pátribus tuis nati sunt tibi filii: proptérea pópuli confitebúntur tibi.

Allelúja, allelúja.

V. Te gloriósus Apostolórum chorus laudat, Dómine. **Allelúja.**

Sequéntia sancti Evangélíi secúndum Lucam. Luc. 6. b

IN illo témpore: Exiit Jesus in montem oráre, et erat pernóctans in oratióne Dei. Et cum dies factus esset, vocávit discipulos suos: et elégit duódecim ex ipsis (quos et Apóstolos nominávit): Simónem, quem cognominávit Petrum, et Andréam fratrem ejus, Jacóbum et Joánnem, Philíppum et Bartholomæum, Matthæum et Thomam, Jacóbum Alphæi et Simónem, qui vocátur Zelótes, et Judam Jacóbi, et Judam Iscariótem, qui fuit próditor. Et descéndens cum illis, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant, ut audírent eum, et sanaréntur à languóribus suis. Et qui vexabántur à spirítibus immúndis, curabántur. Et

omnis turba quærébat eum tángere, quia virtus de illo exíbat, et sanábat omnes. **Credo.**

Offertorium. Psal. 138. Mihi autem nimis honoráti sunt amíci tui, Deus: nimis confortátus est principátus eórum.

Secreta.

BEáti Apóstoli tui Bartholomæi solémnia recenséntes, quæsumus Dómine: ut ejus auxílio tua beneficia capiámus, pro quo tibi laudis hóstias immolámus. **Per Dóminum.**

Præfatio de Apost. fol. 200. vel 218.

Communio. Matth. 19. Vos, qui secúti estis me, sedébitis super sedes, judicántes duódecim tribus Israel, dicit Dóminus.

Postcommunio.

Sumptum, Dómine, pignus redemptionis æternæ sit nobis, quæsumus, interveniénte beáto Bartholomæo Apóstolo tuo, vitæ præsentis auxílium páriter et futúre. **Per Dóminum.**

DIE XXV. vel XXVI.

S. LUDOVICI CONFESSORIS.

Introitus.

Psal. 36.



S justi meditábitur sapiéntiam, et lingua ejus loquétur judícium: lex Dei ejus in corde ipsíus.

Ps. ibid. Noli æmulári in malignantibus: neque zeláveris faciéntes iniquitátem. **V.** Glória Patri.

Oratio.

DEus, qui beátum Ludovicum confessorém tuum, de terréno regno ad cœléstis regni glóriam transtulísti: ejus, quæsumus, méritis et intercessióne, Regis regum Jesu Christi Fílii tui fácias nos esse consórtes. Qui tecum vivit.

Léctio libri Sapiéntiæ. Sap. 10. b

Justum dedúxit Dóminus per vias rectas, et osténdit illi regnum Dei, et dedit illi sciéntiam sanctórum:

Festa Augusti.

honestávit illum in labóribus, et complévit labóres illius. In fraude circumveniéntium illum áffuit illi, et honestum fecit illum. Custodívit illum ab inimícis, et à seductóribus tutávit illum, et certámen forte dedit illi, ut vínceret, et sciret quóniam ómnium poténtior est sapiéntia. Hæc vénditum justum non derelíquit, sed à peccatóribus liberávit eum: descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos, qui eum deprimébant: et mendáces osténdit, qui maculavérunt illum, et dedit illi claritátem ætérnam, Dóminus Deus noster.

Graduale. Ps. 91. Justus ut palma florébit: sicut cedrus Líbani multiplicábitur in domo Dómini.

V. Ad annuntiándum mane misericórdiam tuam, et veritátem tuam per noctem. **Allelúja, allelúja.**

V. Jac. 1. Beátus vir, qui suffert tentatiónem: quóniam cum probátus fúerit, accípiet corónam vitæ. **Allelúja.**

 **Sequéntia sancti Evangélíi secúndum Lucam. Luc. 19. b**

IN illo témpore: Dixit Jesus discí-
pulis suis parábolam hanc: Homo quidam nóbilis ábiit in regiónem longínquam accípere sibi regnum, et revér-
ti. Vocátis autem decem servis suis, dedit eis decem mnas, et ait ad illos: **Negotiámini dum vénio.** Cives autem ejus óderant eum: et misérunt legatiónem post illum, dicéntes: **Nólumus hunc regnare super nos.** Et factum est, ut redíret accépto regno: et jussit vocári servos, quibus dedit pecú-
niam, ut sciret quantum quisque negotiátus esset. Venit autem primus, dicens: **Dómine, mna tua decem mnas acquisívit.** Et ait illi: **Euge bone serve, quia in módico fuísti fidélis, eris potestátem habens super decem civitátes.** Et alter venit, dicens: **Dómine, mna tua fecit quinque mnas.** Et huic ait: **Et tu esto super quinque**

civitátes. Et alter venit, dicens: **Dómine, ecce mna tua, quam hábui re-
pósitam in sudário: tímui enim te, quia homo austérus es: tollis quod non posuísti, et metis quod non seminásti.** Dicit ei: **De ore tuo te júdico, serve nequam.** Sciébas quod ego homo austérus sum, tollens quod non pósui, et metens, quod non seminávi, et quare non dedísti pecú-
niam meam ad mensam, ut ego véniens, cum usúris útique exegíssem illam? Et adstántibus dixit: **Auférte ab illo mnam, et date illi, qui decem mnas habet.** Et dixerunt ei: **Dómine, habet decem mnas.** Dico autem vobis: **Quia omni habénti dábitur, et abundábit: ab eo autem, qui non habet, et quod habet auferétur ab eo.**

Offertorium. Psal. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

PRæsta, quæsumus omnípotens Deus: ut sicut beátus Ludovícus conféssor tuus, spretis mundi oblectaméntis, soli Regi Christo placére stúduit, ita ejus orátio nos tibi reddat accéptos. **Per eúmdem Dóminum.**

Communio. Matth. 24. Beátus servus, quem, cum vénerit Dóminus, invénerit vigilántem: amen dico vobis, super ómnia bona sua constituet eum.

Postcommunio.

DEus, qui beátum confessórem tuum Ludovícum mirificásti in terris, et gloriósum in cœlis fecísti: eúmdem, quæsumus, Ecclesiæ tuæ constitue defensórem. **Per Dóminum.**

DIE XXVI.
S. ZEPHYRINI PAPÆ,
et Martyris.

Missa. Sacerdótes Dei. ut in Comuni unius Martyris Pontificis fol. iii. præter Orationem sequentem.

Oratio.

PRæsta, quæsumus, omnípotens Deus: ut beáti Zephyríni mártiris tui atque pontíficis, cujus

Festa Augusti.

gaudémus méritis, instruámur exémp-
lis. Per Dóminum nostrum.

DIE XXVII.

S. JOSEPHI CALASANCTII

Confessoris.

Introitus.

Ps. 33.



Eníte, filii, audíte
me: timórem Dó-
mini docébo vos.

Ps. ib. Benedí-

cam Dóminum in
omni témpore: semper laus e-
jus in ore meo.

V. Glória Patri.

Oratio.

DEus, qui per sanctum José-
phum confessorém tuum, ad
erudiéndam spíritu intelligéntiæ, ac
pietátis juventútem novum Ecclesiæ
tuæ subsidium providére dignátus es:
præsta, quæsumus, nos ejus exémplo
et intercessióne ita fácere et docére,
ut præmia consequámur ætérna. Per
Dóminum nostrum.

Léctio libri Sapiéntiæ.

Sap. 10.

Justum dedúxit Dóminus per vias
rectas, et osténdit illi regnum
Dei, et dedit illi sciéntiam sanctórum:
honestávit illum in labóribus, et com-
plévit labóres illius. In fraude cir-
cumveniéntium illum áffuit illi, et
honéstum fecit illum. Custodívit illum
ab inimícis, et à seductóribus tutávit
illum, et certámen forte dedit illi ut
vínceret, et sciret quóniam ómnium
poténtior est sapiéntia. Hæc vëndi-
tum justum non dereliquit, sed à pec-
catóribus liberávit eum: descendít-
que cum illo in fóveam, et in víncu-
lis non dereliquit illum, donec afférret
illi sceptrum regni, et poténtiam ad-
vérsus eos, qui eum deprimébant: et
mendáces osténdit qui maculavérunt
illum, et dedit illi claritátem ætérnam,
Dóminus Deus noster.

Graduale. Psal. 36. Os justí medi-
tábitur sapiéntiam, et lingua ejus lo-
quétur júdicium.

V. Lex Dei ejus in corde ipsius: et
non supplantabúntur gressus ejus.

Allelúja, allelúja.

V. Jac. 1. Beátus vir, qui suffert ten-
tationem: quóniam cum probátus fú-
erit, accípiet corónam vitæ. Allelúja.

**Sequéntia sancti Evangélii se-
cúndum Matthæum. Matth. 18.**

IN illo témpore: Accessérunt di-
scípuli ad Jesum, dicéntes: Quis
putas major est in regno cœlórum?
Et ádvocans Jesus párvulum, státuit
eum in médio eórum, et dixit: Amen
dico vobis, nisi convérsi fuéritis, et
efficiámini sicut párvuli, non intrá-
bitis in regnum cœlórum. Quicúmque
ergo humiliáverit se sicut párvulus
iste, hic est major in regno cœlórum:
et qui suscepérit unum párvulum ta-
lem in nómine meo, me súscipit.

Offertorium. Ps. 10. Desidérium páu-
perum exaudivit Dóminus: præpara-
tiónem cordis eórum audivit auris tua.

Secreta.

Altáre tuum, Dómine, munéri-
bus cumulámus oblátis: ut e-
jus nobis fiant supplicatióne propítia,
cujus nos donásti patrocínio adjuvári.
Per Dóminum nostrum.

Communio. Marc. 10. Sínite párvu-
los veníre ad me, et ne prohibuéritis
eos: tálíum est enim regnum Dei.

Postcommunio.

Sanctificáti, Dómine, salutári
mystério, quæsumus: ut inter-
cedente sancto Josépho confessoré
tuo, ad majus semper proficiámus
pietátis increméntum. Per Dóminum.


DIE XXVIII.

S. AUGUSTINI EPISC. CONF.

et Ecclesiæ Doctoris.

Introitus.

Eccli. 15.



IN médio Ecclesiæ apé-
ruit os ejus: et implévit
eum Dóminus spíritu
sapiéntiæ et intelléctus:
stolam glóriæ índuit
eum.

Festa Augusti.

Ps. 91. Bonum est confitēri Dómino: et psállere nómini tuo Altíssime.

V. Glória Patri.

Oratio.

A Désto supplicatióibus nostris, omnípotens Deus: et quibus fidúciā sperándæ pietátis indúlges, intercedēte beáto Augustíno confessóre tuo atque pontífice, consuetæ misericórdiæ tribue benígnus efféctum. Per Dóminum nostrum.

Pro commem. S. Hermetis Mart.

Oratio.

DEus, qui beátum Hermétem mártirem tuum virtúte constantiæ in passióne roborásti: ex ejus nobis imitatióne tribue, pro amóre tuo próspera mundi despícere, et nulla ejus advérsa formidáre. Per Dóminum nostrum.

Léctio Epístolæ beáti Pauli Apóstoli ad Timótheum.

2. Tim. 4.

C Arissime, Testíficor coram Deo et Jesu Christo, qui judicatúrus est vivos et mórtuos, per advéntum ipsíus, et regnum ejus: prædica verbum, insta opportúne, importúne: árgue, óbseca, increpa in omni paciéntia, et doctrína. Erit enim tempus, cum sanam doctrínā non sustinébunt, sed ad sua desidéria coacervábunt sibi magístros, pruriéntes áuribus: et à veritatē quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministériū tuum imple. Sóbrius esto. Ego enim jam delíbor, et tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi corónā justitiæ, quam reddet mihi Dóminus in illa die justus judex: non solum autem mihi, sed et iis, qui díligunt advéntum ejus.

Graduale. Psal. 36. Os justi meditábitur sapiéntiam, et lingua ejus loquétur judícium.

V. Lex Dei ejus in corde ipsíus: et non supplantabúntur gréssus ejus.

Allelúja, allelúja.

V. Psal. 88. Invéni David servum meum, óleo sancto meo unxi eum. Allelúja.



Sequéntia sancti Evangélíi secúndum Matthæum. **Matth. 5. b**

IN illo témpore: Dixit Jesus discí-pulis suis: Vos estis sal terræ. Quod si sal evanúerit, in quo salietur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósi-ta. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cœlis est. Nolíte putáre quóniam veni sólvēre legem, aut Prophétas: non veni sólvēre, sed adimplére. Amen quippe dico vobis, donec tránseat cœlum et terra, jota unum, aut unus apex non præteríbit à lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cœlórum: qui autem fécerit et docúerit, hic magnus vocábitur in regno cœlórum. **Credo.**

Offertorium. Ps. 91. Justus ut palma florébit: sicut cedrus, quæ in Líbano est, multiplicábitur.

Secreta.

S Ancti confessóris tui Augustíni nobis, Dómine, pia non desit orátio: quæ et múnēra nostra concíliet, et tuam nobis indulgéntiam semper obtíneat. Per Dóminum.

Pro sancto Hermete.

Secreta.

S Acrificium tibi, Dómine, láudis offérimus in tuórum commemoratióne sanctórum: da, quæsumus; ut, quod illis cóntulit glóriam, nobis prosit ad salútem. Per Dóminum.

Communio. Luc. 12. Fidélis servus, et prudens, quem constituit dóminus super familiam suam, ut det illis in témpore trítici mensúram.

Postcommunio.

UT nobis, Dómine, tua sacrificia dent salútem, beátus confessor tuus Augustínus et pón tifex, quæsumus, precátor accédât. Per Dóminum nostrum.

Pro sancto Hermete.

Postcommunio

REpléti, Dómine, benedictióne coelésti, quæsumus cleméntiam tuam: ut, intercedénte beáto Hermete mártire tuo, quæ humíliter gérimus, salúbriter sentiámus. Per Dóminum.

EADEM DIE.

S. HERMETIS MARTYRIS.

Missa. Lætábitur. *ut in Comm.* fol. v. cum Orationibus ut supra.

DIE XXIX.

IN FESTO DECOLLATIONIS
S. JOANNIS BAPTISTÆ.

Introitus.

Psal. 118.



Oquébar de testimoniis tuis in conspectu regum, et non confundébar: et meditábar in mandátis tuis, quæ diléxi nimis.

Psal. 91. Bonum est confitéri Dómino: et psállere nómini tuo, Altíssime. **V.** Glória Patri.

Oratio.

Sancti Joánnis Baptistæ præcursoris et mártiris tui, quæsumus Dómine, veneránda festívitás, salutáris auxílii nobis præstet efféctum. Qui vivis et regnas.

Pro commem. S. Sabinæ Mart.

Oratio.

DEus, qui inter cétera poténtiæ tuæ mirácula étiam in sexu frá gili victóriam martyrii contulísti: concéde propítius; ut qui beátæ Sabínæ mártiris tuæ natalítia cólimus, per ejus ad te exémp la gradiámur. Per Dóminum.

Lectio Jeremiæ Prophætæ. Jer. 1. d

IN diébus illis: Factum est verbum Dómini ad me, dicens: Accínge lumbos tuos, et surge, et lóquere ad Juda ómnia, quæ ego præcípío tibi. Ne formídes à fácie eórum: nec enim timére te fáciám vultum eórum. Ego quippe dedi te hódie in civitátem munitam, et in colúmnám férream, et in murum áereum, super omnem terram, régibus Juda, princípibus ejus, et sacerdotibus, et pópulo terræ. Et bellábunt advérsus te, et non prævalébunt: quia ego tecum sum, ait Dóminus, ut liberem te.

Graduale. Ps. 91. Justus ut palma florébit: sicut cedrus Líbani multiplicábitur in domo Dómini.

V. Ad annuntiándum mane misericórdiam tuam, et veritátem tuam per noctem. **Allelúja, allelúja.**

V. Oseæ. 14. Justus germinábit sicut lílium: et florébit in ætérnum ante Dóminum. **Allelúja.**

Sequéntia sancti Evangélii secundum Marcum. Marc. 6. c.

IN illo témpore: Misit Heródes, ac tenuit Joánnem, et vinxit eum in cárcere propter Herodiádem uxórem Philíppi fratris sui, quia dúxerat eam. Dicébat enim Joánnes Heródi: Non licet tibi habére uxórem fratris tui. Heródias autem insidiabátur illi, et volébat occídere eum, nec póterat. Heródes enim metuébat Joánnem, sciens eum virum justum et sanctum: et custodiébat eum, et audíto eo multa faciébat, et libénter eum audiébat. Et cum dies oportúnus accidisset, Heródes natális sui cœnam fecit princípibus, et tribúnis, et primis Galilææ. Cumque introisset filia ipsíus Herodiádis, et saltásset, et placuísset Heródi, simulque recumbéntibus; rex ait puéllæ: pete à me quod vis, et dabo tibi: et jurávit illi: quia quidquid petieris dabo tibi, licet dimídium regni mei. Quæ cum exísset, dixit matri suæ: quid petam? At illa dixit:

Caput Joánnis Baptístæ. Cumque introisset statim cum festinatione ad regem, petivit, dicens: Volo, ut protinus des mihi in disco caput Joánnis Baptístæ. Et contristatus est rex propter iusjurandum, et propter simul discumbentes, noluit eam contristare: sed misso spiculatore, præcepit afferri caput ejus in disco. Et decollavit eum in carcere, et attulit caput ejus in disco: et dedit illud puellæ, et puella dedit matri suæ. Quo audito, discipuli ejus venerunt, et tulerunt corpus ejus, et posuerunt illud in monumento.

Offertorium. Ps. 20. In virtute tua, Domine, lætabitur justus, et super salutare tuum exultabit vehementer: desiderium animæ ejus tribuisti ei.

Secreta.

Munera, quæ tibi Domine, pro sancti martyris tui Joánnis Baptístæ passione deferimus, quæsumus; ut ejus obtentu nobis proficiant ad salutem. Per Dominum.

Pro sancta Sabina. Secreta.

Hostias tibi, Domine, beatæ Sabinae martyris tuæ dicatas meritis, benignus assume: et ad perpetuum nobis tribue provenire subsidium. Per Dominum nostrum.

Communio. Psal. 20. Posuisti, Domine, in capite ejus coronam de lapide pretioso. **Postcommunio.**

Conferat nobis, Domine, sancti Joánnis Baptístæ sollemnitas: ut et magnifica sacramenta quæ sumpsimus, significata veneremur, et in nobis potius edita gaudeamus. Per Dominum nostrum.

Pro S. Sabina. Postcommunio.

Divini muneris largitate satiati, quæsumus Domine Deus noster: ut intercedente beatâ Sabina martyre tua, in ejus semper participatione vivamus. Per Dominum.



DIE XXX.

S. ROSÆ A S. MARIA VIRG. LIMANÆ.

Missa. Dilexisti. de Communi Virginum. fol. xxiii. præter Orationem sequentem. Oratio.

Bonorum omnium largitor, omnipotens Deus, qui beatam Rosam, cœlestis gratiæ rore præventam, virginitatis et patientiæ decore Indis florere voluisti: da nobis famulis tuis; ut in odorem suavitatis ejus currentes, Christi bonus odor effici mereamur. Qui tecum vivit.

Et sit commem. sanctorum Felicis, et Adaucti Martyrum, cum Orationibus, ut in Missa sequenti.

EADEM DIE.

SS. FELICIS et ADAUCTI

Martyrum.

Introitus. Eccli. 44.

Sapiëntiam sanctorum narrent populi, et laudes eorum nuntiet Ecclesia: nomina autem eorum vivent in sæculum sæculi. **Ps. 32.** Exultate justi in Domino: rectos decet collaudatio.

V. Glória Patri. Oratio.

Majestatem tuam, Domine, supplices exoramus: ut sicut nos jûgiter sanctorum tuorum commemoratione lætificas, ita semper supplicatione defendas. Per Dominum.

Lectio libri Sapiëntiæ. Sap. 10. c

Reddedit Deus justis mercedem laborum suorum, et deduxit illos in via mirabili, et fuit illis in velamento diei, et in luce stellarum per noctem: transtulit illos per mare rubrum, et transvexit illos per aquam nimiam. Inimicos autem illorum demersit in mare, et ab altitudine inferorum eduxit illos. Ideo justi tulerunt spolia impiorum, et decantaverunt, Domine, nomen sanctum tuum, et victricem manum tuam laudaverunt pariter, Domine Deus noster.

Festa Septembris.

Graduale. Sap. 3. Justórum ánimæ in manu Dei sunt, et non tanget illos torméntum malitiæ.

V. Visi sunt óculis insipientium mori, illi autem sunt in pace.

Allelúja, allelúja.

V. Fulgébunt justí, et tamquam scintillæ in arundineto discúrrunt in ætérnum. Allelúja.

 **Sequéntia sancti Evangélíi secúndum Lucam. Luc. 10. c**

IN illo témpore: Dixit Jesus discí-pulis suis: Qui vos audit, me audit, et qui vos spernit, me spernit. Qui autem me spernit, spernit eum, qui misit me. Révéri sunt autem septuagínta duo cum gáudio, dicé-tes: Dómine, étiam dæmónia subjici-úntur nobis in nómine tuo. Et ait illis: Vidébam sátanam sicut fulgur de cælo cadéntem. Ecce dedi vobis po-estátem calcáandi supra serpéntes et scorpíones, et super omnem virtútem inimíci, et nihil vobis nocébit. Verúm-tamen in hoc nolíte gaudére, quia spíritus vobis subjiciúntur: gaudéte autem, quod nómina vestra scripta sunt in cælis.

Offertorium. Psal. 31. Lætámini in Dómino, et exultáte justí: et gloriá-mini omnes recti corde.

Secreta.

Hostias, Dómine, tuæ plebis in-ténde: et quas in honóre san-ctórum tuórum devóta mente céle-brat, profícere sibi séntiat ad salútem. Per Dóminum nostrum.

Communio. Matth. 10. Quod dico vobis in ténebris, dícite in lúmine, dicit Dóminus: et quod in aure audí-tis, prædicáte super tecta.

Postcommunio.

REpléti, Dómine, munéribus sa-cris, quæsumus: ut intercedén-tibus sanctis tuis, in gratiárum sem-per actióne maneámus. Per Dómi-num nostrum.



DIE XXXI.

S. RAYMUNDI NONNATI Conf.

Missa. Os justí. ut in Comuni Con-fessoris non Pontificis. fol. xvii. præ-ter Orat. seq. Oratio.

DEus, qui in liberándis fidélibus tuis ab impiórum captivité, beátum Raymúndum confessórem tuum mirábilem effecísti, ejus nobis intercessióne concéde: ut à peccató-rum vínculis absolúti, quæ tibi sunt plácita, liberis méntibus exequámur. Per Dóminum nostrum.



FESTA SEPTEMBRIS.

DOMINICA III. vel IV.

In Festo

SEPTEM DOLORUM BEATÆ MARIE VIRG.

Missa dicitur, ut in Festo Septem Dolorum posita mense Martii. fol. 366. præter Orat. seq. Oratio.

DEus, in cujus passióne, secún-dum Simeónis prophetíam, dul-císsimam ánimam gloriósæ vírginis, et matris Mariæ dolóris gládus per-transívit: concéde propítius; ut qui dolóres ejus venerádo recólimus, passiónis tuæ efféctum felícem con-sequámur. Qui vivis, et regnas cum Deo Patre.

Dicitur Sequentia.

Præfatio de B. Maria. Et te in trans-fixióne. fol. 199. vel 218.

DIE I.

S. ÆGIDII ABBATIS.

Missa. Os justí. de Comuni Ab-batum. fol. xix.

EADEM DIE.

**Sanctorum Martyrum
DUODECIM FRATRUM.**

Missa ut in die xviii. Julii in festo S. Symphorosæ. fol. 428. præter Orationes sequentes.

Festa Septembris.

Oratio.

FRatérna nos, Dómine, mártýrum tuórum coróna lætíficet: quæ et fidei nostræ præbeat incrementa virtútum, et multiplici nos suffrágio consolétur.

Tertia Oratio. A cunctis. fol. 275.

Pro SS. Martyribus. Secreta.

MYstéria tua, Dómine, pro sanctórum mártýrum tuórum commemoratióne devóta mente tractémus: quibus nobis et præsidium crescat, et gáudium.

Tertia Secreta. Exáudi nos. fol. 276.

Pro SS. Martyribus.

Postcommunio.

PRæsta, quæsumus, omnípotens Deus: ut, quorum memóriam sacraménti participatióne recólimus, fidem quoque proficiéndo sectémur.

Tertia Postcommunio. Mundet et múniat. 276.

DIE II.

S. STEPHANI HUNGARIÆ

Regis Confessoris.

Introitus.

Psal. 36.



S justi meditábitur sapiéntiam, et lingua ejus loquétur iudícium: lex Dei ejus in corde ipsíus. **Psal. ibid. Noli** æmulári in malignántibus: neque zeláveris faciéntes iniquitátem.

V. Glória Patri.

Oratio.

Concède, quæsumus, Ecclésiæ tuæ, omnípotens Deus: ut beátum Stéphanum confessórem tuum, quem regnántem in terris propagatórem hábuit, propugnatórem habére mereátur gloriósum in cœlis. Per Dóminum.

Léctio libri Sapiéntiæ. Eccli. 31.

BEátus vir, qui invéntus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábimus eum? Fecit enim mirabília in vita

sua. Qui probátus est in illo, et perfectus est, erit illi glória ætérna: qui pótuit tránsgrredi, et non est tránsgréssus, fácere mala, et non fecit: ideo stabilita sunt bona illíus in Dómino, et eleemósynas illíus enarrábit omnis Ecclésia sanctórum.

Graduale. Ps. 91. Justus ut palma florébit: sicut cedrus Líbani multiplicábitur in domo Dómini.

V. Ad annuntiándum mane misericórdiam tuam, et veritátem tuam, per noctem. **Allelúja, allelúja.**

V. Jac. 1. Beátus vir, qui suffert tentatióne: quoniam cum probátus fúerit, accípiet corónam vitæ. **Allelúja.**

Sequéntia sancti Evangélii secúndum Lucam. **Lucæ 19. b**

IN illo témpore: Dixit Jesus discíulis suis parábolam hanc: Homo quidam nóbilis ábiit in regiónem longínquam accípere sibi regnum, et revérti. Vocátis autem decem servis suis, dedit eis decem mnas, et ait ad illos: Negotiámini dum vénio. Cives autem ejus óderant eum: et misérunt legatióne post illum, dicéntes: Nólumus hunc regnáre super nos. Et factum est, ut redíret accépto regno: et jussit vocári servos, quibus dedit pecúniam, ut sciret quantum quisque negotiátus esset. Venit autem primus, dicens: Dómine, mna tua decem mnas acquisívit. Et ait illi: Euge bone serve, quia in módico fuísti fidélis, eris potestátem habens super decem civitátes. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repositam in sudário: tímui enim te, quia homo austérus es: tollis quod non posuísti, et metis quod non seminásti. Dicit ei: De ore tuo te júdico, serve nequam. Sciébas quod ego homo austérus sum, tollens quod non pósui, et metens, quod non seminávi, et quare non dedísti pecúniam meam

Festa Septembris.

ad mensam, ut ego véniens, cum usúris útique exegissem illam? Et adstántibus dixit: Auférte ab illo mnam, et date illi, qui decem mnas habet. Et dixerunt ei: Dómine, habet decem mnas. Dico autem vobis: Quia omni habénti dábitur, et abundábit: ab eo autem, qui non habet, et quod habet auferétur ab eo.

Offertorium. Ps. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

Respice, quas offérimus, hóstias, omnípotens Deus, et præsta: ut, qui passiónis Domínicæ mystéria celebrámus, imitémur quod ágimus. Per Dóminum nostrum.

Communio. Matth. 24. Beátus servus, quem, cum vénerit Dóminus, invénerit vigilántem: amen dico vobis, super ómnia bona sua constituet eum.

Postcommunio.

Præsta, quæsumus, omnípotens Deus: ut beáti Stéphaní confessoris tui fidem cógrua devotíone sectémur: qui pro ejúsdem fidei dilatatione, de terréno regno ad cœlestis regni glóriam méruit pervenire. Per Dóminum nostrum.

DIE V.

S. LAURENTII JUSTINIANI
Episcopi et Confessoris.

Missa. Státuit. de Comuni Confessoris Pontificis. fol. xiii.

DIE VIII.

In festo Nativitatis

BEATÆ MARIE VIRGINIS.

Introitus. Sedulius.



Alve, sancta parens, eníxa puérpera Regem: qui cœlum terrámque regit in sæcula sæculórum.

Psal. 44. Eructávit cor meum verbum bonum: dico ego ópera mea regi.

V. Glória Patri.

Oratio

Famulis tuis, quæsumus Dómine, cœlestis grátiae munus impertire: ut, quibus beátæ Vírginis partus éxitit salutis exórdium, Nativitátis ejus votíva solémnitas pacis tríbuat incrementum. Per Dóminum.

In Missis privatis tantum fit commemor. S. Adriani Martyris.

Oratio.

Præsta, quæsumus omnípotens Deus: ut, qui beáti Adriáni mártiris tui natalítia cólimus, intercessióne ejus in tui nóminis amore robóremur. Per Dóminum nostrum.

Lectio libri Sapiéntiæ. Prov. 8. c

Dominus possédit me in inítio víarum suárum, ántequam quidquam fáceret à princípío. Ab ætérno ordináta sum, et ex antíquis ántequam terra fieret. Nondum eránt abyssi, et ego jam concépta eram: necdum fontes aquárum erúperant: necdum montes gravi mole constitérant: ante colles ego parturiébar: adhuc terram non fécerat, et flúmina, et cárdines orbis terræ. Quando præparábat cœlos, áderam: quando certa lege et gyro vallábat abyssos: quando æthera firmábat sursum, et librábat fontes aquárum: quándo circúmdabat mari términum suum, et legem ponébat aquis, ne transírent fines suos: quando appendébat fundaménta terræ. Cum eo eram, cuncta componens: et delectábar per singulos dies, ludens coram eo omni témpore, ludens in orbe terrárum: et delíciæ meæ esse cum filiis hóminum. Nunc ergo, filii, audíte me: beáti, qui custódiunt vias meas. Audíte disciplínam, et estóte sapiéntes, et nolíte abjícere eam. Beátus homo, qui audit me: et qui vígilat ad fores meas quotidie, et obsérvat ad postes óstii mei. Qui me invénerit, invéniet vitam, et háuriet salutem à Dómino.

Graduale. Benedicta et venerábilis es virgo María: quæ sine tactu pudóris invénta es mater Salvatóris.

Festa Septembris.

V. Virgo Dei génitrix, quem totus non capit orbis, in tua se clausit viscera factus homo. **Allelúja, allelúja.**

V. Felix es sacra virgo María, et omni laude digníssima: quia ex te ortus est sol justítiæ, Christus Deus noster. **Allelúja.**

Incipit sancti Evangelii secundum Matthæum. **Matth. 1.**

Liber generatiónis Jesu Christi filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, et fratres ejus. Judas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea, quæ fuit Uriæ. Salomon autem genuit Róboam. Róboam autem genuit Abíam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manáesses autem genuit Amon. Amon autem genuit Josíam. Josías autem genuit Jechoníam, et fratres ejus in transmigratione Babylónis. Et post transmigrationem Babylónis: Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliácim. Eliácim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum

Maríæ, de qua natus est Jesus, qui vocátur Christus. **Credo.**

Et dicitur per totam Octavam.

Offertorium. Beáta es, virgo María, quæ ómnium portásti Creatórem: genuísti qui te fecit, et in ætérnum pérmanes virgo.

Secreta.

Unigéniti tui, Dómine, nobis, succúrrat humánitas: ut qui natus de Vírgine, matris integritátem non mínuit, sed sacrávit; in Nativitátis ejus solémniis, nostris nos piáculis éxuens, oblatiónem nostram tibi fáciat accéptam Jesus Christus Dóminus noster: Qui tecum vivit.

Pro S. Adriano martyre.

Secreta.

Munéribus nostris, quæsumus Dómine, precibúque susceptis: et cœlestibus nos munda mysteriis, et cleménter exáudi. Per Dóminum nostrum.

Præfatio de B. Maria. Et te in Nativitáte. fol. 199. **vel 218.** quæ dicitur per totam Octavam, etiam in Festis, nisi habuerint propriam.

Communio. Beáta viscera Maríæ virginis, quæ portavérunt ætérni Patris Fílium. **Postcommunio.**

Sumpsimus, Dómine, celebritátis Sánnuæ votíva sacraménta: præsta quæsumus, ut et temporális vitæ nobis remédia præbeant, et ætérnæ. Per Dóminum nostrum.

Pro sancto Adriano Martyre.

Postcommunio.

DA, quæsumus, Dómine Deus noster: ut, sicut tuórum commemoratione sanctórum temporáli gratulámur officio, ita perpétuo lætémur aspéctu. Per Dóminum.

¶ Infra Octavam Nativitatis B. Maríæ et in die Octáva, dicitur Missa sicut in die Festi: sed infra Octavam, quando non fit commem. Festi Simplicis, dicitur secunda Oratio de Spiritu sancto, Deus qui corda fidélium. tertia Ecclésiæ. fol. xliii. vel pro Papa, Deus, ómnium fidélium. fol. xliv.

Festa Septembris.

EADEM DIE.

S. ADRIANI MARTYRIS.

Missa. In virtute. fol. iv. **Orationes** ut in Missali hac die.

DOMINICA

Infra Octav. Nativit. B. Mariæ Virg. celebratur Festum**SS. NOMINIS EJUSDEM B. MARIE V.****Introitus. Psal. 44.**

Vultum tuum deprecabuntur omnes divites plebis: adducuntur Regi virgines post eam: proximæ ejus adducuntur tibi in lætitia et exultatione. **Psal. ibid. E**ructavit cor meum verbum bonum: dico ego opera mea Regi.

V. Glória Patri. Oratio.

Concède, quæsumus omnipotens Deus: ut fideles tui, qui sub sanctissimæ Virginis Mariæ Nómine, et protectione lætántur, ejus pia intercessione, à cunctis malis liberéntur in terris, et ad gáudia ætérna pervenire mereántur in cœlis. Per Dóminum nostrum.

Et fit Commem. Dominicæ occurr.**Lectio libri Sapiéntiæ. Eccli. 24. c**

Ego quasi vitis fructificávi suavitatem odóris: et flores mei, fructus honóris et honestátis. Ego mater pulchræ dilectionis, et timóris, et agnitionis, et sanctæ spei. In me grátia omnis viæ et veritátis, in me omnis spes vitæ et virtútis. Transíte ad me omnes qui concupiscitis me, et à generatióibus meis implémini. Spíritus enim meus super mel dulcis, et hæreditas mea super mel et favum. Memória mea in generatióes sæculórum. Qui edunt me, adhuc esúrient, et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale. Benedícta, et venerábilis es, Virgo María, quæ sine tactu pudóris, invénta es mater Salvatóris.

V. Virgo Dei génitrix, quem totus non capit orbis, in tua se clausit viscera factus homo.

Allelúja, allelúja.

V. Post partum, Virgo, invioláta permansísti: Dei génitrix intercéde pro nobis. Allelúja.

Sequéntia sancti Evangélíi secúndum Lucam. Luc. 1. c

In illo témpore: Missus est Angelus Gábriel à Deo in civitátem Galilææ, cui nomen Náza-reth, ad virginem desponsátam viro, cui nomen erat Joseph, de domo David, et nomen virginis, María. Et ingressus Angelus ad eam, dixit: Ave grátia plena: Dóminus tecum: benedícta tu in muliéribus. Quæ cum audísset, turbáta est in sermóne ejus, et cogitábat, qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries filium, et vocábis nomen ejus Jesum. Hic erit magnus, et filius Altíssimi vocábitur, et dabit illi Dóminus Deus sedem David patris ejus: et regnábit in domo Jacob in ætérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognósco? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elisabeth cognáta tua, et ipsa concépit filium in senectúte sua: et hic mensis sextus est illi, quæ vocátur stérilis: quia non erit impossibile apud Deum omne verbum. Dixit autem María: Ecce ancilla Dómini, fiat mihi secúndum verbum tuum. **Credo.**

Offertorium. Luc. 1. Ave María, grátia plena: Dóminus tecum: benedícta tu in muliéribus: et benedíctus fructus ventris tui.

Festa Septembris.

Secreta.

TUa, Dómine, propitiatióne, et beátæ Mariæ semper vírginis intercessióne, ad perpétuam, atque præsentem hæc oblátio nobis proficiat prosperitátem et pacem. Per Dóminum nostrum.

Deinde fit *commem. Dominicæ.*

Præfatio de B. Maria. Et te in Festivitate beátæ Mariæ. fol. 199. vel 218.

Communio. Beáta víscera Mariæ Vírginis, quæ portavérunt æterni Patris Fílium. Postcommunio.

Sumptis, Dómine, salútis nostræ subsidiis: da, quæsumus, beátæ Mariæ semper vírginis patrocíniis nos ubique prótegi, in cuius veneratióne hæc tuæ obtúlimus majestáti. Per Dóminum nostrum.

Deinde fit *Commem. Dominicæ, et legitur ejusdem Evangelium in fine.*

DIE IX.

De Die ii. infra Octavam

NATIVITATIS B. M. V.

Pro Commemor. S. Gorgonii Mart.

De S. Gorgonio. Oratio.

Sanctus tuus, Dómine, Gorgónius sua nos intercessióne lætíficet: et pia fáciat solemnitáte gaudére.

Tertia Oratio de Spiritu Sancto.

Deus, qui corda fidélium, Sancti Spíritus illustratióne docuísti: da nobis in eódem Spíritu recta sápere, et de ejus semper consolatióne gaudére. Per Dóminum. in unitáte ejúsdem.

Nisi venerit in Dominica: tunc enim tertia Orat. erit de S. Gorgonio Mart.

De S. Gorgonio. Secreta.

Grata tibi sit, Dómine, nostræ servitútis oblátio, pro qua sanctus Gorgónius Martyr intervéntor existat.

De Spiritu Sancto. Secreta.

Munera, quæsumus Dómine oblata sanctífica: et corda nostra Sancti Spíritus illustratióne emúnda. Per Dóminum. in unitáte ejúsdem.

De S. Gorgonio. Postcommunio.

Famíliam tuam, Deus, suávitatis ætérna contíngat et végetet: quæ in Mártyre tuo Gorgónio, Christi Fílii tui bono júgiter odóre pascátur.

De Spiritu Sancto. Postcommunio.

Sancti Spíritus, Dómine, corda nostra mundet infúsió, et sui roris íntima aspersióne fecúndet. Per Dóminum. in unitáte ejusdem.

EADEM DIE.

S. GORGONII MARTYRIS.

Missa Lætábitur. de Comuni fol. v. cum Orationibus ut supra.

DIE X.

S. NICOLAI A TOLENTINO, Confessoris.

Introitus. Ps. 91.

Iustus ut palma florébit, sicut cedrus Líbani multiplicábitur: plantátus in domo Dómini, in átriis domus Dei nostri.

Ps. ib. Bonum est confitéri Dómino: et psállere nómini tuo, Altíssime.

V. Glória Patri. Oratio.

Adesto Dómine, supplicatióibus nostris, quas in beáti Nicolái Confessóris tui solemnitáte deférimus: ut, qui nostræ justítiæ fidúciam non habémus, ejus, qui tibi plácuit, précibus adjuvémur. Per Dóminum nostrum.

Pro Comm. Oct. Nativit. B. Mariæ. Oratio.

Famulis tuis, quæsumus Dómine, cœléstis grátiae munus impertíre: ut, quibus beátæ Vírginis partus éxitit salútis exórdium, Nativitátis ejus votíva solémnitas, pacis tríbuat incrementum. Per Dóminum nostrum.

Festa Septembris.

Léctio Epístolæ beāti Pauli Apóstoli
ad Corínthios. **1. Cor. 4. b**

FRatres, Spectáculum facti sumus mundo, et Angelis, et hominibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam et esurimus, et sitimus, et nudi sumus, et colaphis cædimur, et instabiles sumus, et laboramus operantes manibus nostris: maledicimur, et benedicimus: persecutionem patimur, et sustinemus: blasphemamur, et obsecramus: tamquam purgamenta huius mundi facti sumus, omnium peripséma usque adhuc. Non ut confundam vos, hæc scribo, sed ut filios meos carissimos moneo: in Christo Jesu Domino nostro.

Graduale. Psal. 36. Os iusti meditabitur sapientiam: et lingua ejus loquetur iudicium.

V. Lex Dei ejus in corde ipsius, et non supplantabuntur gressus ejus.

Allelúja, allelúja.

V. Psal. 111. Beátus vir, qui timet Dominum: in mandatis ejus cupit nimis. **Allelúja.**

 **Sequentia sancti Evangelii secundum Lucam. Lucæ 12. d**

IN illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Vendite quæ possidetis, et date eleemosynam. Facite vobis sacculos, qui non veterascunt, thesaurum non deficientem in cælis: quo fur non appropriat, neque tinea corrumpit. Ubi enim thesaurus vester est, ibi et cor vestrum erit.

Et dicitur Credo, propter Octavam Nativitatis beatæ Mariæ.

Offertorium. Ps. 20. In virtute tua Domine lætabitur justus, et super salutare tuum exultabit vehementer: desiderium animæ ejus tribuisti ei.

Secreta.

PRæsta nobis, quæsumus omnipotens Deus: ut nostræ humilitatis oblatio, et pro tuorum tibi grata sit honore sanctorum, et nos corpore pariter et mente purificet. Per Dominum nostrum.

Pro Oct. Nativitatis Beatæ Mariæ.

Secreta.

UNigéniti tui, Domine, nobis succurrat humanitas: ut, qui natus de Virgine, matris integritatem non minuit, sed sacravit; in Nativitatis ejus sollemniis, nostris nos piaculis exuens, oblationem nostram tibi faciat acceptam Jesus Christus Dominus noster. Qui tecum vivit et regnat in unitate Spiritus sancti.

Præfatio de B. Maria. Et te in Nativitate. fol. 199. vel 218.

Communio. Matth. 19. Amen dico vobis, quod vos qui reliquistis omnia, et secuti estis me: centuplum accipietis, et vitam æternam possidebitis.

Postcommunio.

Quæsumus omnipotens Deus: ut qui cœlestia alimenta percipimus, intercedente beato Nicolao confessore tuo, per hæc contra omnia adversa muniamur. Per Dominum.

Pro Octava Nativit. B. Mariæ Virg. Postcommunio.

Sumpsimus, Domine, celebritatis annuæ votiva sacramenta: præsta quæsumus, ut et temporális vitæ nobis remédia præbeant, et æternæ. Per Dominum nostrum.

DIE XI.

SS. PROTI ET HYACINTHI
Martyris.

Missa. Salus autem. ut in Communi. fol. xi. cum sequentibus Orationibus.
Oratio.

BEatorum martyrum tuorum Proti et Hyacinti nos, Domine, foveat pretiosa confessio; et pia jûgiter intercessio tueatur.

Tertia Oratio de Spiritu sancto.
Deus, qui corda fidélium. fol. xliii.

Secreta.

Pro sanctórum mártýrum tuórum Proti et Hyacínthi commemoratione, múnera tibi, Dómine, quæ debémus, exsolvimus: præsta, quæsumus, ut remédium nobis perpétuæ salutis operéntur.

De Spiritu sancto Secreta. Múnera quæsumus. fol. xliv.

Postcommunio.

UT percépta nos, Dómine, tua sancta puríficent, beatórum mártýrum tuórum Proti et Hyacínthi, quæsumus, implóret orátio.

De Spiritu sancto Postcommunio. Sancti Spíritus. fol. xliv.

DIE XIV.

In Festo

**EXALTATIONIS
S. CRUCIS.**

Introitus. Gal. 6.

Nos autem gloriári opórtet in Cruce Dómini nostri Jesu Christi, in quo est salus, vita, et resurrectio nostra: per quem salváti, et liberáti sumus.

Psal. 66. Deus misereátur nostri, et benedícat nobis: illúminet vultum suum super nos, et misereátur nostri. **V.** Glória Patri.

Oratio.

Deus, qui nos hodiérna die Exaltationis sanctæ Crucis ánnua solemnitáte lætíficas: præsta, quæsumus; ut cujus mystérium in terra cognóvimus, ejus redemptionis præmia in cælo mereámur. Per eúndem Dóminum.

Et fit commemoratio de Octava Nativitatis B. Mariæ virg.

Oratio.

Famulis tuis, quæsumus Dómine, cœlestis grátiae munus impertíre: ut quibus beátæ Vírginis

partus éxitit salutis exórdium, Nativitátis ejus votíva solémnitas, pacis tríbuat incrementum. Per Dóminum.

Lectio Epístolæ beáti Pauli Apóstoli ad Philippéenses. **Philipp. 2.**

Fratres, Hoc enim sentíte in vobis, quod et in Christo Jesu: qui cum in forma Dei esset, non rapínam arbitrátus est esse se æquálem Deo; sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum factus obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen: **(Hic genuflectitur)** ut in nómine Jesu omne genu flectátur cœlestium, terréstrium, et infernórum: et omnis lingua confiteátur, quia Dóminus Jesus Christus in glória est Dei Patris.

Graduale. ibid. Christus factus est pro nobis obédiens usque ad mortem, mortem autem crucis.

V. Propter quod et Deus exaltávit illum: et dedit illi nomen, quod est super omne nomen.

Allelúja, allelúja.

V. Dulce lignum, dulces clávos, dúlcia ferens póndera: quæ sola fuísti digna sustinére Regem cœlórum, et Dóminum. Allelúja.

Sequéntia sancti Evangélíi secúndum Joánnem. Joan. 12. e

In illo témpore: Dixit Jesus turbis Judæórum: Nunc judícium est mundi: nunc princeps hujus mundi ejiciétur foras. Et ego, si exaltátus fuero à terra, ómnia traham ad meípsum. **(Hoc autem dicébat, signíficans qua morte esset moritúrus.)** Respóndit ei turba: Nos audívimus ex lege, quia Christus manet in ætérnum: et quómodo tu dicis: Opórtet exaltári Fílium hóminis? Quis est iste Fílius hóminis? Dixit ergo eis Jesus: Adhuc módicum lumen in vobis est.

Feste Septembris.

Ambuláte dum lucem habétis, ut non vos ténebræ comprehéndant: et qui ámbulat in ténebris, nescit quo vadat. Dum lucem habétis, créдите in lucem, ut filii lucis sitis. **Credo.**

Offertorium. **P**rótege Dómine plebem tuam per signum sanctæ Crucis, ab insídiis inimicórum ómnium: ut tibi gratam exhibeámus servitútem, et acceptábile fiat sacrificium nostrum. Allelúja. **Secreta.**

Jesu Christi Dómini nostri corpore et ságuine saginándi, per quem Crucis est sanctificátum vexillum, quæsumus Dómine Deus noster: ut, sicut illud adoráre merúimus, ita perénniter ejus glóriæ salutáris potiámurefféctu. Per eúmdem Dóminum.

De Octava.

Secreta.

UNigéniti tui, Dómine, nobis succúrrat humánitas, ut, qui natus de Vírgine, matris integritátem non mínuit, sed sacrávit: in Nativitátis ejus solémniis, nostris nos piáculis éxuens, oblatiónem nostram tibi fáciat accéptam Jesus Christus Dóminus noster. Qui tecum vivit.

Præfatio de Cruce. fol. 191. **vel** 214.

Communio. Per signum Crucis de inimícis nostris libera nos, Deus noster. **Postcommunio.**

ADesto nobis, Dómine Deus noster: et quos sanctæ Crucis lætári facis honóre, ejus quoque perpétuis defénde subsidiis. Per Dónm.

De Octava.

Postcommunio.

Sumpsimus, Dómine, celebritátis ánnuæ votíva sacraménta: præsta quæsumus, ut et temporális vitæ nobis remédia præbeant, et æternæ. Per Dóminum nostrum.

DIE XV.

IN OCTAVA NATIVITATIS
B. MARIE VIRG.

Missa dicitur ut in die, cum commemoratione S. Nicomedis Mart.

¶ Si hodie occurrat Feria iv. Quatuor Temporum, in Ecclesiis Cathed-

ralibus, et Collegiatis dicuntur duæ Missæ, una de Octava cum commem. S. Nicomedis tantum, altera de Feria cum Orationibus assignatis: et in hac Missa, et sequentibus Quatuor Temporum dicitur semper Præfatio communis.

Oratio.

ADesto, Dómine, pópulo tuo: ut beáti Nicomédís mártiris tui mérita præclára suscipient, ad impetrándam misericórdiam tuam semper ejus patrocíniis adjuvétur. Per Dóminum.

Secreta.

Suscipe, Dómine, múnera propítius obláta: quæ majestáti tuæ beáti Nicomédís mártiris comméndet orátio. Per Dóminum.

Postcommunio.

Purificent nos, Dómine, sacraménta quæ sumpsimus: et intercedente beáto Nicoméde mártire tuo, à cunctis efficiant vítiis absolutos. Per Dóminum nostrum.

EADEM DIE.

S. NICOMEDIS MARTYRIS.

Missa. In virtúte. de Comm. fol. iv. cum Orat. superius positis.

¶ Si sequens festum SS. Cornelii et Cypriani venerit in Dominica, transfertur in primam diem non impeditam: sed commemoratio SS. Euphemie etc. fit in Dominica. Si vero occurrat in Feria iv. Quatuor Temp. fit commemoratio primum de Feria, postea de SS. Euphemia etc. Et in Ecclesiis Cathedralibus et Collegiatis dicuntur duæ Missæ, una de SS. Cornelio et Cypriano, in qua fit commemoratio SS. Euphemie etc. sed sine commem. Ferie, et Evangelio: altera de dicta Feria, sine commem. Sanctorum: quod et in sequentibus Festis observatur, si in Ferias Quatuor Temporum inciderint.

DIE XVI.

SS. CORNELII ET CYPRIANI

Pontificum et Martyrum.

Missa. Intret in conspectu tuo. de Communi plurimorum Martyrum. fol. ix.

Et sit commem. SS. Euphemie, Lucie, et Geminiani Mart. Oratio.

PRæsta, Domine, precibus nostris cum exultatione proventum: ut sanctorum martyrum Euphemie, Lucie, et Geminiani, quorum diem passionis annua devotione recolimus, etiam fidei constantiam subsequamur.

Tertia Oratio. A cunctis. fol. 275.

Pro commem. SS. Euphemie etc. Secreta.

VOta populi tui, quaesumus Domine, propitius intende: et, quorum nos tribuis solennia celebrare, fac gaudere suffragiis.

Tertia Secreta. Exaudi nos. fol. 276.

Pro commem. SS. Euphemie etc. Postcommunio.

EXaudi, Domine, preces nostras: et sanctorum martyrum tuorum Euphemie, Lucie, et Geminiani, quorum festa sollemniter celebramus, continuis foveamur auxiliis.

Tertia Postcomm. Mundet. fol. 276.

EADEM DIE.

SS. MARTYRUM EUPHEMIE LUCIE, ET GEMINIANI.

Missa. Intret. ut in Communi. fol. ix. **Evangelium.** Descendens. fol. xi. **Orationes supra positæ.**

¶ Si sequentia Festa occurrant in Feriis Quatuor Temporum, in Ecclesiis Cathedralibus et Collegiatis dicuntur duæ Missæ, una de Festo, sine commemoratione Quatuor Temporum et Vigil. et altera de Quatuor Temporum cum commem. Vigiliæ, et tertia Oratio. A cunctis. fol. 275. Et in fine Missæ non legitur Evangelium Vigiliæ.

DIE XVII.

In Festo Impressionis sacrorum
Stigmatum in corpore
B. FRANCISCI CONFESS.



Introitus. Galat. 6.

Ihi autem absit gloriari, nisi in cruce Domini nostri Jesu Christi: per quem mihi mundus crucifixus est, et ego mundo. **Psal. 141.** Voce mea ad Dominum clamavi: voce mea ad Dominum deprecatus sum.

V. Glória Patri. Oratio.

Domine Jesu Christe, qui frigescente mundo, ad inflammandum corda nostra tui amoris igne, in carne beatissimi Francisci, passionis tuæ sacra stigmata renovasti: concede propitius; ut ejus meritis et precibus crucem jûgiter feramus, et dignos fructus pœnitentiæ faciamus. Qui vivis.

Lectio Epistolæ beati Pauli Apostoli ad Galatas. Galat. 6. d

FRatres, Mihi autem absit gloriari, nisi in Cruce Domini nostri Jesu Christi, per quem mihi mundus crucifixus est, et ego mundo. In Christo enim Jesu neque circumcisio aliquid valet, neque præputium, sed nova creatura. Et quicumque hanc regulam secuti fuerint, pax super illos, et misericordia, et super Israel Dei. De cetero nemo mihi molestus sit: ego enim stigmata Domini Jesu in corpore meo porto. Grátia Domini nostri Jesu Christi cum spiritu vestro, fratres. Amen.

Graduale. Psal. 36. Os justi meditabitur sapientiam, et lingua ejus loquetur judicium.

V. Lex Dei ejus in corde ipsius, et non supplantabuntur gressus ejus.

Allelúja, allelúja.

V. Franciscus pauper et humilis, cœlum dives ingreditur, hymnis cœlestibus honoratur. Allelúja.

Festa Septembris.

Sequéntia sancti Evangélíi secúndum Matthæum. Matth. 16. d

IN illo témpore: Dixit Jesus discipulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ vero suæ detriméntum patiátur? Aut quam dabit homo commutationem pro ánima sua? Fílius enim hóminis ventúrus est in glória Patris sui cum Angelis suis: et tunc reddet unicuíque secúndum ópera ejus.

Offertorium. Ps. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

MUnera tibi, Dómine, dicáta sanctífica: et, intercedénte beáto Francisco, ab omni nos culpárum labe purífica. Per Dóminum.

Communio. Luc. 12. Fidélis servus et prudens, quem constituit Dóminus super famíliam suam: ut det illis in témpore trítici mensúram.

Postcommunio.

DEus, qui mira Crucis mystéria in beáto Francisco confessóre tuo multifórmiter demonstrásti: da nobis, quæsumus; devotiónis suæ semper exémpla sectári, et assídua ejúsdem Crucis meditatióne muníri. Per Dóminum nostrum.

DIE XVIII.**S. JOSEPHI A CUPERTINO****Confessoris.****Introitus. Eccli. 1.**

Iléctio Dei honorábilis sapiéntia: quibus autem apparúerit in visu, díligunt eam in visióne, et in agnitióne magnálium suórum.

Psal. 33. Quam dilécta tabernácula tua, Dómine virtútum! concupiscit, et déficit, ánima mea in átria Dómini.

V. Glória Patri.

Oratio.

DEus, qui ad Unigénitum Fílium tuum exaltátum à terra, ómnia tráhere disposuísti: pérfice propítius; ut méritis et exémplo Seráphici confessoris tui Joséphi supra terrénas omnes cupiditátes eleváti, ad eum perveníre mereámur. Qui tecum.

Léctio Epístolæ beáti Pauli Apóstoli. ad Corínthios. 1. Cor. 13.

FRatres, Si linguis hóminum loquar, et Angelórum, caritátem autem non hábeam, factus sum velut æs sonans, aut cymbalum tinniens. Et si habúero prophetíam, et nóverim mystéria ómnia, et omnem sciéntiam, et si habúero omnem fidem, ita ut montes tránsferam, caritátem autem non habúero, nihil sum. Et si distribúero in cibos páuperum omnes facultátes meas, et si tradídero corpus meum, ita ut árdeam, caritátem autem non habúero, nihil mihi prodest. Cáritas pátiens est, benígna est: cáritas non æmulátur, non agit pérperam, non inflátur, non est ambitiósa, non quærit quæ sua sunt, non irritátur, non cógitat malum, non gaudet super iniquitáte, congáudet autem veritáti: ómnia suffert, ómnia credit, ómnia sperat, ómnia sústinet. Cáritas numquam éxcidit, sive prophetiæ evacuabúntur, sive linguæ cessábunt, sive sciéntia destruétur.

Graduale. Psal. 20. Dómine, prævenísti eum in benedictiónibus dulcédinis: posuísti in cápite ejus corónam de lápide pretióso.

V. Vitam pétiiit à te, et tribuísti ei longitúdinem diérum in sæculum, et in sæculum sæculi. Allelúja, allelúja.

V. Eccli. 11. Oculus Dei respéxit illum in bono, et eréxit eum ab humilitáte ipsíus, et exaltávit caput ejus. Allelúja.

Feste Septembris.

Sequéntia sancti Evangélíi secúndum Matthæum. **Matth. 22.**

IN illo témpore: Loquebátur Jesus princípibus sacerdotum, et Pharisæis in parábolis, dicens: Símile factum est regnum cœlórum hómini regi, qui fecit núptias filio suo. Et misit servos suos vocáre invitátos ad núptias: et nolébant veníre. Iterum misit álios servos, dicens: Dícite invitátis: Ecce prándium meum parávi, táuri mei, et altília occísa sunt, et ómnia paráta: veníte ad núptias. Illi autem neglexérunt, et abiérunt, álius in villam suam, álius vero ad negotiatiónem suam: réliqui vero tenuérunt servos ejus, et contuméliis afféctos occidérunt. Rex autem cum audísset, irátus est: et missis exercítibus suis, pérdidit homicidas illos, et civitátem illórum succéndit. Tunc ait servis suis: Núptiæ quidem parátæ sunt; sed qui invitáti erant, non fuérunt digni. Ite ergo ad éxitus viárum, et quoscúmque invenéritis, vocáte ad núptias. Et egréssi servi ejus in vias, congregavérunt omnes, quos invenérunt, malos et bonos; et implétæ sunt núptiæ discumbéntium. Intrávit autem rex, ut vidéret discumbéntes, et vidit ibi hóminem non vestítum veste nuptiáli. Et ait illi: Amíce, quómodo huc intrásti, non habens vestem nuptiálem? At ille obmútuit. Tunc dixit rex ministris: Ligátis mánibus et pédibus ejus, míttite eum in ténebras exterióres: ibi erit fletus, et stridor déntium. Multi enim sunt vocáti, pauci vero elécti.

Offertorium. Psal. 34. Ego autem, cum mihi molésti essent, induébar cilício. Humiliábam in jejúnio ánimam meam: et orátio mea in sinu meo convertétur.

Secreta.

LAudis tibi, Dómine, hóstias immolámus in tuórum commemoratióne sanctórum, quibus nos et præséntibus éxui malis confidimus, et futúris. Per Dóminum nostrum.

Communio. Ps. 68. Ego sum pauper, et dolens: salus tua, Deus, suscepit me. Laudábo nomen Dei cum cántico: et magnificábo eum in laude.

Postcommunio.

REfécti cibo potúque cœlésti, Deus noster, te súpplíces exorámus: ut in cujus hæc commemoratióne percépimus, ejus muniámur et précibus. Per Dóminum nostrum.

DIE XIX.

**Sanctorum Martyrum
JANUARIi EPISCOPI
ET SOCIORUM.**

Missa. Salus autem justórum. **de Comuni plurimorum Martyrum,** fol. xi. **cum Orationibus sequentibus.**

Oratio.

DEus, qui nos ánnua sanctórum mártýrum tuórum Januárii et sociórum ejus solemnitate lætíficas: concéde propítius; ut, quorum gaudémus méritis, accendámur extrémis. Per Dóminum nostrum. **Secreta.**

OBlátis quæsumus Dómine, placáre munéribus: et, intercedéntibus sanctis martyribus tuis Januário et sóciis, à cunctis nos defénde perículis. Per Dóminum nostrum.

Postcommunio.

HÆc nos communio, Dómine, purget à crimine: et, intercedéntibus sanctis martyribus tuis Januário et sóciis, cœléstis remédii fáciat esse consórtes. Per Dóminum.

DIE XX.

**SS. EUSTACHII et SOCIORUM
Martyrum.**

Missa. Sapiéntiam Sanctórum. **de Comuni plurimor. Martyrum,** fol. x. **cum sequentibus Orationibus.**

Oratio.

DEus, qui nos concédis sanctórum mártýrum tuórum Eustáchii et sociórum ejus natalítia cólere: da nobis in ætérna beatitúdine de eórum societáte gaudére. Per Dóminum nostrum.

Festa Septembris.

Et fit commem. Vigiliæ S. Matthæi cum Orationibus, ut in sequenti Missa; et in fine Missæ Evangelium ejusdem Vigiliæ. Secreta.

MUnera tibi, Dómine, nostræ devotionis offérimus: quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum nostrum.

Postcommunio.

PRæsta nobis, quæsumus Dómine, intercedéntibus sanctis martyribus tuis Eustáchio et sóciis: ut, quod ore contíngimus, pura mente capiámus. Per Dóminum nostrum.

EADEM DIE.**VIGILIA S. MATTHÆI****Apost. et Evangelistæ.****Introitus.****Ps. 51.**

IGo autem sicut olíva fructífera in domo Dómini, sperávi in misericórdia Dei mei: et expectábo nomen tuum, quóniam bonum est ante conspéctum sanctórum tuórum.

Psal. ibid. Quid gloriáris in malítia, qui potens es in iniquitáte? **V.** Glória Patri.

Oratio.

DA, quæsumus, omnipotens Deus, ut beáti Matthæi Apóstoli tui et Evangelistæ, quam prævenimus, veneránda solémnitas, et devotionem nobis áugeat, et salutem. Per Dóminum.

Secunda Oratio de S. Maria, Concede. tertia, Ecclesiæ, vel pro Papa. fol. 244.

Léctio libri Sapiéntiæ. Eccli. 44. et 45.

Benedictio Dómini super caput justi. Ideo dedit illi Dóminus hæreditátem, et divisit illi partem in tribubus duódecim, et invénit grátiam in conspéctu omnis carnis. Et magnificávit eum in timóre inimicó-

rum, et in verbis suis monstrá placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Et dedit illi coram præcépta, et legem vitæ et disciplínæ: et excélsus fecit illum. Státuit ei testaméntum ætérnum, et circumcínxit eum zona justítiæ, et induit eum Dóminus corónam glóriæ.

Graduale. Ps. 91. Justus ut palma florébit: sicut cedrus Líbani multiplicábitur in domo Dómini.

V. Ad annuntiándum mane misericórdiam tuam, et veritátem tuam per noctem.

Sequéntia sancti Evangélii secundum Lucam. Luc. 5. e

IN illo témpore: Vidit Jesus publicánum nómine Levi, sedéntem ad telónium, et ait illi: Séquere me. Et relíctis ómnibus, surgens secútus est eum. Et fecit ei convívium magnum Levi in domo sua: et erat turba multa publicanórum, et aliórum: qui cum illis erant discumbéntes. Et murmurábant Pharisæi, et Scribæ eórum, dicéntes ad discipulos ejus: Quare cum publicánis et peccatóribus manducátis et bíbitis? Et respóndens Jesus, dixit ad illos: Non egent qui sani sunt médico, sed qui male habent. Non veni vocáre justos, sed peccatóres ad pœniténtiam.

Offertorium. Psal. 8. Glória et honóre coronásti eum: et constituísti eum super ópera mánuum tuárum, Dómine.

Secreta.

APostólici reveréntia cúlminis offeréntes tibi sacra mystéria, Dómine quæsumus: ut beáti Matthæi Apóstoli tui et Evangelistæ suffrágiis, cujus natalítia prævenimus, plebs tua semper et sua vota deprómat, et desideráta percípiat. Per Dóminum nostrum.

Secreta secunda de B. Maria, Tua Dómine. tertia, Prótege nos. vel pro Papa. fol. 244.

Festa Septembris.

Communio. Ps. 20. Magna est gloria ejus in salutari tuo: gloriam, et magnum decorem impones super eum, Domine.

Postcommunio.

Sancti Apostoli tui et Evangelistae Matthaei, quaesumus Domine, supplicatione placatus, et veniam nobis tribue, et remedia sempiterna concede. Per Dominum.

Postcommunio secunda de beata Maria, Sumptis, Domine. tertia, Quaesumus Domine. vel pro Papa. fol. 244.

DIE XXI.**S. MATTHAEI APOSTOLI ET EVANGELISTAE.****Introitus. Psal. 36.**

S justi meditabitur sapientiam, et lingua ejus loquetur iudicium: lex Dei ejus in corde ipsius.

Ps. ibid. Noli aemulari in malignantibus: neque zelaveris facientes iniquitatem. **V.** Gloria Patri.

Oratio.

Beati Apostoli et Evangelistae Matthaei, Domine, precibus adjuvemur: ut, quod possibilitas nostra non obtinet, ejus nobis intercessionem donetur. Per Dominum.

Lectio Ezechielis Prophetae.**Ezech. I. e**

Similitudo vultus quatuor animalium: facies hominis, et facies leonis a dextris ipsorum quatuor: facies autem bovis a sinistris ipsorum quatuor, et facies aquilae desuper ipsorum quatuor. Facies eorum, et pennae eorum extentae desuper: duae pennae singulorum jungebantur, et duae tegebant corpora eorum: et unumquodque eorum coram facie sua ambulabat: ubi erat impetus spiritus, illuc gradiebantur, nec revertabantur cum ambularent. Et similitudo animalium, aspectus eorum

quasi carbonum ignis ardentium, et quasi aspectus lampadarum. Haec erat visio discurrens in medio animalium, splendor ignis, et de igne fulgur egradiens. Et animalia ibant, et revertabantur in similitudinem fulguris coruscantis.

Graduale. Ps. 111. Beatus vir, qui timet Dominum: in mandatis ejus cupit nimis.

V. Potens in terra erit semen ejus, generatio rectorum benedicetur.

Alleluya, alleluya.

V. Te gloriosus Apostolorum chorus laudat, Domine. **Alleluya.**



Sequentia sancti Evangelii secundum Matthaeum. Matth. 9.

In illo tempore: Vidit Jesus hominem sedentem in telonio, Matthaeum nomine. Et ait illi: Sequere me. Et surgens, secutus est eum. Et factum est, discumbente eo in domo, ecce multi publicani et peccatores venientes, discumbebant cum Jesu, et discipulis ejus. Et videntes Pharisaei, dicebant discipulis ejus: Quare cum publicanis et peccatoribus manducat Magister vester? At Jesus audiens, ait: Non est opus valentibus medicus, sed male habentibus. Euntes autem discite quid est: Misericordiam volo, et non sacrificium. Non enim veni vocare justos, sed peccatores. **Credo.**

Offertorium. Ps. 20. Posuisti Domine, in capite ejus coronam de lapide pretioso: vitam petiit a te, et tribuisti ei, alleluya. **Secreta.**

Supplicationibus beati Matthaei Apostoli et Evangelistae, quaesumus Domine, Ecclesiae tuae commendetur oblatio: cujus magnificis praedicationibus eruditur. Per Dominum nostrum.

Praefatio de Apost. fol. 200. vel 218.

Communio. ibid. Magna est gloria ejus in salutari tuo: gloriam, et magnum decorem impones super eum, Domine.

Postcommunio.

Percéptis, Dómine, sacraméntis, beáto Matthæo, Apóstolo tuo et Evangelísta, interveniēte, deprecámur: ut quæ pro ejus celebráta sunt glória, nobis proficiant ad medélam. Per Dóminum nostrum.

DIE XXII.

S. THOMÆ DE VILLANOVA
EPISC. et CONF.

Missa. Státuit. de Comuni Confessoris Pontificis. fol. xiii. præter Orationem sequentem.

Oratio.

Deus, qui beátum Thomam Pontíficem insignis in páuperes misericórdiæ virtúte decorásti: quæsumus, ut ejus intercessióne in omnes, qui te deprecántur, divítias misericórdiæ tuæ benígnus effúndas. Per Dóminum nostrum.

Et fit commem. SS. Mart. Mauritii et Sociorum cum Orationibus ut in sequenti Missa.

¶ Si hoc Festum inciderit in Feriam vi. Quatuor Temporum Septembris, tunc mutanda erit Postcomm. Feriæ, quia est eadem cum Postcomm. Festi: ideo pro commem. Feriæ sumenda erit Postcomm. Missæ Sabbati seq. scilicet, Perficiant. fol. 303. nam mutatio faciendâ est (ex Rubr. Gener.) de quo fit commemoratio, non de quo fit Officium.

EADEM DIE.

SS. MAURITII ET SOCIORUM
Martyrum.

Introitus.

Ps. 78.

Intret in conspéctu tuo Dómine, gémitus compeditórum: redde vicinis nostris séptuplum in sinu eórum: vándica sánguinem sanctórum tuórum, qui effúsus est.

Ps. ibid. Deus, venérunt gentes in hæreditátem tuam, polluérent tem-

plum sanctum tuum: posuérunt Jérusalem in pomórum custódiam.

V. Glória Patri.

Oratio.

Annue, quæsumus omnipotens Deus: ut sanctórum mártýrum tuórum Mauritii et sociórum ejus, nos lætíficet festíva solémnitas: ut quórum suffrágiis nítimur, eórum natalítiis gloriémur. Per Dóminum.

Léctio libri Apocalypsis beáti Joánnis Apóstoli. Apoc. 7. c

In diébus illis: Respóndit unus de senióribus, et dixit mihi: Hi, qui amícti sunt stolis albis, qui sunt? et unde venérunt? Et dixi illi: Dómine mi, tu scis. Et dixit mihi: Hi sunt, qui venérunt de tribulatióne magna, et lavérunt stolas suas, et dealbavérunt eas in ságuine Agni. Ideo sunt ante thronum Dei, et sérviant ei die ac nocte in templo ejus: et qui sedet in throno, habitábit super illos. Non esúrient, neque sítient ámplius, nec cadet super illos sol, neque ullus æstus: quóniam Agnus, qui in médio throni est, reget illos, et dedúcet eos ad vitæ fontes aquárum, et abstérget Deus omnem lácrymam ab óculis eórum.

Graduale. Exod. 15. Gloriósus Deus in sanctis suis: mirábilis in majestate, fáciens prodígia.

V. Dextera tua, Dómine, glorificáta est in virtúte: dextera manus tua confrégit inimícos. Allelúja, allelúja.

V. Eccli. 44. Córpora sanctórum in pace sepúlta sunt: et nómina eórum vivent in generatióne et generatióne. Allelúja.

Sequéntia sancti Evangélíi secúndum Lucam. Luc. 21. c

In illo témpore: Dixit Jesus discí-pulis suis: Cum audiéritis prælia et seditiões, nolíte terréri: opórtet primum hæc fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terræmótus magni erunt per loca, et pestiléntiæ, et fames, terroresque de cælo, et signa magna

erunt. Sed ante hæc ómnia injicient vobis manus suas, et persequéntur, tradéntes in synagógas, et custódias, trahéntes ad reges et præsides propter nomen meum: contínget autem vobis in testimónium. Pónite ergo in córdibus vestris non præmeditári, quemádmódum respondeátis. Ego enim dabo vobis os, et sapiéntiam, cui non póterunt resistere, et contradícere omnes adversárii vestri. Tradémini autem à paréntibus, et frátribus, et cognátis, et amícis, et morte afficient ex vobis: et éritis ódio ómnibus propter nomen meum: et capillus de cápite vestro non períbit. In patientia vestra possidébitis ánimas vestras.

Offertorium. Ps. 67. Mirábilis Deus in sanctis suis: Deus Israel, ipse dabit virtútem et fortitúdinem plebi suæ, benedíctus Deus, allelúja.

Secreta.

Respice, quæsumus Dómine, múnera, quæ in sanctórum mártyrum tuórum Maurítii et sociórum ejus commemoratióne deférimus: et præsta; ut, quorum honóre sunt grata, eórum nobis fiant intercessióne perpétua. Per Dóminum.

Communio. Sap. 3. Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos. **Postcommunio.**

Celéstibus refécti sacraméntis et gáudiis, súplices te rogámus, Dómine: ut quorum gloriámur triúmphis, protegámur auxiliis. Per Dóminum nostrum.

DIE XXIII.

S. LINI PAPÆ et MARTYRIS.

Missa. Státuit, de Communi unius Mart. Pont. fol. ii. præter Orationes sequentes. **Oratio.**

Deus, qui nos beáti Lini mártiris tui atque pontíficis ánnua solemnitáte lætíficas: concéde propi-

tius; ut, cujus natalítia cólimus, de ejúsdem étiam protectióne gaudeámus. Per Dóminum nostrum.

Deinde fit commemoratio S. Theclæ virginis et martyris, nisi fuerit Dominica: quia tunc commemoratio S. Theclæ fit in Dominica, et festum S. Lini transfertur.

Oratio.

DA, quæsumus omnípotens Deus: ut qui beátæ Theclæ, vírginis et mártiris tuæ, natalítia cólimus, et ánnua solemnitáte lætémur, et tantæ fidei proficiámus exémplo.

Tertia Oratio. A cunctis. fol. 275.

Secreta.

Munera tibi, Dómine, dicáta sanctífica: et intercedénte beáto Lino, mártyre tuo atque pontífice, per éadem nos placátus inténde. Per Dóminum nostrum.

Pro S. Thecla. Secreta.

Suscipe, Dómine, múnera, quæ in beátæ Theclæ vírginis et mártiris tuæ solemnitáte deférimus: cujus nos confidimus patrocínio liberári.

Tertia Secreta. Exáudi nos. fol. 276.

Postcommunio.

Hæc nos commúnio, Dómine, purget à crimine: et intercedénte beáto Lino mártyre tuo atque pontífice, cœléstis remédii fáciat esse consórtes. Per Dóminum.

Pro S. Thecla. Postcommunio.


Auxiliéntur nobis, Dómine, sumpta mystéria: et intercedénte beáta Thecla, vírgine et mártyre tua, sempitérna fáciant protectióne gaudére.

Tertia Postcomm. Mundet. fol. 276.

EADEM DIE.

S. THECLÆ VIRG. ET MART.

Missa. Loquébar. ut in Communi. fol. xx. cum Orationibus ut supra.



**DIE XXIV.
IN FESTO B. MARIE VIRG.
DE MERCEDE.**

Missa. Salve sancta Parens. ut in Missis votivis de B. M. V. a Pentecoste usque ad Adventum. fol. xliii. præter Orationem sequentem. Et dicitur Credo, et Præfatio de Beata Maria virgine. Et te in festivitâte. fol. 199. vel 218. **Oratio.**

DEus, qui per gloriosissimam Filii tui Matrem ad liberandos Christi fideles à potestate Paganorum, nova Ecclesiam tuam prole amplificare dignatus es: præsta quæsumus; ut, quam pie veneramur tanti operis institutricem, ejus pariter meritis et intercessione à peccatis omnibus, et captivitate dæmonis liberemur. Per eundem Dominum.

**DIE XXVI.
SS. CYPRIANI ET JUSTINÆ
Martyrum.**

Missa. Salus autem justorum. de Comuni plurimorum martyrum. fol. xi. exceptis Orationibus. **Oratio.**

BEatorum martyrum Cypriani et Justinæ nos, Domine, foveant continuata præsidia: quia non desinis propitius intueri, quos talibus auxiliis concesseris adjuvari. Per Dominum nostrum. **Secreta.**

Munera tibi, Domine, nostræ devotionis offerimus: quæ et pro tuorum tibi grata sint honore justorum, et nobis salutaria, te miserante, reddantur. Per Dominum.

Postcommunio.

Præsta nobis, quæsumus Domine, intercedentibus sanctis martyribus tuis Cypriano et Justina: ut, quod ore contingimus, pura mente capiamus. Per Dominum.



**DIE XXVII.
SS. COSMÆ ET DAMIANI**

Martyrum.

Introitus. Eccli. 44. Apientiam sanctorum narrent populi, et laudes eorum nuntiet Ecclesia: nomina autem eorum vivent in sæculum sæculi. **Ps. 32.** Exultate justi in Domino: rectos decet collaudatio.

V. Glória Patri.

Oratio.

Præsta, quæsumus omnipotens Deus: ut qui sanctorum martyrum tuorum Cosmæ et Damiáni natalitia colimus, à cunctis malis imminentibus, eorum intercessionibus, liberemur. Per Dominum nostrum Jesum Christum Filium tuum.

Lectio libri Sapientiae. Sap. 5. c

Justi autem in perpetuum vivent, et apud Dominum est merces eorum, et cogitatio illorum apud Altissimum. Ideo accipient regnum decoris, et diadema speciei de manu Domini: quoniam dextera sua teget eos, et brachio sancto suo defendet illos. Accipiet armaturam zelus illius et armabit creaturam ad ultionem inimicorum. Induet pro thorace justitiam, et accipiet pro galea iudicium certum. Sumet scutum inexpugnabile, æquitatem.

Graduale. Psal. 33. Clamaverunt justi, et Dominus exaudivit eos: et ex omnibus tribulationibus eorum liberavit eos. **V. Juxta est Dominus his, qui tribulato sunt corde: et humiles spiritu salvabit. Allelúja, allelúja.**

V. Hæc est vera fraternitas, quæ vicit mundi crimina: Christum secuta est, inclyta tenens regna cœlestia. Allelúja.

Sequentia sancti Evangelii secundum Lucam. Luc. 6. c

IN illo tempore: Descendens Jesus de monte, stetit in loco campestri, et turba discipulorum ejus, et

Festa Septembris.

multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant ut audirent eum, et sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tángere: quia virtus de illo exibat, et sanábat omnes. Et ipse elevátis óculis in discípulos suos, dicébat: **Beáti páuperes:** quia vestrum est regnum Dei. **Beáti qui nunc esuritis:** quia saturabimini. **Beáti qui nunc fletis:** quia ridebitis. **Beáti éritis cum vos óderint hómines,** et cum separáverint vos, et exprobráverint, et ejécerint nomen vestrum tamquam malum, propter **Fílium hóminis.** Gaudéte in illa die, et exultáte: ecce enim merces vestra multa est in cœlo.

Offertorium. Psal. 5. Gloriabúntur in te omnes, quí diligunt nomen tuum, quóniam tu, **Dómine,** benedíces justo: **Dómine,** ut scuto bonæ voluntátis tuæ coronásti nos.

Secreta.

Sanctorum tuorum nobis, **Dómine,** pia non desit oratio: quæ et múnera nostra concíliet, et tuam nobis indulgéntiam semper obtíneat. **Per Dóminum nostrum.**

Communio. Ps. 78. Posuérunt mortáliaservórum tuorum, **Dómine,** escas volatílibus cœli: carnes sanctorum tuorum béstiis terræ: secúndum magnitúdinem bráchii tui pösside filios morte punitórum.

Postcommunio.

Próteget, quæsumus **Dómine,** pópulum tuum, et participatio cœlestis indúlta convívii, et deprecátio colláta sanctorum. **Per Dóminum nostrum.**

DIE XXVIII.**S. WENCESLAI DUCIS****et Martyris.**

Missa. In virtúte. **de Communi unius martyris.** fol. iv. **præter Oratio-**

nem sequentem, et Evangelium. Si quis vult. **ex præcedenti Missa de eodem Communi.** fol. iii. **Oratio.**

Deus, qui beátum Wencesláu per martyrii palmam à terréno principátu, ad cœlestem glóriam transtulisti: ejus précibus nos ab omni adversitaté custódi; et ejúsdem tribue gaudére consórtio. **Per Dóminum nostrum.**

DIE XXIX.

**In Festo Dedicationis
SANCTI MICHAELIS
Archangeli.**

**Introitus.
Psal. 102.**

Benedícite **Dóminum** omnes **Angeli** ejus: poténtes virtúte, qui fácitis verbum ejus, ad audiéndam vocem sermónum ejus.

Psal. ibid. **B**enedic ánima mea **Dómino:** et ómnia, quæ intra me sunt, nómini sancto ejus.

V. Glória Patri.

Oratio.

Deus, qui miro órđine Angelórum ministéria, hominúmque dispénsas: concéde propítius; ut à quibus tibi ministrántibus in cœlo semper assístitur, ab his in terra vita nostra muniátur. **Per Dóminum.**

Léctio libri Apocalypsis beáti Joánnis Apóstoli.

Apoc. 1.

IN diébus illis: Significávit **Deus,** quæ opórtet fieri cito, mittens per Angelum suum servo suo **Joánni,** qui testimónium perhibuit verbo Dei, et testimónium **Jesu Christi,** quæcúmque vidit. **Beátus,** qui legit, et audit verba prophetiæ hujus, et servat ea, quæ in ea scripta sunt: tempus enim prope est. **Joánnes** septem **Ecclésiis,** quæ sunt in **Asia.** **Grátia vobis,** et pax ab eo, qui est, et qui erat, et qui ventúrus est: et à septem spirítibus, qui in conspéctu throni ejus sunt, et à **Jesu Christo,**

Festa Octobris.

qui est testis fidélis, primogénitus mortuórum, et princeps regum terræ, qui diléxit nos, et lavit nos à peccátis nostris in ságuine suo.

Graduale. Ps. 102. Benedícite Dóminum omnes Angeli ejus: poténtes virtúte, qui fácitis verbum ejus.

V. Bénedic ánima mea Dóminum, et ómnia interióra mea nomen sanctum ejus. **Allelúja, allelúja.**

V. Sancte Míchael Archángele, défende nos in prælio, ut non pereámus in treméndo judício. **Allelúja.**

Sequéntia sancti Evangélíi scúndum Matthæum. Matth. 18.

IN illo témpore: Accessérunt discípuli ad Jesum, dicéntes: Quis putas major est in regno cœlórum? Et ádvocans Jesus párvulum, státuit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cœlórum. Quicúmque ergo humiliáverit se sicut párvulus iste, hic est major in regno cœlórum. Et qui suscepérit unum párvulum talem in nómine meo, me súscipit. Qui autem scandalizáverit unum de pusíllis istis, qui in me credunt, expedit ei, ut suspendátur mola asinária in collo ejus, et demergátur in profúndum maris. Væ mundo à scándalis. Necesse est enim ut véniant scándala: verúmtamen væ hómini illi, per quem scándalum venit. Si autem manus tua, vel pes tuus scandalizat te: abscíde eum, et prójice abs te: bonum tibi est ad vitam ingredi débilem, vel cláudum, quam duas manus, vel duos pedes habéntem mitti in ignem ætérnum. Et si óculus tuus scandalizat te, érue eum, et prójice abs te: bonum tibi est cum uno óculo in vitam intráre, quam duos óculos habéntem, mitti in gehénnam ignis. Vidéte ne contemnátis unum ex his pusíllis: dico enim vobis, quia Angeli eórum in cœlis semper vident fáciem Patris mei, qui in cœlis est. **Credo.**

Offertorium. Apoc. 8. Stetit Angelus juxta aram templi, habens thuríbulum áureum in manu sua: et data sunt ei incénsa multa, et ascéndit fumus arómatum in conspéctu Dei, allelúja.

Secreta.

Hostias tibi, Dómine, laudis offerimus, suppliciter deprecántes: ut, eásdem Angélico pro nobis interveniénte suffrágio, et placátus accípias, et ad salútem nostram proveníre concédas. Per Dóminum nostrum Jesum Christum Fílium tuum: Qui tecum vivit et regnat in unitáte.

Communio. Dan. 3. Benedícite omnes Angeli Dómini Dóminum: hymnum dicite, et superexaltáte eum in sœcula. **Postcommunio.**

Beáti Archángeli tui Michaélis intercessióne suffúlti, súpplīces te, Dómine, deprecámur: ut quod ore proséquimur, contingámus et mente. Per Dóminum nostrum Jesum Christum Fílium tuum: Qui tecum vivit et regnat in unitáte.

DIE XXX.

S. HIERONYMI PRESBYT.

Confessoris

ET ECCLESIAE DOCTORIS.

Missa. In médio Ecclésiæ. de Comuni Doctorum. fol. xv. præter Orationes sequentes. Et dicitur Credo.

Oratio.

Deus, qui Ecclésiæ tuæ in exponéndis sacris Scriptúris beátum Hierónymum, confessorē tuum, doctórem máximum providére dignátus es: præsta quæsumus; ut ejus suffragántibus méritis, quod ore simul et ópere dócuit, te adjuvántē, exercére valeámus. Per Dóminum.

Secreta.

Donis cœléstibus da nobis, quæsumus Dómine, libera tibi mente servíre: ut múnēra, quæ deférimus, interveniéntē beáto Hierónymo confessorē tuo, et medélam nobis operéntur et glóriam. Per Dóminum.

Festa Octobris.


Postcommunio.

R Epléti alimónia coelésti, quæsumus Dómine: ut, interveniēte beáto Hierónymo confessóre tuo, misericórdiæ tuæ grátiam cónsequi mereámur. Per Dóminum nostrum.

FESTA OCTOBRIS.

DOMINICA I.

INFESTO SS. ROSARI B. M. V.



Introitus. Sedulius.

Alve, sancta parens, eníxa puérpera Regem: qui cælum, terrámque regit in sæcula sæculórum.

Psal. 44. Eructávit cor meum verbum bonum: dico ego ópera mea regi.

V. Glória Patri. **Oratio.**

D Eus, cujus Unigénitus per vitam, mortem, et resurrectionem suam nobis salutis æternæ præmia comparávit: concéde quæsumus; ut hæc mystéria sanctíssimo beátæ Mariæ vírginis Rosário recoléntes, et imitémur quod cónitent, et quod promittunt, assequámur. Per eúmdem Dóminum.

Et fit commem. Dominicæ occur.

Léctio libri Sapiéntiæ. **Ecclesi. 24. b**

A B iníto, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei hæréditas illíus, et in plenitúdine sanctórum deténtio mea.

Graduale. Benedicta et venerábilis es, virgo María, quæ sine tactu pudóris, invénta es mater Salvatóris.

V. Virgo Dei génitrix, quem totus non capit orbis, in tua se clausit víscera factus homo. **Allelúja, allelúja.**

V. Post partum Virgo invioláta permansísti: Dei génitrix intercède pro nobis. **Allelúja.**



Sequentia sancti Evangelii secundum Lucam. Luc. 11. d

I N illo témpore: loquēte Jesu ad turbas: extóllens vocem quædam múlter de turba, dixit illi: Beátus venter, qui te portávit, et úbera, quæ suxísti. At ille dixit: Quinímo beáti qui áudiunt verbum Dei, et custódiunt illud. **Credo.**

Offertorium. Luc. 1. Ave Mariá, grátia plena: Dóminus tecum: benedícta tu in muliéribus, et benedíctus fructus ventris tui.

Secreta.

F Ac nos, quæsumus Dómine, his munéribus offeréndis conveniēter aptári: et per sanctíssimi Rosárii mystéria, sic vitam, passióem, et glóriam Unigéniti tui recólere, ut ejus digni promissionibus efficiámur. Per eúmdem Dóminum nostrum.

Deinde fit commem. Dominicæ.

Præfatio de B. Maria. Et te in Solemnitáte fol. 199. vel 218.

Communio. Beáta víscera Mariæ vírginis, quæ portavérunt æterni Patris Fílium. **Postcommunio.**

S Anctíssimæ Genitrícis tuæ, cujus Rosárium celebrámus, quæsumus Dómine, précibus adjuvémur: ut, et mysteriórum, quæ recólimus, virtus percipiátur, et sacramentórum, quæ sumpsimus, obtineátur effectus. Qui vivis.

Deinde fit commem. Dominicæ.

Et in fine Missæ legitur Ev. Domin.

DIE I

S. REMIGII EPISCOPI

et Confessoris.

Semiduplex ad libitum.

Missa. Státuit. de Comuni Confessoris Pontificis. fol xiii.



**DIE II.
SS. ANGELORUM
CUSTODUM.**



**Introitus.
Psal. 102.**

Benedícite Dómino omnes Angeli ejus: poténtes virtúte, qui fácitis verbum ejus, ad audiéndam vocem sermónum ejus.

Psal. ibid. Bénedic ánima mea Dómino: et ómnia quæ intra me sunt, nómini sancto ejus.

V. Glória Patri.

Oratio.

Deus, qui ineffábili providéntia sanctos Angelos tuos ad nostram custódiám mittere dignáris: largíre supplicibus tuis, et eórum semper protectióne deféndi, et ætérra societáte gaudére. Per Dóminum nostrum Jesum Christum.

Lectio libri Exodi.

Exod. 23. d

Hæc dicit Dóminus Deus: Ecce ego mittam Angelum meum, qui præcedat te, et custódiat in via, et introducat in locum, quem parávi. Obsérva eum, et audi vocem ejus, nec contemnéndum putes: quia non dimíttet cum peccáveris, et est nomen meum in illo. Quod si audieris vocem ejus, et féceris ómnia, quæ loquor, inimícus ero inimícis tuis, et affligam affligéntes te: præcedétque te Angelus meus.

Graduale. Psal. 90. Angelis suis Deus mandávit de te, ut custódiánt te in ómnibus viis tuis.

V. In mánibus portábunt te, ne umquam offéndas ad lápidem pedem tuum. **Allelúja, allelúja.**

V. Psal. 102. Benedícite Dómino omnes virtútes ejus: minístri ejus, qui fácitis voluntátem ejus. **Allelúja.**

In Missis votivis post Septuag. omis-
sis Allelúja, et versu sequenti dicitur:

Tractus. Ps. 102. Benedícite Dóminum omnes Angeli ejus: poténtes virtúte, qui fácitis verbum ejus.

V. Benedícite Dómino omnes virtútes ejus: minístri ejus, qui fácitis voluntátem ejus.

V. Benedícite Dómino ómnia ópera ejus: in omni loco dominationis ejus, bénedic ánima mea Dómino.

Tempore Paschali omittitur Graduale, et ejus loco dicitur

Allelúja, allelúja.

V. Psal. 137. In conspéctu Angelórum psallam tibi: adorábo ad templum sanctum tuum, et confitébor nómini tuo. **Allelúja.** **V. Matth. 28.** Angelus Dómini descendit de cælo, et accédens revólvit lápidem, et sedébat super eum. **Allelúja.**



Sequéntia sancti Evagnélii secundum Matthæum. Matth. 18.

In illo témpore: Accessérunt discípuli ad Jesum, dicéntes: Quis putas major est in regno cælórum? Et ádvocans Jesus párvulum, státuit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est major in regno cælórum. Et qui suscepérit unum párvulum talem in nómine meo, me súscipit. Qui autem scandalizáverit unum de pusíllis istis, qui in me credunt, expédit ei, ut suspendátur mola asinária in collo ejus, et demergátur in profúndum maris. Væ mundo à scándalis. Necesse est enim ut véniant scándala: verúmtamen væ hómini illi, per quem scándalum venit. Si autem manus tua, vel pes tuus scandalizat te, abscíde eum, et prójice abs te: bonum tibi est ad vitam íngredi débilem, vel claudum, quam duas manus, vel duos pedes habéntem, mitti in ignem ætérnum. Et si óculus tuus scandalizat te, érue eum, et prójice abs te: bonum tibi est cum uno óculo in vitam intráre, quam duos óculos habéntem, mitti in gehénnam ignis. Vidéte ne contemnátis unum ex his

Festa Octobris.

pusillis: dico enim vobis, quia Angeli eorum in cœlis semper vident faciē Patris mei, qui in cœlis est. **Credo.**

Offertorium. Psal. 102. Benedicite Dōminum omnes Angeli ejus: ministri ejus, qui faciunt verbum ejus, ad audiendam vocem sermonum ejus.

Secreta.

Suscipe, Dōmine, mūnera, quæ pro sanctorum Angelorum tuorum veneratione deferimus: et concede propitius; ut perpētuis eorum præsidiis, à præsētibz periculis liberemur, et ad vitam perveniāmus æternam. Per Dōminum nostrum.

Communio. Dan. 3. Benedicite omnes Angeli Dōmini Dōminum: hymnum dicite, et superexaltate eum in sæcula.

Postcommunio.

Sumpsimus, Dōmine, divīna mysteria, sanctorum Angelorum tuorum festivitāte lætāntes: quæsumus, ut eorum protectione ab hostium jūgiter liberemur insidiis, et contra omnia adversa muniāmur. Per Dōminum nostrum.

DIE IV.**S. FRANCISCI CONFESS.**

Introitus. Galat. 6. Ihi autem absit gloriari, nisi in cruce Dōmini nostri Jesu Christi: per quem mihi mundus crucifixus est, et ego mundo. **Psal. 141.** Voce mea ad Dōminum clamavi: voce mea ad Dōminum deprecatus sum.

V. Glória Patri.

Oratio.

Deus, qui Ecclesiam tuam beati Francisci meritis, fœtu novæ prolis amplificas: tribue nobis, ex ejus imitatione, terrēna despīcere, et cœlestium donorum semper participatione gaudere. Per Dōminum nostrum Jesum Christum Fīlium tuum.

Lectio Epistolæ beati Pauli Apóstoli ad Gálatas. **Galat. 6. d**

Fratres, Mihi autem absit gloriari, nisi in cruce Dōmini nostri Jesu Christi: per quem mihi mundus crucifixus est, et ego mundo. In Christo enim Jesu, neque circumcisio aliquid valet, neque præputium, sed nova creatūra. Et quicumque hanc regulam secuti fuerint, pax super illos, et misericordia, et super Israel Dei. De cetero nemo mihi molestus sit: ego enim stigmata Dōmini Jesu in corpore meo porto. Grátia Dōmini nostri Jesu Christi cum spiritu vestro, fratres. Amen.

Graduale. Psal. 36. Os justi meditabitur sapiētiā, et lingua ejus loquētur judicium.

V. Lex Dei ejus in corde ipsius, et non supplantabuntur gressus ejus.

Allelúja, allelúja.

V. Franciscus pauper et humilis, cœlum dives ingreditur, hymnis cœlestibus honoratur. **Allelúja.**



Sequētia sancti Evangélii secundum Matthæum. Matth. 11. b

In illo tēpore: Respōdens Jesus, dixit: Confíteor tibi, Pater, Dōmine cœli et terræ, quia abscondisti hæc à sapiētibz et prudentibus, et revelasti ea parvulis. Ita, Pater: quoniam sic fuit plácitum ante te. Omnia mihi tradita sunt à Patre meo. Et nemo novit Fīlium, nisi Pater: neque Patrem quis novit, nisi Fīlius, et cui voluerit Fīlius revelare. Veníte ad me omnes qui laborátis, et oneráti estis, et ego reficiam vos. Tóllite jugum meum super vos, et discite à me, quia mitis sum, et humilis corde: et inveniētis réquiem animabus vestris. Jugum enim meum suāve est, et onus meum leve.

Offertorium. Psal. 88. Véritas mea, et misericordia mea cum ipso: et in nómine meo exaltabitur cornu ejus.

Festa Octobris.

Secreta.

M Unera tibi, Dómine, dicáta sanctífica: et intercedente beáto Francisco, ab omni nos culpárum labe purífica. Per Dóminum.

Communio. Lucæ 12. Fidélis servus, et prudens, quem constituit Dóminus super familiam suam, ut det illis in témpore trítici mensúram.

Postcommunio.

E Cclésiam tuam, quæsumus Dómine, grátia cœléstis amplíficet: quam beáti Francísci Confessóris tui illumináre voluísti gloriósis méritis et exémpis. Per Dóminum.

DIE V.

SS. PLACIDI ET SOCIOR.

Martyrum.

Missa. Salus autem. de Comuni plurimorum Martyrum. fol. xi. præter Orationes sequentes. Oratio.

D Eus, qui nos concédís sanctórum mártýrum tuórum Plácidi et sociórum ejus natalítia cólere: da nobis in ætéRNA beatitúdine de eórum societáte gaudére. Per Dóminum.

Secreta.

M Unera tibi, Dómine, nostræ devotiónis offérimus: quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Postcommunio.

P Ræsta nobis, quæsumus Dómine, intercedéntibus sanctis mártýribus tuis Plácido et sóciis ejus: ut quod ore contíngimus, pura mente capiámus. Per Dóminum.

DIE VI.

S. BRUNONIS CONFESSORIS.

Missa. Os justi. de Comuni Conf. non Pontif. fol. xvii. præter Orationes sequentes. Oratio.

S Ancti Brunónis Confessóris tui, quæsumus Dómine, intercessiónibus adjuvémur: ut, qui majestátem

tuam gráviter delinquendo offéndimus, ejus méritis et précibus, nostrórum delictórum véniam consequámur. Per Dóminum nostrum.

Secreta.

L Audis tibi, Dómine, hóstias immolámus in tuórum commemoratióne sanctórum: quibus nos et præsentibus éxui malis confídimus, et futúris. Per Dóminum nostrum.

Postcommunio.

Q Uæsumus, omnipotens Deus: ut qui cœléstia aliménta percépi-mus, intercedente beáto Brunóne confessóre tuo, per hæc contra ómnia advérsa muniámur. Per Dóminum nostrum Jesum Christum.

DIE VII.

S. MARCI PAPÆ ET CONF.

Missa. Sacerdótes tui. de Comuni Confess. Pontif. secundo loco. fol. xiv. exceptis Orationibus sequentibus, cum commem. sanctorum Sergii, Bacchi, Marcelli, et Apuleii Mart.

Oratio.

E Xáudi, Dómine preces nostras: et, interveniénte beáto Marco confessóre tuo atque pontífice, indulgéntiam nobis tribue placátus et pacem. Per Dóminum nostrum.

Pro sanctis Martyribus. Oratio.

S Anctórum mártýrum tuórum nos, Dómine, Sérgii, Bacchi, Marcelli, et Apuléii beáta mérita prosequántur: et tuo semper fácient amóre fervéntes.

Tertia Oratio. A cunctis. fol. 275.**Secreta.**

A Ccépta tibi sit, Dómine, sacrátæ plebis oblátio, pro tuórum honóre sanctórum: quórum se méritis percepisse de tribulatióne cognóscit auxílium. Per Dóminum.

Pro SS. Martyribus. Secreta.

M Ajestátem tuam nobis, Dómine quæsumus, hæc hóstia reddat immolánda placátam, tuórum digna postulatióne sanctórum.

Tertia Secreta. Exáudi. fol. 276.

Postcommunio.

DA, quæsumus Dómine, fidélibus pópulis sanctórum tuórum semper veneratióne lætári, et eórum perpétua supplicatióne muníri. Per Dóminum nostrum.

**Pro sanctis Martyribus.
Postcommunio.**

Sacraméntis, Dómine, muniámur accéptis: et sanctórum mártýrum tuórum Sérgii, Bacchi, Marcelli, et Apuléii intercessióne, contra omnes nequítias irruéntes, armis cœléstibus protegámur.

Tertia Postcomm. Mundet. fol. 276.

EADEM DIE.

SS. MART. SERGII, BACCHI, MARCELLI ET APULEII.

Missa. Sapientiam. de Comm. fol. x. cum Orat. propriis supra notatis.

DIE VIII.

S. BIRGITTE VIDUÆ.

Missa. Cognóvi. de Comuni nec Virginum nec Martyrum. fol. xxvi. præter Orationem sequentem.


Oratio.

Domine Deus noster, qui beátæ Birgittæ per Fílium tuum Unigénitum secréta cœléstia revelásti: ipsíus pia intercessióne da nobis fámulis tuis, in revelatióne sempiternæ glóriæ tuæ gaudere lætántes. Per eúmdem Dóminum nostrum.

Epistola. Carissime, Víduas honóra. ut in eodem Comuni. fol. xxviii.

DIE IX.

SS. MART. DIONYSII, RUSTICI ET ELEUTHERII.

Introitus. Eccli. 44.

Sapientiam sanctórum narrent pópuli, et laudes eórum nuntiet Ecclésia: nómina autem eórum vivent in sæculum sæculi. **Ps. 32. Exultáte justi in Dómino: rectos decet collaudatio.**

V. Glória Patri.**Oratio.**

DEus, qui hodiérna die beátum Dionysium mártýrem tuum atque pontíficem virtúte constántiæ in passióne roborásti: quique illi ad prædicándum géntibus glóriam tuam, Rústicum et Eleuthérium sociáre dignátus es: tribue nobis, quæsumus, eórum imitatióne, pro amore tuo próspera mundi despícere, et nulla ejus advérsa formidáre. Per Dóminum nostrum.

Lectio Actuum Apostolorum.**Act. 17. c**

IN diébus illis: Stans Paulus in médio Areopági, ait: Viri Athenienses, per ómnia quasi superstitiones vos vídeo. Præteriens enim, et videns simulácra vestra, invéni et aram, in qua scriptum erat: Ignóto Deo. Quod ergo ignorántes cólitis, hoc ego annúntio vobis. Deus, qui fecit mundum, et ómnia, quæ in eo sunt, hic cœli et terræ cum sit Dóminus, non in manufáctis templis hábitat, nec mánibus humánis cólitur, indigens áliquo, cum ipse det ómnibus vitam, et inspiratióne, et ómnia: fecítque ex uno omne genus hóminum inhabitáre super univérsam fáciem terræ, defíniens statúta témpora, et téminos habitatiónis eórum, quære-
re Deum, si forte attréctent eum, aut invéniant, quamvis non longe sit ab unoquóque nostrum. In ipso enim vívimus, et movémur, et sumus: sicut et quidam vestrórum Poetárum dixerunt: Ipsíus enim et genus sumus. Genus ergo cum simus Dei, non debémus æstimáre, auro, aut argénto, aut lápidi, sculptúræ artis, et cogitatiónis hóminis, divínus esse símile. Et témpora quidem hujus ignorántiæ despiciens Deus, nunc annúntiat hóminibus, ut omnes ubique pœniténtiam agant, eo quod státuit diem, in quo judicatúrus est orbem in æquitáte, in viro, in quo státuit, fidem præbens ómnibus, súscitans eum à mórtuis. Cum audissent autem resurre-

ctiōnem mortuōrum, quidam quidem irridébant, quidam vero dixerunt: Audiémus te de hoc íterum. Sic Paulus exívit de médio eórum. Quidam vero viri adhæréntes ei, credidérunt: in quibus et Dionysius Areopagíta, et múlter nómīne Dámaris, et álī cum eis.

Graduale. Ps. 123. Anima nostra, sicut passer, erépta est de láqueo venántium.

V. Láqueus contrítus es, et nos liberáti sumus: adjutórium nostrum in nómīne Dómini, qui fecit cœlum et terram. **Allelúja, allelúja.**

V. Psal. 67. Justi epuléntur, et exúltent in conspéctu Dei: et delecténtur in lætítia. **Allelúja.**

Sequéntia sancti Evangélīi secúndum Lucam. Luc. 12.

IN illo témpore: Dixit Jesus discí-pulis suis: Atténdite à fermento Pharisæórum, quod est hypócrisis. Nihil autem opértum est, quod non revelétur: neque absconditum, quod non sciátur. Quóniam quæ in ténebris dixístis, in lúmine dicéntur: et quod in aurem locúti estis in cubículis, prædicábitur in tectis. Dico autem vobis amícis meis: Ne terreámini ab his, qui occídunt corpus, et post hæc non habent ámplius quid fáciant. Osténdam autem vobis quem timeátis: timéte eum, qui postquam occíderit, habet potestátem mittere in gehénnam. Ita dico vobis, hunc timéte. Nónne quinque pásseres véneunt dipóndio, et unus ex illis non est in oblivióne coram Deo? Sed et capílli cápitis vestri omnes numeráti sunt. Nolíte ergo timére: multis páséribus pluris estis vos. Dico autem vobis: omnis quicúmque conféssus fúerit me coram homínibus, et Fílius hóminis confitébitur illum coram Angelis Dei.

Offertorium. Psal. 149. Exultábunt sancti in glória, lætabúntur in cubílibus suis: exaltatiónes Dei in fáucibus eórum. **Allelúja.**

Secreta.

O Bláta tibi, Dómine, múnera pó-puli tui, pro tuórum honóre sanctórum, súscipe propítius, quæsumus: et eórum nos intercessióne sanctífica. Per Dóminum nostrum.

Communio. Lucæ 12. Dico autem vobis amícis meis: ne terreámini ab his, qui vos persecuúntur.

Postcommunio.

Sumptis, Dómine, sacraméntis, quæsumus: ut intercedéntibus beátis martyribus tuis Dionysio, Rústico, et Eleuthério, ad redempti-ónis æternæ proficiámus augméntum. Per Dóminum nostrum.

DIE X.

S. FRANCISCI BORGIE

Confessoris.

Introitus.

Psal. 36.



S justī meditábitur sapiéntiam, et lingua ejus loquétur judícium: lex Dei ejus in corde ipsíus.

Ps. ibid. Noli æmulári in malignántibus: neque zeláveris faciéntes iniquitátem. **V.** Glória Patri.

Oratio.

Domine Jesu Christe, veræ humilitátis et exémpar, et præmíum: quæsumus, ut sicut beátum Francíscum in terréni honóris contéptu, imitatórem tui gloriósum efecísti, ita nos ejúsdem imitatiónis et glóriæ tríbuas esse consórtes. Qui vivis, et regnas.

Léctio libri Sapiéntiæ. Eccli. 45.

Diléctus Deo et homínibus, cujus memória in benedictióne est. Símilem illum fecit in glória sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pó-pulo suo, et osténdit illi glóriam suam. In fide et lenitáte ipsíus sanctum

fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coram præcépta, et legem vitæ et disciplinæ.

Graduale. Psal. 20. Dómine prævenísti eum in benedictiónibus dulcedínis: posuísti in cápite ejus coronam de lápide pretióso.

V. Vitam pétiit à te, et tribuísti ei longitúdinem diérum in sæculum sæculi. **Allelúja, allelúja.**

V. Psal. 91. Justus ut palma florébit: sicut cedrus Líbani multiplicábitur. **Allelúja.**



Sequentia sancti Evangélii secundum Matthæum. Matth. 19. d

IN illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis? Jesus autem dixit illis: Amen dico vobis, quod vos qui secúti estis me, in regeneratióne cum sederit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israel. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam ætérnam possidébit.

Offertorium. Psal. 20. Desidérium animæ ejus tribuísti ei, Dómine: et voluntáte labiórum ejus non fraudásti eum: posuísti in cápite ejus coronam de lápide pretióso.

Secreta.

Sacris altáribus, Dómine, hóstias superpósitas, sanctus Francíscus, quæsumus, in salútem nobis proveníre depóscat. **Per Dóminum.**

Communio. Lucæ 12. Fidélis servus et prudens, quem constituit dóminus super familiam suam, ut det illis in témpore trítici mensúram.

Postcommunio.

PRótegat nos, Dómine, cum tui perceptiône sacraménti beátus Francíscus, pro nobis intercedéndo:

ut et conversatiónis ejus experiámur insígnia, et intercessiόνis percipiámus suffrágia. **Per Dóminum.**

DIE XIII.

S. EDUARDI CONFESSORIS.

Missa. Os justi. de Communi Conf. non Pontif. fol. xvii. præter Orat. seq.

Oratio.

DEus, qui beátum regem Eduárdum confessórem tuum æternitátis glória coronásti: fac nos, quæsumus, ita eum venerári in terris, ut cum eo regnáre possimus in cœlis. **Per Dóminum nostrum.**

DIE XIV.

S. CALLISTI PAPÆ et Martyris.

Introitus. Dan. 3.



Sacerdotes Dei benedicite Dóminum: sancti et húmiles corde laudáte Deum.

Dan. ibid. Benedícite ómnia ópera Dómini Dómino: laudáte, et superexaltáte eum in sæcula.

V. Glória Patri.

Oratio.

DEus, qui nos cóspicis ex nostra infirmitáte defícere: ad amórem tuum nos misericórditer per sanctórum tuórum exémpa restáura. **Per Dóminum nostrum.**

Lectio Epístolæ beáti Pauli Apóstoli ad Hebræos. Hebr. 5.

FRatres, Omnis pón tifex ex homínibus assúptus, pro homínibus constitúitur in iis, quæ sunt ad Deum: ut ófferat dona et sacrificia pro peccátis: qui condolére possit iis, qui ignórant, et errant: quóniam et ipse circúmdatus est infirmitáte: et proptérea debet, quemádmódum pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur à Deo, tamquam Aaron.

Graduale. Psal. 88. Invéni David servum meum, óleo sancto meo unxi

eum: manus enim mea auxiliábitur ei, et bráchium meum confortábit eum.

V. Nihil profíciet inimícus in eo, et filius iniquitátis non nocébit ei.

Allelúja, allelúja.

V. Eccli. 45. Amávit eum Dóminus, et ornávit eum: stolam glóriæ induit eum. **Allelúja.**

 **Sequéntia sancti Evangélíi scúndum Matthæum. Matth. 10. c**

IN illo témpore: Dixit Jesus discí-
pulis suis: Nihil est opértum,
quod non revelábitur, et occúltum,
quod non sciétur. Quod dico vobis in
ténébris, dícite in lúmine: et quod in
aure audítis, prædicáte super tecta.
Et nolíte timére eos, qui occídunt
corpus, ánimam autem non possunt
occidere: sed pótius timéte eum, qui
potest et ánimam et corpus pérdere
in gehénnam. Nonne duo pásseres
asse véneunt; et unus ex illis non ca-
det super terram sine Patre vestro?
Vestri autem capílli cápitis omnes
numeráti sunt. Nolíte ergo timére:
multis passéribus meliôres estis vos.
Omnis ergo, qui confitébitur me co-
ram homínibus, confitébor et ego eum
coram Patre meo, qui in cœlis est.

Offertorium. Psal. 88. Véritas mea
et misericórdia mea cum ipso: et in
nómine meo exaltábitur cornu ejus.

Secreta.

MYstica nobis, Dómine, prosit
oblátio: quæ nos et à reátibus
nostris expédíat, et perpétua salva-
tíone confirmet. Per Dóminum no-
strum Jesum Christum Fílium tuum.

Communio. Matth. 24. Beátus ser-
vus, quem, cum vénerit dóminus, in-
vénerit vigilántem: amen dico vobis,
super ómnia bona sua constituet eum.

Postcommunio.

QUæsumus omnipotens Deus: ut
reátus nostros múnera sacráta
puríficent, et recte vivéndi nobis o-
peréntur efféctum. Per Dóminum
nostrum Jesum Christum Fílium
tuum: Qui tecum vivit.

DIE XV.

S. THERESIAE VIRGINIS.

**Missa. Dilexísti. de Communi Vir-
ginum. fol. xxiii. præter Orat. seq.
Oratio.**

EXáudi nos, Deus salutáris no-
ster: ut, sicut de beátæ Theré-
siae vírginis tuæ festivitáte gaudé-
mus, ita cœléstis ejus doctrínæ pábulo
nutriámur, et piæ devotíonis erudiá-
mur, afféctu. Per Dóminum.

DIE XVII.

S. HEDWIGIS REGINÆ

VIDUÆ.

**Missa. Cognóvi. de Communi nec
Virginum nec Martyrum. fol. xxvi.
præter Orat. seq. Oratio.**

DEus, qui beátam Hedwígem à
sæculi pompa ad húmilem tuæ
crucis sequélam toto corde transíre
docuísti: concéde; ut ejus méritis et
exémpló discámus peritúras mundi
calcáre delícias, et in ampléxu tuæ
crucis ómnia nobis adversántia su-
peráre. Qui vivis et regnas.

DIE XVIII.

S. LUCÆ EVANGELISTÆ.

 **Introitus. Psal. 138.**
Ihi autem nimis ho-
noráti sunt amíci tui,
Deus: nimis confor-
tátus est principátus
eórum.

Ps. ibid. Dómine, probásti me, et
cognovísti me: tu cognovísti sessió-
nem meam, et resurrectionem meam.

V. Glória Patri.

Oratio.

INtervéniat pro nobis, quæsumus
Dómine, sanctus tuus Lucas E-
vangelísta: qui crucis mortificatió-
nem júgiter in suo córpore, pro tui
nóminis honóre portávit. Per Dñm.
**Lectio Epístolæ beáti Pauli Apóstoli
ad Corínthios. 2. Cor. 8 c**

FRatres, Grátias ago Deo, qui
dedit eámdem sollicitúdinem pro
vobis in corde Titi, quóniam exhor-

tationem quidem suscepit: sed cum solicius esset, sua voluntate profectus est ad vos. Misimus etiam cum illo fratrem, cuius laus est in Evangelio per omnes Ecclesias: non solum autem, sed et ordinatus est ab Ecclesiis comes peregrinationis nostrae in hanc gratiam, quae ministratur a nobis ad Domini gloriam, et destinatam voluntatem nostram: devitantes hoc, ne quis nos vituperet in hac plenitudine, quae ministratur a nobis. Providemus enim bona non solum coram Deo, sed etiam coram hominibus. Misimus autem cum illis et fratrem nostrum, quem probavimus in multis saepe sollicitum esse: nunc autem multo sollicitiorem, confidentia multa in vos, sive pro Tito, qui est socius meus, et in vos adiutor; sive fratres nostri, Apostoli Ecclesiarum, gloria Christi. Ostensionem ergo, quae est caritatis vestrae, et nostrae gloriae pro vobis, in illos ostendite in faciem Ecclesiarum.

Graduale. Psal. 18. In omnem terram exivit sonus eorum: et in fines orbis terrae verba eorum.

V. Caeli enarrant gloriam Dei: et opera manuum ejus annuntiat firmiter. **Allelúja, allelúja.**

V. Joan. 15. Ego vos elegi de mundo, ut eatis, et fructum afferatis, et fructus vester maneat. **Allelúja.**

 **Sequentia sancti Evangelii secundum Lucam. Luc. 10.**

IN illo tempore: Designavit Dominus et alios septuaginta duos, et misit illos binos ante faciem suam in omnem civitatem, et locum, quo erat ipse venturus. Et dicebat illis: Messis quidem multa, operarii autem pauci. Rogate ergo dominum messis, ut mittat operarios in messem suam. Ite: ecce ego mitto vos sicut agnos inter lupos. Nolite portare sacculum, neque peram, neque calceamenta, et neminem per viam salutaveritis. In quamcumque domum

intraveritis, primum dicite: Pax huic domui, et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete edentes, et bibentes quae apud illos sunt: dignus est enim operarius mercede sua. Nolite transire de domo in domum. Et in quamcumque civitatem intraveritis, et susceperint vos, manducate quae apponuntur vobis, et curate infirmos, qui in illa sunt, et dicite illis: appropinquavit in vos regnum Dei. **Credo.**

Offertorium. Ps. 138. Mihi autem nimis honorati sunt amici tui, Deus: nimis confortatus est principatus eorum.

Secreta.

Bonis coelestibus da nobis, quaesumus Domine, libera tibi mente servire, ut munera, quae deferimus, interveniente beato Evangelista tuo Luca, et medelam nobis operentur, et gloriam. Per Dominum nostrum.

Præfatio de Apost. fol. 200. vel 218.

Communio. Matth. 19. Vos, qui secuti estis me, sedebitis super sedes, iudicantes duodecim tribus Israel.

Postcommunio.

Praesta, quaesumus omnipotens Deus, ut, quod de sancto altari tuo accepimus, precibus beati Evangelistae tui Lucae sanctificet animas nostras, per quod tuti esse possimus. Per Dominum nostrum.

DIE XIX.

**S. PETRI DE ALCANTARA
Confessoris.**

Introitus. Ps. 91.

Iustus ut palma florebit: sicut cedrus Libani multiplicabitur: plantatus in domo Domini, in atriis domus Dei nostri.

Ps. ibid. Bonum est confiteri Domino: et psallere nomini tuo, Altissime. **V.** Gloria Patri.

Festa Octobris.

Oratio.

DEus, qui beátum Petrum confessorum tuum, admirabilis poenitentiae et altissimae contemplationis munere illustrare dignatus es: da nobis, quaesumus; ut ejus suffragantibus meritis, carne mortificati, facilius coelestia capiamus. Per Dominum nostrum Jesum Christum Filium tuum, qui tecum vivit.

Lectio Epistolae beati Pauli Apostoli ad Philippenses. **Philipp. 3. b**

FRatres, Quae mihi fuerunt lucra, haec arbitratus sum propter Christum detrimenta. Verumtamen existimo omnia detrimentum esse propter eminentem scientiam Jesu Christi Domini mei: propter quem omnia detrimentum feci, et arbitror ut stercora, ut Christum lucrificam, et inveniar in illo, non habens meam justitiam, quae ex lege est, sed illam, quae ex fide est, Christi Jesu: quae ex Deo est justitia in fide, ad cognoscendum illum, et virtutem resurrectionis ejus, et societatem passionum illius: configuratus morti ejus: si quo modo occurram ad resurrectionem, quae est ex mortuis. Non quod jam acciperim, aut jam perfectus sim: sequor autem, si quo modo comprehendam, in quo et comprehensus sum a Christo Jesu.

Graduale. Psal. 36. Os justi meditabitur sapientiam, et lingua ejus loquetur judicium.

V. Lex Dei ejus in corde ipsius: et non supplantabuntur gressus ejus.

Allelúja, allelúja.

V. Psal. 111. Beatus vir, qui timet Dominum: in mandatis ejus cupit nimis. **Allelúja.**

Sequentia sancti Evangelii secundum Lucam. Lucæ 12. d

IN illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Vendite quae possidetis, et date eleemosynam.

Facite vobis sacculos, qui non veterascunt, thesaurum non deficientem in caelis: quo fur non appropriat, neque tinea corrumpit. Ubi enim thesaurus vester est, ibi et cor vestrum erit.

Offertorium. Ps. 20. In virtute tua, Domine, laetabitur justus, et super salutare tuum exultabit vehementer: desiderium animae ejus tribuisti ei.

Secreta.

PRæsta nobis, quaesumus, omnipotens Deus: ut, nostrae humilitatis oblatio, et pro tuorum tibi grata sit honore sanctorum, et nos corpore pariter et mente purificet. Per Dominum nostrum.

Communio. Matth. 19. Amen dico vobis: quod vos, qui reliquistis omnia, et secuti estis me, centuplum accipietis, et vitam æternam possidebitis.

Postcommunio.

QUæsumus, omnipotens Deus: ut qui coelestia alimenta percipimus, intercedente beato Petro confessore tuo, per haec contra omnia adversa muniamur. Per Dominum nostrum Jesum Christum Filium tuum.

DIE XX.

S. JOANNIS CANTII CONF.

Introitus. **Ecclesi. 18.**

Iseratio hominis circa proximum: misericordia autem Dei super omnem carnem. Qui misericordiam habet, docet et erudit quasi pastor gregem suum. **Psal. 1.** Beatus vir, qui non abiit in consilio impiorum, et in via peccatorum non stetit, et in cathedra pestilentiae non sedit.

V. Glória Patri.

Oratio.

DA, quaesumus, omnipotens Deus: ut, sancti Joannis confessoris exemplo in scientia sanctorum proficientes, atque aliis misericordiam exhibentes, ejus meritis indulgentiam apud te consequamur. Per Dominum nostrum.

Festa Octobris.

Lectio Epistolæ beāti Jacobi Apóstoli.

Jac. 2. c

Sic loquimini, et sic fácite, sicut per legem libertátis incipientes judicári. Judícium enim sine misericórdia illi, qui non fecit misericórdiam: superexáltat autem misericórdia judícium. Quid próderit, fratres mei, si fidem quis dicat se habére, ópera autem non hábeat? Numquid póterit fides salváre eum? Si autem frater et soror nudi sint, et indígeant victu quotidiáno, dicat autem áliquis ex vobis illis: *Ite in pace, calefacimini, et saturámini; non dedéritis autem eis quæ necessária sunt córpori, quid próderit?* Sic et fides, si non hábeat ópera, mórtua est in semetipsa.

Graduale. Psal. 106. Confiteántur Dómino misericórdiæ ejus: et mirabília ejus filiis hóminum.

V. Quia satiávit ánimam inánem: et ánimam esuriéntem satiávit bonis.

Allelúja, allelúja.

V. Prov. 31. Manum suam apérui inopi: et palmas suas exténdit ad páuperem. **Allelúja.**

Sequéntia sancti Evangélíi secúndum Lucam. Lucæ 12. c

In illo témpore: Dixit Jesus discipulis suis: Sint lumbi vestri præcíncti, et lucérnæ ardéntes in mánibus vestris, et vos símiles homínibus expectántibus dóminum suum quando revertátur à núptiis: ut cum vénerit, et pulsáverit, conféstim apériant ei. Beāti servi illi, quos, cum vénerit dóminus, invénerit vigilántes: amen dico vobis, quod præcínget se, et fáciet illos discúmbere, et tránsiens ministrábit illis. Et si vénerit in secúnda vigília; et si in tértia vigília vénerit, et ita invénerit, beāti sunt servi illi. Hoc autem scitóte, quóniam si sciret paterfamílias qua hora fur veníret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Offertorium. Job. 29. Justítia indútus sum, et vestívi me, sicut vestiménto et diadémate, judício meo. Oculus fui cæco, et pes claudó: pater eram páuperum.

Secreta.

Has, quæsumus Dómine, hóstias sancti Joánnis confessóris tui méritis benígnus assúme: et præsta, ut te super ómnia, et omnes propter te diligéntes, corde tibi et ópere placeámus. Per Dóminum nostrum.

Communio. Luc. 6. Date, et dábitur vobis: mensúram bonam, et confértam, et coagitátam, et supereffluéntem dabunt in sinum vestrum.

Postcommunio.

Pretiósi córporis et sánguinis tui, Dómine, pasti delíciis, tuam súpplices deprecámur cleméntiam: ut, sancti Joánnis Confessóris tui méritis et exémpis, ejúsdem caritátis imitatóres effécti, consórtes simus et glóriæ. Qui vivis et regnas.

DIE XXI.

S. HILARIONIS ABBATIS.

Missa. Os. justi. de Comuni Abbatum. fol. xix.

Oratio.

Intercéssio nos, quæsumus Dómine, beāti Hilariónis Abbátis comméndet: ut quod nostris méritis non valémus, ejus patrocínio assequámur. Per Dóminum nostrum.

Et fit commem. SS. Ursulæ et sociarum Mart.

Oratio.

DA nobis, quæsumus Dómine Deus noster, sanctárum vírginum et mártýrum tuárum, Ursulæ et sociárum ejus, palmas incessábili devotióne venerári: ut, quas digna mente non póssumus celebráre, humílibus saltem frequentémus obséquiiis.

Tertia Oratio. A cunctis. fol. 275.

Secreta.

Sacris altáribus, Dómine, hóstias superpósitas, sanctus Hilárion Abbas, quæsumus, in salútem nobis proveníre depóscat. Per Dóminum.

Festa Octobris.

Pro SS. Martyribus. Secreta.

INtende, quæsumus Dómine, múnera altáribus tuis pro sanctárum vírginum et mátyrum tuárum, Ursulæ et sociárum ejus, festivitáte propósita: ut, sicut per hæc beáta mystéria illis glóriam contulisti, ita nobis indulgéntiam largiáris.

Tertia Secreta. Exáudi. fol. 276.

Postcommunio.

PRótegat nos, Dómine, cum tui perceptióne sacraménti, beátus Hilárion Abbas pro nobis intercedendo: ut et conversatiónis ejus experiámur insígnia, et intercessiόνis percipiámus suffrágia. Per Dóminum nostrum.

Pro sanctis Martyribus.**Postcommunio.**

PRæsta nobis, quæsumus Dómine, intercedéntibus sanctis vírginibus et mátyribus tuis, ut quod ore contíngimus, pura mente capiámus.

Tertia Postcomm. Mundet. fol. 276.

EADEM DIE.**SS. URSULÆ ET SOCIARUM****Virginum et Martyrum.**

Missa. Loquébar. de Communi Virg. et Mart. fol. xx. cum Orationibus supra notatis.

DIE XXV.**SS. MART. CHRYSANTHI ET DARIÆ.****Introitus. Psal. 78.**

INtret in conspéctu tuo, Dómine, gémitus compeditórum, redde vicinis nostris séptuplum in sinu eórum: víndica sánguinem sanctórum tuórum, qui effúsus est.

Psal. ibid. Deus, venérunt gentes in hæreditátem tuam, polluérunt templum sanctum tuum: posuérunt Jerúsalem in pomórum custódiam.

V. Glória Patri.

Oratio.

BEatórum mátyrum tuórum, Dómine, Chrysánthi et Dariæ, quæsumus, adsit nobis orátio: ut, quos venerámur obséquio, eórum pium júgiter experiámur auxílium. Per Dóminum.

Léctio Epístolæ beáti Pauli Apóstoli ad Corínthios. 2. Cor. 6.

FRatres, exhibeámus nosmetipsos sicut Dei minístros in multa paciéntia, in tribulatió nibus, in necessitatibus, in angúst iis, in plagis, in carcér ibus, in sediti ó nibus, in labó ribus, in vigí liis, in jejú niis, in castitáte, in sciéntia, in longanimitáte, in suavitate, in Spír it u sancto, in caritate non ficta, in verbo veritátis, in virtú te Dei, per arma justíti æ à dextris, et à siní stris: per glóri am et ignobilitátem: per infám iam et bonam famam: ut seductó res, et verá ces: sicut qui ignó ti, et có gniti: quasi moriéntes, et ecce ví vimus: ut castigá ti, et non mortificá ti: quasi tristes, semper autem gaudéntes: sicut egén tes, multos autem locupletántes: tamquam nihil habéntes, et ó mnia possidéntes.

Graduale. Exod. 15. Gloriósus Deus in sanctis suis: mirá bilis in majestate, fáciens prodí gia.

V. Déxtera tua, Dómine, glorificáta est in virtú te: déxtera manus tua confrégit inimícos. Allelúja, allelúja.

V. Eccli. 44. Córpora sanctórum in pace sepúlta sunt: et nó mina eórum vivent in generatió ne et generatió nem. Allelúja.

Sequéntia sancti Evangé lii scúndum Lucam. Luc. 11. f

IN illo témpore: Dicébat Jesus Scribis, et Pharisæis: Væ vobis, qui ædificá tis monuménta prophetárum: patres autem vestri occidérunt illos. Profécto testificámini quod consentí tis opéribus patrum vestrórum: quóniam ipsi quidem eos occidérunt, vos autem ædificá tis eórum

sepúlchra. Propterea et sapientia Dei dicit: Mittam ad illos Prophetas et Apostolos, et ex illis occident, et persequuntur: ut inquiratur sanguis omnium prophetarum, qui effusus est à constitutione mundi à generatione ista, à sanguine Abel, usque ad sanguinem Zachariæ, qui periit inter altare et ædem. Ita dico vobis, requiratur ab hac generatione.

Offertorium. Ps. 67. Mirabilis Deus in sanctis suis: Deus Israel, ipse dabit virtutem et fortitudinem plebi suæ: benedictus Deus. Alleluja.

Secreta.

Populi tui, quæsumus Domine, tibi grata sit hostia, quæ in natalitiis sanctorum martyrum tuorum Chrysanthi et Dariæ sollemniter immolatur. Per Dominum nostrum Jesum Christum Filium tuum.

Communio. Sap. 3. Et si coram hominibus tormenta passi sunt, Deus tentavit eos: tamquam aurum in fornace probavit eos, et quasi holocausta accepit eos. **Postcommunio.**

Mysticis, Domine, replati sumus votis et gaudiis: Præsta quæsumus; ut, intercessionibus sanctorum martyrum tuorum Chrysanthi et Dariæ, quæ temporaliter agimus, spiritaliter consequamur. Per Dominum nostrum.

DIE XXVI.

S. EVARISTI PAPÆ

et Martyris.


Missa. Statuit. de Comuni unius Martyris Pontificis. fol. ii.

DIE XXVII.

**In Vigilia Sanctorum Apostolorum
SIMONIS ET JUDÆ.**

Introitus.

Psal. 78.



Ntret in conspectu tuo, Domine, gemitus compeditorum: redde vicinis nostris septuplum in sinu eorum: vindica

sanguinem sanctorum tuorum, qui effusus est.

Ps. ibid. Deus, venerunt gentes in hereditatem tuam, polluerunt templum sanctum tuum: posuerunt Jerusalem in pomorum custodiam.

V. Glória Patri.

Oratio.

Concede, quæsumus omnipotens Deus: ut, sicut Apostolorum tuorum Simonis et Judæ gloriosa natalitia prævenimus, sic ad tua beneficia promerenda, majestatem tuam pro nobis ipsi præveniant. Per Dominum nostrum.

Oratio secunda de S. Maria. Concede. tertia Ecclesiæ. vel pro Papa. fol. 244.

Lectio Epistolæ beati Pauli Apostoli ad Corinthios.

1. Cor. 4. b

Fratres, Spectaculum facti sumus mundo, et Angelis, et hominibus. Nos stulti propter Christum, vos autem prudentes in Christo: nos infirmi, vos autem fortes, vos nobiles, nos autem ignobiles. Usque in hanc horam et esurimus, et sitimus, et nudi sumus, et colaphis cædimur, et instabiles sumus, et laboramus operantes manibus nostris: maledicimur, et benedicimus, persecutionem patimur, et sustinemus: blasphemamur, et obsecramus: tamquam purgamenta hujus mundi facti sumus, omnium peripsēma usque adhuc. Non ut confundam vos, hæc scribo, sed ut filios meos carissimos moneo in Christo Jesu Domino nostro.

Graduale. Ps. 78. Vindica, Domine, sanguinem sanctorum tuorum, qui effusus est.

V. Posuerunt mortalia servorum tuorum, Domine, escas volatilibus cæli, carnes sanctorum tuorum bestiis terræ.

Sequentia sancti Evangelii secundum Joannem. Joann. 15.

In illo tempore: Dixit Jesus discipulis suis: Ego sum vitis vera, et Pater meus agricola est. Omnem

pálmitem in me non feréntem fructum, tollet eum: et omnem qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me, et ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me mánseritis. Ego sum vitis, vos pálmities: qui manet in me: et ego in eo, hic fert fructum multum, quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si mánseritis in me, et verba mea in vobis mánserint: quodcúmque voluéritis, petétis, et fiet vobis.

Offertorium. Psal. 149. Exultábunt sancti in glória, lætabúntur in cubilibus suis: exaltatiónes Dei in fáucibus eórum.

Secreta.

MUnéribus nostris, Dómine, sanctórum Apostolórum tuórum Simónis et Judæ festa præcedimus, te suppliciter deprecántes: ut quæ consciéntiæ nostræ præpediúntur obstáculis, illórum méritis grata reddántur. Per Dóminum nostrum.

Secreta secunda de Beata Maria. Tua Dómine. **tertia.** Prótege nos. **vel pro Papa.** fol. 244.

Communio. Ps. 78. Posuérunt mortália servórum tuórum, Dómine, escas volatílibus cœli: carnes sanctórum tuórum béstiis terræ: secúndum magnítudinem bráchii tui pösside fílios morte punitórum.

Postcommunio.

Sumpto, Dómine, sacraménto, suppliciter deprecámur: ut intercedéntibus beátis Apóstolis tuis Simóne et Juda, quod temporáliter gérimus, ad vitam capiámus ætérnam. Per Dóminum nostrum.

Postcommunio secunda de B. Maria: Sumptis, Dómine. **tertia,** Quæsumus Dómine. **vel pro Papa.** fol. 244.

DIE XXVIII.

Sanctorum Apostolorum

SIMONIS ET JUDÆ.

Introitus. Ps. 138.



Ihi autem nimis honoráti sunt amíci tui, Deus: nimis confortátus est principátus eórum.

Psal. ibid. Dómine, probásti me, et cognovísti me: tu cognovísti sessiόνem meam, et resurrectionem meam.

V. Glória Patri.

Oratio.

DEus, qui nos per beátos Apóstolos tuos Simónem et Judam, ad agnitióem tui nóminis veníre tribuísti: da nobis eórum glóriam sempitérnam et proficiéndo celebráre, et celebrándo proficere. Per Dóminum.

Léctio Epistolæ beáti Pauli Apóstoli ad Ephésios.

Ephes. 4. b

FRatres, Unicuique nostrum data est grátia secúndum mensúram donatiónis Christi. Propter quod dicit: Ascéndens in altum captivam duxit captivitátem, dedit dona homínibus. Quod autem ascéndit, quid est, nisi quia et descéndit primum in inferióres partes terræ? Qui descéndit ipse est et qui ascéndit super omnes cœlos, ut impléret ómnia. Et ipse dedit quosdam quidem Apóstolos, quosdam autem Prophétas, álios vero Evangelístas, álios autem pastóres et doctóres ad consummationem sanctórum in opus ministérii, in ædificatióem córporis Christi; donec occurrámus omnes in unitátem fidei, et agnitiónis Fílii Dei, in virum perféctum, in mensúram ætátis plenitúdinis Christi.

Graduale. Psal. 44. Constitues eos principes super omnem terram: mémoires erunt nóminis tui, Dómine.

V. Pro pátribus tuis nati sunt tibi fílii: proptérea pópuli confitebúntur tibi. **Allelúja, allelúja.**

V. Psal 138. Nimis honoráti sunt amici tui, Deus: nimis confortátus est principátus eórum. Allelúja.

Sequéntia sancti Evangélii secúndum Joánnem. Joann. 15. c

IN illo témpore: Dixit Jesus discipulis suis: Hæc mando vobis, ut diligátis invicem. Si mundus vos odit, scitôte, quia me priórem vobis ódio hábuit. Si de mundo fuissétis, mundus, quod suum erat, diligeret: quia vero de mundo non estis, sed ego elégi vos de mundo, proptérea odit vos mundus. Mementôte sermónis mei, quem ego dixi vobis: Non est servus major dómīno suo. Si me persecúti sunt, et vos persequéntur: si sermónem meum servavérunt, et vestrum servábunt. Sed hæc ómnia fácient vobis propter nomen meum: quia nesciunt eum, qui misit me. Si non veníssem, et locútus fuíssem eis, peccátum non habérent: nunc autem excusationem non habent de peccáto suo. Qui me odit, et Patrem meum odit. Si ópera non fecíssem in eis, quæ nemo álius fecit, peccátum non habérent: nunc autem et vidérunt, et odérunt et me, et patrem meum. Sed ut adimpleátur sermo, qui in lege eórum scriptus est: Quia ódio habuérent me gratis. **Credo.**

Offertorium. Ps. 18. In omnem terram exívit sonus eórum: et in fines orbis terræ verba eórum.

Secreta.

GLóriam, Dómine, sanctórum Apostolorum tuórum Simónis et Judæ perpétuam venerántes, quæsumus: ut eam, sacris mystériis expiáti, dígnius celebrémus. Per Dóminum nostrum.

Præfatio de Apost. fol. 200. vel 218.

Communio. Matth. 19. Vos, qui secúti estis me, sedébitis super sedes, judicántes duódecim tribus Israel.

Postcommunio.

Percéptis, Dómine, sacraméntis, suppliciter exorámus: ut intercedéntibus beátis Apóstolis tuis Si-

móne et Juda, quæ pro illórum veneránda gérimus passióne, nobis proficiant ad medélam. Per Dóminum.

¶ Si in Vigilia omnium Sanctorum occurrerit Missa de aliquo Festo Semiduplici, tunc tertia Oratio erit, A cunctis. fol. 275. non vero de Spiritu sancto.

DIE XXXI. VIGILIA OMNIUM SANCTORUM.

Introitus. Sap. 3.
JUdicant sancti gentes, et dominantur pópulis: et regnabit Dóminus Deus illórum in perpétuum.

Psal. 32. Exultáte justi in Dómino: rectos decet collaudátio.

V. Glória Patri.

Non dicitur Glória in excélsis.

Oratio.

Domine Deus noster, multiplica super nos grátiam tuam: et quorum prævenimus gloriósa solémnia, tribue súbsequi in sancta professione lætítiam. Per Dóminum.

De Spiritu sancto. Oratio.

Deus, qui corda fidélium sancti Spíritus illustratióne docuísti: da nobis in eódem Spíritu recta sápere, et de ejus semper consolatióne gaudére.

Contra persecutores Ecclesiæ.

Oratio.

Ecclésiæ tuæ, quæsumus Dómine, preces placátus admítte: ut destrúctis adversitatibus, et erróribus univérsis, secúra tibi sérviat libertáte.

Vel pro Papa. Oratio.

Deus ómnium fidélium pastor, et rector, fámulum tuum quem pastórem Ecclesiæ tuæ præesse voluísti, propítius respice: da ei, quæsumus, verbo et exémplo, quibus

Festa Octobris.

præest, proficere; ut ad vitam, una cum grege sibi crédito, perveniat sempiternam. Per Dóminum.

Léctio libri Apocalypsis beáti Joánnis Apóstoli. Apoc. 5. b

IN diébus illis: Ecce ego Joánnes vidi in médio throni, et quátuor animálium, et in médio seniórum, Agnum stantem tamquam occísus, habéntem córnua septem, et óculos septem: qui sunt septem spíritus Dei, missi in omnem terram. Et venit, et accépit de dextera sedéntis in throno librum. Et cum aperuísset librum, quátuor animália et vigintiquátuor senióres cecidérunt coram Agno, habéntes singuli cítharas et phíalas áureas, plenas odoraméntórum, quæ sunt oratiónes sanctórum: et cantábant cánticum novum, dicéntes: Dignus es, Dómine, accípere librum, et aperíre signácula ejus: quóniam occísus es, et redemísti nos Deo in ságuine tuo ex omni tribu, et lingua, et pópulo, et natióne: et fecísti nos Deo nostro regnum, et sacerdótes, et regnábimus super terram. Et vidi, et audívi vocem Angelórum multórum in circúitu throni, et animálium, et seniórum, et erat númerus eórum míllia míllium, dicéntium voce magna: Dignus est Agnus, qui occísus est, accípere virtútem, et divinitátem, et sapiéntiam, et fortitúdinem, et honórem, et glóriam, et benedictiónem, in sæcula sæculórum. Amen.

Graduale. Psal. 149. Exultábunt sancti in glória, lætabúntur in cubilibus suis. V. Cantáte Dómino cánticum novum, laus ejus in Ecclesia sanctórum.



Sequéntia sancti Evangélíi secúndum Lucam. Luc. 6. c

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Ju-

dæa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur à languóribus suis. Et qui vexabántur à spíritibus immúndis, curabántur. Et omnis turba quærébat eum tángere: quia virtus de illo exíbat, et sanábat omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti qui nunc esurítis: quia saturabímmini. Beáti, qui nunc fletis: quia ridébitis. Beáti éritis cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte in illa die, et exultáte: ecce enim merces vestra multa est in cælo.

Offertorium. Psal. 149. Exultábunt sancti in glória, lætabúntur in cubilibus suis: exaltatiónes Dei in fáucibus eórum.

Secreta.

ALtáre tuum, Dómine, munéribus cumulámus oblátis: da, quæsumus; ut ad salútem nostram, ómnium sanctórum tuórum precatióne, proficiant, quorum solémnia ventúra præcúrrimus. Per Dóminum.

De Spiritu sancto.

Secreta.

MUnera, quæsumus Dómine, obláta sanctífica: et corda nostra sancti Spíritus illustratióne emúnda.

Contra persecutores Ecclesiæ.

Secreta.

PRótege nos, Dómine, tuis mystériis serviéntes: ut divínis rebus inhæréntes, et corpore tibi famulémur, et mente. Per Dóminum.

Vel pro Papa.

Secreta.

OBlátis, quæsumus Dómine, placáre munéribus: et fámulum tuum **N.**, quem pastórem Ecclesiæ tuæ præesse voluísti, assídua protectione gubérna. Per Dóminum nostrum.

Communio. Sap. 3. Justórum ánimæ in manu Dei sunt, et non tanget

illos torméntum malitiæ: visi sunt óculis insipientium mori, illi autem sunt in pace.

Postcommunio.

Sacraméntis, Dómine, et gáudiis optatæ celebritátis explétis, quæsumus: ut eórum précibus adjuvémur, quorum recordationibus exhibéntur. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus: per ómnia sæcula sæculórum.

De Spiritu sancto. Postcommunio.

Sancti Spíritus, Dómine, corda nostra mundet infúsis, et sui ro-
ris íntima aspersione fecúndet.

Contra persecutores Ecclesiæ.


Postcommunio.

Quæsumus, Dómine Deus noster: ut quos divína tribuis participatione gaudere, humanis non sinas subjacere periculis. Per Dóminum nostrum Jesum Christum Fílium tuum.

Vel pro Papa.

Postcommunio.

Hæc nos, quæsumus Dómine, divíni sacraménti percéptio próteget: et fámulum tuum **N.**, quem pastórem Ecclesiæ tuæ præesse voluísti, una cum commisso sibi grege salvet semper et múniat. Per Dóminum nostrum Jesum Christum Fílium tuum.



DIE I. NOVEMBRIS.
IN FESTO
OMNIUM SANCTORUM.

Introitus.



Audeá-
mus o-
mnes in
Dómino
diem fe-
stum ce-
lebránte
sub honó-
re San-

ctórum ómnium: de
quorum solemnitáte
gáudent Angeli, et
colláudant Fílium Dei.

Psal. 32. Exultáte
justi in Dómino, re-
ctos decet collaudátio.

V. Glória Patri.

Oratio.

O Mnípotens sem-
pitérne Deus,
qui nos ómnium San-
ctórum tuórum mérita

sub una tribuísti celebritáte venerári:
quæsumus; ut desiderátam nobis tuæ
propitiatiónis abundántiam, multiplicá-
tis intercessóribus largiáris. Per Dñm.

Lectio libri Apocalypsis beáti Joánnis
Apóstoli.

Apoc. 7.

IN diébus illis: Ecce ego Joánnes vi-
di álterum Angelum ascendéntem
ab ortu solis, habéntem signum Dei
vivi: et clamávit voce magna quátuor
Angelis, quibus datum est nocére ter-
ræ et mari, dicens: Nolíte nocére terræ
et mari, neque arbóribus, quo adúsque
signémus servos Dei nostri in fróntibus

eórum. Et audívi númerum signa-
tórum, centum quadragínta quá-
tuor míllia signáti, ex omni tribu
filiórum Israel. Ex tribu Juda
duódecim míllia signáti. Ex tribu
Ruben duódecim míllia signáti.
Ex tribu Gad duódecim míllia si-
gnáti. Ex tribu Aser duódecim
míllia signáti. Ex tribu Néphthali
duódecim míllia signáti. Ex tribu
Manásse duódecim míllia signáti.
Ex tribu Símeon duódecim míllia
signáti. Ex tribu Levi duódecim
míllia signáti. Ex tribu Issachar
duódecim míllia signáti. Ex tribu
Zábulon duódecim míllia signáti.
Ex tribu Joseph duódecim míllia
signáti. Ex tribu Bénjamin duó-
decim míllia signáti. Post hæc
vidi turbam magnam, quam dinu-
meráre nemo póterat, ex ómnibus
géntibus, et tríbubus, et pópulis,
et linguis, stantes ante thronum,
et in conspéctu Agni, amícti sto-
lis albis, et palmæ in mánibus eó-
rum: et clamábant voce magna,
dicéntes: Salus Deo nostro, qui
sedet super thronum, et Agno.
Et omnes Angeli stabant in cir-
cúitu throni, et seniórum, et quá-
tuor animálium: et cecidérunt in
conspéctu throni in fácies suas,
et adoravérunt Deum, dicéntes:
Amen. Benedíctio, et cláritas,
et sapiéntia, et gratiárum áctio,
honor, et virtus, et fortitúdo
Deo nostro, in sácula sæculó-
rum. Amen.

Festa Novembris.

Graduale. Psal. 33. Timéte Dóminum omnes Sancti ejus: quóniam nihil deest timéntibus eum.

V. Inquiréntes autem Dóminum, non deficient omni bono.

Allelúja, allelúja.

V. Matth. 11. Veníte ad me omnes qui laborátis, et oneráti estis: et ego reficiam vos. **Allelúja.**

Sequéntia sancti Evangélíi secúndum Matthæum. Matth. 5.

IN illo témpore: Videns Jesus turbas, ascéndit in montem, et cum sedísset, accessérunt ad eum discípuli ejus, et apériens os suum, docébat eos, dicens: **Beáti páuperes spíritu: quóniam ipsórum est regnum cœlórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt justítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutiónem patiúntur propter justítiam: quóniam ipsórum est regnum cœlórum. Beáti estis cum maledíxerint vobis, et persecúti vos fúerint, et díxerint omne malum advérsus vos mentiéntes, propter me: gaudéte, et exultáte, quóniam merces vestra copiósa est in cœlis. Credo.**

Offertorium. Sap. 3. Justórum ánimæ in manu Dei sunt, et non tanget illos torméntum malítiæ: visi sunt óculis insipientium mori, illi autem sunt in pace.

Secreta.

MUnera tibi, Dómine, nostræ devotiónis offérimus: quæ et pro cunctórum tibi grata sint honóre justórum, et nobis salutária, te miseránte, reddántur. Per Dóminum.

Communio. Matth. 5. Beáti mundo corde, quóniam ipsi Deum vidébunt: beáti pacífici, quóniam filii Dei vocabúntur: beáti qui persecutiónem

patiúntur propter justítiam, quóniam ipsórum est regnum cœlórum.

Postcommunio.

DA, quæsumus Dómine, fidélibus pópulis ómnium Sanctórum semper veneratióne lætári: et eórum perpétua supplicatióne muníri. Per Dóminum nostrum.

¶ Infra Octavam, Missa dicitur sicut in die Festi: Oratio secunda de Spiritu sancto. Deus, qui corda fidélium. tertia. Ecclesiæ tuæ. fol. xliii. vel pro Papa. Deus ómnium fidélium. fol. xliv. et dicitur Credo.

DIE II.

¶ Secunda die fit commemoratio omnium Fidelium Defunctorum: et dicitur Missa. Réquiem ætérnam. fol. lxx. quæ est prima pro Defunctis.

¶ Sed in Ecclesiis Cathedralibus, et Collegiatis dicuntur duæ Missæ, una de Octava post Tertiam; altera principalis pro Defunctis post Nonam.

¶ Si autem secunda die fuerit Dominica, dicta commemoratio omnium Fidelium Defunctorum fit sequenti Feria secunda.

DIE IV.

S. CAROLI EPISC. ET CONF.

Introitus. Eccli. 45. **T**átuit ei Dóminus testaméntum pacis, et principem fecit eum: ut sit illi sacerdotii dignitas in ætérnum.

Psal. 131. Meménto, Dómine, David, et omnis mansuetúdinis ejus.

V. Glória Patri.

Oratio.

ECclésiám tuam, Dómine, sancti Cárolí, confessóris tui atque pontíficis, continúa protectiόne custódi: ut sicut illum pastorális solici-túdo gloriósum réddidit, ita nos ejus intercessiό in tuo semper fáciat amore fervéntes. Per Dóminum.

Festa Novembris.

**Pro Octava omnium Sanctorum.
Oratio.**

OMnípotens sempitérne Deus, qui nos ómnium Sanctórum tuórum mérita sub una tribuísti celebritáte venerári: quæsumus; ut desiderátam nobis tuæ propitiatiónis abundántiam, multiplicátis intercessóribus largiáris. Per Dóminum nostrum.

Pro commemoratione SS. Vitalis, et Agricolæ Martyrum. Oratio.

PRæsta, quæsumus omnipotens Deus: ut, qui sanctórum mártýrum tuórum Vitális et Agricolæ solémnia cólimus, eórum apud te intercessiόνibus adjuvémur. Per Dóminum nostrum.

Léctio libri Sapiéntiæ. Eccli. 44. et 45.

ECce sacerdos magnus, qui in diébus suis plácuit Deo, et invéntus est justus, et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo jurejurándo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput ejus. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum: et dedit illi sacerdotium magnum, et beatificávit illum in glória. Fungi sacerdotio, et habére laudem in nómine ipsíus: et offérre illi incénsum dignum in odórem suavitátis.

Graduale. Eccli. 44. Ecce sacerdos magnus, qui in diébus suis plácuit Deo.

V. Non est invéntus símilis illi, qui conserváret legem Excélsi.

Allelúja, allelúja.

V. Psal. 109. Tu es sacerdos in ætérnum secúndum órđinem Melchisedech. **Allelúja.**

Sequéntia sancti Evangélíi secúndum Matthæum. Matth. 25.

IN illo témpore: Dixit Jesus discipulis suis parábolam hanc: Homo péregre proficiscens, vocávit servos suos, et trádidit illis bona sua. Et uni dedit quinque talénta, álíi autem duo, álíi vero unum, unicuíque secúndum própriam virtútem, et profectus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniam dómini sui. Post multum vero témporis venit dóminus servórum illórum, et pósuit ratiónem cum eis. Et accédens qui quinque talénta accéperat, óbtulit ália quinque talénta, dicens: Dómine, quinque talénta tradidísti mihi, ecce ália quinque superlucrátus sum. Ait illi dóminus ejus: Euge serve bone et fidélis: quia super pauca fuísti fidélis, super multa te constitúam, intra in gáudium dómini tui. Accéssit autem et qui duo talénta accéperat, et ait: Dómine, duo talénta tradidísti mihi, ecce ália duo lucrátus sum. Ait illi dóminus ejus: Euge serve bone et fidélis, quia super pauca fuísti fidélis, super multa te constitúam, intra in gáudium dómini tui. **Credo.**

Offertorium. Ps. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

Sancti tui, quæsumus Dómine, nos ubique lætifícent: ut dum eórum mérita recólimus, patrocínia sentiámus. Per Dóminum.

**Pro Octava omnium Sanctorum.
Secreta.**

Munera tibi Dómine, nostræ devotiόνis offérimus: quæ et pro cunctórum tibi grata sint honóre justórum, et nobis salutária, te miseránte reddántur.

Festa Novembris.

Pro sanctis Martyribus.

Secreta.

Oblátis, quæsumus Dómine, placáre munéribus: et intercedéntibus sanctis martyribus tuis Vitále et Agrícola, à cunctis nos defénde perículis. Per Dóminum.

Communio. Luc. 12. Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio.

Præsta, quæsumus omnípotens Deus: ut, de percéptis munéribus grátias exhibéntes, intercedénte beáto Cárolo confessóre tuo atque pontífice, beneficia potióra sumámus. Per Dóminum nostrum.

Pro Octava omnium Sanctorum.

Postcommunio.

DA, quæsumus Dómine, fidélibus pópulis, ómnium Sanctórum semper veneratióne lætári: et eórum perpétua supplicatióne muníri.

Pro sanctis Martyribus.

Postcommunio.

Hæc nos commúnio, Dómine, purget à crimine: et intercedéntibus sanctis martyribus tuis Vitále et Agrícola, cœléstis remédii fáciat esse consórtes. Per Dóminum.

EADEM DIE.

Sanctorum Martyrum

VITALIS ET AGRICOLÆ.

Missa. Sapientiam. fol. x. **cum supra notatis Orationibus Epistola vero erit Rememorámini.** fol. xii. **Evangel.** Si quis vult. fol. iii.

DIE VIII.

In Octava omnium Sanctorum dicitur Missa sicut in die, cum commemoratione SS. Martyrum Quatuor Coronatorum.

Oratio.

Præsta, quæsumus omnípotens Deus, ut, qui gloriósos mártires fortes in sua confessióne cognóvimus,

pios apud te in nostra intercessióne sentiámus. Per Dóminum nostrum.

Secreta.

Benedictio tua, Dómine, larga descéndat: quæ et múnera nostra, deprecántibus sanctis martyribus tuis, tibi reddat accépta, et nobis sacraméntum redemptionis effíciat. Per Dóminum.

Postcommunio.

Cœléstibus refécti sacraméntis et gáudiis, súplices te, Dómine deprecámur: ut quorum gloriámur triúmphis, protegámur auxiliis. Per Dóminum nostrum.

DIE IX.

In Festo Dedicationis Basilicæ
SANCTISSIMI SALVATORIS.

Missa. Terribilis. de Communi Dedicationis Ecclesiæ. fol. xxviii.

Pro commem. S. Theodori Martyr. Oratio.

DEus, qui nos beáti Theodóri mártiris tui confessióne gloriósa circúmdas et prótegis: præsta nobis ex ejus imitatióne proficere, et oratióne fulcírí. Per Dóminum.

Secreta.

Suscipe, Dómine, fidélium preces cum oblatiόνibus hostiárum: et intercedénte beáto Theodóro mártire tuo, per hæc piæ devotiónis offícia ad cœléstem glóriam transeámus. Per Dóminum nostrum.

Postcommunio.

Præsta nobis, quæsumus Dómine, intercedénte beáto Theodóro mártire tuo: ut quod ore contíngimus, pura mente capiámus. Per Dóminum nostrum.

EADEM DIE.

S. THEODORI MARTYRIS.

Missa. Lætábitur. de Comm. fol. v. **cum Orationibus ut supra.**



DIE X.

S. ANDREÆ AVELLINI

Confessoris.

Missa. Os justi. de Communi Conf. non Pontif. fol. xvii. præter Orat. seq.

Oratio.

DEus, qui in corde beāti Andréæ confessoris tui, per árduum quotidie in virtútibus proficiéndi votum, admirábiles ad te ascensiónes disposuísti: concéde nobis, ipsíus méritis et intercessióne, ita ejúsdem grátiae partícipes fieri; ut perfectióra semper exequéntes, ad glóriæ tuæ fastígium feliciter perducámur. Per Dóminum nostrum.

Et fit commemorat. SS. Martyrum Tryphonis et sociorum, cum Orationibus, ut in sequenti Missa propria.

EADEM DIE.

SS. MART. TRYPHONIS, RESPICII, et NYMPHÆ VIRG.

Introitus. Ps. 33.



Lamavérunt justi, et Dóminus exaudivit eos: et ex ómnibus tribulatióibus eórum liberávit eos.

Psalm. ibid. Benedícam Dóminum in omni témpore: semper laus ejus in ore meo. V. Glória Patri.

Oratio.

FAc nos, quæsumus Dómine, sanctórum mártýrum tuórum Tryphónis, Respíci, et Nymphæ semper festa sectári: quorum suffrágiis protectiόnis tuæ dona sentiámus. Per Dóminum.

Léctio Epístolæ beāti Pauli Apóstoli ad Romános. Rom. 8. d

FRatres, Non sunt condígnæ passiόnes hujus témporis ad futúram glóriam, quæ revelábitur in nobis. Nam expectatiό creatúræ revelatiόnem filiόrum Dei expéctat. Vanitati enim creatúra subjécta est, non volens, sed propter eum, qui

subjécit eam in spe: quia et ipsa creatúra liberábitur à servitúte corruptiόnis in libertátem glóriæ filiόrum Dei. Scimus enim, quod omnis creatúra ingemíscit, et párturit usque adhuc. Non solum autem illa, sed et nos ipsi primitias spíritus habéntes: et ipsi intra nos gémimus, adoptiόnem filiόrum Dei expectántes, redemptiόnem córporis nostri.

Graduale. Psalm. 78. Víndica, Dómine, sánguinem sanctórum tuórum, qui effúsus est.

V. Posuérunt mortália servórum tuórum escas volatílibus cœli, carnes sanctórum tuórum béstiis terræ.

Allelúja, allelúja.

V. Psalm. 115. Pretiόsa in conspéctu Dómini mors sanctórum ejus. Allel.

Sequéntia sancti Evangélíi secúndum Lucam. Luc. 12.

IN illo témpore: Dixit Jesus discipulis suis: Atténdite à ferménto Pharisæórum, quod est hypócrisis. Nihil autem opértum est, quod non revelétur: neque abscónditum, quod non sciátur. Quóniam quæ in ténebris dixístis, in lúmine dicéntur: et quod in aurem locúti estis in cubiculis, prædicábitur in tectis. Dico autem vobis amícis meis: ne terreámini ab his, qui occídunt corpus, et post hæc non habent ámplius quid fácient. Osténdam autem vobis quem timeátis: timéte eum, qui postquam occiderit, habet potestátem mittere in gehénnam. Ita dico vobis, hunc timéte. Nónne quinque pásseres véneunt dipóndio, et unus ex illis non est in obliviόne coram Deo? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis quicúmque conféssus fúerit me coram homínibus, et Fílius hóminis confitébitur illum coram Angelis Dei.

Offertorium. Psalm. 31. Lætámini in Dómino, et exultáte justi: et gloriámini omnes recti corde.

Secreta.

MUnera tibi, Dómine, nostræ devotiónis offérimus: quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum nostrum.


Communio. Matth. 12. Quicumque fécerit volúntatem Patris mei, qui in cœlis est: ipse meus frater, et soror, et mater est, dicit Dóminus.

Postcommunio.

PRæsta nobis, quæsumus Dómine, intercedéntibus sanctis martyribus tuis Tryphóne, Respício, et Nympha: ut, quod ore contíngimus, pura mente capiámus. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus.

DIE XI.

S. MARTINI EPISC. ET CONF.



Introitus. Eccli. 45.

Tátuit ei Dóminus testaméntum pacis, et príncipem fecit eum: ut sit illi sacerdotii dignitas in ætérnum.

Psal. 131. Meménto, Dómine, David, et omnis mansuetúdinis ejus.

V. Glória Patri. Oratio.

DEus, qui cónspicis, quia ex nulla nostra virtúte subsístimus: concéde propítius; ut intercessióne beáti Martíni confessóris tui atque pontíficis, contra ómnia advérsa muníamur. Per Dóminum nostrum.

Pro S. Menna Martyre. Oratio.

PRæsta, quæsumus omnipotens Deus: ut qui beáti Mennæ mártiris tui natalítia cólimus, intercessióne ejus in tui nóminis amóre roborémur. Per Dóminum nostrum.

Léctio libri Sapiéntiæ. Eccli. 44. c

ECce sacerdos magnus, qui in diébus suis plácuít Deo, et invéntus est justus, et in témpore iracúndiæ factus est reconciliátio. Non est invéntus símilis illi, qui conservávit

legem Excélsi. Ideo jurejurándo fecit illum Dóminus créscere in plebem suam. Benedictiónem ómnium gén-tium dedit illi, et testaméntum suum confirmávit super caput ejus. Agnó-vit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi coronám glóriæ. Státuit illi testaméntum ætérnum: et dedit illi sacerdotium magnum, et beatificávit illum in glória. Fungi sacerdotio, et habére laudem in nómine ipsíus, et offérre illi incénsum dignum in odórem suavitátis.

Graduale. Eccl. 44. Ecce sacerdos magnus, qui in diébus suis plácuít Deo. **V.** Non est invéntus símilis illi, qui conserváret legem Excélsi.

Allelúja, allelúja.

V. Beátus vir sanctus Martinus, urbis Turónis Episcopus, requiévít: quem suscepérunt Angeli, atque Archángeli, Throni, Dominationes, et Virtútes. Alleluja.

Sequéntia sancti Evangélii secúndum Lucam. Lucæ 11. d

IN illo témpore: Dixit Jesus discí-pulis suis: Nemo lucérnam ac-céndit, et in abscóndito ponit, neque sub módio: sed supra candelábrum, ut qui ingrediúntur, lumen vídeant. Lucérna córporis tui, est óculus tuus. Si óculus tuus fúerit simplex, totum corpus tuum lúcidum erit; si autem nequam fúerit, étiam corpus tuum tenebrósum erit. Vide ergo, ne lumen, quod in te est, ténebræ sint. Si ergo corpus tuum totum lúcidum fúerit, non habens áliquam partem te-nebrárum, erit lúcidum totum, et sic-ut lucérna fulgóris illuminábit te.

Offertorium. Ps. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

DA, miséricors Deus: ut hæc salutáris oblátio, et à própriis nos reátibus indésinénter expédíat, et ab

Festa Novembris.

ómnibus tueátur advérsis. Per Dóminum nostrum.

¶ Si Festum Sancti Martini inciderit in Dominicam XXII. post Pentecosten, debet mutari Secreta Dominicæ, quia est eadem cum Secreta S. Martini, et sumi debet Secreta Dominicæ XXIII. sequentis, nempe, Pro nostræ servitutis. fol. 310.

Pro S. Menna Martyre. Secreta.

MUnéribus nostris, quæsumus Dómine, precibúsque susceptis: et cœlestibus nos munda mysteriis, et cleménter exáudi. Per Dóminum nostrum.

Communio. Matth. 24. Beátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum.

Postcommunio.

PRæsta, quæsumus Dómine Deus noster: ut quorum festivitáte votíva sunt sacraménta, eórum intercessióne salutária nobis reddántur. Per Dóminum nostrum.

Pro S. Menna Martyre.

Postcommunio.

DA, quæsumus Dómine Deus noster: ut sicut tuórum commemoratione sanctórum, temporáli gratulámur officio, ita perpétuo lætémur aspéctu. Per Dóminum.

EADEM DIE.


S. MENNÆ MARTYRIS.

Missa. Lætábitur. de Comm. fol. v. cum Orationibus ut supra.

DIE XII.

S. MARTINI PAPÆ et MART.

Introitus. Dan. 3.



Acerdótes Dei benedicite Dóminum: sancti et húmiles corde laudáte Deum.

Cant. ib. Benedícite ómnia ópera Dómini Dómino: laudáte, et superexaltáte eum in sæcula.

V. Glória Patri.

Oratio.

DEus, qui nos beáti Martini, mártiris tui atque pontíficis, ánnua solemnitáte lætíficas: concéde propítius; ut cujus natalítia cólimus, de ejúsdem étiam protectione gaudeámus. Per Dóminum nostrum.

Léctio Epístolæ beáti Petri Apóstoli.

1. Petr. 4.

CAríssimi, Communicántes Christi passióibus, gaudéte, ut et in revelatióne glóriæ ejus gaudeátis exsultántes. Si exprobrámini in nómine Christi, beáti éritis: quóniam quod est honóris, glóriæ, et virtútis Dei, et qui est ejus Spíritus, super vos requiéscit. Nemo autem vestrum patiátur ut homicída, aut fur, aut malédicus, aut alienórum appetítor. Si autem ut Christiánus, non erubéscat: gloríficet autem Deum in isto nómine. Quóniam tempus est, ut incípiat judícium à domo Dei. Si autem primum à nobis: quis finis eórum, qui non credunt Dei Evangélio? Et si justus vix salvábitur, impius et peccátor ubi parébunt? Itaque et hi, qui patiúntur secúndum voluntátem Dei, fidéli Creatóri comméndent ánimas suas in benefáctis.

Graduale. Ps. 8. Glória, et honóre coronásti eum.

V. Et constituísti eum super ópera mánuum tuárum, Dómine.

Allelúja, allelúja.

V. Hic est Sacérdos, quem coronávit Dóminus. Allelúja.



Sequentia sancti Evangélii secúndum Lucam. Lucæ 14. f

IN illo témpore: Dixit Jesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discípulus. Et qui non hájulat crucem suam, et venit post me, non potest meus esse discípulus. Quis enim ex vobis volens turrim ædificáre, non prius sedens

cómputat sumptus, qui necessarij sunt, si hábeat ad perficiéndum: ne, posteaquam posúerit fundaméntum, et non potúerit perfícere, omnes qui vident, incípiant illúdere ei, dicéntes: Quia hic homo cœpit ædificáre, et non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem míllibus occurrere ei, qui cum vigínti míllibus venit ad se? alióquin adhuc illo longe agénte, legatióne mittens, rogat ea, quæ pacis sunt. Sic ergo omnis ex vobis, qui non renúnciat ómnibus, quæ póssidet, non potest meus esse discipulus.

Offertorium. Ps. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

MUnera tibi, Dómine, dicáta sanctífica: et, intercedénte beáto Martíno, mártire tuo atque pontífice, per éadem nos placátus inténde. Per Dóminum nostrum.

Communio. Psal. 20. Posuísti, Dómine, in cápite ejus corónam de lapide pretiósó. **Postcommunio.**

HÆc nos commúnio, Dómine, purget à crimine: et intercedénte beáto Martíno, mártire tuo atque pontífice, cœléstis remédii fáciat esse consórtes. Per Dóminum.

DIE XIII.

S. DIDACI CONFESSORIS.

Missa. Justus ut palma. ut in Comuni Confess. non Pontif. fol. xviii. **præter Orationem sequentem.**

Oratio.

OMnípotens sempitérne Deus, qui dispositiône mirábili infirma mundi éligis, ut fórtia quæque confúndas: concéde propítius humilitáti nostræ; ut piis beáti Dídaci confessoris tui précibus, ad perénnem in cœlis glóriam sublimári mereámur. Per Dóminum.

DIE XV.

S. GERTRUDIS VIRGINIS.

Missa. Dilexisti. de Comuni Virg. fol. xxiii. **præter Orat. seq.**

Oratio.

DEus, qui in corde beátæ Gertrúdis vírginis jucúndam tibi mansiónem præparásti: ipsíus méritis et intercessiône cordis nostri máculas cleménter abstérge, et ejúsdem tribue gaudére consórtio. Per Dóminum nostrum.

DIE XVII.

SANCTI GREGORII THAUMATURGI

Episcopi et Confessoris.

Introitus. Eccli. 45.



Tátuit ei Dóminus testaméntum pacis, et príncipem fecit eum: ut sit illi sacerdótii dígnitas in ætérnum.

Psal. 131. Meménto, Dómine, David, et omnis mansuetúdinis ejus.

V. Glória Patri.

Oratio.

DA, quæsumus, omnípotens Deus: ut, beáti Gregórii, confessoris tui atque pontíficis, veneránda solémnitas, et devotióne nobis áugeat, et salútem. Per Dóminum nostrum Jesum Christum Fílium tuum.

Léctio libri Sapiéntiæ. Eccli. 44.

ECce sacerdos magnus, qui in díebus suis plácuit Deo, et invéntus est justus, et in témpore iracúndiæ factus est reconciliátió. Non est invéntus símilis illi, qui conservávit legem Excélsi. Ideo jurejurándo fecit illum Dóminus créscere in plebem suam. Benedictiόnem ómnium gén-tium dedit illi, et testaméntum suum confirmávit super caput ejus. Agnóvit eum in benedictiόnibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum: et

dedit illi sacerdótium magnum, et beatificávit illum in glória. Fungi sacerdótio, et habére laudem in nómine ipsíus, et offérre illi incénsum dignum in odórem suavitátis.

Graduale. Eccli. 44. Ecce sacerdos magnus, qui in diébus suis plácuit Deo. **V.** Non est invéntus símilis illi, qui conserváret legem Excélsi.

Allelúja, allelúja.

V. Psal. 109. Tu es sacerdos in ætérnum, secúndum órđinem Melchisedech. **Allelúja.**

Sequéntia sancti Evangélíi secúndum Marcum. Marci 11. c

IN illo témpore: Respóndens Jesus discíplis suis, ait illis: Habéte fidem Dei. Amen dico vobis, quia quicúmque díxerit huic monti: Tóllere, et mittere in mare, et non hæsitáverit in corde suo, sed crediderit, quia quodcúmque díxerit fiat, fiet ei. Proptérea dico vobis: Omnia quæcúmque orántes pétitis, créдите quia accipiétis, et evénient vobis.

Offertorium. Ps. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

Sancti tui, quæsumus Dómine, nos ubique lætificent: ut dum eórum mérita recólimus, patrocínia sentiámus. Per Dóminum nostrum Jesum Christum Fílium tuum.

Communio. Luc. 12. Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio.

Præsta, quæsumus omnipotens Deus: ut de percéptis munéribus grátias exhibéntes, intercedénte beáto Gregório, confessóre tuo atque pontífice, beneficia potióra sumámus. Per Dóminum nostrum Jesum Christum Fílium tuum.

DIE XVIII.

In Dedicatione Basilicarum SS. APOST. PETRI et PAULI.

Missa. Terribilis. de Comm. Dedicat. Eccles. fol. xxviii. Et dicitur Credo.

DIE XIX.

S. ELISABETH REGINÆ HUNGARIÆ VIDUÆ.

Missa. Cognóvi. de Communi nec Virginis, nec Martyris. fol. xxvi. præter Orationem sequentem.

Oratio.

Tuórum, corda fidélium, Deus, miserátor illústra: et beátæ Elisabeth précibus gloriósis fac nos próspera mundi despícere; et cœlesti semper consolatióne gaudére. Per Dóminum nostrum.

Pro commem. S. Pontiani Papæ et Martyris. Oratio.

Infirmitátem nostram respice, omnipotens Deus: et quia pondus propriæ actiόνis gravat, beáti Pontiani, mártiris tui atque pontíficis, intercessio gloriósa nos prótegit. Per Dóminum nostrum.

Pro S. Pontiano. Secreta.

Hostias tibi, Dómine, beáti Pontiani, mártiris tui atque pontíficis, dicátas méritis, benígnus assúme, et ad perpétuum nobis tribue proveníre subsidium. Per Dóminum nostrum Jesum Christum Fílium tuum.

Pro Sancto Pontiano.

Postcommunio.

Refécti participatióne múnieris sacri, quæsumus Dómine Deus noster: ut cujus exéquimur cultum, intercedénte beáto Pontiano, mártire tuo atque pontífice, sentiámus effectum. Per Dóminum nostrum Jesum Christum Fílium tuum.

DIE XX.

S. FELICIS DE VALOIS CONF.

Missa. Justus ut palma. de Comm. Confess. non Pontif. fol. xviii. præter Orationem sequentem.

Oratio.

DEus, qui beátum Felícem, confessorém tuum, ex erémo ad munus rediméndi captivos cœlitus vocáre dignátus es: præsta quæsumus; ut per grátiam tuam ex peccatorum nostrorum captivitatē, ejus intercessiōne, liberáti, ad cœlestem pátriam perducámur. Per Dóminum nostrum Jesum Christum Fílium tuum.

DIE XXI.

In Festo

PRÆSENTATIONIS B. M. V.

Introitus. Sedulus.



Alve, sancta Parens, eníxa puérpera Regem: qui cœlum terrámque regit, in sæcula sæculórum.

Ps. 44. Eructávit cor meum verbum bonum, dico ego ópera mea Regi. **V.** Glória Patri.

Oratio.

DEus, qui beátam Mariám semper vírginem, Spíritus sancti habitáculum, hodiérna die in templo præsentári voluísti: præsta quæsumus; ut ejus intercessiōne, in templo glóriæ tuæ præsentári mereámur. Per Dóminum. in unitáte ejúsdem Spíritus sancti Deus.

Lectio libri Sapiéntiæ. Eccli. 24.

AB initio, et ante sæcula creáta sum, et usque ad futúrum sæculum non désinam, et in habitatiōne sancta coram ipso ministrávi. Et sic in Sion firmáta sum, et in civitatē sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei hæréditas illíus, et in plenitúdine sanctórum deténtio mea.

Graduale. Benedícta, et venerábilis es, virgo María, quæ sine tactu pudóris invénta es mater Salvatóris.

V. Virgo Dei génitrix, quem totus non capit orbis, in tua se clausit viscera factus homo. **Allelúja, allelúja.**

V. Post partum Virgo invioláta permansísti: Dei génitrix intercède pro nobis. **Allelúja.**



Sequentia sancti Evangélíi secúndum Lucam. Luc. 11. d

IN illo témpore: Loquente Jesu ad turbas, extóllens vocem quædam múlíer de turba, dixit illi: Beátus venter, qui te portávit, et úbera, quæ suxísti. At ille dixit: Quinímo beati qui áudiunt verbum Dei, et custódiunt illud. **Credo.**

Offertorium. Luc. 1. Ave Mariá, grátia plena: Dóminus tecum: benedícta tu in muliéríbus, et benedíctus fructus ventris tui.

Secreta.

TUa, Dómine, propitiatiōne, et beátæ Mariæ semper vírginis intercessiōne, ad perpétuam atque præsentem hæc oblátio nobis proficiat prosperitatē et pacem. Per Dóminum nostrum.

Præfatio de B. Maria. Et te in Præsentatiōne. fol. 199. vel 218.

Communio. Beáta viscera Mariæ vírginis, quæ portavérunt ætérni Patris Fílium.

Postcommunio.

Sumptis, Dómine, salútis nostræ subsidiis: da, quæsumus, beátæ Mariæ semper vírginis patrocíniis nos ubíque prótegi, in cujus veneratiōne hæc tuæ obtúlimus majestáti. Per Dóminum.

DIE XXII.

S. CÆCILIAE VIRG. ET MART.

Introitus. Psal. 118.



Oquébar de testimoniis tuis in conspéctu regum, et non confundébar: et meditábar in mandátis tuis, quæ diléxi nimis.

Ps. ib. Beáti immaculáti in via, qui ámbulant in lege Dómini.

V. Glória Patri.

Festa Novembris.

Oratio.

DEus, qui nos ánnua beátæ Cæcíliae vírginis et mártýris tuæ solemnitáte lætíficas: da, ut quam venerámur offício, etiam piæ conversatiónis sequámur exémplo. Per Dóminum nostrum.

Léctio libri Sapiéntiæ. **Eccli. 51. b**

Domine Deus meus, exaltásti super terram habitatióem meam, et pro morte defluente deprecátus sum. Invocávi Dóminum Patrem Dómini mei, ut non derelinquat me in die tribulatiónis meæ, et in tēpore superbórum sine adjutório. Laudábo nomen tuum assidue, et collaudábo illud in confessiône, et exaudíta est orátio mea. Et liberásti me de perditione, et eripuísti me de tēpore iníquo. Propterea confitébor, et laudem dicam tibi, Dómine, Deus noster.

Graduale. Psal. 44. Audi, fília, et vide, et inclína aurem tuam: quia concupívit Rex spéciem tuam.

V. Spécie tua, et pulchritúdine tua inténde, prospere procéde, et regna.

Allelúja, allelúja.

V. Matth. 25. Quinque prudentes vírgines accepérunt óleum in vasis suis cum lampádibus: média autem nocte clamor factus est: ecce sponsus venit, exíte óbviám Christo Dómino. Allelúja.

Sequéntia sancti Evangélíi secúndum Matthæum. Matth. 25.

In illo tēpore: Dixit Jesus discipulis suis parábolam hanc: Símile erit regnum cœlórum decem virgínibus, quæ accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudentes, sed quinque fátuæ, accéptis lampádibus, non sumpsérunt óleum secum: prudentes vero accepérunt óleum in vasis suis cum lampádibus. Moram autem faciēte sponso, dormitavérunt omnes, et dormiérunt. Média autem nocte clamor factus est: ecce sponsus venit,

exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapientibus dixerunt: Date nobis de óleo vestro, quia lámpades nostræ extinguúntur. Respondérunt prudentes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est jánuá. Novíssime vero veniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigiláte itaque, quia nescitis diem, neque horam.

Offertorium. Psal. 44. Afferéntur Regi vírgines post eam: próximæ ejus afferéntur tibi in lætítia et exultatióne: adducéntur in templum Regi Dómino.

Secreta.

Hæc hóstia, Dómine, placatiónis et laudis, quæsumus, ut, intercedēte beáta Cæcília vírgine et mártýre tua, nos propitiatióne tua dignos semper effíciat. Per Dóminum nostrum.

Communio. Psal. 118. Confundántur superbi, quia injúste iniquitatem fecérunt in me: ego autem in mandátis tuis exercébor, in tuis justificatióibus, ut non confúndar.

Postcommunio.

Satiásti, Dómine, familiam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum nostrum.

DIE XXIII.

S. CLEMENTIS Papæ et Mart.

Introitus.

Ex Isaia 59. et 57.

Icit Dóminus: Sermónes mei, quos dedi in os tuum, non deficient de ore tuo: et múnera tua accépta erunt super altáre meum.

Festa Novembris.

Psal. 111. Beátus vir qui timet Dóminum: in mándatis ejus cupit nimis.

V. Glória Patri.

Oratio.

DEus, qui nos ánnua beáti Clementis mártiris tui atque pontíficis solemnitáte lætíficas: concéde propítius; ut cujus natalítia cólimus, virtútem quoque passiónis imitémur. Per Dóminum nostrum.

Pro commem. S. Felicitatis Mart.

Oratio.

PRæsta, quæsumus, omnípotens Deus: ut, beátæ Felicitátis mártiris tuæ solémnia recenséntes, méritis ipsíus protegámur, et précibus. Per Dóminum.

Léctio Epístolæ beáti Pauli Apóstoli ad Philippéenses.

Phil. 3. et 4.

FRatres, Imitatóres mei estóte, et observáte eos, qui ita ámbulant, sicut habétis formám nostram. Multi enim ámbulant, quos sæpe dicebam vobis (nunc autem et flens dico) inimicos crucis Christi, quorum finis intéritus, quorum Deus venter est: et glória in confusióne ipsórum, qui terréna sápiunt. Nostra autem conversátio in cœlis est: unde étiam Salvátorem expectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ, secundum operatióem, qua étiam possit subjícere sibi ómnia. Itaque, fratres mei caríssimi et desideratíssimi, gáudium meum, et coróna mea, sic state in Dómino caríssimi. Evódiam rogo, et Syntychen déprecor idípsum sápere in Dómino. Etiam rogo et te, germáne compar, ádjuva illas, quæ mecum laboravérunt in Evangélio cum Clemente, et céteris adjutóribus meis, quorum nómina sunt in libro vitæ.

Graduale. Ps. 109. Jurávit Dóminus, et non pœnitébit eum: tu es sacerdos in ætérnum secundum órđinem Melchisedech.

V. Dixit Dóminus Dómino meo: sede à dextris meis. **Allelúja, allelúja.**

V. Hic est sacerdos, quem coronávit Dóminus. **Allelúja.**

Sequéntia sancti Evangélíi secundum Matthæum. Matth. 24. d

IN illo témpore: Dixit Jesus discípulis suis: Vigiláte, quia nescítis qua hora Dóminus vester ventúrus sit. Illud autem scitóte, quóniam si sciret paterfamílias, qua hora fur ventúrus esset, vigiláret útique, et non síneret pérfodi domum suam. Ideo et vos estóte paráti, quia qua nescítis hora, Fílius hóminis ventúrus est. Quis, putas, est fidélis servus et prudens, quem constituit dóminus suus super famíliam suam, ut det illis cibum in témpore? Beátus ille servus, quem, cum vénerit dóminus ejus, invénerit sic faciéntem. Amen dico vobis, quóniam super ómnia bona sua constituet eum.

Offertorium. Ps. 88. Véritas mea, et misericórdia mea cum ipso, et in nómine meo exaltábitur cornu ejus.

Secreta.

MUnera tibi, Dómine, obláta sanctífica: et intercedénte beáto Clemente mártire tuo atque pontífice, per hæc nos à peccatórum nostrórum máculis emúnda. Per Dóminum nostrum.

Pro S. Felicitate Mart. Secreta.

VOta pópuli tui, Dómine, propitiátus inténde: et cujus nos tribuis solémnia celebráre, fac gaudére suffrágiis. Per Dóminum.

Communio. Matth. 24. Beátus servus, quem cum vénerit dóminus, invénerit vigilántem: Amen dico vobis, super ómnia bona sua constituet eum.

Postcommunio.

Corporis sacri, et pretiósí Sanguinis repléti libámine, quæsumus Dómine Deus noster: ut quod pia devotióne gérimus, intercedénte beáto Clemente mártire tuo atque pontífice, certa redemptiόne capiámus. Per Dóminum.

Festa Novembris.

Pro Sancta Felicitate Mart.

Postcommunio.

Supplices te rogāmus, omnípotens Deus, ut intercedéntibus sanctis tuis, et tua in nobis dona múltiples, et témpora nostra dispónas. Per Dóminum nostrum.

EADEM DIE.

S. FELICITATIS MARTYRIS.

Missa. Me expectavérunt. de Comuni fol. xxv. cum Orat. ut supra.

DIE XXIV.

S. JOANNIS A CRUCE CONF.

Introitus.

Psal. 36.



S justi meditábitur sapiéntiam, et lingua ejus loquétur judícium lex Dei ejus in corde ipsíus.

Ps. ibid. Noli æmulári in malignántibus: neque zeláveris faciéntes iniquitátem. **V.** Glória Patri.

Oratio.

Deus, qui sanctum Joánnem confessórem tuum perféctæ sui abnegatiónis, et Crucis amatórem exímium effecisti: concéde; ut ejus imitatióni júgiter inhæréntes, glóriam assequámur ætérrnam. Per Dóminum nostrum Jesum Christum Fílium tuum: Qui tecum vivit.

Et fit commemoratio S. Chrysogoni Martyris Oratio. Adesto Dómine. ut infra in Missa sequenti.

Lectio libri Sapiéntiæ. Eccli. 31.

Beátus vir, qui invéntus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábimus eum? Fecit enim mirabília in vita sua. Qui probátus est in illo, et perféctus est, erit illi glória ætérrna: qui pótuit tránsgrédi, et non est tránsgréssus: fácere mala, et non fecit. Ideo stabilita sunt bona illíus in Dómino, et eleemósynas illíus enarrábit omnis Ecclésia sanctórum.

Graduale Ps. 91. Justus ut palma florébit: sicut cedrus Líbani multiplicábitur in domo Dómini.

V. Ad annuntiándum mane misericórdiam tuam, et veritátem tuam per noctem. **Allelúja, allelúja.**

V. Jac. 1. Beátus vir, qui suffert tentatiónem: quóniam cum probátus fúerit, accípiet corónam vitæ. **Allel.**

Sequéntia sancti Evangélii secúndum Lucam. Luc. 12. e

In illo témpore: Dixit Jesus discí-pulis suis: Sint lumbi vestri præcincti, et lucérnæ ardéntes in má-nibus vestris: et vos símiles homínibus expectántibus dóminum suum, quan-do revertátur à núptiis: ut cum vé-nerit, et pulsáverit, conféstim apéri-ant ei. Beáti servi illi, quos cum vé-nerit dóminus, invénerit vigilántes: amen dico vobis, quod præcínget se, et fáciet illos discúmbere, et tránsiens ministrábit illis. Et si vénerit in se-cúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non sí-neret pérfodi domum suam. Et vos estóte paráti: quia qua hora non pu-tátis, Fílius hóminis véniet.

Offertorium. Ps. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

L Audis tibi, Dómine, hóstias im-molámus in tuórum commemo-ratióne sanctórum: quibus nos et præ-séntibus éxui malis confidimus, et futúris. **Per Dóminum.**

Pro S. Chrysogono. Secreta. Ob-látis. ut infra.

Communio. Matth. 24. Beátus ser-vus, quem cum vénerit dóminus, in-vénerit vigilántem: amen dico vobis, super ómnia bona sua constituet eum.

Postcommunio.

Refécti cibo potúque cœlésti, De-us noster, te súplices exorá-mus: ut, in cujus hæc commemora-

tióne percépimus, ejus muniámur et
précibus. Per Dóminum.


**Pro S. Chrysogono. Postcommu-
nio. Tui, Domine. ut infra.**

EADEM DIE.

S. CHRYSOGONI MARTYRIS.

Introitus.

Psal. 20.



IN virtúte tua, Dómine,
lætábitur justus: et su-
per salutáre tuum exul-
tábit vehementer: desi-
dérium ánimæ ejus tri-
buísti ei. **Psal. ibid.** Quóniam præ-
venísti eum in benedictiónibus dul-
cédinis: posuísti in cápite ejus coró-
nam de lápide pretiósó.

V. Glória Patri.

Oratio.

ADesto, Dómine, supplicatióni-
bus nostris: ut qui ex iniqui-
táte nostra reos nos esse cognósci-
mus, beáti Chrysógoni mártiris tui
intercessióne liberémur. Per Dómi-
num nostrum.

Lectio libri Sapientiae. Sap. 10. b

Justum dedúxit Dóminus per vi-
as rectas, et osténdit illi regnum
Dei, et dedit illi sciéntiam sanctórum:
honestávit illum in labóribus, et com-
plévit labóres illius. In fraude cir-
cumveniéntium illum áffuit illi, et
honéstum fecit illum. Custodívit il-
lum ab inimícis, et à seductóribus tu-
távit illum, et certámen forte dedit
illi ut vínceret, et sciret quóniam
ómnium poténtior est sapiéntia. Hæc
vénditum justum non derelíquit, sed
à peccatóribus liberávit eum: descen-
dítque cum illo in fóveam, et in vín-
culis non derelíquit illum, donec af-
férret illi sceptrum regni, et potén-
tiam advérsus eos, qui eum deprimé-
bant: et mendáces osténdit, qui ma-
culavérunt illum, et dedit illi claritá-
tem ætérrnam, Dóminus Deus noster.

Graduale. Ps. 111. Beátus vir, qui
timet Dóminum: in mandátis ejus cu-
pit nimis.

**V. Potens in terra erit semen ejus:
generátio rectórum benedicétur.**

Allelúja, allelúja.

V. Psal. 20. Posuísti Dómine super
caput ejus corónam de lápide pre-
tiósó. Allelúja.



**Sequentia sancti Evangelii se-
cúndum Matthæum. Matth. 10. d**

IN illo témpore: Dixit Jesus discí-
pulis suis: Nolíte arbitrári, quia
pacem vénerim mittere in terram:
non veni pacem mittere, sed gládium.
Veni enim separáre hóminem ad-
vérsus patrem suum, et fíliam advér-
sus matrem suam, et nurum advér-
sus socrum suam: et inimíci hóminis,
doméstici ejus. Qui amat patrem aut
matrem plus quam me, non est me
dignus. Et qui amat filium aut fíliam
super me, non est me dignus. Et qui
non áccipit crucem suam, et séquitur
me, non est me dignus. Qui invénit
ánimam suam, perdet illam: et qui
perdíderit ánimam suam propter me,
invéniet eam. Qui récipit vos, me ré-
cipit: et qui me récipit, récipit eum
qui me misit. Qui récipit prophétam
in nómine prophétæ, mercédem pro-
phétæ accípiet: et qui récipit justum
in nómine justi, mercédem justi accí-
piet. Et quicúmque potum déderit
uni ex mínimis istis cálicem aquæ
frígidae tantum in nómine discipuli:
amen dico vobis, non perdet mercé-
dem suam.

Offertorium. Psal. 8. Glória et ho-
nóre coronásti eum: et constituísti
eum super ópera mánuum tuárum,
Dómine.

Secreta.

OBlátis, quæsumus Dómine, pla-
cáre munéribus: et intercedén-
te beáto Chysógono mártire tuo, à
cunctis nos defénde perículis. Per
Dóminum nostrum.

Communio. Matth. 16. Qui vult ve-
nire post me, ábneget semetípsum:
et tollat crucem suam, et sequátur me.

Festa Novembris.

Postcommunio.

TUi, Dómine, perceptióne sacraménti, et à nostris mundémur occúltis, et ab hóstium liberémur insídiis. Per Dóminum nostrum.

DIE XXV.

S. CATHARINÆ VIRGINIS
et Martyris.

Introitus. Ps. 118.

Oquébar de testimoniis tuis in conspéctu regum, et non confundébar: et meditábar in mandátis tuis, quæ diléxi nimis.

Ps. ib. Beáti immaculáti in via: qui ámbulant in lege Dómini.

V. Glória Patri.

Oratio.

DEus, qui dedísti legem Móysi in summitáte montis Sínai, et in eódem loco, per sanctos Angelos tuos, corpus beátæ Catharinæ virginis et mártiris tuæ mirabiliter collocásti: præsta quæsumus; ut ejus méritis et intercessióne, ad montem, qui Christus est, pervenire valeámus. Qui tecum vivit.

Léctio libri Sapiéntiæ. Eccli. 51.

Confitébor tibi Dómine Rex, et collaudábo te Deum Salvatórem meum. Confitébor nómini tuo: quóniam adjutor et protéctor factus es mihi, et liberásti corpus meum à perditíone, à láqueo línguæ iníquæ, et à lábiis operántium mendácium, et in conspéctu astántium factus es mihi adjutor. Et liberásti me secúndum multitudinem misericórdiæ nóminis tui à rugiéntibus præparátis ad escam, de mánibus quæréntium ánimam meam, et de portis tribulatiónum quæ circumdedérunt me: à pressúra flammæ quæ circúmdedit me, et in médio ignis non sum æstuáta: de altitúdine ventris inferi, et à lingua coinquináta, et à verbo mendáci, à rege iníquo, et à lingua injústa: laudá-

bit usque ad mortem ánima mea Dóminum, quóniam éruis sustinéntes te, et liberas eos de mánibus géntium, Dómine Deus noster.

Graduale. Psal. 44. Dilexísti justitiam, et odísti iniquitátem.

V. Proptérea unxit te Deus, Deus tuus, óleo lætitiæ. Allelúja, allelúja.

V. Adducéntur Regi vírgines post eam: próximæ ejus afferéntur tibi in lætítia. Allelúja.

Sequéntia sancti Evangélii secúndum Matthæum. Matth. 25.

IN illo témpore: Dixit Jesus discipulis suis parábolam hanc: Símile erit regnum cœlórum decem virgínibus, quæ accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudentes: sed quinque fátuæ, accéptis lampádibus, non sumpsérunt óleum secum: prudentes vero accepérunt óleum in vasis suis cum lampádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt: Date nobis de óleo vestro, quia lámpades nostræ extingúntur. Respondérunt prudentes, dicéntes: Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et cláusa est jánuá. Novíssime vero véniunt et reliquæ vírgines, dicéntes: Dómine, Dómine áperi nobis. At ille respóndens, ait: Amen dico vobis, nescio vos. Vigilate itaque, quia nescitis diem, neque horam.

Offertorium. Psal. 44. Afferéntur Regi vírgines post eam: próximæ ejus afferéntur tibi in lætítia et exultatióne, adducéntur in templum Regi Dómino.

Festa Novembris.

Secreta.

Suscipe Dómine múnera, quæ in beátæ Catharínæ vírginis et mártiris tuæ solemnitáte deférimus: cujus nos confidimus patrocínio liberári. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus: per ómnia sæcula sæculórum. **R.** Amen.

Communio. Psal. 118. Confundántur supérbi, quia injúste iniquitátem fecérunt in me: ego autem in mandátis tuis exercébor, in tuis justificatióibus, ut non confúndar.

Postcommunio.

Auxiliéntur nobis Dómine, sumpta mystéria: et, intercedénte beáta Catharína vírgine et mártyre tua, sempitérna fácient protectióne gaudére. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus: per ómnia sæcula sæculórum. **R.** Amen.

DIE XXVI

S. PETRI ALEXANDRINI

Episcopi et Martyris.

Missa. Státuit. ut in Comuni unus Martyris Pontificis. fol. ii.



COMMUNE SANCTORUM.

IN
VIGILIA UNIUS APOSTOLI.

Introitus. Psalm. 51.



Go autem sicut oliva fructifera in domo Domini, speravi in misericordia Dei mei: et expectabo nomen tuum, quoniam bonum

est ante conspectum Sanctorum tuorum.

Psalm. ibid. Quid gloriaris in malitia: qui potens es in iniquitate?

V. Gloria Patri. Oratio.

DA quaesumus omnipotens Deus: ut beati N. Apostoli tui, quam praevenimus, veneranda sollemnitas, et devotionem nobis augeat, et salutem. Per Dominum.

Lectio libri Sapientiae.

Eccli. 44 et 45.

Benedictio Domini super caput iusti. Ideo dedit illi Dominus haereditatem, et divisit illi partem in tribubus duodecim: et invenit gratiam in conspectu omnis carnis. Et magnificavit eum in timore inimicorum, et in verbis suis monstravit placavit. Glorificavit illum in conspectu regum, et iussit illi coram populo suo, et ostendit illi gloriam suam. In fide, et lenitate ipsius sanctum fecit illum, et elegit eum ex omni carne. Et dedit illi coram praeccepta, et legem vitae, et disciplinae: et excelsus fecit illum. Statuit ei testamen-

tum aeternum, et circumcinxit eum zona iustitiae: et induit eum Dominus coronam gloriae.

Graduale. Psalm. 91. Justus ut palma florebit: sicut cedrus Libani multiplicabitur in domo Domini.

V. Ad annuntiandum manere misericordiam tuam, et veritatem tuam per noctem.

Sequentia sancti Evangelii secundum Joannem. Joan. 15. b.

IN illo tempore: dixit Jesus Discipulis suis: Hoc est praecceptum meum, ut diligatis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici mei estis, si feceritis, quae ego praecipio vobis. Jam non dicam vos servos, quia servus nescit, quid faciat dominus ejus. Vos autem dixi amicos: quia omnia, quaecumque audivi a Patre meo, nota feci vobis. Non vos me elegistis: sed ego eleghi vos, et posui vos, ut eatis, et fructum afferatis; et fructus vester maneat: ut quodcumque petieritis Patrem in nomine meo, det vobis.

Offertorium. Psalm. 8. Gloria, et honore coronasti eum: et constituisti eum super opera manuum tuarum, Domine. Secreta.

Apostolici reverentia culminis offerentes tibi sacra mysteria, Domine, quaesumus: ut beati N. Apostoli tui suffragiis, cujus natalitia praevenimus, plebs tua semper et sua vota deprorat, et desiderata percipiat. Per Dominum.

Communio. Psalm. 20. Magna est gloria ejus in salutari tuo: gloriam, et magnum decorem impones super eum, Domine.

Postcommunio.

Sancti Apostoli tui N. quaesumus Domine, supplicatione placatus,

et véniam nobis tríbue, et remédia sempitérna concéde. **Per Dóminum.**

§ **In festis Apostolorum, et Evangelistarum, omnia ut suis locis in Proprio Sanctorum.**

COMMUNE UNIUS MARTYRIS PONTIFICIS.

Introitus.

Ecceli. 45.



Tátuit ei Dóminus testaméntum pacis, et Príncipem fecit eum: ut sit illi Sacerdotii dignitas in aetérnum.

Psal. 131.

Meménto

Dómine David, et omnis mansuetúdinis ejus.

V. Glória Patri.

Oratio.

Infirmítatem nostram réspice omnipotens Deus: et quia pondus propriæ actiónis gravat, beáti **N. Márt**yris tui atque Pontíficis intercéssio gloriósa nos próteget. **Per Dóminum.**

Léctio Epístolæ beáti Jacóbi Apóstoli.

Jacob. 1. b.

Caríssimi; Beátus vir, qui suffert tentationem; quóniam cum probátus fúerit, accípiet corónam vitæ, quam repromísit Deus diligéntibus se. Nemo cùm tentátur, dicat, quóniam à Deo tentátur: Deus enim intentátor malórum est: ipse autem néminem tentat. Unusquisque verò tentátur à concupiscéntia sua abstráctus, et illéctus. Deínde concupiscéntia cùm concéperit, parit peccátum: peccátum verò cùm consummátum fúerit, génerat mortem. Nolíte itaque erráre, fratres mei dilectíssimi. Omne datum óptimum, et omne donum perféctum desúrsùm est, descéndens à Patre lúminum, apud quem non est transmutátio, nec vicissitúdinis obumbrátio. Voluntáriè enim génuít nos verbo veritátis, ut simus inítium áliquod creatúrae ejus.

Graduale. Psal. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

V. Nihil proficiet inimícus in eo, et filius iniquitátis non nocébit ei.

Allelúja, allelúja.

V. Psalm. 109. Tu es Sacérdos in aetérnum, secúndum órđinem Melchisedech. **Allelúja.**

Post Septuagesimam, omissis Allel. et Versu seq. dicitur Tract. Psalm. 20.

Desidérium ánimæ ejus tribuísti ei: et voluntáte labiórū ejus non fraudásti eum.

V. Quóniam praevenísti eum in benedictiónibus dulcédinis.

V. Posuísti in cápite ejus corónam de lápide pretióso.

Sequéntia S. Evangélii secúndum Lucam. Luc. 14. f.

In illo témpore: Dixit Jesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse Discípulus. Et qui non bájulat crucem suam, et venit post me, non potest meus esse Discípulus. Quis enim ex vobis volens turrim aedificáre, non priùs sedens cómputat sumptus, qui necessarij sunt, si hábeat ad perficiéndum; ne, posteaquàm posúerit fundaméntum, et non potúerit perficere, omnes, qui vident, incípiant illúdere ei, dicéntes: Quia hic homo cœpit ædificáre, et non pótuit consummáre? Aut quis Rex itúrus committere bellum advérsus álium Regem, non sedens priùs cógitat, si possit cum decem millibus occúrrere ei, qui cum vigínti millibus venit ad se? alióquin, adhuc illo longè agente, legationem mittens, rogat ea, quæ pacis sunt. Sic ergo omnis ex vobis, qui non renúnciat ómnibus, quæ póssidet, non potest meus esse Discípulus.

Offertorium. Psalm. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

Hostias tibi, Dómine, beáti **N. Márt**yris tui, atque Pontíficis dicátas méritis, benígnus assúme: et

ad perpétuum nobis tribue provenire subsidium. Per Dóminum nostrum.
Communio. ibid. Semel jurávi in sancto meo: semen ejus in aetérnum manébit: et sedes ejus sicut sol in conspectu meo, et sicut luna perfectá in aetérnum, et testis in cœlo fidélis.

Postcommunio.

Refécti participatióne múnieris sacri, quaesumus Dómine Deus noster; ut, cujus exequimur cultum, intercedente beáto **N. Mártire** tuo, atque Pontífice, sentiámus effectum. Per Dóminum nostrum.

DE EODEM COMMUNI.

Alia Missa.

Introitus. Daniel. 3.



Acerdótes Dei benedicite Dóminum: Sancti, et húmiles corde laudáte Deum.

Psalm. ibid. Benedícite ómnia ópera Dómini Dómino: laudáte, et superexaltáte eum in saécula.

V. Glória Patri. Oratio.

Deus, qui nos beáti **N. Mártiris** tui, atque Pontíficis, ánnua solemnitate laetificas: concéde propítius; ut, cujus natalítia cólimus, de ejúsdem étiam protectióne gaudeámus. Per Dóminum.

Léctio Epístolæ beáti Pauli Apóstoli ad Corínthios. 2. Cor. 1.

Fratres: Benedictus Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra: ut possimus et ipsi consolári eos, qui in omni pressúra sunt, per exhortatióem, qua exhortámur et ipsi à Deo. Quóniam sicut abúndant passióes Christi in nobis: ita et per Christum abúndat consolátio nostra. Sive autem tribulámur pro vestra exhortatióne et salúte, sive consolámur pro vestra consolatióne, sive exhortámur pro vestra exhortatióne et salúte, quae operátur tolerán-

tiam earúndem passiónum, quas et nos pátimur: ut spes nostra firma sit pro vobis; sciéntes, quod, sicut sócii passiónum estis, sic éritis et consolatiónis: in Christo Jesu Dómino nostro.

Graduale. Psal. 8. Glória, et honóre coronásti eum.

V. Et constituísti eum super ópera mánuum tuárum, Dómine.

Allelúja, allelúja.

V. Hic est Sacérdos, quem coronávit Dóminus. **Allelúja.**

Post Septuagesimam, omissis Allel. et Versu seq. dicitur Tract. Psal. 111.

Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generatió rectórum benedicétur.

V. Glória, et divítiae in domo ejus, et justítia ejus manet in saéculum saeculi.

Sequéntia S. Evangélíi secúndum Matthæum. Matth. 16. d.

In illo témpore: Dixit Jesus discipulis suis: Si quis vult post me venire, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam. Qui autem perdidit ánimam suam propter me, invéniet eam. Quid enim prodest hómini, si mundum univérsum lucrétur, ánimae verò suae detriméntum patiátur? Aut quam dabit homo commutatió-nem pro ánima sua? Fílius enim hóminis ventúrus est in glória Patris sui cum Angelis suis: et tunc reddet unicuique secúndum ópera ejus.

Offertorium. Psal. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

Munera tibi, Dómine, dicáta sanctífica: et, intercedente beáto **N. Mártire** tuo, atque Pontífice, per eadem nos placátus inténde. Per Dóminum nostrum.

Communio. Psalm. 20. Posuísti Dómine in cápíte ejus corónam de lápide pretióso.

Postcommunio.

Hæc nos Commúnio, Dómine, purget à crimine: et, intercedente beáto Mártire tuo, atque Pontífice, cœlestis remédii fáciat esse consórtes. Per Dóminum.

§ **Epistolæ, et Evangelia pro Pontífice, et Mártire assignata, legi possunt etiam pro Mártire non Pontífice: et quæ infra de Mártire non Pontífice habentur, etiam pro Mártire Pontífice. Et similiter, quæ in una Missa de eodem Communi ponuntur, dici possunt in aliis Missis de eodem Communi.**

COMMUNE UNIUS MARTYRIS non Pontificis.

Introitus.

Psal. 20.

IN virtúte tua, Dómine, lætábitur justus: et super salutáre tuum exultábit veheménter: desidérium animæ ejus tribuisti ei.

Psal. ibid. Q

uóniam prævenísti eum in benedictionibus dulcédinis: posuísti in cápite ejus corónam de lápide pretióso.

V. Glória Patri etc.

Oratio.

PRæsta, quæsumus omnipotens Deus: ut, qui beáti Mártiris tui natalítia cólimus, intercessióne ejus in tui nóminis amóre roborémur. Per Dóminum etc.

Lectio libri Sapiéntiæ.

Sap. 10. b.

Justum deduxit Dóminus per vias rectas, et osténdit illi regnum Dei, et dedit illi sciéntiam sanctórum: honestávit illum in labóribus, et complévit labóres illius. In fraude circumveniéntium illum áffuit illi: et honestum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret, et sciret, quóniam ómnium poténtior est sapiéntia. Hæc vénditum justum non derelíquit, sed a peccatóribus liberávit eum, descendítque cum illo in fóveam, et in vínculis non derelíquit illum, donec afférret illi scep-

trum regni, et poténtiam advérsus eos, qui eum deprimébant: et mendáces osténdit, qui maculavérunt illum: et dedit illi claritátem ætérnam, Dóminus Deus noster.

Graduale. Ps. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generátio rectórum benedicétur.

Allelúja, allelúja.

V. Ps. 20. Posuísti Dómine super caput ejus corónam de lápide pretióso. Allelúja.

Post Septuagesimam, omissis Allelúja, et Versu sequenti, dicitur Tractus. ibid. Desidérium animæ ejus tribuísti ei: et voluntáte labiórum ejus non fraudásti eum.

V. Quóniam prævenísti eum in benedictionibus dulcédinis.

V. Posaísti in cápite ejus corónam de lápide pretióso.

Sequéntia sancti Evangélíi secúndum Matthæum. Matth. 10. d.

IN illo témpore: dixit Jesus discipulis suis: Nolíte arbitrári, quia pacem vénerim mittere in terram: non veni pacem mittere, sed gládium. Veni enim separáre hóminem advérsus patrem suum, et filiam advérsus matrem suam, et nulum advérsus socrum suam: et inimíci hóminis, doméstici ejus. Qui amat patrem, aut matrem plus quàm me, non est me dignus. Et qui amat filium, aut filiam super me, non est me dignus. Et qui non áccipit crucem suam, et séquitur me, non est me dignus. Qui invénit ánimam suam, perdet illam; et qui perdíderit ánimam suam propter me, invéniet eam. Qui récipit vos, me récipit: Et qui me récipit, récipit eum, qui me misit. Qui récipit Prophétam in nómine Prophétæ, mercédem Prophétæ accípiet: et qui récipit justum in nómine justi, mercédem justi accípiet. Et quicumque potum déderit uni ex mínimis istis cálicem aquæ frígidae

tantum in nómine discipuli: amen dico vobis, non perdet mercédem suam.

Offertorium. Psal. 8. Glória, et honóre coronásti eum: et constituísti eum super ópera mánuum tuárum, Dómine.

Secreta.

MUnéribus nostris, quæsumus Dómine, precibúsq; susceptis: et coeléstibus nos munda mystériis, et cleménter exáudi. Per Dóminum.

Communio. Matth. 16. Qui vult veníre post me, ábneget semetípsum, et tollat crucem suam, et sequátur me.

Postcommunio.

DA, quæsumus Dómine, Deus noster: ut, sicut tuórum commemoratióne Sanctórum, temporáli gratulámur officio, ita perpétuo lætémur aspéctu. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus: per ómnia sæcula sæculórum.

DE EODEM COMMUNI

Alia Missa.

Introitus.

Psal. 63.

Et ábitur justus in Dómino, et sperábit in eo: et laudabúntur omnes recti corde.

Psal. ibid. Exáudi Deus oratióem meam, cum deprecor: à timóre inimíci éripe ánimam meam.

V. Glória Patri.

Oratio.

PRæsta, quæsumus, omnipotens Deus: ut, intercedénte beáto N. Mártire tuo, et à cunctis adversitátibus liberémur in córpore, et à pravis cogitatióibus mundémur in mente. Per Dominum etc.

Léctio Epístolæ beáti Pauli Apóstoli ad Timótheum.

2. Tim. 2. et 3.

CArissime: Memor esto Dóminum Jesum Christum resurrexisse à mórtuis ex sémine David, secúndum Evangélium meum, in quo labóro usque ad víncula, quasi malè óperans:

sed verbum Dei non est alligátum. Ideò ómnia sustíneo propter eléctos, ut et ipsi salútem consequántur, quæ est in Christo Jesu, cum glória coelésti. Tu autem assecútus es meam doctrinam, institutióem, propósitum, fidem, longanimitátem, dilectiόem, paciéntiam, persecutiόes, passiόes: quália mihi facta sunt Antiochiæ, Iconii, et Lystri: quales persecutiόnes sustínui, et ex ómnibus eripuit me Dóminus. Et omnes, qui piè volunt vívere in Christo Jesu, persecutiόnem paciéntur.

Graduale. Ps. 36. Justus cùm ceciderit, non collidétur: quia Dóminus supponit manum suam.

V. Tota die miserétur, et cómmodat: et semen ejus in benedictiόe erit.

Allelúja, allelúja.

V. Joan. 8. Qui séquitur me, non ámbulat in ténebris; sed habébit lumen vitæ æternæ. **Allelúja.**

Post Septuagesimam, omissis Allelúja, et versu sequenti, dicitur Tractus.

Psal. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generatió rectórum benedicétur.

V. Glória, et divítiæ in domo ejus: et justítia ejus manet in sæculum sæculi.

Sequéntia sancti Evangélii secúndum Matthæum. Matth. 10. c.

IN illo témpore: Dixit Jesus discipulis suis: Nihil est opértum, quod non revelábitur; et occúltum, quod non sciétur. Quod dico vobis in ténebris, dicite in lúmine: et quod in aure auditis, prædicáte super tecta. Et nolíte timére eos, qui occídunt corpus, ánimam autem non possunt occídere: sed pótius timéte eum, qui potest et ánimam, et corpus pérdere in gehénam. Nónne duo pásseres asse vaéneunt: et unus ex illis non cadet super terram sine Patre vestro? Vestri autem capílli cápitis omnes numeráti sunt. Nolíte ergo timére: multis pásseribus meliόres estis vos. Omnis er-

go, qui confitebitur me coram hominibus, confitebor et ego eum coram Patre meo, qui in caelis est.

Offertorium. Psal. 20. Posuisti Domine in capite ejus coronam de lapide pretioso: vitam petiit à te, et tribuisti ei, allelúja.

Secreta.

Accépta sit in conspectu tuo, Domine, nostra devotio: et ejus nobis fiat supplicatione salutáris, pro cujus solemnitate defertur. Per Dóminum.

Communio. Joan. 12. Qui mihi ministrat, me sequatur: et ubi sum ego, illic et minister meus erit.

Postcommunio.

Refecti participatione muneris sacri, quæsumus, Domine Deus noster: ut, cujus exequimur cultum, intercedente beato **N.** Mártire tuo, sentiamus effectum. Per Dóminum.

§ **Item aliæ Epistolæ, et Evangelium in Communi unius Martyris.**

Lectio Epistolæ beati Jacobi Apóstoli. Jac. 1.

Carissimi, Omne gáudium existimate, cum in tentationes varias incidéritis: scientes, quod probatio fidei vestræ patientiam operatur. Patientia autem opus perfectum habet: ut sitis perfecti, et integri, in nullo deficientes. Si quis autem vestrum indiget sapientia, postulet à Deo, qui dat omnibus affluenter, et non impropérat: et dabitur ei. Postulet autem in fide, nihil haesitans: qui enim haesitat, similis est fluctui maris, qui à vento movetur, et circumfertur. Non ergo aestimet homo ille, quod accipiat aliquid à Dómino. Vir duplex ánimo, incónstans est in omnibus viis suis. Gloriétur autem frater húmilis in exaltatione sua, dives autem in humilitate sua; quóniam sicut flos fœni transibit: exortus est enim sol cum ardóre, et arefecit fœnum, et flos ejus decidit, et decor vultus ejus depériit; ita et dives in itineribus suis marcéscet. Beátus vir, qui suffert

tentationem: quóniam cum probátus fuerit, accipiet coronam vitæ, quam repromisit Deus diligentibus se.

Epistola. Communicantes Christi passionibus, **habetur in festo SS. Gervasii et Protasii Mm. die xix Junii.**

Evangelium. Nisi granum frumenti, **habetur in festo sancti Laurentii die x. Augusti.**

COMMUNE MARTYRUM

tempore Paschali.

De uno Martyre.

Introitus. Psal. 63.



Protextisti me Deus à convéntu malignantium, allelúja: à multitudíne operantium iniquitatem, allelúja, allelúja.

Psal. ibid. Exáudi Deus orationem meam, cum deprecor: à timóre inimici éripe ánimam meam. **V. Glória Patri.**

Pro Martyre, et Pontifice. Oratio.

Infirmitatem nostram respice, omnipotens Deus: et quia pondus propriæ actionis gravat, beati **N.** Mártiris tui, atque Pontíficis intercessio gloriósa nos protégat. Per Dóminum.

Pro Martyre, et Pontifice, alia Oratio.

Deus, qui nos beati **N.** Mártiris tui atque Pontíficis ánnua solemnitate lætificas: concéde propítius; ut cujus natalítia cólimus, de ejúsdem étiam protectione gaudeámus. Per Dóminum.

Pro Martyre tantum, Oratio.

Præsta, quæsumus, omnipotens Deus: ut qui beati **N.** Mártiris tui natalítia cólimus, intercessióne ejus in tui nóminis amore roborémur. Per Dóminum.

Pro Martyre tantum, alia Oratio.

Præsta, quæsumus, omnipotens Deus: ut, intercedente beato **N.** Mártire tuo, et à cunctis adversitatibus liberémur in corpore, et à pravis cogitationibus mundémur in mente. Per Dóminum.

Lectio libri Sapientiae.

Sap. 5.

Stabunt iusti in magna constantia adversus eos, qui se angustaverunt, et qui abstulerunt labores eorum. Videntes turbabuntur timore horribili, et mirabuntur in subitatione insperatae salutis, dicentes intra se, poenitentiam agentes, et prae angustia spiritus gementes: Hi sunt, quos habuimus aliquando in derisum, et in similitudinem improperii. Nos insensati vitam illorum aestimabamus insaniam, et finem illorum sine honore: ecce quomodo computati sunt inter filios Dei, et inter sanctos sors illorum est.

Vel Epistola B. Pauli Apostoli ad Timotheum. Memor esto. ut supra in Communi unius Martyris extra tempus Paschale. fol. v.

Allelúja, allelúja.

V. Psal. 88. Confitebuntur caeli mirabilia tua, Dómine: etenim veritatem tuam in Ecclesia sanctorum. Allelúja.

V. Psal. 20. Posuisti Dómine super caput ejus coronam de lapide pretioso. Allelúja.

Sequentia sancti Evangelii secundum Joannem. Joan. 15.

In illo tempore: Dixit Jesus Discipulis suis: Ego sum vitis vera, et Pater meus agricola est. Omnem palmitem in me non ferentem fructum, tollet eum; et omnem, qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me, et ego in vobis. Sicut palmes non potest ferre fructum a semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, et ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, et aríscet, et colligent eum, et in ignem mittent, et ardet. Si manseritis in me, et verba mea in vobis manserint: quodcúmque volueritis, petetis, et fiet vobis.

Offertorium. Ps. 88. Confitebuntur caeli mirabilia tua Dómine: et veritatem tuam in Ecclesia sanctorum, allelúja, allelúja.

Pro Martyre, et Pontifice, Secreta.

Hostias tibi, Dómine, beati **N.** Martyris tui, atque Pontificis dicatas méritis, benígnus assúme: et ad perpétuum nobis tribue provenire subsidium. Per Dóminum.

Pro Martyre, et Pontifice, alia Secreta.

Munera tibi, Dómine, dicata sanctifica: et, intercedente beato **N.** Martyre tuo, atque Pontifice, per eadem nos placatus inténde. Per Dóminum.

Pro Martyre tantum, Secreta.

Muneribus nostris, quæsumus Dómine, precibusque susceptis: et clementer exáudi. Per Dóminum.

Pro Martyre tantum, alia Secreta.

Accepta sit in conspectu tuo, Dómine, nostra devotio: et ejus nobis fiat supplicatione salutáris, pro cuius solemnitate defertur. Per Dóminum nostrum.

Communio. Ps. 63. Laetabitur iustus in Dómino, et sperabit in eo: et laudabuntur omnes recti corde, allelúja, allelúja.

Pro Martyre et Pontifice.

Postcommunio.

Refecti participatione muneris sacri, quæsumus Dómine Deus noster: ut, cuius exequimur cultum, intercedente beato **N.** Martyre tuo, atque Pontifice, sentiámus effectum. Per Dóminum.

Pro Martyre et Pontifice, alia Postcommunio.

Hæc nos commúnio, Dómine, purget à crimine: et intercedente beato **N.** Martyre tuo, atque Pontifice, cœlestis remédii fáciat esse consórtes. Per Dóminum.

Pro Martyre tantum. Postcommunio.

Da quæsumus Dómine Deus noster: ut, sicut tuorum commemo-

ratione Sanctorum, temporali gratulamur officio; ita perpetuo laetemur aspectu. Per Dominum.

Pro Martyre tantum, alia Post-communio.

Refecti participatione muneris sacri, quaesumus, Domine Deus noster: ut, cujus exequimur cultum, intercedente beato **N. Martyre** tuo, sentiamus effectum. Per Dominum.

§ Epistola, et Evangelium supradictae Missae dicuntur etiam in sequenti Missa: et quae in sequenti habentur, dici possunt in superiori.

DE
PLURIBUS MARTYRIBUS
tempore Paschali.

Introitus.

Psal. 144.



Sancti tui, Domine, benedicent te: gloriam regni tui dicent, allelúja, allelúja.

Psal. ibid. Exaltabo te Deus meus Rex: et benedicam nomini tuo in saeculum, et in saeculum saeculi.

V. Glória Patri.

Pro pluribus Martyribus Pontific. Oratio.

Beatórum Mátyrum, paritérque Pontíficum **N. et N.** nos, quaesumus, Domine, festa tueantur: et eórum commendet oratio veneranda. Per Dominum nostrum.

Pro pluribus Martyribus tantum. Oratio.

Deus, qui nos concedis sanctorum Mátyrum tuorum **N. et N.** natalitia colere: da nobis in aeterna beatitudine de eorum societate gaudere. Per Dominum.

Pro pluribus Martyrib. Alia Oratio.

Deus, qui nos annua sanctorum Mátyrum tuorum **N. et N.** solemnitate laetificas: concede propitius; ut, quorum gaudemus méritis, accendámur exémpis. Per Dominum nostrum.

Lectio Epistolae beati Petri Apostoli.

1. Petr. 1.

Benedictus Deus, et Pater Domini nostri Jesu Christi, qui secundum misericordiam suam magnam regeneravit nos in spem vivam, per resurrectionem Jesu Christi ex mortuis, in hereditatem incorruptibilem, et incontaminatam, et immarcescibilem, conservatam in caelis in vobis, qui in virtute Dei custodimini per fidem in salutem, paratam revelari in tempore novissimo. In quo exultabitis, modicum nunc si oportet contristari in variis tentationibus: ut probatio vestrae fidei multo pretiosior auro (quod per ignem probatur) inveniatur in laudem, et gloriam, et honorem, in revelatione Jesu Christi Domini nostri.

Allelúja, allelúja.

V. Sancti tui Domine, florébunt sicut lílium, et sicut odor bálsami erunt ante te. Allelúja.

V. Psal. 115. Pretiosa in conspectu Domini, mors sanctorum ejus. **Allel.**

Sequentia sancti Evangelii secundum Joannem. Joan. 15.

In illo tempore: Dixit Jesus discipulis suis: Ego sum vitis, vos palmites: qui manet in me, et ego in eo, hic fert fructum multum: quia sine me nihil potestis facere. Si quis in me non manserit: mittetur foras sicut palmes, et aréscet, et colligent eum, et in ignem mittent, et ardet. Si manseritis in me, et verba mea in vobis manserint: quodcúmque volueritis, petetis, et fiet vobis. In hoc clarificatus est Pater meus, ut fructum plurimum afferatis, et efficiámini mei discipuli. Sicut dilexit me Pater, et ego dilexi vos. Manete in dilectione mea. Si praecepta mea servaveritis, manebitis in dilectione mea, sicut et ego Patris mei praecepta servavi, et maneo in ejus dilectione. Hæc locutus sum vobis, ut gaudium meum in vobis sit, et gaudium vestrum impleatur.

Offertorium. Psal. 31. Lætámini in Dómino, et exultáte justi: et gloriámini omnes recti corde, allelúja, allelúja.

Pro pluribus Martyribus Pontific. Secreta.

A Désto Dómine, supplicatióibus nostris, quas in Sanctórum tuórum commemoratióne deférimus: ut qui nostræ justítiæ fidúciám non habémus, eórum, qui tibi placuérunt, méritis adjuvémur. Per Dóminum.

Pro pluribus Martyribus tantum, Secreta.

M Unera tibi, Dómine, nostræ devotiónis offérimus: quæ et pro tuórum tibi grata sint honóre justórum, et nobis salutária, te miseránte reddántur. Per Dóminum.

Pro pluribus Martyribus, alia Secreta.

O Blátis, quæsumus Dómine, placáre munéribus: et intercedéntibus sanctis Martyribus tuis **N. et N.** à cunctis nos defénde periculis. Per Dóminum.

Communio. Psal. 32. Gaudéte justi in Dómino, allelúja: rectos decet colaudátio, allelúja.

Pro pluribus Martyribus Pontific. Postcommunio.

Q uæsumus, Dómine, salutáribus repléti mystériis: ut, quorum solémnia celebrámus, eórum oratióibus adjuvémur. Per Dóminum.

Pro pluribus Martyribus tantum, Postcommunio.

P Ræsta nobis, quæsumus Dómine, intercedéntibus sanctis Martyribus tuis **N. et N.** ut, quod ore contígimus, pura mente capiámus. Per Dóminum.

Pro pluribus Martyribus, alia Postcommunio.

H Æc nos commúnio, Dómine, purget à crimine: et intercedéntibus sanctis Martyribus tuis **N. et N.** coelésti remédii fáciat esse consórtes. Per Dóminum.

§ In Communi Martyrum tempore Paschali, alia Epistola, et Evangelium.

Epistola. Post hæc ego Joánnes, habetur in festo **SS. Soteris et Caji Pontificum et Martyrum, xxii. April.**

Evangelium. Amen, amen dico vobis, quia plorábitis, habetur in festo **S. Aniceti Papæ et Martyris, xvii. Aprilis.**

In Communi Confessorum, et Virginum, et in aliis Missis tempore Paschali, omnia dicuntur ut infra, addito in Introitu ante Psalm. duplici Allelúja, et in fine Offertorii, et Comuniónis uno Allelúja, ubi non habetur: et omissio Graduali, dicuntur duo Versus cum quatuor Allelúja, ut suis locis ponitur.

COMMUNE PLURIMORUM Martyrum extra tempus Paschale. Introitus. Psal. 78.

I ntret in conspéctu tuo, Dómine, gémitus compeditórum: redde vicinis nostris séptuplum in sinu eórum: vándica sánguinem Sanctórum tuórum, qui effúsus est.

Psal. ib. Deus, venérunt Gentes in hæreditátem tuam, polluérent templum sanctum tuum: posuérunt Jerúsalem in pomórum custódiam.

V. Glória Patri.

Pro pluribus Martyribus Pontific. Oratio.

B Eatórum Mártyrum, paritérque Pontíficum **N. et N.** nos, quæsumus Dómine, festa tueántur: et eórum comméndet orátio veneránda. Per Dóminum.

Si non fuerint Pontifices, dicitur Oratio ut in sequenti Missa.

Léctio libri Sapiéntiæ. Sap. 3.

J ustórum ánimæ in manu Dei sunt, et non tanget illos torméntum mortis. Visi sunt óculis insipiéntium mori: et æstimáta est afflíctio éxitus illórum, et quod à nobis est iter, exterminium:

illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis bene disponuntur: quoniam Deus tentavit eos, et invenit illos dignos se. Tamquam aurum in fornace probavit illos, et quasi holocausti hostiam accepit illos, et in tempore erit respectus illorum. Fulgebunt iusti, et tamquam scintillae in arundine discurrent. Judicabunt nationes, et dominabuntur populis, et regnabit Dominus illorum in perpetuum.

Graduale. Exodi 15. Gloriosus Deus in Sanctis suis: mirabilis in maiestate, faciens prodigia.

V. Dextera tua, Domine, glorificata est in virtute: dextera manus tua confrégit inimicos. **Allelúja, allelúja.**

V. Eccli. 44. Corpora sanctorum in pace sepulta sunt, et nomina eorum vivent in generationem, et generationem. **Allelúja.**

Post Septuagesimam, omissis Allelúja, et Versu sequenti, dicitur:

Tractus. Ps. 125. Qui seminant in lacrymis, in gaudio metent.

V. Eúntes ibant, et flebant, mittentes semina sua.

V. Venientes autem venient cum exultatione, portantes manipulos suos.

Sequentia sancti Evangelii secundum Lucam. Lucæ 21. b.

In illo tempore: Dixit Jesus Discipulis suis: Cum audieritis praelia, et seditiões, nolite terreri: oportet primum hæc fieri, sed nondum statim finis. Tunc dicebat illis: Surget gens contra gentem, et regnum adversus regnum. Et terræmotus magni erunt per loca, et pestilentiae, et fames, terroresque de cælo, et signa magna erunt. Sed ante hæc omnia injicient vobis manus suas, et persequentur, tradentes in synagogas, et custodias, trahentes ad reges, et præsides, propter nomen meum: continget autem vobis in testimonium. Pónite ergo in

córdibus vestris, non præmeditari quemadmodum respondeatis. Ego enim dabo vobis os, et sapientiam, cui non poterunt resistere, et contradicere omnes adversarii vestri. Trademini autem a parentibus, et fratribus, et cognatis, et amicis, et morte afficient ex vobis: et eritis odio omnibus propter nomen meum: et capillus de capite vestro non peribit. In patientia vestra possidebitis animas vestras.

Offertorium. Psalm. 67. Mirabilis Deus in Sanctis suis: Deus Israel, ipse dabit virtutem, et fortitudinem plebi suæ: benedictus Deus, allelúja.

Secreta.

Adesto, Domine, supplicationibus nostris, quas in Sanctorum tuorum commemoratione deferimus: ut, qui nostræ justitiæ fiduciam non habemus, eorum, qui tibi placuerunt, meritis adjuvemur. Per Dominum.

Communio. Sap. 3. Et si coram hominibus tormenta passi sunt, Deus tentavit eos: tamquam aurum in fornace probavit eos, et quasi holocausta accepit eos.

Postcommunio.

Quæsumus Domine, salutariis repleri mysteriis: ut, quorum sollemnia celebramus, eorum orationibus adjuvemur. Per Dominum.

DE EODEM COMMUNI.

Alia Missa.

Introitus. Eccli. 44.



Sapientiam Sanctorum narrent populi: et laudes eorum nuntiet Ecclesia: nomina autem eorum vivent in sæculum sæculi.

Psal. 32. Exultate iusti in Domino: rectos decet collaudatio.

V. Glória Patri. Oratio.

Deus, qui nos concedis sanctorum Martyrum tuorum **N.** et **N.** natalitia colere: da nobis in æterna beati-

túdine de eórum societáte gaudére. Per Dóminum nostrum.

Si fuerint Pontifices, dicatur Oratio præcedentis Missæ: quod et in sequentibus servetur.

Lectio libri Sapiéntiæ. Sap. 5. c.

Justi autem in perpétuum vivent, et apud Dóminum est merces eórum, et cogitatio illórum apud Altissimum. Ideò accipient regnum decóris, et diadéma speciéi de manu Dómini: quóniam dextera sua teget eos, et bráchio sancto suo deféndet illos. Accipiet armatúram zelus illius, et armábit creatúram ad ultiónem inimicórum. Induet pro thoráce justitiam, et accipiet pro gálea iudicium certum. Sumet scutum inexpugnábile, æquitátem.

Graduale. Ps. 123. Anima nostra, sicut passer, erépta est de láqueo venántium.

V. Láqueus contritus est, et nos liberáti sumus: adiutorium nostrum in nómine Dómini, qui fecit cœlum, et terram.

Allelúja, allelúja.

V. Psal. 67. Justi epuléntur, et exúltent in conspéctu Dei: et delecténtur in lætítia. **Allelúja.**

Post Septuagesimam, omissis Allelúja, et Versu sequenti, dicitur:

Tractus. Psal. 125. Qui séminant in lácrymis, in gáudio metent.

V. Eúntes ibant, et flebant, mitténtes sémina sua.

V. Veniéntes autem vénient cum exultatióne, portántes manipulos suos.

Sequéntia sancti Evangélíi secúndum Lucam. Luc. 6. c.

In illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant, ut audírent eum, et sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tángere: quia virtus

de illo exíbat, et sanábat omnes. Et ipse elevátis óculis in discipulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte in illa die, et exultáte: ecce enim merces vestra multa est in cœlo.

Offertorium. Ps. 149. Exultábunt Sancti in glória, lætabúntur in cubilibus suis: exaltatiónes Dei in fáucibus eórum, allelúja.

Secreta.

Munera tibi, Dómine, nostræ devotiónis offérimus: quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Communio. Luc. 12. Dico autem vobis amícis meis: ne terreámini ab his, qui vos persecúntur.

Postcommunio.

Præsta nobis, quæsumus Dómine, intercedéntibus sanctis Martyribus tuis **N.** et **N.** ut, quod ore contíngimus, pura mente capiámus. Per Dóminum nostrum Jesum Christum Fílium tuum: Qui tecum vivit etc.

DE EODEM COMMUNI.

Alia Missa.

Introitus.

Psal. 36.

Salus autem justórum à Dómino: et protéctor eórum est in témpore tribulatiónis.

Psal. ibid. Noli æmulári in malignántibus: neque zeláveris faciéntes iniquitátem.

V. Glória Patri.

Oratio.

Deus, qui nos ánnua sanctórum Mártyrum tuórum **N.** et **N.** solemnitáte lætíficas: concéde propítius; ut quorum gaudémus méritis, accendámur exémpis. Per Dóminum no-

strum Jesum Christum Fílium tuum: Qui tecum vivit et regnat etc.

Léctio Epístolæ beáti Pauli Apóstoli ad Hebræos. **Hebr. 10. f.**

Fratres, Rememorámini prístinos dies, in quibus illumináti, magnum certámen sustinuístis passiónum: et in áltero quidem oppróbriis, et tribulatióibus spectáculum facti: in áltero autem socii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliorem, et manéntem substántiam. Nolíte itaque amittere confidéntiam vestram, quæ magnam habet remuneratióem. Patiéntia enim vobis necessária est: ut voluntátem Dei faciéntes reportétis promissióem. Adhuc enim módicum aliquántulum, qui ventúrus est, véniet, et non tardábit. Justus autem meus ex fide vivit.

Graduale. Psal. 33. Clamavérunt justí, et Dóminus exaudivit eos: et ex ómnibus tribulatióibus eórum liberávit eos.

V. Juxta est Dóminus his, qui tribuláto sunt corde: et húmiles spíritu salvábit.

Allelúja, allelúja.

V. Te Mártyrum candidátus laudat exercitus, Dómine. **Allelúja.**

Post Septuagesimam, omissis Allelúja, et Versu sequenti, dicitur:

Tractus. Psal. 125. Qui séminant in lácrymis, in gáudio metent.

V. Eúntes ibant, et flebant, mitténtes sémina sua.

V. Veniéntes autem vénient cum exultatióne, portántes manípulos suos.

Sequéntia sancti Evangélíi secúndum Matthæum. Matth. 24.

In illo témpore: Sedénte Jesu super montem Olivéti, accessérunt ad eum discípuli secréto, dicéntes: Dic nobis, quando hæc erunt? et quod signum advéntus tui, et consummationis sæculi? Et respóndens Jesus, dixit eis: Vidéte, ne quis vos seducat.

Multi enim vénient in nómine meo dicéntes: Ego sum Christus: et multos sedúcent. Auditóri enim estis prælia, et opinióes præliórum. Vidéte, ne turbémini. Opórtet enim hæc fiéri, sed nondum est finis. Consúrget enim gens in gentem, et regnum in regnum, et erunt pestiléntiæ, et fames, et terræmótus per loca. Hæc autem ómnia, inítia sunt dolórum. Tunc tradent vos in tribulatióem, et occídent vos: et éritis ódio ómnibus géntibus propter nomen meum. Et tunc scandalizabúntur multi, et invicem tradent, et ódio habébunt invicem. Et multi pseudoprophétæ surgent, et sedúcent multos. Et quóniam abundávit iníquitas, refrigéscet cáritas multórum. Qui autem perseveráverit usque in finem, hic salvus erit.

Offertorium. Sap. 3. Justórum ánimæ in manu Dei sunt, et non tanget illos torméntum malítiæ: visi sunt óculis insipiéntium mori: illi autem sunt in pace, allelúja.

Secreta.

Oblátis, quæsumus Dómine, placáre munéribus: et intercedéntibus sanctis Martyribus tuis **N. et N.** à cunctis nos defénde perículis. Per Dóminum.

Communio. Matth. 10. Quod dico vobis in ténebris, dícite in lúmine, dicit Dóminus: et quod in aure audítis, prædicáte super tecta.

Postcommunio.

Hæc nos commúnio, Dómine, purget à crimine: et intercedéntibus sanctis Martyribus tuis **N. et N.** cœléstis remédii fáciat esse consórtes. Per Dóminum.

§ Item aliæ Epistolæ, et Evangelia pro pluribus Martyribus.

Epistola. Réddidit Deus justis mercedem labórum suórum, **habetur in festo Ss. Martyrum Nazarii et Soc. xxviii. Julii.**

Epistola. Justificáti ex fide, **ut in festo Ss. Marci et Marcelliani Mart. xviii. Jun.**

Epistola. Non sunt condignæ passionēs, habetur in festo **Ss. Martyrum Tryphonis et Sociorum**, x. Novembr.

Epistola. Exhibeamus nosmetipsos, habetur in festo **Ss. Abdon et Sennen Martyrum**, xxx. Julii.

Epistola. Sancti per fidem, habetur in festo **Ss. Fabiani et Sebastiani Martyrum**, xx. Januarii.

Epistola. Respondit unus de senioribus, habetur in festo **Ss. Mauritii et Soc. Martyrum**, xxii. Septembris.

Evangelium. Videns Jesus turbas, ascendit, habetur in festo **Omnium Sanctorum**, i. Novembris.

Evangelium. Confiteor tibi Pater, habetur in festo **S. Francisci Conf.**, iv. Octobris.

Evangelium. Væ vobis, qui ædificatis, habetur in festo **Ss. Martyrum Marci et Marcelliani**, xviii. Junii.

Evangelium. Qui vos audit, me audit, habetur in festo **Ss. Martyrum Viti et Soc.**, xv. Junii.

Evangelium. Attendite à fermento Phariseorum, habetur in festo **Ss. Dionysii et Soc. Martyrum**, ix. Oct.

COMMUNE CONFESSORIS Pontificis.

Introitus. **Eccli. 45.**



Tátuit ei Dóminus testaméntum pacis: et principem fecit eum: ut sit illi sacerdótii dignitas in ætérnum.

Psal. 131. Meménto Dómine David: et omnis mansuetudinis ejus.

V. Glória Patri. **Oratio.**

DA, quæsumus omnipotens Deus: ut beáti **N.** Confessoris tui, atque Pontificis veneránda solémnitas, et devotiónem nobis áugeat, et salútem. Per Dóminum.

Léctio libri Sapiéntiæ. **Eccli. 44. et 45.**

ECce Sacerdos magnus, qui in diébus suis plácuit Deo, et invéntus est justus: et in témpore iracúndiæ factus est reconciliátio. Non est in-

véntus símilis illi, qui conservávit legem Excélsi. Ideò jurejurádo fecit illum Dóminus créscere in plebem suam. Benedictiónem ómnium gén-tium dedit illi, et testaméntum suum confirmávit super caput ejus. Agnó-vit eum in benedictiónibus suis: con-servávit illi misericórdiam suam: et invénit grátiam coram óculis Dó-mini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdótium magnum: et beatificávit illum in glória. Fungi sacerdótio, et habére laudem in nó-mine ipsíus; et offérre illi incénsum dignum, in odórem suavitátis.

Graduale. Eccli. 44. Ecce sacerdos magnus, qui in diébus suis plácuit Deo. **V.** Non est invéntus símilis illi, qui conserváret legem Excélsi. **A**llelúja, allelúja.

V. Psal. 109. Tu es sacerdos in ætérnum, secúndum ór-dinem Melchise-dech. **A**llelúja.

Post Septuagesimam, omissis Allelúja, et Versu sequenti, dicitur:

Tractus. Psal. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generátio rectórum benedicétur.

V. Glória, et divítiae in domo ejus: et justitia ejus manet in sæculum sæculi.

Tempore Paschali omittitur Graduale, et ejus loco dicitur, Allelúja, allelúja.

V. Psal. 109. Tu es sacerdos in ætérnum, secúndum ór-dinem Melchise-dech. **A**llelúja. **V.** Hic est sacerdos, quem coronávit Dóminus. **A**llelúja.

Sequéntia sancti Evangélii se-cúndum Matthæum. Matth. 23.

IN illo témpore: Dixit Jesus Discípulis suis parábolam hanc: Homo péregre proficiscens, vocávit servos suos, et trádedit illis bona sua. Et uni dedit quinque talénta, ál-i autem duo, ál-i vero unum, unicuíque secúndum

própriam virtútem, et profectus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accepérat, lucrátus est ália duo. Qui autem unum accéperat, ábiens, fodit in terram, et abscondit pecúniam dómini sui. Post multum vero témporis venit dóminus servórum illórum, et pósuit ratiónem cum eis. Et accédens qui quinque talénta accéperat, obtulit ália quinque talénta, dicens: Dómine, quinque talénta tradidísti mihi, ecce ália quinque superlucrátus sum. Ait illi dóminus ejus: Euge, serve bone, et fidélis, quia super pauca fuísti fidélis, super multa te constituam, intra in gáudium dómini tui. Accéssit autem, et qui duo talénta accéperat, et ait: Dómine, duo talénta tradidísti mihi, ecce ália duo lucrátus sum. Ait illi dóminus ejus: Euge serve bone, et fidélis, quia super pauca fuísti fidélis, super multa te constituam, intra in gáudium dómini tui.

Offertorium. Psal. 88. Inveni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

Sancti tui, quæsumus Dómine, nos ubique lætificent: ut, dum eórum mérita recólimus, patrocínia sentiámus. Per Dóminum nostrum.

Communio. Luc. 12. Fidélis servus, et prudens, quem constituit dóminus super familiam suam: ut det illis in témpore trítici mensúram.

Postcommunio.

Præsta quæsumus omnipotens Deus: ut de percéptis munéribus grátias exhibéntes, intercedénte beáto **N.** Confessóre tuo, atque Pontífice, benefícia potióra sumámus. Per Dóminum.



DE EODEM COMMUNI.

Alia Missa.

Introitus.

Psal. 131.



Sacerdotes tui, Dómine, induant justítiam, et sancti tui exúltent: propter David servum tuum non avértas fáciem Christi tui.

Psal. ib. Meménto Dómine David: et omnis mansuetúdinis ejus.

V. Glória Patri.

Oratio.

Exáudi, quæsumus Dómine, preces nostras, quas in beáti **N.** Confessoris tui, atque Pontíficis solemnitáte deférimus: et qui tibi digne méruit famulári, ejus intercedéntibus méritis ab ómnibus nos absólve peccátis. Per Dóminum nostrum Jesum Christum Filium tuum: Qui tecum vivit et regnat.

Léctio Epístolæ beáti Pauli Apóstoli ad Hebræos.

Hebr. 7. d.

Fratres: Plures facti sunt Sacerdotes, idcirco quod morte prohiberéntur permanére: Jesus autem, eo quod máneat in ætérnum, sempitérnum habet sacerdotium. Unde et salváre in perpétuum potest accedéntes per semetípsum ad Deum: semper vivens ad interpellándum pro nobis. Talis enim decébat, ut nobis esset Póntifex, sanctus, innocens, impollútus, segregátus à peccatóribus, et excélsior cælis factus: qui non habet necessitátem quotidie, quemádmódum sacerdotes, prius pro suis delictis hóstias offérre, deínde pro pópuli: hoc enim fecit semel, seípsum offeréndo, Jesus Christus Dóminus noster.

Graduale. Psal. 131. Sacerdotes ejus induam salutári: et Sancti ejus exultatióne exúltábunt.

V. Illuc producám cornu David: parávi lucérnam Christo meo.

Allelúja, allelúja.

V. Psal. 109. Jurávit Dóminus, et non pœnitébit eum: Tu es Sacérdos in ætérnum, secúndum órđinem Melchisedech. Allelúja.

Post Septuagesimam, omissis Allelúja, et Versu seq. dicitur:

Tret. Ps. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generatio rectórum benedicétur.

V. Glória, et divítiæ in domo ejus: et justítia ejus manet in sæculum sæculi.

Tempore Pasch. omittitur Graduále, et ejus loco dicitur, Allelúja, allelúja.

V. Psal. 109. Jurávit Dóminus, et non pœnitébit eum: Tu es Sacérdos in ætérnum, secúndum órđinem Melchisedech. Allelúja.

V. Eccli. 45. Amávit eum Dóminus, et ornávit eum: stolam glóriæ induit eum. Allelúja.

Sequéntia S. Evangélíi secúndum Matthæum. Matth. 24. d.

In illo tēpore: Dixit Jesus Discípulis suis: Vigilate, quia nescitis, qua hora Dóminus vester ventúrus sit. Illud autem scitóte, quóniam si sciret paterfamílias, qua hora fur ventúrus esset, vigiláret útique, et non síneret pérfodi domum suam. Ideò et vos estóte paráti: quia, qua nescitis hora, Fílius hóminis ventúrus est. Quis, putas, est fidélis servus, et prudens, quem constituit dóminus suus super familiam suam, ut det illis cibum in tēpore? Beátus ille servus, quem, cum vénerit dóminus ejus, invénerit sic faciéntem. Amen dico vobis, quóniam super ómnia bona sua constituet eum.

Offertorium. Psal. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

Sancti N. Confessoris tui, atque Pontificis, quæsumus Dómine, ánnua solémnitas pietáti tuæ nos reddat accéptos: ut per haec piæ placatiónis officia, et illum beáta retribútió comitétur, et nobis grátia tuæ dona concíliet. Per Dóminum.

Communio. Matth. 24. Beátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum.

Postcommunio.

Deus, fidélium remunerátor animárum, præsta: ut beáti N. Confessoris tui, atque Pontificis, cujus venerándam celebrámus festivitátem, précibus indulgéntiam consequámur. Per Dóminum.

§ Item aliæ Epistolæ, et Evangelia pro Confessore Pontifice.

Epistola. Omnis Póntifex. habetur in festo S. Callisti Papæ et Martyris, die xiv. Octobris.

Epistola. Mementóte præpositórum. ut in festo S. Nicolai Episc. et Confessoris, vi. Decembris.

Evangelium. Nemo lucérnam accéndit. habetur in festo S. Martini Episcopi, xi. Novembris.

Evangelium. Vidéte, vigiláte, et oráte. habetur infra in Anniversario Electionis seu Consecrationis Episc.

COMMUNE DOCTORUM.

Introitus.

Eccli. 45.

In médio Ecclésiæ apéruit os ejus: et implevit eum Dóminus spíritu sapiéntiæ, et intelléctus: stolam glóriæ induit eum.

Psal. 91. Bonum est confitéri Dómino: et psállere nómini tuo, Altísime. **V.** Glória Patri.

Oratio.

Deus, qui pópulo tuo ætérnæ salútis beátum N. mínistrum tribuísti: præsta quæsumus; ut, quem Doctórem vitæ habúimus in terris, intercessórem habére mereámur in cœlis. Per Dóminum.

Léctio Epístolæ beáti Pauli Apóstoli ad Timótheum. 2. Tim. 4.

Caríssime: Testíficor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: prædica verbum, insta opportúne, importúne: argue, óbsecra, increpa in omni paciéntia et doctrína. Erit enim tempus, cum sanam doctrínam non sustinébunt,

sed ad sua desidéria coacervábunt sibi magistros pruriéntes áuribus: et à veritatē quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim jam delíbor, et tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die justus júdex: non solum autem mihi, sed et iis, qui díligunt advéntum ejus.

Graduale. Psal. 36. Os justi meditábitur sapiéntiam, et lingua ejus loquétur júdiciu.

V. Lex Dei ejus in corde ipsíus: et non supplantabúntur gressus ejus.

Allelúja, allelúja.

V. Eccli. 45. Amávit eum Dóminus, et ornávit eum: stolam glóriæ índuit eum. Allelúja.

Post Septuagesimam, omissis Allelúja, et Versu sequenti, dicitur:

Tractus. Ps. 111. Beátus vir, qui timet Dóminu: in mandátis ejus cupit nimis.

V. Potens in terra erit semen ejus: generátio rectórum benedicétur.

V. Glória, et divítiæ in domo ejus: et justítia ejus manet in sáeculu sáeculi.

Tempore Paschali omittitur Graduale, et ejus loco dicitur, Allelúja, allelúja.

V. Eccli. 45. Amávit eum Dóminus, et ornávit eum: stolam glóriæ índuit eum. Allelúja.

V. Osee 14. Justus germinábit sicut líliu: et florébit in ætérnu ante Dóminu. Allelúja.

Sequéntia sancti Evangélíi secúndu Matthæu. Matth. 5. b.

IN illo témpore: Dixit Jesus Discípulis suis: Vos estis sal terræ. Quod si sal evanúerit, in quo salié-tur? ad níhilu valet ultra, nisi ut mittátur foras, et conculcétur ab

homínibus. Vos estis lux mundi. Non potest cívitas abscóndi supra montem pósita. Neque accéndunt lucérnam, et ponunt eam sub módio, sed super candelábru, ut lúceat ómnibus, qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cœlis est. Nolíte putáre, quóniam veni sólvare legem, aut Prophétas: non veni sólvare, sed adimplére. Amen quippe dico vobis, donec tránseat cœlu et terra, jota unum, aut unus apex non præteríbit à lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno cœlórum: qui autem fécerit, et docúerit, hic magnus vocábitur in regno cœlórum.

Offertorium. Psalm. 91. Justus ut palma florébit: sicut cedrus, quæ in Líbano est, multiplicábitur.

Secreta.

Sancti tui **N.** nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtíneat. Per Dóminu.

Communio. Lucæ 12. Fidélis servus, et prudens, quem constituit dóminus super familiam suam: ut det illis in témpore trítici mensúram.

Postcommunio.

UT nobis, Dómine, tua sacrificia dent salútem: beátus **N.** Confessor tuus, et Doctor egrégíus, precátor accédát. Per Dóminu.

Alia Epístola pro Doctoribus.

Lectio libri Sapiéntiæ. Eccli. 39.

Justus cor suu tradet ad vígilándu dilúculo ad Dóminu, qui fecit illum, et in conspéctu Altíssimi deprecábitur. Apériet os suu in oratióne, et pro delíctis suis deprecábitur. Si enim Dóminus magnus volúerit, spírítu intelligéntiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse

diriget consilium ejus, et disciplinam, et in absconditis suis consiliabitur. Ipse palam faciet disciplinam doctrinae suae, et in lege testamenti Domini gloriabitur. Collaudabunt multi sapientiam ejus, et usque in saeculum non delebitur. Non recedet memoria ejus, et nomen ejus requiratur a generatione in generationem. Sapientiam ejus enarrabunt gentes, et laudem ejus enuntiabit ecclesia.

COMMUNE CONFESSORIS non Pontificis.

Introitus. Psal. 36.



S justi meditabitur sapientiam, et lingua ejus loquetur judicium: lex Dei ejus in corde ipsius.

Psal. ibid. Noli emulāri in malignāntibus: neque zelāveris faciētes iniquitatem.

V. Glória Patri. Oratio.

Deus, qui nos beāti **N.** Confessoris tui ānnua solemnitate laetificas: concēde propitius; ut, cujus natalitia cōlimus, etiā actiōnes imitemur. **Per Dōminum.**

Lectio libri Sapientiae. Eccli. 31.

Beātus vir, qui invēntus est sine macula: et qui post aurum non abiit, nec speravit in pecūnia, et thesauris. Quis est hic, et laudābimus eum? fecit enim mirabilia in vita sua. Qui probātus est in illo, et perfectus est, erit illi glória aeterna: qui pōtuit transgredi, et non est transgressus: facere mala, et non fecit: ideo stabilita sunt bona illius in Dōmino, et eleemōsynas illius enarrābit omnis Ecclesia sanctorum.

Graduale. Psal. 91. Justus ut palma florēbit: sicut cedrus Libani multiplicabitur in domo Dōmini.

V. Ad annuntiāndum mane misericordiam tuam, et veritatem tuam per noctem. **Allelūja, allelūja.**

V. Jac. 1. Beātus vir, qui suffert tentationem: quoniam cum probātus fuerit, accipiet coronam vitae. **Allelūja.**

Post Septuagesimam, omissis Allelūja, et Versu sequenti, dicitur

Tractus. Psal. 111. Beātus vir, qui timet Dōminum, in mandatis ejus cupit nimis.

V. Potens in terra erit semen ejus: generatio rectorum benedicetur.

V. Glória, et divitiæ in domo ejus: et justitia ejus manet in saeculum saeculi.

Tempore Paschali omittitur Graduale, et ejus loco dicitur, Allelūja, allelūja.

V. Jac. 1. Beātus vir, qui suffert tentationem: quoniam cum probātus fuerit, accipiet coronam vitae. **Allelūja.**

V. Eccli. 45. Amavit eum Dōminus, et ornavit eum: stolam glorie induit eum. **Allelūja.**

Sequentia sancti Evangelii secundum Lucam. Luc. 12. c.

In illo tempore: Dixit Jesus Discipulis suis: Sint lumbi vestri praecincti, et lucernae ardentes in manibus vestris: et vos similes hominibus expectantibus dominum suum, quando revertatur a nuptiis: ut, cum venerit, et pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod praecinget se, et faciet illos discumbere, et transiens ministrabit illis. Et si venerit in secunda vigilia, et si in tertia vigilia venerit, et ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, et non sineret perfodi domum suam. Et vos estote parati: quia, qua hora non putatis, Filius hominis veniet.

Offertorium. Ps. 88. Veritas mea, et misericordia mea cum ipso: et in nomine meo exaltabitur cornu ejus.

Secreta.

Laudis tibi, Dōmine, hostias immolamus in tuorum commemoratione Sanctorum: quibus nos et praesentibus exui malis confidimus, et futuris. **Per Dōminum.**

Communio. Matth. 24. Beátus servus, quem, cum vénerit Dóminus, invénerit vigilántem: amen dico vobis, super ómnia bona sua constituet eum.

Postcommunio.

Refécti cibo, potúque cœlesti, Deus noster, te súpplīces exorá-mus: ut in ejus hæc commemora-tióne percépimus, ejus muniámur et précibus. Per Dóminum nostrum.

DE EODEM COMMUNI.

Alia Missa.

Introitus. Psal. 91.

Justus ut palma florébit, sicut cedrus Libani multiplicábitur: plantátus in do-mo Dómini, in átriis domus Dei nostri.

Psal. 118. Bonum est confitéri Dómino: et psállere nómini tuo, Altíssime.

V. Glória Patri.

Oratio.

Adésto, Dómine, supplicatióibus nostris, quas in beáti **N.** Confes-sóris tui solemnitáte deférimus: ut qui nostræ justítiæ fidúciā non habé-mus, ejus, qui tibi plácuit, précibus adjuvémur. Per Dóminum.

Lectio Epístolæ beáti Pauli Apóstoli ad Corínthios. 1. Cor. 4 b.

Fratres: Spectáculum facti su-mus mundo, et Angelis, et homí-nibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam, et esurímus, et sitímus, et nudi sumus, et cólaphis cædimur, et instá-biles sumus, et laborámus operántes mánibus nostris: maledícimur, et be-nedícimus: persecutiónem pátimur, et sustinémus: blasphemámur, et obse-crámus: tamquam purgaménta hujus mundi facti sumus, ómnium peripsé-ma usque adhuc. Non ut confúndam vos, hæc scribo, sed ut fílios meos caríssimos móneo: in Christo Jesu Dómino nostro.

Graduale. Psal. 36. Os justī medi-tábitur sapiéntiam, et lingua ejus lo-

quétur judícium. **V.** Lex Dei ejus in corde ipsíus: et non supplantabúntur gressus ejus. **Allelúja, allelúja.**

V. Psal. 111. Beátus vir, qui timet Dóminum: in mandátis ejus cupit nimis. **Allelúja.**

Post Septuagesimam, omissis Allelúja, et Versu sequenti, dicitur

Tractus. Psal. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generatió rectórum benedicétur.

V. Glória, et divítiæ in domo ejus: et justítia ejus manet in sæculum sæculi.

Tempore Paschali omittitur Gra-duale, et ejus loco dicitur, Allelúja, allelúja.

V. ibid. Beátus vir, qui timet Dómi-num: in mandátis ejus cupit nimis. **Allelúja.**

V. Osee 14. Justus germinábit sicut lílium: et florébit in ætérnum ante Dóminum. **Allelúja.**

Sequéntia sancti Evangélīi se-cúndum Lucam. Luc. 12. d.

In illo témpore: Dixit Jesus Discí-pulis suis: Nolíte timére pusillus grex, quia complácuit Patri vestro dare vobis regnum. Véndite, quæ possidéti, et date eleemósynam. Fá-cite vobis sácculos, qui non veterá-scunt, thesáurum non deficiéntem in cœlis: quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium. Psal. 20. In virtúte tua, Dómine, lætábitur justus, et su-per salutáre tuum exultábit vehe-ménter: desidérium ánimæ ejus tri-buísti ei. **Secreta.**

Præsta nobis, quæsumus omní-potens Deus: ut nostræ humili-tátis oblátio, et pro tuórum tibi grata sit honóre Sanctórum, et nos cór-pore páriter et mente puríficet. Per Dóminum.

Communio. Matth. 19. Amen dico vobis, quod vos, qui reliquístis ó-mnia, et secúti estis me, céntuplum

accipiétis, et vitam ætérnam possidébitis.

Postcommunio.

Quæsumus, omnipotens Deus: ut qui coeléstia aliménta percépi-mus, intercedénte beáto **N.** Confes-sóre tuo, per hæc contra ómnia ad-vérsta muniámur. Per Dóminum.

§ Item alia Epistola, et Evangeli-um pro Confessore non Pontifice.

Epistola. Quæ mihi fuérunt lucra. habetur in festo **S. Francisci de Paula, ii. Aprilis.**

Evangeli-um. Homo quidam nóbilis. habetur in festo **S. Ludovici Conf., xxv. Augusti.**

DE EODEM COMMUNI.

Missa pro Abbatibus.

Introitus.

Psal. 36.



S justi meditábitur sapiéntiam, et lingua ejus loquétur judícium: lex Dei ejus in corde ipsíus.

Psal. ibid. Noli æmulári in malignántibus: neque zeláveris faciéntes iniquitátem. **V. Glória Patri.**

Oratio.

Intercéssio nos, quæsumus Dómine, beáti **N.** Abbátis comméndet: ut, quod nostris méritis non valémus, ejus patrocínio assequámur. Per Dóminum.

Léctio libri Sapiéntiæ. Eccli. 45.

Diléctus Deo et homínibus, cujus memória in benedictióne est. Si-milem illum fecit in glória Sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coram præcépta, et legem vitæ et disciplínæ.

Graduale. Psal. 20. Dómine, prævenísti eum in benedictiónibus dul-

cédinis: posuísti in cápite ejus corónam de lápide pretióso.

V. Vitam pétiiit à te, et tribuísti ei longitudínem diérum in sáeculum sáeculi. **Allelúja, allelúja.**

V. Ps. 91. Justus ut palma florébit: sicut cedrus Líbani multiplicábitur. **Allelúja.**

Post Septuagesimam, omissis Allelúja, et Versu sequenti, dicitur

Tractus. Psal. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generátio rectórum benedicétur.

V. Glória, et divítiae in domo ejus: et justítia ejus manet in sáeculum sáeculi.

Tempore Paschali omittitur Graduale, et ejus loco dicitur, Allelúja, allelúja.

V. Ps. 91. Justus ut palma florébit, sicut cedrus Líbani multiplicábitur. **Allelúja.**

V. Osee 14. Justus germinábit sicut lílium: et florébit in ætérnum ante Dóminum. **Allelúja.**

Sequéntia sancti Evangélíi secúndum Matthæum. Mtth. 19. d.

In illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Jesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israel. Et ómnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam ætérnam possidébit.

Offertorium. Psal. 20. Desidérium animæ ejus tribuísti ei, Dómine, et voluntáte labiórum ejus non fraudásti eum: posuísti in cápite ejus corónam de lápide pretióso.

Secreta.

Sacris altáribus, Dómine, hóstias superpósitas sanctus **N.** Abbas, quæsumus, in salútem nobis provenire depóscat. Per Dóminum.

Communio. Luc. 12. Fidélis servus, et prudens, quem constituit dóminus super familiam suam: ut det illis in témpore trítici mensúram.

Postcommunio.

Prótegat nos, Dómine, cum tui perceptióne sacraménti beátus **N.** Abbas, pro nobis intercedéndo: ut et conversatiónis ejus experiámur insignia, et intercessiúnis percipiámus suffrágia. Per Dóminum.

COMMUNE VIRGINUM.**Pro Virgine et Martyre.****Introitus.****Ps. 118.**

Oquébar de testimóniis tuis in conspéctu regum, et non confundébar: et meditábar in mandátis tuis, quæ diléxi nimis.

Ps. ibid. Beáti immaculáti in via: qui ámbulant in lege Dómini.

V. Glória Patri.**Oratio.**

Deus, qui inter cétera poténtiæ tuæ mirácula, étiam in sexu frágili victóriam martyrii contulísti: concéde propítius; ut, qui beátæ **N.** virginis et mártiris tuæ natalítia cólimus, per ejus ad te exémpula gradiámur. Per Dóminum.

Léctio libri Sapiéntiæ. Eccli. 51.

Confitébor tibi, Dómine rex, et collaudábo te Deum Salvatórem meum. Confitébor nómini tuo: quóniam adjútor, et protéctor factus es mihi, et liberásti corpus meum à perditíone, à láqueo linguæ iníquæ, et à lábiis operántium mendácium, et in conspéctu astántium factus es mihi adjútor. Et liberásti me secúndum multitudinem misericórdiæ nóminis tui à rugiéntibus præparátis ad escam, de mánibus quæréntium áni-

mam meam, et de portis tribulatiónum, quæ circumdedérunt me: à pressúra flammæ, quæ circúmdedit me, et in médio ignis non sum æstúata: de altitúdine ventris ínferi, et à lingua coinquináta, et à verbo mendácii, à rege iníquo, et à lingua in jústa: laudábit usque ad mortem, ánima mea, Dóminum, quóniam éruis sustinéntes te, et líberas eos de mánibus géntium, Dómine Deus noster.

Graduale. Psal. 44. Dilexísti justítiam, et odísti iniquitátem.

V. Proptérea unxit te Deus, Deus tuus, óleo lætítiæ. **Allelúja, allelúja.**

V. ibid. Adducéntur Regi vírgines post eam, próximæ ejus afferéntur tibi in lætítia. **Allelúja.**

Post Septuagesimam, omissis Allelúja, et Versu sequenti, dicitur

Tractus. Veni sponsa Christi, áccipe coronam, quam tibi Dóminus præparávit in ætérnum: pro cujus amore sánguinem tuum fudísti.

V. Psal. 44. Dilexísti justítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. **V.** Spécie tua, et pulchritúdine tua inténde, prospere procéde, et regna.

Tempore Paschali omittitur Graduale, et ejus loco dicitur, Allelúja, allelúja.

V. ibid. Adducéntur Regi vírgines post eam, próximæ ejus afferéntur tibi in lætítia. **Allelúja. V.** Spécie tua, et pulchritúdine tua inténde, prospere procéde, et regna. **Allelúja.**

Sequéntia sancti Evangélii secúndum Matthæum. Matth. 25.

In illo témpore: Dixit Jesus Discípulis suis parábolam hanc: Símile erit regnum cælórum decem virgínibus: quæ accipiéntes lámpades suas, exiérunt óbviám sponso, et sponsæ. Quinque autém ex eis erant fátuæ, et quinque prudéntes: sed quinque fátuæ, accéptis lampádibus, non sumpserunt óleum secum: prudéntes verò accepérunt óleum in vasis suis cum

lampádibus. Moram autem faciente sponso, dormitavérunt omnes et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt: Date nobis de óleo vestro, quia lámpades nostræ extingúuntur. Respondérunt prudéntes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est jánuá. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigiláte itaque, quia nescitis diem, neque horam.

Offertorium. Psal. 44. Afferéntur Regi vírgines post eam: próximæ ejus afferéntur tibi in lætítia, et exultatióne: adducéntur in templum Regi Dómino.


Secreta.

Suscipe Dómine múnera, quæ in beátæ **N.** vírginis et mártiris tuæ solemnitáte deférimus: cujus nos confidimus patrocínio liberári. Per Dóminum.

Communio. Ps. 118. Confundántur supérbi, quia injúste iniquitátem fecérunt in me: ego autem in mandátis tuis exercébor, in tuis justificatióibus, ut non confúndar.

Postcommunio.

Auxiliéntur nobis, Dómine sumpta mystéria: et intercedénte beáta **N.** vírgine et mártire tua, sempitérna fácient protectiõe gaudere. Per Dóminum.



ITEM PRO VIRGINE ET MARTYRE.

Alia Missa.

Introitus. Ps. 118.

ME expectavérunt peccatóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis. **Psal. ibid.** Beáti immaculáti in via, qui ámbulant in lege Dómini.

V. Glória Patri.

Oratio.

Indulgéntiam nobis, quæsumus Dómine, beáta **N.** virgo et mártir implóret: quæ tibi grata semper éxstitit, et mérito castitátis, et tuæ professiõe virtútis. Per Dóminum.

Léctio libri Sapiéntiæ. Eccli. 51. b.

Domine Deus meus exaltásti super terram habitatióem meam, et pro morte defluénte deprecáta sum. Invocávi Dóminum patrem Dómini mei, ut non derelínquat me in die tribulatióis meæ, et in témpore superbórum sine adjutório. Laudábo nomen tuum assidue, et collaudábo illud in confessiõe, et exaudíta est orátio mea. Et liberásti me de perdiçãoe, et eripuísti me de témpore iníquo. Proptérea confitébor, et laudem dicam tibi, Dómine Deus noster.

Graduale. Psal. 45. Adjuvábít eam Deus vultu suo: Deus in médio ejus, non commovébitur.

V. Flúminis ímpetus lætíficat civitátem Dei: sanctificávit tabernáculum suum Altíssimus. Allelúja, allelúja.

V. Hæc est virgo sápiens, et una de número prudéntum. Allelúja.

Post Septuagesimam, omissis Allelúja, et Versu sequenti dicitur

Tractus. Veni sponsa Christi, áccipe corónam, quam tibi Dóminus præparávit in aetérnum: pro cujus amóre ságuinem tuum fudisti.

V. Ps. 44. Dilexísti justítiam, et odísti iniquitátem, proptérea unxit te Deus, Deus tuus, óleo lætítiæ præ consórtibus tuis. **V. Spécie tua, et pulchritúdine tua inténde, prospere procéde, et regna.**

Tempore Pasch. omittitur Graduale, et ejus loco dicitur, Allelúja, allelúja.

V. Hæc est virgo sapiens, et una de número prudentum. Allelúja.

V. Sap. 4. O quam pulchra est casta generatio cum claritate! Allelúja.

 **Sequéntia S. Evangélíi secúndum Matthæum. Matth. 13. f.**

IN illo témpore: Dixit Jesus Discípulis suis parábolam hanc: Símile est regnum cœlórum thesáuro abscondito in agro: quem qui invenit homo, abscondit, et præ gáudio illius vadit, et vendit univérsa, quæ habet, et emit agrum illum. Iterum símile est regnum cœlórum hómini negotiátiori, quærénti bonas margarítas. Invénta autem una pretíosa margaríta, ábiit, et vëndidit ómnia, quæ hábuit, et emit eam. Iterum símile est regnum cœlórum sagénæ missæ in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, et separábunt malos de médio justórum, et mittent eos in camínium ignis; ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideò omnis scriba doctus in regno cœlórum, símilis est hómini patrifamílias, qui prófert de thesáuro suo nova et vétera.

Offertorium. Psal. 44. Diffúsa est grátia in lábiis tuis: proptérea benedíxit te Deus in ætérnum, et in sæculum sæculi.

Secreta.

Hostias tibi, Dómine, beátæ **N.** Virginis et Mártiris tuæ dicátas méritis, benígnus assúme: et ad perpétuum nobis tribue proveníre subsidium. Per Dóminum.

Communio. Ps. 118. Feci judícium et justítiam, Dómine, non calumnién-tur mihi supérbi: ad ómnia mandáta tua dirigébar, omnem viam iniquitátis ódio hábui.

Postcommunio.

Divini múnery largitáte satiáti, quæsumus Dómine Deus noster: ut, intercedénte beáta **N.** Virgine et Mártire tua, in ejus semper participatióne vivámus. Per Dóminum.

§ Item aliud Evangelium.

 **Sequéntia sancti Evangélíi secúndum Matthæum. Matth. 19.**

IN illo témpore: Accessérunt ad Jesum Pharisæi tentántes eum, et dicéntes: Si licet hómini dimíttere uxórem suam, quacúmque ex causa? Qui respóndens, ait eis: Non legístis, quia qui fecit hóminem ab inítio, másculum, et féminam fecit eos? et dixit: Propter hoc dimíttet homo patrem, et matrem, et adhærébit uxóri suæ, et erunt duo in carne una. Itaque jam non sunt duo, sed una caro. Quod ergo Deus conjúnxit, homo non séparet. Dicunt illi: Quid ergo Móyses mandávit dare libéllum repúdií, et dimíttere? Ait illis: Quóniam Móyses ad durítiam cordis vestri permísit vobis dimíttere uxóres vestras: ab inítio autem non fuit sic. Dico autem vobis, quia quicúmque dimiserit uxórem suam, nisi ob fornicatiónem, et áliam dúxerit, mœchá-tur: et qui dimíssam dúxerit, mœchá-tur. Dicunt ei discípuli ejus: Si ita est causa hóminis cum uxóre, non expedit núbere. Qui dixit illis: Non omnes cápiunt verbum istud, sed quibus datum est. Sunt enim eunúchi, qui de matris útero sic nati sunt: et sunt eunúchi, qui facti sunt ab homínibus: et sunt eunúchi, qui seípsos castravérunt propter regnum cœlórum. Qui potest cápere, cápiat.

COMMUNE PLURIUM
Virginum et Martyrum.

Omnia dicuntur ut supra pro una Virg. et Martyre, exceptis Orationibus, quæ dicuntur ut sequitur: et Epistola, quæ dicitur ut infra in Comuni Virginum non Martyrum. De

Virgínibus præcéptum Dómini. *ut infra. fol. xxiv.*

Oratio.

DA nobis, quæsumus Dómine Deus noster, sanctárum Virgínium et Mátyrum tuárum *N. et N.* palmas incessábili devotíone venerári: ut, quas digna mente non pòssumus celebráre, humílibus saltem frequéntemus obséquiiis. Per Dóminum.

Secreta.

INtende, quæsumus Dómine, múnera altáribus tuis pro sanctárum Virgínium et Mátyrum tuárum *N. et N.* festivitáte propósita: ut, sicút per hæc beáta mystéria illis glóriam contulísti; ita nobis indulgéntiam largiáris. Per Dóminum.

Postcommunio.

PRæsta nobis, quæsumus Dómine, intercedéntibus sanctis Virgínibus et Mátyribus tuis: ut, quod ore contíngimus, pura mente capiámus. Per Dóminum.

PRO VIRGINE TANTUM.

Introitus. Ps. 44.

Dilexisti justítiam, et odísti iniquitátem: propterea unxit te Deus, Deus tuus, óleo lætitiæ præcon-sórtibus tuis. *Psalm. ibid.* Eructávit cor meum verbum bonum: dico ergo ópera mea regi. *V. Gloria Patri.*

Oratio.

EXáudi nos Deus salutáris noster: ut, sicút de beátæ *N.* Virgínis tuæ festivitáte gaudémus; ita piæ devotíonis erudiámur afféctu. Per Dóminum nostrum.

Léctio Epístolæ beáti Pauli Apóstoli ad Corínthios. *2. Cor. 10. d. et 11.*

FRatres: Qui gloriátur, in Dómino gloriétur. Non enim, qui se ípsum comméndat, ille probátus est; sed quem Deus comméndat. Utinam sustinerétis módicum quid insipientiæ meæ, sed et supportáte me: Æmulor enim vos Dei æmulatióne. Despóndi

enim vos uni viro vírginem castam exhibére Christo.

Graduale. Psal. 44. Spécie tua, et pulchritúdine tua inténde, prospere procéde, et regna.

V. Propter veritátem, et mansuetúdinem, et justítiam, et dedúcet te mirabiliter dextera tua. *Allelúja, allel.*

V. Adducéntur Regi Virgines post eam: próximæ ejus afferéntur tibi in lætítia. *Allelúja.*

Post Septuages., omissis Allelúja, et Versu seq. dicitur Tract. ibid. Audi filia, et vide, et inclína aurem tuam: quia concupívit Rex spéciem tuam.

V. Vultum tuum deprecabúntur omnes dívites plebis: filiæ Regum in honóre tuo.

V. Adducéntur Regi Virgines post eam: próximæ ejus afferéntur tibi.

V. Afferéntur in lætítia, et exultatióne: adducéntur in templum Regis.

Tempore pasch. omittitur Graduale, et ejus loco dicitur, Allelúja, allelúja.

V. ibid. Adducéntur Regi Virgines post eam: próximæ ejus afferéntur tibi in lætítia. *Allelúja. V.* Spécie tua, et pulchritúdine tua inténde, prospere procéde, et regna. *Allelúja.*

Sequéntia S. Evangélíi secúndum Matthæum. Matth. 25.

IN illo témpore: Dixit Jesus Discípulis suis parábolam hanc: Símile erit regnum cœlórum decem virgínibus: quæ accipiéntes lámpades suas, exiérunt óbviám sponso, et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpsérunt óleum secum: prudéntes verò accepérunt óleum in vasis suis cum lampádibus. Moram autem faciente sponso, dormitavérunt omnes et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixérunt: Date nobis de óleo vestro, quia lámpades nostræ extingúntur. Re-

spondérunt prudentes, dicentes: Ne forte non sufficiat nobis, et vobis, ite pótius ad vendentes, et émite vobis. Dum autem irent émere, venit sponsus: et quæ parátæ erant, intravérunt cum eo ad nuptias, et clausa est jánuā. Novíssime vero véniunt et reliquæ vírgines, dicentes: Dómine, Dómine, áperi nobis. At ille respóndens, ait: Amen dico vobis, nescio vos. Vigilate itaque, quia nescitis diem, neque horam.

Offertorium. Psalm. 44. Filiae Regum in honóre tuo, ástitit regína à dextris tuis in vestitu deauráto, circúmdata varietáte.

Secreta.

Accépta tibi sit, Dómine, sacrátæ plebis oblátio, pro tuórum honóre Sanctórum: quorum se méritis de tribulatióne percepisse cognóscit auxílium. Per Dóminum.

Communio. Matth. 25. Quinque prudentes vírgines accepérunt óleum in vasis suis cum lampádibus: média autem nocte clamor factus est, ecce sponsus venit, exíte óbviā Christo Dómino.

Postcommunio.

Satiásti, Dómine, famíliam tuam munéribus sacris: ejus quæsumus semper interventióne nos réfove, cujus solémnia celebrámus. Per Dóminum nostrum.

ITEM PRO VIRGINE TANTUM.

Alia Missa.

Introitus. Psalm. 44.

Vultum tuum deprecabúntur omnes dívites plebis: adducéntur Regi vírgines post eam: próximæ ejus adducéntur tibi in lætítia, et exultatióne.

Ps. ib. Eructávit cor meum verbum bonum: dico ego ópera mea Regi. **V.** Glória Patri.

Oratio.

Exáudi nos Dómine salutáris noster: ut sicut de beatæ **N.** Virgi-

nis tuæ festivitáte gaudémus; ita piæ devotiónis erudiámur afféctu. Per Dóminum.

Léctio Epístolæ beáti Pauli Apóstoli ad Corínthios. 1. Cor. 7. e.

Fratres: De virgínibus præceptum Dómini non hábeo: consílium autem do, tamquam misericórdiam consecútus à Dómino, ut sim fidélis. Existimo ergo, hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutióne. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit: tribulatióne tamen carnis habébunt hujúsmodi. Ego autem vobis parco. Hoc itaque dico, fratres: Tempus breve est: reliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudéntes: et qui emunt, tamquam non possidéntes: et qui utúntur hoc mundo, tamquam non utántur: præterit enim figúra hujus mundi. Volo autem vos sine sollicitúdine esse. Qui sine uxóre est, solícitus est, quæ Dómini sunt, quómodo pláceat Deo. Qui autem cum uxóre est, solícitus est quæ sunt mundi, quómodo pláceat uxóri, et divísus est. Et múlier innúpta, et virgo, cógitat quæ Dómini sunt; ut sit sancta córpore et spíritu: in Christo Jesu Dómino nostro.

Graduale. Ps. 44. Concupívit Rex decórem tuum, quóniam ipse est Dóminus Deus tuus.

V. Audi filia, et vide, et inclína aurem tuam. **Allelúja, allelúja.**

V. Hæc est virgo sápiens, et una de número prudentum. **Allelúja.**

Post Septuag. omissis Allelúja, et V. seq. dic. Tractus. Psalm. 44. Audi filia, et vide, et inclína aurem tuam: quia concupívit Rex spéciem tuam.

V. Vultum tuum deprecabúntur omnes dívites plebis: filiae Regum in honóre tuo.

V. Adducéntur Regi vírgines post eam: próximæ ejus afferéntur tibi.

V. Afferéntur in lætítia, et exultati-
óne: adducéntur in templum Regis.

Tempore Pasch. omittitur Graduale, et ejus loco dicitur, Allelúja, allelúja.

V. Hæc est virgo sápiens, et una de número prudéntum. Allelúja.

V. Sap. 4. O quam pulchra est casta generátio cum claritáte! Allelúja.

Evangelium. Símile est regnum cœ-
lórur thesáuro abscóndito. **ut infra.**

fol. xxvi.

Vel Evang. Símile erit regnum cœ-
lórur decem virgínibus. **ut supra.**

fol. xxiii.

Offertorium. Psalm. 44. Afferéntur
Regi vírgines post eam: próximæ
ejus afferéntur tibi in lætítia, et exul-
tatióne: adducéntur in templum Re-
gi Dómino. **Secreta.**

A Ccépta tibi sit, Dómine, sacrátæ
plebis oblátio, pro tuórum honó-
re Sanctórum: quorum se méritis de
tribulatióne percepisse cognóscit au-
xilium. Per Dóminum.

Communio. Matth. 13. Símile est re-
gnum cœlórur hómini negotiátóri,
quærénti bonas margarítas: invénta
autem una pretiósa margaríta, dedit
ómnia sua, et comparávit eam.

Postcommunio.

S Atiásti, Dómine, famíliam tuam
munéribus sacris: ejus, quæsu-
mus semper interventióne nos réfove,
cujus solémnia celebrámus. Per Dó-
minum.

COMMUNE NON VIRGINUM.

Pro una Martyre non Virgine.

Introitus. Psal. 118.



M Expectavérunt pec-
catóres, ut pérderent
me: testimónia tua,
Dómine, intellexi: omnis consummationis
vidi finem: latum mandátum tuum
nimis. **Ps. ibid.** Beáti immaculáti in
via, qui ámbulant in lege Dómini.

V. Glória Patri.

Oratio.

D Eus, qui inter cétera poténtiæ tuæ
mirácula, étiam in sexu frágili
victóriam martyrii contulísti: concéde
propítius; ut, qui beátæ **N.** mártiris
tuæ natalítia cólimus, per ejus ad te
exémpla gradiámur. Per Dóminum.

Si fuerint plures.

Oratio.

D A nobis, quæsumus Dómine Deus
noster, Sanctárum mártýrum tu-
arum **N.** et **N.** palmas incessábili devo-
tione venerári: ut, quas digna mente
non póssumus celebráre, humílibus
saltem frequentémus obséquiiis. Per
Dóminum nostrum.

Lectio libri Sapiéntiæ.

Eccli. 51.

C Onfitébor tibi, Dómine rex, et
collaudábo te Deum Salvatórem
meum. Confitébor nómini tuo: quón-
iam adjutor, et protéctor factus es
mihi, et liberásti corpus meum à per-
ditióne, à láqueo linguæ iníquæ, et à
lábiis operántium mendácium, et in
conspéctu astántium factus es mihi
adjutor. Et liberásti me secúndum
multitúdinem misericórdiæ nóminis
tui à rugiéntibus præparátis ad es-
cam, de mánibus quæréntium ánimam
meam, et de portis tribulatiónum, quæ
circumdedérunt me: à pressúra flam-
mæ, quæ circúmdedit me, et in médio
ignis non sum æstuáta: de altitúdi-
ne ventris inferi, et à lingua coinquináta,
et à verbo mendácii, à rege iníquo, et
à lingua injústa. Laudábit usque ad
mortem ánima mea Dóminum, quón-
iam éruis sustinéntes te, et liberas
eos de mánibus Géntium, Dómine
Deus noster.

Graduale. Psal. 44. Dilexísti justí-
tiam, et odísti iniquitátem. **V.** Pro-
ptérea unxit te Deus, Deus tuus, óleo
lætítiæ.

Allelúja, allelúja. V. Spécie tua, et
pulchritúdi-
ne tua: inténde, prospere
procéde, et regna. Allelúja.

**Post Septuagesimam, omissis Alle-
lúja, et Versu sequenti, dicitur:**

Tractus. Veni sponsa Christi, áccipe
corónam, quam tibi Dóminus præpa-

ravit in ætérnum: pro cuius amore sánguinem tuum fudisti.

V. Psal. 44. Dilexisti justítiam, et odisti iniquitátem: proptérea unxit te Deus, Deus tuus, óleo lætitiæ præ consórtibus tuis. **V.** Spécie tua, et pulchritúdine tua: inténde, prospere procéde, et regna.

Tempore Paschali omittitur Graduale, et ejus loco dicitur, Allelúja, allelúja.

V. ibid. Spécie tua, et pulchritúdine tua: inténde, prospere procéde, et regna. Allelúja. **V.** Propter veritátem, et mansuetúdinem, et justítiam, et dedúcet te mirabíliter dextera tua. Allelúja.

Sequéntia sancti Evangélíi secúndum Matthæum. Matth. 13. f.

In illo témpore: Dixit Jesus discipulis suis parábolam hanc: Símile est regnum cœlórum thesaúro abscondito in agro, quem qui invenit homo, abscondit, et præ gáudio illíus vadit, et vendit univérsa, quæ habet, et emit agrum illum. Iterum símile est regnum cœlórum hómini negotiátóri, quærénti bonas margarítas. Invénta autem una pretíosa margaríta, ábiit, et véndidit ómnia, quæ hábuit, et emit eam. Iterum símile est regnum cœlórum sagénæ missæ in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sœculi: exhibunt Angeli, et separábunt malos de médio justórum, et mittent eos in camínus ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno cœlórum, símilis est hómini patrifamílias, qui profert de thesaúro suo nova et vétera.

Offertorium. Psal. 44. Diffúsa est grátia in lábiis tuis: proptérea benedíxit te Deus in ætérnum, et in sœculum sœculi, allelúja.

Secreta.

Suscipe, Dómine, múnera, quæ in beátæ **N.** mártiris tuæ solemnitáte deférimus: cuius nos confidimus patrocínio liberári. Per Dóminum.

Si fuerint plures. Secreta.

Inténde, quæsumus Dómine, múnera altáribus tuis pro Sanctárum mártýrum tuárum **N.** et **N.** festivitáte propósita: ut, sicut per hæc beáta mystéria illis glóriam contulísti, ita nobis indulgéntiam largiáris. Per Dóminum.

Communio. Psal. 118. Príncipes persecúti sunt me gratis, et à verbis tuis formidávit cor meum: lætabor ego super elóquia tua, quasi qui invenit spólia multa.

Postcommunio.

Auxiliéntur nobis, Dómine, sumpta mystéria: et, intercedénte beáta **N.** mártýre tua, sempitérna fácient protectione gaudére. Per Dóminum.

Si fuerint plures. Postcommunio.

Præsta nobis, quæsumus Dómine, intercedéntibus Sanctis martyribus tuis: ut, quod ore contingimus, pura mente capiámus. Per Dóminum.

PRO NEC VIRGINE nec Martyre.

**Introi-
tus.**

Ps. 118.

Cognóvi Dómine, quia æquitas judícia tua, et in veritáte tua humiliásti me: confíge timóre tuo carnes meas, à mandátis tuis tímui.

Psal. ibid. Beáti immaculáti in via: qui ámbulant in lege Dómini.

V. Glória Patri.

Oratio.

Exáudi nos Deus salutáris noster: ut sicut de beátæ **N.** festivitáte gaudémus, ita piæ devotiónis erudiámur afféctu. Per Dóminum.

Lectio libri Sapiéntiæ. **Prov. 31. b.**

Mulierem fortem quis inveniet? procul, et de últimis finibus pretium ejus. Confidit in ea cor viri sui, et spóliis non indigébit. Reddet ei bonum, et non malum, ómnibus diébus vitæ suæ. Quæsívit lanam, et linum, et operáta est consílio mánuum suárum. Facta est quasi navis institoris, de longe portans panem suum. Et de nocte surrexit, deditque prædam domésticis suis, et cibária ancillis suis. Considerávit agrum, et emit eum: de fructu mánuum suárum plantávit vineam. Accínxit fortitúdine lumbos suos, et roborávit bráchium suum. Gustávit, et vidit, quia bona est negotiátio ejus: non extinguetur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apérui inopi, et palmas suas exténdit ad páuperem. Non timébit dómui suæ à frigóribus nivis: omnes enim doméstici ejus vestíti sunt duplicibus. Stragulátam vestem fecit sibi: byssus, et púrpura indumentum ejus. Nóbilis in portis vir ejus, quando sederit cum senatóribus terræ. Síndonem fecit, et véndidit, et cingulum trádidit Chananæo. Fortitúdo, et decor indumentum ejus, et ridébit in die novíssimo. Os suum apérui sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt: vir ejus, et laudávit eam. Multæ filiæ congregavérunt divítias: tu supergréssa es univérsas. Fallax grátia, et vana est pulchritúdo: mulier timens Dóminum, ipsa laudábitur. Date ei de fructu mánuum suárum, et láudent eam in portis ópera ejus. **Graduale. Psal. 44.** Diffúsa est grátia in lábiis tuis: proptérea benedíxit te Deus in ætérnum. **V.** Propter veritátem, et mansuetúdinem, et justitiam: et dedúcet te mirabíliter dextera tua. **Allelúja, allelúja. V.** Spécie tua,

et pulchritúdine tua inténde, prospere procéde, et regna. **Allelúja.**

Post Septuagesimam, omissis Allelúja, et Versu sequenti, dicitur:

Tractus. Veni sponsa Christi, áccipe corónam, quam tibi Dóminus præparávit in ætérnum.

V. Psalm. 44. Dilexísti justítiam, et odísti iniquitátem: proptérea unxit te Deus, Deus tuus, óleo lætitiæ præ consórtibus tuis. **V.** Spécie tua, et pulchritúdine tua inténde, prospere procéde, et regna.

Tempore Paschali omittitur Graduale, et ejus loco dicitur, Allelúja, allelúja.

V. ibid. Spécie tua, et pulchritúdine tua inténde, prospere procéde, et regna. **Allelúja. V.** Propter veritátem, et mansuetúdinem, et justítiam: et dedúcet te mirabíliter dextera tua. **Allelúja.**

Sequéntia sancti Evangélíi secúndum Matthæum. Matth. 13. f.

In illo témpore: Dixit Jesus discipulis suis parábolam hanc: Símile est regnum cœlórum thesaúro abscondito in agro: quem qui invenit homo, abscondit, et præ gáudio illius vadit, et vendit univérsa, quæ habet, et emit agrum illum. Iterum símile est regnum cœlórum hómini negotiátóri, quærénti bonas margarítas. Invénta autem una pretíosa margaríta, ábiit, et véndidit ómnia, quæ hábuit, et emit eam. Iterum símile est regnum cœlórum sagénæ missæ in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideò omnis scribe doctus in regno cœlórum, símilis est hómini

patrifamilias, qui profert de thesauro suo nova et vetera.

Offertorium. Psal. 44. Diffusa est gratia in labiis tuis: propterea benedixit te Deus in aeternum, et in saeculum saeculi.

Secreta.

Accépta tibi sit, Dómine, sacratae plebis oblatio, pro tuorum honore Sanctorum: quorum se méritis de tribulatione percepisse cognoscit auxilium. Per Dóminum.

Communio. ibid. Dilexisti justitiam, et odisti iniquitatem: propterea unxit te Deus, Deus tuus, oleo laetitiae praeconsortibus tuis.

Postcommunio.

Satiasti, Dómine, familiam tuam munéribus sacris: ejus, quaesumus, semper interventione nos refove, cujus solémnia celebramus. Per Dóminum.

§ Item alia Epistola pro Vidua.

Lectio Epistolae beati Pauli Apostoli ad Timotheum. **1. Tim. 5.**

Carissime: Viduas honora, quae vere viduae sunt. Si qua autem vidua filios, aut nepotes habet, discat primum domum suam regere, et mutuum vicem reddere parentibus: hoc enim acceptum est coram Deo. Quae autem vere vidua est, et desolata, speret in Deum, et instet obsecrationibus, et orationibus nocte, ac die. Nam quae in deliciis est, vivens mortua est. Et hoc praecipe, ut irreprehensibiles sint. Si quis autem suorum, et maxime domesticorum curam non habet, fidem negavit, et est infideli deterior. Vidua eligatur non minus sexaginta annorum, quae fuerit unius viri uxor, in operibus bonis testimonium habens, si filios educavit, si hospitio recepit, si sanctorum pedes lavit, si tribulationem patientibus ministravit, si omne opus bonum subsecuta est.



IN ANNIVERSARIO

Dedicationis Ecclesiae.

Introitus.

Gen. 28.



Erribilis est locus iste: hic domus Dei est, et porta caeli: et vocabitur aula Dei.

Ps. 83. Quam dilecta tabernacula tua, Dómine virtutum! concupiscit, et deficit anima mea in atria Dómini. **V. Glória Patri.**

Oratio.

Deus, qui nobis per singulos annos, hujus sancti templi tui consecrationis reparas diem, et sacris semper mysteriis repraesentas incolumes: exaudi preces populi tui, et presta; ut quisquis hoc templum beneficia petiturus ingreditur, cuncta se impetrasse laetetur. Per Dóminum.

Lectio libri Apocalypsis beati Joannis Apostoli. **Apoc. 21.**

In diebus illis: Vidi sanctam civitatem Jerúsalem novam descendentem de caelo à Deo, paratam sicut sponsam ornata viro suo. Et audivi vocem magnam de throno dicentem: Ecce tabernaculum Dei cum hominibus, et habitabit cum eis. Et ipsi populus ejus erunt, et ipse Deus cum eis erit eorum Deus: et abstergit Deus omnem lacrymam ab oculis eorum: et mors ultra non erit, neque luctus, neque clamor, neque dolor erit ultra, quia prima abierunt. Et dixit qui sedebat in throno: Ecce nova facio omnia.

Graduale. Locus iste à Deo factus est, inestimabile sacramentum, irreprehensibilis est.

V. Deus, cui adstat Angelorum chorus, exaudi preces servorum tuorum.

Allelúja, allelúja.

V. Psal. 137. Adorabo ad templum sanctum tuum, et confitebor nomini tuo. **Allelúja.**

Post Septuagesimam, omissis Allelúja, et Versu sequenti dicitur:

Tractus. Ps. 124. Qui confidunt in Dómino, sicut mons Sion: non commovébitur in ætérnum, qui hábitat in Jerúsalem.

V. Montes in circúitu ejus, et Dóminus in circúitu pópuli sui, ex hoc nunc, et usque in sæculum.

Tempore Paschali omittitur Graduale, et ejus loco dicitur, Allelúja, allelúja.

V. Psal. 137. Adorábo ad templum sanctum tuum: et confitébor nómini tuo. Allelúja.

V. Bene fundáta est domus Dómini supra firmam petram. Allelúja.



Sequéntia sancti Evangélíi secúndum Lucam. Lucæ 19.

IN illo témpore: Ingréssus Jesus perambulábat Jéricho. Et ecce vir nómine Zachæus: et hic princeps erat publicanórum, et ipse dives: et quærébat vidére Jesum, quis esset: et non póterat præ turba, quia statúra pusíllus erat. Et præcúrrens ascéndit in árborem sycómorum, ut vidéret eum; quia inde erat transitúrus. Et cum venísset ad locum, suspiciens Jesus vidit illum, et dixit ad eum: Zachæe, festínans descénde; quia hódie in domo tua opórtet me manére. Et festínans descéndit, et excépit illum gáudens. Et cum vidérent omnes, murmurábant, dicéntes, quod ad hóminem peccatórem divertísset. Stans autem Zachæus, dixit ad Dóminum: Eccedimídiū bonórum meórum, Dómine, do paupéribus: et si quid áliquem defraudávi, reddo quádruplum. Ait Jesus ad eum: Quia hódie salus dómui huic facta est: eo quod et ipse filius sit Abrahæ. Venit enim Fílius hóminis quærere, et salvum fácere, quod perierat. **Credo.**

Offertorium. 1. Paral. 29. Dómine Deus, in simplicitáte cordis mei lætus obtuli univérsa: et pópulum tuum, qui repértus est, vidi cum ingénti gáudio: Deus Israel, custódi hanc voluntátem, allelúja.

§ Extra Ecclesiam ipsam dedicatam omittitur tota parenthesis.

Secreta.

ANnuè, quæsumus Dómine, precibus nostris: (ut quicúmque intra templi hujus, cujus anniversárium dedicatiónis diem celebrámus, ámbitum continémur, plena tibi, atque perfécta córporis et ánimæ devotíone placeámus:) ut, dum hæc vota præsentia réddimus, ad æterna præmia, te adjuvánte, perveníre mereámur. **Per Dóminum.**

Communio. Matth. 21. Domus mea, domus oratiónis vocábitur, dicit Dóminus: in ea omnis, qui petit, áccipit: et qui quærit, ínvenit, et pulsánti aperiétur.

Postcommunio.

DEus, qui de vivis et eléctis lapí dibus ætérnum majestáti tuæ præparas habitáculum: auxiliáre pópulo tuo supplicánti; ut, quod Ecclesiæ tuæ corporálibus próficit spátiis, spirituálibus amplificétur augméntis. **Per Dóminum.**

§ Infra Octavam Dedicationis Ecclesiæ, et in die Octava, dicitur Missa ut supra in die anniversario: sed infra Octavam secunda Oratio dicitur de Beata Maria, tertia Ecclesiæ, vel pro Papa, ut in Dominica in Albis.

§ In ipsa die Dedicationis Ecclesiæ, Missa dicitur ut supra in anniversario Dedicationis, exceptis Orationibus, quæ dicuntur ut sequitur.

Oratio.

DEus, qui invisibíliter ómnia cónstines, et tamen pro salúte géneris humáni signa tuæ poténtiæ visibíliter osténdis: templum hoc poténtia tuæ inhabitatiónis illústra, et concéde; ut omnes qui huc deprecáturi convéniunt, ex quacúmque tribulatíone ad te clamáverint, consolatiónis tuæ benefícia consequántur. **Per Dóminum.**

Secreta.

DEus, qui sacrandórum tibi auctor es múnere, effúnde super hanc oratiónis domum benedictiónem tu-

am: ut ab ómnibus in ea invocántibus nomen tuum, defensiónis tuæ auxili-
lium sentiátur. **Per Dóminum.**

Postcommunio.

Quæsumus omnipotens Deus: ut in hoc loco, quem nómini tuo indígni dedicávimus, cunctis peténtibus aures tuæ pietátis accómodes. **Per Dóminum.**

§ **Prædictæ Orationes debent sumi quotiescumque occurrerint plures comm. de anniversario Dedicationis Ecclesiæ.**

§ **In ipsa die Dedicationis Altaris dicitur Missa ut supra in anniversario Dedicationis Ecclesiæ, præter Orationes, quarum loco dicuntur sequentes.**

Oratio.

Deus, qui ex omni coaptatione Sanctórum, ætérnum tibi condis habitáculum: da ædificatióni tuæ incrementa cœléstia; ut, quorum híc reliquias pio amore compléctimur, eórum semper méritis adjuvémur. **Per Dóminum.**

Secreta.

Descéndat, quæsumus Dómine Deus noster, Spíritus tuus sanctus super hoc altáre: qui, et pópuli tui dona sanctíficet, et suméntium corda dignánter emúndet. **Per Dóminum.**

Postcommunio.

Omnipotens sempitérne Deus, altáre hoc nómini tuo dedicátum, cœléstis virtútis benedictiône sanctífica: et ómnibus in te sperántibus, auxilii tui munus osténde; ut, et híc sacramentórum virtus, et votórum obtineátur effectus. **Per Dóminum.**

§ **Sequentes Missæ votivæ, licet pro Sacerdotis devotione quacumque die dici possint per Hebdomadam, quando Festum Duplex non occurrit; hoc tamen passim, nisi rationabili de causa, fieri non debet; sed quoad fieri potest, Missa cum Officio conveniat. Cuique autem diei propria Missa potest assignari; ut Feria ii. nisi dicatur pro Defunctis, Missa de sanctis-**

sima Trinitate. Feria iii. de Angelis. Feria iv. de Apostolis. Feria v. de Spiritu sancto, vel de sanctissimo Eucharistiæ Sacramento. Feria vi. de Cruce, vel de Passione Domini. Sabbato de sancta Maria. In ipsis non dicitur Glória in excélsis, nec Credo, nisi pro publica Ecclesiæ causa; et tunc, etiamsi dicantur in paramentis violaceis, dicitur Credo, si sit Dominica, non autem Glória in excélsis. In Missa autem beatæ Mariæ in Sabbato, et in Missa Angelorum, dicitur tantum Glória in excélsis. Tempore Paschali in fine Introitus dicuntur duo Allelúja, et in fine Offertorii, et Communione additur Allelúja, ubi non habetur.

MISSA DE SS. TRINITATE.

Introitus.
Tob. 13.



Benedícta sit sancta Trínitas, atque indivísa únitás: confitébimur ei, quia fecit nobiscum misericórdiam suam.

Psal. 8. Dómine Dóminus noster: quam admirábile est nomen tuum in univérsa terra!

V. Glória Patri.

Oratio.

Omnipotens sempitérne Deus, qui dedísti fámulis tuis in confessiône veræ fidei, ætérnæ Trinitátis glóriam agnóscere, et in poténtia maiestátis adoráre unitátem: quæsumus; ut ejúsdem fidei firmitáte, ab ómnibus semper muniámur advérsis. **Per Dóminum.**

Léctio Epístolæ beati Pauli Apóstoli ad Corínthios. 2. Cor. 13. d.

Fratres: Gaudéte, perfécti estóte, exhortámini, idem sápite, pacem habéte, et Deus pacis et dilectionis erit vobiscum. Grátia Dómini nostri Jesu Christi, et caritas Dei, et comunicatio sancti Spíritus sit cum ómnibus vobis. Amen.

Graduale. Dan. 3. Benedíctus es Dómine, qui intuéris abyssos, et sedes super Chérubim. **V.** Benedíctus es, Dómine, in firmaménto cœli, et laudábilis in sæcula. **A**llelúja, allelúja. **V.** Benedíctus es Dómine Deus patrúum nostrórum, et laudábilis in sæcula. Allelúja.

Post Septuagesimam, omissis Allelúja, et Versu sequenti, dicitur

Tractus. Te Deum Patrem ingénitum, te Fílium unigénitum, te Spíritum sanctum Paráclitum, sanctam et indivíduam Trinitátem, toto corde confitémur, laudámus, atque benedicimus.

V. Quóniam magnus es tu, et fáciens mirabilia, tu es Deus solus. **V.** Tibi laus, tibi glória, tibi gratiárum actio in sæcula sempitérna, o beáta Trinitas.

Tempore Paschali omittitur Graduale, et ejus loco dicitur, Allelúja, allelúja.

V. Dan. 3. Benedíctus es, Dómine Deus patrúum nostrórum, et laudábilis in sæcula. Allelúja. **V.** Benedicámus Patrem, et Fílium, cum sancto Spíritu. Allelúja.

Sequéntia sancti Evangélíi secundùm Joánnem. Jo. 15. d. et 16.

In illo témpore: Dixit Jesus discipulis suis: Cum vénerit Paráclitus, quem ego mittam vobis à Patre, Spíritum veritátis, qui à Patre procédit, ille testimónium perhibébit de me: et vos testimónium perhibébitis, quia ab iníitio mecum estis. Hæc locútus sum vobis, ut non scandalizémini. Absque synagógis fácient vos: sed venithora, ut omnis, qui intérficit vos, arbitrétur obséquium se præstáre Deo. Et hæc fácient vobis, quia non novérunt Patrem, neque me. Sed hæc locútus sum vobis: ut cum vénerithora eórum, reminiscámini, quia ego dixi vobis.

Offertorium. Tob. 12. Benedíctus sit Deus Pater, unigenitúsque Dei Fílius, sanctus quoque Spíritus: quia fecit nobíscum misericórdiam suam.

Secreta.

Sanctífica, quæsumus Dómine Deus noster, per tui sancti nóminis invocatióem, hujus oblatiόνis hóstiam: et per eam nosmetípsos tibi pérfice munus ætérnum. Per Dóminum.

Præfatio de SS. Trinitate. Qui cum unigénito Fílio.

Communio. Tob. 13. Benedícimus Deum cœli, et coram ómnibus vivéntibus confitébimur ei: quia fecit nobíscum misericórdiam suam.

Postcommunio.

Proficiat nobis ad salutem corpóris et ánimæ, Dómine Deus noster, hujus sacraménti susceptiό: et sempitérnæ sanctæ Trinitátis, ejusdémque indivíduæ unitátis conféssio. Per Dóminum.

PRO GRATIARUM ACTIONE

Dicitur Missa de SS. Trinitate, vel de Spiritu sancto, vel de B. Maria, additis sequentibus Orationibus sub una conclusione.

Oratio.

Deus, cujus misericórdiæ non est númerus, et bonitátis infínitus est thesáurus: piíssimæ majestáti tuæ pro collátis donis grátias ágimus, tuam semper cleméntiam exorántes; ut qui peténtibus postuláta concédis, eósdem non désereas, ad præmia futúra dispónas. Per Dóminum.

Secreta.


Odórem, Dómine, sacrificii hujus cum gratiárum actiόνibus súscipe, et præsta: ut quos exaudíre, et incólumes serváre dignátus es, ab omni in pósterum adversitáte custódias; et in tuo servítio, et amóre concréscent. Per Dóminum.

Postcommunio.

Deus, qui néminem in te sperántem, nímium afflígi permíttis, sed piúm précibus præstas auditum: pro postulatiόνibus nostris, votisque susceptis grátias ágimus, te piíssime

deprecantes; ut per hæc quæ sumpsimus, à cunctis éripi mereámur advérsis. **Per Dóminum.**

MISSA DE ANGELIS.



Introitus.
Ps. 102.

Benedícite Dóminum omnes Angeli ejus: poténtes virtúte, qui fácitis verbum ejus, ad audiéndam vocem sermónum ejus.

Psal. ibid. **B**enedic ánima mea Dómino: et ómnia, quæ intra me sunt, nómini sancto ejus. **V. Glória Patri.**

Oratio.

Deus, qui miro órđine Angelórum ministéria hominúmque dispensas: concéde propítius; ut à quibus tibi ministrántibus in cœlo semper assístitur, ab his in terra vita nostra muniátur. **Per Dóminum.**

Lectio libri Apocalypsis beáti Joánnis Apóstoli. **Apoc. 5. c.**

In diébus illis: Audívi vocem Angelórum multórum in circúitu throni, et animálium, et seniórum: et erat númerus eórum míllia míllium, dicéntium voce magna: **Dignus est Agnus, qui occísus est, accípere virtútem, et divinitátem, et sapiéntiam, et fortitúdinem, et honórem, et glóriam, et benedictionem. Et omnem creatúram, quæ in cœlo est, et super terram, et sub terra, et quæ sunt in mari, et quæ in eo: omnes audívi dicéntes: Sedénti in throno, et Agno, benedictio, et honor, et glória, et potéstas in sæcula sæculórum. Et quátuor animália dicébant: Amen. Et vigintiquátuor senióres cecidérunt in fácies suas: et adoravérunt vivéntem in sæcula sæculórum.**

Graduale. Psal. 148. **L**audáte Dóminum de cœlis: laudáte eum in excélsis.

V. Laudáte eum omnes Angeli ejus: laudáte eum omnes virtútes ejus.

Allelúja, allelúja.

V. Ps. 137. In conspéctu Angelórum psallam tibi: adorábo ad templum sanctum tuum, et confitébor nómini tuo. **Allelúja.**

Post Septuagesimam, omissis Allelúja, et Versu sequenti dicitur:

Tractus. Psal. 102. **B**enedícite Dóminum omnes Angeli ejus: poténtes virtúte, qui fácitis verbum ejus.

V. Benedícite Dómino omnes virtútes ejus: ministri ejus, qui fácitis voluntátem ejus. V. Benedícite Dómino ómnia ópera ejus: in omni loco dominationis ejus, benedic ánima mea Dómino.

Tempore Paschali omittitur Graduale, et ejus loco dicitur Allelúja, allelúja.

V. Psal. 137. In conspéctu Angelórum psallam tibi: adorábo ad templum sanctum tuum, et confitébor nómini tuo. **Allelúja.**

V. Matth. 28. Angelus Dómini descendit de cœlo, et accédens revólvit lápidem, et sedébat super eum. **Allelúja.**

Sequéntia sancti Evangélíi secúndum Joánnem. Joan. 1. g.

In illo témpore: Vidit Jesus Nathánael veniéntem ad se, et dicit de eo: Ecce vere Israelíta, in quo dolus non est. Dicit ei Nathánael: Unde me nosti? Respóndit Jesus, et dixit ei: Priúsquam te Philíppus vocáret, cum esses sub ficu, vidi te. Respóndit ei Nathánael, et ait: Rabbi, tu es Fílius Dei, tu es Rex Israel. Respóndit Jesus, et dixit ei: Quia dixi tibi: Vidi te sub ficu, credis: majus his vidébis. Et dicit ei: Amen, amen dico vobis, vidébitis cœlum apértum, et Angelos Dei ascendéntes, et descendéntes supra Fílium hóminis.

Offertorium. Apoc. 8. Stetit Angelus juxta aram templi, habens thuríbulum áureum in manu sua: et data sunt ei incénsa multa: et ascéndit fumus arómatum in conspéctu Dei.

Secreta.

Hostias tibi, Dómine, láudis offérimus, suppliciter deprecántes: ut eásdem, Angélico pro nobis interveniénte suffrágio, et placátus accípias, et ad salútem nostram proveníre concédas. Per Dóminum.

Communio. Angeli, Archángeli, Throni, et Dominationes, Principátus, et Potestátes, Virtútes cœlórum, Chérubim, atque Séraphim, Dóminum benedicite in ætérnum.

Postcommunio.

Repléti, Dómine, benedictióne cœlésti, suppliciter implorámus: ut quod frágili celebrámus officio, sanctórum Angelórum, atque Archangelórum nobis prodésse sentiámus auxílio. Per Dóminum.

Alia Missa votiva de S. Michaelis Archangelo dici potest, prout in ejus Dedicatione, die xxix. Septembris.

**MISSA DE SS. APOSTOLIS
PETRO et PAULO.**

**Introitus. Ps. 118.**

Ihi autem nimis honoráti sunt amíci tui Deus: nimis confortátus est Principátus eórum.

Ps. ibid. Dómine probásti me, et cognovísti me: tu cognovísti sessiónem meam, et resurrectionem meam.

V. Glória Patri.

Oratio.

Deus, cujus dextera beátum Petrum ambulántem in flúctibus, ne mergerétur, eréxit: et coapóstolum ejus Páulum tértio naufragántem, de profúndo pélagi liberávit: exáudi nos propítius, et concéde; ut ambórum méritis, æternitátis glóriam consequámur. Qui vivis et regnas.

Lectio Actuum Apostolorum. Act. 5. b.

In diébus illis: Per manus Apostolorum fiébant signa, et prodígia multa in plebe. Et erant unánimiter omnes in pórticu Salomónis. Ceterórum autem nemo audébat se conjún-

gere illis: sed magnificábat eos pópulus. Magis autem augebátur credéntium in Dómino multitúdo virórum, ac mulierum, ita ut in platéas ejícerent infirmos, et pónerent in létulis ac grabátis, ut, veniénte Petro, saltem umbra illíus obumbráret quemquam illórum, et liberaréntur ab infirmitátibus suis. Concurrébat autem et multitúdo vicinárum civitátum Jerúsalem, afferéntes ægros, et vexátos à spirítibus immúndis, qui curabántur omnes.

Graduale. Psal. 44. Constítues eos príncipes super omnem terram: mémoires erunt nóminis tui Dómine.

V. Pro pátribus tuis nati sunt tibi filii: proptérea pópuli confitebúntur tibi.

Allelúja, allelúja.

V. Psalm. 138. Nimis honoráti sunt amíci tui Deus, nimis confortátus est principátus eórum. **Allelúja.**

Post Septuages., omissis Allelúja, et Versu sequenti dicitur:

Tractus. Psal. 125. Qui séminant in lácrymis, in gáudio metent.

V. Eúntes ibant, et flebant, mitténtes sémina sua.

V. Veniéntes autem vénient cum exultatióne, portántes manipulos suos.

Sequéntia sancti Evangélii secúndum Matthæum. Matth. 19. d.

In illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis? Jesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israel. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam ætérnam possidébit.

Offertorium. Ps. 18. In omnem terram exívit sonus eórum: et in fines orbis terræ verba eórum.

Secreta.

Offerimus tibi, Dómine, preces et múnera: quæ, ut tuo sint digna conspéctu, Apostolorum tuorum Petri et Pauli précibus adjuvémur. Per Dóminum.

Præfatio de Apostolis.

Communio. Matth. 19. Vos, qui secúti estis me, sedébitis super sedes, judicántes duódecim tribus Israel.

Postcommunio.

Prótege, Dómine, pópulum tuum: et Apostolorum tuorum Petri et Pauli patrocínio confidéntem: perpétua defensione conserva. Per Dóminum.

Tempore Paschali dicitur Missa, ut in festo S. Marci die xxv. Aprilis; præter Orationes, Epistolam et Evangelium, quæ dicuntur ut supra.

MISSA DE SPIRITU SANCTO.**Introitus. Sap. 1.**

Spíritus Dómini replévit orbem terrárum: et hoc, quod cóntinet ómnia, sciéntiam habet vocis.

Ps. 67. Exúrgat Deus, et dissipéntur inimíci ejus: et fúgiant, qui odérunt eum, à fácie ejus.

V. Glória Patri.

Oratio.

Deus, qui corda fidélium sancti Spíritus illustratióne docuísti: da nobis in eódem Spíritu recta sápere, et de ejus semper consolatióne gaudére. Per Dóminum. in unitáte ejúsdem Spíritus sancti Deus.

Léctio Actuum Apostolorum. Act. 8. c.

In diébus illis: Cum audíssent Apóstoli, qui erant Jerosólymis, quod recepíisset Samaría verbum Dei, miserunt ad eos Petrum et Joánnem. Qui cum veníssent, oravérunt pro ipsis ut accíperent Spíritum sanctum. Nondum enim in quemquam illórum vénerat, sed baptizáti tantum erant in nómine Dómini Jesu. Tunc im-

ponébant manus super illos, et accipiébant Spíritum sanctum.

Graduale. Ps. 32. Beáta gens, cujus est Dóminus Deus eórum: pópulus, quem elégit Dóminus in hæreditátem sibi.

V. Verbo Dómini cæli firmáti sunt: et spíritu oris ejus omnis virtus eórum. Allelúja, allelúja.

V. (Hic genuflectitur) Veni sancte Spíritus, reple tuórum corda fidélium: et tui amóris in eis ignem accénde. Allelúja.

Post Septuagesimam, omissis Allelúja, et Versu seq. dic. Tract. Ps. 103.

Emitte Spíritum tuum, et creabúntur: et renovábis fáciem terræ.

V. O quam bonus, et suavis est, Dómine, Spíritus tuus in nobis!

V. (Hic genuflectitur) Veni sancte Spíritus, reple tuórum corda fidélium: et tui amóris in eis ignem accénde.

Tempore Paschali omittitur Graduale, et ejus loco dicitur, Allelúja, allelúja.

V. Psal. 103. Emitte Spíritum tuum, et creabúntur: et renovábis fáciem terræ. Allelúja.

V. (Hic genuflectitur) Veni sancte Spíritus, reple tuórum corda fidélium: et tui amóris in eis ignem accénde. Allelúja.

Sequéntia sancti Evangélíi secúndum Joánnem. Joan. 14. c.

In illo témpore: Dixit Jesus discípu-
lis suis: Si quis díligit me, sermónem meum servábit, et Pater meus díliget eum, et ad eum veniémus, et mansiónem apud eum faciémus: qui non díligit me, sermónes meos non servat. Et sermónem quem audístis, non est meus: sed ejus, qui misit me, Patris. Hæc locútus sum vobis, apud vos manens. Paráclitus autem Spíritus sanctus, quem mittet Pater in nómine meo, ille vos docébit ómnia, et súdebet vobis ómnia, quæcúmque díxero vobis. Pacem relínquo vobis, pacem meam do vobis: non quómodo

mundus dat, ego do vobis. Non turbetur cor vestrum, neque formidet. Audistis, quia ego dixi vobis: Vado, et venio ad vos. Si diligeretis me, gauderetis utique, quia vado ad Patrem; quia Pater major me est. Et nunc dixi vobis, priusquam fiat: ut cum factum fuerit, credatis. Jam non multa loquar vobiscum. Venit enim princeps mundi hujus, et in me non habet quidquam. Sed ut cognoscat mundus, quia diligo Patrem, et sicut mandatum dedit mihi Pater, sic facio.

Offertorium. Psal. 67. Confirma hoc Deus, quod operatus es in nobis: à templo tuo, quod est in Jerúsalem, tibi offerent reges múnera.

Secreta.

Munera, quæsumus Dómine, oblata sanctifica: et corda nostra sancti Spíritus illustratióne emunda. Per Dóminum nostrum Jesum Christum Fílium tuum: Qui tecum vivit et regnat in unitate ejúsdem Spíritus sancti Deus.

Præfatio. Qui ascéndens super omnes cœlos, **ut in Pentecoste.**

Communio. Act. 2. Factus est repente de cœlo sonus tamquam adveniéntis spíritus veheméntis, ubi erant sedéntes: et repléti sunt omnes Spíritu sancto, loquéntes magnália Dei.

Postcommunio.

Sancti Spíritus, Dómine, corda nostra mundet infúsió: et sui roris íntima aspersione fecúndet. Per Dóminum nostrum Jesum Christum Fílium tuum: Qui tecum vivit et regnat in unitate ejúsdem Spíritus sancti Deus.

§ Ad postulandam gratiam Spiritus sancti, dicitur Missa ut supra cum sequentibus Orationibus.

Oratio.

Deus, cui omne cor patet, et omnis volúntas lóquitur, et quem nulum latet secrétum: purifica per infusióne sancti Spíritus cogitatiónes cordis nostri; ut te perfécte diligere,

et digne laudáre mereámur. Per Dóminum nostrum Jesum Christum Fílium tuum: Qui tecum vivit et regnat in unitate ejúsdem Spíritus sancti Deus.

Secreta.

Hæc oblatio, quæsumus Dómine, cordis nostri máculas emúndet: ut sancti Spíritus digna efficiátur habitatio. Per Dóminum. in unitate ejúsdem Spíritus sancti Deus.

Postcommunio.

Concède quæsumus omnipotens Deus, sanctum nos Spíritum votis promeréri sédulis: quatenus ejus grátia, et ab ómnibus liberémur tentatióibus, et peccatórum nostrórum indulgéntiam percípere mereámur. Per Dóminum nostrum Jesum Christum Fílium tuum: Qui tecum vivit et regnat in unitate ejúsdem Spíritus sancti Deus per ómnia sœcula sœculórum.

MISSA

de SS. Eucharistiæ Sacramento.

In-
troitus.

Ps. 80.



Ibávit eos ex ádipe fruménti: et de petra, melle saturávit eos.

Psalm. ibid. Exultáte Deo adiutori nostro: jubiláte Deo Jacob.

V. Glória Patri.

Oratio.

Deus, qui nobis sub Sacraménto mirábili, passióis tuæ memóriam reliquisti: tríbue quæsumus, ita nos Córporis et Sanguinis tui sacramystéria venerári; ut redemptionis tuæ fructum in nobis júgiter sentiámus. Qui vivis et regnas cum Deo Patre in unitate Spíritus sancti Deus.

Lectio Epístolæ beáti Pauli Apóstoli ad Corínthios.

1. Cor. 11. e.

Fratres, Ego enim accépi à Dómino, quod et trádidi vobis, quóniam Dóminus Jesus in qua nocte

tradebátur, accépit panem, et grátias agens, fregit, et dixit: Accípite, et manducáte: hoc est corpus meum, quod pro vobis tradétur: hoc fácite in meam commemoratióem. Similiter et cálicem, postquam cœnávít, dicens: Hic calix novum testaméntum est in meo ságuine. Hoc fácite, quotiescúmque bibétis, in meam commemoratióem. Quotiescúmque enim manducábitis panem hunc, et cálicem bibétis, mortem Dómini annuntiábitis, donec véniat. Itaque quicúmque manducáverit panem hunc, vel bíberit cálicem Dómini indígne, reus erit córporis et ságuinis Dómini. Probet autem seípsum homo: et sic de pane illo edat, et de cálice bibat. Qui enim mandúcat, et bibit indígne, iudícium sibi mandúcat et bibit: non dijúdicans corpus Dómini.

Graduale. Psal. 144. Oculi ómnium in te sperant Dómine: et tu das illis escam in témpore oportúno.

V. Aperis tu mánum tuam: et imple omne ánimál benedictióe.

Allelúja, allelúja.

V. Jo. 6. Caro mea vere est cibus, et sanguis meus vere est potus: qui mandúcat meam carnem, et bibit meum ságuinem, in me manet, et ego in eo. Allelúja.

Post Septuagesimam, omissis Allelúja, et Versu seq. dicitur

Tractus. Mal. 1. Ab ortu solis usque ad occásum, magnum est nomen meum in Géntibus.

V. Et in omni loco sacrificátur, et offértur nómini meo oblátio munda: quia magnum est nomen meum in Géntibus.

V. Prov. 9. Veníte, comédite panem meum: et bíbite vinum, quod míscui vobis.

Tempore Paschali omittitur Graduale, et ejus loco dicitur,

Allelúja, allelúja.

V. Luc. 24. Cognovérunt discípuli Dóminum Jesum in fractióne panis. Allelúja.

V. Joan. 6. Caro mea vere est cibus, et sanguis meus vere est potus: qui mandúcat meam carnem, et bibit meum ságuinem, in me manet, et ego in eo. Allelúja.

Sequéntia sancti Evangélii secúndum Joánnem. Joan. 6. f.

In illo témpore: Dixit Jesus turbis Judæórum: Caro mea vere est cibus, et sanguis meus vere est potus. Qui mandúcat meam carnem, et bibit meum ságuinem, in me manet, et ego in illo. Sicut misit me vivens Pater, et ego vivo propter Patrem: et qui mandúcat me, et ipse vivet propter me. Hic est panis, qui de cœlo descéndit. Non sicut manducavérunt patres vestri manna, et mórtui sunt. Qui mandúcat hunc panem, vivet in ætérnum.

Offertorium. Levit. 21. Sacerdótes Dómini incénsus et panes offerunt Deo, et ídeo sancti erunt Deo suo: et non pólluent nomen ejus.

Secreta.

Ecclésiæ tuæ, quæsumus Dómine, unitátis et pacis propítius dona concéde: quæ sub oblátis munéribus mystice designántur. Per Dóminum nostrum Jesum Christum Fílium tuum: Qui tecum vivit.

Præfatio de Nativitate Domini. Quia per incarnáti Verbi.

Communio. 1. Cor. 11. Quotiescúmque manducábitis panem hunc, et cálicem bibétis, mortem Dómini annuntiábitis, donec véniat: itaque quicúmque manducáverit panem, vel bíberit cálicem Dómini indígne, reus erit córporis et ságuinis Dómini.

Postcommunio.

Fac nos, quæsumus Dómine, divinitátis tuæ sempitérna fruitióe repléri, quam pretiósí Córporis et Ságuinis tui temporális percéptio præfigúrat. Qui vivis et regnas cum Deo Patre.

MISSA DE S. CRUCE.

Introitus. Galat. 6.

NOs autem gloriári opórtet in Cruce Dómini nostri Jesu Christi: in quo est salus, vita, et resurréctio nostra: per quem salváti, et liberáti sumus.

Psal. 66. Deus misereátur nostri, et benedícat nobis: illúminet vultum suum super nos, et misereátur nostri.

V. Glória Patri.

Oratio.

DEus, qui unigéniti Fílii tui pretíoso sáanguine, vivíficæ Crucis vexillum sanctificáre voluisti: concede quæsumus; eos, qui ejúsdem sanctæ Crucis gaudent honóre, tua quoque ubíque protectióne gaudére. Per eúmdem Dóminum nostrum Jesum Christum Fílium tuam: Qui tecum vivit.

Léctio Epístolæ beáti Pauli Apóstoli ad Philippéenses. **Phil. 2.**

FRatres, Christus factus est pro nobis obédiens usque ad mortem, mortem autem Crucis. Propter quod et Deus exaltávit illum, et donávit illi nomen, quod est super omne nomen: (**Hic genuflectitur**) ut in nómine Jesu omne genuflectátur, cœléstium, terréstrium, et infernórum: et omnis lingua confiteátur, quia Dóminus Jesus Christus in glória est Dei Patris.

Graduale. ibid. Christus factus est pro nobis obédiens usque ad mortem, mortem autem Crucis.

V. Propter quod et Deus exaltávit illum, et dedit illi nomen, quod est super omne nomen.

Allelúja, allelúja.

V. Dulce lignum, dulces clavos, dulcia ferens póndera: quæ sola fuísti digna sustinére Regem cœlórum, et Dóminum. Allelúja.

Post Septuagesimam, omissis Allelúja. et Versu sequenti, dicitur

Tractus. Adorámus te Christe, et benedícimus tibi: quia per Crucem tuam redemísti mundum.

V. Tuam crucem adorámus Dómine, tuam gloriósam recólimus passió-nem: miserére nostri, qui passus es pro nobis.

V. O Crux benedícta, quæ sola fuísti digna portáre Regem cœlórum, et Dóminum.

Tempore Paschali omittitur Graduale, et ejus loco dicitur, Allelúja, allelúja.

V. Psal. 95. Dícite in Géntibus, quia Dóminus regnávít à ligno. Allelúja.

V. Dulce lignum, dulces clavos, dulcia ferens póndera: quæ sola fuísti digna sustinére Regem cœlórum, et Dóminum. Allelúja.

Sequéntia sancti Evangélíi secúndum Matthæum. Matth. 20. b

IN illo témpore: Assúmpsit Jesus duódecim discipulos secréto, et ait illis: Ecce ascéndimus Jerosólymam, et Fílius hóminis tradétur princípibus sacerdotum, et Scribis, et condemnábunt eum morte; et tradent eum Géntibus ad illudéndum, et flagellándum, et crucifigéndum, et tertia die resúrget.

Offertorium. Prótege Dómine plebem tuam, per signum sanctæ Crucis, ab ómnibus insídiis inimicórum ómnium: ut tibi gratam exhibeámus servitútem, et acceptábile fiat sacrificium nostrum.

Secreta.

HÆc oblátio, Dómine quæsumus, ab ómnibus nos purget offénsis: quæ in ara Crucis etiam totíus mundi tulit offénsam. Per eúmdem Dóminum.

Præfatio. Qui salútem humáni géneris, **ut in Dominica Passionis.**

Communio. Per signum Crucis de inimícis nostris libera nos Deus noster.

Postcommunio.

A Désto nobis, Dómine Deus noster: et quos sanctæ Crucis lætari facis honore, ejus quoque perpetuis defēde subsidiis. Per Dóminum.

§ **Tempore Paschali, loco primæ Orationis, dicitur sequens.**

Oratio.

Deus, qui pro nobis Fílium tuum Crucis patíbulum subire voluisti, ut inimici à nobis expelleres potestatem: concède nobis fámulis tuis; ut resurrectionis grátiam consequámur. Per eúmdem Dóminum nostrum.

MISSA DE PASSIONE

Domini nostri Jesu Christi.

Introitus.

Philipp. 2.



Umiliávit semetípsum Dóminus Jesus Christus usque ad mortem, mortem autem crucis: propter quod et Deus

exaltávit illum, et donávit illi nomen, quod est super omne nomen.

Psal. 88. Misericórdias Dómini in ætérnum cantábo: in generatióem et generatióem.

V. Glória Patri.

Oratio.

Domine Jesu Christe, qui de cœlis ad terram de sinu Patris descendisti, et sánguinem tuum pretiósum in remissionem peccatórum nostrórum fudisti: te humiliter deprecámur; ut in die judicii, ad dexteram tuam audire mereámur: Veníte benedícti. Qui vivis et regnas cum Deo Patre, in unitáte Spíritus sancti Deus.

Léctio Zachariæ Prophætæ.

Zach. 12. c et 13.

Hæc dicit Dóminus: Effúndam super domum David, et super habitatores Jerúsalem, spíritum gratiæ et precum: et aspicient ad me, quem confixerunt: et plangent eum planctu quasi super unigénitum, et dolébunt super eum, ut doléri solet in morte primogéniti. In die illa ma-

gnus erit planctus in Jerúsalem, et dicétur: Quid sunt plagæ istæ in médio mánuum tuárum? Et dicet: His plagátus sum in domo eórum, qui diligébant me. Frámea suscitáre super pastórem meum, et super virum cohæréntem mihi, dicit Dóminus exercítuum: pécute pastórem, et dispergéntur oves: ait Dóminus omnipotens.

Graduale. Psal. 68. Impropérium expectávit cor meum, et misériam: et sústinui, qui simul mecum contristarétur, et non fuit: consolántem me quæsívi, et non invéni.

V. Dedérunt in escam meam fel, et in siti mea potavérunt me acéto.

Allelúja, allelúja.

V. Ave Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisióem. Allelúja.

Post Septuagesimam, omissis Allelúja, et Versu sequenti, dicitur

Tractus. Isa. 53. Vere languóres nostros ipse tulit, et dolóres nostros ipse portávit.

V. Et nos putávimus eum quasi leprósum, et percússum à Deo, et humiliátum.

V. Ipse autem vulnerátus est propter iniquitátes nostras, attrítus est propter scélera nostra.

V. Disciplína pacis nostræ super eum: et livóre ejus sanáti sumus.

Tempore Paschali omittitur Graduale, et ejus loco dicitur Allelúja, allelúja.

V. Ave Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisióem. Allelúja.

V. Tibi glória, hosánna: tibi triúmphus et victória: tibi summæ láudis et honóris coróna. Allelúja.

✠ **S**equéntia sancti Evangélíi secúndum Joánnem. **Joan. 19. f**

In illo témpore: Sciens Jesus, quia ómnia consummáta sunt, ut consummarétur Scriptúra, dixit: Sítio.

Vas ergo erat pòsitum acéto plenum. Illi autem spóngiam plenam acéto, hyssópo circumponéntes, obtulérunt ori ejus. Cum ergo accepisset Jesus acétum, dixit: Consummátum est. Et inclináto cápite trádidit spíritum. Judæi ergo, (quóniam Parascéve erat) ut non remanérent in cruce córpora sábbato, (erat enim magnus dies ille sábbati) rogavérunt Pilátum, ut frangeréntur eórum crura, et tolleréntur. Venérunt ergo mílites; et primi quidem fregérunt crura, et altérius, qui crucifixus est cum eo. Ad Jesum autem cum venissent, ut viderént eum jam mórtuum, non fregérunt ejus crura, sed unus militum lancea latus ejus aperuit, et continuo exívit sanguis et aqua. Et qui vidit, testimónium perhíbuit: et verum est testimónium ejus.

Offertorium. Insurrexérunt in me viri iníqui: absque misericórdia quæsiérunt me interficere: et non pepercérent in fáciem meam spúere: lanceis suis vulneravérunt me, et concússa sunt ómnia ossa mea.

Secreta.

Oblátum tibi, Dómine, sacrificium, intercedénte unigéniti Fílii tui passióne, vivíficet nos semper et múníat. Qui tecum vivit et regnat.

Præfatio de Cruce.

Communio. Psal. 21. Foderunt manus meas, et pedes meos: dinumeravérunt ómnia ossa mea.

Postcommunio.

Domine Jesu Christe, Fili Dei vivi, qui hora sexta pro redemptione mundi crucis patíbulum ascendisti, et sánguinem tuum pretiósum in remissionem peccatórum nostrórum fudisti: te humíliter deprecámur; ut post óbitum nostrum, paradísi januas nos gaudénter introíre concedas. Qui vivis.



MISSA DE SANCTA MARIA
ab Adventu

usque ad Nativitatem Domini.

Introitus.

Isaiae. 45.



Oráte cœli désuper, et nubes pluant justum: aperiátur terra, et gérminet Salvatórem.

Psal. 84. Benedixisti

Dómine terram tuam: avertísti captivitátem Jacob.

V. Glória Patri.

Oratio.

Deus, qui de beátæ Mariæ Vírginis útero, Verbum tuum, Angelo nuntiánte, carnem suscípere voluísti: præsta supplicibus tuis; ut, qui vere eam genitrícem Dei crédimus, ejus apud te intercessiónibus adjuvémur. Per eúndem Dóminum nostrum.

Lectio Isaiae Prophætæ. Isaiae 7. b

In diébus illis: Locútus est Dóminus ad Achaz, dicens: Pete tibi signum à Dómino Deo tuo in profúndum inférni, sive in excélsu supra. Et dixit Achaz: Non petam, et non tentábo Dóminum. Et dixit: Audíte ergo domus David: Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce virgo concípiet, et páriet filium, et vocábitur nomen ejus Emmánuel. Butyrum et mel cómedet, ut sciat reprobare málum, et eligere bonum.

Graduale. Psal. 23. Tóllite portas, príncipes, vestras, et elevámini portæ æternáles, et introíbit Rex glóriæ.

V. Quis ascéndet in montem Dómini, aut quis stabit in loco sancto ejus? Innocens mánibus, et mundo corde.

Allelúja, allelúja.

V. Luc. 1. Ave Maria, grátia plena: Dóminus tecum: benedícta tu in muliéribus. Allelúja.

Sequéntia sancti Evangélíi secúndum Lucam. Lucæ 1. 6

In illo témpore: Missus est Angelus Gábriel à Deo in civitátem Galilææ, cui nomen Názareth, ad vírgi-

nem desponsatam viro, cui nomen erat Joseph, de domo David, et nomen virginis Maria. Et ingressus Angelus ad eam, dixit: Ave gratia plena: Dominus tecum: benedicta tu in mulieribus. Quæ cum audisset, turbata est in sermone ejus: et cogitabat, qualis esset ista salutatio. Et ait Angelus ei: Ne timeas Maria, invenisti enim gratiam apud Deum: ecce concipies in utero, et paries filium, et vocabis nomen ejus Jesum. Hic erit magnus, et Filius Altissimi vocabitur, et dabit illi Dominus Deus sedem David patris ejus: et regnabit in domo Jacob in æternum, et regni ejus non erit finis. Dixit autem Maria ad Angelum: Quomodo fiet istud, quoniam virum non cognosco? Et respondens Angelus, dixit ei: Spiritus sanctus superveniet in te, et virtus Altissimi obumbrabit tibi. Ideoque et quod nascetur ex te sanctum, vocabitur Filius Dei. Et ecce Elisabeth cognata tua, et ipsa concepit filium in senectute sua: et hic mensis sextus est illi, quæ vocatur stérilis: quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum.

Offertorium. ibid. Ave Maria, gratia plena: Dominus tecum: benedicta tu in mulieribus, et benedictus fructus ventris tui.

Secreta.

In mentibus nostris, quæsumus Domine, veræ fidei sacramenta confirma: ut, qui conceptum de Virgine Deum verum, et hominem confitemur; per ejus salutiferæ resurrectionis potentiam, ad æternam mereamur pervenire lætitiā. Per eundem Dominum.

Præfatio. Et te in veneratione beatæ Mariæ. **quæ dicitur et in sequentibus Missis de S. Maria, etiam tempore Paschali, vel infra quascumque Octavas ejus Missa dicatur.**

Communio. Isaïæ. 7. Ecce virgo concipiet, et pariet filium: et vocabitur nomen ejus Emmānuel.


Postcommunio.

Gratiam tuam, quæsumus Domine, mentibus nostris infunde: ut qui, Angelo nuntiante, Christi Filii tui incarnationem cognovimus; per passionem ejus et crucem, ad resurrectionis gloriā perducāmur. Per eundem Dominum nostrum Jesum Christum Filium tuum.

A NATIVITATE DOMINI

usque ad Purificationem.

Introitus. Psal. 44.



Ultum tuum deprecabuntur omnes divites plebis: adducuntur Regi virgines post eam: proximæ ejus adducuntur tibi in lætitiā et exultatione. **Psal. ibid.** Eructavit cor meum verbum bonum: dico ego opera mea Regi.

V. Glória Patri.

Oratio.

Deus, qui salutis æternæ, beatæ Mariæ virginitate fecunda, humano generi præmia præstitisti: tribue quæsumus; ut ipsam pro nobis intercedere sentiamus, per quam meruimus auctorem vitæ suscipere, Dominum nostrum Jesum Christum Filium tuum, Qui tecum vivit, et regnat.

Lectio Epistolæ beati Pauli Apostoli ad Titum.

Tit. 3. b

Carissime: Apparuit benignitas, et humanitas Salvatoris nostri Dei: non ex operibus justitiæ, quæ fecimus nos, sed secundum suam misericordiam salvos nos fecit, per lavacrum regenerationis, et renovationis, Spiritus sancti, quem effudit in nos abunde per Jesum Christum Salvatorem nostrum: ut justificati gratia ipsius, hæredes simus secundum spem vitæ æternæ, in Christo Jesu Domino nostro.

Graduale. Psal. 44. Speciosus forma præ filiis hominum: diffusa est gratia in labiis tuis.

V. Eructavit cor meum verbum bonum: dico ego opera mea Regi: lingua mea calamus scribæ, velociter scribentis.

Allelúja, allelúja.

V. Post partum, Virgo, inviolata permansisti: Dei genitrix intercede pro nobis. Allelúja.

§ Post Septuagesimam, omissis Allelúja, et versu sequenti, dicitur:

Tractus. Gaude María Virgo, cunctas hæreses sola interemisti.

V. Quæ Gabriélis Archángeli dictis credidisti.

V. Dum Virgo Deum, et hominem genuisti: et post partum, Virgo, inviolata permansisti.

V. Dei genitrix intercede pro nobis.

✠ Sequéntia sancti Evangélíi secúndum Lucam. Luc. 2. b

In illo tempore: Pastores loquebantur ad invicem: Transeamus usque Bethlehém, et videamus hoc verbum, quod factum est, quod Dominus ostendit nobis. Et venerunt festinantes: et invenerunt Mariam, et Joseph, et infántem positum in præsepíio. Videntes autem cognoverunt de verbo, quod dictum erat illis de púero hoc. Et omnes, qui audierunt, mirati sunt, et de his, quæ dicta erant à pastóribus ad ipsos. María autem conservabat omnia verba hæc, cónferens in corde suo. Et reversi sunt pastores glorificantes, et laudantes Deum in omnibus quæ audierant, et viderant, sicut dictum est ad illos.

Offertorium. Felix namque es, sacra Virgo María, et omni laude dignissima: quia ex te ortus est sol justitiæ, Christus Deus noster.

Seereta.

Muneribus nostris, quæsumus Dómine, precibusque susceptis: et cœlestibus nos munda mysteriis, et clementer exaudi. Per Dóminum.

Communio. Beata viscera Mariæ Virginis, quæ portaverunt æterni Patris Filium.

Postcommunio.

Hæc nos commúnio, Dómine, purget à crimine: et intercedente beata Virgine Dei genitrice María, cœlestis remédii faciat esse consórtes. Per eúndem Dóminum.

A PURIFICATIONE

usque ad Pascha.

Introitus.

Sedulius.



Alve sancta parens, enixa puérpera Regem: qui cœlum terramque regit in sæcula sæculórum.

Psal. 44. Eructavit cor meum verbum bonum: dico ego opera mea Regi. **V.** Glória Patri.

Oratio.

Concède nos famulos tuos, quæsumus Dómine Deus, perpétua mentis et corpóris sanitáte gaudere: et gloriósa beátæ Mariæ semper Virginis intercessióne, à præsentí liberári tristítia, et ætérna pérfrui lætítia. Per Dóminum nostrum.

Lectio libri Sapiéntiæ. Eccli. 24. b

Ab initio, et ante sæcula creata sum, et usque ad futurum sæculum non desinam, et in habitatióne sancta coram ipso ministravi. Et sic in Sion firmata sum, et in civitate sanctificata similiter requievi, et in Jerúsalem potestas mea. Et radicavi in pópulo honorificato, et in parte Dei mei hæreditas illius, et in plenitudine sanctórum detentio mea.

Graduale. Benedicta et venerabilis es Virgo María: quæ sine tactu pudoris, inventa es mater Salvatoris.

V. Virgo Dei genitrix, quem totus non capit orbis, in tua se clausit viscera factus homo. **A**llelúja, allelúja.

V. Num. 17. Virga Jesse floruit: virgo Deum et hominem genuit: pacem Deus reddidit, in se reconcilians ima summis. Allelúja.

§ **Post Septuagesimam, omissis Allelúja, et Versu sequenti, dicitur:**

Tractus. Gáude María Virgo, cunctas háereses sola interemísti.

V. Quæ Gabriélis Archángeli dictis credidísti. **V.** Dum Virgo Deum et hóminem genuísti: et post partum, Virgo, invioláta permansísti.

V. Dei génitrix intercède pro nobis.

✠ **S**equéntia sancti Evangélíi secúndum Lucam. **Lucæ 11. d**

IN illo témpore: Loquente Jesu ad turbas, extóllens vocem quædam múlíer de turba, dixit illi: Beátus venter, qui te portávit, et úbera, quæ suxísti. At ille dixit: Quinímo beáti, qui áudiunt verbum Dei, et custódiunt illud.

Offertorium. Felix namque es, sacra Virgo María, et omni laude digníssima: quia ex te ortus est sol justítiæ, Christus Deus noster.

Secreta.

TUa, Dómine, propitiatióne, et beátæ Mariæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Communio. Beáta víscera Mariæ Vírginis, quæ portavérunt ætérni Patris Fílium.

Postcommunio.

Sumptis, Dómine, salútis nostræ subsidiis: da quæsumus, beátæ Mariæ semper Vírginis patrocíniis nos ubique prótegi; in cujus veneratióne, hæc tuæ obtúlimus majestáti. Per Dóminum.

A PASCHA

usque ad Pentecosten.

Introitus.

Sedulus.



Alve sancta parens, eníxa puérpera Regem: qui cælum terrámque regit in sæcula sæculórum, allelúja, allelúja.

Psal. 44. Eructávit cor meum verbum bonum: dico ego ópera mea Regi.

V. Glória Patri.

Oratio.

Concède nos fámulos tuos, quæsumus Dómine Deus, perpétua mentis et córporis sanitáte gaudére: et gloriósa beátæ Mariæ semper Vírginis intercessióne, à præsentí liberári tristítia, et ætérna pérfrui lætítia. Per Dóminum nostrum.

Léctio libri Sapiéntiæ. Eccli. 24. b

AB inítio, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei hæréditas illíus, et in plenítudine sanctórum deténtio mea.

Allelúja, allelúja.

V. Num. 17. Virga Jesse flóruit: Virgo Deum et hóminem genuit: pacem Deus réddidit, in se reconcilians ima summis. Allelúja.

V. Luc. 1. Ave María, grátia plena: Dóminus tecum: benedícta tu in muliéríbus. Allelúja.

✠ **S**equéntia sancti Evangélíi secúndum Joánnem. **Joan. 19. e**

IN illo témpore: Stabant juxta crucem Jesu mater ejus, et soror matris ejus María Cléophæ, et María Magdaléne. Cum vidísset ergo Jesus matrem, et discípulum stantem, quem diligébat, dicit matri suæ: Múlíer ecce fílius tuus. Deínde dicit discípulo: Ecce mater tua. Et ex illa hora accépit eam discipulus in sua.

Offertorium. Beáta es Virgo María, quæ ómnium portásti Creatórem: genuísti qui te fecit, et in ætérnum pérmanes Virgo, alleluja.

Secreta.

TUa, Dómine, propitiatióne, et beátæ Mariæ semper Vírginis intercessióne, ad perpétuam, atque præsentem hæc oblátio nobis proficiat

prosperitatem et pacem. Per Dóminum.

Communio. Beáta viscera Mariæ Virginis, quæ portavérunt æterni Patris Fílium, allelúja.

Postcommunio.

Sumptis, Dómine, salutis nostræ subsidiis: da quæsumus, beátæ Mariæ semper Virginis patrocíniis nos ubique prótegi; in cuius veneratióne, hæc tuæ obtúlimus majestáti. Per Dóminum nostrum.

A PENTECOSTE

usque ad Adventum.

Introitus.

Sedulus.



Alve sancta parens, eníxa puérpera Regem, qui cælum terrámque regit in sæcula sæculórum.

Ps. 44. Eructávit cor meum verbum bonum: dico ego ópera mea Regi. **V.** Glória Patri.

Oratio.

Concède nos fámulos tuos, quæsumus Dómine Deus, perpétua mentis et córporis sanitáte gaudére: et gloriósa beátæ Mariæ semper Virginis intercessióne, à præsentí liberári tristítia, et æterna pérfrui lætítia. Per Dóminum nostrum.

Lectio libri Sapiéntiæ. Eccli. 24. b

AB initio, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei hæréditas illíus, et in plenitúdine sanctórum deténtio mea.

Graduale. Benedícta et venerábilis es, Virgo María: quæ sine tactu pudóris, invénta es mater Salvatóris.

V. Virgo Dei génitrix, quem totus non capit orbis, in tua se clausit viscera factus homo. **Allelúja, allelúja.**

V. Post partum, Virgo, invioláta permansísti: Dei génitrix intercède pro nobis. Allelúja.



Sequéntia sancti Evangélii secúndum Lucam. Lucæ 11. d

IN illo témpore: Loquente Jesu ad turbas, extóllens vocem quædam mulier de turba, dixit illi: Beátus venter, qui te portávit, et úbera, quæ suxísti. At ille dixit: Quinímo beáti, qui áudiunt verbum Dei, et custódiunt illud.

Offertorium. Ave María grátia plena: Dóminus tecum: Benedícta tu in mulieribus, et benedíctus fructus ventris tui. **Secreta.**

Tua, Dómine, propitiatióne, et beátæ Mariæ semper Virginis intercessióne, ad perpétuam atque præsentem hæc oblátio nobis proficiat prosperitatem et pacem. Per Dóminum.

Communio. Beáta viscera Mariæ Virginis, quæ portavérunt æterni Patris Fílium.

Postcommunio.

Sumptis, Dómine, salutis nostræ subsidiis: da quæsumus, beátæ Mariæ semper Virginis patrocíniis nos ubique prótegi; in cuius veneratióne, hæc tuæ obtúlimus majestáti. Per Dóminum.

§ In Missis votivis beatæ Mariæ secunda Oratio dicitur de Officio illius diei, et tertia de Spiritu sancto: sed in Sabbato, quando de ea factum est Officium, secunda Oratio erit de Spiritu sancto, tertia Ecclesiæ tuæ, vel pro Papa.

De Spiritu sancto. Oratio.

Deus, qui corda fidélium sancti Spíritus illustratióne docuísti: da nobis in eódem Spíritu recta sapere, et de ejus semper consolatióne gaudére.

Contra persecutores Ecclesiæ.

Oratio.

Ecclésiæ tuæ, quæsumus Dómine, preces placátus admítte: ut, destrúctis adversitatibus et erróribus

univérſis, ſecúra tibi ſérviat liber-
táte. Per Dóminum noſtrum.

Vel pro Papa. Oratio.

Deus ómnium fidélium paſtor et
director, fámulum tuum **N.** quem
paſtorem Ecclésiæ tuæ præeſſe vo-
luíſti, propítius réſpice: da ei, quæ-
ſumus, verbo et exémplo, quibus
præeſt, proficere; ut ad vitam, una
cum grege ſibi crédito pervéniat
ſempitérnam. Per Dóminum no-
ſtrum.

De Spiritu ſancto. Secreta.

Munera, quæſumus Dómine, ob-
láta ſanctífica: et corda noſtra
ſancti Spíritus illuſtratióne emúnda.

**Contra perſecutores Eccleſiæ.
Secreta.**

Prótege nos, Dómine, tuis my-
ſtériis ſerviéntes: ut divínis re-
bus inhæréntes, et córpore tibi famu-
lémur, et mente. Per Dóminum.

Vel pro Papa. Secreta.

Oblátis, quæſumus Dómine, pla-
cáre munéribus: et fámulum tu-
um **N.** quem paſtorem Ecclésiæ tuæ
præeſſe voluíſti, aſſídua protectione
gubérna. Per Dóminum noſtrum.

De Spiritu ſancto. Postcommunio.

Sancti Spíritus, Dómine, corda
noſtra mundet infúſio: et ſui
roris íntima aſperſiône fecúndet.

**Contra perſecutores Eccleſiæ.
Postcommunio.**

Quæſumus Dómine Deus noſter:
ut, quos divína tríbuis participa-
tióne gaudére, humánis non ſinas
ſubjacére perículis. Per Dóminum.

Vel pro Papa. Postcommunio.

Hæc nos, quæſumus Dómine, di-
vini ſacraménti percéptio pró-
tegat: et fámulum tuum **N.** quem pa-
ſtorem Ecclésiæ tuæ præeſſe voluíſti,
una cum commiſſo ſibi grege, ſalvet
ſemper, et múniat. Per Dóminum.


**§ Aliæ Miſſæ votivæ pro diverſis
rebus, quæ dici poſſunt quacumque
die, niſi fuerit Dominica, vel Offici-
um Duplex: ſed tamen paſſim non**

**dicantur, niſi urgenti de cauſa, ut
ſupra dictum eſt de aliis Miſſis vo-
tivilis.**

MISSA PRO ELIGENDO

**Summo Pontifice, Sede vacante: di-
citur de Spiritu ſancto, vel ut
ſequitur.**

Introitus. 1. Reg. 2.



Uſcitábo mihi Sacer-
dótem fidélem, qui jux-
ta cor meum et ánimam
meam fáciat: et ædifi-
cábo ei domum fidé-
lem; et ambulábit co-
ram Chriſto meo cunctis diébus.

Pſal. 131. Memento Dómine David,
et omnis manſuetúdinis ejus.

V. Glória Patri. Oratio.

Supplici, Dómine, humilitáte de-
póſcimus: ut ſacrosánctæ Ro-
mánæ Ecclésiæ concédât Pontíficem
illum tua imménſa píetas, qui et pio
in nos ſtúdio ſemper tibi plácitus, et
tuo pópulo pro ſalúbri regímīne ſit
aſſidue ad glóriam tui nóminis reve-
réndus. Per Dóminum.

**Léctio Epíſtolæ beáti Pauli Apóſto-
li ad Hebræos. Hebr. 4. d et 5**

Fratres, Adeámus cum fidúcia
ad thronum grátiae, ut miſeri-
córdiam conſequámur, et grátiam
inveniámus in auxílio opportúno. Om-
nis namque Póntifex ex homínibus
aſſúptus, pro homínibus conſtitúi-
tur in iis, quæ ſunt ad Deum, ut óf-
ferat dona, et ſacrificia pro peccátis:
qui condolére poſſit iis, qui ignórant,
et errant: quóniam et ipſe circúmda-
tus eſt infirmitáte, et proptérea debet,
quemádmódum pro pópulo, ita étiam
et pro ſemetípſo offérre pro peccátis.
Nec quiſquam ſumit ſibi honórem,
ſed qui vocátur à Deo, tamquam Aa-
ron. Sic et Chriſtus non ſemetípſum
clarificávit, ut Póntifex fieret, ſed
qui locútus eſt ad eum: Fílius meus
es tu, ego hódie génui te. Quemád-
módum et in álio loco dixit: Tu es
ſacérdos in ætérnum, ſecúndum

órdinem Melchisedech. Qui in diébus carnis suæ preces supplicationésque ad eum, qui possit illum salvum fácere à morte, cum clamóre válido et lácrymis ófferens, exaudítus est pro sua reveréntia.

Graduale. Levit. 21. Póntifex sacerdos magnus inter fratres suos, super cuius caput fusum est unctiónis óleum, et cuius manus in sacerdotio consecráte sunt, vestitúsque est sanctis véstibus: débuit per ómnia frátribus similári.

V. Hæb. 2. Ut miséricors fieret, et fidélis Póntifex ad Deum: ut repropitiáret delícta pópuli. **Allelúja, allelúja.**

V. Levit. 21. Sacerdos sit sanctus, sicut et ego sanctus sum, Dóminus, qui sanctífico vos. **Allelúja.**

Post Septuagesimam, omissis Allelúja, et Versu sequenti dicitur

Tractus. Psal. 131. Surge, Dómine, in réquiem tuam, tu et arca sanctificatiónis tuæ.

V. Sacerdótes tui induántur justítiam, et sancti tui exúltent.

V. Propter David servum tuum, non avértas fáciem Christi tui.

Tempore Paschali omittitur Graduale, et ejus loco dicitur Allelúja, allelúja.

V. Levit. 21. Sacerdos sit sanctus, sicut et ego sanctus sum, Dóminus, qui sanctífico vos. **Allelúja.**

V. Joan. 10. Ego sum pastor bonus: et cognósco oves meas, et cognóscunt me meæ. **Allelúja.**

Sequéntia sancti Evangélíi secúndum Joánnem. Joan. 14. b

In illo témpore: Dixit Jesus discipulis suis: Si dilígitis me, mandáta mea serváte. Et ego rogábo Patrem, et álium Paráclitum dabit vobis, ut máneat vobíscum in ætérnum, Spíritum veritátis, quem mundus non potest accípere, quia non videt eum, nec scit eum: vos autem cognoscétis eum; quia apud vos manébit, et in vobis erit. Non relínquam vos órpha-

nos; véniam ad vos. Adhuc módicum: et mundus me jam non videt. Vos autem vidétis me: quia ego vivo, et vos vivétis. In illo die vos cognoscétis quia ego sum in Patre meo, et vos in me, et ego in vobis. Qui habet mandáta mea, et servat ea: ille est, qui diligit me. Qui autem diligit me, diligétur à Patre meo; et ego diligam eum, et manifestábo ei meípsum.

Offertorium. 3. Esdræ 5. Non participéntur sancta, donec exúrgat Póntifex in ostensiónem et veritátem.

Secreta.

Tuæ nobis, Dómine, abundántia pietátis indúlgeat: ut per sacramúnera, quæ tibi reverénter offérimus, gratum majestáti tuæ Pontíficem sanctæ matris Ecclesiæ regímini præesse gaudeámus. **Per Dóminum.**

Communio. Exodi 29. Veste sancta utétur Póntifex, qui fúerit constitútus, et ingrediétur tabernáculum testimoníi, ut ministret in sanctuário.

Postcommunio.

Pretiósi córporis et sánguinis tui nos, Dómine, sacraménto reféctos, mirífica tuæ majestátis grátia de illíus summi Pontíficis concessióne lætíficet: qui et plebem tuam virtútibus ínstruat, et fidélium mentes spirituálium arómatum odóre perfúndat. Qui vivis et regnas.

§ In die Creationis, et Coronationis Papæ, et ejusdem diei Anniversario, dicitur Missa ut in Cathedra beati Petri, die xviii. Januarii, cum Oratione, Deus ómnium &c. omissis Orationibus SS. Petri, et Pauli: et dicitur Credo.

IN ANNIVERSARIO ELECTIONIS seu consecrationis Episcopi.

Introitus.

Psal. 131.



Sacerdótes tui, Dómine induant justítiam, et sancti tui exúltent: propter David servum tuum, non avértas fáciem Christi tui.

Psal. ibid. Memento Dómine David, et omnis mansuetúdinis ejus.

V. Glória Patri.

Oratio.

Deus ómnium fidélium pastor et rector, fámulum tuum **N.** quem pastórem Ecclesiæ **N.** præesse voluísti, propítius respice: da ei, quæsumus, verbo et exémplo, quibus præest, proficere; ut ad vitam, una cum grege sibi crédito perveniat sempiternam. Per Dóminum nostrum.

Léctio Epístolæ beáti Pauli Apóstoli ad Hebræos. Hebr. 5.

Fratres, Omnis Póntifex ex homínibus assúptus, pro homínibus constitúitur in iis, quæ sunt ad Deum, ut offerat dona, et sacrificia pro peccátis: qui condolere possit iis, qui ignórant, et errant: quóniam et ipse circumdatus est infirmitate: et propterea debet, quemádmódum pro pópulo, ita étiam et pro semetípso offerre pro peccátis. Nec quisquam sumit sibi honórem, sed qui vocátur à Deo, tamquam Aaron.

Graduale. Psal. 131. Sacerdotes ejus induam salutári: et sancti ejus exultatione exultábunt.

V. Illuc producam cornu David: parávi lucérnam Christo meo.

Allelúja, allelúja.

V. Ps. 109. Jurávit Dóminus, et non pœnitébit eum: tu es sacerdos in ætérnum, secúndum órđinem Melchisedech. Allelúja.

Post Septuagesimam, omissis Allelúja, et versu sequenti dicitur:

Tractus. Ps. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generatio rectórum benedicétur.

V. Glória et divítiae in domo ejus: et justítia ejus manet in sæculum sæculi.

Tempore Paschali omittitur Graduale, et ejus loco dicitur Allelúja, allelúja.

V. Psal. 109. Jurávit Dóminus, et non pœnitébit eum: tu es sacerdos in

ætérnum, secúndum órđinem Melchisedech. Allelúja.

V. Eccli. 45. Amávit eum Dóminus, et ornávit eum: stolam glóriæ induit eum. Allelúja.

Sequéntia sancti Evangélii secúndum Marcum. Marc. 13. d

In illo témpore: Dixit Jesus discíulis suis: Vidéte, vigiláte, et oráte: nescítis enim quando tempus sit. Sicut homo, qui péregre profectus reliquit domum suam, et dedit servis suis potestátem cujúsque óperis, et janitóri præcépit, ut vígilet. Vigiláte ergo (nescítis enim quando dóminus domus véniat: sero, an média nocte, an galli cantu, an mane) ne, cum vénerit repénte, invéniat vos dormiéntes. Quod autem vobis dico, omnibus dico: vigiláte. **C**redo.

Offertorium. Psal. 88. Veritas mea, et misericórdia mea cum ipso: et in nómine meo exaltábitur cornu ejus.

Secreta.

Oblátis, quæsumus Dómine, placáre munéribus: et fámulum tuum **N.** quem pastórem Ecclesiæ **N.** præesse voluísti, assídua protectione gubérna. Per Dóminum nostrum.

Communio. Matth. 24. Beátus servus, quem, cum vénerit dóminus, invenerit vigilántem: amen dico vobis, super ómnia bona sua constituet eum. **Postcommunio.**

Hæc nos, quæsumus Dómine, divíni sacraménti percéptio protégat: et fámulum tuum **N.** quem pastórem Ecclesiæ **N.** præesse voluísti; una cum commisso sibi grege, salvet semper, et múniat. Per Dóminum.

MISSA AD TOLLENDUM SCHISMA.

Introitus.

Psal. 105.



Alvos nos fac, Dómine Deus noster, et congrega nos de natióibus: ut confiteámur nómini sancto tuo, et gloriémur in laude tua.

Psal. ibid. Confitemini Dómino, quóniam bonus: quóniam in sæculum misericórdia ejus.

V. Glória Patri. Oratio.

DEus, qui erráta córrigis, et dispérsa cóngregas, et congregáta consérvas: quæsumus, super pópulum christiánum tuæ uniónis grátiam cleménter infúnde; ut, divisiónē rejécta, vero pastóri Ecclésiæ tuæ se úniens, tibi digne váleat famulári. Per Dóminum.

Léctio Epístolæ beáti Pauli Apóstoli ad Ephésios. Ephes. 4.

FRatres, Obsecro vos, ut digne ambulétis vocatióne qua vocáti estis, cum omni humilitáte, et mansuetúdine, cum paciéntia, supportántes invicem in caritáte, solíciti serváre unitátem spíritus in vínculo pacis. Unum corpus, et unus spíritus, sicut vocáti estis in una spe vocatiónis vestræ. Unus Dóminus, una fides, unum baptísma. Unus Deus, et Pater ómnium, qui est super omnes, et per ómnia, et in ómnibus nobis. Unicuique autem nostrum data est grátia secúndum mensúram donatiónis Christi: donec occurrámus omnes in unitátem fidei, et agnitiónis Fílii Dei, in virum perféctum, in mensúram ætátis plenitúdinis Christi; ut jam non simus párvuli fluctuántes, et circumferámur omni vento doctrinæ in nequítia hóminum, in astútia ad circumventiόνem erróris. Veritátem autem faciéntes in caritáte, crescámus in illo per ómnia, qui est caput Christus: ex quo totum corpus compáctum et connéxum per omnem junctúram subministratiónis, secúndum operatióne in mensúram uniuscujusque membri, augméntum córporis facit in ædificatióne sui in caritáte. Hoc igitur dico, et testíficor in Dómino, ut jam non ambulétis, sicut et gentes ámbulant in vanitáte sensus sui, ténebris obscurátum habéntes intelléctum, alienáti à vita Dei per ignorántiam quæ est in illis, propter cœcitatē

cordis ipsórum, qui desperántes, semetipsos tradidérunt impudicitíæ, in operatióne immunditíæ omnis, in avarítiam. Vos autem non ita didicístis Christum: si tamen illum audístis, et in ipso edócti estis, sicut est véritas in Christo Jesu Dómino nostro.

Graduale. Psal. 121. Rogáte quæ ad pacem sunt Jerúsalem: et abundantia diligéntibus te.

V. Fiat pax in virtúte tua: et abundantia in túrribus tuis.

Allelúja, allelúja.

V. Psal. 147. Lauda, Jerúsalem, Dóminum: lauda Deum tuum, Sion. Allelúja.

Post Septuagesimam,

Tractus. Psal. 75. Notus in Judæa Deus, in Israel magnum nomen ejus.

V. Et factus est in pace locus ejus, et habitatio ejus in Sion.

V. Ibi confrégit poténtias árcuum, scutum, gládium, et bellum.

Tempore Paschali omittitur Graduale, et ejus loco dicitur Allelúja, allelúja.

V. Psal. 147. Lauda Jerúsalem, Dóminum: lauda Deum tuum, Sion. Allelúja.

V. Qui pósuit fines tuos pacem, et ádipe fruménti sátiat te. Allelúja.



Sequéntia sancti Evangélíi secúndum Joánnem. Joan. 17. b

IN illo témpore: Sublevátis Jesus óculis in cœlum, dixit: Pater sancte, serva eos in nómine tuo, quos dedísti mihi: ut sint unum, sicut et nos. Cum essem cum eis, ego servábam eos in nómine tuo. Quos dedísti mihi, custodívi: et nemo ex eis périit, nisi filius perditionis, ut Scriptúra impleátur. Nunc autem ad te vénio: et hæc loquor in mundo, ut hábeant gáudium meum implétum in semetipsis. Ego dedi eis sermónem tuum, et mundus eos ódio hábuit, quia non sunt de mundo, sicut et ego non sum de mundo. Non rogo, ut tollas eos de mundo, sed ut serves eos à malo. De

mundo non sunt, sicut et ego non sum de mundo. Sanctifica eos in veritate. Sermo tuus veritas est. Sicut tu me misisti in mundum, et ego misi eos in mundum. Et pro eis ego sanctifico meipsum, ut sint et ipsi sanctificati in veritate. Non pro eis autem rogo tantum, sed et pro eis, qui credituri sunt per verbum eorum in me; ut omnes unum sint, sicut tu, Pater, in me, et ego in te, ut et ipsi in nobis unum sint: ut credat mundus, quia tu me misisti. Et ego claritatem, quam dedisti mihi, dedi eis, ut sint unum, sicut et nos unum sumus. Ego in eis, et tu in me, ut sint consummati in unum.

Offertorium. Rom. 15. **D**et vobis Deus idipsum sapere in alterutrum: ut unanimes uno ore honorificetis Deum nostrum.

Secreta.

Munera hæc pro unione populi Christiani tibi, Domine, oblata sanctifica: per quæ unitatis et pacis in Ecclesia tua nobis dona concedas. Per Dominum nostrum.


Communio. 1. Cor. 10. **U**nus panis et unum corpus multi sumus, omnes qui de uno pane et de uno calice participamus.

Postcommunio.

Hæc tua, Domine, sumpta sacra communio, sicut fidelium in te unionem præsignat: sic in tua Ecclesia unitatis, quæsumus, operetur effectum. Per Dominum nostrum Jesum Christum Filium tuum: Qui tecum vivit et regnat in unitate.

MISSA PRO QUACUMQUE NECESSITATE.

Introitus.



Alus populi ego sum, dicit Dominus: de quacumque tribulatione clamaverint ad me, exaudiam eos: et ero illorum Dominus in perpetuum. **Psal. 77.** **A**tendite po-

pule meus legem meam: inclinate aurem vestram in verba oris mei.

V. Glória Patri. Oratio.

Ineffabilem misericordiam tuam, Domine, nobis clementer ostende: ut simul nos et à peccatis omnibus exuas, et à pœnis quas pro his meremur, eripias. Per Dominum nostrum Jesum Christum Filium tuum: Qui tecum vivit et regnat.

Lectio Jeremiæ Prophætæ. Jer. 14.

Si iniquitates nostræ responderint nobis: Domine fac propter nomen tuum, quoniam multæ sunt aversiones nostræ, tibi peccavimus. Expectatio Israel, salvator ejus in tempore tribulationis. Tu autem in nobis es, Domine, et nomen tuum invocatum est super nos, ne derelinquas nos, Domine Deus noster.

Graduale. Psal. 43. **L**iberasti nos, Domine, ex affligentibus nos: et eos qui nos oderunt, confudisti.

V. In Deo laudabimur tota die: et in nomine tuo confitebimur in sæcula.

Allelúja, allelúja.

V. Psal. 78. **P**ropitius esto, Domine, peccatis nostris: ne quando dicant gentes, ubi est Deus eorum? Allelúja.

Post Septuagesimam, omissis Allelúja. et Versu sequenti, dicitur

Tractus. Psal. 24. **D**e necessitatibus meis eripe me, Domine: vide humilitatem meam, et laborem meum: et dimitte omnia peccata mea.

V. Ad te Domine levavi animam meam: Deus meus, in te confido, non erubescam: neque irideant me inimici mei.

V. Etenim universi, qui te expectant, non confundentur: confundantur omnes facientes vana.

Tempore Paschali omittitur Graduale, et ejus loco dicitur, Allelúja, allelúja.

V. Psal. 78. **P**ropitius esto, Domine, peccatis nostris: ne quando dicant gentes: ubi est Deus eorum? Allelúja.

V. Psal. 30. **E**xultabo et lætabor in misericordia tua, quoniam respexisti

humilitatem meam: salvasti de necessitatibus animam meam. Allelúja.

✠ **Sequentia sancti Evangelii secundum Marcum. Marc. 11. c**

IN illo tempore: Dixit Jesus discipulis suis: Habete fidem Dei. Amen dico vobis, quia quicumque dixerit huic monti: Tóllere, et mittere in mare, et non hæsitéverit in corde suo, et crediderit, quia quodcumque dixerit, fiat, fiet ei. Propterea dico vobis: Omnia quaecumque orantes pétitis, crédate quia accipiétis, et evenient vobis. Et cum stábitis ad orándum, dimittite, si quid habétis advérsus áliquem: ut et Pater vester qui in cœlis est, dimittat vobis peccáta vestra. Quod si vos non dimiseritis; nec Pater vester, qui in cœlis est, dimittet vobis peccáta vestra.

Offertorium. Psal. 137. Si ambulávero in médio tribulatiónis, vivificábis me, Dómine: et super iram inimicórum meórum exténdes manum tuam, et salvum me faciet dextera tua.

Secreta.

Puríficet nos, Dómine quæsumus, múnus præséntis oblátio: et dignos sacra participatióne perficiat. Per Dóminum nostrum.

Communio. Psal. 118. Meménto verbi tui servo tuo, Dómine, in quo mihi spem dedísti: hæc me consoláta est in humilitáte mea.

Postcommunio.

Præsta quæsumus Dómine: ut terrénis afféctibus expiáti, ad supérni plenitúdinem sacraménti, cujus libávimus sancta, tendámus. Per Dóminum nostrum Jesum Christum Fílium tuum: Qui tecum vivit et regnat.



MISSA PRO REMISSIONE PECCATORUM.

Introitus.

Sap. 11.



Miserere mei Deus, miserere mei: quia tu es Dóminus Deus noster. illis: quia tu es Dóminus Deus noster.

Ps. 56. Miserere mei Deus, miserere mei: quóniam in te confidit ánima mea.

V. Glória Patri.

Oratio.

Exáudi quæsumus Dómine, suplicum preces, et confiténtium tibi parce peccátis: ut páriter nobis indulgéntiam tribuas benígnus, et pacem. Per Dóminum.

Léctio Epístolæ beáti Pauli Apóstoli ad Romános. Rom. 7. d

Fratres, Condeléctor legi Dei secundum interiorem hóminem: vídeo autem áliam legem in membris meis, repugnántem legi mentis meæ, et captivántem me in lege peccáti, quæ est in membris meis. Infélix ego homo, quis me liberábit de corpore mortis hujus? Grátia Dei per Jesum Christum Dóminum nostrum.

Graduale. Psal. 78. Propítius esto, Dómine, peccátis nostris, nequándo dicant gentes: ubi est Deus eórum?

V. Adjuva nos, Deus salutáris noster: et propter honórem nóminis tui, Dómine, libera nos. Allelúja, allelúja.

V. Psal. 7. Deus iudex justus, fortis et pátiens: numquid irascétur per singulos dies? Allelúja.

Post Septuagesimam, omissis Allelúja, et Versu sequenti dicitur:

Tractus Psal. 129. De profúndis clamávi ad te, Dómine, Dómine exáudi vocem meam.

V. Fiant aures tuæ intendéntes in oratióem servi tui.

V. Si iniquitátes observáveris, Dómine: Dómine quis sustinébit?

V. Quia apud te propitiatio est: et propter legem tuam sustínui te, Dómine.

Tempore Paschali omittitur Graduale, et ejus loco dicitur. Allelúja, allelúja.

V. Psal. 7. Deus iudex justus, fortis et pátiens: numquid irascétur per singulos dies? Allelúja.

V. Psal. 50. Auditui meo dabis gáudium et lætítiam: et exultábunt ossa humiliáta. Allelúja.

 **Sequéntia sancti Evangélíi secúndum Lucam. Lucæ 11. b**

IN illo témpore: Dixit Jesus discí-
pulis suis: Pétite, et dábitur vobis:
quærite, et inveniétis: pulsáte, et
aperiétur vobis. Omnis enim qui pe-
tit, áccipit: et qui quærit, invenit: et
pulsánti aperiétur. Quis autem ex
vobis patrem petit panem: numquid
lápidem dabit illi? Aut piscem: num-
quid pro pisce serpéntem dabit illi?
Aut si petierit ovum: numquid por-
riget illi scorpíonem? Si ergo vos
cum sitis mali, nostis bona data dare
filiis vestris: quanto magis Pater
vester de cælo dabit spíritum bonum
peténtibus se?

Offertorium. Psal. 101. Dómine
exáudi oratióem meam: et clamor
meus ad te pervéniat.

Secreta.

Hostias tibi, Dómine, placatiónis
et laudis offérimus: ut et delícta
nostra miserátus absólvas, et nután-
tia corda tu dírigas. Per Dóminum.

Communio. Luc. 11. Pétite, et acci-
piétis: quærite, et inveniétis: pulsáte,
et aperiétur vobis. Omnis enim qui
petit, áccipit: et qui quærit, invenit;
et pulsánti aperiétur.

Postcommunio.

Præsta nobis, ætérne Salvátor: ut
percipiéntes hoc múnere véniam
peccatórum; deinceps peccáta vité-
mus. Per Dóminum.



MISSA AD POSTULANDAM GRATIAM BENE MORIENDI.

Introitus.

Psal. 12.



Llúmina óculos meos,
ne umquam obdórmiam
in morte, ne quando di-
cat inimícus meus: præ-
válui advérsus eum.

Psal. ibid. Usquequò

Dómine obliviscéris me in finem?
úsquequò avértis faciem tuam à me?

V. Glória Patri.

Oratio.

OMnípotens et miséricors Deus,
qui humáno géneri et salútis re-
média, et vitæ ætérnæ múnera con-
tulísti: réspice propítius nos fámulos
tuos, et ánimas réfove, quas creásti:
ut in hora éxitus eárum, absque pec-
cáti mácula tibi Creatóri suo per ma-
nus sanctórum Angelórum repræ-
sentári mereántur. Per Dóminum
nostrum.

**Léctio Epístolæ beáti Pauli Apó-
stoli ad Romános. Cap. 14. vers. 7.**

FRatres, Nemo nostrum sibi vivit,
et nemo sibi móritur. Sive enim
vívimus, Dómino vívimus: sive móri-
mur, Dómino mórimur. Sive ergo
vívimus, sive mórimur, Dómini su-
mus. In hoc enim Christus mórtuus
est, et resurréxit: ut et mortuórum,
et vívórum dominétur. Tu autem
quid júdicas fratrem tuum? aut tu
quare spernis fratrem tuum? Omnes
enim stábitus ante tribúnal Christi.
Scriptum est enim: Vivo ego, dicit
Dóminus, quóniam mihi flectétur o-
mne genu: et omnis lingua confité-
bitur Deo. Itaque unusquisque no-
strum pro se ratióem reddet Deo.

Graduale. Ps. 22. Si ámbulem in
medio umbræ mortis, non timébo
mala: quóniam tu mecum es, Dómine.

**V. Virga tua, et báculo tuus, ipsa
me consoláta sunt. Allelúja, allelúja.**

V. Ps. 30. In te Dómine sperávi, non
confúndar in ætérnum: in justítia tua
libera me, et éripe me: inclína ad me
aurem tuam, accélera, ut erípias me.
Allelúja.

Post Septuagesimam, omissis Allelúja, et Versu sequenti, dicitur:

Tractus. Ps. 24. De necessitatibus meis éripe me Dómine: vide humilitatem meam, et labórem meum: et dimitte ómnia peccáta mea.

V. Ad te, Dómine, levávi ánimam meam: Deus meus, in te confido, non erubescam: neque irrideant me inimici mei.

V. Etenim univérsi, qui te expéctant, non confundéntur: confundántur omnes faciéntes vana.

Tempore Paschali omittitur Graduale, et ejus loco dicitur Allelúja, allelúja.

V. Psal. 113. In éxitu Israel de Ægypto; domus Jacob de pópulo bárbaro. Allelúja.

V. Psal. 107. Parátum cor meum, Deus, parátum cor meum: cantábo, et psallam tibi glória mea. Allelúja.

Sequéntia sancti Evangélíi secúndum Lucam. Luc. 21. g

In illo témpore: Dixit Jesus discipulis suis: Atténdite vobis, ne forte gravéntur corda vestra in crápula, et ebrietáte, et curis hujus vitæ: et supervéníat in vos repentiná dies illa; tamquam láqueus enim supervéniet in omnes, qui sedent super fáciem omnis terræ. Vigiláte itaque, omni témpore orántes, ut digni habéamini fúgere ista ómnia, quæ futúra sunt, et stáre ante Fílium hóminis.

Offertorium. Psal. 30. In te sperávi, Dómine; dixi: Tu es Deus meus, in mánibus tuis témpora mea.

Secreta.

Suscipe, quæsumus Dómine, hóstiam, quam tibi offérimus pro extrémó vitæ nostræ, et concéde: ut per eam univérsa nostra purgéntur delicta; ut qui tuæ dispositiónis flagéllis in hac vita attérimur, in futúra réquiem consequámur ætérnam. Per Dóminum.


Communio. Psal. 70. Dómine, memorábor justítiæ tuæ solius: Deus, docuísti me à juventute mea: et us-

que in senéctam et sénium, Deus, ne derelinquas me.

Postcommunio.

Quæsumus cleméntiam tuam, ómnípotens Deus, ut per hujus virtutem Sacraménti nos fámulos tuos grátia tua confirmáre dignéris: ut in hora mortis nostræ non præváleat contra nos adversárius, sed cum Angelis tuis tránsitum habére mereámur ad vitam. Per Dóminum nostrum.

MISSA CONTRA PAGANOS. Introitus. Psal. 43.



Exurge, quare obdormis Dómine? exurge, et ne repéllas in finem: quare fáciem tuam avértis? oblivísce-
ris tribulationem nostram: adhæsit in terra venter noster: exurge Dómine, ádjuva nos, et libera nos.

Psal. ibid. Deus áuribus nostris audívimus: patres nostri annuntiavérunt nobis.

V. Glória Patri.

Oratio.

Omnípotens sempitérne Deus, in cujus manu sunt ómnium potestates, et ómnium jura regnórum: réspice in auxílium Christianórum; ut gentes paganórum, quæ in sua feritáte confidunt, dexteræ tuæ poténtia conterántur. Per Dóminum nostrum.

Léctio libri Esther. Esth. 13. c

In diébus illis: Orávit Mardocheús ad Dóminum, dicens: Dómine Dómine Rex omnípotens, in ditióné enim tua cuncta sunt pósita, et non est qui possit tuæ resistere voluntáti, si decréveris salváre Israel. Tu fecísti cælum et terram, et quidquid cœli ámbitu continétur. Dóminus ómnium es, nec est qui resístat majestáti tuæ.

Et nunc, Dómine Rex Deus Abraham, miserere pópuli tui, quia volunt nos inimíci nostri pérdere, et hæreditátem tuam delére. Ne despicias partem tuam, quam redemísti tibi de Ægypto. Exáudi deprecationem meam, et propítius esto sorti et funículo tuo, et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium, Dómine Deus noster.

Graduale. Psal. 82. Sciant gentes, quóniam nomen tibi Deus: tu solus Altíssimus super omnem terram.

V. Deus meus, pone illos ut rotam, et sicut stípulam ante fáciem venti.

Allelúja, allelúja.

V. Psal. 79. Excita, Dómine, poténtiam tuam, et veni: ut salvos fácias nos. Allelúja.

Post Septuagesimam, omissis Allelúja, et Versu sequenti dicitur:

Tractus. Psal. 78. Adjuva nos Deus salutáris noster: et propter honórem nóminis tui Dómine, libera nos: et propítius esto peccátis nostris, propter nomen tuum.

V. Ne quando dicant gentes: ubi est Deus eórum? et innotéscat in natió-nibus coram óculis nostris.

V. Víndica sánguinem servórum tuórum, qui effúsus est: intret in conspéctu tuo gémitus compeditórum.

Tempore Paschali omittitur Graduale, et ejus loco dicitur Allelúja, allelúja.

V. Psal. 79. Excita, Dómine, poténtiam tuam, et veni, ut salvos fácias nos. Allelúja.

V. Ibid. Deus virtútum convértere, réspice de cœlo, et vide, et vísitá víneam istam: et pérfice eam, quam plantávit dextera tua. Allelúja.

 **Sequéntia sancti Evangélíi secúndum Lucam. Luc. 11.**

In illo témpore: Dixit Jesus discí-pulis suis: Quis vestrum habébit amicum, et ibit ad illum média nocte, et dicet illi: Amíce, cómmoda mihi tres panes, quóniam amicus meus

venit de via ad me, et non hábeo quod ponam ante illum: et ille de intus respóndens, dicat: Noli mihi moléstus esse, jam óstium clausum est, et púeri mei mecum sunt in cubíli, non possum súrgere, et dare tibi. Et si ille perseveráverit pulsans: dico vobis, et si non dabit illi surgens eo quod amicus ejus sit, propter improbitátem tamen ejus surget, et dabit illi quotquot habet necessários. Et ego dico vobis: Pétite et dábitur vobis: quærite, et inveniétis: pulsáte, et aperiétur vobis. Omnis enim qui petit, áccipit: et qui quærit, invenit: et pulsánti aperiétur. Quis autem ex vobis patrem petit panem: numquid lápidem dabit illi? Aut piscem: numquid pro pisce serpéntem dabit illi? Aut si petierit ovum: numquid porriget illi scorpíonem? Si ergo vos cum sitis mali, nostis bona data dare filiis vestris: quanto magis Pater vester de cœlo dabit spíritum bonum peténtibus se?

Offertorium. Psal. 17. Pópulum húmílem salvum fácies: et óculos superbórum humiliábis: quóniam quis Deus præter te, Dómine?

Secreta.

Sacrificium, Dómine, quod immolámus, inténde: ut propugnatóres tuos ab omni éruas paganórum nequítia, et in tuæ protectionis securitáte constitúas. Per Dóminum.

Communio. Psal. 118. In salutári tuo ánima mea, et in verbum tuum sperávi: quando fácies de persecúntibus me judícium? iníqui persecúti sunt me, ádjuva me, Dómine Deus meus.

Postcommunio.

Protéctor noster áspice Deus, et propugnatóres tuos à paganórum defénde perículis: ut, omni perturbatione submóta, liberis tibi méntibus deserviant. Per Dóminum nostrum Jesum Christum Fílium tuum: Qui tecum vivit et regnat.

MISSA TEMPORE BELLI.

Introitus.

Psal. 24.



Deminiscere miserati-
onum tuarum, Domine,
et misericordiae tuae,
quae à saeculo sunt: ne
umquam dominentur
nobis inimici nostri: libera nos Deus
Israel ex omnibus angustis nostris.

Psal. ibid. Ad te, Domine, levavi
animam meam: Deus meus in te con-
fido, non erubescam.

V. Glória Patri.

Oratio.

Deus, qui conteris bella, et impu-
gnatores in te sperantium po-
téntia tuae defensionis expúgnas:
auxiliare famulis tuis implorantibus
misericordiam tuam; ut inimicorum
suorum feritate depréssa, incessabili
te gratiarum actione laudemus. Per
Dóminum.

Lectio Jeremiae Prophetae. Jer. 42.

In diebus illis: Accesserunt omnes
principes bellatorum: dixeruntque
ad Jeremiam prophetam: Ora pro
nobis ad Dóminum Deum tuum. Et
factum est verbum Dómini ad Jere-
miam. Vocavitque omnes principes
bellatorum, et universum pópulum à
mínimo usque ad magnum. Et dixit
ad eos: Hæc dicit Dóminus Deus
Israel, ad quem misistis me, ut pro-
stérnerem preces vestras in con-
spéctu ejus: Si quiescentes mansé-
ritis in terra hac, ædificábo vos, et
non destruiam; plantábo, et non evél-
lam; jam enim placátus sum super
malo, quod feci vobis. Nolite timere
à fácie regis Babylónis, quem vos
pávidi formidátis; nolite metúere
eum, dicit Dóminus: quia vobíscum
sum ego, ut salvos vos fáciam, et
éruam de manu ejus. Et dabo vobis
misericórdias, et miserébor vestri, et
habitare vos fáciam in terra vestra:
dicit Dóminus omnipotens.

Graduale. Psal. 76. Tu es Deus,
qui facis mirabilia solus: notam fecisti
in gentibus virtutem tuam.

V. Liberásti in bráchio tuo pópulum
tuum, filios Israel et Joseph.

Allelúja, allelúja.

V. Psal. 58. Eripe me de inimicis
meis, Deus meus, et ab insurgéntibus
in me libera me. Allelúja.

**Post Septuagesimam, omissis Al-
lelúja, et Versu sequenti dicitur:**

Tractus. Psal. 102. Domine, non
secúndum peccata nostra, quae féci-
mus nos: neque secúndum iniquitá-
tes nostras retribuas nobis.

V. Psal. 78. Domine, ne memíneris
iniquitátum nostrarum antiquarum:
cito anticipent nos misericordiae tuae,
quia páuperes facti sumus nimis.

V. Adjuva nos Deus salutáris no-
ster: et propter glóriam nóminis tui
Domine, libera nos: et propítius esto
peccátis nostris, propter nomen tuum.

**Tempore Paschali omittitur Gra-
duale, et ejus loco dicitur Allelúja,
allelúja.**

V. Psal. 58. Eripe me de inimicis
meis, Deus meus, et ab insurgénti-
bus in me libera me. Allelúja.

V. Ibid. Ego autem cantábo fortitú-
dinem tuam: et exultábo mane mise-
ricórdiam tuam. Allelúja.

**Sequéntia sancti Evangélíi se-
cúndum Matthæum. Matth. 24.**

In illo témpore: Accesserunt ad
Jesum discipuli secréto, dicéntes:
Dic nobis, quando hæc erunt? et
quod signum advéntus tui, et con-
summationis saeculi? Et respóndens
Jesus, dixit eis: Vidéte, ne quis vos
sedúcat. Multi enim vénient in nó-
mine meo, dicéntes: Ego sum Chri-
stus: et multos sedúcent. Auditúri
enim estis praelia, et opiniónes prae-
liórum. Vidéte ne turbémini. Opórtet
enim hæc fieri, sed nondum est finis.
Consúrget enim gens in gentem, et
regnum in regnum, et erunt pesti-
léntiae, et fames, et terræmótus per
loca. Hæc autem ómnia, inítia sunt
dolórum.

Offertorium. Psal. 17. Pópulum hú-
mílem salvum fácies Domine, et ócu-

los superbórum humiliábis: quóniam quis Deus præter te, Domine?

Secreta.

Sacrificium, Dómine, quod immolámus, inténde placátus: ut ab omni nos éruat bellórum nequítia, et in tuæ protectionis securitáte constituat. Per Dóminum nostrum.

Communio. Psal. 30. Inclína aurem tuam, accélera, ut erípias nos.


Postcommunio.

Deus, regnórum ómnium, regúmque dominátor, qui nos et percutiéndó sanas, et ignoscéndó consérvas: præténde nobis misericórdiam tuam; ut tranquillitáte pacis, tua potestáte serváta, ad remédia correctionis utámur. Per Dóminum nostrum.

MISSA PRO PACE.

Introitus.

Eccli. 36.



A pacem, Dómine, sustinéntibus te, ut prophétæ tui fideles inveniántur: exáudi preces servi tui, et plebis tuæ

Israel.

Psal. 121. Lætátus sum in his, quæ dicta sunt mihi: in domum Dómini ibimus.

V. Glória Patri. Oratio.

Deus, à quo sancta desidéria, recta consília, et justa sunt ópera: da servis tuis illam, quam mundus dare non potest, pacem; ut et corda nostra mandátis tuis dedita, et hóstium subláta formídine, témpora sint tua protectione tranquillá. Per Dóminum.

Lectio libri Machabæórum. 2. Mach. 1.

Frátribus, qui sunt per Ægyptum, Judæis, salútem dicunt fratres, qui sunt in Jerosólymis, Judæi, et qui in regione Judææ, et pacem bonam. Benefáciat vobis Deus, et memínerit testaménti sui, quod locútus est ad Abraham, et Isaac, et Jacob, servórum suórum fidélium:

et det vobis cor ómnibus, ut colátis eum, et faciátis ejus voluntátem, corde magno, et ánimo volénti. Adaperiat cor vestrum in lege sua, et in præcéptis suis, et fáciat pacem. Exáudiat oratiónes vestras, et reconciliétur vobis, nec vos déserat in témpore malo, Dóminus Deus noster.

Graduale. Psal. 121. Rogáte quæ ad pacem sunt Jerúsalem: et abundantia diligéntibus te.

V. Fiat pax in virtúte tua, et abundantia in túrribus tuis. **Allelúja, allelúja.**

V. Psal. 147. Lauda, Jerúsalem, Dóminum: lauda Deum tuum Sion. **Allelúja.**

Post Septuagesimam, omissis Allelúja, et Versu sequenti dicitur:

Tractus. Psal. 75. Notus in Judæa Deus, in Israel magnum nomen ejus. **V.** Et factus est in pace locus ejus, et habitatio ejus in Sion.

V. Ibi confrégit poténtias árcuum, scutum, gládium, et bellum.

Tempore Paschali omittitur Graduale, et ejus loco dicitur Allelúja, allelúja.

V. Psal. 147. Lauda, Jerúsalem, Dóminum: lauda Deum tuum Sion. **Allelúja.**

V. Qui pósuit fines tuos pacem, et ádipe fruménti sátiat te. **Allelúja.**

Sequéntia sancti Evangélíi secúndum Joánnem. Joann. 20. e

In illo témpore: Cum sero esset die illo, una sabbatórum, et fores essent clausæ, ubi erant discípuli congregáti propter metum Judæórum: venit Jesus, et stetit in médio, et dixit eis: Pax vobis. Et cum hoc dixisset, osténdit eis manus, et latus. Gavísi sunt ergo discípuli, viso Dómino. Dixit ergo eis iterum: Pax vobis. Sicut misit me Pater, et ego mitto vos. Hæc cum dixisset, insufflavit, et dixit eis: Accípite Spíritum sanctum: quorum remiséritis peccáta, remittúntur eis; et quorum retinuéritis, reténta sunt.

Offertorium. Psal. 134. Laudáte Dóminum, quia benígnus est: psállite nómini ejus, quóniam suávis est: ómnia quaecúmque vóluit, fecit in cœlo et in terra. **Secreta.**

Deus, qui credéntes in te pópulos nullis sinis cóncuti terróribus: dignáre preces et hóstias dicátæ tibi plebis suscípere; ut pax à tua pietáte concéssa, christianórum fines ab omni hoste fáciat esse secúros. Per Dóminum.

Communio. Joan. 14. Pacem relínquo vobis: pacem meam do vobis, dicit Dóminus. **Postcommunio.**

Deus auctor pacis et amátor, quem nosse, vívere; cui servíre, regnáre est: prótege ab ómnibus impugnatióibus súpplices tuos; ut qui in defensióne tua confidimus, nullius hostilitátis arma timeámus. Per Dóminum.

MISSA PRO VITANDA MORTALITATE.

vel tempore pestilentiae.

Introitus.

2. Reg. 24.



Ecordáre, Dómine, testaménti tui, et dic Angelo percutiénti: Cesset jam manus tua, et non desolétur terra, et ne perdas omnem ánimam vivéntem.

Psal. 79. Qui regis Israel, inténde: qui dedúcis, velut ovem Joseph.

V. Glória Patri. Oratio.

Deus, qui non mortem, sed pœniténtiam desíderas peccatórum: pópulum tuum ad te reverténtem propítius réspice; ut, dum tibi devótus existit, iracúndiæ tuæ flagélla ab eo cleménter amóveas. Per Dóminum.

Léctio libri Regum. 2. Reg. 24. c

IN diébus illis: Immísit Dóminus pestiléntiam in Israel, de mane usque ad tempus constitútum, et mórtui sunt ex pópulo, à Dan usque ad Bersabée, septuagínta míllia virórum. Cumque extendísset manum suam Angelus Dómini super Jerú-

salem, ut dispérderet eam, misértus est Dóminus super afflictiónē, et ait Angelo percutiénti pópulum: Súfficit: nunc cóntine manum tuam. Erat autem Angelus Dómini juxta áream Aréuna Jebusæi. Dixítque David ad Dóminum, cum vidísset Angelum cædéntem pópulum: Ego sum qui peccávi, ego iníque egi: isti, qui oves sunt, quid fecérunt? Vertátur, óbsecro, manus tua contra me, et contra domum patris mei. Venit autem Gad Prophéta ad David in die illa, et dixit ei: Ascénde, et constítue altáre Dómino in área Aréuna Jebusæi. Et ascéndit David juxta sermónem Gad, quem præcéperat ei Dóminus. Et ædificávit altáre Dómino, et obtulit holocáusta et pacífica: et propitiátus est Dóminus terræ, et cohíbita est plaga ab Israel.

Graduale. Psal. 106. Misit Dóminus verbum suum, et sanávit eos: et erípuít eos de morte eórum.

V. Confiteántur Dómino misericórdiæ ejus: et mirabília ejus filiis hóminum. Allelúja, allelúja.

V. Psal. 68. Salvum me fac, Deus, quóniam intravérunt aquæ usque ad ánimam meam. Allelúja.

Post Septuagesimam, omissis Allelúja, et Versu sequenti dicitur:

Tractus. Psal. 102. Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis.

V. Psal. 78. Dómine, ne memíneris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis.

V. Adjuvanos, Deus salutáris noster: et propter glóriam nóminis tui Dómine, libera nos, et propítius esto peccátis nostris, propter nomen tuum.

Tempore Paschali omittitur Graduale, et ejus loco dicitur Allelúja, allelúja.

V. Psal. 68. Salvum me fac Deus, quóniam intravérunt aquæ usque ad ánimam meam. Allelúja.

V. Zach. 8. Salvábo pópulum meum Israel in die malo, et ero eis in Deum, in veritáte et justítia. Allelúja.

Sequéntia sancti Evangélíi secúndum Lucam. Lucæ 4. g

In illo témpore: Surgens Jesus de synagóga, introívit in domum Simónis. Socrus autem Simónis tenebátur magnis fébribus: et rogavérunt illum pro ea. Et stans super illam, imperávit febrí, et dimísit illam. Et continuo surgens, ministrábat illis. Cum autem sol occidísset, omnes qui habébant infirmos váriis languóribus, ducébant illos ad eum. At ille singulis manus impónens, curábat eos. Exíbant autem dæmónia à multis, clamántia, et dicéntia: Quia tu es Fílius Dei: et increpans, non sinébat ea loqui, quia sciébant ipsum esse Christum. Facta autem die egréssus ibat in desértum locum, et turbæ requirébant eum, et venérunt usque ad ipsum: et detinébant illum, ne discéderet ab eis. Quibus ille ait: Quia et áliis civitatibus opórtet me evangelizáre regnum Dei: quia ídeo missus sum. Et erat prædicans in synagógis Galilææ.

Offertorium. Num. 16. Stetit Pón-tifex inter mórtuos et vivos, habens thuríbulum áureum in manu sua: et offerens incénsi sacrificium, placávit iram Dei, et cessávit quassátio à Dómino. **Secreta.**

Subvéniat nobis, quæsumus Dómine, sacrificii præsentis oblátio: quæ nos et ab erróribus univér-sis poténter absólvat, et à totíus erípiat perditiónis incúrsu. Per Dóminum.

Communio. Luc. 6. Multitúdo languéntium, et qui vexabántur à spirítibus immúndis, veniébant ad eum: quia virtus de illo exíbat, et sanábat omnes. **Postcommunio.**

Exáudi nos, Deus salutáris noster: et pópulum tuum ab iracúndiæ tuæ terróribus liberum, et misericórdiæ tuæ fac largitáte secúrum. Per Dóminum.

MISSA PRO INFIRMIS.

Introitus. Psal. 54.



Xáudi, Deus, oratió-nem meam, et ne despéxeris de-precatió-nem me-am: inténde in me, et exáudi me.

Psal. ibid. Contristátus sum in exercitatió-ne mea: et conturbátus sum à voce inimíci, et à tribulatió-ne peccatóris.

V. Glória Patri. Oratio.

OMnípotens sempitérne Deus, salus ætérna cre-déntium: exáudi nos pro fámulis tuis infirmis, pro quibus misericórdiæ tuæ implorá-mus auxílium; ut réddita sibi sanitate, gratiárum tibi in Ecclesiá tua réferant actiões. Per Dóminum nostrum.

§ Si fuerit pro uno tantum, dicatur semper in singulari.

Léctio Epístolæ beáti Jacóbi Apóstoli. Jacobi 5. c.

Caríssimi, Tristátur áliquis vestrum? Oret. Æquo ánimo est? Psallat. Infirmátur quis in vobis? Indúcat presbyteros Ecclesiæ, et orent super eum, ungéntes eum óleo in nómine Dómini: et orátio fidei salvábit infirmum, et alleviábit eum Dóminus: et si in peccátis sit, remitténtur ei. Confitémini ergo altérum peccáta vestra, et oráte pro invicem, ut salvémini.

Graduale. Psal. 6. Miserére mihi, Dómine, quóniam infirmus sum, sana me Dómine. **V.** Conturbáta sunt ó-mnia ossa mea, et ánima mea turbáta est valde. Allelúja, allelúja.

V. Psal. 101. Dómine exáudi oratió-nem meam: et clamor meus ad te pervéniat. Allelúja.

Post Septuagesimam, omissis Allelúja, et Versu sequenti dicitur:

Tractus. Psal. 30. Miserére mei, Dómine, quóniam tríbulo: contur-

bátus est in ira óculos meus, ánima mea, et venter meus.

V. Quóniam defécit in dolóre vita mea, et anni mei in gemítibus.

V. Infirmáta est in paupertáte virtus mea: et ossa mea conturbáta sunt.

Tempore Paschali omittitur Graduale, et ejus loco dicitur Allelúja, allelúja.

V. Psal. 101. Dómine exáudi oratió-
nem meam: et clamor meus ad te
pervéniat. Allelúja.

V. Psal. 27. In Deo sperávit cor me-
um, et adjútus sum: et reflóruit caro
mea, et ex voluntáte mea confitébor
ei. Allelúja.

 **Sequéntia sancti Evangélíi se-
cúndum Matthæum. Matth. 8.**

In illo témpore: Cum introísset Je-
sus Caphárnaum, accéssit ad eum
Centúrio, rogans eum, et dicens:
Dómine, puer meus jacet in domo
paralyticus, et male torquétur. Et
ait illi Jesus: Ego véniam, et curábo
eum. Et respóndens Centúrio, ait:
Dómine, non sum dignus, ut intres
sub tectum meum: sed tantum dic
verbo, et sanábitur puer meus. Nam
et ego homo sum sub potestáte con-
stitútus, habens sub me mílites, et
dico huic: Vade, et vadit; et álii:
veni, et venit; et servo meo: fac hoc,
et facit. Audiens autem Jesus mi-
rátus est, et sequéntibus se dixit:
Amen dico vobis, non invéni tantam
fidem in Israel. Dico autem vobis,
quod multi ab Oriénte et Occidénte
vénient, et recúmbent cum Abra-
ham, et Isaac, et Jacob in regno
cœlórum: filii autem regni ejiciéntur
in ténebras exterióres: ibi erit fletus,
et stridor déntium. Et dixit Jesus
Centurióni: Vade, et sicut credidísti,
fiat tibi. Et sanátus est puer in illa
hora.

Offertorium. Psal. 54. Exáudi Deus
oratiónem meam, et ne despéxeris
deprecationem meam: inténde in me,
et exáudi me.

Secreta.

Deus, cujus nútibus vitæ nostræ
moménta decúrrunt, súscipe
preces et hóstias famulórum tuórum,
pro quibus ægrotántibus misericór-
diam tuam implorámus: ut, de quo-
rum perículo metúimus, de eórum
salúte lætémur. Per Dóminum no-
strum.

Communio. Ps. 30. Illúmina fáciem
tuam super servum tuum, et saluum
me fac in tua misericórdia: Dómine,
non confúndar quóniam invocávi te.

Postcommunio.

Deus, infirmitátis humánæ singu-
lære præsidium: auxílii tui super
infirmos fámulos tuos osténde virtú-
tem: ut ope misericórdiæ tuæ adjúti,
Ecclesiæ tuæ sanctæ incólumes re-
præsentári mereántur. Per Dómi-
num nostrum.

**§ Pro infirmo qui proximus est mor-
ti, dicuntur sequentes Orationes.**

Oratio.

OMnípotens et miséricors Deus,
qui humano géneri et salútis re-
média, et vitæ æternæ múnera con-
tulisti: respice propítius fámulum
tuum infirmitáte córporis laborán-
tem, et ánimam réfove, quam creásti;
ut in hora éxitus illíus, absque pec-
cáti mácula tibi Creatóri suo per ma-
nus sanctórum Angelórum repræ-
sentári meréatur. Per Dóminum
nostrum.

Secreta.

Suscipe, quæsumus Dómine, hó-
stiam, quam tibi offérimus pro
fámulo tuo in extrémó vitæ consti-
túto: et concéde; ut per eam univér-
sa illíus purgéntur delícta; ut, qui
tuæ dispositionis flagéllis in hac vita
attéritur, in futúra réquiem conse-
quáatur æternam. Per Dóminum no-
strum.

Postcommunio.

Quæsumus cleméntiam tuam, o-
mnípotens Deus, ut per hujus
virtútem sacraménti fámulum tuum
grátia tua confirmáre dignéris: ut in
hora mortis ejus non præváleat con-

tra eum adversarius, sed cum Angelis tuis transitum habere mereatur ad vitam. Per Dominum nostrum.

**MISSA
PRO PEREGRINANTIBUS,
VEL ITER AGENTIBUS.**

Introitus.

Psal. 25.



Edime me Domine, et miserere mei: pes enim meus stetit in via recta: in Ecclesiis benedicam Dominum.

Psal. ibid. Júdica me Domine, quoniam ego in innocentia mea ingressus sum: et in Domino sperans non infirmabor.

V. Glória Patri. Oratio.

A Désto Domine, supplicationibus nostris, et viam famulorum tuorum in salutis tuæ prosperitate dispone: ut inter omnes viæ et vitæ hujus varietates, tuo semper protegantur auxilio. Per Dominum nostrum.

Lectio libri Génesis. Gen. 28. b

IN diébus illis: Egressus Jacob de Bersabée, pergébat Haran. Cumque venisset ad quemdam locum, et vellet in eo requiescere post solis occubitum, tulit de lapidibus qui jacé- bant, et supponens capiti suo, dormivit in eodem loco. Viditque in somnis Dominum dicentem sibi: Ego sum Dominus Deus Abraham patris tui, et Deus Isaac: terram, in qua dormis, tibi dabo et semini tuo. Erít- que semen tuum quasi pulvis terræ: dilataberis ad Occidentem, et Orién- tem, et Septemtrionem, et Meridiem: et benedicentur in te, et in semine tuo cunctæ tribus terræ. Et ero custos tuus quocúmque perréxeris, et redú- cam te in terram hanc; nec dimittam, nisi complévero universa quæ dixi. Surgens ergo Jacob mane, tulit lá- pidem, quem supposúerat capiti suo, et erexit in titulum, fundens óleum désuper. Vovit etiam votum, dicens: Si fúerit Deus mecum, et custodierit

me in via, per quam ego ámbulo, et déderit mihi panem ad vescéndum, et vestiméntum ad induéndum, re- versúsque fúero próspere ad domum patris mei: erit mihi Dominus in De- um, et lapis iste, quem eréxi in títu- lum, vocábitur Domus Dei: cuncto- rúmque, quæ déderis mihi, décimas offeram tibi.

Graduale. Psal. 22. Si ámbulem in médio umbræ mortis, non timébo ma- la, quoniam tu mecum es, Domine.

V. Virga tua, et báculus tuus, ipsa me consoláta sunt.

Allelúja, allelúja.

V. Psal. 118. Gressus meos dirige secúndum elóquium tuum: ut non dominétur mei omnis injustítia. Alle- lúja.

Post Septuagesimam omissis Alle- lúja, et Versu sequenti, dicitur:

Tractus. Psal. 90. Angelis suis Deus mandávit de te, ut custódiant te in ómnibus viis tuis.

V. In mánibus portábunt te, ne um- quam offéndas ad lápidem pedem tuum.

V. Super áspidem et basilíscum am- bulábis, et conculcábis leónem et draconem.

Tempore Paschali omittitur Gra- duale, et ejus loco dicitur Allelúja, allelúja.

V. Psal. 118. Gressus meos dirige secúndum elóquium tuum, ut non dominétur mei omnis injustítia. Al- lelúja.

V. Psal. 121. Lætátus sum in his quæ dicta sunt mihi: in domum Domini ibimus. Allelúja.

Sequéntia sancti Evangélíi se- cúndum Matthæum. Matth. 10.

IN illo témpore: Dixit Jesus discí- pulis suis: Eúntes, prædicáte, di- céntes: quia appropinquávit regnum cœlórum. Infirmos curáte, mórtuos suscitáte, leprósos mundáte, dæmo- nes ejícite: gratis accepístis, gratis date. Nolíte possidére aurum, neque argéntum, neque pecúniám in zonis

vestris: non peram in via, neque duas tunicas, neque calceamenta, neque virgam: dignus enim est operarius cibo suo. In quamcunque autem civitatem, aut castellum intraveritis, interrogate quis in ea dignus sit: et ibi manete donec exeatis. Intrantes autem in domum, salutate eam, dicentes: Pax huic domui. Et si quidem fuerit domus illa digna, veniet pax vestra super eam: si autem non fuerit digna: pax vestra revertetur ad vos. Et quicumque non receperit vos, neque audierit sermones vestros: exeuntes foras de domo, vel civitate, excutite pulverem de pedibus vestris.

Offertorium. Psal. 16. Pérfice gressus meos in sémitis tuis, ut non moveantur vestigia mea: inclina aurem tuam mihi, et exaudi verba mea: mirifica misericórdias tuas, qui salvos facis sperantes in te, Dómine.


Secreta.

Propitiare, Dómine, supplicationibus nostris, et has oblationes, quas tibi offerimus pro famulis tuis, benígnus assúme: ut viam illorum et præcedente grátia tua dirigas, et subsequente comitari digneris: ut de actu atque incolumitate eorum, secundum misericórdiæ tuæ præsidia gaudeamus. Per Dóminum nostrum.

Communio. Ps. 118. Tu mandasti mandata tua custodiri nimis: útinam dirigantur viæ meæ, ad custodiendas justificationes tuas.

Postcommunio.

Tua, Dómine, sacramenta quæ sumpsimus, famulos tuos in te sperantes custodiant: et contra omnes adversos tueantur incursus. Per Dóminum.



MISSA PRO SPONSO ET SPONSA.

§ Si benedictio Nuptiarum facienda sit die Dominica, vel alio die Festo, dicatur Missa de Dominica, vel Festo, cum Glória in excelsis, et Credo, si illa Missa id requirat, et cum commemoratione sequentis Missæ pro Sponso et Sponsa, et reliquis, quæ pro Communionem, et complemento benedictionis in ea habentur.

Introitus. Tob. 7. et 8.

Deus Israel conjungat vos: et ipse sit vobiscum, qui misertus est duobus unicis: et nunc, Dómine, fac eos plenius benedicere te.

Psal. 127. Beati omnes qui timent Dóminum: qui ambulant in viis ejus.

V. Glória Patri.

Oratio.

Exaudi nos, omnipotens et misericors Deus: ut quod nostro ministratur officio, tua benedictione potius impleatur. Per Dóminum.

Lectio Epistolæ beati Pauli Apóstoli ad Ephésios.

Ephes. 5. d

Fratres, Mulieres viris suis subditæ sint, sicut Dómino: quóniam vir caput est mulieris: sicut Christus caput est Ecclesiæ: ipse salvator corporis ejus. Sed sicut Ecclesia subiecta est Christo; ita et mulieres viris suis in ómnibus. Viri, diligite uxóres vestras, sicut et Christus diléxit Ecclesiam, et seipsum tradidit pro ea, ut illam sanctificáret, mundans lavacro aquæ in verbo vitæ, ut exhiberet ipse sibi gloriósam Ecclesiam, non habentem máculam, aut rugam, aut aliquid hujusmodi, sed ut sit sancta et immaculáta. Ita et viri debent diligere uxóres suas, ut corpora sua. Qui suam uxórem diligit, seipsum diligit. Nemo enim umquam carnem suam odio hábuit: sed nutrit, et fovet eam, sicut et Christus Ecclesiam, quia membra sumus corporis ejus, de

carne ejus, et de óssibus ejus. Propter hoc relinquet homo patrem et matrem suam, et adhærébit uxóri suæ, et erunt duo in carne una. Sacraméntum hoc magnum est, ego autem dico in Christo, et in Ecclesiá. Verúmtamen, et vos sínguli, unusquisque uxórem suam, sicut seípsum díligat: uxor autem tímeat virum suum.

Graduale. Psal. 127. Uxor tua sicut vitis abúndans in latéribus domus tuæ.

V. Fílii tui sicut novéllæ olivárum in circúitu mensæ tuæ. **Allelúja, allelúja.**

V. Psal. 19. Mittat vobis Dóminus auxílium de sancto: et de Sion tueátur vos. **Allelúja.**

Post Septuagesimam, omissis Allelúja, et Versu sequenti dicitur

Tractus. Psal. 127. Ecce sic benedicétur omnis homo, qui timet Dóminum.

V. Benedícat tibi Dóminus ex Sion: et vídeas bona Jerúsalem ómnibus diébus vitæ tuæ.

V. Et vídeas filios filiórum tuórum: pax super Israel.

Tempore Paschali omittitur Graduale, et ejus loco dicitur Allelúja, allelúja.

V. Psal. 19. Mittat vobis Dóminus auxílium de sancto: et de Sion tueátur vos. **Allelúja.**

V. Psal. 133. Benedícat vobis Dóminus ex Sion: qui fecit cœlum et terram. **Allelúja.**

 **Sequéntia sancti Evangélíi secúndum Matthæum. Matth. 19.**

IN illo témpore: Accessérunt ad Jesum Phariséi tentántes eum, et dicéntes: Si licet hómini dimíttre uxórem suam, quacúmque ex causa? Qui respóndens, ait eis: Non legístis, quia qui fecit hóminem ab inítio, másculum et féminam fecit eos? Et dixit: Propter hoc dimíttet homo patrem et matrem, et adhærébit uxóri suæ, et erunt duo in carne una. Itaque jam non sunt duo, sed una caro. Quod ergo Deus conjúnxit, homo non séparet.

Offertorium Psal. 30. In te sperávi, Dómine: dixi, tu es Deus meus: in mánibus tuis témpora mea.

Secreta.

Suscipe, quæsumus Dómine, pro sacra connúbii lege munus oblátum: et cujus largítor es óperis, esto dispósitor. Per Dóminum.

§ **Dicto Pater noster, Sacerdos antequam dicat Libera nos, quæsumus Dómine, stans in cornu Epistolæ versus Sponsum et Sponsam ante Altare genuflexos, dicit super eos sequentes Orationes.**

Oremus.

Oratio.

Propitiáre, Dómine, supplicatió-nibus nostris, et institútis tuis, quibus propagatióem húmáni géneris ordinásti, benígnus assiste: ut, quod te auctóre júngitur, te auxiliánte servétur. Per Dóminum nostrum.

Oremus.

DEus, qui potestáte virtútis tuæ de níhilo cuncta fecísti: qui dispósitis universitátis exórdiis, hómini ad imáginem Dei facto, ideo inseparábile mulieris adjutórium condidísti, ut femíneo córpori de viríli dares carne princípium, docens quod ex uno placuísset instítui, numquam licére disjúngi: Deus, qui tam excel-lénti mystério conjugálem cópulam consecrásti, ut Christi et Ecclesiæ sacraméntum præsignáres in fœdere nuptiárum: Deus, per quem múlter júngitur viro, et societas principáliter ordináta, ea benedictióe donátur, quæ sola nec per originális peccáti pœnam, nec per dilúvii est abláta senténtiam: respice propítius super hanc fámulam tuam, quæ maritáli jungénda consórtio, tua se expetit protectione muníri: sit in ea jugum dilectionis, et pacis: fidélis et casta nubat in Christo, imitatríxque sanctárum permáneat feminárum: sit amábilis viro suo, ut Rachel: sápiens, ut Rebécca: longæva et fidélis, ut Sara: nihil in ea ex áctibus suis ille auctor prævaricatióis usúrpet: nexa

fidei, mandatisque permáneat: uni thoro juncta, contáctus illicitos fúgiat: múníat infirmitátem suam róbores disciplínæ: sit verecúndia gravis, pudóre venerábilis, doctrínis cœlestibus erudíta: sit fecúnda in sóbole, sit probáta et innocens: et ad beatórum réquiem, atque ad cœlestia regna pervéníat: et vídeant ambo filios filiórum suórum, usque in tértiam et quartam generatióem, et ad optátam pervéniant senectútem. Per eúndem Dóminum.

§ **Tunc Sacerdos reversus ad medium Altaris dicat, Libera nos, et reliqua more solito: et postquam sumpserit Sanguinem, communicet Sponsos: et prosequatur Missam.**

Communio. Psal. 127. Ecce sic benedicétur omnis homo, qui timet Dóminum: et vídeas filios filiórum tuórum: pax super Israel.

Postcommunio.

Quæsumus omnipotens Deus, institúta providéntiæ tuæ pio favóre comítare: ut quos legítima societáte connéctis, longæva pace custódias. Per Dóminum nostrum.

§ **Dicto Benedicámus Dómino, vel si Missæ illius diei conveniat, Ite missa est, Sacerdos antequam populo benedicat, conversus ad Sponsum et Sponsam, dicat:**

Deus Abraham, Deus Isaac, et Deus Jacob sit vobíscum: et ipse adimpleat benedictiónem suam in vobis: ut videátis filios filiórum vestrórum usque ad tértiam et quartam generatióem; et póstea vitam ætérnam habeátis sine fine, adjuvánte Dómino nostro Jesu Christo, qui cum Patre et Spíritu sancto vivit et regnat Deus, per ómnia sæcula sæculórum. **R. Amen.**

§ **Moneat eos Sacerdos sermone gravi, ut sibi invicem servent fidem: orationis tempore, et præsertim jejuniorum ac solemnitatum, casti maneant: et vir uxorem, atque uxor virum diligat: et in timore Dei permaneant.**

Postea eos aspergat aqua benedicta, et dicto, Pláceat tibi sancta Trínitas, det benedictionem: et legat, ut solitum est, Evangelium S. Joannis. In principio erat Verbum.

ORATIONES DIVERSÆ

Dicendæ in Missa ad libitum Sacerdotis, cum iis quæ in propriis Missis assignantur, quando non est Festum Duplex.

1. Ad poscenda suffragia Sanctorum. Oratio.

Concède quæsumus omnipotens Deus: ut intercessio sanctæ Dei genitrícis Mariæ sanctorúmque ómnium Apostolórum, Mártyrum, Confessórum, atque Vírginum, et ómnium electórum tuórum, nos ubique lætíficet; ut dum eórum mérita recólimus, patrocínia sentiámus. Per eúndem Dóminum nostrum.

Secreta.

Oblátis, Dómine, placáre munéribus: et, intercedénte beáta María semper Vírgine, cum ómnibus Sanctis tuis, à cunctis nos defénde perículis. Per Dóminum nostrum.

Postcommunio.

Sumpsimus, Dómine, beátæ Mariæ semper Vírginis, et ómnium Sanctorum tuórum memóriam recoléntes, sacraménta cœlestia: præsta quæsumus; ut quod temporáliter gérimus, ætérnis gáudiis consequámur. Per Dóminum.

2. Alia Oratio ut supra. Oratio.

Acunctis nos, quæsumus Dómine, mentis, et córporis defénde perículis: et, intercedénte beáta et gloriósa semper Vírgine Dei genitríce Mariæ, cum beátis Apóstolis tuis Petro et Paulo, atque beáto N. et ómnibus Sanctis, salútem nobis tríbue benígnus et pacem; ut, destrúctis adversitátibus et erróribus univérsis, Ecclé-

sia tua secúra tibi sérviat libertáte. Per eúndem Dóminum nostrum.

In hac Oratione nomina Sanctorum Michaelis, Joannis Baptistæ, et Josephi præponuntur Apostolis.

Secreta.

EXáudi nos, Deus salutáris noster: ut per hujus sacraménti virtútem, à cunctis nos mentis et córporis hóstibus tueáris; grátiam tribuens in præsénti, et glóriam in futúro. Per Dóminum.

Postcommunio.

Mundet et múniat nos, quæsumus, Dómine, divíni sacraménti munus oblátum: et, intercedente beáta Vírgine Dei genitríce María, cum beátis Apóstolis tuis Petro et Paulo, atque beáto **N.** et ómnibus Sanctis; à cunctis nos reddat et perversitatibus expiátos, et adversitatibus expeditos. Per eúndem Dóminum nostrum.

3. Pro omni gradu Ecclesiæ. Oratio.

OMnípotens sempitérne Deus, cujus spíritu totum corpus Ecclesiæ sanctificátur et régitur: exáudi nos pro univérsis ordinibus supplicántes; ut grátia tuæ múnere, ab ómnibus tibi grádibus fidéliter serviátur. Per Dóminum. in unitáte ejúsdem Spíritus sancti Deus. **Secreta.**

DA fámulis tuis, Dómine, indulgéntiam peccatórum, consolatióem vitæ, gubernatióem perpétuam: ut tibi serviéntes, ad tuam júgiter misericórdiam pervenire mereántur. Per Dóminum.

Postcommunio.

Libera, quæsumus Dómine, à peccátis et hóstibus fámulos tuos tibi supplicántes: ut in sancta conversatione vivéntes, nullis afficiántur advérsis. Per Dóminum nostrum.

4. Pro Papa. Oratio.

Deus ómnium fidélium pastor et rector, fámulum tuum **N.** quem pastórem Ecclesiæ tuæ præesse voluísti, propítius respice: da ei, quæ-

sumus, verbo et exémplo, quibus præest, proficere; ut ad vitam, una cum grege sibi crédito, pervéniat sempitérnam. Per Dóminum nostrum.

Secreta.

Oblátis, quæsumus Dómine, placáre munéribus: et fámulum tuum **N.** quem pastórem Ecclesiæ tuæ præesse voluísti, assídua protectione gubérna. Per Dóminum nostrum.

Postcommunio.

Hæc nos, quæsumus Dómine, divíni sacraménti percéptio protégat: et fámulum tuum **N.** quem pastórem Ecclesiæ tuæ præesse voluísti, una cum commisso sibi grege, salvet semper et múniat. Per Dóminum.

5. Pro Imperatore. Oratio.

Deus regnórum ómnium, et Christiáni máxime protéctor Impérii: da servo tuo Imperatóri nostro **N.** triúmphum virtútis tuæ sciénter excólere; ut qui tua institutione est princeps, tuo sit semper múnere potens. Per Dóminum nostrum.

Si non est coronatus, dicatur elécto Imperatóri. **Secreta.**

Suscipe, Dómine, preces et hóstias Ecclesiæ tuæ pro salúte fámuli tui supplicántis: et in protectione fidélium populórum, antíqua bráchii tui operáre mirácula; ut, superátis pacis inimicis, secúra tibi sérviat Christiána libértas. Per Dóminum nostrum.

Postcommunio.

Deus, qui ad prædicándum ætéрни Regis Evangélium, Románum Impérium præparásti: præténde fámulo tuo Imperatóri nostro **N.** arma cœléstia; ut pax Ecclesiárum nulla turbétur tempestáte bellórum. Per Dóminum.

6. Pro Rege. Oratio.

Quæsumus omnipotens Deus: ut fámulus tuus **N.** Rex noster, qui tua miseratione suscepit regni gubernacula, virtútum etiam ómnium percípiat incrementa: quibus decéner

ornátus, et vitiórum monstra devitáre, et ad te, qui via, véritas, et vitæ es, gratiósus váleat pervenire. Per Dóminum nostrum. **Secreta.**

MUnera, Dómine quæsumus, oblata sanctifica: ut et nobis Unigéniti tui corpus et sanguis fiant; et Regi nostro ad obtinéndam animæ, corporisque salutem, et peragéndum injunctum officium, te largiēte, usquequaque proficiant. Per eúndem Dóminum. **Postcommunio.**

HÆc, Dómine, oblátio salutáris fámulum tuum **N.** Regem nostrum ab ómnibus tueátur advérsis: quátenus et Ecclesiásticæ pacis obtíneat tranquillitatem; et post hujus témporis decúrsum, ad ætérnam perveniat hæreditatem. Per Dóminum.

7. Pro Prælatiis, et Congregationibus eis commissis. Oratio.

OMnípotens sempitérne Deus, qui facis mirabília magna solus: prætēde super fámulos tuos, et super congregatiónes illis commissas, spíritum grátiae salutáris; et, ut in veritate tibi compláceant, perpétuum eis rorem tuæ benedictiōnis infúnde. Per Dóminum. in unitate ejúsdem.

Secreta.

Hostias, Dómine, famulórum tuórum placátus intēde: et quas in honórem nóminis tui devóta mente pro eis celebrámus, proficere sibi sentiant ad medélam. Per Dóminum nostrum.

Postcommunio.

Quos cœlésti récreas múnere, perpétuo, Dómine, comitáre præsidio: et quos fovére non désinis, dignos fieri sempitérna redemptione concéde. Per Dóminum nostrum.

8. Pro congregatione et familia. Oratio.

Defēde, quæsumus Dómine, beatá Mariá semper Vírgine intercedēte, istam ab omni adversitate familiam: et toto corde tibi prostrátam, ab hóstium propítius tuére clemēter insidiis. Per Dóminum.

Secreta.

Suscipe, quæsumus omnipotens Deus, oblaciónem nostræ devotiōnis: et per virtutem hujus sacraménti, fámulos tuos à cunctis adversitatibus prótege. Per Dóminum.

Postcommunio.

Sumptis redemptionis nostræ muneribus, præsta quæsumus misericors Deus, eórum nobis celebratiōne, tuæ protectionis contra omnes adversitates subsidium. Per Dóminum.

9. Pro concordia in congregatione servanda. Oratio.

Deus largitor pacis, et amator caritatis: da fámulis tuis veram cum tua voluntate concórdiam; ut ab ómnibus, quæ nos pulsan, tentatiōnibus liberémur. Per Dóminum.

Secreta.

His sacrificiis, Dómine quæsumus, concéde placátus: ut qui propriis orámus absolvi delictis, non gravémur extérnis. Per Dóminum.

Postcommunio.

Spíritum nobis, Dómine, tuæ caritatis infúnde: ut, quos uno pane cœlésti satiásti, tua fácias pietate concórdes. Per Dóminum nostrum. in unitate ejúsdem Spíritus.

10. Contra persecutores Ecclesiæ. Oratio.

Ecclésiæ tuæ, quæsumus Dómine, preces placátus admítte: ut, destrúctis adversitatibus et erróribus univérsis secúra tibi sérviat libertate. Per Dóminum nostrum.

Secreta.

Prótege nos, Dómine, tuis mystériis serviētes: ut divinis rebus inhæréntes, et corpore tibi famulémur, et mente. Per Dóminum.

Postcommunio.

Quæsumus Dómine Deus noster: ut, quos divína tribuis participatiōne gaudére, humánis non sinas subjacére periculis. Per Dóminum.

11. **Contra persecutores et male agentes. Oratio.**

Hostium nostrorum, quæsumus Dómine, elide superbiam: et eorum contumáciam dexteræ tuæ virtute prostérne. Per Dóminum.

Secreta.

Hujus Dómine virtute mystérii, et à propriis mundémur occúltis, et ab inimicorum liberémur insídiis. Per Dóminum nostrum.

Postcommunio.

Protéctor noster áspice Deus, et ab inimicorum nos defénde periculis: ut, omni perturbatióne submóta, liberis tibi méntibus serviámus. Per Dóminum nostrum.

12. **Pro quacumque necessitate. Oratio.**

Deus refúgium nostrum, et virtus: adésto piis Ecclesiæ tuæ précibus auctor ipse pietátis, et præsta; ut quod fidéliter pétimus, effícaciter consequámur. Per Dóminum.

Secreta.

Da miséricors Deus: ut hæc salutáris oblátio et à propriis nos reátibus indesinénter expédíat, et ab ómnibus tueátur advérsis. Per Dóminum.

Postcommunio.

Sumpsimus, Dómine, sacri dona mystérii, humíliter deprecántes: ut quæ in tui commemoratióne nos fácere præcepísti, in nostræ proficiant infirmitátis auxílium. Qui vivis et regnas.

13. **Pro quacumque tribulatione. Oratio.**

Ne despicias, omnípotens Deus, pópulum tuum in afflictióné clamántem: sed propter glóriam nóminis tui, tribulátis succúrre placátus. Per Dóminum nostrum.

Secreta.

Suscipe, Dómine, propítius hóstias, quibus et te placári voluísti, et nobis salútem poténti pietáte restitui. Per Dóminum nostrum.

Postcommunio.

Tribulatióne nostram, quæsumus Dómine, propítius réspice: et iram tuæ indignatiónis, quam juste merémur, avérte. Per Dóminum.

14. **Tempore famis. Oratio.**

Da nobis, quæsumus Dómine, piæ supplicatiónis effectum, et famem propitiátus avérte: ut mortálium corda cognóscant, et te indignánte, talia flagélla prodíre, et te miseránte, cessáre. Per Dóminum.

Secreta.

Deus, qui humáni géneris utrámque substántiam, præsentium múnere et aliménto végetas, et rénovas sacraménto: tríbe quæsumus; ut eorum et corpóribus nostris subsidium non desit, et méntibus. Per Dóminum.

Postcommunio.

Gubérna, quæsumus Dómine, temporálibus aliméntis, quos dignáris ætérnis informáre mystériis. Per Dóminum nostrum.

15. **Tempore Terræmotus. Oratio.**

Omnípotens sempitérne Deus, qui réspicis terram, et facis eam trémere; parce metuéntibus, propitiáre supplicibus: ut, cujus iram, terræ fundaménta concutiéntem expávimus, cleméntiam contritiónes ejus sanántem júgiter sentiámus. Per Dóminum.

Secreta.

Deus, qui fundásti terram super stabilitátem suam, súscipe oblaciones et preces pópuli tui; ac treméntis terræ periculis pénitus amótis, divínæ tuæ iracúndiæ terróres, in humánæ salútis remédia convérte: ut qui de terra sunt, et in terram reverténtur, gáudeant se fieri sancta conversatióne coeléstes. Per Dóminum nostrum.

Postcommunio.

Tuére nos, Dómine quæsumus, tua sancta suméntes; et terram, quam vídimus nostris iniquitátibus treméntem, supérno múnere firma: ut mortálium corda cognóscant et te

indignante talia flagella prodire, et te miserante cessare. Per Dóminum.

16. **Ad petendam pluviam.**
Oratio.

DEus, in quo vivimus, movemur, et sumus: pluviam nobis tribue congruentem: ut presentibus subsidiis sufficienter adjuti, sempiterna fiducialius appetamus. Per Dóminum.

Secreta.

Oblatis, quaesumus Dómine, placare muneribus: et opportunum nobis tribue pluviae sufficientis auxilium. Per Dóminum nostrum.

Postcommunio.

DA nobis, quaesumus Dómine, pluviam salutarem: et aridam terrae faciem fluentis caelestibus dignanter infunde. Per Dóminum.

17. **Ad postulandam serenitatem.**
Oratio.

AD te nos, Dómine, clamantes exaudi: et aeris serenitatem nobis tribue supplicantibus; ut qui juste pro peccatis nostris affligimur, misericordia tua praeveniēte clementiam sentiamus. Per Dóminum.

Secreta.

Praevénia nos, quaesumus Dómine, gratia tua semper, et subsequatur: et has oblationes, quas pro peccatis nostris nómini tuo consecrandas deferimus, benignus assúme; ut per intercessionem Sanctorum tuorum, cunctis nobis proficiant ad salutem. Per Dóminum.

Postcommunio.

Quaesumus, omnipotens Deus, clementiam tuam: ut inundantiam coerceas imbrium, et hilaritatem vultus tui nobis impertiri digneris. Per Dóminum nostrum.

18. **Ad repellendas tempestates.**
Oratio.

ADomo tua, quaesumus Dómine, spiritales nequitiae repellantur: et aerearum discadat malignitas tempestatum. Per Dóminum.

Secreta.

Offerimus tibi, Dómine, laudes et múnera, pro concessis beneficiis grátias referentes, et pro concedendis semper suppliciter deprecantes. Per Dóminum nostrum.

Postcommunio.

OMnipotens sempiternus Deus, qui nos et castigando sanas, et ignoscendo conservas: praesta supplicibus tuis; ut et tranquillitatibus hujus optatae consolationis laetemur, et dono tuae pietatis semper utamur. Per Dóminum nostrum.

19. **Pro peste animalium.**
Oratio.

DEus, qui laboribus hominum, etiam de mutis animalibus solatia subrogasti: supplices te rogamus; ut, sine quibus non alitur humana conditio, nostris facias úsibus non perire. Per Dóminum.

Secreta.

Sacrificiis, Dómine, placatus oblatis, opem tuam nostris temporibus clementer impende. Per Dóminum.

Postcommunio.

Benedictionem tuam, Dómine, populus fidelis accipiat, qua corpore salvetur et mente: et congruam tibi exhibeat servitutem, et propitiationis tuae beneficia semper inveniat. Per Dóminum nostrum.

20. **Pro seipso Sacerdote.**
Oratio.

OMnipotens et misericors Deus, humilitatis meae preces benignus intende: et me famulum tuum, quem nullis suffragantibus meritis, sed immensa clementiae tuae largitate caelestibus mysteriis servire tribuisti, dignum sacris altaribus fac ministrum; ut quod mea voce deprómitur, tua sanctificatione firmetur. Per Dóminum.

Secreta.

Hujus, Dómine, virtute sacramenti, peccatorum meorum maculas absterge: et praesta; ut ad exequendum injuncti officii ministerium,

me tua grátia dignum efficiat. Per Dóminum. **Postcommunio.**

OMnípotens sempitérne Deus, qui me peccatórem sacris altáribus adstáre voluísti, et sancti nóminis tui laudáre poténtiam: concéde propítius per hujus sacraménti mystérium, meórum mihi véniam peccatórum; ut tuæ majestáti digne mérear famulári. Per Dóminum nostrum.

21. Pro petitione lacrymarum.

Oratio.

OMnípotens et mitíssime Deus, qui sitiénti pópulo fontem vivéntis aquæ de petra produxísti: educ de cordis nostri durítia lácrymas compunctiónis; ut peccáta nostra plángere valeámus, remissionémque eórum, te miseránte, mereámur accíperere. Per Dóminum.

Secreta.

HAnc oblatiónem, quæsumus Dómine Deus, quam tuæ majestáti pro peccátis nostris offérimus, propítius réspice: et produc de óculis nostris lacrymárum flúmina, quibus débíta flammárum incéndia valeámus extinguerere. Per Dóminum nostrum.

Postcommunio.

GRátiam Spíritus sancti, Dómine Deus, córdibus nostris cleménter infúnde: quæ nos gemitibus lacrymárum efficiat máculas nostrórum dilúere peccatórum; atque optátæ nobis, te largiénte, indulgéntiæ præstet efféctum. Per Dóminum. in unitáte ejúsdem Spíritus sancti Deus.

22. Pro remissione peccatorum.

Oratio.

DEus, qui nullum réspuis, sed quantúmvis peccántibus, per pœniténtiam pia miseratione placáris: réspice propítius ad preces humilitátis nostræ, et illúmina corda nostra; ut tua valeámus implére præcépta. Per Dóminum.

Secreta.

PRæsens sacrificium, Dómine, quod tibi pro delictis nostris of-

férimus, sit tibi munus accéptum: et tam vivéntibus, quam defúntis proficiat ad salútem. Per Dóminum.

Postcommunio.

EXáudi preces familiæ tuæ, omnipotens Deus, et præsta: ut sancta hæc, quæ à te sumpsimus, incorrupta in nobis, te donánte, servéntur. Per Dóminum nostrum.

23. Pro publice pœnitentibus.

Oratio.

OMnípotens sempitérne Deus, confiténtibus tibi fámulis tuis pro tua pietáte reláxa peccáta: ut non ámplius eis nóceat consciéntiæ reátus ad pœnam, quam indulgéntia tuæ propitiatiónis prosit ad véniam. Per Dóminum.

Secreta.

PRæsta quæsumus, omnipotens et miséricors Deus: ut hæc salutaris oblatio fámulos tuos et à propriis reátibus indesinénter expédíat, et ab ómnibus tueátur advérsis. Per Dóminum.

Postcommunio.

OMnípotens et miséricors Deus, qui omnem ánimam pœniténtem et confiténtem tibi, magis vis emendári, quam pérdere: réspice super hos fámulos tuos; et per hæc sancta sacraménta, quæ sumpsimus, avérte ab eis iram indignatiónis tuæ, et ómnia eórum peccáta dimítte. Per Dóminum.

24. Pro tentatis et tribulatis.

Oratio.

DEus, qui justíficas ímpium, et non vis mortem peccatóris: majestátem tuam suppliciter deprecámur; ut fámulos tuos de tua misericórdia confidéntes, cœlésti prótegas benígnus auxílio, et assídua protectione consérves: ut tibi júgiter famuléntur, et nullis tentatióibus à te separéntur. Per Dóminum.

Secreta.

HUjus, quæsumus Dómine, virtúte mystérii, et à propriis nos munda delictis, et fámulos tuos ab

ómnibus absólve peccátis. Per Dóminum.

Postcommunio.

Purificent nos, quæsumus Dómine, sacraménta quæ sumpsimus: et fámulos tuos ab omni culpa líberos esse concéde: ut qui consciéntiæ reátu constringúntur, cœléstis remédii plenitúdine gloriéntur. Per Dóminum.

25. Ad repellendas malas cogitationes. Oratio.

OMnípotens et mitíssime Deus, respice propítius ad preces nostras, et líbera corda nostra de malárum tentatióibus cogitatiónum: ut sancti Spíritus dignum fieri habitáculum mereámur. Per Dóminum. in unitáte ejúsdem Spíritus sancti Deus.

Secreta.

HAs tibi, Dómine, offérimus oblationes pro salute nostra: quatenus ánimas nostras ab immúndis cogitatióibus purges, illæsásque custódias, et sancti Spíritus grátia illumináre dignéris. Per Dóminum. in unitáte ejúsdem Spíritus sancti Deus.

Postcommunio.

DEus, qui illúminas omnem hómí-nem veniéntem in hunc mundum: illúmina quæsumus corda nostra grátia tuæ splendóre; ut digna ac plácita majestáti tuæ cogitare semper, et te sincére diligere valeámus. Per Dóminum.

26. Ad postulandam continentiam. Oratio.

URe igne sancti Spíritus renes nostros, et cor nostrum, Dómine, ut tibi casto córpore serviámus, et mundo corde placeámus. Per Dóminum. in unitáte ejúsdem Spíritus sancti Deus.

Secreta.

Dirúmpe Dómine, víncula peccatórum nostrórum: et, ut sacrificáre tibi hóstiam laudis absolúta libertáte, ac munda mente possimus, retribue quæ ante tribuísti; et salva nos per indulgéntiam, quos dignátus

es salváre per grátiam. Per Dóminum.

Postcommunio.

Domine adjútor et protéctor noster, ádjuva nos: et reflóreat cor et caro nostra vigóre pudicítiæ, et castimóniæ novitáte; ut per hoc sacrificium, quod tuæ obtúlimus pietáti, ab ómnibus tentatióibus emundémur. Per Dóminum nostrum.

27. Ad postulandam humilitatem. Oratio.

DEus, qui supérbis resístis, et grátiam præstas humílibus: concéde nobis veræ humilitátis virtútem, cujus in se formam fidélibus Unigénitus tuus exhibuit; ut numquam indignatióem tuam provocémus eláti, sed pótius grátia tuæ capiámus dona subjécti. Per eúmdem Dóminum nostrum.

Secreta.

HÆc oblátio, Dómine quæsumus, veræ nobis humilitátis grátiam obtíneat: simúlque à córdibus nostris concupiscéntiam carnis et oculórum, atque ambióinem sæculi áuferat; quatenus sóbrie, juste, piéque vivéntes, præmia consequámur ætérna. Per Dóminum.

Postcommunio.

Hujus, Dómine, sacraménti perceptio, peccatórum nostrórum máculas abstérget: et nos per humilitátis exhibitiónem ad cœléstia regna perdúcat. Per Dóminum.

28. Ad postulandam patientiam. Oratio.

DEus, qui Unigéniti tui paciéntia, antíqui hostis contrivísti supérbiam: da nobis, quæsumus, quæ idem pie pro nobis pértulit, digne recólere; sicque exémplo ejus, nobis adversántia æquanímiter toleráre. Per eúmdem Dóminum nostrum.

Secreta.

MUnera nostræ oblatiátis, quæsumus Dómine, súscipe placátus: quæ, ut nobis paciéntiæ donum largíri dignéris, majestáti tuæ devóta offérimus actióne. Per Dóminum.

Postcommunio.

Mystéria, Dómine, sacrosáncta, quæ sumpsimus, amissam nobis, quæsumus, reconcilient grátiam: atque munus patientiæ in illátis ómnibus, semper et ubique protegendo, impértiant. Per Dóminum.

29. Ad postulandam caritatem.**Oratio.**

Deus, qui diligéntibus te facis cuncta prodesse: da córdibus nostris inviolábilem tuæ caritátis affectum; ut desidéria de tua inspiratione concépta, nulla possint tentatione mutári. Per Dóminum.

Secreta.

Deus, qui nos ad imáginem tuam sacraméntis rénovas et præcéptis: pérfice gressus nostros in sémitis tuis: ut caritátis donum, quod fecisti à nobis sperári; per hæc, quæ offérimus sacrificia, fácias veráriter apprehénderi. Per Dóminum nostrum.

Postcommunio.

Sancti Spíritus grátia, quæsumus Dómine, corda nostra illúminet: et perfectæ caritátis dulcédine abundanter reficiat. Per Dóminum. in unitáte ejúsdem Spíritus sancti Deus.

30. Pro devotis amicis. Oratio.

Deus, qui caritátis dona per grátiam sancti Spíritus tuórum fidélium córdibus infudisti: da fámulis et famulábus tuis, pro quibus tuam deprecámur clementiam, salútem mentis et cóporis; ut te tota virtúte diligant, et quæ tibi plácita sunt, tota dilectione perficiant. Per Dóminum. in unitáte ejúsdem Spíritus sancti Deus.

Secreta.

Miserére, quæsumus Dómine, fámulis et famulábus tuis, pro quibus hoc sacrificium laudis tuæ offérimus majestáti: ut per hæc sancta, supérnæ benedictionis grátiam obtineant, et glóriam æternæ beatitudinis acquirant. Per Dóminum nostrum.

Postcommunio.

Divína libántes mystéria, quæsumus Dómine: ut hæc salutária

sacraménta illis proficiant ad prosperitatem et pacem, pro quorum, quarúmque dilectione, hæc tuæ obtúlimus majestáti. Per Dóminum.

31. Pro inimicis. Oratio.

Deus pacis caritátisque amátor et custos: da ómnibus inimicis nostris pacem, caritatémque veram: et cunctórum eis remissionem tribue peccatórum: nosque ab eórum insidiis potenter éripe. Per Dóminum.

Secreta.

Oblátis, quæsumus Dómine, placare munéribus: et nos ab inimicis nostris cleméter éripe: eisque indulgéntiam tribue delictórum. Per Dóminum.

Postcommunio.

Hæc nos commúnio, Dómine, éruat à delictis: et ab inimicórum deféndat insidiis. Per Dóminum.

32. Pro constituto in carcere, vel in captivitate. Oratio.

Deus, qui beátum Petrum Apóstolum à vinctulis absolútum, illæsum abire fecisti: fámuli tui in captivitate pósito vinctula absolve; eúmque ipsíus méritis illæsum abire concéde. Per Dóminum nostrum.

Secreta.

Super has, quæsumus Dómine, shóstias benedictio copiósa descéndat: quæ captívi hujus vinctula solvat, et de ejus liberatione nos cito lætíficet. Per Dóminum.

Postcommunio.

Preces nostras, quæsumus Dómine, cleméter exáudi: et per hæc sacraménta quæ sumpsimus, fámulum tuum à vinctulis suæ captivitátis absolve. Per Dóminum nostrum.

33. Pro navigantibus. Oratio.

Deus, qui transtulisti patres nostros per mare rubrum, et transvexisti eos per aquam nímiā, laudem tui nóminis decantántes: te suppliciter deprecámur; ut in navi fámulos tuos, repúlsis adversitatibus, portu semper optábili, cursúque tranquillo tueáris. Per Dóminum nostrum.

Secreta.

Suscipe, quæsumus Dómine, preces famulorum tuorum, cum oblationibus hostiarum: et eos, pro quibus tua mystéria celebramus, ab omnibus defénde perículis. Per Dóminum.

Postcommunio.

Sanctificáti divíno mystério, majestátem tuam, Dómine, suppliciter deprecámur, et pétimus; ut famulos tuos, quos donis facis cœlestibus memorári, per lignum sanctæ Crucis, et à peccátis ábstrahas, et à perículis cunctis miserátus erípias. Per Dóminum.

34. Pro salute vivorum. Oratio.

Præténde, Dómine, fidélibus tuis dexteram cœlestis auxílii: ut te toto corde perquírant, et quæ digne póstulant, cónsequi mereántur. Per Dóminum nostrum.

Secreta.

Propitiáre, Dómine, supplicatió- nibus nostris: et has oblationes fidélium tuorum, quas tibi pro incolunitáte eórum offérimus, benígnus assúme: et, ut nullius sit írritum votum, nullius vácuá postulátio, præsta quæsumus; ut quod fidéliter pétimus, efficáciter consequámur. Per Dóminum.

Postcommunio.

DA fidélibus tuis, quæsumus Dómine, in tua fide et sinceritáte constántiam: ut in caritáte divína firmáti, nullis tentatió- nibus ab ejus integritáte vellántur. Per Dóminum.

35. Pro vivis, et defunctis. Oratio.

OMnípotens sempitérne Deus, qui vivórum domináris simul et mortuórum, omniúmque miseréris, quos tuos fide et ópere futúros esse præ- nóscis: te súpplīces exorámus; ut, pro quibus effúndere preces decre- vimus, quosque vel præsens sœculum adhuc in carne rétinet, vel futúrum jam exútos córpore suscepit, interce- déntibus ómnibus Sanctis tuis, pie- tátis tuæ cleméntia ómnium delictó- rum suórum véniam consequántur. Per Dóminum.

Secreta.

Deus, cui soli cógnitus est núme- rus electórum in supérna felici- tate locándus: tribue quæsumus; ut intercedéntibus ómnibus Sanctis tuis, universórum, quos in oratióne com- mendátos suscepimus, et ómnium fidélium nómina, beátæ prædestina- tió- nis liber adscripta retíneat. Per Dóminum nostrum Jesum Christum Fílium tuum.

Postcommunio.

Purificent nos, quæsumus omni- potens et miséricors Deus, sacra- ménta quæ sumpsimus: et, interce- déntibus ómnibus Sanctis tuis, præ- sta; ut hoc tuum sacraméntum non sit nobis reátus ad pœnam, sed inter- cæssio salutáris ad véniam: sit ablútió scélerum, sit fortitúdo fragílium, sit contra ómnia mundi perícula firma- méntum, sit vivórum atque mortuó- rum fidélium, remíssio ómnium de- lictórum. Per Dóminum nostrum Jesum Christum Fílium tuum: Qui tecum vivit et regnat.



MISSÆ

PRO

DEFUNCTIS.

IN COMMEMORATIONE
Omnium fidelium Defunctorum.



Introitus.

Equiem ætérnam dona eis, Dómine: & lux perpétua luceat eis.

Ps. 64. Te decet hy-

mnus Deus in Sion, et tibi reddétur votum in Jerúsalem: exáudi orationem meam, ad te omnis caro véniet.

Deinde absolute repetitur Réquiem ætérnam. usque ad Psalmum.

Oratio.

Fidélium Deus ómnium Cónditor et Redémptor, animábus famulorum famularumque tuarum, remissionem cunctorum tribue peccatorum; ut indulgentiam, quam semper optaverunt, piis supplicationibus consequantur. Qui vivis et regnas

cum Deo Patre.

Léctio Epístolæ beáti Pauli Apóstoli ad Corínthios. **1. Cor. 15. g.**

Fratres, Ecce mystérium vobis dico: Omnes quidem resurgemus, sed non omnes immutábitur. In moménto, in ictu óculi, in novíssima tuba: canet enim tuba, et mórtui resúrgent incorrúpti: et nos immutábitur. Opórtet enim corruptibile

hoc indúere incorruptionem: et mortále hoc indúere immortalitatem. Cum autem mortále hoc indúerit immortalitatem, tunc fiet sermo, qui scriptus est: absorpta est mors in victória. Ubi est mors victória tua? Ubi est mors stímulus tuus? Stímulus autem mortis peccátum est: virtus vero peccáti lex. Deo autem grátias, qui dedit nobis victóriam per Dóminum nostrum Jesum Christum.

Graduale. Réquiem ætérnam dona eis Dómine: et lux perpétua luceat eis.

V. Psal. 111. In memória ætérna erit justus: ab auditióne mala non timébit.

Tractus. Absólve, Dómine, ánimas ómnium fidélium defunctorum ab omni vínculo delictorum.

V. Et grátia tua illis succurrénte, mereántur evádere judícium ultiónis.

V. Et lucis ætérnæ beatitúdine pérfrui.

SEQUENTIA.

Dies iræ, dies illa,
Solvét sæclum in favilla:
Teste David cum Sibylla.

Quantus tremor est futúrus,
Quando Judex est ventúrus,
Cuncta stricte discussúrus!

Tuba mirum spargens sonum
Per sepúlchra regiónum,
Coget omnes ante thronum.

Mors stupébit et natúra,
Cum resúrget creatúra,
Judicánti responsúra.

Liber scriptus proferétur,
In quo totum continétur,
Unde mundus judicétur.

Judex ergo cum sedébit,
Quidquid latet, apparebit:
Nil inúltum remanébit.

Quid sum miser tunc dicturus?
 Quem patrónum rogaturus?
 Cum vix justus sit securus?

Rex tremendæ majestátis,
 Qui salvandos salvas gratis,
 Salva me fons pietátis.

Recordáre Jesu pie,
 Quod sum causa tuæ viæ,
 Ne me perdas illa die.

Quærens me, sedisti lassus:
 Redemisti crucem passus:
 Tantus labor non sit cassus.

Juste judex ultiónis,
 Donum fac remissionis
 Ante diem rationis.

Ingemisco, tamquam reus:
 Culpa rubet vultus meus:
 Supplicanti parce Deus.

Qui Mariám absolvisti,
 Et latrónem exaudisti,
 Mihi quoque spem dedisti.

Preces meæ non sunt dignæ:
 Sed tu bonus fac benigne,
 Ne perenni cremer igne.

Inter oves locum præsta,
 Et ab hædis me sequéstra,
 Státuens in parte dextra.

Confutátis maledictis,
 Flammis ácribus addictis,
 Voca me cum benedictis.

Oro supplex et acclínis,
 Cor contrítum quasi cinis;
 Gere curam mei finis.

Lacrymósa dies illa,
 Qua resúrget ex favilla,
 Judicándus homo reus.

Huic ergo parce Deus:
 Pie Jesu Dómine,
 Dona eis réquiem. Amen.

 **S**equéntia sancti Evangélíi se-
 cúndum Joánnem. **Joan. 5. d**

In illo témpore: Dixit Jesus turbis
 Judæórum: Amen, amen dico
 vobis, quia venit hora, et nunc est,
 quando mórtui áudient vocem Fílii
 Dei: et qui audierint, vivent. Sicut
 enim Pater habet vitam in semetípso,
 sic dedit et Fílio habére vitam in se-
 metípso: et potestátem dedit ei judí-
 cium fácere, quia Fílius hóminis est.

Nolíte mirári hoc, quia venit hora, in
 qua omnes, qui in monuméntis sunt,
 áudient vocem Fílii Dei: et procedent,
 qui bona fecérunt, in resurrectionem
 vitæ: qui vero mala egérunt, in re-
 surrectionem judícii.

Offertorium. Dómine Jesu Christe,
 Rex glóriæ, libera ánimas ómnium
 fidélium defunctorum de pœnis in-
 férni, et de profúndo lacu: libera
 eas de ore leónis, ne absórbeat eas
 tártarus, ne cadant in obscúrum:
 sed signifer sanctus Míchael repræ-
 séntet eas in lucem sanctam: * **Q**uam
 olim Abrahæ promisisti, et sémini
 ejus.

V. Hóstias et preces tibi, Dómine,
 laudis offérimus: tu súscipe pro ani-
 mábus illis, quarum hódie memóriam
 fácimus, fac eas Dómine de morte
 transíre ad vitam. **Q**uam olim Abrahæ
 promisisti et sémini ejus.

Secreta.

Hostias, quæsumus Dómine, quas
 tibi pro animábus famulórum
 famularúmque tuárum offérimus,
 propitiátus inténde: ut, quibus fidei
 cristiánæ méritum contulisti; dones
 et præmium. Per Dóminum nostrum
 Jesum Christum Fílium tuum: Qui
 tecum vivit et regnat in unitáte Spí-
 ritus sancti Deus: per ómnia sæcula
 sæculórum.

Communio. Lux æténa lúceat eis
 Dómine: * **C**um Sanctis tuis in ætér-
 num: quia pius es.

V. Réquiem æténam dona eis Dó-
 mine: et lux perpétua lúceat eis. **C**um
 Sanctis tuis in ætérnum: quia pius es.

Postcommunio.

Animábus, quæsumus Dómine,
 famulórum famularúmque tuá-
 rum orátio proficiat supplicántium:
 ut eas et à peccátis ómnibus éxuas,
 et tuæ redemptionis fácias esse par-
 tícipes. Qui vivis et regnas.

Dicto Dóminus vobiscum **dicitur**
 Requiéscant in pace.

R. Amen.

Et non datur benedictio: sed dicto secreto Pláceat tibi sancta Trínitas, et osculato Altari, legitur **Evangelium S. Joannis**. In principio erat Verbum, ut moris est.

IN DIE OBITUS

seu depositionis defuncti.

Introitus.



Requiem ætérnam dona eis Dómine: et lux perpétua lúceat eis.

Psal. 64. Te decet hymnus Deus in Sion, et tibi reddétur votum in Jerúsalem: exáudi orationem meam, ad te omnis caro véniet.

Réquiem ætérnam.

Oratio.

Deus, cui próprium est miseréri semper et párcere, te súplices exorámus pro ánima fámuli tui **N.** quam hódie de hoc sáeculo migráre jussísti: ut non tradas eam in manus inimíci, neque obliviscáris in finem, sed júbeas eam à sanctis Angelis súscipi, et ad pátriam paradísi Perúci: ut, quia in te sperávit et crédidit, non pœnas inférni sustíneat, sed gáudia ætérna possídeat. Per Dóminum nostrum Jesum Christum Fílium tuum: Qui tecum vivit.

Léctio Epístolæ beáti Pauli Apóstoli ad Thessalonicénses. 1. Thess. 4. c

Fratres, Nólumus vos ignoráre de dormiéntibus, ut non contristémini, sicut et céteri, qui spem non habent. Si enim crédimus quod Jesus mórtuus est, et resurréxit; ita et Deus eos, qui dormiérunt per Jesum, addúcet cum eo. Hoc enim vobis dícimus in verbo Dómini, quia nos, qui vívimus, qui resídui sumus in adventum Dómini, non præveniémus eos, qui dormiérunt. Quóniam ipse Dóminus in jussu, et in voce Archángeli, et in tuba Dei descéndet de cœlo: et mórtui, qui in Christo sunt, resúrgent primi. Deínde nos, qui vívimus, qui relínquimur, simul rapiémur cum

illis in núbibus óbviám Christo in áera, et sic semper cum Dómino érimus. Itaque consolámini invicem in verbis istis.

Graduale. Réquiem ætérnam dona eis Dómine: et lux perpétua lúceat eis.

V. Psal. 111. In memória ætérna erit justus: ab auditióne mala non timébit.

Tractus. Absólve, Dómine, ánimas ómnium fidélium defunctorum ab omni vínculo delictórum.

V. Et grátia tua illis succurrénte, mereántur evádere judícium ultiónis.

V. Et lucis ætérnæ beatitúdine pérfrui.

Sequentia. Dies iræ, dies illa. fol. lxx.

Sequéntia sancti Evangelii scúndum Joánnem. Joan. 11. c

In illo témpore: Dixit Martha ad Jesum: Dómine, si fuísses hic, frater meus non fuíisset mórtuus. Sed et nunc scio, quia quæcúmque popósceris à Deo dabit tibi Deus. Dicit illi Jesus: Resúrget frater tuus. Dicit ei Martha: Scio quia resúrget in resurrectione in novíssimo die. Dixit ei Jesus: Ego sum resurréctio, et vita: qui crédit in me, étiam si mórtuus fúerit, vivet: et omnis, qui vivit, et crédit in me, non moriétur in ætérnum. Credis hoc? Ait illi: Utique, Dómine, ego crédidi, quia tu es Christus Fílius Dei vivi, qui in hunc mundum venísti.

Offertorium. Dómine Jesu Christe, Rex glóriæ, libera ánimas ómnium fidélium defunctorum de pœnis inférni, et de profúndo lacu: libera eas de ore leónis, ne absórbeat eas tártarus, ne cadant in obscúrum: sed signifer sanctus Míchael repræséntet eas in lucem sanctam: * **Q**uam olim Abrahæ promisísti, et sémini ejus.

V. Hóstias et preces tibi, Dómine, laudis offérimus: tu súscipe pro mábus illis, quarum hódie memóriam fácimus: fac eas Dómine de morte transíre ad vitam. **Q**uam olim Abrahæ promisísti, et sémini ejus.

Secreta.

Propitiare, quæsumus Dómine, animæ fámuli tui **N.** pro qua hóstiam laudis tibi immolámus, majestátem tuam suppliciter deprecánte: ut per hæc piæ placatiónis officia, pervenire mereátur ad réquiem sempitérnam. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus: per ómnia sæcula sæculórum.

Communio. Lux æténa luceat eis Dómine, * Cum Sanctis tuis in ætérnum: quia pius es.

V. Réquiem æténam dona eis Dómine: et lux perpétua luceat eis. **Cum** Sanctis tuis in ætérnum: quia pius es.

Postcommunio.

Præsta quæsumus omnipotens Deus: ut ánima fámuli tui **N.** quæ hódie de hoc sæculo migrávit, his sacrificiis purgáta, et à peccátis expedita, indulgéntiam páriter et réquiem cápiat sempitérnam. Per Dóminum nostrum Jesum Christum Fílium tuum.

§ In die tertio, septimo, et trigesimo depositionis defuncti, dicitur Missa ut supra, exceptis Orationibus, quæ dicuntur ut infra.

Oratio.

Quæsumus Dómine, ut animæ fámuli tui **N.** cujus depositionis diem tértium, (**vel** séptimum **vel** trigesimum) commemorámus, Sanctórum atque electórum tuórum largíri dignéris consórtium: et rorem misericórdiæ tuæ perénne infúndas. Per Dóminum nostrum Jesum Christum Fílium tuum.

Secreta.

Munera, quæsumus Dómine, quæ tibi pro ánima fámuli tui **N.** offerimus, placátus inténde: ut remédiis purgáta coeléstibus, in tua pietáte requiescat. Per Dóminum.

Postcommunio.

Suscipe, Dómine, preces nostras pro ánima fámuli tui **N.** ut si quæ

ei máculæ de terrénis contágiis adhæsérunt, remissionis tuæ misericórdia deleántur. Per Dóminum nostrum Jesum Christum Fílium tuum.

IN ANNIVERSARIO**Defunctorum.****Introitus.**

Equiem æténam dona eis Dómine: et lux perpétua luceat eis.

Psal. 64. Te decet hymnus Deus in Sion, et tibi reddétur votum in Jerúsalem: exáudi oratióem meam, ad te omnis caro véniet.

Réquiem æténam.

Oratio.

Deus, indulgentiárum Dómine: da animábus famulórum famularúmque tuárum, quorum anniversárium depositionis diem commemorámus, refrigerií sedem, quiétis beatitúdinem, et lúminis claritátem. Per Dóminum nostrum Jesum Christum Fílium tuum.

Léctio libri Machabæórum.

2. Mach. 12. g

In diébus illis: Vir fortissimus Judas, facta collatióne, duódecim millia drachmas argénti misit Jerosólymam offerri pro peccátis mortuórum, sacrificium, bene et religióse de resurrectione cógitans, (nisi enim eos qui ceciderant, resurrectúros speráret, supérfluum viderétur et vanum oráre pro mórtuis;) et quia considerábat quod hi, qui cum pietáte dormitióem accéperant, óptimam habérant repósitam grátiam. Sancta ergo, et salúbris est cogitatio pro defúntis exoráre, ut à peccátis solvántur.

Graduale. Réquiem æténam dona eis Dómine: et lux perpétua luceat eis.

V. Psal. 111. In memória æténa erit justus: ab auditióne mala non timébit.

Tractus. Absólve, Dómine, ánimas ómnium fidélium defunctorum ab omni vínculo delictórum.

V. Et grátia tua illis succurrénte, mereántur evádere iudícium ultiónis.

V. Et lucis æternæ beatitúdine pérfrui.

Sequentia. Dies iræ, dies illa. fol. lxx.

Séquentia sancti Evangélii secúndum Joánnem. Joan. 6. d

IN illo témpore: Dixit Jesus turbis Judæórum: Omne, quod dat mihi Pater, ad me véniet: et eum, qui venit ad me, non ejíciam foras: quia descéndi de cœlo, non ut fáciam voluntátem meam, sed voluntátem ejus, qui misit me. Hæc est autem volúntas ejus, qui misit me Patris: ut omne, quod dedit mihi, non perdam ex eo, sed resúscitem illud in novíssimo die. Hæc est autem volúntas Patris mei, qui misit me: ut omnis, qui videt Fílium, et credit in eum, hábeat vitam æternam, et ego resuscitábo eum in novíssimo die.

Offertorium. Dómine Jesu Christe Rex glóriæ, libera ánimas ómnium fidélium defunctorum de pœnis inférni, et de profúndo lacu: libera eas de ore leónis, ne absórbeat eas tár-tarus, ne cadant in obscúrum: sed sígnifer sanctus Míchael repræséntet eas in lucem sanctam: * **Q**uam olim Abrahæ promisísti, et sémini ejus.

V. Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fácimus: fac eas Dómine de morte transíre ad vitam. **Q**uam olim Abrahæ promisísti, et sémini ejus.

Secreta.

Propitiáre, Dómine, supplicatió-nibus nostris, pro animábus famulórum famularúmque tuárum, quorum hódie ánnua dies ágitur, pro quibus tibi offérimus sacrificium laudis: ut eas Sanctórum tuórum consórtio sociáre dignéris. **P**er Dóminum.

Communio. Lux æterna lúceat eis Dómine, * **C**um Sanctis tuis in ætérnum: quia pius es.

V. Réquiem æternam dona eis Dómine: et lux perpétua lúceat eis. **C**um Sanctis tuis in ætérnum quia pius es.

Postcommunio.

Præsta quæsumus Dómine, ut ánimæ famulórum famularúmque tuárum, quorum anniversárium de-positionis diem commemorámus: his purgátæ sacrificiis, indulgéntiam pá-riter et réquiem cápíant sempitérnam. **P**er Dóminum nostrum Jesum Chri-stum Fílium tuum: Qui tecum vivit et regnat in unitáte Spíritus sancti Deus.

§ **Si pro uno fiat anniversarium, prædictæ Orationes dicantur in sin-gulari numero.**

IN MISSIS QUOTIDIANIS

Defunctorum. Introitus.



Equiem æternam dona eis Dómine: et lux perpétua lúceat eis.

Psal. 64. Te decet hymnus Deus in Sion, et tibi reddétur votum in Jerúsalem: exáudi oratióem meam, ad te omnis caro véniet.

Réquiem æternam.

Pro defunctis Episcopis, seu Sacerdotibus. Oratio.

Deus, qui inter Apostólicos sacer-dótes, fámulos tuos Pontificáli, seu sacerdotáli, fecísti dignitáte vi-gére: præsta quæsumus; ut eórum quoque perpétuo aggregéntur con-sórtio. **P**er Dóminum nostrum.

Pro defunctis fratribus, propinquis, et benefactoribus. Oratio.

Deus, véniæ largítor, et humanæ salútis amátor: quæsumus cle-méntiam tuam, ut nostræ congregatiónis fratres, propínquos, et bene-factóres, qui ex hoc sæculo transié-runt, beáta María semper Vírgine intercedénte cum ómnibus Sanctis tuis, ad perpétuæ beatitúdinis con-sórtium perveníre concédas.

Pro omnibus fidelibus Defunctis.**Oratio.**

Fidélium, Deus, ómnium cónditor et redémptor: animábus famulórum famularúmque tuárum, remissionem cunctórum tribue peccatórum; ut indulgéntiam, quam semper optavérunt, piis supplicationibus consequántur. Qui vivis et regnas.

Lectio libri Apocalypsis beáti Jo-
ánnis Apóstoli. **Apoc. 14. c**

IN diébus illis: Audívi vocem de cœlo, dicéntem mihi: Scribe: Beáti mórtui, qui in Dómino moriúntur. Amodo jam dicit Spíritus, ut requiescant à labóribus suis: ópera enim illórum sequúntur illos.

Graduale. Réquiem ætérnam dona eis Dómine: et lux perpétua lúceat eis.

V. Psal. 111. In memória ætérna erit justus: ab auditióne mala non timébit.

Tractus. Absólve, Dómine, ánimas ómnium fidélium defunctórum ab omni vínculo delictórum.

V. Et grátia tua illis succurrénte, mereántur evádere judícium ultiónis.

V. Et lucis ætérnæ beatitúdine pérfrui.

Sequentia. Dies iræ, dies illa. fol. lxx. ad arbitrium Sacerdotis.

Sequentia sancti Evangélii secúndum Joánnem. Joan. 6. f

IN illo témpore: Dixit Jesus turbis Judæórum: Ego sum panis vivus qui de cœlo descéndi. Si quis manducáverit ex hoc pane, vivet in ætérnum: et panis, quem ego dabo, caro mea est pro mundi vita. Litigábant ergo Judæi ad invicem, dicéntes: Quómodo potest hic nobis carnem suam dare ad manducándum? Dixit ergo eis Jesus: Amen, amen dico vobis: nisi manducavéritis carnem Fílii hóminis, et bibéritis ejus sánguinem, non habébitis vitam in vobis. Qui mandúcat meam carnem, et bibit meum sánguinem, habet vitam ætérnam, et ego resuscitábo eum in novíssimo die.

Offertorium. Dómine Jesu Christe, Rex glóriæ, libera ánimas ómnium fidélium defunctórum de pœnis inférni, et de profúndo lacu: libera eas de ore leónis, ne absórbeat eas tártarus, ne cadant in obscúrum: sed sígnifer sanctus Míchael repræsentet eas in lucem sanctam: * Quam olim Abrahæ promisísti, et sémini ejus.

V. Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fácimus: fac eas Dómine de morte transíre ad vitam. Quam olim Abrahæ promisísti, et sémini ejus.

Pro defunctis Episcopis, seu Sacerdotibus. Secreta.

Suscipe, Dómine quæsumus, pro animábus famulórum tuórum Pontíficum, seu Sacerdotum, quas offérimus hóstias: ut quibus in hoc sæculo Pontificále, seu Sacerdotále donásti méritum, in cœlésti regno Sanctórum tuórum júbeas jungi consórtio. Per Dóminum.

Pro defunctis fratribus, propinquis, et benefactoribus. Secreta.

Deus, cujus misericórdiæ non est númerus, súscipe propítius preces humilitátis nostræ: et animábus fratrum, propinquórum, et benefactorum nostrórum, quibus tui nóminis dedísti confessiónem, per hæc sacraménta salútis nostræ, cunctórum remissionem tribue peccatórum.

Pro omnibus fidelibus defunctis. Secreta.

Hostias, quæsumus Dómine, quas tibi pro animábus famulórum famularúmque tuárum offérimus, propitiátus inténde: ut, quibus fidei Christiánæ méritum contulísti, dones et præmium. Per Dóminum.

Communio. Lux ætérna lúceat eis Dómine: * Cum Sanctis tuis in ætérnum: quia pius es.

V. Réquiem ætérnam dona eis Dómine: et lux perpétua lúceat eis. Cum Sanctis tuis in ætérnum: quia pius es.

Pro defunctis Episcopis, seu Sacerdotibus. Postcommunio.

Prosit, quæsumus Dómine, animábus famulorum tuorum Pontíficum, seu Sacerdotum, misericórdiæ tuæ imploráta cleméntia: ut ejus, in quo speravérunt et credidérunt, ætérnum cápiant, te miseránte, consórtium. Per Dóminum nostrum.

Pro defunctis fratribus, propinquis, et benefactoribus. Postcommunio.

Præsta quæsumus, omnípotens et miséricors Deus: ut ánimæ fratrum, propinquorum, et benefactorum nostrorum, pro quibus hoc sacrificium laudis tuæ obtúlimus majestáti: per hujus virtutem sacraménti à peccátis ómnibus expiátæ, lucis perpétuæ, te miseránte, recípiant beatitúdinem.

Pro omnibus fidelibus Defunctis. Postcommunio.

Animábus, quæsumus Dómine, famulorum famularúmque tuárum orátio proficiat supplicántium: ut eas et à peccátis ómnibus éxuas, et tuæ redemptionis fácias esse partícipes. Qui vivis et regnas cum Deo Patre in unitáte Spíritus sancti Deus, per ómnia sæcula sæculorum. **R. Amen.**

Epistolæ, et Evangelia superius posita in una Missa pro Defunctis dici possunt etiam in alia Missa similiter pro Defunctis.

ORATIONES DIVERSÆ**Pro Defunctis.**

1. § In die depositionis, et anniversario summi Pontificis, dicitur prima Missa ut supra, fol. lxx. præter Orationes, quæ dicuntur ut infra.

Oratio.

Deus, qui inter summos Sacerdotes famulum tuum **N.** ineffábili tua dispositióne connumerári voluísti: præsta quæsumus; ut, qui Unigéniti Fílii tui vices in terris gerébat, sanctórum

tuorum Pontíficum consórtio perpétuo aggregétur. Per eúmdem Dóminum nostrum.

Secreta.

Suscipe, Dómine, quæsumus, pro ánima famuli tui **N.** summi Pontíficis, quas offérimus hóstias: ut, cui in hoc sæculo Pontificále donásti méritum, in cœlésti regno Sanctórum tuorum júbeas jungi consórtio. Per Dóminum.

Postcommunio.

Prosit, quæsumus Dómine, ánimæ famuli tui **N.** summi Pontíficis, misericórdiæ tuæ imploráta cleméntia: ut ejus, in quo sperávit et crédidit, ætérnum cápiat, te miseránte, consórtium. Per Dóminum.

2. § Pro defuncto Episcopo dicitur prima Missa ut supra fol. lxx. Orationes vero ut infra.

Oratio.

Deus, qui inter Apostólicos sacerdotes, famulum tuum **N.** Pontificáli fecísti dignitáte vigére: præsta quæsumus; ut eórum quoque perpétuo aggregétur consórtio. Per Dóminum.

Secreta.

Suscipe, Dómine quæsumus, pro ánima famuli tui **N.** Pontíficis, quas offérimus hóstias: ut, cui in hoc sæculo Pontificále donásti méritum, in cœlésti regno Sanctórum tuorum júbeas jungi consórtio. Per Dóminum.

Postcommunio.

Prosit, quæsumus Dómine, ánimæ famuli tui **N.** Pontíficis, misericórdiæ tuæ imploráta cleméntia: ut ejus, in quo sperávit et crédidit, ætérnum cápiat, te miseránte, consórtium. Per Dóminum nostrum.

Pro defuncto Sacerdote dicuntur eadem Orationes, sed ubi dicitur Pontificáli, dicatur Sacerdotáli, et pro Pontíficis, dicatur Sacerdotis.

Si fuerint plures, dicatur ut supra in quarta Missa. fol. lxxiv.

Pro Episcopo Cardinali defuncto dicatur famulum tuum **N.** Episcopum Cardinalem Pontificali fecisti dignitate etc.

Pro Presbytero Cardinali dicatur famulum tuum **N.** Presbyterum Cardinalem Sacerdotali fecisti dignitate.

Pro Diacono autem Cardinali dicitur Oratio Inclina Domine, quæ habetur paulo infra, hoc modo, ut animam famuli tui **N.** Diaconi Cardinalis, quam de hoc sæculo etc.

3. Pro defuncto Episcopo alia Oratio.

DA nobis, Domine, ut animam famuli tui **N.** Episcopi, quam de hujus sæculi eduxisti laborioso certamine, Sanctorum tuorum tribuas esse consortem. Per Dominum.

Secreta.

ANnue nobis, quæsumus Domine, ut animæ famuli tui **N.** Episcopi hæc prosit oblatio: quam immolando, totius mundi tribuisti relaxari delicta. Per Dominum.

Postcommunio.

His sacrificiis, quæsumus omnipotens Deus, purgata anima famuli tui **N.** Episcopi, ad indulgentiam et refrigerium sempiternum pervenire mereatur. Per Dominum.

4. Pro Defuncto Sacerdote. Et possunt dici pro pluribus in numero plurali.

Oratio.

PRæsta, quæsumus Domine, ut anima famuli tui **N.** Sacerdotis, quem in hoc sæculo commorantem, sacris munéribus decorasti, in cœlesti sede gloriosa semper exultet. Per Dominum.

Secreta.

Suscipe, Domine quæsumus, pro anima famuli tui **N.** Sacerdotis quas offerimus hostias: ut, cui Sacerdotale donasti meritum, dones et præmium. Per Dominum.

Postcommunio.

PRæsta quæsumus omnipotens Deus, ut animam famuli tui **N.** Sacerdotis in congregatione justorum

æternæ beatitudinis jubeas esse consortem. Per Dominum nostrum.

5. Pro uno defuncto. Oratio.

INclina Domine aurem tuam ad preces nostras, quibus misericordiam tuam supplices deprecamur: ut animam famuli tui, quam de hoc sæculo migrare jussisti, in pacis ac lucis regione constituas: et Sanctorum tuorum jubeas esse consortem. Per Dominum.

Secreta.

ANnue nobis, quæsumus Domine, ut animæ famuli tui, hæc prosit oblatio: quam immolando, totius mundi tribuisti relaxari delicta. Per Dominum nostrum.

Postcommunio.

ABsolve, quæsumus Domine, animam famuli tui ab omni vínculo delictorum: ut in resurrectionis gloria inter Sanctos et electos tuos resuscitatus respiret. Per Dominum.

6. Pro una defuncta.

Oratio.

Quæsumus Domine, pro tua pietate miserere animæ famulæ tuæ, et à contagiis mortalitatis exutam, in æternæ salvationis partem restitue. Per Dominum nostrum.

Secreta.

His sacrificiis, quæsumus Domine, anima famulæ tuæ à peccatis omnibus exuatur, sine quibus à culpa nemo liber extitit: ut per hæc piæ placationis officia, perpetuam misericordiam consequatur. Per Dominum.

Postcommunio.

INveniat, quæsumus Domine, anima famulæ tuæ lucis æternæ consortium: cujus perpetuæ misericordiæ consecuta est sacramentum. Per Dominum.

7. Pro patre et matre Sacerdotis.

Oratio.

Deus, qui nos patrem et matrem honorare præcepisti: miserere clementer animabus patris et matris meæ, eorumque peccata dimitte: me-

que eos in æternæ claritatis gaudio fac videre. **Per Dóminum.**

Secreta.

Suscipe sacrificium, Dómine, quod tibi pro animabus patris et matris meæ offero: eisque gaudium sempiternum in regione vivorum concede; meque cum illis felicitati Sanctorum conjunge. **Per Dóminum.**

Postcommunio.

Cælestis participatio sacramenti, quæsumus Dómine, animabus patris et matris meæ requiem et lucem obtineat perpetuam: meque cum illis grátia tua corónet æterna. **Per Dóminum nostrum.**

8. Si pro patre tantum, vel matre tantum, dicitur in singulari.

Oratio.

Deus, qui nos patrem et matrem honorare præcepisti: miserere clementer animæ patris mei, (**vel** matris meæ) ejusque peccata dimitte: meque eum (**vel** eam) in æternæ claritatis gaudio fac videre. **Per Dóminum.**

Secreta.

Suscipe sacrificium, Dómine, quod tibi pro anima patris mei (**vel** matris meæ) offero: ei que gaudium sempiternum in regione vivorum concede: meque cum illo (**vel** illa) felicitati Sanctorum conjunge. **Per Dóminum.**

Postcommunio.

Cælestis participatio sacramenti, quæsumus Dómine, animæ patris mei (**vel** matris meæ) requiem et lucem obtineat perpetuam meque cum illo (**vel** illa) grátia tua corónet æterna. **Per Dóminum.**

9. Pro defunctis fratribus, propinquis, et benefactoribus.

Oratio.

Deus, véniæ largitor, et humanæ salutis amátor: quæsumus clementiam tuam, ut nostræ congregationis fratres, propinquos et benefactores, qui ex hoc sæculo transierunt; beáta María semper Virgine

intercedente cum omnibus Sanctis tuis, ad perpétuæ beatitudinis consórtium pervenire concédas. **Per Dóminum.**

Secreta.

Deus, cujus misericordiæ non est número, suscipe propitius preces humilitatis nostræ: et animabus fratrum, propinquorum, et benefactorum nostrorum, quibus tui nóminis dedisti confessionem; per hæc sacramenta salutis nostræ, cunctorum remissionem tribue peccatorum. **Per Dóminum.**

Postcommunio.

Præsta, quæsumus omnipotens et misericors Deus: ut animæ fratrum, propinquorum et benefactorum nostrorum, pro quibus hoc sacrificium laudis tuæ obtulimus majestati; per hujus virtutem sacramenti à peccatis omnibus expiatae, lucis perpétuæ, te miserante, recipiant beatitudinem. **Per Dóminum nostrum.**

10. Pro his qui in cœmeterio requiescunt. Oratio.

Deus, cujus miseratione animæ fidélium requiescunt: famulis et famulabus tuis, et omnibus hic et ubique in Christo quiescentibus, da propitius véniam peccatorum; ut à cunctis reatibus absolúti, tecum sine fine læténtur. **Per eúmdem Dóminum.**

Secreta.

Pro animabus famulorum famularumque tuarum, et omnium catholicorum hic et ubique in Christo dormientium, hóstiam, Dómine, suscipe benignus oblátam: ut hoc sacrificio singulári, vinctis horrendæ mortis exúti, vitam mereántur æternam. **Per eúmdem Dóminum.**

Postcommunio.

Deus, fidélium lumen animarum, adesto supplicationibus nostris: et da famulis et famulabus tuis, quorum cõrpora hic et ubique in Christo requiescunt, refrigerii sedem, quiétis beatitudinem, et lúminis claritatem. **Per eúmdem Dóminum nostrum.**

11. Pro pluribus Defunctis.

Oratio.

DEus, cui proprium est misereri semper et parcere: propitiare animabus famulorum famularumque tuarum, et omnia eorum peccata dimitte; ut mortalitatis vinculis absolutæ transire mereantur ad vitam. Per Dominum.

Secreta.

Annue nobis, quæsumus Domine, ut animabus famulorum famularumque tuarum hæc prosit oblatio: quam immolando, totius mundi tribuisti relaxari delicta. Per Dominum.

Postcommunio.

DEus, cui soli competit medicinam præstare post mortem: præsta quæsumus; ut animæ famulorum famularumque tuarum terrenis exutæ contagiis, in tuæ redemptionis parte numerentur. Qui vivis et regnas.

12. Alia pro pluribus Defunctis.

Oratio.


Animabus, quæsumus Domine, famulorum famularumque tuarum misericordiam concede perpetuam: ut eis proficiat in æternum, quod in te speraverunt, et crediderunt. Per Dominum nostrum.

Secreta.

His, Domine quæsumus, placatus intende muneribus: et quod ad laudem tui nominis supplicantes offerimus, ad indulgentiam proficiat defunctorum. Per Dominum.

Postcommunio.

Supplices, Domine, pro animabus famulorum famularumque tuarum preces effundimus, obsecrantes: ut quidquid conversatione contraxerunt humana, et clementer indulgeas, et in tuorum sede lætantium constituas redemptorum. Per Dominum.



ORDO AD FACIENDAM

Aquam benedictam.

Die Dominica, in sacristia præparato sale, et aqua benedicenda, Sacerdos celebraturus Missam, vel alius ad id deputatus, alba vel superpelliceo indutus cum stola circa collum, primo dicit

V. Adjutorium nostrum in nomine Domini. **R.** Qui fecit cælum et terram.

Deinde absolute incipit exorcismum salis.

EXorcizo te, creatura salis, per Deum + vivum, per Deum + verum, per Deum + sanctum: per Deum, qui te per Elisæum prophetam in aquam mitti jussit, ut sanaretur sterilitas aquæ: ut efficiaris sal exorcizatum in salutem credentium: et sis omnibus sumentibus te sanitas animæ et corporis: et effugiat, atque discédât à loco, in quo aspersionem fueris, omnis phantasia et nequitia, vel versutia diabolicæ fraudis, omnisque spiritus immundus, adjuratus per eum, qui venturus est judicare vivos et mortuos, et sæculum per ignem.

R. Amen.

Oremus.

Oratio.

Immensam clementiam tuam, omnipotens æternæ Deus, humiliter imploramus: ut hanc creaturam salis, quam in usum generis humani tribuisti, bene + dicere, et sancti + ficare tua pietate digneris: ut sit omnibus sumentibus salus mentis et corporis: et quidquid ex eo tactum, vel respersionem fuerit, careat omni immunditia, omni que impugnatione spiritalis nequitiae. Per Dominum.

Exorcismus aquæ: et dicitur absolute:

EXorcizo te, creatura aquæ, in nomine Dei + Patris omnipotentis, et in nomine Jesu + Christi Filii ejus Domini nostri, et in virtute Spiritus + sancti: ut fias aqua exorcizata ad effugandam omnem potestatem inimici, et ipsum inimicum eradicare, et explantare valeas cum

Angelis suis apostáticis, per virtútem ejúsdem Dómini nostri Jesu Christi: qui ventúrus est judicáre vivos et mórtuos, et sæculum per ignem.

R. Amen.

Orémus.

Oratio.

DEus, qui ad salútem humáni géneris, máxima quæque sacraménta in aquárum substántia condidisti: adésto propítius invocationibus nostris, et eleménto huic multimodis purificationibus præparáto, virtútem tuæ bene † dictionis infúnde: ut creatúra tua mystériis tuis sérvians, ad abigéndos dæmones, morbósque pelléndos, divínæ grátiae sumat efféctum: ut quidquid in dómibus, vel in locis fidélium hæc unda respérserit, cáreat omni immundítia, liberétur à noxa: non illic resídeat spíritus péstilens, non aura corrumpens: discédant omnes insídiæ laténtis inimíci: et si quid est, quod aut incolumitáti habitántium ínvidet, aut quiéti, aspersione hujus aquæ effúgiat: ut salúbritas per invocationem sancti tui nóminis expetíta, ab ómnibus sit impugnatióibus defénsa. Per Dóminum.

Hic ter mittat sal in aquam in modum crucis, dicendo semel:

Commixtio salis et aquæ páriter fiat, in nómini Pa† tris, et Fi† lii, et Spíritus † sancti.

R. Amen.

V. Dóminus vobíscum.

R. Et cum spíritu tuo.


Orémus.

Oratio.

DEus invíctæ virtútis auctor, et insuperábilis impérii Rex, ac semper magníficus triumphátor: qui advérsæ dominationis vires réprimis: qui inimíci rugiéntis sævítiam súperas: qui hostíles nequítias poténter expúgnas: te Dómine, treméntes et súpplices deprecámur, ac pétimus: ut hanc creatúram salis et aquæ dignánter aspicias, benígnus illústres, pietátis tuæ rore sanctífices: ut ubicúmque fúerit aspérta, per invocationem

sancti nóminis tui, omnis infestatio immúndi spíritus abigátur: terrórque venenósi serpéntis procul pellátur: et præsentia sancti Spíritus nobis misericórdiam tuam poscéntibus, ubique adesse dignétur. Per Dóminum. in unitáte ejúsdem.

§ **Finita benedictione, Sacerdos celebraturus indutus pluviali coloris Officio convenientis, accedit ad Altare, et ibi ad gradus cum ministris genuflexus, etiam tempore Paschali, accipit a Diacono aspersorium, et primo ter aspergit Altare, deinde se, et erectus ministros, incipiens Antiphonam, Aspérget me. Et Chorus prosequitur: Dómine hyssópo etc. ut infra. Interim Celebrans aspergit Clerum, deinde populum, dicens submissa voce cum ministris Psal. Miserere mei Deus.**




Antiphona. **A** spér ges me Dómine hyssópo, et mundábor: lavábis me, et super nivem dealbábor.

Psal. 50. Miserere mei Deus, secúndum magnam misericórdiam tuam.

V. Glória Patri.

Et repetitur Antiphona. Aspérget me.

Hæc Antiphona prædicto modo dicitur ad aspersionem aquæ benedictæ in Dominicis per totum annum: excepta Dominica de Passione, et Dominica Palmarum, in quibus non dicitur, Glória Patri, sed post Psalmum, Miserere, repetitur immediate Antiphona. Aspérget me. Excepto etiam tempore Paschali, scilicet a Dominica Paschæ usque ad Pentecosten inclusive, quo tempore cantatur sequens Antiphona.



Vi di a quam egrediéntem de templo, à latere dextro, allelúja: et omnes, ad quos per-

venit aqua ista, salvi facti sunt, et dicent, allelúja, allelúja.

Psal. 117. Confitémini Dómino quóniam bonus: quóniam in sæculum misericórdia ejus.

V. Glória Patri.

Repetitur Antiphona. Vidi aquam egrediéntem.

In Dominica vero Trinitatis resumi-tur, Aspérges me Dómine.

In die sancto Paschæ, et Pente-costes, ubi est fons Baptismalis, fit aspersione cum aqua pridie benedicta in fonte Baptismi, et ante infusionem olei et Chrismatis accepta.

§ Finita Antiphona supradicto modo, Sacerdos qui aspergit aquam, re-versus ad Altare, stans ante gradus Altaris junctis manibus, dicat.

V. Osténde nobis Dómine misericór-diam tuam.

Tempore Paschali additur Allelúja.

R. Et salutáre tuum da nobis.

V. Dómine exáudi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio.

EXáudi nos, Dómine sancte, Pater omnipotens, ætérne Deus: et mittere dignéris sanctum Angelum tuum de cœlis, qui custódiat, foveat, prótegat, visitet, atque deféndat omnes habitántes in hoc habitáculo. Per Christum Dóminum nostrum.
R. Amen.

BENEDICTIO AGNI IN PASCHA.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

DEus, qui per fámulum tuum Móy-sen, in liberatióne pópuli tui de Ægypto agnum occídi jussísti in si-

mitúdinem Dómini nostri Jesu Christi, et utrósque postes domórum de ságuine ejúsdem agni perúngi præcepísti: ita bene + dicere, et sancti + ficáre dignéris hanc creatúram carnis, quam nos fámuli tui ad laudem tuam súmeré desiderámus, per resurrectionem ejúsdem Dómini nostri Jesu Christi: Qui tecum vivit et regnat in sæcula sæculórum.

R. Amen.

Et mox aspergit aqua benedicta.

BENEDICTIO OVORUM.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Subvéniat, quæsumus Dómine, tuæ benedi + ctiónis grátia huic ovórum creatúræ: ut cibus salúbris fiat fidélibus tuis in tuárum gratiárum actióne suméntibus, ob resurrectionem Dómini nostri Jesu Christi: Qui tecum vivit et regnat in sæcula sæculórum.

R. Amen.

Et aspergat aqua benedicta.

BENEDICTIO PANIS.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Domine Jesu Christe, panis Angelórum, panis vivus ætérnæ vitæ, benedi + cere dignáre panem istum, sicut benedixísti quinque panes in desérto: ut omnes ex eo gustántes, inde cörperis et animæ percípiant sanitátem. Qui vivis et regnas in sæcula sæculórum.

R. Amen.

Et aspergat aqua benedicta.

ALIA BENEDICTIO PANIS.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobiscum.

R. Et cum spíritu tuo.

Oremus.

Domine sancte, Pater omnipotens, ætérne Deus, bene† dicere dignéris hunc panem tua sancta spirituáli benedictióne: ut sit ómnibus suméntibus salus mentis et cörperis: atque contra omnes morbos, et universas inimicórum insídias tutámen. Per Dóminum nostrum Jesum Christum Fílium tuum, panem vivum, qui de cœlo descendit, et dat vitam et salutem mundo: et tecum vivit et regnat in unitáte Spíritus sancti Deus, per ómnia sæcula sæculórum.

R. Amen.

Aspergatur aqua benedicta.

BENEDICTIO
NOVORUM FRUCTUUM.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobiscum.

R. Et cum spíritu tuo.

Oremus.

Bene† dic Dómine hos novos fructus **N.** et præsta: ut qui ex eis in tuo sancto nómine vescéntur, cörperis et animæ salutē potiántur. Per Christum Dóminum nostrum.

R. Amen.

Et aspergantur aqua benedicta.

BENEDICTIO AD QUODCUM-
QUE COMESTIBILE.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobiscum.

R. Et cum spíritu tuo.

Oremus.

Bene† dic, Dómine, creatúram istam **N.** ut sit remédiū salutáre géneri humano: et præsta per invocationem sancti nóminis tui; ut qui-

cúmque ex ea sumpserint, cörperis sanitátem, et animæ tutelam percípian. Per Christum Dóminum nostrum. **R.** Amen.

Aspergat id aqua benedicta.

BENEDICTIO CANDELARUM.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobiscum.

R. Et cum spíritu tuo.

Oremus.

Domine Jesu Christe, Fili Dei vivi, béne† dic candélas istas supplicatióibus nostris: infúnde eis Dómine, per virtutem sanctæ Cru† cis, benedictiōnem cœlestem, qui eas ad repelléndas tenebras humano géneri tribuísti: talémque benedictiōnem signáculo sanctæ Cru† cis accípiant, ut quibuscúmque locis accénsæ, sive pósitæ fúerint, discédant príncipes, tenebrárum et contremíscant, et fúgiant pávidi cum ómnibus ministris suis ab habitatióibus illis: nec præsumant ámplius inquietáre aut molestáre serviéntes tibi omnipoténti Deo. Qui vivis et regnas in sæcula sæculórum. **R.** Amen.

Postmodum aspergantur aqua benedicta.

BENEDICTIO LOCI.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobiscum.

R. Et cum spíritu tuo.

Oremus.

Bene† dic Dómine Deus omnipotens locum istum, ut sit in eo sánitas, cástitas, victória, virtus, humilitas, bónitas, et mansuetúdo, plenitúdo legis, et gratiárum áctio, Deo Patri, et Fílio, et Spíritui sancto: et hæc benedictio máneat super hunc locum, et super habitántes in eo, nunc et in ómnia sæcula sæculórum.

R. Amen.

Et aspergatur aqua benedicta.

BENEDICTIO DOMUS NOVÆ.**V.** Adjutórium nostrum in nómine Dómini.**R.** Qui fecit cœlum et terram.**V.** Dóminus vobíscum.**R.** Et cum spírítu tuo.**O**rémus.

TE Deum Patrem omnipoténtem suppliciter exorámus pro hac domo, et pro habitatóribus ejus, ac rebus: ut eam benedí+ cere, et sancti+ ficáre, ac bonis ómnibus ampliáre dignéris: tríbe eis Dómine de rore cœli abundántiam, et de pinguédine terræ vitæ substántiam, et desidéria voti eórum ad afféctum tuæ miserationis perdúcas. Ad intróitum ergo nostrum bene+ dicere, et sancti+ ficáre dignéris hanc domum, sicut benedícere dignátus es domum Abraham, et Isaac, et Jacob: et intra paríetes domus istíus Angeli tuæ lucis inhábitent, eámque, et ejus habitátóres custódiant. Per Christum Dóminum nostrum. **R.** Amen.

Deinde aspergat aqua benedicta.**BENEDICTIO THALAMI.****V.** Adjutórium nostrum in nómine Dómini.**R.** Qui fecit cœlum et terram.**V.** Dóminus vobíscum.**R.** Et cum spírítu tuo.**O**rémus.

BEne+ dic, Dómine, thálamum hunc: ut omnes habitántes in

eo, in tua pace consístant, et in tua voluntáte permáneant, et senéscant, et multiplicéntur in longitudinem diérum, et ad regna cœlórum pervéniant. Per Christum Dóminum nostrum. **R.** Amen.

Postea aspergat thalamum aqua benedicta.**BENEDICTIO NOVÆ NAVIS.****V.** Adjutórium nostrum in nómine Dómini.**R.** Qui fecit cœlum et terram.**V.** Dóminus vobíscum.**R.** Et cum spírítu tuo.**O**rémus.

Propitiáre, Dómine, supplicatió-nibus nostris, et béne+ dic navem istam dextera tua sancta, et omnes qui in ea vehéntur, sicut dignátus es benedícere arcam Noe ambulántem in dilúvio: pórrige eis, Dómine, dexteram tuam, sicut porrexísti beáto Petro ambulánti supra mare: et mitte sanctum Angelum tuum de cœlis, qui liberet et custódiat eam semper à perículis univérsis, cum ómnibus quæ in ea erunt: et fámulos tuos, repúlsis adversitatibus, portu semper optábili, cursúque tranquillo tueáris; transactisque, ac recte perféctis negótiis ómnibus, iteráto témpore ad própria cum omni gáudio revocáre dignéris. Qui vivis et regnas in sæcula sæculórum. **R.** Amen.

Aspergat Navim aqua benedicta.

BENEDICTIONES AB EPISCOPIS, vel aliis facultatem habentibus, faciendæ.

BENEDICTIO

Sacerdotalium Indumentorum in genere.

V. Adjutórium nostrum in nómine
Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

OMnípotens sempitérne Deus, qui per Móysen fámulum tuum pontificália et sacerdotália, seu levítica vestiménta, ad expléndum in conspéctu tuo ministérium eórum, ad honórem et decórem nóminis tui fieri decrevísti: adésto propítius invocatióibus nostris; ut hæc induménta sacerdotália, désuper irrigánte grátia tua, ingénti benedictióne per nostræ humilitátis servítium purifi † cáre, bene † dicere, et conse † cráre dignéris: ut divínis cúltribus et sacris mystériis apta et benedícta existant: his quoque sacris véstibus Pontífices, et Sacerdótes, seu Levítæ tui indúti, ab ómnibus impulsiónibus, seu tentatióibus malignórum spírituum muníti et defénsi esse mereántur: tuisque mystériis apte et condigne servíre et inhærére, atque in his tibi plácite et devóte perseveráre tribue. Per Christum Dóminum nostrum. **R.** Amen.

Orémus.

DEus, invíctæ virtútis triumphátor, et ómnium rerum créator ac sanctificátor, inténde propítius preces nostras: et hæc induménta leviticæ, sacerdotális et pontificális glóriæ, ministris tuis fruéndâ, tuo ore próprio bene † dicere, sancti † ficáre, et conse † cráre dignéris: omnesque eis uténtes, tuis mystériis

aptos, et tibi in eis devóte ac laudabiliter serviéntes, gratos efficere dignéris. Per Dóminum nostrum.

R. Amen.

Orémus.

Domine Deus omnípotens, qui vestiménta Pontíficibus, Sacerdótibus, et Levítis, in usum tabernáculi fœderis necessariâ, Móysen fámulum tuum ágere jussísti, eúmque spíritu sapiéntiæ ad id peragéndum replevísti: hæc vestiménta in usum et cultum mystérii tui bene † dicere, sanctifi † cáre, et conse † cráre dignéris: atque ministros altáris tui, qui ea indúerint, septifórmis Spíritus grátia dignánter repléri, atque castitátis stola, beáta fácias cum bonórum fructu óperum ministérii congruéntis immortalitáte vestíri. Per Christum Dóminum nostrum. **R.** Amen.

**Deinde aspergat ipsa indumenta
aqua benedicta.**

BENEDICTIO MAPPARUM, et Tobalearum, sive Linteaminum Altaris.

V. Adjutórium nostrum in nómine
Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

EXáudi, Dómine, preces nostras, et hæc linteámina sacri altáris úsui preparáta bene † dicere, et sancti † ficáre dignéris. Per Christum Dóminum nostrum. **R.** Amen.

Orémus.

Domine Deus omnípotens, qui Móysen fámulum tuum ornáménta et linteámina fácere, per quadraginta dies docuísti; quæ étiam María téxuit et fecit in usum mini-

stérii tabernáculi fœdérís: bene † dicere, sancti † ficáre, et con † secráre dignéris hæc linteámina ad tegéndum, involvendúmque altáre gloriosíssimi Fílii tui Dómini nostri Jesu Christi: Qui tecum vivit et regnat in unitáte Spíritus sancti Deus, per ómnia sæcula sæculórum. **R. Amen.**

Deinde aspergat ea aqua benedicta.

BENEDICTIO CORPORALIUM.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo.

Orémus.

Clementíssime Dómine, cujus inenarrábilis est virtus, cujus mystéria arcánis mirábilibus celebrántur: tríbue quæsumus; ut hoc linteámen tuæ propitiatiónis benedi † ctiónes sanctificétur ad consecrándum super illud Corpus et Sánguinem Dei et Dómini nostri Jesu Christi Fílii tui: Qui tecum vivit et regnat in unitáte Spíritus sancti Deus, per ómnia sæcula sæculórum. **R. Amen.**

Orémus.

Omnípotens sempitérne Deus, benedí † cere, sancti † ficáre, et con † secráre dignéris linteámen istud ad tegéndum, involvendúmque Corpus et Sánguinem Dómini nostri Jesu Christi Fílii tui: Qui tecum vivit et regnat in unitáte Spíritus sancti Deus, per ómnia sæcula sæculórum. **R. Amen.**

Orémus.

Omnípotens Deus, mánibus nostris opem tuæ benedictiónis infúnde: ut per nostram bene † dictionem hoc linteámen sanctificétur, et Córporis ac Ságuinis Redemptóris nostri novum sudárium Spíritus sancti grátia efficiátur. Per eúndem Dóminum nostrum. in unitáte ejúsdem. **R. Amen.**

Et aspergat aqua benedicta.

BENEDICTIO TABERNACULI, seu vasculi pro sacrosancta Eucharistia conservanda.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum.

R. Et cum spíritu tuo. **Orémus.**

Omnípotens sempitérne Deus, majestátem tuam súpplīces deprecámur, ut vásculum hoc pro Córpoze Fílii tui Dómini nostri Jesu Christi in eo condéndo fabricátum, bene † dictionis tuæ grátia dicáre dignéris. Per eúndem Dóminum nostrum Jesum Christum Fílium tuum.

R. Amen.

Et aspergit illud aqua benedicta.

ORATIO IN CONSECRATIONE EPISCOPI,

quæ dicitur cum Oratione Missæ diei sub una conclusione: et similiter Secreta, et Postcommunio.

Oratio.

Adésto supplicatióibus nostris omnípotens Deus: ut quod humilitátis nostræ geréndum est ministerio, tuæ virtútis impleátur efféctu. Per Dóminum nostrum.

Secreta. Consecrator.

Suscipe, Dómine, múnera, quæ tibi offérimus pro hoc fámulo tuo: ut propítius in eo tua dona custódias. Per Dóminum nostrum.

Consecratus dicit:

Suscipe, Dómine, múnera, quæ tibi offérimus pro me fámulo tuo: ut propítius in me tua dona custódias. Per Dóminum nostrum.

Infra actionem. Consecrator.

Hanc ígitur oblationem servitútis nostræ, sed et cunctæ familiæ tuæ, quam tibi offérimus étiam pro hoc fámulo tuo, quem ad Episcopátus órđinem promovére dignátus es, quæsumus Dómine, ut placátus accípias et propítius in eo tua dona custódias: ut, quod divíno múnere con-

secutus est, divinis effectibus exequatur: diesque nostros in tua pace disponas: atque ab æterna damnatione nos eripi, et in electorum tuorum jubeas grege numerari. Per Christum Dominum nostrum, Amen.

Consecratus dicit:

Hanc igitur oblationem servitutis nostræ, sed et cunctæ familiæ tuæ, quam tibi offerimus etiam pro me famulo tuo, quem ad Episcopatus ordinem promovere dignatus es, quaesumus Domine, ut placatus accipias, et propitius in me tua dona custodias: ut, quod divino munere consecutus sum, divinis effectibus exequar: diesque nostros in tua pace disponas: atque ab æterna damnatione nos eripi, et in electorum tuorum jubeas grege numerari. Per Christum Dominum nostrum. Amen.

Postcommunio.

Plenum, quaesumus Domine, in nobis remedium tuæ miserationis operare: ac tales nos esse perfice propitius, et sic foveri; ut tibi in omnibus placere valeamus. Per Dominum.

ORATIO IN COLLATIONE SACRORUM ORDINUM,

quæ dicitur cum Oratione Missæ diei sub una conclusione: et similiter Secreta, et Postcommunio.

Oratio.


EXaudi, quaesumus Domine, supplicum preces, et devoto tibi pectore famulantes, perpetua defensione custodi: ut nullis perturbationibus impediti, liberam servitutem tuis semper exhibeamus officiis. Per Dominum nostrum Jesum Christum Filium tuum.

Secreta.

Tuis, quaesumus Domine, operare mysteriis: ut hæc tibi munera dignis mentibus offeramus. Per Dominum nostrum Jesum Christum Filium tuum.

Postcommunio.

Quos tuis, Domine, reſicis sacramentis, continuis attolle benignus auxiliis: ut tuæ redemptionis effectum, et mysteriis capiamus, et moribus. Per Dominum nostrum Jesum Christum Filium tuum.



MISSÆ

SANCTORUM SUMMORUM PONTIFICUM S. R. E.

ET ALIORUM SANCTORUM

ALIQUIBUS IN LOCIS CELEBRANDÆ.

DIE IX. DECEMBRIS.

S. Eutychiani Papæ et Martyris.

Missa. Sacerdotes Dei. 2. loco. fol. iii.

DIE X. DECEMBRIS.

**In Festo Translationis Almæ Domus
B. Mariæ Virginis.**

**Introitus.
Gen. 28.**



Erríbilis est locus iste: hîc domus Dei est, et porta cœli: et vocábitur aula Dei.

Ps. 83. Quam dilecta tabernacula tua, Dómine, virtutum! concupíscit, et déficit ánima mea in átria Dómini.

V. Glória Patri.

Oratio.

Deus, qui beátæ Mariæ vírginis domum per incarnáti Verbi mystérium misericórditer consecrásti, eámque in sinu Ecclesiæ tuæ mirábiliter collocásti: concéde; ut segregáti à tabernáculis peccatórum, digni efficiámur habitatores domus sanctæ tuæ. Per eúmdem Dóminum.

**Et fit commem. Feriæ, et postea
S. Melchiadis Papæ et Martyris.**

Oratio.

Infirmitátem nostram respice, omnípotens Deus: et quia pondus propriæ actiónis gravat, beáti Melchiadis, mártiris tui atque pontíficis,

intercessio gloriósa nos próteget. Per Dóminum nostrum.

Léctio libri Sapiéntiæ. Eccl. 24.

In ómnibus réquiem quæsívi, et in hæreditáte Dómini morábor. Tunc præcépit, et dixit mihi Creátor ómnium: et qui creávit me, requiévít in tabernáculo meo, et dixit mihi: In Jacob inhábita, et in Israel hæreditáre, et in eléctis meis mitte radíces. Et sic in Sion firmáta sum, et in civitáte sanctificáta simíliter requiéví, et in Jerúsalem potéstas mea. Et radicávi in pópulo honorificáto, et in parte Dei mei hæréditas illíus, et in plenítudine sanctórum deténtio mea. Quasi cedrus exaltáta sum in Líbano, et quasi cypréssus in monte Sion. Quasi palma exaltáta sum in Cades, et quasi plantátio rosæ in Jéricho. Quasi olíva speciósa in campis, et quasi plátanus exaltáta sum juxta aquam in platéis. Sicut cinnamómum, et bálsamum aromatízans odórem dedi: quasi myrrha elécta dedi suavitátem odóris.

Graduale. Psal. 26. Unam pétii à Dómino, hanc requíram, ut inhábitem in domo Dómini ómnibus diébus vitæ meæ.

V. Ut vídeam voluptátem Dómini, et vísitem templum ejus.

Allelúja, allelúja.

V. Psal. 83. Beáti qui hábitant in domo tua, Dómine: in sæcula sæculórum laudábunt te. Allelúja.

Sequéntia sancti **Evangélíi** secúndum **Lucam.** **Luc. 1. c**

IN illo témpore: Missus est Angelus Gábriel à Deo in civitátem Galilææ, cui nomen Názareth, ad vírginem desponsátam viro, cui nomen erat Joseph, de domo David, et nomen vírginis, **María.** Et ingressus Angelus ad eam, dixit: Ave grátia plena: Dóminus tecum: benedícta tu in muliéribus. Quæ cum audisset turbáta est in sermóne ejus, et cogitábat qualis esset ista salutátio. Et ait Angelus ei: Ne tíneas, **María:** invenísti enim grátiam apud Deum: ecce concípies in útero, et páries fílium, et vocábis nomen ejus **Jesum.** Hic erit magnus, et Fílius Altíssimi vocabitur, et dabit illi Dóminus Deus sedem David Patris ejus: et regnabit in domo Jacob in ætérnum, et regni ejus non erit finis. Dixit autem **María** ad Angelum: Quómodo fiet istud, quóniam virum non cognóscó? Et respóndens Angelus, dixit ei: Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce **Elísabeth** cognáta tua, et ipsa concépit fílium in senectúte sua: et hic mensis sextus est illi, quæ vocáitur stérilis: quia non erit impossíbile apud Deum omne verbum. Dixit autem **María:** Ecce ancílla Dómini, fiat mihi secúndum verbum tuum. **Credo.**

Offertorium. Ps. 5. Introibo in Dónum tuam, adorábo ad templum sanctum tuum, et confitébor nómini tuo.

Secreta.

ACcipe, quæsumus Dómine, múnera in hac sacra domo dignánte obláta: et, beátæ **Maríæ** vírginis suffragántibus méritis, ad nostræ salutis auxílium proveníre concéde. Per Dóminum.

Pro S. Melchiade. Secreta.

HOstias tibi, Dómine, beáti **Melchíadis**, mártiris tui atque pontíficis, dicátas méritis benígnus assú-

me: et ad perpétuum nobis tríbue proveníre subsidium. Per Dóminum. **Præfatio. Et te in festivitáte. fol. 199. vel 218.**

Communio. Prov. 8. Beátus qui audit me, et qui vígilat ad fores meas quotidie, et obsérvat ad postes óstii mei. Qui me invénerit, invéniet vitam, et háuriet salutem à Dómino.

Postcommunio.

QUæsumus Dómine Deus noster: ut sacrosáncta mystéria, quæ pro reparatiónis nostræ munímine contulísti, intercedénte beáta **María** semper vírgine, et præsens nobis remédium esse fácias, et futúrum. Per Dóminum nostrum.

Pro S. Melchiade. Postcommunio.

REFÉCTI participatióne múnieris sacri, quæsumus Dómine Deus noster: ut cujus exéquimur cultum, intercedénte beáto **Melchiade**, mártire tuo atque pontífice, sentiámus efféctum. Per Dóminum.

DIE XI. DECEMBRIS.

S. Damasi I. Papæ et Confessoris.
Missa, ut in Missali. fol. 327.

DIE XII. DECEMBRIS.

S. Melchiadis I. Papæ et Martyris.
Missa. Státuit. 1. loco. fol. ii.

DIE XVIII. DECEMBRIS.

In Festo Expectationis Partus
B. Mariæ Virginis.

Introitus.

Isai. 45.



Oráte cœli désuper, et nubes pluant Justum: aperiátur terra, et gérminet Salvatórem.

Psal. 18. Cœli enarrant glóriam Dei, et ópera mánuum ejus annúntiat firmaméntum.

V. Glória Patri.

Oratio.

DEus, qui de beátæ **Maríæ** vírginis útero verbum tuum, Angelo nuntiánte, carnem suscipere voluísti: præsta supplicibus tuis; ut qui vere eam genitrícem Dei crédi-

mus, ejus apud te intercessionibus adjuvémur. Per eúndem Dóminum.

Et fit commemoratio Feriæ.

Léctio Isaíæ Prophétæ. Isai. 7. b

IN diébus illis: Locútus est Dóminus ad Achaz, dicens: Pete tibi signum à Dómino Deo tuo in profúndum inférni, sive in excélsu supra. Et dixit Achaz: Non petam, et non tentábo Dóminum. Et dixit: Audíte ergo, domus David: Numquid parum vobis est moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce Virgo concípíet, et páriet filium, et vocábitur nomen ejus Emmánuel. Butyrum, et mel cómedet, ut sciat reprobáre malum, et elígere bonum.

Graduale. Psal. 23. Tóllite portas, principes vestras, et elevámini portæ æternáles, et introíbit Rex glóriæ.

V. Quis ascéndet in montem Dómini, aut quis stabit in loco sancto ejus? Innocens mánibus, et mundo corde.

Allelúja, allelúja.

V. Luc. 1. Ecce concípíet, et páriet filium, Jesum Christum. Allelúja.



Sequéntia sancti Evangélíi secúndum Lucam. Luc. 1. c

IN illo témpore: Missus est Angelus Gábriel à Deo in civitátem Galilææ, cui nomen Nazareth, ad vírginem desponsátam viro, cui nomen erat Joseph, de domo David, et nomen vírginis, María. Et ingressus Angelus ad eam dixit: Ave grátia plena: Dóminus tecum: benedícta tu in muliéribus. Quæ cum audísset, turbáta est in sermóne ejus, et cogitábat qualis esset ista salutátio. Et ait Angelus ei: Ne tíneas, María, invenísti enim grátiam apud Deum: ecce concípies in útero, et páries filium, et vocábis nómen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus, et regnábit in domo Jacob in ætérnum, et regni ejus non erit finis. Dixit autem María ad

Angelum: Quómodo fiet istud quóniam virum non cognósco? Et respóndens Angelus, dixit ei: Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit filium in senectúte sua: et hic mensis sextus est illi, quæ vocátur stérilis: quia non erit impossibile apud Deum omne verbum. Dixit autem María: Ecce ancílla Dómini, fiat mihi secúndum verbum tuum. **Credo.**

Offertorium. ibid. Ave María, grátia plena: Dóminus tecum: benedícta tu in muliéribus, et benedíctus fructus ventris tui. Secreta.

IN méntibus nostris, quæsumus Dómine, veræ fidei sacraménta confírma: ut qui concéptum de Vírgine Deum verum et hóminem confitémur; per ejus salutíferæ resurrectionis poténtiam, ad ætérnam mereámur perveníre lætítiam. Per eúndem Dóminum.

Præfatio. Et te in expectatióne. fol. 199. vel 218.

Communio. Isai. 7. Ecce Virgo concípíet, et páriet filium, et vocábitur nomen ejus Emmánuel.

Postcommunio.

GRátiam tuam, quæsumus Dómine, méntibus nostris infúnde: ut qui, Angelo nuntiánte, Christi Fílii tui Incarnatiónem cognóvimus; per passiónem ejus et crucem ad resurrectionis glóriam perducámur. Per eúndem Dóminum.

¶ Quando hoc Festum occurrit Feria iv. Quatuor Temporum, in fine Missæ legitur Evangelium S. Joannis, In princípío erat Verbum.

DIE XXXI. DECEMBRIS.

S. Silvestri I. Papæ et Confessoris. Missa, ut in Missali. fol. 30.


DIE XVI. JANUARI.

S. Marcelli Papæ et Martyris. Missa, ut in Missali. fol. 334.

DIE XX. JANUARI.

SS. Fabiani et Sebastiani Mart.
Missa, ut in Missali. fol. 339.

DIE XXIII. JANUARI.

In Festo
Desponsationis B. Mariæ Virginis.**Introitus. Sedulius.**
Alve, sancta Parens,
enixa puérpera Re-
gem: qui cœlum, ter-
ramque regit in sæ-
cula sæculorum.**Ps. 44.** Eructavit cor meum ver-
bum bonum: dico ego ópera mea
Regi. **V.** Glória Patri.**Oratio.****F** Amulis tuis, quæsumus Dómi-
ne, cœlestis grátiae munus im-
pertire: ut, quibus beátæ Vírginis
partus éxitit salútis exórdium, De-
sponsationis ejus votiva solémnitas
pacis tríbuat incrementum. Per Dó-
minum nostrum Jesum Christum
Fílium tuum.**Pro commemoratione S. Joseph, ubi
est concessa. Oratio.****S** Anctíssimæ Genitrícis tuæ
Sponsi, quæsumus Dómine,
méritis adjuvémur: ut quod possibí-
litas nostra non óbtinet, ejus nobis
intercessióne donétur. (Qui vivis.)**Pro S. Emerentiana Virg. et Mart.**
Oratio.**I** Ndulgéntiam nobis, quæsumus
Dómine, beáta Emerentiana, vir-
go et martyr, implóret: quæ tibi gra-
ta semper éxitit et mérito castitátis,
et tuæ professióne virtútis. Per Dó-
minum nostrum.**Léctio libri Sapiéntiæ. Prov. 8.****D** ominus possédit me in inítio vi-
arum suarum, ántequam quid-
quam fáceret à princípío. Ab ætérno
ordináta sum, et ex antíquis, ánte-
quam terra fieret. Nondum erant
abyssi, et ego jam concépta eram,
necdum fontes aquarum erúperant,
necdum montes gravi mole constí-
terant: ante colles ego parturiébar:adhuc terram non fécerat, et flúmi-
na, et cárdines orbis terræ. Quando
præparábat cœlos, áderam: quando
certa lege, et gyro vallábat abyssos:
quando æthéra firmábat sursum, et
librábat fontes aquarum: quando
circúmdabat mari términum suum,
et legem ponébat aquis, ne transírent
fines suos: quando appendébat fun-
daménta terræ: cum eo eram cuncta
compónens, et delectábar per síngu-
los dies, ludens coram eo omni témp-
ore: ludens in orbe terrarum: et de-
licíæ meæ esse cum filiis hóminum.
Nunc ergo, filii, audíte me: beáti qui
custódiunt vias meas. Audíte disci-
plínam, et estóte sapiéntes, et nolíte
abjícere eam. Beátus homo, qui audit
me, et qui vígilat ad fores meas quo-
tidie, et obsérvat ad postes óstii mei.
Qui me invénerit, invéniet vitam, et
háuriet salútem à Dómino.**Graduale.** Benedícta et venerábilis
es, virgo María, quæ sine tactu pu-
dóris invénta es mater Salvatóris.**V.** Virgo Dei génitrix, quem totus
non capit orbis, in tua se clausit ví-
scera factus homo. **Allelúja, allelúja.****V.** Felix es, sacra virgo María, et
omni laude digníssima: quia ex te
ortus est sol justítiæ, Christus Deus
noster. **Allelúja.****Post Septuages. omissis Allelúja,
et versu seq. dicitur Tractus.** Gaude
María virgo, cunctas hæreses sola
interemísti. **V.** Quæ Gabriélis Arch-
ángeli dictis credidísti.**V.** Dum virgo Deum et hóminem
genuísti, et post partum virgo invio-
láta permansísti.**V.** Dei Génitrix intercède pro nobis.**Sequéntia sancti Evangélii se-
cúndum Matthæum. Matth. 1.****C** Um esset desponsáta mater Je-
su María Joseph, ántequam
convenírent, invénta est in útero ha-
bens de Spíritu sancto. Joseph au-
tem vir ejus, cum esset justus, et
nollet eam tradúcere, vóluit occúlte

dimittere eam. Hæc autem eo cogitante, ecce Angelus Dómini apparuit in somnis ei, dicens: Joseph fili David, noli timere accipere Mariam conjugem tuam: quod enim in ea natum est, de Spíritu sancto est. Páriet autem filium, et vocábis nomen ejus Jesum. Ipse enim salvum fáciat populum suum à peccátis eórum. **Credo.**

Offertorium. Beáta es, virgo María, quæ ómnium portásti Creatórem: genuísti qui te fecit, et in ætérnum pérmanes virgo.

Secreta.

UNigéniti tui, Dómine, nobis succúrrat humánitas: ut qui, natus de vírgine, matris integritátem non mínuit, sed sacrávit: in Desponsatiónis ejus solémniis, nostris nos piáculis éxuens, oblatiónem nostram tibi fáciat accéptam Jesus Christus Dóminus noster, Qui tecum vivit.

Pro S. Joseph. Secreta.

DEbitum tibi, Dómine, nostræ réddimus servitútis, suppliciter exorántes: ut suffrágiis beáti Joseph, sponsi genitrícis Fílii tui Jesu Christi Dómini nostri, in nobis tua múnera tueáris, ob cujus venerándam commemoratióem, laudis tibi hóstias immolámus. (Per eúmdem Dóminum nostrum.)

Pro S. Emerentiana Virg. et Mart. Secreta.

HOstias tibi, Dómine, beatæ Emerentiánæ, vírginis et mártiris tuæ, dicátas méritis, benígnus assúme: et ad perpétuum nobis tríbue proveníre subsidium. Per Dóminum nostrum Jesum Christum Fílium tuum.

Præfatio de B. Maria. Et te in Desponsatióne. fol. 199. **vel** 218.

Communio. Beáta viscera Mariæ vírginis, quæ portavérunt ætérni Patris Fílium.

Postcommunio.

Sumpsimus, Dómine, celebritátis ánnuæ votíva sacraménta: præsta quæsumus, ut et temporális vitæ

nobis remédia præbeant, et ætérnæ. Per Dóminum nostrum.

Pro S. Joseph. Postcommunio.

ADesto nobis, quæsumus, miséricors Deus: et, intercedente pro nobis beáto Jeseph confessóre, tua circa nos propitiátus dona custódi. (Per Dóminum nostrum.)

Pro S. Emerentiana Virg. et Mart. Postcommunio.

Divini múnemis largitáte satiáti, quæsumus, Dómine Deus noster: ut, intercedente beáta Emerentiána, vírgine et mártyre tua, in ejus semper participatióne vivámus. Per Dóminum nostrum.

EADEM DIE.

S. Ildefonsi Episcopi et Confessoris.

Alicubi dicitur Missa. In médio. ut in Communi Doctor. fol. xv.

In Regnis vero Hispanis, et alibi dicitur eadem Missa ut supra, cum sequenti Oratione propria.

Oratio.

DEus, qui per gloriosíssimam fílii tui matrem beátum Ildefónsum, confessórem tuum atque pontíficem, misso de thesáuris cœléstibus múnere decorásti: concéde propítius; ut per ejus preces et mérita, múnera capiámus ætérna. Per eúmdem Dóminum nostrum.

Aliæ Orationes sumantur ex Missa. Sacerdótes tui. de Comm. Conf. Pont. secundo loco. fol. xiv. sine Credo.

DIE XXIV. JANUARI.

S. Exuperantii Episcopi et Confess.

Introitus. Psal. 88.

INveni David servum meum: óleo sancto meo unxi eum, manus enim mea auxiliábitur ei, et bráchium meum confortábit eum.

Psal. ibid. Misericórdias Dómini in ætérnum cantábo.

V. Glória Patri.

Oratio.

DEus, qui beátum Exuperántium, confessórem tuum atque Pontíficem, grátiae tuæ donis cumulatú, ad coeléstem glóriam perduxisti: concéde nobis, quæsumus; ut ejus patrocínio múniti, æténa præmia cónsequi mereámur. Per Dóminum nostrum.

Léctio Epístolæ beáti Petri Apóstoli.
2. Cap. 1.

FRatres, grátia vobis, et pax adimpleátur in cognitióne Dei, et Christi Jesu Dómini nostri: quómodo ómnia nobis divínæ virtútis suæ, quæ ad vitam, et pietátem donáta sunt per cognitiónem ejus, qui vocávit nos própria glória, et virtúte: per quem máxima, et pretiósá nobis promissa donávit: ut per hæc efficiámini divínæ consórtes natúræ: fugiéntes ejus, quæ in mundo est, concupiscéntiæ corruptiódinem. Vos autem curam omnem subinferéntes, ministráte in fide vestra virtútem, in virtúte autem sciéntiam, in sciéntia autem abstinéntiam, in abstinéntia autem paciéntiam, in paciéntia autem pietátem, in pietáte autem amórem fraternitátis, in amóre autem fraternitátis caritátem. Hæc enim si vobiscum adsint, et súperent, non vácuos, nec sine fructu vos constituent in Dómini nostri Jesu Christi cognitióne.

Graduale. Ps. 118. Confundántur supérbi, quia injúste iniquitátem fecérunt in me: ego autem exercébor in mandátis tuis.

V. Viam mandatórum tuórum cucúrri, cum dilatásti cor meum.

Allelúja, allelúja.

V. Psal. 111. Dispérsit, dedit pauperibus, justítia ejus manet in sæculum sæculi. **Allelúja.**

Post Septuagesimam omissis Allelúja, et Versu seq. dicitur Tractus ex Communi Confessoris Pontificis primo loco: Beátus vir etc.

Sequéntia sancti Evangélíi secúndum Joánnem. Joann. 15.

IN illo témpore: Dixit Jesus discípulis suis: In hoc clarificátus est Pater meus, ut fructum plúrimum afferátis, et efficiámini mei discípuli. Sicut diléxit me Pater, et ego diléxi vos. Manéte in dilectiódine mea. Si præcépta mea servavéritis, manébitis in dilectiódine mea, sicut et ego Patris mei præcépta servávi, et máneo in ejus dilectiódine. Hæc locútus sum vobis, ut gáudium meum in vobis sit, et gáudium vestrum impleátur. Hoc est præcéptum meum, ut diligátis invicem, sicut diléxi vos. Majórem hac dilectiódinem nemo habet, ut ánimam suam ponat quis pro amícis suis. Vos amíci mei estis, si fecéritis, quæ ego præcípio vobis. Jam non dicam vos servos, quia servus nescit quid fáciat Dóminus ejus. Vos autem dixi amícos, quia ómnia quæcúmque audívi à Patre meo, nota feci vobis. Non vos me elegistis, sed ego elégi vos, et pósui vos, ut eátis, et fructum afferátis: et fructus vester máneat: ut quodcúmque petiéritis Patrem in nómine meo, det vobis.

Offertorium. Ps. 109. Jurávit Dóminus, et non pœnitébit eum: tu es Sacérdos in ætérnum, secúndum ór-dinem Melchisedech. **Secreta.**

Propitiatiónis hóstiam tibi, Dómine, offérimus, suppliciter deprecántes, ut, beáto Exuperántio, confessóre tuo atque Pontífice, intercedénte, ab ómnibus semper protegámur advérsis. Per Dóminum.

Communio. Joan. 15. Manéte in dilectiódine mea, sicut diléxit me Pater, et ego diléxi vos.

Postcommunio.

Salutáribus mystériis reféctos, fac nos quæsumus, Dómine, beáti Exuperántii, confessóris tui atque pontificis, cujus virtútes mirámur, exémplo profícere, et pacem tuam nostris concéde tempóribus. Per Dóminum nostrum.

DIE XXVII. JANUARI.

S. Vitaliani Papæ et Confessoris.**Missa. Státuit. primo loco. fol. xiii.**

DIE XXVIII. JANUARI.

S. Dionysii Papæ et Confessoris.**Missa. Státuit. primo loco. fol. xiii.**

EADEM DIE.

S. Juliani Episcopi et Confessoris.**Missa. Státuit ei Dóminus. de Comuni Confess. Pontif. fol. xiii. præter primam Orationem sequentem et Evangelium ut infra.****Oratio.**

EXcita, quæsumus Dómine, in pópulo tuo Spíritum caritátis, quo beátum Juliánum, Confessórem tuum atque pontíficem, replére dignátus es: et concéde; ut, cujus festivitátem celebrámus, per ejus ad te exémpa gradiámur. Per Dóminum. in unitáte ejúsdem.

 Sequéntia sancti Evangelii secundum Matthæum. **Mtth. 6. b**

IN illo témpore: Dixit Jesus discipulis suis: Nolíte thesaurizáre vobis thesáuros in terra, ubi ærúgo et tinea demolítur, et ubi fures effódiunt, et furántur. Thesaurizáte autem vobis thesáuros in cælo, ubi neque ærúgo, neque tinea demolítur, et ubi fures non effódiunt, nec furántur. Ubi enim est thesáurus tuus, ibi est et cor tuum.

DIE XXX. JANUARI.

S. Felicis IV. Papæ et Confessoris.**Missa. Sacerdótes tui. secundo loco. fol. xiv.**

DIE III. FEBRUARI.

S. Blasii Episcopi et Martyris.**Introitus.**

GAudeámus omnes in Dómino, diem festum celebrántes sub honóre sancti Blásii mártiris atque pontíficis: de cujus Passione gaudent Angeli, et colláudant Fílium Dei.

Psal. 47. Magnus Dóminus, et laudábilis nimis: in civitáte Dei nostri, in monte sancto ejus.

V. Glória Patri.**Oratio.**

DEus, qui beátum Blásium, mártirem tuum atque pontíficem, in suis perferéndis suppliciis, et in aliórum depelléndis infirmitátibus admirábilem effecísti: concéde propítius; ut illíus et in fide constántiam imitémur, et in perículis patrocínia sentiámus. Per Dóminum nostrum.

Léctio Epístolæ beáti Pauli Apóstoli ad Hebræos.

Hebr. 11. f.

FRatres, Sancti per fidem vicérunt regna, operati sunt justítiam, adépti sunt repromissiones, obturavérunt ora leónum, extinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum: acceperunt mulieres de resurrectione mórtuos suos: álíi autem disténti sunt, non suscipientes redemptionem, ut meliorem invenírent resurrectionem. Alii vero ludíbria, et vérbera expérti, ínsuper et víncula et cárceres: lapidáti sunt, secti sunt, tentáti sunt, in occisióne gládii mórtui sunt: circuíerunt in melótis, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus, et spelúncis, et in cavérnis terræ. Et hi omnes testimonio fidei probáti invénti sunt in Christo Jesu Dómino nostro.

Graduale. Psal. 8. Glória et honóre coronásti eum.

V. Et constituísti eum super ópera mánuum tuárum Dómine.

Allelúja, allelúja.

V. Hic est sacérdos, quem coronávit Dóminus. Allelúja.

Post Septuagesimam omissis Allelúja, et Versu seq. dicitur:

Tractus. Psal. 111. Beátus vir, qui timet Dóminum, in mandátis ejus cupit nimis.

V. Potens in terra erit semen ejus: generatio rectorum benedicetur.

V. Glória et divitiæ in domo ejus, et justitia ejus manet in sæculum sæculi.

Sequéntia sancti Evangélii secúndum Matthæum. Matth. 10. b

IN illo témpore: Dixit Jesus discipulis suis: Cum persequéntur vos in civitate ista, fúgite in áliam. Amen dico vobis, non consummábitis civitates Israel, donec véniat Fílius hóminis. Non est discipulus super magístrum, nec servus super dóminum suum. Súfficit discipulo, ut sit sicut magister ejus; et servo sicut dóminus ejus. Si patremfamilias Beélzebub vocavérunt; quanto magis domésticos ejus? Ne ergo timéritis eos. Nihil enim est opértum quod non revelábitur, et occúltum quod non sciétur. Quod dico vobis in ténebris, dícite in lúmine: et quod in aure auditis, prædicáte super tecta. Et nolíte timére eos qui occidunt corpus, ánimam autem non possunt occidere: sed pótius timéte eum, qui potest et ánimam, et corpus pérdere in gehénnam.

Offertorium. Sap. 10. Transvéxit illum Dóminus per aquam nímiā: et ab altitúdine inimicórum edúxit illum.

Secreta.

HOstias tibi, Dómine, beáti Blásii, mártiris tui atque pontíficis, dicátas méritis benígnus assúme: et ad perpétuum nobis tríbue proveníre subsidium. Per Dóminum nostrum.

Communio. Psal. 88. Semel jurávi in sancto meo: semen ejus in ætérnum manébit: et sedes ejus sicut sol in conspéctu meo, et sicut luna perfecta in ætérnum, et testis in cœlo fidélis.

Postcommunio.

Percépta nobis, Dómine, præbeant sacraménta subsidium, et præsta: ut beáti Blásii, mártiris tui atque pontíficis, méritis et intercessióne, nulla nobis nóceat advérsitas, et nulla dominétur iniquitas. Per Dóminum.

DIE IV. FEBRUARII.

S. Josephi a Leonissa Confessoris.

Missa dicitur ut in die S. Vincentii a Paulo xix. Julii. fol. 429. præter Orationem sequentem.

Oratio.

DEus, fidélium remunerátor servórum, qui beátum Joséphum exímium in Evangélica prædicatione operárium effecísti: ejus, quæsumus, intercessióne concéde; ut à grato tibi servítio numquam cessémus in terris, et plenam à te mercédem recipiámus in cœlis. Per Dóminum.

DIE V. FEBRUARII.

SS. Pauli, Joannis et Jacobi Mart.

Missa. Salus autem. de Communi plurimorum Martyrum, fol. xi. præter Orationem sequentem.

Oratio.

DEus, qui primítias fidei apud Japóniæ gentes, beatórum mártyrum tuórum Pauli, Joánnis et Jacóbi sáanguine confirmásti: concéde propítius: ut, ad tui nóminis confessionem, quorum excitámur exémpis, eórum précibus adjuvémur. Per Dóminum nostrum Jesum Christum Fílium tuum.

Evangeliū. Cum audiéritis prælia. ex Missa, Intret. fol. x.

Si venerit in Quadragesima fit commemoratio Feriæ.

DIE VI. FEBRUARII.

S. Hyacinthæ de Mariscottis Virg.

Missa. Dilexísti. de Communi Virgin. fol. xxiii.

Oratio.

DEus, qui beátam Hyacíntham, vírginem tuam, jugis mortificationis, et caritátis víctimam effecísti: ejus nobis exémplo et intercessióne concéde; ut peccáta nostra deflére, et te semper diligere valeámus. Per Dóminum nostrum.

EADEM DIE.

S. Dorotheæ Virginis et Martyris.

Missa. Loquébar. de Communi Virginis et Martyris. fol. xx.

Oratio.

OMnipotens sempitérne Deus, in
cujus nómine gloriósa virgo et
mártyr Doróthea multórum genera
tormentórum superávit: te supplíci-
ter exorámus; ut ejus intervéntu
cuncta perícula vincámus, ipsámque
in nostris necessitatibus célerem ad-
jutricem sentiámus. Per Dóminum.

**Si venerit in Quadragesima, fit
commemoratio Feriæ.**

DIE IX. FEBRUARII.

S. Antheri Papæ et Martyris.

Missa. Statuit. primo loco. fol. ii.

DIE XI. FEBRUARII.

S. Telesphori Papæ et Martyris.

**Missa. Sacerdotes Dei. secundo
loco. fol. iii.**

DIE XII. FEBRUARII.

S. Agathonis Papæ et Confessoris.

Missa. Statuit. primo loco. fol. xiii.

DIE XIII. FEBRUARII.

S. Catharinæ de Riccis Virginis.

**Missa. Dilexisti. de Communi Vir-
ginum. fol. xxiii. præter Orat. seq.**

Oratio.

Domine Jesu Christe, qui beá-
tam Catharínam vírginem, tuo
amóre succénsam, Passiónis contem-
platione claréscere voluísti: ejus in-
tercessióne concéde; ut, Passiónis
mystéria devóte recoléntes, ejus fru-
ctum percípere mereámur. Qui vivis
et regnas.

DIE XIV. FEBRUARII.

S. Hygini. Papæ et Martyris.


Missa. Statuit. primo loco. fol. ii.

DIE XV. FEBRUARII.

Sancti Ephysii Martyris.

Introitus.

Psal. 16.



Robásti, Dómine, cor
meum, et visitásti nocte:
igne me examinásti, et
non est invénta in me
iniquitas.

**Psal. 33. Benedicam Dóminum in
omni témpore: semper laus ejus in
ore meo.**

V. Glória Patri.

Oratio.

Domine Jesu Christe, qui per
Crucem et Passiónem tuam
mundum vicísti, eodémque signo mi-
rábili beátum Ephysium mártýrem
tuum fidei præcónem deléctum ad
converténdas infidélium gentes cœ-
litus vocáre dignátus es: præsta quæ-
sumus; ut quem fidei propagatórem
habúimus in terris, intercessórem
gloriósum habére mereámur in cœ-
lis. Qui vivis.

**In Quadragesima fit commemoratio
Feriæ.**

Pro SS. Faustino et Iovita Martyribus.

Oratio.

Deus, qui nos ánnua sanctórum
mártýrum tuórum Faustíni et
Iovítæ solemnitate lætíficas: concéde
propítius; ut quorum gaudémus mé-
ritis, accendámur exémpilis. Per Dó-
minum nostrum.

Lectio libri Sapiéntiæ.

Sap 10.

Justum dedúxit Dóminus per vias
rectas, et osténdit illi regnum
Dei, et dedit illi sciéntiam sanctórum:
honestávit illum in labóribus, et com-
plévit labóres illíus. In fraude cir-
cumveniéntium illum áffuit illi, et
honéstum fecit illum. Custodívit il-
lum ab inimícis, et à seductóribus tu-
távit illum, et certámen forte dedit
illi, ut vínceret, et scíret, quóniam
ómnium poténtior est sapiéntia. Hæc
vénditum justum non derelíquit, sed
à peccatóribus liberávit eum: descen-
dítque cum illo in fóveam, et in vín-
culis non derelíquit illum, donec af-
férret illi sceptrum regni, et poténti-
am advérsus eos, qui eum deprimé-
bant: et mendáces osténdit qui ma-
culavérunt illum, et dedit illi claritá-
tem ætérrnam Dóminus Deus noster.

**Graduale. Exod. 15. Gloriósus Deus
in sanctis suis: mirábilis in majestá-
te, fáciens prodígia.**

V. Dextera tua, Dómine, gloriíficata est in virtúte: dextera manus tua confrégit inimicos. **Allelúja, allelúja.**

V. Psal. 111. Beátus vir, qui timet Dóminum: in mandátis ejus cupit nimis. **Allelúja.**

Post Septuages. omissis Allelúja, et Versu sequenti dicitur

Tractus. Desidérium animæ ejus tribuísti ei, et voluntáte labiórur ejus non fraudásti eum.

V. Quóniam prævenísti eum in benedictionibus dulcédinis.

V. Posuísti in cápite ejus corónam de lápide pretiósó.

 **Sequéntia sancti Evangélii secúndum Matthæum. Matth. 10. d**

In illo témpore: Dixit Jesus discipulis suis: Nolíte arbitrári, quia pacem vénerim mittere in terram: non veni pacem mittere, sed gládium. Veni enim separáre hóminem advérsus patrem suum, et fíliam advérsus matrem suam, et nurum advérsus socrum suam, et inimíci hóminis, doméstici ejus. Qui amat patrem, aut matrem plusquam me, non est me dignus: et qui amat filium, aut fíliam super me, non est me dignus. Et qui non áccipit crucem suam, et séquitur me, non est me dignus. Qui ínvenit ánimam suam, perdet illam, et qui perdíderit ánimam suam propter me, invéniet eam.

Offertórium. Psal. 117. Dextera Dómini fecit virtútem, dextera Dómini exaltávit me: non móriar, sed vivam, et narrábo ópera Dómini.

Secreta.

Sancti Ephysii mártiris tui précibus hæc oblátio, Dómine, ad perpétuam ac præsentem nobis proficiat prosperitátem et pacem. Per Dóminum.

SS. Faustini et Iovitæ Mart. Secreta.

Oblátis, quæsumus Dómine, placáre munéribus: et intercedéntibus sanctis martyribus tuis Faustíno et Jovíta, à cunctis nos defénde perículis. Per Dóminum nostrum.

Communio. Psal. 20. Posuísti, Dómine, in cápite ejus corónam de lápide pretiósó.

Postcommunio.

Refécti participatióne múnieris sacri, quæsumus, Dómine Deus noster: ut cujus exéquimur cultum, intercedénte beáto Ephysio mártire tuo, sentiámus efféctum. Per Dóminum nostrum.

SS. Faustini et Jovitæ. Postcommunio.

Hæc nos commúnio, Dómine, purget à crimine: et intercedéntibus sanctis martyribus tuis Faustíno et Jovíta, cœléstis remédii fáciat esse consórtes. Per Dóminum.

DIE XVI. FEBRUARII.

S. Zosimi Papæ et Confessoris.

Missa. Státuit. primo loco. fol. xiii.

DIE XVIII. FEBRUARII.

B. Gregorii X. Papæ et Confess.

Missa. Státuit. primo loco. fol. xiii.

Oratio.

Deus, qui Ecclesiám tuam beáti Gregórii, Confessoris tui atque pontíficis, Religiónis zelo, et Apostólicis curis amplificásti: ejus méritis, et intercessióne concéde; ut fídei, et sanctitátis nova semper increménta suscípiat. Per Dóminum nostrum.

DIE XIX. FEBRUARII.

S. Gregorii II. Papæ et Confess.

Missa. Státuit. primo loco. fol. xiii.

EADEM DIE.

S. Conradi Confessoris.

Missa. Justus. de Communi Conf. non Pontif. fol. xviii.

Et fit commem. Feriæ in Quadrages.

Evang. Ecce nos reliquimus. ut in Communi Abbatum. fol. xix.

DIE XXV. FEBRUARII.

S. Felicis III. Papæ et Confess.

Missa. Státuit. primo loco. fol. xiii.



DIE XXVI. FEBRUARII.

S. Margaritæ de Cortona.**Introitus. Psal. 118.**

Gognóvi, Dómine, quia æquitas iudicia tua, et in veritate tua humiliasti me: confige timóre tuo carnes meas, à mandátis tuis tímui.

Psal. ibid. Beáti immaculáti in via: qui ámbulant in lege Dómini.

V. Glória Patri.**Oratio.**

Deus, qui fámulam tuam Margarítam de perditionis via ad salutis tráitem misericórditer deduxisti: eádem nobis miseratione concede; ut, quam prius errántem sectári non erubúimus, mox pœniténtem ímpigre sequi gloriémur. Per Dóminum.

In Quadrages. fit commem. Feriæ.**Lectio libri Sapiéntiæ. Cant. 3. et 18.**

Surgam, et circuibo civitátem: per vicos et platéas quæram quem diligit ánima mea: quæsívi illum, et non invéni. Invenérunt me vígiles, qui custódiunt civitátem: num quem diligit ánima mea, vidístis? Páululum cum pertransíssem eos, invéni quem diligit ánima mea: ténui eum, nec dimíttam, donec introducam illum in domum matris meæ, et in cubículum genitrícis meæ. Adjúro vos, filiæ Jerúsalem, per cápreas, cervósque campórum, ne suscitétis, neque evigiláre faciátis diléctam, donec ipsa velit. Pone me ut signáculum super cor tuum, ut signáculum super bráchium tuum: quia fortis est ut mors diléctio, dura sicut inférnus æmulátio: lámpades ejus lámpades ignis, atque flammárum. Aquæ multæ non potuérunt extingueré caritátem, nec flúmina óbruent illam: si déderit homo omnem substántiam domus suæ pro dilectione, quasi nihil despíciat eam.

Graduale. Psal. 44. Diffúsa est grátia in lábiis tuis: proptérea benedíxit te Deus in ætérnum.

V. Propter veritátem, et mansuetúdinem, et justítiam: et dedúcet te mirabíliter dextera tua.

Tractus. Veni, sponsa Christi, áccipe corónam, quam tibi Dóminus præparávit in ætérnum.

V. ibid. Dilexísti justítiam, et odísti iniquitátem, proptérea unxit te Deus, Deus tuus, óleo lætítiæ præ consórtibus tuis.

V. Spécie tua et pulchritúdine tua inténde, prospere procéde, et regna.



Sequentia sancti Evangélii secúndum Matthæum. Matth. 3. 1.

In illo témpore: Dixit Jesus discí-pulis suis parábolam hanc: Sí-mile est regnum cœlórum thesáuro abscondito in agro, quem qui invenit homo, abscondit, et præ gáudio illíus vadit, et vendit univérssa quæ habet, et emit agrum illum. Iterum símile est regnum cœlórum hómini negoti-atóri, quærénti bonas margarítas. Invénta autem una pretiósa margaríta, ábiit, et véndidit ómnia, quæ hábuit, et emit eam. Iterum símile est regnum cœlórum sagénæ missæ in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sœculi: exhibunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis hæc ómnia? Dicunt ei: Etiam. Ait illis: Ideo omnis scri-ba, doctus in regno cœlórum, símilis est hómini patrifamílias, qui profert de thesáuro suo nova, et vétera.

Offertorium. Psal. 44. Diffúsa est grátia in lábiis tuis: proptérea benedíxit te Deus in ætérnum, et in sœ-culum sœculi.

Secreta.

Placationis hóstia, quam tibi of-férimus, Dómine, beátæ Margarítæ interveniénte suffrágio, optátæ nobis indulgéntiæ plenitúdinem elargiátur. Per Dóminum nostrum.

Communio. ibid. Dilexisti justitiam, et odisti iniquitatem: propterea unxit te Deus, Deus tuus, oleo lætitiæ præ consortibus tuis.

Postcommunio.

UBeres, Dómine, sanctæ tuæ Margaritæ lácrymæ duritiem nostri cordis emólliant: ut per hujus virtutem sacraménti débitas reátibus flammæ incessánti fletu extingúamus. Per Dóminum nostrum.

FERIA III.

Post Dominicam Septuagesimæ.

Missæ Orationis D. N. Jesu Christi.

Introitus. Psal. 54.



COr meum conturbatum est in me, et formido mortis cecidit super me. Timor et tremor venerunt super me. **Psal. 68.** Salvum me fac Deus: quoniam intraverunt aquæ usque ad animam meam.

V. Glória Patri.

Oratio.

Domine Jesu Christe, qui in horto verbo, et exemplo nos orare docuisti ad tentationum pericula superanda: concede propitius; ut nos orationi semper intenti, ejus copiosum fructum consequi mereamur. Qui vivis et regnas.

Lectio Epistolæ beati Pauli Apostoli ad Hebræos.

Hebr. 5.

Christus non semetipsum clarificavit, ut Pontifex fieret, sed qui locutus est ad eum: Filius meus es tu, ego hodie genui te. Quemadmodum et in alio loco dicit: Tu es Sacerdos in æternum secundum ordinem Melchisedech. Qui in diebus carnis suæ preces, supplicationesque ad eum, qui possit illum salvum facere à morte, cum clamore válido et lácrymis offerens, exauditus est pro sua reverentia. Et quidem cum esset Filius Dei, didicit ex iis, quæ passus est, obedientiam: et consummatus, factus est omnibus obtemperantibus

sibi causa salutis æternæ, appellatus à Deo Pontifex juxta ordinem Melchisedech.

Graduale. Ps. 87. Repléta est malis anima mea, et vita mea inférno appropinquavit. **V.** Æstimatus sum cum descendéntibus in lacum: factus sum sicut homo sine adjutorio.

Tractus. Psal. 68. Exaudi me Dómine, quoniam benígna est misericórdia tua. **V.** Et ne avértas faciém tuam à púero tuo: quoniam tribulor velociter exaudi me.

V. Psal. 21. Ne discésseris à me: quoniam tribulatio próxima est: quoniam non est qui adjuvet.



Sequéntia sancti Evangélíi secundum Lucam. Lucæ 22. d

IN illo témpore: egréssus Jesús ibat, secundum consuetudinem, in montem olivárum. Secúti sunt autem illum et discípuli. Et cum pervénisset ad locum, dixit illis: Oráte, ne intrétis in tentationem. Et ipse avúlsus est ab eis, quantum jactus est lápidis, et pósito génibus orábat dicens: Pater, si vis, transfér cálicem istum à me: verúmtamen non mea volúntas, sed tua fiat. Appáruit autem illi Angelus de cœlo, confortans eum. Et factus in agonía, prolixius orábat. Et factus est sudor ejus, sicut guttæ sánguinis decurréntis in terram. **Credo.**

Offertorium. Psal. 68. Salvum me fac, Deus: quoniam intraverunt aquæ usque ad animam meam.

Secreta.

Hujus sancti sacrificii méritis, fac nos, quæsumus Dómine, divína insitutíone formátos curam orationis tam effícaciter impéndere, ut Dóminus noster Jesus Christus Filius tuus in éxitu nostro vígiles, et à culpa solútos invéníat. Qui tecum vivit.

Præfatio de cruce. fol 191. vel 214.

Communio. Matth. 26. Vigilate, et oráte, ut non intrétis in tentationem.

Spíritus quidem promptus est, caro autem infirma.

Postcommunio.

Refecti alimónia cœlesti supplices te rogâmus, Pater omnipotens, ut per Unigéniti Fílii tui orationis virtútem, nos in tantis cõporis et ánimæ perículis constitúti, ad cœlestia regna secúre pervenire mereámur. Per eúmdem Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus.

FERIA III.

Post Dominicam Sexagesimæ.

In Commemoratione

SS. Passionis D. N. Jesu Christi.

Missa. Humiliávit. votiva de Passione. fol. xxxiii. præter Orationem sequentem.

Oratio.

Omnipotens sempitérne Deus, qui humano géneri, ad imitandum humilitátis exéplum, Salvátorem nostrum carnem sùmere, et crucem subire fecísti: concéde propítius; ut sicut solémnem commemoratióem Passiõis ejus celebrámus; ita et paciéntiæ ipsíus habére documénta, et resurrectionis consórtia mereámur. Per eúmdem Dóminum nostrum Jesum Christum Fílium tuum: Qui tecum vivit et regnat.

Et dicitur Credo, ac Præf. de Cruce. fol. 191 vel 214.

FERIA VI. post Cineres.

In Festo Sacratissimæ Spineæ Coronæ Domini nostri Jesu Christi.

Introitus.

Cant. 3.

Egredimini, et videte, filiæ Sion regem Salomónem in diadémate, quo coronávit eum mater sua, parans Crucem Salvatóri suo. **Ps. 8.** Glória et honóre coronásti eum, Dómine: et constituísti eum super ópera mánuum tuárum.



V. Glória Patri.

Oratio.

Præsta, quæsumus omnipotens Deus: ut qui in memóriam passiõis Dómini nostri Jesu Christi, Coronam ejus spineam venerámur in terris, ab ipso glória et honóre coronári mereámur in cœlis. Qui tecum vivit et regnat.

Et fit commemoratio Feriæ, et ejusdem Evangelium in fine.

Lectio libri Sapiéntiæ. Cant. 3. et 4.

Lectulum Salomónis sexaginta fortes ámbiunt ex fortíssimis Israel: omnes tenéntes gládios, et ad bella doctíssimi: uniuscujúsque ensis super femur suum propter timóres noctúrnos. Férculum fecit sibi rex Sálomon de lignis Líbani. Colúmnas ejus fecit argénteas, reclinatórium áureum, ascénsus purpúreum: média caritáte constrávit propter filias Jerúsalem. Egredímini, et videte filiæ Sion, regem Salomónem in diadémate, quo coronávit eum mater sua in die desponsatiõis illius, et in die lætitiæ cordis ejus. Quam pulchra es amíca mea, quam pulchra es! Oculi tui columbárum, absque eo quod intrínsecus latet. Veni de Líbano, sponsa mea, veni de Líbano, coronáberis.

Graduale. Eccli. 45. Coróna áurea super caput ejus, expréssa signo sanctitátis, glória honóris, et opus fortitúdinis. **V. Psal. 20.** Quóniam prævenísti eum in benedictiõibus dulcédinis, posuísti in cápite ejus coronam de lápide pretióso.

Tractus. Isai. 61. Induit eum Dóminus vestiméntis salútis, et indumento justitiæ, quasi sponsum decorátum coróna. **V. Isai. 28.** Coróna tribulatiõis efflóruit in coronam glóriæ, et sertum exultatiõis.

V. Sap. 5. Accépit regnum decóris, diadéma speciéi.

In Missis votivis a Pascha usque ad Pentecosten.

Allelúja, allelúja.

V. Eccli. 45. Coróna áurea super caput ejus, expréssa signo sanctitátis, glória honóris, et opus fortitúdinis. Allelúja.

V. Tibi glória, hosánna: tibi triúmpus et victória: tibi summæ laudis, et honóris coróna. Allelúja.

A Pentecoste usque ad Septuages.

Graduale. ibid. Coróna áurea super caput ejus: expréssa signo sanctitátis, glória honóris, et opus fortitúdinis. **V. Psal. 20.** Quóniam prævenisti eum in benedictionibus dulcédinis, posuisti in cápite ejus corónam de lápide pretióso.

Allelúja, allelúja.

V. Isai. 28. Coróna tribulatiónis efflóruit in corónam glóriæ, et sertum exultatiónis. Allelúja.

 **Sequéntia sancti Evangélíi secúndum Joannem. Joan. 19.**

IN illo témpore: Apprehéndit Pilátus Jesum, et flagellávit. Et milites plecténtes corónam de spinis, imposuérunt cápiti ejus, et veste purpúrea circumdedérunt eum. Et veniébant ad eum, et dicébant: Ave Rex Judæórum: et dabant ei álapas. Exívit ergo íterum Pilátus foras, et dicit eis: Ecce addúco vobis eum foras, ut cognoscátis, quia nullam invénio in eo causam. Exívit ergo Jesus portans corónam spineam, et purpúreum vestiméntum. **Credo.**

Offertorium. Tuam corónam adorámus, Dómine: tuam gloriósam recólimus passióem.

Secreta.

TUórum militum, Rex omnípotens, virtútem róborá: ut quos in hujus mortalitátis stádio unigéniti Fílii tui coróna lætíficat; consummáto cursu certáminis, immortalitátis bravium apprehéndant. Per eúmdem Dóminum nostrum.

Præfatio de Cruce. fol. 191 vel 214.

Communio. Prov. 4. Lætáre, mater nostra, quia dabit Dóminus cápiti tuo augménta gratiárum, et coróna inclyta próteget te.

Postcommunio.

Supplices te rogámus, omnípotens Deus: ut hæc sacraménta quæ sumpsimus, per sacrosáctæ Fílii tui corónæ, cujus solémnia recensémus, virtútem nobis proficiant ad medélam. Per eúmdem Dóminum.

F E R I A VI.

post Dominicam I. Quadragesimæ.

In Festo Lanceæ et clavorum

D. N. Jesu Christi.

Introitus. Psal. 21.
EOdérunt manus meas, et pedes meos, dinumeravérunt ómnia ossa mea: et sicut aqua effusus sum.

Ps. ibid. Factum est cor meum tamquam cera liquéscens in médio ventris mei. **V. Glória Patri.**

Oratio.

Deus, qui in assúptæ carnis infirmitáte Clavis affígi, et Láncea vulnerári pro mundi salúte voluísti: concéde propítius; ut qui eorúmdem Clavórum, et Lánceæ solémnia venerámur in terris, de glorióso victóriæ tuæ triúmpho gratulémur in cœlis. Qui vivis et regnas.

Léctio Zachariæ Prophétæ.

Zach. 12. c

HÆc dicit Dóminus: Effúndam super domum David, et super habitatóres Jerúsalem spíritum grátiæ, et precum, et aspicient ad me, quem confixerunt: et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Jerúsalem, et dicétur ei: Quid sunt plagæ istæ in médio mánuum tuárum? Et dicet: His plagátus sum in domo eórum, qui diligébant me. Frámea suscitáre super pastórem meum, et super virum cohæréntem mihi, dicit Dóminus exercítuum: pércute pastórem, et dispergéntur oves; ait Dóminus omnípotens.

Graduale. Psal. 68. Improperium expectavit cor meum, et miseriam: et sustinui, qui simul mecum contristaretur, et non fuit: consolantem me quaesivi, et non inveni.

V. Dederunt in escam meam fel, et in siti mea potaverunt me aceto.

Tractus. Isaiae. 53. Vere languores nostros ipse tulit, et dolores nostros ipse portavit.

V. Et nos putavimus eum quasi leprosum, et percussum à Deo, et humiliatum.

V. Ipse autem vulneratus est propter iniquitates nostras, attritus est propter scelera nostra.

V. Disciplina pacis nostrae super eum, et livore ejus sanati sumus.

In Missis votivis a Pascha usque ad Pentecosten. Allelúja, allelúja.

V. Ave rex noster: tu solus nostros es miseratus errores: Patri obediens, ductus es ad crucifigendum, ut agnus mansuetus ad occisionem. Allelúja.

V. Tibi gloria, hosanna: tibi triumphus et victoria: tibi summæ laudis et honoris corona. Allelúja.

¶ Per annum usque ad Septuagesimam omissio Tractu cum seq. versib. dicitur Graduale. Improperium. cum suo versu, ut supra, et postea dicitur. Allelúja, allelúja.

V. Ave rex noster, tu solus nostros es miseratus errores: Patri obediens, ductus es ad crucifigendum, ut agnus mansuetus ad occisionem. Allelúja.

Sequentia sancti Evangelii secundum Joannem. Joan. 19. e

IN illo tempore: Sciens Jesus, quia omnia consummata sunt, ut consummaretur scriptura, dixit: Sitio. Vas ergo erat positum aceto plenum. Illi autem spongiam plenam aceto, hyssopo circumponentes, obtulerunt ori ejus. Cum ergo accepisset Jesus acetum, dixit: Consummatum est. Et inclinato capite tradidit spiritum. Judæi ergo (quoniam Parascève erat) ut non remanerent in

cruce corpora sabbato, (erat enim magnus dies ille sabbati) rogaverunt Pilatum, ut frangerentur eorum crura, et tollerentur. Venierunt ergo milites; et primi quidem freguerunt crura, et alterius, qui crucifixus est cum eo. Ad Jesum autem cum venissent, ut viderent eum jam mortuum, non freguerunt ejus crura, sed unus militum lancea latus ejus aperuit, et continuo exivit sanguis et aqua. Et qui vidit, testimonium perhibuit: et verum est testimonium ejus. **Credo.**

Offertorium. Insurrexerunt in me viri iniqui, absque misericordia quaesierunt me interficere; et non pepercerunt in faciem meam sperere: lanceis suis vulneraverunt me, et concussa sunt omnia ossa mea.

Secreta.

Sanctificet nos, quaesumus Domine, hoc sanctum et immaculatum sacrificium vespertinum: quod unigenitus Filius tuus in cruce obtulit pro salute mundi. Qui tecum vivit, et regnat.

Præfatio de Cruce. fol. 191 vel 214.

Communio. Videbunt in quem transfixerunt, cum moverentur fundamenta terræ. **Postcommunio.**

Domine Jesu Christe, qui temetipsum in cruce holocaustum immaculatum et spontaneum Deo Patri obtulisti: quaesumus; ut ejusdem sacrificii oblatio veneranda indulgentiam nobis obtineat, et gloriam sempiternam. Qui vivis, et regnas.

FERIA VI.

Post Dominicam II. Quadr.

In Festo Sacratiss. Sindonis D. N. J. C. Introitus.



Humiliavit semetipsum Dominus Jesus Christus usque ad mortem, mortem autem crucis: propter quod et Deus exaltavit illum, et donavit illi nomen, quod est super omne nomen.

Psal. 88. Misericórdias Dómini in ætérnum cantábo: in generatióem, et generatióem annuntiábo veritátem tuam in ore meo.

V. Glória Patri.

Oratio.

DEus, qui nobis in sancta Síndone, qua Corpus tuum sacratíssimum è cruce depósitum, à Joseph involútum fuit, passióis tuæ vestígia reliquisti: concéde propítius; ut per mortem et sepultúram tuam, ad resurrectionis glóriam perducámur. Qui vivis et regnas.

Lectio Isaíæ Prophétæ.

Isai. 62. et 63.

HÆc dicit Dóminus Deus: Dícite Filíæ Sion: Ecce Salvátor tuus venit: ecce merces ejus cum eo. Quis est iste, qui venit de Edom, tinctis véstibus de Bosra? Iste formósus in stola sua, grádiens in multitúdine fortitúdinis suæ. Ego, qui loquor justítiam, et propugnátor sum ad salvándum. Quare ergo rubrum est indumentum tuum, et vestiménta tua, sicut calcántium in torculári? Tórcular calcávi solus, et de géntibus non est vir mecum: calcávi eos in furóre meo, et conculcávi eos in ira mea: et aspérsus est sanguis eórum super vestiménta mea, et ómnia indumentá mea inquinávi. Dies enim ultiónis in corde meo, annus redemptionis meæ venit. Circumspéxi, et non erat auxiliátor: quæsívi, et non fuit qui adjuváret; et salvávit mihi bráchium meum, et indignátio mea ipsa auxiliáta est mihi. Et conculcávi pópulos in furóre meo, et inebriávi eos in indignatióne mea, et detráxi in terram virtútem eórum. Miseratiónum Dómini recordábor, laudem Dómini super ómnibus, quæ réddidit nobis Dóminus Deus noster.

Graduale. Psal. 68. Impropérium expectávit cor meum, et misériam: et sustínui, qui simul mecum contristarétur, et non fuit: consolántem me quæsívi, et non invéni.

V. Dedérunt in escam meam fel, et in siti mea potavérunt me acéto.

Tractus. Isai. 53. Vere languóres nostros ipse tulit, et dolóres nostros ipse portávit.

V. Et nos putávimus eum quasi leprósum, et percússum à Deo, et humiliátum. **V.** Ipse autem vulnerátus est propter iniquitátes nostras, attrítus est propter scélera nostra.

V. Disciplína pacis nostræ super eum, et livóre ejus sanáti sumus.



Sequéntia sancti Evangélii secúndum Marcum. Marc. 15. d

IN illo témpore: Cum jam sero esset factum, (quia erat Parascéve, quod est ante Sábbatum) venit Joseph ab Arimathæa, nóbilis decúrio, qui et ipse erat expéctans regnum Dei, et audácter introívit ad Pilatum, et pétiiit corpus Jesu. Pilátus autem mirabátur, si jam obiisset. Et accersito centurióne, interrogávit eum, si jam mórtuus esset. Et cum cognovisset à centurióne, donávit corpus Joseph. Joseph autem mercátus síndonem, et depónens eum invólvit síndone, et pósuit eum in monuménto, quod erat excísus de petra, et advólvit lápidem ad óstium monuménti. **Credo.**

Offertorium. Ingréssus Aaron tabernáculum, ut holocáustum offérret super altáre pro peccátis filiórum Israel, túnica línea indútus est.

Secreta.

ACcépta tibi, Dómine, sint hæc múnera, cui pro mundi salúte grata éxstitit Fílii tui pássio gloriósa. Per eúmdem Dóminum nostrum Jesum Christum Fílium tuum.

Præfatio de Cruce. fol. 191 vel 214.

Communio. Marc. 15. Joseph autem mercátus síndonem, et depónens eum invólvit síndone.

Postcommunio.

Satiásti, Dómine, famíliam tuam munéribus sacris: quæsumus, ut per temporálem Fílii tui mortem,

quam mystéria veneránda testántur, vitam te nobis dedísse perpétuam confidámus. Per eúmdem Dóminum.

FERIA VI.

**Post Dom. III. Quadragesimæ.
In Festo Sacr. Quinque Plagarum
D. N. Jesu Christi.**

**Missa. Humiliávit. votiva de Pas-
sione. fol. xxxviii. præter Orationes
sequentes.**

Oratio.

DEus, qui unigéniti Fílii tui pas-
sione, et per quinque vúlnera
ejus, Sánguine effusione humánam
natúram peccáto pérditam reparásti:
tribue nobis, quæsumus; ut qui ab eo
suscepta vúlnera venerámur in ter-
ris, ejúsdem pretiosíssimi Sánguine
fructum cónsequi mereámur in cœ-
lis. Per eúmdem Dóminum nostrum.

**In Quadragesima fit commemora-
tio Feriæ, et legitur ejusdem Evan-
gelium in fine. Et dicitur Credo.**

Secreta.

MAjestáti tuæ, quæsumus Dó-
mine, accépta sint dona, in
quibus ipsa Unigéniti tui vúlnera ti-
bi offérimus, nostræ prétia libertátis.
Per eúmdem Dóminum nostrum.

Præfatio de Cruce. fol. 191 vel 214.

Postcommunio.

REfecti vitálibus alimóniis, quæ-
sumus Dómine Deus noster: ut
qui vúlnera Dómini nostri Jesu Chri-
sti hódie devóte cólimus, hæc in no-
stris córdibus impréssa, móribus et
vita teneámus. Per eúmdem Dómi-
num nostrum.

FERIA VI.

**Post Dom. IV. Quadragesimæ.
In Festo Pretiosissimi Sanguinis
D. N. Jesu Christi.**

Introitus.**Apoc. 5.**

Edemísti nos, Dómine,
in Ságuine tuo, ex o-
mni tribu, et lingua, et
pópulo, et natione, et
fecísti nos Deo nostro
regnum.

**Psal. 88. Misericórdias Dómini in
ætérnum cantábo: in generatióem
et generatióem annuntiábo veritá-
tem tuam in ore meo.**

V. Glória Patri.

Oratio.

OMnípotens sempitérne Deus,
qui unigénitum Fílium tuum
mundi Redemptórem constituísti, ac
ejus Ságuine placári voluísti: con-
céde, quæsumus; salútis nostræ pré-
tium solémni cultu ita venerári, atque
à præsentis vitæ malis, ejus virtúte,
deféndi in térris, ut fructu perpétuo
lætémur in cœlis. Per eúmdem Dó-
minum nostrum.

**Et fit commemoratio Feriæ et legi-
tur ejusdem Evangelium in fine.**

**Lectio Epístolæ beáti Pauli Apóstoli
ad Hebræos.**

Hebr. 9.

FRatres, Christus assístens Pón-
tifex futurórum bonórum, per
ámplius et perféctius tabernáculum
non manufactum, idest non hujus
creationis: neque per ságuinem
hircórum aut vitulórum, sed per pró-
prium Ságuinem introívit semel in
sancta, æténa redemptione invénta.
Si enim sanguis hircórum, et tauró-
rum, et cinis vítulæ aspérsus iniqui-
nátos sanctificat ad emundatióem
carnis; quanto magis Sanguis Chri-
sti, qui per Spíritum sanctum semet-
ípsam obtulit immaculátum Deo, e-
mundábit consciéntiam nostram ab
opéribus mórtuis, ad serviéndum
Deo vivénti? Et ídeo novi testamén-
ti mediátor est, ut morte intercedén-
te, in redemptionem eárum prævari-
cationum, quæ erant sub prióri testa-
ménto, repromissionem accípiant qui
vocáti sunt æternæ hæreditátis, in
Christo Jesu Dómino nostro.

**Graduale. 1. Joann. 5. Hic est qui
venit per aquam et ságuinem, Je-
sus Christus: non in aqua solum, sed
in aqua et ságuine.**

**V. Tres sunt qui testimónium dant
in cœlo: Pater, Verbum, et Spíri-
tus sanctus: et hi tres, unum sunt.**

Et tres sunt qui testimonium dant in terra: Spiritus, Aqua, et Sanguis: et hi tres unum sunt.

Tractus. Ephes. 1. Gratificavit nos Deus in dilecto Filio suo, in quo habemus redemptionem per Sanguinem ejus.

V. Remissionem peccatorum, secundum divitias gratiae ejus, quae superabundavit in nobis.

V. Rom. 3. Justificati gratis per gratiam ipsius, per redemptionem, quae est in Christo Jesu.

V. Quem proposuit Deus propitiationem per fidem in sanguine ipsius.

Tempore Paschali in Missis votivis dicitur Allelúja, allelúja.

V. Apoc. 5. Dignus es, Domine, accipere librum, et aperire signacula ejus: quoniam occisus es, et redemisti nos Deo in Sanguine tuo. Allel.

V. Exod. 12. Erit autem sanguis vobis in signum: et videbo sanguinem, et transibo vos: nec erit in vobis plaga disperdens. Allelúja.

In Missis votivis per annum dicitur sequens

Graduale. 1. Joann. 5. Hic est qui venit per aquam et sanguinem, Jesus Christus: non in aqua solum, sed in aqua et sanguine.

V. Tres sunt, qui testimonium dant in caelo: Pater, Verbum, et Spiritus sanctus: et hi tres, unum sunt. Et tres sunt, qui testimonium dant in terra: Spiritus, Aqua, et Sanguis: et hi tres, unum sunt..

Allelúja, allelúja.

V. Si testimonium hominum accipimus, testimonium Dei majus est. Allelúja.

 **Sequentia sancti Evangelii secundum Joannem. Joan. 19. f**

IN illo tempore: Cum accepisset Jesus acetum, dixit: Consummatum est. Et inclinato capite tradidit spiritum. Judaei ergo (quoniam Parascève erat) ut non remanerent in cruce corpora sabbato (erat enim

magnus dies ille sabbati), rogaverunt Pilatum, ut frangerentur eorum crura, et tollerentur. Venérunt ergo milites, et primi quidem fregérunt crura et alterius qui crucifixus est cum eo. Ad Jesum autem cum venissent, ut viderent eum jam mortuum, non fregérunt ejus crura; sed unus militum lancea latus ejus aperuit, et continuo exivit sanguis et aqua. Et qui vidit, testimonium perhibuit: et verum est testimonium ejus.

Credo.

Offertorium. 1. Cor. 10. Calix benedictionis, cui benedicimus, nonne communicatio Sanguinis Christi est? Et panis, quem frangimus, nonne participatio corporis Domini est?

Secreta.

Per haec divina mysteria, ad novi, quaesumus, testamenti mediatorem Jesum accedamus: et super altaria tua, Domine virtutum, asperisionem Sanguinis, melius loquentem, quam Abel, innovemus. Per eundem Dominum.

Præfatio de Cruce. fol. 191. vel 214.

Communio. Hebr. 9. Christus semel oblatus est ad multorum exaurienda peccata: secundo sine peccato apparebit expectantibus se, in salutem.

Postcommunio.

AD sacram, Domine, mensam admissi, hausimus aquas in gaudio de fontibus Salvatoris: Sanguis ejus fiat nobis, quaesumus, fons aquae in vitam aeternam salientis. Qui tecum vivit.

DIE I. MARTII.

B. Joannae Mariae Bonomo virginis.

Missa. Dilexisti. de Communi Virginum. fol. xxiii. præter Orationes sequentes. Oratio.

Domine Jesu Christe, virtutum omnium exemplar et præmium, qui beatam Joannam Mariam virginem tuam admirabili patientia pro nominis tui amore decorasti: da

pópulo tuo ejus solémnia celebránti, ita sequi vestígia, ut assequátur et præmia. Qui vivis.

Et fit commem. Feriæ in Quadrag. Secreta.

Placatiónis hóstia, quam tibi offerimus, Dómine, intercedente beáta Joáнна María optátæ nobis paciéntiæ plenitúdinem largiátur. Per Dóminum nostrum.

Postcommunio.

Præsta nobis, omnipotens Deus: ut qui in honórem beátæ Joánnæ Mariæ cœlestia aliménta percépimus: per ejus vestígia gradiéntes, carne mortificáti facílius ad te perveníre valeámus. Per Dóminum.

DIE II. MARTII.

S. Simplicii Papæ et Confessoris.

Missa. Statuit. primo loco. fol. xiii.

DIE IV. MARTII.

S. Lucii Papæ et Martyris.

Missa. Sacerdótes Dei. secundo loco. fol. iii.

DIE V. MARTII.

S. Joannis Josephi a Cruce Confess.

Missa. Justus ut palma. de Comuni secundo loco. fol. xviii.

Oratio.

Deus, qui beátum Joánnem Joséphum confessórem tuum per árduas paupertátis, humilitátis, et paciéntiæ vias cœlesti glória sublimásti: da nobis quæsumus; ut carne mortificáti ejus imitémur exémpa, et gáudiis perfruámur ætérnis. Per Dóminum nostrum.

Secreta.

EO caritátis ardóre, quo beátus Joánnes Joséphus Agnum immaculátum, qui ábstulit peccáta mundi, méruit immoláre, fac nos propitiatiónis hóstiam tibi dignánter offerre. Per Dóminum nostrum.

Postcommunio.

Concède quæsumus, Dómine Jesu Christe: ut quos salutáribus mystériis refícere dignátus es, beáti Joánnis Joséphi exémplo, vivificæ

Cruci júgiter adhæréntes úberem Passiόνis tuæ fructum percípere mereámur. Qui vivis et regnas.

EADEM DIE.

B. Hieronymi de Recineto Ordinis Eremit. S. Augustini.

Introitus.

Eccli. 50.



Et nobis Dóminus jucunditátem cordis, et fieri pacem in diebus nostris per dies sempitérnos.

Psal. 28. Dóminus virtútem pópulo suo dabit, Dóminus benedícet pópulo suo in pace.

V. Glória Patri.

Oratio.

Deus áuctor pacis, caritátisque amátor et custos, méritis et intercessióne beáti Hierónymi confessoris tui cunctórum remissiónem nobis tríbue peccatórum; ut, in pace et caritáte firmáti, dextera protectionis tuæ ab ómnibus tueámur advérsis. Per Dóminum nostrum.

Léctio Epístolæ beáti Pauli Apóstoli ad Colossénses. Coloss. 3.

Fratres, induíte vos sicut elécti Dei, sancti, et dilécti, víscera misericórdiæ, benignitátem, humilitátem, modéstiam, paciéntiam. Supportántes ínvicem, et donántes vobismetípsis, si quis advérsus áliquem habet querélam: sicut et Dóminus donávit vobis, ita et vos. Super ómnia autem hæc caritátem habéte, quod est vínculo perfectiόνis. Et pax Christi exúltet in córdibus vestris, in qua et vocáti estis in uno corpore, et grati estóte. Verbum Christi hábitet in vobis abundánter in omni sapiéntia, docéntes, et commónentes vosmetípsos psalmis, hymnis, et cánticis spirituálibus, in grátia cantántes in córdibus vestris Deo. Omne quodcúmque fácitis in verbo, aut in ópere, ómnia in nómine Dómini Jesu Christi, grátias ágéntes Deo, et Patri per ipsum.

Graduale. Psal. 88. Deus qui glorificatur in consilio Sanctorum: magnus, et terribilis super omnes, qui in circuitu ejus sunt.

V. Psal. 105. Quis loquetur potentias Domini, auditas faciet omnes laudes ejus? **Allelúja, allelúja.**

V. Eccli. 48. Surrexit vir Dei quasi ignis, et verbum ipsius quasi facula ardebat, et in verbo ejus stetit aqua sicut congéries.

Post Septuages. Tractus. Ps. 75. Notus in Judaea Deus: in Israel magnum nomen ejus.

V. Ibi confrégit potentias arcuum, scutum, gladium, et bellum.

V. Psal. 76. In mari via tua, et semitae tuae in aquis multis: et vestigia tua non cognoscuntur.



Sequentia sancti Evangelii secundum Matthaeum. Matth. 5.

In illo tempore: Dixit Jesus discipulis suis: Diligite inimicos vestros, benefacite his, qui odérunt vos; et oráte pro persequentibus, et calumniántibus vos: ut sitis filii Patris vestri, qui in caelis est: qui solem suum oriri facit super bonos, et malos, et pluit super justos, et injustos. Si enim diligitis eos, qui vos diligunt, quam mercedem habébitis? Nónne et publicáni hoc faciunt? Et si salutáveritis fratres vestros tantum, quid ámplius facitis? Nónne et éthnici hoc faciunt? Estóte ergo vos perfecti, sicut et Pater vester caelestis perfectus est.

Offertorium. Eccl. 54. Ipsum elégit ab omni vivente offerre Sacrificium Deo, incensum, et bonum odorem, in memoriam placare pro populo suo.

Secreta.

Oblátis, quæsumus Domine, beáto Hierónymo confessore tuo intercedente, placare munéribus: ut, indulgéntia peccatorum nostrorum obténta, mútua caritate vivéntes in terris, perpétua pace perfruámur in caelis. Per Dóminum.

Communio. Jos. 8. Obtulit super Altáre holocáusta Dómino, immolavitque pacíficas víctimas.

Postcommunio.

Hæc nos commúnio, Domine, purget à crimine: et intercedente beáto Hierónymo confessore tuo, pacem nostris concéde temporibus. Per Dóminum nostrum Jesum Christum Fílium tuum.

DIE VI. MARTII.

Sanctæ Coletæ Virginis.

Missa. Dilexisti. de Communi. fol. xxiii.

Oratio.

Domine Jesu Christe, qui beátam Colétam vírginem tuam caelestibus donis cumulásti: tribue quæsumus; ut ejus virtútes æmulántes in terris, ætérnis gáudiis cum ipsa perfruámur in caelis. Qui vivis.

DIE XII. MARTII.

S. Gregorii Papæ Confess. et Doct. Missa, ut in Missali. fol. 360.

DIE XV. MARTII.


S. Zachariæ Papæ et Confessoris.

Missa. Státuit. primo loco. fol. xiii.

DIE XVIII. MARTII.

S. Gabrielis Archangeli.

Introitus. Psal. 102.



Benedícite Dóminum omnes Angeli ejus: poténtes virtúte, qui facitis verbum ejus, ad audiéndam vocem sermónum ejus.

Psal. ibid. Benedic ánima mea Dómino: et ómnia quæ intra me sunt, nómini sancto ejus.

V. Glória Patri.

Oratio.

Deus qui inter céteros Angelos, ad annuntiándum Incarnatiónis tuæ mystérium, Gabriélem Archángelum elegisti: concéde propítius; ut qui festum ejus celebrámus in terris, ipsius patrocínium sentiámus in caelis. Qui vivis, et regnas.

Et fit commemoratio Feriæ.

Lectio Daniélis Prophætæ. Dan. 9. f

IN diébus illis: Ecce vir Gábriel, quem víderam in visione à principio, cito volans tétigit me in témpore sacrificii vespertíni. Et dócuit me, et locútus est mihi, dixítque: Dániel, nunc egréssus sum, ut dócerem te, et intelligeres. Ab exórdio precum tuárum egréssus est sermo: ego autem veni, ut indicárem tibi, quia vir desideriórum es: tu ergo animadvérte sermónem, et intéllege visió-nem. Septuagínta hebdómades abbreviátæ sunt super pópulum tuum, et super urbem sanctam tuam, ut consummétur prævaricátio, et finem accípiat peccátum, et deleátur iniquitas, et adducátur justítia sempitérna, et impleátur visio et prophetía: et ungátur sanctus sanctorum. Scito ergo, et animadvérte: ab éxitu sermónis ut íterum ædificétur Jerúsalem, usque ad Christum ducem, hebdómades septem, et hebdómades sexagínta duæ erunt, et rursum ædificábitur platéa, et muri in angústia témporum. Et post Hebdómades sexagínta duas occidétur Christus: et non erit ejus pópulus, qui eum negáturus est. Et civitátem, et sanctuárium dissipábit pópulus cum duce ventúro: et finis ejus vástitas, et post finem belli statúta desolátio.

Graduale. Ps. 102. Benedícite Dóminum omnes Angeli ejus, poténtes virtúte, qui fácitis verbum ejus.

V. Benedic ánima mea Dóminum, et ómnia interióra mea nomen sanctum ejus.

Tractus. Luc. 1. Ave María, grátia plena, Dóminus tecum.

V. Benedícta tu in muliéribus: et benedíctus fructus ventris tui.

V. Ecce concípies et páries Fílium, et vocábis nomen ejus Emmánuel.

V. Spíritus sanctus supervéniet in te, et virtus Altíssimi obumbrábit tibi.

V. Ideóque et quod nascétur ex te sanctum, vocábitur Fílius Dei.

¶ Si hoc Festum post Pascha celebratur, omissis Graduali, et Tractu dicitur: Allelúja, allelúja.

V. Ps. 103. Qui facit Angelos suos spíritus: et ministros suos flammam ignis. Allelúja.

V. Luc. 1. Ave María, grátia plena, Dóminus tecum: benedícta tu in muliéribus. Allelúja.

Sequéntia sancti Evangélíi secundum Lucam. Luc. 1. c

IN illo témpore: Missus est Angelus Gábriel à Deo in civitátem Galilææ, cui nomen Názareth, ad vírginem desponsátam viro, cui nomen erat Joseph, de domo David, et nomen vírginis, María. Et ingressus Angelus ad eam, dixit: Ave grátia plena: Dóminus tecum: benedícta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei: Ne tíneas, María: invenísti enim grátiam apud Deum: ecce concípies in útero, et páries fílium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábit in domo Jacob in ætérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognósco? Et respóndens Angelus, dixit ei: Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit fílium in senectúte sua: et hic mensis sextus est illi, quæ vocátur stérilis: quia non erit impossibile apud Deum omne verbum. Dixit autem María: Ecce ancílla Dómini, fiat mihi secundum verbum tuum. **Credo.**

Offertorium. Apoc. 8. Stetit Angelus juxta aram templi, habens thuríbulum áureum in manu sua: et data sunt ei incénsa multa, et ascéndit fumus arómatum in conspéctu Dei.

Secreta.

A Cceptum fiat in conspectu tuo, Dómine, nostræ servitutis munus, et beáti Archángeli Gabriélis oratio: ut qui à nobis veneratur in terris, sic apud te pro nobis sit advocatus in cœlis. Per Dóminum.


Communio. Dan. 3. Benedícite omnes Angeli Dómini Dómino: hymnum dícite, et superexaltáte eum in sæcula.

Postcommunio.

Corporis tui et Sanguinis sumptis mystériis, tuam, Dómine Deus noster, deprecámur cleméntiam: ut, sicut Gabriéle nuntiánte, Incarnatió nem tuam cognóvimus, ita ipso adjuvánte, Incarnatió nis ejúsdem beneficia consequámur. Qui vivis.

EADEM DIE.

**Alia Missa ejusdem Festi.
Pro Diœcesi Venetiarum.**

Introitus.**Psal. 67.**

Rævenérunt príncipes conjúcti psalléntibus, in médio juvenculárum tympanistriárum.

Ps. ib. Exúrgat Deus, et dissipéntur inimíci ejus: et fúgiant qui odérunt eum, à fácie ejus.

V. Glória Patri.

Oratio.

Deus, qui inter céteros Angelos, ad annuntiándum Incarnatió nis tuæ mystérium, Gabriélem Archángelum elegísti: concéde propítius; ut qui festum ejus celebrámus in terris, ipsíus patrocínium sentiámus in cœlis. Qui vivis, et regnas.

Postea fit commem. Feriæ occur.

Léctio Daniélis Prophétæ. Dan. 9. f

IN diébus illis: Factum est cum orárem, et confitérer peccáta mea, et peccáta pópuli mei Israel, et prostérnerem preces meas in conspectu Dei mei pro monte sancto Dei mei: adhuc me loquente in oratióne, ecce vir Gábriel, quem víderam in visióne à principio, cito volans tétigit me in témpore sacrificii vespertíni. Et dócuit me, et locútus est mihi,

dixítque: Dániel, nunc egréssus sum ut docérem te, et intelligeres. Ab exórdio precum tuárum egréssus est sermo: ego autem veni ut indicárem tibi, quia vir desideriórum es: tu ergo animadvérte sermónem, et intéllige visió nem. Septuagínta hebdomades abbreviátæ sunt super pópulum tuum, et super urbem sanctam tuam, ut consummé tur prævaricatio, et finem accípiat peccátum, et deleátur iníquitas, et adducátur justítia sempitérna, et impleátur visio, et prophetía, et ungátur sanctus sanctorum. Scito ergo, et animadvérte: Ab éxitu sermónis ut íterum ædificétur Jerúsalem, usque ad Christum ducem, hebdomades septem, et hebdomades sexagínta duæ erunt, et rursum ædificábitur platéa et muri in angústia témporum. Et post hebdomades sexagínta duas occidétur Christus: et non erit ejus pópulus qui eum negáturus est. Et civitátem, et sanctuárium dissipábit pópulus cum duce ventúro: et finis ejus vástitas, et post finem belli statúta desolátio. Confirmábit autem pactum multis hebdomada una: et in dimídio hebdomadis deficiet hóstia, et sacrificium: et erit in templo abominátio desolatió nis: et usque ad consummatió nem et finem perseverábit desolátio.

Graduale. Luc. 1. Ingréssus Angelus Gábriel ad beátam vírginem, salutávit eam: Ave grátia plena, Dóminus tecum: benedícta tu in muliéribus.

V. Quæ, cum audísset, turbáta est in sermóne ejus: Ne tíneas, María: invenísti grátiam apud Dóminum.

Tractus. Gaude, María virgo, cunctas hæreses sola interemísti.

V. Quæ Gabriélis Archángeli dictis credidísti. **V.** Dum Virgo Deum et hóminem genuísti, et post partum virgo invioláta permansísti.

Post Pascha, omissio Graduali, et Tractu dicitur

Allelúja, allelúja.

V. ibid. Angelus Dómini nuntiávit Mariæ, et concépit de Spíritu sancto. Allelúja.

V. Ne timeas, María: invenisti grátiam apud Dóminum. Allelúja.

Sequéntia sancti Evangélíi secúndum Lucam. Lucæ 1. c.

IN illo témpore: Missus est Angelus Gábriel à Deo in civitátem Galilææ, cui nomen Názareth, ad vírginem desponsátam viro, cui nomen erat Joseph, de domo David, et nomen vírginis, María. Et ingressus Angelus ad eam, dixit: Ave grátia plena: Dóminus tecum: benedícta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei: Ne timeas María: invenisti enim grátiam apud Deum: ecce concípies in útero, et páries fílium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnabit in domo Jacob in ætérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognósko? Et respóndens Angelus, dixit ei: Spíritus sanctus supervéniet in te, et virtus Altíssimi obumbrábit tibi. Ideoque, et quod nascétur ex te sanctum, vocábitur Fílius Dei. Et ecce Elísabeth cognáta tua, et ipsa concépit fílium in senectúte sua: et hic mensis sextus est illi, quæ vocátur stérilis: quia non erit impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum. **Credo.**

Offertorium. Gábriel Angelus stans à dextris altáris incénsi, ipse pro nobis ófferat oratióem ad Dóminum: ut acceptábile sibi sit sacrificium nostrum. **Secreta.**

ANnue nobis, miséricors Deus: ut intercedénte beáto Gabriэле Archángelo tuo, hóstias placatió-

tionis et laudis sincéro tibi deferámus obséquio. Per Dóminum nostrum.

Communio. Luc. 1. Gábriel Angelus locútus est Mariæ, dicens: Ave grátia plena, Dóminus tecum: benedícta tu in muliéribus. **Postcommunio.**

DA nobis, quæsumus Dómine Deus noster: ut intercedénte beáto Gabriэле Archángelo tuo, quæ tua sunt júgiter exequéntes, donis mereámur cœlestibus propinquáre. Per Dóminum nostrum.

DIE XX. MARTII.

B. Hippolyti Galantini Confessoris.

Missa. Os justi. de Communi Conf. non Pontif. fol. xvii. Oratio.

DEus, qui ad Christiánam parvulorum et rúdiú institutióem beátum Hippólytum inter sæculi curas singulári caritáte decorásti: ipsíus méritis concéde; nos ópere implére quæ fide percépimus, et ad promíssa fídelibus gáudia perveníre. Per Dóminum nostrum **Secreta.**

SAcra múnera, Dómine, quæ tibi offérimus, eum nobis cónferant fervórem caritátis, quo beátus Hippólytus júgiter in tuo famulátu flagrábat. Per Dóminum nostrum.

Postcommunio.

DIvína doctrína institútis, et cœlesti mensa satiátis Spíritum nobis, Dómine, tuæ dilectiόνis infúnde, quo beátus Hippólytus corde fervébat, et álios verbo et exémplo stúduit inflammáre. Per Dóminum nostrum. in unitáte ejúsdem Spíritus.

DIE XXVIII. MARTII.

S. Sixti III. Papæ et Confessoris.

Missa. Státuit. primo loco. fol. xiii.

DOMINICA III. post Pascha
In Festo Patrocínii S. Joseph Conf.
Sponsi B. Mariæ virginis.

Introitus. Psal. 32.

ADjútor, et protéctor noster est Dóminus: in eo lætábitur cor nostrum, et in nómine sancto ejus sperá-

vimus. Allelúja, allelúja. **Ps. 79.** Qui regis Israel inténde: qui dedúcis velut ovem Joseph.

V. Glória Patri.

Oratio.

Deus, qui ineffábili providéntia beátum Joseph sanctíssimæ Genitrícis tuæ sponsum elígere dignátus es: præsta quæsumus; ut quem protectórem venerámur in terris, intercessórem habére mereámur in cœlis. Qui vivis et regnas cum Deo Patre.

Deinde fit commem. Dominicæ III. fol. 245.

Léctio libri Génesis. Gen. 49. c

Filius accrésceus, Joseph, filius accrésceus, et decórus aspéctu: filiæ discurrérunt super murum. Sed exasperavérunt eum, et jurgáti sunt, inviderúntque illi habéntes jácula. Sedit in forti arcus ejus, et dissolúta sunt víncula brachiórum, et mánuum illíus per manus poténtis Jacob: inde pastor egréssus est, lapis Israel. Deus patris tui erit adjútor tuus, et omnípotens benedícet tibi benedictiónibus cœli désuper, benedictiónibus abyssi jacéntis deórsum, benedictiónibus úberum et vulvæ. Benedictiónes patris tui confortátæ sunt benedictiónibus patrum ejus, donec veníret desidérium cóllium æternórum: fiant in cápite Joseph, et in vértice Nazaræi inter fratres suos.

Allelúja, allelúja.

V. De quacúmque tribulatióne clamáverint ad me, exáudiam eos, et ero protectór eórum semper. **Allelúja.**

V. Fac nos innócuam, Joseph, decurrere vitam: sitque tuo semper tuta patrocínio. **Allelúja.**

 **S**equéntia sancti Evangélíi secúndum Lucam. **Luc. 3. d**

In illo témpore: Factum est autem cum baptizarétur omnis pópulus, et Jesu baptizáto, et oránte, apértum est cœlum: et descéndit Spíritus san-

ctus corporáli spécie sicut colúmba in ipsum; et vox de cœlo facta est: Tu es, Fílius meus diléctus, in te compláculi mihi. Et ipse Jesus erat incípiens quasi annórum trigínta, ut putabátur filius Joseph. **Credo.**

Offertorium. Ps. 147. Lauda Jerúsalem Dóminum: quóniam confortávit seras portárum tuárum, benedíxit filiis tuis in te. **Allelúja, allelúja.**

Secreta.

Sanctíssimæ genitrícis tuæ sponsi patrocínio suffúlti, rogámus, Dómine, cleméntiam tuam: ut corda nostra fácias terréna cuncta despícere, ac te verum Deum perfécta caritaté dilígere. Qui vivis.

Communio. Matth. 1. Jacob autem genuit Joseph virum Mariæ, de qua natus est Jesus, qui vocátur Christus. **Allelúja, allelúja.**

Postcommunio.

Divíni múnieris fonte refécti, quæsumus, Dómine Deus noster: ut, sicut nos facis beáti Joseph protectione gaudére; ita ejus méritis et intercessióne, cœléstis glóriæ fácias esse partícipes. Per Dóminum.

In fine legitur Evangel. Domin. III.

DOMINICA IV.

post Pascha.

Sanctæ Catharinæ Fliscæ Adurnæ Viduæ.

Missa. Cognóvi. de Communi nec Virginis nec Martyr. fol. xxvi. præter Orationem sequentem.

Oratio.

Deus, qui beátam Catharínam in contemplánda Fílii tui passióne, divíni amóris igne flagráre fecísti: quæsumus; ut ipsa intercedén-te, tuæ in nobis flammam caritátis accéandas, et ejúsdem passiónis partícipes dignánte efficias. Per eúmdem Dóminum.

Et fit commem. Dominicæ occur. et in fine legitur Evangelium ejusdem Dominicæ, et dicitur Credo.

DIE VI. APRILIS.

S. Sixti I. Papæ et Martyris.**Temp. Pasch. Missa. Protexisti. fol. vi. Extra Temp. Pasch. Státuit. primo loco. fol. ii.**

DIE VII. APRILIS.

S. Cœlestini I. Papæ et Confess.**Missa. Státuit. primo loco. fol. xiii.**

DIE XI. APRILIS.

S. Leonis I. Papæ et Confessoris.**Missa ut in Missali. fol. 369.**

DIE XII. APRILIS.

S. Julii I. Papæ et Confessoris.**Missa. Státuit. primo loco. fol. xiii.**

DIE XVII. APRILIS.

S. Aniceti Papæ et Martyris.**Missa ut in Missali. fol. 273. Extra tempus Pasch. Sacerdotes. secundo loco. fol. iii.**

DIE XIX. APRILIS.

S. Leonis IX. Papæ et Confessoris.**Missa. Státuit. primo loco. fol. xiii.**

DIE XXII. APRILIS.

SS. Soteris et Caji Pont. et Mart.**Missa ut in Missali. fol. 374.**

DIE XXIII. APRILIS.

B. Alexandri Sauli Episc. et Conf.**Missa. Státuit. fol. xiii. præter Orationem sequentem.**

Oratio.

DEus, qui in Ecclesia tua per beatum Alexandrum, confes-
sorem atque pontificem, reguláris di-
sciplinæ, ac pastorális sollicitúdinis
exempla instauráre dignátus es: fac
nos, quæsumus, ita ejus inhærere
vestigiiis; ut ad animæ salutem júgi-
ter inténti, gáudia cum ipso assequá-
mur æterna. Per Dóminum nostrum.



DIE XXVI. APRILIS.

In Festo Apparitionis Imaginis**B. Mariæ Virg.****De Bono Consilio.**

Introitus.

GAudeámus omnes in
Dómino, diem festum
celebrántes sub honó-
re beátæ Mariæ vír-
ginis, de cujus sole-
mnitáte gaudent Angeli, et col-
láudant Fílium Dei. Allelúja, allel.

**Psal. 44. Eructávit cor meum ver-
bum bonum: dico ego ópera mea regi.****V. Glória Patri.**

Oratio.

BOnórum ómnium largítor Deus,
qui Genitrícis dilécti Fílii tui
speciósam Imáginem mira apparitió-
ne clarificáre voluísti: concéde quæ-
sumus; ut ejúsdem beátæ Mariæ vír-
ginis intercessióne, ad cœléstem pá-
triam feliciter perducámur. Per eúm-
dem Dóminum nostrum.

Léctio libri Sapiéntiæ. Eccl. 24. c

EGo quasi vitis fructificávi sua-
vitátem odóris: et flores mei
fructus honóris, et honestátis. Ego
Mater pulchræ dilectionis, et timóris,
et agnitiónis, et sanctæ spei. In me
grátia omnis viæ, et veritátis, in me
omnis spes vitæ, et virtútis. Transíte
ad me omnes, qui concupiscitis me,
et à generatióibus meis implémini:
Spíritus enim meus super mel dulcis,
et hæreditas mea super mel et fa-
vum. Memória mea in generatióes
sæculórum. Qui edunt me, adhuc e-
súrient, et qui bibunt me, adhuc sí-
tient. Qui audit me, non confun-
détur: et qui operántur in me, non
peccábunt. Qui elúcidant me, vitam
æternam habébunt.

Allelúja, allelúja.**V. Luc. 1. Ave María grátia plena,
Dóminus tecum: benedicta tu in mu-
liéribus. Allelúja.**

V. Per te Dei Génitrix nobis est vita pérdita data, quæ de cœlo suscepisti prolem, et mundo genuisti Salvatorem. Allelúja.

 **Inítium sancti Evangélíi secundum Matthæum. Matth. 1.**

Liber generatiónis Jesu Christi filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, et fratres ejus. Judas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea, quæ fuit Uriæ. Salomon autem genuit Róboam. Róboam autem genuit Abíam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manásses autem genuit Amon. Amon autem genuit Josíam. Josías autem genuit Jechoníam, et fratres ejus in transmigratíone Babylónis. Et post transmigratíonem Babylónis: Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliácim. Eliácim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocátur Christus.

Credo.

Offertorium. Recordáre, Virgo Mater, in conspéctu Dei, ut loquáris pro nobis bona, et ut avértat indignatíonem suam à nobis. Allelúja.

Secreta.

Sanctífica, Dómine quæsumus, obláta libámina, et beátæ Dei genitrícis Mariæ salubérrema intercessióne, nobis salutária fore concède. Per eúmdem Dóminum.

Præfatio. Et te in festivitáte. fol. 199. vel 218.

Communio. Regína mundi digníssima, María, vírgo perpétua, intercède pro nostra pace et salúte, quæ genuisti Christum Dóminum Salvatorem ómnium. Allelúja.

Postcommunio.

Adjuvet nos, quæsumus Dómine, gloriósæ tuæ genitrícis, sempérque vírginis Mariæ intercessio veneránda: ut quos perpétuis cumulávit beneficiis, à cunctis perículis absolutos sua fáciat pietáte concordes. Qui vivis.

EADEM DIE.

SS. Cleti, et Marcellini Pontificum et Martyrum.

Missa, ut in Missali. fol. 377.

DIE XXVII. APRILIS.

S. Anastasii I. Papæ et Confessoris.

Missa. Státuit. 1. loco fol. xiii.

DIE XXVIII. APRILIS.

Sancti Liberalis Confessoris.

Missa. Os justi. de Communi Confessoris non Pontificis. fol. xvii. præter Orationem sequentem.

Oratio.

Deus, qui nos beáti Liberális confessoris tui glorióso patrocinio circúmdas et prótegis: concède propítius; ut cujus intercessióne munimur in terris, ejus quoque consórtio perfruámur in cœlis. Per Dóminum nostrum Jesum Christum Fílium tuum.

DIE V. MAJI.

S. Pii V. Papæ et Confessoris.
Missa, ut in Missali. fol. 384.

DIE VII. MAJI.

S. Benedicti II. Papæ et Confess.
Missa. Státuit. 1. loco fol. xiii.

DIE X. MAJI.

B. Beatricis Estensis virginis.
Missa. Dilexisti. de Communi Vir-
ginum. fol. xxiii. præter Orat. seq.

Oratio.

Domine Jesu, qui beátam Bea-
trícem vírginem tuo amóre suc-
cénsam, mundi delicias despícere, et
toto corde tibi humíliter servíre fecí-
sti: concéde propítius; ut cujus festi-
vitátem recólimus, virtútum quoque
imitémur exémpla. Qui vivis.

Et fit commemoratio SS. Martyrum
Gordiani, et Epimachi, cum oratio-
nibus ex Missa fol. 387.

DIE XI. MAJI.

S. Alexandri I. Papæ et Martyris.
Temp. Pasch. Missa. Protexisti.
fol. vi. Extra Temp. Pasch. Missa.
Státuit. 1. loco. fol. ii.

EADEM DIE.

S. Francisci de Hieronymo Confes-
soris Societatis Jesu.

Missa. Os justi. de Communi Con-
fessoris non Pontificis. fol. xvii. cum
sequentibus Orationibus.

Oratio.

Deus, qui beátum Francíscum
ad animárum salútem exímium
verbi tui præcónem effecísti: ejus
nobis intercessióne concéde; ut legis
tuæ mandáta et júgiter scrutémur in
corde, et fidéliter opéribus exequá-
mur. Per Dóminum nostrum.

Secreta.

Munera Dómine, quæ de tua bo-
nitáte suscepimus, pro beáti
Francísci commemorátione devóte
tibi offérimus, suppliciter deprecán-
tes: ut bona etiam ópera de tua cle-
méntia suscipiámus, quibus justítiam

tuam placáre possímus. Per Dómi-
num nostrum Jesum Christum Fí-
lium tuum.

Postcommunio.

Mensæ tuæ Dómine salutáre
mystérium, beáto Francíscó
confessóre tuo intercedénte, corda
nostra puríficet, ut nihil in nobis
quod púnias, sed quod coronáre pos-
sis, invénias. Per Dóminum.

DIE XIV. MAJI.

S. Paschalis I. Papæ et Confess.
Missa. Státuit. 1. loco. fol. xiii.

DIE XV. MAJI.

S. Isidori Agricolæ Confessoris.

Introitus. Psal. 91.

Justus ut palma
florébit, sicut ce-
drus Líbani mul-
tiplicábitur: plan-
tátus in domo Dó-
mini in átriis domus Dei nostri. Al-
lelúja, allelúja.

Ps. ibid. Bonum est confitéri Dómi-
no, et psállere nómini tuo Altíssime.
V. Glória Patri.

Oratio.

DA nobis, quæsumus omnípo-
tens Deus, beáto Isidóro agrí-
cola confessóre tuo intercedénte,
supérbe non sápere: sed ejus méritis
et exémpis, plácita tibi semper hu-
militáte deservíre. Per Dóminum.

Léctio Epístolæ beáti Jacóbi Apó-
stoli.

Jac. 5.

FRatres, Patiéntes estóte usque
ad advéntum Dómini. Ecce a-
grícola expéctat pretiósum fructum
terræ, patiénter ferens, donec ac-
cípiat temporáneum et serótinum.
Patiéntes ígitur estóte et vos, et con-
firmáte corda vestra, quóniam ad-
véntus Dómini appropinquávit. Ec-
ce beatificámus eos, qui sustinuérunt.
Sufferéntiam Job audístis, et finem
Dómini vidístis, quóniam miséricors
Dóminus est, et miserátor. Confité-
mini ergo altérutrum peccáta vestra,

et oráte pro invicem, ut salvémini: multum enim valet deprecátio justi assídua. Elías homo erat símilis nobis passibilis, et oratióne orávit, ut non plúeret super terram, et non pluit annos tres, et menses sex. Et rursum orávit, et cœlum dedit plúviam, et terra dedit fructum suum.

Temp. Pasch. Allelúja, allelúja.

V. Psal. 111. Beátus vir, qui timet Dóminum: in mandátis ejus cupit nimis. Allelúja.

V. Oseæ 14. Justus germinábit sicut lílium, et florébit in ætérnum ante Dóminum. Allelúja.

Extra Tempus Pasch. Graduale. Psal. 36. Os justi meditábitur sapientiam, et lingua ejus loquétur judícium.

V. Lex Dei ejus in corde ipsíus; et non supplantabúntur gressus ejus.

Allelúja, allelúja.

V. Psal. 111. Beátus vir, qui timet Dóminum: in mandátis ejus cupit nimis. Allelúja.

 **Sequéntia sancti Evangélíi secúndum Joánnem. Joan. 15.**

IN illo témpore: Dixit Jesus discí-pulis suis: Ego sum vitis vera: et Pater meus agricola est. Omnem pálmitem in me non feréntem fructum, tollet eum: et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me, et ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me mánseritis. Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent et ardet. Si mánseritis in me, et verba mea in vobis mánserint: quodcúmque voluéritis petétis, et fiet vobis.

Offertorium. Psal. 20. In virtúte tua, Dómine, lætábitur justus, et super salutáre tuum exultábit veheménter: desidérium ánimæ ejus tribuísti ei. Allelúja. **Secreta.**

Propitiáre, Dómine, supplicatió-nibus nostris, et has pópuli tui oblatiões benígnus assúme: ut, intercedénte beáto Isidóro confessóre tuo, quod fidéliter pétimus, efficáci-ter consequámur. Per Dóminum.

Communio. Matth. 19. Amen dico vobis, quod vos, qui reliquistis ó-mnia, et secúti estis me, céntuplum accipiétis, et vitam ætérnam possi-débitis. Allelúja. **Postcommunio.**

Sit nobis, Dómine, reparátio men-tis et córporis cœléste mystéri-um; et præsta, ut sancti Isidóri con-fessóris tui, cujus exéquimur cultum, sentiámus effectum. Per Dóminum.

DIE XVI. MAJI.

S. Joannis Nepomuceni Mart.

Tempore Paschali, Missa. Prote-xísti. ut in Comuni unius Martyris. fol. vi. cum Evang. Nihil est opértum. de Comuni unius Mart. non Ponti-ficis. fol. v.

Extra tempus Pasch. Missa. Læta-bitur. de eodem Comm. secundo loco, fol. v. præter Orationes sequentes.

Oratio.

DEus, qui ob invíctum beáti Jo-ánnis sacramentále siléntium, nova Ecclésiám tuam martyrii coró-na decorásti: da nobis ejus interces-siõe et exémplo, linguam caute cu-stodíre, ac ómnia pótius mala, quam ánimæ detriméntum, in hoc sæculo toleráre. Per Dóminum nostrum.

Secreta.

Per hæc tua, Dómine, sacra my-stéria illo nos caritátis igne ac-cendámur, quo ínclytus martyr Jo-ánnes éadem peragéndo flagrábat. Per Dóminum nostrum.

Postcommunio.

Spíritum, Dómine, fortitúdinis hæc nobis tríbuat mensa cœlé-

stis, quæ beāti mārtyris tui Joānnis pro sacramēti honóre tentátam constantiam júgiter áluit ad victóriam. Per Dóminum nostrum. in unitáte ejúsdem Spíritus sancti Deus.

EADEM DIE.

S. Joannis Nepomuceni Martyris.
Pro aliquibus locis.

Introitus. **Eccli. 51.**

Dedit mihi Dóminus linguam mercédem meam: et in ipsa laudábo eum.

Tempore Paschali

additur. Allelúja, allelúja.

Psal. 38. Dixi, custódiam vias meas: ut non delínquam in lingua mea.

V. Glória Patri. **Oratio.**

Deus, qui ob invíctum beāti Joānnis sacramentále siléntium nova Ecclesiám tuam martyrii coroná decorásti: da, ut ejus exémplo et intercessióne, ori nostro custódiam ponéntes, beátis, qui lingua non sunt lapsi, annumerémur. Per Dóminum.

Léctio libri Sapiéntiæ. Eccli. 21. d

Stultus à fenestra respiciet in domum: vir autem eruditus foris stabit. Stultítia hóminis auscultáre per óstium: et prudens gravábitur contumélia. Lábia imprudentium stulta narrábunt: verba autem prudentium statéra ponderabúntur. In ore fatuórum cor illórum: et in corde sapiéntium os illórum. Dum maledícit impius diábolum, maledícit ipse ánimam suam. Susúrro coinquinábit ánimam suam, et in ómnibus odiétur: et qui cum eo mánserit, odiósus erit: táctus, et sensátus honorábitur.

Tempore Paschali. Allelúja, allel.

V. Eccli. 25. Beátus, qui lingua sua non est lapsus, et qui non servívit indignis se. Allelúja.

V. Prov. 10. Lingua pravórum peribit: lingua autem sapiéntium est sánitas. Allelúja.

Extra Tempus Paschale Graduale.

Prov. 10. Qui ámbulat fraudulénter, revélat arcána: qui autem fidélis est ánimi, celat.

V. Psal. 14. Dómine, quis habitábit in tabernáculo tuo, aut quis requiescet in monte sancto tuo? Qui non egit dolum in lingua sua: nec fecit próximo suo malum. Allelúja, allel.

V. Eccli. 25. Beátus qui lingua sua non est lapsus, et qui non servívit indignis se. Allelúja.

Post Septuages. Tractus. Jae. 1.

Si quis putat se religiósus esse, non refrénans linguam suam, sed sedúcens cor suum: hujus vana est religio.

V. ibid. 3. Si quis in verbo non offéndit, hic perféctus est vir.

V. ibid. Omnis enim natúra bestiárum domántur, et dómita sunt à natúra humána, linguam autem nullus hóminum domáre potest.

Sequéntia sancti Evangélii secundum Matthæum. Matth. 11.

In illo témpore: Cum audisset Joánnēs in vínculis ópera Christi, mittens duos ex discíplis suis, ait illi: Tu es qui ventúrus es, an álium expectámus? Et respóndens Jesus, ait illis: Eúntes renuntiáte Joánni quæ audístis, et vidístis. Cæci vident, claudi ámbulant, leprósi mundántur, surdi áudiunt, mórtui resúrgunt, páuperes evangelizántur: et beátus est, qui non fúerit scandalizátus in me. Illis autem abeúntibus, cœpit Jesus dicere ad turbas de Joánnē: Quid exístis in desértum vidére? arúndinem vento agitátam? Sed quid exístis vidére? hóminem móllibus vestítum? Ecce qui móllibus vestiúntur, in dómibus regum sunt. Sed quid exístis vidére? Prophétam? Etiam dico vobis, et plus quam prophétam. Hic est enim de quo scriptum est: Ecce ego mitto Angelum meum ante fáciem tuam, qui præparábit viam tuam ante te.

Offertorium. Eccli. 42. Non dúplices sermónem de revelatióne sermónis absconditi; et eris vere sine con-

fusiónē: et invēnies grātiā in conspēctu omnium hōminum.

Temp. Pasch. Allelúja.

Secreta.

HÆc tua, Dómine, sacra mystéria illum in nobis, quæsumus, ignem accendant: quo inclytus martyr et sacerdos tuus Joānes, ea peragēdo, flagrabat. Per Dóminum nostrum.

Communio. Isa. 6. Volávit ad me unus de Séraphim: et in manu ejus calculus, quem túlerat de altári, et tétigit os meum.

Tempore Pasch. Allelúja.

Postcommunio.

FRagilitatem nostram, Dómine, cœlestis hæc mensa fórtium pane confirmet: qui beáti mártiris et sacerdotis tui Joānnis tentatam contra honórem sacraménti constantiam júgiter áluit ad victóriam. Per Dóminum nostrum Jesum Christum Fílium tuum. Qui tecum vivit.

DIE XIX. MAJI.

S. Petri Cœlestini Pontif. et Conf. Missa ut in Missali. fol. 390.

DIE XXI. MAJI.

S. Felicis a Cantalicio Conf.

Introitus. 1. Reg. 2.

DOminus páuperem facit, et ditat, humiliat, et súblevat: súscitat de púlvere egénium, et de stércore élevat páuperem: ut sédeat cum princípibus, et sólium glóriæ téneat.

Tempore Pasch. Allelúja, allelúja.

Psal. 68. Vídeant páuperes, et læténtur: quærite Deum, et vivet ánima vestra: quóniam exaudivit páuperes Dóminus. **V. Glória Patri.**

Oratio.

FAc nos, Dómine Jesu, in simplicitate et innocéntia cordis nostri ambuláre: quarum amóre de sinu Matris inter beáti Felicis Con-

fessoris tui bráchia descendísti. Qui vivis et regnas.

Lectio Epístolæ beáti Pauli Apóstoli ad Colossenses. Coloss. 3. b

FRatres, induíte vos sicut elécti Dei, sancti et dilécti, víscera misericórdiæ, benignitatem, humilitatem, modéstiam, patiéntiam: supporántes invicem, et donántes vobismetípsis: si quis advérsus áliquem habet querélam: sicut et Dóminus donávit vobis, ita et vos. Super ómnia autem hæc, caritatem habéte, quod est vínculum perfectiónis: et pax Christi exúltet in córdibus vestris, in qua et vocáti estis in uno corpore: et grati estóte. Verbum Christi hábitet in vobis abundánter in omni sapiéntia, docéntes, et commonéntes vosmetípsos psalmis, hymnis, et cánticis spirituálibus, in grátia cantántes in córdibus vestris Deo. Omne quodcúmque fácitis in verbo aut in ópere, ómnia in nómine Dómini Jesu Christi, grátias ágéntes Deo, et Patri per ipsum.

Temp. Pasch. Allelúja, allelúja.

V. Psal. 26. Unam pétii à Dómino, hanc requíram, ut inhábitem in domo Dómini omnibus diébus vitæ meæ: ut vídeam voluptátem Dómini. **Allel.**

V. Ps. 67. Parásti in dulcédine tua páuperi, Deus. **Allelúja.**

Extra tempus Pasch. Grad. Ps. 17. Misit de summo, et accépit me, et assúmpsit me de aquis multis.

V. Et retribuet mihi Dóminus secúndum justítiam meam: et secúndum puritatem mánuum meárum in conspēctu oculórum ejus.

Allelúja, allelúja.

V. Psal. 30. Benedictus Dóminus, quóniam mirificávit misericórdiam suam mihi in civitáte muníta. **Allel.**

Sequéntia sancti Evangélíi secúndum Matthæum. Matth. 11. d

IN illo témpore: Respóndens Jesus dixit: Confíteor tibi, Pater, Dómine Cœli et terræ, quia abscon-

dísti hæc à sapiéntibus et prudéntibus, et revelásti ea párvulis. Ita Pater, quóniam sic fuit plácitum ante te. Omnia mihi trádicta sunt à Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis, et oneráti estis, et ego reficiam vos. Tóllite jugum meum super vos, et díscite à me, quia mitis sum et húmilis corde: et inveniétis réquiem animábus vestris. Jugum enim meum suave est, et onus meum leve.

Offertorium. Sap. 10. Honestávit illum in labóribus, et complévit labóres illíus.

Tempore Pasch. additur Allelúja.
Secreta.

A Désto votis nostris, clementíssime Deus, ut hæc oblátio salutáris, quæ in honórem beáti Felícis persólvitur, ad delictórum nostrórum véniam impetrándam in odórem suavitátis ascéndat. Per Dóminum.

Communio. Cant. 2. et 3. Diléctus meus mihi, et ego illi: ténui eum, nec dimíttam.

Tempore Pasch. additur Allelúja.
Postcommunio.

EXúberet, quæsumus Dómine, in córdibus nostris percépti grátia sacraménti: quæ nos beáti Felícis confessóris tui imitatione puríficet, atque intercessióne commúniat. Per Dóminum nostrum.

DIE XXII. MAJI.

B. Crispini a Viterbio Confessoris.
Missa. Justus. de Comuni. fol. xviii.
Oratio.

DEus, qui beátum Crispínium Confessórem tuum in lætítia tibi serviéntem ad virtútis ápicem perduxísti: da quæsumus; ut ejus intercessióne et exémplo, vias vitæ sectántes in terris, torrénite voluptátis tuæ pérfrui mereámur in cœlis. Per Dóminum.

Secreta.

DA nobis, quæsumus Dómine, ut beáti Crispíni confessóris tui exémplo in simplicitáte cordis nostri tibi offeréntes univérsa, æténa cum ipso gáudia lætántes assequámur. Per Dóminum nostrum.

Postcommunio.

LÆtífica quæsumus Dómine ánimas servórum tuórum, et quos aliméntis cœléstibus satiásti, ad delectatiónes, quæ in dextera tua sunt, beáti Crispíni précibus perveníre concéde. Per Dóminum nostrum.

DIE XXIV. MAJI.

In Festo B. Mariæ Virginis
Titulo Auxilium Christianorum.

Introitus. Sedulius.



Alve, sancta parens, eníxa puérpera Regem, qui cœlum terrámque regit in sæcula sæculórum.

Temp. Pasch. Allelúja, allelúja.

Psal. 44. Eructávit cor meum verbum bonum: dico ego ópera Regi.

V. Glória Patri.

Oratio.

OMnípotens et miséricors Deus, qui ad defensiónem pópuli christiáni in beatíssima vírgine María perpétuum auxílium mirábiliter constituísti: concéde propítius; ut tali præsidio muníti, certántes in vita, victóriam de hoste maligno cónsequi valeámus in morte. Per Dóminum.

Léctio libri Sapiéntiæ. Eccli. 24.

AB inítio, et ante sæcula creáta sum, et usque ad futúrum sæculum non désinam, et in habitatione sancta coram ipso ministrávi. Et sic in Sion firmáta sum, et in civitate sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei hæréditas illíus, et in plenitudine sanctórum deténtio mea.

Temp. Pasch. Allelúja, allelúja.

V. Num. 17. Virga Jesse flóruit: virgo Deum et hóminem génuít: pacem Deus réddidit, in se reconcílians imma summis. Allelúja.

V. Lucæ. 1. Ave María, grátia plena: Dóminus tecum: benedícta tu in muliéribus. Allelúja.

Post tempus Paschale.

Graduale. Benedícta et venerábilis es, virgo María, quæ sine tactu pudóris invénta es mater Salvatóris.

V. Virgo Dei Génitrix, quem totus non capit orbis, in tua se clausit viscera factus homo. Allelúja, allelúja.

V. Post partum, Virgo, invioláta permansísti: Dei Génitrix intercède pro nobis. Allelúja.



Sequéntia sancti Evangélíi scúndum Lucam. Luc. 11. d

IN illo témpore: Loquente Jesu ad turbas, extóllens vocem quædam múlíer de turba, dixit illi: Beátus venter, qui te portávit, et úbera, quæ suxísti. At ille dixit: Quinímo beáti, qui áudiunt verbum Dei, et custódiunt illud. **Credo.**

Offertorium. Luc. 1. Ave María, grátia plena: Dóminus tecum: benedícta tu in muliéribus, et benedíctus fructus ventris tui.

Temp. Pasch. Allelúja.

Secreta.

PRo religiónis Christiánæ triúmphi hóstias placatiónis tibi, Dómine, immolámus, quæ, ut nobis proficiant, opem auxiliátrix Virgo præstet, per quam talis perfécta est victória. Per Dóminum nostrum.

Præfatio de B. Maria. Et te in festivitáte. fol. 199. **vel 218.**

Communio. Beáta viscera Mariæ vírginis, quæ portavérunt ætérni Patris Fílium.

Tempore Paschali Allelúja.

Postcommunio.

ADesto, Dómine, pópulis, qui participatióne Córporis et Sánguínis tui reficiúntur: ut sanctíssima tua Genitrice auxiliánte, ab

omni malo et perículo liberéntur, et in omni ópere bono custodiántur. Qui vivis.

DIE XXV. MAJI.

S. Gregorii VII. Papæ et Confess. Missa, ut in Missali. fol. 392.

DIE XXVII. MAJI.

S. Joannis I. Papæ et Martyris. Temp. Pasch. Missa. Protexisti. fol. vi. Extra Temp. Pasch. Missa. Sacerdotes Dei. secundo loco. fol. iii.

DIE XXVIII. MAJI.

S. Urbani I. Papæ et Martyris.

Introitus. Psal. 131.



Sacerdotes tui, Dómine, induant justítiam, et sancti tui exúltent: propter David servum tuum non avértas fáciem Christi tui.

Psal. ibid. Memento, Dómine, David, et omnis mansuetúdinis ejus.

V. Glória Patri.

Oratio.

DA, quæsumus, omnipotens Deus: ut qui beáti Urbáni, mártiris tui atque pontíficis, solémnia cólimus; ejus apud te intercessiónibus adjuvémur. Per Dóminum.

Léctio Epístolæ beáti Pauli Apóstoli ad Corínthios. 2. Cor. 1.

FRatres, Benedíctus Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra, ut possimus et ipsi consolári eos, qui in omni pressúra sunt, per exhortatió-nem, qua exhortámur et ipsi à Deo. Quóniam sicut abúndant passiones Christi in nobis, ita et per Christum abúndat consolátio nostra. Sive autem tribulámur pro vestra exhortatióne et salúte: sive consolámur pro vestra consolatióne, sive exhortámur pro vestra exhortatióne et salúte, quæ operátur tolerántiam earúmdem

passionum, quas et nos patimur: ut spes nostra firma sit pro vobis: scientes, quod sicut socii passionum estis, sic eritis et consolationis, in Christo Jesu Domino nostro.

Graduale. Psal. 88. Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum.

V. Ibid. Nihil proficiet inimicus in eo, et filius iniquitatis non nocébit ei.

Allelúja, allelúja.

V. Psal. 131. Meménto, Domine, David, et omnis mansuetudinis ejus. **Allelúja.**

 **Sequéntia sancti Evangélíi secúndum Matthæum. Matth. 25.**

IN illo tempore: Dixit Jesus discipulis suis parabolam hanc: Homo peregre proficiscens vocavit servos suos, et tradidit illis bona sua. Et uni dedit quinque talenta, alii autem duo, alii vero unum, unicuique secundum propriam virtutem, et profectus est statim. Abiit autem qui quinque talenta acceperat, et operatus est in eis, et lucratus est alia quinque. Similiter et qui duo acceperat, lucratus est alia duo. Qui autem unum acceperat, abiens fodit in terram, et abscondit pecuniam domini sui. Post multum vero temporis venit Dominus servorum illorum, et posuit rationem cum eis. Et accedens qui quinque talenta acceperat, obtulit alia quinque talenta, dicens: Domine, quinque talenta tradidisti mihi, ecce alia quinque superlucratus sum. Ait illi dominus ejus: Euge serve bone et fidelis, quia super pauca fuisti fidelis, super multa te constituam, intra in gaudium domini tui. Accessit autem et qui duo talenta acceperat, et ait: Domine duo talenta tradidisti mihi, ecce alia duo lucratus sum. Ait illi dominus ejus: Euge serve bone et fidelis, quia super pauca fuisti fidelis, super multa te constituam, intra in gaudium domini tui.

Offertorium. Ps. 88. Veritas mea, et misericordia mea cum ipso, et in nomine meo exaltabitur cornu ejus.

Secreta.

HÆc hostia, Domine quaesumus, emundet nostra delicta: et ad sacrificium celebrandum, subditorum tibi corpora, mentesque sanctificet. Per Dominum nostrum.

Communio. Luc. 12. Fidelis servus, et prudens, quem constituit Dominus super familiam suam: ut det illis in tempore tritici mensuram.

Postcommunio.

Refecti participatione muneris sacri, quaesumus Domine Deus noster: ut cujus exequimur cultum, intercedente beato Urbano, martyre tuo atque pontifice, sentiamus effectum. Per Dominum.

Si vero venerit Tempore Paschali Missa Protexisti. fol. vi. Orationes propriæ, ut supra.

DIE XXIX. MAJI.

S. Bonifacii IV. Papæ et Confess. Missa. Státuit. primo loco. fol. xiii.

DIE XXX. MAJI.

S. Felicis I. Papæ et Martyris.

Temp. Pasch. Missa. Protexisti. fol. vi. Extra Temp. Pasch. Státuit. primo loco. fol. ii.

EADEM DIE.

S. Ferdinandi III. Confessoris, Castellæ, et Legionis Regis, cognomento Sancti.

Missa. Justus ut palma. de Comuni Confess. non Pontif. fol. xviii. præter Orationem sequentem.

Oratio.

DEus, qui beato Confessori tuo Ferdinando præliari prælia tua, et fidei inimicos superare dedisti: concède; ut ejus nos intercessionem muniti, ab hostibus mentis et corporis liberemur. Per Dominum nostrum Jesum Christum Filium tuum: Qui tecum vivit et regnat.

DIE XXXI. MAJI.

S. Angelæ Merici Virginis.**Missa. Dilexisti. de Communi Virg.**
fol. xxiii. **præter Orationes sequentes.****Oratio.**

DEus, qui novum per beátam Angelam sacrárum vírginum collégium in Ecclesia tua floréscere voluisti: da nobis ejus intercessióne, angélicis móribus vívere, ut, terrénis ómnibus abdicátis, gáudiis pérfrui mereámur ætérnis. **Per Dóminum.**

Secreta.

Hostia, Dómine, quam tibi beátæ Angelæ memóriam recoléntes offérimus, et nostræ pravítatis véniam implóret, et grátiae tuæ nobis dona concíliet. **Per Dóminum.**

Postcommunio.

Cælésti alimónia refécti, súpplīces te, Dómine, deprecámur: ut beátæ Angelæ précibus, et exémplo, ab omni labe mundáti, et córpore tibi placeámus, et mente. **Per Dóminum.**

EADEM DIE.

SS. Martyrum Cantiani, Cantii, Cantianillæ et Proti.**Missa. Salus autem. fol. xi. vel Sancti tui. fol. viii. pro diversitate Temp.**
præter Orat. seq. Oratio.

Præsta, quæsumus omnipotens Deus: ut pópulus tuus ad plenæ devotiónis efféctum, beatórum mártýrum Cantiani et sociórum ejus natalítiis præparétur; et eórum patrocinio promerénte, beátæ cápiat securitátis augméntum. **Per Dóminum.**

Et fit commemoratio S. Petronillæ Virg. ut in Missa. fol. xxiv.**Secreta.**

Munera tibi, Dómine, nostræ devotiónis offérimus: quæ et pro tuórum tibi grata sint honóre justórum, et nobis salutária, te miseránte, reddántur. **Per Dóminum.**

Postcommunio.

Præsta nobis, quæsumus Dómine, intercedéntibus sanctis mártýribus tuis Cantiano et sóciis: ut

quod ore contíngimus, pura mente capiámus. **Per Dóminum.**

FERIA VI.

Post Octav. SS. Corporis Christi. In Festo SS. Cordis Jesu.**Introitus.****Jer. in Thren. c. 3.**

Miserébitur secundum multitudinem miserationum suarum: non enim humiliávit ex corde suo, et abjecit filios hóminum: bonus est Dóminus sperántibus in eum, ánimæ quærénti illum. **Allelúja, allelúja.**

Psal. 88. Misericórdias Dómini in ætérnum cantábo, in generatióem et generatióem. V. Glória Patri.

Oratio.

Concède, quæsumus omnipotens Deus: ut qui in sanctíssimo dilecti Fílii tui Corde gloriántes, præcípua in nos caritátis ejus beneficia recólimus: eórum páriter et actu delectémur, et fructu. **Per eúmdem Dóminum nostrum.**

Léctio Isaíæ Prophætæ. Isai. 12.

Confitebor tibi, Dómine, quóniam irátus es mihi: convérsus est furor tuus, et consolátus es me. Ecce Deus salvátor meus, fiduciáliter agam, et non timébo; quia fortitúdo mea, et laus mea Dóminus, et factus est mihi in salútem. Hauriétis aquas in gáudio de fóntibus Salvotóris. Et dicétis in illa die: Confitémini Dómino, et invocáte nomen ejus: meméntote quóniam excélsus est nomen ejus. Cantáte Dómino quóniam magnífice fecit: annuntiáte hoc in universa terra. Exúlta, et lauda habitatio Sion, quia magnus in médio tui sanctus Israel.

Graduale. Jer. Thren. 1. O vos omnes, qui transítis per viam, atténdite, et vidéte, si est dolor sicut dolor meus.

V. Cum dilexisset suos, qui erant in mundo, in finem diléxit eos.

Allelúja, allelúja.

V. Matth. 11. Discite à me, quia mitis sum, et húmilis corde: et inveniétis réquiem animábus vestris. Allel.

Sequéntia sancti Evangélíi secúndum Joánnem. Joann. 19.

IN illo témpore: Judæi, quóniam Parascéve erat, ut non remanérent in cruce córpora sábbato (erat enim magnus dies ille Sábbati), rogavérunt Pilátum, ut frangeréntur eórum crura, et tolleréntur. Venérunt ergo mílites, et primi quidem fregérunt crura, et altérius, qui crucifixus est cum eo. Ad Jesum autem cum veníssent, ut vidérunt eum jam mórtuum, non fregérunt ejus crura; sed unus mílitum láncea latus ejus apérui, et contínuo exívit sanguis et aqua. Et qui vidit, testimónium perhíbuit, et verum est testimónium ejus. **Credo.**

Offertorium. Psal. 102. Bénedic ánima mea Dómino, et noli oblivísci omnes retributiónes ejus, qui replet in bonis desidérium tuum. Allelúja.

Secreta.

TUére nos, Dómine, tua tibi holocáusta offeréntes: ad quæ, ut fervéntius corda nostra præparéntur, flammis adúre tuæ divínæ caritátis. Qui vivis et regnas.

Præfatio de Cruce. fol. 191 vel 214.

Communio. Psal. 68. Impropérium expectávit cor meum et misériam: et sustínui qui simul contristarétur, et non fuit, et qui consolarétur, et non invéni. Allelúja.

Postcommunio.

PAcíficis pasti delíciis, et salutáribus sacraméntis, te súplices exorámus, Dómine Deus noster: ut qui mitis es, et húmilis corde, nos à vitiorum labe purgátos, propénsius fácias à supérbis sæculi vanitátibus abhorrére. Qui vivis et regnas.



ALIA MISSA

In eodem Festo.

Pro Diœcesi Venetiarum.

Introitus.

Cant. 3.

Gredimini, et vidéte, filiæ Sion, regem Salomónem in diadémate, quo coronávit eum mater sua in die sponsatiónis ejus, et in die lætitiæ cordis ejus.

Ps. 44. Eructávit cor meum verbum bonum: dico ego opera mea Regi.

V. Glória Patri.

Oratio.

FAc nos, Dómine Jesu, sanctíssimi Cordis tui virtútibus índui, et afféctibus inflammári: ut et imágni bonitátis tuæ confórmes, et tuæ redemptiόνis mereámur esse partícipes. Qui vivis, et regnas cum Deo Patre.

Léctio Epístolæ beáti Pauli Apóstoli ad Ephésios. Ephes. 3. b

FRatres, Mihi ómnium sanctórum mínimo data est grátia hæc, in géntibus evangelizáre investigábiles divítias Christi, et illumináre omnes, quæ sit dispensátio sacraménti abscónditi à sæculis in Deo, qui ómnia creávit. Hujus rei grátia flecto génua mea ad Patrem Dómini nostri Jesu Christi, ex quo omnis patérnitas in cœlis et in terra nomináitur, ut det vobis secúndum divítias glóriæ suæ, virtúte corroborári per spíritum ejus in interiorem hóminem, Christum habitáre per fidem in córdibus vestris: in caritáte radicáti et fundáti, ut possitis comprehendere cum ómnibus sanctis, quæ sit latitúdo, et longitúdo, et sublimitas et profúndum: scíre étiam supereminéntem sciéntiæ caritátem Christi, ut impleámini in omnem plenitúdinem Dei.

Graduale. Matth. 21. Dícite filiæ Sion: ecce rex tuus venit tibi mansuétus.

V. Isai. 42. Non erit tristis, neque turbuléntus: non clamábit, nec audiétur vox ejus foris.

Allelúja, allelúja.

V. Matth. 11. Dísce à me, quia mitis sum, et húmilis corde: et inveniétis réquiem animábus vestris. **Allel.**

Post Septuagesimam. Graduale.

Ps. 68. Improperium expectávit cor meum, et misériam: et sustínui qui simul contristarétur, et non fuit: et qui consolarétur, et non invéni.

Tractus. Psal. 21. Ego autem sum vermis, et non homo: oppróbrium hóminum, et abjéctio plebis.

V. Omnes vidéntes me, derisérunt me: locúti sunt lábiis, et movérunt caput. **V.** Sicut aqua effúsus sum, et dispérsa sunt ómnia ossa mea: factum est cor meum tamquam cera liquéscens in médio ventris mei.

Post Pascha. Allelúja, allelúja.

V. Ps. 29. Dómine, Deus meus clamávi ad te, et sanásti me: eduxísti ab inférno ánimam meam. **Allelúja.**

V. Convertísti planctum meum in gáudium mihi: conscidísti saccum meum, et circumdedísti me lætítia. **Allelúja.**



Sequéntia sancti Evangélíi secúndum Joánnem. Joan. 15.

IN illo témpore: Dixit Jesus discípulis suis: Sicut diléxit me Pater, et ego diléxi vos. Manéte in dilectione mea. Si præcépta mea servavéritis, manébitis in dilectione mea, sicut et ego Patris mei præcépta servávi, et máneo in ejus dilectione. Hæc locútus sum vobis, ut gáudium meum in vobis sit, et gáudium vestrum impleátur. Hoc est præcéptum meum, ut diligátis invicem, sicut diléxi vos. Majórem hac dilectionem nemo habet, ut ánimam suam ponat quis pro amícis suis. Vos amíci mei estis, si fecéritis quæ ego præcípio vobis. Jam non dicam vos servos: quia servus nescit quid fáciat Dóminus ejus. Vos autem dixi amícos: quia ómnia, quaecúmque audívi

à Patre meo, nota feci vobis. Non vos me elegístis, sed ego elégi vos: et pósui vos, ut eátis, et fructum afferátis, et fructus vester máneat: ut quodcúmque petiéritis Patrem in nómine meo, det vobis. **Credo.**

Offertorium. 1. Paralip. 29. Dómine Deus, in simplicitáte cordis mæi lætus óbtuli univérsa: et pópulum tuum vidi cum ingénti gáudio tibi offerre donária: Deus Israel, custódi hanc voluntátem cordis eórum. **Allelúja.**

Secreta.

ILlo nos igne, quæsumus Dómine, Spíritus sanctus inflámmet, quem Dóminus noster Jesus Christus è penetrálibus cordis sui misit in terram, et vóluit veheménter accéndi. Qui tecum vivit, et regnat in unitáte ejúsdem Spíritus sancti Deus.

Præfatio de Nativ. Domini, fol. 188. vel 212. Et sic dicitur etiam in Missis votivis a Dominica Trinitatis usque ad Septuagesimam. A Septuagesima vero usque ad Pentecosten **Præfatio de Cruce. fol. 191 vel 214.**

Communio. Psal. 33. Gustáte, et vidéte, quóniam suavis est Dóminus: in ætérnum misericórdia ejus. **Allel.**

Postcommunio.

PRæbeant nobis, Dómine Jesu, divínium tua sancta fervórem: quo dulcíssimi Cordis tui suavitate percépta, discámus terréna despicere, et amáre cœléstia. Qui vivis, et regnas.

D O M I N I C A I I I.

post Pentecosten.

In festo Sacri Cordis

B. Mariæ Virginis.

Missa. Salve Sancta Parens. ut in votivis. fol. xliii. et dicitur Credo.

DIE I. JUNII.

S. Eleutherii I. Papæ et Martyris.

Tempore Pasch. Missa Protexísti. fol. vi. Extra Temp. Pasch. Missa Sacerdótes Dei. secundo loco. fol. iii.

DIE II. JUNII.

S. Eugenii Papæ et Confessoris.**Missa. Státuit. primo loco. fol. xiii.**

DIE VI. JUNII.

B. Bertrandi Episcopi et Confess.**Missa. Sacerdotes. de Communi Conf. Pontif. fol. xiv. præter Orationes sequentes.****Oratio.**

DEus, qui beátum Bertrándum pro Ecclesiæ tuæ júribus ad mortem usque certántem, invícta pastoráli fortitú-dine roborásti: præsta fídelibus tuis; ut ad pietátis et religionis constántiam ejúsdem informentur exémp-lis. Per Dóminum.

Secreta.

SAcra dona, quæ tibi, Dómine, reveré-ter offérimus in commemoratione beáti Bertrándi, Ecclesiæ tuæ libertátem tueántur et pacem, et sanctificationis nostræ incrementa promóveant. Per Dóminum nostrum Jesum Christum Fílium tuum.

Postcommunio.

PRæsta, quæsumus omnipotens Deus: ut in honórem beáti Bertrándi celebráta mystéria, ejus virtútum imitatóres, et tua propitiatione nos dignos efficiant. Per Dóminum nostrum Jesum Christum Fílium tuum.

DIE XII. JUNII.

S. Leonis III. Papæ et Confessoris.**Missa. Státuit. primo loco. fol. xiii.**

DIE XVI. JUNII.

S. Joannis Francisci Regis Confess.**Missa. Os justi. de Communi Confess. non Pontificis. fol. xvii. præter Orationes sequentes.****Oratio.**

DEus, qui ad plúrimos pro salúte animárum perferéndos labóres, beátum Joánnem Franciscum confessoré tuum, mirábili caritáte, et invícta patientia decorásti: concéde propítius; ut ejus exémp-lis in-

strúcti, et intercessionibus adjúti, ætérnæ vitæ præmia consequámur. Per Dóminum nostrum.

DIE XVII. JUNII.

B. Petri de Pisis Confessoris.**Missa. Os justi. de Communi Conf: non Pontif. fol. xvii. præter Orationem sequentem. Oratio.**

DEus, qui in Ecclesiá tua nova semper instáuras exémp-la virtútum: da nobis beáti Petri Confessoris tui ita inhærére vestigiis, ut assequámur et præmia. Per Dóminum

EADEM DIE.

B. Pauli Buralis Episcopi et Conf.**Pro Congreg. Cler. Regul.****Missa. Státuit. de Communi Conf. Pontif. fol. xiii. præter Orat. seq.****Oratio.**

DEus, qui admirábiles vocationis tuæ trámites in beáto Paulo multifórmiter ostendísti: ejus nobis intercessióne concéde; ut, te vocántem, et intelligere, et fídeliter sequi valeámus. Per Dóminum nostrum.

DIE XX. JUNII.

S. Silverii Papæ, et Martyris.**Missa, ut in Missali. fol. 406.**

DIE XXI. JUNII.

S. Aloisii Gonzagæ Confessoris.**Introitus. Psal. 8.**

Inuísti eum paulo minus ab Angelis: glória et honóre coronásti eum.

Psal. 148. Laudáte Dóminum omnes Angeli ejus: laudáte eum omnes virtútes ejus.

V. Glória Patri.**Oratio.**

CÆléstium donórum distribútor Deus, qui in angélico júvene Aloísio miram vitæ innocéntiam paricum pœniténtia sociásti: ejus méritis et précibus concéde; ut innocéntem non secúti, pœniténtem imitémur. Per Dóminum nostrum.

Lectio libri Sapiéntiæ. **Ecccl. 31. b**

BEátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? Fecit enim mirábilia in vita sua. Qui probátus est in illo, et perfectus est, erit illi glória æténa: qui pótuit tránsgrredi, et non est tránsgréssus, fácere mala, et non fecit: ideo stabilita sunt bona illius in Dómino.

Graduale. Psal. 70. Dómine, spes mea à juventúte mea: in te confirmátus sum ex útero: de ventre matris meæ tu es protéctor meus.

V. Psal. 40. Me autem propter innocentiam suscepísti: et confirmásti me in conspéctu tuo in æténum.

Allelúja, allelúja.

V. Psal. 64. Beátus quem elegísti, et assumpsísti: inhabitábit in átriis tuis. **Allelúja**.

 **Sequéntia sancti Evangélíi secúndum Matthæum. Matth. 22. c**

IN illo témpore: Respóndens Jesus, ait Sadducæis: Errátis, nesciéntes scriptúras, neque virtútem Dei. In resurrectione enim neque nubent, neque nubéntur: sed erunt sicut Angeli Dei in cælo. De resurrectione autem mortuórum non legístis quod dictum est à Deo dicénte vobis: Ego sum Deus Abraham, et Deus Isaac, et Deus Jacob? Non est Deus mortuórum, sed vivéntium. Et audiéntes turbæ, mirabántur in doctrína ejus. Pharisæi autem audiéntes, quod siléntium imposuisset Sadducæis, convenérunt in unum: et interrogávit eum unus ex eis legis doctor, tentans eum: Magíster, quod est mandátum magnum in lege? Ait ille Jesus: Díliges Dóminum Deum tuum ex toto corde tuo, et in toto ánima tua, et in tota mente tua. Hoc est máximum, et primum mandátum. Secúndum autem símile est huic: Díliges próximum tuum, sicut

teípsum. In his duóbus mandátis univérsa lex pendet, et prophétæ.

Offertorium. Psal. 23. Quis ascéndet in montem Dómini, aut quis stabit in loco sancto ejus? Innocens mánibus, et mundo corde.

Secreta.

CÆlésti convívio fac nos, Dómine, nuptiáli veste indútos accumbere, quam beáti Aloísii pia præparátio, et juges lácrymæ, inæstimábilibus ornábant margarítis. Per Dóminum nostrum.

Communio. Psal. 77. Panem cœli dedit eis: panem Angelórum manducávit homo. **Postcommunio.**

Angelórum esca nutritos, angélicis étiam, Dómine: da móribus vivere: et ejus, quem hódie cólimus, exémplo, in gratiárum semper actióne manére. Per Dóminum.

DIE XXV. JUNII.

S. Gallicani Martyris.

Missa. In virtúte. de Comuni unius Martyris. fol. iv. præter Oratíonem et Evangelium sequentem.

Oratio.

DEus, qui beátum Gallicánum mártirem ad tui cognitióem mirábiliter perduxísti, et per eum novo Ecclésiám tuam caritátis exémplo illustráre dignátus es: concéde propítius; ut ejúsdem précibus et imitatióne, promíssa misericórdibus præmia consequámur. Per Dóminum nostrum.

Et fit comm. Oct. S. Joannis Bapt.

 **Sequéntia sancti Evangélíi secúndum Lucam. Luc. 10. e**

IN illo témpore: Suscípiens Jesus, dixit: Homo quidam descendébat ab Jerúsalem in Jéricho, et incidit in latrónes, qui étiam despoliavérunt eum, et plagis impóstitis, abiérunt, semivívo relicto. Accidit autem ut Sacerdos quidam descénderet eádém via, et viso illo, præterívit. Simíliter et Levíta, cum esset secus locum, et vidéret eum, pertránsiit.

Samaritanus autem quidam iter faciens venit secus eum, et videns eum, misericordia motus est, et appropians alligavit vulnera ejus, infundens oleum et vinum: et imponens illum in jumentum suum, duxit in stabulum, et curam ejus egit. Et altera die protulit duos denarios, et dedit stabulario, et ait: Curam illius habe: et quodcumque supererogaveris, ego cum rediero, reddam tibi. Quis horum trium videtur tibi proximus fuisse illi, qui incidit in latrones? At ille dixit: Qui fecit misericordiam in illum. Et ait illi Jesus: Vade, et tu fac similiter.

DIE XXVIII. JUNII.

S. Leonis II.

Missa ut in Missali. fol. 412.

DOMINICA I.

**Non impedita post Octavam
SS. Apost. Petri et Pauli.
Commemoratio omnium Sanctorum
Summorum Pontificum.**



Introitus. Psal. 49.

Congregate illi sanctos ejus, qui ordinaverunt testamentum ejus super sacrificia. Et annuntiabunt celi justitiam ejus: quia Deus tuus ego sum.

Psal. ibid. Deus Deorum Dominus locutus est, et vocavit terram.

V. Gloria Patri.

Oratio.

Deus, qui populis tuis indulgentia consulis, et amore dominaris: da spiritum sapientiae, suffragantibus meritis Antistitum Ecclesiae tuae, quibus dedisti regimen disciplinae, ut de profectu sanctarum ovium fiant gaudia aeterna pastorum. Per Dominum.

Deinde fit comm. de Domin. occur.

Lectio Epistolae beati Pauli Apostoli ad Hebraeos. Hebr. 13. b

Fratres, Mementote praepositorum vestrorum, qui vobis locuti sunt verbum Dei: quorum intuentes

exitum conversationis, imitamini fidem. Jesus Christus heri, et hodie: ipse et in saecula. Doctrinis variis, et peregrinis nolite abduci. Optimum est enim gratia stabilire cor, non escis, quae non profuerunt ambulantibus in eis. Habemus altare, de quo edere non habent potestatem, qui tabernaculo deserviunt. Quorum enim animalium infertur sanguis pro peccato in sancta per Pontificem, horum corpora cremantur extra castra. Propter quod et Jesus, ut sanctificaret per suum sanguinem populum, extra portam passus est. Exeamus igitur ad eum extra castra, improprium ejus portantes. Non enim habemus hic manentem civitatem, sed futuram inquirimus. Per ipsum ergo offeramus hostiam laudis semper Deo, idest fructum labiorum confitentium nomini ejus. Beneficentiae autem, et communionis nolite oblivisci: talibus enim hostiis promeretur Deus. Obedite praepositis vestris, et subjacete eis. Ipsi enim pervigilant quasi rationem pro animabus vestris reddituri.

Graduale. Ps. 131. Sacerdotes ejus induam salutari: et sancti ejus exultatione exultabunt.

V. Illuc producam cornu David, paravi lucernam Christo meo.

Alleluya, alleluya.

V. Psal. 109. Juravit Dominus, et non poenitebit eum: tu es sacerdos in aeternum, secundum ordinem Melchisedech. Alleluya.

Sequentia sancti Evangelii secundum Matthaeum. Matth. 16. b

In illo tempore: Venit Jesus in partes Caesariae Philippi: et interrogabat discipulos suos, dicens: Quem dicunt homines esse Filium hominis? At illi dixerunt: Alii Joannem Baptistam, alii autem Eliam, alii vero Jeremiam, aut unum ex prophetis. Dicit illis, Jesus: Vos autem quem me esse dicitis? Respondens Simon Petrus, dixit: Tu es

Christus Filius Dei vivi. Respóndens autem Jesus, dixit ei: Beátus es Simon Bar-Jona: quia caro et sanguis non revelávit tibi, sed Pater meus, qui in cœlis est. Et ego dico tibi: Quia tu es Petrus, et super hanc petram ædificábo Ecclesiám meam, et portæ inferi non prævalébunt adversus eam. Et tibi dabo claves regni cœlorum. Et quodcúmque ligáveris super térram, erit ligátum et in cœlis: et quodcúmque sólveris super terram, erit solútum et in cœlis.

Credo.

Offertorium. Psal. 88. Inveni David servum meum óleo sancto meo unxi eum: manus enim mea auxiliábitur ei, et bráchium meum confortábit eum.

Secreta.

UNigéniti Fílii tui, quam tibi, Deus Pater omnipotens, in honórem sanctorum Pontíficum offérimus, immaculáta hóstia, prosit nobis ad medélam percipiéndam. Per Dóminum nostrum.

Altera Secreta Dominicæ.

Communio. Psal. 88. Véritas mea, et misericórdia mea, cum ipso: et in nómine meo exaltábitur cornu ejus.

Postcommunio.

DA, quæsumus Dómine, fílibus pópulis sanctorum Pontíficum tuórum semper veneratióne lætári, et eórum perpétua supplicatióne muníri. Per Dóminum.


Alia Postcomm. Dominicæ occur.
In fine Missæ leg. Ev. ejusd. Dom.

DOMINICA II. JULII.

S. Pulcheriæ Imperatricis Virginis.

Introitus.

Psal. 44.



Ultum tuum deprecabúntur omnes dívites plebis: adducéntur Regi vírgines post eam: próximæ ejus adducéntur tibi in lætítia et exultatióne.

Ps. ibid. Eructávit cor meum verbum bonum: dico ego ópera mea Regi. **V. Glória Patri.**

Oratio.

DEus, qui beátam Pulchériam vírginem tuam singulári castitátis prærogatíva decorásti, quique illi ad defendéndam Ecclesiám tuam summum fidei amórem tribúere voluísti: concéde; ut ejus intercessi-óne, tibi puris méntibus inhæréntes, ab ómnium hóstium insídiis misericórditer liberémur. Per Dóminum.

Et fit commem. Dominicæ occur.

Léctio Epístolæ beáti Pauli Apóstoli ad Corínthios. 1. Cor. 7.

FRatres, De virgínibus præcéptum Dómini non hábeo: consílium autem do, tamquam misericórdiam consecútus à Dómino, ut sim fídelis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutióne. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit. Tribulatióne tamen carnis habébunt hujúsmodi. Ego autem vobis parco. Hoc itaque dico, fratres: tempus breve est: réliquum est, ut et qui habent uxóres, tamquam non habéntes sint.

Graduale. Psal. 44. Spécie tua, et pulchritúdine tua inténde, prospere procéde, et regna.

V. Propter veritátem, et mansuetúdinem, et justítiam, et dedúcet te mirabíliter dextera tua.

Allelúja, allelúja.

V. Fíliæ regum in honóre tuo: ástitit regína à dextris tuis in vestítu deauráto, circúmdata varietáte. **Allel.**

Sequéntia sancti Evangélíi scúndum Joánnem. Joann. 17.

IN illo témpore: Dixit Jesus: Hæc est autem vita æténa, ut cognóscant te solum Deum verum, et quem

misisti Jesum Christum. Ego te clarificavi super terram: opus consummavi, quod dedisti mihi ut faciam: et nunc clarifica me tu, Pater, apud te ipsum, claritate, quam habui, priusquam mundus esset, apud te. Manifestavi nomen tuum hominibus, quos dedisti mihi de mundo. Tui erant, et mihi eos dedisti; et sermonem tuum servaverunt. Nunc cognoverunt, quia omnia, quae dedisti mihi, abs te sunt: quia verba, quae dedisti mihi, dedi eis: et ipsi acceperunt, et cognoverunt vere, quia a te exivi, et crediderunt, quia tu me misisti.

Credo.

Offertorium. Judith. 15. Tu gloria Jerúsalem, tu lætitia Israel, tu honorificentia populi nostri: quia fecisti viriliter, et confortatum est cor tuum, eo quod castitatem amaveris.

Secreta.

Accépta tibi sit, Dómine, sacramentæ plebis oblatio pro tuorum honore sanctorum, quorum se meritis de tribulatione percepisse cognoscit auxilium. Per Dóminum.

Alia Secreta de Dominica occurr.

Communio. Sap. 4. O quam pulchra est casta generatio cum claritate! Immortalis est enim memoria illius, quoniam et apud Deum nota est, et apud homines.

Postcommunio.

Satiasti, Dómine, familiam tuam munéribus sacris: ejus, quæsumus, semper interventione nos refove, cujus solémnia celebramus. Per Dóminum nostrum.

Alia Postcomm. de Domin. occur.

In fine legitur Evangelium ejusdem Dominicæ.

DIE III. JULII.

S. Pauli I. Papæ et Confessoris.

Missa. Státuit. de Comuni Confessoris Pontificis. fol. xiii.



EADEM DIE.

S. Martialis Episcopi et Confessoris.

Missa. Sacerdotes. de Comm. Conf. Pont. fol. xiv. præter Orationem seq. Oratio.

OMnipotens sempiternus Deus, qui beatum Martialem confesorem tuum atque pontificem, Ecclesiæ tuæ sanctæ præesse voluisti: quæsumus; ut ejus suffragantibus meritis, pietatis tuæ gratiam largiaris. Per Dóminum.

Et fit commem. Oct. Apostolorum.

DIE V. JULII.

B. Michaelis de Sanctis Confessoris.

Introitus. Sap. 4.



Consummatus in brevi, explévit tempora multa: plácita enim erat Deo ánima illius; propter hoc properavit educere illum de medio iniquitatum.

Psal. 41. Quemádmódum desiderat cervus ad fontes aquarum: ita desiderat ánima mea ad te Deus.

V. Glória Patri.

Oratio.

Misericors Deus, qui beatum Michaëlem confesorem tuum morum innocentia, et mirabili caritate præstare voluisti: concède quæsumus; ut ejus intercessione a vitiis liberati, et igne tui amoris succensi, ad te pervenire mereámur. Per Dóminum nostrum.

Lectio libri Sapiéntiæ. Cant. 8. b

Pone me ut signaculum super cor tuum, ut signaculum super brachium tuum; quia fortis est ut mors dilectio, dura sicut inférnus æmulatio: lámpades ejus, lámpades ignis atque flammarum. Aquæ multæ non potuerunt extinguere caritatem, nec flúmina obruent illam: si dederit homo omnem substantiam domus suæ pro dilectione, quasi nihil despiciet eam.

Graduale. Pal. 75. Veníte, audíte et narrábo omnes, qui timétis Deum, quanta fecit ánimæ meæ.

V. Psal. 70. Deus docuísti me à juventúte mea, et usque nunc pronuntiábo mirabília tua. Allelúja, allelúja.

V. Psal. 83. Cor meum et caro mea exultavérunt in Deum vivum. Allel.

 **Sequéntia sancti Evangélíi secúndum Matthæum. Matth. 22. c**

IN illo témpore: Respóndens Jesus, ait Sadducæis: Errátis, nesciéntes scriptúras, neque virtútem Dei. In resurrectione enim neque nubent, neque nubéntur: sed erunt sicut Angeli Dei in cœlo. De resurrectione autem mortuórum non legístis, quod dictum est à Deo dicente vobis: Ego sum Deus Abraham, et Deus Isaac, et Deus Jacob? Non est Deus mortuórum, sed vivéntium. Et audiéntes turbæ, mirabántur in doctrína ejus. Phariséi autem audiéntes, quod siléntium imposuisset Sadducæis, convenérunt in unum; et interrogávit eum unus ex eis legis doctor, tentans eum: Magíster, quod est mandátum magnum in lege? Ait illi Jesus: Díliges Dóminum Deum tuum ex toto corde tuo, et in tota ánima tua, et in tota mente tua. Hoc est máximum, et primum mandátum. Secúndum autem símile est huic: Díliges próximum tuum, sicut teípsum. In his duóbus mandátis univérsa lex pendet et prophætæ.

Credo propter Octavam Apostol.

Offertorium. Psal. 25. Júdica me Dómine, quóniam ego in innocentia mea ingressus sum: et in Dómino sperans non infirmábor.

Secreta.

HÆc hóstia, Dómine, placatiónis et laudis, quam Majestáti tuæ pro beáti Michaélis honóre solémniter offérimus, et tibi grata, et nobis salutáris, te miseránte reddátur. Per Dóminum nostrum.

Communio. Prov. 23. v. 26. Præbe fili mi, cor tuum mihi: et óculi tui vias meas custódiant.

Postcommunio.

CÆléstibus donis refécti, quæsumus, omnípotens et miséricors Deus: ut ignem tui amoris, quo beáti Michaélis cor semper exársit, in nobis cleménter accéndas. Per Dóminum nostrum.

DIE VII. JULII.

B. Benedicti XI. Papæ et Confess.

Missa. Státuit. primo loco. fol. xiii. præter Orationem sequentem.

Oratio.

DEus, qui beátum Benedíctum Pontíficem benedictiónis tuæ grátia ad cœlum sublevásti: populum tuum, quæsumus, nova benedictióne sanctífica; et à cunctis malis imminéntibus, ejus méritis et précibus, tua virtúte defénde. Per Dóminum.

EADEM DIE.

B. Laurentii a Brundusio Confess.

Missa. Os justi. de Communi Confessoris non Pontificis. fol. xvii. præter Orationes sequentes.

Oratio.

DEus, qui ad árdua quæque pro nóminis tui glória, et animárum salute, beáto Lauréntio confessori tuo Spíritum consílii et fortitúdinis tribuísti: da nobis in eódem Spíritu et agénda cognóscere, et cógnita ejus intercessióne perficere. Per Dóminum. in unitáte ejúsdem.

Secreta.

AD cœléste convívium fac nos, Deus, salutáribus pœniténtiæ lácrymis dignos accédere: quod beáto Lauréntio vitæ candor suavíssimum efficiébat. Per Dóminum.

Postcommunio.

DIvinitátis tuæ, Dómine, sempitérna fruitióne satiémur: quam beátus Lauréntius in sacro altáris mystério prægustábat. Per Dóminum nostrum.

DIE IX. JULII.

**In Festo Prodigiorum
Beatae Mariae Virginis.****Missa. Salve sancta Parens.** fol. xliii.

EADEM DIE.

S. Veronicæ de Julianis Virginis.**Missa. Dilexisti. de Comm.** fol. xxiii.**Oratio.**

Domine Jesu Christe, qui beatam Veronicam virginem Passionis tuæ signis mirabilem effecisti: concede propitius; ut carnem crucifigentes, ad gaudia æterna pervenire mereamur. Qui vivis et regnas.

Secreta.

Suscipe, misericors Deus, quas tibi humiliter offerimus, laudis hostias; et, interveniente beata Veronica, virgine tua, fac, eas nobis ad perpetuum provenire subsidium. Per Dominum nostrum.

Postcommunio.

Cœlesti mûnere roborâtos fac nos, quæsumus Domine Deus noster, beatæ Veronicæ, virginis tuæ, et exemplis instrui, et patrociniis adjuvâri. Per Dominum.

DIE XI. JULII.

S. Pii I. Papæ et Martyris.**Missa. Stâtuit. primo loco.** fol. ii.

DIE XII. JULII.

SS. Hermagoræ et Fortunati Mart.**Missa. Intret. de Comuni plurimorum Mart.** fol. ix. **præter Orationes sequentes.****Oratio.**

Deus, qui nos hodierna die beatorum martyrum tuorum Hermagoræ et Fortunati multiplici facis celebritate gaudere: tribue, quæsumus; eorum nos semper piis defensionibus muniri, et orationibus adjuvâri. Per Dominum nostrum.

Et fit commemoratio SS. Naboris et Felicis Martyrum.**Oratio.**

Præsta, quæsumus Domine: ut sicut nos sanctorum martyrum

tuorum Naboris et Felicis natalitia celebranda non deserunt; ita jûgiter suffragiis comitentur. Per Dominum nostrum.

Secreta.

Munera humilitatis nostræ, quæ pro sanctorum martyrum tuorum Hermagoræ et Fortunati gloriosa passione et solemnitate offerimus, quæsumus, Domine, clementiam tuam, respicere dignare: et ipsorum intercessione, tam ad profectum vitæ, quam animæ, salutaria nobis consueta miseratione provenire concede. Per Dominum nostrum.

Pro Sanctis Martyribus.**Secreta.**

Munera plebis tuæ, quæsumus Domine, sanctorum martyrum tuorum Naboris et Felicis fiant grata suffragiis: et quorum triumphis tuo nomini offeruntur, ipsorum digna perficiantur et meritis. Per Dominum nostrum.

Postcommunio.

Sumèntes, Domine, cœlestis dona mystèrii, quæsumus: ut sanctorum tuorum Hermagoræ et Fortunati adjuvemur meritis, quorum solemnitatem celebramus. Per Dominum nostrum.

Pro Sanctis Martyribus.**Postcommunio.**

Natalitiis sanctorum tuorum, quæsumus Domine, ut sacramenti mûnere vegetati, bonis, quibus per tuam gratiam nunc fovemur, perfruamur æternis. Per Dominum.


DIE XIII. JULII.

S. Anacleti Papæ et Martyris.**Missa, ut in Missali.** fol. 423.

DIE XVII. JULII.

S. Leonis IV. Papæ et Confessoris.**Missa. Stâtuit. primo loco.** fol. xiii.

EADEM DIE.

S. Alexii Confessoris.**In Urbe, et toto Districtu Romæ.****Introitus. Gen. 12.**

Grédere de terra tua, et de domo patris tui, et veni in terram, quam monstrábo tibi.

Psal. 44. Oblivíscere pópulum tuum, et domum patris tui: et concupíscet rex decórem tuum.**V. Glória Patri.****Oratio.****D**Eus, qui beátum Aléxium, confessórem tuum, in mundi contéptu miráblem effecísti: præsta quæsumus; ut intercessiónis ejus auxílio, fidéles tui terréna despícient, et ad cœléstia semper aspírent. Per Dóminum nostrum.**Léctio Epístolæ beáti Pauli Apóstoli ad Timótheum. 1. Tim. 6.****C**Aríssime, Est quæstus magnus píetas cum sufficiéntia. Nihil enim intúlimus in hunc mundum: haud dúbium, quod nec auférre quid pòssumus. Habéntes autem aliménta, et quibus tegámur, his conténti simus. Nam qui volunt dívites fieri, incidunt in tentatióem, et in láqueum diaboli, et desidéria multa inútilia et nocíva, quæ mergunt hómines in intéritum et perditiónem. Radix enim ómnium malórum est cupíditas: quam quidam appeténtes, erravérunt à fide, et inseruérunt se dolóribus multis. Tu autem, o homo Dei, hæc fuge: sectáre vero justítiam, pietátem, fidem, caritátem, paciéntiam, mansuetúdinem. Certa bonum certámen fidei: apprehénde vitam ætéram.**Graduale. Jer. 27. et Psal. 72.** Relíqui domum meam, dimísi hæreditátem meam.**V.** Quia bonum mihi est adhærére Deo: pónere in Dómino Deo spem meam.**Allelúja, allelúja.****V. Psal. 5. et 131.** Introibo in domum tuam: hæc réquies mea in sæculum sæculi: híc habitábo, quóniam elégi eam. Allelúja.**Sequéntia sancti Evangélíi secúndum Matthæum. Matth. 19. d****I**N illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis? Jesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israel. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam ætéram possidébit.**Offertorium. Gen. 32.** Revértere in terram tuam, et in locum nativitátis tuæ, et benefáciam tibi.**Secreta.****P**ropítius esto, Dómine, supplicatióibus nostris; et intercessióne beáti Aléxii, confessóris tui, ómnium nostrum ad te corda convérte: ut à mundánis cupiditatibus expediti, te solum pura mente sectémur. Per Dóminum nostrum.**Communio. Job. 19. et Psal. 16.** Inquilíni domus meæ, et ancíllæ meæ sicut aliénium habuérunt me, et quasi peregrínus fui in óculis eórum: Dóminus autem assúmpsit me.**Postcommunio.****S**umpsimus, Dómine, sacri dona mystérii, humíliter deprecántes: ut beátum Aléxium, confessórem tuum, quem admirábilem in mundi contéptu prædicámus in terris, intercessórem habére mereámur in cœlis. Per Dóminum nostrum.

DIE XIX. JULII.

S. Symmachi Papae et Confessoris.
Missa. Statuit. primo loco. fol. xiii.

DIE XX. JULII.

S. Eliae Prophetae Conf.

Introitus.

3. Reg. 19.



Zelo zelatus sum pro Domino Deo exercituum, dixit Elías ad Dominum, quia dereliquerunt pactum tuum filii Israel: altaria tua destruxerunt gladio: derelictus sum ego solus, et quaerunt animam meam, ut auferant eam.

Psal. 29. Exaltabo te, Domine, quoniam suscepisti me: nec delectasti inimicos meos super me.

V. Gloria Patri. Oratio.

PRæsta, quæsumus omnipotens Deus: ut qui beatum Eliam prophetam tuum igneo curru mirabiliter elevatum esse credimus: eodem interveniente, ad cœlestia sublevemur, et sanctorum tuorum consortio gaudeamus. Per Dominum.

Deinde fit commemoratio S. Margaritæ Virginis et Martyris. Oratio.
Indulgentiam. fol. 430.

Lectio libri Sapientiae. Eccli. 40.

Surréxit Elías propheta, quasi facula, ardēbat. Qui induxit in populos famem, et irritantes illum invidia sua, pauci facti sunt; non enim poterant sustinere præcepta Domini. Verbo Domini continuit cœlum, et dejecit de cœlo ignem ter. Sic amplificatus est Elías in mirabilibus suis. Et quis potest similiter sic gloriari tibi? Qui sustulisti mortuum ab inferis de sorte mortis in verbo Domini Dei. Qui dejecisti reges ad perniciem, et confregisti facile potentiam ipsorum, et gloriosos de lecto suo. Qui audis in Sina iudicium, et in Horeb iudicia defensionis. Qui ungis reges ad penitentiam, et prophetas

facis successores post te. Qui receptus es in turbine ignis, in curru equorum igneorum. Qui scriptus es in iudiciis temporum, lenire iracundiam Domini, conciliare cor patris ad filium, et restituere tribus Israel.

Graduale. 4. Reg. 2. Factum est, cum levare vellet Dominus Eliam per turbinem in cœlum, ibant Elías, et Elisæus de Gálgalis.

V. Cumque incedentes sermocinarentur, ecce currus igneus, et equi ignei, divisérunt utrumque: et ascendit Elías per turbinem in cœlum.

Allelúja, allelúja.

V. 1. Machab. 2. Elías, dum zelat zelum legis, receptus est in cœlum. **Allelúja.**

Sequētia sancti Evangēlii secundum Matthæum. Matth. 17.

IN illo tempore: Assumpsit Jesus Petrum, et Jacobum, et Joannem fratrem ejus, et duxit illos in montem excelsum seorsum, et transfiguratus est ante eos. Et resplenduit facies ejus sicut sol, vestimenta autem ejus facta sunt alba sicut nix. Et ecce apparuerunt illis Moyses, et Elías cum eo loquentes. Respondens autem Petrus, dixit ad Jesum: Domine, bonum est nos hic esse: si vis, faciamus hic tria tabernacula, tibi unum, Moysi unum, et Eliæ unum. Adhuc eo loquente, ecce nubes lucida obumbravit eos. Et ecce vox de nube, dicens: Hic est Filius meus dilectus, in quo mihi bene complacui: ipsum audite. Et audientes discipuli ceciderunt in faciem suam, et timuerunt valde. Et accessit Jesus, et tetigit eos, dixitque eis: Surgite, et nolite timere. Levantes autem oculos suos, neminem viderunt, nisi solum Jesum. Et descendētibz illis de monte, præcepit eis Jesus dicens: Nemini dixeritis visionem, donec Filius hominis a mortuis resurgat.

Offertorium. Jac. 5. Elías homo erat similis nobis passibilis, et oratione

orávit, ut non plúeret super terram, et non pluit annos tres, et menses sex: et rursum orávit, et cœlum dedit plúviam, et terra dedit fructum suum.

Secreta.

Offerimus tibi, Dómine, hóstiam laudis in honórem sancti Elíæ prophétæ tui: et sicut tu holocáusto suo adfuisti; ita sacrificium nostrum suscipere dignéris, ut per illud ad ætérnam mereámur pervenire lætítiam. Per Dóminum nostrum.

Communio. Malach. 4. Ecce ego mittam vobis Elíam prophétam, ántequam véniat dies Dómini magnus et horribilis; et convertet cor patrum ad filios, et cor filiórum ad patres eórum.

Postcommunio.

Deus, qui per sanctum Angelum tuum beáto Elíæ prophétæ tuo cibum, et potum tribuisti: ipso interveniente concéde; ut quæ de cœlesti mensa percépimus, sincéris méntibus illibáta servémus. Per Dóminum.

DIE XXI. JULII.

S. Danielis Prophetæ et Confessoris.



Introitus. Psal. 118.

Oquébar de testimóniis tuis in conspéctu regum, et non confundébar: et meditábar in mandátis tuis, quæ diléxi nimis.

Ps. ib. Beáti immaculáti in via, qui ámbulant in lege Dómini.

V. Glória Patri. Oratio.

Deus, qui nos beáti Daniélis, confessoris tui, ánnua solemnitáte lætíficas: concéde propítius; ut ejus natalítia cólimus, étiam actiónes imitémur. Per Dóminum nostrum.

Et fit commem. S. Praxedis Virg.

Oratio.

Exáudi nos, Deus salutáris noster: ut sicut de beátæ Praxedis, vírginis tuæ, festivitáte gaudémus, ita piæ devotiónis erudiámur afféctu. Per Dóminum.

Léctio Daniélis Prophétæ. Dan. 14. e

IN diébus illis: Congregáti sunt Babylónii ad regem, et dixerunt ei: Trade nobis Daniélem, qui Bel destrúxit, et draconem interfécit: alióquin interficiémus te, et domum tuam. Vidit ergo rex quod irrúerent in eum vehementer: et necessitáte compúlsus, trádedit eis Daniélem. Qui misérunt eum in lacum leónum, et erat ibi diébus sex. Porro in lacu erant leónes septem, et dabántur eis duo córpora quotidie, et duæ oves: et tunc non data sunt eis, ut devorárent Daniélem. Erat autem Hábacuc prophéta in Judæa; et ipse cóxerat pulméntum, et intríverat panes in alvéolo: et ibat in campum, ut ferret messóribus. Dixitque Angelus Dómini ad Hábacuc: Fer prándium quod habes, in Babylónem Daniéli, qui est in lacu leónum. Et dixit Hábacuc: Dómine, Babylónem non vidi, et lacum nescio. Et apprehéndit eum Angelus Dómini in vértice ejus, et portávit eum capíllo cápitis sui, posuitque eum in Babylónem supra lacum in ímpetu spíritus sui. Et clamávit Hábacuc, dicens: Dániel serve Dei, tolle prándium, quod misit tibi Deus. Et ait Dániel: Recordátus es mei, Deus, et non dereliquisti diligétes te. Surgénsque Dániel, comédit. Porro Angelus Dómini restítuit Hábacuc conféstim in loco suo. Venit ergo rex die séptimo, ut lugéret Daniélem: et venit ad lacum, et introspéxit, et ecce Dániel sedens in médio leónum. Et exclamávit voce magna rex, dicens: Magnus es, Dómine Deus Daniélis. Et extráxit eum de lacu leónum. Porro illos, qui perditionis ejus causa fúerant, intromísit in lacum, et devoráti sunt in moménto coram eo. Tunc rex ait: Páveant omnes habitántes in univérsta terra Deum Daniélis, quia ipse est Salvátor, fáciens signa et mirabília in terra: qui liberávit Daniélem de lacu leónum.

Graduale. Ps. 91. Justus ut palma florébit: sicut Cedrus Líbani multiplicábitur in domo Dómini.

V. Ad annuntiándum mane misericórdiam tuam, et veritátem tuam per noctem. **Allelúja, allelúja.**

V. Jac. 1. Beátus vir, qui suffert tentatióem, quóniam cum probátus fúerit, accípiet corónam vitæ. **Allel.**

Sequéntia sancti Evangélíi secúndum Matthæum. Matth. 24. b

IN illo témpore: Dixit Jesus discípulis suis: Cum vidéritis abominatióem desolatióis, quæ dicta est à Daniéle prophéta, stantem in loco sancto: qui legit intélligat: tunc qui in Judæa sunt, fúgiant ad montes: et qui in tecto, non descéndat tóllere áliquid de domo sua: et qui in agro, non revertátur tóllere túnica suam. Væ autem prægnántibus, et nutriéntibus in illis diébus! Oráte autem, ut non fiat fuga vestra in hyeme, vel sábbato. Erit enim tunc tribulátió magna, qualis non fuit ab iníitio mundi usque modo, neque fiet. Et nisi breviáti fuissent dies illi, non fieret salva omnis caro: sed propter eléctos breviabúntur dies illi. Tunc si quis vobis dixerit: Ecce hic est Christus, aut illic: nolíte credere. Surgent enim pseudochrísti, et pseudoprophétæ: et dabunt signa magna, et prodígia, ita ut in errórem inducántur (si fieri potest) etiam elécti. Ecce prædíxi vobis. Si ergo dixerint vobis: Ecce in desérto est, nolíte exíre: ecce in penetrálibus, nolíte credere. Sicut enim fulgur exit ab Oriénte, et paret usque in Occidéntem: ita erit et advéntus Fílii hóminis. Ubiqumque fúerit corpus, illic congregabúntur et áquilæ. Statim autem post tribulatióem diérum illórum sol obscurábitur, et luna non dabit lumen suum, et stellæ cadent de cælo, et virtútes cælórum commovebúntur: et tunc parébit signum Fílii hóminis in cælo: et tunc plangent omnes tribus terræ: et vidébunt Fílium hó-

minis veniéntem in núbibus cæli cum virtúte multa et majestáte. Et mittet Angelos suos cum tuba et voce magna: et congregábunt eléctos ejus à quátuor ventis, à summis cælórum usque ad téminos eórum. Ab árbore autem fici discite parábolam: cum jam ramus ejus tener fúerit, et fólia nata, scitis quia prope est æstas: ita et vos, cum vidéritis hæc ómnia, scitóte quia prope est in jánuis. Amen dico vobis: quia non præteríbit generátió hæc, donec ómnia hæc fiánt. Cælum et terra transíbunt, verba autem mea non præteríbunt.

Offertorium. Dan. 9. Orávi Deum meum ego Dániel, dicens: Exáudi, Dómine, preces servi tui: illúmina fáciem tuam super sanctuárium tuum: et propítius inténde in pópulum istum, super quem invocátum est nomen tuum, Deus. **Secreta.**

LAudis tibi, Dómine, hóstias imolámus in tuórum commemoratióne sanctórum: quibus nos et præsentibus éxui malis confidimus, et futúris. Per Dóminum nostrum.

Pro S. Praxede Virgine. Secreta.

ACcépta tibi sit, Dómine, sacrætæ plebis oblátio pro tuórum honóre sanctórum: quorum se méritis de tribulatióne percepisse cognóscit auxílium. Per Dóminum.

Communio. Matth. 24. Beátus servus, quem cum vénerit Dóminus, invénerit vigilántem: amen dico vobis, super ómnia bona sua constituet eum.

Postcommunio.

REfécti cibo, potúque cælesti, Deus noster, te súplices exorámus: ut, in cujus hæc commemoratióne percépimus, ejus muniámur et précibus. Per Dóminum nostrum.

Pro S. Praxede Virgine.

Postcommunio.

SAtiásti, Dómine, famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum nostrum.

DIE XXVII. JULII.

S. Pantaleonis Martyris.**Sequens Oratio die. ubi est concessa.****Oratio.**

DEus, qui beátum Pantaleónem, mártirem tuum, vária torménta superáre fecísti, et pro persecutóribus exoráre: concéde propítius; ut qui ejus implorámus auxílium, misericórdiæ tuæ sentiámus efféctum. Per Dóminum.

DIE XXVIII. JULII.

SS. Victoris Papæ et Mart.**Innocentii I. Papæ et Confessoris, Nazarii et Celsi Mart.****Introitus. Psal. 78.**

Intret in conspéctu tuo, Dómine, gémitus compeditórum: redde vicinis nostris séptuplum in sinu eórum: vándica sánguinem sanctórum tuórum, qui effúsus est.

Psal. ibid. Deus venérunt gentes in hæreditátem tuam, polluérunt templum sanctum tuum: posuérunt Jerúsalem in pomórum custódiam.

V. Glória Patri.**Oratio.**

Sanctorum tuorum nos, Dómine, Victóris, Innocéntii, Nazárii et Celsi conféssio beáta commúniat: et fragilitáti nostræ subsidium dignánter exóret. Per Dóminum nostrum.

Léctio libri Sapiéntiæ. Sap. 10. d

Reddedit Deus justis mercédem labórum suórum, et dedúxit illos in via mirábili: et fuit illis in velaménto diéi, et in luce stellárum per noctem: tránstulit illos per Mare rubrum, et transvéxit illos per aquam nímiám. Inimícos autem illórum demérsit in mare, et ab altitúdine inferórum edúxit illos. Ideo justi tulerunt spólia impiórum, et decantavérunt, Dómine, nomen sanctum tuum, et victrícem manum tuam laudavérunt páriter, Dómine Deus noster.

Graduale. Exodi 15. Gloriósus Deus in sanctis suis: mirábilis in majestáte, fáciens prodígia.

V. Dextera tua, Dómine, glorificáta est in virtúte: dextera manus tua confrégit inimícos. **Allelúja, allelúja.**

V. Eccli. 44. Córpora sanctórum in pace sepúlta sunt: et nómina eórum vivent in generatióne, et generatióne. **Allelúja.**

Sequéntia sancti Evangélii secúndum Lucam. Lucæ. 21. c

In illo témpore: Dixit Jesus discipulis suis: Cum audiéritis prælia, et seditiões, nolíte terréri: opórtet primum hæc fiéri, sed nondum statim finis. Tunc dicébat illis: Surgent gens contra géntem, et regnum advérsus regnum. Et terræmótus magni erunt per loca, et pestiléntiæ, et fames, terrorésque de cœlo, et signa magna erunt. Sed ante hæc ómnia injicient vobis manus suas, et persequéntur, tradéntes in synagógas, et custódias, trahéntes ad reges, et præsides propter nomen meum: contínget autem vobis in testimónium. Pónite ergo in córdibus vestris non præmeditári, quemádmódum respondeátis. Ego enim dabo vobis os et sapiéntiam, cui non póterunt resistere, et contradícere omnes adversárii vestri. Tradémini autem à paréntibus, et frátribus, et cognátis, et amícis, et morte afficient ex vobis: et éritis ódio ómnibus propter nomen meum: et capíllus de capite vestro non períbit. In paciéntia vestra possidebitis ánimas vestras.

Offertorium. Psal. 67. Mirábilis Deus in sanctis suis: Deus Israel ipse dabit virtútem, et fortitúdinem plebi suæ: benedíctus Deus, allelúja.

Secreta.

Concéde nobis omnipotens Deus: ut his munéribus, quæ in sanctórum tuórum Victóris, Innocéntii, Nazárii, et Celsi, honóre deférimus, et te placémus exhibitis, et nos vivificémur accéptis. Per Dóminum.

Communio. Sap. 3. Et si coram hominibus tormenta passi sunt, Deus tentavit eos: tamquam aurum in fornace probavit eos, et quasi holocausta accepit eos.

Postcommunio.

Sanctorum Victoris, Innocentii, Nazarii, et Celsi, Domine, intercessione placatus: praesta quaesumus; ut quod temporali celebramus actione, perpetua salvatione capiamus. Per Dominum nostrum.

DIE XXIX. JULII.

S. Felicis II. Papae, et Martyris.**Missa. Statuit. de Communi. fol. ii.**

DIE XXX. JULII.

S. Margaritae Virginis et Martyris.**Missa. Me expectaverunt. de Communi Virginis et Martyris. fol. xxi. praeter Orationes sequentes.****Oratio.**

Deus, qui beatam Margaritam virginem per martyrii palmam tui regni fecisti consortem: concede nobis quaesumus; ut per ejus exempla ad te pervenire mereamur. Per Dominum nostrum.

Deinde fit commem. SS. Abdon, et Sennen Martyrum. Oratio.

Deus, qui sanctis tuis Abdon et Sennen ad hanc gloriam veniendi copiosum munus gratiae contulisti: da famulis tuis suorum veniam peccatorum, ut sanctorum tuorum intercedentibus meritis, ab omnibus mereamur adversitatibus liberari. Per Dominum nostrum.

Secreta.

Oblationibus nostris, quaesumus Domine, placare susceptis: et intercedente beata Margarita, virgine et martyre tua, ad te nostras etiam rebelles compelle propitius voluntates. Per Dominum nostrum.

Pro SS. Martyribus. Secreta.

Haec hostia, quaesumus Domine, quam sanctorum martyrum tuorum natalitia recensentes offeri-

mus: et vincula nostrae pravitatis absolvat, et tuae nobis misericordiae dona conciliet. Per Dominum.

Postcommunio.

Tua nos, quaesumus Domine, sancta purificent, et intercedente beata Margarita, virgine et martyre tua, operatione sua tibi placitos esse perficiant. Per Dominum.

Pro SS. Martyribus.**Postcommunio.**

Per hujus, Domine, operationem mysterii, et vitia nostra purgentur, et intercedentibus sanctis martyribus tuis Abdon et Sennen, justa desideria compleantur. Per Dominum nostrum.

DIE II. AUGUSTI.

S. Stephani I. Papae, et Martyris.**Missa ut in Missali. fol. 446.**

DIE VII. AUGUSTI.

Sancti Cajetani Confessoris.**Introitus. Psal. 71.**

Ihi autem adherere Deo bonum est: ponere in Domino Deo spem meam.

Ps. ibid. Quam bonus Israel Deus, his qui recto sunt corde!
V. Gloria Patri.

Oratio.

Deus, qui beato Cajetano, confessori tuo, Apostolicam vivendi formam imitari tribuisti: da nobis, ejus intercessione et exemplo, in te semper confidere, et sola coelestia desiderare. Per Dominum.

Lectio Epistolae beati Pauli Apostoli ad Timotheum. 1. Tim. 6.

Carissime, est quaestus magnus pietas cum sufficientia. Nihil enim intulimus in hunc mundum: haud dubium, quod nec auferre quid possumus. Habentes autem alimenta, et quibus tegamur; his contenti simus. Nam qui volunt divites fieri, incidunt in tentationem et in laqueum diaboli, et desideria multa

inutilia et nociva, quæ mergunt homines in interitum et perditionem. Radix enim omnium malorum est cupiditas: quam quidam appetentes, erraverunt à fide, et inseruerunt se doloribus multis. Tu autem o homo Dei, hæc fuge, sectare vero iustitiam, pietatem, fidem, caritatem, patientiam, mansuetudinem. Certa bonum certamen fidei: apprehende vitam æternam.

Graduale. Psal. 124. Qui confidunt in Domino, sicut mons Sion: non commovebitur in æternum, qui habitat in Ierusalem.

V. Montes in circuitu ejus: et Dominus in circuitu populi sui, ex hoc nunc, et usque in sæculum.

Allelúja, allelúja.

V. Ps. 36. Spera in Domino, et fac bonitatem, et inhabita terram, et pascéris in divitiis ejus. **Allelúja.**

In Missis votivis. Post Septuagesimam omissis, Allelúja, et versu sequenti dicitur, Tractus. Ps. 61. Ipse Deus meus, et Salvator meus, non emigrabo. **V.** In Deo salutare meum, et gloria mea: Deus auxilii mei, et spes mea in Deo est. **V.** Sperate in eo omnis congregatio populi: effundite coram illo corda vestra.

Temp. Pasch. omittitur Graduale, et ejus loco dicitur: Allelúja, allelúja.

Psal. 36. Spera in Domino, et fac bonitatem, et inhabita terram, et pascéris in divitiis ejus. **Allelúja.**

V. Ps. 61. Sperate in eo omnis congregatio populi, effundite coram illo corda vestra. **Allelúja.**

 **Sequentia sancti Evangelii secundum Matthæum. Matth. 6. c**

IN illo tempore: Dixit Jesus discipulis suis: Nemo potest duobus dominis servire: aut enim unum odio habebit, et alterum diliget: aut unum sustinebit, et alterum contemnet. Non potestis Deo servire, et mammonæ. Ideo dico vobis, ne solliciti sitis animæ vestræ quid manducetis, neque corpori vestro quid induamini. Non-

ne anima plus est quam esca: et corpus plus quam vestimentum? Respiciite volatilia cœli, quoniam non serunt, neque metunt, neque congregant in hœrea: et Pater vester cœlestis pascit illa. Nonne vos magis pluris estis illis? Quis autem vestrum cogitans potest adjicere ad staturam suam cubitum unum? Et de vestimento quid solliciti estis? Considerate lilia agri, quomodo crescunt: non laborant, neque nent. Dico autem vobis: quoniam nec Salomon in omni gloria sua coopertus est, sicut unum ex istis. Si autem fœnum agri, quod hodie est, et cras in clibanum mittitur, Deus sic vestit: quanto magis vos modicæ fidei? Nolite ergo solliciti esse, dicentes: Quid manducabimus, aut quid bibemus, aut quo operiemur? Hæc enim omnia gentes inquirunt. Scit enim Pater vester, quia his omnibus indigétis. Quærite ergo primum regnum Dei, et iustitiam ejus: et hæc omnia adjicientur vobis.

Offertorium. Psal. 61. Sperate in eo omnis congregatio populi: effundite coram illo corda vestra: Deus adiutor noster in æternum.

Secreta.

DA nobis, quæsumus Domine, sacra hæc mystéria eo spiritus et mentis ardore peragere, quo sanctus tuus confessor Cajetanus, ipsa tractando, flagrabat. **Per Dominum.**

Communio. Psal. 117. Bonum est confidere in Domino, quam confidere in homine: bonum est sperare in Domino, quam sperare in principibus.

Postcommunio.

QUos cœlesti, Domine, pábulo satiasti: sancti Cajetani, confessoris tui, interveniente suffragio, cœlestis providentiæ præsidia sentire, et ad sempiterna jûgiter aspirare concede. **Per Dominum.**

DIE IX. AUGUSTI.

S. Sixti II. Papæ et Martyris.

Missa. Státuit. primo loco. fol. ii.

EADEM DIE.

S. Emidii Episcopi et Martyris.**Introitus. Psal. 17.**

Ommóta est, et contrémuit terra: fundamenta móntium conturbáta sunt, quóniam irátus est eis.

Psal. 49. Invoca me in die tribulatiónis: éruam te, et honorificábis me.

V. Glória Patri.

Oratio.

DEus, qui beátum Emídium, mártirem tuum atque pontíficem, Idolórum victória, et miraculórum glória decorásti: concéde propítius; ut, eo interveniénte, malórum spirítuum fraudes vincere, et coruscáre virtútibus mereámur. Per Dóminum.

Deinde fit commemoratio Vigilæ S. Laurentii, et S. Romani Mart. fol. 453.

Léctio libri Apocalypsis beáti Joánnis Apóstoli. Apoc. 11.

IN illa hora factus est terræmótus magnus, et décima pars civitátis cécidit, et occisa sunt in terræmótu nómina hóminum septem millia: et réliqui in timórem sunt missi, et dederunt glóriam Deo cœli. Væ secúndum ábiit, et ecce væ tértium véniet cito. Et séptimus Angelus tuba cécinit, et factæ sunt voces magnæ in cœlo, dicéntes: Factum est regnum hujus mundi Dómini nostri, et Christi ejus, et regnabit in sæcula sæculórum: Amen. Et vigintiquá-tuor senióres, qui in conspéctu Dei sedent in sédibus suis, cecidérunt in fácies suas, et adoravérunt Deum, dicéntes: Grátias ágimus tibi, Dómine Deus omnípotens, qui es, et qui eras, et qui ventúrus es: quia accepísti virtútem tuam magnam, et regnásti.

Graduale. Psal. 59. Dedísti metuéntibus te significatiónem, ut fúgiant à fácie arcus.

V. Ut liberéntur dilécti tui: salvum fac dextera tua, et exáudi me.

Allelúja, allelúja.

V. Psal. 88. Manus mea auxiliábitur ei, et bráchium meum confortábit eum. Allelúja.

Post Septuages. omissis Allelúja, et Versu sequenti dicitur:

Tractus Psal. 16. Non avértam fáciem meam à vobis, et non iráscar in perpétuum.

V. Isai 42. Dedi te in fœdus pópuli, et lucem géntium.

V. ibid. Factus est fortitúdo páuperi, fortitúdo egéno in tribulatióne sua.

Temp. Paschali. Allelúja, allelúja.

V. Jer. 1. Dedi te in civitátem munitam, et in colúmnam férream, et in murum æereum. Allelúja.

V. Eccl. 39. Date nómini ejus magnificéntiam, et confitémini illi. Allelúja.



Sequéntia sancti Evangélii secúndum Lucam. Luc. 21. b

IN illo témpore: Dixit Jesus discípulis suis: Cum audiéritis prælia et seditiões, nolíte terréri: opórtet primum hæc fieri, sed nondum statim finis. Tunc dicébat illis: Surget gens contra gentem, et regnum advérsus regnum, et terræmótus magni erunt per loca, et pestiléntiæ, et fames, terrorésque de cœlo, et signa magna erunt. Sed ante hæc ómnia injicient vobis manus suas, et persequéntur, tradéntes in synagógas, et custódias, trahéntes ad reges, et præsides propter nomen meum. Contínget autem vobis in testimónium. Pónite ergo in córdibus vestris, non præmeditári, quemádmódum respondeátis. Ego enim dabo vobis os, et sapiéntiam, cui non póterunt resistere, et contradícere omnes adversárii vestri. Tradémini autem à paréntibus, et frátribus, et cognátis, et amícis, et morte afficient ex vobis. Et éritis ódio ómnibus propter nomen meum. Et capillus de cápite vestro non períbit. In paciéntia vestra possidébitis ánimas vestras.

Offertorium. Psal. 59. Commovisti terram, et conturbasti eam: sana contritiones ejus, quia commota est.

Secreta.

MUnera tibi, Dómine, oblata sanctifica: ut per ea, intercedente beáto Emídio, mártyre tuo atque Pontífice, ab ómnibus animæ et córporis periculis liberémur. Per Dóminum nostrum.

Communio. Psal. 32. Tímeat Dóminum omnis terra: ab eo autem commoveántur omnes inhabitantes orbem.

Postcommunio.

Sacramenta, quæ sumpsimus, Dómine, per intercessionem beáti Emídi, mártiris tui atque pontíficis, sint nobis ad tutamentum mentis et córporis, et ad misericórdiam tuam effícaciter consequendam. Per Dóminum nostrum.

DIE XI. AUGUSTI.

S. Philumenæ Virginis et Martyris.

Missa. Loquébar. de Comm. fol. xx.

DIE XIII. AUGUSTI.

S. Cassiani Episcopi et Mart.

Introitus.

GAudeámus omnes in Dómino, diem festum celebrántes sub honóre sancti Cassiáni mártiris, de cujus passióne gaudent Angeli, et collaudant Fílium Dei.

Psal. 32. Exultáte justi in Dómino: rectos decet collaudátio.

V. Glória Patri.

Oratio.

OMnípotens sempitérne Deus, qui hodiérna die beátum Cassiánum Pontíficem tuum martyrii coróná decorásti: concéde propítius; ut cujus solémnia cólimus, ejus patrocinia sentiámus. Per Dóminum.

Pro Octava S. Laurentii Martyris.

Oratio.

DA nobis, quæsumus omnípotens Deus, vitiórum nostrórum

flammas extingueré: qui beáto Laurentio tribuísti tormentórum suórum incéndia superáre.

Pro S. Hippolyto Martyre.

Oratio.

DA, quæsumus omnípotens Deus, ut beáti Hippólyti mártiris tui veneránda solémnitas, et devotió-nem nobis áugeat, et salútem. Per Dóminum nostrum.

Lectio Actuum Apostolorum.

Act. 17. c

IN diébus illis: Cum cognovissent in Thessalónica Judæi, quia et Bercéæ prædicátum est à Paulo verbum Dei, venerunt et illuc, commovéntes et turbántes multitudinem. Statimque tunc Paulum dimiserunt fratres, ut iret usque ad mare: Silas autem et Timótheus remanserunt ibi. Qui autem deducébant Paulum, perduxerunt eum usque ad Athénas, et accépto mandáto ab eo ad Silam et Timótheum, ut quam celériter venírent ad illum, profécti sunt. Paulus autem cum Athénis eos expectáret, incitabátur spíritus ejus in ipso, videns idololatriæ deditam civitátem. Disputábat igitur in synagóga cum judæis, et coléntibus, et in foro, per omnes dies ad eos, qui áderant. Quidam autem Epicurúi, et Stóici philó-sophi disserébant cum eo, et quidam dicébant: Quid vult seminivérbius hic dícere? Alii vero: novórum dæmoniórum vidétur annuntiátor esse: quia Jesum, et resurrectionem annuntiábat eis.

Graduale. Psal. 36. Justus, cum ceciderit, non collidétur: quia Dóminus supponit manum suam.

V. Tota die miserétur et commódat, et semen ejus in benedictióne erit.

Allelúja, allelúja.

V. Sanctus pón-tifex Cassiánus animárum salútem sítiens, ad fontem vivum, qui Christus est, omnes evocáre non desinébat. Allelúja.

**Sequéntia sancti Evangélíi se-
cúndum Matthæum. Matth. 10. c**

IN illo témpore: Dixit Jesus di-
scípulis suis: Cum persequéntur
vos in civitáte ista, fúgite in áliam.
Amen dico vobis, non consummábitis
civitátes Israel, donec véniat Fílius
hóminis. Non est discípulus super
magístrum, nec servus super dómi-
num suum. Súfficit discípulo, ut sit
sicut magíster ejus: et servo sicut
dóminus ejus. Si patremfamilias
Beélzebub vocavérunt; quanto ma-
gis domésticos ejus? Ne ergo timu-
éritis eos. Nihil enim est opértum
quod non revelábitur, et occúltum
quod non sciétur. Quod dico vobis in
ténébris, dícite in lúmine: et quod in
aure audítis, prædicáte super tecta.
Et nolíte timére eos, qui occidunt
corpus, ánimam autem non possunt
occidere: sed pótius timéte eum, qui
potest et ánimam, et corpus pérdere
in gehénna.

**Offertorium. Psal. 88. Véritas mea,
et misericórdia mea cum ipso: et in
nómine meo exaltábitur cornu ejus.**

Secreta.

SAcrificia, Dómine, quæ in honó-
rem sancti Cassiáni, mártiris
tui atque pontíficis, tuæ offérimus
majestáti, nobis sint ad salútem ef-
ficácia, et tuæ plácita pietáti. Per
Dóminum nostrum.

Pro S. Laurentio Martyre.

Secreta.

ACcipe, quæsumus Dómine,
múnera dignánte obláta: et
beáti Lauréntii suffragántibus mé-
ritis, ad nostræ salútis auxílium pro-
veníre concéde.

Pro S. Hippolyto Martyre.

Secreta.

Respice, Dómine, múnera pópuli
tui, sanctórum festivitáte vo-
tíva: et tuæ testificátio veritátis nobis
proficiat ad salútem. Per Dóminum.

**Communio. Psal. 20. Posuísti, Dó-
mine, in capite ejus corónam de lá-
pide pretióso.**

Postcommunio.

DEus ómnium impertítor donó-
rum, qui hunc diem beáti Cas-
siáni, mártiris tui atque pontíficis, ve-
neránda solemnitáte lætíficas: ejus,
quæsumus, gloriósis précibus, fac
nos de terrénis transférri ad con-
sórdia beatórum. Per Dóminum.

Pro S. Laurentio Martyre.

Postcommunio.

Sacro múnere satiáti, súpplíces
te Dómine, deprecámur: ut quod
débitæ servitútis celebrámus officio,
intercedénte beáto Lauréntio, már-
tyre tuo, salvatiónis tuæ sentiámus
augméntum.

Pro S. Hippolyto Martyre.

Postcommunio.

Sacramentórum tuórum, Dómi-
ne, commúnio sumpta nos sal-
vet: et in tuæ veritátis luce confírmes.
Per Dóminum nostrum.

EADEM DIE.

B. Jordani Forzatè Abbatis.

**Missa. Os justi. de Comm. Abbat.
fol. xix. præter Orationem seq.**

Oratio.

DEus supérni lúminis auctor, et
innocéntiæ restitutor, qui beá-
tum Jordánum Abbatem, ad obsistén-
dum Ecclesiæ tuæ hóstibus, et ad
monásticam vitam instaurándam, in-
vícta constántia roborásti: ipso inter-
cedénte, concéde; ut errántium corda
resipíscant, et qui tibi famulántur, in
sancto propósito perseverént. Per
Dóminum nostrum.

**Et fit commemoratio Octavæ, et
SS. Hippolyti, et Cassiani Mart. ut
in Missali. fol. 455.**

DIE XIV. AUGUSTI.

**S. Hormisdæ I. Papæ et Confessoris.
Missa. Státuit. primo loco. fol. xiii.**

DIE XVI. AUGUSTI.

S. Rochi Confessoris.

**Missa. Justus. de Comuni Conf.
non Pont. fol. xviii. præter Orat. seq.**

Oratio.

Populum tuum, quæsumus Dómine, continúa pietáte custódi: et beáti Rochi suffragántibus méritis, ab omni fac ánimæ et córporis contagióne secúrum. Per Dóminum.

Et fit commemoratio Octavæ Assumptionis et S. Laurentii ut in Missali. fol. 458. et 454.

Credo, et Præfatio de Octava.

DIE XVIII. AUGUSTI.

S. Helenæ Imperatricis Viduæ.



Introitus. Galat. 6.

Ihi autem absit gloriári, nisi in cruce Dómini nostri Jesu Christi, per quem mihi mundus crucifixus est, et ego mundo.

Psal. 22. Virga tua et háculus tuus, ipsa me consoláta sunt.

V. Glória Patri.

Oratio.

Domine Jesu Christe, qui locum, ubi Crux tua latébat, beátæ Helenæ revelásti, ut per eam Ecclesiám tuam hoc pretiósó thesáuro ditáres: ejus nobis intercessióne concéde; ut vitális ligni pretio, æternæ vitæ præmia consequámur. Qui vivis, et regnas.

Et fit commemoratio Octavæ Assumptionis et S. Agapiti Martyris ut in Missali. fol. 458. et 462.

Léctio libri Sapiéntiæ. Prov. 31.

Mulierem fortem quis invéniet? Procul, et de últimis finibus pretium ejus. Confidit in ea cor viri sui, et spóliis non indigébit. Reddet ei bonum, et non malum ómnibus diebus vitæ suæ. Quæsívit lanam, et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, deditque prædam domésticis suis, et cibária ancillis suis. Considerávit agrum, et emit eum: de fructu mánuum suárum plantávit vineam. Accínxit for-

titúdine lumbos suos, et roborávit bráchium suum. Gustávit, et vidit quia bona est negotiátio ejus: non extingúetur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apéruiť inopi, et palmas suas exténdit ad páuperem. Non timébit domui suæ à frigóribus nivis: omnes enim doméstici ejus vestítí sunt duplicíbus. Stragulátam vestem fecit sibi: byssus et púrpura indumentum ejus. Nóbilis in portis vir ejus, quando séderit cum senatóribus terræ. Síndonem fecit, et véndidit, et cingulum trádidit Chananæo. Fortitúdo et decor indumentum ejus, et ridébit in die novíssimo. Os suum apéruiť sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt: vir ejus, et laudávit eam. Multæ filiæ congregavérunt divítias: tu supergréssa es univérsas. Fallax grátia, et vana est pulchritúdo: múlíer timens Dóminum, ipsa laudábitur. Date ei de fructu mánuum suárum, et laudent eam in portis ópera ejus.

Graduale. Psal. 44. Vultum tuum deprecabúntur omnes dívites plebis: filíæ regum in honóre tuo.

V. Adducéntur regi vírgines post eam: próximæ ejus afferéntur tibi: afferéntur in lætítia et exultatióne, adducéntur in templum regis.

Allelúja, allelúja.

V. Ps. 111. Dispérsit, dedit paupéribus: justítia ejus manet in sæculum sæculi. Allelúja.

Sequéntia sancti Evangélii scúndum Matthæum. Matth. 13.

In illo témpore: Dixit Jesus discípulis suis parábolam hanc: Símile est regnum cœlórum thesáuro abscóndito in agro: quem qui invenit homo, abscóndit, et præ gáudio illíus vadit, et vendit univérsa quæ habet, et emit agrum illum. Iterum

símile est regnum cœlórum hómini negotiátóri quærénti bonas margarítas. Invénta autem una pretíosa margaríta, ábiit, et véndidit ómnia quæ hábuit, et emit eam. Iterum símile est regnum cœlórum sagénæ missæ in mare, et ex omni génere píscium congregánti. Quam cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sœculi. Exíbunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexistis hæc ómnia? Dicunt ei: étiam. Ait illis: Ideo omnis scriba doctus in regno cœlórum, símilis est hómini patrifamílias, qui profert de thesaúro suo nova et vétera. **Credo.**

Offertorium. Non enim iudicávi me scire áliud, nisi Jesum Christum, et hunc crucifíxum.

Secreta.

Per hæc sacra mystéria concéde nobis, Dómine: ut sicut beátæ Hélienæ misericórditer tribuísti, ut Fílium tuum crucifíxum in corde semper gestáret; ita et nos eum in córdibus nostris perpétuo deferámus. Per eúndem Dóminum.

Præfatio de B. Maria. Et te in Assumptione. fol. 199 vel 218.

Communio. Cantic. 7. c. Ascéndam in palmam, et apprehéndam fructus ejus.

Postcommunio.

Concéde nobis, miséricors Deus: ut qui salutíferæ Crucis tuæ fructu in terra sumus recreáti; per intercessionem beátæ Hélienæ eódem júgiter pérfrui mereámur in cœlis. Qui vivis.

DIE XIX. AUGUSTI.

S. Ludovici Episcopi et Confess.
Missa dicitur ut in Festo S. Gregorii VII. Papæ et Confess. die xxv. Maji, præter Orationes sequentes.

Oratio.

Deus, qui beátum Ludovicum, confessórem tuum atque pon-

tíficem, cœléste regnum terréno præpónere docuísti, ac puritáte illibáta et exímia in páuperes caritáte mirábilem efficere dignátus es: concéde nobis fámulis tuis, imitári quem cólimus; ut ejúsdem virtútes æmulántes in terris, coronári cum ipso mereámur in cœlis. Per Dóminum.

Et fit commem. Oct. Assumptionis, Credo, et Præfatio de eadem Octava.

Secreta.

Sacrificia, Dómine, quæ in honórem sancti Ludovici, Confessoris tui atque pontíficis, tuæ offériamus majestáti, nobis sint ad salútem effícacia, et tuæ plácita pietáti. Per Dóminum nostrum.

Postcommunio.

Imménsam cleméntiam tuam, omnípotens Deus, suppliciter exorámus: ut intercedente beáto Ludovico, confessóre tuo atque pontífice, per hæc sancta, quæ sumpsimus, cuncta nobis adversántia, te adjuvante, vincámus. Per Dóminum.

DIE XX. AUGUSTI.

S. Samuelis Sacerdotis et Prophetæ Confessoris.

Introitus. Psal. 98.

Xaltáte Dóminum Deum nostrum, et adoráte scabéllum pedum ejus, quóniam sanctum est:

Móyses, et Aaron in sacerdotibus ejus: et Sámuel inter eos, qui invocant nomen ejus.

Psal. ibid. Dóminus regnávít, irascántur pópuli: qui sedet super Chérubim, moveátur terra. **V.** Glória Patri.

Oratio.

Omnípotens sempitérne Deus, qui beátum Samuélem spíritu prophetiæ adimplére dignátus es; qui eum in templo tuo tibi digne ministráre fecísti: concéde propítius; ut qui ejus hódie solémnia cólimus,

ipsius exempla sequentes, ad te pervenire mereamur. Per Dóminum.

Et fit commem. Oct. Assumptionis.

Lectio libri Sapiéntiæ. Eccli. 46. c

Dilectus à Dómino Deo suo Sámuel prophéta Dómini, renovávit impérium, et unxit príncipes in gente sua. In lege Dómini congregatióem judicávit, et vidit Deus Jacob, et in fide sua probátus est prophéta. Et cógnitus est in verbis suis fidélis, quia vidit Deum lucis. Et invocávit Dóminum omnipoténtem, in oppugnádo hostes circumstántes úndique, in oblatiône agni invioláti. Et intónuit de cælo Dóminus, et in sónitu magno audítam fecit vocem suam, et contrívit príncipes Tyriórum, et omnes duces Philísthiim, et ante tempus finis vitæ suæ, et sæculi, testimónium præbuit in conspéctu Dómini, et Christi; pecúnias, et usque ad calceaménta ab omni carne non accépit, et non accusávit illum homo. Et post hoc dormívit, et notum fecit regi, et osténdit illi finem vitæ suæ, et exaltávit vocem suam de terra in prophetía delére impietátem gentis.

Graduale. Luc. 1. Locútus est per os sanctórum, qui à sæculo sunt prophetárum ejus.

V. ibid. Benedíctus Dóminus Deus Israel, quia visitávit, et fecit redemptiόnem plebis suæ.

Allelúja, allelúja.

V. Te Prophetárum venerábilis númerus laudat, Dómine. Allelúja.



Sequéntia sancti Evangélii secúndum Lucam. Luc. 19. b

In illo témpore: Dixit Jesus discipulis suis parábolam hanc: Homo quidam nóbilis ábiit in regiόnem longínquam accípere sibi regnum, et revérti. Vocátis autem decem servis suis, dedit eis decem mnas, et ait ad illos: Negotiámini dum vénio. Cives autem ejus óderant eum, et misérunt

legatiόnem post illum, dicéntes: Nólumus hunc regnáre super nos. Et factum est, ut redíret accépto regno: et jussit vocári servos, quibus dedit pecúniam, ut sciret quantum quisque negotiátus esset. Venit autem primus, dicens: Dómine, mna tua decem mnas acquisívit. Et ait illi: Euge bone serve, quia in módico fuísti fidélis, eris potestátem habens super decem civitátes. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repósitum in sudário: tímui enim te, quia homo austérus es: tollis quod non posuísti, et metis quod non seminásti. Dicit ei: De ore tuo te júdico, serve nequam. Sciébas, quod ego homo austérus sum, tollens quod non pósui, et metens quod non seminávi: et quare non dedísti pecúniam meam ad mensam, ut ego véniens cum usúris útique exegíssem illam? Et astántibus dixit: Auférte ab illo mnam, et date illi, qui decem mnas habet. Et dixerunt ei: Dómine, habet decem mnas. Dico autem vobis, quia omni habénti dábitur, et abundábit: ab eo autem, qui non habet, et quod habet auferétur ab eo.

Credo. propter Oct. Assumptionis.

Offertorium. 1. Reg. 3. Crevit autem Sámuel, et Dóminus erat cum eo, et non cécidit ex ómnibus verbis ejus in terram.

Secreta.

Deus, qui beátum Samuélem prophétam, sacerdotem fidélem, et minístrum tuum eligere voluísti: súscipe hæc múnera, quæ in ejus tibi solemnitáte deférimus, et præsta, ut per hæc ab omni inquinaménto carnis et spíritus mundáti, digne tibi ministráre possimus. Per Dóminum nostrum.

Præfatio de B. Maria. Et te in Assumptiόne. fol. 199 vel 218.

Communio. 1. Reg. 7. Tulit autem Sámuel agnum lactántem unum, et

obtulit illum holocaustum integrum Dómino, et clamávit Sámuel ad Dóminum pro Israel, et exaudivit eum Dóminus.

Postcommunio.

OMnípotens et miséricors Deus, qui per beátum Samuélem, prophétam sacerdotem tuum, tibi sacrificium offerri voluisti: concéde nobis múnieris cœlestis effectum, quod in ejus commemoratione tuæ obtúlimus majestáti. Per Dóminum nostrum.

DIE XXIV. AUGUSTI.

SS. Martyrum Amiterni.

Missa. Intrét. de Comuni plurimorum Mart. fol. ix. cum Orat. seqq.

Oratio.

Præsta, quæsumus omnipotens Deus: ut qui gloriósos mártires fortes in sua confessione cognóvimus, pios apud te in nostra intercessióne sentiámus. Per Dóminum.

Secreta.

Sacrificiis præsentibus, quæsumus Dómine, inténde placátus, ut intercedéntibus sanctis tuis, et devotióni nostræ proficiant, et salúti. Per Dóminum nostrum.

Postcommunio.

Quæsumus omnipotens Deus, ut intercedéntibus sanctis tuis, illius salutáris capiamus effectum, cujus per hæc mystéria pignus accépimus. Per Dóminum nostrum.

DIE XXVI. AUGUSTI.

S. Zephyrini Papæ et Martyris.

Missa. Sacerdotes Dei. secundo loco. fol. iii.

DIE XXVII. AUGUSTI.

S. Theresiæ Virginis. Secundò.

Missa. Dilexisti. de Comm. Virg. fol. xxiii. præter Orat. seq.

Oratio.

Deus, qui illibáta præcórdia beátæ vírginis Therésiæ sponsæ tuæ ignito jáculo transfixisti, et caritátis víctimam consecrásti: ipsa interveniénte, concéde; ut corda no-

stra ardóre sancti Spíritus ferveant, et te in ómnibus super ómnia diligant. Qui vivis. in unitáte ejúsdem Spíritus.

DIE I. SEPTEMBRIS.

B. Julianæ de Collalto Virginis.

Missa. Dilexisti. de Comm. Virg. fol. xxiii. præter Orationem seq.

Oratio.

Deus, qui dispositione mirábili beátam Juliánam virginem tuam à prima ætáte grátiae ubertáte prævéntam, mira innocéntia, et contemplatiónis dono decoráre dignátus es: ejus méritis et intercessióne concéde; ut tibi in terris fide et caritáte conjúcti, ad contemplándam in cœlis spéciem tuæ pulchritúdinis perducámur. Per Dóminum nostrum.

Et fit commem. S. Ægydii Abbatis ac SS. Duodecim Fratrum Martyrum ut in Missali.

DIE III. SEPTEMBRIS.

SS. Euphemiae, Dorotheae, Theclae et Erasmæ Virg. et Mart.

Introitus. Psal. 118.

Mexspectavérunt peccatóres, ut pérderent me: testimónia tua, Dómine, intelléxi: omnis consummatiónis vidi finem: latum mandátum tuum nimis.

Psal. ibid. Beáti immaculáti in via, qui ámbulant in lege Dómini.

V. Glória Patri.

Oratio.

DA nobis, miséricors Deus, sanctis virgínibus et martyribus tuis Euphémia, Doróthea, Thecla, et Erásma intercedéntibus, cœlestis grátiae abundántiam: ut eárum passio celebráta, præsentis vitæ subsidium cónferat, et æternæ. Per Dóminum nostrum.

Lectio Epístolæ beáti Pauli Apóstoli ad Corínthios. 1. Cor. 7. e

FRatres, De virgínibus præceptum Dómini non hábeo: consílium autem do, tamquam misericórdiam consecútus á Dómino, ut

sim fidélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutióem. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit: tribulatióem tamen carnis habébunt hujúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudéntes: et qui emunt, tamquam non possidéntes: et qui utúntur hoc mundo, tamquam non utántur: præterit enim figúra hujus mundi. Volo autem vos sine sollicitúde esse. Qui sine uxóre est, solícitus est quæ Dómini sunt, quómodo pláceat Deo. Qui autem cum uxóre est, solícitus est quæ sunt mundi, quómodo pláceat uxóri, et divísus est. Et múluer in-núpta, et virgo cógitat quæ Dómini sunt, ut sit sancta córpore et spíritu: in Christo Jesu Dómino nostro.

Graduale. Psal. 44. Concupívit Rex decórem tuum: quóniam ipse est Dóminus Deus tuus.

V. Audi, filia, et vide, et inclína aurem tuam. **Allelúja, allelúja.**

V. Hæc est virgo sápiens, et una de número prudéntum. **Allelúja.**

Sequéntia sancti Evangélíi secúndum Matthæum. Matth. 19.

IN illo témpore: Accessérunt ad Jesum Phariséi, tentántes eum, et dicéntes: Si licet hómini dimíttere uxórem suam, quacúmque ex causa? Qui respóndens, ait eis: Non legístis, quia qui fecit hóminem ab inítio, másculum et féminam fecit eos? Et dixit: Propter hoc dimíttet homo patrem et matrem, et adhærébit uxóri suæ, et erunt duo in carne una. Itaque jam non sunt duo, sed una caro. Quod ergo Deus conjunxit, homo non séparet. Dicunt illi: Quid ergo Móyses

mandávit dare libéllum repúdií, et dimíttere? Ait illis: Quóniam Móyses ad durítiam cordis vestri permísit vobis dimíttere uxóres vestras: ab inítio autem non fuit sic. Dico autem vobis, quia quicúmque dimíserit uxórem suam, nisi ob fornicatióem, et áliam dúxerit, mœchátur: et qui dimíssam dúxerit, mœchátur. Dicunt ei discípuli ejus: Si ita est causa hóminis cum uxóre, non expedit núbere. Qui dixit illis: Non omnes cápiunt verbum istud, sed quibus datum est. Sunt enim eunúchi, qui de matris útero sic nati sunt: et sunt eunúchi, qui facti sunt ab homínibus: et sunt eunúchi, qui seípsos castravérunt propter regnum cœlórum. Qui potest cápere, cápiat.

Offertorium. Psal. 44. Adducéntur Regi vírgines post eam, próximæ ejus afferéntur tibi. **Secreta.**

INtende, quæsumus Dómine, múnera altáribus tuis pro sanctárum vírginum et mártýrum tuárum Euphémíæ, Doróthææ, Theclæ, et Erásmæ festivitáte propósita: ut sicut per hæc beáta mystéria illis glóriam contulísti, ita nobis indulgéntiam largiáris. Per Dóminum nostrum.

Communio. Ps. 118. Feci judícium et justítiam, Dómine: non calumniéntur mihi supérbi: ad ómnia mandáta tua dirigébar: omnem viam iniquitátis ódio hábui.

Postcommunio.

PRæsta nobis, quæsumus Dómine, intercedéntibus sanctis vírginibus et mártýribus tuis: ut quod ore contíngimus, pura mente capiámus. Per Dóminum nostrum.

DIE IV. SEPTEMBRIS.

S. Rosæ Viterbiensis.

Missa. Dilexísti. de Comuni Virg. fol. xxiii. **præter Orationem seq.**

Oratio.

DEus, qui beátam Rosam sanctárum tuárum vírginum colégio aggregáre dignátus es: tribue

nobis, quæsumus, ut ejus précibus et méritis à culpis ómnibus expiémur, et tuæ majestátis consórtio perfruámur ætérno. Per Dóminum.

EADEM DIE.

S. Rosaliæ Virginis.

Missa. Dilexisti. de Communi Virg. fol. xxiii. **præter Orationes seqq.**

Oratio.

EXáudi nos, Deus salutáris noster: ut sicut de beátæ Rosáliæ, vírginis tuæ, festivitáte gaudémus, ita piæ devotiónis erudiámur afféctu; et ejus intercessióne ab iracúndiæ tuæ flagéllis misericórditer liberémur. Per Dóminum.

Pro Regno Siciliae, alia Oratio.

DEus, qui beátam Rosáliam vírginem è regálibus mundi delíciis, in móntium solitúdinem transtulisti: concéde propítius; ut ejus méritis et patrocínio, à sæculi voluptátibus in cœléstium amórem transferámur, et ab iracúndiæ tuæ flagéllis misericórditer liberémur. Per Dóminum nostrum.

DIE V. SEPTEMBRIS.

S. Herculani Martyris.

Missa. In virtúte. ut in Comm. unus Mart. non Pontif. fol. iv. **Evang. Nihil est opértum. ibidem** fol. v.

DIE VI. SEPTEMBRIS.

S. Antonini Martyris.

Missa. In virtúte. ut in Communi unius Martyris non Pontificis. fol. iv. **præter Orationem sequentem.**

Oratio.

OMnípotens sempitérne Deus, qui hunc diem beáti Antoníni, mártiris tui, solemnitáte claríficas: exáudi preces populi tui, et præsta; ut quæ fidéliter expetit, eo suffragánte cónsequi mereátur. Per Dóminum.

DIE IX. SEPTEMBRIS.

S. Sergii I. Papæ et Confessoris.

Missa. Státuit. primo loco. fol. xiii.

DIE X. SEPTEMBRIS.

S. Hilarii I. Papæ et Confessoris.

Missa. Sacerdótes tui. secundo loco. fol. xiv.

DIE XVI. SEPTEMBRIS.

SS. Cornelii Papæ et Martyris, et Cypriani Episcopi et Martyris.

Missa, ut in Missali hac die. fol. 480.

DIE XX. SEPTEMBRIS.

Agapiti I. Papæ, et Confessoris.

Missa. Státuit. primo loco. fol. xiii.

DIE XXIII. SEPTEMBRIS.

Sancti Lini I. Papæ et Martyris.

Missa, ut in Missali sub hac die. fol. 486.

DIE XXVI. SEPTEMBRIS.


S. Eusebii I. Papæ, et Confessoris.

Missa. Státuit. primo loco. fol. xiii.

DOMINICA II. OCTOBRIS.

Festum Maternitatis B. Mariæ Virg.

Introitus. Sedulius.



Alve, sancta parens, eníxa puérpera Regem: qui cœlum terrámque regit in sæcula sæculórum.

Psal. 44. Eructávit cor meum verbum bonum: dico ego ópera mea Regi.

V. Glória Patri.

Oratio.

DEus, qui de beátæ Mariæ vírginis útero Verbum tuum, Angelo nuntiánte, carnem suscipere voluisti: præsta supplicibus tuis: ut qui vere eam genitricem Dei crédimus, ejus apud te intercessiónibus adjuvémur. Per eúmdem Dóminum.

Et sit commem. Dominicæ occurr.

Lectio libri Sapiéntiæ. Eccli. 24.

EGo quasi vitis fructificávi suavitatem odóris: et flores mei fructus honóris et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis, in me

omnis spes vitæ et virtutis. Transíte ad me omnes qui concupiscitis me, et à generatióibus meis implémini. Spíritus enim meus super mel dulcis, et hæreditas mea super mel et favum. Memória mea in generatióes sæculórum. Qui edunt me, adhuc esúrient, et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale. Isaïæ 11. Egrediétur virga de radíce Jesse, et flos de radíce ejus ascéndet.

V. Et requiescet super eum Spíritus Dómini. **A**llelúja, allelúja.

V. Isai. 7. Ecce Virgo concípíet, et páriet filium, et vocábitur nomen ejus Emmánuel. Allelúja.



Sequéntia sancti Evangélíi secúndum Lucam. **Lucæ 2. f**

IN illo témpore: Cum redírent, remánsit puer Jesus in Jerúsalem, et non cognovérunt paréntes ejus. Existimántes autem illum esse in comitátu, venérunt iter diéi, et requirébant eum inter cognátos et notos. Et non inveniéntes regréssi sunt in Jerúsalem, requiréntes eum. Et factum est, post trídium invenérunt illum in templo sedéntem in médio doctórum, audiéntem illos, et interrogántem eos. Stupébant autem omnes qui eum audiébant, super prudentia et respónsis ejus. Et vidéntes admiráti sunt. Et dixit mater ejus ad illum: Fili, quid fecísti nobis sic? Ecce pater tuus, et ego doléntes quærebámus te. Et ait ad illos: Quid est quod me quærebátis? Nesciebátis quia in his, quæ Patris mei sunt, oportet me esse? Et ipsi non intellexerunt verbum, quod locútus est ad eos. Et descéndit cum eis, et venit Náza-reth: et erat súbditus illis.

Credo.

Offertorium. Matth. 1. Cum esset desponsáta Mater ejus María Jo-

seph, invénta est in útero habens de Spíritu sancto.

Secreta.

Tua, Dómine, propitiatióne, et beátæ Mariæ semper vírginis, Unigéniti tui matris, intercessióne, ad perpétuam, atque præsentem hæc oblátio nobis proficiat prosperitátem, et pacem. Per eúmdem Dóminum.

Præfatio de B. Maria. Et te in festivité. fol. 199 vel 218.

Communio. Beáta víscera Mariæ vírginis, quæ portavérunt ætérni Patris Fílium.

Postcommunio.

Hæc nos commúnio, Dómine, purget à crimine: et intercedénte beáta vírgine Dei genitríce María, cœlestis remédii fáciat esse consórtes. Per eúmdem Dóminum.

In fine leg. Evang. Domin. occurr.

DOMINICA III. OCTOBRIS.

Festum Puritatis B. Mariæ Virginis.



Introitus. Sedulius.

Alve, sancta parens, eníxa puérpera Regem: qui cœlum, terrámque regit in sæcula sæculórum.

Psal. 44. Eructávit cor meum verbum bonum: dico ego ópera mea Regi.

V. Glória Patri.

Oratio.

DA, quæsumus, omnipotens ætérne Deus, ut puríssimæ vírginis Mariæ integérrimam Virginitátem festíva celebritáte venerántes: ejus intercessióne puritátem mentis et córporis consequámur. Per Dóminum nostrum.

Et fit commem. Dominicæ occurr.

Lectio libri Sapiéntiæ. **Cant. 2. c**

EN diléctus meus lóquitur mihi: surge, própera, amíca mea, colúmba mea, formósa mea, et veni. Jam enim hyems tránsiit, imber ábiit, et recéssit. Flores apparuérunt in terra nostra: tempus putatiónis advénit: vox túrturis audíta est in terra

nostra: ficus protulit grossos suos: vineae florētes dederunt odorem suum. Surge amica mea, speciosa mea, et veni: columba mea, in foraminibus petrae, in caverna maceriae, ostēde mihi faciem tuam, sonet vox tua in auribus meis: vox enim tua dulcis, et facies tua decora.

Graduale. Cant. 2. Sicut lilium inter spinas, sic amica mea inter filias.

V. Dilēctus meus mihi, et ego illi, qui pascitur inter lilia.

Allelúja, allelúja.

V. Cant. 6. Quae est ista, quae progreditur quasi aurora consurgens, pulchra ut luna, electa ut sol, terribilis ut castrorum acies ordinata? **Allelúja.**

 **Sequentia sancti Evangelii secundum Lucam. Lucæ 1. c**

IN illo tempore: Missus est Angelus Gabriel à Deo in civitatem Galilaeae, cui nomen Nazareth, ad virginem desponsatam viro, cui nomen erat Joseph, de domo David, et nomen virginis Maria. Et ingressus Angelus ad eam dixit: Ave gratia plena: Dominus tecum: benedicta tu in mulieribus. Quae cum audisset, turbata est in sermone ejus, et cogitabat qualis esset ista salutatio. Et ait Angelus ei: Ne timeas, Maria: invenisti enim gratiam apud Deum: ecce concipies in utero, et paries filium, et vocabis nomen ejus Jesum. Hic erit magnus, et Filius Altissimi vocabitur, et dabit illi Dominus Deus sedem David patris ejus, et regnabit in domo Jacob in æternum, et regni ejus non erit finis. Dixit autem Maria ad Angelum: Quomodo fiet istud, quoniam virum non cognosco? Et respondens Angelus, dixit ei: Spiritus sanctus superveniet in te, et virtus Altissimi obumbrabit tibi.

Credo.

Offertorium. Post partum Virgo inviolata permansisti: Dei Genitrix, intercède pro nobis.

Secreta.

UNigēniti tui, Dōmine, nobis succurrat humanitas: ut qui, natus de virgine, matris integritatem non minuit sed sacravit, in Puritatis ejus solēnniis nostris nos piaculis exuens, oblationem nostram tibi faciat acceptam Jesus Christus Dominus noster. Qui tecum.

Præfatio de B. Maria. Et te in festivitate. fol. 199 vel 218.

Communio. Benedicta et venerabilis es, virgo Maria, quae sine tactu pudoris inventa es mater Salvatoris.

Postcommunio.

Sumptis, Dōmine, salutis nostrae subsidiis: da, quæsumus, purissimae virginis Mariae patrociniis nos ubique protegi, in cujus veneratione hæc tuæ obtulimus majestati. Per Dōminum nostrum.

In fine leg. Evang. Domin. occur.

DIE I. OCTOBRIS.

S. Gregorii Episcopi Majoris Armeniae et Martyris.

Missa. Statur. de Comuni primo loco. fol. ii.

Oratio.

DEus, qui per beatum Gregorium, pontificem et martyrem tuum, Armeniae gentis populum Regemque veræ fidei lucem recipere tribuisti: da Ecclesiae tuæ de tantis gaudere triumphis, et apud te meritis ejusdem et precibus adjuvari. Per Dōminum.

DIE V. OCTOBRIS.

S. Gallæ Viduæ.

Missa. Cognovi. de Comuni nec Virg. nec Mart. fol. xxvi. **cum Epist.** Carissime, Viduas honora. fol. xxviii. **et Orationibus propriis.**

Oratio.

OMnipotens et misericors Deus, qui beatam Gallam eximia in pauperes dilectionis virtute decorasti: ejus meritis et precibus concede; ut caritatis opera exercētes, misericordiam tuam consequi mereāmur. Per Dōminum nostrum.

Secreta.

O Bláti sacrificii, Dómine, virtúte placátus, delícta nostra propítius absólve: qui per Apóstolum tuum Petrum beátæ Gallæ peccáta esse dimissa, tua miseratione significáre voluísti. Per Dóminum nostrum.

Postcommunio.

C Eléstis Agni pasti delíciis, quæsumus Dómine Deus noster: ut terrénis cupiditatibus expediti, intercedente beáta Galla, ad vitam júgiter proficiámus ætérnam. Per Dóminum.

DIE VII. OCTOBRIS.

S. Marci I. Papæ et Confessoris.

Missa ut in Missali, sub hac die. fol. 493.

EADEM DIE.

S. Justinæ Virginis et Martyris.

Missa. Loquébar. de Comm. Virg. et Mart. fol. xx. præter Orat. seq.

Oratio.

D Eus, qui nos ánnua beátæ Justinæ virginis et mártiris tuæ solemnitáte lætíficas: da, ut quam venerámur officio, etiam piæ conversationis sequámur exémplo. Per Dóminum nostrum.

DIE X. OCTOBRIS.

S. Ludovici Bertrandi Confessoris.

Missa. Os justí. de Communi. Conf. non Pont. fol. xvii. præter Orat. seq.

Oratio.

D Eus, qui beátum Ludovicum, confessórem tuum, per corporis mortificationem et fidei præcónium sanctorum glóriæ coæquásti: præsta; ut quod fide profitémur, pietátis opéribus júgiter compleámus. Per Dóminum nostrum.

DIE XII. OCTOBRIS.

S. Cypriani Episcopi et Martyris.

Missa. Sacerdótes Dei. secundo loco. fol. iii. Oratio. Infirmitátem. fol. ii.



EADEM DIE.

S. Seraphini de Monte Granario Confessoris.

Missa. Justus. de Communi Conf. non Pont. fol. xviii. præter Orat. seq. Oratio.

D Eus, qui in corde beáti Seraphini amoris tui flammæ excitásti: ejus, quæsumus, nobis intercessióne concéde; ut illius vestigia sectántes, iisdem ardóribus accendámur. Per Dóminum nostrum.

DIE XIV. OCTOBRIS.

S. Callisti I. Papæ et Martyris.

Missa ut in Missali, fol. 496. Aliquibus in locis loco primæ Orationis dicitur sequens Oratio.

D Eus, qui nos cónspicis ex nostra infirmitáte defícere, ad amórem tuum nos misericórditer per beáti Callisti mártiris tui atque Pontíficis exémplo restáura. Per Dóminum nostrum.

DIE XX. OCTOBRIS.

B. Mariæ de Socos Virginis.

Missa. Dilexísti. de Communi Virg. fol. xxiii. præter Orationem seq.

Oratio.

D Eus, qui nos cónspicis in tot perículis constitútos pro nostra fragilitáte non posse subsistere: concéde propítius; ut intercedente beáta María fámula tua, de præsentis vitæ flúctibus edúcti, ad ætérnæ salútis portum perveníre valeámus. Per Dóminum nostrum.

DIE XXII. OCTOBBIS.

B. Mariæ Salome Viduæ Matris Sancti Joannis Apostoli et Evangelistæ.

Introitus.

G Audeámus omnes in Dómino, diem festum celebrántes sub honóre beátæ Mariæ Salóme de cujus festivitáte gaudent Angeli, et coláudent Fílium Dei.

Psal. 44. Eructávit cor meum verbum bonum: dico ego ópera mea Regi.

V. Glória Patri.

Oratio.

Concède, quæsumus, omnipotens Deus: ut intercessio beátæ Mariæ Salóme nos ubique próteget, atque deféndat; et quod à te fragilitátis nostræ deféctus obtinére non potest, ipsa intercedente, tua nobis pietáte donétur. Per Dóminum nostrum.

Epistola Mulierem fortem. **de Comuni nec Virg. nec Mart.** fol. xxvii.

Graduale ibid.

Sequéntia sancti Evangélíi secúndum Matthæum. Cap. 20.

IN illo témpore: Accéssit ad Jesum Mater filiórum Zebedæi cum filiis suis, adórans, et petens áliquid ab eo. Qui dixit ei: Quid vis? Ait illi: Dic, ut sédeant hi duo Fílii mei, unus ad dexteram tuam, et unus ad sinistram in regno tuo. Respóndens autem Jesus dixit: Nescitis quid petátis. Potéstis bíbere cálicem, quem ego bibitúrus sum? Dicunt ei: Póssumus. Ait illis: Cálicem quidem meum bibétis: sédere autem ad dexteram meam, vel sinistram non est meum dare vobis, sed quibus parátum est à patre meo.

Offertorium. Psal. 44. Diffúsa est grátia in lábiis tuis: proptérea benedíxit te Deus in ætérnum, et in sæculum sæculi.

Secreta.

Hostiam, quam in honórem beátæ Mariæ matris Apostolórum Joánnis et Jacóbi, tuæ offérimus Majestáti, tu Deus sanctífica, et nos fámulos tuos ejus participatióne constítue dignos. Per Dóminum.

Communio. ibid. Dilexisti justítiam, et odisti iniquitátem: proptérea unxit te Deus, Deus tuus óleo lætítiæ præ consórtibus tuis.

Postcommunio.

Obláta tibi múnera, quæsumus Dómine, ab omni nos mundent labe peccáti, et beátæ Mariæ matris

Apostolórum Joánnis et Jacóbi intercessióne, vitam nobis impetrent sempitérnam. Per Doñm nostrum.

DIE XXIII. OCTOBRIS.

Romæ pro utroque Clero.

In Festo SS. Redemptoris.

Introitus. Isai. 61.

GAudens gaudébo in Dómino, et exultábit ánima mea in Deo meo: quia induit me vestiméntis salutis: et indu ménto justítiæ circúmdedit me.

Psal. 88. Misericórdias Dómini in ætérnum cantábo: in generatióne, et generatióne.

V. Glória Patri.

Oratio.

Deus, qui Unigénitum tuum mundi Redemptórem constituísti, et per eum devícta morte, nos misericórditer ad vitam reparásti: concède; ut hæc benefícia recoléntes, tibi perpétua caritáte adhærere, et ejúsdem redemptionis fructum percípere mereámur. Per eúmdem Dóminum.

Léctio Epístolæ beáti Pauli Apóstoli ad Ephésios. Ephes. 1.

Benedíctus Deus, et Pater Dómini nostri Jesu Christi, qui benedíxit nos in omni benedictióne spirituáli, in cœléstibus in Christo, sicut elégit nos in ipso ante mundi constitutióne, ut essémus sancti et immaculáti in conspéctu ejus in caritáte. Qui prædestinávit nos in adoptiόnem filiórum per Jesum Christum in ipsum, secúndum propósitum voluntátis suæ, in laudem glóriæ grátiae suæ, in qua gratificávit nos in dilécto Fílio suo, in quo habémus redemptionem per sánguinem ejus, remissionem peccatórum secúndum divítias grátiae ejus, quæ superabundávit in nobis in omni sapiéntia et prudentia: ut notum fáceret nobis sacraméntum voluntátis suæ, secúndum beneplácitum ejus, quod propósuit in eo.

Graduale. Psal. 85. Omnes gentes quascúmque fecisti, vénient, et adorábunt coram te, Dómine, et glori-
ficábunt nomen tuum.

V. Quóniam magnus es tu, et fáciens mirabilia: tu es Deus solus.

Allelúja, allelúja.

V. Psal. 73. Deus autem Rex noster ante sácula, operátus est salutem in médio terræ. Allelúja.

 **Sequéntia sancti Evangélíi secúndum Joánnem. Joan. 3. b**

IN illo témpore: Dixit Jesus Nicodémo: Nemo ascéndit in cœlum, nisi qui descéndit de cœlo, Fílius hóminis, qui est in cœlo. Et sicut Móyses exaltávit serpéntem in desérto; ita exaltári opórtet Fílium hóminis, ut omnis, qui credit in ipsum, non péreat, sed hábeat vitam ætérnam. Non enim misit Deus Fílium suum in mundum ut júdicet mundum: sed ut salvétur mundus per ipsum. Qui credit in eum, non judicátur: qui autem non credit, jam judicátus est: quia non credit in nómine unigéniti Fílii Dei. **Credo.**

Offertorium. Salus pópuli ego sum, dicit Dóminus: de quacúmque tribulatióne clamáverint ad me, exáudiam eos: et ero illórum Deus in perpétuum. Allelúja. **Secreta.**

Suscipe, quæsumus Dómine, oblátum redemptionis ætérnæ mystérium, et præsta: ut unigéniti Fílii tui gloriósis méritis intercedéntibus, vivíficet nos semper, et múníat. Per eúndem Dóminum nostrum.

Præfatio de Cruce. fol. 191 vel 214.

Communio. Psal. 106. Confiteántur Dómino misericórdiæ ejus, et mirabilia ejus fíliis hóminum. Allelúja.

Postcommunio.

Corporis tui sacri, ac pretiósí Sanguinis, quo redémpti sumus, Dómine Jesu Christe, partícipes effécti: quæsumus; ut in nobis tua múnera tueáris, atque à præsentis vitæ malis eréptos, ad bona perducas sempitérna. Qui vivis et regnas cum Deo.

ALIBI EADEM DIE.

B. Bartholomæi de Birgantia Episc. et Confessoris.

Missa. Sacerdótes. de Comm. Conf. Pont. fol. xiv. præter Orat. seq.

Oratio.


Deus, qui in fídei hóstibus ab errórum ténebris ad veritátis lucem adducéndis, et in pópulis ad pacem et concórdiam revocándis beátum Bartholomæum confessórem tuum atque pontíficem, mirábilem effecisti: ejus intercessióne concéde; ut pax tua, quæ exsúperat omnem sensum, custódiat corda nostra, et intelligéntias nostras in Christo Jesu Dómino nostro. Qui tecum vivit.

DIE XXIV. OCTOBRIS.

S. Raphaelis Archangeli.

Introitus.

Psal. 102.



Benedícite Dóminum omnes Angeli ejus: poténtes virtúte, qui fá-
citis verbum ejus,

ad audiéndam vocem sermónum ejus.

Psal. ibid. Benedic ánima mea Dómino: et ómnia, quæ intra me sunt, nómini sancto ejus.

V. Glória Patri.

Oratio.

Deus, qui beátum Raphaélem Archángelum Tobíæ fámulo tuo cómitem dedísti in via: concéde nobis fámulis tuis; ut ejúsdem semper protegámur custódia, et muniámur auxílio. Per Dóminum.

Léctio libri Tobíæ.

Tob. 12. b

IN diébus illis: Dixit Angelus Raphaél ad Tobíam: Etenim sacraméntum regis abscóndere bonum est: ópera autem Dei reveláre, et confitéri honoríficum est. Bona est orátio cum jejúnio, et eleemósyna magis, quam thesáuros auri recóndere: quóniam eleemósyna à morte liberat, et ipsa est, quæ purgat peccáta, et facit inveníre misericórdiam, et vitam ætérnam. Qui autem fáciunt peccátum,

et iniquitatem, hostes sunt animæ suæ. Manifesto ergo vobis veritatem, et non abscondam à vobis occultum sermonem. Quando orabas cum lacrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego obtuli orationem tuam Dómino. Et quia accéptus eras Deo, necesse fuit, ut tentatio probáret te. Et nunc misit me Dóminus, ut curárem te, et Saram uxórem filii tui à dæmónio liberárem. Ego enim sum Ráphael Angelus, unus ex septem, qui astámus ante Dóminum.

Graduale. Tob. 8. Angelus Dómini Ráphael apprehéndit, et ligávit dæmonem. **V. Ps. 144.** Magnus Dóminus noster, et magna virtus ejus.

Allelúja, allelúja.

V. Psal. 137. In conspéctu Angelórum psallam tibi, adorábo ad templum sanctum tuum, et confitébor nómini tuo, Dómine. **Allelúja.**

In Missis votivis, post Septuagesimam omissis Allelúja, et versu seq. dicitur Tractus. Psal. 148. Laudáte Dóminum omnes Angeli ejus: laudáte eum omnes virtútes ejus.

V. Psal. 102. Benedícite Dóminum omnes virtútes ejus: minístri ejus, qui fáctis voluntátem ejus.

In votivis Tempore Paschali, Allelúja, allelúja.

V. Psal. 102. Bénedic ánima mea Dóminum, et ómnia interióra mea nomen sanctum ejus. **Allelúja.**

V. Tob. 5. Missus est Angelus Dómini, sanctus Ráphael, à Deo ad Tobíam, et salutávit eum, et dixit: Gáudium sit tibi semper. **Allelúja.**

 **Sequéntia sancti Evangélii secúndum Joánnem. Joan. 5.**

IN illo témpore: erat dies festus Judæórum, et ascéndit Jesus Jerosólymam. Est autem Jerosólymis probática piscína, quæ cognominátur hebráice Bethsáida, quinque pórticus habens. In his jacé-

bat multitúdo magna lanquéntium, cæcórum, claudórum, aridórum expectántium aquæ motum. Angelus autem Dómini descendébat secúndum tempus in piscínam, et movebátur aqua. Et qui prior descendísset in piscínam post motiónem aquæ, sanus fiébat à quacúmque detinebátur infirmitáte. **Credo.**

Offertorium. Apoc. 8. Stetit Angelus juxta aram templi, habens thuríbulum áureum in manu sua: et data sunt ei incénsa multa, et ascéndit fumus arómatum in conspéctu Dei.

Secreta.

Hostias tibi, Dómine, laudis offerimus, suppliciter deprecántes: ut eásdem, Angélico pro nobis interveniénte suffrágio, et placátus accípias, et ad salútem nostram proveníre concédas. **Per Dóminum.**

Communio. Dan. 3. Benedícite omnes Angeli Dómini Dóminum: hymnum dícite, et superexaltáte eum in sácula. **Postcommunio.**

Dirigere dignáre, Dómine Deus, in adjutórium nostrum sanctum Raphaélem Archángelum: et quem tuæ majestáti semper assistere crédimus, tibi nostras exiguas preces benedicéndas assígnct. **Per Dóminum nostrum.**

DIE XXV. OCTOBRIS.

S. Bonifacii I. Papæ et Confessoris.
Missa. Státuit. primo loco. fol. xiii.

DIE XXVI. OCTOBRIS.

S. Evaristi I. Papæ et Martyris.
Missa. Státuit. primo loco. fol. ii.

DIE XXX. OCTOBRIS.

B. Benvenutæ Bojani Virginis.
Missa. Dilexísti. de Comm. Virg. fol. xxiii. præter Orationem seq.

Oratio.

Grátiam nobis, Dómine, pœniténtiæ, orationis et humilitátis infúnde: ut beátæ Benvenútæ virginis imitatióne, possímus et carnem

mortificantes spiritu vivere, et cœlestia jugiter cogitantes, nosque despicientes, in te solo Deo requiem et gloriam invenire. Per Dñm.

EADEM DIE.

B. Alphonsi Rodriguez Confessoris Societatis Jesu.

Pro PP. ejusdem Societatis.

Missa. Justus ut palma. de Comm. Conf. non Pontif. fol. xviii. cum sequentibus Orationibus.

Oratio.

Deus fortitudo fragilium, et humilium celsitudo, qui famulum tuum Alphonsum jugi mortificationis studio, et eximiae humilitatis laude clarescere voluisti: da, ut ejus imitatione, carne mortificati, et in humili crucis Filii tui sequela fideliter perseverantes, gloriam consequamur æternam. Qui tecum vivit et regnat.

Secreta.

Oblationes nostras tibi, Dñe quaesumus, beati Alphonsi intercessio sancta commendet, quem coram tuis altaribus precantem supernorum charismatum dulcedine recreasti. Per Dñm nostrum.

Postcommunio.

Spíritum nobis Dñe fortitudinis tribuat hæc mensa cœlestis: ut beati Alphonsi confessoris exemplo, salutis nostrae hostium superatis insidiis, perpétua pace perfrui mereamur. Per Dñm. in unitate ejusdem.

DIE XXXI. OCTOBRIS.

S. Siricii Papæ et Confessoris.

Missa. Sacerdotes. fol. xiv. præter Orationem sequentem.

Oratio.

Deus, qui beatum Siricium, confessorem tuum atque pontificem, Ecclesiasticæ disciplinæ propagatorem eximium effecisti: da Ecclesiæ tuæ, ejus institutis proficere, et meritis adjuvari. Per Dñm.

EADEM DIE.

S. Wolfgangi Episcopi et Confess. Missa. Sacerdotes. de Communi Confessoris Pontif. fol. xiv. præter Orationem sequentem.

Oratio.

Deus, qui nobis æternæ salutis beatum Wolfgangum Episcopum et ministrum tribuisti: præsta quaesumus; ut, quem doctorem vitæ habuimus in terris, intercessorem habere mereamur in cœlis. Per Dñm nostrum.

Et fit commemoratio Vig. Omnium Sanctorum, cum Evang. ejusdem Vig. in fine. fol. 504.

DOMINICA II. NOVEMBRIS.

Festum Patrocinii B. Mariæ Virg.

Missa. Salve sancta Parens. ut in Missis votivis B. Mariæ virg. a Pentecoste usque ad Adventum. fol. xliii. cum commemor. Dominicæ occur.

Et dicitur Credo, et Præfatio de Sancta Maria. Et te in Festivitate beatæ Mariæ. fol. 199 vel 218.

Et in fine Missæ legitur Evangelium Dominicæ.

DIE V. NOVEMBRIS.

Sancti Zachariæ Confessoris Patris S. Joannis Baptistæ.

Missa. Os justi. de Comm. fol. xvii.

Oratio.

Vigeat, quaesumus Dñe, semper in cordibus nostris divinæ tuæ præsentiae memoria, beati Zachariæ, sanctissimi Præcursoris tui patris, suffragantibus meritis: ut te super omnia diligentes, ad promissiones tuas, quæ omne desiderium superant, sine offensione curramus. Qui vivis.

Cum 2. Oratione Octavæ Omnium Sanctorum. Evang. vero ut in Vigil. Nativitatis S. Joannis Bapt. fol. 409.

Et dicitur Credo propter Octavam.

Secreta.

Ante oculos tuos, Dñe, hostiam salutarem offerimus,

humíliter deprecántes: ut per beáti Zachariæ, sanctíssimi Præcursóris tui patris, mérita; fiat nobis tuæ dilectiónis pignus ætérnum. Qui vivis, et regnas.

Postcommunio.

Perfice, quæsumus, Dómine, in honórem beáti Zachariæ, sanctíssimi Præcursóris tui Patris, munus oblátum: et quod nostra peccáta præpédiunt, ipso pro nobis intercedente, indulgéntia tuæ propitiatiónis accéleret. Qui vivis, et regnas.

EADEM DIE.

B. Helenæ Enselminæ Virginis.

Missa. Dilexísti. de Comuni Virg. fol. xxiii. **præter Orationes seq.**

Oratio.

Deus, recte valéntium et ægro-
tántium salus, qui beátam Hé-
lenam vírginem tuam mira in morbis
fortitúdine, morúmque innocéntia
decorásti: ejus nobis intercessióne
concéde; ut ægritúdines et advér-
sa patienter tolerántes, mortális vitæ
emendatiónem, et ætérnæ salútem
consequámur. Per Dóminum.

**Et fit commem. Octavæ Omnium
Sanctorum, ut supra.**

Et dicitur Credo propter Octavam.

DIE VII. NOVEMBRIS.

S. Prosdócimi Episcopi et Confess.

**Missa. Sacerdótes. de Comuni
Conf. Pont. fol. xiv. præter Orationes
sequentes. Et dicitur Credo pro-
pter Octavam.**

Oratio.

Deus, qui nos beáti Prosdócimi
confessóris tui atque pontíficis
ministério, ad agnitiónem tui sancti
nóminis vocáre dignátus es: concéde
propítius; ut cujus solemnia cólimus,
étiam patrocínia sentiámus. Per Dó-
minum nostrum.

Secreta.

Dostias, Dómine, laudis tuis al-
táribus adhibémus: quas ejus
tibi patrocínio crédimus commen-
dándas, cujus nos voluísti ad tuæ
pietátis misericórdiam perveníre.
Per Dóminum.

Postcommunio.

Beáti Prosdócimi confessóris tui
atque pontíficis, Dómine, pré-
cibus confidéntes, quæsumus cle-
méntiam tuam; ut per ea, quæ sump-
simus, ætérna remédia capiámus.
Per Dóminum nostrum.

DIE X. NOVEMBRIS.

S. Deusdedit I. Papæ et Confess.
Missa. Státuit. primo loco. fol. xiii.

DIE XII. NOVEMBRIS.

S. Martini I. Papæ et Martyris.

Missa ut in Missali sub hac die.
fol. 513.

EADEM DIE.

S. Didaci Confessoris.

Introitus. Eccli. 3.

Humiliávit se in ó-
mnibus, et coram
Deo invénit grá-
tiam, quóniam ma-
gna poténtia Dei,
et ab humílibus honorátur.

**Ps. 102. Bénedic ánima mea
Dóminum, et ómnia interióra
mea nómini sancto ejus.**

V. Glória Patri.

Oratio.

Omnípotens sempitérne Deus,
qui dispositióne mirábili, infír-
ma mundi éligis, ut fórtia quæque
confúndas: concéde propítius humi-
litáti nostræ; ut piis beáti Dídaci con-
fessóris tui précibus, ad perén-
nem in cœlis glóriam sublimári mereámur.
Per Dóminum nostrum.

**Léctio Epístolæ beáti Pauli Apóstoli
ad Corínthios. 1. Cor. 1. et 2.**

Fratres, Vidéte vocatió-
nem ve-
stram, quia non multi sapiéntes
secúndum carnem, non multi potén-
tes, non multi nóbiles: sed quæ stulta
sunt mundi, elégit Deus, ut confún-
dat sapiéntes; et infirma mundi et
contemptibília elégit Deus, et ea quæ
non sunt, ut ea quæ sunt destrúeret:
ut non gloriétur omnis caro in con-
spéctu ejus. Ex ipso autem vos estis

in Christo Jesu, qui factus est nobis sapiéntia à Deo, et justítia, et sanctificátio, et redemptio: ut quemádmódum scriptum est: Qui gloriátur, in Dómino gloriétur. Et ego cum veníssem ad vos, fratres, veni non in sublimitáte sermónis, aut sapiéntiæ, annúntians vobis testimónium Christi. Non enim judicávi me scire áliquid inter vos, nisi Jesum Christum, et hunc crucifixum.

Graduale. Psal. 20. Dómine, prævenísti eum in benedictiónibus dulcédinis: posuísti in cápite ejus corónam de lápide pretióso.

V. Vitam pétiit à te, et tribuísti ei longitudínem diérum in sáeculum sáeculi.

Allelúja, allelúja.

V. Psal. 91. Justus ut palma florébit: sicut cedrus Líbani multiplicábitur. Allelúja.

Sequéntia sancti Evangélíi secúndum Matthæum. Matth. 18.

IN illo témpore: Accessérunt discípuli ad Jesum, dicéntes: Quis putas major est in regno cœlórum? Et ádvocans Jesus párvulum, státuit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábítis in regnum cœlórum. Quicúmque ergo humiliáverit se sicut párvulus iste, hic est major in regno cœlórum. Et qui suscepérit unum párvulum talem in nómine meo, me súscipit. Qui autem scandalizáverit unum de pusíllis istis, qui in me credunt, expedit ei, ut suspendátur mola asinária in collo ejus, et demergátur in profúndum maris.

Offertorium. Galat. 6. Mihi autem absit gloriári, nisi in cruce Dómini nostri Jesu Christi: per quem mihi mundus crucifixus est, et ego mundo.

Secreta.

HÆc hóstia, quæsumus Dómine, quam sancti Dídaci confessoris tui solemnitáte offérimus: ipso

étiam intercedénte, et víncula nostræ pravitatís absólvat, et tuæ nobis misericórdiæ dona concíliet. Per Dóminum nostrum.

Communio. Matth. 11. Tóllite jugum meum super vos, et discite à me, quia mitis sum et húmilis corde: et inveniétis réquiem animábus vestris.

Postcommunio.

DEus, qui familiam tuam, his sacrificiis purgátam, beáti Dídaci confessoris tui celebritáte lætíficas: concéde quæsumus; ut ejus humilitátis et paciéntiæ imitétur vestigia, et ad gáudia pervéniat sempitérna. Per Dóminum.

DIE XIII. NOVEMBRIS.

S. Nicolai I. Papæ et Confessoris.

Missa. Státuit. primo loco. fol. xiii.

EADEM DIE.

S. Stanislai Kostkæ Confessoris.

Introitus. Sap. 4.

Consummátus in brevi, explévit témpora multa: plácita enim erat Deo ánima illíus: propter hoc properávit edúcere illum de médio iniquitátum.

Psal. 112. Laudáte púeri Dóminum, laudáte nomen Dómini.

V. Glória Patri. Oratio.

DEus, qui inter cétera sapiéntiæ tuæ mirácula étiam in ténera ætáte matúræ sanctitátis grátiam contulísti: da, quæsumus; ut beáti Stanislái exémplo, tempus instánte operándo rediméntes, in ætérrnam íngredi réquiem festinémus. Per Dóminum nostrum.

Léctio libri Sapiéntiæ. Sap. 4. b

Justus, si morte præoccupátus fuérit, in refrigerio erit. Senectus enim venerábilis est non diutúrna, neque annórum número computáta: cani autem sunt sensus hóminis, et ætas senectútis vita immaculáta. Placens Deo factus est dilé-

ctus, et vivens inter peccatores translatus est. Raptus est, ne malitia mutaret intellectum ejus, aut ne fictio deciperet animam illius. Fascinatio enim nugacitatis obscurat bona, et inconstantia concupiscentiae transvertit sensum sine malitia. Consummatus in brevi, explavit tempora multa: placita enim erat Deo anima illius: propter hoc properavit educere illum de medio iniquitatum. Populi autem videntes, et non intelligentes, nec ponentes in praecordiis talia: quoniam gratia Dei, et misericordia est in sanctos ejus, et respectus in electos illius. Condemnat autem justus mortuus vivos impios, et juvenis celarius consummata longam vitam injusti.

Graduale. Ps. 20. Desiderium cordis ejus tribuisti ei: et voluntate labiorum ejus non fraudasti eum.

V. Quoniam praevenisti eum in benedictionibus dulcedinis.

Allelúja, allelúja.

V. Psal. 118. Initio cognovi de testimoniis tuis, quia in aeternum fundasti ea. Allelúja.

 **Sequentia sancti Evangelii secundum Matthaeum. Matth. 19. b**

IN illo tempore: Oblati sunt Jesu parvuli, ut manus eis imponeret, et oraret. Discipuli autem increpabant eos. Jesus vero ait eis: Sinite parvulos, et nolite eos prohibere ad me venire: talium est enim regnum coelorum. Et cum imposuisset eis manus, abiit inde. Et ecce unus accedens, ait illi: Magister bone, quid boni faciam, ut habeam vitam aeternam? Qui dixit ei: Quid me interrogas de bono? Unus est bonus, Deus. Si autem vis ad vitam ingredi, serva mandata. Dicit illi: Quae? Jesus autem dixit: Non homicidium facies: non adulterabis: non facies furtum: non falsum testimonium dices: honora patrem tuum et matrem tuam: et diliges proximum tuum sicut te ipsum.

Dixit illi adolescens: Omnia haec custodivi a juventute mea: quid adhuc mihi deest? Ait illi Jesus: Si vis perfectus esse, vade, vende omnia quae habes, et da pauperibus, et habebis thesaurum in caelo: et veni, sequere me.

Offertorium. Psal. 42. Introibo ad altare Dei, ad Deum, qui laetificat juventutem meam.

Secreta.

Angelorum pane, quaesumus Domine, beati Stanislai nos intercessio dignos efficiat, qui eo meruit angelica manu recreari. Per Dominum nostrum.

Communio. Eccli. 15. Cibavit illum Dominus pane vitae et intellectus, et aqua sapientiae salutaris potavit illum.

Postcommunio.

UT nobis, Domine, coelestis, quem sumpsimus, panis sit vitae, beato Stanislao confessore tuo intercedente, quaesumus: ut panis sit intellectus, et potus aqua sapientiae salutaris. Per Dominum nostrum.

DIE XV. NOVEMBRIS.

S. Leopoldi Confessoris.

Missa dicitur ut in festo S. Stephani Regis Hungariae Confessoris, die ii. Septembris, fol. 472. praeter Orationem sequentem. **Oratio.**

Deus, qui sanctum Leopoldum ex principatu et curis saeculi hujus, immaculatum ad regnum coeleste traduxisti: concede propitius, tua clementia; ita nos per haec temporalia dirigi, ut aeternae vitae consortes effici mereamur. Per Dominum.

DIE XIX. NOVEMBRIS.

S. Pontiani I. Papae et Martyris.

Missa. Statuit. primo loco. fol. ii. Evang. Nihil est opertum. fol. v.

DIE XXIII. NOVEMBRIS.

S. Clementis I. Papae et Martyris.
Missa ut in Missali, sub hac die.

DIE XXIV. NOVEMBRIS.

In solemnitate S. Flaviani Episcopi
et Martyris Titularis Ecclesiae Ca-
thedralis Basilicae, ac Patroni Prin-
cipalis Recineti.

Introitus.

GAudeamus omnes in
Dómino, diem festum
celebrantes, sub ho-
nóre beáti Flaviáni
Mártiris, de cujus
solemnitate gaudent Angeli, et
collaudant Fílium Dei.

Ps. 32. Exultáte, iusti, in Dómino:
rectos decet collaudátio.

V. Glória Patri.

Oratio.

DEus, qui sanctum tuum Pontí-
ficem Flaviánum, in Cathólica
Fide defendénda, admirábili con-
stántia, et martyrii láurea decorásti:
præsta quæsumus; ut cujus in terris
patrocínio gloriámur, ejus in cœlis
perpétuo lætémur consórtio. Per Dó-
minum nostrum.

**Et dicitur hæc oratio tantum, nisi
venerit in Dominica, cum Evangelio
ejusdem in fine.**

Léctio Epístolæ beáti Pauli Apóstoli
ad Hebræos.

Hebr. 5.

FRatres, omnis Póntifex ex ho-
mínibus assúptus, pro homí-
nibus constitúitur in iis, quæ sunt ad
Deum, ut offerat dona, et sacrificia
pro peccátis; qui condolére possit iis,
qui ignorant, et errant: quóniam et
ipse circúmdatus est infirmitate: et
propterea debet, quemádmódum pro
pópulo, ita étiam et pro semetípso
offerre pro peccátis. Nec quisquam
sumit sibi honórem, sed qui vocátur
à Deo, tamquam Aaron. Sic et Chri-
stus non semetípsum clarificávit, ut
Póntifex fieret: sed qui locútus est
ad eum: Fílius meus es tu, ego hódie
génui te. Quemádmódum et in álio
loco dicit: Tu es Sacerdos in ætér-
num secúndum órđinem Melchise-
dech.

Graduale. Eccl. 44. Ecce sacerdos
magnus, qui in diébus suis plácuit
Deo.

V. Non est invéntus símilis illi, qui
conserváret legem excélsi.

Allelúja, allelúja.

V. Joann. 10. Ego sum pastor bo-
nus, et cognósco oves meas, et co-
gnóscunt me meæ. Allelúja.

**Post Septuagesimam omissis Al-
lelúja, et versu sequenti dic. Tractus
Psal. 20.** Desidérium ánimæ ejus
tribuísti ei, et voluntáte labiórū ejus
non fraudásti eum.

V. Quóniam prævenísti eum in be-
nedictiónibus dulcédinis.

V. Posuísti in cápite ejus corónam
de lápide pretiósó.

**Sequéntia sancti Evangélii se-
cúndum Joánnem. Joann. 10.**

IN illo témpore: Dixit Jesus Pha-
risæis: Ego sum pastor bonus.
Bonus pastor ánimam suam dat pro
óvibus suis. Mercenárius autem, et
qui non est pastor, cujus non sunt o-
ves própriæ, videt lupum veniéntem,
et dimíttit oves; mercenárius autem
fúgit, quia mercenárius est, et non
pértinet ad eum de óvibus. Ego sum
pastor bonus: et cognósco meas, et
cognóscunt me meæ. Sicut novit me
Pater, et ego agnósco Patrem, et á-
nimam meam pono pro óvibus meis.
Et álias oves hábeo, quæ non sunt ex
hoc ovíli: et illas opórtet me addúcere,
et vocem meam áudient, et fiet unum
ovile, et unus pastor. **Credo.**

Et dicitur per totam Octavam.

Offertorium. Ps. 20. Posuísti, Dó-
mine, in cápite ejus corónam de lá-
pide pretiósó: vitam pétiit à te, et tri-
buísti ei. Allelúja. **Secreta.**

MUnera tibi, Dómine, dicáta
sanctifica, et intercedénte be-
áto Flaviáno, mártire tuo atque pon-
tífice, per éadem nos placátus intén-
de. Per Dóminum nostrum.

Communio. Joan. 10. Ego sum pa-
stor bonus, et cognósco oves meas,
et cognóscunt me meæ.

Postcommunio.

HÆc nos commúnio, Dómine, purget à crimine; et, intercedente beáto Flaviáno mártire tuo atque pontífice, cœléstis remédii fáciat esse consórtes. Per Dóminum.

DIE XXVI. NOVEMBRIS.

S. Silvestri Abbatis.

Missa. Os justi. de Communi Abbatum, fol. xix. cum commem. S. Petri Alexandrini, ex Missa. Státuit. de Communi unius Mart. Pontif. fol. ii.

DIE XXVII. NOVEMBRIS.

B. Leonardi a Portu Mauritio Conf.

Missa. Os justi. de Communi Conf. non Pontif. fol. xvii. cum Orat. seqq.

Oratio.

DEus, qui ad obstináta peccatórum corda per Evagélícam prædicatióem flecténda beátum Leonárdum confessórem tuum admirábilem sanctitáte, et invicto dicéndi róbre suscitásti: da quæsumus; ut contritiónis lácrymas, ad quas, ob durítiam cordis nostri, sine te promovéri non póssumus, per ejus preces et mérita consequámur. Per Dóminum nostrum.

Secreta.

HÆc múnera, Deus vere miséricors, fragilitáti nostræ auxiliéntur; et secúndum divítias grátiae tuæ, fiant nobis pignora glóriæ sempitérnæ. Per Dóminum nostrum.

Postcommunio.

Cito anticipent nos miséricordiæ tuæ, quæsumus Dómine, méritis beáti Leonárdi confessóris tui; et quos divínis aliméntis recreásti, fac ipso intercedente, usque in finem tua protectiõe munitos. Per Dóminum.

DIE XXVIII. NOVEMBRIS.

S. Gregorii III. Papæ et Confessoris.

Missa. Státuit. primo loco. fol. xiii.

DIE XXIX. NOVEMBRIS.

S. Gelasii I. Papæ et Confessoris.

Missa. Státuit. primo loco. fol. xiii.

MISSA.

In commemoratione Sanctorum, quorum Corpora, seu Reliquiæ in Ecclesiis asservantur.

Introitus.

Ps. 33.



Ultæ tribulatiónes justórum, et de his ómnibus liberábit eos Dóminus: Dóminus custódit ómnia ossa eórum: unum ex his non conterétur.

Psal. ibid. Benedícam Dóminum in omni témpore: semper laus ejus in ore meo. V. Glória Patri.

Oratio.

Auge in nobis, Dómine, resurrectionis fidem, qui in sanctorum tuorum reliquiis mirabilia operáris: et fac nos immortalis glóriæ partícipes, cujus in eórum cinéribus pignora venerámur. Per Dóminum.

Léctio libri Sapiéntiæ. Eccli. 44.

HI viri miséricordiæ sunt, quórum pietátes non defuérunt: cum sémine eórum pérmanent bona, hæréditas sancta népotes eórum, et in testaméntis stetit semen eórum, et filii eórum propter illos usque in ætérnum manent: semen eórum, et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem, et generatióem. Sapiéntiam ipsórum narrent pópuli, et laudem eórum nuntiet ecclésia.

Graduale. Psal. 149. Exultábunt sancti in glória: lætabúntur in cubilibus suis. V. Ps. ibid. Cantáte Dómino cánticum novum: laus ejus in Ecclésia sanctorum.

Allelúja, allelúja.

V. Ps. 67. Justi epuléntur, et exsúltent in conspéctu Dei: et delecténtur in lætítia. Allelúja.



Sequéntia sancti Evagélíi secúndum Lucam. Luc. 6. c

IN illo témpore: Descéndens Jesus de monte, stetit in loco campéstri, et turba discipulórum ejus, et

multitúdo copiósa plebis ab omni Judæa, et Jerúsalem, et marítima, et Tyrí, et Sidónis, qui vénerant, ut audírent eum, et sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tángere: quia virtus de illo exíbat, et sanábat omnes. Et ipse elevátis óculis in discípulos suos, dicébat: **Beáti páuperes**, quia vestrum est regnum Dei. **Beáti qui nunc esurítis**, quia saturabímini. **Beáti qui nunc fletis**, quia ridébitis. **Beáti éritis cum vos óderint hómines**, et cum separáverint vos, et exprobráverint, et ejécerint nomen vestrum tamquam malum, propter filium hóminis. Gaudéte in illa die et exultáte: ecce enim merces vestra multa est in cœlo.

Offertorium. Ps. 67. Mirábilis Deus in sanctis suis: Deus Israel ipse

dabit virtútem et fortitúdinem plebi suæ: benedíctus Deus. Allelúja.


Secreta.

Implorámus, Dómine, cleméntiam tuam: ut sanctórum tuórum, quorum reliquias venerámur, suffragántibus, méritis, hóstia, quam offérimus, nostrorum sit expiátio delictórum. Per Dóminum nostrum Jesum Christum Fílium tuum.

Communio. Psal. 32. Gaudéte justi in Dómino: rectos decet collaudátio.

Postcommunio.

Múltiplica super nos, quæsumus Dómine, per hæc sancta, quæ sumpsimus, misericórdiam tuam: ut sicut in tuórum solemnitáte sanctórum, quórum reliquias cólimus, pia devotióne lætámur; ita eórum perpétua societáte te largiénte, fruámur. Per Dóminum.



INDEX MISSARUM

SANCTORUM SUMMORUM PONTIFICUM S. R. E. ET ALIORUM SANCTORUM PRO ALIQUIBUS LOCIS.

DECEMBRI.

- 9 S. Eutychiani Papæ et Mart. fol. lxxxvii.
10 Translationis Almæ Domus B. Mariæ Virg. fol. lxxxvii.
11 S. Damasi I. Papæ et Conf. fol. lxxxviii.
12 S. Melchiadis I. Papæ et Mart. fol. lxxxviii.
18 Expectationis partus B. Mariæ Virg. fol. lxxxviii.
31 S. Silvestri I. Papæ et Conf. fol. lxxxix.

JANUARIO.

- 16 S. Marcelli I. Papæ et Mart. fol. lxxxix.
20 SS. Fabiani et Sebastiani Mm. fol. xc.
23 Desponsationis B. Mariæ Virg. fol. xc.
Eadem die S. Ildephonsi Episcopi et Conf. fol. xci.
24 S. Exuperantii Episc. et Conf. fol. xci.
27 S. Vitaliani Papæ et Conf. fol. xciii.
28 S. Dionysii Papæ et Conf. fol. xciii.
Eadem die S. Juliani Episc. et Conf. fol. xciii.
30 S. Felicis IV. Papæ et Conf. fol. xciii.

FEBRUARIO.

- 3 S. Blasii Episc. et Mart. fol. xciii.
4 S. Josephi a Leonissa Conf. fol. xciv.
5 SS. Mm. Japon. e Soc. Jesu Pauli, Joannis et Jacobi f. xciv.
6 S. Hyacinthæ de Mariscottis Virg. fol. xciv.
Eadem die S. Dorotheæ Virg. et Mart. fol. xciv.
9 S. Antheri Papæ et Mart. fol. xcv.
11 S. Telesphori Papæ et Mart. fol. xcv.
12 S. Agathonis Papæ et Conf. fol. xcv.
13 S. Catharinæ de Riccis Virg. fol. xcv.
14 S. Hygini Papæ et Mart. fol. xcv.
15 S. Ephysii Martyris. fol. xcv.
16 S. Zosimi Papæ et Conf. fol. xcvi.
18 B. Gregorii X. Papæ et Conf. fol. xcvi.
19 S. Gregorii II. Papæ et Conf. fol. xcvi.
Eadem die S. Conradi Conf. fol. xcvi.
25 S. Felicis III. Papæ et Conf. fol. xcvi.
26 S. Margaritæ de Cortona. fol. xcvi.
Feria III. post Dom. Septuagesimæ Missa Orationis D. N. Jesu Christi fol. xcvi.
Feria III. post Dom. Sexagesimæ Commem. SS. Passionis D. N. Jesu Christi fol. xcix.
Feria IV. post Cineres Sacratissimæ Spineæ Coronæ D. N. Jesu Christi fol. xcix.

MARTIO.

- Feria VI. post Dom. I. Quadragesimæ Lanceæ et Clavorum D. N. Jesu Christi fol. c.
Feria VI. post Dom. II. Quadragesimæ SS. Sindonis D. N. Jesu Christi fol. ci.
Feria VI. post Dom. III. Quadragesimæ Sacrarum quinque Plagarum D. N. Jesu Christi fol. ciii.
Feria VI. post Dom. IV. Quadragesimæ Pretiosissimi Sanguinis D. N. Jesu Christi fol. ciii.
1 B. Joannæ Mariæ Bonomo Virg. fol. civ.
2 S. Simplicii Papæ et Conf. fol. cv.
4 S. Lucii Papæ et Mart. fol. cv.

- 5 S. Joannis Josephi a Cruce Conf. fol. cv.
Eadem die B. Hieronymi de Recineto Ord. Eremit S. Augustini fol. cv.
6 S. Coletæ Virginis fol. cvi.
12 S. Gregorii Papæ Conf. et Doct. fol. cvi.
15 S. Zachariæ Papæ et Conf. fol. cvi.
18 S. Gabrielis Archangeli fol. cvi.
Alia Missa ejusd. pro Diœcesi Venet. fol. cviii.
20 B. Hippolyti Galantini Conf. fol. cix.
28 S. Sixti III. Papæ et Conf. fol. cix.

APRILI.

- Dom. III. post Pascha Patrocinii S. Joseph Conf. Sponsi B. Mariæ Virg. fol. cix.
Dom. IV. post Pascha S. Catharinæ Fliscæ Adurnæ Viduæ fol. cx.
6 S. Sixti I. Papæ et Mart. fol. cxi.
7 S. Cœlestini I. Papæ et Conf. fol. cxi.
11 S. Leonis I. Papæ Conf. et Doct. fol. cxi.
12 S. Julii I. Papæ et Conf. fol. cxi.
17 S. Aniceti Papæ et Mart. fol. cxi.
19 S. Leonis IX. Papæ et Conf. fol. cxi.
22 SS. Soteris et Caji Pp. et Mm. fol. cxi.
23 B. Alexandri Sauli Episc. et Conf. fol. cxi.
26 Apparit. Imaginis B. Mariæ Virg. de Bono Consilio fol. cxi.
Eadem die SS. Cleti et Marcellini Pp. et Mm. fol. cxii.
27 S. Anastasii I. Papæ et Conf. fol. cxii.
28 S. Liberalis Conf. fol. cxii.

MAJO.

- 5 S. Pii V. Papæ et Conf. fol. cxiii.
7 S. Benedicti II. Papæ et Conf. fol. cxiii.
10 B. Beatricis Estensis Virg. fol. cxiii.
11 S. Alexandri I. Papæ et Mart. fol. cxiii.
Eadem die S. Francisci de Hieronymo Conf. Societatis Jesu fol. cxiii.
14 S. Paschalis I. Papæ et Conf. fol. cxiii.
15 S. Isidori Agricolæ Conf. fol. cxiii.
16 S. Joannis Nepomuceni Mart. fol. cxiv.
Item Alia Missa pro aliquibus locis fol. cxv.
19 S. Petri Cœlestini Papæ et Conf. fol. cxvi.
21 S. Felicis a Cantalicio Conf. fol. cxvi.
22 B. Crispini a Viterbio Conf. fol. cxvii.
24 Beatæ Mariæ Virg. titulo *Auxilium Christianorum* fol. cxvii.
25 S. Gregorii VII. Papæ et Conf. fol. cxviii.
27 S. Joannis I. Papæ et Mart. fol. cxviii.
28 S. Urbani I. Papæ et Mart. fol. cxviii.
29 S. Bonifacii IV. Papæ et Conf. fol. cxix.
30 S. Felicis I. Papæ et Mart. fol. cxix.
Eadem die S. Ferdinandi III. Regis Conf. fol. cxix.
31 S. Angelæ Merici Virg. fol. cxx.
Eadem die SS. Mm. Cantiani et Soc. fol. cxx.
Feria IV. post Octavam SS. Corporis Christi. Fest. SS. Cordis Jesu fol. cxx.
Eadem die Alia Missa pro Diœcesi Venetiarum fol. cxxi.

JUNIO.

Dominica III. post Pentec. Festum Sacri Cordis B. Mariæ Virg. fol. cxxii.

- 1 S. Eleutherii I. Papæ et Mart. fol. cxxii.
- 2 S. Eugenii Papæ et Conf. fol. cxxiii.
- 6 B. Bertrandi Episc. et Conf. fol. cxxiii.
- 12 S. Leonis III. Papæ et Conf. fol. cxxiii.
- 16 S. Joannis Francisci Regis Conf. fol. cxxiii.
- 17 B. Petri de Pisis Conf. fol. cxxiii.
- Eadem die B. Pauli Buralis Episc. et Conf. fol. cxxiii.
- 20 S. Silverii Papæ et Mart. fol. cxxiii.
- 21 S. Aloisii Gonzagæ Conf. fol. cxxiii.
- 25 S. Gallicani Mart. fol. cxxiv.
- 28 S. Leonis II. Papæ et Conf. fol. cxxv.

JULIO.

Dominica prima non impedita post Oct. SS. Apost. Petri et Pauli Comm. omn. SS. Summorum Pontificum fol. cxxv.

Dominica II. S. Pulcheriæ Imperat. Virginis. fol. cxxvi.

- 3 S. Pauli I. Papæ et Conf. fol. cxxvii.
- Eadem die S. Martialis Episc. et Conf. fol. cxxvii.
- 5 B. Michaelis de Sanctis Conf. fol. cxxvii.
- 7 B. Benedicti XI. Papæ et Conf. fol. cxxviii.
- Eadem die B. Laurentii a Brundusio Conf. fol. cxxviii.
- 9 Fest. Prodigiorum B. Mariæ Virg. fol. cxxviii.
- Eadem die S. Veronicæ de Julianis Virg. fol. cxxix.
- 11 S. Pii I. Papæ et Mart. fol. cxxix.
- 12 SS. Hermagoræ et Fortunati Mm. fol. cxix.
- 13 S. Anacleti Papæ et Mart. fol. cxxix.
- 17 S. Leonis IV. Papæ et Conf. fol. cxxix.
- Eadem die S. Alexii Confessoris. Romæ, et in ejus Districtu fol. cxxx.
- 19 S. Symmachi Papæ et Conf. fol. cxxxi.
- 20 S. Eliae Prophetæ fol. cxxxi.
- 21 S. Danielis Prophetæ et Conf. fol. cxxxii.
- 27 S. Pantaleonis Mart. fol. cxxxiv.
- 28 SS. Victoris Papæ et Mart. Innocentii I. Papæ et Conf. Nazarii et Soc. Mm. fol. cxxxiv.
- 29 S. Felicis II. Papæ et Mart. fol. cxxxv.
- 30 S. Margaritæ Virg. et Mart fol. cxxxv.

AUGUSTO.

- 2 S. Stephani I. Papæ et Mart. fol. cxxxv.
- 7 S. Cajetani Confessoris fol. cxxxv.
- 9 S. Sixti II. Papæ et Mart. fol. cxxxvi.
- Eadem die S. Emidii Episc. et Mart. fol. cxxxvii.
- 11 S. Philumenæ Virg. et Mart. fol. cxxxviii.
- 13 S. Cassiani Episc. et Mart. fol. cxxxviii.
- Eadem die B. Jordani Forzatè Abbatis fol. cxxxix.
- 14 S. Hormisdæ I. Papæ et Conf. fol. cxxxix.
- 16 S. Rochi Conf. fol. cxxxix.
- 18 S. Helenæ Imperat. Viduæ fol. cxl.
- 19 S. Ludovici Episc. et Conf. fol. cxli.
- 20 S. Samuelis Sacerd. et Prophetæ Conf. fol. cxli.
- 24 SS. Mm. Amiterni fol. cxliii.
- 26 S. Zephyrini Papæ et Mart. fol. cxliii.
- 27 S. Theresiæ Virg. Secundo fol. cxliii.

SEPTEMBRI.


- 1 B. Julianæ de Collalto Virg. fol. cxliii.
- 3 SS. Euphemie, Dorotheæ, Theclæ, et Erasme Virg. et Mart. fol. cxliii.
- 4 S. Rosæ Viterbiensis Virg. fol. cxliv.
- Eadem die S. Rosaliæ Virg. fol. cxlv.
- 5 S. Herculani Mart. fol. cxlv.
- 6 S. Antonini Mart. fol. cxlv.
- 9 S. Sergii I. Papæ et Conf. fol. cxlv.
- 10 S. Hilarii I. Papæ et Conf. fol. cxlv.
- 16 SS. Cornelii Papæ, et Cypriani Episc. et Mm. fol. cxlv.
- 20 S. Agapiti I. Papæ et Conf. fol. cxlv.
- 23 S. Lini Papæ et Mart. fol. cxlv.
- 26 S. Eusebii I. Papæ et Conf. fol. cxlv.

OCTOBRI.

- Dominica II. Fest. Maternitatis B. Mariæ Virg. fol. cxlv.
- Dominica III. Fest. Puritatis B. Mariæ Virg. fol. cxlvi.
- 1 S. Gregorii Episc. et Mart. maj. Armeniæ fol. cxlvii.
- 5 S. Gallæ Viduæ fol. cxlvii.
- 7 S. Marci I. Papæ et Conf. fol. cxlviii.
- Eadem die S. Justinæ Virg. et Mart. fol. cxlviii.
- 10 S. Ludovici Bertrandi Conf. fol. cxlviii.
- 12 S. Cypriani Episc. et Mart. fol. cxlviii.
- Eadem die S. Seraphini de Monte Granario Conf. f. cxlviii.
- 14 S. Callisti I. Papæ et Mart. fol. cxlviii.
- 20 B. Mariæ de Socos Virg. fol. cxlviii.
- 22 S. Mariæ Salome Viduæ fol. cxlviii.
- 23 SS. Redemptoris fol. cxlix.
- Eadem die B. Bartholomæi de Brigantia Ep. et Conf. fol. cl.
- 24 S. Raphaelis Archangeli fol. cl.
- 25 S. Bonifacii I. Papæ et Conf. fol. cli.
- 26 S. Evaristi I. Papæ et Mart. fol. cli.
- 30 B. Benvenutæ Bojani Virg. fol. cli.
- Eadem die B. Alphonsi Rodriguez Conf. Soc. Jesu fol. clii.
- 31 S. Siricii Papæ et Conf. fol. clii.
- Eadem die S. Wolfgangi Episc. et Conf. fol. clii.

NOVEMBRI.

- Dom. II. Fest. Patrocini B. Mariæ Virg. fol. clii.
- 5 S. Zachariæ Conf. patris S. Joannis Baptistæ fol. clii.
- Eadem die B. Helenæ Enselminæ Virginis fol. clii.
- 7 S. Prosdocimi Episc. et Conf. fol. clii.
- 10 S. Deusdedit I. Papæ et Conf. fol. clii.
- 12 S. Martini I. Papæ et Mart. fol. clii.
- Eadem die S. Didaci Conf. fol. clii.
- 13 S. Nicolai I. Papæ et Conf. fol. cliv.
- Eadem die S. Stanislai Kostkæ Conf. fol. cliv.
- 15 S. Leopoldi Conf. fol. clv.
- 19 S. Pontiani Papæ et Mart. fol. clv.
- 23 S. Clementis I. Papæ et Mart. fol. clv.
- 24 S. Flaviani Episc. et Mart. fol. clvi.
- 26 S. Silvestri Abbatis fol. clvii.
- 27 B. Leonardi a Portu Mauritio Conf. fol. clvii.
- 28 S. Gregorii III. Papæ et Conf. fol. clvii.
- 29 S. Gelasii I. Papæ et Conf fol. clvii.
- Missa in Comm. Sanctorum, quorum Corpora, seu Reliquiæ in Ecclesiis asservantur fol. clvii.



MISSA

DE VENERABILI SACRAMENTO.

Feria v juxta Rubricas non impedita extra Adventum et Quadragesimam in plurimis diocesisibus fit Officium et dicitur Missa De Venerabili Sacramento ritu semiduplici, cum Glória sine Credo. Oratio 2 et 3 pro temporis diversitate, ut infra notatur. Præfatio de Nativitate Domini.

Introitus.

Psal. 80.



Gibavit eos ex adipem frumenti: et de petra, melle saturavit eos. (Tempore paschali additur Allelúja, allelúja.)

Psal. ibid. Exultate Deo adjutori nostro: jubilate Deo Jacob.

V. Glória Patri.

Dicitur Glória in excelsis.

Oratio.

Deus, qui nobis sub Sacramento mirabili passionis tuæ memoriam reliquisti: tribue, quæsumus, ita nos Corporis et Sanguinis tui sacramenta venerari; ut redemptionis tuæ fructum in nobis jûgiter sentiamus. Qui vivis.

Ab octava Epiphaniæ usque ad Purificationem.

De Sancta Maria.

Oratio.

Deus, qui salutis æternæ, beatæ Mariæ virginitate fecunda, humano generi præmia præstitisti: tribue quæsumus; ut ipsam pro nobis intercedere sentiamus, per quam meruimus auctorem vitæ suscipere, Dominum nostrum Jesum Christum Filium tuum.

Contra persecutores Ecclesiæ.

Oratio.

Ecclésiæ tuæ, quæsumus Domine, preces placatus admitte: ut, destructis adversitatibus et erró-

ribus universis, secúra tibi serviât libertate. Per Dominum.

Vel pro Papa.

Oratio.

Deus omnium fidélium Pastor et rector: famulum tuum **N.** quem Pastorem Ecclesiæ tuæ præesse voluisti, propitius respice: da ei, quæsumus, verbo et exemplo, quibus præest, proficere; ut ad vitam, una cum grege sibi crédito, perveniat sempiternam. Per Dominum.

A Purificatione usque ad Quadragesimam, et ab Octava Pentecostes usque ad Adventum.

Ad poscenda suffragia Sanctorum.

Oratio.

Acunctis nos, quæsumus Domine, mentis et corporis defende periculis: et, intercedente beatâ et gloriôsa semper Virgine Dei genitrice Mariâ, cum beatâ Apostolis tuis Petro et Paulo, atque beato **N.** et omnibus Sanctis, salutem nobis tribue benignus et pacem: ut, destructis adversitatibus et erroribus universis, Ecclesiâ tua secúra tibi serviât libertate.

Tertia oratio ad libitum sacerdotis.

Ab octava Paschæ usque ad Ascensionem.

De sancta Maria.

Oratio.

Concède nos famulos tuos, quæsumus Domine Deus, perpétua mentis, et corporis sanitate gaudere: et gloriôsa beatæ Mariæ semper virginis intercessione, à præsentî liberari tristitia, et æterna perfrui lætitia.

Contra persecutores Ecclesiæ.

Oratio.

Ecclésiæ tuæ, quæsumus Domine, preces placatus admitte: ut destructis adversitatibus, et erroribus universis, secúra tibi serviât libertate. Per Dominum nostrum.

Vel pro Papa.**Oratio.**

DEus ómnium fidélium Pastor et rector: fámulum tuum **N.** quem pastórem Ecclesiæ tuæ præesse voluisti, propítius réspice: da ei, quæsumus, verbo et exémplo, quibus præest, proficere; ut ad vitam, una cum grege sibi crédito, perveniat sempitérnam. Per Dóminum nostrum.

Léctio Epístolæ beáti Pauli Apóstoli ad Corínthios. 1. Cor. 11. c.

FRatres: Ego enim accépi à Dómino, quod et tradidi vobis, quóniam Dóminus Jesus, in qua nocte tradebátur, accépit Panem, et grátias agens, fregit, et dixit: Accípите, et manducáte: Hoc est Corpus meum, quod pro vobis tradétur. Hoc fácite in meam commemorationem. Simíliter et Cálicem, postquam cœnávít, dicens: Hic Calix novum testaméntum est in meo Sanguine. Hoc fácite, quotiescúmque bibétis, in meam commemorationem. Quotiescúmque enim manducábitis Panem hunc, et Cálicem bibétis, mortem Dómini annuntiábitis donec véniat. Itaque, quicúmque manducáverit Panem hunc, vel bíberit Cálicem Dómini indigne, reus erit Cóporis, et Sanguinis Dómini. Probet autem seípsum homo: et sic de Pane illo edat, et de Cálice bibat. Qui enim manducat, et bibit indigne, júdicium sibi manducat, et bibit: non dijúdicans Corpus Dómini.

Graduale. Ps. 144. Oculi ómnium in te sperant, Dómine! et tu das illis escam in témpore opportúno.

V. Aperis tu manum tuam; et imples omne ánimál benedictióne.

Allelúja, allelúja.

V. Joann. 6. Caro mea vere est cibus, et Sanguis meus vere est potus: qui manducat meam Carnem, et bibit meum Sanguinem, in me manet, et ego in eo. Allelúja.

Post Septuages., omissis Allelúja et Versuseq. dicitur Tract. Malach. 1.

Ab ortu solis usque ad occásum, magnum est nomen meum in géntibus.

V. Et in omni loco sacrificátur, et offertur nómini meo oblátio munda, quia magnum est nomen meum in géntibus.

V. Prov. 9. Veníte, comédite panem meum: et bíbite vinum quod míscui vobis.

Tempore pasch. omittitur Graduale, et ejus loco dicitur Allelúja, allelúja.

V. Lucæ. 24. Cognovérunt Discípuli Dóminum Jesum in fractióne panis. Allelúja.

V. Joann. 6. Caro mea vere est cibus, et Sanguis meus vere est potus: qui manducat meam Carnem, et bibit meum Sanguinem, in me manet, et ego in eo. Allelúja.

Sequéntia sancti Evangélíi secúndum Joánnem. Joan. 6. f.

IN illo témpore: Dixit Jesus turbis Judæórum: Caro mea vere est cibus: et Sanguis meus vere est potus. Qui manducat meam Carnem, et bibit meum Sanguinem, in me manet, et ego in illo. Sicut misit me vivens Pater, et ego vivo propter Patrem: et qui manducat me, et ipse vivet propter me. Hic est Panis, qui de cœlo descendit. Non sicut manducavérunt Patres vestri manna, et mórtui sunt. Qui manducat hunc Panem, vivet in ætérnum.

Non dicitur Credo.

Offertorium. Levit. 21. Sacerdótes Dómini incénsus et panes offerunt Deo, et ídeo sancti erunt Deo suo, et non pólluent nomen ejus.

(Tempore pasch. additur Allelúja.) Secreta.

ECclésiæ tuæ, quæsumus Dómine! unitátis, et pacis propítius dona concéde: quæ sub oblátis muneribus mystice designántur. Per Dóminum nostrum.

Ab octava Epiphaniæ usque ad Purificationem.

De sancta Maria. Secreta.

MUnéribus nostris, quæsumus Dómine, precibúsque susc-

ptis: et cœlestibus nos munda mysteriis, et clementer exaudi.

Contra persecutores Ecclesiæ.

Secreta.

Protege nos, Domine, tuis mysteriis serviētes: ut divinis rebus inhærentes, et corpore tibi famulémur, et mente. Per Dominum.

Vel pro Papa.

Secreta.

Oblatis, quæsumus Domine, placare munēribus: et famulum tuum **N.** quem Pastorem Ecclesiæ tuæ præesse voluisti, assidua protectione guberna. Per Dominum nostrum.

A Purificatione usque ad Quadragesimam, et ab Octava Pentecostes usque ad Adventum.

Ad poscenda suffragia Sanctorum.

Secreta.

Exaudi nos Deus salutāris noster: ut per hujus sacramēti virtutem, à cunctis nos mentis et corporis hostibus tueāris: grātiā tribuens in præsentī, et glōriā in futuro. **Tertia ad libitum.**

Ab octava Paschæ usque ad Ascensionem.

De sancta Maria.

Secreta.

Tua, Domine, propitiatiōe, et beatæ Mariæ semper virginis intercessiōe, ad perpētūam, atque præsentem hæc oblātiō nobis proficiat prosperitatem, et pacem.

Contra persecutores Ecclesiæ.

Secreta.

Protege nos, Domine, tuis mysteriis serviētes: ut divinis rebus inhærentes, et corpore tibi famulémur, et mente. Per Dominum.

Vel pro Papa.

Secreta.

Oblatis, quæsumus Domine, placare munēribus: et famulum tuum **N.** quem pastorem Ecclesiæ tuæ præesse voluisti, assidua protectione guberna. Per Dominum.

Præfatio de Nativitate Domini. Quia per incarnāti Verbi. fol. 188 **vel** 212.

Communio. 1. Cor. 11. Quotiescūque manducābitis Panem hunc, et Cálicem bibētis; mortem Dómini annuntiābitis, donec véniat; itaque quicūque manducāverit Panem, vel biberit Cálicem Dómini indigne, reus erit corporis, et ságuinis Dómini. **(Tempore paschali additur Allelúja.)**

Postcommunio.

Fac nos, quæsumus Domine, Divinitatis tuæ sempiterna fructiōe repleri, quam pretiōsi Corporis, et Sanguinis tui temporālis percēptio præfigurat. Qui vivis, et regnas cum Deo Patre in unitate Spiritus sancti Deus, per ómnia sæcula sæculórum.

Ab Octava Epiphaniæ usque ad Purificationem.

De S. Maria. Postcommunio.

Hæc nos commúnio, Domine, purget à crimine, et, intercedente beāta Vírgine Dei genitríce Mariá, cœlestis remédii fáciat esse consórtes.

Contra persecutores Ecclesiæ.

Postcommunio.

Quæsumus Domine Deus noster: ut, quos divína tribuis participatiōe gaudere, humanis non sinas subjacere periculis. Per Dominum.

Vel pro Papa. Postcommunio.

Hæc nos, quæsumus Domine, divini sacramēti percēptio protégat: et famulum tuum **N.** quem Pastorem Ecclesiæ tuæ præesse voluisti, una cum commisso sibi grege salvet semper, et múniat. Per Dominum.

A Purificatione usque ad Quadragesimam et ab octava Pentecostes usque ad Adventum.

Ad poscenda suffragia Sanctorum.

Postcommunio.

Mundet et múniat nos, quæsumus Domine, divini sacramēti munus oblātum: et, intercedente beāta Vírgine Dei genitríce Mariá, cum beātis Apóstolis tuis

Petro et Paulo, atque beáto **N.** et ómnibus sanctis; à cunctis nos reddat et perversitatibus expiátos, et adversitatibus expeditos.

Tertia ad libitum.

Ab octava Paschæ usque ad Ascensionem.

De S. Maria. Postcommunio.

Sumptis, Dómine, salútis nostræ subsidiis: da quæsumus, beátæ Mariæ semper vírginis patrocíniis nos ubique prótegi; in cuius veneratíone, hæc tuæ obtúlimus majestáti.

Contra persecutores Ecclesiæ.

Postcommunio.

Quæsumus Dómine Deus noster: ut quos divína tríbuis participatíone gaudére, humanis non sinas subjacére perículis. **Per Dóminum.**

Vel pro Papa. Postcommunio.

Hæc nos, quæsumus Dómine, divíni sacraménti percéptio prótegat: et fámulum tuum **N.** quem pastórem Ecclesiæ tuæ præesse voluísti, una cum commisso sibi grege, salvet semper, et múníat. **Per Dóminum.**

M I S S A

DE COMMEMORATIONE IMMACULATÆ CONCEPTIONIS B. M. V.

Sabbato juxta Rubricas non impedito extra Adventum et Quadragesimam fit Officium, et dicitur Missa de Commemoratione Immaculatae Conceptionis B. M. V. ritu duplici, cum Glória sine Credo. Oratio unica, cum commemoratione Festi simplicis occurrentis. Præfatio de B. Virgine.



Introitus. Sedulus.

Alve sancta parens, eníxa puérpera Regem: qui cœlum, terrámque regit in sæcula sæculórum.

(Tempore paschali additur Allelúja, allelúja.)

Ps. 44. Eructávit cor meum verbum bonum: dico ego opera mea Regi. **V.** Glória Patri.

Dicitur: Glória in Excélsis.

Oratio.

Famulistuis, quæsumus Dómine, coeléstis grátiae munus imperitire: ut, quibus beátæ Vírginis partus éxitit salútis exórdium; pia conceptionis ejus commemorátio pacis tribuat incrementum. **Per Dóminum.**

Lectio Libri Sapiéntiæ. Prov. 8.

Dominus possédit me in initio viárum suárum, ántequam quid-

quam fáceret à princípíio. Ab ætérno ordináta sum, et ex antíquis, ántequam terra fieret. Nondum erant abyssi, et ego jam concépta eram: necdum montes gravi mole constiterant: ante colles ego parturiébar; adhuc terram non fécerat, et flúmina, et cárdines orbis terræ. Quando præparábat cœlos, áderam: quando certa lege et gyro vallábat abyssos: quando æthera firmábat sursum, et librábat fontes aquárum: quando circúmdabat mari términum suum, et legem ponébat aquis, ne transírent fines suos: quando appendébat fundaménta terræ. Cum eo eram cuncta componens: et delectábar per singulos dies, ludens coram eo omni témpore, ludens in orbe terrárum: et delíciæ meæ, esse cum filiis hóminum. Nunc ergo filii audíte me: Beáti, qui custódiunt vias meas. Audíte disciplinam, et estóte sapientes, et nolíte abjícere eam. Beatus homo, qui audit me, et qui vígilat ad fores meas quotidie, et obsérvat ad postes óstii mei. Qui me invénerit, invéniet vitam, et háuriet salútem à Dómino.

Graduale. Benedícta et venerábilis es Virgo María: quæ sine tactu pudóris invénta es Mater Salvatóris.

V. Virgo Dei Génitrix, quem totus non capit orbis, in tua se clausit viscera factus homo. **Allelúja, allelúja.**

V. Felix es sacra Virgo María, et omni laude digníssima, quia ex te ortus est sol justitiæ Christus Deus noster. **Allelúja.**

Post Septuagesimam, omissis Allelúja et versu sequenti, dicitur:

Tractus. Gaude María Virgo, cunctas hæreses sola interemisti.

V. Quæ Gabriélis Archángeli dictis credidisti.

V. Dum Virgo Deum et hóminem genuisti: et post partum Virgo inviolata permansisti.

V. Dei Génitrix intercède pro nobis.

Post Pascha, omissio Graduali et Tractu dicitur: Allelúja, allelúja.

V. Num. 17. Virga Jesse flóruit: Virgo Deum, et hóminem genuit: pacem Deus réddidit, in se reconcilians ima summis. **Allelúja.**

V. Luc. 1. Ave María, grátia plena: Dóminus tecum: Benedicta tu in mulieribus. **Allelúja.**

Inítium sancti Evangélii secúndum Matthæum. Matth. 1.

Liber generatiónis Jesu Christi Filii David, Filii Abraham. Abraham genuit Isaac: Isaac autem genuit Jacob: Jacob autem genuit Judam et fratres ejus: Judas autem genuit Phares et Zaram de Thamar. Phares autem genuit Esron: Esron autem genuit Aram: Aram autem genuit Amínadab: Amínadab autem genuit Náasson: Náasson autem genuit Salmon: Salmon autem genuit Booz de Rahab. Booz autem genuit Obed ex Ruth: Obed autem genuit Jesse: Jesse autem genuit David Regem. David autem Rex genuit Salomónem ex ea, quæ fuit Uriæ. Sálomon autem genuit Róboam: Róboam autem genuit Abíam: Abías autem genuit Asa. Asa autem genuit Jósaphat: Jósaphat autem gé-

nuit Joram: Joram autem genuit Ozíam. Ozías autem genuit Jóatham: Jóatham autem genuit Achaz: Achaz autem genuit Ezechíam. Ezechías autem genuit Manássen. Manásses autem genuit Amon: Amon autem genuit Josíam: Josías autem genuit Jechoníam, et fratres ejus in transmigratióne Babylónis. Et post transmigratiónem Babylónis, Jechonías genuit Saláthiel: Saláthiel autem genuit Zoróbabel: Zoróbabel autem genuit Abiud: Abiud autem genuit Eliácim. Eliácim autem genuit Azor: Azor autem genuit Sadoc: Sadoc autem genuit Achim: Achim autem genuit Eliud: Eliud autem genuit Eleázar. Eleázar autem genuit Mathan: Mathan autem genuit Jacob: Jacob autem genuit Joseph, virum Mariæ, de qua natus est Jesus, qui vocátur Christus.

Non dicitur: Credo.

Offertorium. Beáta es Virgo María, quæ ómnium portásti Creatórem: genuisti, qui te fecit, et in ætérnum permanes Virgo. **(Tempore paschali additur Allelúja.)** **Secreta.**

Unigéniti tui, Dómine, nobis succúrrat humanitas: ut, qui natus de Vírgine, matris integritátem non mínuit, sed sacrávit; in Conceptionis ejus commemoratióne, nostris nos piáculis éxuens, oblatiόnem nostram tibi fáciat accéptam Jesus Christus Dóminus noster: Qui tecum vivit.

Præfatio de Beata Virgine: Et te in Conceptione. fol. 199 vel 218.

Communio. Beáta Viscera Mariæ Vírginis, quæ portavérunt ætérni Patris Fílium. **(Tempore paschali additur Allelúja.)**

Postcommunio.

Sumpsimus, Dómine, celebritátis sanctæ votíva Sacraménta: præsta quæsumus; ut et tempóralis vitæ nobis remédia præbeant, et ætérnæ. Per Dóminum.

INDEX

OMNIUM FESTORUM ET NOMINUM SANCTORUM HUIUS MISSALIS.

A.

Abachum et socior. mart. xix. Jan.	338
Abdon et Sennen. mart. xxx. Julii.	441
Achillei et socior. mart. xii. Maji.	388
Adaucti et Felicis mart. xxx. Aug.	470
Adriani mart. viii. Sept.	475
Aegidii Abbatis i. Sept.	471
Agapiti et soc. mart. vi. Aug.	450
Agapiti mart. xviii. Aug.	462
Agapiti I. Papae et Conf. xx. Sept.	cxlv
Agathae virg. et mart. v. Febr.	353
Agathonis Papae et Conf. xii. Febr.	xcv
Agnētis virg. et mart. xxi. Jan.	340
Agnētis Secundo xxviii. Jan.	347
Agricolae mart. iv. Novemb.	510
Alexandri I. Papae mart. xi. Maji.	cxiii
Alexandri Papae et soc. mart. iii. Maji.	383
Alexandri Sauli Episc. et Conf. xxiii. April	cxv
Alexii Conf. xvii. Julii	cxxx et 426
Aloysii Gonzagae Conf. xxi. Junii.	cxxiii
Alphonsi Mariae de Ligorio Episc. et Conf.	
ii Aug.	444
Alphonsi Rodriguez Conf. S. J. xxx. Oct.	clii
Ambrosii Ep. et Conf. vii. Decemb.	324
Anacleti Papae et mart. xiii. Julii.	423
Anastasiae mart. xxv. Decemb.	18
Anastasio I. Papae et Conf. xxvi. April	cxii
Anastasio et Vincentii mart. xxii. Jan.	341
Andreae Apostoli xxx. Novemb.	319
Andreae Avellini Conf. x. Novemb.	511
Andreae Corsini Ep. et Conf. iv. Febr.	353
Angelaē Merici virg. xxxi. Maji.	cxx
Angelorum Custodum Fest. Dominica I.	
Sept. antehac ii. Octob.	491
Aniceti Papae et mart. xvii. April.	373
Annae Matris B. M. V. xxvi. Julii.	437
Annuntiatio B. M. V. xxv. Mart.	365
Anselmi Episc. et Conf. xxi. April.	373
Antheri Papae et mart. ix. Febr.	xcv
Antonii Abbatis xvii. Jan.	335
Antonii de Padua Conf. xiii. Junii.	401
Antonini Episc. et Conf. x. Maji.	387
Antonini mart. vi. Sept.	cxlv
Apollinaris Episc. et mart. xxiii. Julii.	434
Apolloniae virg. et mart. ix. Febr.	354
Apparitio S. Michaelis Archangeli viii. Maj.	386
Apuleii et soc. mart. vii. Octob.	494
Archangeli Gabrielis xviii. Mart.	cvi
Archangeli Raphaelis xxiv. Octob.	cl
Assumptio B. M. V. xv. Aug.	458
Athanasii Episc. et Conf. ii. Maji.	381
Audifacis et soc. mart. xix. Jan.	338
Augustini Episc. et Conf. xxviii. Aug.	467

B.

Bacchi et soc. mart. vii. Octob.	494
Barbarae virg. et mart. iv. Decemb.	322
Barnabae Apostoli xi. Junii.	399
Bartholomaei Apost. xxiv. vel xxv. Aug.	464
Bartholomaei de Birgantia xxiii. Octob.	cl
Basilidis et soc. mart. xii. Junii.	400
Basilii Episc. et Conf. xiv. Junii.	402
Beatricis Estensis virg. x. Maji.	cxiii
Beatricis et soc. mart. xxix. Julii.	440
Benedicti Abbat. xxi. Mart.	363
Benedicti II. Papae et Conf. vii. Maji	cxiii
Benedicti XI. Papae et Conf. vii. Julii	cxxviii
Benvenutae Bojani virg. xxx. Oct.	eli
Bernardi Abbatis xx. Aug.	462
Bernardini Senensis Conf. xx. Maji.	392
Bertrandi Episc. et Conf. vi. Jun.	cxxiii
Bibianae virg. et mart. ii. Decemb.	320
Birgittae viduae viii. Octob.	494
Blasii Episc. et mart. iii. Febr.	353 et cxiii

Bonaventurae Episc. et Conf. xiv. Julii.	424
Bonifacii mart. xiv. Maji.	389
Bonifacii I. Papae et Conf. xxv. Octob.	cli
Bonifacii IV. Papae et Conf. xxix. Maji.	cxix
Brunonis Conf. vi. Octob.	493

C.

Caeciliae virg. et mart. xxii. Novemb.	516
Cajetani Conf. vii. Aug.	450 et cxxxv
Caji et Soteris Pontific. et mart. xxii. Apr.	374
Callisti Papae et mart. xiv. Oct.	496 et cxlviii
Camilli de Lellis Conf. xviii. Julii.	427
Cantiani etc. mart. xxxi. Maji.	cxx
Canuti regis et mart. xix. Jan.	337
Caroli Episc. et Conf. iv. Novemb.	508
Casimiri Conf. iv. Mart.	356
Cassiani Ep. et mart. xiii. Aug.	455 et cxxxviii
Catharinae virg. et mart. xxv. Novemb.	521
Catharinae de Riccis virg. xiii. Febr.	xcv
Catharinae Senens. virg. xxx. April	379
Catharinae Fliscae vid. Dom. iv. post	
Pasch.	cx
Cathedra S. Petri Romae. xviii. Jan.	336
Cathedra S. Petri Antiochiaē. xxii. Febr.	355
Celsi et socior. mart. xxviii. Jul.	438 et cxxxiv
Christinae virg. et mart. xxiv. Julii.	436
Christophori mart. xxv. Julii.	437
Chrysanthi et Dariae mart. xxv. Octob.	501
Chrysogoni mart. xxiv. Novemb.	520
Circumcisionis Domini i. Jan.	32
Clarae virg. xii. Aug.	455
Clavorum et Lanceae D. N. J. C.	c
Clementis I. Papae et mart. xxiii. Nov.	517
Cleti et Marcellini Pontificum et mart.	
xxvi. April.	377
Coelestini I. Papae et Conf. vii. April.	cxv
Coletae virg. vi. Mart.	cvi
Commemoratio B. M. V. de Monte Carmelo	
xvi. Julii.	425
Commemoratio omnium Defunct. ii. Nov.	508
Commemoratio S. Pauli Apost. xxx. Jun.	416
Commemoratio omnium Sanctorum Sum-	
morum Pontificum.	cxxv
Conceptio B. M. V. viii. Decemb.	325
Conradi Placentini Conf. xix. Febr.	xcvi
Conversio S. Pauli Apost. xxv. Jan.	343
Cordis Jesu Sacratissimi. Fer. vi. post	
Octav. Corporis Christi.	cxx
Cordis Jesu alia Missa de hoc Festo.	cxxi
Cordis Mariae Virginis Dominica III. post	
Pentecosten.	cxxii
Cornelii et Cypriani mart. xvi. Sept.	480
Coronae Spineae D. N. J. C.	xcix
Cosmae et Damiani mart. xxvii. Sept.	487
Crescentiae et socior. mart. xv. Junii.	403
Crispini a Viterbio Conf. xxii. Maji.	cxvii
Crucis Inventio iii. Maji.	382
Crucis Exaltatio xiv. Sept.	478
Cypriani Episc. et mart. xii. Octob.	cxlviii
Cypriani et Cornelii mart. xvi. Sept.	480
Cypriani et Justinae mart. xxvi. Sept.	487
Cyriaci et socior. mart. viii. Aug.	451
Cyrini et socior. mart. xii. Junii.	400

D.

Damasi Papae et Conf. xi. Decemb.	327
Damiani et Cosmae mart. xxvii. Sept.	487
Danielis Prophetarum Conf. xxi. Julii.	cxxxii
Dariae et Chrysanthi mart. xxv. Octob.	501
Decollatio S. Joannis Bapt. xxix. Aug.	469
Dedicatio Basilicae Salvatoris ix. Nov.	510
Dedicatio Basilicae SS. Petri et Pauli	
xviii. Nov.	515
Dedicatio S. Mariae ad Nives. v. Aug.	449

Dedicatio S. Michael. Archang. xxix. Sept.	488
Desponsatio B. M. V. xxiii. Jan.	xc
Deusdedit I. Papae et Conf. x. Nov.	cliii
Didaci Conf. xii. Novemb.	514 et cliii
Dionysii Papae et Conf. xxviii. Jan.	xcii
Dionysii, Rustici et Eleutherii mart. ix. Oct.	494
Dominici Conf. iv. Aug.	448
Domitillae virg. et mart. xii. Maji.	388
Donati Episc. et mart. vii. Aug.	451
Dorotheae virg. et mart. vi. Febr.	354 et xciv
Duodecim Fratrum mart. i. Sept.	471

E.

Eduardi Conf. xiii. Octob.	496
Eleutherii I. Papae et mart. i. Junii.	cxxii
Eleutherii Papae et mart. xxvi. Maji.	395
Eleutherii et socior. mart. ix. Octob.	494
Eliae Prophetarum Conf. xx. Julii.	cxxxi
Elisabethae Reginae Portugalliae viduae	
viii. Julii.	421
Elisabethae Reginae Hungariae, viduae	
xix. Nov.	515
Emerentianae virg. et mart. xxiii. Jan.	342
Emidii Episc. et mart. ix. Aug.	cxxxvii
Ephysii mart. xv. Febr.	xcv
Epimachi et Gordiani mart. x. Maji.	387
Epiphaniae Domini vi. Jan.	38
Item Octava.	40
Erasmi et socior. mart. ii. Junii.	396
Evaristi I. Papae et mart. xxvi. Oct.	502 et cli
Eventii et sociorum mart. iii. Maji.	383
Eugenii Papae et Conf. ii. Junii.	cxxiii
Euphemiae, Dorotheae, Theclae et Eras-	
mae virg. mart. iii. Sept.	cxliii
Euphemiae, Luciae et Geminiani mart.	
xvi. Septemb.	480
Eusebii Conf. xiv. Aug.	457
Eusebii Episc. et mart. xvi. Decemb.	329
Eusebii I. Papae et Conf. xxvi. Sept.	cxlv
Eustachii et socior. mart. xx. Sept.	482
Eutychiani Papae et mart. ix. Dec.	lxxxvii
Exaltatio S. Crucis xiv. Sept.	478
Expectatio partus B. M. V. xviii. Dec.	lxxxviii
Exuperantii Episc. et Conf. xxiv. Jan.	xcv

F.

Fabiani Papae et mart. xx. Jan.	339
Faustini et Jovitae mart. xv. Febr.	355
Faustini et socior. mart. xxix. Julii.	440
Feliciani et Primi mart. ix. Junii.	398
Felicis à Cantalicio Conf. xxi. Maji.	cxvi
Felicis de Valois Conf. xx. Nov.	515
Felicis Presbyt. et mart. xiv. Jan.	332
Felicis I. Papae et mart. xxx. Maji.	395 et cix
Felicis II. Papae et mart. xxix. Julii.	cxxxv
Felicis III. Papae et Conf. xxv. Febr.	xcvi
Felicis iv. Papae et Conf. xxx. Jan.	cxiii
Felicis et Naboris mart. xii. Julii.	423
Felicis et socior. mart. xxix. Julii.	440
Felicis et Adaucti mart. xxx. Aug.	470
Felicissimi et socior. mart. vi. Aug.	450
Felicitatis mart. xxiii. Novemb.	519
Felicitatis et Perpetuae mart. vii. Mart.	358
Ferdinandi tertii Castellae Regis xxx. Maj.	cxix
Festum SS. Reliquiar.	clvii
Fidelis à Sigmar. mart. xxiv. April.	376
Flaviani Episc. et mart. xxiv. Novemb.	clvi
Franciscae à Chantal. vid. xxi. Aug.	463
Franciscae Rom. viduae ix. Mart.	359
Francisci Caracciolo, Conf. iv. Junii	397
Francisci de Hieronymo Conf. S. J. xi. Maj.	cxiii
Francisci Salesii Episc. et Conf. xxix. Jan.	348
Francisci Seraphici Conf. iv. Octob.	492

Francisci Impressio SS. Stigmatum in
ejusdem Corpore xvii. Sept. . . . 480
Francisci de Paula Conf. ii. April . . . 368
Francisci Borgiae Conf. x. Octob. . . . 495
Francisci Xaverii Conf. iii. Decemb. . . 320

G.

Gabrielis Archangeli xviii. Mart. . . . cvi
Gallae viduae v. Octob. clxvii
Gallicani mart. xxv. Junii. cxxiv
Gelasii I. Papae et Conf. xxix. Novemb. clvii
Geminiani et socior. mart. xvi. Sept. . . 480
Georgii mart. xxiii. April. 375
Gertrudis virg. xv. Novemb. 514
Gervasii et Protasii mart. xix. Junii. . . 305
Gordiani et Epimachi mart. x. Maji . . . 387
Gorgonii mart. ix. Sept. 476
Gregorii Papae et Conf. xii. Mart. . . . 360
Gregorii II. Papae et Conf. xix. Febr. . xvi
Gregorii III. Papae et Conf. xxviii. Nov. clvii
Gregorii VII. Papae et Conf. xxv. Maji . 392
Gregorii X. Papae et Conf. xviii. Febr. . xvi
Gregorii Nazianzeni Ep. et Conf. ix. Maji . 387
Gregorii Episc. Majoris Armeniae mart.
i. Octob. clxvii
Gregorii Thaumaturgi Ep. et Conf. xvi. Nov. 514
Guillelmi Abbatis xxv. Junii. 410

H.

Hedwigis viduae xvii. Octob. 497
Helenae Enselminae virg. v. Nov. . . . clvii
Helenae Imperatricis et viduae xviii. Aug. cxi
Henrici Imperat. Conf. xv. Julii. . . . 425
Herculani mart. v. Sept. clxv
Hermagorae et Fortunati mart. xii. Jul. cxxix
Hermenegildi mart. xiii. April. . . . 371
Hermetis mart. xxviii. Aug. 469
Hieronymi Aemiliani Conf. xx. Julii. . . 430
Hieronymi Presbyt. et Conf. xxx. Sept. . 489
Hieronymi de Recineto Conf. v. Mart. . . cv
Hilarii Episc. et Conf. xiv. Jan. . . . 332
Hilarii I. Papae et Conf. x. Sept. . . . clxv
Hilarionis Abbatis xxi. Octob. 500
Hippolyti et Cassiani xiii. Aug. . . . 455
Hippolyti et socior. mart. xxii. Aug. . . 464
Hippolyti Galantini Conf. xx. Mart. . . . cix
Hormisdæ I. Papae et Conf. xiv. Aug. . cxxxix
Hyacinthae de Mariscottis virg. vi. Febr. xciv
Hyacinthi Conf. xvi. Aug. 460
Hyacinthi et Proti mart. xi. Sept. . . . 477
Hygini Papae et mart. xi. Jan. . . . 330 et xc

I.

Jacobi et Philippi Apost. i. Maji. . . . 379
Jacobi Apostoli xxv. Julii. 436
Januarii et soc. xix. Sept. 482
Japon. MM. è Soc. Jesu v. Febr. . . . xciv
Ignatii Conf. xxxi. Julii. 442
Ignatii Episc. et mart. i. Febr. . . . 348
Ildephonsi Episc. et Conf. xxiii. Jan. . . xci
Impressio sacrorum stigmatum in corpore
B. Francisci xvii. Sept. 480
Innocentii I. P. et C. xxviii. Jul. 438 et cxxxiv
Innocentium mart. xxviii. Decemb. . . . 23
Inventio S. Crucis iii. Maji. 382
Inventio S. Stephani iii. Aug. 447
Joachim Patris B. M. V. Conf. Dominica
infra Octavam Assumptionis B. M. V. 459
Joannae Franciscæ Fremiot de Chantal,
viduae xxi. Aug. 463
Joannae Mariae Bonomo virg. i. Mart. . . civ
Joannis à Cruce Conf. xxiv. Novemb. . . 519
Joannis Josephi à Cruce Conf. v. Mart. . . cv
Joannis I. Pap. et mart. xxvii. Maji. 395 et cxxviii
Joannis Francisci Regis Conf. xvi. Jun. . cxxiii
Joannis Apost. Evang. xxvii. Decemb. . . 22
Joannis ante portam Latinam. vi. Maji. . 385
Joannis à S. Facundo Conf. xii. Junii. . 400
Joannis Baptistae Nativitatis xxiv. Junii. 409
Joannis Baptistae Decollatio xxix. Aug. . 469
Joannis Cantii Conf. xx. Octob. . . . 499

Joannis Chrysostomi Ep. Conf. xxvii. Jan. 346
Joannis de Deo Conf. viii. Mart. . . . 358
Joannis de Matha Conf. viii. Febr. . . . 354
Joannis Gualberti Abb. Conf. xii. Julii. . 422
Joannis Nepomuceni mart. xvi. Maji. . . cxiv
Joannis et Pauli mart. xxvi. Junii. . . 410
Josephi à Cupert. Conf. xviii. Sept. . . 481
Josephi Calasancii Conf. xxvii. Aug. . 467
Josephi Sponsi B. M. V. Conf. xix. Mart. 362
Josephi Patrocinium Dominica iii. post
Pascha. cix
Josephi à Leonissa Conf. iv. Febr. . . . xciv
Jordani de Forzate Abbatis xiii. Aug. . cxxxix
Jovitae et Faustini mart. xv. Febr. . . 355
Isidori Agricola Conf. xv. Maji. . . . cxliii
Isidori Episc. et Conf. iv. April. . . . 369
Judae et Simonis Apostolorum xxviii. Oct. 503
Julianae de Collalto virg. i. Sept. . . . cxliii
Julianae de Falconeriis xix. Junii. . . . 405
Juliani Episc. et Conf. xxviii. Jan. . . . xciii
Julii I. Papae et Conf. xii. April. . . . cxi
Justinae et Cypriani mart. xxvi. Sept. . 487
Justinae virg. et mart. vii. Octob. . . clxviii
Juvenalis Episc. et Conf. iii. Maji. . . . 383

L.

Lanceae et Clavorum Domini N. J. Chr. . c
Largi et socior. mart. viii. Aug. . . . 451
Laurentii mart. x. Aug. 454
Laurentii Justiniani Episc. et Conf. v. Sept. 473
Laurentii à Brundusio Conf. vii. Julii. . cxxviii
Leonardi à portu Mauritio Conf. xxvii. Nov. clvii
Leonis I. Papae et Conf. xi. April. . . . 369
Leonis II. Papae et Conf. xxviii. Jun. . . 412
Leonis III. Papae et Conf. xii. Jun. . . . cxxiii
Leonis IV. Papae et Conf. xvii. Julii. . cxxix
Leonis IX. Papae et Conf. xix. April. . . cxi
Leopoldi Marchionis Austr. Conf. xv. Nov. cliv
Liberalis Conf. xxviii. April. cxii
Liberii Episc. et Conf. xxiii. Julii. . . 435
Lini Papae et mart. xxiii. Sept. . . . 486
Lucae Evangelistae xviii. Octob. . . . 497
Luciae virg. et mart. xiii. Decemb. . . 328
Luciae et socior. mart. xvi. Sept. . . . 480
Lucii Papae et mart. iv. Mart. 357
Ludovici Bertrandi Conf. x. Octob. . . clxviii
Ludovici Episc. et Conf. xix. Aug. . . . cxli
Ludovici Regis Franciae Conf. xxv. Aug. 465

M.

Machabaeorum mart. i. Aug. 444
Marcelli Papae et mart. xvi. Jan. . . . 334
Marcelli et socior. mart. vii. Octob. . . 494
Marcelliani et Marci mart. xviii. Jun. . 404
Marcellini et Cleti mart. xxvi. April. . . 377
Marcellini, Petri et Erasmi mart. ii. Jun. 396
Marci Evangelistae xxv. April. . . . 376
Marci Papae et Conf. vii. Octob. . . . 493
Marci et Marcelliani mart. xviii. Jun. . 404
Margaritae virg. et mart. xx. Jul. . . . 432
Margaritae virg. et mart. xxx. Jul. . . . cxxxv
Margaritae Reginae Scotiae x. Jun. . . . 399
Margaritae de Cortona xxvi. Febr. . . . xcvi
Mariae Virg. de Bono consilio xxvi. April . cxi
Mariae Virg. Titul. Auxilium Christiano-
rum xxiv. Maji. cxvii
Mariae Virg. Prodigiorum ix. Jul. . . . cxxix
Mariae Virg. Maternitas cxlv
Mariae Virg. Puritas cxlvi
Mariae Virg. Conceptio viii. Decemb. . 325
Mariae Desponsatio xxiii. Jan. xc
Mariae Purificatio ii. Febr. 349
Mariae Annuntiatio xxv. Mart. 365
Mariae Festum vii. Dolor. Fer. vi. post
Dom. Passionis. 366 vel 471
Mariae Visitatio ii. Jul. 417
Mariae Commemor. de Monte Carmelo
xvi. Jul. 425
Mariae Festum ad Nives. v. Aug. . . . 449
Mariae Assumptio xv. Aug. 458
Mariae Nativitas viii. Sept. 473

Mariae Nominis Dominica infra Octav.
Nativitatis ejusdem 475
Mariae de Mercede xxiv. Sept. 487
Mariae Festum SS. Rosarii B. V. M. Do-
minica i. Octob. 490
Mariae Patrocinii B. V. M. aliqua Dom. Nov. clii
Mariae Praesentationis xxi. Nov. . . . 516
Mariae Expectationis Partus B. Mariae V.
xviii. Decemb. lxxxvii
Mariae Magdalenae xxii. Jul. 433
Mariae Magdalenae de Pazzis virginis
xxvii. Maji. 395
Mariae de Socos virg. xx. Octob. . . . clxviii
Mariae Salome viduae xxii. Octob. . . clxviii
Marii et socior. mart. xix. Jan. . . . 338
Marthae cum sociis martyribus xix. Jan. 338
Marthae virg. xxix. Jul. 439
Martialis Episc. et Conf. iii. Jul. . . . cxxvii
Martinae virg. et mart. xxx. Jan. . . . 348
Martiniani et Processi mart. ii. Jul. . . 418
Martini Episc. et Conf. xi. Nov. . . . 512
Martini I. Papae et mart. xii. Nov. . . 513
Martyrum Amiterni xxiv. Aug. clxliii
Matthaei Apost. et Evangelistae xxi. Sept. 484
Matthiae Apostoli xxiv. Febr. 355
Mauri Abbatis xv. Jan. 334
Mauritii et sociorum mart. xxii. Sept. . 485
Maximi et socior. mart. xiv. April. . . 372
Melchiadis Papae et mart. x. Decemb. . 326
Mennae mart. xi. Novemb. 513
Michaelis Archang. Apparitio viii. Maji . 386
Michaelis Archang. Dedicatio xxix. Sept. 488
Michaelis de Sanctis Conf. v. Jul. . . . cxxvii
Modesti et socior. mart. xv. Jun. . . . 403
Monicae viduae iv. Maji. 383


N.

Naboris et sociorum mart. xii. Jun. . . 400
Naboris et Felicis mart. xii. Jul. . . . 423
Nativitas D. N. J. C. xxv. Dec. 17
Nativitas beatae Mariae Virg. viii. Sept. 473
Nativitas S. Joannis Baptistae xxiv. Jun. . 409
Nazarii et socior. mart. xii. Jun. . . . 400
Nazarii et soc. mart. xxviii. Jul. 438 et cxxxiv
Nerei et soc. mart. xii. Maji. 388
Nicolai à Tolentino Conf. x. Sept. . . . 476
Nicolai Episc. et Conf. vi. Decemb. . . 323
Nicolai I. Papae et Conf. xiii. Nov. . . . cliv
Nicomedis mart. xv. Sept. 479
Nomen Jesu Salvatoris Dominica ii. post
Epiphan. 330
Nomen B. M. V. Dominica infra Octav.
Nativitatis ejusdem 475
Norberti Episc. et Conf. vi. Jun. . . . 398
Nymphae et socior. mart. x. Nov. . . . 511

Omnium Apost. in Prop. August.
Martyr
Omnium Sanctorum i. Novemb. 507
Orationis D. N. Jesu Christi Fer. iii. post
Dominicam Septuagesimae. xcvi

P.

Pancratii mart. xii. Maji. 388
Pantaleonis mart. xxvii. Jul. 438 et cxxxiv
Paschalis Baylon Conf. xvii. Mart. . . . 390
Paschalis I. Papae et Conf. xiv. Maji. . . cxliii
Passionis D. N. Jesu Christi Fer. iii. post
Dominicam Sexagesimae. xcix
Patricii Episc. et Conf. xvii. Mart. . . . 362
Patrocinii B. M. V. Dominica ii. Novemb. clii
Patrocinii Sct. Josephi Dominica iii. post
Pascha. cix
Pauli Primi Eremitae Conf. xv. Jan. . . . 333
Pauli et Joannis mart. xxvi. Jun. . . . 410
Pauli et Petri Apostolorum xxix. Jun. . . 414
Pauli Commemoratio xxx. Jun. 416
Pauli, Joannis et Jacobi mart. Jap. v. Febr. xciv
Pauli Buralis Episc. et Conf. xvii. Jun. . cxxiii
Pauli I. Papae et Conf. iii. Jul. cxxvii
Paulini Episc. et Conf. xxii. Jun. . . . 407
Perpetuae et Felicitatis mart. vii. Mart. 358



DIE VII. DECEMBRIS.

IN VIGILIA

IMMACULATÆ CONCEPTIONIS

BEATÆ MARIÆ VIRGINIS.

(Ubi est concessa.)



Introitus.

Psal. 65.

Eníte, audíte, et narrábo, omnes quitimétis Deum, quanta fecit Dóminus ánimæ meæ.

Psal. ibid. Jubilate Deo omnis

terra: psalmum dícite nómini ejus, date glóriam laudi ejus.

V. Glória Patri.

Non dicitur Glória in excélsis.

Oratio.

DEus, qui Unigéniti tui Matrem ab origináli culpa in sua Conceptione mirabíliter præservásti: da, quæsumus; ut sua nos intercessióne munítos, corde mundos fácias suæ interésse festivitáti. Per eúndem Dóminum.

Et fit commemoratio Feriæ.

Tertia Oratio de Spiritu Sancto.

Léctio libri Sapiéntiæ. *Eccli. 24. c*

EGo quasi vitis fructificávi suavitátem odóris: et flores mei, fructus honóris et honestátis. Ego mater pulchræ dilectionis, et timóris, et agnitionis, et sanctæ spei. In me grátia omnis viæ et veritátis: in me omnis spes vitæ, et virtútis. Transíte ad me omnes qui concupíscitis me, et a generatióibus meis implémini: spíritus enim meus super mel dulcis, et hæreditas mea super mel et favum. Memória mea in genera-

tiones sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale. Prov. 9. Sapiéntia ædificávit sibi domum, excídit colúmnas septem.

V. Psal. 86. 1. Fundaménta ejus in móntibus sanctis: díligit Dóminus portas Sion super ómnia tabernácula Jacob.



Inítium sancti Evangélii secúndum Matthæum. *Matth. 1.*

Liber generatiónis Jesu Christi filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, et fratres ejus. Judas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea, quæ fuit Uríæ. Sálomon autem genuit Róboam. Róboam autem genuit Abíam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz

In Vigilia Immacul. Conceptionis B. Mariæ Virg.

autem genuit Ezechiam. Ezechias autem genuit Manassen. Manasses autem genuit Amon. Amon autem genuit Josiam. Josias autem genuit Jechoniam, et fratres ejus in transmigratione Babylonis. Et post transmigrationem Babylonis Jechonias genuit Salathiel. Salathiel autem genuit Zorobabel. Zorobabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleazar. Eleazar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocatur Christus.

Offertorium. Cant. 6. Ego dilecto meo, et dilectus meus mihi, qui nascitur inter lilia.

Secreta.

Munera nostra, Domine, apud tuam clementiam Immaculatæ Dei Genitricis commendet oratio: quam ab omni originali labe præservasti, ut dignum Filii tui habitaculum effici mereretur. Qui tecum vivit et regnat.

Præfatio Communis.

Communio. Cant. 6. Quæ est ista quæ progréditur quasi auróra consurgens, pulchra ut luna, electa ut sol, terribilis ut castrorum acies ordinata?

Postcommunio.

Concède, miséricors Deus, fragilitati nostræ præsidium: ut qui Immaculatæ Conceptionis Genitricis unigeniti Filii tui festivitatem prævenimus; intercessionis ejus auxilio a nostris iniquitatibus resurgamus. Per eundem Dominum.

PIVS PP. IX.

AD PERPETVAM REI MEMORIAM.

Quod jampridem ab hac Apostolica Sede communia fidelium vota precesque postulaverant, quodque ad augendam in terris Beatissimæ Genitricis Dei gloriam maxime pertinebat, id Nos tandem divino adflante Spiritu præstitimus, quum sexto Idus Decembris Anni Millesimi octingentesimi quinquagesimi quarti in Patriarchali Basilica Nostra Vaticana frequentissima adstante S. R. E. Cardinalium, et Sacrorum Antistitum corona, pronuntiavimus, declaravimus, ac definivimus: Doctrinam, quæ tenet Beatissimam Virginem Mariam in primo instanti suæ Conceptionis fuisse singulari Dei Omnipotentis gratia et privilegio, intuitu meritorum Jesu Christi Redemptoris humani generis, ab omni originalis culpæ labe præservatam, esse a Deo revelatam, atque idcirco ab omnibus fidelibus firmiter, constanterque credendam. Difficile porro dictu est quanto exinde gaudio perfusi fuerint universi Catholici Orbis Antistites cum Clero suo, nec non Principes viri, ceterique cujuscumque ordinis fideles, quippe qui inflammato studio ducti honore debito prosequendi immaculatam Virginem Genitricem Dei Mariam, majorum exempla æmulati, idipsum novissima hac ætate iteratis precibus ab hac Sancta Sede imploraverant. Nos quidem vix dum ad universæ Ecclesiæ regimen meritis licet imparibus evecti fuimus, id præcipue curavimus ut secundum Ecclesiæ vota ea perageremus quæ ad augendum Deiparæ Virginis cultum pertinerent, utque excellentissimæ illius dotes et collata divinitus privilegia, atque ornamenta fidelium oculis clarius niterentur; quæ de causa novum ecclesiasticum Officium, novamque Missam approbavimus, ut solemnius celebraretur festum Beatissimæ Virginis sine labe originali conceptæ; atque ita arcano Dei consilio non intermissis hujusmodi curis via quodammodo sterna visa est ad solemne edendum decretum, quod de immaculato Deiparæ conceptu memorata die atque anno pronuntiavimus. Verumtamen quoniam necessarium esse novimus ut cum lege credendi lex conveniat supplicandi, idcirco eo curas Nostras convertimus ut novum conderetur Officium cum nova Missa tam in Vigilia, ubi concessa est, quam in Festo Immaculatæ Conceptionis, quibus singula hæc ex ordine recolantur, et faustissimi eventus series futuris in posterum ætatibus innotescat. Jamvero quum hujusmodi

opus ad optatum exitum perductum sit, memoratum Officium, Missamque respondentem, de consilio peculiaris Congregationis Sacrorum Rituum ad id apposite per Nos deputatæ, Auctoritate Nostra Apostolica approbandam existimavimus. Itaque de ejusdem Congregationis consilio, certa scientia, ac matura deliberatione Nostra superius adnotatum Officium, Missamque Officio respondentem, nec non pro locis, ubi est concessa, Missam pro Vigilia Immaculatæ Conceptionis, Auctoritate Nostra Apostolica per præsentem Litteras probamus, eademque Auctoritate præcipimus, ut hoc unice Officium et Missam quicumque de Clero saeculari, et regulari, non exclusis Monialibus, ad Horas Canonicas persolvendas quocumque titulo teneantur, adsumere debeant, Romæ quidem, atque ubi fieri commode possit, hoc ipso anno vertente, alibi vero sequenti anno MDCCCLXIV. sub poena Divini Officii onus minime adimplendi. Nequis vero reputet, peculiari quocumque titulo etiam speciatim designando hujusmodi generali præscriptione minime comprehendendi, Auctoritate Nostra Apostolica abolemus, et proscribimus quodcumque aliud Officium, et quæcumque aliam Missam de Immaculata Conceptione, etiam si sint ritus a Romano diversi, ac licet singulari privilegio concessa fuerint, etiam cuicumque Ordini regulari; ac jubemus, ut in novis editionibus Breviarii et Missalis hoc unice apponatur Officium in corpore. Breviarii, et Missa imprimatur in corpore Missalis die VIII. Decembris; in appendice vero Missalis Missa de Vigilia adjiciatur pro locis, ubi ex Apostolica concessione Vigilia celebratur. Et quoniam nonnullæ regularium familiae ritum servant a Romano diversum, volumus ut ipsæ quantocius exhibere teneantur Congregationi Sacrorum Rituum pro opportuno examine et revisione additiones, aut variationes proprio ritui respondentes. Hæc volumus, jubemus, mandamus, contrariis, speciali licet, atque individua mentione dignis, non obstantibus quibuscumque.

Datum Romæ apud Sanctum Petrum sub Annulo Piscatoris die XXV. Septembris MDCCCLXIII. Pontificatus Nostri Anno Decimotavo.

N. Card. Paracciani Clarelli.

Omnia cum Originalibus concordant. Ratisbonæ die 4. Novembris 1863.

J. M. Reger, Vicarius in Spiritualibus Generalis.

Ratisbonæ. Sumtibus, Chartis et Typis Friderici Pustet, S. Sedis Apostolicæ Typographi.

DIE VIII. DECEMBRIS.

IN FESTO

IMMACULATÆ CONCEPTIONIS
BEATÆ Mariæ VIRGINIS.



Introitus.
Isaïæ 61.

Audens
gaudébo in
Dómino, et
exsultábit
ánima mea
in Deo meo:
quia induit
me vesti-
méntis sa-
lútis: et induménto
justítiæ circúmdedit
me, quasi Sponsam
ornátam monílibus
suis.

Psal. 29. Exaltábo
te Dómine, quóniam
suscepísti me: nec
delectásti inimícos
meos super me.

V. Glória Patri.

Oratio.

Deus, qui per Im-
maculátam Vir-
ginis Conceptionem dignum Fílio
tuo habitáculum præparásti: quæ-
sumus; ut qui ex morte ejúsdem
Fílii tui prævísa eam ab omni labe
præservásti, nos quoque mundos
ejus intercessióne ad te pervenire
concédas. Per eúndem Dóminum
nostrum Jesum Christum. Fílium
tuum: Qui tecum vivit et regnat
in unitáte Spíritus sancti Deus: per
ómnia sácula sæculórum.

R. Amen.

Et fit commemoratio Feriæ.

Léctio libri Sapiéntiæ.

Prov. 8.

Dominus possédit me in initio
viárum suárum, ántequam
quidquam fáceret a princípío. Ab
ætérno ordináta sum, et ex anti-
quis, ántequam terra fieret. Non-
dum erant abyssi, et ego jam con-
cépta eram: necdum fontes aquá-
rum erúperant: necdum montes
gravi mole constíterant: ante col-
les ego parturiébar: adhuc terram
non fécerat, et flúmina, et cárdines
orbis terræ. Quando præparábat
celos, áderam: quando certa lege
et gyro vallábat abyssos: quando
æthera firmábat sursum, et librá-
bat fontes aquárum: quando cir-
cúmdabat mari términum suum, et
legem ponébat aquis, ne transírent
fines suos: quando appendébat
fundaménta terræ. Cum eo eram
cuncta compónens; et delectábar
per síngulos dies, ludens coram eo
omni témpore; ludens in orbe ter-
rárum: et delíciæ meæ esse cum
filiis hóminum. Nunc ergo filii
audíte me: Beáti qui custódiunt
vias meas. Audíte disciplínam, et
estóte sapiéntes, et nolíte abjícere
eam. Beátus homo qui audit me,
et qui vígilat ad fores meas quotí-
die, et obsérvat ad postes óstii mei.
Qui me invénerit, invéniet vitam,
et háuriet salútem a Dómino.

Graduale. Judith. 13, 25. Bene-
dícta es tu, Virgo María, a Dómino
Deo excélso, præ ómnibus muliéri-
bus super terram.

In Festo Immacul. Concept. B. Mariæ Virg.

V. Ibid. Tu glória Jerúsalem, tu lætítia Israël, tu honorificéntia pó-
puli nostri. **Allelúja, allelúja.**

V. Cant. 4. 7. Tota pulchra es, Ma-
ría: et mácula originális non est in
te. **Allelúja.**

In Missis votivis post Septuag.,
omissis Allelúja et V. sequ., dicitur

Tractus. Psal. 86. 1. Fundaménta
ejus in móntibus sanctis: diligit
Dóminus portas Sion super ómnia
tabernácula Jacob.

V. Ibid. Gloriósa dicta sunt de te,
Cívitas Dei.

V. Ibid. Homo natus est in ea, et
ipse fundávit eam Altíssimus.

**Tempore Paschali omittitur Gra-
duale, et ejus loco dicitur:**

Allelúja, allelúja.

V. Tu glória Jerúsalem, tu lætítia
Israel, tu honorificéntia pó-
puli nostri. **Allelúja.**

V. Tota pulchra es, María: et
mácula originális non est in te.
Allelúja.

**Sequéntia sancti Evangélíi se-
cúndum Lucam. Luc. 1.**

IN illo témpore: Missus est An-
gelus Gábriel a Deo in civitá-
tem Galilææ, cui nomen Názareth,
ad Vírginem desponsátam viro,
cui nomen erat Joseph, de domo
David, et nomen Vírginis María.
Et ingressus Angelus ad eam dixit:
Ave, grátia plena: Dóminus tecum:
benedícta tu in muliéribus.

**Credo. quod dicitur per totam
Octavam.**

Offertorium. Luc. 1. Ave María,
grátia plena: Dóminus tecum: be-
nedícta tu in muliéribus. **Allelúja.**

Secreta.

SAlutárem Hóstiam, quam in
solemnitáte Immaculátæ Con-
ceptiónis Beátæ Vírginis Mariæ tibi,
Dómine, offérimus, súscipe, et præ-
sta: ut sicut illam tua grátia præ-
veniéntē ab omni labe immúnem
profitémur; ita ejus intercessióne a
culpīs ómnibus liberémur. Per Dó-
minum nostrum Jesum Christum
Fílium tuum.

Præfatio de Beata Maria Virgine.
Et te in Conceptióne Immaculáta.
Et dicitur per totam Octavam,
etiam in Festis infra eam occur-
rentibus.

Communio. Gloriósa dicta sunt de
te, María: quia fecit tibi magna qui
potens est.

Postcommunio.

SAcraménta quæ sumpsimus,
Dómine Deus noster: illíus in
nobis culpæ vúlnera réparent; a qua
Immaculátam Beátæ Mariæ Conce-
ptiónem singuláriter præservásti.
Per Dóminum nostrum Jesum Chri-
stum Fílium tuum: Qui tecum vivit
et regnat in unitáte Spíritus sancti
Deus: per ómnia sæcula sæculórum.
R. Amen.



Die 27. Aprilis.

B. PETRI CANISII, CONFESSORIS.

INTROITUS. Psalmus 91.



Ustus ut palma florébit, sicut cedrus Líbani multiplicábitur: plantátus in domo Dómini, in átriis domus Dei nostri. (Allel., allel.)

Psalm. *ibid.* Bonum est confitéri Dómino: et psállere nómini tuo, Altíssime.

¶ Glória Patri... Justus...

ORATIO.

(Juxta Decret. noviss. S. R. C. dd. 8. Junii 1865.)

Deus, qui ad tuéndam cathólicam fidem beátum Petrum Confessórem tuum virtúte et doctrína roborásti: concéde propítius; ut ejus exémples et mónitis errántium corda ad salútem resipíscant, et fidélium mentes in veritátis confessióne perseverént. Per Dóminum nostrum Jesum Christum Fílium tuum; Qui tecum vivit et regnat in unitáte Spíritus sancti Deus: Per ómnia sæcula sæculórum. *R.* Amen.

Léctio Epístolæ beáti Pauli Apóstoli ad Corínthios. *1. Cor. 4. b.*

Fratres, Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes mánibus nostris: maledícimur, et benedícimus: persecutióne pátimur, et sustinémus: blasphemámur, et obsecrámus: tamquam purgaménta hujus mundi facti sumus, ómnium peripséma usque adhuc. Non ut confúndam vos, haec

scribo, sed ut fílios meos charíssimos móneo: in Christo Jesu Dómino nostro.

GRADUALE. Psalm. 36. Os justí meditábitur sapiéntiam, et lingua ejus loquétur judícium.

¶ Lex Dei ejus in corde ipsíus: et non supplantabúntur gressus ejus.

Per annum add. Allelúja, allelúja.

¶ Psalm. 111. Beátus vir, qui timet Dóminum: in mandátis ejus cupit nimis. Allelúja.

Post Septuagesimam, omissis Alleluja et Versu sequenti, dicitur

TRACTUS. Psalm. 111. Beátus vir, qui timet Dóminum: in mandátis ejus cupit nimis.

¶ Potens in terra erit semen ejus: generátio rectórum benedicétur.

¶ Glória et divítiae in domo ejus: et justítia ejus manet in sæculum sæculi.

Tempore Paschali omittitur Graduale, et ejus loco dicitur:

A llelúja, allelúja.

¶ *ibid.* Beátus vir, qui timet Dóminum: in mandátis ejus cupit nimis. Allelúja.

¶ Osee 14. Justus germinábit sicut lílium: et florébit in aetérnum ante Dóminum. Allelúja.



Sequéntia sancti Evangélii secúndum Lucam.

Lucæ 12. d.

IN illo témpore: Dixit Jesus discíplis suis: Nolíte timére, pusíllus grex, quia complácuit Patri vestro dare vobis regnum. Véndite, quæ possidétis, et date eleemósynam. Fácite vobis sácculos, qui non veteráscunt, thesáurum non deficiéntem in cœlis: quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

OFFERTORIUM. Psalm. 20. In virtúte tua, Dómine, laetábitur justus, et super salutáre tuum exsultábit vehe-

ménter: desidérium ánimae ejus tri-
buísti ei. (Allelúja.)

SECRETA.

Sanctífica, miséricors Deus, haec
múnera, et praesta: ut sicut Uni-
génitus tuus holocáustum pro nobis
fieri dignátus est; ita beáti Petri Con-
fessóris exémplo nos júgiter exhibe-
ámus tibi hóstiam laudis. Per eúm-
dem Dóminum nostrum Jesum Chri-
stum Fílium tuum; Qui tecum vivit et
regnat in unitáte Spíritus sancti Deus:
Per ómnia saécula saeculórum.

R. Amen.

COMMUNIO. Matth. 19. Amen dico vo-
bis, quod vos, qui reliquistis ómnia et
secúti estis me, céntuplum accipiétis,
et vitam aetérnam possidébitis. (Allel.)

POSTCOMMUNIO.

Sacrificium, Dómine, quod in honó-
rem beáti Petri Confessóris obtú-

limus: fidem nostram, spem et cari-
tátem adáugeat; atque Ecclésiám tu-
am nova semper prole laetíficet. Per
Dóminum nostrum Jesum Christum
Fílium tuum; Qui tecum vivit et reg-
nat in unitáte Spíritus sancti Deus:
Per ómnia saécula saeculórum.

R. Amen.

MISSA VOTIVA

De Immaculata Conceptione B. M. V.

(Juxta Decret. noviss. S. R. C. dd. 16. Sept. 1865.)

Dicitur Missa: Gaudens gaudébo...
ut in Festo, die 8. Decembris, fol. 320.
In SECRETA vero dicitur: Salutárem
Hóstiam, quam in commemoratióne
Immaculatae Conceptionis...

Praefatio de B. M. V. Et te in Con-
ceptione Immaculata...



Bayerische
Staatsbibliothek
MÜNCHEN

CAMPODUNI.

EX TYPOGRAPHIA OLIM DUCALI, NUNC J. KESSELIANA.

MDCCCLXVI.

1.
Missae propriae

S N N C S C R H M

Dioecesis Augustanae

Festa Decembris

III Decembr.

S. Lucii Regis, Conf.

Missae. Os justi

Oratio:

Deus, qui beatum Lucium
Confessorem tuum, de terreno
regno, ad coelestis regni gloriam
transtulisti: ejus quaesumus
meritis et intercessionem, Re-
gis regum Jesu Christi Fi-
lii tui facias nos esse con-
sortes. Per eundem.

Secreta.

Praesta quaesumus omni-
potens Deus: ut sicut beatus

Lucius Confessor tuus, spretis
mundi oblectamentis, soli Re-
gi Christo placere studuit: ita
ejus oratio nos tibi reddat ac-
ceptos. Per eundem....

Postcommunio.

Deus, qui beatum Confessorem
tuum Lucium mirificasti in
terris, et gloriosum in coelis
fecisti: eundem quaesumus
Ecclesiae tuae constitue defen-
sorem. Per Dominum....

IV. Decembr.

S. Barbarae Virg. et Mart.

*Missae. Loquebar. De Com-
muni Virg. et Mart.*

XIII Decembr.

S. Ottiliae Virg.

Oratio.

Deus illuminator omnium Gen-
tium, qui mira opera in virtu-
te b. Ottiliae virginis tuae demon-
strasti: quaesumus immensam
elementiam tuam, ut sicut ipsi-
us nativae coecitatis tenebras
effugasti, ita nobis ejus precibus
et meritis tempore lumen et
aeternitatis gloriam largiaris.

Per Dominum...

Secreta.

Munera tibi Domine ser-
vitutis nostrae offerimus, in
b. virginis Ottiliae festivitate de-
precantes, ut, qui ei dedisti gra-
tiam Spiritus sancti, eandem
cordibus nostris elementer in-
fundere digneris. Per Domi-
num... in unitate ejusdem.

Postcom.

Adjuvent nos quaesu-
mus Domine, haec myste-
ria sancta, quae sumpsimus:
et intercedente beata Ottilia

virgine tua, a cunctis errori-
bus cavant, et ad aeterna
gaudia perdurant. Per...

XVI Decembr.

S. Adelhaidis Viduae

*Missa Cognovi de Com-
muni.*

XVII Decembr.

Omnia S. S. Martyrum.

Oratio.

Deus qui nos annua
omnium ss. Martyrum.

*De Missa Salus pagina XI,
et additur omnium; et in
Secreta et Postcom. omnibus.*

Festa Januarii.

VIII Januar.

S. Erhardi Episcop. et Conf.
Missa. Statuit.

XVII Januar.

S. Speusippi et Soc. MM.

*Oratio. Deus, qui nos an-
nua de Comuni plur.*

Mart. pag. XI.

Festa Februarii

I. Februar.

S. Brigidae Virg.

Oratio. Exaudi nos Deus
de Cōm Virg. tantum.

III. Febr.

S. Blasii Episc. et Mart.

Missa Sacēdotes de Cōmune
unius Mart. Pont.

VI. Febr.

S. Erhardi C. P.

Missa Statuit.

IX Febr.

S. Raymundi de Penafort, C.
pag. 341.

XIII Febr.

S. Catharinae de Præcis, Virg.

Missa. Dilexisti.

Oratio

pag. XCV.

XXI. Febr.

B. VII Fundator. Ord. Ser. B. V.

Introitus: Iustus ut palma
et

religiosa de Cōmune pag. XVIII,
praeter sequentia:

Oratio.

Domine Iesu Chr., qui
in jugem memoriam
dolorum sanctissimae tuae
genitricis per VII. beatos
patres nova servorum ejus
familia Ecclesiam tuam
foecundasti: concede no-
bis famulis tuis in hac
lacrymarum valle degen-
tibus ita ejusdem moes-
tissimae Matris socios
cum ipsis esse passionum
in terris, ut perpetuae con-
solationis consortes fi-
eri mereamur in coe-
lis. Qui vivis.....

Epistola Fratres, quae mi-
hi pag. 333

In Postcomunione
additur: intercedentibus
beatis VII. Patribus per haec
contra.

XXVI. Febr.

S. Dionysii I. Ep. Aug. et Mart.

Missa Statuit.

Feria in Quadagesima.

De Corona Spinea L. R. V. Ch.

Intritus

Humiliavit pag CIII. et reliqua praeter sequentia:

Oratio

Deus: qui Unigenitum tuum in passione sua spinea Corona decorari, et Regem adorari voluisti: da nobis quaesumus: ob quam venerationem sacrae illius spineae Coronae in coelesti ejus regno coronam gloriae suae, et Regis aeternae Majestatem perpetuo contempleri. Per eundem.

Lectio

Lectulum pag XCIX.

Evangelium.

Apprehendit Pilatus, item

Secreta et Postcom pag C.

Sicut etiam dicere Missam uti est pag XCIX.

Festa Martii

De Vulneribus S. N. I. Ch.

Missae inter festa ex indulto.

X. Mart.

Conversio S. Mariae Magdal.

Missae ut in festo 22 Julii. Sed omissa Alleluja die. Tractus Veni sponsa ex Comun. nec Virginei Mart.

Oratio.

Beatae Mariae Magdalenae quaesumus Domine, suffragiis adjuvemur: ut qui conversionis ejus memoriam agimus; ipsius exemplo, peccatorum nostrorum maculas, per contritionis lacrymas abluere, et fructus dignos poenitentiae facere valeamus. Per

XIII. Mart.

S. Cyrilli et Methodii C. P. P.

Missae.

Sacerdotes pag XIV

Oratio.

Omnipotens sempiterne Deus: qui nos per beatos Pontifices et Confessores tuos Cyrillum et Methodium ad unitatem fidei christianae vocare dignatus es; presta quaesumus, ut qui praesentium eorum festivitate laetamur,

ipsorum etiam meritis gloriam consequi mereamur aeternam. Per....

Secreta et Postcom. dicuntur in numero plurali, et adduntur nomina Cyrilli et Methodii.

XVII Mart.

S. Gertrudis Virg.

Missa. Dilexisti.

Oratio.

Deus, qui cuncta conspicias, et tuae virtutis potentia gubernas: exaudi preces nostras, quas in sanctae virg. tuae Gertrudis solemnitate deferimus, ut ejus precibus pariter, et meritis ab omnibus protegamur adversis. Per....

Secreta

Haec tibi libamina, Domine Pater omnipotens, offerentes exoramus, ut intercessione beatae virg. tuae Gertrudis, hostiam tibi nos facere digneris acceptam. Per.

Postcom.

Per hujus sancti mysterii

participationem, supplices Domine misericordiam tuam imploramus: ut in ejus solemnitate haec tibi obtulimus, auxilium sentiamus. Per....

Feria II. post Fest. S. S. Trinitatis.

Pretiosissimi Sanguinis S. N. I. Ch.

Missa. Redemisti pag. CIII.

Festa Aprilis

Dominica III post Pasch.

Patrocinium S. Joseph.

Inter festa ex Indulto.

Feria V post. Dominica IV. a Pasch.

Translatio S. Aldabici C. P.

Missa. Sacerdotes de Comuni.

Oratio.

De quaesumus omnipotens Deus: ut translationis b. Aldabici Confess. tui atque Pontif., veneranda solemnitas, et devotionem nobis augere, et salutem. Per...

Secreta.

Haec munera quaesumus Domine, elementer suscipe, et intercedente

B. Aldabro Confess. tuo atque
Pont. nobis salutaria esse con-
cede. Per...

Pascem.

Gustu salutaris hostiae re-
creati, omnipotentiam tuam
Semine suppliciter exoramus:
ut intercedentibus S. Aldabro
Conf. tui atque Pont. meritis,
nos interius et exterius ab omni
adversitate custodias. Per...

XX. April.

S. Sulpitii et Serviliani M.M.
Missae Salus autem.

S. Pasch.
Miss. Protexisti.

XXIII Apr.

S. Fidelis a Sigm. M.
In Missali pag 376.

XXIV Apr.

S. Georgii Martyr:
In Missali

Festa Maji.

I Maji.

Comemoratio S. Walburgae
Virg.

Virginis
Oratio Exaudi nos Deus de
Comuni Virg. tantum.

X Maji.

Comem. S. Guarti et Quinti
M.M.

Oratio Deus, qui nos annua.

XI Maji.

Miraculoso Sacramento
Missae Cibavit, ut in Miss.
votiv.

XVI Maji.

S. Joannis Nepomuc. M.
Missae inter f. ex Indulto: Le-
dit mihi Dominus.

S. Paschalis Baylon Conf.
pag. 390.

S. Albaldi C. P.
pag. 390

Festa Junii

II Junii

S. S. M. M. Marcellini, Petri
et Erasmi

Miss. ^{Sancti tui} Protexisti. Oratio Deus
qui nos beati.

Extra S. P. ^{clamaverunt pag 396.} Sacerdotes.

V Junii

*S. Bonifacii Episc. et M.
Miss. Protexisti. Oratio:
Deus qui nos beati
Extra T. P. Sacerdotes.*

XV Junii

*S. M. M. Viti, Modesti & C.
Missae ut in Missali.*

XXII Junii

*S. X Mill. Martyr.
Missae Intret
Or.*

Praesta quaesumus omni-
potens Deus: ut qui gloriosos
martyres fortes in sua confessi-
one cognovimus; pios apud
te in nostra intercessione
sentiamus. Per.....

XXV Junii

*S. Guiljelmi Abb.
In Missali*

XXVIII Junii.

*S. S. VII. Dormientium Mart.
Intret. Oratio
Praesta quaesumus, ut in
fest. X Mill. M., supra XXII Junii*

XXIX Junii

Commemor. omnium S. Apostolor.

Orationes

*ut in festo Simonis et Iudae, dele-
tis nominibus Sim. et Iuda. pag. 503.*

Festa Julii.

IV. Julii.

S. Aldabrigi C. P.

Missae: Statuit pag. XIII.

Oratio.

Deus, qui conspicias, quia ex nulla
nostra virtute subsistimus: con-
cede propitius; ut intercessione B.
Aldabrigi C. tui atque Pont., con-
tra omnia adversa muniamur.

Per... *Secreta:*

*Haec munera quaesumus Domi-
ne, clementer suscipe, et intercedente
B. Ald. Conf. tuo atque Pont., nobis salu-
taria esse concede. Per...*

Postcom.

Gustu salutaris hostiae recreati, om-
nipotentiam tuam Domine, suppli-
citer exoramus: ut intercedentibus S.
Aldabrigi Conf. tui atque Pont. meri-
tis; nos interiorius et exteriorius ab omni
adversitate custodias. Per...

VII Julii

S. Wilibaldi C. P.
Miss. Sacerdotes.

VIII Julii.

S. S. Chilian Episc. et Sc. MM.
Miss. Sapientiam.

Eodem die.

S. Elisabeth, Reg. Vid.
In Missali.

XV Julii.

Divisio Apostolorum

Miss. Mihi autem pag. XXXIII.

Oratio.

Deus, qui in tuorum divisio-
ne Apostolorum, gentium multi-
tudinem in unitate fidei, ad
cognitionem tui S. Nominis con-
vocasti: quaesumus, aures tuae
pietatis sanctae matris Ecclesiae
precibus inclina, et praesta, ut
quorum praedicationis instantia
te cognovimus, horum obtentu
in confessione veritatis tuae fide-
liter, firmiterque maneamus. Per.

Epistola.

Frates, Corde pag. 319.

Sequentia S. Ev. secund. Luc.

*In illo tempore: Convocatis
Jesus XII. Apostolis, dedit illis
virtutem et potestatem super
omnia daemonia, et ut lan-
guores curarent. Et misit illos
praedicare regnum Dei, et
sanare infirmos. Et ait ad il-
los: Nihil tuleritis in via,
neque virgam, neque peram,
neque panem, neque pecuni-
am, neque duas tunicas ha-
beatis. Et in quamcunque
domum intraveritis, ibi
manete, et inde ne exeatis.
Et qui cumque non receperint
vos: exeuntes de civitate illa,
etiam pulverem pedum
vestrorum exutite in tes-
timonium super illos.
Egressi autem circuibant
per castella evangelizan-
tes, et curantes ubique.*

Secreto.

*His, quaesumus, Domine
hostis Apostolicae gratiae
nobis dignitas cooperetur, ut
quod illorum debetur sacro-
sanctae*

emissioni, nostrae proveni-
at fragilitati. Per....

Postcom.

Sumtis Domine donis tuis,
in divisione S. Apostolorum
quaesumus; ut sicut illorum
fidei vocatione, gentium di-
versitatem in unam S. Trini-
tatis fidem accendisti: Ita
eorum nobis obtentu, tua faci-
as prodesse sacramenta. Per....

XVIII Julii

S. Henrici Imperat. C.

In Missali.

XX Julii

S. Hieronymi Aemil. C.

In Missali.

XXIV Julii

S. Margaritae V. et Mart.

Miss: Me exspectaverunt.

XXI Julii

S. Camilli De Lellis C.

In Missali.

XXVII Julii

S. Christophori Mart.

*Miss: In Virtute. Evang: Si quis
venit ex Miss. Statuit.*

Festa Augusti.

V. Aug.

Comem. S. Oswaldi Reg. M.

Cr.

Omnipotens sempiterne Deus,
qui hujus diei jurandam, bea-
tamque laetitiam in S. Mart.
tui Oswaldi solemnitate conse-
crasti: da cordibus nostris tui
amoris augmentum, ut cujus in
terris festa celebramus, illius in
coelo patrocinia sentiamus. Per.

Secretu.

Oblata Domine munera, quae
in S. Osw. solemnitate, tuae Majo-
rati deferimus, benignus assume,
qui semetipsum vivam ferit hostiam,
et praesta quaesumus, ut quod nos-
tra conscientia non praesumit,
ejus, qui tibi jam fideliter servioit,
interveniente auxilio consequi me-
reamur. Per.

Postcom.

Da nobis quaesumus omnipotens
Deus: ut qui S. Osw. festivitate, tua
sancta laetantes percepimus; ejus in-
terventionem sint nobis arma fortissi-
ma, ad evacuanda insidiantis ig-
nita jacula inimici. Per....

Eodem die.

SS. Afri et aliorum M.M.

Miss. Intret.

Oratio

Omnipotens sempiternus Deus, qui primordia hujus Ecclesiae tuae B. Afri, et aliorum M.M. tuorum sanguine instituisse, et decorare voluisti: concede propitius; ut qui eorum confessione gloriosa laetamur, ipsis intercedentibus perpetuam in tua fide constantiam liberis mentibus sectari valeamus.

Per....

Secreta.

Munera tibi Domine, nostrae devotioni offerimus; quae et pro tuorum tibi grata sint honore justorum, et nobis salutaria te miserante reddantur.

Per....

Postcom.

Quaesumus.

VII. August.

S. Afrae M. Patr. Aug.

Miss. Me expectaverunt de Com. Mart. non Virg.

Oratio

Oratio.

Concede misericors Deus: ut B. Afra, quae martyrii promeruit palmam; intercessionibus suis, et praesentis vitae nobis remedia conferat, et aeternam salutem. *Per....*

Secreta.

Accipe quaesumus Domine, munera dignanter oblata; et B. Afrae martyr tuae suffragantibus meritis, ad nostrae salutis auxilium provenire concede. *Per....*

Postcom.

Quaesumus, Domine Deus noster, ut sacrosancta mysteria, quae pro reparationis nostrae munimine contulisti: intercedente B. Afra. martyr. tua, et praesens nobis remedium esse facias et futurum. *Per....*

Eodem die.

S. Cajetani Conf.

In Missali.

XII. Aug.

SS. Hilariae et Sciar. M.M.

Miss. Me expectaverunt de Com. Mart. non Virg.

Oratio.

Deus, qui nobis hanc solem-

nitatem per passionem S. Mar-
tyrum tuarum Hilariae, Dig-
nae, Eunomiae et Eutropiae con-
secrasti; de quo esumus, ut ea-
rum intercessione a peccatis libera-
ti, vitam aeternam consequi me-
reamur. Per...

Secreta.

Sacrificium Domine, quod de-
sideranter tuae majestati offeri-
mus, gratum tibi B.B. Martyrum
tuarum merita efficiant. Per...

Postcom.

B.B. martyrum tuarum Hilari-
ae, Dignae, Eunomiae atque Eu-
tropiae Domine confisi suffra-
giis exoramus: ut per haec sanc-
ta, quae sumpsimus, coelesti nos
virtute defendas. Per....

Octava S. Laurentii

In Missali X Aug.

Festa Septembris

I. Septbr.

S. Agidii Abbat.

Miss. Os justi.

VI Sept.

S. Magni Abbat.

Miss. Os justi.

XIII Sept.

In Tricesimo Assumpt. B. V. M.

Missae ut in Festo Assumptionis.

XVII Sept.

Comemor. S. Lamberti Episc. M.

*Oratio: Deus, qui nos ex Missa
Sacerdotes.*

XXII Sept.

S. Mauritii et socior. Mart.

Miss. Intret.

XXIII Sept.

S. Thelae Virg. Mart.

In Missali

XXVIII Sept.

Levatio Eccles. Cathedr. August.

Missae. Terribilis de Comuni.

Festa Octobris

X Octobr.

Comemor. S. Gereonis et socior. M.

*Oratio. Deus, qui nos annua ex
Missae Salus autem.*

XIII Octobr.

*S. Symberti C. Pont.**Miss. Statuit.**Oratio*

Deus, qui nobis B. Symberti Conf. tui atque P. gloriosa merita virtutibus, et miraculis evidenter declarasti: da nobis ejus patrocinio salutem mentis et corporis, ut ipsius exempla sequentes, a malis omnibus liberati, ad te feliciter pervenire mereamur. Per....

XVI Octob.

*S. Galli Abbat.**Miss. Os justi*

XXI Octb.

*S. Ursulae et Sociarum Car. M.**Miss. Loquebar pag. XX.**Oratio*

Da nobis quaesumus Domine Deus noster, sanctarum Virg. et Martyrum tuarum Ursulae et Sociarum ejus, palmas incessabili devotione venerari: ut quas digna mente non possumus celebrare; humilibus saltem frequentemus obsequiis. Per....

*Lectio: Fratres, De virginibus pag. XXIV.**Secreta*

Intende, quaesumus Domine munera altaris tuis pro sanctarum virg. et mart. tuarum Ursulae, et sociarum ejus, festivitate proposita: ut, sicut per haec beata mysteria illis gloriam contulisti, ita nobis indulgentiam largiaris. Per....

Posteom.

Praesta quaesumus Domine, intercedentibus sanctis Virg. et mart. tuis: ut quod ore contingimus, pura mente capiamus. Per....

XXIV Octob.

*S. Raphaelis Archangel.**In Missali.*

XXVI Octobr.

*Conversio S. Aegae M.**Miss. Me expectaverunt de Com. unius Mart. non Virg.**Oratio.*

Concede quaesumus omnipotens Deus: ut B. martyr Aegae,

eius diem conversionis hodie celebramus, pro peccatis nostris apud te veniam imploret, ut sicut illa praedicationibus S. Narcissi credidit, sic et nos tuis praeceptis, per intercessionem ejus semper fac obedire. Per...

Secreta.

Propitiare Domine supplicationibus nostris, et has oblationes, quas tibi in Conversione S. N. N. tuae offerimus benignus assume; ut nullius sit contempta postulatio, sed a te quoesumus Domine sit exaudita S. martyr N. N. et hoc apud te nobis suis meritis obtineat. Per...

Postcom.

Praesta nobis quoesumus Domine, aeternae salvator, ut haec salutaris medicina, quae per corpus et sanguinem tuum a nobis indignis est assumpta, vitia cordis nostri compescat: ut in charitate tua simus firmati, et nullis tentationibus per suffragia S. N. N. Mart. tuae a via veritatis retrahamur. Quicum Deo Patri et Spir. S. vivis et regnas Deus, per omnia...

XXVII. Octob.

S. Gualfardi Conf.

Miss. Iustus ut palma.

XXIX Octb.

S. Narcissi Episc. M.

Miss. Sacerdotes.

Oratio.

Majestatem tuam Domine suppliciter exoramus: ut sicut Ecclesiae tuae Augustanae B. Narcissus extitit praedicator et rector, ita apud te sit pro nobis perpetuus intercessor. Per...

Secreta.

Sacrificium nostrum tibi Domine, quoesumus, B. Narcissi precatio sancta conciliet: ut in cuius honore solemniter exhibitum, ejus meritis efficiatur acceptum. Per...

Postcom.

Sumpsimus Domine, divina mysteria B. Narcissi festivitatem lactantes, quae sicut tuis sanctis ad gloriam, ita nobis ad veniam prodesse perficias. Per...

XXXI. Oct.

S. Wessgangi C. P.

In Missali.

Festa Novembris.

II Novemb.

S. Benigni Presbyt M.
In virtute
Miss. Intret pag IV.

VI Novemb.

S. Leonardi Abbat.
Miss. Es justi.

XIII Nov.

S. Stanislai Kostkæ, Conf.
In Missali.

XV Nov.

S. Gertrudis Virg.
In Missali.

XVI Nov.

S. Othmari Abbat.
Miss. Es justi.

Oratio.

Quæsumus omnipotens Deus, ut B. Othmari Abb. sancta precatio, et a terrenis nos affertibus incessanter expediat, et cælestia desiderare perficiat. Per.

Secreta.

Offerimus tibi Domine precæs et munera, quæ ut tuo sint digna conspectu, B. Othmari

Conf. tui, cuius hodie festa celebramus, obtentu, unum mereamur obtinere auxilium. Per...

Postcom.

Ut nobis Domine, tua sacrificia dent salutem: B. Conf. tuus Othmarus, quæsumus precatore accedat. Per...

XVI Nov.

S. Comrodi C. P.
Miss. Sacerdotes.

XV Nov.

S. Leopoldi March.
In Missali.

Festum Novum.

S. Titi Conf. Pont. 28 Jan.
Missæ. Statuit.

Oratio.

Deus, qui B. Titum, Conf. tuum atque Pont. apostolicis virtutibus decorasti: ejus meritis et intercessione concede, ut juste et pie viuentes in hoc sæculo, ad cœlestem patriam pervenire mereamur. Per.

Evangel. Designavit, ut in fest. S. Marci 25 April.

Index

Proprii Augustani.

A.

Adelhardis vid. 2.
 Regidū Abb. 11
 Agae M. 10.
 " Conversio 12.
 Afri et Sor. Mm. 10
 Apolloniae V. M.

B.

Barbarae V. M. 1.
 Benigni M. 14
 Blasii C. M. 3
 Bonifacii C. M. 7
 Brigidae V. 3.

C.

Cajetani C. 10
 Camilli de Sallus C. 9
 Catharinae de Rivo V. 2.
 Chilian et Sor. Mm. 8
 Christophori M. 9
 Conradi C. P. 14
 Coronae Spinae 4
 Cyrilli et Methodii C. P. 4
 Conversio S. Magdal. 4

D.

Decem Mm. Mm. 4
 Dedicatione Eccles. August. 11
 Dignae et Sor. 10
 Dionysii P. M. 3.
 Divisio Apostol. 8

E.

Elisabetha Vid. 8
 Erhardi C. P. 2.

F.

Fidelis a Sigm. M. 6

G.

Galli Abb. 12.
 Georgii M. 6

Gerconis et Sor. Mm. 11
 Gertrudis V. 14. 5.
 Gualfardi C. 13.
 Guilielmi 7

H.

Henrici Imp. C. 9
 Hieronymi Semil. 9
 Hilari et Sor. 10
 Ioannis Nepom. 6

L.

Lamperti P. M. 11.
 Leonardi Abb. 14
 Leopoldi March. 14
 Luciae V. M.
 Luitpoldi Reg. 1.

M.

Magni Abb. 11
 Mariellini et Sor. Mm. 6
 Margaritae V. M. 9
 Maritimi et Sor. Mm. 11
 Miraculosis Sacramenti. 6

N.

Narcissi P. M. 13.

O.

Omnium 13 Apostolorum 14
 " Martyrum 2.
 Oswaldi Reg. M. 9
 Ottiliae V. 2.
 Othmari Abb. 14.

P.

Paschalis Bayl. 6
 Patrocinium S. Joseph. 5
 Petri et Sor. Mm. 6
 Pretiosiss. Sanguinis S. M. I. Chr. 5.

Q.

Quarti et Quinti Mm. 6
 Quinque Vuln. 4.

R.

Raphael Archang. 12.
 Raymundi de Pezaf. C. 3.

S.

Septem Tormentum Mm. 4.
 " Fundator Ord. 3.
 " Perorum B. M. V. 6
 Simperti C. P. 12
 Speusippi et Sor. Mm. 2.
 Stanislai Hostiae C. 14
 Sulpitii et Servil. Mm. 6

T.

Theclae 11
 Translatio S. Udalrici 5.
 Triduum Assumpt. B. M. M. 11

U. V. et W.

Uldi C. P. 6
 Udalrici C. P. 4
 Viti et Sor. Mm. 7
 Ursulae et S. Mm. 12
 Walburgae V. 6
 Willibadi C. P. 8
 Wolfgangi C. P. 13

[Faint, illegible handwriting, likely bleed-through from the reverse side of the page. The text is arranged in several horizontal lines across the page.]



Missale Romanum ex decreto Sacrosancti Concilii Tridentini restitutum, S.
Pii V. Pontificis Maximi iussu editum, Clementis VIII. et Urbani VIII.
auctoritate recognitum Ed. novissima ad ex. romanum anni 1842 accurate
expressa, mendis diligenter sublatis, novis interim et ab 5. Apostolica
Sede approbatis festis aucta, novis item initialibus literis et imaginibus

Ratisbonae 1852

2 Liturg. 450 s

urn:nbn:de:bvb:12-bsb10496511-8